


Lataiqui' loya'apa
ite al c'a
lixpic'epa LanDios



New Testament in Chontal, Highland Oaxaca (MX:chd:Chontal,
Highland Oaxaca)

Lataiqui' loya'apa ile al c'a lixic'epa LanDios

New Testament in Chontal, Highland Oaxaca

(MX:chd:Chontal, Highland Oaxaca)

copyright © 1991 Wycliffe Bible Translators, Inc.

Language: Chontal, Highland Oaxaca

Translation by: Wycliffe Bible Translators, Inc.

Chontal, Sierra de Oaxaca [chd], Mexico

Copyright Information

© 1991, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chontal, Highland Oaxaca

© 1991, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files dated 30 Dec 2021

6400fb6e-80e3-5cbe-8b37-1a879c9db6c6

Contents

San Mateo	1
San Marcos	80
San Lucas	127
San Juan	210
Los Hechos	273
Romanos	353
1 Corintios	391
2 Corintios	426
Gálatas	449
Efesios	462
Filipenses	476
Colosenses	485
1 Tesalonicenses	494
2 Tesalonicenses	502
1 Timoteo	507
2 Timoteo	518
Tito	525
Filemón	530
Hebreos	532
Santiago	559
1 Pedro	568
2 Pedro	579
1 Juan	585
2 Juan	594
3 Juan	596
Judas	598
Apocalipsis	602

LATAIQUI' LINIŁPA SAN MATEO LOYA'APA İLE AL C'A LIXPIC'EPA LANDIOS

¹ Jifa'a ihniya iłpuftine litatahueló Jesucristo İecui'impá İi'hua cal rey David: Abraham itatahuelo David.

² Abraham i'ailli' Isaac.

Isaac i'ailli' Jacob.

Jacob i'aili' Judá jouc'a lipimaye.

³ Judá i'aili' Fares y Zara, qui'máma' ihniya cuftine Tamar.

Fares i'ailli' Esrom.

Esrom i'ailli' Aram.

⁴ Aram i'ailli' Aminadab.

Aminadab i'ailli' Naasón.

Naasón i'ailli' Salmón.

⁵ Salmón i'ailli' Booz. Qui'máma' Booz cuftine Rahab.

Booz i'ailli' Obed. Qui'máma' Obed cuftine Rut.

Obed i'ailli' Isaí.

⁶ Isaí i'ailli' cal rey David.

David i'ailli' Salomón. Qui'máma' Salomón iłque İaca'no' ate'a ilecopa cal xans Urías.

⁷ Salomón i'ailli' Roboam.

Roboam i'ailli' Abías.

Abías i'ailli' Asa.

⁸ Asa i'ailli' Josafat.

Josafat i'ailli' Joram.

Joram i'ailli' Uzías.

⁹ Uzías i'ailli' Jotam.

Jotam i'ailli' Acaz.

Acaz i'ailli' Ezequías.

¹⁰ Ezequías i'ailli' Manasés.

Manasés i'ailli' Amón.

Amón i'ailli' Josías.

¹¹ Josías i'aili' Jeconías jouc'a lipimaye.

Lan xanuc' ihniya quiyouyomma İamats' Babilonia ilecom'mola' cal rey Jeconías jouc'a lixanuc', icuai'entsola' İamats' Babilonia.

¹² Jeconías i'ailli' Salatiel, iłque nıpaınyota İamats' Babilonia.

Salatiel i'ailli' Zorobabel.

¹³ Zorobabel i'ailli' Abiud.

Abiud i'ailli' Eliaquim.

Eliaquim i'ailli' Azor.

¹⁴ Azor i'ailli' Sadoc.

Sadoc i'ailli' Aquim.

Aquim i'ailli' Eliud.

¹⁵ Eliud i'ailli' Eleazar.

Eleazar i'ailli' Matán.

Matán i'ailli' Jacob.

¹⁶ Jacob i'ailli' José. Iḥque José ipe'ailli' María. Maḥque María ḥipo'nopa Jesús, iḥque cuftine cal Cristo.

¹⁷ Toxhuj'metsola' liḥputine litatatahueló cal Cristo, iḥne liniliya jifa'a, toxhuj'me'mola' oquej nuxans oquexi'.

Topangocola' Abraham, cocuaiya cal rey David, joupa oxhuj'mepola' imbamaj malujxi litatahueló cal Cristo.

Ti'hua toxhuj'metsola', topangococonla' David, cocuaiya petsi loya'apa: "... ilecom'mola' cal rey Jeconías jouc'a lixanuc', icuai'entsola' lamats' Babilonia". Jiḥpe joupa oxhuj'mepola' ocuenaye imbamaj malujxi litatahueló cal Cristo.

Tijoula' topangococonla' petsi liniliya: "... ilecom'mola'... icuai'entsola' lamats' Babilonia", ti'hua toxhuj'metsola', cocuaiya liniliya loya'apa: "... María ḥipo'nopa Jesús, iḥque cuftine cal Cristo", jiḥpiya joupa oxhuj'mepola' ocuenaye imbamaj malujxi litatahueló cal Cristo.

¹⁸ Itsiya cu'i'molhuo' li'ipa licuai'ma Jesucristo fa'a li'a lamats'.

María ti'i'ma qui'máma' Jesús. Iḥquiya joupa epi'ipa cataiqui' José. Iḥniya aiqejonḥiyotsti. María ma' ahuats', iximpoxi innay. Toḥta'a li'e'epa cal Espíritu Santo.

¹⁹ José liximpa innay María, ¿te co'eya? Iḥque José tihuequi lataiqui' locuxepa LanDios. Iḥe lataiqui' ticua: "Iḥniya lan xujc'a cacal'no' tocuftisola'". José ixim'ma cuanuc' María, aimicua micufya. Ticua: "A'i cacufya. Aicuya'aya. Ma le'a aicalecoya."

²⁰ Micua toḥta'a lipicuejma' José ipaiyo'ma. Imaxcaitsi anuli ḥepaluc LanDios. Iḥque ḥapaluc timi:

—José, ima' otatahuelo cal rey David. Itsiya camihuo': Aimoxhueḥmot'he'ma. Tapenufla' María copeno. A'i xans litai'ipa María. Ma cal Espíritu Santo itai'ipa.

²¹ Tipo'no'ma hi'hua amijcano. Ima' tacui'i'ma Jesús. Iḥque tunḥu'e'mola' lixanuc'. LanDios aimecani'eyacola'. Iḥe lipuftine lofmecui'ya tuhuaḥquemma: Lonḥu'eyale.

²² Iḥe li'ipa María enanḥpa lataiqui' linespa cal profeta luya'apa linespa LanDios, tuya'e':

²³ ¡Toḥcuejle! Lahuats' ti'i'ma quinnay, tipo'no'ma qui'hua.

Iḥque hi'hua tecui'im'me Emanuel.

Lipuftine lacui'inyacu tuhuaḥquemma: Fa'a tipa'a LanDios, aḥmana' anuli.

²⁴ José imaf'i'ma, itsahuemma, i'e'ma ma to limipa ḥepaluc LanDios. Epenuf'ma María. Iḥeco'ma lejut'ḥ.

²⁵ Mi'huaijma tipajntsi cal te'a qui'hua María, tama imajm'me anuli lajut'ḥ, aici'eyotsti anuli. Lipajntsi lamijcano, José ecui'i'ma lipuftine Jesús.

2

¹ Ihniya litiné, micuxe cal rey Herodes, Jesús ipajnyotsi liya' cuftine Belén, lopa'a al distrito Judea.

Mañiya litiné lan xanuc' linoxingufale icuaitsa al distrito Judea, al cuecaj quitya' Jerusalén. (Ihniya tecui'innila' lam Mago.) Quiyoyomma hilemats' pe liyuf'maj'ora.

² Icuitsuf'me. Timinnila' lan xanuc' nomana' Jerusalén:

—Imanc' unc'ijudío, ¿pe copa'a lamijcano itque torey? Ahsimpá liyuf'ma lixamna loya'apa joupa ipajnta itque cal rey. Añcui'me laxc'onhingoñai'me.

³ Licuej'ma ite lataiqui' cal rey ixhueñconni. Jouc'a ixhueñconca jahuay lan xanuc' nomana' jilpe liya' Jerusalén.

⁴ Cal rey ijoc'i'mola' lixanuc' cal cuecaj ca'ailli' jouc'a lomxiye nomuc'iyalepá locuxepa ÑanDios. Icuis'e'mola', timila':

—Al Paxi Linilingiya, ¿te quicuapa? ¿Pe copajnyoya cal Cristo?

⁵ Ihniya timiyi:

—Cal Cristo tipajnyota liya' Belén, lopa'a al distrito Judea. Toñta'a licuapa cal profeta linilpa linespa ÑanDios, tuya'e':

⁶ Ima' Belén, miñya' lofpa'a al distrito Judea, aimetets'i'mo' itne nocuxempola' lan xanuc' nomana' lamats' Judá.

Ima' ti'i'mo' quipitya' anuli cal cuecaj nocuxeya.

Itque ac'a ticuxe'mola' laixanuc', ihniya lixanuc' Israel.

⁷ Herodes i'e'moxi ch'ix. Ijoc'i'mola' itne linoxingufale, itne lam Mago, timila':

—¿Te quitine limaxcaita cal xamna? Lu'itla'.

⁸ Ihniya u'i'me. Cal rey Herodes umme'mola' tiyeñe liya' Belén. Timila':

—Tonñeñe, jilpe liya' tolahuetsa lamijcano. Litine toñsintsa, alu'i'ma. Iya' jouc'a ca'hua'ma. Caxc'onhingoñaita.

⁹ Lam Mago iquimf'e'me cal rey limipola', iye'me.

Miñmana' hilemats' itne iximpá limaxcaita cal xamna. Itsiya mañque cal xamna i'huaj'me'mola'. Licuaitsi lajut'ñ pe lopa'a lamijcano, imaxcaiconno, ecaxemma al toncay.

¹⁰ Ixoconni quileta lam Mago lixim'me cal xamna.

¹¹ Itsulfoñai'me lajut'ñ, ixim'me lamijcano jouc'a María, itque i'máma'. Exc'onhingoñai'me lamijcano. Exi'e'me liñcaxax, icuf'i'me lamijcano liñtaic'. Tipa'a al 'oro, tipa'a al 'inciensio, tipa'a laceite ipitali juaiconapa, tujuej c'a, lipuftine mirra.

¹² Lam Mago ipaiyo'me. ÑanDios timila':

—Aimoluyalaiconata pe lopa'a cal rey Herodes.

Licuej'me toñta'a, ocuena cane iyena'me, icuainatsa liñpitya'.

¹³ Liyena'me lam Mago, José ipaiyocona'ma. Ixim'ma anuli lepaluc ÑanDios. Lapaluc timi:

—Totsahuenni. Tolecotsola' łamijcano jouc'a qui'máma'. Hque cal rey Herodes tumme'mola' lixanuc' tehue'me łamijcano tima'anle. Aimicol'molhuo' tonlele łamats' Egipto. Tołmajntsa jilpiya. Iya' cu'ito' te quitine tołpailinacu.

¹⁴ José itsahuenni ile lipuqui', ileco'mola' łacamijcano jouc'a qui'máma'. Iye'me, icuaitsa łamats' Egipto.

¹⁵ Jilpe imajnhuo'me. Timanła' cal rey Herodes ilne tipailinacu, ticuainata hilemats'. Ile lo'iya tenanł'ma luya'apa cal profeta, ilque uya'apa locuapa ŁanDios, ticua: “Aijoc'ipa łai'hua, tipanni jilpe łamats' Egipto”.

¹⁶ Lixim'ma cal rey Herodes lam Mago lifel'mipa, ixtunni juaiconapa. I'nujuaitsi lu'i'me lam Mago. Ilne ines'me: “Itsiya joupa uyaipa to oquej camats' lałsimpa limaxcaita cal xamna”.

Cal rey umme'mola' lixanuc' tima'antsola' lan tsocay camijcanó limajnyota liłya' Belén jouc'a hilelołya' lomana' huejnca. Tima'antsola' jahuay laicamijcanó, ja'ni lixhuaitola' oquej camats', o ja'ni aiqixhuaiyila', ma' anuli tima'antsola'.

¹⁷ Tołta'a enanł'ma linespa cal profeta Jeremías, tuya'e':
¹⁸ Jilpe łamats' Ramá ticuequinni anuli łaca'no' tijoqui, tija'e'. Hquiya Raquel, tijoqui, tixhuełma li'ipola' linaxque'. Aimicua miłonc'e'enyacu lipixhuejma', linaxque' joupa ima'ampola'.

¹⁹ José mipa'a łamats' Egipto imana'ma Herodes. Ipaiyocona'ma, ixim'ma anuli łepaluc ŁanDios.

²⁰ Łapaluc timi:

—Totsahuenni. Tolecotsola' łamijcano jouc'a qui'máma'. Tołpailinanca, tonlele łolamats' Israel. Joupa imanapola' ilne nehuepá tima'anle łamijcano.

²¹ José itsahuenni, ileco'mola' łamijcano jouc'a qui'máma'. Ipailinanca, ticuainata hilemats' Israel.

²² Licuaitsa jilpe José icuej'ma: “Arquelao, li'hua Herodes, ticuxe al distrito Judea”. Ixpaiconni. Ticua: “Jilpe al distrito Judea, aimi'iya małeyacu”.

Ipaiyocona'ma. ŁanDios u'i'ma lo'eya. Iye'me, ticuainata al distrito Galilea.

²³ Icuaitsa, iye'me liłya' Nazaret, jilpe imanenca. Tołta'a enanłco'ma linespa lam profeta, ilne uya'apá loyaicoya Jesús. Icuapá: “Hque tecui'im'me łas Nazaret”.

3

¹ Hniya łitiné Juan Bautista icuaitsi al distrito Judea, ipajm'ma pe ailopa'a quiłya'. Jilpe tuya'e',

² tu'ila' lan xanuc':

—Imanc' tołsuej'menanca, ŁanDios cal Rey icuaico'ma, timajm'me anuli lixanuc'.

³ Cal profeta Isaías inesco'ma Juan Bautista locuaicoya, tuya'e':

Petsi ailopa'a quiŷya' tuya'e' anuli cal xans, tu'ila' lan xanuc': "Toŷanc'ele lipene laŷPoujna. Toŷ'e'ele aŷijca lane pe loyaicoya."

⁴ Lipijahua' Juan ipuficoya ipimij camello. Lifi'ecoyoxi ixmi. Litejua' axa'mu'tŷ, acujua c'ec.

⁵ Axpela' lan xanuc' itsehuc' me pe lopa'a Juan. Iniya lan xanuc' quiyouyomma liŷya' Jerusalén, jouc'a quiyouyomma locuenaye quileloŷya' al distrito Judea, jouc'a quiyouyomma jiŷpe lihuojma' al cuecaj pana' Jordán. Icuaitsa pe lopa'a Juan.

⁶ Luya'a'me liŷjunac', Juan epo'i'mola' al pana' Jordán.

⁷ Axpela' lan xanuc' fariseo jouc'a lan saduceo icuaitsa pe lapo'iyaleyopa Juan. Lixim'mola' Juan timila':

—Imanc ti'onŷcospolhuo' to lacaŷpo', a'ijc'a loŷejma'. ¿Te ja'ni u'impolhuo': "Tolapolite. Toŷta'a aimoŷteŷcoyacu al cueca' cateŷcoya locuaicoya"?

⁸ Iya' camilhuo': A'i toŷta'a molunŷulyacu. Ticuicomma tonŷ'ele al c'a, ma to mi'eyi iŷniya nixhuej'menammas.

⁹ 'Imanc' toŷcuayi: "Abraham aŷtatahuelo. Illanc' ixanuc' ŷanDios. Iŷquiya aimalacani'eyaconga'." Iya' camilhuo': ŷanDios aimehue'eyacola' quixanuc'. Ina'a lopic' nipajnya ti'e'e'mola' quinaxque' Abraham.

¹⁰ ŷanDios ti'onŷicolhuo' to al 'ec. Jounpa ipo'nompa cal hacha huejnca lime al 'ec. Ja'ni ti'atsi a'ijc'a hi'as, tetequinam'me, tixanc'onmata ŷunga.

¹¹ 'Ja'ni jounpa oŷsuej'menammas lixcay lonŷ'epa, iya' capo'ico'molhuo', capaxneco'molhuo' aja'. Ticuaihuo ocuenaj cal xans, iŷque xonca acueca'. Iya' aimal'onŷspa iŷque, ni aimi'iya catac'ueya lic'eji'. Iŷque tepo'iyaleco'ma cal Espiritu Santo jouc'a ŷunga.

¹² Iŷque ticuaiyunni ti'onŷcospa to cal xans tifus'ma litrigo. Ti'noŷ'ma lofuscoya, tequeyof'ma litrigo, tiŷojm'ma lipifuc cal trigo. Cal c'a trigo ti'huejnata lihua. Lipifuc tipi'enghua petsi ŷunga aimipica.

¹³ Jesús lipanni al distrito Galilea icuaitsi al pana' Jordán, jiŷpe copa'a Juan Bautista. Timi:

—Lapo'iŷa'.

Juan aimicua. Ticua aimi'iya.

¹⁴ Timi Jesús:

—Ticuicomma ima' lapo'iŷa' iya'. ¿Te co'iya caifnepo'icoyaco' ima'?

¹⁵ Jesús italai'e'e'ma, timi:

—Itsiya' to'eŷa' laifxahue'epo'. Jahuay al c'a laŷcuxe'eponga' ŷanDios laŷ'eyacu ticuicomma lanant'iŷe.

Juan i'e'ma lixahue'e'ma Jesús. Epo'i'ma.

¹⁶ Lijoupa lepopa Jesús aiqico'la, ipanni laja'. Maŕpe 'hora itsaŕquenni lema'a. Ixim'ma cal Espíritu Santo ti'onŕcospa to anuli cal ja'mu', icuaico'ma timumma tihuoxaf'caita.

¹⁷ Tipalay jipu'hua lema'a, ŕamats' icuequim'me, ticua:

—Iŕca'a ai'Hua, ca'ay capic'a juaiconapa. Latenŕma lipicuejma' jouc'a li'ejma'.

4

¹ Cal Espíritu Santo i'hua'a'ma Jesús, icuai'etsi pe ailopa'a quilya', ailopa'a xanuc'. Jiŕpiya ŕonta'a Satanás ehuaitsi.

² Micoŕi oquej nuxans quitine, oquej nuxans quipuqui', aimitesma, ixnet'ŕ'ma. Lixhuaitsi iŕne ŕitiné, unle'enni juaiconapa.

³ Licuaitsi ŕonta'a, iŕque ŕinahuaiyalepa, timi:

—Ima' ja'ni i'Hua ŕanDios tocuxe'etsola' iŕna'a lopic'. Tomit-sola': “Ti'itsolhuo' ca'i”.

⁴ Jesús italai'e'e'ma, timi:

—Al Paxi Linilingiya ticua: “Łoteja cal xans aimites'miya lipitine. Ticuicomma jouc'a Litaiqui' ŕanDios, jahuay lonespa iŕque.”

⁵ ŕonta'a ileco'ma al Paxi Quilya' Jerusalén. Icuai'etsi pe lopa'a al cuecaj xoute', xonca al toncay. Jiŕpe ecaxu'ma.

⁶ Timi:

—Ima' ja'ni i'Hua ŕanDios, taiyuŕa' al 'ocay. Al Paxi Linilingiya ticua:

ŕanDios tumme'mola' lepaluc' titoc'i'mo'.

Tipulnuf'mo' liŕmane, toŕta'a lopic' cane ailopa'a co'eyaco'.

Aimixcai'eyaco'.

⁷ Jesús timi:

—Al Paxi Linilingiya jouc'a ticua: “Aimahuai'ma ŕanDios iŕque omenDios”.

⁸ ŕonta'a ehuaicona'ma. I'hua'a'ma al toncay anuli hijuala xonca i'nof'quiya. Imuc'i'ma jahuay lan nación jouc'a ŕiŕ'huexi.

⁹ Timi Jesús:

—Laxc'onŕingaiŕa'. Iya' capi'ina'mo' comane. Tocuxena'ma jahuay iŕiya.

¹⁰ Jesús timi:

—Ima' monta'a to'huanŕa'. Aŕpo'noŕa' caituca'. Al Paxi Linilingiya ticua: “Taxc'onŕingaiŕa' ŕanDios iŕque omenDios. Ma le'a iŕque tomi'ma: Ima' unCueca'.”

¹¹ ŕonta'a i'huana'ma. Ipanenni quituca' Jesús. Icuaiyunca lapaluc' quema'a. Itoc'i'me, ites'mi'me.

¹² Licuej'ma Jesús: “Juan Bautista itats'iya”, itsecona'ma Galilea.

¹³ Ux'maspa lipiŷya' Nazaret, i'hua'ma ipajntsi jiŷpe liŷya' cuf-tine Capernaum. Iŷe liŷya' copa'a ŷema al cuecaj quin'nuhua', jiŷpe hilemats' Zabulón y Neftalí.

¹⁴ Toŷta'a enanŷpa linespa cal profeta Isaías.

¹⁵ Iŷque inescopa lo'iya jiŷpiya "... hilemats' Zabulón y Neftalí, lane lotsepa ŷema caja, ŷamats' locuena quiju' al pana' Jordán, Galilea pe lomana' lan xanuc', iŷne pe aimimetsaicoyi ŷanDios".

¹⁶ Jouc'a ticua:

Lan xanuc' nomana' jiŷpiya tocomma tiyelocoyi al muf, iŷne ixim'me al cueca' quepalc'o'.

Jiŷpe ŷamats' ti'hua lamaya, tunxamu'ela', tixpaic'ela'.

Itsiya iŷic'enapa, epalc'onapola'.

¹⁷ Licuaitsi jiŷpiya al distrito Galilea, Jesús ipango'ma uya'a'ma Lataiqui' loya'apa iŷe al c'a lixpíc'epa ŷanDios. Timila' lan xanuc':

—¡Toŷsuej'menanca! Itsiya icuai'ma cal Cuecaj Rey Nopa'a lema'a. Ticuxela' lixanuc'.

¹⁸ Anuli litine Jesús ti'hua ŷema al cuecaj quin'nuhua' Galilea. Ixim'mola' loquexi' lapimaye, Simón y Andrés. Iŷque Simón ŷecui'impá Pedro. Iŷne in'noŷpá catuye. Tecajm'miyi ŷiŷxami lin'nuhua'.

¹⁹ Jesús timila':

—¡Lihuejla! Itsiya toŷ'noŷyi catuye. Iya' capi'i'molhuo' ocuena coŷpenic'. Tolahuetola' lan xanuc', iŷniya lihuejla'.

²⁰ Pedro y Andrés aiquicoŷ'mola'. Ipo'no'me ŷiŷxami, ihuej'me Jesús.

²¹ Jesús uyai'ma nihuata, ixim'mola' ocuenaye oquexi' lapimaye, iŷniya inaxque' Zebedeo. Liŷpuftine Jacobo y Juan. Iŷniya quiŷ'ailli' Zebedeo ticusc'oŷanna al barco. Tenaj'mot'hiyi ŷiŷxami ti'noŷcota latuye. Jesús ijoc'i'mola', timila':

—¡Lihuejla!'

²² Aiquicoŷ'mola'. Ipo'no'me al barco jouc'a quiŷ'ailli'. Ihuej'me Jesús.

²³ Jesús ti'huaf'cay jahuay al distrito Galilea. Ti'hua timuc'iyale jiŷpiya ŷajut'hi pe lafoŷyomma. Tuya'e' te ts'i'ic' lixpíc'epa ŷanDios, iŷe lataiqui' loya'apa al c'a. Tixaŷ'mela' lan xanuc' jahuay liŷpumla, jahuay liŷcuana. Iŷe litaiqui' loya'apa ticua: "Icuai'ma ŷanDios cal Rey. Timajm'me anuli lixanuc'."

²⁴ Jahuay ŷamats' Siria lan xanuc' icuej'me lo'epa Jesús. Icuai'enca jahuay lilefcualŷay, jouc'a noxingufcopá liŷpumla, jouc'a litsufŷai'ila' contahue, jouc'a lan mac'ojay, jouc'a luhuaŷqueya. Jesús ixal'mena'mola'.

²⁵ Ihuej'me axpela' lan xanuc' lun Galilea, jouc'a lan xanuc' liŷpiŷeloŷya' cuf-tine lan Decápolis, jouc'a lun Jerusalén, jouc'a lan xanuc' nomana' ni petŷi al distrito Judea, jouc'a nomana' locuena quiju' el cuecaj pana' Jordán.

5

¹ Jesús ixim'mola' axpela' lan xanuc' tihuejyi, if'aj'ma lijuala. Jiłpiya icutshuai'ma. İhoc'olai'me ts'ilihuequi.

² İpango'ma imuc'i'mola', timila':

³ —Lan xanuc' ts'İksina' tehue'ela' juaiconapa, İhne İnca tuyalaicoyi al c'a. Małniya timajm'me anuli LanDios İİRey.

⁴ 'Lan xanuc' nohuotsopá, İhne İnca tuyalaicoyi al c'a. Małniya tiİonc'e'em'mola' İİpıxhvejma'.

⁵ 'Lan xanuc' pe aimi'e'eyołtsi tsila', İhne İnca tuyalaicoyi al c'a. Małniya İxanuc' LanDios, İİque tepi'i'mola' quİtmane ticuxe'me fa'a li'a İamats'.

⁶ 'Lan xanuc' nojanajpá latentıocopa LanDios, nocuapá: “LanDios aİ'e'etsonga' İjca İaİpicuejma'”, İhne İnca tuyalaicoyi al c'a. Małniya ti'e'em'mola' İjca İİpicuejma'.

⁷ 'Lan xanuc' noximpá cuanuc' İİpımaye, İhne İnca tuyalaicoyi al c'a. Małniya tixinim'mola' acuanuc'la.

⁸ 'Lan xanuc' ts'anuli İİpicuejma', İhne İnca tuyalaicoyi al c'a. Małniya tixim'me LanDios.

⁹ 'Lan xanuc' nocuapá: “Catoc'i'ma İaİpıma. Tuyaiİa' al c'a İİque”, İhne İnca tuyalaicoyi al c'a. Małniya timetsaicom'mola' İnaxque' LanDios.

¹⁰ 'Lan xanuc' notecopá mihuejyi al İjca cane, İhne İnca tuyalaicoyi al c'a. Małniya timajm'me anuli LanDios İİRey.

¹¹ 'İmanc' ts'alihuequi, ja'ni lan xanuc' titaletsolhuo', ja'ni timilojtsolhuo' cataiqui', ja'ni titeİmitsolhuo', ja'ni tinesc'etsolhuo' ma mifel'miyaleyi, imanc' İnca tuluyalaicoyi al c'a.

¹² Tołta'a imanc' ti'onıcotołhuo' to lam profeta. Luyaİpa quitine ma toliya İiteıcopa İİniya. İTolıyuc'tseİe tıxojla' cunlata! Jiİpu'hua lema'a İıpa'a al cueca' İaİınyacolhuo'.

¹³ 'İmanc' ma mołmana' li'a İamats' ti'onıcospolhuo' to İo'hue. İToİe İıpaİnla! Aimi'i'molhuo' to İo'hue İuyaİpa İic'a. İİque İo'hue aimi'İya mıİajn-naya. Lan xanuc' İeİuajajspá İuna, İı'İuaİlequinna.

¹⁴ 'Mołmana' fa'a li'a İamats' imanc' ti'onıcospolhuo' to İepalc'o', ti'onıcospolhuo' to İıİya' İıİajmpa al toncay İıjuala, aİquemİya.

¹⁵ Munai'im'me İepalc'o' aİmic'ommuıquİnni anuli c'ec. İıpo'nonni pe İopıyopa. Tołta'a İepalc'o'İla' İahuay nomana' İajut'İ.

¹⁶ Ma tołta'a İı'İİa' İoİ'eİjma' imanc'. İolapalc'o'İtsola' İoİ'as xanuc'. İonİ'e'etsola' al c'a. Tołta'a İıcuame: “Acueca' conİ'Aİİli' Nopa'a İema'a. Ac'a İİque.”

¹⁷ 'İTe aga toİnesyi: “Jesús İcuaİcoco'ma fa'a li'a İamats' İeteİa' İocuxepa LanDios, İİe İataİquİ' İıİıİıjmpa Moİsés, İouc'a

linihjmpa lam profeta"? A'i. Aicuaicoco'ma canant'híla' locuxepa ËanDios, aicatetya.

18 Iya' camilhuo' al linca: Ma mipa'a lema'a li'a lamats', aimehue'eya ni anuli lainila' xonca ľaca'hua, ni toľta'a anuli ľacumi. Iľe litaiqui' ËanDios jahuay tipanehuo. Ma' mi'hua menanti lixpíc'epa ËanDios, jouc'a ti'hua tipanehuo litaiqui'.

19 Anuli cal xans ja'ni aimihuejma ihiya litaiqui' ËanDios locuxepa, tama lataiqui' xonca aca'hua, ja'ni timuc'itsola' toľta'a lif'as xanuc', iľque cal xans tixinim'me xonca aca'hua pe lomana' lan xanuc' naihuejcopá cal Rey Nopa'a lema'a. Łocuena cal xans naihuejcopa ËanDios, timuc'itsola' lan xanuc' tihuejcole, iľque tixinim'me acuecaj xans pe lomana' lan xanuc' naihuejcopá ËanDios cal Rey Nopa'a lema'a.

20 'Iya' camilhuo': Aimol'onlico'moltsi to lam fariseo ni lomxiye nomuc'iyalepá locuxepa ËanDios. Tont'ele xonca al c'a. Ti'ila' xonca al hijca loľ'ejma'. Ja'ni a'i, aimoltsufłaiyacu pe lomana' naihuejcopá ËanDios, iľque cal Rey Nopa'a lema'a.

21 'Imanc' oľsina' lataiqui' lu'impola' lan xanuc' iľniya nima-jmpá luyaipa quitine. U'impola': "Aimolma'ahuale'me. Naitsi noma'ahualepa titai'ma lijunac'. Tecani'em'me."

22 Iya' camilhuo': Cal xans ja'ni ti'hua tixtuc'o ľipima, titai'ma lijunac'. Cal xans ja'ni timilojla' cataiqui' ľipima, tilecom'me pe lafoľyomma lan xanuc' noxpíjpa lataiqui'. Cal xans ja'ni tetets'ila' ľipima, timiľa': "Ima' uncue camac'ta", iľque titeľcota ľunga pe lopa'a al muf.

23 'Tocuaitsi pe lotsufcoyompa ËanDios, ma mopa'a jilpiya pe loftsufcoyoya, ja'ni to'nujuaitsi ľopima tixtuc'ohuo',

24 topo'noľa' jilpiya ľoftsufcoya, to'huaľa' toxintsi ľopima. Topac'etsi ľipoyac' ľopima, toľmajnle al c'a, toľpac'enatsoľtsi. Tijouľa' topainanni, tocuainata pe loftsufcoyoya, totsufcoľa' ËanDios.

25 'Iľque naixtuc'opo' ja'ni ti'hua'atso' cal juez, aimicol'mo', topac'ela'. Topalaic'ola' ma monľeyi lane. Ja'ni a'i, iľque ticuľto' cal juez, cal juez ticuto', lapaluc' titats'e'mo'.

26 Iya' camihuo' al linca: Ma mi'hua cotaiyinge, tama tutani le'a, jilpiya topajnta, aimaipaya.

27 'Imanc' oľsina' lu'impola' lan xanuc' nimajmpá luyaipa quitine. U'impola': "Aimoxhuico'ma ľipeno ľof'as xans".

28 Iya' camilhuo': Cal xans mehuelonge anuli ľaca'no', ja'ni ticua ľipicuejma': "Caxhuicoľa'", iľque cal xans joupá itaipa lajunac'. Tocomma to joupá ixhuicopa.

29 'Camihuo': Ja'ni iľe lofmehuelojmpa timenac'ihuo', topul-cuľla' lo'u, taca'niľa' aculi', tama ihiya lo'u al c'a camane. Toľta'a ma le'a anuli lo'u tejac'ma aimimef'minyaco' ľunga.

30 Ja'ni lomane timenac'ihuo', tama ihiya al c'a comane, tatejla', taca'nila' aculi'. Tofta'a ma le'a anuli lomane tejac'ma, aimimef'minyaco' lungá.

31 'Luyaipa quitine uya'ampá: “Cal xans nixpic'epa tux'masla' hipeno, tepi'ila' lije'e, tijoula' tux'masna'!”.

32 Iya' camilhuo': A'i. Cal xans aimi'iya mux'masya hipeno. Ja'ni laca'no' joupa ihuejpa ocuenaj xans, hipe'ailli' nipajnya tux'masla'. Ja'ni a'i aimi'iya. Itque laca'no' joupa lux'masquimpa ja'ni tihuejla' ocuenaj xans, titai'ma lajunac'. Naitsi nolecoya laca'no' jouc'a titai'ma lajunac'.

33 'Jouc'a olsina' lu'impola' lan xanuc' nimajmpá fa'a luyaipa quitine, ticuayi: “Ja'ni o'epa jurar, aimopai'i'ma jiliya lotaiqui'. Lotaiqui' joupa o'epa jurar LanDios, tanant'hi'ma. Ja'ni aimanant'hi, total'ma lajunac'.”

34 Iya' camilhuo': Aimocua'ma jurar. Aimocua'ma: “Por lema'a”. Jiłpiya ticutsu LanDios cal Cuecaj Juez.

35 Aimocua'ma: “Por li'a lamats’”. Li'a lamats' tocomma to hipitas LanDios lacaxaf'i'ipa li'mitsi'. Aimocua'ma: “Por al cuecaj quilya' Jerusalén”. Jiłpiya ipilya' LanDios cal Rey.

36 Jouc'a aimocua'ma: “Por lajuac’”. Ima' cotuca' aimi'iya mocuxe'eya lojuac. Anuli lajuac lumi aimi'iya mo'eya fujca. Jouc'a lajuac al fujca aimi'iya mo'eya umi.

37 Aimocua'ma jurar. Ma le'a tocua'ma: “Tofta'a ca'e'ma”, o “A'i, aica'eya”. Aimocua'ma cataiqui'. Ja'ni totof'i cataiqui' a'i LanDios micuxe'ehuo' ihiya lofnespa. Ma le'a lonta'a ticuxe'ehuo'.

38 'Olsina' luya'ampá luyaipa quitine, ticuayi: “Anuli cal xans ja'ni joupa ipa'empá anuli li'u, itque mipai'iconghua, tipa'econa'ma ma le'a anuli li'u. Ja'ni anuli cal xans tipa'em'me anuli li'ay, itque mipai'iconghua, tipa'econa'ma ma le'a anuli li'ay.”

39 Iya' camilhuo': Ja'ni a'ijc'a lo'epo', aimocuanaj'moxi. Ja'ni tuntafhuo' lopeque al c'a camane, tocufila' lopeque loxa camane tuntafcontso'.

40 Ja'ni ticuxecotso', texic'e'mo' lotsamalo, tommi'ila' lot-samalo jouc'a tommi'ila' lopusquia.

41 Ja'ni ts'ipenic' ticuxe'etso' timitso': “Lacanumf'eta cane oquej kilometro. Altoc'ila' hainitay”, ima' tacanumf'eta amalpu kilometro.

42 Naitsi noxahue'epo', tapi'ila'. Ja'ni tixahue'etso', timitso': “Lapi'ila', tijoula' cacuai'enaco’”, aimocuanaj'ma.

43 'Imanc' olsina' luya'ampá luyaipa quitine, ticuayi: “To'e'ma capic'a lopima. Aimocua'ma capic'a naixtuc'opo'. Itque to'e'ma laic'.”

44 Iya' camilhuo': Tonf'e'mola' capic'a naixtuc'opolhuo'. Toftahue'efe LanDios titoc'itsola' ihiya notef'mipolhuo'.

45 Ja'ni tole lof'ejma' aŋca ti'i'molhuo' inaxque' LanDios, iŋque co'Ailli' Nopa'a lema'a. Iŋque ticuxe'e hi'ora tepalc'o'itsola' jahuay lan xanuc'. Ja'ni lan c'a xanuc', ja'ni lixcay xanuc' tepalc'o'ila'. Jouc'a ticuxe'e ticuila' ni petsi lomana' lan xanuc', petsi no'epá al c'a, jouc'a petsi no'epá lixcay, ma' anuli ticui'e.

46 Ja'ni tof'etsola' capic'a ma le'a iŋne no'epolhuo' capic'a, ¿te cululijpa? Ma toŋta'a mi'eyi lin'najts'i'iyale.

47 Ja'ni ma le'a toŋnonnila' loŋpimaye, ¿te ma tonf'eyi xonca al c'a? Ai. Lan xanuc' pe aimimetsaicoyi LanDios tole mi'eyi.

48 Co'Ailli' Nopa'a lema'a ti'ay pangay al c'a. Imanc' jouc'a tonf'ele pangay al c'a.

6

1 'Ja'ni imanc' tolapi'i'mola' lan xanuc' quiŋtomí, aimoŋcuame: "Aŋsintsonga' lan xanuc'. Limetsaico'monga' ninc'ic'a xanuc'." Ja'ni tole toŋcuayi ailopa'a capi'iyacolhuo' co'Ailli' Nopa'a lema'a.

2 Monlapi'ila' quiŋtomí lan xanuc' pe aiquil'hueca, aimoŋe'me to mi'eyi lan xanuc' iŋne no'e'epoŋtsi to joupa ixanghuaitola' liŋpicuejma'. Iŋne micu'me al tomí tifus'miyi liŋtrompeta, ticuayi: "¡Aŋsintŋa! Iya' capi'i'ma quitomí iŋca'a cal xans, iŋque aiqui'hueca." Toŋta'a mi'eyi mimana' ŋajut'hi pe lafoŋyomma lan xanuc' o miyeyi lexpats'qui cane, toŋta'a mi'eyi. Iŋniya ticuayi: "Alimetsaicontsonga' xonca ac'a laŋpicuejma', la'ejma'". Iya' camilhuo': Ne', ¿tole timetsaicontsola'! Ailopa'a capi'iyacola' LanDios.

3 Ima' toŋta'a aimo'e'ma. Ja'ni tapi'itsola' quiŋtomí lan xanuc' pe aiquil'hueca, to'ela' ch'ixca. Aimoya'a'ma lof'eya. Ni ima' cotuca' aimo'nujuais'ma locupa. Ni loxa camane mixim'ma lo'epa al c'a camane.

4 Toŋta'a aimixininyaco' motoc'ila' iŋne lan cuanuc'la. Co'Ailli' Nopa'a lema'a iŋque ŋinca tehuelojnhuo' iŋe lof'epa jilpe petsi aimehuelojnhuo' lan xanuc'. Iŋque tepi'i'mo' lofmulijya.

5 'Ma' moŋpalaic'oyi LanDios, aimoŋe'e'moŋtsi to iŋniya lan xanuc' no'e'epoŋtsi to joupa ixanghuaitola' liŋpicuejma'. Iŋniya mipalaic'oyi LanDios tecaxoŋanna jilpiya ŋajut'hi pe lafoŋyomma lan xanuc'. Jouc'a tipalaic'oyi LanDios mecaxingola'iyi pe ŋatenuficopa ŋaneya. Ma toŋta'a iŋpic'a. Ticuayi: "¡Aŋsintsonga' lan xanuc' maŋpalaic'oyi LanDios!" Iya' camilhuo': Ne'. Joupa ixinimpola'. Joupa tipa'a lolijyacu. Ailopa'a xonca.

6 Ima' aimo'e'ma to iŋniya. Ja'ni topalaic'o'ma LanDios totsufai'ma lomejut'ŋ, tati'i'ma lopuserta. Jilpiya cotuca' topalaic'o'ma co'Ailli', iŋque Nopa'a petsi lan xanuc' aimi'iya mixinyacu. Iŋque co'Ailli' ŋinca tehuelojnhuo' lof'epa, iŋe to'ay petsi aimehuelojnhuo' lan xanuc'. Ma' iŋque tepi'i'mo' lofmulijya.

⁷ 'Imanc' mołpalaic'oyi ŁanDios aimoł'e'me to mi'eyi lan xanuc' pe aimimetsaicoyi ŁanDios. Iłne mixahue'eyi lilendiosla' timiyi axpe' cataiqui'. Aiquiłsina' te locuapa. Ticuayi: "Ałmitsola' axpe' cataiqui', tołta'a lalandiosla' ałquimf'e'monga".

⁸ Imanc' aimoł'onłico'mołtsi to lił'ejma' iłnu'hua. Coł'Ailli' ixina' iłe lahue'epolhuo' ai'a tołsahue'e'me.

⁹ Mołpalaic'oyi ŁanDios tołmife:

Ima' ał'Ailli' cofpa'a lema'a,
timetsaicontso' apaxi lopuftine.

¹⁰ Ticuaitsi litine petsi jahuay lan xanuc' timetsaicotso' ima' iłRey.

Pu'hua lema'a jahuay tihuejcohuo', tołta'a tihuejcotso' fa'a li'a łamats'.

¹¹ Łałtepa itine itine, lapi'itsonga' itsiya.

¹² Illanc' joupa limenc'e'ecopola' iłne ts'altaiyinc'enga'.

Ima' jouc'a limenc'e'ecotsonga' iłe lałtaiyinc'ehuo'.

¹³ Aimałłeco'monga' petsi lalahuaiyonyaconga'.

Ja'ni tiłoc'huai'ma pe lałmana' lixcay xans, jima' lunłu'etsonga'!

¹⁴ 'Imanc', ja'ni tolimenc'e'ecotsola' loł'as xanuc' iłe lo'epolhuo', jouc'a coł'Ailli' Nopa'a lema'a timenc'e'eco'molhuo' iłe lixcay lonł'epa.

¹⁵ Ja'ni imanc' aimolimenc'e'ecola' loł'as xanuc' lo'epolhuo', coł'Ailli' Nopa'a lema'a jouc'a aimimenc'e'ecoyacolhuo' lixcay lonł'epa.

¹⁶ 'Imanc' mołsnet'łyi aimołtetsoyi, aimonł'e'me to lan xanuc' iłne no'e'epołtsi to joupa ixanghuaitola' liłpicuejma'. Iłne mixnet'łyi aimitetsoyi, ti'e'eyołtsi to nohuotsopá. Tupaxc'eyołtsi lił'a, tixinintsola' lan xanuc' tixnet'łyi iłniya. Iya' camilhuo': Ne'. Joupa ixinimpola' tołiya. Joupa tipa'a lolijyacu. Ailopa'a xonca.

¹⁷ Ima' moxnet'łqui, to'huałcufla' al c'a łojuac, to'ot'łila' laceite, tapajla' lo'a.

¹⁸ Tołta'a tixinim'mo' to aimoxnet'łqui, tocomma ma totesma. Ma le'a co'Ailli' tixina, iłque Nopa'a pe lan xanuc' aimi'iya mixinyacu. Iłque linca tehuelojnhuo' loł'epa jilpe petsi aimixinghuo' lan xanuc'. Ma' iłque' tepi'i'mo' lołmulijya.

¹⁹ 'Imanc' aimolafot'łe'me coł'huexi fa'a li'a łamats'. Jifa'a iłe loł'huexi tijouna'ma. Lan huoxmi tite'me o tunxilai'ma, o lan namats' titsuflai'me lomejut'ł, tinantsej'mo'.

²⁰ Ma mołmana' fa'a li'a łamats' xonca tonł'ete ti'łla' loł'huexi jipu'hua lema'a. Jilpe aimiteji lan huoxmi, ailopa'a. Aimunx-ilaiya. Ni lan namats' aimitsuflaiyacu lomejut'ł minantsejyaco'. Jilpiya ailopa'a.

²¹ Pe lopa'a loł'huexi małpiya copa'a lołpixojma cata.

22 'Lo'u tepalc'o'ihuo'. Ja'ni ac'a lo'u toxim'ma pe lof'huaya, toxim'ma iŧe lof'epa.

23 Ja'ni a'ijc'a lo'u topanehuo al muf. Ma' anuli ja'ni to'ehuale laic', jounpa i'ipa a'ijc'a lopicuejma', aimepalc'o'ihuo'. Ja'ni jounpa imufc'opa lopicuejma', jacueca' juaiconapa iŧe al muf!

24 'Cal xans ticuicomma ma le'a anuli lipoujna. Ja'ni oquexi' tixtuc'o'ma anuli, locuena ti'e'ma capic'a. O tixinc'ne'ma anuli, tetets'i'ma locuena. Imanc' jouc'a ticuicomma ma le'a anuli loŧPoujna, iŧque LanDios. Aimi'iya molihuejcoyacu al tomí jouc'a.

25 'Iya' camilhuo': Aimoŧsueŧmot'ŧe'me lonluyalaicoyacu lapajnya fa'a li'a lamats', ja'ni ti'i'ma o aimi'iya. Aimoŧcua'me: "¿Te caŧejacu? ¿Te caŧsnayacu? ¿Te caŧju'ecoyacoŧsi?" Loŧcuerpo linca xonca acueca' lipitali, loŧju'ecoyacoŧsi aijtine. Jouc'a loŧ'alma xonca acueca' lipitali, loŧejacu aijtine.

26 Toŧsinŧe lacaŧ'hui naiyulpá lema'a. Iŧniya aimifayi, aimefot'ŧeyi, ailopa'a quili'huecoŧma mi'huejyacu loŧejacu. Coŧ'Ailli' Nopa'a lema'a tites'mila'. Iŧque, ¿ja'ni aimi'nujuaitsilhuo' imanc'? Linca, xonca ti'nujuaitsilhuo', tixinnilhuo' xonca acueca' loŧpitali.

27 Imanc' tama toŧsueŧmecoyi juaiconapa, ¿te aga ti'i'ma tonŧ'e'e'moŧsi xonca unc'itoŧqui? A'i. Aimi'iya ni huata.

28 '¿Te coŧsueŧcocopa? Toŧcuayi: "¿Te quijahua' caŧpo'noyacu?" Toŧsinŧe ŧaiquitamqui loŧojpa cal 'ec'. Tipa'a ŧaiquiŧpipa'. Iŧne ŧaiquitamqui aimucuiyi, aimi'eyi canic'.

29 Ma LanDios tiju'ecojma ŧaiquipipa'. Iya' camilhuo': Cal cuecaj rey Salomón, lipo'nopa al c'a lipijahua', tama i'huáqui juaiconapa acueca' quincuxepa, iŧquiya aiŧui'onŧi to ŧaiquipipa' ŧaiquitamqui.

30 LanDios tiju'e'ela' juaiconapa ac'a ŧaiquitamqui cal 'ec'. Iŧne ŧaiquitamqui aimicolila'. Anuli litine titoquila' ac'a, locuena quitine tiyaxquemma, tipi'enni lapa. Imanc', ¿te LanDios aimiju'eyacolhuo'? Ah imanc', huata toŧ'huaijinyi LanDios.

31 'Aimoŧsueŧco'me. Aimoŧnes'me: "¿Petsi caŧsi'neyacu caŧejacu, caŧsnayacu? ¿Petsi caŧsi'neyacu caŧpijahua'?"

32 Lan xanuc' pe aimimetsaicoyi LanDios tuyalaicoyi lapajnya tehueyi iŧna'a. Coŧ'Ailli' Nopa'a lema'a ixina' te ts'i'ic' lahue'epolhuo'. Iŧque tepi'i'molhuo'.

33 Toŧpo'noŧe loŧpicuejma' tolihuejcoŧe LanDios cal Cuecaj Rey, tonŧ'eŧe al c'a ma to locuxe'epolhuo'. Tijouŧa' tepi'i'molhuo' jahuay. Aimehue'eyacolhuo', ni toŧta'a.

34 'Aimoŧsueŧmot'ŧe'me. Aimoŧcua'me: "¿Te caluyalaicoyacu mouqui?" Mouqui toŧsim'me lo'iyacolhuo'. Ma' itsiya tipa'a

loŧteŧcopa. Ja'ni toŧsueŧcoyi lo'iya mouqui xonca ipime toŧsim'me itsiya.

7

1 'Imanc' aimoŧnesc'e'mola' loŧf'as xanuc', toŧta'a aiminesc'econayacolhuo'.

2 Ma to imanc' toŧpalaicola' loŧf'as xanuc' ma toŧta'a tipalaicom'molhuo'. Ma to moŧspif'caleyi, ma toŧta'a tixpif'quim'molhuo'.

3 Ima', ¿te cofmehuelojncopa łopima mipa'a anuli łaquifuc li'u? Ima' aicoxina' to jipu'hua anuli laxma tipa'a lo'u.

4 Mipa'a laxma jipe lo'u, ¿te cofmicoya łopima: "Lapi'ila' lane quipa'e'e'mo' łaquifuc łopa'a lo'u"?

5 Ma le'a to'e'eyoxi xonca unc'a. Ate'a' taipa'ała' laxma łopa'a lo'u. Tijouła' ja'ni joupa mipa'apa, ti'ima toxim'ma łaquipifuc łopa'a li'u łopima, taipa'e'ena'ma.

6 'Aimolapi'i'mola' lan tsilqui li'huexi ŁanDios. Lajune' lilanc'ecompa aperla, ihiya acueca' lipitali, aimolacani'i'mola' lijná. Ihiya ti'huailej'me lam perla, tijouła' tits'aletsuftolhuo' imanc'.

7 'Ti'hua toŧsa'hueŧe, tijouła' tepi'im'molhuo'. Ti'hua tolahueŧe, tijouła' toŧsim'me. Ti'hua toľumf'asle al puerta, tijouła' texi'em'molhuo'.

8 Lan xanuc' noxa'huepá, tepi'im'me. Jouc'a nahuepá, tixim'me. Jouc'a nomf'axpá, texi'em'me.

9 'Imanc' unc'ixanuc', ja'ni tixahue'etsolhuo' ła'i loľmaxque', ¿te tolapi'i'mola' łapic?

10 Ja'ni tixahue'etsolhuo' łatu, ¿te tolapi'i'mola' łainofa? Linca ailopa'a no'eya toŧta'a.

11 Imanc', tama tipa'a loľjunac', tipa'a loľpicuejma', tonlapi'i'mola' al c'a loľmaxque'. Conŧ'Ailli' Nopa'a lema'a, xonca acueca' ilque lipicuejma'. Toŧta'a tepi'i'molhuo' al c'a ja'ni toŧsahue'eŧe.

12 'Ja'ni aimetenŧcocolhuo' lo'e'epolhuo' loŧf'as xanuc', aimoŧ'e'me jouc'a imanc' toŧiya. Ma toŧta'a loya'apa locuxepa ŁanDios, jouc'a lomuc'iyalepa lam profeta.

13 'Toŧsulfoŧaitsa ilē al tansca al puerta. Tipa'a ocuena al puerta, jiliya expats'qui, jilpiya copa'a lotsufaicopa lexpats'qui cane. Jile lane lotsepa pe lajac'eyacola'. Iŧe al puerta lexpats'qui axpela' noximpá.

14 Ma le'a oquexi' afantsi noximpá locuenaj al puerta, ihiya atansca, lotsufaicopa al tansca cane. Jile lane lotsepa pe lolijyacu al ts'e liłpitine aimijouya.

15 'iToŧ'e'etsolŧsi cuenna! Ticuaicu pe loľmana' lam profeta nofelaiquepá. Ihiya ti'onŧcospola' to lam mot'ł. Tocomma

ailopa'a co'epa ihniya. A'ij linca. Ituca' li'ejma'. Ihniya oyac'la to lan lobo, i'ne linneja notepá lam mot'í.

¹⁶ I'ne li'ejma' timuc'i'molhuo' te ts'i'ic' li'picuejma'. Al 'ec li'as timuc'i'molhuo' jale c'ec ita'a. ¿Te litac cantsinni ti'as'ma a'uva? ¿Te litac al xumi ti'as'ma a'higo? A'i, aimi'iya.

¹⁷ Jahuay al c'a c'ec mi'atsi, ac'a li'as. Lixcay c'ec mi'atsi, icxay li'as.

¹⁸ Al c'a c'ec aimi'iya mi'asya lixcay qui'as. Lixcay c'ec aimi'iya mi'asya cal c'a qui'as.

¹⁹ Al 'ec, ja'ni a'ijc'a li'as, tetequim'me, tixanc'onna lunga, tipi'enna.

²⁰ Iya' camilhuo': Tolahuelojntsola' i'ne lam profeta te ts'i'ic' li'ejma'. To'ta'a tolimetsaiconamola' infel'miyale.

²¹ 'Lan xanuc' tama a'ni'a: "¡MaiPoujna, maiPoujna!", a'i jahuay ihniya mitsufilaiyacu pe locuxeyopa LanDios, i'que Nopa'a lema'a. Pe naihuejcopá lixpicepa cai'Ailli' Nopa'a lema'a, i'ne linca titsuflaita. Locuenaye aimitsufilaiyacu.

²² Ticuaitsi i'ne al Cuecaj Quitine axpela' a'ni'ma: "¡MaPoujna, maPoujna! Illanc' oxanuc', to'ta'a aluya'apá lonespa LanDios, jouc'a lipa'apola' lontahue, jouc'a a'lepá axpe' acueca'."

²³ Iya' catalai'e'e'mola', cami'mola': "Iya' aicainimetsaicolhuo'. ¡Ton'te! ¡Ton'tolinle! Imanc' aimon't'eyi locuxepa LanDios."

²⁴ 'Cal xans la'quimf'epa laitaiqui' jouc'a lihuejma, i'que ipicuejma' cal xans. Ca'on'hico'ma to cal xans nolanc'epa lejut'í. Ipucufpa qui'huajcopa la'pic, jilpiya itsahue'emma lejut'í.

²⁵ Lijoupa lilanc'epa lejut'í icui'ma juaiconapa. Ixpe'ma laja' cal panay, ipac'o'ma. I'hua'ma lahua'. I'hua'ma ujfxi, unajm'ma lajut'í. I'ne lajut'í aits'ifentsi, aiquecangenni. Joupa ilajmpa pe litsahueyomma apic. Ailopa'a qui'ipa.

²⁶ 'Cal xans la'quimf'epa laitaiqui', ja'ni aimalihuejma, i'que a'i quipicuejma' cal xans. Ca'on'hico'ma to cal xans nilanc'epa lejut'í litsahueyomma acuixa.

²⁷ Icu'i'ma juaiconapa. Ixpe'ma laja' cal panay, ipac'o'ma. I'hua'ma ujfxi lahua', unajm'ma lajut'í. Etel'quemma. Ecanipa nulemma.

²⁸ Lijou'ne'ma Jesús i'na'a litaiquí lan xanuc' ticuayi:
—Linca acueca' i'ne litaiqui' la'muc'iponga'.

²⁹ Lomxiye nomuc'iyalepá locuxepa LanDios a'i mimuc'iyaleyi to lomuc'iyalepa Jesús. I'que linca joupa epi'impa limane timuc'iyaletsi, ihniya a'i.

8

¹ Limunanni hijuala Jesús ihuej'me axpela' lan xanuc'.

² Icuaiyunni anuli cal xans iteca cahui. I'ne al cuana cuftine lepra. Exc'on'lingai'ma Jesús, timi:

—Maipoujna, ima' nipajnya latufc'enta', caxinxoxi at'inta' limpio. ¿Ja'ni to'e'ma?

³ Jesús i'nij'ma limane, itaf'ma tafcuana, timi:

—Ca'e'ma. Ti'intso' limpio.

Aiquicoł'ma, ihojn-na'ma lehui. I'ina'ma limpio.

⁴ Jesús timi:

—Aimoya'a'ma ite lai'e'epo'. ¡To'huanla'! Jilpe al cuecaj xoute' tomujtoxi la'ailli'. Totsufcota ma to licuxepa Moisés. Tołta'a atsim'monga' illanc' lihuejcoyi ite lataiqui'.

⁵ Jesús itsufai'ma liłya' Capernaum, icuaiyunni anuli nocuxepola' amaxnu lisoldado. Tixa'hue Jesús titoc'ila'.

⁶ Timi:

—Maipoujna, łaimozo textafque, tunouya lainejutł. Joupá uhuaquemma. Tixina acueca' cumla.

⁷ Jesús timi:

—Ai'huapa, caxat'menna.

⁸ Itque nocuxepola' lisoldado timi:

—Maipoujna, aimo'e'ma tołta'a. A'i caxa'huehuo' mo'huaya motsufaiya lainejutł. Iya' caxinyoxi juaiconapa na'hua xans. Ma le'a tocuala': "Tixałconala' łomozo", tijoula' ma tixałcona'ma. Tołta'a aixina'.

⁹ Iya' jouc'a quihuejma łalcuxepa, cacuxela' laisoldado. Cami'ma anuli: "To'huala'", itque ti'hua'ma. Łocuena cami'ma: "To'huanni", itque ti'huamma. Cami'ma łaimozo: "To'ela'", itque ti'e'ma.

¹⁰ Licuejpa Jesús tołta'a linespa łincuxepa, etentcoco'ma juaiconapa. Timila' itne ts'itenc'e:

—Imanc' ixanuc' Israel olimetsaijma ŁanDios. Itca'a cal xans lixanuc' aimimetsaicoyi ŁanDios. Camilhuo' al łınca: Ni anuli imanc' caixina to itca'a cal xans. Itca'a łınca xonca ti'huaiyinge ŁanDios.

¹¹ Camilhuo': Ticuaita locuenaye lan xanuc', itniya nomana' pe liyuf'ma cal'ora, jouc'a lan xanuc' nomana' pe lof'acaiyopa cal'ora. Jouc'a łottatahueló Abraham, Isaac, y Jacob, ticut-łolaita anuli pe locuxeyopa ŁanDios, itque cal Cuecaj Rey.

¹² Ituca' lo'iyacola' itniya nocuapá: "Ma' illanc' inaxque' ŁanDios cal Rey". Itne tihuescufinnola' łuna, jilpiya al muf. Małpe tijolijta, ti'itc'ta lił'ay.

¹³ Timi nocuxepola' lisoldado:

—Ima' at'huaiyijmpa, tonesqui: "Tixałcona'ma łaimozo". To'huala'. Ma to lonespa, tołta'a ti'ila'.

Małe 'hora itxałcona'ma łimozo itque nocuxepola' lisoldado.

¹⁴ Jesús icuaitsi lejutł Pedro, jilpe ixim'ma it'maco Pedro tunouya textafque, tepi'i quinu'.

¹⁵ Jesús i'noł'e'e'ma limane. Ihojn-na'ma łipinu'. Itque łaca'no' itsahuenanni, ites'mi'mola'.

16 Lummuhuaisi i'hua'am'mola' pe lopa'a Jesús axpela' lan xanuc' litsufilai'ila' contahue. Jesús ma le'a icuxe'e'mola' lontahue tipalunca, ihniya ipalumma. Jouc'a ixal'mena'mola' jahuay lafcualtay.

17 Tohta'a enantcopa linespa cal profeta Isaías luya'apa: “Ma ihque alsal'meponga' lahtafc'eponga', lihnc'e'enaponga' lahcuaana”.

18 Lixim'mola' axpela' lan xanuc' ts'ihenc'e, Jesús timila' ts'ilihuequi:

—Eepá, alquiepá al cueca' quin'nuhua'.

19 Ai'a tiye'me icuaisi anuli lomxi nomuc'iyalepa locuxepa LanDios, timi Jesús:

—Momxi, ni petsi loftseya, iya' jouc'a quihuej'mo'.

20 Jesús timi:

—Lan t'leya tipa'a lihpunts'ejay. Laca'hui naiyulpá lema'a tipa'a lihpuxit'na. Iya' ihque cal Xans Liximpa cal profeta pu'hua lema'a, iya' ailopa'a caifxmai'eya.

21 Ocuena cal xans mihuequi Jesús timi:

—Momxi, lapi'ila' lane ca'hua'ma. Quimaf'i cai'ailli' capajnta jilpe lainejut'l. Tijoula timanla', caminna, quihuej-cona'mo'.

22 Jesús timi:

—Lihuejla' itsiya. Lomapola' ti'i'ma temitsa lihf'as lomapolá'.

23 Itsufai'ma al barco. Ts'ilihuequi itsufilai'me jouc'a.

24 Muyalaicoyi ipanni ujfxi lahua'. Laja titsahuemma, tuyanc'ne al barco. Tixc'uaf'caispa caja'. Jesús tixmay.

25 Ts'ilihuequi Jesús icuaiyunca, ummef'me, timiyi:

—Małpoujna, jlunlu'etsonga'! ¡Ałma'monga'!

26 Jesús timila':

—Ah imanc', ¿te coxpailijcopolhuo'? Ma' ahuata ał'huaiyinge.

Itsahuenni, itale'mola' lahua', laja. Jahuay i-ch'ixco'mola'.

27 Ts'ilihuequi ixim'me acueca' ile li'epa Jesús. Timiyoltsi:

—¿Naitsi itca'a cal xans? Ticuxe'ela' lahua', laja, tihuejcoyi.

28 Icuaitsa locuena quiju' al cueca' quin'nuhua'. Jilpiya ilemats' ihne lan xanuc' gadareno. Oquexi' ipalunca pe lamu'empola' lomapolá', icuai'me pe lopa'a Jesús. Lontahue joupa itsufilaipá ihne loquexi'. I'ipola oyac'la. Lan xanuc' aimi'iya muyalaicoyacu jile lane.

29 Ihniya loquexi' tija'ayi, timiyi Jesús:

—Ima' i'Hua LanDios, ¿te cocuaiyoco'ma fa'a lałmana'? ¿Te ts'opic'a? Itsiya aimaltel'miyaconga' LanDios. Aiquicuaiya litine, tehue'e. ¿Te itsiya ima' altel'mi'monga'?

30 A'ij culi' jilpiya timana' axpela' lijná titeji quilpitamqui.

31 Lontahue ixa'hue'me Jesús, timiyi:

—Ja'ni lipa'a'monga' ihniya lan xanuc', lapi'itsonga' lane ałtsuflaita ihne lijn.

³² Jess timila':

—Ne', tonłełe.

Lontahue ipalunca lan xanuc', itsuflai'me lijn. Jahuay ihniya lijn inul'me liculhuo, i'nijmołaita laja', unxałac'mola'.

³³ Nohuic'ipola' lijn inul'me. Iyena'me, icuaita liłya', uya'atsa jahuay li'ipa, ihne li'ipola' loquexi' lan xanuc' litsuflai'ila' contahue.

³⁴ Licuej'me jiłiya, ipalunca jahuay lan xanuc' nomana' liłya', italefcuıtsa Jess. Lixim'me, ixa'hue'me ti'huanła', tipananni hilemats'.

9

¹ Jess if'aj'ma al barco, uyaıcona'ma al cueca' quin'nuhua'. Icuaitsi lipiłya'.

² Jiłpiya icuai'entsa anuli cal xans textafque, uhuaquemma licuerpo. Tunafya cal huijm-ma'. Jess ixim'mola' ihne lan xanuc' ti'huaiyijnyi, timi huhuaqueya:

—Mai'hua, aimoxhuełmot'le'ma. Joupa iłojn-napa lojunac'.

³ Licuej'me tołta'a lonespa Jess oquexi' afantsi lomxiye nomuc'iyalep locuxepa anDios timiyolłtsi: “Iłque cal xans Jess ti'e'eyoxi to anDios”.

⁴ Jess ixina' locuapa jiłpe liłpicuejma' ihne lan xanuc', timila':

—Imanc', łte colcuacopa quıxcay jiłpe lołpicuejma'?

⁵ Ja'ni tołsinyi ipime ihıya laimipa cal xans: “Lojunac' joupa iłojn-napa”? Ja'ni camıła': “Totsahuenni, to'huała'”, łte tołsim'me a'i quipime ihne lataiqui'?

⁶ Itsiya camuc'i'molhuo' icueya laimane. Iya' iłque cal Xans iximpa cal profeta pu'hua lema'a. Ma capa'a fa'a li'a łamats' nipajnya quıłonc'e'e'mola' lan xanuc' liłjunac'.

Timi huhuaqueya:

—Totsahuenni, tonif'la' łohuijm-ma'. To'huanła' lomejut'ł.

⁷ Cal xans itsahuenni. I'hua'ma lejut'ł.

⁸ Lan xanuc' ixim'me acueca' ihne li'epa Jess. Tix'najtsi'iyi anDios, ticuayi:

—ınca, anDios epi'ipa tołta'a limane iłque cal xans.

⁹ Jess tuyaipa jiłpiya. Mi'hua lane ixim'ma anuli cal xans lipuftine Mateo. Ticutsu pe lo'najtsi'iyaleyompa. Jess timi:

—Lihuejla'!

Mateo itsahuenni, ihuej'ma Jess.

¹⁰ Jess jouc'a ts'ihıhuequi icuai'me lejut'ł Mateo. Jiłpiya titetsoyi anuli axpela' lan xanuc', ihniya in'najtsi'iyale jouc'a ocuenaye xanuc' pe aimihuejcoyi locuxepa anDios.

¹¹ Lan xanuc' fariseo ixim'me Jess ticutsu jiłpe. Icuıs'e'me, timinnıla' ts'ihıhuequi Jess:

—Imanc' lołpomxi, ¿te cotetsocopa anuli ihniya lan xanuc'? Ihe in'najtsi'iyale jouc'a ocuenaye xanuc' pe aimihuejcoyi locuxepa ŁanDios.

¹² Jesús icuej'mola' ihe laicuitsufpa, timila':

—Lan xanuc' pe ailopa'a quılcuana aimicuicomma no'eyacola' cafxi. Laxtafpola' linca ticuicomma no'eyacola' cafxi.

¹³ Imanc' tonłente, tolihuic'itsa lohualquemma ihe lataiqui' liniliya loya'apa lonespa ŁanDios, ticua:

Imanc' ti'hua altsufma lołpinneja lołma'apola'.

Iya' xonca latenłcoco'ma tołtsintsola' cuanuc'la ihe loł'as xanuc'.

Iya' aicuaicoco'ma fa'a li'a łamats' cajoc'itsola' pe ts'ıltaic' quıljunac', tixhuej'menanca. Aicajoc'ila' pe ailopa'a quıljunac'.

¹⁴ Ts'ilihuequi Juan Bautista icuaitsa pe lopa'a Jesús, timiyi:

—Ilanc' alsnel'lyi, aimaltesoyi. Ma' anuli lił'ejma' lan xanuc' fariseo. Ihniya lihuejhuo', ¿te cotetsocopa, aimixnet'lyi?

¹⁵ Jesús italai'e'e'mola', timila':

—Mipa'a łamijcano lijuic lipemaná, ihniya lijoc'impola', ¿te tihuotso'me? Ticuaitsi litine texic'e'entsola' łamijcano namaneya, ihe litine linca tihuotso'me, aimitetsoyacu, tixnet'ł'me.

¹⁶ 'Ja'ni tanajmot'łıta' anuli lafane quijahua', aimi'ıya moxhuicoya al ts'e quijahua'. Lafane quijahua' aimi'ommaiya. Tits'alquemma xonca.

¹⁷ Al ts'ej vino aimoc'ej'miya lafane pontalay quixmi. Ja'ni tołta'a loł'epa tits'al'mola' lam pontalay quixmi, tic'ejaiquehuo al vino, timinsco'mola' łixmi. Al ts'ej vino toc'ej'mi'ma al ts'e punta quixmi. Tołta'a aimecaniyacola' al vino ni al punta quixmi.

¹⁸ Jesús mipalay tołta'a icuaitsi anuli cal xans, ilque nocuxepa lajut'ł pe lafołyomma lan xanuc'. Exc'onłingai'ma pe lopa'a Jesús, timi:

—Łai'hua caca'no' ji'hua imanapa. Łepá. Toxpayaf'ta lo mane, timaf'ınna.

¹⁹ Jesús itsahuenni, iyejmale'me cal xans jouc'a ts'ilihuequi.

²⁰ Miyeyi lane icuaiyunni anuli łaca'no' textafque. I'ıpa imbama' coque' camats' ti'hua cajuats' licu'u. Iłoc'huai'ma lixpula' Jesús. Iłafc'e'e'ma laquiju' lipijahua'.

²¹ Ticua: “Ja'ni całafc'e'e'ła' Jesús, ma le'a laquiju' lipijahua', alsałcona'ma”.

²² Jesús ipai'e'moxi, ehuelojm'ma łaca'no', timi:

—Mai'hua, aimoxhuelmot'łe'ma. Al'huaiyinge, tołta'a ixałconapo'.

Małe 'hora łaca'no' ixałconapa.

²³ Jesús icuaitsi lejut' hincuxepa. Ixim'mola' lo'epa lan xanuc' nomana' jilpiya lajut'. Tunayi, tijolijyi, tixingufcoyi al cueca' quixhuejma', tija'ayi.

²⁴ Timila':

— Tolipalunca imanc', lahuats' aiqumac'. Ma le'a tixmay.

Lan xanuc' ixoco'me.

²⁵ Jesús ipa'a'mola' lan xanuc'. Itsufai'ma pe lopa'a lahuats'. I'noh'e'e'ma limane. Lahuats' itsahuenanni, imaf'ina'ma.

²⁶ Ni petsi jilpe lamats' lan xanuc' icuej'me li'epa Jesús.

²⁷ Jesús jilpiya ipayomma, ti'hua lane. Ihuej'me oquexi' lan fohue. Tija'ayi, timiyi:

— Ima', lacui'impo' i'Hua David, alsintsonga' ninc'icuanuc'la.

²⁸ Jesús itsufai'ma lajut'. Lan fohue ihuej'me, itsuflai'me jouc'a. Jesús icuis'e'mola', timila':

— ¿Te imanc' al'huaiyinge? ¿Ja'ni tolcuayi: “Linca Jesús altoc'i'monga', alsal'me'monga' la'u'”?

Ihniya italai'e'e'me, timiyi:

— Maɬpoujna, al'huaiijnhuo'. Ti'i'ma to'e'ma.

²⁹ Jesús ilafc'e'e'mola' li'u', timila':

— Imanc' al'huaiyinge. Ma to loɬcuapa toɬta'a ti'itsolhuo'.

³⁰ Ixaɬ'me'mola' li'u'. Jesús ixc'ai'i'mola' juaiconapa, timila':

— Aimoluyout'le'me ile lai'e'epolhuo'. Aimicuej'me lan xanuc'.

³¹ Ihniya ipalunca, ni petsi jilpe lamats' tuya'ayi li'e'epola' Jesús.

³² Mipalumma ihniya, icuai'entsa pe lopa'a Jesús anuli cal xans litsufaipa anuli hiponta'a Satanás. Ique cal xans aimi'i mipalay.

³³ Lijoupa lipa'apa Jesús hiponta'a Satanás cal xans tipalay. Lan xanuc' etencoco'mola', ticuayi:

— ¡Xinla! Acueca' lo'epa Jesús. Fa'a lamats' illanc' ixanuc' Israel, a'i calsina' toɬta'a, ni anulemma.

³⁴ Lan xanuc' fariseo a'i metencocola' lo'epa Jesús, timiyotsti:

— Ique Jesús tipa'ala' lontahue. Ma hincuxepa contahue lepi'ipa limane ti'ela' toɬta'a.

³⁵ Jesús ti'huaf'cay jahuay hileloɬya' al distrito Galilea, lan tsila' quileloɬya' jouc'a lan tsocay quileloɬya'. Timuc'iyale jilpe lajut'hi pe lafoɬyomma lan xanuc'. Tuya'e' lixic'epa LanDios. Ihe lataiqui' loya'apa al c'a, tuya'e' te ts'i'ic' micuxe LanDios cal Rey. Ixaɬ'me'mola' lan xanuc', jahuay liɬcuana, jahuay liɬpumla.

³⁶ Ixim'mola' juaiconapa axpela' lan xanuc' ihuej'me. Tixinnila' acuanuc'la. Ixim'mola' tihuotsoyi, titafquemola'. Ti'onɬcospola' to lam mot'ɬ, ilne lam mot'ɬ lahue'epola' quilpoujna, ailopa'a. Ailopa'a no'eyacola' cuenna.

³⁷ Timila' ts'ilihuequi:

—Linca acueca' lafoŷya. Tehue'ela' nafot'leyacu.

³⁸ Camilhuo': Toŷsa'hueŷe hiPoujna caifa. Toŷmife: "Ima' tometsola' no'eyacu canic' jiŷpe lomemats'".

10

¹ Jesús ijoc'i'mola' limbamaj coquexi' ts'ilihuequi ticuaiyunca pe lopa'a. Epi'i'mola' liŷmane tipa'antsola' lontahue, jouc'a tixaŷ'mentsola' lafcualŷay, jahuay liŷcuana, jahuay liŷpumla.

² Iŷniya limbamaj coquexi' lecui'impola' lan Apóstole. Jifa'a inŷiŷya liŷpuŷtine:

Cal te'a Simón, iŷque lecui'impa Pedro, jouc'a Andrés iŷque ipima Simón.

Jacobo i'hua Zebedeo, jouc'a Juan, iŷque ipima Jacobo.

³ Felipe, jouc'a Bartolomé,

Tomás, jouc'a Mateo iŷque in'najtsi'iyalepa.

Jacobo i'hua Alfeo, jouc'a Tadeo.

⁴ Locuena Simón, ai'a tihuej'ma Jesús iŷque anuli liŷpicuejma' lan xanuc' nocuapá: "Lunŷu'e'me laŷamats'",

jouc'a Judas Iscariote, iŷque nocuya Jesús.

⁵ Jesús umme'mola' iŷniya limbama' coquexi'. U'i'mola' lo'eyacu. Timila':

—Aimonŷe'me petsi aimimetsaicoyi LanDios. Aimoŷtsuflai'me liŷpiŷelolŷya' lun Samaria.

⁶ Tonŷete pe lomana' lixanuc' Israel, iŷniya laŷpimaye ti'onŷospola' to lam mot'ŷlejac'pola'.

⁷ Tulu'itola': "LanDios cal Cuecaj Rey Nopa'a lema'a itsiya ti'hua tijoc'ila' lixanuc'. Tolapenufle."

⁸ Imanc' toŷsaŷ'metola' lafcualŷay, toŷmaŷ'i'itola' limanapola'. Toŷsaŷ'metola' litejpola' cahui lepra, timanenca limpio. Tolipa'atola' lontahue iŷne litsuflaipá lan xanuc'. Iya' nepi'ipolhuo' loŷmane. A'i cai'najtsi'ilhuo'. Imanc' jouc'a aimoŷ'najtsi'i'mola' lan xanuc', ma le'a toŷsaŷ'metola'.

⁹ Jiŷpe loŷfi'ejma' loŷxinidoŷ, aimoŷtai'me tomí, ni axpe', ni huata.

¹⁰ Aimoŷtai'me ponta lane. Aimoŷtai'me oque' loŷtsamalo. Aimoŷtai'me coŷc'ejí'. Aimoŷtai'me colummejcofcoyacu. Ticuanni: "No'epa canic' tepi'im'me loŷteja". Jouc'a imanc' aimehue'eyacolhuo'.

¹¹ Ni petsi quilya' loŷtsuflaiyacu, ja'ni al cueca' quilya' o ja'ni a'hua quilya', tolahueta lejut'ŷanuli cal c'a xans. Moŷmana' jiŷpe liŷya' ma le'a jiŷpe lajut'ŷ toŷmajnta.

¹² Moŷtsuflai'me lajut'ŷ toŷnontsola' lan xanuc' nomana' jiŷpiya. Toŷmitsola': "LanDios tipaxnetsolhuo'".

¹³ Ja'ni jiŷpe timana' lan c'a xanuc' LanDios tipaxne'mola'. Ja'ni a'i, LanDios tipaxne'molhuo' ma le'a imanc'.

14 Ni petsi liŷya' o ni petsi lajut'ŷ ja'ni aimepenuffinnilhuo', aimiquimf'ennilhuo', tolipalunca jilpiya. Tolunafle loŷ'mitsi', aimitalijm'molhuo' loŷ'mitsi' ni toŷta'a lepi camats'.

15 Iya' camilhuo' al linca: Ticuaihuo al Cuecaj Quitine titeŷ'mim'mola' lan xanuc' nimajmpá Sodoma y Gomorra, iŷniya lixcay quileloŷya'. He Litine xonca titeŷ'mim'mola' lan xanuc' nomana' hileloŷya' petsi aimepenuffinnilhuo' imanc'.

16 'Imanc' laixanuc' ti'onŷcospolhuo' to lam mot'ŷ, iŷne aimi'ya mipa'neyacoŷtsi. Iya' cummelhuo' tonŷe'me pe lomana' lan xanuc' lo'onŷcospola' to lan lobo, iŷne oyac'la quinneja. Toŷta'a ticuicomma ti'ila' acueca' loŷpicuejma' to lainofaŷ. Linca aimi'onŷcotoŷlhuo' loŷ'ejma' to lainofat'ŷ liŷ'ejma'. Imanc' xonca ti'onŷcotsolhuo' to lam paloma, iŷniya aimi'eyi quixcay.

17 'Tonŷe'etsolŷtsi cuenna. Aimol'huaiyijm'mola' loŷ'as xanuc'. Iŷne ticu'molhuo' ticuaita quilmene lan xanuc' noxpijpá lataiqui'. Tileco'molhuo' lajut'ŷi petsi lafoŷyomma. Jilpe titeŷ'mitolhuo', titajncotoŷlhuo' ixmi.

18 Imanc' ts'alihuequi, tileconnolhuo', ticuai'ennolhuo' pe lomana' nocuxepá, jouc'a pe lomana' lan tsila' quincuxepá. Imanc' tolu'itola' naitsi iya'. Toŷta'a tolu'itola' locuenaye xanuc' pe aimimetsaicoyi LanDios.

19 Ja'ni ticutsolhuo' aimolŷueŷmot'ŷe'me, aimolcua'me: “¿Te caŷmiyacola' iŷniya? ¿Te caŷtalai'ecoyacu?” Ticuaitsi al 'hora loŷpalaiyacu, maŷpe 'hora, tolapenuf'me coŷtaiqui'.

20 He lataiqui' loŷpalaiyacu a'i coŷtaiqui' imanc', toŷpalai'me lataiqui' lomiyacolhuo' hi'Espíritu Santo coŷ'Ailli'.

21 'Lapima ticu'ma lipima tima'anŷe. Cal xans ticu'ma hi'hua. Lanaxque' titsolicu ti'e'me laic' quif'ailli' quif'máma', ticu'me, lan xanuc' tima'antsola'.

22 Ni petsi loŷmanc'eyacu ti'e'molhuo' laic', imanc' ts'alihuequi. Toŷ'ommoŷaitsa lo'iyacolhuo', ti'hua toŷ'ommoŷaitsa, tijouŷa' tolunŷul'me.

23 Ja'ni jilpe anuli liŷya' tihuetsoquinnilhuo', ti'ennilhuo' lixcay, aimicoŷ'molhuo' tunŷeŷe locuena quilŷya'. Iya' iŷque cal Xans Liximpa cal profeta pu'hua lema'a. Camilhuo' al linca: Aimol'ommaiayacu moŷcuaiyacu jahuay hipileloŷya' lamats' Israel, ma mehue'e cacuaiconanni.

24 'Cal xans mihuequi lipomxi, ja'ni iŷque lomxi titeŷcola', cal xans jouc'a titeŷco'ma. Jouc'a lapoujna y limozo ma' anuli tuyalaico'me.

25 Ja'ni tuyaiŷola' ma to muyaicojma lipomxi, tixoj'ma queta iŷque cal xans. Jouc'a cal mozo, tixoj'ma queta ja'ni tuyaiŷola' ma to muyaicojma lipoujna. Ja'ni timiŷe lapoujna cajut'ŷ:

“Ima' monta'a Beelzebú”, linca xonca lixcay tinesc'e'em'mola' lixanuc'.

26 'Aimołsuełmot'le'me. Aimołcua'me: “Lan xanuc', ¿te cal'eyaconga'?” Ticuaita litine texiquim'me letamuyiya, tixim'me jahuay lemiya.

27 He laifmipolhuo' lipuqui' imanc' toluya'ałe litine. He lołquimf'epa mixolai'innilhuo', imanc' toluya'ałe ujfxi al toncay łajut'li.

28 Aimołsuełmot'le'me. Aimołcua'me: “¿Te cal'eyaconga' lan xanuc', ilne noma'ahualepá?” Iłniya ma le'a tima'ayi al cuerpo. Loł'alma aimi'iya mima'ayacu. Tołspaic'ete iłque łacani'eyacola' lan xanuc' jipu'hua łunga. Jiłpe timajnta, liłcuerpo jouc'a lił'alma.

29 'Oquexi' lan gorrión ticuquinnila' ma le'a to oquej centavo. Tama ahuata liłpitali iłne lacał'hui coł'Ailli' aimetets'ila'. Ja'ni anuli tecangemma łamats' coł'Ailli' ixina' iłe li'ipa.

30 Xonca ti'nujuaitsilhuo' imanc'. Joupa ixhuj'meya tojua mipa'a łajuac quitefque lołjuac, ixina' ja'ni tecangemma anuli.

31 Aimołsuełmot'le'me, aimixpailij'molhuo' lo'iyacolhuo'. ŁanDios tixinnilhuo' acueca' lołpitali. Tama axpela' lacał'hui aimi'iya mulijyacolhuo'.

32 'Ja'ni anuli cal xans timitsola' lif'as xanuc': “Iya' nimetsaijma Jesús”, iya' ninJesús jouc'a quimetsaico'ma iłque cal xans. Camita cai'Ailli', iłque Nopa'a lema'a: “Iłque lihuequi iya”.

33 'Ja'ni anuli cal xans timitsola' lif'as xanuc': “Iya' aicainimetsaijma Jesús”, iya' jouc'a aiqumetsaicoya iłque cal xans. Camita cai'Ailli', iłque Nopa'a lema'a: “Iłque aicalihuequi iya”.

34 'Aimołcua'me: “Iłque Jesús icuaicoco'ma fa'a li'a łamats' ti'e'e'mola' anuli lan xanuc’”. Ai. Aicuaicoco'ma tifuli'i'mołtsi.

35 Aicuaicoco'ma tenajtsołtsi. Cal xans tixtuc'o'ma qui'ailli'. Łahuats' tixtuc'o'ma qui'máma'. Łahuahua tixtuc'o'ma lihuahua.

36 Cal xans, ma lipimaye tixtuc'o'me, ti'e'me laic'.

37 'Cal xans xonca no'epola' capic'a qui'ailli', qui'máma', iłque aimi'iya malihuejya. Jouc'a ja'ni xonca no'epola' capic'a li'hua camijcano o li'hua cahuats' aimi'iya malihuejya.

38 Iya' linca catełco'ma. Cal xans noxpíc'epa aimitelco'ma, iłque nocuapa: “Aicapenufya lainencruz”, iłque aimi'iya malihuejya.

39 Cal xans ts'ipic'a tixinła' al c'a capajnya iłque tejac'ma lipitine. Cal xans łalihuequi tama tima'anłe, iłque tulij'ma lipitine.

40 'Cal xans łapenufpolhuo' łapenufinga' iya'. Iłque łalapenufpa łapenufinga' iłque Łalummepa.

41 Lapi'inyacu anuli cal profeta, ma' anuli tepi'im'me cal xans lepenufpa cal profeta, ticua: “Itque tuya'e' lonespa LanDios”. Lapi'inyacu cal xans naihuejpa lataiqui' locuxepa LanDios ma' anuli tepi'im'me itque lepenufpa.

42 Cal xans nopalaicopola' itna'a lan tsocay, nocuapa: “Itna'a ilihuequi Jesús”, tijoula' tuhui'i al c'a caja' tixnala' anuli itniya, itque nocupa caja' linca ti'najtsem'me. Al linca itna'a laifmipolhuo'.

11

1 Jesús ixc'ai'i'mola' limbamaj coquexi' ts'ilihuequi ipanni jilpiya. Ti'huaf'caita locuenaye quileloña' Galilea. Timuc'itola' lan xanuc', tuya'ata te ts'i'ic' lixp'ic'epa LanDios, ite lataiqui' ac'a loya'apa.

2 Itne itiné Juan Bautista itats'iyá. Icuej'ma lo'epa cal Cristo. Umme'mola' oquexi' ts'ilihuequi, timila':

—Tonlele.

3 Tolícuis'etsa Jesús, tołmitsa: “Itsiya al'huaicoyi locuaiya anuli Lommeya LanDios. ¿Te ma' ima'? o ¿te ti'hua al'huaico'me locuaiya?”

4 Tołta'a icuis'e'me Jesús. Itque italai'e'e'mola', timila':

—Ne'. Tonlele, tołcuaitsa pe lopa'a Juan tolu'itsa lołcuejpa, lołsimpa. Tołmitsa:

5 Tehuetsaleyi lan fohue, tiyenayi lan coxo, tixałconnala' ts'ilehui lepra, ti'inala' limpio, ticuejnayi lan tałpe, timaf'inayi limanapola', lan xanuc' pe aiquil'hueca tu'innila' Lataiqui', ite loya'apa al c'a lixp'ic'epa LanDios.

6 Jouc'a tołmitsa Juan: “Cal xans natenłcocopa lai'ejma', itque linca ac'a loyaicoya”.

7 Iyena'me loquexi' ts'ilihuequi Juan. Jesús ipango'ma ipalaico'ma itquiya. Timila':

—¿Te cołtsecohuo'me jipu'hua pe ailopa'a quilya'? ¿Te cołsinhuo'me jilpiya? ¿Te ołnespá ołsinhuo'me anuli al jaxa tife'ne łahua'?

8 Ja'ni a'i, ¿te cołtsecohuo'me? ¿Naitsi cołsinhuo'me jilpiya? ¿Te ołsinhuo'me anuli cal xans nopo'nopa al c'a lipijahua', acueca' lipitali? A'i. Lan xanuc' nopo'nopá lipijahua' acueca' al c'a timajnyi kilejut'hi lan rey.

9 ¿Te cołtsecohuo'me? ¿Naitsi cołsinhuo'me? ¿Te ołsinhuo'me anuli cal profeta? Ałinca ołsinhuo'me anuli cal profeta, itque Juan. Itque tuliquila' lam profeta, xonca acuecaj xans.

10 Al Paxi Linilingiya joupá ipalaicopa Juan ticuaihuo. Ticua: ¡Atquimf'ela! Cumme'ma łainepaluc. Itque ti'huaj'me'mo', tuya'a'ma ima' tocuaihuo. Tilanc'e'e'mo' lopepe, pe lofmuyaicoya.

¹¹ Camilhuo' al finca: Itque Juan acueca' xans. Ailopa'a caca'no' quipo'nopa li'hua to itquiya. Tama aimi'iya mi'onfyacola' to Juan, ja'ni joupa itsufaipa petsi locuxeyopa LanDios Nopa'a lema'a, tama xonca aca'hua xans, itque cal xans joupa ulij-napa Juan.

¹² Lan xanuc' niquimf'epá loya'apa Juan Bautista ehue'me te co'iya mepenufyacola' LanDios cal Rey Nopa'a lema'a. Itsiya ma' anuli tehueyi, itpic'a tepenuftola'.

¹³ Li'huamma Juan enantcopa lataiqui' loya'apa lo'iya, ite linijmpa Moisés jouc'a linijmpa lam profeta.

¹⁴ Inijmpá: "Ticuaicohuo cal profeta Elías". Joupa enantpa ite lataiqui'. Juan Bautista ma' itque Elías. Ja'ni tolapenuf'me laifmipolhuo' tolsim'me tofta'a.

¹⁵ Naitsi nocuejpa atquimf'eta' iya' laitaiqui'.

¹⁶ ¿Te caif'onficoyacolhuo' imanc' mołmana' itsiya'? ¿Te ts'i'ic' loł'ejma'? Ca'onfico'molhuo' to jipu'hua laica'uhuay nocutshuołanna pe locucaleyompa. Tijoc'iyi, timinnila' lił'as ca'uhuay:

¹⁷ "Illanc' alfus'mipá lałjaja, atpic'a tołsoule. Aicołsahua'. Lunac'lipá ihuotsoqueya, aicołjoliqiu'."

¹⁸ Ma tofta'a imanc' loł'ejma'. Ailopa'a catenłcocoyacolhuo'. Juan Bautista aimitesma to mołtetsoyi, aimixnay vino. Tołcuayi: "Itque itsufaipa liponta'a Satanás".

¹⁹ Iya' itque cal Xans Liximpa cal profeta pu'hua lema'a. Iya' aicuai'ma fa'a li'a łamats' catesma to mołtetsoyi imanc', caxnay al vino. Imanc' ałnesc'e'e, tołcuayi: "¡Tołsinle! Itca'a cal xans intetsopa, in-xnatsaipa. Lilejmale in'najtsi'iyale jouc'a locuenaye lan xanuc' pe aimihuejcoyi locuxepa LanDios."

'Linca LanDios acueca' ac'a lipicuejma', tofta'a timujyi ite pe naihuejcopá, jouc'a acueca' ac'a liłpicuejma'.

²⁰ Jesús ipango'ma inesco'mola' ite liłelołya' petsi li'ehuo'ma axpe' acueca'. Ipalaico'mola' ite lan xanuc' pe aiquisuej'meya. Ines'ma te ts'i'ic' loyalaicoyacu. Ticua:

²¹ —Ima' miłya' Corazín, jacueca' loftelcoya! Jouc'a ima' miłya' Betsaida, jacueca loftelcoya! Jiłpiya lołxanuc' ixim'me al cueca' lo'epa LanDios, aiquisuej'meya. Luyaipa quitine lan xanuc' nomana' liłelołya' Tiro y Sidón ja'ni coła' ixim'me tofta'a itniya coła' tixhuej'menacu, tipo'no'me liłpijahua' ayolca, timet'hi'me capi' lił'a, timujco'mołtsi ixhuej'menamma liłjunac'.

²² Al Cuecaj Quitine Locuaicoya LanDios titeł'mi'mola' ite liłelołya' Tiro y Sidón jouc'a liłxanuc', xonca titeł'mi'molhuo' imanc' miłelołya' Corazín y Betsaida.

²³ Ima' miłya' Capernaum, ¿te to'nof'e'moxi xonca al ton-cay? ¿Te ti'onłcoto' to LanDios? A'i. Ti'oc'em'mo'. Tox-innoxu jiłpe al muf. Jiłpe liłya' lołxanuc' ixim'me al cueca'

lo'epa ŁanDios, aikuĩsuej'meya. Luyaipa quitine lan xanuc' nimajm'me liya' Sodoma, ja'ni coła' ixim'me tołta'a iłniya tixhuej'menacu, coła' a'i mecaniya liłpiya'.

²⁴ Iya' camilhuo': Al Cuecaj Quitine Locuaicoya, ŁanDios titeł'mi'mola' liya' Sodoma jouc'a lixanuc', jouc'a titeł'mi'molhuo' ima' miya' Capernaum jouc'a loxanuc', xonca titeł'mi'molhuo'.

²⁵ Iłniya iłiné Jesús ipalaic'opa qui'Ailli', timi:

—Mai'Ailli', ima' iłPoujna lema'a y li'a łamats'. Cax'najtsi'ihuo' lof'epa. Tomuc'ila' laixanuc', iłne lo'onłcospola' to la'uhuay. Mepi'ipola' liłpicuejma', ticuec'ele laitaiqui'. Lan xanuc' ts'iłsina', xonca nixhuepá, aicomepi'ila' tołta'a liłpicuejma'. Iłniya iximpá ipime laitaiqui', to emiya. Aimi'i muhualcufyi.

²⁶ Ałınca mai'Ailli', tołta'a loxpice'epa, tołiya latentłcoco'.

²⁷ 'Cai'Ailli' jahuay lapi'ipa cacuxe'etsola'. Iya' i'Hua ŁanDios lan xanuc' aimi'ya małsingufya iya' laipicuejma'. Ma le'a cai'Ailli' ałsingufi. Lan xanuc' jouc'a aimi'ya mixingufyacu cai'Ailli' te ts'i'ic' lipicuejma'. Ma le'a iya' i'Hua aixingufi. Iya' caxpic'e naiłne laifmuc'iyacola', iłne camuc'ila' te ts'i'ic' lipicuejma' cai'Ailli'. Iłne iłınca timetsaicoyi cai'Ailli'.

²⁸ 'Imanc', ja'ni joupa ixojtolhuo', ja'ni tołsinyi ipime lapajnya, tonłouyunca, capenuf'molhuo'. Iya' cunxac'i'molhuo'. Tuyai'ma lołpixoqui. Cunxoc'i'molhuo' cunlata.

²⁹ Lihuejcoła', iya' camuc'i'molhuo'. Iya' a'i noyac'. Iya' nin manxu. Catinu'ena'molhuo' łolunxajma'. Aimołsinconayacu ipime ni acumta lapajnya.

³⁰ Iłe laitaiqui' laifcuxe'eyacolhuo' a'ij cumta, jouc'a laifmuc'iyacolhuo' a'i quipime lanantłcoya.

12

¹ Iłniya iłiné, anuli litine conxajya, Jesús jouc'a ts'ilihuequi tualaicoyi jilpe lifaiya cal trigo. Ts'ilihuequi tunle'eyi. Ipango'me ipa'a'me lixpaj trigo, titeji.

² Lan xanuc' fariseo ixim'me, timiyi Jesús:

—ıToxinła' lo'epa ts'ihuejhuo'! ¿Nai lepi'ipola' lane ti'e'me tołta'a? Itsiya litine conxajya.

³ Jesús timila':

—Imanc', ¿te a'i cołsuec' li'epa cal rey David, munle'eyi juaiconapa iłque jouc'a liyejmalepá?

⁴ David itsufai'ma lejut'ł ŁanDios, itepa lam paxi ca'ı łopa'a jilpe, epi'i'mola' la'i liłejmale, itepá jouc'a. Iłque la'i ma' i'huexi ŁanDios. Aimi'ya mitejnyacu. Ma le'a la'aillı notepá.

⁵ 'Al Paxi Iłinilingiya tuya'e' lo'eyacu la'aillı litine conxajya. Imanc', ¿te aicołsuec' iłe laitaiqui'? Itine conxajya iłniya ti'eyi

canic'. Tama itine conxajya ailopa'a quijunac', maŕpe al cuecaj xoute' ti'eyi canic'.

⁶ Iya' camilhuo': Fa'a tipa'a anuli xonca acueca'. Iŕque tuliqui al cuecaj xoute'.

⁷ 'Imanc' aicoŕcueca litaiqui' LanDios lonespa:

Imanc' tama toŕma'ala' linneja, aŕsufco'ma, aimalatenŕcocojma iŕe lonŕ'epa.

Xonca aipic'a toŕsintola' cuanuc'la loŕ'as xanuc'.

Coŕa' oŕcuj'e'me jiiya lataiqui' aimoŕcufyacola' lalihuequi, iŕniya ailopa'a toŕta'a quijunac'.

⁸ Iya' iŕque cal Xans Liximpa cal profeta pu'hua lema'a. Ma iya' cacuxe litine conxajya. Ti'hua laimane cu'itsola' laixanuc' lo'eyacu iŕe litine.

⁹ Jesús uyaico'ma jiiŕpiya. Icuaitŕi lajut'ŕ pe lafoŕyomma lan xanuc', itsufai'ma.

¹⁰ Jiiŕpe tipa'a anuli cal xans ijuiŕpa limane. Jouc'a timana' lan xanuc' tehueyi te co'iya micufyacu Jesús. Iŕne icuis'e'me, timiyi:

—Litine conxajya, ŕte LanDios ticu lane tixaŕ'mentsola' lan xanuc'?

¹¹ Jesús timila':

—Anuli imanc', ja'ni iŕmoŕ timefmaitsi al pu'hua litine conxajya, ŕte a'i mipa'aya? Linca tipa'a'ma. Tama itine conxajya ailopa'a nonesya, aimiminyacu: “Aimi'iya”.

¹² Cal xans aimi'onŕŕpa to cal moŕ, xonca ipitali iŕque. Litine conxajya linca tipa'a lane aŕ'eŕe al c'a.

¹³ Lijoupa linespa toŕta'a, timi cal xans:

—To'nijla' lomane.

Cal xans i'nij'ma limane. Ixaŕcona'ma. Ilajn-na'ma limane, ma to locuena limane.

¹⁴ Lan xanuc' fariseo ipalunca jiiŕpe lajut'ŕ. Efoŕ'te'moŕtsi, tixpic'eyi lo'eyacu tima'anŕe Jesús.

¹⁵ Jesús ixina' lonespa iŕne lam fariseo, i'hua'na'ma. Axpela' lan xanuc' ihuej'me. Ixaŕ'mena'mola' jahuay lafcualŕay.

¹⁶ Ixc'ai'i'mola', timila':

—Aimoluyout'e'me lai'e'epolhuo'.

¹⁷ Iŕe li'ejma' Jesús tenanŕi lataiqui' loya'apa cal profeta Isaías, iŕe lataiqui' tuya'e' lonespa LanDios, ticua:

¹⁸ Jifa'a lai'huijŕ'epa, iŕca'a lo'epa laipenic'.

Ma iŕca'a ca'ay capic'a, latentŕcocojma lipicuejma'.

Capi'i'ma lai'Espíritu Santo.

Tuya'a'ma pe lomana' locuenaye lan xanuc', iŕne aicalimetsaijma,

tu'i'mola' pe lopa'a al hijca cane.

¹⁹ Aimifulecoya cataiqui' ni aimipalaiya ujfxi.

Aimicaxhuaiya lane mija'aya ujfxi.

²⁰ Hque juaiconapa amanxu, aimunłajyacola' nulemma ihniya lo'onłcospola' to lix'meya jaxa.

Jouc'a aimipic'eyacola' liłpepalc'o' tama timufqui.

Ma muliquila' no'epá laic', timuj'ma nulemma te ts'i'ic' al c'a cane.

²¹ Itsiya timana' lan xanuc' a'i calimetsaijma,

ihniya ti'huaiyijm'me ihca'a lai'huijf'epa,

tines'me: "Hca'a linca lunłu'e'monga'".

Tołta'a luya'apa cal profeta Isaías.

²² Ilec'mentsa Jesús anuli cal xans łitsufaipa anuli liponta'a Satanás. Lonta'a i'e'epa cal xans afo', jouc'a aimipalay. Jesús ixal'mena'ma cal xans. Ipalaina'ma, ehuetsalena'ma.

²³ Lan xanuc' ixoconni quileta. Ticuayi:

—¡Xinła! Hque Jesús ti'ay al cueca'. ¿Te aga ihque łacui'impá hi'Hua David?

²⁴ Lan fariseo icuej'me ihne lonespa lan xanuc', ticuayi:

—Hque cal xans, epi'ipa limane nocuxepola' lontahue cuf-tine Beelzebú, tołta'a tipa'ala' lontahue.

²⁵ Jesús ixina' locuapa liłpicuejma', timila':

—Anuli al cuecaj nación, ja'ni tenajtsołtsi lixanuc', ihya al nación tejac'ma. Jouc'a anuli liłya', o anuli lajutł, ja'ni tenajtsołtsi liłsanuc', ihya liłya' o jihniya lan xanuc' aimipajnya quilpujfxi, tijou'mola'.

²⁶ 'Ma' anuli Satanás ja'ni ihque tipa'ala' lipontahue joupá enajpołtsi ihniya. Coła' aimipajnya quipujfxi. Ja'ni tołta'a li'ipa, ¿tej co'huacopa limane itsiya?

²⁷ 'Iya' ja'ni ihque Beelzebú nalapi'ipa laimane, ja'ni tołta'a quipa'ala' lontahue, ¿naitsi nepi'ipola' liłmane ihne lołxanuc' naipa'apá lontahue? Ma ihniya lołxanuc' timuc'i'molhuo' imanc' imenajpolhuo'.

²⁸ O ¿te ja'ni LanDios nalapi'ipa hi'Espíritu quipa'atsola' lontahue? Ja'ni tołta'a laimane, ti'ila' cołsina' jifa'a tipa'a LanDios cal Cuecaj Rey. Hque ticuxe.

²⁹ 'Nij naitsi mi'iya mitsufaiya lejutł cal xans ts'ipujfxi, miłonc'e'eya hi'hueca. Ate'a tifi'e'mola' limane', li'mitsi' ihque cal xans ts'ipujfxi. Tijouła', linca nipajnya titsufai'ma lejutł, tiłonc'e'e'ma hi'hueca.

³⁰ 'Naitsi aicalihuequi, ihque al'ay laic'. Naitsi aimefot'łela' lan xanuc' to laif'epa, ihque tica'nennala'.

³¹ 'Iya' camilhuo': Jahuay lixcay li'epa, jahuay linesc'epołtsi lan xanuc', ti'i'ma timenc'e'ecom'mola'. Le'a nonesc'epá cataiqui' cal Espíritu Santo aimi'iya mimenc'e'econyacola'.

³² Cal xans nahesc'e'epa cataiqui', ti'i'ma timenc'e'ecom'me. Cal xans nonesc'epa cataiqui' cal Espíritu Santo, ihque aimi-menc'e'econyacu. Mipa'a fa'a li'a łamats' o jipu'hua locuenaj quitine, ihquiya titai'ma lijunac'.

33 'Ja'ni tolimetsaicoyi ac'a hi'as, jouc'a tolimetsaicole ac'a al 'ec. O ja'ni tolimetsaicoyi a'ijc'a hi'as, jouc'a tolimetsaicole a'ijc'a al 'ec. Al 'ec hi'as timuj'ma te ts'i'ic' ihe al 'ec, ja'ni ac'a c'ec o a'ijc'a.

34 Imanc' lo'picuejma' ti'on'ocospa to lipicuejma' lacatpo'. Imanc' unc'ixcay xanuc'. ¿Te co'iya mo'palaiyacu al c'a cataiqui'? Ma to lipicuejma' cal xans, ja'ni al c'a o ixcay, ma to'ta'a lopalaiyaco.

35 Cal c'a xans tipalaijma al c'a litaiqui', ma to mipa'a lipicuejma'. Cal xans ts'ixcay quipicuejma' tipalaijma ixcay litaiqui' ma to mipa'a lipicuejma'.

36 'Iya' camilhuo': ¡To'po'note cuenna te ts'i'ic' lo'nesyacu! Ticuaitsi al Cuecaj Quitine LanDios cal Juez ticuis'etolhuo' anuli anuli, timitolhuo': "¿Te co'nescopa to'ta'a?"

37 Ja'ni o'nes'me al c'a, LanDios tepenuftolhuo', tixinnolhuo' unc'ic'a xanuc'. Ja'ni o'nes'me lixcay, LanDios aimepenufyacolhuo', tixinnolhuo' a'ijc'a.

38 Oquexi' afantsi lan xanuc' fariseo, oquexi' afantsi lomxiye nomuc'iyalepá locuxepa LanDios, italai'e'e'me Jesús, timiyi:

—Momxi, a'pic'a a'sinle ja'ni a'inca lepi'ipo' lomane LanDios. Amihuo': To'ela' al cueca'.

39 Jesús italai'e'e'mola', timila':

—Lixcay xanuc' pe necanujpá LanDios, pe aimihuejyi, ma le'a i'pic'a a'sinla' ca'ela' al cueca'. Ma to'ta'a imanc' lo'ejma'. Ailopa'a caifmuc'iyacolhuo'. To li'ipa cal profeta Jonás luyaipa quitine, ma to'ta'a a'i'ima iya'. Ihe linca to'sim'me.

40 Jonás ico'l'ma afane quitine afane quipuqui' jilpe licu'u cal cueca' catu linuc'ma. Iya' i'que cal Xans Liximpa cal profeta pu'hua lema'a. Alco'ta afane quitine afane quipuqui' licu'u lamats'.

41 'Ticuaitsi al Cuecaj Quitine imanc' tolacaxingo'aita LanDios cal Cuecaj Juez. Jouc'a tecaxingo'aita lan xanuc' nimajmpá li'ya' Níneve, jilpiya Jonás luya'ahuo'ma litaiqui' LanDios. I'niya lun Níneve ticuftolhuo'. I'ne iquimf'e'me lu'i'mola' Jonás, ixhuej'menanca. Itsiya imanc' to'quimf'eyi anuli xonca cal cueca', aimo'suej'memma.

42 'Jilpe al Cuecaj Quitine lan xanuc' tecaxingo'aita LanDios cal Cuecaj Juez. Imanc' tolacaxingo'aita. Jouc'a tecaxhuaita laca'no' nicuxepa anuli lamats' juaiconapa aculi' al 'ocay. I'que laca'no' ticuftolhuo'. Xonca al c'a li'ejma' i'que. I'hua'ma juaiconapa itoqui lane. Icuaitsi icuej'ma locuapa cal rey Salomón. I'que acueca' lipicuejma'. Itsiya, imanc' tama to'quimf'eyi anuli cal cueca' xonca, tolatets'iyi.

43 'Anuli lixcay conta'a, lipanni licuerpo cal xans, ti'hualeco'ma pe ailopa'a caja'. Tehue petsi conxac'eya, aimixina.

44 Ticua: "Aipainamma. Ai'huanapa lainejut'ł pe lainipayomma." Licuaitsi jilpiya tixim'ma ixcuajma', itaf'uyiya, i'huáqui al c'a.

45 Tixinla' tołta'a ti'hua'ma, tilecotola' ocuenaye acaitsi lontanhue xonca ixcay. Titsufłai'me jilpiya licuerpo cal xans, timajm'me. Tołta'a xonca acueca' loyaicoya ilque cal xans. Al te'a le'a anuli lonta'a i'hueca, tijoułta' ti'i'mola' apaico lontanhue. Tołta'a loluyalaicoyacu imanc' mołmana' itsiya. A'ij lijca lołpicuejma'.

46 Jesús mipalaic'ola' lan xanuc', icuaiyunca qui'máma' jouc'a lipimaye. Ecaxoł'me łuna. Ilpic'a tipalaic'ole.

47 U'im'me Jesús, imim'me:

—Icuai'me co'máma' jouc'a lopimaye. Tecaxołanna łuna. Ilpic'a tipalaic'otso'.

48 Jesús italai'e'e'ma, timi:

—Fa'a, ¿ja'ni ailopa'a cai'máma', ailomana' laipimaye?

49 Tenats'ila' ts'ilihuequi, ticua:

—Jifa'a comana' cai'máma' jouc'a laipimaye.

50 Ilque naihuejcopa Cai'Ailli' Nopa'a lema'a, ma jilque aipima o ai'máma'.

13

1 Malpiya litine Jesús ipanni jilpe lajut'ł, icutshuai'ma łema al cueca' quin'nuhua'.

2 Axpela' lan xanuc' icuaitsa pe lopa'a Jesús. Ilque if'aj'ma anuli al barco, icutsmi'ma jilpiya. Ilhe al barco tecaxc'o jilpe laja', jahuay lan xanuc' tecaxołanna łema al cueca' quin'nuhua'.

3 Jesús axpe' i'onlıco'ma lo'epa LanDios fa'a li'a łamats'. Timila':

—Cal xans ipanni ica'nehuo'ma lam fanuj trigo.

4 Mica'ne lam fanu' hualca ecangołaitsa lane. Lacał'hui naiyulpá lema'a icuaitsa, itejn-na'me.

5 'Hualca lam fanu' i'nif'cołaitsa jilpiya lixmi capic, tejuaf'ya huata łacamats'. Ma axołof łacamats' aiquicoł'ma, lam fanu' ila'ma.

6 Lif'aj'ma cal 'ora, epatsi linu', lam fanu' lilapa ipi'e'mola'. Huata ilanc'epoxi łaiquime, ijulna'ma.

7 'Hualca lam fanu' itsuc'huaita pe lopa'a litac'. Ilque litac' itoj'ma, ejec'ona'ma lilapa cal trigo.

8 'Hualca lam fanu' etojmołaitsa cal c'a camats'. Ilhe linca ila'ma, itoj'mola', ipanni liłpa. Anuli ipammaitsi amaxnu, ocuena ipammaitsi afanej nuxans, łocuena ipammaitsi anuxans quimbama'.

⁹ 'Naitsi nocuejpa, alquimf'ela' iya' laitaiqui'.

¹⁰ Ts'ilihuequi Jesús iloc'olai'me. Icuiss'e'me, timiyi:

—Ima', ¿te cofmuc'icopola' toliya? Aimo'ila' acuajmaica cataiqui'.

¹¹ Jesús italai'e'e'mola', timila':

—Imanc' LanDios epalc'o'ipolhuo' lołpicuejma'. Ołcueca lipime cataiqui'. Ołcueca lo'iya jilpiya petsi lan xanuc' tihuejcoyi LanDios, ilque cal Cuecaj Rey Nopa'a lema'a. Locuenaye lan xanuc' aiqiułcueca.

¹² Cal xans ja'ni ticueca, xonca ticuej'ma, tuyaf'ma lipicuejma'. Cal xans ja'ni aiqiułcueca, tejac'e'ma ilē lixina'.

¹³ Ilne: “Tama tehuelojnyi, aimixinyi; tama tiquimf'eyi, aimicuejyi.” Toliya laifpalaic'opola' ilniya a'ij cuajmaica cataiqui'.

¹⁴ Jilne lo'ipola' enanłcopa luya'apa cal profeta Isaías, ticua: Tołquimf'e'me, ti'hua tołquimf'eyi, aimołcuc'eyacu.

Tolahuelojm'me, ti'hua tolahuelojnyi, aimołsinyacu.

¹⁵ Al linca lipicuejma' ilne lan xanuc' i'ipa ta.

Tama tipa'a liłs'mats'i', afule micuec'eyi.

Ixpol'mipá lił'u'.

Ja'ni colá' aimi'e'me tołta'a tixingo'me lił'u', tiquimf'eco'me liłs'mats'i',

laitaiqui' titsufai'ma lipicuejma', alcuc'e'ma,

tipailinacu, titsuflaina'me al c'a cane,

tołta'a caxal'mena'mola', quilonc'e'ena'mola' liłjunac'.

¹⁶ 'Imanc' linca tuluyalaicoyi al c'a. Tołsinyi, tołquimf'eyi.

¹⁷ Iya' camilhuo' al linca: Luyaipa quitine axpela' lan xanuc' tijanajyi colá' tixinte ilē lołsimpa itsiya imanc'. Ilniya lam profeta jouc'a locuenaye lan xanuc' naihuejpa locuxepa LanDios, aiqixim'me. Tijanajyi colá' tiquimf'ete ilē tołquimf'epa itsiya imanc'. Aicu'innila' ilniya lataiqui'.

¹⁸ 'Alquimf'ela'. Cuhualc'e'e'molhuo' lataiqui' loya'apa te ts'i'ic' li'ipa jilpiya leca'nimpa cal trigo.

¹⁹ Itsiya LanDios cal Rey Nopa'a lema'a tijoc'ila' lan xanuc' tihuejcole. Cal xans noquimf'epa ilē lataiqui' ja'ni aimicueca ti'i'ma to li'ipa jilpiya łecangemma lane lam fanu'. Ticuaihuo łonta'a, tipa'ena'ma lataiqui', ilniya lifapa lipicuejma' cal xans.

²⁰ Ilē huata łacamats' lifaf'impá jilpe lixmi capic ti'onłcospa to cal xans micuej'ma lataiqui' loya'apa ilē al c'a lixp'ic'epa LanDios, tepenuf'ma, tixojco'ma queta.

²¹ Ilque tihuequi le'a oque' fane' quitine, lataiqui' aimif'acay lime jilpe lipicuejma'. Ticuaitsi lixhuejma', o lan xanuc' tixuc'oyi mihuequi ilē lataiqui', ilque aimihuejcoya, tenaj'moxi.

²² 'Łamats' lifampa jilpiya litojpa łitac' ti'onłcospa to łocuena cal xans. Ilque tiquimf'e lataiqui' loya'apa al c'a lixp'ic'epa LanDios.

Tijoula' tixhuełma juaiconapa, ticua: “¿Te caifnuyaicoya laipitine?” O tifel'mi'moxi quituca', tijanaca tulijla' axpe' qui'huexi. He lataiqui' lopa'a lipicuejma' ejec'opa, aiquipam-maic'.

²³ Cal c'a camats' lifampa ti'onłcospa to łocuena cal xans, ilque tiquimf'e lataiqui' loya'apa ile al c'a lixpíc'epa ŁanDios, ticueca. He lataiqui' ipammaita. Ilque cal xans lo'iya ti'onłcospa to li'ipa cal fanuj trigo lipammaita amaxnu, o lipammaita afanej nuxans, o lipammaita anuxans quimbama'.

²⁴ Jesús i'onłiconapa lo'epa ŁanDios fa'a li'a łamats', timila':

—Anuli cal xans eca'ni'ma lan c'a fanuj trigo łemats', li'ipa jilpe ti'onłcospa to lo'iya petsi ŁanDios tijoc'ila' lan xanuc' tihuejcołe. Ilque cal Cuecaj Rey Nopa'a lema'a.

²⁵ Jounpa eca'nipa lan c'a fanuj trigo, mixmaiya lan xanuc', icuaitsi no'epa laic' ilque cal xans, eca'ni'ma ocuenaj fanu'. Ilque lixcay fanu' eca'ni'ma małpe pe leca'nimpa lan c'a fanuj trigo. I'huana'ma.

²⁶ 'Itoj'mola' cal trigo jouc'a lixcay quitamqui. Lipanni lixpa imetsaicom'me uhuantsi lixcay quitamqui.

²⁷ Icuaitsa limozó lipoujna camats'. Icuis'e'me liłpoujna, timiyi: “Małpoujna, ¿te aicomeca'ni cal c'a fanuj trigo łomemats'? ¿Pe qui'huayomma ilquiya lixcay quitamqui?”

²⁸ Łapoujna italai'enni, timila': “Tołta'a li'epa nał'epa laic'”. Limozó icuis'e'me, timiyi: “¿Te cał'eyacu? ¿Te ałyaxta ilque lixcay quitamqui?”

²⁹ Liłpoujna timila': “A'i, aimi'iya. Ja'ni tołyaxtsa, jouc'a tiyaxc'ehuo cal trigo.

³⁰ Ma tołe tipanenni. Titojtsola' ma' anuli cal trigo jouc'a lixcay quitamqui. Ticuaitsi litine tefot'lenle, iya' cami'mola' no'eyacu canic': Tonlele, ate'a tołyaxtsa jile lixcay quitamqui, tołfi'ot'łetsa atotsa atotsa tipi'em'me. Tijoula', tołafot'łetsa cal trigo, toł'hua'anca fa'a lainejut'ł.”

³¹ Jesús ti'hua ti'onłiconghua lo'epa ŁanDios fa'a li'a łamats'. Timila':

—Anuli cal xans itai'ma anuli łajfanu' juaiconapa aca'hua cuftine sinapí, ifatsi łemats'. Li'i'ma ilque cal fanu' ti'onłcospa to lo'iya petsi ŁanDios cal Cuecaj Rey tijoc'ila' lan xanuc' tihuejcołe.

³² Ilque cal fanu' xonca aca'hua, titoj'ma tulij'ma jahuay lofampa jilpe laqueya. Ilque xonca titoqui. Ti'i'ma to al 'ec. Lacał'hui naiyulpá lema'a jilpe al 'ec tilanc'e'me liłpuxi'na, timajm'me.

³³ Jesús ti'hua ti'onłiconghua lo'epa ŁanDios fa'a li'a łamats'. Timila':

—Anuli łaca'no' ilai'i'ma hilevadura axpe' hi'harina. Li'i'ma cal harina hila'ipa cal levadura ti'onłcospa to lo'iya petsi ŁanDios cal

Cuecaj Rey Nopa'a lema'a tijoc'ila' lan xanuc' tihuejcofe. He cal levadura ti'hua tilai'i cal harina. Lijou'ma umfunni jahuay lax'e.

³⁴ Tohta'a limuc'iyalepa Jesús. Ma le'a i'onhcopa lo'epa LanDios. Aimimuc'ila' acuajmaica cataiqui'.

³⁵ Tohta'a enanhcopa linespa cal profeta. Itque uya'a'ma linespa cal'Ailli', ticua:

Capalaic'o'mola' lan xanuc', ca'onhico'ma lo'epa LanDios.

Lilajnyopa li'a lamats', emiya ihiya lataiqui'.

Itsiya cu'i'mola' lan xanuc'.

³⁶ Jesús ipo'no'mola' lan xanuc' nomana' jilpiya. Ts'ilihuequi iloc'olai'me, timiyi:

—Lu'itsonga', luhualc'etsonga' lataiqui', ile loya'apa te ts'i'ic' li'ipa jilpe lamats' cal xans pe litojyopa hixcay quitamqui.

³⁷ Jesús timila':

—Iya' itque cal Xans Liximpa cal profeta pu'hua lema'a. Iya' al'onhcospa to itque cal xans neca'nipa lan c'a fanu'.

³⁸ To lamats' lifapa cal xans tofe ti'onhcospa ilca'a li'a lamats'. Naihuejcopá LanDios, itque cal Cuecaj Rey, ilne ti'onhcospola' to lan c'a fanu'. Naihuejcopá lonta'a, ilne ti'onhcospola' to hixcay quitamqui, ile litamqui lifapa itque lin'ehuale laic' cal xans.

³⁹ Lonta'a Satanás, itque lin'ehuale laic'. Li'i'ma litine lafot'leya ti'onhcospa to lo'iya Lijoujma Quitine. Nefot'lepá trigo, ilne ti'onhcospola' to lapaluc' quema'a, mañiya tefot'lem'mola' lan xanuc'.

⁴⁰ Ma to miyaxquim'me hixcay quitamqui, tipi'em'me, ma tohta'a lo'iya Lijoujma Quitine.

⁴¹ Iya' itque cal Xans Liximpa cal profeta pu'hua lema'a. Iya' cumme'mola' lainepaluc' quema'a. Ma to miyaxquim'me hixcay quitamqui, tohta'a tepa'am'mola' lomints'eyalepá lhipcuejma' lan xanuc'. Jouc'a tipa'am'mola' pe aimihuejcoyi locuxepa LanDios. Ihiya aimimajnyacu anuli naihuejcopá LanDios, itque cal Cuecaj Rey.

⁴² Ilne hixcay xanuc' ti'nij'mim'mola' al cuecaj capa lonajpa hunga. Jilpiya lan xanuc' tijolijta, ti'ilc'ta li'ay, tixinna acuecaj cumla.

⁴³ Lan xanuc' naihuejcopá locuxepa LanDios, ma ihiya timanecu pe locuxeyopa LanDios itque quih'Ailli'. Jilpiya ti'huájtola' to mi'huájta cal 'ora tuyaila' hummahuay.

'Naitsi nocuejpa, alquim'ela' iya' laitaiqui'.

⁴⁴ To li'epa anuli cal xans liximpa axpe' al tomí lemuyiya lamats', tohta'a ti'onhcospa to lo'eyacu lan xanuc' noquimf'epá, naihuejcopá LanDios lojoc'ipola', itque cal Cuecaj Rey. Cal xans liximpa ile al tomí emucona'ma. Tixoqui queta i'hua'ma icu-jtsi jahuay hi'huexi. He lulij'ma i'naco'ma lamats' jilpe lamuya al tomí.

45 'To li'epa anuli cal xans hincuale mehuay lam perla, ihniya acueca' lipitali, toŧta'a ti'onŧcospa to lo'eyacu lan xanuc' noquimf'epá, naihuejcopá LanDios lojoc'ipola', iŧque cal Cuecaj Rey.

46 Cal xans iximpa anuli cal perla acueca' lipitali, i'hua'ma icujtsi jahuay li'huexi. Iŧe lulij'ma i'naco'ma iŧque cal perla.

47 'To li'ipa petsi lin'noŧpá catuye lecajm'mi'me hixami al cuecaj quin'nuhua', toŧta'a ti'onŧcospa to lo'iyacola' lan xanuc' noquimf'epá, naihuejcopá LanDios lojoc'ipola', iŧque cal Cuecaj Rey. Iŧque cal xami i'noŧpola' jahuay latuye, iŧne lotempola' jouc'a pe aimitejn-nila'.

48 Namma i'i'ma cal xami, lin'noŧpá catuye ipa'a'me laja'. Icuscolenca, i'huijf'e'me lan c'a catuye, ti'nij'miyi liŧtsiquihuit'ŧ. Locuenaye latuye, iŧne pe aimitejn-nila', eca'ni'me.

49 Toŧta'a ti'i'ma Lijoujma Quitine. Ticuaicu lapaluc' quema'a, tenaj'mola' lan xanuc'. Ti'huijf'e'mola' lan xanuc' naihuejcopá locuxepa LanDios. Lixcay xanuc' tipa'am'mola'.

50 Tecajm-mim'mola' lapa petsi lonajpa ŧunga. Jiŧpe lan xanuc' tijolijta, ti'ŧlc'ta liŧ'ay.

51 Jesús icuis'e'mola', timila':

—¿Te oluhuaŧpá lainu'ipolhuo'?

Iŧne italai'e'e'me, timiyi:

—Ma luhuaŧpá.

52 Timila':

—Imanc' unc'omxiye, joupa olihuic'ipá te ts'i'ic' lo'iya petsi LanDios timujyoxi, iŧque cal Cuecaj Rey Nopa'a lema'a. Toŧiya ti'onŧcospolhuo' to lapoujnalá cajut'ŧi. Iŧque lapoujna cajut'ŧ tipa'e, timuqui li'huexi. Tipa'e ŧafane li'huexi, jouc'a tipa'e cal ts'e, timuc'ŧla' lan xanuc'.

53 Lijoupa limuc'iyalepa iŧne ŧataiquí, ipanni jiŧpiya.

54 Icuaitsi lipiŧya' pe litojyopa. Ipango'ma imuc'i'mola' lan xanuc' jiŧpe lajut'ŧ pe lafoŧyomma. Iŧne lan xanuc' ticuayi:

—¡Xinŧa'! Acueca' juaiconapa lonespa jouc'a lo'epa. Iŧque cal xans, ¿naitsi nimuc'ipa? Juaiconapa ixina'. ¿Naitsi nepi'ipa limane ti'eŧa' toŧta'a? Iŧque ti'ay acueca' to lo'epa LanDios.

55 Iŧque i'hua cal xans hinc'alhuaŧpa, María i'máma'. Jacobo, José, Simón y Judas ipimaye.

56 Lipimaye cacal'no' jouc'a timana' fa'a. ¿Naitsi nimuc'ipa lonespa? ¿Naitsi nepi'ipa limane?

57 Iŧne ixim'me Jesús to jipu'hua ni naitsi xans. Ixtulencia. Aimicuayi mepenufyacu. Jesús timila':

—Cal profeta mipa'a lipiŧya' o lejut'ŧ, jiŧpiya aimepenufyacu. Ja'ni ti'hua'ma ocuena quiŧya', jiŧpe linca tepenufta.

58 Ma' ahuata al cueca' li'e'ma Jesús jiŧpe lipiŧya'. Lan xanuc' aiqiuil'huaiyinge.

14

¹ Iñiya hitiné Herodes icuejpa lo'epa Jesús. Jilque Herodes ticuxe jilpe lamats' Galilea.

² Timila' lixanuc':

—Iñque aJuan Bautista. Imaf'inapa, ipanamma pe lomana' lamizhua. Tohiya tipa'a limane, ti'ay al cueca'.

³⁻⁴ Toñta'a licuapa Herodes i'nujuaitsi li'e'epa Juan.

Iñque Herodes ilecopa hi'maxi cuftine Herodías, exic'e'epa lipima Felipe. Juan Bautista italepa Herodes. Timi: “Ima' o'epa lixcay. Aimolmajncona'me anuli ima' ñaca'no'.” Herodes aits'etenñcoco'ma iñiya lines'ma Juan Bautista. Ixtuc'opa, i'noñpa, ifi'ecopa acadena, i'nicopa lacarza.

⁵ Ticua: “Cama'a'ma”. Aiquima'e. Tixpaic'ela' lan xanuc' aga tixtulecu. Jahuay ticuayi: “Juan aprofeta. ñanDios umepa.”

⁶ Ixhuaitsi ñemats' Herodes i'e'ma juic. Jilpe efoñyomma Herodes lijoc'ipola'. Ixou'ma hi'hua caca'no' Herodías. Juaiconapa icuaitsi quipic'a Herodes.

⁷ Icuaj'mipa ñanDios, epi'ipa cataiqui', timi ñahuats': “Itsiya, ¿te caifnepi'iyaco'? Añsahue'ela'.”

⁸ Ñahuats' ihuejco'ma qui'máma' lixc'ai'i'ma, timi: “Añtai'etsi lijuac Juan Bautista. Tipo'nof'intsa laxpef' pime.”

⁹ Herodes ixhueñconni. ¿Te co'eya? Joupa icuaj'mipa ñanDios, icupa cataiqui'. Lijoc'ipola' jouc'a icuejco'me licuaj'mipa. Aimi'iya micuanac'eya ñahuats'. Icuxe'ma ti'enñe to lixahue'epa ñahuats'.

¹⁰ Umme'ma anuli cal soldado pu'hua lacarza tetec'entsa lejoc' Juan.

¹¹ Ipo'nof'intsa lijuac laxpef' pime, i'hua'anni, uhui'itsi ñahuats'. Iñque itai'ma, uhui'itsi qui'máma'.

¹² Icuaiyunca ts'ilihuequi Juan. Itaina'me licuerpo emunatsa. Iye'me u'itsa Jesús.

¹³ Jesús, licuej'ma li'ipa Juan, if'aj'ma al barco, i'hua'ma petsi ailopa'a quilya' ni cajut'ñ. Aicu'ila' lan xanuc'.

Li'i'ma quilsina' lan xanuc', iñe ipalunca hiñpitoloyá', iye'me liñ'mis. Ticuaitsa pe licuaita Jesús.

¹⁴ Jesús iquie'ma al cueca' quin'nuhua', icuaitsi locuena liju'. Lipanni al barco ixim'mola' axpela' lan xanuc' joupa icuaita jilpiya. Ixim'mola' acuanuc'la. Ixañ'mena'mola' lilefcuallay.

¹⁵ Joupa ummuhuita, ts'ilihuequi Jesús iñoc'olai'me. Timiyi:

—Jifa'a ailopa'a quilya', ailopa'a cajut'ñ. Joupa ummuhuita. Toxc'ai'itsola' lan xanuc'. Tomitsola' tiyenñe ñaiquileloyá', ti'natsa lotejacu.

¹⁶ Jesús timila':

—¿Te coyecoyacu? Imanc' tołtes'mitsola'.

¹⁷ Hniya timiyi:

—Jifa'a tipa'a ma le'a amaque' la'í y oquexi' latuye.

¹⁸ Timila':

—Toł'hua'anca fa'a.

I'hua'a'me.

¹⁹ Jesús icuxe'e'mola' lan xanuc' ticutsołaiŋe łaiquitamqui. Epef'mola' lam maque' la'í, loquexi' latuye. Ehuelojm'ma al toncay lema'a, ix'najtsi'i'ma ŁanDios. Ixquenuf'mola' la'í, epi'i'mola' ts'ilihuequi. Ts'ilihuequi eca'nem'mola' lan xanuc'.

²⁰ Jahuay itetso'me ixhuaitsola'. Ts'ilihuequi Jesús efot'le'me łaijhualcay lipanecomma. Ima'ni'me imbama' coque' lan tsiquihuit'ł.

²¹ Hniya litetso'me tixhuaispola' oquej nuxans quimbama' maxnu lan xanuc'. Jouc'a itetso'me lacał'no' jouc'a la'uhuay.

²² Aiquicoł'ma. Jesús icuxe'e'mola' ts'ilihuequi, timila':

—Toł'ajlıŋe al barco. Toł'quiełe al cuecaj lin'nuhua'.

Hque tipanenni tixc'ai'ila' lan xanuc' tiyenłe łilejut'łi.

²³ Lijoupa lixc'ai'ipola' lan xanuc' Jesús if'aj'ma quituca' łijualay, tipalaic'otsi ŁanDios. I'ipa quipuqui', tipa'a quituca' jıłpiya.

²⁴ Ts'ilihuequi noyecopá al barco joupa icuaita aculi'. Łamats' canujnca ailopa'a. Afule mi'hua al barco. Łahua' ti'hua titalecufi. Itsahuemma laja', ujfxi tipange al barco.

²⁵ Liłic'ejma icuainatsi jıłpiya Jesús, ti'huailsaf'que laja'.

²⁶ Ts'ilihuequi ixim'me mi'huayaf'que laja'. Juaiconapa ixpailij'mola'. Tija'ayi, ticuayi:

—Icuaiico'ma cal cueca' quinxpaic'ale.

Tija'ayi caxpaiqui'.

²⁷ Aiquicoł'ma. Jesús ipalaic'o'mola', timila':

—Aimixpailij'molhuo'. Ma' iya'. Aimołsuełmot'le'me.

Ailopa'a tintsi.

²⁸ Pedro timi:

—Maipoujna, ja'ni ałınca ima', ałmıta': "To'huanni". Iya' ca'hua'ma, ca'huailsaf'la' laja', cacuaitsi pe lołpa'a.

²⁹ Jesús timi:

—To'huanni.

Pedro emunni al barco, i'huailsaf'tsi laja' ticuaitsi pe lołpa'a Jesús.

³⁰ Lixim'ma łahua' ti'hua juaiconapa ipujfxi, ixpaiconni. Ipango'ma if'acaina'ma laja'. Ija'a'ma, timi Jesús:

—Maipoujna, jıłunłu'eł'a'!

³¹ Aiquicoł'ma. Jesús i'nij'ma limane, i'noł'ma Pedro, timi:

—Ima' le'a ahuata ał'huaiyinge. ¿Te qui'ico'po' a'ij nuli lołp-cuejma'?

³² Jesús jouc'a Pedro if'ajlı'me al barco. Ipanenanni łahua'.

33 **I**hne nomana' al barco exc'onlingoſai'me Jesús, timiyi:

—Ima' ma' i'Hua LanDios.

34 **T**i'hua tiqieyi al cueca' lin'nuhua'. Icuaitsa lamats' Genesaret.

35 **I**hne lun Genesaret imetsaico'me Jesús, ummem'mola' lilepaluc' tiyeſe ni petsi jilpiya lamats', tuya'atsa joupa icuai'ma Jesús. Licuej'me toſta'a lan xanuc' icuai'enca jahuay lilefcuallay.

36 **I**xa'hue'me ma le'a tiſafc'eſe lema lipijahua' lafcuallay. Jahuay niſafc'e'me ixaſcona'mola'.

15

1 **L**an xanuc' fariseo jouc'a lomxiye nomuc'iyalepá locuxepa LanDios, quiyoyomma Jerusalén, icuaitsa pe lopa'a Jesús. Icuais'e'me, timiyi:

2 —**I**niya laſtatahueló tipa'a liſ'ejma' tulouyi liſmane ai'a titetso'me. Ts'ihuejhuo', ¿te aimulouyi liſmane? ¿Te co'ecopa toſta'a? ¿Te aimihuejcoyi liſ'ejma' laſtatahueló?

3 **J**esús italai'e'e'mola', timila':

—**I**manc' xonca tolihuejyi liſ'ejma' loſtatahueló, oſpic'a. Toſta'a tolatets'iyi locuxepa LanDios. ¿Te conſ'ecopa toſta'a?

4 **L**anDios ticuxe, ticua: “**T**aihuejco'mola' co'ailli', co'máma'. Totoc'i'mola'.” Jouc'a ticua: “**C**al xans nomipola' cataiqui' qui'ailli' qui'máma' tipa'a lijunac'. Tima'anſe.”

5-6 **I**tuca' loſcuapa imanc'. Toſcuayi: “**C**al xans ai' mitoc'i'mola' qui'ailli' qui'máma'. Ma le'a timitsola': Aimi'iya catoc'iyacolhuo'. **H**e ſai'hueca coſa' catoc'icotsolhuo' joupa nenajpa, catsufcota LanDios.” **L**inca tolihuejyi liſ'ejma' loſtatahueló. **L**itaiqui' LanDios locuxepa aimolanant'iyi. Toſ'e'eyi to ni naitſi cataiqui'.

7 **I**manc' aijc'a loſ'ejma'. Ma le'a toſ'e'eyoſtsi, imanc' ai' cunc'ic'a xanuc'. **C**al profeta Isaías inescopolhuo'. **H**e litaiqui' tuya'e' lonespa LanDios, ticua:

8 **I**niya lan xanuc' aſmi: “**I**ma' alanDios, ima' unCueca”.

Jiſpe hilunxajma' latets'i, aimalihuequi.

9 **L**itaiqui' lomuc'iyalepa iſniya, ai' litaiqui'.

Timuc'iyaleyi iſiya locuxepa lan xanuc'.

Tama alaxc'onlingaiſa', aimalatenſma iſe liſ'ejma'.

10 **J**esús ijoc'i'mola' lan xanuc' ticuaiyunca, timila':

—**¡**Aſquimſ'eſa'! **¡**Aſcuc'eſa' iſe laiſmipolhuo'!

11 **C**al xans lo'nicoya lico, iſe aimi'iya mixis'meya. **L**aipayomma lico, iſe litaiqui' locuapa, ja'ni ixcay cataiqui', iſe linca tixis'me'ma cal xans.

12 **T**s'ilihuequi icuaiyunca pe lopa'a Jesús, timiyi:

—¿Te conescopa toſta'a? **L**an xanuc' fariseo juaiconapa ixtuc'opo'.

13 Jesús italai'e'e'mola', timila':

—Al 'ec pe aiquifac' cai'Ailli', itque Nopa'a lema'a, ite al 'ec tiyaxquim'me.

14 Timajnlē. Aimołquimf'e'mola'. Ine afohue, ti'huaj'me'eyi lihf'as fohue. Ja'ni cal fo' ti'huaj'me'eł'a' hf'as fo', loquexi' timefmołaita lina.

15 Pedro timi:

—Luhuałc'e'etsonga' ite lataiqui'.

16 Jesús timila':

—Imanc' jouc'a, łte ailopa'a colpicuejma'?

17 Cal xans lo'nicopa lico, ite aimitsufaiya lipicuejma', titsu-fay licu'u, tijouł' tipanamma. łTe aicołsina' tołta'a?

18 Laipayomma lico cal xans, ite lataiqui' qui'huayomma lipicuejma', ite linca tixis'me'ma itque cal xans.

19 'Jahuay lonespa, lo'epa cal xans tipayomma lipicuejma'. Małpiya qui'huayomma jahuay lixcay. Jiłpe liłpicuejma' lan xanuc' tixpic'eyi ti'ełe lixcay. Tixpic'eyi tima'ahuale'me. Tixpic'eyi tif'ıltsaicołe lipeno lihf'as xans. Tixpic'eyi tixhuico'mola' locuenaye cacal'no' a'i liłpeno. Tixpic'eyi tinantse'me. Tixpic'eyi tifellaique'me. Tixpic'eyi tixahuale'me.

20 'Jahuay itna'a ti'e'e'mola' xujc'a, tołta'a tixis'me'mola'. Cal xans ja'ni aimulouhuo limane to lił'ejma' litatahueló, ma le'a titetso'ma, a'i tołta'a mixis'meya.

21 Jesús ipanni jiłpiya. I'hua'ma hilemats' itne hilelołya' Tiro y Sidón.

22 Icuaiyunni pe lopa'a Jesús anuli łaca'no' qui'huayomma jiłpe łamats'. Itque a'ij judía. Litatahueló cuftine lan cananeo. Lan xanuc' judío tetets'innila' itne lan cananeo. Ticuayi: "Atsilqui itniya".

Łaca'no' tija'e', timi Jesús:

—Maipoujna, ima' tecui'inghuo' i'Hua David, łalsinł'a nin-cuanuc'! Łai'hua caca'no' titełma juaiconapa. Itsufaipa anuli liponta'a Satanás.

23 Jesús aiquitalai'e'. Ts'ilihuequi iloc'olai'me, timiyi:

—Itca'a łaca'no' ti'hua tija'e' lihuequinga'. Tocuxe'eł'a' ti'huanta'.

24 Jesús italai'e'ma, timi łaca'no':

—ŁanDios lummepe catoc'itsola' lixanuc' Israel, itne lo'onłcospola' to lam mot'ł lejac'pola'. Aimi'iya catoc'iyacola' locuenaye lan xanuc'.

25 Łaca'no' iloc'huai'ma exc'onłngai'ma, timi:

—Maipoujna, łaltoc'ıla'!

26 Jesús italai'e'e'ma, timi:

—Aimi'iya miłonc'e'enyacola' hile'i la'uhuay, meca'ni'enyacola' lan tsilqui.

27 Łaca'no' timi:

—Maipoujna, al linca lotaiqui'. Iya' cacua: Ihniya lan tsilqui, tama atsilqui, ihne titeji laijhualcay ca'i lacangemma limesa lipoujna.

²⁸ Licuej'ma jiliya lataiqui' Jesús timi:

—Maca'no', acueca' al'hua iyijmpa. Ma to lahsahue'epa, tole ti'ita'.

Ma'e 'hora ixal'cona'ma li'hua laca'no'.

²⁹ Jesús ipanni jilpiya. Ti'hua tema al cuecaj quin'nuhua' Galilea. If'aj'ma hijualay, licuaitsi icutshuai'ma jilpiya.

³⁰ Icuaiyunca axpela' lan xanuc'. Icuai'etsa axpela' lilefcualtay, ihne lan coxo, latumane, lan fohue, jouc'a ocuenaye lan xanuc' ihne aimi'i mipalaiyi, jouc'a ocuenaye lafcualtay. Ipo'nom'mola' huejnca li'mitsi' Jesús. Ique ixal'mena'mola'.

³¹ Lan xanuc' ixim'me ite li'ipola' lafcualtay. Ihne pe aimipalaiyi ipalaina'me. Ihne latumane joupa ixal'conapola'. Lan coxo tiyenayi. Lan fohue tixinalenayi. Lixim'me to'ta'a lan xanuc' timiyot'si:

—¡Xinla' ja'a! Ique Jesús ti'ay al cueca'.

Ix'najtsi'i'me LanDios, hilenDios ihne lan xanuc' Israel.

³² Jesús ijoc'i'mola' ts'ilihuequi, ticuainanca. Timila':

—Iya' caxinnila' cuanuc'la ihna'a lan xanuc'. Ixhuaita afane' quitine malmana' anuli fa'a. Ailopa'a cotejacu. Aimi'iya cummeyacola' to'ta'a. Aimi'iya miyeyacu lipitelotya'. Titafquecola' lane.

³³ Ts'ilihuequi timiyi Jesús:

—Jifa'a ailopa'a qui'tya'. ¿Petsi ca'tsi'neyacu la'i lotejacu ihna'a axpela' lan xanuc'?

³⁴ Jesús icuis'e'mola' ts'ilihuequi, timila':

—¿Tojua mipa'a lola'i?

Timiyi:

—Acaitsi la'í, oquexi' afantsi latuye.

³⁵ Jesús timila' lan xanuc':

—To'cutsotaita lamats'.

³⁶ Epef'mola' lan caitsi la'í jouc'a latuye. Ix'najtsi'i'ma LanDios. Ixquenuf'mola', epi'i'mola' ts'ilihuequi. Ts'ilihuequi eca'neyale'me.

³⁷ Jahuay itetso'me, ixhuait'sola'. Ts'ilihuequi efot'le'me lan hualcay lipanecomma. Imantsi acaitsi cal tuc'pay.

³⁸ Lan xanuc' nitetsopá tixhuaispola' oquej nuxans maxnu. Laca'no', la'uhuay itetsopá jouc'a, aiqixhuej'mem'mola' ihniya.

³⁹ Jesús ixc'ai'ina'mola' lan xanuc' tiyente lipitelotya'. If'aj'ma al barco, i'hua'ma lamats' pe lopa'a li'tya' cuftine Magdala.

16

1 Lam fariseo jouc'a lan saduceo icuaitsa pe lopa'a Jesús. Ehuai'me. Timiyi:

—To'ela' al cueca to lo'eya LanDios, iŕque Nopa'a lema'a. Toŕta'a aŕ'huaiyjm'mo'.

2 Jesús italai'e'e'mola', timila':

—Mif'acai'ma cal 'ora, ja'ni tunxaŕc'o lema'a, toŕcuayi: “Mouqui ti'i'ma ac'a quitine”.

3 Mi'i'ma quitine toŕcuayi: “Xinŕa', tunxaŕc'o lema'a, unxam-uhua, ti'hua'ma ŕahua', ticui'ma”. Imanc' a'i cunc'ic'a xanuc', ma le'a tonŕ'e'eyoŕtsi. Toŕsuef'yi lema'a, tijouŕa', aimi'iya coŕsina' te ts'i'ic' lomuc'ipolhuo' LanDios itsiya litine.

4 'Lan xanuc' nomana' itsiya ux'maspá lipene LanDios. Mi'eyi al xujc'a timiyi: “Aŕmuc'itsonga' al cueca”. A'i mimuc'inyacola'. Linca ti'i'ma to li'ipa cal profeta Jonás mipa'a luyaipa quitine. Iŕiya lo'iya tixim'me.

Ipo'no'mola' i'huana'ma.

5 Iquiecona'me al cueca' quin'nuhua' Jesús jouc'a ts'ilihuequi. Jiŕniya ts'ilihuequi aiŕquiŕtaic' quile'i, imenc'ecopá.

6 Jesús timila':

—Toŕpo'noŕe cuenna. Aimolapenuf'me liŕhevadura lam fariseo, ni aimolapenuf'me liŕhevadura lan saduceo.

7 Iŕniya timiyotŕtsi:

—¿Te calmicoponga' toŕta'a? O ¿iŕque inescopa aicaltaic' cala'i?

8 Jesús ixina' locuapa iŕniya, timila':

—¿Te colmicopoŕtsi: “Illanc' aicaltaic' cala'i. ¿Te cal'eyacu?”? Imanc' huata aŕ'huaiyinge.

9 ¿Te olimenc'ecopá lam maque' la'í litempa loquej nuxans quimbama' maxnu lan xanuc'? ¿Te olimenc'ecopá tojua lan tsiquihuit'ŕ loŕma'ne'mola' cal hualcay ca'i ŕipanecomma?

10 ¿Te jouc'a olimenc'ecopá lacaitsi la'í litempa lam malpuj mil lan xanuc'? ¿Te olimenc'ecopá tojua lan tuc'pay loŕma'ne'mola' cal hualcay ca'i ŕipanecomma?

11 ¿Te aimoŕcuejcoyi laitaiqui' laimipolhuo'? Iŕe laitaiqui' laimipolhuo': “Toŕpo'noŕe cuenna. Aimolapenuf'me liŕhevadura lam fariseo. Ni aimolapenuf'me liŕhevadura lan saduceo”, iya' aicapalaijma ŕa'i.

12 Itsiya ts'ilihuequi Jesús iŕcueca iŕque limipola'. Jesús tipalaicola' lam fariseo jouc'a lan saduceo lomuc'iyalepa. Aimipalaijma cal levadura iŕe ŕolai'impa cal harina milanc'em'me ŕa'i.

13 Jesús jouc'a ts'ilihuequi icuaitsa ŕemats' iŕe liŕya' cuftine Cesarea de Filipino. Jiŕpe Jesús icuis'e'mola' ts'ilihuequi, timila':

—Iya' iŕque cal Xans Liximpa cal profeta pu'hua lema'a, ¿te limetsaijma lan xanuc'? ¿Te cocuapa iŕniya? ¿Naitsi iya'?

14 Iñiya timiyi:

—Timana' ñhe nocuapá ima' unJuan Bautista. Ocuenaye ticuayi ima' umprofeta Elías. Locuenaye ticuayi ima' umprofeta Jeremías o mocuenaj profeta.

15 Jesús timila':

—Imanc', ¿te cołcuapa? ¿Naitsi iya'?

16 Pedro italai'e'e'ma, timi:

—Ima' unCristo, ñummepo' ñanDios. Ima' i'Hua ñanDios ñimaf'i'.

17 Jesús timi:

—CunSimón, i'hua Jonás, ima' ipaxnepo' ñanDios. A'ij xans ñimuc'ipo' tołta'a. Ma le'a cai'Ailli' Nopa'a lema'a, ñque ñinca ñimuc'ipo'.

18 Iya' camihuo': Ima' umPedro. ñe lopuftine ja'ni tuhuałcufinle, tecui'im'me Apic. Itsiya omujpoxi to ñapic petsi laifpo'nof'iya ñainejut'í, ñe lolanc'ecoya axanuc' pe laifnefot'leyacola'. Iñiya ni lamaya aimulijyacola' nulemma.

19 Capi'i'mo' lomane tomuc'itsola' lan xanuc' ti'ñla' quñsina' pe lołtsuflaiyacu, tiyenle lipene ñanDios, ticuaitsa pe locuxeyopa ñanDios, ñque Nopa'a lema'a. Pu'hua lema'a ja'ni ticuanni: “Ailopa'a ñane, aimi'e'me”, tołta'a ima' jouc'a tomi'mola' lof'as xanuc': “Aimo'e'ma. Ailopa'a ñane. Aimi'ya mo'eya tołta'a.” Pu'hua lema'a ja'ni ticuanni: “Ne', ti'i'ma ti'e'me”, ima' jouc'a tomi'mola' lof'as xanuc': “Ti'i'ma to'e'ma, tipa'a ñane. Ne', to'ela'.”

20 Ixc'ai'i'mola' ts'ilihuequi, timila':

—Aimonluya'a'me naitsi iya', iya' ninCristo.

21 Ipangocopa ñe litine Jesús tu'ila' ts'ilihuequi te ts'i'ic' lo'iya. Tu'ila' ticuicomma titełco'ma, ti'huaña'ma Jerusalén. Jñpiya ññiya lan xanuc' noxpijpá lataiqui', lixanuc' cal cuecaj ca'ailli' jouc'a lomxiye nomuc'iyalepá locuxepa ñanDios, titełmita juaiconapa. Tima'ata. Afane' quitine timaf'ina'ma.

22 Pedro aiquetenłcoco'ma ñe lines'ma Jesús. ñleco'ma lijuqueya, itale'ma, timi:

—Maipoujna, aimocua'ma tołta'a. Aimi'ya mi'iyaco' toñiya.

23 Jesús ipai'e'moxi, timi Pedro:

—¡To'huanña! ¡Tanajxoxi fa'a! Ima' monta'a. Ima' opic'a ałñnic'e'eta laipene. Ima' toxpice to mixpic'eyi lan xanuc'. Ituca' tixpic'e ñanDios.

24 Jesús tipalaic'ola' ts'ilihuequi, timila':

—Cal xans, ja'ni lihuejla', aimicuxeyacoxi quituca'. Iya' la-pałts'inginna lancruz. Naitsi ñalihuejya titaiña' lenacruz jouc'a. Tixpic'ela' tixnet'ña' latełcoya. Tołta'a lihuejla'.

25 Naitsi no'epoxi cuenna juaiconapa, ja'ni aimicua mitełcoya, ñque cal xans tecani'e'moxi. Naitsi nocuyacoxi

lateꞥcoya, nalihuejya, tama tima'anꞥ, iꞥque tulij'ma lipitine, iꞥe al ts'e lipitine aimijouya.

²⁶ Cal xans nulijpa jahuay lopa'a fa'a li'a ꞥamats', ja'ni tecani'exoxi ꞥte tixhuico'ma iꞥe lulijpa? A'i, aimi'iyá. ꞥTe ti'i'ma ti'najtse'ma, ti'e'econa'moxi ac'a lipicuejma'? A'i. Aimi'iyá.

²⁷ 'Iya' iꞥque cal Xans Liximpa cal profeta pu'hua lema'a. Cacuaiconanni jifa'a li'a ꞥamats', aꞥejmalecu lainepaluc' quema'a. Toꞥta'a aꞥsim'ma iya' nincueca', a' onꞥcota to ꞥanDios cai'Ailli'. Iꞥe litine iya' ca'najtse'mola' lan xanuc'. Anuli anuli tepenuf'me lolijpa, ja'ni al c'a o lixcay. To li'epa jifa'a li'a ꞥamats' ma toꞥta'a ca'najtse'mola'.

²⁸ Iya' camilhuo' al linca: Iya' iꞥque cal Xans Liximpa cal profeta pu'hua lema'a, cacuxe'mola' lan xanuc'. Hualca imanc' nolacaxhuoꞥanna fa'a itsiya, ai'a timana'molhuo' toꞥsim'me toꞥta'a laif'epa.

17

¹ Uyai'ma acamts'us quitine Jesús ileco'mola' Pedro jouc'a loquexi' capimaye Jacobo jouc'a Juan. If'ajli'me quilituca' li'nof'quiya hijuala.

² Licuaitsa jilꞥpe ipaico'ma lixans Jesús. Iꞥne ts'ilihuequi ixim'me li'a tunts'ifi to cal 'ora. Lipijahua' i'i'ma afujca, ti'onꞥcospa to lipepalc'o' litine.

³ Ixim'me imaxcaitsola' Moisés y Elías. Ts'ilihuequi ixim'me mipalaic'oyi Jesús.

⁴ Pedro timi Jesús:

—Maipoujna, ma jifa'a aꞥmanecu. Toꞥta'a luyalaico'me al c'a. Ja'ni opic'a calanc'e'ma afane' lihuoxqui, anuli ima', anuli Moisés, anuli Elías.

⁵ Mipalay Pedro, imunni ꞥummahuay, ummaf'cai'mola'. ꞥummahuay tunts'ifi. Ts'ilihuequi Jesús icuej'me tipalay nolojmay cummahuay, timila':

—Iꞥca'a ai'Hua, ca'ay capic'a juaiconapa, latenꞥma lipicuejma'. ¡Toꞥquimf'ꞥe!

⁶ Licuej'me iꞥiya lataiqui', ts'ilihuequi Jesús ixpailij'mola' juaiconapa. Ixpats'huoꞥai'me ꞥamats'.

⁷ Jesús icuaitsi pe loxpats'huoꞥanna, iꞥaf'mola', timila':

—Toꞥsolinanca. Aimixpailij'molhuo'.

⁸ Iꞥniya ehuelojm'me. Ixim'me ma le'a quituca' Jesús. Moisés y Elías ailomana'.

⁹ Mimulnamma hijuala, Jesús ixc'ai'i'mola', timila':

—Itsiya aimoluyout'ꞥe'me loꞥsimpa. Nij naitsi nocuejya. Iya' iꞥque cal Xans Liximpa cal profeta pu'hua lema'a. Ticuaitsi

litine camaf'inla', quipayonahuo pe lomana' lamizhua, ile litine tolu'i'mola' lan xanuc' lołsimpa.

¹⁰ Ts'ilihuequi icuis'e'me, timiyi:

—Lomxiye nomuc'iyalepá locuxepa LanDios tinesyi: “Elías ticuaiconahuo ate'a, tijoula' ticuaihuo cal Cristo”. ¿Te conescopa tołta'a?

¹¹ Jesús italai'e'e'mola', timila':

—Al linca lonespa ihniya: “Elías ticuaiconahuo ate'a”. Iłque tixanu'ma jahuy.

¹² Iya' camilhuo': Elías joupa icuai'ma. Ihniya aiqulimetsaijma. Iteł'mipá, i'e'epá ma to ts'ılıpic'a. Ma tołta'a to ts'ılıpic'a, atel'mi'ma iya' jouc'a. Iya iłque cal Xans Liximpa cal profeta pu'hua lema'a.

¹³ Ts'ilihuequi Jesús icuec'e'me tipalaijma Juan Bautista, iłque ti'onłcospa to Elías.

¹⁴ Icuainatsa pe lomana' axpela' lan xanuc' lafołyomma. Anuli cal xans icuaitsi pe lopa'a Jesús, exc'onłingai'ma, timi:

¹⁵ —Maipoujna, toxinla' cuanuc' łai'hua. I'huajcopa mac'ojay. Titełma juaiconapa. Camna tecajm-maispa łunga, o camna tecajm-maispa laja'.

¹⁶ Aicuai'e'ma pe lomana' ts'ihuejhuo'. Iłne aimi'i mixal'meyi.

¹⁷ Jesús italai'e'ma, ticua:

—¡Ah imanc'! Aimol'huaiyijnyi LanDios, a'ij łijca lołpicuejma'. ¡Coła' aicapajncona'ma pe lołmana'! ¿Te iya' ti'hua caxnet'ł'ma xonca?

Timi cal xans:

—Ałhec'metsi lo'hua.

¹⁸ Jesús itale'ma łiponta'a Satanás, iłque łitsufaipa łamijcano. Ipanni. Aiquicol'ma, ixalona'ma łi'hua cal xans.

¹⁹ Ts'ilihuequi icuaitsa quıtuca' pe lopa'a Jesús, timiyi:

—Ilanc', ¿te aiqui'ic' colipa'e łonta'a?

²⁰ Jesús timila':

—Imanc' aicol'huaiyinge LanDios. Tołta'a aiqui'ic' colipa'e łonta'a. Iya' camilhuo' al linca: Tama ajhuata ile loł'huaiyijncopa LanDios, tama ti'onłcospa to anuli cal fanu' xonca aca'hua, ja'ni toł'huaiyijnyi ti'i'ma toł'e'me al cueca'. Tołcuxe'e'me iłque łijuala, tołmi'me: “Aimopajm'ma xonca fa'a. To'huanla' pu'huanni.” Ma tołta'a ti'i'ma.

²¹ Jouc'a camilhuo': Lontahue to iłcu'hua afule mipalumma. Ticuicomma tołsnet'łe, tołsa'huełe LanDios, tołta'a tołipa'e'mola'.

²² Miyelocoyi al distrito Galilea, Jesús jouc'a ts'ilihuequi, iłque timila':

—Iya' iłque cal Xans Liximpa cal profeta pu'hua lema'a, ałcunna. Lan xanuc' ał'e'eta to mixpic'eyi łıłpicuejma'.

23 Alma'ata. Afane' quitine camaf'ina'ma, quipayohuo pe lomana' lamizhua.

Licuej'me jil'ya lataiqui' ts'ilihuequi Jesús ixhuełconca juaiconapa.

24 Icuaitsa li'ya' Capernaum. Jil'pe iyoyunca lin'najtsi'iyalepá al cuecaj xoute'. Icuis'e'me Pedro, timiyi:

—Łopomxi, ¿te ti'najtse'e loxa'huempa al cuecaj xoute' o a'i?

25 Pedro italai'e'e'mola', timila':

—Ti'najtse'e.

Icuaitsi lajut'ł. Jesús ixina' licuis'epa il'ne lin'najtsi'iyale. Ipalaic'o'ma Pedro, timi:

—Simón, ¿naitsi il'ne no'najtsepá impuesto? Il'e al tomí lapenufyacu lincuxepá nomana' fa'a li'a łamats', ¿te liłnaxque' lincuxepá ti'najtseyi? o ¿locuenaye lan xanuc'?

26 Pedro timi:

—Locuenaye lan xanuc' no'najtsepá, liłnaxque' a'i.

Jesús timi:

—Al linca lofcuapa. Liłnaxque' aimi'najtseyi.

27 Iya' i'Hua ŁanDios, il'ne aimi'iya małmiya: “To'najtseł'a' lejut'ł ŁanDios”, il'e ejut'ł cai'Ailli'. Tama al linca il'e laifcuapa, itsiya camihuo': Al'najtse'me. Ja'ni a'i ticua'me latets'ila'. To'huał'a' al cuecaj quin'nuhua', tacajm'mitsi łomecuxa. Cal te'a catú tinuc'la' łacuxa, to'noł'a'. Tacuał'etsi lico, taipa'atsi al tomí lopa'a jil'pe lico łatu. Totaitsi, to'najtse'etsola' il'e lałsahue'emponga'.

18

1 Il'ne litiné ts'ilihuequi Jesús icuaitsa, icuis'e'me Jesús, timiyi:

—Jil'piya pe lomana' il'niya naihuejcopá cal Rey Nopa'a lema'a, ¿naitsi xonca cal cueca'?

2 Jesús ijoc'i'ma anuli łahuac'hua. Ecaxu'e'mola' ts'ilihuequi,

3 timila':

—Iya' camilhuo' al linca: Ticuicomma tołsuej'menca, toł'etsoltsi to jil'ca'a łacahuac'hua. Ja'ni a'i, aimołsufliayacu pe lomana' naihuejcopá ŁanDios, cal Rey Nopa'a lema'a.

4 Ja'ni cal xans ti'oc'exoxi, ti'onłicoxoxi to il'ca'a łacahuac'hua, il'que cal xans ti'i'ma xonca cal cueca' pe lomana' naihuejcopá cal Rey Nopa'a lema'a.

5 Cal xans nocuapa: “Jesús ti'ela' capic'a la'uhuy”, tijouł'a' tepenufi anuli il'na'a, il'que cal xans lapenufinga' iya'.

6 'Cal xans naimenac'iya anuli il'na'a laica'uhuy nał'huaiyijmpa, acueca' titeł'mim'me. Il'que coł'a' ifi'em'me łejoc', coł'a' ifinc'im'me cal cuecaj capic, ecajm'mintsa lin'nuhua' coł'a' unxałac'ma, ima'ma. Tołta'a ticuicomma lo'iya il'que cal xans.

7 Micoñi li'a łamats' ti'hua timajm'me lan xanuc' naimenac'iyacu liñ'as xanuc', tołta'a aimunłuya li'a łamats', titel'mim'me. Ma' anuli cal xans naimenac'iya liñ'as xans a'ijc'a loyaicoya, jouc'a aimunłuya.

8 'Ja'ni lomane o lo'mis timenac'ihuo' najmay tatejla', taca'niła'. Ja'ni tecajm'minno' petsi aimipica łunga, ¿te cof'ecoyacola' oque' lomane, oque' lo'mitsi'? Najmay totsufaitsi jilpiya pe lotsuflaiyacu iñe nepenuřpá al ts'e liłpitine aimijouya, tama le'a anuli lomane o anuli lo'mis.

9 Ja'ni anuli lo'u timenac'ihuo', taipa'ala', taca'niła' aculi'. Ja'ni tecajm'minno' al muf pe lonajpa łunga, ¿te cof'ecoyacola' oque' lo'u'? Najmay totsufaitsi jilpiya pe lotsuflaiyacu iñe nepenuřpá al ts'e liłpitine aimijouya, tama le'a anuli lo'u.

10 'Imanc' tołpo'nołe cuenna. Aimonlatets'i'mola' iñna'a laica'uhuy. Iya' camilhuo', jilpe lema'a timana' lilepaluc' iñna'a laica'uhuy. Iñe lapaluc' quema'a itine itine timana' anujnca cai'Ailli', iłque Nopa'a lema'a.

11 Iya' iłque cal Xans Liximpa cal profeta pu'hua lema'a. Aicuaicoco'ma fa'a li'a łamats' cunłu'e'mola' lan xanuc' le-jac'pola'. Ie ma' aipenic'.

12 '¿Te cołcuapa? Anuli cal xans timana' amaxnu limot'ł, ja'ni anuli tejac'la', ¿te co'eya? Iłque tipo'no'mola' lam malpuj nuxans quimbamaj pella jilpiya limuc'o, ti'hua'ma tehueta łejac'pa.

13 Ēinca lam malpuj nuxans quimbamaj pella limot'ł, iñe pe aiquejac'ila', iñniya tixoc'iyi queta cal xans. Tixinnatsi limot' łejac'pa, xonca tixoc'i'ma queta.

14 Tołta'a lipicuejma' coł'Ailli', iłque Nopa'a lema'a. Iłque ticua: Aimejac'mola' laitsocay ca'uhuy, ni anuli.

15 'Ja'ni a'ijc'a li'epo' łopima, to'huała' ima' cotuca' pe lopa'a iłque. Tomitsi: "¿Te cał'ecopa tołta'a?" Ja'ni ticueca joupa oxanu'epa. Tołpalaic'ona'mołtsi, ailopa'a tintsí.

16 Ja'ni aimicueca, topo'noła', to'huała', tahuetsola' anuli o oquexi' lapimaye. Tolecotsola' pe lopa'a łopima. Tołta'a to'e'ma ma to loya'apa al Paxi Linilñgiya, ticua: "Ticuicomma oquexi' afantsi lan xanuc' ticuejcota lotalai'ecoya anuli cal xans".

17 Ja'ni iłque łopima aimicueca, ja'ni aimiquimf'ela' iñniya, to'hua'ma, to'itola' lapimaye jilpiya pe lafot'łeyopołtsi. Ja'ni ti'hua aimicueca, aimiquimf'ela', ima' aimaimetsaico'ma xonca, jilque cal xans a'i copima. Ima' aimonłejmaleyacu lan xanuc' pe aimimetsaicoyi ĒanDios, jouc'a pe aimihuejcoyi locuxepa ĒanDios aimonłejmaleyacu. Ma tołta'a aimonłejmalecona'me iłque cal xans.

18 'Iya' camilhuo' al ĩnca: Pu'hua lema'a ja'ni ticuanni: "Ailopa'a lane, aimi'e'me", tołta'a imanc' jouc'a tołmi'mola' loł'as xanuc': "Aimo'e'ma. Ailopa'a lane. Aimi'iya mo'eya

tołta'a." Pu'hua lema'a ja'ni ticuanni: "Ne', ti'i'ma ti'e'me", imanc' jouc'a tołmi'mola' lołf'as xanuc': "Ti'i'ma to'e'ma, tip'a lane. Ne', to'eł'a."

¹⁹ Jouc'a camilhuo': Mołmana' fa'a li'a łamats', ja'ni oquexi' imanc' ti'ıla' anuli lołpicuejma', ja'ni tołsahue'ełe cai'Ailli' Nopa'a lema'a tepi'itsolhuo', iłque tepi'i'molhuo' iłe lołsahue'epa.

²⁰ Pesti lafołyomma oquexi' afantsi lan xanuc' nał'huaiyijmpa, iya' jouc'a capa'a.

²¹ Pedro i'hua'ma pe lopa'a Jesús, icuis'e'ma, timi:

—Maipoujna, łtojuia quimenc'e'eco'ma lijunac' łaipima, iłque a'ijca' łal'e'epa? Iya' cacua tixhuaitsi acaitsi.

²² Jesús timi Pedro:

—Iya' camihuo': A'i nica acaitsi taimenc'e'eco'ma li'e'epo' lixcay łopima. Cojouya lan caitsi ti'hua taimenc'e'eco'ma afanej nuxans quimbama', tijouł'a' ti'hua taimenc'e'eco'ma, aimi'iya moxhuj'meya.

²³ 'Micuxe ŁanDios cal Cuecaj Rey Nopa'a lema'a, iłque li'ejma' ti'onłcospa to li'ejma' anuli cal cuecaj quincuxepa. Iłque ixpic'epa ti'najtsi'itsola' limozó.

²⁴ Lipangopa li'najtsi'ipola' limozó, ate'a icuai'entsa anuli cal mozo xonca itaiyinge acueca'.

²⁵ Iłque cal mozo aimi'iya mi'najtseya. Łipoujna, iłque cal cuecaj quincuxepa, icuxe'ma ticuquintsas limozo. Jouc'a ticuquintsola' łipeno, linaxque', jahuay li'huexi. Tołta'a ti'najtseco'ma litaiyinc'e.

²⁶ Cal mozo exc'onłngai'ma, ixa'hue'ma łipoujna, timi: "Ti'ıla' c'a łomunxajma'. Ał'huaicoł'a'. Ca'najtse'ena'mo' jahuay laitaiyinc'ehuo'."

²⁷ Łapoujna ixim'ma acuanuc' limozo. Imenc'e'ecopa litaiyinc'enni. Ux'mas'ma.

²⁸ 'Ipanni cal mozo łimenc'e'ecompa litaiyinge. Italecuf'ma anuli łif'as mozo. Iłque itaiyinc'e huata. Cal mozo łimenc'e'ecompa litaiyinge i'noł'ma łif'as mozo. Ipango'ma ummit'le'e'ma łejoc', tija'e', timi: "ıAł'najts'e'eł'a' lałtaiyinc'e!"

²⁹ Łif'as mozo exc'onłngai'ma, tixahue'e, timi: "Ti'ıla' c'a łomunxajma'. Ał'huaicoł'a'. Ca'najtse'ena'mo' jahuay laitaiyinc'ehuo'."

³⁰ Iłque cal mozo aikuicuac'. I'hua'ma icuxe'ma titats'entsa, tipajntsi lacarza. Ticua: "Ma całtaiyinc'e tipajnl'a' jıłpiya".

³¹ 'Locuenaye lam mozó ixim'me li'i'ma. Ixhuełco'me. Iye'me u'itsa łipoujna jahuay li'i'ma.

³² Łapoujna, iłque cal cuecaj quincuxepa, ijoc'i'ma cal mozo, iłque łimenc'e'ecompa litaiyinge, itale'ma, timi: "Ima' mixcay mozo. Ima' ałsa'huepa, iya' nimenc'e'ecopo' lotaiyinge jahuay.

³³ Iya' aiximpo' uncuanuc'. Ima', łte aicoxina' cuanuc' łof'as mozo?"

³⁴ Lapoujna ixtuc'o'ma juaiconapa itque limozo. Icuxe'mola' ti'hua'ante pe lomana' lin'notale ti'nohta, tite'l'minna. Ma mi'hua mitaiyinge, ti'hua tite'l'minna. ¡Ti'najtse'ela' jahuay litaiyinc'e!

³⁵ 'Imanc' jouc'a ja'ni aimolimenc'e'ecoyacola' nulemma lohpimaye li'e'epolhuo', tofiya tite'l'mi'molhuo' cai'Ailli' Nopa'a lema'a.

19

¹ Lijoupa lu'ipola' ihiya lataiqui', Jesús ipanni jilpe al distrito Galilea, i'hua'ma lamats' lopa'a locuenaj liju' al pana' Jordán.

² Axpela' lan xanuc' tihuejyi, jilpe ixal'me'mola'.

³ Icaitsa lan xanuc' fariseo tehuaife. Icuis'e'me, timiyi:

—Cal xans, ja'ni lipeno tipa'a li'epa, ¿te tipa'a lane tecanai'ma itque laca'no'? O ¿aimi'ya?

⁴ Jesús italai'e'e'mola', timila':

—¿Te aicohsuec' ihe li'epa LanDios lilanc'epa li'a lamats'? Ilanc'epola' oquexi', anuli cal xans anuli laca'no'.

⁵ Lijoupa lilanc'epola' ihe loquexi', LanDios uya'a'ma: “Cal xans tipo'no'mola' quituca' qui'ailli' qui'máma', tileco'ma lipeno. Ti'e'e'mohtsi anuli.”

⁶ Ai'a tileco'mohtsi timana' oquexi'. Lijou'ma i'i'mola' anuli. LanDios tohta'a ejonlipola'. Imanc' unc'ixanuc', aimonlanaj'mola'.

⁷ Lan xanuc' fariseo icuis'e'me, timiyi:

—Moisés inesco'ma: “Cal xans tiniñ'ma al je'e lacanaicoya lipeno, tijoula' ti'i'ma tecanai'ma”. Ja'ni cal xans aimi'ya mecanaiya lipeno, ¿te quinescopa tohta'a Moisés?

⁸ Jesús italai'e'e'mola', timila':

—Moisés iximpolhuo' imanc' lohpicuejma'. Imanc' unc'incuejlocale. Tohta'a epi'ipa lane cal xans tecanaiya lipeno. Al te'a a'i tohta'a licuxepola' LanDios.

⁹ 'Iya' camilhuo', cal xans aimi'ya mecanaiya lipeno. Tipa'a lane tecanaiya' ma le'a ja'ni laca'no' ihuejpa ocuena' cal xans. Ja'ni a'i, aimi'ya mecanaiya. Cal xans necanaipa lipeno, ja'ni ilecopa ocuenaj caca'no', itque cal xans i'epa lixcay, titai'ma lijunac'.

¹⁰ Ts'ilihuequi Jesús timiyi:

—Ja'ni tohta'a cal xans aimi'ya mecanaiya lipeno, xonca ac'a loyaicoya cal xans ja'ni aimilecoya caca'no'.

¹¹ Jesús timila':

—A'i jahuay lan xanuc' mi'ya mepenufyacu ihe lataiqui' lohnescopa. Tepenuf'me ihe lan xanuc' joupa lepi'ipola' tohta'a lihpicuejma' LanDios.

¹² 'Timana' ihe aimilecoyi caca'no', tohta'a lihsans. Ocuenaye, lihf'as xanuc' i'e'empola', tohta'a aimi'ya milecoyacu caca'no'. Jouc'a timana' ihiya quituca' ixpic'epá aimileco'me caca'no',

inespá: “Capajm'ma caituca'. Tołta'a xonca ca'e'ma lipenic' ŁanDios cal Cuecaj Rey Nopa'a lema'a.”

¹² Naitsi ti'i'ma tepenuf'ma iłta'a lataiqui', ne', tepenufla'.

¹³ Icuai'entsola' la'uhuay pe lopa'a Jesús. Ticuayi tixpayaf'tsola' Jesús limane hiıjuac la'uhuay, tixa'huełta' ŁanDios titoc'itsola'. Ts'ilihuequi ixtulencia, italem'mola' iłniya nocuai'espá liınaxque'.

¹⁴ Jesús timila':

—Tolapi'itsola' lane tiyouyunca la'uhuay pe laifpa'a. Aimocuanac'e'mola'. Pe lo'onıcospola' to iına'a la'uhuay, iıne linca titsuflai'me pe locuxeyopa cal Cuecaj Rey Nopa'a lema'a.

¹⁵ Ixpayaf'mola' limane. Lijou'ma ti'hua tuyaipa.

¹⁶ Anuli cal xans icuaitsi pe lopa'a Jesús, icuis'e'ma, timi:

—Momxi, aipic'a culijla' al ts'e laipitine pe aimijouya. ¿Tej c'a caif'eya?

¹⁷ Jesús italai'e'e'ma, timi:

—İma', ¿te calicuis'ecopa te ts'i'ic' al c'a? Anuli ma le'a cal C'a, iıque ŁanDios. Ja'ni totsufai'ma pe lofmepenufya al ts'e lopitine aimijouya, taihuejcołta' locuxepa ŁanDios.

¹⁸ Cal xans icuis'e'ma, timi:

—İne łataiquı' loya'apa locuxepa ŁanDios, ¿jale iıe caifnihuej-coya?

Jesús timi:

—“Aimoma'ahuale'ma. Aimoxhuico'ma lipeno łof'as xans, ma le'a quituca' łopeno toxhuico'ma. Aimonantse'ma. Ja'ni topalaicotsola' lof'as xanuc' tonesla' al linca, aimofel'miyale'ma.

¹⁹ Taihuejco'mola' co'ailli', co'máma', totoc'i'mola'. İma' to'eyoxi capic'a, ma tołta'a to'ełta' capic'a lof'as xans, naitsi łoftalecufya.”

²⁰ Łamijcano timi:

—Łaıtojomma iıe łataiqui' canant'ıi, ti'hua canant'ıi. ¿Te calahue'epa?

²¹ Jesús timi:

—Ja'ni ma tanant'ıi'ma locuxepa ŁanDios, to'huanłta', tocuıtsi ło'huexi, iıııya al tomı lofmulijya tapi'itsola' lan xanuc' pe ailopa'a quıı'hueca. Tołta'a ti'i'ma acueca' ło'huexi jıpu'hua lema'a. To'ełta' ma to laıfmıpo', tijoułta' topaıconanni, lihuejla'.

²² Licuej'ma jııııya łataiqui', łamijcano ihuotsonni, i'hueca juaıconapa hi'huexi. I'huana'ma.

²³ Jesús timila' ts'ilihuequi:

—İya' camıııhuo' al linca: Cal xans ts'i'hueca acueca' tıxim'ma ipıme mıtsufaiya pe locuxeyopa ŁanDios cal Cuecaj Rey Nopa'a lema'a.

24 'Ticuanni: "Cal camello, itque inneja juaiconapa acueca', jilquiya aimi'iya muyaicoya laquipihuo lacuxa". Iya' camilhuo' ocuenaj cataiqui': Xonca ipime cal xans ts'i'hueca acueca' mitsufaiya pe locuxeyopa LanDios.

25 Licuej'me ihiya lataiqui' ts'ilihuequi Jesús juaiconapa ix-pailij'mola'. Timiyotsti, icuis'e'moltsi:

—¿Te calmicoponga' tohta'a? Aicalcueca. ¿Te ailopa'a contuya?

26 Jesús ehuelojm'mola', timila':

—Lan xanuc' quituca' aimi'iya munhu'eyacotsti. LanDios linca nipajnya tunhu'e'mola'. Nipajnya ti'e'ma jahuay.

27 Pedro italai'e'e'ma, timi Jesús:

—¡Toxinta! Illanc' alpo'nopá jahuay la'huexi, lihuejnahuo'. ¿Te calapi'inyaconga'?

28 Jesús timila':

—Iya' camilhuo' al linca. Ticuaihuo litine jahuay tipaico'ma, ti'i'ma al ts'e. Iya' itque cal Xans Liximpa cal profeta pu'hua lema'a. Cacutsai'ma laicuecaj asiento, cacuxena'ma to LanDios. Jilpe ti'i'mola' locuenaye limbamaj coque' lan cuecaj asiento. Jilpe tolcutołaita imanc' ts'alihuequi. Tołspijta cataiqui', tolcuxe'mola' lołpimaye itne jouc'a liłxanuc' limbamaj coquexi' linaxque' Israel.

29 'Cal xans ninespa: "Iya' quihuej'ma Jesús", ja'ni ux'maspola' lejut'ł o lipimaye, o qui'ailli' o qui'máma', o linaxque' o lemats', itque cal xans tulij'ma xonca axpela' itna'a, jouc'a tulij'ma al ts'e lipitine aimijouya.

30 'Itsiya timana' lan xanuc' tocomma xonca lan tet'ła. Locuaicoya quitine axpela' itniya ti'i'mola' lijoucola'. Jouc'a itsiya timana' itne tocomma lijoucola'. Locuaicoya quitine axpela' itniya ti'i'mola' lan tet'ła.

20

1 'Tohta'a micuxe LanDios, itque cal Cuecaj Rey Nopa'a lema'a. Itque li'ejma' ti'onłcospa to li'ejma' anuli cal xans ehue'mola' no'eyacu canic'. Itque cal xans apoujna, tipa'a lemats', ifapa cal 'uva. Li'i'ma quitine ipanni, ixim'mola' lan xanuc' tehueyi quitpenic'.

2 Imi'mola': "Ca'najtse'molhuo' to muliqui anuli litine cal xans no'epa canic". Umme'mola' ti'etsa canic' jilpiya pe li-fayiya li'uva.

3 'Joupa uyaipa ma to afanej 'hora ipaiconanni. Ixim'mola' ocuenaye tecaxołanna locucaleyompa. Tecaxołanna le'a, ailopa'a quitpenic'.

4 Timila': "Imanc' jouc'a tonłete, tonłetsa canic' jilpiya pe laifapa lai'uva. Iya' ca'najtse'molhuo' to mi'najtsenni." Iye'me.

5 'Al menac'o ipaiconanni lapoujna, jouc'a ipaiconanni mex-aihma cal 'ora. Ixim'mola' no'eyacu canic', imipola' jouc'a: "Ca'najtse'molhuo' to mi'najtsenni".

6 'Tehue'e anulij hora tif'acai'ma cal 'ora. Ipaiconanni. Ixim'mola' ocuenaye tecaxo'anna. Icuise'mola', timila': "Imanc' tunlacaxo'anna fa'a jahuay litine. ¿Ailopa'a colpenic'?"

7 Italai'e'e'me, timiyi: "Nij naitsi nalmiponga': To'eta canic'." Lapoujna timila': "Jouc'a imanc' tonlele, tonl'etsa canic' jilpiya lifafiya lai'uva. Ca'najtse'molhuo' to mi'najtsenni."

8 'Joupa if'acolaipa. Lapoujna camats' petsi lifafiya hi'uva, ijoc'i'ma nocuxepola' lam mozó, timi: "Tojoc'itsola' no'epá canic'. Al'najtse'mola', lapi'i'mola' quitomí. Lijoucola' al'najtse'mola' ate'a, lan tet'la al'najtse'mola' tijouco'ma."

9 'Icuaiyunca ihne nitsuflaipá lanic' ma mehue'e anulij hora tif'acai'ma cal 'ora, i'epá canic' le'a anulij hora. I'najtse'mola', epi'i'mola' to lo'najtsempa no'epá canic' anuli litine.

10 'Lijou'ma icuaiyunca lan tet'la. Ihniya ticuayi: "Xonca al'najtse'monga'". I'najtse'mola' to lepi'ipola' lijoucola'.

11 Lepenuf'me liktomí aiqueten'coco'mola'. Timiyi lapoujna:

12 "Illanc' xonca lulijle. Al'epá canic' jahuay litine. Al'snet'hpá linu'. Ihniya lijoucola' i'epá canic' ma le'a anulij hora, o'najtsepolá ma to lalulijpa illanc'."

13 Lapoujna italai'e'e'ma anuli jilne lan tet'la, timi: "Maipima, aicafel'mihuo'. Aimipo': To'hua'la, to'etsi canic'. Ca'najtse'mo' to muliqui anuli litine cal xans no'epa canic'. Ima' ahmipa: Ne', ai'huapa. Ca'eta canic'.

14 Tapenufla' lotomí, to'huan'la' lomejut'ł. Joupa ai'epa ile laixpic'epa. Ai'najtsepa hijoujma ma to lai'najtsepo' ima'.

15 ¿Te iya' aimi'ya caxpic'eya te ts'i'ic' caxhuicoya laitomí? O, ile laif'epa al c'a, ¿te ima' al'e'e laic'?"

16 'To'la'a lo'iya. Lijoucola' ti'i'mola' lan tet'la, lan tet'la ti'i'mola' lijoucola'.

17 Jesús tiyeyi lane jouc'a ts'ilihuequi, ticuaita al cuecaj quit'ya' Jerusalén. Miyeyi lane Jesús ileco'mola' limbamaj coquexi' ts'ilihuequi, ipalaic'o'mola' quituca', timila':

18 —Itsiya al'ajlijyi li'ya' Jerusalén. Iya' ilque cal Xans Liximpa cal profeta pu'hua lema'a. Jilpiya li'ya' Jerusalén alcunna. Ihne lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, al'eta to mixpic'e lipicuejma', alcuxecota alma'an'la'.

19 Alcunna, altaluntseta, luntafquinna quixmi laixpula' ihne lan xanuc' pe aimimetsaicoyi LanDios. Tijou'la' lapa'łs'ijnta lan-cruz, alma'ata. Afane' quitine camaf'ina'ma, quipayonahuo pe lomana' lamizhua.

²⁰ Icuaitsi quiŋ'máma' Jacobo y Juan, iŋne inaxque' Zebedeo. Quiŋ'máma' ilecola' loquexi', exc'onŋingai'ma Jesús, tixa'hue'ma.

²¹ Jesús timi łaca'no':

—¿Te ts'opic'a?

Łaca'no' timi:

—Aipic'a tapi'itsola' lainaxque' quiŋpenic'. Ima' tocuxe'ma to cal Cuecaj Rey. Ticuxele jouc'a iŋna'a. Anuli ticutsai'ma al c'a camane, locuena ticutsai'ma loxa camane.

²² Jesús ipalaic'o'mola' loquexi' lapimaye, timila':

—Imanc' aimołcuejyi te ts'i'ic' iŋe lałsahue'epa. ¿Te nipajnya tołtelco'me ma to iya' catełco'ma? ¿Te nipajnya tołsnet'i'me latełcoya?

Timiyi:

—Nipajnya.

²³ Jesús timila':

—Ma to iya' laiftełcoya, ma tołta'a imanc' tołtelco'me. Iya' aimi'iya camiyacolhuo': "Ałcutsingaila', ima' al c'a camane, łopima loxa camane". Aimi'iya caxpic'eya tołta'a. Cai'Ailli' joupa ixpic'epa naitsi iŋne nocutsołaiyacu jilpe. Tołta'a tepi'i'mola' iŋniya.

²⁴ Locuenaye limbamaj ts'ilihuequi Jesús iŋsina' iŋe loxahue'epa Jacobo y Juan. Ixtuc'om'mola' iŋne loquexi' lapimaye.

²⁵ Jesús ijoc'i'mola' jahuay iŋniya ts'ilihuequi, timila':

—Imanc' ołsina' lo'ipa jilpiya petsi lan xanuc' aimimetsaicoyi LanDios. Liłpincuxepá ti'e'eyołtsi to jipu'hua quiŋpoujnalá, lan tsila' quiŋpenic' ticuxenai'ennila' juaiconapa.

²⁶ Imanc', aimoŋ'e'me tołta'a. Ja'ni anuli imanc' tixpic'e ti'e'exoxi cal cueca', iłque titoc'itsola' lipimaye.

²⁷ Ja'ni anuli imanc' tixpic'e ti'e'exoxi cal te'a, iłque ti'e'exoxi to cal mozo.

²⁸ Iya' iłque cal Xans Liximpa cal profeta pu'hua lema'a. Imanc' tonł'ełe to laif'epa. Iya' aicuaicoco'ma jifa'a li'a łamats' catoc'itsola' lan xanuc'. Aicainesqui: Ałtoc'ila' iya'. Aicuaicoco'ma cacuła' laipitine, ca'najtsela' liłjunac' axpela' lan xanuc', cunłu'etsola'.

²⁹ Jesús jouc'a ts'ilihuequi ipalunca jilpe liłya' Jericó. Ihuej'me axpela' lan xanuc'.

³⁰ Jilpe liju' cane ticutsołanna oquexi' lam fohue. Icuej'me tuyaipa Jesús. Ija'a'me, timiyi:

—¡Mał'ailli', ima' łacui'impo' i'Hua cal rey David, ałsintsonga' ninc'icuanuc'la!

³¹ Lan xanuc' ixtulencia. Timinnila' lam fohue:

—¡Ti-ch'ixcotsolhuo'!

Iŋniya ti'hua tija'ayi, timiyi:

—¡Ma!ailli!, ima' łacui'impo' i'Hua cal rey David, ałtsintsonga' ninc'icuanuc'la!

³² Jesús ecaxhuenni, ijoc'i'mola' lam fohue, timila':

—¿Te ts'olpic'a? ¿Te caif'e'eyacolhuo'?

³³ Timiyi:

—Ma!ailli!, jalaxi'enatsonga' la!u'! ¡Alahuetsale!e!

³⁴ Jesús ixim'mola' acuanuc'la juaiconapa. Ifafc'e'mola' li!u'. Aiquico!ma, ehuetzalena'me. Ihuej'me Jesús.

21

¹ Icuaitsa li!ya' Betfage jilpiya lijuala cuftine Lijuala Olivo. Jerusalén ahuejnca. Jesús umme'mola' oquexi' ts'ilihuequi.

² Timila':

—Tonlete li!ya' lehuoc'ocojma. Tołtsuflaitsa, tołsinna tifijnaya anuli łacaca'no' burro, jouc'a li'hua tecaxijnaya liju'. Toluhuaiłta łaca'no' burro, ałlec'me'etsi jouc'a li'hua.

³ Ja'ni tinanc'ontsolhuo', tołtalai'eta, tołmita: “Liłpoujna ipicuicoya. Tijouł!a' tixhuicotsi ticuai'enacola', aimico!ya.”

⁴ Ti'ila' tołta'a tenant'ma locuapa cal profeta, ilque luya'apa linespa ŁanDios, ticua:

⁵ Tomitsola' lan xanuc' nomana' li!ya' Sión:

“¡Tołsin!e! Icuai'ma fa'a tołRey.

İque amanxu, enaf'caic' cal burro, i'hua linneja lintaipa caitay.”

⁶ Iye'me ts'ilihuequi. I'e'me to lixc'ai'i'mola' Jesús.

⁷ İlecotsa łaca'no' burro jouc'a li'hua. İxpef'i'me liłpuquiya łaca'hua burro. Jesús enaf'cai'ma.

⁸ Axpela' lan xanuc' xpou'me lane liłpuquiya. Ocuenaye etej'me limane' cal 'ec' xpou'me lane jilpe pe loyaicoya Jesús.

⁹ Lanxpela' ts'ilejme, jouc'a lanxpela' ts'ilenc'e tija'ayi ma' anuli timiyi:

—¡Hosana! ¡ŁanDios tun!u'eatso'! İma' łacui'impo' i'Hua cal rey David. Joupa lu'iponga' tocuaihuo ima', ałminga' ma ŁanDios la!Poujna tummeto'. İtsiya ocuai'ma. ¡Ałs'najtsi'ihuo' juaiconapa! İhne nomana' lema'a xonca al toncay tinesle: ¡Hosana! ¡ŁanDios tun!u'eatso'!

¹⁰ Jesús itsufai'ma Jerusalén. Jilpiya jahuay lan xanuc' tipailoyi, ticuitsufyi:

—¿Naitsi ilca'a?

¹¹ Li!ejmale Jesús italai'enca, timinnila':

—İlca'a cal profeta Jesús, qui'huayomma li!ya' Nazaret, jilpe al distrito Galilea.

¹² Jesús itsufai'ma pe lopa'a al cuecaj xoute'. İhuescuf'mola' jahuay ihniya no'najualepá jouc'a nocucalepá nomana' jilpe. Ejualai'f'e'e'mola' liłmesa pe nopai'ipaj tomí, jouc'a liłbanco nocujpá paloma.

13 Timila':

—Al Paxi Linilingiya tuya'e': "Lainejut'l tecui'im'me: Lajut'l petsi lan xanuc' tipalaic'oyo'me ÑanDios", itsiya imanc' to' onkicoyi ita'a lajut'l to jipu'hua lafoiyomma lan namats'.

14 Mipa'a Jesús jilpe pe lopa'a al cuecaj xoute' icuaitsa lam fohue, jouc'a lan coxo, ixal'mena'mola'.

15 Jilpe timana' la'uhuy tija'ayi, timiyi Jesús: "¡Hosana! ¡ÑanDios tunhu'eatso'! Ima' lacui'impo' i'Hua cal rey David."

Lixanuc' cal cuecaj ca'ailli' jouc'a lomxiye nomuc'iyalepá locuxepa ÑanDios ixim'me acueca' lo'epa Jesús, iquimf'e'me la'uhuy noja'apá, ixtulencia.

16 Itale'me Jesús, timiyi:

—¿Te ima' aimocueca locuapa jihu'hua la'uhuy?

Jesús italai'e'e'mola', timila':

—Cacueca. Imanc', ¿te aicoñsuec' al Paxi Linilingiya loya'apa?

Ticua:

Ihniya la'uhuy jouc'a lan tsocay notupá, ima' ManDios ocuxe'epola' tunac'otso'.

17 Jesús ipo'no'mola' quilituca'. Ipanni jilpe liya'. I'hua'ma liya' Betania. Jilpe ipanenni lipuqui'.

18 Lihic'ejma ipaiconanni, i'huacona'ma Jerusalén. Mi'hua lane tunle'e.

19 Ixim'ma anuli al 'ec icux jilpe liju' cane. Hoc'huai'ma. Ixim'ma alilopa'a qui'as, pangay quipela. Timi al 'ec icux:

—Aimi'ascona'mo'.

Aiquicoñ'ma, al 'ec icux ijuña'ma.

20 Ts'ilihuequi Jesús lixim'me jile al 'ec icux, timiyi:

—¡Xinla'! Jihya al 'ec icux aiquicoñi, joupa ijuñapa. ¿Te qui'ipa?

21 Jesús timila':

—Iya' camilhuo' al linca: Imanc' ja'ni aimoñnesyi: "¿Te ti'i'ma o aimi'ia?" ja'ni to'huaiyijnle ÑanDios, jouc'a nipajnya tonf'e'me to lai'e'epa al 'ec icux. Xonca al cueca' tonf'e'me. Ja'ni toñmi'me itca'a hijuala: "To'huanla', to'nij'mixoxi laja", ma toñta'a ti'i'ma.

22 Moñjoc'iyi ÑanDios ja'ni to'huaiyijnle, jahuy loñxahue'epa tepi'im'molhuo'.

23 Jesús itsufaicona'ma pe lopa'a al cuecaj xoute'. Mimuc'ila' lan xanuc' icuaitsa lixanuc' cal cuecaj ca'ailli' jouc'a lan tsilaj xanuc' noxpipá lataiqui'. Icuis'e'me, timiyi:

—¿Naitsi nepi'ipo' lomane toñta'a to'e'ma? ¿Naitsi nummepo'?

24 Jesús italai'e'e'mola', timila':

—Iya' jouc'a tipa'a laifnicuis'e'eyacolhuo'. Añtalai'ela', ti-jouñ' cu'i'molhuo' naitsi nalapi'ipa laimane ca'ela' toñta'a laif'epa.

²⁵ ¿Naitsi nummepa Juan tepo'itsola' lan xanuc'? ¿Te ËanDios o cal xans nummepa?

Ihne ipalaic'o'mołtsi quilituca', timiyoltsi:

—¿Te całmiyacu? Ja'ni ałmi'e: “ËanDios ummepa”, ihque alicuis'e'monga', ałmi'monga': “Imanc' ¿te aicolapenufi?”

²⁶ Ja'ni ałmi'e: “Cal xans nummepa”, tixtulecu lan xanuc'. Jahuay ticuayi Juan aprofeta, ËanDios ummepa.

²⁷ Timiyi Jesús:

—İllanc' aicałsina'.

Jesús timila':

—Iya' jouc'a aicu'iyacolhuo' naitsi nalapi'ipa laimane ca'eł'a' tołta'a.

²⁸ 'Imanc' ałquim'f'eł'a' laifnu'iyacolhuo'. Tijouł'a' alu'ıł'a' te colcuayacu.

'Anuli cal xans timana' oquexi' linaxque'. I'hua'ma pe lopa'a cal te'a qui'hua, timi: “Mai'hua, itsiya to'huał'a' to'etsi canic' jıłpe łainemats' pe laifapa łai'uva”.

²⁹ “A'i, aica'huaya”, timi. Lijou'ma lixhuej'menni, i'hua'ma i'etsi canic'.

³⁰ 'Qui'ailli' i'hua'ma pe lopa'a łocuena qui'hua, ma' anuli lataiqui' imitsi. Ihque italai'e'ma: “Ne', mai'ailli', ai'huapa”. Aiqui'huac'.

³¹ 'Itsiya lu'ıł'a', ihne loquexi' linaxque' cal xans, ¿naitsi ni'e'ma licuxe'epola' quıl'ailli'?

İtalai'e'e'me, timiyi:

—Cal te'a.

Jesús timila':

—Iya' camilhuo' al łınca. Itsiya timana' lan xanuc' jouc'a lacał'no' tuliquilhuo' imanc'. İhniya lan xanuc' lin'najtsi'iyale jouc'a lacał'no' notepá liłcuerpo, małniya tihuejconayi ËanDios, titsuflaiyi petsi locuxeyopa cal Cuecaj Rey Nopa'a lema'a.

³² 'Icuai'ma Juan Bautista imuc'i'molhuo' al c'a lane, aicolapenufi imanc'. Lin'najtsi'iyale jouc'a lacał'no' notepá liłcuerpo, ihniya łınca epenufpá. Imanc' ołsimpola' ihnu'hua ihıuej'menammas, aimołıuej'memmas, aicolapenufi Juan.

³³ 'Ałquim'f'eł'a'. Ca'onlıcocona'ma lo'epa ËanDios fa'a li'a lamats'.

'Anuli cal xans łıpoujna camats', ifapa cal 'uva. Eti'icopa apic. İpupa pe lotsuj'miyacu, loxoc'eyonyacu lan 'uva, tipa'a'me laquija'. Lijou'ma ilanc'e'ma anuli litoqui cajut'ı, jıłpe tipajm'ma no'epa cuenna łamats'. Lijou'ma icu'ma łemats', epi'i'mola' lan xanuc' ti'ełe canic'. Łaipammaiya tepi'im'me onlıca. Lijou'ma i'hua'ma aculi' camats'.

³⁴ 'Joupa tıxpınaf'quiya litine timaj'ma lan 'uva. Łapoujna umme'mola' limozó pe lomana' no'epá canic', titaita lo'ıya onlıca.

35 Iñiya no'epá canic' i'no!e'e'me lummepola'. Untaf'me anuli, ocuena ima'a'me, locuena ipa'me capic, ima'a'me.

36 'Lijou'ma lapoujna ummecona'mola' ocuenaye xonca axpela'. Iye'me pe lomana' no'epá canic', i'econa'me ma' anuli.

37 'Lijouco'ma umme'ma hi'hua. Ticua: "Ihca'a ai'hua. Linca tixpaic'eta."

38 'No'epá canic' lixim'me icuaico'ma hi'hua lapoujna camats' timiyoltsi: "Ihca'a tulij'ma jahuay lemats' qui'ailli', ihque lapoujna camats'. ¡Lepá! ¡Atma'ata! Ihque lamats' tipanenko, alulijna'me illanc'."

39 I'no!me, eca'ni'me lixpula' leti'icoya lamats' pe lifaiya 'uva, ima'a'me.

40 "Ticuaiyunni lipoujna camats' petsi lifaiya 'uva, ¿te co'e'eyacola' ihne no'epá canic'?"

41 Timiyi:

—Tima'atola', tijou'netola' nulemma ihniya lixcay xanuc'. Lemats' joupa ifaiya cal 'uva, tepi'i'mola' ocuenaye xanuc', tixhuico'me lamats', tepi'i'me lo'ia onlca laipammaiya.

42 Jesús timila':

—Imanc', ¿te aico!suec' te loya'apa al Paxi Linilingiya? He tuya'e':

Lapic letets'ipa nolanc'epá lajut'f joupa i'ipa xonca laicuicoya.

Ihque lapic xonca tilanc'e laila, aimecangeya lajut'f.

LanDios la!Poujna ilta'a lecuej'micopa.

Illanc' aksinyi acueca' ihne li'ipa.

43 Camilhuo': Linca LanDios joupa epi'ipolhuo' lo!penic', icuxe'epolhuo' toluya'a!e: "Ma!que LanDios cal Cuecaj Rey ticuxela' lan xanuc'". Itsiya texic'e'molhuo' ihne lo!penic'. Aimoltsuflaiyacu pe locuxeyopa LanDios, ihque Nopa'a lema'a. He lo!penic' tepi'i'mola' locuenaye. Iñiya linca tenant'hi'me ihne lataiqui' locuxe'eyacola'.

44 'Cal xans ja'ni tixc'ualaf'caitsi, tecanaf'caitsi cal Cuecaj Capic, ihque cal xans tixquelequehuo. Ja'ni Lapic tecangenni tetof'caitsi cal xans, ihque cal xans tuxpats'i'ma nulemma.

45 To!ta'a i'onlco'ma Jesús lo'epa LanDios. Licuej'me ihniya litaiqui' lixanuc' cal cuecaj ca'ailli' jouc'a lan xanuc' fariseo i'i'ma qui!sina' Jesús ma tinescola'.

46 Ehuepá te co'ia mi'no!yacu. Aiquil'nohi. Tixpaic'ennila' lan xanuc', ihne ticuayi: "Jesús aprofeta. LanDios ummepa".

22

¹ Jesús ti'hua ti'onl!jma. Timila':

² —LanDios cal Cuecaj Rey Nopa'a lema'a, licuxejma ti'onl!cospa to li'ejma' anuli cal cuecaj quincuxepa nopa'a fa'a li'a lamats'.

'Litine lemane'ma hi'hua, hincuxepa icuxe'ma imac'ot'lem'me lotejacu al juic.

³ Umme'mola' limozó iye'me tilecontsola' lijoc'ipola'. Hniya lijoc'ipola' aiqiuicucac', aiqiuicuaiyunca al juic.

⁴ 'Ummecona'mola' locuenaye limozó. Timila': "Tonlele, tohlecotsola' laijoc'ipola'. Tolu'itsola': Joupa ima'ampola' laihuacax jouc'a locuenaye linneja lifujmpola'. Aimac'epa latejacu. Ailopa'a cahue'epa. Tonlouyunca al juic temane'ma lai'hua."

⁵ 'Hniya lijoc'ipola' aiqiuicueca. Iyena'me ocuena cane. Anuli i'hua'ma ixintsi lemats'. Locuena i'hua'ma petsi locucaleyopa.

⁶ Locuenaye i'not'e'e'me limozó hincuxepa, ixcai'em'mola', ima'am'mola'.

⁷ 'Lincuxepa ixtuc'o'mola'. Umme'mola' lisoldado tima'antsola' ihe linma'ahuale, tipi'entsa lihcuecaj quitya'.

⁸ Timila' limozó: "Joupa imacoŋpa latejacu lijuic lamaneya lai'hua. Laijoc'ipola' joupa imujpoŋtsi a'ijc'a xanuc'. Etets'ipá latejua'. Aiqiuicuaiya.

⁹ Itsiya tonlele lotalejmaleyopa laneya. Jahuay lan xanuc' loŋsinyacola' toŋjoc'itsola', toŋmitsola': Lepá lejut'ŋ hincuxepa, ti'i juic, temane'ma hi'hua."

¹⁰ 'Lam mozó ipalunca ipa'netsa laneya. Efoŋ'lem'mola' ihe lixinim'mola', ja'ni lan c'a xanuc', ja'ni lixcay xanuc', ma' anuli efoŋ'lem'mola'. Lajut'ŋ imantsi xanuc'.

¹¹ 'Itsufai'ma hincuxepa tixinguŋtsola' ihe notetsopá jilpiya. Ixim'ma anuli cal xans a'i quetejyoxi, aiqipo'nohuo al ts'e lipijahua' to liŋpo'nohuo ihe nomana' jilpe al juic lamanepa.

¹² Icuis'e'ma, timi: "Maipima, aicopo'nohuo al ts'e lopi-jahua' to liŋpo'nohuo ihe nomana' fa'a al juic. ¿Te qui'ipa lot-sufaiyumma fa'a?" Cal xans aiqitalai'e. Ailopa'a quitaiqui'.

¹³ Lincuxepa ijoc'i'mola' limozó no'huapá pime maŋpe al juic. Timila': "Iŋque cal xans toŋfi'eŋe limane li'mitsi'. Tolaca'nitsa jipu'hua al muf. Jilpe lan xanuc' tijolijta, ti'ilc'ta liŋ'ay."

¹⁴ 'Linca, axpela' lijoc'impola', ahuata li'huijŋ'empola'.

¹⁵ Iye'me lam fariseo. Ixpíc'e'me te co'iya mi'noŋyacu Jesús. Timiyotŋtsi:

—Licuis'e'me, aŋtalai'e'monga', toŋta'a aŋcuŋta.

¹⁶ Ummem'mola' liyejmalepá. Jouc'a iye'me lixanuc' cal rey Herodes. Icuaitŋa pe lopa'a Jesús, timiyi:

—Momxi, aŋsina' ima' tocua al linca, a'i ma le'a metenŋcoyacola' lan xanuc'. Tomuc'iyale lipene LanDios. Ma' anuli topalaic'ola' jahuay. Aimahuelongila' ja'ni ts'iŋ'hueca o aiqiu'hueca.

¹⁷ Itsiya lu'itsonga'. ¿Te cofcuapa? ¿Te aŋ'najtse'me cal cuecaj quincuxepa César? ¿Aŋcu'me al tomí laŋsahue'eponga'? o ¿aimaŋcuyacu? ¿Nipajnya o aimi'iya?

18 Jesús imetsaico'mola' ixcay lihpicuejma', timila':

—¡Imanc' cunc'infel'miyale! ¿Te calmicuapa tołta'a? Aixina' le'a lahuaijma.

19 Ałmuc'ıta' anuli al tomı lołcuyacu.

Imuc'i'me al tomı.

20 Icuıs'e'mola', timila':

—¿Naitsi ıłca'a ts'i'a? ¿Naitsi ıłta'a ts'ipuftine?

21 İhniya italai'e'e'me, timiyi:

—Li'a César, lipuftine César.

Timila':

—Ja'ni i'huexi César, tonlapi'ıle César; ja'ni i'huexi ŁanDios, tonlapi'ıle ŁanDios.

22 Licuej'me tołta'a İhniya icuapá:

—¡Xınła'! İłque Jesús acueca' lipicuejma'.

Ipo'no'me quituca', iyena'me.

23 Małe litine lan xanuc' saduceo icuaitsa pe lopa'a Jesús. İhniya lan xanuc' saduceo ticuayi: “Łan xanuc' timala' anulemma, aimimaf'iconayacu”. İhniya tehuaiyi Jesús, ticuis'eyi,

24 timiyi:

—Momxi, Moisés uya'apa: “Timala' cal xans ja'ni ailopa'a qui'hua, limanapa ĩpima tileco'ma ĩi'maxi. Tipajntsi cal te'a qui'hua, ıłque tecui'i'me to lipuftyne ĩmapa. Ti'i'ma ma to qui'hua ĩmapa, ĩi'huexi ĩmapa tulij'ma.”

25 'İllanc' alimetsaicola' acaitsi lapimaye. Cal te'a emanepa, imapa, aiıuixina' qui'hua. Łimapa ĩpima ileco'ma ĩi'maxi.

26 Ma to li'ıpa cal te'a, ma tołta'a li'ıpa ĩpima, jouc'a tołta'a li'ıpa łocuena. Ma' anuli li'i'mola' lan caitsi.

27 Lijou'ma imana'ma łaca'no'.

28 'Łan caitsi capimaye ilecopá anuli łaca'no'. Ticuaitsi litine timaf'iconłe limanapola', ¿naitsi co'ıya ĩpe'ailli' łaca'no'?

29 Jesús italai'e'e'mola', timila':

—Imanc' timenaquilhuo'. Aicołsina' loya'apa al Paxi Linııngiya, aicolimetsaijma al cueca' lo'epa ŁanDios.

30 'Jıłpe litine timaf'inłe limanapola', aimemalııyacu, ni lan xanuc' ni lacał'no'. Ti'onłcotola' to łapaluc' quema'a.

31 Imanc' tołcuayi aimimaf'ıyacu limanapola'. ¿Te aicołsuec' lomıpolhuo' ŁanDios jıłpe Lipaxi Linııngiya? Jıłpe tuya'e':

32 “İya' NanDios, ılenDios Abraham, Isaac, Jacob”. Ja'ni anulemma imanapola' Abraham, Isaac, Jacob, ŁanDios aiminesya: “İya' ılenDios İhniya”. ŁanDios ılenDios ts'ıłmaf'i', a'ı limanapola' nulemma.

33 Licuej'me jıııya licua'ma Jesús, lan xanuc' ticuayi:

—¡Xınła'! Acueca' litaiqui' lomuc'ıyalepa ıłque Jesús.

³⁴ Lan xanuc' fariseo icuej'me Jesús i-ch'ixc'epola' lan xanuc' saduceo. Lijou'ma, lam fariseo efot'le'moitsi, iye'me pe lopa'a Jesús.

³⁵ Anuli ihniya, iñque lomxi nomuc'iyalepa locuxepa LanDios, ehua'i'ma Jesús, icuis'e'ma, timi:

³⁶ —Momxi, jilpe litaiqui' locuxepa LanDios, ¿te t'le cataiqui' xonca al cueca'?

³⁷ Jesús italai'e'e'ma, timi:

—“To'nujuaisla' LanDios loPoujna, iñque omenDios. Taihuejla' jahuay lomunxajma', jahuay lo'alma, jahuay lopicuejma'.”

³⁸ Tohta'a loya'apa al te'a litaiqui', ihniya xonca al cueca' cataiqui' locuxepa LanDios.

³⁹ Locuena litaiqui' lihuequi ma' anuli ti'onlspa, ticua: “Ima' to'eyoxi capic'a. Ma tohta'a to'ela' capic'a lo'as xans, naitsi loftalecufya.”

⁴⁰ Ja'ni tolihuejcoyi jilta'a loque' litaiquí, linca tolanant'liyi jahuay locuxepa LanDios, jahuay linespa lam profeta.

⁴¹ Mefot'leyoitsi jilpe lan xanuc' fariseo,

⁴² Jesús icuis'e'mola', timila':

—Imanc', ¿te co'cuapa? Cal Cristo, ¿naitsi hitatahuelo?

Ihniya italai'e'e'me, timiyi:

—David itatahuelo cal Cristo.

⁴³ Jesús timila':

—Mañque David inescopa cal Cristo, ticua “... ñaiPoujna”. Ja'ni David itatahuelo cal Cristo, ¿te quinescopa tohta'a? Cal Espíritu Santo icuxe'epa tohta'a licuapa, luya'apa, ticua:

⁴⁴ LanDios tipalaic'o ñaiPoujna, timi:

“Tocutsaila' jifa'a al c'a camane.

Topanehuo jifa'a, iya' mi'hua culiquila' lo'epo' laic'.

Tijoula', ima' tocuxena'mola'.”

⁴⁵ Ja'ni David itatahuelo cal Cristo, ¿te quinescopa, ticua “... ñaiPoujna”?

⁴⁶ Ailopa'a cotalai'ecoyacu, ni anuli litaiqui'. Lipangopa jile litine aimicuis'mot'leconayacu. Ihsina' tulijna'mola' Jesús.

23

¹ Jesús ipalaic'o'mola' lan xanuc' jouc'a ts'ilihuequi.

² Timila':

—Lomxiye nomuc'iyalepá locuxepa LanDios, jouc'a lan xanuc' fariseo, tipa'a liñmane timuc'iyale'me licuxepa Moisés.

³ Imanc' tolihuejcoñe jahuay locuxe'epolhuo'. Liñ'ejma' ihniya aimolihuej'me. Ihniya ma le'a tinesyi, aimi'eyi.

⁴ “Tetonc'iyi litaiqui' locuxepa LanDios. Ticuxennila' lan xanuc' tenant'ñe jahuay ñta'a liñtaiqui'. Lan xanuc' tixinyi ipime jiliya liñtaiqui'. Ti'onlcospa to cal cumta caitay lipo'no'impola' liñspula'. Afule mixnet'ñyi. Mañniya lomxiye

jouc'a lan xanuc' fariseo aimentant'liyi lataiqui' locuxepa tenant'ile lif'as xanuc'. Tixinyoŋtsi to ailopa'a nocuxeyacola'. Ticuxeyoŋtsi quilituca'.

⁵ 'Jahuay lo'epa ihniya ti'eyi ma le'a tehuelojnle lan xanuc', tixinintsola' lan c'a xanuc'. Iŋpic'a tixinintsola' menant'liyi locuxepa LanDios. Ihniya lomxiye jouc'a lam fariseo tilanc'eyi xonca lexpats'qui ile laca'hua caxax lofi'ecopa liŋmane o hilepali. Jiŋpe lacaxax ti'nico hualca al Paxi Linihingiya. Ti'e'eyi ito-qui locuits' lema liŋpijahua'. Ticuayi liŋpicuejma': "Lan xanuc' alsintsonga' ninc'itsila' comxiye".

⁶ 'Mixmucota ticutsoŋaita jiŋpe petsi locutsoŋaiyacu lan tsilaj xanuc'. Toŋta'a iŋpic'a. Lajut'hi pe lafoŋyomma lan xanuc', ihne ticutsoŋaita lan tet'la asiento.

⁷ Miyelocoyi locucaleyompa iŋpic'a lan xanuc' tinonintsola', timintsola': "¡Rabí, Rabí!" (Ile lataiqui' lohualcuf'ipa ticua: Nomuc'iyalepa.)

⁸ 'Imanc' aimecui'im'molhuo' "Rabí." Tipa'a ma le'a anuli Nomuc'ipolhuo', imanc' unc'apimaye.

⁹ Fa'a li'a lamats', ja'ni anuli cal xans a'i coŋ'ailli', aimoŋmi'me "Mai'ailli". Tipa'a ma le'a anuli coŋ'ailli', iŋque Nopa'a lema'a.

¹⁰ Aimecui'im'molhuo' imanc' "Momxi". Imanc' a'i cunc'omxiye. Ma le'a iya' loŋpomxi, iya' ninCristo.

¹¹ Imanc', naitsi xonca cal cueca' ti'ila' to cal mozo, titoc'itsola' lipimaye.

¹² Cal xans no'e'epoxi acueca', iŋquiya ti'oc'em'me. Naitsi no'e'epoxi aca'hua, ti'e'em'me xonca acueca'.

¹³ 'A'ijc'a lo'iyacolhuo' cunc'omxiye, imanc' noŋmuc'iyalepá locuxepa LanDios, jouc'a imanc' cunc'ixanuc' fariseo. Le'a toŋ'e'eyoŋtsi, imanc' a'i cunc'ic'a xanuc'. Miquimf'ennilhuo' loŋmuc'iyalepa, lan xanuc' tixinyi to joupá eti'ya al puerta. Tixinyi aimi'ya mitsufilaiyacu jiŋpe pe locuxeyopa LanDios cal Cuecaj Rey Nopa'a lema'a. Linca imanc' aimoŋtsufilaiyi, jouc'a aimolapi'ila' lane lan xanuc'. Ihne ts'iŋpic'a titsufilaite, imanc' toŋpa'nela'.

¹⁴ 'A'ijc'a lo'iyacolhuo' imanc' cunc'omxiye noŋmuc'iyalepá locuxepa LanDios, jouc'a imanc' unc'ixanuc' fariseo. Le'a toŋ'e'eyoŋtsi, imanc' a'i cunc'ic'a xanuc'. Imanc' tolaxic'ela' liŋ'huexi lam potsateya cacal'no'. Moŋ'eyi toŋta'a ticolihhuo' moŋpalaic'oyi LanDios. Toŋcuayi: "Alsintsonga' illanc' lihuejcoyi LanDios". Imanc' xonca acueca' lotelminiyacolhuo'.

¹⁵ 'A'ijc'a lo'iyacolhuo' imanc' cunc'omxiye noŋmuc'iyalepá locuxepa LanDios, jouc'a imanc' cunc'ixanuc' fariseo. Le'a toŋ'e'eyoŋtsi, imanc' a'i cunc'ic'a xanuc'. Imanc' tolahuela' lan xanuc' tihuequintsolhuo'. Tonŋeyi ni petsi li'a lamats', toŋqueyi laja. Toŋsintsa ma le'a anuli cal xans naihuejyacolhuo' tolixoc'i'moŋtsi conlata. Tijoula' iŋque tulij'molhuo'. Imanc'

loꝓicuicoya tonle'me pu'hua al cuecaj capa. Itque xonca lipicuicoya ti'huala' pu'hua.

¹⁶ 'A'ijc'a lo'iyacolhuo' imanc' unc'ifohue. Imanc' aimi'iya moꝓmuc'iyacola' lan xanuc' al c'a cane. Imanc' toꝓcuayi: “Cal xans nocuaj'mipa al cuecaj xoute' ja'ni aimentant'hi litaiqui' ailopa'a tintsi. Locuenaj cal xans nocuaj'mipa al oro lopa'a jilpe al cuecaj xoute', linca tenant'hi'a' litaiqui', ja'ni a'i titai'ma lijunac'.”

¹⁷ ¡Imanc' unc'ifohue! Tocomma ailopa'a coꝓpicuejma'. ¿Te jale xonca al cueca', ja'ni al oro o al cuecaj xoute'? Ahinca xonca acueca' al xoute'. He al oro ja'ni ailopa'a jilpe al cuecaj xoute' aimi'iya qui'huexi EanDios.

¹⁸ Jouc'a toꝓcuayi: “Cal xans nocuaj'mipa cal altar, ja'ni aimentant'hi litaiqui' ailopa'a tintsi. Locuena cal xans nocuaj'mipa lotsufcompa jilpe cal altar, linca tenant'hi'a' litaiqui', ja'ni a'i titai'ma lijunac'.”

¹⁹ ¡Imanc' unc'ifohue! ¿Te jale xonca al cueca', lotsufcompa o cal altar? Linca xonca acueca' cal altar. Ja'ni lotsufcompa ailopa'a jilpe cal altar aimi'iya qui'huexi EanDios.

²⁰ Cal xans nocuaj'mipa cal altar jouc'a tipalajma jahuay lopa'a jilpiya cal altar.

²¹ Ja'ni icuaj'mipa al cuecaj xoute', jouc'a tipalajma EanDios itque Nopa'a jilpiya.

²² Ja'ni nocuaj'mipa lema'a tipalajma lema'a pe locutsaf'ya EanDios jouc'a tipalajma EanDios itque Nocutsaf'ya jilpiya.

²³ 'A'ijc'a lo'iyacolhuo' imanc' cunc'omxiye noꝓmuc'iyalepá locuxepa EanDios jouc'a imanc' cunc'ixanuc' fariseo. Ma le'a tonle'eyoꝓtsi, imanc' a'i cunc'ic'a xanuc'. Imanc' jahuay ts'oꝓhueca tipa'a loꝓsufcoyacu EanDios. Ja'ni ti'hi'a' amaxnu, toꝓsufcoyi imbama', ja'ni ti'hi'a' imbama' toꝓsufcoyi anuli. Toꝓta'a monle'eyi, tama haiquitamqui xonca atsocay, ja'ni al xaimu, ja'ni al anís, ja'ni al comino, toꝓsufcoyi anuli EanDios. Lataiqui' locuxepa EanDios ticuxe'elhuo' tonle'ete al c'a xonca al cueca'. Ticuxe'elhuo' tonle'ete al hijca, toꝓsintsola' cuanuc'la loꝓpimaye, tonlanant'hi'e loꝓnesyacu. He lataiqui' aimonlihuejyi. Linca ac'a lonle'epa moꝓsufcoyi haiquitamqui. Ticuicomma tolanant'hi'e jahuay locuxe'epolhuo' EanDios, tonle'ete al c'a xonca.

²⁴ Imanc' aimi'iya moꝓmuc'iyacola' lan xanuc' al c'a cane. ¡Unc'ifohue! Tipa'a lataiqui' loya'apa: “Toꝓtsaic'oyi al vino aimoꝓnuc'me calxc'hui. Tijoula' aimoꝓsinyi cal cuecaj quin-neja, itque cal camello, toꝓnuc'yi.” Toꝓta'a ma ti'onle'cospolhuo' to loꝓejma' imanc'.

²⁵ 'A'ijc'a lo'iyacolhuo' imanc' cunc'omxiye noꝓmuc'iyalepá locuxepa EanDios, jouc'a imanc' cunc'ixanuc' fariseo. Ma le'a tole'eyoꝓtsi, imanc' a'i cunc'ic'a xanuc'. 'A'ijc'a loꝓpicuejma'.

Ti'hua tołjanajyi tepi'intsolhuo' xonca. Tonlaxic'ela' liłtomı' loł'as xanuc', tołta'a tołma'neyi lołtaza, lołpime. Tijoułta', ma to moł'eyi, tolapajyi liłspula' lołtaza, lołpime.

26 İma' umfo' fariseo, ate'a taipa'ałta' al xujc'a lopa'a jilpe licu'u lotaza, lopime. Tijoułta' liłspula' ti'i'ma limpio jouc'a.

27 'A'ijc'a lo'iyacolhuo' imanc' cunc'omxiye nołmuc'iyalepá locuxepa ŁanDios, jouc'a imanc' cunc'ixanuc' fariseo. Le'a toł'e'eyołtsi, imanc' a'i cunc'ic'a xanuc'. Ti'onłcospolhuo' to cal puł'hua li'e'empa afujca juaiconapa. Licu'u al pu'hua imanna quecala camizhua, imanna axisca.

28 Ma' anuli imanc'. Tocomma to tolihuejcoyi locuxepa ŁanDios. A'ij linca. Ma le'a ixcay lołpicuejma'. Jilpe tołspic'eyi toł'e'eyołtsi, imanc' a'i cunc'ic'a xanuc', aimolihuejcoyi locuxepa ŁanDios.

29 'A'ijc'a lo'iyacolhuo' imanc' cunc'omxiye nołmuc'iyalepá locuxepa ŁanDios jouc'a imanc' cunc'ixanuc' fariseo. Le'a toł'e'eyołtsi, imanc' a'i cunc'ic'a xanuc'. İmanc' tołłanc'e'ela' liłpu'hua limanapola' ilne lam profeta jouc'a lan xanuc' naihuejcopá locuxepa ŁanDios.

30 İmanc' tołcuayi: “Lałtatahueló ima'a'me lam profeta. Ja'ni coła' illanc' ałmana' jilpe litine, aimal'eyacu tołta'a.”

31 Mołnesyi “Lałtatahueló...”, le'a tołcufyołtsi, tonlimet-saicoyołtsi imanc' ilnaxque' ilniya nima'a'me ilne lam profeta.

32 Ne'. ¡Ti'hua monł'eyi jilpiya lixcay to li'epá lołtatahueló! ¡Tołjou'nele nulemma!

33 'İmanc' ti'onłcospolhuo' to lacałpo'. İmanc' lołpicuejma' ti'onłcospa to lipicuejma' łainofal. Linca tejac'ennolhuo', tecajm'minnolhuo' hunga łopa'a al muf. O łte ti'i'ma tołunłta? A'i. Aimi'iya.

34 Cumme'elhuo' lam profeta, ilne noya'apá lołpic'epa ŁanDios. Cumme'elhuo' lan xanuc' acueca' liłpicuejma'. Cumme'elhuo' lomxiye. İmanc' tołma'a'mola' hualca ilniya lan xanuc', tolapałts'ijm'mola' lancruz. Locuenaye tołłeco'mola' łajut'li pe lafołyomma lan xanuc', jilpe tołuntaf'e'e'mola'. Tolihuejtso'mola' ilya' ilya'.

35 Tołta'a imanc' tołtai'me liłjunac' ilne lołxanuc' nima'a'me naihuejcopá locuxepa ŁanDios. Cal te'a lima'ampa ilque cal c'a xans Abel, liłjoujma Zacarías li'hua Berequías, lima'ayompa jilpe al cuecaj xoute' liłpula' cal altar, jilpe lotsuflaiyacu al Paxi Lugar.

36 İya' camilhuo' al linca: Jahuay ilne lałjunac' tołtai'me imanc' nołmana' fa'a itsiya litine.

37 '¡Miłya' Jerusalén! ¡Miłya' Jerusalén! Lołxanuc' inma'ahuale, ima'a'me lam profeta, tipannila' capic', tima'ayi liłxanuc' ŁanDios, ilniya lummebola' jilpiya. İya' axpe'

canesqui: Cafot'le'mola' jahuay loxanuc' ma to mi'ay cal tsana mefot'le'mola' laiquipuyu, mipuxc'i'mola' lixał. Ima' aicocuac'.

³⁸ Miŷya', itahuelojnla' locuecaj xoute'! LanDios ipo'nopa quituca'. Tocomma joupa etelquemma.

³⁹ Iya' camilhuo' lo'ia. Ticuaitsi litine almiła': "Ima' unC'a. LanDios łłPoujna linca ummepo'", iłe litine alsiŷgonama. Ai'a ticuaita iłe litine aimalsiŷgonaya.

24

¹ Jesús ipayonni jilpe al cuecaj xoute', icuaitsa ts'ilihuequi. Iłniya ts'ilihuequi ipalaico'me łajut'łi al cuecaj xoute'. Timiyi:

—Toxintsola' ilangila' juaiconapa iłna'a łajut'łi.

² Jesús italai'e'mola', timila':

—Itsiya tolahuelojnyi łajut'łi iłniya ilangila'. Iya' camilhuo' al linca: Ticuaihuo litine jahuay tetelquehuo. Ni anuli łapic mi'nif'queya łipima capic.

³ Micutsuya Jesús łijuala Olivo, icuaitsa quiltuca' ts'ilihuequi, icuis'e'me, timiyi:

—Lu'itsonga', łtej hora mi'ia tołta'a? łTe co'ia małsiŷyacu ja'ni ima' tocuaiiconahuo? łTe co'ia małsiŷyacu ja'ni tijou'ma li'a łamats'?

⁴ Jesús italai'e'mola', timila':

—Tołpo'nołe cuenna. Ja'ni aimołpo'noyi cuenna tifel'mim'molhuo'.

⁵ Ticuaicu axpela' linfel'miyale. Anuli anuli tines'ma: "Iya' linca cunłu'e'molhuo'. Iya' ninCristo. LanDios alummepa." Iłniya tifel'miyale'me axpela'.

⁶ Litine tołcuejle: "Pu'hua tifulenni", o "Łu'hua tifulem'me", aimixpailij'molhuo'. Tołta'a lo'ia. Ticoł'ma locuaicoya Lijoujma Quitine.

⁷ Lan xanuc' anulij naciłn tixtuc'om'mołtsi locuenaj naciłn, tiful'e'me. Lan tsilaj quincuxepá tixtuc'om'mołtsi, tiful'e'me. Ni petsi tixim'me cumemma, tinu'ma łunanto.

⁸ Iłe latełcoya ti'onłcota to łaca'no' łinnay łipumla. Tumlej'ma ate'a, tijouła' tipajnta cal ts'e qui'hua. Fa'a li'a łamats' ate'a tipango'ma latełcoya, tijouła' ti'i'ma al ts'e lema'a, ti'i'ma al ts'e li'a łamats'.

⁹ 'Imanc', ticum'molhuo', ticuaita quilmane lan xanuc', iłne titełmi'molhuo', tima'a'molhuo'. Imanc' ts'alihuequi, tołiya ni petsi lołmanc'eyacu fa'a li'a łamats' lan xanuc' tixtuc'o'molhuo'.

¹⁰ Axpela' ts'alihuequi tipai'i'me łilpicuejma', ti'e'mołtsi laic' łilpimaye ts'alihuequi. Ticuf'me.

¹¹ Ticuaicu axpela' lam profeta nofelłaiqueyacu, tifel'miyale'me axpela' lan xanuc'.

12 Lan xanuc' xonca tenaj'moŋtsi, aimihuej'me lataiqui' locuxepa LanDios. Ti'e'me ma le'a lixcay. Aimipalaic'oyacoŋtsi to li'ipa, aimi'eyoŋtsi capic'a.

13 Cal xans ja'ni tixnet'Ha' lateŋcoya, ja'ni ti'hua tihuejla', iŋque linca tunŋu'ma.

14 Jahuay li'a ŋamats' tuya'ata lataiqui' loya'apa iŋe al c'a lixpicepa LanDios. Ni petsi lomana' lan xanuc' tuya'ata te co'iya mitsuflaiyacu pe lopa'a LanDios, iŋque cal Cuecaj Rey Nopa'a lema'a. Tijouŋa' ticuaihuo Lijoujma Quitine.

15 'Ma to luya'apa cal profeta Daniel luyaipa quitine toŋta'a toŋsim'me lo'iya. Iŋe pe LanDios tilaiqui topo'nom'me al cuecaj xoute'. Tijouŋa' LanDios tipo'no'ma quituca' iŋe al cuecaj xoute'. Naitsi noxhuf'iyacola' lipimaye jŋta'a lataiqui' ticuec'eŋa'.

16 'Hniya litiné ja'ni toŋmana' al distrito Judea tolinul—le, toŋ'ajliŋe hijualay.

17 Ja'ni cof'nif'ya al toncay lomejut'ŋ, aimicoŋ'mo'. Aimaipa'a'ma iŋe lopa'a lomejut'ŋ, le'a taimunni, tainuŋa'.

18 Ja'ni to'ay canic' jŋpe limuc'o', aimopaiconahuo mom-maiya lopuquiya, ma tainuŋa'.

19 'Hniya litiné juaiconapa titeŋco'me linnaila cacaf'no', jouc'a lacaf'no' notu'ipá liŋnaxque'. Hniya afule minulyacu.

20 Toŋsahue'eŋe LanDios ticuaitsi lateŋcoya aimi'i'ma litiné caxita, ni litine conxajya. Jŋpiya aimi'iya molinulyacu.

21 Lan xanuc' nomana' fa'a li'a ŋamats' aiŋuŋsingufma lateŋcoya to loxinyacu jŋpiya litine. Tijouŋa' jŋta'a lateŋcoya aimixinconayacu lateŋcoya to jŋta'a.

22 LanDios tixinnila' cuanuc'la lixanuc', jŋŋe li'huij'epola', tohiya ixpic'epa aimicoŋya jŋŋe lateŋcoya, tetec'oyehuo. Ja'ni coŋa' ticoŋ'ma iŋe lateŋcoya, ailopa'a conŋuya, coŋa' jahuay tima'mola'. Aimicoŋya lateŋcoya.

23 'Hniya litiné ja'ni timintsolhuo': "¡Toŋsinŋe! Jifa'a icuai'ma cal Cristo", o "Jŋpe icuaita", aimolapenuf'me ihiya lataiqui'.

24 Ticuaicu linfel'miyale. Tecui'i'moŋtsi: "Iya' ninCristo", o "Iya' ninprofeta, cuya'e' lixpicepa LanDios". Hniya ti'e'me al cueca', axpe' timuj'me. Tines'me: "Lan xanuc' limet-saicotsonga' LanDios lummeponga'". Ma le'a tifel'miyaleyi. Coŋa' tifel'mintsola' jouc'a li'huij'epola' LanDios. Aimi'iya mifel'minyacola'.

25 'Joupa aimipolhuo' iŋe lo'iya. Aimolimenc'eco'me iŋe laimipolhuo'. Ma to lo'iya, toŋta'a nu'ipolhuo'.

26 Ja'ni timintsolhuo': "Icuaita cal Cristo pu'hua. Tipa'a petsi ailopa'a quiŋya", aimonŋe'me pu'hua. O ja'ni ticuanni: "Icuai'ma fa'a, itsufaipa lajut'ŋ", imanc' aimolihuejco'mola'.

27 'Iya' iŋque cal Xans Liximpa cal profeta pu'hua lema'a. Cacuaiyoconanni jahuay aŋsim'ma ma to moŋsinyi lixcuaflay

mixcuaf'ma jilpiya liyuf'maj 'ora. Lixcuafly tepalc'o'i a'i ma le'a jilpe liyuf'maj 'ora. Lepalc'o' ticuaita pe lof'acaiyopa cal 'ora.

²⁸ Pe lopa'a limac' jilpiya tefot'le'moltsi lapote.

²⁹ 'Tuyaila' ihniya litiné lateicoya:

Timufco'ma cal 'ora, cal mut'la aimepalc'o'ia,
lan xamna nomana' lema'a tecangołecu łamats',
jahuay lopa'a jilpe lema'a tife'nem'mola'.

³⁰ Iya' ilque Cal Xans Liximpa cal profeta pu'hua lema'a. He litine jipu'hua lema'a lan xanuc' tixim'me ile lomuc'iyacola' joupa aicuaicocona'ma. Ni petsi li'a łamats' lan xanuc' ti-jolij'me, alsim'ma cacuaiconno cacutsafya łummahuay quimamma. Alsim'ma iya' ninCuecaj Rey, al'onłcospa to LanDios. Iya' ilque cal Xans Liximpa cal profeta pu'hua lema'a.

³¹ He litine tifus'mi'me al cuecaj trompeta, iya' cumme'mola' lainepaluc' tiyele tefot'łentsola' laixanuc' lai'huij'epola'. Ni petsi lomana' tileconnola': Ihniya nomana' layuf'maj 'ora, ihniya nomana' lof'acaiyopa cal 'ora, ihniya nomana' pe lo'huayomma łahua', ihniya nomana' pe lotsepa łahua', ni petsi canumicay li'a łamats' tileconnola' laixanuc'.

³²⁻³³ 'Ja'ni tołpo'nołe cuenna ile lo'ipa al 'icux ti'i'ma colšina' icuaico'ma linu'. Tołta'a timuc'i'molhuo' al 'icux tuxcuaf'ela' limane', tilala' laxhuaica lipela. Ma' anuli ja'ni tołpo'nołe cuenna ile lo'ia fa'a li'a łamats' ti'i'ma colšina' joupa cacuaiconno. Ti'ila' ma to laimipolhuo', joupa aicuai'ma al puerta.

³⁴ Iya' camilhuo' al linca: Litine ti'ila' to laimipolhuo', lan xanuc' nomajnyacu fa'a li'a łamats' ti'i'ma lił'ejma' to lił'ejma' lan xanuc' nomana' fa'a itsiya litine.

³⁵ Lema'a y li'a łamats' tipaico'mola'. Laitaiqui' aimipaiya, tipanehuo.

³⁶ 'Nij naitsi ts'ixina' litine ni al 'hora cacuaicoconanni li'a łamats'. Jouc'a lapaluc' quema'a aiquilšina'. Jouc'a iya' i'Hua LanDios, aicaixina'. Ma le'a cai'Ailli', ilque linca ixina'.

³⁷ 'Ma to li'ipa luyaipa quitine mipa'a Noé fa'a li'a łamats', tołta'a lo'ia litine cacuaicohuananni li'a łamats'.

³⁸ Milanc'e Noé al arca, lan xanuc' tuyalaicoyi liłpepajnya ma to mi'eyi. Titetsoyi, tixnayi, temalliyi, ticuyi liłmaxque' temallile. Litine Noé litsufai'ma al barco tołta'a ti'eyi.

³⁹ 'Ihe aiquilšina' lo'iyacola', ticui'ma. Ma' icui'ma łaxpaiqui' cacui. Łacui ileco'mola', ima'a'mola'.

'He li'ipa ti'onłcospa to lo'ia cacuaiconanni iya'. Lan xanuc' aimi'ia quilšina' lo'iyacola'.

⁴⁰ Oquexi' lan xanuc' timajm'me limuc'o'. Anuli tilecom'me, locuena tipanehuo.

41 Oquexi' laca'no' tutsi'me anuli. Anuli tilecom'me, locuena tipanehuo.

42 'Imanc' to'huaicote, to'po'note cuenna. Aico'sina' te quitine ticuaihuo lo'Poujna.

43 Lipoujna cajut'i ja'ni ixina' tej hora ticuaihuo cal namas, i'que lapoujna aimixmaiya, tipo'no'ma cuenna, ticuanajco'ma lejut'i, cal namas aimi'iyá mitsufaiya.

44 Imanc' to'po'note cuenna. Ticuaitsi al 'hora aimo'huaicoyi, to'nesyi: "Aimicuaiya", ma'pe al 'hora cacuaihuo. Iya' i'que cal Xans Liximpa cal profeta pu'hua lema'a.

45 'Lapoujna ti'hua'a' aculi', tepi'i'ma quipenic' limozo. ¿Te co'eya i'que cal mozo? Ja'ni cal c'a mozo, ja'ni tipa'a lipicuejma', tenant'hi'ma lipenic', i'he lipo'no'ipa lipoujna. Ti'e'mola' cuenna locuenaye lam mozó nomana' jipe lajut'i. Ti'hua'jco'a' al 'hora, tites'mi'mola'.

46 Ticuinatsi lipoujna, tixim'ma limozo ti'ay to licuxe'epa. I'que cal mozo loyaicoya al c'a.

47 Camilhuo' al linca: Lipoujna tepi'i'ma xonca al cueca'lanic'. Tepi'i'ma quimane ticuxela' jahuay hi'huexi.

48 Ja'ni ixcay xans, cal mozo timi'moxi: "Lapoujna tico'i, aimicuaiya".

49 Tipango'ma tifule'ma, tuntaf'mola' lif'as mozó. Titetsoyi, tixnayi anuli lif'as quisnaye. ¿Te co'iyá i'que cal mozo?

50 Anuli litine, jipe litine aimi'huaijma lipoujna, jipe al 'hora aimixhue'ma, ticuinahuo lipoujna.

51 Tetetsuf'ma, tecajm'mita pe lomana' linfel'miyale, jipe tijolijta, ti'ic'ta lif'ay.

25

1 'Licuaitsi litine ticuaihuo cal Cuecaj Rey Nopa'a lema'a, tepenuftola' lixanuc', i'he naihuejcopá, ti'i'ma to li'ipa litine lipalunca imbama' lahuats'la. I'he litine titalecufta, tecanna lamaneya, ticuai'ecu jipeiya lo'iyoya lijuic lamaneyoya. Anuli anuli i'taic' li'pepalc'o'.

2 Amajxi lahuats'la ts'i'picuejma', locuenaye amajxi lahuats'la ailopa'a quipicuejma'.

3 Lamac'ta lahuats'la, litai'me li'pepalc'o' ai'quilitaic' quileceite timanumf'eta li'pepalc'o'.

4 Lahuats'la ts'i'picuejma' itai'me li'pepalc'o' jouc'a i'taic' lileceite.

5 Tico'i lamaneya, ai'quicuaiyunni. Jahuay lahuats'la icuinni quilehui, ixmai'me.

6 'Nolojmay quipuqui' icuej'me tija'anni, ticuayi: "Icuaico'ma fa'a lamaneya. Tundouyunca, a'talecufta."

7 Jahuay lahuats'la imaf'i'me. Etuf'me li'pepalc'o', inai'i'me.

⁸ Lamac'ta lahuats'la ipalaic'om'mola' ts'ilpicuejma', timinila': "¡Tolsinte! Iña'a laḥpealc'o' joupa típica. Alc'i'itsonga' tutani calaceite."

⁹ Lahuats'la ts'ilpicuejma' italai'e'me, timinnila': "Ai. Aimi'iya. Ja'ni alc'i'itsolhuo' illanc' lahue'e'monga'. Tontefe petsi locuquimpá, toḥ'natsa colaceite."

¹⁰ Miyeyi ti'nata quileceite, icuaiyunni lamaneya. Lahuats'la ts'ilpicuejma' iyejmale'me lamaneya. Itsuflai'me jouc'a lamaneyoya. Ix'nifcom'me al puerta.

¹¹ Icuaitsa locuenaye lahuats'la. Ija'a'me, timiyi: "Maḥpoujna, maḥpoujna, laxi'e'etsonga' lopuserta".

¹² Lamaneya timila': "Iya' camilhuo' al linca: Aicainimet-saicolhuo'."

¹³ Jesús timila' ts'ilihuequi:

—Imanc' ti'hua toḥpo'note cuenna. Aicoḥsina' ni litine ni al hora cacuaiconanni.

¹⁴ Lo'iya ti'onḥospa to li'ipa ti'hualecotsi aculi' anuli cal xans. Ai'a ti'hua'ma ijoc'i'mola' limozó ticuaiyunca. Epi'i'mola' quiḥ'huexi, ilne tixinte lo'e'eyacu.

¹⁵ Anuli epi'i'ma amaqueej tomí, locuena epi'i'ma oqueej tomí, locuena epi'i'ma ma le'a anuli, ma to mipa'a liḥpicuejma'. Lijou'ma ipanni, i'hua'ma aculi'.

¹⁶ Cal mozo ḥpenufpa amaqueej tomí ixhuico'ma al tomí, ulij'ma i'nif'caitsi amaqueej tomí.

¹⁷ Cal mozo ḥpenufpa oqueej tomí jouc'a i'nif'caitsi oqueej tomí.

¹⁸ Cal mozo ḥpenufpa anuli al tomí itai'ma, i'hua'ma, ipu'ma lamats', emu'ma ilē al tomí lepi'ipa ḥpoujna.

¹⁹ Axpe' quitine icolhuo'ma ḥpoujna lam mozó. Lijou'ma icuainanni. Icuise'e'mola', timila': "¿Te conḥecopa al tomí lainepi'ipolhuo'?"

²⁰ Cal mozo ḥpenufpa amaqueej tomí itaic' imbamaj tomí. Timi ḥpoujna: "Maipoujna, alapi'ipa amaquee' al tomí. ¡Toxinḥa! Nulijpa amaquee', i'ipa imbama'."

²¹ Lipoujna timi: "Ac'a lo'epa. Ima' unc'a mozo. Latēḥcocopa ima' lo'ejma'. Tama ahuata lainepi'ipo', ac'a oxhuicopa. Itsiya capi'i'mo' comane tocuxeḥa' xonca axpe'. Iya' tixoqui neta jauaiconapa. To'huanni. Jifa'a aḥmajm'me anuli. Tixoj'ma calata."

²² Icuaitsi cal mozo ḥpenufpa oqueej tomí. Timi ḥpoujna: "Maipoujna, alapi'ipa oqueej tomí. ¡Toxinḥa! Nulijpa oquee', i'ipa amalpu'."

²³ Lipoujna timi: "Ac'a lo'epa. Ima' unc'a mozo. Latēḥcocopa ima' lo'ejma'. Tama ahuata lainepi'ipo', ac'a oxhuicopa. Itsiya capi'i'mo' comane tocuxeḥa' xonca axpe'. Iya' tixoqui neta

juaiconapa. To'huanni. Jifa'a ałmajm'me anuli. Tixoj'ma calata.”

²⁴ 'Lijoujma icuaitsi cal xans łepenufpa anuli al tomí. Timi lipoujna: “Maipoujna, ima' aiximhuo' te ts'i'ic' lopicuejma'. Aiximhuo' ima' untá xans. Aimoxina' cuanuc'. Ima' aimofaya, tijouła' tapenuf'ma jahuay łai'pa'ampa. Aimaca'neya cal trigo, tijouła' jahuay lafot'łeya tapenuf'ma.

²⁵ Lai'nujuaitsi tołta'a lo'ejma', iya' ałspaicunni, ai'hua'ma nemutsi łamats' al tomí, iłe lalapi'ıpa. ¡Toxinłta'! İłta'a ja'a lotomí. Tapenufnala'.”

²⁶ Łapoujna timi łimozo: “İma' mixcay mozo. Mahui. ¿Te alınca oxina' aıcafaya, tijouła' capenuf'ma jahuay łai'pa'ampa? ¿Te oxina' aıcaca'neya cal trigo, tijouła' jahuay lafot'łeya capenuf'ma?”

²⁷ Ne', ne'. ¿Te comemucopa laitomí? Najmay mecantsi al banco. Tołta'a capainanni, capenufna'ma jouc'a lulijpa laitomí.

²⁸ ¡Texic'enale al tomí! Tepi'inale iłque ts'i'hueca imbama' al tomí.

²⁹ Pe ts'i'hueca iłe lulijpa, xonca tepi'im'me. İłque ti'huej'ma xonca. Pe aıqui'hueca, aıculiqui, texic'em'me iłe lepi'ımpa.

³⁰ İca'a cal mozo pe aıqui'aic' canic', tolacanguf'me pe lopa'a al muf. Jıłpe tijolijta, ti'ılc'ta lił'ay.”

³¹ 'İya' iłque cal Xans Liximpa cal profeta, cacuaiconanni ałsim'ma ał'onłcota to ŁanDios. Jahuay lainepaluc' ałejmalecu. Cacutshuai'ma laıcuecaj asiento, iya' ninCuecaj Juez.

³² Jıłpiya tefot'łena'mołtsi lan xanuc' quıyouyomma ni petsi li'a łamats', jahuay lan nación. Ma to łapoujna mot'ł tenaquila' lipinneja, iłne ihuantseyołtsi lam mot'ł jouc'a lan chivo, ma tołta'a iya' canaj'mola' lan xanuc'.

³³ Al c'a camane capo'no'mola' lam mot'ł. Loxa camane capo'no'mola' lan chivo.

³⁴ Tijouła' iya' ninRey capalaic'o'mola' iłniya nomana' al c'a camane, cami'mola': “İmanc', cai'Aılli' joupa ipaxnepolhuo'. Tunłouyunca. Tolapenufle lapi'ıyacolhuo' ŁanDios. Tepi'i'molhuo' lołmane tołcuxete. Lilanc'epa li'a łamats' tołta'a joupa ixpic'epa ŁanDios. İtsiya tepi'i'molhuo'.

³⁵ Luyaıpa quitine ałtoc'ıpa, itsiya lo'ıyacolhuo' al c'a. İya' ma cunle'e, imanc' ałtes'mıpa. İya' micui caija', imanc' aluhui'ıpa caija', aixnapa. İya' nipayomma aculi', laıcuaita lołpiıya' imanc' lapi'ıpa cainejut'ł.

³⁶ İya' ma lahue'e' cai pijahua', imanc' alummi'ıpa cai pijahua', aıpo'nopa. İya' lalaxtafpa, imanc' ał'epa cuenna. İya' ma capa'a lacarza, imanc' alahuejnhuo'ma.”

37 'Ihne lan xanuc' naihuejcopá locuxepa ŁanDios ałmi'ma: "Małpoujna, ¿te quitine lałsimpotłsi ima' tonle'e, ałtes'mipo'? ¿Te quitine lałsimpotłsi ima' ticui coja', luhui'ipo', oxnapa coja'?"

38 ¿Te quitine lałsimpotłsi ima' mipayomma aculi', locuaita lałpiya' lałpi'ipo' comejut'ł? ¿Te quitine lałsimpotłsi ima' ailopa'a copijahua', lummi'ipo' copijahua' opo'nopa'?"

39 ¿Te quitine lałsimpotłsi ima' textafhuo' o topa'a lacarza lahuejnhuo'mo'?"

40 Iya' ninRey catalai'e'e'mola', cami'mola': "Iya' camilhuo' al linca: Imanc' lołtoc'ipola' ihna'a laipimaye, tama anuli xonca aca'hua ilque lołtoc'ipa, linca ałtoc'iponga' iya'."

41 'Tijoula' iya' capalaic'o'mola' ihne nomana' loxa camane, cami'mola': "Imanc' joupá ecanipolhuo'. Tonłolijle pe lałfpa'a. Tonłete petłi łunga aimipica. Ti'hua tunaquí. Ilque łunga ŁanDios ipo'nopa titel'mitsola' łonta'a Satanás jouc'a lepaluc'."

42 Imanc' aicaltoc'i, itsiya ixcaj lo'iyacolhuo'. Iya' ma cunle'e, imanc' aicaltes'mi. Iya' micui caija', imanc' aicaluhui'i.

43 Iya' nipayomma aculi', laicuita lołpiya' aicalapi'i cainejut'ł. Lahue'e' cai pijahua', imanc' aicalummi'i. Iya' ma laxtafpa, ma capa'a lacarza, imanc' aicalahuenge."

44 'Ihne lan xanuc' titalai'e'me, ałmi'ma: "Małpoujna, ¿te quitine lałsimpotłsi ima' tonle'e, o ticui coja'? ¿Te quitine lałsimpotłsi ima' o'huayomma aculi', ocuaita lałpiya', o ailopa'a copijahua', o textafhuo', o topa'a lacarza, y aicaltoc'ihuo'?"

45 Iya' catalai'e'e'mola', cami'mola': "Iya' camilhuo' al linca: Imanc' olatets'ipola' ihna'a laipimaye, aicołtoc'ila', tołta'a latets'iponga' iya'. Tama xonca aca'hua ilque łolatets'ipa, ma latets'iponga' iya'."

46 Ihniya tiyena'me petłi latełcoya aimijouya. Lan xanuc' naihuejcopá locuxepa ŁanDios, ituca' loyalaicoyacu ihniya. Jiłne titsuflai'me petłi liłpitine aimijouya.

26

1 Jesús lijoupa limipola' ts'ilihuequi ihniya łataiquí, ipalaic'ocona'mola', timila':

2 —Joupa ołsina' tehue'e' oquej quitine ti'i'ma al juic Pascua. Iya' ilque cal Xans Łiximpa cal profeta pu'hua lema'a. Ałcu'ma, lapalts'inginna lancruz.

3 Lixanuc' cal cuecaj ca'ailli' jouc'a lan tsilaj xanuc' noxpipjá łataiqui' efot'le'mołtsi lejut'ł cal cuecaj ca'ailli' cuftine Caifás.

4 Jiłpe ixpic'e'me łataiqui' tifel'mi'me Jesús, ti'nołte, tima'ante.

5 Ticuayi:

—Mi'i juic aimal'nołyacu, tixtulecu lan xanuc', titsolhuicu.

⁶ Jesús tipa'a liŷya' Betania, lejut'ŷ Simón, iŷque lixaŷconapa lehui lepra.

⁷ Jiŷpe anuli ŷaca'no' icuaitsi pe lopa'a Jesús. Itaic' lipulu ilajncopa apic cuftine alabastro. Iŷe lipulu tinango laceite tujuej c'a, acueca' lipitali. Micutsuya Jesús titesma ŷaca'no' iŷoc'huai'ma, ic'ef'i'i'ma ŷijuac iŷe laceite.

⁸ Lixim'me toŷta'a lo'epa ŷaca'no', ts'ilihuequi Jesús ixtulencia. Ticuayi:

—¿Te quecani'ecopa laceite? Acueca' lipitali.

⁹ Coŷa' icule'ma. Jiŷe al tomí lolijya tepi'im'mola' lan xanuc' pe aiŷuil'hueca.

¹⁰ Jesús ixina' lonespa. Timila':

—¿Te coŷsuel'micopa ŷaca'no'? Ac'a iŷta'a li'epa. Latenŷma.

¹¹ Jahuay litiné ma fa'a timana' lan xanuc' pe aiŷuil'hueca. Iya' aicapajnconaya. Aimamajnconayacu anuli.

¹² Laŷc'if'ipa iŷta'a laceite lojuepa ac'a, joupa enanŷpa iŷe laŷe'enya ai'a laminna.

¹³ Iya' camilhuo' al linca: Aimimenc'ecoyacu li'epa iŷca'a ŷaca'no'. Ni petsi li'a ŷamats' loya'anyacu Lataiqui' loya'apa iŷe al c'a lixpíc'epa LanDios, tuya'am'me jouc'a iŷe li'epa iŷca'a ŷaca'no'. Lan xanuc' ti'nujuaisnata.

¹⁴ Anuli iŷniya limbamaj coquexi' ts'ilihuequi Jesús, iŷque cuftine Judas Iscariote, i'hua'ma, icuaitsi pe lomana' lixanuc' cal cuecaj ca'ailli'.

¹⁵ Timila':

—¿Tojua lapi'i'ma ja'ni cacu'ma Jesús? Imanc' toŷ'noŷta.

Iŷniya inefo'me ti'najtse'e'me anuxans quimbamaj tomí aplata.

¹⁶ Maŷpe 'hora Judas ipango'ma ehue'me te co'eya micuya Jesús.

¹⁷ Joupa icuai'ma litine titem'me ŷa'i aiŷuilajncojma levadura. (Toŷta'a mi'i al juic Pascua.) Ts'ilihuequi icuaitsa pe lopa'a Jesús, icuis'e'me, timiyi:

—¿Petsi caŷŷanc'eyoyacu caŷsmocoyoyacu al juic Pascua? ¿Te cofcuapa?

¹⁸ Timila':

—Tonŷete liŷya' Jerusalén, lejut'ŷ anuli cal xans, toŷmitsa: “Laŷpomxi timihuo': Joupa icuaico'ma laifteŷcoya. Lomejut'ŷ aŷsmocoyo'me al juic Pascua, iya' jouc'a ts'alihuequi.”

¹⁹ Ts'ilihuequi i'ehuo'me to licuxe'e'mola' Jesús. Ilanc'ehuo'me calxmocojma al juic Pascua.

²⁰ Joupa ummuhuita, Jesús tixmocoyi jouc'a limbamaj coquexi' ts'ilihuequi.

²¹ Mitetsoyi, Jesús timila':

—Iya' camilhuo' al linca: Anuli imanc' aŷcu'ma.

22 Hniya ixhuełconca juaiconapa, ihuotsonca. Anuli anuli timiyi:

—Maipoujna, ¿te iya? Iya' a'i.

23 Jesús italai'e'e'mola', timila':

—Ma małtetsoyi nalacajm'miyacu lałmane al pime anuli, iłque lałcuya.

24 Iya' iłque cal Xans Liximpa cal profeta pu'hua lema'a. Tama ca'hua'ma laipene ma to loya'apa al Paxi Linilingiya, iłque cal xans lałcuya, a'ijc'a loyaicoya. Juaiconapa acueca' titełco'ma iłque, ticuaj'moxi, ticua'ma: “Coła' aicaipajntsi iya”.

25 Judas, iłque loçuya Jesús timi:

—Momxi, ¿te iya'?

Jesús italai'e'e'ma, timi:

—Al linca lofcuapa.

26 Mitetsoyi Jesús epef'ma la'i, ix'najtsi'i'ma LanDios, ixquet-suf'ma, epi'i'mola' ts'ilihuequi, timila':

—Tolapenufle. Tołtele. Iłta'a aicuerpo.

27 Uhuaf'ma al vaso, ix'najtsi'icona'ma, uhui'i'mola' ts'ilihuequi, timila':

—Tołsnate jahuay imanc'.

28 Iłta'a aijuats' tiłinc'i'ma al ts'e cataiqui' LanDios lopo'no'ipola' lixanuc'. Caxcuajai'ma laijuats' tołta'a cunłu'e'mola' axpela' lan xanuc', tiłonc'e'em'mola' liłjunac'.

29 Iya' camilhuo', jifa'a li'a lamats' aicaxnaconaya al vino. Litine tixinłe cai'Ailli' LanDios ticuxe, iłe litine caxnaconna. Iłiya al ts'e vino ałsnata anuli.

30 Unac'li'me anuli al salmo, ipalunca. Iye'me lijuala Olivo.

31 Jesús timila' ts'ilihuequi:

—Iłta'a lipuqui' imanc' tonlanaj'mołtsi. Ałpo'no'ma caituca'. Ti'i'ma to muya'e' al Paxi Linilingiya, ticua: “Caxcai'e'ma liłpoujna lam mot'ł, iłque tima'ma. Lam mot'ł tica'ne'mołtsi.”

32 Camaf'ina'ma. Tijouła' ti'ila' tołta'a ca'hua'ma al distrito Galilea. Jiłpe ca'huaicotołhuo'.

33 Pedro timi Jesús:

—Tama tixtuc'otso' jahuay laipimaye, tenajtsołtsi, iya' a'i. Iya' ma quihuej'mo'.

34 Jesús italai'e'e'ma, timi:

—Iya' camihuo' al linca: Iłta'a lipuqui', ai'a tija'a'ma laŋgiti, ima' tones'ma afanemma: “Aicainimetsaijma Jesús”.

35 Pedro timi:

—Tama ałma'atsonga' anuli, aicanesya: “Aicainimetsaijma Jesús”.

Ma' anuli licua'me jahuay locuenaye ts'ilihuequi Jesús.

36 Jesús jouc'a ts'ilihuequi icuaitsa jiłpe cuftine Getsemaní. Jesús timila':

—Imanc' tołcutsolaife jifa'a. Iya' ai'huapa lu'hua, capalaic'ota cai'Ailli'.

³⁷ Ileo'mola' Pedro jouc'a loquexi' linaxque' Zebedeo. Ipango'ma ihuotso'ma. Tixina ipime jife lo'iya.

³⁸ Timila':

—Juaiconapa cahuosma, tocomma ałma'a'ma lixhujma'. Tołmanenca fa'a. Jiłpe capalaic'ota LanDios. Imanc' ałtoc'i'ma. Ma fa'a tołpalaic'o'me LanDios jouc'a. Aimołsmi'me.

³⁹ Uyai'ma nihuata, ixpats'huai'ma łamats', tixa'hue LanDios, timi:

—Mai'Ailli', ja'ni nipajnya ti'i'ma liłonc'e'ełta' iłta'a laiftełcopa. Ja'ni aimi'iya, ne', ti'ila' lołxpicepa, a'i to iya' lalatenłcoca.

⁴⁰ Ipainanni, icuai'ma pe lomana' ts'ilihuequi. Ixim'mola' tixmai'yi. Timi Pedro:

—¿Te ailopa'a cołpujfxi? ¿Ni' anulij hora aimi'iya mołma'iyacu? ¿Te aimi'iya małtoc'iya?

⁴¹ Tołma'ite. Aimołsmi'me. Tołsahue'ełe LanDios titoc'itsolhuo', aimehuaiyim'molhuo'. Imanc' tołcuayi: "Ałsnet'i'me". Ai, lołcuerpo aimitoc'ilhuo'. Aimi'iya mijucoya.

⁴² I'huacona'ma, ixa'huecona'ma LanDios, timi:

—Mai'Ailli', ja'ni aimi'iya malılonc'e'eya laiftełcopa, ja'ni joupa oxpic'epa catełco'ma, ma tołta'a ti'ila'. Ne', tixhuaitsi laiftełcopa.

⁴³ Ipaiconamma pe lomana' ts'ilihuequi. Ixingona'mola' tixmaiconayi. Tixinyi timufquemma lił'u'. Ticui quilehui.

⁴⁴ Ipo'nocona'mola' quıłtuca'. Joupa i'ipa afanemma mipalaic'o LanDios. Ma' anuli tixa'hue.

⁴⁵ Icuai'conanni pe lomana' ts'ilihuequi. Timila':

—¿Te ti'hua tołsmayi? ¿Te ti'hua tulunxajyi? ¡Tołsinłe! Joupa icuai'ma lai'hora. Iya' iłque cal Xans Łiximpa cal profeta pu'hua lema'a, joupa ałcumpa. Icuaita quıłmane lan xanuc' pe aimihuejcoyi LanDios.

⁴⁶ ¡Tołsolinca! ¡Łenapá! Tołsinłe jiłcu'hua icuaico'ma łalcuya.

⁴⁷ Mipalay Jesús icuaitsi Judas, iłque anuli iłniya limbamaj coquexi' ts'ilihuequi Jesús. Ileo'cola' axpela' lan xanuc', iłtaic' lił'espada, lił'ec. Ummempola' lixanuc' cal cuecaj ca'ailli' jouc'a lan tsilaj xanuc' nołpijpa' lataiqui'.

⁴⁸ Iłque nocuya Jesús joupa imipola' iłne lan xanuc': "Iya' camuc'itolhuo' naitsi Jesús. Iłque łaituc'oya małque Jesús. ¡Toł'nołle!"

⁴⁹ Aiquicoł'ma. Judas icuaitsi pe lopa'a Jesús, inom'ma, timi:

—¡Momxi!

Ituc'o'ma.

⁵⁰ Jesús timi:

—Maipima, iłe loł'eya, ¡to'ełta'!

Lan xanuc' icuaitsa, i'noł'me Jesús.

⁵¹ Anuli hitejmale Jesús ipa'a'ma li'espada, ixcai'e'ma limozo cal cuecaj ca'ailli', etec'e'e'ma lix'mas.

⁵² Jesús timi:

—Tamuf'minla' lo'espada licubierta. Jahuay noma'ahualecopá a'espada, itne tima'acom'mola' jouc'a a'espada.

⁵³ Iya' nipajnya cajoci'ma cai'Ailli', itque aimicoŷya, tumme'mola' lepaluc' quema'a, ticuaicu pe laifpa'a. Juaiconapa axpela' tumme'mola', tixhuaispola' to imbamaj coquexi' lincuxepa jouc'a lanxpela' lilepaluc', o xonca. Lunŷu'ena'ma. ¿Te aicoŷsina' toŷta'a?

⁵⁴ Iya' aicajoc'iya cai'Ailli'. Ja'ni cajoc'ila', ¿te co'iya menanŷya al Paxi Linihingiya loya'apa? Ite lataiqui' tuya'e' toŷta'a laŷ'iya.

⁵⁵ Jesús ipalaic'o'mola' lanxpela' xanuc' licuaiyunca ti'noŷte. Timila':

—¿Te coŷcuaiyoco'me fa'a oŷtaic' loŷ'espada, loŷ'ec al'noŷta'? ¿Te toŷcuayi iya' ninma'ahuale, nin-namas? Itine itine cacutsay pe lopa'a al cuecaj xoute', camuc'ila' lan xanuc', a'i caŷ'noŷi.

⁵⁶ Ne'. Tenanŷta' liŷtaiqui' luya'apa lam profeta. Iŷniya joupá uya'apá laŷ'iya toŷta'a.

Lixanuc' Jesús inulai'me, ipo'no'me Jesús quituca'.

⁵⁷ Lan xanuc' li'noŷ'me Jesús ileco'me pe lopa'a cal cuecaj ca'ailli' cuftine Caifás. Jiŷpe joupá efot'ŷeyoŷtsi lomxiye no-muc'iyalepá locuxepa LanDios, jouc'a lan tsilaj xanuc' noxpipjá lataiqui'.

⁵⁸ Pedro ihuej'ma aculi'. Licuaitsi lejut'ŷ cal cuecaj ca'ailli' itsufai'ma hipuna quejut'ŷ, icutsingai'mola' lepaluc' al cuecaj xoute'. Ti'huaico'ma lo'iya.

⁵⁹ Lixanuc' cal cuecaj ca'ailli' jouc'a lan tsilaj xanuc' noxpipjá lataiqui' ilpic'a tixpic'enŷe tima'anŷe Jesús. Tehuennila' nofelŷaiquepá ticufle, tinesle: “Toŷta'a, toŷta'a lo'epa”.

⁶⁰ Axpela' linfel'miyale icuf'me Jesús. Iŷniya aiŷqui'ic' quilecani'e. Icuaitsa oquexi' linfel'miyale.

⁶¹ Iŷniya icuf'me Jesús, ines'me:

—Iŷca'a cal xans icuapa: “Iya' cateŷ'ma lejut'ŷ LanDios. Ti'ila' afane' quitine, iya' joupá ailanc'enapa.”

⁶² Ecax'ma cal cuecaj ca'ailli', timi Jesús:

—Iŷne lan xanuc' ticufhuo'. ¿Te aimotalai'eyacola'?

⁶³ Jesús i-ch'ixco'ma. Cal cuecaj ca'ailli' timi:

—LanDios Limaŷ'i' joupá lapi'ipa laimane cacuxe'e'mo', lu'itsonga'. Almiŷa' ¿te ima' unCristo i'Hua LanDios?

⁶⁴ Jesús timi:

—Al linca lofcuapa. Iya' camilhuo' jahuay imanc', ticuaihuo litine imanc' ałsim'ma ma cacutsu al c'a camane cal Cuecaj CanDios. Iya' iłque cal Xans Łiximpa cal profeta pu'hua lema'a. Imanc' ałsim'ma quimuhuo lema'a, cacuaiyoconno łamats' nolojmay cummahuay lema'a.

⁶⁵ Licuej'ma jilıya licuapa Jesús, cal cuecaj ca'ailli' its'ał'ma lipijahua'. Tołta'a imujpa lipoyac'. Aiquetenłcoco'ma licuapa Jesús. İpalaic'o'mola' lixanuc', iłne nomana' jilıpe, timila':

—İłque cal xans tetets'i ŁanDios. İxcay linespa. ¿Te calahuecoyacola' ocuenaye xanuc' ticufle? Joupa ołcujpá imanc' linespa, etets'ipa ŁanDios.

⁶⁶ Imanc', ¿te cołcuapá?

İne italai'e'e'me timiyi:

—Tıpa'a lijunac'. ;Tıma'anłe!

⁶⁷ İpango'me itsułco'me li'a, untaf'me, ete'me.

⁶⁸ Timiyi:

—İma' unCristo, tocu'a'ala' naitsi luntafpo'. İma' lu'itsonga'.

⁶⁹ Pedro ticutsu łuna. İhoc'huai'ma anuli łahuats', timi:

—İma' jouc'a unłejmale Jesús łas Galilea.

⁷⁰ Pedro icuanaj'ma, timi:

—Aicaicueca lofnespa.

Łan xanuc' nomana' jilıpiya icuej'me locuapa.

⁷¹ Pedro enaj'moxi, i'hua'ma jilıpiya lotsufaicompa lane. Jilıpe ocuena łahuats' ixim'ma. İłque ipalaic'o'mola' lan xanuc' nacaxołanna, timila':

—İłque cal xans iyejmalepa Jesús łas Nazaret.

⁷² Pedro inescona'ma, icuanajcona'ma. İ'e'ma jurar, timi:

—Aicainimetsaijma iłque cal xans.

⁷³ Uyai'ma nihuata. İne nacaxołanna iłoc'huai'me małpe lacaxu Pedro. Timiyi:

—Ma' alinca ima' onłejmale Jesús. Ma to mipalaiyi lun Galilea, jouc'a ima' topalay. İma' mas Galilea.

⁷⁴ Pedro i'econa'ma jurar, timila':

—İya' camilhuo' al linca. Ja'ni a'i, ałma'ala' ŁanDios. Aicainimetsaijma iłque cal xans.

Aiquicoł'ma. İja'a'ma łangiti.

⁷⁵ Pedro i'nujuaitsi iłe lu'i'ma Jesús, limi'ma: “Ai'a tija'a'ma łangiti, ima' tones'ma afanemma: Aicainimetsaijma Jesús.” İpanni, ijojpa talay łunxajma'.

27

¹ Li'ipa quitine, lixanuc' cal cuecaj ca'ailli' jouc'a lan tsi-laj xanuc' noxpıjpá lataiqui' efot'lecona'mołtsi. İxpıce'me tima'anłe Jesús.

² İfi'e'me Jesús, ileco'me jilıpiya pe lopa'a cal gobernador romano cuftine Pilato.

³ Licupa Jesús, cuftine Judas, lixim'me tima'anna Jesús, ix-huej'menni li'epa. Itai'ma al nuxans quimbama' tomij plata, icuaitsi pe lomana' lixanuc' cal cuecaj ca'ailli' jouc'a lan tsilaj xanuc'. Icuftintsola' li'tomí.

⁴ Timila':

—Aiximpa ixcay lai'epa. Aicupa itque cal xans tima'anle. Ailopa'a quijunac'.

Ihne italai'e'e'me, timiyi:

—Illanc', ¿te cal'eyacu? Ima' cotuca' o'epa. ¡Toxinla' ima'!

⁵ Judas eca'nipa al tomí al cuecaj xoute'. Ipanni, i'hua'ma ijujnyoxi.

⁶ Lixanuc' cal cuecaj ca'ailli' epef'napá li'tomí. Timiyot'si:

—¿Te cal'e'eyacu itta'a al tomí? Itta'a al'najtse'ecopá Judas ticula' Jesús tima'anle. Aimi'iya ma'huantsiyacu al tomí li'huexi al cuecaj xoute'.

⁷ I'e'mot'si anuli li'picuejma'. Timiyot'si:

—Itta'a al tomí al'naco'me lemats' lintalhua'pa capixu. Ji'pe lamutola' lan xanuc' noyouyomma ocuenaye nación.

⁸ Ji'pe lemats' ecui'impá ocuena quipuftine, ecui'ipá: Amats' cajuats'. Itsiya litine to'ta'a tecui'inni.

⁹ To'ta'a enan'pa licuapa cal profeta Jeremías luya'apa: “Epef'na'me al nuxans quimbama' tomij plata. Ji'piya pe lomana' lan xanuc' Israel i'hiya al tomí ti'ommaita lo'nacompa anuli cal xans.

¹⁰ Lijou'ma ma'le al tomí i'nacopá lemats' lintalhua'pa capixu. To'le la'cuxe'epa la'Poujna LanDios.”

¹¹ Jesús tecaxu pe lopa'a Pilato, cal gobernador romano. I'que icuis'e'ma, timi:

—¿Te ima' unrey? ¿Te ima' tocuxe'mola' lan xanuc' judío?

Jesús italai'enni, timi:

—Al linca lofcuapa.

¹² Lixanuc' cal cuecaj ca'ailli' jouc'a lan tsilaj xanuc' noxpi-jpá lataiqui' icuf'me Jesús. I'quiya ai'quipalaic', ai'qitalai'e.

¹³ Pilato icuis'e'ma, timi:

—¿Te aimocueca locuapa i'hiya? Juaiconapa ticufhuo'.

¹⁴ Jesús ai'qitalai'e. Ailopa'a quita'iqui'. Pilato ixhue'tco'ma. Icuapa lipicuejma': “Itca'a Jesús, ¿te qui'icopa aimalalai'e?”

¹⁵ Ajuic' ajuc' Pascua cal gobernador romano tux'masqui anuli litats'iya, to mixahue'eyi lan xanuc'.

¹⁶ He litine tipa'a anuli cal xans litats'iya cuftine Barrabás. I'que jahuay imetsaiconni.

¹⁷ Lijoupa lefo'funni, Pilato icuis'e'mola', timila':

—¿Nait'si caifnux'masya? ¿Nait'si ts'o'pic'a? ¿O'pic'a Barrabás? O ¿o'pic'a Jesús, itque la'cui'impa cal Cristo? ¿Te co'cuapa?

¹⁸ To'ta'a licuapa Pilato, timetsaicola' i'hiya lan xanuc' li'picuejma', i'he nicuai'eta Jesús. Ixina' ma ti'eyi laic'.

19 Micutsu Pilato ti'ay lipenic' to cal juez, hipeno umme'ma cataiqui', ticua: “Ima' topo'noxoxi cuenna. Itque cal xans ailopa'a quijunac', aimo'e'e'ma ni tintsi. Lipuqui' aipaiyocopa itquiya. Atspaijpa juaiconapa.”

20 Lixanuc' cal cuecaj ca'ailli' jouc'a lan tsilaj xanuc', joupa ixc'ai'impola' lan xanuc', imimpola':

—Tohsahue'e'la' Pilato, tohmi'e: “Tox'masla' Barrabás, tocuxela' tima'anle Jesús”.

21 Pilato icuis'e'mola', timila':

—Itna'a loquexi' litats'ila', ¿naitsi caifnux'masya? ¿Nai ts'olpic'a?

Italai'enca, timiyi:

—¡Barrabás!

22 Pilato icuis'econa'mola', timila':

—¿Te caif'e'eya Jesús, itque itacui'impá cal Cristo?

Jahuay italai'enca, timiyi:

—¡Tapa'ts'ijnla' lancruz!

23 Pilato icuis'econa'mola', timila':

—¿Te qui'epa? ¿Te caifnepa'ts'ijncoya lancruz?

Lan xanuc' xonca ujfxi ija'a'me, timiyi:

—¡Tapa'ts'ijnla' lancruz!

24 Pilato ixina' aimulijya. Ixim'mola' ixtulencia, epat'itola' litpicuejma'. Icuixe'ma ti'hua'anca quija' tulouco'ma, tixinte lan xanuc' ile lo'eya. Timila':

—Ja'ni imanc' to'lpic'eyi tima'anle itca'a cal itjca xans, iya' aicataiyinge lajunac'. Imanc' linca to'itaiyijm'me lo'junac'.

25 Jahuay italai'enca, timiyi:

—Ne'. Atait'e la'junac' illanc' jouc'a la'naxque'. ¡Tima'anle!

26 Pilato ux'masna'ma Barrabás, ma to lixahue'e'me lan xanuc'. Icuixe'ma tipa'te Jesús. Lijou'ma icu'ma Jesús tileco'me lan soldado, tepa'ts'ijnta lancruz.

27 Itniya lisoldado cal gobernador ileco'me Jesús, itsu-fai'e'me lejut'it Pilato. Itjpiya efot'le'mo'tsi jahuay lit'as soldado.

28 Ipa'e'me lipijahua', ipo'no'i'me anuli litoqui lijahua' unx-ali, to lopo'nopa lan rey.

29 Ipu'f'me anuli al corona quitac, ic'ommof'i'i'me itjuac. Al c'a camane i'no'i'i'me anuli al jaxa. Exc'on'ingai'me, ixoco'me, timiyi:

—Atnonghuo', ima' unrey. Ima' tocuxe'mola' lan xanuc' judío.

30 Itsu'co'me. Exic'e'ena'me al jaxa, ipango'me untaf'e'eco'me al jaxa itjuac.

31 Lijoupa lixocopa, ipa'ana'me lijahua', ipo'no'icona'me ma lipijahua'. Ileo'me petsi lapa'ts'ijnyoyacu lancruz.

³² Lipalunca, licuaitsa lane, italecuf'me anuli cal xans cuf-tine aSimón. Hque cal xans a'i quipiya' jilpe Jerusalén. Lipiya' lipuftine Cirene. Hque icuxe'e'me titaila' lenacruz Jesús.

³³ Icuaitsa petsi cuf-tine Gólgota, ita'a lataiqui' lohualquemma: Pe lopa'a lecoye.

³⁴ Jilpiya icufim'me Jesús al vino uhuantsi acuaj c'ec. Tix-naña' ile al vino aijtine mixingufcoya lumla. Jesús ixnac'opa, lijoupa aikuixnaic'.

³⁵ Epałts'ingim'me lenacruz.

Ihniya lan soldado no'epaj cuenna Jesús if'ilco'me, ixim'me naitsi nolijya lipijahua'.

³⁶ Icutsołai'me, i'e'me cuenna.

³⁷ Al toncay hijuac Jesús epałts'ingimpa lacaxma, jilpiya iniliya licufcopa. Tuya'e': "Hca'a Jesús, hırey lan xanuc' judío".

³⁸ Jouc'a Jesús epałts'ingila' oquexi' lan namats'. Anuli tipa'a al c'a camane, locuena loxa camane.

³⁹ Lan xanuc' luyalaico'me jilpiya imiloj'me cataiqui', ife'ne'me hiljuac,

⁴⁰ timiyi:

—Ima' nofmetelya al cuecaj xoute', tuyaila' afane' quitine joupa olanc'enapa, jitsiya tonlu'exoxi! Ja'ni ima' i'Hua LanDios, jıtaimunni lancruz!

⁴¹ Tohiya ixoco'me jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, jouc'a lan tsilaj xanuc' noxpıjpá lataiqui', tinesyi:

⁴² —Hquiya unlu'e'mola' locuena. Itsiya aimi'i munlu'eyoxi. Illanc' ixanuc' Israel, ja'ni ilque aırey, jıtimunni lancruz! Tole linca lapenuf'me.

⁴³ Hquiya ti'huaıyinge LanDios. Ticua: "Iya' i'Hua LanDios". Ne'. Ja'ni LanDios timetsaıcojma, tunlu'eła'.

⁴⁴ Loquexi' lan namats' lepałts'ingila' jouc'a, ihniya ixoco'me.

⁴⁵ Al menac'o imufc'o'ma lema'a. Ni petsi jilpiya lamats' tocomma ipuqui'. Afanej hora ıcołpa al muf.

⁴⁶ Ixhuaitsi to al fanej hora, Jesús ija'a'ma ujfxi, ticua:

—Elı, Elı, ¿lama sabactani?

Ihiya lataiqui' luhualquemma: Ima' mainenDios, ¿te calacanuj-copa?

⁴⁷ Lan xanuc' nacaxhuołanna jilpiya, oquexi' afantsi ihniya icuej'me lines'ma Jesús, ines'me:

—Tıjoc'i' cal profeta Elıas.

⁴⁸ Anuli ihniya aikuıcołma, inu'ma, itaitsi anuli al esponja, ijac'eco'ma al cuxac vino, icants'i'ma lupa al jaxa, i'nof'e'ma, icuai'etsi lico Jesús, titsif'la'.

⁴⁹ Ocuenaıye ticuayi:

—ıTole! Aısim'me ja'ni ticuaihuo Elıas tunlu'e'ma.

⁵⁰ Jesús ija'acona'ma ujfxi. Ummena'ma ti'huanla' li'espíritu, imana'ma.

⁵¹ Jilpe al cuecaj xoute' al paxi lajut'l lotsufaicompa etemf'icoya anuli lijahua'. Limana'ma Jesús, ile lijahua' its'ahnuf'i'ma, ijof'ico'ma al toncay, xejmay i'i'ma. Inu'ma lunanto, ixquetsuf'i'ma lapic'.

⁵² Ina'a lilpu'hua limanapola' exinni. Axpela' limapola' imaf'ina'me, ilne ma li'huijf'epola' LanDios.

⁵³ Ine ipalunca lilpu'hua. Limaf'ina'ma Jesús ihniya itsuflaipá Jerusalén, ile al paxi quilya'. Axpela' lan xanuc' ixinim'mola' ihniya nimaf'inapá.

⁵⁴ Lilpincuxepa lan soldado, jouc'a lan soldado ilne no'epá cuenna Jesús, lixingufco'me lunanto, jouc'a jahuary li'i'ma, tixpailiquila' juaiconapa, timiyotsti:

—Ma alinca ilca'a cal xans i'Hua LanDios.

⁵⁵ Jilpe timana' axpela' laca'no'. Huata caj culi' tecaxolanna, tehuelojnyi lo'ipa. Ine laca'no' itoc'ipá Jesús. Ipalunca al distrito Galilea, ihuej'me Jesús, icuaitsa Jerusalén.

⁵⁶ Anuli ihniya lipuftine María las Magdala, locuena cuftine María, ilque il'máma' Jacobo y José. Jouc'a tipa'a quif'máma' Jacobo y Juan, ihniya loquexi' quif'ailli' Zebedeo.

⁵⁷ If'acolaipa. Icuaitsi anuli cal xans las Arimatea, cuftine aJosé. Ilque cal xans acueca' qui'huexi. Ihuequi Jesús.

⁵⁸ I'hua'ma pe lopa'a Pilato. Ixahue'etsi tepi'inle licuerpo Jesús. Pilato icuxe'ma tepi'inale.

⁵⁹ José epenuf'ma licuerpo Jesús, iju'e'ma anuli al ts'e lijahua' ipuficoya alino.

⁶⁰ I'hua'a'me lamu'enyacu Jesús, ile unts'eja', ats'e. Maque José ipuc'opa lapic, ilanc'epa hunts'eja'. Jilpiya i'nicotsi Jesús. Imelfai'etsi anuli cal cuecaj capic teti'ico'ma lico cunts'eja'. I'hua'na'ma.

⁶¹ Jilpe ticutsołanna María las Magdala y locuena María, tehuelojnyi al pu'hua cunts'eja'.

⁶² Jilpe litine avispera. Lihuequi litine ti'i'ma itine conxajya. Ihe litine conxajya lixanuc' cal cuecaj ca'ailli' jouc'a lam fariseo iyehuo'me, ixintsa Pilato.

⁶³ Timiyi:

—Małpoujna, a'nujuaisyi linespa ilque linfel'miyale. Mipa'a ilque ines'ma: “Tuyaila' afane' quitine camaf'ina'ma, quipayonno pe lomana' lamizhua”.

⁶⁴ Itsiya alsahue'ehuo' tocuxela' tiyele hunts'eja', ti'entsa cuenna afane' quitine. Ja'ni a'i, aga tiye'me lipuqui' ts'ilihuequi tinantsenna, tipa'anna. Tijoula' tu'innola' lan xanuc': “Ilque imaf'inapa, ipanamma pe lomana' lamizhua”.

⁶⁵ Pilato timila':

—Ne'. Tonŋente. Toŋsinna loŋ'eyacu. Toŋhecole coŋsoldado. Ti'etsa cuenna jiŋpiya.

⁶⁶ Iye'me. Jiŋpe ɫapic ɫopa'a lico cunts'eja' ipa'ninc'itsa hisello cal gobernador romano. Imanenca lan soldado i'e'me cuenna. Ticuayi:

—Aimexi'em'me.

28

¹ Joupa uyaipa litine conxajya. I'ipa quitine al te'a quitine al xamano. María las Magdala jouc'a locuenaj María iye'me ixintsa hunts'eja'.

² Licuaitsa nungay hunts'eja' iximpá joupa inupa acuecaj cunanto.

Li'ipa hiya imunni lema'a anuli ɫepaluc ɫaŋPoujna LanDios. Iŋque ɫapaluc quema'a joupa icuaita pe lopa'a hunts'eja', iŋonc'epa ɫapic ɫeti'icompa lico cunts'eja', icutsafcaic'.

³ Li'a tunts'ifi to lixcuaflay. Lipijahua' ma afujca to cal nieve.

⁴ Lixim'me lan soldado ixpailij'mola', iyu'mola', imanenca to limac'la.

⁵ Licuaitsa jiŋpe lacaŋ'no', ɫapaluc quema'a ipalaic'o'mola', timila':

—Aimixpailij'molhuo'. Aixina' naitsi conlahuepa. To-lahueyi Jesús, iŋque ɫepaŋts'ingimpa lancruz.

⁶ Fa'a ailopa'a. Ma to luya'apa joupa imaf'inapa. Tonŋouyunca. Toŋsinna pe lipo'no'empa.

⁷ Tijouŋa' aimicoŋ'molhuo' tonŋete pe lomana' ts'ilihuequi. Toŋmitsola': "Jesús imaf'inapa. Ipayonamma pe lomana' lamizhua. I'huanapa Galilea. Imanc' tonŋete jiŋpiya. Toŋsinnata." Toŋta'a laitaiqui', joupa nu'ipolhuo'.

⁸ Lacaŋ'no' aits'icoŋ'mola' jiŋpiya hunts'eja', ipailinanca. Iye'me tinulyi tu'innola' ts'ilihuequi Jesús. Tama tixpailiquila' tixo-qui quileta.

⁹ Miyeyi lane italecuf'mola' Jesús. Iŋque inom'mola' ma to mi'ay. Lacaŋ'no' iŋoc'otaime, exc'onŋingotaime, i'noŋ'e'e'me li'mitsi'.

¹⁰ Jesús timila':

—Aimixpailij'molhuo'. Tonŋete. Toŋmitsola' laipimaye tiyete Galilea. Jiŋpiya aŋsinnoŋtsi.

¹¹ Lan soldado, iŋme ni'epá cuenna hunts'eja', joupa iyenapá. Miyeyi lacaŋ'no' hualca iŋniya lan soldado icuainatsa ate'a Jerusalén. Jiŋniya ipalaic'om'mola' lixanuc' cal cuecaj ca'ailli', uya'a'me jahuay liximpa.

¹² Lixanuc' cal cuecaj ca'ailli' jouc'a lan tsilaj xanuc' noxpi-ŋpá lataiqui' efot'ɫepoŋtsi. Ixpic'e'me lo'eyacu. Epi'im'mola' lan soldado acuecaj tomí.

¹³ Icuxe'em'mola', timinnila':

—Toluya'a'me: “Li'ipa lipuqui' icuaita ts'ilihuequi Jesús, ipa'ahuona'me. Illanc' ałsmaipá.”

¹⁴ Cal gobernador romano, ja'ni ticuejla' imanc' ołsmaipá, illanc' ałpalaic'ota. Imanc' ailopa'a co'e'eyacolhuo'.

¹⁵ Lan soldado epenuf'me al tomí, uya'a'me ma licuxe'empola'. Itsiya litine ma' anuli tinesyi lan xanuc' judío.

¹⁶ Limbamaj nuli ts'ilihuequi Jesús iye'me Galilea, icuaita kijuala petsi itque limipola' tiyele.

¹⁷ Jilpiya ixim'me Jesús. Jahuay exc'onłingolai'me. Hualca ixhuełco'me, ticuayi: “¿Te małque Jesús o ocuena?”

¹⁸ Jesús itoc'ai'mola', timila':

—Joupa lapi'impá laimane, cacuxe jahuay lopa'a lema'a, jahuay lopa'a li'a łamats'.

¹⁹ Itsiya camilhuo': Tonlele jahuay li'a łamats'. Ni petsi lomanc'eyacu lan xanuc' tolu'itsola' laitaiqui', lihuejla'. Tolapo'itsola' ti'itsola' ixanuc' cai'Ailli' ŁanDios, jouc'a aixanuc', iya' i'Hua ŁanDios, jouc'a ixanuc' cal Espíritu Santo. Tołiya tołcuaj'mi'me lam fane' łaftine.

²⁰ Tołmuc'itsola' tihuejcole jahuay łataiquí laicuxe'epolhuo'. Aicapo'noyacolhuo' coltuca'. Itine itine ałmajm'me anuli. Ticuaitsi Lijujma Quitine ma tołta'a ałmajm'me.

LATAIQUI' LINIŁPA SAN MARCOS LOYA'APA IŁE AL C'A LIXPIC'EPA ŁANDIOS

¹ Fa'a tipa'a liniłiya lixpıc'epa ŁanDios. IŁe lataiqui' ac'a loya'apa, tipalaijma Jesucristo, iłque hi'Hua ŁanDios. Cu'i'molhuo' te ts'i'ic' lipangopa luya'ampá iŁe lataiqui'.

² Jiłpe lije'e cal profeta Isaías iniliįmpa lo'iya. IŁe liniłpa tuya'e' te ts'i'ic' linespa ŁanDios, ticua:

¡Ałquimf'eła! Iya' cumme'ma łainepaluc,
iłque ticuaita ate'a, tilanc'e'eto' lopene.

³ Pe ailopa'a quıłya' iłque tuya'ata, tu'itola' lan xanuc' lafot'leyacołtsi,

tu'itola': "Tołłanc'e'e'ete lipene łalPoujna.
Toł'e'ete ałįca lane pe loyaicoya."

⁴ Licuaiyunni Juan Bautista enanłpa iŁe lataiqui'. Małque Juan epaluc ŁanDios łipalaicopa Isaías.

Icuaitsi Juan al pana' Jordán pe ailopa'a quıłya'. Jiłpe tepo'iyale. Tu'ila' tixhuej'menanca lo'epa lixcay. TepoliŁe. ŁanDios tiłonc'e'e'mola' liįjunac'.

⁵ Lan xanuc' ni petsi lomana' al distrito Judea, jouc'a jahuay lan xanuc' nomana' liłya' Jerusalén, ipalunca liłpilolołya', iye'me, icuaitsa pe lopa'a Juan. Uya'a'me li'epa lixcay. Tic-uayi: "Ałsuej'menammas". Juan epo'i'mola' al pana' Jordán.

⁶ Iłque Juan lipijahua' ipufcompa ipimij camello. Lifi'ejma ixmi. Litejua' łotepa axa'muł y acujua c'ec.

⁷ Tuya'e', tu'ila':

—Iya' aicuai'ma ate'a. Tijouła' ticuaihuo ocuena xonca acueca'. Iya' aimal'onspa to iłque, caxina alaic'ata, aimi'iya cuhuałc'eya lic'eji'.

⁸ Iya' capo'icolhuo' aja', iłque ticuaiyunni tepo'ico'molhuo' cal Espıritu Santo.

⁹ IŁe hitiné Jesús ipanni al distrito Galilea, jiłpe liłya' Nazaret. Icuaitsi al pana' Jordán jiłpe Juan epo'i'ma.

¹⁰ Lipanni Jesús laja', ixim'ma eximma lema'a, ixim'ma cal Espıritu Santo ti'onłcospa to cal fujca ja'mu', imunni, icuaitsi pe lacaxu, ihuoxaf'caitsi.

¹¹ Jesús icuej'ma jiłpe lema'a tipalay, timi:

—Ima' mai'Hua, ca'ehuo' capic'a juaiconapa. Latenłma lopicuejma' jouc'a lo'ejma'.

¹² Lijou'ma aikuicoł'ma, cal Espıritu Santo i'hua'a'ma Jesús, icuaitsi pe ailopa'a quıłya'.

13 Jilpiya ipajntsi oquej nuxans quitine pe lomana' lan ximalo quinnejá. Lonta'a Satanás ehuaí'ma. Icuaitsa lapaluc' quema'a, itoc'i'me.

14 Lijoupa litats'empa Juan Bautista, Jesús ipanni al distrito Judea. I'hua'ma al distrito Galilea. Jilpe tuya'e' lixic'epa LanDios, íle lataiqui' ac'a loya'apa.

15 Tu'íla' lan xanuc':

—Fa'a li'a lamats' LanDios cal Cuecaj Rey ticuxela' lixanuc'. Tołsuej'menca. Tolapenufle Lataiqui' loya'apa íle al c'a lixic'epa LanDios.

16 Anuli litine Jesús ti'hua lema al cuecaj quin'nuhua' cuftine Galilea. Ixim'mola' Simón jouc'a Andrés, ílque ipima Simón. Íne lapimaye in'nołpá catuye, tecajm'miyi łixami łaja.

17 Jesús timila':

—¡Lihuejla'! Capi'i'molhuo' ocuena cołpenic'. Aimolahue-conayacola' latuye. Tolahuetola' lan xanuc' lihuejla'.

18 Aits'icoł'mola'. Simón jouc'a Andrés ipo'no'me łixami. Ihuej'me Jesús.

19 Iye'me nihuata, Jesús ixim'mola' Jacobo i'hua Zebedeo, jouc'a Juan, ílque ipima Jacobo. Íne ticusc'olanna al barco, tipufmot'leyi łixami.

20 Aiquicoł'ma, Jesús ijoc'i'mola'. Íniya ipo'nom'mola' Zebedeo quił'ailli' jouc'a no'epá canic' imanenca al barco. Ihuej'me Jesús.

21 Iye'me liłya' Capernaum. Litine conxajya i'hua'ma Jesús lajut'ł pe lafołyomma. Jilpiya imuc'i'mola' lan xanuc'.

22 Íne lan xanuc' ixim'me ac'a lomuc'iyalepa Jesús, ixim'me icueya limane. Ticuayi:

—Acueca' ílque litaiqui'. Lałpomxiye nomuc'iyalepá locuxepa LanDios, íne aimi'onłspola' to Jesús.

23 Jilpiya pe lafołyomma tipa'a anuli cal xans łitsufaipa conta'a. Cal xans ija'a'ma ujfxi.

24 Timi:

—Íma' conJesús mas Nazaret, ¿te cof'epa? ¿Te cotsu-faicomma ima' fa'a pe lałmana'? ¿Te aga ocuai'ma fa'a ma le'a ałjou'ne'monga'? Iya' nimetsaicohuo'. Íma' umPaxi, o'huayomma LanDios.

25 Jesús itale'ma, timi:

—¡Ti-ch'ixcotso'! ¡Taipanni íłca'a cal xans!

26 Lonta'a ífe'ne'ma ujfxi cal xans, ija'a'ma ujfxi, ipananni.

27 Lan xanuc' nomana' jilpe lajut'ł ixim'me acueca' li'ipa. Icus'e'moltsi, timiyoltsi:

—¿Te jale íłta'a lataiqui'? Íłca'a Jesús ituca' lomuc'iyalepa. Icueya limane, jouc'a lontahue ticuxela', íne ticuec'eyi.

28 Aiquicoł'ma. Ixpehuaitsi lataiqui' loya'apa li'epa Jesús. Ni petsi al distrito Galilea icuej'me li'ipa.

29 Jesús jouc'a ts'ilihuequi, ihniya Simón, Andrés, Jacobo y Juan, ipalunca lajut'ł pe lafołyomma, iye'me lilejut'ł Simón y Andrés.

30 Li'maco Simón tunouya textafque. Tepi'i quipinu'. Aiquicoł'ma, u'i'me Jesús textafque łaca'no'.

31 Jesús ihoc'huai'ma pe lopa'a łaxtafpa. I'noł'e'ma limane. Icutsu'ma łafcuana. Ihojn-na'ma lipinu'. Ixałcona'ma. Itsahue-nanni, ites'mi'mola'.

32 He litine joupa if'acolaipa i'ipa ipuqui', lan xanuc' iłtaic' lilefcuallay, jouc'a litsufłaiyila' contahue.

33 Jahuay lan xanuc' nomana' liłya' icuaiyunca, efołunni lico lajut'ł.

34 Jesús ixał'mena'mola' axpela' lan xanuc', axpej cuana. Jouc'a icuxe'mola' lontahue tipalnanca lan xanuc'. Lontahue imetsaico'me Jesús. Iłque ticua: "Lontahue aimuya'acona'me". Totiya i-ch'ixc'e'mola'.

35 Icuaitsi lilic'ejma ma' aquipuqui', Jesús itsahuenni, ipanni liłya', i'hua'ma petsi ailopa'a quiłya'. Jiłpe ipalaic'o'ma ŁanDios.

36 Simón jouc'a liłejmale ehue'me Jesús.

37 Ixim'me, timiyi:

—Lan xanuc' tehuehuo'.

38 Jesús timila':

—Łepá. Łepá łaiquilelołya' lan huejnca lomana'. Ticuicomma cu'itsola' jouc'a ihniya Lataiqui' loya'apa ihe al c'a lixpice'epa ŁanDios.

39 Ti'huaf'cay jahuay al distrito Galilea, łajut'łi pe lafołyomma lan xanuc', jiłpe tu'iyale ihe Lataiqui'. Tipa'e'ela' lan xanuc' liłpontahue.

40 Anuli litine icuaitsi pe lopa'a Jesús anuli cal xans iteca cahuí, ihe al cuana cuftine al lepra. Iłque exc'onłingai'ma. Tixahue'e, timi:

—Ja'ni ima' opic'a, nipajnya ałsał'mena'ma laicuana. Al'inła' limpio.

41 Jesús ixim'ma acuanuc' łafcuana. I'nij'ma limane. Ix-payaf'ma, timi:

—Ne', aipic'a. Iya' caxał'me'mo'. ¡Tixałcontso! ¡Ti'intso' limpio!

42 Aiquicoł'ma, ihojn-na'ma lehui, ixałcona'ma.

43 Aiquicoł'ma, Jesús ixc'ai'i'ma,

44 timi:

—Aimo'itola' lan xanuc' ihe lai'e'epo'. Aimoyout'he'ma. Nij naitsi nocuejya. To'huanła', tomujxoxi pu'hua ła'ailli'. Tot-sufcota ŁanDios to Moisés licuxe'epola' ts'iłlepra, ihe joupa

i'napola' limpio. Tołta'a ałsim'monga' lihuejcoyi iŧe litaiqui' Moisés.

⁴⁵ Iłque lixałconapa i'hua'ma, ipango'ma uya'a'ma li'e'epa Jesús. Tołta'a Jesús aimi'ya mitsufaiya liłelołya'. Tipanemma petsi ailopa'a quiłya'. Lan xanuc' quiyoyomma ni petsi liłelołya', tiłcuaiyumma pe lopa'a Jesús.

2

¹ Lijoupa luyaipa oquej fanej quitine, Jesús ipainanni, itsu-faiconama liłya' Capernaum. Lan xanuc' icuej'me Jesús tipa'a lajut'ł.

² Aiquicoł'ma icuaiyunca axpela' lan xanuc', efot'le'mołtsi. Imantsi lajut'ł jouc'a lico cajut'ł. Jesús tu'ila' Lataiqui' loya'apa iŧe al c'a lixpice'epa ŁanDios.

³ Ocuenaye lan xanuc' icuaiyunca jiłpe łuna. Amalujxi iłniya iłtaic' anuli łuhuaqueya xans.

⁴ Ipa'ne'mola' lefołya, aimi'ya muyalaicoyacu, micuaiyacu pe lopa'a Jesús. I'ajli'me lajut'ł, enai'e'me łuhua'e lajut'ł jiłpe al toncay pe lacaxu Jesús. Małpiya ecajm'mi'me cal xans łonafya łihuijm-ma', ipo'ningaitsi li'mitsi' Jesús.

⁵ Jesús ixim'mola' iłniya ti'huaiyijnyi, ticuayi: "Tixał'mena'ma". Timi łuhuaqueya:

—Mai'hua, joupa iłojn-napa lojunac'.

⁶ Ticutshuolanna jiłpiya hualca lomxiye nomuc'iyalepá locuxepa ŁanDios. Iłniya ticuayi liłpicuejma':

⁷ "Iłque cal xans, ¿te conescopa tołta'a? Ma le'a quituca' ŁanDios nipajnya tiłonc'e'e'mola' liłjunac' lan xanuc'. Iłque ti'onlicoyoxi to ŁanDios."

⁸ Jesús aiquicoł'ma i'i'ma quixina' te lonespa lan xanuc'. Timila':

—Imanc', ¿te colnescopa tołta'a lołpicuejma'?

⁹ ¿Pe copa'a xonca lipime? ¿Te cataiqui' caifmiya łafcuana? ¿Camila': "Lojunac' joupa iłojn-napa", o camila': "Totsahuenanni, tonif'nała' łohuijm-ma', to'huanała'?"

¹⁰ Itsiya camuc'i'molhuo' icueya laimane. Iya' iłque cal Xans Łiximpa cal profeta pu'hua lema'a. Ma capa'a fa'a li'a łamats' ti'i'ma quimenc'e'eco'mola' liłjunac' lan xanuc'.

Ipalaic'o'ma łuhuaqueya, timi:

¹¹ —Iya' camihuo', totsahuenanni, tonif'nała' łohuijm-ma', to'huanała' lomejut'ł.

¹² Łuhuaqueya aiquicoł'ma itsahuenanni, inif'ma łihuijm-ma'. Mehuelojnyi lan xanuc', ixim'me ipanni, i'huana'ma. Ix-pailij'mola', tinesyi:

—Acueca' juaiconapa li'e'epa ŁanDios. Tołta'a li'ipa aicałsina', ni anulemma.

13 I'huacona'ma Jesús lema al cuecaj quin'nuhua'. Jahuay lan xanuc' iye'me pe lopa'a. Timuc'ila'.

14 Lijoupa limuc'iyalepa, ti'hua tuyaipa, ixim'ma anuli cal xans cuftine Leví, i'hua Alfeo. Ique Leví ticutsu petsi lo'najts'i'iyaleyompa. Jesús timi:

—Lihuejla'.

Leví itsahuenni, ihuej'ma Jesús.

15 Jesús jouc'a ts'ilihuequi icuaitsa lejut'í Leví, ticutshuołanna, titetsoyi. Titetsoyi jouc'a axpela' lin'najtsi'iyale jouc'a ocuenaye lan xanuc'. Jahuay ihniya a'i mihuejyi locuxepa LanDios. Axpela' ihniya tihuejyi Jesús.

16 Lomxiye nomuc'iyalepá locuxepa LanDios jouc'a lan xanuc' fariseo ehuelojm'me Jesús titetsoyi anuli lin'najts'i'iyale y locuenaye lan xanuc'. Imetsaiconnila' ihne aimihuejyi locuxepa LanDios. Timinnila' ts'ilihuequi Jesús:

—Tolsinke, łólpomxi titetsoyi anuli lin'najts'i'iyale y locuenaye lan xanuc'. Jahuay ihniya aimihuejyi locuxepa LanDios.

17 Jesús icuej'ma lonespa ihniya. Timila':

—Lan xanuc' ja'ni a'i mextafquila' aimicuicomma mi'e'enyacola' cafxi. Lafcuallay linca ticuicomma no'eyacola' cafxi. Iya' aicuaicoco'ma cajoc'i'mola' ts'ijunac'. Aicajoc'iyacola' petsi ailopa'a quijunac'.

18 Anuli litine tixnet'lyi aimitetsoyi ts'ilihuequi Juan Bautista jouc'a lan xanuc' fariseo. Icuaitsa lan xanuc' pe lopa'a Jesús, timiyi:

—Ts'ilihuequi Juan jouc'a lan fariseo tixnet'lyi, aimitetsoyi. Ihne lihuejhuo', ¿te aimixnet'lyi?

19 Jesús italai'e'e'mola', timila':

—Ma mipa'a łamijcano łamaneya, ¿te tixnet'ime, aimitetsoyacu ts'ihemale? A'i. Anuli miłmana' łamaneya, aimi'iya mixnet'lyacu.

20 Ticuaihuo litine aimimajnconayacu anuli, ike litine linca tixnet'ime.

21 'Al ts'e quijahua' aimi'iya manajmot'licoya lafane quijahua'. Ja'ni tołta'a to'ełta', al ts'e quijahua' tetehuo, tijoułta' lafane quijahua' tits'ałquehuo xonca.

22 Aimoc'ej'miya al ts'e vino petsi lafanej ponta quixmi. Ja'ni to'etsi tołta'a, al ponta quixmi tits'ałquehuo, timinsco'ma al vino, timinsco'ma jouc'a al ponta quixmi. Al ts'e vino tic'ej'minni al ts'e ponta quixmi.

23 Anuli litine conxajya, Jesús jouc'a ts'ilihuequi tuyalaicoyi nolojmay cal trigo. Muyalaicoyi, ts'ilihuequi ipango'me ipa'a'me łixpaj trigo.

24 Lam fariseo timiyi Jesús:

—¡Toxintsola' lihuejhuo'! Itsiya itine conxajya. Ailopa'a lane mi'eyacu toŕta'a.

²⁵ Jesús timila':

—Imanc', ¿te a'i coŕsuec' liniŕiya loya'apa li'epa cal rey David? Icuaitsi litine unle'enca iŕque jouc'a liŕejmale, ailopa'a cotejacu.

²⁶ David itsufai'ma lejut'ŕ LanDios. Jiŕpe tipa'a lam paxi ca'í. Iŕne la'í tipa'a lane tite'me ma le'a la'ailli, a'i lan xanuc'. David ite'ma jouc'a epi'i'mola' liŕejmale, ite'me. Toŕta'a i'ipa mipa'a Abiatar cal cuecaj ca'ailli'.

²⁷ Jesús ti'hua tipalaic'ola' lan xanuc', timila':

—LanDios ate'a ilanc'epa cal xans, lijou'ma enaj'ma litine tunxajla' cal xans. A'i quenaqui litine ate'a.

²⁸ Iya' iŕque cal Xans Liximpa cal profeta pu'hua lema'a. Iya' cacuxe'ela' laixanuc' te lo'eyacu iŕe litine conxajya.

3

¹ Ocuena quitine conxajya, Jesús itsufaicona'ma lajut'ŕ petsi lafoŕyomma lan xanuc'. Jiŕpe tipa'a anuli cal xans ijuŕpa limane.

² Lam fariseo tehuelojnyi Jesús. Ti'huilaic'oyi ja'ni tixaŕ'me'ma cal xans iŕe litine conxajya. Tehueyi te co'iya micuxecoyacu.

³ Jesús ipalaic'o'ma cal xans, iŕque ts'ijuŕ quimane. Timi:

—To'huanni fa'a. Tacaxla', tahuoc'ocotsola' lan xanuc'.

⁴ Icuis'e'mola' lam fariseo, timila':

—Lu'íŕa', litine conxajya, ¿te lapi'inga' lane aŕ'eŕe al c'a? O ¿aŕcuxe'enga' aŕ'eŕe lixcay? ¿Nipajnya lunŕu'e'me lipitine cal xans o aŕma'a'me?

Iŕniya aiquiltalai'e. Ch'ix le'a.

⁵ Jesús ehuelojm'mola' iŕne lam fariseo. Tixtuc'ola'. Tix-hueŕma, ixina' iŕniya joupa ipo'nopá liŕpicuejma', aiquilcueca.

Jesús timi cal xans:

—To'nijla' lomane.

Cal xans i'nij'ma limane. Ixaŕcona'ma.

⁶ Lam fariseo aiquicoŕ'mola', ipalunca, iye'me ipalaic'otsa lixanuc' cal rey Herodes. Tehueyi te co'iya mima'ayacu Jesús.

⁷ Jesús i'huana'ma. Iŕque jouc'a ts'ilihuequi iye'me al cuecaj quin'nuhua'. Iyenc'e'me axpela' lan xanuc' quiyoyomma al distrito Galilea.

⁸ Lan xanuc' ni petsi lomana' icuej'me al cueca' lo'epa Jesús. Icuej'me iŕne nomana' al distrito Judea jouc'a nomana' al cuecaj quiŕya' Jerusalén, jouc'a nomana' ŕamats' Idumea, jouc'a nomana' lu'hua quiyay al pana' Jordán, jouc'a nomana' hilemats' hileloŕya' Tiro y Sidón. Axpela' iŕniya icuaiyunca pe lopa'a Jesús.

⁹ Lixim'mola' axpela' quefoŕya Jesús icuxe'e'mola' ts'ilihuequi ti'hua'anca anuli al barco, tipo'noŕe ŕema al cuecaj

quin'nuhua'. Ja'ni lan xanuc' tipango'me titantsi'me Jesús, iłque titsufai'ma al barco.

¹⁰ Joupa axpela' ixał'mepola', tohiya itsiya jahuay lafcuallay, axpej cuana, tummetsaiyołtsi, tiyełe ahuejnca Jesús, tiłafle.

¹¹ Lan xanuc' pe litsufaiyila' contahue, lixim'me Jesús, ecanghuołaitsa li'mitsi'. Lontahue tija'ayi, timiyi:

—Ima' i'Hua LanDios.

¹² Jesús itale'mola' ujfxi. Timila':

—Aimunlu'itola' lan xanuc' tołta'a.

¹³ Lijou'ma if'aj'ma hıjuala. Joupa ixpic'epa naiłniya ts'ilihuequi tiyouyunca. Ijoc'i'mola'. Icuaitsa pe lopa'a.

¹⁴ I'huijfe'mola' imbamaj coquexi' timajnle anuli. Tumme'mola' tuya'ata Lataiqui' loya'apa iłe al c'a lixpice'epa LanDios.

¹⁵ Epi'i'mola' liłmane tipa'ata lontahue litsufaiyila' lan xanuc'.

¹⁶ Jifa'a tipa'a liłpuftine iłniya limbamaj coquexi':

Simón, łecui'impa Pedro,

¹⁷ Jacobo y Juan, inaxque' Zebedeo. Iłne loquexi' Jesús łecui'ipola' Boanerges.

Iłe laftine locuajmaispa: Iłne noquimf'epá, nocuec'epá lonespa LanDios.

¹⁸ Andrés y Felipe,
Bartolomé y Mateo,

Tomás y łocuena Jacobo, iłque i'hua Alfeo,

Tadeo y łocuena Simón, iłque łecui'impa cal cananeo,

¹⁹ jouc'a Judas Iscariote, iłque nocuya Jesús.

²⁰ Jesús itsufaipa anuli lajut'ł. Efoł'łecona'mołtsi axpela' lan xanuc'. Jesús jouc'a ts'ilihuequi aiqúi'i'ma quitetso'me.

²¹ Licuejpá lipimaye Jesús tołta'a li'ipa, ines'me: Jesús imin-scopa lipicuejma'. Ipalunca, iye'me, tileconna Jesús.

²² Jiłpe pe lopa'a Jesús timana' hualca lomxiye nomuc'iyalepá locuxepa LanDios, quiyouyomma liłya' Jerusalén. Iłniya ticuayi:

—Jesús itsufaipa łonta'a cuftine Beelzebú. Iłque nocuxepola' contahue epi'ipa limane Jesús tipa'atsola' lontahue.

²³ Jesús ijoc'i'mola' iłniya lomxiye, timila':

—¿Te całtalai'e'eya imanc'? ¿Te aga łonta'a Satanás tihues-cuf'ma liłpima conta'a?

Ti'hua tipalaic'ola'. I'onticopa to lo'ipa. Timila':

²⁴ —Ja'ni tenajtsołtsi lan xanuc' anuli al nación, ja'ni ti'etsołtsi oque', iłe al nación tijou'ma lipujfxi.

²⁵ Ja'ni lan xanuc' nomana' anuli lajut'ł tenajtsołtsi, ja'ni ti'etsołtsi oque', aimimajnconayacu anuli, jiłpe teca'ena'mołtsi, ailopa'a co'eyacu.

26 Lonta'a Satanás ja'ni joupa ehuc'huaipola' lif'as con-tahue, itsiya cola' aimi'hua limane.

27 'Ja'ni anuli cal xans ixpic'epa titsufaila' lejut'ł ocuena cal xans juaiconapa ipujfxi, ja'ni ixpic'epa tiłonc'e'eta' li'huexi, iłque notsufaiya, ate'a tifi'eta' iłque cal xans ts'ipujfxi, tijouła' nipajnya titsufai'ma, tiłonc'e'eta li'huexi. Ja'ni aimifi'e, aimi'iya mitsufaiya lajut'ł, miłonc'e'eya li'huexi.

28 'Iya' camilhuo' al linca: Jahuay lo'epa o lonespa cal xans, ti'i'ma timenc'e'ecom'me.

29 Ma le'a ja'ni aimimetsaicoyi lo'epa cal Espíritu Santo, iłniya aimiłonc'e'enyacola' liłjunac'. Titai'me nulemma.

30 Tołta'a Jesús limipola' iłniya nonespá: "Jesús itsufaipa conta'a".

31 Icuaiyunca qui'máma' jouc'a lipimaye Jesús. Ecaxoł'me łuna. Iłjfi'i'me anuli cal xans tijoc'itsi Jesús.

32 Jesús ticusc'o nolojmay cajut'ł, timuc'iyale. Jiłpiya timana' axpela' lan xanuc' ticutshuołanna tiquimf'eyi lomuc'ipola' Jesús. Timiyi:

—Co'máma' jouc'a lopimaye timana' łuna tehuehuo'.

33 Jesús timila':

—¿Naitsi cai'máma'? ¿Naiłne caipimaye?

34 Ehuelojm'mola' lan xanuc' nocutshuołanna, ticua:

—iTołcuejle! Jifa'a ticutshuołanna cai'máma' jouc'a laipimaye.

35 Pe naihuejcopa LanDios, iłquiya aipima xans, o aipima caca'no', o ai'máma'.

4

1 Mipa'a Jesús łema al cuecaj quin'nuhua', ipango'ma imuc'icona'mola' lan xanuc'. Efołunni juaiconapa axpela'. Jesús if'aj'ma anuli al barco. Icutshuai'ma jiłpiya. Al barco texpef'que. Lan xanuc' efołumma łema caja.

2 Juaiconapa imuc'i'mola' lan xanuc'. Ipalaico'ma lo'epa LanDios fa'a li'a łamats'. I'ontico'ma. Timila':

3 —Ałquimf'eta' imanc':

'Icuai'ma litine cafaya, i'hua'ma cal xans tifata. Eca'nitsi lam fanuj trigo.

4 Meca'ni lam fanuj trigo, oquej afane' lam fanu' ecangenni lane. Icuaiyunca lacał'hui naiyulpá, itejn-na'me.

5 'Oquej afane' lam fanu' i'nif'colaitsa liłmi capic, tipa'a ahuata łacamats'. Lam fanu' aikuicoł'mola' ila'mola'.

6 Lijou'ma ipammaiyunni cal 'ora, linu' ipi'epola' lilapola' lam fanu'. Ijułnapola'. Aiquif'acaic' hime.

7 'Hualca lam fanu' itsuc'huaita jiłpe litac'. Litoj'ma litac', ejec'opola' laifa'. Aiquixpaj'ma.

8 'Ocuenaye lam fanu' etojmołaitsa cal c'a camats'. Ila'mola', itoj'mola', i'ipola' quixpa. Anuli łajfanu' ipammaitsi anuxans quimbama', ocuena cal fanu' ipammaitsi afanej nuxans, ocuena'ya ipammaitsi amaxnu.

9 Lijoupa luya'apa iłe litaiqui', Jesús timila':

—Naitsi nocuejpa, ałquimf'ełá' iya' litaiqui'.

10 Lijoupa liyeyołnapá lan xanuc', imanenca Jesús jouc'a limbamaj coquexi' y locuenaye ts'ilihuequi. Iłniya ixa'hue'me Jesús, timiyi:

—Lu'itsonga', luhuałc'e'etsonga' iłe lotaiqui'.

11 Jesús timila':

—ŁanDios epalc'o'ipolhuo' imanc' lołpicuejma', tołta'a tołcuc'eyi lipime cataiqui'. Iłe lataiqui' tuya'e' lo'ipa petsi lan xanuc' tihuejcoyi ŁanDios, iłque cal Cuecaj Rey. Ocuenaye lan xanuc' petsi aimihuejcoyi ŁanDios, iłne ma le'a tiquimf'eyi. Iłe lataiqui' lo'onłicopa lo'epa ŁanDios iłne lan xanuc' aimi'ya mihuałc'eyacu.

12 Tołta'a ti'ıłá' to loya'apa al Paxi Linılingiya, ticua:

Ti'hua tehuelojnle, tijoułá' aimixinyacu.

Ti'hua tiquimf'ełe, tijoułá' aimicuejyacu.

Ja'ni a'ı tołta'a lił'ejma' tixhuej'menacu, ŁanDios timenc'e'eco'mola' lixcay li'epá.

13 Jesús ti'hua tipalaic'ola', timila':

—Ja'ni aicołcueca iłe litaiqui' lai'onłicopa lo'epa ŁanDios fa'a li'a łamats', łte co'ya mołcuc'eyacu ja'ni ca'onłico'ma xonca lo'epa ŁanDios?

14 'Cal xans nofapa ti'onłcospa to iłquiya noya'apa litaiqui' ŁanDios.

15 Łamats' lane pe lechangeyonni lam fanu' ti'onłcospa to lan xanuc' iłniya ma le'a tiquimf'eyi litaiqui' ŁanDios. Aimicołya łonta'a Satanás. Ticuaihuo, tiłonc'e'e'mola' lataiqui' lifayipa liłpicuejma'.

16 'Łaj huata łacamats' łopa'a lixmi capic ti'onłcospa to locuenaye lan xanuc' miquimf'eyi litaiqui' ŁanDios tixoqui quileta tepenufyi.

17 Iłe Lataiqui' aimifayiya liłpicuejma', oquej fanej quitine tihuejcoyi. Ticuaitsi lixhuejma', o lił'as xanuc' tixtuc'ontsola' iłniya naihuejpa' litaiqui' ŁanDios, iłne aimicołyacola', tenajna'mołtsi, aimihuejconayacu.

18 'Łamats' pe łopa'a liłac' lıtsuc'huaita lam fanu' ti'onłcospa to locuenaye lan xanuc' noquimf'epá litaiqui' ŁanDios.

19 Iłne xonca tixhuej'mecoyi te co'ya muyalayıacu lapanya. Tifel'miyołtsi, ticuayi: "Lulijle acuecaj caltomi. Tołta'a luyalaico'me al c'a." O tixhuej'mecoyi te co'ya mulijyacu xonca quił'huexi. Ma to liłac' ejec'opola' łai'fa', a'ı quixpaj'ma,

ma tole ihne lan xanuc' li'ipola'. Tama joupá ifapa li'picuejma' litaiqui' ÑanDios, tiñmanemma toñta'a, tocomma a'i quilepenufi ñe lataiqui'.

20 'Cal c'a camats' pe lifampa ti'onñcospa to locuenaye lan xanuc' noquimf'epá litaiqui' ÑanDios. Ihne tepenufyi ñe lataiqui', tipammoñaispa li'pepajnya. Hualca ti'onñcospa to ñamats' petsi cal fanu' ñipammaita anuxans quimbama', locuenaye petsi ñipammaita afanej nuxans, locuenaye petsi ñipammaita amaxnu.

21 Jouc'a timila':

—Imanc' molunai'i'me loñpepalc'o', aimoñc'ommumijyacu alxpicoñma c'ec, ni aimoñc'nicoyacu licu'u hualfa. Toñnof'e'me pe loñxu'epa.

22 Ticuaihuo litine ti'huájta lemiya, jouc'a ti'huájnta letemiquiya, tixinim'me.

23 'Naitsi nocuejpa, añquimf'eta' iya' laitaiqui'.

24 Ti'hua timuc'iyale, tu'ila':

—Toñpo'noñe cuenna laifmipolhuo': Imanc' ñe loñspic'ecopola' locuenaye, toñta'a ihniya tepi'icona'molhuo'. Xonca axpe' tepi'im'molhuo'.

25 Cal xans ts'i'hueca, xonca tepi'im'me. Locuena, ja'ni aiqui'hueca, texic'ena'me.

26 Jouc'a tu'ila':

—Ñe li'ipa anuli cal xans leca'nipa lam fanuj trigo ñemats', ti'onñcospa to lo'ipa petsi ÑanDios cal Cuecaj Rey tijoc'ila' lan xanuc' tihuejle.

27 Lijoupa leca'nipa li'trigo, cal xans ti'hua tuyaijma lapajnya. Lipuqui' tixmay, litine titsahuemma, lam fanu' tilá, titoqui ñaifa'. Cal xans aiquixina' te co'ipa mitoj'ma ñaifa'.

28 Ñamats' quituca' timaf'i'i' ñaifa'. Ate'a titoqui, tijouñla' tixpaqui, tijouñla' tumfumma lixpa, titoqui lifanu'.

29 Lunta'amma lixpa cal xans ixina' joupá icuai'ma litine tefot'leta cal trigo. Aimicoñya, tetejta.

30 Jouc'a tu'ila':

—¿Te cal'onñcoyacu lo'ipa petsi ÑanDios tijoc'ila' lan xanuc' timetsaicole, tihuejle ñique cal Cuecaj Rey? ¿Te ts'i'ic' mañ'onñcoyacu?

31 'Lo'ipa jilpe ti'onñcospa to lo'ipa cal fanu' sinapí. Mifam'me, i'huáqui tuquini ñajfanu'. Petsi jahuyay cal fanu' loñfampa ñamats', ailopa'a xonca caca'hua.

32 Lijoupa lifampa tila'ma, titoj'ma acueca' ñaifa'. Ailopa'a quitamqui mitoqui to ñta'a lifampa. Ñimané itoqui, atsila'. Lacañ'hui naiyulpá tunxajyoyi jilpe lipunxahua.

33 Ma to ihna'a łataiquí tołta'a juaiconapa i'onhico'ma lo'epa fa'a li'a łamats' ŁanDios cal Cuecaj Rey. Lo'huajcocoyacola' liłpicuejma' tołta'a timuc'ila' Jesús.

34 Ti'hua ti'onhijma ihe lo'epa ŁanDios. Aimipalay acuajmaica. Jesús y ts'ilihuequi limanenca quilituca', itque tuhuałc'e'ela' łataiqui'.

35 Małe litine joupa if'acołaiapa timila' ts'ilihuequi:

—Ałquełe al cuecaj quin'nuhua'.

36 Jesús joupa icutshuaipa al barco. Ts'ilihuequi Jesús ipo'nom'mola' lan xanuc' lefołya jilpiya, if'ajli'me jouc'a al barco. Ipango'me iquie'me al cuecaj quin'nuhua'. Ocuenaye lam barco jouc'a tiquieyi.

37 Aiquicoł'ma, i'hua'ma ujfxi łahua'. Itsahuenni laja', ic'ejmaitsi caja', imantsi al barco.

38 Jesús tunouya lipo al barco. Tixmay, unaf'caipa al ponta quijahua'. Ts'ilihuequi ummef'me, timiyi:

—Momxi, ałma'a'monga' laja'. ¿Te aimatsuełcoconga'?

39 Jesús itsahuenni, itale'ma łahua', timi laja':

—Ch'ixca. Aimofe'necona'ma.

I-ch'ixco'ma łahua'. Ipanenni.

40 Jesús timila' ts'ilihuequi:

—¿Te coxpailjcopolhuo'? ¿Te qui'ipolhuo'? ¿Te aimal'huaiyinge'?

41 Ixpailjpol'a' juaiconapa ihniya ts'ilihuequi. Timiyoltsi:

—¿Naitsi xans itca'a? ¡Jouc'a łahua', laja ticuec'eyi itque locuxe'epola'!

5

1 Icuaitsa łocuena łema caja jilpe hilemats' lan xanuc' gadareno.

2 Ipanni Jesús al barco. Aiquicoł'ma, icuaico'ma anuli cal xans qui'huayomma jilpiya lamuhuolanna lomanapola'. Itque cal xans łitsufaipa conta'a.

3 Lipanga jilpe lamu'empola' lomanapola'. Aimi'iya mifi'enyacu ni cadena catejma'.

4 Tifi'econni acadena, inic'e'econni atejma' limane li'mitsi'. Itque tits'ałquinghua lan cadena, tixquetsufinghua latejma'. Ailopa'a cal xans ts'ipujfxi xonca. Ailopa'a nolijya.

5 Ipuqui' itine tipa'a pe lamu'empola' lomanapola', jouc'a pe łijualay, tija'e', tits'alyoxi capic, tixcai'eyoxi.

6 Cal xans ixim'ma icuaico'ma Jesús aculi'. Aiquicoł'ma, i'hua'ma italecuftsi, exc'onłingai'ma li'mitsi' Jesús.

7 Ija'a'ma ujfxi, timi:

—Jesús, ima' i'Hua cal Cuecaj LanDios Nopa'a lema'a, ¿te cocuaiyoco'ma? ¿Te ts'opic'a fa'a? Iya' cacuaj'mi'ma lipuftine LanDios, caxa'huehuo' aimatet'mi'ma.

⁸Toŧta'a linespa ŧonta'a. Jesús joupa imipa:

—¡Ima' monta'a, taipanni itca'a cal xans!

⁹Jesús icuis'e'ma, timi:

—¿Te muftine?

Italai'e'e'ma, timi:

—Laipuftine Legión. Illanc' ninc'xpela'.

(Lataiqui' "legión" tuya'e', ticua: Axpela'.)

¹⁰Juaiconapa tixa'hue Jesús, timi:

—Aimalipa'a'monga' jifa'a.

¹¹Jitpe laquemala timana' juaiconapa axpela' lijná tehueyi quittejua'.

¹²Lontahue ixahue'me Jesús, timiyi:

—Lummetsonga' pe lomana' itne lijná. Jitpe altsuflaita lijná.

¹³Jesús epi'i'mola' lane. Lontahue ipalunca itque cal xans, itsuflai'me lijná. Iniya lijná timana' to oquej mil. Inul'me, imul'me al'ocay. If'alcoŧai'me laja'. Unxaŧac'mola'.

¹⁴Lan xanuc' linhuic'ipola' quijná inul'me. Jitpe litpiŧya' jouc'a calx'huiyaŧma' uya'atsa ite' li'ipa. Lan xanuc' ipalunca tehuelojnta.

¹⁵Icuaitsa pe lopa'a Jesús, ixim'me cal xans, itque coŧta hitsufaipa axpela' contahue, ticutsu, ipo'nohuo lipijahua', i'inapa lipicuejma'. Lan xanuc' ixpailij'mola'.

¹⁶Itne niximpá li'ipa uya'a'me te qui'ipa lixaŧconapa cal xans, itque hitsufaipa contahue. Uya'a'me te qui'ipola' lijná.

¹⁷Lan xanuc' ipango'me ixa'hue'me Jesús tipanni hilemats', ti'huanŧa'.

¹⁸Jesús if'ajna'ma al barco, ti'huaana'ma. Cal xans li'ipa hitsufaipa contahue tixa'hue, timi:

—Aŧecola' jouc'a.

¹⁹Jesús aiquepi'i' lane. Timi:

—To'huanŧa' lomejut'ŧ, jitpe lomana' lopimaye. To'itsola' al cueca' li'e'epo' LanDios. Tomitsola' te ts'i'ic' liximpo' cuanuc'.

²⁰Cal xans i'huaana'ma, itsehuo'ma petsi lecu'i'impá: Limbamaj Quiŧeloŧya'. Jitpiya u'i'mola' lan xanuc' li'e'epa Jesús. Lan xanuc' ixim'me acueca' li'epa Jesús, ixpailij'mola'.

²¹Jesús iquiecona'ma al cuecaj quin'nuhua'. Licuaiyocontsi al barco ŧocuena ŧema, icuaitsa axpela' lan xanuc', efot'ŧe'moŧtsi anuli Jesús ŧema caja.

²²Jitpiya icuaitsi anuli cal xans ipenic' lajut'ŧ pe lafoŧyomma lan xanuc'. Cuftine Jairo. Lixim'ma Jesús, exc'onŧingai'ma li'mitsi',

²³tixa'hue juaiconapa, timi:

—Łai'hua cahuats' juaiconapa textafque. Timana'ma. Łepá. Ma le'a toxpayaf'ta lomane, toxał'menna, ti'hua tipajnlá'.

²⁴ Iye'me Jesús jouc'a Jairo. Axpela' lan xanuc' ihuej'me. I'i'mola' atansca, titantsinni Jesús.

²⁵ Jilpe tipa'a anuli łaca'no' textafque. Imbamaj coque' camats' ti'hua cajuats' licu'u.

²⁶ Itełcopa juaiconapa. Axpela' lin'e'ehuale cafxi iteł'mipá. I'najtsepola' ilniya, joupa ijou'nenapa li'hueca. Aiquixałma. Ti'hua titsípa licuana. Ilque łaca'no' icuejpa lo'epa Jesús.

²⁷ Nolojmay xanuc' iloc'huaipa lixpula' Jesús. Ilafc'e'e'ma lipijahua'.

²⁸ Ilque tinesqui lipicuejma: “Ma le'a lipijahua' całafła', tołe alałcona'ma”. Tot'liya ilafc'e'e'epa lipijahua' Jesús.

²⁹ Aiquicoł'ma, ipanenni licu'u. Ixim'moxi ixałconapa. Aimitelcoconaya.

³⁰ Aiquicoł'ma, Jesús ixingufco'ma lipaxi ixał'meyalepa. Ipaie'moxi nolojmay xanuc', icuis'e'mola', timila':

—¿Naitsi łal—łafpa?

³¹ Ts'ilihuequi italai'e'e'me, timiyi:

—Ima' oxina' jifa'a axpela' lan xanuc' titantsihuo', ¿te cofmicuitsufcopa: “¿Naitsi łal—łafpa?”?

³² Jesús ti'hua tehuetsale lijuihuay. Tehuay naitsi ilque ilafpa.

³³ Łaca'no' tixpaiqui juaiconapa, tiyu, iximpoxi ailopa'a quicuana. Hoc'huai'ma, exc'onłingai'ma li'mitsi' Jesús. Imi'ma Jesús al linca. Tuya'e' te ts'i'ic' lixałconapa, timi:

—Ailafpo' lopijahua'.

³⁴ Jesús timi:

—Mai'hua, ał'huaiyijmpa, toliya ixałconapo'. Aimox-huełmot'le'ma. Ite al cuana aimitel'miconayaco'.

³⁵ Ma mipalaic'o łaca'no', icuaiyunca lan xanuc' quiyouyomma lejut'ł Jairo, ilque ts'ipenic' lajut'ł pe lafołyomma lan xanuc'. Timiyi Jairo:

—Joupa imanapa ło'hua. ¿Te ti'hua cofxoc'icoya łomxi?

³⁶ Jesús icuej'ma lu'impa Jairo. Timi:

—Aimixpaij'mo'. Ma le'a ał'huaiyijnla'.

³⁷ Jesús ileco'mola' Pedro, Jacobo, jouc'a Juan, ilque ipima Jacobo. Timila' locuenaye xanuc' aimiyocu.

³⁸ Icuaitsa lejut'ł cal xans, ilque ts'ipenic' lajut'ł pe lafołyomma lan xanuc', Jesús ehuelojm'mola' lo'epa lan xanuc', tijolijyi, tija'ayi.

³⁹ Itsufai'ma lajut'ł, timila':

—¿Te colja'acopa? ¿Te coljolijcopa? Łahuats' aiquimac', ma le'a tixmay.

⁴⁰ Aiquil'aic' linca. Ma le'a ixoco'me. Jesús timila':

—Jahuay imanc' tolipalunca.

Ileco'mola' qui'ailli', qui'máma' ľahuats', jouc'a lam fantsi ts'ilihuequi. Itsuflai'me pe lonouya ľahuats'.

⁴¹ Jesús i'noľ'e'e'ma limane ľahuats', timi:

—Talitá kumi.

(Ile lataiqui' lohualquemma ticua: Macahuats', camihuo', totsahuenni.)

⁴² Aiquicoľ'ma, ľahuats' itsahuenanni, ipango'ma i'hua'ma. Ixhuaita imbamaj coquej ľemats'. Iľne lan xanuc' lixim'me li'ipa ixpailij'mola' juaiconapa.

⁴³ Jesús juaiconapa ixc'ai'i'mola', timila':

—Aimoluya'ata lai'e'epa ľahuats'. Nij naitsi nocuejya.

Lijoupa limipola' toľta'a, icuxe'e'mola', timila':

—Toľtes'miľe ľahuats'.

6

¹ Jesús ipanni jilpiya, icuaitsi lipiľya'. Jouc'a ts'ilihuequi iye'me.

² Licuaitsi litine conxajya itsufai'ma lajut'ľ pe lafoľyomma lan xanuc'. Jilpe ipango'ma imuc'iyale'ma. Licuej'me ile litaiqui', axpela' lan xanuc' etenľcoco'mola', timiyoltsi:

—Iľque cal xans, ĺnaitsi lepi'ipa lipicuejma'?

³ ĺTe maľque ĺinc'alhuaľpa? O ĺa'i iľque? ĺTe iľque i'hua María? ĺTe a'i iľquiya ilpima Jacobo, José, Judas y Simón? Fa'a jouc'a timana' lipimaye cacal'no'.

Iľniya lan xanuc' aiquicuaitsi quilpic'a lo'epa Jesús, etets'i'me.

⁴ Jesús timila':

—Anuli cal xans ľummepa ŁanDios, mipa'a ocuena quilpa' pe lomana' locuenaye lan xanuc', iľniya ticuaispa quilpic'a lo'epa iľque. Tipainanni, ticuaitsi lipiľya' pe lomana' lixanuc', lopa'a lejut'ľ, jilpe linca tetets'ita.

⁵ Mipa'a Jesús lipiľya' aiqui'aic' cueca' jilpe. Ma le'a ixpayaf'mola' oquexi' afantsi ľafcuallay, ixal'me'mola'.

⁶ Ixim'mola' iľne lipiľya' xanuc' aiquil'huaiyinge. Ixhuelco'ma juaiconapa.

I'hua'ma ehuentsole' ľaiquiteloľya' anujnca. Jilpe imuc'itsola' lan xanuc'.

⁷ Iľne litiné ijoc'i'mola' limbamaj coquexi' ts'ilihuequi. Iľne icuaiyunca, ipango'ma umme'mola' tiyeľe oquexi' oquexi'. Epi'i'mola' liľmane tipa'atsa lontahue.

⁸ Tixc'ai'ila', timila':

—Tonľeľe, toľtai'me ma le'a loľpaluc. Aimolťai'me cumla'i. Aimol'nij'mi'me tomí jilpe loľfi'ejma loľcu'u.

⁹ Toľc'uaicoľe toľc'ejí. Aimolťo'no'me oque' loľtsamalo, ma le'a anuli.

¹⁰ Lajut'ľ petsi tepenuľtsolhuo', moľmana' jilpiya liľya', maľpe toľmajntsa.

11 Ja'ni tołcuaitsa petsi aimepenufinnilhuo', ni aimiquimf'ennilhuo', imanc' tulunafle loł'mitsi', tipanni ilque łamats' hitaijmpa lołc'ejí'. Tołta'a ti'ila' quilsina' ma ilne quiltuca' ti'najtse'me liłjunac'.

12 Ts'ilihuequi ipalunca, uya'a'me Lataiqui' loya'apa ilte al c'a lixic'epa LanDios. U'iyale'me tixhuej'menanca lixcay lo'epa.

13 Ipa'a'me axpela' lontahue. I'ot'hi'me laceite axpela' lafcualłay. Iłniya ixałcona'mola'.

14 Ni petsi lomana' lan xanuc' tipalaicoyi lo'epa Jesús. Cal rey Herodes jouc'a icuej'ma lo'epa. Timana' lan xanuc' nocuapá:

—Jesús ilquiya a Juan Bautista, joupa imaf'inapa ipanamma pe lomana' limanapola'. Tołta'a juaiconapa apaxi ilque, ti'ay acueca'.

15 Ocuenaye ticuayi:

—Ilque aElías, icuaiyocona'ma fa'a li'a łamats'.

Ocuenaye ticuayi:

—Ilque aprofeta łummepa LanDios, ti'onłcospa to lam profeta limajmpá fa'a luyaipa quitine.

16 Li'i'ma quixina' Herodes ilte lonespa lan xanuc', ilque ines'ma:

—Ilque ma Juan Bautista. Linca aicuxe'ma etec'em'me łejoc', joupa imaf'inapa.

17-18 Herodes joupa exic'e'epa lipeno lipima Felipe. Ilquiya łaca'no' cuftine Herodías. Ilcopa. Juan timi Herodes: “O'epa quixcay. ¿Te comexic'e'ecopa lipeno łopima? ¿Te colecocopa? Ilque a'i copeno. Ipeno łopima.” Juan limi'ma tołta'a ixtunni Herodes. Icuxepa i'nołntsa, ifi'entsa, itats'entsa.

19 Łaca'no' Herodías ti'ay quipilaic' Juan. Ijanaj'ma tima'anłe. Aiqui'ic'.

20 Cal rey Herodes tixpaic'e Juan. Imetsaico'ma ac'a xans. I'epa cuenna. Ti'hua tiquimf'e lonespa Juan. Tama aiquicueca, ticuaispa quipic'a litaiqui' Juan.

21 Herodías joupa iximpa lo'eya tima'anłe Juan.

Herodes lixhuaita łemats' i'e'ma juic. Iłiya lipuqui' titetsoyi anuli lijob'ipola', ilne lan tsila' quilpenic', jouc'a lincuxepá soldado, jouc'a lan tsila' xanuc' nomana' al distrito Galilea.

22 Jiłpiya lefołya itsufai'ma hi'hua caca'no' Herodías. Ixau'ma. Icuaitsi quilpic'a Herodes jouc'a lijob'ipola', ilne nocutshuołanna jiłpiya. Cal rey timi łahuats': “Ałsahue'ełá' jale ts'opic'a, capi'i'mo”.

23 I'e'ma jurar, icuaj'moxi: “Iłe łalsahue'eya, tama ti'ila' onłca laifcuxepa, capi'i'mo”.

24 Ipanni ľahuats'. I'hua'ma, icuaitsi pe lopa'a qui'máma', timi: “¿Te caifxahue'eya?” Qui'máma' timi: “Toxahue'etsi tepi'intso' hjuac Juan, tetoj'minte al cuecaj pime”.

25 Aiquicoľ'ma, ľahuats' ipanni, i'huacona'ma ixintsi cal rey. Ixahue'e'ma, timi: “Lapi'ľla' hjuac Juan Bautista, to'nij'miľa' anuli al pime”.

26 Cal rey ixhueľconni juaiconapa. ¿Te co'eya? Aimi'iya micuanac'eya loxahue'epa ľahuats'. Lan xanuc' nocutshuoľanna jilpiya joupa icuejpa licuajpoxi.

27 Aiquicoľ'ma, umme'ma anuli ľisoldado, icuxe'ma, timi: “Totaitsi hjuac Juan”. Cal soldado i'hua'ma, icuaitsi la carza, etec'etsi ľejoc' Juan,

28 i'nij'mitsi al pime hjuac, uhui'i'ma ľahuats'. Łahuats' i'hua'ma pe lopa'a qui'máma', uhui'itsi.

29 Ts'ilihuequi Juan icuej'me toľta'a li'ipa. Icuaitsa pe lima'ayompa Juan, itaina'me licuerpo, emunatsa.

30 Ts'ilihuequi Jesús icuainanca pe lopa'a Jesús, efot'ľecona'moľtsi. Joupa iyehuo'me uya'a'huo'me Lataiqui' loya'apa ľte al c'a ľixpic'epa ŁanDios. U'i'me jahuay li'ehuo'me, jahuay limuc'iyalehuo'me.

31 Jesús timila':

—Łepá illanc' caľtuca'. Łepá pu'huanni pe ailopa'a quiľya'. Lunxajta.

Jilpe pe lomana' Jesús jouc'a ts'ilihuequi, lan xanuc' tiľcuaispa, tiyenayi. Aimi'iya mitetsoyacu, ni Jesús ni ts'ilihuequi.

32 If'ajli'me anuli al barco, iye'me quiľtuca' ticuaitsa pe ailopa'a quiľya'.

33 Axpela' lan xanuc' quiyouyomma jahuay ľiteloľya' ix-inim'mola' lif'ajli'me al barco. Imetsaico'mola'. İne lan xanuc' iye'me, inul'me, icuaitsa ate'a pe lotseyacu Jesús jouc'a ts'ilihuequi.

34 Jesús jouc'a ts'ilihuequi icuaitsa ľocuena quema caja, ipalunca al barco. Jesús ľixim'mola' İne axpela' lan xanuc' efot'ľeyoľtsi jilpiya, ixim'mola' acuanuc'la. İxim'mola' to lam mot'ľ, İne lam mot'ľ lahue'epola' quiľpoujna. Ailopa'a nohuic'iyacola'. Ipango'ma imuc'i'mola'. Axpe' ľataiqui' imuc'i'mola'.

35 Joupa if'acoľaipa, ts'ilihuequi Jesús İľoc'oľai'me, timiyi:

—Jif'a'a ailopa'a quiľya'. Joupa if'acoľaipa.

36 Tommetsola' lan xanuc' tiyeľe. Pu'huanni calx'uiyaľma' o ľiteloľya' ti'nata ľotejacu.

37 Jesús timila':

—Imanc' toľtes'mitsola'.

İtalai'e'e'me, timiyi:

—Ticuicomma axpe' la'i, lipitali to lolijya cal xans no'eya canic' apaicoj mut'la. ¿Te tipa'a caltomí al'nacota tolt'a'a la'i? Aimi'iya mahtes'miyacola'.

38 Jesús icuis'e'mola', timila':

—¿Tojua tipa'a la'i? Tonlele, tolsintsa.

Iye'me, ixintsa. U'icona'me, timiyi:

—Tipa'a amaque' la'í, jouc'a oquexi' latuye.

39 Jesús icuxe'e'mola' ts'ilihuequi ticuxe'entsola' lan xanuc' ticutsołaiłe jahuary jilpe calxhuaica pajac.

40 Enaj'mołtsi lan xanuc' amaxnu amaxnu, jouc'a oquej oquej nuxans quimbama', icutshuołai'me.

41 Jesús epef'ma lan maquej la'í jouc'a loquexi' latuye, ehuenaf'ma lema'a, ix'najtsi'i'ma LanDios. Ixquenuf'ma la'i, epi'i'mola' ts'ilihuequi, ilne eca'nem'mola' lan xanuc'. Jouc'a loquexi' latuye ixquenuf'mola', epi'i'mola' lan xanuc'.

42 Jahuary itetso'me, ixhuaitsola'.

43 Ts'ilihuequi efot'lena'me lipanecomma la'i jouc'a latuye. Imantsi imbamaj coque' lan tsiquihuit'ł.

44 Lan xanuc' litetso'me tixhuaispola' oquej nuxans quimbamaj maxnu. Jouc'a timana' lacał'no', la'uhuary.

45 Aiquicoł'ma, Jesús icuxe'e'mola' ts'ilihuequi tif'ajlıle al barco, tiquiełe al cuecaj quin'nuhua', ticuaitsa pe lopa'a liłya' Betsaida.

46 Iłque ixc'ai'ina'mola' lan xanuc', if'aj'ma liłjuala, tipalaic'ota LanDios.

47 Muyalaicoyi ts'ilihuequi icuaitsa nolojmay quin'nuhua' imufc'o'ma. Jesús tipa'a łamats' quituca'.

48 Jilpe ehuelojm'mola' ts'ilihuequi nomana' al barco. Ixim'mola' juaiconapa tipa'ayi cafxi tiquiełe, aimi'i miquieyi. Italecuf'me łujfxi cahua'. Al fanej hora lipuqui' joupayaipa, tehue'e' micuaiya al camts'us 'hora. Icuaiico'ma Jesús ti'huayaf'que laja'. Icuaitsi pe lopa'a al barco, ti'hua mi'hua, tocomma tuyaicota.

49 Ts'ilihuequi ixim'me, ticuayi: "Acuecaj quinxpaic'ale". Ija'a'me.

50 Jahuary ixim'me. Ixpailij'mola' juaiconapa. Jesús aiquicoł'ma, ipalaic'o'mola', timila':

—Aimixpailij'molhuo'. Toł'etsoltsi acueca' łolunxajma'. Ma iya'.

51 If'aj'ma al barco pe lomana' ts'ilihuequi. I-ch'ixcona'ma łahua'. Ixim'me acueca' ilne li'epa Jesús. Aiquiłcueca.

52 Tama joupaya iximpá al cuecaj li'epa Jesús ilne litine lites'mi'mola' lan xanuc', ite'me la'i, ilne ts'ilihuequi aimiec'eyi. Amuf liłpicuejma'.

⁵³ Lijou'ma liquie'me al cuecaj quin'nuhua', icuaitsa lamats' Genesaret. Jilpiya ifijm'me al barco.

⁵⁴ Ipalnanca. Aiquicol'ma, lan xanuc' imetsaico'me Jesús.

⁵⁵ Ni petsi jilpe lamats' icuej'me lan xanuc': "Icuai'ma Jesús, pu'hua o lu'hua tipa'a". Iyec'olaita tehueyi Jesús, iltaic' lilefcuallay tunaf'colanna lihpuxcuif'que.

⁵⁶ Jilpiya lan tsocay quitelolya', o lan tsila' quitelolya', o calx'huiyalma', ni petsi licuaitsi Jesús, lan xanuc' iltaic' lilefcuallay jilpe pe lafoloyaya. Tixahue'eyi Jesús tepi'itsola' lane lilefcuallay tilafle, tama ma le'a lipijahua'. Jahuay nilafpa, tixaalconala'.

7

¹ Lam fariseo icuaitsa pe lopa'a Jesús, jouc'a icuaitsa lomxiye nomuc'iyalepá locuxepa LanDios. Ine quiyouyomma al cuecaj quilya' Jerusalén.

² Ti'huilaic'oyi lo'epa ts'ilihuequi Jesús. Ticuayi: "Ine titetsoyi aiquilulahua al c'a lihmane'. Aimepenufyacola' LanDios."

³ Lan xanuc' fariseo tihuejyi lihtatahueló li'ejma'. Tepajyi lihmane' ticuaispa lihxuluc.

⁴ Miye'me laplaza, miyelocota, micuainacu lilejut'l ate'a tepo'me, tijoula' titetso'me. Tihuejyi axpe' quil'ejma'. Tipa'a li'ejma' mepaj'me lihpime, lihcatsitu, hilepixú, lolanc'ecompa atejma' cuftine acobre, jouc'a lihualfa. Ticuayi: "Tohta'a ipic'a LanDios".

⁵ Ine icuis'e'me Jesús, timiyi:

—Ine lihuejhuo', ¿te co'ecopa aimihuejyi la'ejma' ile lahmuc'iponga' lahtatahueló? Mane titetsoyi, aimepajyi al c'a lihmane'.

⁶ Jesús italai'e'e'mola', timila':

—Imanc' ma le'a toni'e'eyoltsi to unc'ic'a xanuc'. Luyaipa quitine cal profeta Isaías uya'a'ma linespa LanDios te ts'i'ic' lohpicejma'. Ticua:

Ine lan xanuc' ałmi: "Ima' malanDios", ma le'a tipalolaiyi.

Iniya aimalcuec'e, ma ti'eyi quiluca' ts'ilpic'a.

⁷ Tama laxc'onlingaita' aicapenufila',

ihne timuc'iyaleyi ma le'a locuxepa lan xanuc', a'i laifcuxepa.

⁸ Tole lohpicejma' imanc', tolatets'iyi LanDios, tolihuequila' lan xanuc' li'ejma'.

⁹ Jouc'a timila':

—Imanc' xonca tolihuequila' lohtatahueló li'ejma', tohta'a tolatets'iyi litaiqui' LanDios.

¹⁰ Moises icuxepa: "Taihuejco'mola' co'ailli', co'máma', to-toc'i'mola'". Jouc'a icuxepa: "Cal xans nomipola' cataiqui' qui'ailli' qui'máma', tipa'a lijunac'. ¡Tima'ane!"

11 'Imanc' ituca' lołmuc'iyalepa. Ja'ni anuli cal xans timit-sola' qui'ailli', qui'máma': "Aimi'iya catoc'iyacolhuo'. Jahuay łai'huexi joupa nenajpa, iłe catsufco'ma ŁanDios."

12 Imanc' tołcuayi: "Ne', iłque aimitoc'i'mola' qui'ailli' qui'máma'".

13 'Iłe lataiqui' lolihuejpa ma le'a liłtaiqui' lołtatahueló limuc'ipolhuo', iłiya cołmuc'ipola' lan xanuc'. Ma' anuli tołta'a axpe' tonł'eyi. Litaiqui' locuxepa ŁanDios tołsinyi to nij naitsi cataiqui'.

14 U'icona'mola' lan xanuc' lefot'łepołtsi jilłpiya, timila':

—jAłquimf'eł'a' anuli anuli imanc'! jAłcuc'eł'a'!

15 Fa'a li'a łamats' tipa'a iłe pe imanc' lolacui'ipa axujc'a. Iya' cacua a'i. Ja'ni anuli cal xans titela', ti'nicoł'a' lico, tinuc'la', ailopa'a co'iya, aimixis'meyacoxi. Al xujc'a laipa'aya lipicuejma' cal xans, iłe linca tixis'me'ma.

16 Naitsi nocuejpa, ałquimf'eł'a' iya' laitaiqui'.

17 Jesús ipo'no'mola' quiłtuca' lan xanuc', itsufai'ma lajut'ł. Ts'ilihuequi ixa'hue'me tuhuałc'e'etsola' iłe lataiqui'.

18 Timila':

—¿Te imanc' jouc'a ailopa'a cołpicuejma'? Cal xans no'nicopa lico al xujc'a, tinuc'a, aimixis'meyacoxi tołta'a. ¿Te aicołcueca?

19 Iłe loyaicopa lico, aimitsufaiya lipicuejma'. Ticuaispa licu'u, tijouł'a' tipanamma.

Minesqui tołta'a Jesús ipalaicopa łotempa fa'a li'a łamats'. Ticua jahuay iłe ac'a. Aimi'iya minesyacu: "Iłe axujc'a, aimi'iya catec'oya".

20 Ti'hua timila':

—Al xujc'a laipa'apa lipicuejma', iłe linca tixis'me'ma cal xans.

21 Jilpe liłpicuejma', lan xanuc' tixpic'eyi ti'ełe al xujc'a. Ti-huennaiquila' cacal'no', tinantseyi, tima'ahualeyı, tixhuicoyi liłpenoye liłf'as xanuc',

22 tijanajyi ti'huejle xonca, ti'eyi al xujc'a liłf'as xanuc', tifel'miyaleyı, tipalaiyi o ti'eyi petsi aimetenłcocojma, ti'e'ehualeyi laic', tinescoyi liłf'as xanuc', tetets'iyaleyı, tixinyołtsi xonca lan tsila' xanuc', ti'eyi pangay camac'ta.

23 Jahuay iłna'a tipa'a liłpicuejma'. Ja'ni tipa'ałe, ti'ełe tołta'a, tixis'me'mołtsi, ti'e'e'mołtsi xujc'a.

24 Jesús ipanni jilłpiya. I'hua'ma icuaitsi łamats' huejnca liłya' cuftine Tiro. Itsufai'ma anuli lajut'ł. Ticua: Nij naitsi nocuejya.

25 Anuli łaca'no' icuej'ma jilpe tipa'a Jesús. Icuaitsi, exc'onłingai'ma li'mitsi' Jesús. Iłque łaca'no' tipa'a li'hua cahuats' liłsufaipa conta'a.

26 Łaca'no' a'i judía, qui'huayomma małpiya łamats' cuftine Sirofenicia. (Lan xanuc' judío tetets'innila' ihniya lun Sirofenicia. Tecui'innila' atsilqui.)

Łaca'no' tixahue'e tipa'ala' łonta'a, tixał'meła' hi'hua.

27 Jesús timi:

—Ate'a ałtes'mi'mola' lałnaxque'. Ałtoc'itsola' lałxanuc'. ¿Te ja'ni ac'a lałeyacu laxic'e'mola' hile'i la'uhuyay, tijouła' laca'ni'i'mola' lan tsilqui?

28 Łaca'no' titalai'e'e, timi:

—Mapoujna, tama al linca lofnespa, iya' cacua lan tsilqui titeji łaiquepi' ca'i łopa'a licu'uj mesa, loc'aiłpa la'uhuyay.

29 Jesús timi łaca'no':

—Iłta'a lałmipa icuaicota caipic'a. Ma to'huanła'. Łonta'a joupa ipanamma ło'hua.

30 Łaca'no' i'huana'ma, icuainatsi lejut'ł ixim'ma hi'hua tunouya. Łonta'a joupa ipanamma.

31 Jesús ipanni pe łopa'a liłya' Tiro, uyaicotsi liłya' Sidón, jouc'a pe łopa'a Limbama' Quiłelolya'. Icuaicontsi al cuecaj quin'nuhua' Galilea.

32 Jiłpiya i'hua'a'me anuli cal xans atape, afule mipalay, ata'ay. Ixa'hue'me Jesús tixpayaf'la' ilque cal xans.

33 Jesús ileco'ma lijuqueya jiłpe pe ailopa'a xans. Ecajm'mi'ma lidedó anuli anuli lix'mats'i' cal xans. Itsułof'i'ma łipał cal xans.

34 Ehuenał'ma lema'a, ixnalif'ma acueca' timi:

—iEfata!

Ihe lataiqui' locuajmaispa ticua: ¡Texinanni!

35 Aiquicol'ma. Cal xans iximpoxi exinamma lix'mats'i', ux'masquenanni łipał. Ipango'ma ipalai'ma ac'a.

36 Jesús icuxe'e'mola' lan xanuc' aimuyout'le'me. Nij naitsi nocuejya. Ihniya aimicuec'eyi. Tama Jesús timila': "Aimuluyout'le'me, nij naitsi locuejya", ihne lan xanuc' xonca tuya'ayi lo'epa.

37 Imetsaico'me acueca' juaiconapa lo'epa Jesús. Ticuayi:

—iTołsinte! Tixał'menala' lan tałpe ihne ticuejnayi. Tixał'menala' jouc'a lan ta'ay, ihne tipalainayi ac'a. Jahuay lo'epa juaiconapa ac'a.

8

1 Jiłne łitiné lan xanuc' efołconanni pe łopa'a Jesús. Ailopa'a cotejacu. Jesús ijoc'i'mola' ts'ilihuequi, timila':

2 —Iya' caxinnila' cuanuc'la ihne lan xanuc'. Joupa ixhuaita afane' quitine małmana' fa'a, iya' jouc'a ihniya.

3 Timana' quiyouyomma aculi'. Aiquiltesma. Aimi'iya miyeyacu. A'i cummeyacola'. Ticuaitsa nolojmay cane tima-tola' cumemma.

4 Ts'ilihuequi italai'e'e'me, timiyi:

—Jifa'a ailopa'a quilya'. ¿Petsi cañtac'ueyacu ña'i tinajntsola' ihniya lan xanuc'?

5 Jesús icuis'e'mola', timila':

—Imanc', ¿tojua mimana' lola'í?

Iñe italai'enca, timiyi:

—Tipa'a acaitsi lala'í.

6 Jesús icuxe'e'mola' lan xanuc' ticutshuoñate ñamats'. Epenuf'ma lan caitsi la'í, ix'najtsi'i'ma ñanDios, ixquenuf'ma ña'i, epi'i'mola' ts'ilihuequi. Ihniya eca'nem'mola' lan xanuc'.

7 Timana' jouc'a oquexi' afantsi laicatuye. Jesús ix'najtsi'icona'ma ñanDios, timila' ts'ilihuequi:

—Tolaca'netsola' lan xanuc'.

8 Jahuay itetso'me. Inajntsola' al c'a. Lefot'le'me li-panecomma, imantsi acaitsi lan tsangay.

9 Iñe lan xanuc' litetso'me tixhuaispola' to oquej nuxans maxnu.

Jesús ixc'ai'ina'mola'.

10 Aiquicoñ'ma, if'ajli'me al barco jouc'a ts'ilihuequi. Iye'me icuaitsa ñemats' liñya' cuftine Dalmanuta.

11 Icuaiiconanca lan xanuc' fariseo. Ipango'me icuis'mot'ñecona'me Jesús. Ixa'hue'me ti'ela' al cueca', ñe to lo'eya ñanDios. Tehuaiyi.

12 Jesús ixnalif'ma acueca', ticua:

—Lan xanuc' nomana' itsiya, ¿te caña'huecopa ca'ela' al cueca'? Iya' cacua: ñinca aicamuc'iyacola', ni toña'a.

13 Ipo'no'mola' quita'ca', if'ajcona'ma al barco. Iye'me, iquie'me al cuecaj quin'nuhua'.

14 Ts'ilihuequi aiquita'ca' ca'i. Imenc'ecopá.

15 Jesús ixc'ai'i'mola' ihniya, timila':

—Toño'noñe cuenna. Aimolapenuf'me ñeñevadura lan xanuc' fariseo, ni ñevadura cal rey Herodes.

16 Iñe aiquita'cueca ñe limipola' Jesús. Timiyotñi:

—¿Te cañmicoponga' toña'a? O ¿añminga': "Imanc' olimenc'ecopá, aicota'ca' ca'i"?

17 Jesús ixina' lonespa, timila':

—Imanc', ¿te coñescopa: "Ailopa'a cala'i"? ¿Teaicota'cueca laimipolhuo'? ¿Te aicolapaic' cuenna lai'epa? O ¿i'ipolhuo' muf loñpicuejma'?

18 ¿Te unc'ifohue? ¿Te aimotñinyi loñ'u'? ¿Te unc'itañe? ¿Te aimotñuejyi loñ'mats'i'? ¿Te olimenc'ecopá lai'epa?

19 Lu'ña': Jilpe litine laixquenuf'ma lam maque' la'í lo-laca'nepola' ñe lam maquej mil lan xanuc', ¿tojua lan tsiqui-huit'ñ loñma'ne'me lipaneconni?

Italai'e'e'me, timiyi:

—Imbamaj coque'.

20 —Laixquenuf'ma lan caitsi la'í lolaca'nepola' lam malpuj mil lan xanuc', ¿tojua lan tsangay lołma'ne'me lipaneconni?

Italai'e'e'me:

—Acaitsi.

21 Timila':

—Itsiya, ¿te aimi'iyá mołcuc'eyacu?

22 Icuaitsa liłya' Betsaida. Icuai'e'entsa Jesús anuli cal fo'. Ixa'hue'me tixpayaf'la' li'u' cal fo'.

23 Jesús exał'ma cal fo', iye'me lema quıłya'. I'otłi'ma hitsulu li'u', ixpayaf'ma limane, icuis'e'ma, timi:

—Itsiya, ¿te nipajnya tahuetsale? ¿Toxina?

24 Cal xans ipango'ma ehuetale'ma, timi:

—Caxinnila' lan xanuc', tiyelocoyi. Ti'onłcospola' to lan 'ec'.

25 Jesús ixpayaf'cona'ma li'u' cal xans. Iłque ixim'moxi exilinamma li'u'. Ehuetale'ma. Tehuelonge jahuay.

26 Jesús umme'ma ti'huanła' lejut'ł, timi:

—Aimotsufai'ma liłya'. Aimo'itola' lan xanuc'. Nij naitsi nocuejya li'ipo'.

27 Jesús jouc'a ts'ilihuequi iye'me, ticuaitsa łaiquıfelolıya' lo-mana' jıłpe al distrito cuftine Cesarea de Filipino. Miyeyi lane Jesús ticuis'ela', timila':

—¿Te conespa lan xanuc'? ¿Naitsi iya'?

28 Italai'e'e'me:

—Timana' nocuapá ima' unJuan Bautista. Ocuenaye ticuayı ima' umprofeta Elías. Ocuenaye tinesyi ima' mocuenaj profeta.

29 Icuıs'econa'mola':

—Imanc', ¿te cołnespa? ¿Te cołcuapa? ¿Naitsi iya'?

Pedro italai'e'e'ma, timi:

—Ima' unCristo. ŁanDios ummepo'.

30 Jesús u'i'mola':

—Aimolu'i'mola' lan xanuc'. Nij naitsi nocuejya.

31 Ipango'ma imuc'i'mola' loyaicoya. Timila':

—Iya' iłque cal Xans Łiximpa cal profeta pu'hua lema'a. Catełco'ma juaiconapa. Lan tsila' xanuc' noxpıjpa łataiqui', jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa ŁanDios, iłniya łatets'i'ma, ałcu'ma ałma'anła'. Afanej quitine camaf'ina'ma, catsahueno.

32 Acuajmaica u'ipola': "Ałma'a'ma". Pedro aiquicuaitsi quıpic'a iłe lines'ma Jesús. Ixoulai'ipa, itale'ma, timi:

—¿Te cofnescopa tołta'a?

33 Jesús ipai'e'moxi, ehuelojm'mola' ts'ilihuequi, itale'ma Pedro, timi:

—To'huanła'. Tanajxoxi fa'a. Ima' topalay ma to minesqui łonta'a Satanás. Ima' toxpıc'e to mixpıc'eyi lan xanuc'. Ituca' tıxpıc'e ŁanDios.

³⁴ Ijoc'i'mola' lan xanuc' jouc'a ts'ilihuequi tiquimf'eġe, timila':

—Cal xans ja'ni ipic'a lihuejla', aimicuxe'moxi quituca'. Iya' lapalts'inginna lancruz. Naitsi nalihuejya titaila' lencruz jouc'a. Tixpic'eġa' ticuxoxi titeġcola'. Toġta'a lihuejla'.

³⁵ Cal xans ja'ni ti'exoxi cuenna juaiconapa, ja'ni aimicua miteġcoya, iġque cal xans tecani'e'moxi. Cal xans ts'ipic'a tihuejla' Lataiqui' loya'apa iġe al c'a lixpicepa LanDios, toġta'a lihuej'ma iya', iġque linca ticu'moxi lateġcoya. Tama tima'anġe, iġque tulij'ma lipitine aimijouya.

³⁶ Cal xans nolijpa jahuay lopa'a fa'a li'a ġamats', tijouġa' tecani'exoxi, ġte tixhuico'ma iġe lulijpa?

³⁷ ġNipajnya ti'najtse'ma tuntu'eġa' hi' alma? A'i, aimi'iya.

³⁸ 'Itsiya litine lan xanuc' enajpoġtsi LanDios, ti'eyi al xujc'a. Cal xans noximpa calaic'ata, ja'ni tinesla': "Ine laif'as xanuc' lahuelonge, aiquihuejya Jesús, aicapenufya litaiqui', aimi'iya"; litine cacuaiconanni fa'a li'a ġamats', iya' jouc'a aicapenufya iġque cal xans. Iya' iġque cal Xans ġiximpa cal profeta pu'hua lema'a'. Cacuaiyoconno. Aġcuaiconacu iya' jouc'a lam paxi capaluc' quema'a. Jiġpe litine aġsim'ma ninCueca' ma to LanDios cai'Ailli'.

9

¹ Ti'hua timila':

—Iya' camilhuo' al linca: Jifa'a timana' lan xanuc' tixim'me, timetsaico'me lo'eya LanDios micuxe fa'a li'a ġamats'. Toġta'a tixim'me ai'a tima'mola'.

² Luyaipa acamts'us quitine Jesús ileco'mola' Pedro, Jacobo jouc'a Juan. Tiyeyi ma quġtuca'. If'ajli'me hi'nof'quiya ġijuala. Mehuelojnyi Jesús iġque ipaicomma lixans.

³ Lipijahua' i'i'ma afujca juaiconapa, tunts'iflay. Fa'a li'a ġamats' tama tepajle ġjahua' aimi'iya mi'onġiyacu toġta'a.

⁴ Ts'ilihuequi Jesús ixim'me imaxcaitsola' lam profeta Moisés jouc'a Elías. Tivalaic'oyi Jesús.

⁵ Pedro timi Jesús:

—Momxi, ġac'a fa'a maġmana! Aġhanc'e'me afanej lihuoxqui, anuli ima', anuli Moisés, locuena Elías.

⁶ Pedro aiquixina' te ts'i'ic' iġe licuapa, ma le'a tivalay. Ine lam fantsi ts'ilihuequi Jesús xpailij'mola' juaiconapa.

⁷ Ixim'me ipoxc'i'mola' cummahuay. Icuej'me tivalay maġpe ġummahuay, timila':

—Iġca'a ai'Hua, ca'ay capic'a juaiconapa. Toġquimf'eġe iġque lonespa.

⁸ Ehuelojncona'me Jesús, iġque tecaxu quituca'. Moisés y Elías ailomana'. Ma eġac'na'mola'.

⁹ Mimulnamma ġijuala Jesús ipalaic'ocona'mola', timila':

—Iya' itque cal Xans Liximpa cal profeta pu'hua lema'a, ma capa'a fa'a li'a lamats' aimoluya'ata lołsimpa jilpe hijuala. Nij naitsi nocuejya. Alma'a'ma, catsahuenahuo quipayonahuo pe lomana' limapola', tijoula' ti'ila' tołta'a tolu'i'mola' lan xanuc'.

¹⁰ Ihe ts'ilihuequi Jesús ma quiltuca' tipalaic'oyołtsi, i'nujuaista ihe lixinghuo'me hijuala. Ticuis'eyołtsi:

—¿Te cataiqui' lonespa Jesús? Ticua: “Catsahuenahuo, quipano pe lomana' limapola”.

¹¹ Icuis'e'me Jesús, timiyi:

—Lomxiye nomuc'iyalepá locuxepa LanDios ticuayi: “Ate'a Elías ticuaiyoconno fa'a li'a lamats'. Tijoula' ticuaihuo cal Cristo.” ¿Te conescopa tołta'a?

¹² Jesús timila':

—Al linca lonespa ihniya lomxiye ihe nocuapá: “Ate'a ticuaihuo Elías. Ihe tixanu'ma jahuay.” Jouc'a tipa'a liniliya loya'apa te ts'i'ic' laifnuyaicoya iya'. Iya' itque cal Xans Liximpa cal profeta pu'hua lema'a. Tuya'e' iya' catełco'ma juaiconapa, lan xanuc' latets'i'ma.

¹³ Iya' camilhuo', joupa i'huamma Elías. Lan xanuc' ma to lixpicepa tołta'a i'e'epá itque. I'e'epá ma to muya'e' jilpe al Paxi Cataiqui' Linilingiya.

¹⁴ Icuaitsa pe lomana' locuenaye ts'ilihuequi Jesús, jilpe ixim'me juaiconapa axpela' lan xanuc' efot'leyołtsi canumicay. Jouc'a timana' lomxiye nomuc'iyalepá locuxepa LanDios. Ihe lomxiye tifuli'iyi cataiqui' ts'ilihuequi Jesús.

¹⁵ Lixim'me Jesús lan xanuc' ixoconni quileta. Aiquicoł'mola', iyouyunca, inontsa.

¹⁶ Jesús icuis'e'mola' lomxiye nomuc'iyalepá locuxepa LanDios, timila':

—Imanc', ¿te colicuis'epola' ihe lalihuequi?

¹⁷ Jilpiya lefołya anuli cal xans ipalai'ma, timi Jesús:

—Momxi, ailec'mehuo' lai'hua. Itsufaipa conta'a. Ihe lonta'a i'e'epa ata'ay.

¹⁸ Lonta'a mulij'ma lai'hua tecanghuaispa. Tijoula' lai'hua ti'i quipehuoxco lico, ti'ic'la li'ay, tuhuaquemma. Aixa'hue'mola' lihuejhuo' tipa'ale lonta'a. Aiqui'ic' quilipa'e.

¹⁹ Jesús italai'e'ma, ticua:

—Itsiya litine imanc' nołmana' fa'a li'a lamats' aimoł'huaijnyi LanDios, olanajpołtsi. Iya' cacua, coła' aicapajncona'ma pe lołmana'. ¿Te iya' ti'hua caxnet'ł'ma? Ahec'metsi lo'hua.

²⁰ Iecontsa lamijcano. Aiquicoł'ma, lixim'ma lonta'a Jesús, ife'ne'ma ujfxi lamijcano. Ihe ecanghuaitsi, ti'huałtsay, ipa'a'ma ipehuoxco lico.

²¹ Jesús icuis'e'ma qui'ailli' lamijcano, timi:

—¿Tojua camats' tołta'a mi'i lo'hua?

Italai'e'e'ma timi:

—Caca'hua.

²² Lonta'a tummetsay, tecajm-maispa laja' jouc'a titanc'aispa lunga. Tehuay te co'iya mima'aya. Itsiya ja'ni nipajnya, ¡ahtoc'itsonga'! ¡Ahsintsonga' ninc'icuanuc'la!

²³ Jesús timi cal xans:

—¿Te calmicopa: “Ja'ni nipajnya”? Ja'ni ima' al'huaiyijnla', ti'i'ma. Naitne la'huaiyijmpa alsim'ma iya' nipajnya, alsim'ma jahuay ti'i'ma ca'e'ma.

²⁴ Aiquico'l'ma, qui'ailli' lamijcano ija'a'ma ujfxi, timi Jesús:

—Ca'huaiyijnhuo', ¡ahtoc'ila' ca'huaiyijntso' xonca!

²⁵ Ixim'mola' Jesús tiloc'otaiyumma xonca lan xanuc', itale'ma lonta'a, timi:

—Ima' monta'a, ima' o'e'epa atape y ata'ay ilca'a lamijcano. Iya' cacuxe'ehuo', ¡taipanni ilca'a lamijcano! Aimotsufaicona'ma.

²⁶ Lonta'a ija'a'ma. Ife'ne'ma ujfxi lamijcano. Ipananni. Lamijcano i'i'ma to lomapa. Axpela' lan xanuc' ticuayi: “Joupa imanapa”.

²⁷ Jesús i'no'e'ma limane icutsu'ma lamijcano, itque ecaxna'ma.

²⁸ Lijou'ma litsufilai'me lajut'l Jesús jouc'a ts'ilihuequi, mi-mana' quilituca' itne icuis'e'me, timiyi:

—Illanc', ¿te cal'icoponga' aicalipa'e lonta'a?

²⁹ Italai'e'e'mola', timila':

—Ticuicomma tolsa'huele LanDios, aimohtetso'me, tohsnet'He. Ja'ni a'i, aimi'iya molipa'ayacola' ihniya lontahue.

³⁰ Ipalunca jilpiya. Tuyalaicoyi al distrito Galilea. Jesús ticua: “Aimicuej'me lan xanuc' pe laifpa'a”. Ipic'a timajnle quilituca' itque y ts'ilihuequi.

³¹ Mimuc'ila' timila':

—Iya' itque cal Xans Liximpa cal profeta pu'hua lema'a. Alcu'ma, al'no'e'ma lan xanuc', alma'a'ma. Afane' quitine, camaf'ina'ma.

³² Itne aiquitcueda ite lonespa Jesús. Aiquilicuis'e. Tix-pailiquila'.

³³ Icuaiyocontsa liya' Capernaum. Mimana' lajut'l, Jesús icuis'e'mola' ts'ilihuequi, timila':

—¿Te cataiqui' colfuli'icopo'tsi maleyi lane?

³⁴ Ihniya aiquitlatalai'e. Miyeyi lane tifuli'iyot'si cataiqui' naitsi itque xonca cal te'a.

³⁵ Jesús icutshuai'ma, ijoc'i'mola' limbamaj coquexi', timila':

—Cal xans ts'ipic'a ti'ila' cal te'a, ti'e'exoxi laquijoujma, ti'e'exoxi to laquintahaucopa lif'as xanuc'.

³⁶ Exal'u'ma anuli lahuac'hua. Ecaxu'e'mola' ts'ilihuequi. Ipulc'o'ma, timila' ts'ilihuequi:

37 —Naitsi napenufya anuli ľahuac'hua to ľľca'a, ja'ni tinesla': "Jesús ti'ay capic'a ľľca'a ľahuac'hua, iya' jouc'a capenuf'ma", ľľque ľınca lapenufi iya'. Naitsi nalapenufpa iya' a'i ma le'a iya' lapenufi, lapenufinga' jouc'a Łalummepe.

38 Juan timi Jesús:

—Momxi, ľľsimpá anuli cal xans tipa'ala' lontahue. ľľque ticuaj'mi lopuftine. ľľllanc' ľľlcuanac'epá. ľľque a'i catejmale.

39 Jesús timila':

—Aimoľlcuanac'e'me. Anuli cal xans no'epa acueca' micuaj'mi laipuftine, ľľque cal xans aimalnesc'eya cataiqui'.

40 ľľhne lan xanuc' ja'ni aimal'enga' laic' tama a'i maľejmaleyi, ľľhne ľınca altoc'inga'.

41 'Iya' camilhuo' al ľınca: Cal xans naimetsaicopolhuo' imanc' alihuequi iya', ja'ni tinesla': "ľľhne ilihuequi cal Cristo. Cuhui'i'mola' quľľja'", ľľque cal xans tipa'a lolijya, ŁanDios tipaxne'ma.

42 'A'ijc'a loyaicoya cal xans naimenac'iya anuli ľľhna'a la'uhuay, ľľhne al'huaiyinge iya'. Coľa' ifinc'im'me ľľjoc' anuli cal cuecaj capic molino, coľa' ecajm'mim'me ľľaja. Coľa' ima'ma ate'a ai'a ti'e'ma ľľhaya ľľxgay.

43 'Ja'ni lomane ti'e'ma ľľxgay, ľľtatejla' nulemma! Ja'ni tocuaitsi al muf petsi ľľhnga aimipica, ľľte cof'ecoya oque' lomane'? Tama le'a anuli lomane, ja'ni ti'i'ma totsufaita petsi lopitine aimijouya, xonca al c'a toyaicota.

44-46 'Ja'ni lo'mis ti'hua'a'mo' petsi to'e'ma ľľxgay, ľľtatejla' nulemma! Ja'ni tecajm-mitso' al muf, ľľte cof'ecoya oque' lo'mitsi'? Tama le'a anuli lo'mis, ja'ni ti'i'ma totsufaita petsi lopitine aimijouya, xonca al c'a toyaicota.

47-48 'Ja'ni lo'u timenac'ihuo', ľľtaipa'ala'! Ja'ni tecajm-mitso' al muf petsi lapimí aimimala', ti'hua titeji, petsi aimijaf'que lateľcoya, aimipica ľľhnga, ľľte cof'ecoya oque' lo'u'? Tama ma le'a anuli lo'u, ja'ni ti'i'ma totsufaita petsi tihuejcoyi ŁanDios, ľľque cal Cuecaj Rey, xonca al c'a toyaicota.

49 'Jahuay ľľotsufconyacu ŁanDios ticuicomma tetenľľnľ, toľiya ti'em'me co'hue, toľe ŁanDios tepenuf'ma. Jouc'a lan xanuc' ľľľpicuejma' ticuicomma tetenľľntisola', ticuicomma titeľco'me, toľe ŁanDios tepenufna'mola'.

50 Lo'hue ipenic'. Ja'ni tejac'la' ľľic'a, ľľte conľ'ecoyacu ľľo'hue? Imanc' aimi'i'molhuo' to ľľque ľľo'hue ľľjac'pa ľľic'a. Aimoľľfuli'i'moľľtsi cataiqui'. Toľľnanc'otsoľľtsi.

10

1 Jesús ipanni al distrito Galilea, icuaitsi al distrito Judea. ľľe ľľamats' locuena ľľiju' al cuecaj panaj Jordán. Icuaiyocona'me

axpela' lan xanuc' jilpe pe lopa'a Jesús. Iique ma to mi'ay timuc'iyale.

² Icuaiyunca jouc'a lam fariseo. Ehuaicona'me, icuis'e'me:

—¿Te cal xans nipajnya tecanai'ma hipeno, o aimi'iya?

³ Jesús italai'e'e'mola', timila':

—¿Te quinilpa Moisés? ¿Te coya'apa lonťeyacu?

⁴ Italai'e'e'me, timiyi:

—Moisés inilpa: “Cal xans tiniŕa' anuli lije'e lacanaicoya hipeno. Tijoula' tecanai'ma.”

⁵ Jesús timila':

—Moisés ixina' ata lołpicuejma' imanc', tołta'a quiniłcopa.

⁶ Al te'a a'i tołta'a licuxeyalepa LanDios. Lilanc'epa li'a łamats' LanDios ilanc'e'mola' “... cal xans y łaca'no”.

⁷ Icuama: “Cal xans tipo'no'mola' qui'ailli' qui'máma', tileco'ma hipeno. Tejonli'mołtsi.

⁸ Loquexi' ti'e'e'mołtsi to anuli le'a.” Tołta'a i'ipola' anuli, a'i oquexi'.

⁹ LanDios ixpic'epa tołta'a tejonli'mola', tołta'a ti'e'e'mola' anuli. Lan xanuc' aimi'iya menajyacola'.

¹⁰ Licuaitsa lajut'ł ts'ilihuequi Jesús icuis'e'me to jupa licuis'epa lan xanuc' fariseo.

¹¹ Jesús timila':

—Tama cal xans tecanaila' hipeno, ma' ipeno. Ja'ni tilecoła' ocuena caca'no', ixcay iłe lo'eya. Ma' anuli lo'eya to iłne nahuepá quilecal'no'.

¹² Jouc'a łaca'no'. Tama tecanaila' lipe'ailli', ma' ipe'ailli'. Ja'ni tihuejla' ocuenaj xans ixcay iłe lo'eya. Ma' anuli lo'eya to lacał'no' nahuepá quilxanuc'.

¹³ Jilpiya pe lopa'a Jesús ticuai'enspola' la'uhuay. Tixa'hueyi tixpayaf'tsola', tipaxnetsola'. Ts'ilihuequi Jesús italem'mola' iłniya ts'ilejma quilmaxque'.

¹⁴ Jesús lixim'mola' ts'ilihuequi tołta'a lo'epa aiquetenłcocojma, ixtuc'o'mola'. Timila':

—Aimołpa'ne'mola' la'uhuay. Tiyouyunca pe laifpa'a. Lan xanuc' notsuflaiyacu pe locuxeyopa LanDios ti'onłcospola' to iłna'a la'uhuay.

¹⁵ Iya' camilhuo' al łınca: Cal xans ja'ni jahuay łunxajma' tihuequi litaiqui' LanDios locuxepa, ma to laihuejpa la'uhuay, iłque cal xans titsufai'ma pe lopa'a LanDios. Ja'ni a'i, aimitsu-faiya.

¹⁶ Jesús ipulc'o'mola' la'uhuay, ixpayaf'mola', ipaxne'mola'.

¹⁷ Ipango'ma ti'hua'ma Jesús, icuaico'ma anuli cal xans tinu. Exc'onłngai'ma Jesús, icuis'e'ma:

—Cunc'a comxi, ¿te caif'eya culijla' laipitine aimijouya?

¹⁸ Jesús timi cal xans:

—¿Te całmicopa iya' ninc'a? Le'a ŁanDios copa'a cal C'a. Ailopa'a cocuena.

¹⁹ Ima' oxina' locuxepa ŁanDios. IŁe lataiqui' tuya'e': "Aimoxhuico'ma ocuena caca'no', ma le'a łopeno. Aimoma'ahuale'ma. Aimonantse'ma. Ja'ni topalaicotsola' lof'as xanuc' tonesla' al łınca, aimofel'miyale'ma. Taihuejco'mola', toŁoc'i'mola', co'ailli', co'máma'."

²⁰ Cal xans timi Jesús:

—Momxi, całtojomma ca'ay toŁta'a, jahuay iŁiya.

²¹ Jesús ehuelojm'ma cal xans, etenŁcoco'ma lipicuejma', timi:

—Łınca, tipa'a lahue'epo'. To'huanŁa', toŁujtsi jahuay ło'hueca. Al tomí lofmulijya tapi'itsola' pe lahue'epola'. ToŁta'a ti'i'ma co'huexi jipu'hua lema'a. TijouŁa' toŁuaicoconno pe laifpa'a, lihuej'ma.

²² Licuej'ma jıŁe lataiqui' ic'ommai'ma. Acueca' juaiconapa łi'huexi. I'huana'ma tixhueŁma.

²³ Jesús ehuelojm'mola' ts'ilihuequi, timila':

—Łan xanuc' ts'i'huca juaiconapa afule mitsuflaiyacu pe locuxeyopa ŁanDios.

²⁴ Ts'ilihuequi aiquiŁcueca jıŁe lines'ma Jesús. Ticuayi: "¿Te conescopa toŁta'a?" Jesús timiconala':

—Cunc'ainaxque', łan xanuc' no'huaiyijmpá łi'huexi afule mitsuflaiyacu pe locuxeyopa ŁanDios.

²⁵ ¿Te aga cal camello tuyaico'ma laquipihuo łacuxa? Iya' camilhuo': Cal xans ts'i'huca juaiconapa tixim'ma xonca lipime mitsufaiya pe locuxeyopa ŁanDios.

²⁶ Licuej'me toŁta'a ts'ilihuequi Jesús ixim'me ipime juaiconapa iŁe lataiqui'. Imicona'moŁtsi:

—AicaŁcueca iŁe lataiqui'. ¿Te ailopa'a conŁuya?

²⁷ Jesús ehuelojm'mola', timila':

—Łan xanuc' quiŁtuca' aimi'iya monŁu'eyacoŁtsi. ŁanDios łınca nipajnya tunŁu'e'mola'. IŁquiya jahuay nipajnya ti'e'ma, aimixina quipime.

²⁸ Pedro timi Jesús:

—IŁanc' alpo'nonapá jahuay, lihuejhuo'.

²⁹ Jesús italai'e'e'mola' ts'ilihuequi, timila':

—Iya' camilhuo' al łınca: Cal xans nocuapa: "Quihuequi Jesús, jouc'a quihuequi Lataiqui' loya'apa lixpicepa ŁanDios", ja'ni joupa ipo'nopa lejutŁ, ipo'nopola' lipimaye o qui'máma' qui'ailli' o linaxque' o łemats',

³⁰ iŁque cal xans mipa'a fa'a li'a łamats' tulij'ma amaxnu xonca. Tama tihuetsoquinte tulij'mola' axpela' qui'máma', quipimaye, quinaxque', quejut'Łi, quemats'. Ticuaitsi locuaicoya quitine tulij'ma lipitine aimijouya.

³¹ Axpela' lan tet'la xanuc' ti'i'mola' lijoucola'. Jouc'a li-joucola', axpela' ihniya, ti'i'mola' lan tet'la.

³² Miyeyi lane tif'ajliyi Jerusalén Jesús i'huaj'me'mola' ts'ilihuequi, iyenc'e'me ihniya. Tixhuefmot'leyi, ticuayi lihpicuejma': "¿Te co'iya Jesús?" Lan xanuc' locuenaye tihuejyi tixpailiquila'. Jesús ihoj'i'mola' limbamaj coquexi', u'i'mola' loyaicoya matque quituca'.

³³ Timila':

—Imanc' ołsina' af'ajliyi al cueca' quilya' Jerusalén. Iya' itque cal Xans Liximpa cal profeta pu'hua lema'a. Jiłpiya alćunna. Lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, alacani'eta alma'anla' locuenaye xanuc', ihniya a'i judío.

³⁴ Ihniya altaluntseta, altsuc'ota lai'a, luntafquinna, alma'ata. Afanej quitine camaf'ina'ma.

³⁵ Jacobo jouc'a Juan, ihne linaxque' Zebedeo, iloc'olai'me pe lopa'a Jesús, timiyi:

—Momxi, alpic'a ima' lapi'itsonga' ma to lałsahue'eyaco'.

³⁶ Jesús timila':

—¿Te ts'olpic'a? ¿Te caifnepi'iyacolhuo'?

³⁷ Ihniya timiyi:

—Lapi'itsonga' lane alćuxeta anuli ima'. Alćutsingaito', anuli illanc' al c'a camane, locuena loxa camane.

³⁸ Jesus timila':

—Imanc' aicołsina', aicołcueca ihne lałsahue'epa. Almiła': ¿Te imanc' nipajnya toluyalaico'me to iya' laifnuyaicoya? ¿Te nipajnya tołtelco'me to laiftelcoya?

³⁹ Ihniya timiyi:

—Nipajnya.

Jesús timila':

—Ma' alinca imanc' toluyalaico'me to iya' laifnuyaicoya. Tołtelco'me to iya' laiftelcoya.

⁴⁰ Iya' aimi'iya camiyacolhuo': "Alćutsingaita anuli al c'a camane, locuena loxa camane". Ailopa'a tołta'a laimane. LanDios joupá ixpic'epa naihne nocutsołaiyacu jiłpiya. Ma' ihniya ticutsołaita.

⁴¹ Locuenaye limbama' ts'ilihuequi Jesús icuej'me lox-ahue'epa Jacobo y Juan. Ipango'me ixtulencia.

⁴² Jesús ijoc'i'mola', timila':

—Imanc' ołsina' lił'ejma' lan xanuc' pe aimimetsaicoyi LanDios. Ihne liłpincuxepá ti'e'eyołtsi to lapoujnalá. Ts'ilpenic' ticuxenaiyi juaiconapa.

⁴³ Imanc' aimont'e'me tołta'a. Ja'ni anuli imanc' ipic'a ti'e'exoxi xonca acueca', itque titoc'itsola' lipimaye.

44 Ja'ni anuli imanc' ipic'a ti'e'exoxi cal te'a, tixpic'ela' titoc'itsola' jahuay lif'as xanuc'.

45 Iya' iłque cal Xans Liximpa cal profeta pu'hua lema'a. Laicuai'ma fa'a li'a łamats' aicanesqui: "Lan xanuc' altoc'ila' iya". Aicuaicoco'ma catoc'itsola', cacula' laipitine. Ca'najcuf'mola' liłjunac' axpela' lan xanuc', cunlu'e'mola'.

46 Icuaitsa liłya' Jericó. Uyalaico'me liłya', ipalunca. Axpela' lan xanuc' tihuejyi Jesús. Jiłpe lema cane ticutsu anuli cal fo'. Tixa'hue quitomí. Iłque cuftine Bartimeo, i'hua Timeo.

47 Icuej'ma tinesyi lan xanuc': "Icuaiico'ma Jesús łas Nazaret". Cal fo' ipango'ma ija'a'ma, timi:

—¡Jesús, ima' otatahuelo cal rey David! ¡Ałsinła' nincuanuc'!

48 Axpela' lan xanuc' itale'me, timiyi:

—¡Ti-ch'ixcotso'!

Tija'e' xonca ujfxi, ticua:

—¡Ima', otatahuelo cal rey David! ¡Ałsinła' nincuanuc'!

49 Jesús ecax'ma, icuxe'e'mola' lan xanuc', timila':

—Tołjoc'ile cal fo'.

Ijoc'i'me, timiyi:

—Aimixpaij'mo', aimoxhuelmot'le'ma. Totsahuenni. Ti-joc'ihuo'.

50 Cal fo' eca'ni'ma lipuquiya, iyuf'conni, ecax'ma. I'hua'ma icuaitsi pe lopa'a Jesús.

51 Jesús icuis'e'ma cal fo', timi:

—¿Te caif'e'eyaco'? ¿Te ts'opic'a?

Cal fo' timi:

—Momxi, aipic'a cahuetsaleła'.

52 Jesús timi:

—To'huanła'. Joupa ał'huaiyijmpa, ixałconapo'.

Aiquicoi'ma, exilinanni li'u'. Ipango'ma ihuej'ma Jesús pe lotsepa.

11

1 Tiyeyi lane ticuaita Jerusalén. A'ij culi' ile liłya'. Icuaitsa lijuala Olivo pe lopa'a kilelołya' Betfagé jouc'a Betania. Jesús umme'mola' oquexi' ts'ilihuequi,

² timila':

—Tonlele liłya' lehuoc'ocojma. Jiłpe lołtsuflaiyacu liłya' tołsinna tifijnya anujnca anuli ła'hua burro. Iłque cal burro aiquenafcaiyinni. Toluhuałsa. Toł'hua'anca.

³ Ja'ni ticuis'entsolhuo', timintsolhuo': "¿Te culuhuałcopa cal burro?", imanc' tołtalai'e'e'me, tołmi'me: "ŁałPoujna ipicuiya tixhuicota. Tijouła' ticuai'enacu."

⁴ Iye'me ts'ilihuequi. Ixintsa ła'hua burro tifijnya lane pe lopa'a al puerta. Uhuał'ma.

⁵ Oquexi' afantsi tecaxolanna jiłpiya icuis'e'me, timinnila':

—Imanc', ¿te culuhuałcopa cal burro?

⁶ Ts'ilihuequi Jesús italai'enca ma to limipola'. Lan xanuc' icu'me lane, ileco'me.

⁷ Icuai'etsa ła'hua burro pe lopa'a Jesús. Ixpefi'me liłpijehua' lixpula' cal burro. Jesús icutsafcai'ma.

⁸ Axpela' lan xanuc' ixpou'me lane liłpijehua', ocuenaye ixpou'me imane' c'ec joupa ixquejpá.

⁹ Lan xanuc' iłej'me jouc'a ts'iłenc'e tija'ayi, ticuayi:

—¡Hosana! ¡ŁanDios tunłu'ematso', tipaxnetso'! ŁanDios um-mepo'.

¹⁰ ¡Ima' ałcuxe'monga' al c'a! ¡Ałcuxe'monga' to cal rey David licuxepola' lałtatahueló! ¡Tołta'a ałpaxne'monga' ŁanDios! Iłne nomana' lema'a jouc'a tinesle: “¡ŁanDios tunłu'ematso'!”

¹¹ Jesús itsufai'ma liłya' Jerusalén. I'hua'ma al cuecaj xoute'. Joupa if'acolaipa. Ehuelojm'mola' lan xanuc', te ts'i'ic' lo'epa jiłpiya. Ipanni. Jouc'a limbamaj coquexi' ts'ilihuequi iye'me lane liłya' Betania.

¹² Lihuequi litine ipalunca jiłpe liłya Betania ipailiconamma Jerusalén. Miyeyi lane Jesús tunle'e.

¹³ Tehuelonge aculi' ixim'ma anuli la'icux. Ixim'ma tipa'a lipela. I'hua'ma ixintsi al 'ec. Licuaitsi pe lopa'a al 'ec ixim'ma le'a ipela. Aiquicuaiya litine mimaqui li'as icux.

¹⁴ Jesús timi la'icux:

—Nij naitsi noteja lo'as icux. Aimi'ascona'mo'.

Ts'ilihuequi Jesús icuej'me lines'ma Jesús.

¹⁵ Licuaiconsa Jerusalén Jesús itsufaiconama pe lopa'a al cuecaj xoute'. Jiłpiya ipango'ma ipa'a'mola' nocucalépá jouc'a no'najualépá. Ejualai'f'e'e'mola' liłmesa iłne nopai'ipaj tomí. Jouc'a nocujpá lan cucú ejualai'f'e'e'mola' liletayats'.

¹⁶ Iłne liłtaic' locujyacu aiquepi'ila' lane muyalaiyacu łuna xoute'.

¹⁷ Timuc'ila' lan xanuc' nomana' jiłpiya, timila':

—Lataiqui' loya'apa locuxepa ŁanDios ticua: “Jiłpe laine-jut'ł ticuaicu lan xanuc', iłne tiyouyunca ni petsi li'a łamats', jiłpe ałpalaic'o'ma”. ŁanDios ecuej'micopa iłta'a lejut'ł. It-siya tocomma a'i quejut'ł ŁanDios. Ti'onłcospa to łunts'eja' pe lafołyomma lan namats'. Tołta'a lonł'epa imanc'.

¹⁸ Lixanuc' cal cuecaj ca'ailli' jouc'a lomxiye nomuc'iyalépá locuxepa ŁanDios icuej'me locuapa Jesús. Tixpaic'eyi Jesús, ticuayi:

—Jahuay lan xanuc' iłpic'a lomuc'iyalepa iłque.

Ehue'me te co'iya mima'ayacu.

¹⁹ Lif'acolaįma Jesús jouc'a ts'ilihuequi ipalconanca liłya'.

²⁰ Lihuequi litine uyalaicocona'me małe lane. Ixim'me la'icux joupa ijułnapa jouc'a łime.

21 Pedro i'nujuaitsi lines'ma Jesús, timi:

—Momxi, ¡toxinta' la'icux! Ima' omi'ma cataiqui', joupa ijuhnapa.

22 Jesús italai'enni, timila' ts'ilihuequi:

—Imanc', ti'hua to'huaiyijnle LanDios.

23 Iya' camilhuo': Cal xans no'huaiyijmpa LanDios nipajnya ticuxe'ma itca'a hjuala, timila': "To'huaa', to'nij'mixoxi laja". Ja'ni ma ti'huaiyinge, ja'ni ailopa'a conesya, itque tixim'ma ti'i'ma ma to licuxe'epa.

24 Iya' camilhuo': Ja'ni to'huaiyijnyi LanDios, ja'ni to'cuayi: "Joupa lapi'iponga' lahsahue'epa", ihiya linca tepi'i'molhuo'.

25 'Molpalaic'oyi LanDios, ja'ni tolixruc'oyi anuli to'pima aimi'hua molixruc'ocona'me. Itque to'pima tolimenc'e'ecole lixcay li'e'epolhuo'. To'ta'a co'Ailli' Nopa'a lema'a timenc'e'eco'molhuo' jouc'a lixcay lo'epa.

26 Ja'ni aimolimenc'e'ecoyi, co'Ailli' Nopa'a lema'a jouc'a aimimenc'e'eyacolhuo'.

27 Icuaiyocontsa liya' Jerusalén Jesús ti'hua jipe luna al cuecaj xoute'. Lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, jouc'a lan xanuc' noxpijpá lataiqui', itoc'otai'me pe lopa'a Jesús,

28 timiyi:

—¿Naitsi nummepo' to'eta' to'ta'a? ¿Naitsi nepi'ipo' lane?

29 Jesús timila':

—Iya' quicuis'e'molhuo' jouc'a. Ahtalai'eta'. Tijoula' cami'molhuo' naitsi nalapi'ipa laimane ca'eta' to'ta'a.

30 Lu'ila': ¿Naitsi nepi'ipa limane Juan tepo'itsola' lan xanuc'? ¿Ja'ni LanDios nepi'ipa o ma le'a lan xanuc' epi'i'me?

31 Ihiya ticuis'eyo'tsi, timiyot'si:

—Ja'ni ałmi'e: "LanDios epi'ipa limane", Jesús ałmi'monga': "¿Te aicolapenufi itque?"

32 O ¿ałmi'e: "Lan xanuc' epi'ipá limane"? A'i, aimi'ya małmiyacu to'ta'a. Lixruc'o'monga' lan xanuc'.

Ihe lixanuc' cal cuecaj ca'ailli' jouc'a lomxiye nomuc'iyalepá locuxepa LanDios tixpailiquila'. Lan xanuc' ticuayi: "Juan Bautista aprofeta, LanDios ummepa".

33 Italai'e'e'me Jesús, timiyi:

—Aicałsina'.

Jesús timila':

—Iya' jouc'a aicamiyacolhuo' naitsi nalapi'ipa laimane.

12

1 Jesús ipango'ma i'onhico'ma lo'epa LanDios fa'a li'a lamats'. Timila':

—Anuli cal xans ifapa lemats' laifa' uva. Eti'ico'ma aitał. Ipupa pe lotsuj'miyacu loxoc'eyonyacu lan 'uva, tipa'a'me

laquija'. Ilanc'e'ma anuli li'nof'quiya lajut'ł, jilpiya tipajm'ma no'eya cuenna lan 'uva. Icu'ma łemats' lan xanuc' ti'etsa canic', tulij'me onłca łaipammaiya. Aculi' i'hua'ma.

² Licuaitsi litine lipammaitsi lan 'uva umme'ma anuli limozo. Timitola' lin'epá canic': "Łapi'ıla' li'huexi łaipoujna".

³ Lin'epá canic' i'noł'me cal mozo. Ummena'me. Aiquilepi'i.

⁴ Łapoujna ummecona'ma ocuena quimozo. Licuaitsi jilpiya lin'epá canic' ixcai'e'me hjuac, imiloj'me cataiqui'.

⁵ Ummecona'ma ocuenaj mozo. Iłque cal mozo ima'a'me. Ummecona'mola' axpela' ocuenaye. Untafem'mola' jouc'a ima'am'mola'.

⁶ Ipanenni ma le'a anuli naitsi łommeya. Iłque i'hua, ti'ay capic'a juaiconapa. Umme'ma. Icu'a'ma: "Tixpaic'eta łai'hua".

⁷ Lin'epá canic' timiyoltsi: "Iłque i'hua łipoujna camats'. Ałma'ate. Tijoułta' ałma'ate illanc' ticuainata calmane cal 'huexi."

⁸ Iłne i'noł'me łamijcano, lima'a'me, ipa'a'me iłe łamats' pe lifapa łai'fa'.

⁹ 'Łipoujna camats', ¿te co'e'eyacola' iłne lin'epá canic'? Iya' camilhuo': Łapoujna ti'hua'ma pe lomana' iłniya lan xanuc', tima'atola'. Lemats' lifapa łai'fa' uva tepi'i'mola' ocuenaye lan xanuc'.

¹⁰ ¿Te a'i colšuec' al Paxi Linilingiya loya'apa te ts'i'ic' lo'iya? Ticua:

Łapic' łetets'ipa nolanc'epá lajut'ł, i'ipa xonca łaicuicoya.

Iłque łapic' xonca tilanc'e łaitał aimecangeya lajut'ł.

¹¹ ŁanDios łalPoujna tołta'a łecuej'micopa.

Ilanc' ałsiny acueca' iłe li'ipa.

¹² Lixanuc' cal cuecaj ca'ailli' jouc'a lomxiye nomuc'iyalepá locuxepa ŁanDios ixtuc'o'me Jesús, ticuayi: "Iłque Jesús ał'onlıcong'a' to iłne lixcay lin'epá canic' jilpe łamats' lifampa cal 'uva". Ehue'me te co'iya mi'nołyacu Jesús. Ailopa'a qui'e'epa. Tixpaic'ennila' lan xanuc'. Ipo'no'me jilpe. Iyena'me.

¹³ Ummem'mola' lan xanuc' fariseo jouc'a lixanuc' cal rey Herodes. Ticuis'mot'łeta Jesús. Tehuaita. Ehue'me te co'iya micufyacu.

¹⁴ Icuaitsa, timiyi Jesús:

—Momxi, ałsina' ima' tonesqui al linca. Aimahuay latentłcocopola' lan xanuc'. Ma' anuli topalaic'ola' jahuay. Aimahuelongila' ja'ni i'huca o aiqui'huca. Tomuc'iyale lipene ŁanDios. Itsiya licuis'ehuo', ¿te ał'najtse'eta al tomí lałsahue'eyacong'a' cal cuecaj quincuxepa, iłque César? O ¿aimał'najtse'eyacu? Alu'itsonga', ¿nipajnya o aimi'iya?

¹⁵ Jesús ixina' te ts'i'ic' liłpicuejma' iłniya. Iłpic'a tifel'miłe. Ma le'a ti'e'eyoltsi to lan c'a xanuc'. Timila':

—¿Te calahuaicopa? Ałtai'etsi anuli al tomí, caxinła'.

16 Itai'etsa. Jesús icuis'e'mola', timila':

—Ita'a al tomí, ¿naitsi ilca'a ts'i'a? ¿Naitsi ilta'a ts'ipuftine?

17 Italai'e'e'me, timiyi:

—Li'a César, lipuftine César.

Jesús timila':

—Ja'ni i'huexi César, tolapi'ite César. Ja'ni i'huexi LanDios, tolapi'ite LanDios.

Licuej'me Jesús litalai'epola' icuapá:

—¡Xinla'! Acueca' lipicuejma' Jesús.

18 Lijou'ma icuaitsa pe lopa'a Jesús lan xanuc' saduceo. Ihe naihuejpá lataiqui' loya'apa: “Lan xanuc' tima'mola' nulemma, aimimaf'iyacu”. Jouc'a tehuaiyi Jesús, icuis'e'me, timiyi:

19 —Momxi, pe liniŋpa Moisés alcuxenga', tuya'e': “Cal xans timaŋa', ma' imaf'i' lipeno ailopa'a qui'hua, lipima tileco'ma hi'maxi. Tipajntsi qui'hua tecui'i'me lipuftine limanapa. Timet-saicom'me to qui'hua limanapa. Tepi'im'me hi'huexi limanapa.”

20 Itsiya lu'i'mo' li'ipa.

'Timana' acaitsi lapimaye. Cal te'a ileco'ma lipeno. Ailopa'a qui'hua. Imanapa.

21 Lipima limanapa ileco'ma hi'maxi. Ailopa'a qui'hua, jouc'a imana'ma.

22 Jouc'a locuena lipima ileco'ma hi'maxi. Ma' anuli uyaico'ma. Locuenaye amalujxi lipimaye ma toŋta'a luyalaico'me. Jouc'a ileco'me hi'maxi, anuli anuli imana'mola'. Aiquisina' qui'hua. Lijou'ma imana'ma ŋaca'no' jouc'a.

23 Lan caitsi jounpa ilecopá ŋaca'no'. Itsiya lu'itsonga': Tic-uaitsi litine timaf'inale limanapola', ¿naitsi co'iya ŋipe'ailli'?

24 Jesús timila':

—Imanc' timenaquilhuo'. Aicoŋsina' loya'apa al Paxi Liniŋgiya, aicolimetsajma al cuecaj lo'epa LanDios.

25 Timaf'inle lan xanuc' tipalnacu pe lomana' limanapola', ihniya aimemalliyacu, ni lacuŋhue ni lacaŋ'no'. Ti'onŋcotola' to lapaluc' quema'a.

26 'Imanc' toŋcuayi: “Aimimaf'iyacu limanapola’”. ¿Te aicoŋsuec' liniŋpa Moisés? Jiŋpe tuya'e' li'ipa litine lonajpa lac'ec. He litine LanDios timi: “Iya' NanDios, ilenDios Abraham, Isaac y Jacob”.

27 LanDios a'i quilenDios limanapola'. Itque ilenDios ts'ihmaf'i'. Imanc' juaiconapa timenaquilhuo'.

28 Jiŋpe tipa'a anuli lomxi nomuc'iyalepa locuxepa LanDios. Tiquimf'e ihnu'hua laicuis'mot'ŋepa Jesús, ticueca Jesús titalai'e'ela' al c'a. Ipalaic'o'ma Jesús icuis'e'ma, timi:

—¿Te copa'a xonca al cueca' lataiqui' locuxepa LanDios?

29 Jesús italai'e'ma, timi:

—Ile lataiqui' xonca al cueca' tuya'e': "Alquimf'eta', imanc' ixanuc' Israel. LanDios, lalanDios, ma' iŋque anDios. Ailopa'a cocuena.

³⁰ Ima' to'nujuaitsi LanDios loPoujna. Iŋque omenDios. Taihuejla' jahuay lomunxajma', jahuay lo'alma, jahuay lopicuejma', jahuay lopujfxi."

³¹ Locuena lataiqui' locuxepa LanDios tuya'e': "Ima' to'eyoxi capic'a. Ma toŋta'a to'eta' capic'a lof'as xans, naitsi loftalecufya." Ima'a atsila' cataiqui'. Xonca atsila' ailopa'a.

³² Lomxi timi:

—Momxi, ac'a lotaiqui' lonespa. Ma' al linca lofcuapa. Tipa'a anuli LanDios, ailopa'a cocuena.

³³ Aŋnujuaisle LanDios, alihuejle jahuay lalunxajma', jahuay laŋpicuejma', jahuay laŋpujfxi. Aŋetsola' capic'a laŋf'as xanuc' ma to ma'eyoŋtsi capic'a. Ja'ni toŋta'a aŋeyi, ticuaispa quipic'a LanDios. Ja'ni aimaŋeyacola' capic'a laŋf'as xanuc', tama aŋsufcoŋe lopi'epa jŋpe al altar, ile laŋejma' aimicuaispa quipic'a LanDios.

³⁴ Jesús ixim'ma lomxi ac'a lipicuejma'. Italai'e'e'ma, timi:

—Ahuata lahue'epo' motsufaiya pe locuxeyopa LanDios, iŋque cal Cuecaj Rey.

Lijou'ma ailopa'a quicuis'epa, ni anuli. Ihsina' tulijna'mola' Jesús.

³⁵ Mipa'a Jesús pe lopa'a al cuecaj xoute' ti'hua timuc'ila' lan xanuc'. Timila':

—Lomxiye nomuc'iyalepá locuxepa LanDios ticuayi: "Cal rey David itatahuelo cal Cristo". ¿Te conescopa toŋta'a?

³⁶ Ituca' lonespa iŋque cal rey David. Muya'e' lataiqui' lu'ipa cal Espíritu Santo tuya'e':

LanDios ipalaic'o'ma laiPoujna, timi:

"Tocutsaiŋa' jifa'a al c'a camane.

Topanehuo fa'a, iya' mi'hua culiquila' lo'epo' laic'.

Tijouŋa', ima' tocuxena'mola'."

³⁷ Maŋque David inesco'ma cal Cristo, ticua "... laiPoujna". Ja'ni David itatahuelo cal Cristo, ¿te conescopa toŋta'a?

Axpela' lan xanuc' noquimf'epá lomuc'iyalepa Jesús icuaitsi quipic'a juaiconapa litaiqui'.

³⁸ Mimuc'iyale Jesús tu'ila':

—Toŋpo'nole cuenna, aimifel'mi'molhuo' lomxiye nomuc'iyalepá locuxepa LanDios. Iŋniya iŋpic'a tipo'nole liŋpijahuá' axehuay, tiyelocota to lan tsilaj xanuc'. Miyelocota jipu'hua pe lomana' axpela' lan xanuc', iŋpic'a tinonintsola'.

³⁹ Lajut'hi pe lafoŋyomma lan xanuc' iŋpic'a ticutsolaŋe xonca jipu'hua li'huáqui. Ja'ni tijoc'innila' tixmocota iŋpic'a ticutsolaŋe petsi locutsolaŋiyacu lan tsilaj xanuc'.

40 Tijoutsaf'ennila' hif'huexi lacaf'no' lam potsateya. Mi'eyi tohta'a ti'e'eyotsi to lan c'a xanuc'. Ticoñi tipalaic'oyi LanDios. Tijouñ'a, xonca titef'mi'mola' LanDios.

41 Jesús ticutsu al cuecaj xoute' tehuelongila' lan xanuc' mi'nij'mi'me lihtomí jilpe al caxax. Axpela' lan xanuc' ts'ih'hueca xonca ti'nij'miyi acueca'.

42 Icuaitsi jilpiya anuli lacaf'no' apotsate. Ailopa'a caquitomí. Inij'mi'ma oque' al tomí acobre. Ailopa'a quipitali.

43 Jesús ijoc'i'mola' ts'ilihuequi, timila':

—Iya' camilhuo' al linca: Hque cal potsate, aqui'hueca, ulijpola' locuenaye. Etoj'mipa xonca.

44 Locuenaye ni'nij'mipá lihtomí jilpe, ihniya aimehue'ela'. Tipanemma acueca' lihtomí. Hquiya lacaf'no' ailopa'a quipaneya, etoj'mipa jahuay, ailopa'a co'nacoya loteja.

13

1 Mipalumma al cuecaj xoute' Jesús jouc'a ts'ilihuequi, anuli ts'ihuequi timi Jesús:

—Momxi, jtoxinla'! ¡Atsila' ihne lapic' lilanc'ecompa al xoute'! ¡Atsila' jajut'hi!

2 Jesús timi:

—Itsiya toxina ihnu'hua atsila' jajut'hi. Ticuaihuo litine jahuay tetequehuo. Ni anuli lapic mipo'nof'queya locuena capic.

3 Micutsu Jesús hijuala Olivo, al huenajmay al cuecaj xoute', Pedro, Jacobo, Juan jouc'a Andrés ihoc'olai'me pe lopa'a. Icuise'me, timiyi:

4 —Lu'itsonga', ¿te quitine mi'ya lofnespa? ¿Te co'ya mi'ya calsina' aimicoña lo'ya ihya? ¿Te jale matsinyacu?

5 Jesús ipango'ma u'i'mola' timila':

—Tołpo'noñe cuenna. Ja'ni a'i tifel'mi'molhuo'.

6 Ticuaicu axpela' linfel'miyale, tines'me anuli anuli: “Iya' ninCristo, LanDios alummepa”. Ihniya tifel'miyale'me. Axpela' lan xanuc' tepenuf'me lihtaiqui'.

7 'Imanc' tołcuj'me tifulenni jouc'a tifulem'me. Aimix-pailij'molhuo'. Ma tohta'a ti'i'ma. Ticoñ'ma locuaicoya Lijoujma Quitine.

8 Lan xanuc' nomana' anuli al nación tixtuc'o'me, tifule'me lan xanuc' locuenaj nación. Lixanuc' anuli cal cuecaj quincuxepa tifule'me lixanuc' locuena cal cuecaj quincuxepa. Ni petsi tinu'ma lunanto, ti'i'ma cumemma. Ma ti'onłcota to lipumla lacaf'no', tohta'a tipango'ma al cueca' latełcoya.

9 Tołpo'noñe cuenna. Ticum'molhuo', ticuaita lihtane lan tsilaj xanuc' noxpipá lataiqui'. Tilecom'molhuo' jajut'hi pe lafołyomma lan xanuc'. Jilpe tipam'molhuo'.

Imanc' ts'alihuequi, toŧta'a lan xanuc' tixtuc'o'molhuo'. Tilecom'molhuo' pe lomana' lincuxepá jouc'a pe lomana' lan rey. Toŧta'a iŧne lan xanuc' ti'íŧa' quíŧsina' naitsi iya'. Imanc' tulu'i'mola'.

¹⁰ 'Ai'a ticuaihuo Lijoujma Quitine ni petsi li'a ŧamats' tuya'am'me te ts'i'ic' lixpíc'epa ŁanDios, iŧe lataiqui' ac'a loya'apa.

¹¹ Litine ti'noŧintsolhuo', tilecotsolhuo' pe lomana' lincuxepá, aimoŧsueŧmot'le'me. Aimoŧcua'me loŧpicuejma': "¿Te caŧtalai'e'ecoyacu?" Maŧpe al 'hora ŁanDios tepi'i'molhuo' loŧpicuejma' toŧtalai'eco'me al c'a. Iŧe loŧnesyacu a'i coŧtaiqui' imanc', ma' itaiqui' cal Espíritu Santo. Iŧque tipo'no'i'molhuo' loŧpicuejma'.

¹² 'Łapima ticu'ma ħipima tima'anŧe. Cal xans ticu'ma ħi'hua. La'uhuyay titsolicu, tixtuc'o'me quíŧ'ailli' quíŧ'máma'. Ticu'moŧtsi, tima'antsola'.

¹³ Imanc' ts'alihuequi ni petsi loŧmanc'eyacu lan xanuc' ti'ejco'molhuo' laic'. Ja'ni toŧsnet'ŧ'me, ticuaitsi Lijoujma Quitine toluŧul'me.

¹⁴ 'Ma to luya'apa cal profeta Daniel toŧta'a lo'iya. Iŧe pe ŁanDios tilaiqui tipo'nom'me petsi ailopa'a lane mipo'nonyacu.

(Naitsi noxhuef'iyacola' iŧta'a lataiqui' ticuec'eŧa'.)

'Ti'íŧa' toŧta'a lo'iya, ja'ni toŧmana' al distrito Judea, tolinul—le, toŧ'ajle ħijualay.

¹⁵ Ja'ni topa'a al toncay lomejut'ŧ aimaimuhuo motsufai'ma lomejut'ŧ. Aimocua'ma: "Típa'a laifpa'aya". Aimicoŧ'mo'. Ma tainuŧa'.

¹⁶ Ja'ni topa'a pu'huanni cal 'ec, aimopaiconahuo momaf'huo lopusquiya. Ma tainuŧa'.

¹⁷ 'Acuanuc'la lacaŧ'no' linnaila' jouc'a notoc'alepá. Iŧe litine juaiconapa titeŧco'me.

¹⁸ Toŧsa'hueŧe ŁanDios aimicuaihuo lateŧcoya ħitiné caxita.

¹⁹ 'Li'a ŧamats' tama joupa ixhuaita axpe' camats' mipa'a, lan xanuc' nomana' aiquiteŧma to lotelcoyacu iŧe locuaicoya quitine. Tijouŧa' aimiteŧcoconayacu toŧta'a.

²⁰ Ja'ni ŁanDios tixpic'eŧa' ticoŧtsola' iŧne ħitiné ailopa'a conŧuya. Joupa ixpic'epa aimicoŧyacola' iŧne ħitiné. Tixinnila' cuanuc'la lixanuc' jilne li'ħuij'epola', ipic'a tunŧul—le.

²¹ 'Jilne ħitiné ja'ni timintsolhuo': "¡Toŧsinŧe! Jifa'a icuai'ma cal Cristo", o "Jipu'hua icuaita", aimoŧ'e'me ħinca ħiŧtaiqui'.

²² Ticuaicu lan xanuc' nonespá: "Iya' ninCristo", o "Iya' ninprofeta. Iya' canesqui lalu'ipa ŁanDios." Iŧniya infel'miyale. Ti'e'me al cueca'. Iħpic'a tinesle lan xanuc': "Iŧque ħinca umepa ŁanDios". Ma le'a tifel'miyaleyi. Coŧa' tifel'mintsola' jouc'a li'ħuij'epola' ŁanDios. Aimi'iya mifel'minyacola'.

²³ Tołpo'nołe cuenna. Joupa nu'ipolhuo' jahuay ițe lo'iya.

²⁴ 'Tijoutsola' iħne litiné catelcoya ticuaihuo litine: "Timufc'o'ma cal 'ora, cal mut'ła aimepalc'o'iya.

²⁵ Lan xamna timefcoteecu lema'a, jahuay lopa'a jilpe lema'a tife'nem'mola'."

²⁶ Tijouła' alsim'ma iya'. Iya' iħque cal Xans Liximpa cal profeta pu'hua lema'a. Cacuaiconanni ħummahuay quimuyohuo. Alsım'ma ninCuecaj Rey. Alsım'ma aħ'onłspa ma to LanDios.

²⁷ Jițe litine cumme'mola' lainepaluc' quema'a tiyețe tefot'ħentsola' laixanuc' lai'ħuijf'epola'. Tileconnola' ni petsi lomana', iħne nomana' lo'huayomma ħahua', nomana' lotsepa ħahua', nomana' pe liyuf'ma cal 'ora, nomana' pe lof'acaiyopa cal 'ora. Jahuay lipitoqui lipexpats'qui li'a ħamats' tileconnola'.

²⁸ 'Lo'ipa al 'ec 'icux ti'onłcospa to lo'iya. ¡Tołcuejle! Tołsinħe tuxcuaf'eła' limane' al 'ec 'icux ti'i'ma cołsina' icuaico'ma ħinu'.

²⁹ Jouc'a litine tołsinħe lo'ipa ma to lainu'ipolhuo' ti'ila' cołsina' joupa aicuaico'ma.

³⁰ Iya' camilhuo' al ħinca: Litiné ti'ila' to laifmipolhuo', lan xanuc' nomajnyacu fa'a li'a ħamats' ti'onłtola' to lan xanuc' nomana' fa'a itsiya litine. Anuli ti'i'ma ħilpicuejma'.

³¹ Lema'a jouc'a li'a ħamats' tijou'mola'. Laitaiqui' aimijouya.

³² 'Nij naiłsi ts'ixina' litine ni al 'hora cacuaiconaya. Aiquiłsina' lapaluc' quema'a, ni iya' i'Hua LanDios aicaixina' jouc'a. Ma le'a cai'Ailli' ħinca ixina'.

³³ 'Imanc' tołpo'nołe cuenna. Ti'hua tołmaf'ițe. Aimi'i'molhuo' to noxmaipá. Tipantsi cumlata. Ti'hua tołsa'huețe LanDios. Aicołsina' te quitine cacuaiyoconno.

³⁴ Itsiya lo'ipolhuo' imanc' ti'onłcospa to li'ipola' lam mozó mi'huana'ma ħilpoujna. Iħque ħapoujna epi'ipola' ħiħmane ti'ețe cuenna lajut'ħ. Epi'ipola' ħilpenic', anuli anuli. Anuli ixc'ai'ipa ti'eła' cuenna al puerta, timi: "Aimoxmai'ma".

³⁵⁻³⁶ Jouc'a imanc' aimołsmail'me. Tołpo'nołe cuenna. Ja'ni a'i cacuaiyunni ca'huajcoco'molhuo' tołsmaiyi. Aicołsina' te quitine cacuaiyoconno iya' ołpoujna. Aicołsina' te 'hora, ja'ni if'acolaipa, ja'ni nolojmay quipuqui', ja'ni mija'a'ma ħangiti, ja'ni ħiħic'ejma'.

³⁷ 'Ma to laifmipolhuo' imanc' jouc'a laifnu'ipola' jahuay, camila': "Tipantsi cumlata, aimołsmail'me".

14

¹ Tehue'e ma le'a oquej quitine ti'i'ma al juic Pascua. Iħne litiné titem'me ħa'i petsi aiquilai'inni levadura. Lixanuc' cal cuecaj ca'ailli' jouc'a lomxiye nomuc'iyalepá locuxepa LanDios ixpic'e'me tifełmiyale'me. Tehueyi te co'iya mi'nołyacu Jesús, tima'ałe.

² Ticuayi:

—Tijoula' al juic. Itsiya efołumma axpela' lan xanuc', tix-tulecu.

³ Jesús tipa'a liya' Betania lejut'ł Simón, iłque lixałconapa licuana cuftine lahui lepra. Ticutsu Jesús titesma. Icuaitsi anuli łaca'no' itaic' al pulu capic alabastro. Al pulu tinango laceite tujuej c'a ilanc'ecompa anardo, acueca' lipitali. Łaca'no' ixquej'ma lejoc' al pulu. Ixcua'fi'ma laceite hijuac Jesús.

⁴ Oquexi' afantsi mimana' jilpe ixtulencia, timiyofsi:

—Joupa ejac'pa laceite. ¿Te qui'ecopa tołta'a łaca'no'?

⁵ Acueca' lipitali, to mulij'ma cal xans no'epa canic' afane' maxnu quitine. Ja'ni coła' icuj'ma, coła' epi'i'mola' lan xanuc', iłne petsi aiqul'hueca.

Tipalaicoyi quixcay łaca'no'.

⁶ Jesús timila':

—Tołe ti'ila'. ¿Te cołpo'nocopa quixhuejma' łaca'no'? Iłque i'epa al c'a. Latencocopa li'epa.

⁷ Imanc' tiłmana' lołpiya' xanuc' petsi aiqul'hueca. Aim-ijouyacola' iłniya. Jahuay łitiné ti'i'ma tołspic'e'me te co'iya mołtoc'iyacola'. Iya' a'i. Iya' aimalcołya capajncanaya fa'a li'a łamats'.

⁸ Iłca'a łaca'no' i'epa ma to li'ommita. Ai'a ałma'ma al'huaf'impa laceite laicuerpo. Joupa ałanc'epa ai'a laminna.

⁹ Iya' camilhuo' al linca: Ni petsi loya'anyacu Lataiqui' loya'apa iłe al c'a lixplic'epa ŁanDios, jouc'a tuya'acom'me li'epa iłca'a łaca'no'.

¹⁰ Judas Iscariote, iłque anuli limbamaj coquexi' ts'ilihuequi Jesús, i'hua'ma pe lomana' lixanuc' cal cuecaj ca'ailli', ticuta Jesús.

¹¹ Iłniya la'ailli licuej'me locuapa Judas ixoconni quileta juaiconapa. Epi'i'me cataiqui' ti'najtse'me. Judas ipango'ma ehue'ma te co'iya micuya Jesús, ticuaita quilmane la'ailli.

¹² Icuaitsi al te'a litine al juic. Iıya al juic titem'me łai aiqulail'inni levadura. Jilē litine tite'me lam mot'ł loma'anyacola' jilpe al juic. Ts'ilihuequi Jesús timiyi:

—¿Pe ts'opic'a całsmocoyoyacu al juic Pascua? Ałanc'eta jahuay.

¹³ Jesús umme'mola' oquexi' ts'ilihuequi, timila':

—Tonłe al cueca' quilya' Jerusalén. Jilpiya tołtalecufta anuli cal xans itaic' lijuti caja'. Tolihuejtsa.

¹⁴ Iłque titsufaitsi anuli lajut'ł, imanc' jouc'a tołsufłaitsa. Tołmita lipoujna cajut'ł: “ŁałPomxi ticuis'ehuo': ¿Pe copa'a lajcuarto pe lałsmocoyoyacu al juic Pascua, iya' jouc'a ts'alihuequi?”

¹⁵ Timuc'itolhuo' anuli al cuarto lopa'a al toncay, joupa ixhueya. Imanc' tołtaita łajtejacu, jilpiya ałsmocota.

16 Iye'me ts'ilihuequi, itsuflai'me al cuecaj quiŷya', ixim'me jahuay to limipola' Jesús. Ilanc'e'me łotejacu alxmocojma al juic.

17 Lif'acołaiipa icuaiyunca Jesús jouc'a limbamaj coquexi' ts'ilihuequi.

18 Micutsołanna, mixmocoyi, Jesús timila':

—Camilhuo' al linca: Anuli imanc' alcuna'ma, anuli jifa'a łoxmocopa.

19 Ts'ilihuequi ixhuelmot'le'me. Anuli anuli icuitsuf'ma, timiyi:

—¿Te aga iya'? Iya' a'i.

20 Jesús timila':

—Unc'imbamaj coquexi' anuli imanc' alcu'ma. Iłque aljac'eyi łala'i anuli al pime.

21 Iya' iłque cal Xans Liximpa cal profeta pu'hua lema'a. Cuyaico'ma ma to micua al Paxi Linilingiya. Tama tołta'a laifnuyaicoya, cal xans łalcuya a'ijc'a loyaicoya iłque. Juaiconapa acueca' titełco'ma, ticua'ma: “Coła' aicaipajntsi iya'”.

22 Mitetsoyi Jesús epef'ma anuli ła'i, ix'najtsi'i'ma ŁanDios, ixquenuf'ma. Epi'i'mola' ts'ilihuequi, timila':

—Tołtele. Iłta'a aicuerpo.

23 Ihuof'ma al vaso. Lix'najtsi'i'ma ŁanDios, uhui'i'mola' ts'ilihuequi. Jahuay ixna'me.

24 Timila':

—Iłta'a aijuats', tiłinc'i'ma al ts'e quitaiqui' ŁanDios lopo'no'ipola' lixanuc'. Iya' caxcuajai'ma laijuats' tunłul—le axpela'.

25 Iya' camilhuo' al linca: Jifa'a li'a łamats' aicaxnaconaya vino. Ticuaiłsi litine lan xanuc' tixinłe ŁanDios micuxe, jile litine caxnacona'ma al ts'e vino.

26 Lijoupa lunac'copa ŁanDios ipalunca. Iye'me łijuala Olivo.

27 Jesús timi ts'ilihuequi:

—Iłta'a lipuqui' imanc' tołanaj'mołtsi, alpo'no'ma caituca'. Ti'i'ma to muya'e' al Paxi Linilingiya, ticua: “Caxcai'e'ma łiłpoujna lam mot'ł, iłque tima'ma. Lam mot'ł teca'ne'mołtsi.”

28 Tijouła' camaf'inała' ca'hua'ma al distrito Galilea. Ca'huaicotołhuo' jilpiya.

29 Pedro timi Jesús:

—Tixtuc'otso' jahuay laipimaye, tama tenajtsołtsi, iya' a'i.

30 Jesús timi Pedro:

—Cami'mo' al linca: Itsiya lipuqui' ai'a tija'a'ma łangiti oquemma, ima' tones'ma afanemma: “Aicainimetsaijma Jesús”.

31 Pedro ti'hua tipalaic'o Jesús, ihui'ipa, timi:

—Tama ałma'atsonga' iya' ima', aicanesya: Aicainimetsai-
jma Jesús. Ni anulemma canesya tołta'a.

Ma' anuli ines'me jahuay locuenaye.

32 Icuaitsa al lugar cuftine Getsemaní. Jesús timila'
ts'ilihuequi:

—Imanc' tołcutsolaife fa'a. Iya' capalaic'ota ŁanDios.

33 Ileo'mola' Pedro, Jacobo jouc'a Juan. Ipango'ma tixina
acueca' juaiconapa ife lo'iya, tixhuełma juaiconapa.

34 Timila' lam fantsi:

—Juaiconapa cahuosma, ma tocomma ałma'ma quixhue-
jma'. Tołmanenca jifa'a. Aimotłsmi'me.

35 Uyai'ma huata, ixpats'huai'ma łamats'. Tixa'hue ŁanDios
ja'ni ti'i'ma tuyaicotsi jife al 'hora.

36 Timi:

—Abba, mai'Ailli', ima' jahuay nipajnya to'e'ma. Liłonc'e'eł'a'
iłta'a laiftełcopa. Ma caxa'huehuo' tołta'a jouc'a camihuo':
Ti'ila' lołxpicepa ima', a'i latentłcocopa iya'.

37 Ipaiconanni, icuaitsi pe lomana' lam fantsi ts'ilihuequi.
Ixim'mola' tixmaiya. Timi Pedro:

—Simón, ¿ima toxmay? ¿Te aimi'iya momaf'iya ni anulij
hora?

38 Tołmaf'ife jahuay imanc'. Tołsa'hueŁe ŁanDios titoc'itsolhuo'
aimehuaiyim'mołhuo'. Imanc' tołcuayi: “Ałsnet'ł'me”. A'i,
aimi'iya. Lołcuerpo ailopa'a quipujfxi.

39 I'huacona'ma, tixa'hueconata ŁanDios. Ma' anuli ix-
ahue'econa'ma.

40 Ipaiconanni icuaiyocontsi pe lomana' lam fantsi, ixing-
ona'mola' tixmaiconayi. Tixinyi timufquemma lił'u'. Ticui
quilehui. Aiquiłsina' te cotalai'e'eyacu Jesús.

41 I'huacona'ma. Ipaiconanni. Joupa i'ipa afanemma.
Icuaiyocontsi pe lomana' lam fantsi. Timila':

—Imanc', ¿ti'hua tołsmayi? ¿Tolunxajyi? Ne', ti'ila'. Ixhuaita
lai'hora. Iya' iłque cal Xans Łiximpa cal profeta pu'hua lema'a.
¡Tołsinłe! Ałcu'ma. Ał'noł'ma lan xanuc', ifne aimimetsaicoyi
ŁanDios.

42 ¡Tołsolinca! ¡Łepá! Joupa icuaico'ma iłquiya łalcuya.

43 Mipalay Jesús icuaitsi Judas, iłque anuli limbamaj co-
quexi' ts'ilihuequi Jesús. Ileo'cola' axpela' lan xanuc' iłtaic'
lił'espada jouc'a lił'ec. Ifne lan xanuc' ummempola' lixanuc'
cal cuecaj ca'ailli' jouc'a lomxiye nomuc'iyalepá locuxepa
ŁanDios, jouc'a lan tsilaj xanuc' nołpijpa lataiqui'.

44 Iłque łocuya Jesús joupa u'ipola' te ts'i'ic' mimetsaicoyacu
Jesús. Joupa imipola': “Cal xans laiftuc'oya jilque toł'nołte.
TołhecoŁe. Aiminuc'e'molhuo'.”

45 Licuaitsi jilpiya Judas aiquicoł'ma iłoc'huai'ma pe lopa'a
Jesús, timi:

—¡Momxi!

Ituc'o'ma.

⁴⁶ Lan xanuc' i'noł'me Jesús. Aicux'mas'me.

⁴⁷ Tipa'a anuli ts'ihuequi Jesús tecaxu jilpe. Itque ipa'a'ma li'espada, ixcai'e'ma himozo cal cuecaj ca'ailli', etec'e'e'ma lix'mas.

⁴⁸ Jesús ipalaic'o'mola' ihniya licuai'me ti'noł'e, timila':

—¿Te colcuaiyoco'me fa'a oltaic' loł'espada jouc'a lonł'ec? ¿Ja'ni toł'na'a al'noł'ha'? ¿Aga tołcuayi: “Itque inma'ahuale”?

⁴⁹ Itine itine almajmpá anuli jilpe al cuecaj xoute', aical'noti. Ne', ti'ila' ma to loya'apa al Paxi Linilingiya. Ticuicomma tenanł'a' jahuay ite lataiqui'.

⁵⁰ Lixanuc' Jesús inulai'me, ipo'no'me Jesús quituca'.

⁵¹ Jilpe tipa'a anuli lamijcano ihuequi Jesús. Itque lamijcano iju'eyoxi ma le'a lisábana. Jouc'a i'nołim'me.

⁵² Lamijcano ipanenni lisábana, inu'ma amila.

⁵³ Ileo'me Jesús pe lopa'a cal cuecaj ca'ailli'. Jilpiya efot'le'mołtsi lixanuc' cal cuecaj ca'ailli' jouc'a lan tsilaj xanuc' noxpjipá lataiqui', jouc'a lomxiye nomuc'iyalepá locuxepa LanDios.

⁵⁴ Pedro i'huanc'e'ma aculi'. Itsufai'ma lipuna quejutł' cal cuecaj ca'ailli'. Jilpe icutsingai'mola' lepaluc' cal cuecaj ca'ailli'. Jilpe łunga tifununc'eyołtsi anuli.

⁵⁵ Lixanuc' cal cuecaj ca'ailli' jouc'a jahuay noxpjipá lataiqui' tehueyi naitsi nocufya Jesús. Tołta'a ti'i'ma tima'anłe. Aiqui'ic'.

⁵⁶ Axpela' lan xanuc' tuyout'łecoyi Jesús, ma le'a tifellaiqueyi. Anuli anuli, ituca' ituca' tinesqui. Aiqui'ic' anuli łitaiqui' lonespa.

⁵⁷ Oquexi' afantsi itsolinca uya'a'me ocuena lafellaiqueya, timiyi:

⁵⁸ —İllanc' alcuejpá itque linespa, ticua: “Iya' nulemma cateł'ma ita'a al cuecaj xoute' lilanc'epa lan xanuc'. Tuyaila' afane' quitine iya' joupa ailanc'econapa ocuena. İte a'i quillanc'e'e lan xanuc'.”

⁵⁹ Ni ilne nonespá aiqui'ic' anuli łitaiqui'.

⁶⁰ Itsahuenni cal cuecaj ca'ailli', icuis'e'ma Jesús, timi:

—¿Te ima' aimotalai'ecoyacoxi? ¿Te onespa ite lataiqui', o aiconesqui?

⁶¹ Aiquitalai'e. Ailopa'a quitaiqui'. Cal cuecaj ca'ailli' icuis'econa'ma, timi:

—¿Te ima' unCristo? ¿Te ima' i'Hua cal Paxi CanDios?

⁶² Jesús timi:

—Ma' iya'. Iya' itque cal Xans Liximpa cal profeta pu'hua lema'a. İmanc' alsim'ma cacutsuya al c'a camane cal Cuecaj

Rey. Ałsim'ma quimuyohuo lema'a, cacuaiyoconno łamats' nolojmay cummahuay lema'a.

⁶³ Cal cuecaj ca'ailli its'ał'ma lipijahua', imujpa lipoyac'. Aiquetenłcocojma locuapa Jesús. Timila' lixanuc':

—Itsiya, ¿te calahuecoyacola' ocuenaye lan xanuc' ticufle?

⁶⁴ Imanc' olcuejpá lonespa. Etets'ipa ŁanDios. ¿Te colcuapa imanc'?

Jahuay icuxeco'me Jesús, ticuayi:

—Tipa'a lijunac'. ¡Tima'anłe!

⁶⁵ Oquexi' afantsi ipango'me itsulco'me, ifi'e'eco'me ijahua' li'u', untaf'me li'a, ipa'me, timiyi:

—Tocua'ala', ¿naitsi lipa'mo'?

Lepaluc' cal cuecaj ca'ailli' ipets'me camane jouc'a.

⁶⁶ Pedro ipanenni al 'ocay, ticutsu łuna. Uyai'ma anuli licriada cal cuecaj ca'ailli'.

⁶⁷ Ixim'ma Pedro tifununc'eyoxi jilpe łunga. Ehuelojm'ma, timi:

—Ima' jouc'a omihuequi cal xans łas Nazaret, ilque Jesús.

⁶⁸ Pedro icuanajpa, timi:

—Aicaixina'. Aicaicueca lofnespa.

İpanni, ecax'ma pe lopa'a al puerta. İja'a'ma łangiti.

⁶⁹ Łajcriada nopa'a jilpe ixim'ma Pedro. İpalaic'o'mola' nacaxhuołanna, timiconala':

—İłca'a anuli ilniya ts'ilihuequi Jesús.

⁷⁰ Pedro icuanajcona'ma. Uyai'ma ni huata, ilne nacaxhuołanna jilpiya timiyi Pedro:

—İma' jouc'a mihuequi Jesús. İma' mas Galilea.

⁷¹ Pedro ipango'ma i'e'ma jurar, timila':

—İya' camilhuo' al linca. İa'ni a'i, jalma'ala' ŁanDios! İya' aicainimetsaijma ilque cal xans łopalaicopa.

⁷² Aiquicol'ma, ija'acona'ma łangiti. Pedro i'nujuaitsi limipa Jesús: “Ai'a tija'a'ma oquemma łangiti, ima' tones'ma afanemma: Aicainimetsaijma Jesús.” Li'nujuaitsi ille lataiqui' Pedro ijoj'ma.

15

¹ Liłic'ejma lixanuc' cal cuecaj ca'ailli', lan tsilaj xanuc', lomxiye nomuc'iyalepá locuxepa ŁanDios jouc'a jahuay noxpijpá lataiqui' xpic'e'me lo'e'eyacu Jesús. Aiquicol'ma, ifi'e'me, ileco'me pe lopa'a Pilato, ilque incuxepa romano. Jilpe icu'me.

² Pilato icuis'e'ma Jesús, timi:

—¿İma' ilrey lan xanuc' judío?

Jesús italai'e'e'ma, timi:

—Al linca lofcuapa.

³ Lixanuc' cal cuecaj ca'ailli' icuf'me juaiconapa.

4 Pilato icuis'econa'ma, timi:

—¿Te ima' aimotalai'ecoyacoxi? Joupa ocuejpa. Ticufhuo' acueca' lo'epa.

5 Jesus aiqitalai'e. Pilato aiqixina' te cocuaya. Icuapa lipicuejma': "Itca'a Jesús, ¿te aimitalai'e?"

6 Ajuic ajuic Pascua, Pilato ticu lane lan xanuc' tixahue'ete anuli litats'iya, tux'mas'ma.

7 Itta'a al juic tipa'a anuli litats'iya cuftine Barrabás. Itquiya i'noñinc'innila' jouc'a liyejmalepá. Itniya itsolimma ehuoc'huaipá cal gobierno romano. Ima'apá lan xanuc'.

8 Icuaita lan xanuc' pe lopa'a Pilato. Ixa'hue'me ti'eta' ma to mi'ay.

9 Pilato icuis'e'mola', timila':

—¿Nai ts'olpic'a? Imanc' unc'ijudío, ¿te cux'mas'ma łorey?

10 Tołta'a licua'ma Pilato, imetsaicola' itne lixanuc' cal cuecaj ca'ailli'. Ixina' te ts'i'ic' liłpicuejma'. Ixina' ti'eyi laic' Jesús, tołiya joupa icupá.

11 Lixanuc' cal cuecaj ca'ailli' icuxe'me, imi'me lan xanuc' timiłe Pilato tux'masnał' Barrabás.

12 Pilato icuis'econa'mola', timila':

—Itque łolacui'ipa olrey, ¿te caif'e'eya itquiya?

13 Ija'acona'me, italai'e'me, timiyi:

—¡Tapałts'ijnla' lancruz!

14 Pilato icuis'e'mola', timila':

—¿Te caifnepałts'ijncoya lancruz? ¿Te quixcay qui'epa?

Ija'a'me ujfxi, timiyi:

—¡Tapałts'ijnla' lancruz!

15 Pilato ipic'a tetenłcocotsola' lan xanuc'. I'e'ma to lixa'hue'me. Ux'masna'ma Barrabás, icuxe'ma tipalojle Jesús. Epi'ipola' lan soldado tepałts'ijnla' lancruz.

16 Lan soldado ileco'me Jesús łuna lejut'ł cal gobernador. Jilpiya łuna cuftine al Pretorio. Jilpiya efot'łe'mołtsi jahuay lił'as soldado.

17 Itats'mi'me Jesús lunxali cumi quijahua', ma to liłpijahua' lan rey. Ipuł'me anuli al corona quitac, ic'ommof'i'i'me lijuac Jesús.

18 Ipango'me inom'me, ija'a'me:

—¡Ałnonghuo', ima' itrey lan xanuc' judío!

19 Tuntaf'e'eyi lijuac ajaxa, titsułc'oyi. Exc'onłingai'me.

20 Lijoupa lixocopa, ipa'e'e'me lunxali cumi quijahua', itats'miconam'e ma lipijahua'. Ileo'me ipa'anca lema quiłya', tepałts'ijnla' lancruz.

21 Miyeyi lane italecuf'me anuli cal xans cuftine Simón, łas Cirene. Itque it'ailli' Alejandro jouc'a Rufo. Icuaiico'ma qui'huayonamma cal 'ec. Icuxe'e'me titaiła' lencruz Jesús.

22 Icuai'etsa Jesús petsi cufine Gólgota, luhuałquemma: Lamats' Quecoye.

23 Jiłpiya icufi'me al vino ihuantsi al mirra. Ja'ni tixnał'a aijtine mixingufcoya łumla. Jesús aiqixnaic'.

24 Epałts'ingim'me lancruz. Lan soldado if'ilco'me lipijahua', naitsi nolijya. Anuli anuli tulij'ma locuaiya quimane.

25 Ixhuaita al pella 'hora lepałts'ijm'me Jesús lencruz.

26 Ipo'nompá lacaxma loya'apa licuxecompa Jesús, ticua: "Iłca'a ilrey lan xanuc' judío".

27 Jesús epałts'ingimpola' oquexi' linma'ahuale. Anuli tipa'a al c'a camane, łocuena loxa camane.

28 Ma tołta'a enanłcopa al Paxi Linilijngiya loya'apa: "T'e'empá ma to lo'e'enyacola' lan xanuc' ni'epá lixcay".

29 Lan xanuc' noyalaicopá jiłpiya imiloj'me cataiqui', ife'ne'me liłjuac, timiyi:

—Ima' lofmetełya al cuecaj xoute', tijouł'a afane' quitine joupa olanc'econapa,

30 ne', taimunni lomencruz. ¡Tonłu'exoxi!

31 Lixanuc' cal cuecaj ca'ailli', jouc'a lomxiye nomuc'iyalepá locuxepa LanDios ixoco'me, timiyotłsi:

—Iłque unłu'epola' locuenaye. Itsiya aimi'iya munłu'eyacoxi.

32 Illanc' ixanuc' Israel, ja'ni iłque ałrey, ja'ni aCristo, ¡timunni lencruz! Ałsinłe illanc', tijouł'a lapenuf'me.

Iłniya lepałts'ingimpola' Jesús imiloj'me cataiqui'.

33 Li'i'ma menac'o imufc'o'ma jahuy lema'a. Ni petsi li'a lamats' tocomma ipuqui'.

34 Al fanej hora lummuhuijma' Jesús ija'a'ma ujfxi, ticua:

—Eloí, Eloí, ¿lama sabactani?

Iłiya lohuałquemma ticua: "Ima' mainenDios, ¿te calacanułcopa?"

35 Timana' lan xanuc' nacaxolanna jiłpiya icuej'me lines'ma Jesús, iłniya lines'me:

—¡Xinła'! Tijoc'i cal profeta Elías.

36 Anuli cal xans icuaiconni tinu, ijac'eco'ma al esponja acuxac vino. Icants'i'ma al jaxa, i'nof'e'ma lico Jesús, titsif'la'. Iłque cal xans ticua:

—¡Tołe! Ałsim'me ja'ni ticuaihuo Elías, tipułna'ma lencruz.

37 Jesús ija'a'ma ujfxi. Exnalif'ma, imana'ma.

38 Lijahua' lojujnya al cuecaj xoute' its'ałquenni quituca', al toncay itejmay lamats'. Iłe lijahua' lipa'ne jiłpe Lajut'ł Xonca al Paxi.

39 Nocuxepola' lan soldado tecaxu anujnca lencruz Jesús, tehuelonge. Ixim'ma Jesús lima'ma ma mija'e' tołta'a. Ticua:

—Ma' ałnca iłca'a cal xans i'Hua LanDios.

40 Timana' lacał'no' tecaxolanna aculi', tehuelojnyi. Tipa'a María łas Magdala, tipa'a María quil'máma' Jacobo y José.

Itque Jacobo teciui'impá: Lijoujma. Jouc'a tipa'a taca'no' cuftine Salomé.

⁴¹ Mipa'a Jesús al distrito Galilea ihniya laca'tno' ihuejpá Jesús, itoc'ipá, ites'mipá. Małpiya tehuelojnyi Jesús mipa'a lencruz timana' locuenaye laca'tno' jouc'a. Ine y Jesús anuli icuaiyunca Jerusalén.

⁴² He litine avispera. Lihuequi litine itine conxajya. Joupa if'acolaipa.

⁴³ Anuli cal xans cuftine José, las Arimatea, i'hua'ma ixintsi cal gobernador Pilato. Itque José acuecaj xans, anuli pe ihniya nafot'lepotsi noxpijpá lataiqui'. Itque i'huaijma ticuaitsi litine jahuay lan xanuc' tihuejcole LanDios hiCuecaj Rey. José i'e'e'moxi acueca' hunxajma'. Itsufai'ma pe lopa'a Pilato, ixahue'etsi tepi'inate licuerpo Jesús.

⁴⁴ Pilato ticua: “Ma' imaf'i' Jesús, aikuimac”. Ijoc'i'ma nocuxepola' lan soldado. Icuis'e'ma ja'ni joupa imapa Jesús.

⁴⁵ Nocuxepola' lan soldado timi: “Linca, joupa imapa Jesús”. Pilato epi'i'ma lane José tilecotsi licuerpo Jesús.

⁴⁶ José ipułna'ma licuerpo Jesús jilpe lencruz. Iju'eco'ma afujca quijahua' lilanc'ecompa alino, i'na'apa ats'e. I'nicohuo'ma anuli hunts'aja', ipuc'o'iya łapic. Imef'ma anuli cal cueca' capic, ipa'neco'ma lico hunts'aja'.

⁴⁷ María las Magdala, jouc'a María qui'máma' locuenaj José, ehuelojm'me pe lipo'no'enghuo'me licuerpo Jesús.

16

¹ Luyai'ma litine conxajya María las Magdala, María qui'máma' Jacobo, jouc'a taca'no' Salomé, iye'me i'natsa laceite tujuej c'a ti'huof'ita licuerpo Jesús.

² I'i'ma quitine al te'a quitine al xamano. (Ihiya adomingo.) Tipammaiyumma cal 'ora, icuaitsa hunts'aja'.

³ Timiyotłsi:

—¿Naitsi laliłonc'e'eyacongá łapic łeti'icoya lico cunts'aja'?

⁴ Lixim'me lico cunts'aja' ixim'me joupa ilonc'empa łapic, ipo'nompa jilpe anuli liju'. Itque łapic juaiconapa acueca'.

⁵ Itsuflai'me hunts'aja', ixim'me al c'a camane ticutsu anuli łamijcano. Afujca lipijahua', axehuay. Ixpailij'mola'.

⁶ Łamijcano timila':

—Aimixpailij'molhuo'. Tolahueyi Jesús las Nazaret, małque łepalts'ingimpa. Ilque ailopa'a fa'a. Joupa imaf'inapa. ¡Tolahue-longunca! Jifa'a lipo'no'empa licuerpo.

⁷ Imanc' tonłente, tolu'itsola' ts'ilihuequi Jesús, jouc'a Pedro, tołmitsola': “Jesús ti'hua'ma Galilea. Tołcuaitsa jilpiya tołtalecufıta ma to limipolhuo'.”

⁸ Lacaŋ'no' ipalunca ħunts'ēja'. Inul'me. Juaiconapa tix-pailiquila', tiyula'. Nij naitsi lu'ipa.

⁹ Jesús imaf'ina'ma liĥic'ejma' al te'a quitine al xamano, iĥiya adomingo. Imuj'moxi ate'a María ħas Magdala, iĥque ħaca'no' ĥipa'empa acaitsi lontahue.

¹⁰ Iĥque i'hua'ma u'itsola' liyejmalepá Jesús. Iĥniya tihuotsoyi, tijolijyi.

¹¹ María timila':

—Jesús imaf'i'. Iya' aiximpa.

Iĥniya aiĥuil'aic' ĥinca locuapa.

¹² Jesús imuj'cona'moxi pe lomana' oquexi' ts'ilihuequi. Jiĥniya tiyeyi lane ticuaita cal 'ec. Imuj'moxi tocomma ipaicomma.

¹³ Iĥne loquexi' ipailiconanca, licuaita pe lomana' liĥpimaye, uya'a'me liximpa Jesús. Liĥpimaye inescona'me: “A'ij ĥinca”.

¹⁴ Lijou'ma Jesús imuj'moxi pe lomana' limbamaj nuli ts'ilihuequi. Iĥniya titetsoyi. Itale'mola' iĥniya nonespá: “A'ij ĥinca iĥe loya'apa laĥpimaye. Aiĥuimaf'i' Jesús.” Ixim'mola' ata liĥpicuejma'.

¹⁵ Jesús timila':

—Tonĥe ni petsi li'a ĥamats'. Toluya'atsa Lataiqui' loya'apa iĥe al c'a lixp'ic'epa ĤanDios. Tolu'itsola' jahuay lan xanuc'.

¹⁶ Iĥne napenufyacu Lataiqui', tepoliĥe, iĥniya tunĥul'me. Naitsi aimepenufi Lataiqui', iĥque tecani'ma.

¹⁷ 'Tixinim'me al cueca' lo'eyacu iĥne napenufyacu Lataiqui'. Tipa'a'me lontahue litsufłaipá lan xanuc', tipalai'me ituca' liĥtaiqui'.

¹⁸ Ja'ni ti'noĥe lainofat'ĥ o tixnaĥe cafxi cummaiya ailopa'a co'e'eyacola'. Tixpayaf'me liĥmane lafcualĥay, iĥne tixaĥcona'mola'.

¹⁹ Lijoupa limipola' toĥta'a caĥ'Ailli' Jesús if'ajna'ma lema'a. Jiĥpe icutsingaitsi al c'a camane ĤanDios.

²⁰ Ts'ilihuequi Jesús ipalunca. Ni petsi uya'atsa Lataiqui', iĥe loya'apa al c'a lixp'ic'epa ĤanDios. ĤanDios liyejmalepa, i'e'ma acueca'. Toĥta'a imuc'i'mola' lan xanuc' alinca Lataiqui' loya'apa ts'ilihuequi Jesús.

LATAIQUI' LINIĒPA SAN LUCAS LOYA'APA IĒE AL C'A LIXPIC'EPA ĒANDIOS

1-4 Ima' cumTeófilo, iya' ninLucas cumme'ehuo' coje'e. Ita'a al je'e tuya'e' li'ipa fa'a łamats'. Lałpimaye nepenufpá liłpenic' tuya'ayi Lataiqui', iĒe loya'apa al c'a lixpíc'epa ĒanDios. İniya joupa lu'iponga' li'ipa, iximpá.

Axpela' lapimaye joupa iniłpá liłje'e loya'apa tołta'a li'ipa. Iya' jouc'a aixpic'epa quinił'ma laiĒe'e. Cacua: İĒque Teófilo joupa imuc'impá litaiqui' Jesucristo. Jouc'a ipic'a quije'e loya'apa te ts'i'ic' li'ipa.

Iya' joupa aixhuepa ĵiĒe li'ipa, aipalaic'opola' lapimaye ts'İhsina' te ts'i'ic' li'ipa İniya İtiné. Aixpot'İenapa litaiqui'. Cuya'e' te ts'i'ic' lipangopa, jouc'a cuya'e' te ts'i'ic' lijoucopa. Ima' toxhueła', tołta'a ti'i'ma coxina' te ts'i'ic' Lataiqui' limuc'impo', iĒe tuya'e' al İnca.

5 Micuxe Herodes al distrito Judea tipa'a anuli ła'ailli' cuf-tine Zacarías. İĒque jouc'a lif'as ca'ailli' ti'e'me canic' al cuecaj xoute'. Mi'huajco'mola' munaitola' ti'e'me canic'. İniya ix-anuc' Abías.

Zacarías lipeno cuftine Elisabet. İĒque Elisabet İtatahuelo cuftine Aarón.

6 Loquexi' ac'a xanuc', tihuejcoyi jahuay locuxepa ĒanDios, jahuay loya'apa litaiqui' ĒanDios. Aiquimenaquila'.

7 Tama etenłcocopa ĒanDios İniya lił'ejma' ailopa'a quili'hua. Elisabet ijuiqui caca'no'. Loquexi' joupa itsilojnapola'.

8 Icuaitsi litine ti'eta canic' lixanuc' Abías, Zacarías i'hua'ma al cuecaj xoute', ti'eta canic' ma to locuxepa ĒanDios, İĒque a'ailli'.

9 Zacarías ec'aillmaita lipenic' titsufai'ma al paxi cajutł, tipi'eta ĵipac'ec. Tołta'a mi'eyi la'ailli' ĵiłpe al cuecaj xoute'.

10 Locuenaye lan xanuc' aimitsuflaiyi al paxi cajutł. Ailopa'a lane. İniya tiłmanemma łuna. ĵiĒe litine mipi'e ĵipac'ec Zacarías, axpela' lan xanuc' comana' łuna ĵiłpe al paxi cajutł.

11 Małpiya lajutł imaxcaitsi anuli łapaluc quema'a łummepa cał'Ailli' ĒanDios. Łapaluc quema'a ecax'ma al c'a camane al altar petsi lopi'eyompá ĵipac'ec.

12 Lixim'ma łapaluc quema'a Zacarías ixhuełconni. Ticua: "¿Te iłca'a?" İxim'ma axpaiqui' juaiconapa.

13 Łapaluc quema'a timi:

—CunZacarías, aimixpaij'mo'. ĒanDios joupa icuejpa lox-ahue'epa. Elisabet łopeno tipo'no'e'mo' co'hua amijcano. Ima' tacui'i'ma Juan.

14 Itque la'hua tetenlcoco'mo' juaiconapa, tixoc'i'mo' meta. Tipajntsi itque tixoj'ma quileta axpela' lan xanuc'.

15 "Titojla' itque LanDios timetsaico'ma acueca' xans. Aimixnaya al vino, jouc'a aimixnaya mimeyojya. Itque Juan, ma litine tipajntsi, joupa ticuxe lipicuejma' cal Espiritu Santo.

16 Tilanc'e'e'mola' lipicuejma' axpela' lan xanuc', ihniya ixanuc' Israel. Tohta'a tihuejcona'me hilenDios.

17 Ti'huaj'me'ma ca'Ailli' LanDios. Lipicuejma' ti'onlcota to lipicuejma' cal profeta Elías. LanDios tepi'i'ma quimane ma to lepi'ipa limane Elías. Tilanc'e'e'mola' lipicuejma' lan xanuc' jouc'a lihnaque', ti'itsola' anuli. Tilanc'e'e'mola' lipicuejma' lincuejlocale, ti'i'ma ahjca lipicuejma', tihuejcole LanDios. Tohta'a ca'Ailli' LanDios tixim'mola' ixanuc' joupa ixanghuaitola' lipicuejma', timetsaico'mola'.

18 Zacarías icuis'e'ma, timi hapaluc quema'a:

—¿Te ts'i'ic' mi'iya caixina' ja'ni lo'iya to lahmipa? Iya' joupa ahtojpa, jouc'a hapeno joupa itojpa caca'no'.

19 Hapaluc quema'a italai'e'ma timi:

—Iya' ninGabriel. Itine itine cacaxu pe lopa'a LanDios. Itque nalummepa capalaic'otso', cu'itso' itla'a lataiqui', ite loya'apa al c'a lixpica'epa LanDios.

20 Itsiya cami'mo' lo'iyaco'. Aimopalaiconaya. Tijoula' tipajntsi co'hua topalaina'ma. Tama ima' aimalcuec'e laitaiqui', toxim'ma al linca ite laimipo'. Tixhuaitsi litine tenant'ma laitaiqui'.

21 Lan xanuc' nacaxhuoñanna luna ih'huaijma tipanni Zacarías ticuayi: “¿Te qui'ipa? ¿Te cocolcopa?”

22 Lipanni Zacarías aimipalay, aimi'i. Ipanenni ch'ix. Tohta'a i'ipa quilsina' te ts'i'ic' li'ipa jilpe al paxi cajut'l. Jilpe iximpa limucaipa LanDios. Itsiya Zacarías le'a timuc'icola' limane. Aimipalay.

23 Mi'ay lanic' Zacarías ipanenni jilpe al cuecaj xoute'. Lijou'netsi lipenic' i'huaana'ma lejut'l.

24 Lijou'ma ixim'me innay lipeno Elisabet. Amaquej mut'la emi'moxi, ipajm'ma lejut'l.

25 Ticua: “Itte la'ipa at'e'epa ca'Ailli' LanDios. Itque alsimpa nincuanuc', lilonc'e'epa laipelaic'ata. Lan xanuc' aimalatets'iconaya.”

26 Lixhuaitsi acamts'us mut'la LanDios icuxe'epa ti'huala' hapaluc quema'a cuftine Gabriel. Umme'ma liya' Nazaret lopa'a al distrito Galilea.

27 Jilpe Nazaret tipalaic'otsi anuli lahuats'. Joupa inanc'opotsi temalki'me anuli cal xans cuftine José. Cal rey David itatahuelo itque José. Lahuats' cuftine María.

28 Icuaitsi hapaluc quema'a, itsufai'ma pe lopa'a María, timi:

—CumMaría, canonhuo'. Cu'ihuo' linespa ÑanDios. Iñque titoc'i'mo' acueca', etentococopa lopicuejma', aimecanujyaco'. Ima' xonca acueca' lipaxnepo'. Toñiya aiquipaxnela' lof'as cacal'no'.

²⁹ Licuej'ma ñe lataiqui' María ixhuełco'ma juaiconapa. Timiyoxi: “¿Te canonacopa tołta'a?”

³⁰ Ñapaluc quema'a timi:

—María aimixpaij'mo'. Ñinca titoc'i'mo' ÑanDios.

³¹ Ima' toxim'moxi minnay. Tipajntsi co'hua tacui'i'ma Jesús.

³² Iñque ti'i'ma acueca' xans. Tecui'im'me: Li'Hua ÑanDios, iñque cal Cuecaj Xonca. ÑanDios tepi'i'ma quimane ticuxe'ma to licuxepa cal rey David, iñque itatahuelo.

³³ Lo'hua ticuxe'mola' lixanuc', ñne ixanuc' Jacob. Nij naitsi naipa'eya limane. Locuxeya aimijouya.

³⁴ María icuis'e'ma ñapaluc quema'a, timi:

—¿Teñe co'ya? Iya' nahuats'. Ailopa'a caipe'ailli'.

³⁵ Ñapaluc quema'a italai'e'ma timi:

—Cal Espiritu Santo timuhuo pe lofpa'a. Toxinguf'moxi lipepaxi ÑanDios, iñque cal Cuecaj Xonca. Lo'hua łopajnya ma' i'huexi ÑanDios. Tecui'im'me: Li'Hua ÑanDios.

³⁶ Łopima Elisabet, tama itojpa caca'no', itsiya innay. Luyaipa quitine tinescoyi, timiyi: “Ima' mijuiqui”. Itsiya ixhuaita acamts'us mut'ła' innay.

³⁷ ÑanDios aimixina quipime. Jahuay nipajnya ti'e'ma.

³⁸ María timi:

—Ne'. ÑanDios aiPoujna. Ma to lañmipa, tołta'a ti'ila'. Tołta'a cuyaicoła'.

Ñapaluc quema'a ipanni pe lopa'a María, i'huanapa.

³⁹ Iñiya ñitine ipanni María lipiñya'. Aiquicoł'ma, i'hua'ma jijualay, ticuaita anuli liñya' lopa'a al distrito Judea.

⁴⁰ Icuaitsi liñya' itsufai'ma lejut'ł Zacarías, inom'ma Elisabet.

⁴¹ Jilpe al 'hora licuej'ma Elisabet tinoninni, h'hua ło'nico licu'u iyuf'conni. Cal Espiritu Santo ticuxe lipicuejma' Elisabet.

⁴² Ipalai'ma ujfxi, timi María:

—Ima', xonca acueca' lipaxnepo' ÑanDios. Tołta'a aiquipaxnela' lof'as cacal'no'. Joupa apaxi ło'hua ło'nico locu'u.

⁴³ Itsiya aixina' acueca' lał'ipa. Iya' ni naitsi caca'no'. Ima' łotaic' łaiPoujna, ti'i'mo' i'máma' iñque. Itsiya ocuai'ma pe laifpa'a, lahuenge.

⁴⁴ ¡Xinła! Laicuejpa lañompa, jilpe 'hora, łai'hua ło'nico laicu'u iyuf'comma. Juaiconapa ixocomma queta.

⁴⁵ Al ñinca, ima' toyaijma al c'a. Mepenufpa linespa ÑanDios, ñe limipo'. Onespa: “Ñe lataiqui' tenant'ma”.

⁴⁶ María ines'ma:

Iya' cax'najtsi'i cał'Ailli' ŁanDios.

⁴⁷ Tixoqui neta ca'nujuaitsi ŁanDios, iłque Łalunlu'eya.

⁴⁸ Iya' tama ni naitsi cahuats' iłque aicalatets'i', ałpaxnepa.
Lan xanuc' ticua'me: "Iłque María al c'a tuyaijma".

Tołta'a tines'me lan xanuc' nomana' itsiya, jouc'a nomajnyacu
locuaicoya quitine.

⁴⁹ Cal Cuecaj CanDios ałtoc'ipa juaiconapa ałpaxnepa.

Ma' iłque cal Paxi CanDios.

⁵⁰ Iłque tixinnila' acuanuc'la jahuary lixanuc', iłne noxpaiç'epá.
Iłne nomana' itsiya litine, jouc'a nomajnyacu locuaicoya qui-
tine.

⁵¹ Iłne lan xanuc' nonescopołtsi: "Iłlanc' ninc'tsilaj xanuc'",
ŁanDios joupá eca'nepola' ni petsi li'a łamats'.

Tołta'a imuc'ipola' acueca' lipujfxi, acueca' lo'epa.

⁵² Iłonc'e'epola' liłmane lan tsilaj quincuxepá.

Lijoupa epi'ipola' liłmane lan xanuc' xonca a'ojca.

⁵³ Pe nonle'epá ites'minapola' xonca ixhuitola'.

Iłne pe ts'ił'hueca acueca' quił'huexi,
ummenapola' ixcuajma liłmane, ailopa'a quepi'ipola'.

⁵⁴⁻⁵⁵ ŁanDios łalPoujna ałtoc'iponga',

iłlanc' ixanuc' łalıtatahuelo Israel, iłque inięto Abraham.

ŁanDios joupá inespá: "Caxim'mola' acuanuc'la, catoc'i'mola'
iłniya Abraham, hi'hua jouc'a linaxque' hi'hua.

Catoc'i'mola' jahuary lixanuc' Abraham, iłque itatahuelo
iłniya."

ŁanDios aikuimenc'ejma iłniya litaiqui' limipola' łalıtatahueló.

Ma to limipola', tołta'a li'epa.

⁵⁶ María ipajnhuo'ma to afanej mut'ła lejut'ł Elisabet. Li-
jou'ma i'huana'ma ipainanni lejut'ł.

⁵⁷ Lixhuaitsi al pelłá mut'ła Elisabet ipo'no'ma hi'hua. Ipa-
jntsi amijcano.

⁵⁸ Lan huejnca lan xanuc' jouc'a lipimaye Elisabet icuej'me
li'epa łalPoujna ŁanDios, iłque iximpa cuanuc' Elisabet, acueca'
litoc'ipa.

⁵⁹ Lixhuaita al paico quitine efot'łunni ti'e'me ma to lił'ejma'.
Cołá' tecui'i'me Zacarías ma to lipuftine qui'ailli'.

⁶⁰ Qui'máma' italai'e'e'mola' timila':

—A'i. Lacui'i'me Juan.

⁶¹ Italai'e'me, timiyi:

—¿Te colacui'icoyacu Juan? Łalpimaye, ailopa'a que-
cui'impá tołta'a.

⁶² Iłpalaic'oco'me le'a liłmane qui'ailli' łahuac'hua. Icuis'e'me:

—¿Te cofcuapa? ¿Te całtine calacui'iyacu łamijcano?

⁶³ Zacarías ixahue'e'ma tini'inle anuli la'hua caxma tini'l'ma. Ini'im'me. Itque ini'l'ma: "Lipufine aJuan". Lan xanuc' aiquilcuc'e li'ipa. Ticuayi:

—¡Tolsinte! ¡Ini!pa: "Juan"!

⁶⁴ Aiquicol'ma, ixahna'ma leloc' Zacarías, uhualquenamma lipal, tipalay. Ix'najtsi'i'ma LanDios.

⁶⁵ Lan huejnca lan xanuc' xpailij'mola'. Ixim'me acueca' li'ipa. Lan xanuc' ni petsi hijualay al distrito Judea tuya'ayi li'ipola' Elisabet y Zacarías.

⁶⁶ Licuej'me ticuis'eyohtsi, timiyohsi:

—Itque lamijcano: ¿Te co'eya? y ¿te co'ia?

LanDios itoc'i'ma lamijcano, ipaxne'ma.

⁶⁷ Cal Espíritu Santo icuxe'ma lipicuejma' Zacarías. Ma to Landios mimi, ma tohta'a Zacarías tuya'e'. Tuya'e':

⁶⁸ ¡Ats'najtsi'i'me LanDios, itque lalanDios illanc' ixanuc' Israel! Altoc'iponga', tocomma aluhualponga' petsi itne la'e'eponga' laic'.

Hniya aimalulijyaconga' illanc' ixanuc' LanDios.

⁶⁹ LalanDios, itque iPoujna cal rey David, lapi'iponga' Laluntu'eyaconga'.

Maque cal rey David itatahuelo itque.

⁷⁰ Luyaipa quitine LanDios u'ipola' lipaxij profeta tohta'a lo'eya. Hniya u'iyale'me, u'im'mola' lahtatahueló.

⁷¹ He litaiqui' LanDios tuya'e' te ts'i'ic' lahtoc'iyaconga'.

Ticua: "Cuntu'e'molhuo"; itne naixtuc'opolhuo' aimulijyacolhuo'.

Jouc'a no'epolhuo' laic' ailopa'a co'eyacolhuo'."

⁷² Ticua: "Iya' aiquimenc'ecoyacola' laixanuc'".

Itne lixanuc' LanDios mañiya lahtatahueló illanc'.

LanDios i'nujuaitsi lipaxi cataiqui', ite lipo'no'ipola' lixanuc'. q

⁷³⁻⁷⁵ Joupa inespa luntu'e'monga', aimalulijyaconga' itniya nalixtuc'oponga'.

LanDios tohta'a limipa lahtatahuelo Abraham.

Joupa icuapa alpo'no'monga' pe ailopa'a caxpaiqui', jilpiya laxc'onlingotai'me lalanDios.

Jahuay lalunxajma' lihuej'me LanDios, aimal'econayacu lixcay.

Mañmana' fa'a li'a lamats', jahuay lapitine, luyalaico'me to luyalaicopa lixanuc' LanDios, itque cal Paxi.

⁷⁶ Ima' mai'hua Juan, tecui'im'mo' umprofeta.

Toya'a'ma litaiqui' LanDios, itque cal Cuecaj Xonca.

Ima' to'huaj'me'ma laPoujna, tolanc'e'ma lipene.

⁷⁷ Tomuc'i'mola' lixanuc' LanDios.

Tohta'a ti'i'ma quilsina' LanDios tuntu'e'mola', timenc'e'eco'mola' li'epa.

⁷⁸ LanDios alsimponga' ninc'icuanuc'la.

Tiyuf'tsi cal 'ora lapalc'o'i'monga'; ma toŧta'a lapalc'o'iponga'
 LanDios, iŧque Nopa'a lema'a.

79 Toŧta'a tulif'ena'mola' lan xanuc', maŧniya itsiya
 aiŧquepalc'o'ila'.

Ihniya tocomma amuf liŧpicuejma', ti'huaicoyi ma le'a lamaya.
 Ahecona'monga' al c'a cane, jiŧpe aimatsueŧmot'leconayacu.

80 Lamijcano ti'hua titoqui. I'i'ma acueca' lipicuejma'. Ai'a
 ti'e'ma lipenic' LanDios, iŧque Juan aiŧquimujyoxi. Tipa'a
 pe ailopa'a quiŧya'. LanDios tu'i'ma te litine timuj'moxi.
 Tuya'a'ma litaiqui' LanDios, tiquimf'ele lipimaye, iŧne lixanuc'
 Israel.

2

1 Ihniya litiné cal cuecaj quincuxepa cuftine César Augusto.
 Ni petŧi lomana' lan xanuc' ticuxe'ela' tiyente liŧpitolŧya' pe
 limajnllyota liŧtatahueló. Jiŧpiya tiniŧinginnola' liŧpuftine.

2 Toŧta'a lipangopa lan cenŧo fa'a li'a lamats'. Li'ipa aimi'eyi
 toŧta'a. Ihniya litiné iŧcuxepa cuftine Cirenio ticuxe lamats' Siria.

3 Jahuay lan xanuc' itsehuc' me liŧpitolŧya' liŧtatahueló,
 iniŧinginhuc'mola' liŧpuftine.

4⁵ José y María ipalunca liŧpiŧya' Nazaret lopa'a al distrito
 Galilea. Iye'me al distrito Judea, liŧya' Belén, tiniŧinginnola'
 jiŧpiya liŧpuftine. Iŧe liŧya' Belén ipiŧya' liŧtatahuelo José, iŧque
 cal rey David. Ihniya José y María inonc'opoŧŧi temali'me.
 Aiŧquejonŧiyotŧi. María innay.

6 Mimana' liŧya' Belén, ixhuitŧi litine tipajnta li'hua María.

7 Jiŧpiya ipo'no'ma cal te'a li'hua, iŧque amijcano. Iju'e'ma
 quiŧjaha', unaj'mi'ma pe lotetsoyopa linneja. José y María
 epi'impola' lajut'ŧ pe loxmaipa linneja. Locuena lajut'ŧ
 imanna xanuc', ailopa'a comanc'eyacu.

8 Maŧpiya liŧya' Belén, ma' ahuejnca, timana' nohuic'ipá
 mot'ŧ. Iŧe lipuqui' comana' iŧmuc'o', ti'eyi cuenna liŧmot'ŧ.

9 Pe lomana' ihniya nohuic'ipá mot'ŧ icuai'ma anuli lepaluc
 ca'Ailli' LanDios. Epalc'o'i'mola' al cueca' al paxi lipepalc'o'
 LanDios. Lixim'me, ixpailij'mola' juaiconapa.

10 Lapaluc quema'a ipalaic'o'mola', timila':

—Aimixpailij'molhuo'. Cu'i'molhuo' al c'a li'ipa. Ni petŧi
 lomana' lan xanuc' tixoj'ma quileta.

11 Itsiya jiŧpe liŧya' pe lipajnyota cal rey David, maŧpiya
 ipajnta Lonhu'eyacolhuo'. Iŧque aCristo laŧPoujna.

12 Jiŧpe liŧya' toŧsinna laca'hua camijcano, iju'eya quiŧjaha',
 tunouya pe lotetsoyopa linneja. Toŧsinŧa toŧta'a ti'i'ma colŧina'
 lainu'ipolhuo' al linca.

13 Aiŧquicol'ma ixim'me axpela' lapaluc' quema'a icuai'me
 jiŧpiya pe lopa'a lapaluc hummepa LanDios. Ihniya tix'najŧŧi'iyi
 LanDios ticuayi:

14 Jahuay nomana' xonca al toncay lema'a tix'najtsi'ile LanDios, timile:

Ima' manDios, linca umCueca'.

Lan xanuc' nomana' li'a lamats', ihniya pe latencocopa LanDios, aimixhuehmot'lecona'me.

15 Lapaluc' quema'a ipailinamma lema'a. Nohuic'ipá mot'ł ipalaic'o'moltsi, timiyoltsi:

—¡Cuej! ¡Lepá liya' Belén! ŁaŁPoujna LanDios joupá ałmiponga' te ts'i'ic' li'ipa. ¡Lepá, ałsinna!

16 Aiquicoł'mola' iye'me. Licuaitsa Belén ixintsa María jouc'a José jouc'a łacapími', ilque tunouya petsi lotetsoyopa linneja.

17 Liximpá łapími' nohuic'ipá mot'ł uya'a'me limipola' łapaluc quema'a, ilque ipalaicopa łacapími'.

18 Lan xanuc' licuej'me loya'apa nohuic'ipá mot'ł ticuayi: “¡Xinła! Acueca' li'ipa.”

19 María ailopa'a quicuapa. Jahuay ti'nujuaitsi. Itine itine ti'nujuaitsi, timiyoxi: “Tołta'a tołta'a li'ipa”. Aiquimenc'ejma.

20 Nohuic'ipá mot'ł ipailinamma, ticuaita pe lomana' liłmot'ł. Miyeyi lane tix'najtsi'iyi LanDios. Tix'najtsi'iyi liximpa, tix'najtsi'iyi lataiqui' licuejpa. Ticuayi: “ManDios, acueca' ima', acueca' lof'epa”.

21 Lixhuaitsi al paico quitine i'e'me circuncidar łamijcano, ipo'no'i'me quiseña licuerpo. Ecu'i'm'me Jesús. Tołta'a laftine łapaluc quema'a lu'ipa ma quinnay María.

22 María ihuejco'ma litaiqui' Moisés, i'huej'moxi. Lixhuaita ihniya litiné María y José ileco'me la'hua Jesús, i'hua'a'me al cuecaj xoute' lopa'a Jerusalén. Timuc'ita LanDios łaŁPoujna, tipaxnela'.

23 Ti'e'eta ma to licuxepa łaŁPoujna LanDios. Ite lataiqui' linihjmpa Moisés, tuya'e': “Cal te'a lo'hua łopajnya, ilque i'huexi LanDios”.

24 Jouc'a titsufcota ma to loya'apa lataiqui' petsi linihjmpa locuxepa LanDios. Jiłpe ticua: “Totsufco'ma oquexi' laiycucú, o oquexi' lan jałmu”.

25 Jiłpe al cuecaj quilya' Jerusalén tipa'a anuli cal xans cuftine Simeón. Ilque ałijca xans, ihuequi jahuay locuxepa LanDios. I'huajma ticuaitsi litine LanDios acueca' titoc'iconatsola' lixanuc', ihniya ixanuc' Israel. Cal Espíritu Santo ticuxe lipicuejma'.

26 Ilque cal Espíritu Santo joupá lu'ipa: “Toxim'ma cal Cristo. Toxim'ma ai'a tima'mo'.”

27 Cal Espíritu Santo umme'ma Simeón ti'huała' al cuecaj xoute'. Małpiya al 'hora icuaitsa José y María, ilfejma la'hua Jesús. Ti'e'me ma to micua locuxepa LanDios.

28 Simeón lixim'ma la'hua Jesús ipulai'ma, ix'najtsi'i'ma ÑanDios, timi:

29 ManDios maiPoujna: Itsiya lapi'ila' lane, iya' aicax-huelcoconaya, almanla'.

Joupa enantpa lotaiqui' ima' lalupa'.

30 Cahuelonge ilca'a lomummepa, ilca'a Laluntu'eyaconga'.

31 Mummepa, icuai'ma fa'a li'a lamats'.

Ni petsi lomana' lan xanuc' ti'ila' quilsina' tohta'a li'ipa.

32 Ilque Epalc'o', tepalc'o'i'mola' lipicuejma' lan xanuc', ilne aimimetsaicohuo' ima' manDios.

Illanc' oxanuc', ima' malanDios, ilque lixoc'i'monga' acueca' calata.

Ahnes'me: "Illanc' ixanuc' Israel, ilque alpilya' xans".

33 José jouc'a qui'máma' Jesús ticuayi: "¿Te copalaicocopa tohta'a la'hua? Aicalcueca."

34-35 Simeón ipaxne'mola', timi María qui'máma':

—ÑanDios joupa ixpic'epa lo'iya ilca'a lo'hua. Ummepa fa'a li'a lamats' ÑanDios tipa'a lomuc'iyacola' lan xanuc'. Ilne aimepenufyacu, tinesc'e'me. Ima' jouc'a totelco'ma acueca' cumla, toxim'ma to lix'ay al cutsilo titsufai'ma lomunxajma', tixcai'e'mo'.

Hualca aimetenlcocoyacola' lo'hua, ilne tejac'mola'. Hualca tetenlcoco'mola', ilne tuyalaico'me al c'a. Jilpe tixinim'me te ts'i'ic' lipicuejma' axpela' lan xanuc', ilne ixanuc' Israel. Timuj'moltsi ja'ni ac'a o ja'ni ixcay lipicuejma'.

36 Iniya litiné tipa'a jilpiya al cuecaj xoute' anuli laca'no' lipuftine Ana. Qui'ailli' cuftine Fanuel, joupa imanapa. Litatahuelo cuftine Aser. Laca'no' Ana aprofeta, tuya'e' lixpic'epa ÑanDios. Joupa itojnapa caca'no'. Ilque Ana apotsate, ilecopoltsi hipe'ailli' acaitsi camats', joupa imanapa.

37 Itsiya ixhuaita amalpuj nuxans malpuj camats' apotsate. Aimipamma al cuecaj xoute'. Itine ipuqui' jilpiya texc'onlu. Aimitesma, tipalaic'o ÑanDios.

38 Mipalay tohta'a Simeón icuaiti jilpiya Ana. Ixintsi lahuac'hua Jesús, ix'najtsi'i'ma ÑanDios.

Jilpe al cuecaj xoute' timana' lan xanuc' ts'il'huaijma ÑanDios tunlu'ela' lipilya' Jerusalén. Ticuayi: "Aimalcuxecona'monga' la'eponga' laic'". Ana ipalaic'o'mola' jahuay ilniya, ipalaico'ma Jesús.

39 Jilpe al cuecaj xoute' José y María i'e'me locuxepa ÑanDios, enant'lipá jahuay. Lijou'ma ipailinamma, icuaita Nazaret lipilya' lopa'a al distrito Galilea.

40 Lamijcano ti'hua titoqui, jouc'a lipicuejma'. ÑanDios ti'hua tipaxne.

41 Amats' amats' micuaita al juic Pascua José jouc'a qui'máma' Jesús tiyeyi liya' Jerusalén.

42 Ixhuaitsi Jesús imbamaj coque' lemats' itse'me al juic ma to li'ejma'. Ileo'me Jesús.

43 Lijou'ma al juic Jesús ipanenni Jerusalén. José y qui'máma' Jesús aiqúisina'. Tiyeyi lane ticuainata li'piya'.

44 Ticuayi: "La'pimaye i'ejmale Jesús". Anuli litine tiyeyi lane. Lijou'ma ehue'me Jesús. Ehue'me pe loyepa li'pimaye, jouc'a limetsaicoyo'tsi.

45 Aiquixim'me. Ipailiconamma. Icuaicontsa Jerusalén ehuetsa ji'pe.

46 Ehuehuo'me afane' quitine.

Ixinghuona'me ji'pe al cuecaj xoute' pe lomana' lan tsilaj comxiye. Tiquimf'ela', ticuis'ela'.

47 Jahuay noquimf'epá timiyot'si: "¡Xinla'! Acueca' lipicuejma'. Ac'a juaiconapa titalai'e."

48 Lixim'me qui'máma' y José ticuayi: "¿Te qui'ipa? ¿Te co'ecopa to'ta'a?" Quimáma' timi:

—Mai'hua, ¿te ca'ecoponga' to'ta'a? Co'ailli' jouc'a iya' juaiconapa lahuehuo'. A'sue'coyi juaiconapa.

49 Jesús timila':

—Imanc', ¿te calahuecopa? Ticuicomma iya' capajm'ma lejut'í cai'Ailli'. ¿Te aga aico'sina' ita'a?

50 Ihiya aiqúicuec'e lomipola'.

51 Lijou'ma, iyena'me jouc'a Jesús. Icuainatsa li'piya' Nazaret. Jesús ihuejco'mola'. Qui'máma' aiqumenc'ecojma li'ipa. Jahuay i'huejpa lipicuejma'.

52 Jesús ti'hua titoqui. Ti'hua ti'i xonca acueca' lipicuejma'. Eten'coco'ma LanDios, lan xanuc' jouc'a eten'coco'mola'.

3

1-2 Juan, i'hua Zacarías, mipa'a pe ailopa'a qui'ya' LanDios ipalaic'o'ma, u'i'ma te ts'i'ic' lo'eya. Ihiya litiné ixhuaitsi imbamaj maque' camats' micuxe cal cuecaj quincuxepa cuftine Tiberias César. Poncio Pilato ticuxe al distrito Judea; Herodes ticuxe al distrito Galilea; Felipe ipima Herodes, ticuxela' lan distrito Iturea jouc'a Traconite. Lisancias ticuxe al distrito Abilinia.

Mimana' lan tsila' la'ailli' Anás y Caifás LanDios ipalaic'opa Juan.

3 Juan ihuejcopa limipa LanDios, ipanamma pe lopa'a, ti'hua jahuay lamats' lemaj panaj Jordán. Tuya'e', tu'ila' lan xanuc':

—Totsuej'menanca lo'epa lixcay. Tijoula' capo'i'molhuo'. LanDios ti'onc'e'ena'molhuo' lo'junac'.

4 Luyaipa quitine cal profeta Isaías inescopa Juan, uya'a'ma te ts'i'ic' lo'eya i'que. To'ta'a tuya'e' litaiqui' linitingiya lije'e, ticua:

Petsi ailopa'a qui'ya' tuya'e' anuli cal xans, tu'ila' lan xanuc':

“Toñanc'ele lipene ñapoujna, toñ'e'ele añijca lane pe loyaicoya.

⁵ Jahuay ñiculhuay tima'nim'me, jahuay hijalay ti'oquehuo, lan juentsolay ñaneya ti'ina'mola' hijca, ñaneya petsi juaiconapa capic, tilajn-na'mola'.

⁶ Jahuay lan xanuc' tixim'me ñanDios munñu'ela' lixanuc'.”

⁷ Icuaiyunca axpela' lan xanuc' ñpic'a tepo'itsola' Juan. Juan timila':

—Imanc' ti'onñcospolhuo' to lacañpo'. Añjc'a lonñejma'. ¿Naitsi limipolhuo' toñcuaiyunca tolapoñe? Imanc' toñcuayi: “Lapo'itsonga'. Toñta'a aimañteñco'me al cueca' cateñcoya locuaicoya.”

⁸ 'Iya' camilhuo': Ja'ni oñpic'a tolonñul—le, tonñ'ele al c'a ma to mi'eyi petsi al ñinca lixhuej'menammas. Aimoñnescona'me: “Abraham añtatahuo. ñque aimalacani'eyaconga'.” Camilhuo': ñanDios aimehue'e' lixanuc'. ñna'a lapic' nipajnya ti'e'e'mola' inaxquej Abraham.

⁹ ñanDios ti'onñicolhuo' to al 'ec. Joupa ipo'nompa ñateñconyacu huejnca ñime al 'ec. Ja'ni ixcay ñi'as, tixanc'onata ñunga.

¹⁰ Lan xanuc' icuis'e'me, timiyi:

—¿Te cañeyacu illanc'?

¹¹ Juan italai'e'e'mola', timila':

—Ja'ni tipa'a oque' lotsamalo, anuli tommi'ila' petsi aiqui'huca. Ja'ni tipa'a loñteja, tapi'i'ma pe ailopa'a coteja.

¹² Jouc'a icuaiyunca lin'najts'i'iyale, ñpic'a tepo'itsola' Juan. Icuis'e'me, timiyi:

—Momxi, illanc', ¿te cañeyacu?

¹³ Juan timila':

—Toñ'najtsi'iyaleñe al hijca. Aimoñfel'miyale'me.

¹⁴ Jouc'a lan soldado icuaiyunca, icuis'e'me, timiyi:

—Illanc', ¿te cañeyacu?

Timila':

—Aimoñnantsej'mola' lan xanuc'. Aimoñcuf'mola' lan xanuc' petsi ailopa'a co'epa. Tetentñcocotsolhuo' lo'najtsempolhuo'.

¹⁵ Lan xanuc' timiyolñsi:

—¿Te co'iya itsiya? ¿Naitsi xans ñca'a Juan? ¿Te ñca'a aCristo, ñque ñommeya ñanDios?

¹⁶ Juan timila':

—Iya capo'icolhuo' aja'. Ticuaihuo ocuena ñque xonca acueca'. Iya' aimañ'onñspa to ñque. Aimi'iya cuhuañc'e'eya lic'ej'. ñque tepo'ico'molhuo' cal Espíritu Santo jouc'a ñpañcunga.

¹⁷ ñque ticuaiyunni ti'onñcospa to cal xans nofusya litrigo. Ti'noñ'ma lofuscoya, tequeyañ'ma litrigo, tiñojm'ma ñpifuc cal trigo. Cal c'a trigo ti'huejnata lihua. ñpifuc tipi'enghua petsi ñunga aimipica.

18 Toŧta'a Juan ixc'ai'i'mola' lan xanuc'. Ti'hua tixc'ai'ila'. Jouc'a tu'ila' Lataiqui' loya'apa iŧe al c'a lixpíc'epa LanDios.

19 Juan jouc'a ixc'ai'i'ma Herodes. Iŧque Herodes exic'e'epa lipeno lipima. Laca'no' cuftine Herodías. Juan itale'ma Herodes toŧta'a li'epa. Jouc'a titale jahuay nixpiya lo'epa.

20 Herodes i'e'ma xonca acueca', itats'etsi Juan, i'nicotsi lacarza.

21 Ai'a titats'em'me Juan iŧque tepo'ila' lan xanuc'. Mepo'iyale icuaitsi Jesús. Jouc'a epo'i'ma. Jesús mijoc'i LanDios eximma lema'a.

22 Cal Espíritu Santo imunni ihuoxaf'caitsi Jesús. Iŧque cal Espíritu lixans to anuli cal ja'mu'. Lema'a tipalay, timinni Jesús:

—Ima' ai'Hua ca'ehuo' capic'a juaiconapa. Latenŧma lop-icuejma' jouc'a lo'ejma'.

23 Lipango'ma Jesús lipenic' ixhuaita to anuxans quimbama' lemats'. Lan xanuc' ticuayi i'hua José. Li'ahuelo José cuftine Elí.

24 Elí i'hua Matat,

Matat i'hua Leví,

Leví i'hua Melqui,

Melqui i'hua Jana,

Jana i'hua José,

25 José i'hua Matatías,

Matatías i'hua Amós,

Amós i'hua Nahum,

Nahum i'hua Esli,

Esli i'hua Nagai,

26 Nagai i'hua Maat,

Maat i'hua Matatías,

Matatías i'hua Semei,

Semei i'hua Josec,

Josec i'hua Judá,

27 Judá i'hua Joanán,

Joanán i'hua Resa,

Resa i'hua Zorobabel,

Zorobabel i'hua Salatíel,

Salatíel i'hua Neri,

28 Neri i'hua Melqui,

Melqui i'hua Adi,

Adi i'hua Cosam,

Cosam i'hua Elmodam,

Elmodam i'hua Er,

29 Er i'hua Josué,

Josué i'hua Eliezer,

Eliezer i'hua Jorim,

Jorim i'hua Matat,

³⁰ Matat i'hua Leví,
Leví i'hua Simeón,
Simeón i'hua Judá,
Judá i'hua José,
José i'hua Jonam,
Jonam i'hua Eliaquim,
³¹ Eliaquim i'hua Melea,
Melea i'hua Mena,
Mena i'hua Matata,
Matata i'hua Natán,
³² Natán i'hua Davíd,
Davíd i'hua Isaí,
Isaí i'hua Obed,
Obed i'hua Booz,
Booz i'hua Sala,
Sala i'hua Naasón,
³³ Naasón i'hua Aminadab,
Aminadab i'hua Admin,
Admin i'hua Arni,
Arni i'hua Esrom,
Esrom i'hua Fares,
Fares i'hua Judá,
³⁴ Judá i'hua Jacob,
Jacob i'hua Isaac,
Isaac i'hua Abraham,
Abraham i'hua Taré,
Taré i'hua Nacor,
³⁵ Nacor i'hua Serug,
Serug i'hua Ragau,
Ragau i'hua Peleg,
Peleg i'hua Heber,
Heber i'hua Sala,
³⁶ Sala i'hua Cainán,
Cainán i'hua Arfaxad,
Arfaxad i'hua Sem,
Sem i'hua Noé,
Noé i'hua Lamec,
³⁷ Lamec i'hua Matusalén,
Matusalén i'hua Enoc,
Enoc i'hua Jared,
Jared i'hua Mahalaleel,
Mahalaleel i'hua Cainán,
³⁸ Cainán i'hua Enós,
Enós i'hua Set,
Set i'hua Adán,
Adán i'hua ËanDios.
Joupa icula'apa.

4

¹ Jesús ipainamma pe lopa'a al panaj Jordán, cal Espíritu Santo ticuxe lipicuejma'. Małque cal Espíritu i'hua'a'ma pe ailopa'a quiłya', ailopa'a xanuc'.

² Mipa'a jilpe łonta'a Satanás ehui'ma. Oquej nuxans quinte oquej nuxans quipuqui' icol'ma lehuaipa. Jahuay iłniya łitiné aiquitesma. Lixhuaitsi iłne łitiné unle'enni juaiconapa.

³ Łonta'a timi:

—Ima' ja'ni i'Hua ŁanDios tocuxe'etsi iłca'a łapic. Tomiła': "To'exoxi ca'i".

⁴ Jesús italai'e'e'ma, timi:

—Al Paxi Linilingiya ticua: "Łoteja cal xans aimites'miya lipitine. Ticuicomma jouc'a jahuay łitaiqui' lonespa ŁanDios."

⁵ Lijou'ma łonta'a ileco'ma anuli h'nof'quiya quijuala. Jilpe imuc'i'ma nulemma jahuay lan tsilaj nación lomana' li'a łamats'.

⁶ Timi:

—Capi'i'mo' comane, tocuxena'ma jahuay iłna'a. Timet-saicom'mo' umcuecaj xonca. Itsiya iya' cacuxela', joupa lapi'impalaimane. Ja'ni caxpic'ela' ticuxela' ocuena iya' capi'i'ma quimane, iłque ticuxena'ma.

⁷ Ima' ma le'a laxc'onłingaila', tijouła' tocuxena'ma jahuay.

⁸ Jesús italai'e'e'ma, timi:

—Ima' monta'a to'huanta'. Al Paxi Linilingiya ticua: "Taxc'onłingaila' ŁanDios, iłque omenDios. Ma le'a iłque tomi'ma: Ima' umCueca'."

⁹ Lijou'ma łonta'a i'hua'a'ma liłya' Jerusalén. Icuai'etsi pe lopa'a al cuecaj xoute', xonca al toncay. Jilpe ecaxu'ma, timi:

—Ima', ja'ni i'Hua ŁanDios taiyuła' al 'ocay.

¹⁰ Al Paxi Linilingiya ticua:

ŁanDios tumme'mola' lepaluc' quema'a, titoc'i'mo', ti'e'mo' cuenna.

¹¹ Tipulnuf'mo' liłmane, tołta'a łapic' cane ailopa'a co'eyaco'. Aimixcai'eyaco'.

¹² Jesús italai'e'e'ma, timi:

—Jouc'a ticua: "Aimahuai'ma ŁanDios; iłque omenDios."

¹³ Łonta'a lijou'nepa lehuaipa Jesús ipo'nona'ma quituca'. Aimehuaiconaya.

¹⁴ Jesús ipainamma, icuaita al distrito Galilea. Jilpe ixinguf'moxi acueca' lipaxnepa cal Espíritu Santo. Jilpe łamats' ni petsi lomana' lan xanuc' iłniya icuej'me lo'epa, lonespa Jesús.

¹⁵ Łajut'łi pe lafołyomma lan xanuc' judío, jilpiya timuc'iyale. Jahuay ticuayi ac'a lipicuejma'.

¹⁶ Icuaitsi liłya' Nazaret pe litojyopa. Jilpe i'e'ma ma to mi'ay. Litine conxajya itsufai'ma lajut'łi pe lafołyomma lan xanuc'. Ecax'ma tixhue'ma al Paxi Linilingiya.

17 Ini'im'me lijuisquiya je'e liniñingiya litaiqui' cal profeta Isaías. Ux'malaif'ma al je'e, tixhuef'i'mola' liniñingiya, ticua:

18 LanDios alapi'ipa li'Espíritu Santo.

Af'huijf'epa, alfajpa cu'itsola' Lataiqui' loya'apa ile al c'a lixpic'epa LanDios.

Tiquimf'ete lan xanuc' pe aiquil'hueca.

Lummepa camitsola' litats'ila': "Cuhuaña'molhuo".

Jouc'a cu'itsola' lan fohue: "Caxal'mena'molhuo', tolahuetsalena'me".

Pe noximpá ipime lapajnya quilonc'e'e'mola' cal cunta.

19 Alummepa camitsola' lan xanuc': "Itsiya linca LanDios titoc'i'molhuo', tepenuf'molhuo".

20 Lijoupa lu'ipola' iñiya, ijuitsaf'ina'ma al je'e, ini'ina'ma notoc'iyalepa jilpe lajut'í. Icutshuaina'ma. Jahuay nomana' jilpe lajut'í tehuelojnyi Jesús.

21 Hque timila':

—Imanc' joupa otcuejpá ile laixhuepa. Itsiya enantcopa jile lataiqui' liniñiya.

22 Jahuay etenccoco'mola' lonespa Jesús. Icuaitsi quilpic'a. Ticuis'eyotlsi, timiyotlsi:

—Hque, ¿te ma alinca i'hua José? o ¿a'i?

23 Jesús timila':

—Imanc' almi'ma: "Ima' oxina' lafxi, jtoxa' mexoxi cotuca!" Almi'ma: "Alcuejpá lo'epa liña' Capernaum. Jouc'a to'ela' to'la'a jifa'a lopiña'."

24 Jouc'a timila':

—Iya' camilhuo' al linca: Ja'ni anuli cal profeta ticuaitsi ma lipiña', aimepenufyacu.

25 'Litiné lipajmpa cal profeta Elías fa'a li'a lamats' uyaipa afane' camats' y onca aiquicuic'. Jahuay lamats' i'ipa cumemma. Jilpe lamats' Israel pe lopa'a Elías timana' axpela' laca'no' lam potsateya.

26 LanDios aicummaic' Elías pe lomana' iñiya laca'no'. Umme'ma ti'huala' locuenaj nación, liña' Sarepta, pu'hua titoc'ita anuli laca'no' apotsate. He liña' Sarepta ahuejnca al cuecaj quilña' cuftine Sidón.

27 'Litiné lipajmpa cal profeta Eliseo fa'a lamats' Israel, timana fa'a axpela' lan xanuc' titelcoyi al cuana lepra. He lafcualñay ailopa'a quixa'copa. Anuli lafcuana cuftine Naamán qui'huayomma ocuena camats' cuftine Siria, linca ixal'cona'ma iñque.

28 Liquimf'epa to'la'a locuapa Jesús lan xanuc' nomana' jilpiya lajut'í, jahuay ixtulencia juaiconapa.

29 Itsolinanca, i'no!me Jesús, ipa'a'me lema quiŷya'. Liŷya' copa'a letefcaic' quiŷuala. I'hua'a'me li'huesca liŷuala, teca'nita liculhuo.

30 Jesús uyaico'ma nolojmay xanuc', i'huana'ma.

31 Icuaitsi liŷya' Capernaum, lopa'a al distrito Galilea. Litine conxajya imuc'i'mola' lan xanuc'.

32 Imetsaico'me acueca' comxi. Ixim'me tipa'a limane, al c'a timuc'iyale.

33 Lajut'l pe lafoŷyomma lan xanuc' jiŷpe tipa'a anuli cal xans itsufaipa conta'a. Cal xans ija'a'ma ujfxi, timi Jesús:

34 —Ima' cunJesús, mas Nazaret, ¿te cotsufaicomma pe laŷmana' illanc'? ¿Ja'ni ocuaiyoco'ma aljou'netsonga'? Alpo'notsonga' caŷtuca'. Iya' nimetsaicohuo' naitsi ima'. Ima' umPaxi, co'huayomma LanDios.

35 Jesús itale'ma ŷonta'a, timi:

—¡Ti-ch'ixcotso'! ¡Taipanni iŷca'a cal xans!

Mehuelojnyi jahuay lan xanuc' ŷonta'a eca'ni'ma cal xans ŷamats', ipananni. Aiquixcai'e cal xans.

36 Lan xanuc' ixpailij'mola', timiyoŷtsi:

—¿Te cataiqui' jiŷta'a? Iŷque cal xans ti'hua limane ticuxe'ela' lontanue, iŷniya tilipalnamma.

37 Jahuay iŷe ŷamats' ni petsi lomana' lan xanuc' icuej'me lo'epa jouc'a lonespa Jesús.

38 Jesús ipanni jiŷpe lajut'l pe lafoŷyomma lan xanuc'. I'hua'ma itsufai'ma lejut'l Simón. Jiŷpe li'maco Simón tunouya textafque, tepi'i ŷinu' juaiconapa. Ixa'hue'me Jesús titoc'iŷa' jiŷque ŷaca'no'.

39 Jesús icuaitsi pe lopa'a ŷaca'no' ŷaxtafpa, ic'ommai'ma itale'ma ŷipinu'. ŷipinu' iŷojn-na'ma. Aiquicoŷ'ma, ŷaca'no' it-sahuenanni, ites'mi'mola' lan xanuc'.

40 Joupa if'acolaipa cal 'ora, lan xanuc' iŷejma jahuay lile-fcuallay pe lopa'a Jesús, ituca' ituca' liŷcuana. Jesús ix-payaf'mola' anuli anuli, ixaŷ'mena'mola'.

41 Axpela' lontanue ipalumma lafcuallay. Iŷne lontanue tija'ayi timiyi:

—Ima' i'Hua LanDios.

Jesús itale'mola'. Timila':

—Aimoluya'acona'me toŷta'a.

Iŷniya iŷsina' naitsi Jesús, iŷque cal Cristo.

42 Lihuequi litine liŷic'ejma Jesús ipanni i'hua'ma petsi ailopa'a quiŷya'. Lan xanuc' tehueyi. Ixim'me, timiyi:

—Aimo'huana'ma, topajnl'a fa'a laŷpiŷya'.

43 Jesús timila':

—Iya' ai'huanapa cuyaicota ocuenaye quileloŷya'. Jouc'a cu'itola' iŷniya lan xanuc': “ŁanDios cal Rey tijoc'ila' lixanuc' tihuejcoŷe”. ŁanDios alummepa toŷta'a ca'ela'.

⁴⁴ Lijou'ma i'huana'ma. Jiŷpiya hilemats' lan xanuc' judío ni petsi lomana' lajut'li pe lafoŷyomma lan xanuc' ti'hua tuya'e' Lataiqui' loya'apa iŷe al c'a lixpice'pa ŁanDios.

5

¹ Anuli litine Jesús tecaxu łema al cuecaj quin'nuhua' Gene-saret, jouc'a lacui'impa lin'nuhua' Galilea. Axpela' lan xanuc' efoŷya jiŷpiya tiquimf'eyi mu'ila' litaiqui' ŁanDios. Titants'iyi Jesús.

² Jesús ixim'ma tipa'a oque' lam barco jiŷpe łema caja. Liŷpoujnalá ailomana', imulumma tipajyi liŷxami.

³ Jesús if'aj'ma anuli al barco, iŷe libarco Simón. Ixahue'epa Simón tiŷoc'ai'ela' nihuata libarco. Toŷta'a i'e'ma. Jesús micutsu jiŷpe al barco timuc'ila' lan xanuc' nomana' łema caja.

⁴ Lijoupa limuc'iyalepa, timi Simón:

—Ima' jouc'a lof'as lin'noŷpá catuye toŷ'hua'aŷe al barco. Toŷcuaitsa nolojmay caja tolacajm'mita loŷxami, ti'nijmoŷaita latuye.

⁵ Simón italai'e'e'ma, timi:

—Momxi, aŷ'epá canic' jahuay lipuqui'. Aical'noŷi. Itsiya ima' aŷminga': “Tolacajm'mita loŷxami”. Ne', ima' aŷcuxe'enga', lihuejco'mo'. Cacuxe'etola' laipin'noŷpá catuye tecajm'mita liŷxami.

⁶ Ecajm'mihuo'me liŷxami, imantsi catuye, coŷa' tits'aŷquehuo.

⁷ Liŷ'as quin'noŷpá catuye timana' locuenaj barco. Simón jouc'a liŷejmale ijoc'i'me iŷniya ticuaiyunca titoc'im'mola'. Icuaitsa imantsola' catuye loquej lam barco. Juaiconapa icuntaj'mola' lam barco, coŷa' ti'nijmoŷecu laja'.

⁸ Lixim'ma toŷta'a Simón Pedro exc'onŷingai'ma li'mitsi' Jesús, timi:

—Maipoujna, aŷpo'noŷa' caituca'. Iya' ninxans juaiconapa acueca' laijunac', catay calaic'ata maŷejmaleyacu.

⁹ Simón jouc'a liŷejmale nomana' jiŷpe libarco ixpailij'mola' juaiconapa liximpá i'noŷ'me axpela' latuye.

¹⁰ Liŷejmale Simón nomana' locuenaj barco, iŷne Jacobo y Juan inaxque' Zebedeo, jouc'a ixpailij'mola'. Jesús timi Simón: —Aimixpaij'mo'. Capi'i'mo' locuena copenic'. Aimahue-conayacola' latuye. Tahuetola' lan xanuc' lihuejla' iya'.

¹¹ I'hua'a'me liŷbarco łema caja. Ipo'no'me jahuay, ihuej'me Jesús.

¹² Mipa'a Jesús anuli liŷya' icuaiyunni anuli cal xans tipa'a licuana cuftine lepra. Jahuay licuerpo imanna cahuí.

Ixim'ma Jesús ic'ommof'cai'ma lamats', tixahue'e titoc'ila', timi:

—Maipoujna, ima' nipajnya latufc'enta', caxinxoxi ał'inla' limpio. ¿Ja'ni to'e'ma?

¹³ Jesús i'nij'ma limane, ilaf'ma lafcuana, timi:

—Ca'e'ma, ti'intso' limpio.

Aiquicoł'ma iłojn-na'ma lehui.

¹⁴ Jesús ixc'ai'i'ma, timi:

—Aimo'itola' lan xanuc' te ts'i'ic' li'ipo'. Nij naitsi mi'iya quixina'. To'huala', tomujxoxi la'ailli'. Moisés joupa icuxepa te ts'i'ic' mitsufcoyacu ihniya pe lixałconapola' liłcuana ile alepra, ima' totsufcotsi jouc'a. Tołta'a ałsim'monga' lihuejcoyi ile lataiqui'.

¹⁵ Tama Jesús timi: “Nij naitsi mi'iya quixina'”, lan xanuc' xonca icuej'me lo'epa. Icuaiyunca axpela' lan xanuc'. Iłpic'a tiquimf'ete Jesús lomuc'iyalepa, iłpic'a tixał'menatsola' liłcuana.

¹⁶ Camna, camna Jesús tijuc'iyoxi. Itsehuo'ma pe ailopa'a quilya', pe ailopa'a xanuc', jilpe tipalaic'o qui'Ailli'.

¹⁷ Anuli litine timuc'ila' lan xanuc'. Jilpe timana' lan xanuc' fariseo, jouc'a lomxiye nomuc'iyalepá locuxepa LanDios. Ihniya quiyoyomma jahuay liłelołya' al distrito Galilea, jouc'a al distrito Judea, jouc'a al cuecaj quilya' Jerusalén. Jilpiya LanDios timuqui lipepaxi, Jesús tixał'menala' lafcualtay.

¹⁸ Icuaiyunca hualca lan xanuc' iłtaic' anuli luhuaqueya xans, tunaf'ya lihuijm-ma'. Ehue'me te co'iya muyai'eyacu liłpefcuana ticuai'etsa pe lopa'a Jesús.

¹⁹ Jilpe efot'leyołtsi axpela' lan xanuc' aimi'iya mitsu-fai'eyacu. If'ajli'me al toncay lajutł, enai'e'me luhua'e cajutł, jilpiya ecajnc'o'me luhuaqueya xans. Ecajmpá to qui'ic' lihuijm-ma' nolojmay xanuc', małpe pe lopa'a Jesús.

²⁰ Jesús ixim'mola' ti'huaiyijnyi tixał'mena'ma cal xans, timi:

—Maipima, lojunac' joupa iłojn-napa.

²¹ Lan xanuc' fariseo jouc'a lomxiye nomuc'iyalepá locuxepa LanDios ticuayi liłpicuejma': “¿Naitsi iłca'a cal xans? Ti'e'eyoxi to LanDios. Ma le'a LanDios tiłonc'e lajunac', iłca'a a'i.”

²² Jesús ixina' tołta'a ticuayi liłpicuejma'. Icuis'e'mola':

—Imanc', ¿te cołnescopa tołta'a lołpicuejma'?

²³ ¿Ja'ni tołsinyi ipime ihniya laimipa cal xans: “Lojunac' joupa iłojn-napa”? Ja'ni camila': “Totsahuenni, to'huala'”, ¿te tołsim'me a'i quipime ile lataiqui'?

²⁴ Itsiya camuc'i'molhuo' icueya laimane. Iya' iłque cal Xans Liximpa cal profeta pu'hua lema'a. Ma capa'a fa'a li'a lamats' ti'i'ma quiłonc'e'e'mola' liłjunac' lan xanuc'.

Timi luhuaqueya xans:

—Totsahuenni. Tonif'la' łohuijm-ma'. To'huanla' lomejutł.

25 Mehuelojnyi jahuay lan xanuc' aiqicoŀ'ma, cal xans itsahuenanni, ecaxna'ma. Inif'ma lihuijm-ma', i'hua'na'ma lejut'ŀ, tix'najtsi'i LanDios.

26 Jahuay nomana' jŀpe lajut'ŀ tocomma tipailo liŀpicuejma'. Ixim'me juaiconapa acueca' li'e'ma Jesús. Ix'najtsi'i'me LanDios. Ixpailij'mola', timiyotŀsi:

—Itsiya aŀsimpá acueca' li'ipa.

27 Jesús ipanni jŀpe i'hua'ma, ixim'ma anuli lin'najtsi'iyale cuftine Leví, ticutsu pe lo'najtsi'iyaleyompa. Jesús timi:

—Lihuejla'.

28 Leví itsahuenni, ipo'no'ma jahuay, ihuej'ma Jesús.

29 Jŀpe lejut'ŀ Leví i'eyo'ma lijuic Jesús. Jŀpe Jesús titetsoyi ts'ilihuequi jouc'a axpela' lin'najtsi'iyale jouc'a ocuenaye xanuc'.

30 Jŀpiya timana' lan xanuc' fariseo jouc'a lomxiye no-muc'iyalepá locuxepa LanDios, iŀniya tihuejcoyi li'ejma' lam fariseo. Tixtuc'oyi Jesús. Timinnila' ts'ilihuequi:

—Imanc', ¿te coŀtetsocopa, te coŀnacopa anuli lin'najtsi'iyale y locuenaye lan xanuc', iŀne aimihuejcoyi locuxepa LanDios?

31 Jesús italai'e'e'mola', timila':

—Lan xanuc' pe ailopa'a quiŀcuana aimicuicomma no'eyacola' cafxi. Laxtafpola' linca ticuicomma no'eyacola' cafxi.

32 Iya' aicuaicoco'ma cajoc'itsola' ts'iŀtaic' quiŀjunac', tix-huej'menanca. Aicajoc'ila' pe ailopa'a quiŀjunac'.

33 Lijou'ma, timiyi Jesús:

—Ts'ilihuequi Juan itine itine tixnet'ŀyi, aimitetsoyi, ti-joc'iyi LanDios. Ma' anuli lo'epa ts'ilihuequi lam fariseo. Ima' ts'ihuejhuo' aimixnet'ŀyi, titetsoyi, tixnayi, ma to lo'epa jahuay lan xanuc'.

34 Jesús italai'e'e'mola', timila':

—Mipa'a namaneya, ¿te ticuxe'e'mola' liŀejmale aimitetso'me?

35 A'i. Ticuaitŀsi litine tiŀonc'e'enatsola' namaneya, iŀne liŀejmale timanecu quiŀtuca', iŀniya litiné linca tixnet'ŀme, aimitetsoyacu.

36 Jesús ti'hua timuc'ila'. Ipango'ma i'onŀico'ma lomuc'iyalepa. Timila':

—¿Te tolipa'a'me tutani anuli al ts'e loŀpijahua', tolanaj-mot'ŀico'me lafane loŀpijahua'? A'i. Ailopa'a no'eya toŀta'a. Ja'ni toŀta'a tonŀ'ele aimetenŀcocoya lafane lijahua'. Aimi'eya quipenic' ni lafane ni al ts'e.

37 'Jouc'a aimoŀc'ej'miyacu al ts'ej vino lafane' pontalay quixmi. Ja'ni toŀta'a tonŀ'ele al ts'e vino tits'aŀ'mola' lafane' pontalay quixmi, tic'ejaiquehuo al ts'ej vino, timinsco'mola' lixmi.

38 Al ts'ej vino tołc'ej'mi'me al ts'ej ponta quixmi.

39 Jouc'a camilhuo': Pe noxnapa litojpa vino aiquipic'a al ts'ej vino. Ticua: "Xonca ac'a litojpa vino".

6

1 Anuli litine conxajya Jesús jouc'a ts'ilihuequi tuyalaicoyi nolojmay cal trigo. Ts'ilihuequi ipa'apá lixpaj cal trigo, untaijco'me liłmane, ite'me.

2 Hualca lan xanuc' fariseo icuis'em'mola' ts'ilihuequi Jesús, timinnila':

—Imanc', ¿te col'ecopa tołta'a? Ailopa'a lane mi'enyacu tołta'a. Itsiya itine conxajya.

3 Jesús italai'e'e'mola', timila':

—¿Te aga aicołsuec' li'epa David anuli litine tunle'eyi jouc'a liłejmale?

4 Itsufai'ma lejut'ł LanDios. Epenuf'ma lam paxi ca'i lopa'a jilpe, ilque la'i i'huexi LanDios. Lan xanuc' aimi'iya mitejacu, ma le'a la'aillí tite'me. Linca David ite'ma, epi'i'mola' liłejmale, jouc'a ite'me.

5 Iya' ilque cal Xans Liximpa cal profeta pu'hua lema'a. Iya' naPoujna. Iya' caxpic'e te ts'i'ic' lo'eyacu laixanuc' litine conxajya.

6 Ocuena quitine conxajya Jesús timuc'iyale lajut'ł pe lafołyomma lan xanuc'. Jilpe tipa'a anuli cal xans ijułpa al c'a quimane.

7 Jilpe timana' lan xanuc' fariseo, jouc'a lomxiye nomuc'iyalepá locuxepa LanDios. Tehuelaifyi Jesús. Ticuayi: "Itsiya itine conxajya. Aga tixał'meyale'ma. Ja'ni tołta'a ti'ela', alcufta."

8 Jesús ixina' locuapa ilne liłpicuejma'. Timi cal xans hijułpa quimane:

—Totsahuenni. To'huanni. Tacaxla' jifa'a.

Cal xans itsahuenni, i'hua'ma, ecax'ma jilpe limipa Jesús.

9 Jesús timila':

—Ałtalai'e'ela' imanc'. Litine conxajya, ¿te ts'i'ic' cal'eyacu? ¿Te ts'ipic'a LanDios? ¿Ał'e'me al c'a o ał'e'me lixcay? ¿Lunhu'e'me anuli cal xans? O ¿alacani'e'me?

10 Jesús ehuelojm'mola' lan xanuc' micutshuołanna jilpiya. Timi cal xans:

—To'nijla' lomane.

Cal xans i'nij'ma limane, ixałcona'ma nulemma.

11 Lan xanuc' fariseo jouc'a lomxiye nomuc'iyalepá locuxepa LanDios ixtulencia juaiconapa. Ipalaic'o'mołtsi, timiyoltsi: "¿Te cal'e'eyacu ilque cal xans Jesús?"

12 Hniya litiné Jesús if'aj'ma hijualay tipalaic'ota LanDios. Ipe ipanenni jahuay lipuqui', tipalaic'o LanDios.

13 Jounpa epalc'opa ijoc'i'mola' ts'ilihuequi ticuaiyunca pe lopa'a. I'huij' e'mola' imbamaj coquexi'. Iñiya ecui'i'mola' lan apóstole. Liḷpuftine iñiya:

14 Simón, Jesús ecui'i'ma locuena quipuftine, iḷe aPedro. Andrés, iḷque ipima Simón.

Jacobo jouc'a Juan, Felípe jouc'a Bartolomé,

15 Mateo jouc'a Tomás, Jacobo iḷque i'hua Alfeo, jouc'a locuena Simón. Ate'a iḷquiya Simón anuli liḷpicuejma' lan xanuc' nocuapá: "Lunḷu'e'me ḷalamats'".

16 Judas, iḷque i'hua anuli cal xans cuftine Jacobo, jouc'a Judas Iscariote, iḷque nocuya Jesús.

17 Jesús jouc'a ts'ilihuequi imulnanca hijuala. Icuaiyunca lihuojma, ecaxma jilpiya Jesús. Jilpe timana' axpela' ts'ilihuequi Jesús jouc'a axpela' lan xanuc', iñiya quiyoyomma ni petsi al distrito Judea, jouc'a quiyoyomma al cuecaj quilya' Jerusalén, jouc'a ḷamats' lema caja pe lopa'a ḷileloḷya' Tiro y Sidón. Icuaicoco'me tiquimf'ele litaiqui' Jesús, tixaḷ'menatsola' liḷcuana.

18 Lotel'mipola' lonta'a, ixaḷcona'mola'.

19 Lafcuallay noxpayaf'pá Jesús tixingufyi lipepaxi. Jahuay lafcuallay ixaḷcona'mola'. Toliya jahuay lan xanuc' tehueyi tixpayaf'le Jesús.

20 Mehuelongila' ts'ilihuequi Jesús timila':

—Imanc', ja'ni ailopa'a coḷhueca, linca tuluyalaicoyi al c'a. Pe loḷmana' tipa'a LanDios cal Rey, toḷmana' anuli.

21 'Ja'ni itsiya tulunle'eyi, linca tuluyalaicoyi al c'a. Ticuaihuo litine tinajntolhuo'.

'Ja'ni itsiya toḷjolijyi, linca tuluyalaicoyi al c'a. Ticuaihuo litine tixojna'ma cunlata.

22 'Iya' iḷque cal Xans Liximpa cal profeta pu'hua lema'a. Ticuaitsi litine ti'entsolhuo' laic' imanc' ts'alihuequi, ja'ni tenajtsolhuo', aimepenufilhuo', ja'ni timintsolhuo' quixcay cataiqui', ja'ni tilaiquintsolhuo' jouc'a loḷpuftine, ti'ila' coḷsina' tuluyalaicoyi al c'a.

23 ¡Toliyuc'tseḷe tixojla' cunlata! Jipu'hua lema'a tipa'a al cueca' lapi'inyacolhuo'. Imanc' ti'onḷcospolhuo' to lam profeta. Loḷsanuc' ti'elhuo' laic'. Loḷtatahueló ma' anuli li'epá, itel'mim'mola' lam profeta.

24 'Imanc' ja'ni ts'acueca' coḷhuexi, a'ijc'a muluyalaicoyi. Jounpa olapenufpá.

25 'Imanc' ja'ni itsiya ixhuaiyilhuo', linca a'ijc'a muluyalaicoyi. Ticuaihuo litine tulunle'e'me.

'Imanc', ja'ni itsiya tixoqui cunlata, tunlixoyi, linca a'ijc'a muluyalaicoyi. Ticuaihuo litine toḷhuotso'me, toḷjolij'me.

26 'Ja'ni jahuay lan xanuc' tinescolhuo' ma le'a al c'a, linca a'ijc'a muluyalaicoyi. Ja'ni to'tta'a lo'ipolhuo' imanc' ti'on'cospolhuo' to lam profeta no'fellaiquepá. Lan xanuc' nonescopolhuo' al c'a itsiya, li'tatahueló ihniya to'tta'a linescopa. Aiquilimetsaijma ja'ni no'fellaiquepá profeta.

27 'Imanc' na'cuc'epa camilhuo': To'etsola' capic'a laix-tuc'opolhuo'. To'etsola' al c'a ihne no'epolhuo' laic'.

28 To'paxnetsola' pe nomipolhuo' quixcay cataiqui'. To'sahue'ete LanDios titoc'itsola' ihne no'epolhuo' lixcay.

29 Ja'ni tuntaftso' lopeque, tomuc'ila' locuena lopeque. Ja'ni texic'e'etso' lopusuiya, aimocuanaj'ma lotsamalo, tommi'ila' jouc'a.

30 Ja'ni tixahue'etso', tapi'itsola' jahuay ihniya. Ja'ni texic'e'etso' lo'huexi, aimomi'ma: "A'pai'inla'".

31 Ma to imanc' o'pic'a ti'entsolhuo' al c'a, to'tta'a to'etsola' lo'f'as xanuc'.

32 'Ja'ni to'etsola' capic'a ma le'a ihniya no'epolhuo' capic'a, ¿te LanDios teten'coco'ma lo'ejma'? A'i. Ma to'tta'a mi'eyi locuenaye lan xanuc', ihne pe aimihuejyi locuxepa LanDios.

33 Ja'ni to'toc'itsola' ma le'a ihniya notoc'ipolhuo', ¿te LanDios teten'coco'ma lo'ejma'? A'i. Ma to'tta'a mi'eyi locuenaye lan xanuc', ihne pe aimihuejyi locuxepa LanDios.

34 Ja'ni tolapi'itsola' ma le'a ihniya nopai'iconayacolhuo', ¿te LanDios teten'coco'ma lo'ejma'? A'i. To'tta'a mi'eyi locuenaye lan xanuc', ihne pe aimihuejyi locuxepa LanDios. Ihniya tepi'innila' quiltomí petsi lopai'iconayacola'.

35 'Imanc' ton'e'mola' capic'a pe no'epolhuo' laic'. To'toc'itsola' jahuay lo'f'as xanuc'. Ja'ni tixahue'etsolhuo' tonlapi'i'mola'. Aimolnes'me: "Ne', lapi'iconala'". Imanc' ja'ni lihuejcola' ita'a laitaiqui' tunlulij'me acueca'. Ti'on'cotolhuo' lo'ejma' to li'ejma' co'Ailli', ilque Nopa'a lema'a xonca al toncay. Ilque tama aimix'najtsi'iyi, tama ixcay xanuc', ma ti'hua titoc'ila'.

36 'Co'Ailli' Nopa'a lema'a tixinnila' acuanuc'la jahuay lan xanuc'. Imanc' jouc'a to'sintsola' acuanuc'la lo'f'as xanuc'.

37 'Imanc' aimolnesco'mola' lo'f'as xanuc', to'tta'a aiminescoyacolhuo'. Aimolacani'e'mola' locuenaye, to'tta'a aimecani'enyacolhuo' imanc'.

38 Tolimenc'e'ecotsola' li'junac' lo'f'as xanuc', to'tta'a timenc'e'ecom'molhuo' lo'junac' imanc'. Tolapi'itsola' locuenaye, to'tta'a tepi'icona'molhuo'. Tepi'icom'molhuo' al c'a alxpjma', lixhueya tentenca ipijuala, ti'e'em'mo' titsujo'laiquemma.

39 Jesús ti'hua tipalaic'ola', i'on'kico'mola' lo'iyacola' lan xanuc' petsi amuf li'picuejma', ticua:

—Anuli cal fo', ¿te ti'i'ma texa'l'ma lif'as fo', timuc'i'ma lane? A'i. Loquexi' tecajm'molaita lina.

40 'Cal xans naihuejpa lipomxi ma le'a tihuequi, a'i xonca acueca' xans. Aimicuxeya lipomxi. Tijoula' joupa ihuic'ipa ti'onlcota to lipomxi.

41 'Ima', ¿te cofmehuelojncopa lopima lipifuc li'u? ¿Te aimahuelojnyoxi lo'nico laxma lo'u?

42 Mipa'a laxma jilpe lo'u, ¿te cofmicoya lopima: “Maipima, lapi'ila' lane quilonc'e'e'mo' lipifuc lo'u”? Ma le'a to'e'eyoxi xonca. Ate'a taipa'ala' al cuecaj laxma lo'nico lo'u. Tijoula', tahuelojm'ma al c'a, nipajnya taipa'a'ma lipifuc lopa'a li'u lopima.

43 'Ja'ni ac'a al 'ec aimi'iya mi'asya lixcay qui'as. Ja'ni ixcay al 'ec aimi'iya mi'asya cal c'a qui'as.

44 Toxinla' hi'as, toлта'a taimetsaico'ma jale c'ec ilca'a. Petsi litac cantsinni aimoxinya lan higo. Petsi al xummi aimoxinya lan 'uva.

45 Cal c'a xans tipa'e al c'a li'hueca jilpe lipicuejma'. Lixcay xans tipa'e lixcay li'hueca jilpe lipicuejma'. Ma to quimanna lipicuejma', ja'ni al c'a ja'ni ixcay, toлта'a litaiqui' tipamma lico.

46 'Imanc', ¿te calmicopa: “MałPoujna, małPoujna”, tijoula' aimonl'eyi ma to laifmipolhuo'?

47 Camuc'i'molhuo' lo'onlcocya cal xans nocuaiya pe laifpa'a, alquimf'e laitaiqui', lihuejma.

48 Ca'onlico'ma to cal xans nilanc'epa lejut'l. Ipu'ma a'ojca, i'hujco'ma lixmi capic. Małpiya titsahue'ehuo quejut'l. Litine lipanni axpe' al pana', lixpe'ma laja', unts'af'i'ma lajut'l, ile lajut'l aiqweifenna. Ailopa'a qui'ipa, joupa ilange juaiconapa.

49 'Cal xans ja'ni ma le'a alquimf'epa laitaiqui', ilque ca'onlico'ma to cal xans ituca' li'ejma'. Ilque lilanc'epa lejut'l aiquipucufi. Litsahue'eyomma pe lixali camats'. Lipanni al pana', acueca' unts'af'i'ma laja', lajut'l aiquicoł'ma, etelquemma. Ecanipa nulemma.

7

1 Lijoupa lipalaic'opola' toлта'a lan xanuc' nomana' jilpiya, Jesús i'hua'ma, itsufai'ma liłya' Capernaum.

2 Jilpe tipa'a anuli cal mozo juaiconapa textafque, tima'ma. Lipoujna ticuxela' amaxnu lisoldado. Ilque nocuxepola' lan soldado ti'ay capic'a juaiconapa limozo.

3 Licuejma tixał'menala' Jesús lafcuallay umme'mola' hualca lan tsilaj xanuc' judío, ilne noxpijpá laitaiqui', tiyele pe lopa'a Jesús. Tilecotsa, ticuaiyunni lejut'l, tixał'me'ma limozo.

4 Ilne lan tsilaj xanuc' judío icuaitsa pe lopa'a Jesús. In-onc'o'me, timiyi:

—To'huanni, totoc'ita jilque nocuxepola' lan soldado. Itque ac'a xans.

⁵ Ah'enga' capic'a illanc' ixanuc' Israel. Ahanc'e'eponga' anuli lajut'i pe lalafot'leyopotsi.

⁶ Jesús iyejmale'me. Ai'a ticuaita lejut'i nocuxepola' soldado italecuf'me locuenaye lummeconapola'. Timiyi Jesús:

—Nocuxepola' soldado timihuo': "Maipoujna, aimocuaicohuo. Aimoxoc'i'moxi. Iya' caxinyoxi juaiconapa na'hua xans. Aimi'iya motsufaiya lainejut'í.

⁷ Iya' aimi'iya catalecufyaco'. Caxina calaic'ata. Ma le'a tonesla': Tixałconla' łomozo, tijoula' tixałcona'ma.

⁸ Iya' quihuejma nałcuxepa, jouc'a cacuxela' laisoldado. Cami'ma anuli: To'huala', itque ti'hua'ma. Cami'ma łocuena: To'huanni, itque ti'huamma. Cami'ma łaimozo: To'ela', ma ti'e'ma."

⁹ Licuej'ma Jesús tołta'a linespa łincuxepa, etenłcoco'ma juaiconapa. Ipai'e'moxi ipalaic'o'mola' lan xanuc' liłenc'e, timila':

—Itque cal xans lixanuc' aimimetsaicoyi ŁanDios. Imanc' ixanuc' Israel tolimetsaicoyi ŁanDios. Camilhuo': Ailopa'a caximpa nij naitsi imanc' to itque cal xans. Itque łınca xonca ti'huaiyinge ŁanDios.

¹⁰ Ipailinamma lummeconapola', licuainata lejut'i łincuxepa iximpá łafcuana joupa ixalconapa.

¹¹ Lijou'ma Jesús i'hua'ma anuli liłya' cuftine Naín. Hejmale ts'ilihuequi jouc'a axpela' lan xanuc'.

¹² Jesús micuaispa huejnca pe lotsufaicompa liłya' jilpiya tilipalumma lan xanuc' itaic' anuli łimanapa. Itque łimanapa, łaca'no' anuli qui'hua. Qui'máma' apotsate. Axpela' lan xanuc' ilpe liłya' liłejmale łaca'no'.

¹³ Jesús ehuelojm'ma łaca'no', ixim'ma cuanuc', timi:

—Aimojoj'ma.

¹⁴ Hoc'huai'ma pe lopa'a łimanapa. Ixpayaf'ma lonaf'ya łimanapa. Itne ts'itaic' ecaxol'me. Jesús timi:

—Mamijcano, camihuo': Totsahuenni.

¹⁵ Łimanapa icutsaina'ma, ipango'ma ipalai'ma. Jesús exat'łina'ma qui'máma'.

¹⁶ Jahuay lan xanuc' ixpailij'mola'. Ixim'me acueca' li'ipa. Ix'najtsi'i'me ŁanDios, ticuayi:

—Anuli cal cuecaj profeta icuai'ma pe lałmana'. ŁanDios icuai'ma, ałtoc'inga' illanc' ixanuc'.

¹⁷ Ni petsi al distrito Judea, jouc'a łamats' ahuejnca jilpiya, lan xanuc' icuej'me li'epa Jesús.

¹⁸ Jouc'a Juan Bautista icuej'ma jahuay itna'a. Ts'ilihuequi u'ipá. Juan ijoc'i'mola' oquexi' ts'ilihuequi,

19 umme'mola' pe lopa'a Jesús, ticuis'etsa, timitsa: "Itsiya al'huaicoyi locuaicoya lommeya LanDios. ¿Te ima'? o ¿te ti'hua al'huaico'me locuaicoya?"

20 Ine icuaitsa pe lopa'a Jesús, timiyi:

—Juan Bautista alummeponga' licuis'e'mo', timi'mo': "Al'huaicoyi locuaicoya lommeya LanDios, ¿te ima'? o ¿te ti'hua al'huaico'me locuaicoya?"

21 Mañe litine Jesús tixał'mela' axpela' lafcuallay, ituca' ituca' liłcuana. Jouc'a ipa'apola' lontahue litsufłaipá lan xanuc'. Jouc'a axpela' lam fohue tehuetsalenayi, joupa ixał'menapola' Jesús.

22 Iñque timila' lummepolaj Juan:

—Ne', tonñeñe. Tołcuaitsa pe lopa'a Juan tolu'itsa te ts'i'ic' lołsimpa, lołcujpa. Tołmita:

Tehuetsalenayi lam fohue, tiyenayi lam coxo, tixałconnala' ts'ilehui lepra, ti'inala' limpio, ticuejnayi lan tałpe, timaf'inayi limanapola'.

Lan xanuc' pe aiquił'hueca tu'innila' Lataiqui' loya'apa ñe al c'a lixpíc'epa LanDios.

23 Jouc'a tołmitsa Juan: "Cal xans natenłcocopa lai'ejma' ñque linca al c'a loyaicoya".

24 Iyena'me lummepolaj Juan. Jesús ipango'ma ipalaic'o'mola' lan xanuc' lefołya jilpiya. Tipalajma Juan, timila':

—Imanc', ¿te cołtsecohuo'me jipu'hua pe ailopa'a quiłya'? ¿Te cołsinhuo'me jilpiya? ¿Te ołsinhuo'me anuli al jaxa tife'ne łahua'?

25 Ja'ni a'i, ¿te cołtsecohuo'me? ¿Naitsi cołsinhuo'me jilpiya? ¿Te ołsinhuo'me anuli cal xans nopo'nopa al c'a lipijahua', acueca' lipitali? A'i. Lan xanuc' nopo'nopá liłpijahua' acueca' al c'a, notetsopá al c'a, ñniya timajnyi hilejut'li lan rey.

26 '¿Te cołtsecohuo'me? ¿Naitsi cołsinhuo'me jilpiya? ¿Te ołsinhuo'me anuli cal profeta? Añinca ołsinhuo'me anuli cal profeta, ñque Juan. Iñque aimi'onłspola' to lam profeta, xonca acuecaj xans.

27 Al Paxi Linilñgiya joupa ipalaicopa Juan ticuaihuo, ticua: jAłquimf'eła'! Cumme'ma łainepaluc.

Iñque ti'huajme'mo', tuya'a'ma ima' tocuaihuo.

Tilanc'e'e'mo' lopene pe lof'huaya.

28 Iya' camilhuo': Iñque Juan acuecaj xans. Ailopa'a caca'no' quipo'nohuo hi'hua to ñquiya. Tama aimi'iya mi'onłyacola' to Juan, ja'ni joupa itsufaipa petsi locuxeyopa LanDios Nopa'a lema'a, tama xonca aca'hua xans, ñque joupa ulijnapa Juan.

29 Lan xanuc' jouc'a no'najtsi'iyalepá iquimf'epá linespa Juan, ñne imetsaico'me LanDios alijca lo'epa, epo'i'mola' Juan.

30 Lan xanuc' fariseo jouc'a lomxiye nomuc'iyalepá locux-epa ŁanDios etets'i'me loxpíc'epa ŁanDios, aikuilepoc', aim-icuayi.

31 Jesús ti'hua tipalaic'ola' lan xanuc', timila':

—¿Te caif'onłicoyacolhuo' imanc' nołmana' fa'a itsiya? ¿Te ts'i'ic' loł'ejma'?

32 Ca'onłico'molhuo' to la'uhuay nocutshuołanna pe locu-caleyompa, tijaic'oyołtsi. Anuli iłne timila' lif'as ca'uhuay: “İllanc' alfus'mipá lałjaja, tołsoułe. Aicołtsahuo. Lunac'lipá ihuotsoqueya, aicołjoqui.”

33 'Tołta'a loł'ejma' imanc'. Ailopa'a catenłcocoyacolhuo'. Juan Bautista aimitesma to mołtetsoyi imanc', aimixnay vino. Imanc' tołcuayi: “İłque itsufaipa conta'a”.

34 Iya' iłque cal Xans Liximpa cal profeta pu'hua lema'a. Iya' aicuai'ma fa'a li'a łamats' catesma to mołtetsoyi imanc', caxnay al vino. Imanc' ałnesc'e, tołcuayi: “Tołsinłe, iłca'a cal xans intetsopa, in-xnatsaipa. İejmale iłne lin'najtsi'iyalepá jouc'a locuenaye lan xanuc' pe aimihuejcoyi locuxepa ŁanDios.”

35 'Iya' cacua: Linca ŁanDios acueca' ac'a lipicuejma', tołta'a timujiyi iłne naihuejcopá, jouc'a acueca' ac'a liłpicuejma'.

36 Anuli cal xans fariseo ijoc'i'ma Jesús titetsota. Jesús i'hua'ma, icuaitsi lejut'ł cal xans fariseo, icutshuai'ma titetso'ma.

37 Jiłpe liłya' tipa'a anuli łaca'no' ixçay lo'epa. İłque icuej'ma ijoc'impá Jesús lejut'ł cal xans fariseo. Łaca'no' i'hua'ma lejut'ł cal xans. İtai'ma anuli al cuecaj pulu ilajncopa apic cuftine alabastro. Al pulu imanna caceite tujuej c'a.

38 Łaca'no' iłoc'huai'ma li'mitsi' Jesús. İpango'ma tijoqui. Łujuay ijac'eco'ma li'mitsi' Jesús, etufc'eco'ma lijuac. İtuc'o'ma li'mitsi' Jesús, ic'ef'i'i'ma laceite lojuepa c'a.

39 Cal xans fariseo, iłque nijoc'ipa Jesús, ixim'ma lo'epa łaca'no'. İłque timiyoxi: “Ja'ni ałınca aprofeta iłque cal xans Jesús, ti'i'ma quixina' te ts'i'ic' lipicuejma' iłca'a łaca'no', ti'i'ma quixina' tipa'a acueca' lijunac'. Ticuanaj'moxi, ticua'ma: Aimał—laf'ma.”

40 Jesús ipalaic'o'ma cal xans fariseo, timi:

—CumSimón, tipa'a laifmiyaco'.

Timi:

—Ne', Momxi, ałmiła'.

Jesús timi:

41 —Timana' oquexi' lan xanuc' iłtaiyinc'e anuli cal xans. Anuli itaiyinc'e to lolijya anuli camats' y onłca. Łocuena itaiyinc'e to lolijya anulij mut'ła y onłca.

42 *Ihne loquexi' lan xanuc' ailopa'a co'najtsecoyacu. Ihque lepi'ipola' quilitomí imenc'e'eco'mola' loquexi' lilitaiyinc'e. It-siya almita': ¿Ihne loquexi' naitsi xonca co'eya capic'a ihque nimenc'e'ecopola' ts'ilitaiyinc'e?*

43 *Simón timi:*

—*Iya' cacua: Ihque nitaiyinc'e xonca, xonca ti'e'ma capic'a.*

Jesús timi:

—*Otalai'epa ma' al linca.*

44 *Ipai'e'moxi, ehuelojm'ma łaca'no', timi Simón:*

—*Toxina lo'epa ihca'a łaca'no'. Iya' aicuai'ma lomejut'ł. Aicaluhui'i caija' capajcoya lai'mitsi'. Ihca'a łaca'no' lapac'e'ecopa łujuay lai'mitsi', etufcopa łijuac.*

45 *Ima' aicałtuc'o'. Ihca'a łaca'no' laicuai'ma fa'a ipangopa ałtuc'opa lai'mitsi', ti'hua ałtuc'o'.*

46 *Ima' aicałc'efi'i caceite łajuac. Ihca'a łaca'no' ałc'efi'ipa caceite lojuepa c'a lai'mitsi'.*

47 *'Iya' camihuo': Ihca'a łaca'no' joupa imenc'e'ecompa al cueca' li'epa, tołiya al'epa capic'a juaiconapa. Cal xans aijtine li'epa, ja'ni timenc'e'ecom'me, aijtine ti'e'ma capic'a.*

48 *Jesús ipalaic'opa łaca'no', timi:*

—*Joupa imenc'e'ecompo' lo'epa.*

49 *Locuenaye lijoc'impola' ipango'me imi'mołtsi:*

—*¿Naitsi ihca'a cal xans? Timi: “Joupa imenc'e'ecompo' lo'epa”. Tołta'a aimi'iya.*

50 *Jesús timi łaca'no':*

—*Ima' al'huaiyijmpa, tołiya joupa unłupo'. To'huanłta' tixojla' meta. Aimoxhuelmot'łecona'ma.*

8

1 *Lijou'ma Jesús ihya' ihya' ti'huaf'cay, lan tsilaj quitelołya' jouc'a lan tsocay quitelołya'. Tuya'e' Lataiqui' loya'apa ite al c'a lixpica'epa ŁanDios. Tijoc'ila' lan xanuc' tihuejcole ŁanDios cal Rey. Limbamaj coquexi' ts'ilihuequi itejmale.*

2 *Jouc'a tiyeyi lacał'no'. Ihne lacał'no' Jesús joupa ixal'menapola'. Hualca ihniya ipa'epola' lontahue litsufłaipá, locuenaye ituca' quılcuana. Anuli ihniya aMaría łas Magdala ipa'empa acaitsi lontahue.*

3 *Jouc'a tiyeyi axpela' lacał'no' ts'il'hueca. Ihniya ixhuico'me lił'huexi, itoc'im'mola' Jesús jouc'a ts'ilihuequi. Anuli ihniya cuftine aJuana, ipeno anuli cal xans cuftine aChuzá, ihque ticuxe li'huexi cal rey Herodes. Ocuena cuftine aSusana.*

4 *Axpela' lan xanuc' quipalyomma hilelołya' iyoyunca pe lopa'a Jesús. Lijoupa lefot'lepotsi ihniya lan xanuc' Jesús i'onlıco'ma lo'epa ŁanDios fa'a li'a łamats'. Timila':*

5 —*Cal xans ipanni ica'nehuo'ma lam fanuj trigo. Mica'ne lam fanu' hualca ecangolaitsa lane. Lan xanuc'*

i'huailsuf'me. Laca'l'hui naiyulpá lema'a icuaitsa, itejn-na'me.

⁶ 'Hualca lam fanu' i'nifcołaita lixmi capic. Lila'mola' lam fanu' aiqicoł'ma ijułna'mola'. Aiquix'minuhua łamats'.

⁷ 'Hualca lam fanu' itsuc'aita pe lopa'a litac'. Ila'mola' łaifa' trigo jouc'a litac'. Litac' ejec'o'ena'ma łaifa' trigo.

⁸ 'Ocuenaye lam fanu' etojmołaita cal c'a camats'. Itoj'ma, ipaj'ma, ipammaita. Anuli cal fanu' ipammaita amaxnu.

Lijou'ma luya'a'ma ilta'a lataiqui' Jesús ipalai'ma ujfxi, timila' lan xanuc':

—Naitsi nocuejpa, ałquimf'eł'a' iya' lataiqui'.

⁹ Ts'ilihuequi Jesús icuis'e'me te cohualquemma jile lataiqui' li'onlicopa lo'epa ŁanDios fa'a li'a łamats'.

¹⁰ Jesús timila':

—Imanc' epalc'o'ipolhuo' lołpicuejma'. Tołcuc'eyi lipime lataiqui' loya'apa lo'ipa petsi lan xanuc' tihuejcoyi ŁanDios liłRey. Ocuenaye a'i, aimicuec'eyi. Iłne ma le'a ałquimf'e ca'onlıcojma lo'epa ŁanDios, aimi'iya muhualyacu. Ti'ila' to loya'apa al Paxi Linılıngiya ticua: "Mehuelojnyi aimixim'me, miquimf'eyi aimicuej'me".

¹¹ 'Itsiya cu'ilhuo' lohualquemma ile lataiqui'.

'Lam fanu', ilne itaiquí ŁanDios.

¹² He li'ipola' lam fanu' lecangolaita jilpe lane, ti'onłcospa to lo'ipola' lan xanuc' petsi ma le'a tiquimf'eyi litaiqui' ŁanDios. Ticuaiyunni lixcay xans tilonc'e'e'mola' lataiqui' liłpicuejma'. Iłque lixcay xans ticua: "Aimihuej'me ile litaiqui' ŁanDios. Aimunłul'me."

¹³ He li'ipola' lam fanu' li'nif'cołaita lixmi capic petsi ahuata łamats', ti'onłcospa to lo'ipola' lan xanuc' noquimf'epá lataiqui', tepenufyi tixoqui quileta. Lataiqui' aimif'acay liłpicuejma'. Oquej fanej quitine ilniya tihuejyi lataiqui'. Ticuaitsi latełcoya tenajnayoltsi.

¹⁴ He li'ipola' lam fanu' litsuc'aita nolojmay quitac', ti'onłcospa to lo'ipola' locuenaye xanuc' noquimf'epá lataiqui'. Iłne muyalaicoyi liłpitine tixhuełmot'leyi juaiconapa, o tehueyi te co'iya muliyacu acuecaj quılomí, o tehueyi te co'iya mixojya quileta. Tołta'a lataiqui' licuaita liłpicuejma' ejec'opa, aimipammaiya.

¹⁵ He li'ipola' lam fanu' letojmołaita cal c'a camats' ti'onłcospa to lo'ipola' lan xanuc' ac'a liłpicuejma', aimifellaiqueyi. Iłniya ticuejyi litaiqui' ŁanDios, aimimenc'ecoyi. Itine itine tihuejyi. Tipammolaispa al c'a.

¹⁶ 'Munai'i'me anuli lepalc'o' aimic'ommumijcoyi al cutse ni aimi'nicoyi licu'u hualfa. Tipo'nof'iyi al toncay. Titsuflaiyinle lajut'ł tixim'me jile lepalc'o'.

17 Jahuay lic'ommuf'inya ti'huájnata, jahuay lemiya timet-saicom'me. Jahuay tepalc'o'im'me.

18 'Mołquimf'eyi jouc'a tołpo'note cuenna. Cal xans ja'ni i'hueca, xonca tepi'im'me. Ja'ni aiqui'hueca, texic'ena'me jahuay. Tołta'a timuc'im'me li'ipa ailopa'a qui'hueca. Ma le'a ines'ma: "Joupa ai'hueca". A'ij linca ite lonespa.

19 Icuaitsa qui'máma' jouc'a lipimaye Jesús. Iłpic'a tipalaic'o'me. Jiłpiya timana' axpela' lan xanuc'. Aimi'iya miłoc'ołaiyacu.

20 Lan xanuc' timiyi Jesús:

—Tecaxołanna łuna co'máma' jouc'a lopimaye. Iłpic'a tipalaic'otso'.

21 Jesús italai'e'e'mola', timila':

—Cai'máma', laipimaye, comana' noquimf'epá naihuejcopá litaiqui' LanDios.

22 Anuli litine Jesús jouc'a ts'ilihuequi if'ajli'me al barco. Jesús timila':

—Ałquie'me locuenaj liju lin'nuhua'.

I'hua'a'me al barco, tuyalaico'me łaja.

23 Miquieyi Jesús ixmai'ma. Iłpiya lin'nuhua' aiquicoł'ma i'hua'ma ujfxi łahua', ixtunni łaja. El barco imantsi caja'. Ts'ilihuequi Jesús ixim'me acuecaj caxpaiqui'.

24 Iłne iłoc'ołai'me pe loxmai'epa Jesús. Ummef'me, timiyi:

—¡Momxi! ¡Momxi! ¡Ałma'monga'!

Jesús itsahuenni. Itale'ma łahua' jouc'a łaja. Aiquicoł'ma i-ch'ixco'mola'. Jahuay ipanenanni ach'ixca.

25 Timila' ts'ilihuequi:

—Imanc', ¿te aimat'huaiyinge?

Iłne ixpailij'mola' juaiconapa, timiyotłsi:

—¿Te qui'ipa li-ch'ixc'epa? ¿Naitsi iłca'a cal xans? Ticuxela' łahua' łaja, tihuejcoyi.

26 Lijoupa luyalaipá al cuecaj quin'nuhua' icuaitsa filemats' lan xanuc' cuftine lan gadareno. Jiłpiya łamats' lopa'a al huoc'oįmaica łemats' al distrito Galilea.

27 Lipanni Jesús jiłpe al barco ixim'ma icuaico'ma anuli cal xans małpe ilya' xans, itsuflaipá contahue. Ixpepa quitine aimipo'nohua lipijahua', aimipanga lejut'ł. Tipanga pe lemumpola' limanapola'.

28 Cal xans lixim'ma Jesús ija'a'ma eca'ni'moxi, ixpats'huai'ma huejnca li'mitsi' Jesús. Ipalai'ma ujfxi, timi Jesús:

—Ima' cumJesús, i'Hua cal Cuecaj CanDios Nopa'a lema'a xonca al toncay, ¿te cocuaiyoco'ma pe laifpa'a? ¿Te ts'opic'a fa'a? Iya' caxa'huehuo' aimatłel'mi'ma.

29 Toſta'a locuapa cal xans. Jesús joupa icuxepa lonta'a, imipa: “Taipanni iſque cal xans”. Iſque lonta'a juaiconapa ti'noli cal xans. Lan xanuc' tifi'ecoyi cadena limane' li'mitsi', ticuayi: “Itsiya ailopa'a co'eya”. Lonta'a tepi'i quipujfxi, cal xans tits'aſqui al cadena. Lijou'ma lonta'a tihuetsoqui cal xans, ti'hua'e pe ailopa'a quilya'.

30 Jesús icuis'e'ma, timi:

—¿Tej muftine?

Italai'e'e'ma, timi:

—Iya' laipuftine Legión.

Ihe laftine ticua: Axpela'. Axpela' lontahue itsuflaipá iſque cal xans.

31 Ihe lontahue tixahue'eyi Jesús aimipa'a'mola'. Aimiye'me al muf, jiſpe al pu'hua liculhuo.

32 Jiſpe lemala timana' axpela' lijná titeji quilpitamqui. Lontahue ixahue'e'me Jesús tepi'itsola' lane titsuflaiſe ihe lijná. Jesús epi'i'mola' lane.

33 Lontahue ipalunca iſque cal xans, itsuflai'me lijná. Jahuay ihe lijná inul'me, if'alcoſai'me al 'ocay, i'nijmoſaitsa al cuecaj quin'nuhua', unxaſac'mola', ima'mola'.

34 Lixim'me li'ipa lan xanuc' nohuic'ipá lijna aikuicoſ'mola', inul'me, iyena'me liya'. Jiſpe uya'atsa li'ipa. Jouc'a calx'huiyaſma' uya'atsa.

35 Lan xanuc' ipalunca iye'me ixintsa li'ipa. Icuaitsa pe lopa'a Jesús. Ixim'me cal xans ticutsijnya li'mitsi' Jesús. Joupa lontahue ipalnamma. I'ina pa lipicuejma'. I'po'nopa lipi-jahua'. Lixim'me li'ipa lan xanuc' ixpailij'mola' juaiconapa.

36 Jiſpiya timana' lan xanuc' joupa iximpá jahuay li'ipa. Ihiya uya'a'me li'ipa lixaſconapa iſque cal xans pe ſiſufaic' contahue.

37 Jiſpe al distrito Gerasa lan xanuc' ixpailij'mola' juaiconapa. Jahuay ihiya ixahue'e'me Jesús ti'huanſa', tipo'notsola' quilſuca'. Jesús if'aj'ma al barco, tipainahuo, ticuainata locuena quema lin'nuhua'.

38 Cal xans pe ſipa'empa lontahue tixahue'e Jesús tilecoſa' jouc'a. Jesús aikuicuac'. Ixc'ai'ina'ma, timi:

39 —Topainanni lomejut'ſ. To'itsola' loxanuc' al cueca' li'e'epo' LanDios.

Cal xans i'huana'ma, icuaitsi lipilya'. Ni petsi jiſpiya u'itsola' lan xanuc' al cueca' li'e'epa Jesús.

40 Icuaitsi Jesús locuena quema lin'nuhua', iſpe iſ'huaijma axpela' lan xanuc'. Lixim'me ixoconni quileta.

41 Icuai'ma anuli cal xans lipuſtine aJairo. Iſque ipenic' iſpe lajut'ſ pe lafoſyomma lan xanuc'. Iſoc'huai'ma exc'onſingai'ma li'mitsi' Jesús. Tixahue'e, timi:

—Łepá lainejut'ſ.

42 Ipic'a tixinne'etsi hi'hua caca'no'. Itque textafque, tima'ma. Lahuats' ixhuaita imbamaj coque' lemats', anuli qui'hua.

Jesús iyejmale'me Jairo. Miyeyi lane lanxpela' xanuc' titantsiyi Jesús.

43 Nolojmay xanuc' ti'hua anuli łaca'no' textafque. Ixhuaita imbamaj coquej camats' mextafque. Ti'hua cajuats' licu'u. Jahuay li'hueca i'najtse'ecopola' lin'ehuale cafxi. Aiquixałma.

44 Łaca'no' ihoc'huaipa pe lopa'a Jesús. Icuaitsi lixpula', ihafc'e'e'ma łema lipijahua'. Aiquicoł'ma, ipanenni licuana, aimi'huaconghua cajuats'.

45 Jesús icuis'e'mola', timila' lan xanuc':

—¿Naitsi nał—lafpa?

Jahuay italai'e'e'me, timiyi:

—Illanc' aical—lafhuo'.

Pedro timi:

—Momxi, to'hua nolojmay xanuc', titantsihuo'.

46 Jesús ihui'i'ma, timi:

—Iya' aixingufcopa joupa ał—lafquimpa. Itquiya epenufpa laipaxi, ixalconapa.

47 Łaca'no' ixim'ma aimi'iya memiyacoxi. Hoc'huai'ma pe lopa'a Jesús, tixpaiqui tiyu licuerpo. Exc'onłingai'ma li'mitsi' Jesús. Jiłpe miquimf'eyi lan xanuc', uya'a'ma te quilałcopa, timi: “Aiquicoł'ma, ałsałconapa laicuana”.

48 Jesús timi łaca'no':

—Mai'hua, ima' ał'huaiyijmpa caxal'mentso'. Joupa ixalconapo'. To'huanła'. Aimoxhuełmot'lecona'ma.

49 Mipalaic'o Jesús łaca'no' icuaiconni anuli cal xans titalecuf'ma Jairo. Itque Jairo ipenic' lajut'ł pe lafołyumma lan xanuc'. Timi:

—Ło'hua joupa imanapa. ¿Te cofxoc'icoya Łomxi?

50 Jesús icuej'ma locuapa cal xans, italai'e'e'ma, timi Jairo:

—Aimoxhuełmot'le'ma. Ma le'a ał'huaiyijnla'. Ło'hua tixalcona'ma.

51 Licuaitsa lejut'ł Jairo, Jesús i'huijf'epola' Pedro, Jacobo y Juan, jouc'a qui'ailli' qui'máma' lahuats'. Itsuflai'me pe lopa'a lahuats'. Aiquepi'ila' lane ocuenaye xanuc' mitsuflaiyacu.

52 Jahuay lan xanuc' nomana' jiłpe lajut'ł tihuotsoyi, tijolijyi, tija'ayi, joupa imanapa lahuats'. Jesús timila':

—Aimołjoliłjcona'me. Lahuats' aiquimac'. Ma le'a tixmay.

53 Ihne ixoco'me, iłsina' joupa imanapa lahuats'.

54 Jesús i'noł'e'e'ma limane lahuats', ijoc'i'ma, timi:

—Mahuats', totsahuenni.

55 Imaf'ina'ma, aiquicoł'ma itsahuenni, ecax'ma. Jesús timila':

—Tołtes'mife.

⁵⁶ Qui'ailli' qui'máma' tipailo lihpicejma', ticuayi: “¿Te aínca imaf'inapa la'hua?” Jesús ixc'ai'i'mola':

—Aimoluyout'le'me. Nij naitsi mi'iya quixina'.

9

¹ Jesús ijoc'i'mola' limbamaj coquexi' ts'ilihuequi. Epi'i'mola' lihmane tipa'atsa lontahue, jouc'a tixa' Metsa lafcualtay.

² Umme'mola' hilelo'ya' tuya'atsa te ts'i'ic' micuxe LanDios ihque cal Rey. Jouc'a tixa' mentsola' lafcualtay.

³ Timila':

—Tonlefe. Nij tintsi mohtai'me lane. Jouc'a lo'paluc, lo'ponta, lonla'i, lohtomí, ocuena' co'tsamalo aimohtai'me.

⁴ To'cuaitsa anuli li'ya' ja'ni tepi'intsolhuo' lajut' pe lo'manc'eyacu, mo'mana' li'ya' jilpiya lajut' to'majnle.

⁵ Anuli li'ya' ja'ni lan xanuc' aimepenufilhuo' tolipalunca, tolunafle lo'mitsi', aimohtai'me lo'mitsi' ni lepi camats' jilpe li'ya'. Ti'ila' quilsina' ma' ihne quiltuca' ti'najtse'me li'junac'.

⁶ Limbamaj coquexi' ts'ilihuequi ipalunca. I'hua'f'co'lai'me i'ya' i'ya', tuya'ayi Lataiqui', i'le loya'apa al c'a lixpicepa LanDios. Jahuay hilelo'ya' ixal' mentsola' lafcualtay.

⁷ Cal rey Herodes icuej'ma jahuay lo'epa Jesús ihpe lamats'. Ixhue'co'ma. Ticua: “¿Naitsi lo'epa to'ta'a?” Timana lan xanuc' nocuapá: “Juan Bautista imaf'inapa, ipanamma pe lomana' limanapola”.

⁸ Ocuenaye ticuayi: “Imaxcainata cal profeta Elías”. Locuenaye ticuayi: “Anuli ihne lam profeta li'ipa lomana' fa'a li'a lamats', itsiya imaf'inapa, icuaina'ma”.

⁹ Herodes timiyoxi: “Iya' joupa aicuxepa etec'empá lejoc' Juan. Itsiya cacueca tinesconni anuli cal xans acueca' lo'epa. ¿Naitsi ihque xans? ¿Te co'iya caxinya?” Ehue'ma te co'iya mixinya Jesús.

¹⁰ Limbamaj coquexi' lummepola' Jesús ipailinamma, icuainatsa pe lopa'a Jesús. U'i'me jahuay li'epa. Jesús ileco'mola' iye'me quiltuca', ticuaita anuli li'ya' cuftine Betsaida.

¹¹ Lan xanuc' icuej'me pe lotseyacu, iyenc'ot'le'me, ihuej'me Jesús. Icuaitsa pe lopa'a Jesús. Ihque epenuf'mola'. U'i'mola' te ts'i'ic' micuxe LanDios. Laxtafpola' nahuepá tixa'contsola', ixal'mena'mola'.

¹² If'acolaipa ihoc'olai'me limbamaj coquexi', timiyi:

—Tometsola' lan xanuc'. Tiyente hilelo'ya', jouc'a calx'huiyalma' lomana' huejnca, tehueta lotejacu. Ma fa'a ailopa'a cotejacu.

¹³ Italai'e'e'mola', timila':

—Imanc' to'tes'mitsola'.

Ihniya italai'e'e'me, timiyi:

—Aicat'hueca. Tipa'a le'a amaque' la'í y oquexi' latuye. ¿Te aga le'pá illanc' al'nata lótejacu jahuay ihne lan xanuc'?

¹⁴ Jihpe timana' to amaquej mil lan xanuc'. (Jouc'a timana' lacat'no' la'uhuy.)

Jesús timila' ts'ilihuequi:

—Tołmitsola' ticutsołaike oque' oque' nuxans quimbama'.

¹⁵ Tołta'a li'epa to licuxe'empola'. Jahuay icutsołai'me.

¹⁶ Jesús epef'mola' lam maque' la'í, loquexi' latuye, ehuenaf'ma lema'a, ix'najtsi'i'ma LanDios, ixquenuf'mola'. Epi'i'mola' ts'ilihuequi tica'nentsola' lan xanuc'.

¹⁷ Jahuay itetso'me, ixhuaitsola'. Ts'ilihuequi efot'le'pá lan hualcay ca'i lipanecomma. Imantsola' imbamaj coque' lan tsiquihuit'.

¹⁸ Anuli litine Jesús tipalaic'o LanDios. Jihpiya timana' ts'ilihuequi quituca'. Timila':

—¿Te cocuapa lan xanuc'? ¿Naitsi iya'?

¹⁹ Italai'e'e'me, timiyi:

—Timana' nocuapá ima' umJuan Bautista. Ocuenaye ticuayi ima' unElías. Locuenaye ticuayi ima' umprofeta. Ticuayi li'ipa opajmpa, imanapo', itsiya omaf'inapa, ocuaina'ma.

²⁰ Timila':

—Imanc', ¿te colcuapa? ¿Naitsi iya'?

Pedro italai'e'e'ma, timi:

—Ima' unCristo, ma li'huij'epo' LanDios, ummepo'.

²¹ Jesús ixc'ai'i'mola', timila':

—Aimoluyout'le'me. Nij naitsi mi'iya quixina'.

²² Timila':

—Iya' ihque cal Xans Liximpa cal profeta pu'hua lema'a. Cateco'ma juaiconapa. Lan tsilaj xanuc' noxpijpá lataiqui', jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, alatets'i'ma nulemma. Alma'a'ma. Afane' quitine camaf'ina'ma.

²³ Ipalaic'o'mola' jahuay lan xanuc', timila':

—Ja'ni anuli cal xans lihuej'ma, ihque aimi'iya micuxeyacoxi quituca'. Iya' lapałts'inginna lancruz. Ihque łalihuejya itine itine titaila' lencruz jouc'a. Tixpic'ela' titełco'ma. Tołta'a linca lihuej'ma.

²⁴ Naitsi aimicua mitelcoya, ihque no'epoxi cuenna juaiconapa, tecani'e'moxi. Naitsi nocuyacoxi latełcoya, ihque łalihuequi tama tima'anle, tunłu'e'moxi.

²⁵ Cal xans nolijya jahuay lopa'a fa'a li'a łamats', ja'ni tecani'e'moxi, ¿te quipenic' ih lulijpa?

²⁶ Iya' ihque cal Xans Liximpa cal profeta pu'hua lema'a, cacuaicoconno. Ih litine alsim'ma ninCueca', alsim'ma al'onłcota to LanDios cai'Ailli', lapałc'o'i'ma lam paxi lapałuc'

quema'a. Anuli cal xans ja'ni titaila' calaic'ata, tohta'a aicalihuequi, ile litine cacuaicohuananni fa'a li'a lamats' iya' jouc'a aicapenufya itque cal xans.

²⁷ Iya' camilhuo' al linca: Fa'a timana' lan xanuc' tixim'me, timetsaico'me lo'eya LanDios micuxe li'a lamats'. Tohta'a tixim'me ai'a tima'mola'.

²⁸ Lijoupa luyaipa to apaico quitiné Jesús tipalaic'ota LanDios jilpe hjuala. Ileo'mola' Pedro, Juan, Jacobo, if'ajli'me.

²⁹ Mipalaic'o LanDios ipaico'ma li'a. Lipijahua' i'i'ma afujca afujca, tunts'iflay.

³⁰ Icuaitsa oquexi' lan xanuc' ipalaic'o'me Jesús. Anuli ilne Moisés, locuena Elías.

³¹ Ilniya tulif'ela' al cuecaj quipepalc'o' LanDios. Ilne jouc'a Jesús tipalaicoyi lo'iya ticuaitsi Jesús Jerusalén. Jilpe tipo'no'ma li'a lamats'.

³² Pedro jouc'a lilejmale tama itafquengcola' cahuí, aiqilismaic'. Ehuelojm'me Jesús, ixim'me ipaicopa li'a, lipijahua' tunts'iflay. Ixim'me oquexi' lan xanuc' tecaxolanna pe lopa'a Jesús.

³³ Mihilijnayi loquexi' lan xanuc' Pedro ipalaic'o'ma Jesús, timi:

—Momxi, ma jifa'a almanecu. Tohta'a luyalaico'me al c'a. Illanc' alanc'e'me afane' lihuoxqui, anuli ima', ocuena Moisés, locuena Elías.

Pedro ma le'a tipalay, aiqixina' lonespa.

³⁴ Mipalay Pedro imunni hummahuay. Ipoxc'i'mola'. Ix-pailij'mola' juaiconapa.

³⁵ Jilpe hummahuay icuej'me tipalay, timila':

—Itca'a lai'Hua, lai'Huij'epa. ¡Tołquimf'ete!

³⁶ Lijoupa limipola' tohta'a, ts'ilihuequi Jesús ixim'me itque quituca'. Moisés y Elías ailomana'.

Ilniya litiné lam fantsi ts'ilihuequi Jesús i'ipola' ch'ix. Aiquiluya'e' ile liximpa jilpe hjuala.

³⁷ Lihuequi litine imulnanca hjuala. Axpela' lan xanuc' icuai'me tehueyi Jesús.

³⁸ Anuli ilniya ija'a'ma, ipalaic'o'ma Jesús, timi:

—Momxi, caxahue'ehuo' toxinta' lai'hua. Itque cal nuli cai'hua.

³⁹ Anuli lonta'a ti'noli. Lai'hua tija'e'. Lonta'a tife'ne ujfxi. Tipamma hitsulu lico. Lonta'a tixcai'e lai'hua, afule mux'masya.

⁴⁰ Aixahue'epola' lihuejhuo' tipa'ate lonta'a, aiqii'ic' quilipa'e.

⁴¹ Jesús italai'e'e'ma, ticua:

—¡Ay imanc'! Aimoł'huaiyijnyi LanDios, a'ij hijca lołpicuejma'. Coła' aicapajncona'ma pe lołmana'. ¿Te iya' ti'hua caxnet'ł'ma? Timi cal xans:

—Añec'metsi lo'hua.

42 Ai'a ticuaita ñamijcano ñonta'a eca'ni'ma ñamats', ife'ne'ma ujfxi. Jesús itale'ma ñonta'a, ixañ'mena'ma ñamijcano, exat'ñina'ma qui'ailli'.

43 Nahuelojmpá toñta'a li'ipa jahuary tipailo liñpicuejma'. Iximpá acueca' lo'epa ñanDios. Ixpailij'mola'.

Mi'nujuaisyi lan xanuc' jahuary lo'epa Jesús ti'hua tipailo liñpicuejma'. Jesús ipalaic'o'mola' ts'ilihuequi, timila':

44 —Imanc' toñpo'noñe cuenna laifmipolhuo'. Iya' itque cal Xans Liximpa cal profeta pu'hua lema'a. Añcum'ma ticuaita quiñmane lan xanuc'.

45 Ts'ilihuequi aiñquicueca limipola' Jesús. Aiquepalc'o'ila' liñpicuejma'. Aimi'iya mepenufyacu ite lataiqui'. Aiquilicuis'e Jesús. Ixpailij'mola'.

46 Ipalaic'o'moñsi, icuis'e'moñsi: “¿Illanc', nañsi no'iya xonca cal cueca?”

47 Jesús imetsaicola' liñpicuejma', exat'ñu'ma añuli ñacamijcano, ecaxijm'moxi.

48 Timila' ts'ilihuequi:

—Cal xans nocuapa: “Jesús ti'ela' capic'a la'uhuary”, ti-jouñla' tepenufi ñacamijcano, jouc'a iya' lapenufi. Cal xans pe ñalapenufpa ma añuli lapenufinga' ñalummepa. Iya' camilhuo': Ja'ni añuli imanc' ti'exoxi xonca aca'hua, itque xonca acueca'.

49 Juan ipalaic'o'ma Jesús, timi:

—Momxi, añsimpá añuli cal xans ticuaj'mi lopuftine, tipa'ala' lontahue. Illanc' añmipá: “Añlopa'a lane. Aimo'e'ma toñta'a. Ima' a'i cañejmale.”

50 Jesús timila':

—Añmoñcuanac'e'me. Ja'ni añmixtuc'olhuo' tocomma to ñañejmale.

51 Licuaico'ma litine tepenufinnata Jesús pu'hua lema'a, ixpic'epa nulemma ti'huanñla' Jerusalén.

52 Umme'mola' ts'ilihuequi tuya'atsa ñileloña', tu'iyaletsa Jesús ticuaihuo.

Itne lummepola' icuaitsa liñpiña' lun samaritano. Tehueyi lajut'ñ pe loñanc'eya Jesús.

53 Lan xanuc' ñiñpe liña' ticuayi: “Itque Jesús ti'hua'ma Jerusalén. Añmalapenufyacu.” (Itñiya itpilaic' al cuecaj xoute' lopa'a Jerusalén.)

54 Lixim'me liñ'ejma' itne lan xanuc' Jacobo y Juan icuis'e'me Jesús, timiyi:

—Mañpoujna, ¿te ts'opic'a? ¿Te aga añjoc'ite ñanDios, tummeña' ñunga, tipitsola' nulemma itne lan xanuc'? Toñta'a li'epa cal profeta Elías.

55 Jesús ipai'e'moxi, itale'mola', timila':

—Imanc' aicołsina' te ts'i'ic' lołcuapa. Tocomma tunlihuejyi ocuena, a'i iya'. Imanc' ituca' lołpicuejma'.

⁵⁶ Iya' iłque cal Xans Łiximpa cal profeta pu'hua lema'a. Aicuaicoco'ma fa'a li'a łamats' cunłu'etsola' lan xanuc', a'i ca-jac'eyacola'.

Lijou'ma iye'me ocuena quiłya'.

⁵⁷ Miyeyi lane icuaitsi anuli cal xans ipalaic'o'ma Jesús, timi:

—Ima' ni petsi lołtseya iya' jouc'a quihuej'mo'.

⁵⁸ Jesús italai'e'e'ma, timi:

—Lant'leyá tipa'a liłpunts'ejay, lacał'hui naiyulpá lema'a tipa'a liłpuxil'na'. Iya' iłque cal Xans Łiximpa cal profeta pu'hua lema'a. Iya' ailopa'a caifxmai'eya.

⁵⁹ Jesús ipalaic'o'ma ocuena xans, timi:

—Ima' lihuejla'.

Cal xans timi:

—Maipoujna, lapi'ila' lane, ca'huała' lainejut'ł. Mipa'a cai'ailli' capajnta jilpe. Tijouła timanła', caminna, quihuej-na'mo'.

⁶⁰ Jesús timi:

—A'i. Lomapola' ti'i'ma temile lił'as lomapola'. Ima' to'huała', toya'atsi te ts'i'ic' micuxe ŁanDios cal Rey.

⁶¹ Ocuena xans ipalaic'o'ma Jesús, timi:

—Maipoujna, quihuej'mo'. Ate'a lapi'ila' lane ai'huanapa caxc'ai'itola' iłne nomana' lainejut'ł, tijouła' capaiconahuo, quihuej'mo'.

⁶² Jesús timi:

—Cal xans liłpangopa tepa'ma łemats' ja'ni tipaicoł'ila' tehuelojnla' lixpula', aimi'iya mi'eya lipenic' ŁanDios, iłque cal Cuecaj Rey.

10

¹ Lijou'ma łalPoujna Jesús i'huijf'e'mola' ocuenaye ts'ilihuequi. İniya lam fanej nuxans quimbama'. Umme'mola' tiyełe oquexi' oquexi' liłelołya'. Tiyef'cołaitsa ate'a, tijouła' tuyaicota Jesús.

² Timila':

—İtsiya lixhuaita litine cafot'leya. Tipa'a acueca' lanic', ahuata lan xanuc' nafot'leyacu. Tołsahue'ele łalPoujna camats' tummetsola' no'eyacu canic' petsi liłpammaita łemats'.

³ Imanc' laixanuc' ti'onłcospolhuo' to lam mot'ł, iłne aimi'iya mipa'neyacołsi. Iya' cummelhuo' tonłełe pe lomana' lan xanuc' lo'onłcospola' to lam lobo, iłne oyac'la quinnejá.

⁴ Aimołtai'me lołponta. Jouc'a aimołtai'me lołmorral, ni łołc'ejí. Aimołpalaic'otola' lan xanuc' lołtalecufyacola' lane.

⁵ Lajut'í pe lołtsuflaiyacu tołmitsola': "ŁanDios tipaxnetsolhuo' imanc' nołmana' fa'a lajut'í".

⁶ Ja'ni tipa'a anuli cal c'a xans jilpe lajut'í, ŁanDios tipaxne'ma. Ja'ni ailopa'a, ŁanDios tipaxne'molhuo' ma le'a imanc'.

⁷ Petsi lapenufinyacolhuo' małpiya tolunxac'eta. Lapi'inyacolhuo' tołteta, tołsnata. Aimolcua'me: "Aimi'iya małtejacu. Ailopa'a całtomí." Cal xans no'epa lanic' tipa'a lapi'inyacu. Imanc' toł'eyi lipenic' ŁanDios, jouc'a tipa'a lapi'inyacolhuo'.

⁸ 'Lilelołya' pe lołtsuflaiyacu, ja'ni lan xanuc' tepenuftsolhuo' tołtetsa lapi'inyacolhuo'.

⁹ Tołxał'metsola' lafcualłay. Tołmitola' lan xanuc': "Ma fa'a pe lołmana' icuai'ma ŁanDios cal Rey".

¹⁰ 'Lilelołya' pe lołtsuflaiyacu ja'ni aimepenufinnilhuo', toluyalaicotsa łaneya ilpe liłya', monłeyi toluya'ata:

¹¹ "Illanc' ni łepi camats' lotałijmpa lał'mitsi' fa'a lołpiłya' aimalłaiyacu. Tołsinłe, lunafnayı, tipanenni fa'a. Tama aluyalai'me illanc', ti'ila' colłsina' imanc': ŁanDios cal Rey icuai'ma fa'a pe lołmana'."

¹² Iya' camilhuo': Al Cuecaj Quitine locuaicoya tama ŁanDios titeł'mi'mola' lun Sodoma, xonca acueca' titeł'mi'mola' lan xanuc' ilpe liłya' petsi aimepenufinnilhuo'.

¹³ 'Ima' miłya' Corazín, acueca' loftelcoya. Ima' miłya' Betsaida acueca' loftelcoya jouc'a. Jilne lołxanuc' joupá iximpá al cueca' lo'epa ŁanDios. Aiquilłsuej'meya. Luyaipa quitine Tiro y Sidón colá' ixim'me tołta'a, lan xanuc' limajmpá colá' tixhuej'menacu, colá' ticutshuołai'me tixhuełco'me, tipo'no'me liłpijahuá' ayolca, timets'li'me capi' lił'a, timujco'mołtsi ix-huej'menammas liłjunac'.

¹⁴ Al Cuecaj Quitine locuaicoya tama ŁanDios titeł'mi'mola' lun Tiro y lun Sidón, xonca acueca' titeł'mi'molhuo' imanc' unc'ilelołya' Corazín y Betsaida jouc'a lołxanuc'.

¹⁵ Ima' miłya' Capernaum, łte to'nof'e'moxi xonca al ton-cay? łTe ti'onłto' to ŁanDios? A'í. Ti'oc'em'mo'. Toxinnoxi jilpe al muf.

¹⁶ 'Imanc' ts'alihuequi, iya' camilhuo': Ja'ni anuli cal xans tiquimf'elhuo', ilque cal xans alquimf'enga' iya', imanc'. Ja'ni anuli cal xans tetets'ilhuo', ilque cal xans latets'inga' iya', imanc'. Ja'ni anuli cal xans latets'i iya', ilque cal xans latets'inga' iya' y ŁanDios Łalummepa.

¹⁷ Ipalunca lam fanej nuxans quimbamaj ts'ilihuequi Jesús, uya'ahuo'me. Lijou'ma ipailinamma. Licuainatsa pe lopa'a Jesús tixoqui quileta, timiyi:

—Mał'ailli', alcuaj'mihuo'me lopuftine tołta'a lontahue lihuej-coponga', ipalummas.

18 Jesús timila':

—Lonta'a Satanás itsiya ailopa'a pu'hua lema'a. Joupa ecangimpa. Iya' aiximpa lecangemma to lixcuaflay.

19 Ałcuc'eła' imanc'. Iya' nepi'ipolhuo' lołmane, ti'i'ma toł'huaillets'uf'mola' lainofat'ł' jouc'a linnaispó. Tama icueya quimane Satanás aimi'iya mulijyacolhuo' imanc'. Ailopa'a co'eyacolhuo'.

20 Imanc' tixoqui cunlata lipalunca lontahue lołcuxe'e'mola'. Itsiya camilhuo': Xonca tixojla' cunlata, ŁanDios timetsaicolhuo'. Lołpuftine inilingiya jıłpe linilingiya liłpuftine lixanuc' ŁanDios.

21 Małpe al 'hora cal Espıritu Santo juaiconapa ixoc'i'ma queta Jesús. Itque ipalaic'o'ma ŁanDios, timi:

—Mai'Ailli', ima' maPoujna lema'a y li'a łamats'. Cax'najtsi'ihuo' lof'epa. Tomuc'ila' laixanuc', ilne lo'onłcospola' to la'uhuy. Mepi'ipola' liłpicuejma' ticuec'ele laitaiqui'. Lan xanuc' ts'ıłsina', xonca nixhupá, aicomepi'ila' tołta'a liłpicuejma'. Ilne iximpá ipime laitaiqui', to emiya. Aimi'i muhuałcufyi. Ałınca mai'Ailli', tołta'a lołpic'epa, tołiya latenłcocopo' ima'.

22 Jesús ti'hua tipalay, ticua:

—Cai'Ailli' jahuay lapi'ipa cacuxe'etsola'. Iya' i'Hua ŁanDios, lan xanuc' aimi'iya małsingufya iya' laipicuejma'. Ma le'a cai'Ailli' ałsingufi. Lan xanuc' jouc'a aimi'iya mixingufyacu cai'Ailli' lipicuejma'. Ma le'a iya' li'Hua, linca aixingufi.

'Iya' caxpic'e naiłne laifmuc'iyacola', ilne camuc'ila' te ts'i'ic' lipicuejma' cai'Ailli'. Ilne linca timetsaicoyi cai'Ailli'.

23 Lijou'ma, Jesús ipalaic'o'mola' ts'ilihuequi quıłtuca', timila':

—Imanc' ałınca tuluyalaicoyi al c'a, tolahuelojnyi lo'epa ŁanDios.

24 Iya' camilhuo': Luyaipa quitine axpela' lan xanuc' tijana-jyi coła' tixinłe lołsimpa itsiya imanc'. Ilniya lam profeta jouc'a lan rey aiquixim'me. Ijanaj'me coła' tiquimf'ele lołquimf'epa itsiya imanc'. Aicu'innila' jıłiya lataiqui'.

25 Lijou'ma itsahuenni anuli łomxi nomuc'iyalepa locuxepa ŁanDios, tehuai'ma Jesús. Icus'e'ma, timi:

—Momxi, aipic'a culijla' al ts'e laipitine aimijouya. ¿Te caif'eya?

26 Jesús timi:

—Lataiqui' Linilingiya loya'apa locuxepa ŁanDios, ¿te cocuapa?

27 Łomxi italai'e'e'ma, timi:

—“To'nujuaisla' ŁanDios loPoujna, itque omenDios. Taihuejla' jahuay łomunxajma', jahuay lo'alma, jahuay lopujfxi, jahuay

lopicuejma'. Ima' to'eyoxi capic'a, ma tołta'a to'eł'a' capic'a łof'as xans, naitsi łoftalecufya."

²⁸ Jesús timi:

—Al c'a ałtalai'e'epa. Tołta'a to'e'ma, tapenuf'ma lopitine.

²⁹ Łomxi timiyoxi: "Tixinł'a' Jesús iya' aipicuejma".

Icuis'econa'ma Jesús, timi:

—¿Naitsi xans caif'eya capic'a?

³⁰ Jesús italai'e'e'ma, timi:

—Anuli cal xans ipanni liłya' Jerusalén, imunni lane Jericó. Mi'hua lane lan namats' linma'ahuale i'noł'me, umets'ai'me, untaf'me, exic'e'e'me lipijahua', ipo'no'me tocomma joupa tima'ma. Inulna'me.

³¹ Jiłpe al 'hora anuli ł'a'ailli' ti'hua małpe lane. Lixim'ma lixcayıołpa cal xans aiquicoł'ma, uyai'ma locuena liju' lane.

³² Ma' anuli i'e'ma łocuena cal xans notoc'ipa ca'ailli'. Icuaitsi huejnca lixcayıołpa cal xans. Lixim'ma aiquicoł'ma, uyai'ma locuena liju' lane.

³³ 'Anuli cal xans łas Samaria jouc'a ti'hua małpe lane. Icuaitsi huejnca lixcayıołpa cal xans. Lixim'ma, ixim'ma cuanuc'.

³⁴ Hoc'huai'ma pe lopa'a cal xans, ic'ef'i'ma laceite jouc'a al vino iłe lehui. Ifi'e'ma lehui. Lijou'ma ipulał'ma enaf'i'ma liburro, ileco'ma anuli lajut'ł pe lonxac'eyoyacu. Jiłpe i'e'ma cuenna.

³⁵ Lihuequi litine ai'a tuyai'ma, cal xans ipa'a'ma liponta oque' al tomí plata, (lolijpa cal xans oquej quitine), epi'i'ma lipoujna cajut'ł, timi: "Iłca'a cal xans to'e'ma cuenna. Ja'ni aim-ixhuaicospa iłta'a al tomí laifnepsi'ipo', ima' taipa'a'ma lotomí, to'naco'ma lahue'eya. Aimoxhuełmot'łe'ma. Cacuaiyoconno, ca'najtse'ena'mo'."

³⁶ 'Afantsi lan xanuc' niximpá iłque lixcayıołpa cal xans. ¿Naitsi nihuejcopa iłe łataiqui' loya'apa: "To'eł'a' capic'a łof'as xans, naitsi łoftalecufya"?

³⁷ Łomxi italai'e'e'ma, timi:

—Iłque liximpa cuanuc'.

Jesús timi:

—Ne'. Ima' to'huala', to'etsi ma to li'epa iłque cal xans.

³⁸ Miyeyi lane Jerusalén Jesús jouc'a ts'ilihuequi icuaitsa anuli laca'hua quiliya'. Jiłpe tipa'a anuli łaca'no' cuftine aMarta. Marta epenuf'ma lejut'ł.

³⁹ Tipa'a lipima caca'no' cuftine aMaría. María icutsingai'ma li'mitsi' Jesús. Tiquimf'e litaiqui'.

⁴⁰ Marta tipa'a acueca' lipenic'. Tihuejnyoxi. Tihuełmot'łe juaiconapa. Hoc'huai'ma pe lopa'a Jesús. Ipalaic'o'ma, timi:

—Maipoujna, ¿te aicoxina' lo'ipa fa'a? Łaipopo ałpo'nohua. Iya' ca'ay jahuay łanic'. Tomiła': "Totoc'itsi łopima".

41 ŁaŁPoujna Jesús italai'e'e'ma, timi:

—Ima' cumMarta, acueca' lof'epa. Toxhuełma juaiconapa, taihuejnyoxi.

42 Ticuicomma ma le'a anuli lof'eya. María i'huijf'epa xonca al c'a. Aimi'iya mixic'enyacu.

11

1 Anuli litine Jesús mipalaic'o ŁanDios jłpe timana' ts'ilihuequi. Jesús lijou'ma lipalaic'o'ma ŁanDios anuli ihne ts'ilihuequi ipalaic'o'ma, timi:

—Mai'ailli', Juan imuc'i'mola' ts'ilihuequi te ts'i'ic' mipalaic'oyacu ŁanDios. Ima' ałmuc'itsonga' jouc'a.

2 Jesús timila':

—Mołpalaic'oyi ŁanDios tołmi'me:

Ima' mał'Ailli' cofpa'a lema'a.

Timetsaicontso' apaxi loPuftine.

Ticuaitsi litine petsi jahuay lan xanuc' timetsaicotso' ima' ihRey.

Pu'hua lema'a jahuay tihuejcohuo', tołta'a tihuejcotso' fa'a li'a łamats'.

3 Łałtepa itine itine, lapi'itsonga' itsiya.

4 Illanc' joupá limenc'e'ecopola' ihne lał'e'eponga' lixcay. Ima' jouc'a alimenc'e'ecotsonga' petsi lalimenajponga'.

Aimałłeco'monga' lalahuaiyoyaconga'.

Ja'ni tiłoc'huai'ma lałmana' lixcay xans, ima' lunłu'etsonga'.

5 Jouc'a timila':

—Anuli imanc' ja'ni nolojmay quipuqui' hłejmale ticuaitsi lejut'ł, timitsi: “Maipima, lapi'ila' afane' caine'í.

6 Anuli łalimetsaicoyołtsi icuai'ma lainejut'ł. Hque in'huaya xans. Iya' ailopa'a caifnepi'iya.”

7 Hque łonanc'ompa nopa'a lejut'ł, łte timi'ma: “Amalapi'i'ma coyac'. Aimałtsa'huot'le'ma. Joupá aix'nifconapoxi. Lainaxque' joupá lunahuołainapá. Aimi'iya catsahueya. Aimi'iya capi'iyaco”?

8 Iya' camilhuo': Tama inespa: “¿Te caif'eya? Łinca ałejmale. Aicatsahueya, aicapi'iya”, ja'ni ti'hua tixahue'e, łinca titsahuehuo, tepi'i'ma jahuay loxahue'epa.

9 'Iya' camilhuo': Ti'hua tołsa'huełe, tijouła' tepi'im'molhuo'. Ti'hua tolahuełe, tijouła' tołsim'me. Ti'hua tołumf'asle al puerta, tijouła' texi'em'molhuo'.

10 Lan xanuc' noxa'huepá tepi'inni, jouc'a nahuepá tixim'me, jouc'a nomf'axpá texi'em'me.

11 'Imanc' unc'a'ailli', ja'ni lołnaxque' tixahue'etsolhuo' quile'i, łte tołapi'i'mola' łapic? A'i. O ja'ni tixahue'etsolhuo' łatu, łte tołapi'i'mola' łainofał? A'i.

12 O ja'ni tixahue'etsolhuo' łapi'e, ¿te tolapi'i'mola' hinnaispo? A'i. Aimi'ya mont'eyacu tołta'a.

13 'Imanc' tama ołtaic' lołjunac', tipa'a lołpicuejma' tolapi'ila' al c'a lołnaxque'. Conł'Ailli' Nopa'a lema'a, xonca acueca' lipicuejma'. Iłquiya linca tepi'i'molhuo' cal Espiritu Santo ja'ni tołsahue'ełe.

14 Jesús tipa'e łonta'a łitsufaipa cal xans. Łonta'a mi'nico, cal xans aimipalay. Lipanni łonta'a cal xans ipalaina'ma. Lan xanuc' lefot'łepołtsi jilpiya tıcuayi:

—ıXinła'! Acueca' lo'epa Jesús.

15 Timana' nocuapá:

—A'i. Beelzebú, łincuxepa contahue, ilque łepi'ipa limane, tołta'a tipa'ala' łontahue.

16 Ocuenaye ehui'me Jesús, ıxa'hue'me timuc'itsola' al cueca', to lo'epa ŁanDios Nopa'a lema'a.

17 Jesús ıxina' te ts'i'ic' minesyi jilpe łipicuejma', timila':

—Ja'ni tenajtsołtsi lan xanuc' anuli al cuecaj nación, jilıya al nación tejac'ma. Jouc'a ja'ni tenajtsołtsi lan xanuc' nomana' anuli lajut'ł, ilniya lan xanuc' aimipajnya łilpułfxi, tijou'mola'.

18 Imanc' tołcuayi Beelzebú, ilque Satanás, łapi'ipa łaimane, tołta'a quipa'ala' łontahue. Iya' cacua: Ja'ni łonta'a Satanás tipa'ala' lipontahue joupa enajpoxi Satanás. Iłque y ts'ilihuequi a'ij nuli łipicuejma'. Ja'ni tołta'a li'ipa, ¿te ti'hua tıcuxe Satanás? A'i. Aimi'ya.

19 Iya', ja'ni Beelzebú łalapi'ipa łaimane, ja'ni tołta'a quipa'ala' łontahue, lołxanuc' naipa'apá contahue, ¿naitsi nepi'ipola' łilmane ilniya? Małniya timuj'me imanc' timenaquilhuo'.

20 O ¿te cołcuayacu ja'ni ŁanDios łalapi'ipa łaimane quipa'atsola' łontahue? Ja'ni tołta'a lo'ipa, linca jifa'a tipa'a ŁanDios cal Rey. Iłque tıcuxe.

21 'Anuli cal xans ts'ıpułfxi, mipa'a lofulecopa tıcuana-jco'ma lejut'ł jouc'a h'hueca. Ailopa'a tıntsi.

22 Tıcu: “Tıpa'a laifulecopa. Aimi'ya malulijya.” Tıcuaitsi łocuena xonca ts'ıpułfxi, tıłonc'eta lofulecopa, tulijnata. Tıca'neta h'huexi cal xans.

23 'Naitsi aicalihuequi al'ay laic'. Naitsi aımfot'łela' lan xanuc' to laif'epa, ilque tıca'nennala'.

24 'Łonta'a lipanni licuerpo cal xans ti'hualeco'ma łıjuł camats' pe ailopa'a caja'. Tehue petsi conxac'eya. Aımixina. Tıcu: “Aıpainamma. Aı'huanapa łainejut'ł pe łainipay-omma.”

25 Licuaitsi jilpiya tıxim'ma itaf'uyıya, i'huáqui al c'a.

26 Lıxim'ma tołta'a ti'huacona'ma, tılecotola' acaitsi łontahue xonca ıxcay. Tıtsuflai'me jilpiya licuerpo cal xans,

timajm'me. Tołta'a ilque cal xans xonca acueca' a'ijc'a loy-
aicoya. Al te'a le'a anuli łonta'a i'hueca, tijoułta' ti'i'mola' apaico
lontahue.

27 Mu'ila' tołta'a Jesús lan xanuc' lafołyomma jilpiya, anuli
łaca'no' ipalai'ma ujfxi, timi:

—Joupa ipaxnempa co'máma', ilque ipo'nopo', itoc'epo'.

28 Jesús italai'e'e'ma:

—Ja'ni tiquimf'eyi łitaiqui' ŁanDios jouc'a tihuejcoyi, xonca
ipaxnempá ilniya.

29 Lan xanuc' efot'łepołtsi pe lopa'a Jesús. Ipango'ma
u'i'mola', timila':

—Lan xanuc' nomana' itsiya litine ixcay lilpicuejma'. Ilpic'a
ŁanDios timuc'itsola' al cueca'. Iya' cacua: Aimimuc'iyacola'.
To li'ipa cal profeta Jonás luyaipa quitine ma tołta'a ał'i'ma iya'.
He łınca tołsim'me, timuc'i'molhuo'.

30 He li'ipa Jonás imuj'ma al cueca' lo'epa ŁanDios. Tołta'a
ixim'me lan xanuc' nimajmpá liłya' Nínive. He lał'iya iya' ma'
anuli timuc'i'mola' lan xanuc' nomana' itsiya al cueca' lo'epa
ŁanDios. Iya' ilque cal Xans Łiximpa cal profeta pu'hua lema'a.

31 'Ticuaisi al Cuecaj Quitine imanc' tołacaxingołaita
ŁanDios cal Cuecaj Juez. Łaca'no' nicuxepola' lan xanuc'
nomana' anuli łamats' juaiconapa aculi' al 'ocay jouc'a
tecaxhuaita. Ilque łaca'no' xonca al c'a li'ejma', tołiya
ticuftolhuo'. I'hua'ma juaiconapa itoqui lane. Icuaisi pe
lotseya. Jilpe icuej'ma locuapa cal rey Salomón, ilque acueca'
lipicuejma'. Itsiya imanc' tama tołquimf'eyi anuli xonca
acueca', tołatets'iyi.

32 'Al Cuecaj Quitine tołacaxingołaita ŁanDios cal Cue-
caj Juez. Jouc'a tecaxingołaita lun Nínive, jilpiya Jonás
uya'ahuo'ma łitaiqui' ŁanDios. Ilniya lun Nínive ticuftolhuo'.
Ilne iquimf'e'me lu'i'mola' Jonás, ixhuej'menanca. Itsiya tama
imanc' tołquimf'eyi anuli xonca acueca', aimołsuej'memma.

33 'Munai'im'me lepalc'o' aimeminyacu,
aimic'ommumiquinyacu. Tipo'nonni pe lopyopa. Tołta'a
titsuflaiłe lan xanuc' jilpe lajut'ł tixim'me lepalc'o'.

34 Lo'u' tepalc'o'ihuo'. Ja'ni ac'a lo'u' toxinna pe lof'huapa,
te lof'epa. Ja'ni a'ijc'a lo'u' topanehuo al muf.

35 Ma' anuli lo'e'eyaco' ja'ni to'ehuale laic', topanehuo al
muf. Ti'i'mo' a'ijc'a lopicuejma', aimepalc'o'ihuo'. Topo'nołaj
cuenna. Ja'ni timufc'otsi lopicuejma', acueca' juaiconapa
ti'i'ma ilē al muf.

36 Ja'ni ac'a lopicuejma' aimopajnya al muf. Ti'i'mo' to
lo'e'eyaco' lepalc'o'. Ja'ni tołoc'aiłta' lepalc'o' tepalc'o'i'mo'
juaiconapa.

³⁷ Jesús lijoupa lipalaipa iŕe lataiqui' anuli cal xans fariseo ijoc'ihuo'ma tiyeŕe lejut'ŕ titetsota. Jesús itsufai'ma iŕe lajut'ŕ icutsai'ma, titetso'ma.

³⁸ Cal xans fariseo ehuelojm'ma Jesús, ixim'ma aimi'ay to lif'as xanuc' fariseo. Aiculou'ma al c'a limane ai'a titetso'ma. Cal fariseo timiyoxi: "Iŕca'a cal xans Jesús, ¿te qui'ecopa toŕta'a? Aiculouhuo al c'a limane to maŕ'eyi illanc'."

³⁹ LaŕPoujna Jesús timi:

—Imanc' unc'ifariseo tolapajyi pe li'huáqui. Tolapajyi liŕspula' loŕvaso, loŕpime. Pe aici'huáqui, jiŕpe aimoŕ'eyi cuenna. Imanc' loŕpicuejma' tipanemma a'ijc'a, imanna pangay quixcay. Jiŕpe loŕpicuejma' toŕjanajyi tepi'intsolhuo' xonca, toŕspic'eyi toŕ'ete quixcay.

⁴⁰ Imanc', unc'itonno. Iŕque ŕolanc'epa li'huáqui, ¿ja'ni aiqulanc'e jouc'a iŕe pe aici'huáqui?

⁴¹ Imanc' ts'oŕ'hueca tolap'iŕtsola' pe ailopa'a qui'hueca. Tijouŕa' ŕanDios tetenŕcoco'ma loŕ'ejma', tixim'molhuo' unc'ilimpio, jouc'a loŕpime, loŕvaso.

⁴² 'A'ijc'a lo'iyacolhuo' imanc' unc'ifariseo. Loŕxaimu, loŕruda jahuay loŕpitamqui, ja'ni oŕ'hueca imbama' toŕtsufco'me anuli, tijouŕa' aimoŕ'njuais'mola' loŕ'as xanuc'. Aimoŕ'ela' capic'a. Aimoŕ'ela' al c'a, aimoŕ'ela' al iŕjca to locuxepa ŕanDios. ¡Ne'! Aimonlimenc'eco'me toŕsufco'me ŕanDios loŕpitamqui, jouc'a ton'ete jahuay locuxepa ŕanDios.

⁴³ 'A'ijc'a lo'iyacolhuo' imanc' unc'ifariseo. Jiŕpiya lajut'ŕi pe lafoŕyomma lan xanuc', imanc' oŕpic'a toŕcutsoŕaite pe locutsoŕaipa lan tsilaj xanuc'. Monŕe'me la plazá locucaleyompa oŕpic'a lan xanuc' tinontsolhuo'.

⁴⁴ 'A'ijc'a lo'iyacolhuo'. Ti'onŕcosopolhuo' to jiŕpe lamu'empola' lamizhua. Lan xanuc' muyalaico'me jiŕpiya aimixinyi te ts'i'ic' jiŕpe. Toŕe qui'ic' loŕpicuejma'.

⁴⁵ Anuli iŕne lomxiye nomuc'iyalepa locuxepa ŕanDios italai'e'e'ma, timi:

—Momxi, loŕcuapa toŕta'a jouc'a illanc' aŕmiloquina' cataiqui'.

⁴⁶ Jesús italai'e'e'ma, timi:

—Imanc' unc'omxiye noŕmuc'iyalepá locuxepa ŕanDios, a'ijc'a lo'iyacolhuo'. Imanc' tolatonc'iyi lataiqui' locuxepa ŕanDios. Toŕcuxe'ela' lan xanuc' tenant'ŕiŕe jahuay iŕe loŕtaiqui'. Iŕniya tixinyi ipime loŕcuxe'epola', afule mixnet'ŕyi. Jouc'a imanc' aimolanant'ŕyi. Toŕsinyoŕtsi uhuaŕquelhuo'. Toŕcuxeyoŕtsi coŕtuca'.

⁴⁷ Imanc' a'ijc'a lo'iyacolhuo'. Loŕtatahueló inma'ahuale, ima'a'me lam profeta. Imanc' toŕŕanc'e'ela' hilejut'ŕi iŕne lam profeta.

48 Tołta'a tołmujoyłtsi tetentłocolhuo' li'epa lołtatahueló. Ihe linma'ahuale ima'a'me lam profeta, imanc' tołłanc'e'ela' quile-jut'li pe lemu'empola' ihniya.

49 'ŁanDios acueca' lipicuejma'. Joupa iximpa te ts'i'ic' loł'ejma'. Joupa ipalaicopolhuo', icuapa: "Cumme'e'mola' lam profeta, jouc'a lan apóstole, ticuaitsa pe lomana' ihniya lan xanuc'. Ihe tima'ata hualca, locuenaye ti'e'ennola' acueca'."

50 'Imanc' ma tołta'a loł'ejma'. Tołta'a jouc'a tołtai'me liłjunac' lołxanuc', ihe inma'ahuale, ima'a'me lam profeta. Ma lipangopa li'a lamats' małpe ipangopa jouc'a li'epa lixcay. ŁanDios jahuay ti'najtsi'i'molhuo' imanc'.

51 Ti'najtsi'im'molhuo' limacopa Abel, ti'hua ti'najtsi'im'molhuo' lima'ampola' lam profeta, cocuaiya lima'ampa Zacarías. Iłque ima'ayom'me jilpe al cuecaj xoute' lixpula' al altar, jilpe lotsuflaiyacu al paxi lugar.

52 'Imanc' unc'omxiye nołmuc'iyalepa locuxepa ŁanDios a'ijc'a lo'iyacolhuo'. Joupa ołcuapá: "Ma le'a illanc' ałsina'. Ma le'a illanc' ałmuc'iyale'me." Joupa ołs'nifcopá al puerta, olamipá cal llave. Imanc' aicoltsuflaic' pe locuxeyopa ŁanDios, jouc'a aicolapi'ila' lane lan xanuc'. Pe nocuapá: "Ałsulfołaiłe", imanc' ołpa'nela'.

53 Lomxiye nomuc'iyalepá locuxepa ŁanDios jouc'a lam fariseo juaiconapa ixtulencia. Lipanni Jesús jilpe lajut'ł ipango'me icuis'mot'le'me juaiconapa.

54 Tehueyi te co'iya mic'aılłqueya Jesús. Tinesla' cataiqui', tijouła' ticuxecota, ticuaita quılłmane ts'ılłpenic'.

12

1 Mipa'a Jesús lajut'ł jilpiya efołunni axpela' lan xanuc', ti'huałtsijnyołtsi. Ate'a ipalaic'o'mola' ts'ilihuequi. Lipangopa lipalaic'opola' timila':

—Imanc', tołpo'nołe cuenna. Aimolapenuf'me jile liłlevadura lan xanuc' fariseo. Capalaicola' lił'ejma' ihniya. Ihe ma le'a ti'e'eyołtsi ac'a xanuc'.

2 Camilhuo': Letamuyiya tiłonc'e'em'me, ti'huájta. Tixim'me ihe lemiya.

3 Ihe lołpalaipa joupa imufc'opa, ticuaihuo litine tepalc'o'ina'me, ticuec'ena'me. Jile lołsoulai'ipołtsi mołmana' letemiquiya lajut'ł, małiya lataiqui' tuya'am'me al toncay lajut'ł.

4 'Imanc' lałejmalepa, iya' camilhuo': Aimołspaic'e'mola' noma'ahualepá. Ihniya ma le'a tejac'eyi al cuerpo. Tijouła' aimi'iya mi'eyacu xonca.

⁵ Iya' cu'ilhuo' naitsi łołspaic'eyacu. Iłque icueya limane. Ti'i'ma tima'a'mola' lan xanuc', tijouła' ti'nij'mi'mola' al muf, pe lopa'a łunga. Iłque łınca axpaiqui'. Tolihuejcołe iłque.

⁶ 'Joupa ołsina' tojua liłpitali lan gorrión. Ticujconnila' amałxi ma le'a oque' centavo. Tama ahuata liłpitali iłne lacał'hui, ŁanDios aimimenc'ejma ni anuli.

⁷ Xonca ti'nujuaitsilhuo' imanc'. Joupa ixhuej'miya tojua mipa'a łajuac quitezque łołjuac. Ixina' ja'ni tecangemma anuli. Aimołsuełmot'łe'me. Aimixpailij'molhuo' lo'iyacolhuo'. ŁanDios tixinnilhuo' acueca' lołpitali. Tama axpela' lan gorrión aimi'iya mulijyacolhuo'.

⁸ 'Iya' camilhuo': Anuli cal xans mipa'a fa'a li'a łamats', ja'ni alimetsaicoła', ja'ni timitsola' lif'as xanuc': "Iya' nihuequi Jesús", iya' jouc'a quimetsaico'ma. Iya' iłque cal Xans Łiximpa cal profeta pu'hua lema'a. Pe lomana' lepaluc' ŁanDios cuya'ata: "Iłque cal xans lihuequi".

⁹ Anuli cal xans ja'ni tinesla': "Iya' aicainihuequi Jesús", iya' jouc'a aicainimetsaicoya iłque cal xans. Pe lomana' lepaluc' ŁanDios cuya'ata: "Iłque aicalihuequi".

¹⁰ 'Iya' iłque cal Xans Łiximpa cal profeta pu'hua lema'a. Cua naitsi ałnesc'e'ela' cataiqui', iłque cal xans ti'i'ma tiłojm'ma lijunac'. Cal xans nonesc'e'eya cataiqui' cal Espíritu Santo, iłque aimiłonc'e'enyacu lijunac', aimi'iya. Iłta'a lapajnya jouc'a locuenaj quitine titai'ma lijunac'.

¹¹ 'Ticuaihuo litine ticufquinnolhuo', ti'hua'am'molhuo' łajut'li pe lafołyomma lan xanuc', tileconnolhuo' pe lomana' lan tsilaj quincuxepá, małe anuli tileconnolhuo' pe lomana' ts'iłpenic'. Ti'iłsolhuo' tołta'a aimołsuełmot'łe'me, aimołcua'me: "¿Te co'iya catalai'ecoyacoxi? ¿Te caifmiyacola'?"

¹² Małe al 'hora cal Espíritu Santo tu'i'molhuo' lołtalai'ecoyacu.

¹³ Jiłpe lefołya anuli cal xans ipalaic'o'ma Jesús, timi:

—Momxi, łaipima joupa efot'łumijnapa li'huexi cał'ailli'. Tomita lapi'ıła' onłca łocuaiya caimane.

¹⁴ Jesús italai'e'e'ma, timi:

—Cunxans, ¿te aga ałfaquimpa cacuxetsolhuo' tołta'a? A'i. Aimi'iya capit'łiyacolhuo'.

¹⁵ Jesús ipalaic'o'mola' lan xanuc', timila':

—Imanc' toł'etsołtsi cuenna. Aimonlahue'me acueca' coł'huexi. Cal xans tama acueca' li'huexi, iłque li'huexi aimi'iya mepi'iya lipitine.

¹⁶ Jesús ti'hua tipalaic'ola'. I'onłico'ma to li'ipa anuli cal xans nulijpa acueca' qui'huexi. Timila':

—Anuli cal xans i'hueca acueca' łemats', ipammaita juaiconapa.

17 Itque ipalaic'o'moxi, timiyoxi: “¿Te caif'eya? Ailopa'a caif'huec'e'eya lipammaita acueca' lainemats'.”

18 Lijou'ma timiyoxi: “Ne', joupa aixina' laif'eya. Cate!ma lainejut'hi pe laif'huec'eyopa lai'huexi. Tijoula' calanc'econa'ma xonca atsila' lainejut'hi. Jilpe ca'huej'ma laitrigo jouc'a jahuay locuena lai'huexi lipammaita lainemats'.

19 Tijoula' cami'moxi: Cunxans, joupa' o'hueca acueca'. Tijuco'ma axpe' camats'. Itsiya linca tonxaj'ma, totetso'ma, toxna'ma, topajm'ma tixoj'ma meta.”

20 LanDios ipalaic'o'ma timi: “Ima' cunxans umtonno. Ita'a lipuqui' tihonc'e'enam'mo' lopitine. Tijoula' jahuay lomefot'lepa, ¿naitsi lapenufya ihna'a?”

21 'Iya' camilhuo': Tohta'a cal xans ja'ni tixhuej'mecoyoxi itque quituca', lo'epa aimetentcocojma LanDios. Itque tama acueca' efot'lepa, LanDios tixina to aiqui'hueca, aimepenufi itque cal xans.

22 Jesús lipangoconapa lipalaic'oconapola' ts'ilihuequi, timila':

—Aimo!suelmot'le'me te co'iya muluyalaicoyacu lapajnya fa'a li'a lamats'. Aimo!cua'me: ¿Te caltejacu? ¿Te calju'ecoyacoltsi?

23 Lo!pitine acueca' lipitali, lo!tepa aijtine. Lo!cuerpo linca xonca acueca' lipitali, lo!ju'ecoyacoltsi aijtine.

24 To!sinle lan colpe'. Ihniya aimifayi, ni mefot'leyi. Ailopa'a quilejut'hi ni qui!huocolma pe lo'huejyoyacu lotejacu. Ma LanDios tites'mila'. Imanc' aimi'on!yacolhuo' to ihniya laca!hui. Xonca acueca' lo!pitali.

25-26 Imanc', ¿te aga ti'i'ma to!e'e'moltsi xonca unc'ito!qui? Ai. Aimi'iya, ni huata. Tama to!suelcocoysi aimi'iya mon!eyacu i!e a'ij cueca'. Tijoula' ¿te col!suelcocolpa te co'iya muluyalaicoyacu lapajnya?

27 To!sinle te ts'i'ic' mitoqui ihna'a laic'ua' c'ec. Tama aimucui ni mipufi lipipa' tetejcoyoxi to quipijahua'. Cal cuecaj rey Salomón lipo'nopa ac'a lipijahua', tama i'huáqui juaiconapa acueca' quincuxepa, aiqui'on!cotsi to jilpe lipipa' c'ec.

28 LanDios tiju'e'ela' juaiconapa ac'a laic'ua' c'ec. Itque laic'ua' c'ec aimijujma. Anuli quitine titoqui ac'a, lihuequi litine tiyaxquinni, tipi'enni pe lopa'a lapa. Imanc', ¿te LanDios aimiju'eyacolhuo'? Ah imanc', huata to!huaiyijnyi LanDios.

29 'Muluyalaicoyi lapajnya aimolahue'me ma le'a coltejacu o colsnayacu. Aimo!cua'me: “LanDios, ¿te lapi'i'monga', o aimalapi'iyaconga?”

30 Tohta'a li!ejma' lan xanuc' pe aimimetsaicoyi LanDios. Col'Ailli' ixina' te laicuicom'molhuo'.

31 Imanc' tołpo'nołe lołpicuejma', tolihuejcołe ŁanDios cal Cuecaj Rey, tonł'ele al c'a ma to locuxepolhuo'. Tołta'a tepi'i'molhuo' jahuary, aimehue'eyacolhuo'.

32 'Imanc' aixanuc' aimixpailij'molhuo', aimołsuełmot'le'me. Tama imanc' unc'ihuata tołcuxeta pe lopa'a ŁanDios cal Cuecaj Rey. Tołta'a lixpicepa ŁanDios, iłque oł'Ailli'.

33 Tołcujle loł'hueca. Al tomí lolulijyacu tołapi'itsola' lan xanuc' petsi aiquil'hueca. Ja'ni tołta'a tonł'ele ti'i'ma acueca' loł'huejyacu jipu'hua lema'a. Jifa'a li'a łamats' ti'hua tijaf'quila' lołpontalay tomí, tijou'ma lołtomí. Pu'huanni a'i. Aimijouya. Jipu'hua nonantsepá aimiłoc'huaiyacu. Lan huoxmi aimitejacu, ailopa'a.

34 Imanc' pe lopa'a loł'huexi małpiya copa'a lołpixojma cata.

35-36 'Imanc' ti'onłcospolhuo' to lam mozó ts'it'huaijma ticuaitsi hiłpoujna, iłque joupa ipainamma lijuic lipemaná, ticuainata lejut'ł. Ihe lam mozó joupa ił'huaijma hiłpoujna ti'e'me lipenic'. Joupa unai'ipa hiłpepalc'o'. Ticuainatsi hiłpoujna małpe lejut'ł tijoc'i'mola' limozó, ihe aimicołyacola' texti'e'me.

37 Ac'a juaiconapa loyalaicoyacu ihe lam mozó ts'it'huaijma hiłpoujna ticuaihuananni. Camilhuo' al linca: Ticuaitsi hiłpoujna iłque tifi'e'moxi to cal mozo, timi'mola' ihniya limozó: "Imanc' tołcutsolaile, tołtetso'me. Iya' cates'mi'molhuo'."

38 Ticuaitsi hiłpoujna nolojmay quipuqui' o ticuaitsi ai'a tihic'e'ma, ja'ni tixintsola' limozó ts'it'huaijma, linca ac'a loyalaicoyacu ihniya.

39 'Tołcuc'ele iłta'a laifmipolhuo' jouc'a: Lipoujna cajut'ł coła' ti'ila' quixina' te 'hora ticuaihuo linnantsepa, coła' aimixmai'ma. Ti'huaico'ma lipuqui', ticuanajco'ma lejut'ł. Tołta'a linnantsepa aimi'iya mitsufaiya.

40 Imanc' tołpo'nołe cuenna. ¡Tołmaf'ite! Litine tołnesle: "Łałpoujna aimicuaiya, ticołi", małpiya al 'hora cacuaiyoconno iya'. Iya' iłque cal Xans Liximpa cal profeta pu'hua lema'a.

41 Pedro icuis'e'ma timi Jesús:

—Maipoujna, ihe lotaiqui' loł'onłicopa tocuaiconanni, łte lu'inga' ma le'a illanc' o jouc'a to'ila' jahuary lan xanuc'?

42 ŁałPoujna Jesús italai'e'e'ma, timi:

—Ima', łte cofcuapa? Ja'ni łapoujna tipahuo lejut'ł, łnaitsi co'huijf'eya ti'eł'a cuenna? Ti'huijf'e'ma cal xans ts'ipicuejma'. Iłque tenant'hi'ma, ticuxe'e'mola' lif'as mozó, tites'mi'mola' lacuej'micoya al 'hora.

43 Cal xans lipo'no'impalajut'ł, ja'ni tołta'a lo'eya, ac'a juaiconapa loyaicoya. Ticuaitsi hiłpoujna tixim'ma ac'a lo'epa, tetentłcoco'ma.

44 Iya' camilhuo' al linca: Tepi'i'ma xonca al cueca' lipenic'. Jahuary hi'hueca hiłpoujna ticuxe'ma.

45 'Ihque cal xans hipo'no'impá lajut'í ja'ni timixoxi: “Laipoujna ticoí”, tijoula' tipango'ma tuntafej'mola' lif'as mozó, lan xanuc' jouc'a lacaí'no', tuyaico'ma litine ma le'a titesma, tix-nay, timeyoqui.

46 Litine aimi'huaijma, al 'hora aimixhuejcojma, maíya litine ticuaita hipoujna. Tetetsuf'ma, tihuescufinna tipajntsi pe aiquilihuejma.

47 'Cal mozo ts'ixina' lipic'a hipoujna, ihque ja'ni aimihuejny-oxi, ja'ni aimi'ay loxpíc'epa hipoujna, titeí'minna juaiconapa.

48 Cal mozo pe aiquixina' lipic'a hipoujna, tama ti'eía' ix-cay, ihque titeí'minna huata. Cal xans ja'ni joupa epi'impá axpe', jouc'a tipai'intsi axpe'. Cal xans ja'ni joupa ixc'ai'impá acueca', ticuxe axpe', ticuicomma xonca tenaníla'.

49 'Iya' aicuaicoco'ma cunai'íla' lunga jifa'a li'a lamats'. Cacia: Coía' joupa unnaita.

50 Tehue'e'. Cateíco'ma xonca. Ma cai'huaijma ti'íla' íe laifeteícoya caxhueíma juaiconapa. Cacia: Aimicoí'ma. Ma ti'íla'.

51 '¿Te aga imanc' toícuayi: “Ihque Jesús icuaicoco'ma lan xanuc' aimenaj'moítsi”? A'í. Iya' aicuaicoco'ma tixtuleíe lan xanuc'.

52 Joupa i'ípa toíta'a, ti'hua ti'í'ma. Anuli lajut'í ja'ni timana' amajxi, jíhniya tenaj'moítsi. Afantsi tixtuc'o'mola' oquexi', loquexi' tixtuc'o'mola' lam fantsi.

53 La'ailli' tixtuc'o'ma hí'hua camijcano. Lí'hua tixtuc'o'ma qui'ailli'. La'máma' tixtuc'o'ma hí'hua cahuats'. Lahuats' tix-tuc'o'ma qui'máma'. Cal fi'no tixtuc'o'ma híhuahua. Lahuahua tixtuc'o'ma cal fi'no cahuahua.

54 Timila' lan xanuc':

—Ja'ni toísiníe hummahuay qui'huayomma pe lof'acaiyopa cal 'ora toínes'me: “Ticuí'ma”. Linca toíta'a ti'í'ma.

55 Jouc'a ja'ni ti'hua línu' cahua' toínes'me: “Ti'í'ma inu”. Linca toíta'a ti'í'ma.

56 Imanc' a'í cunc'ic'a xanuc'. Ma le'a toní'e'eyoítsi. Toísfueíyi lema'a. Íe oísiná'. ¿Te aimolimetsaicoyi lo'epa LanDios itsiya litine?

57 'Jouc'a camilhuo': ¿Te aimolahuelojnyoítsi coítuca' loní'epa, ja'ni toní'eyi al híjca o a'í?

58 Moníeyi lane ima' jouc'a íaixtuc'o'po', ihque no'hua'apo' cal juez, ima' tahue'ma te co'íya mopac'eya lipoyac', tux'masnatso'. Ja'ni a'í, tileco'mo' pe lopa'a cal juez. Ihque ticuto', tepi'inna quimane íapaluc, ti'nicoto' lacarza.

59 Iya' camilhuo': Ma cotaiyinge, tama ma le'a anuli al centavo, ti'nicoconno' jíípiya lacarza, aimaipaya.

13

¹ Iñiya litiné lan xanuc' u'ipá Jesús te ts'i'ic' li'ipola' lan xanuc' quiyouyomma al distrito Galilea. Iñiya icuaita Jerusalén titsufcota liłpinneja. Ma mitsufcoyi Pilato icuxe'ma tima'antsola' iñe lan xanuc'. Letequim'mola' lipanni liłjuats' iñe lun Galilea jouc'a ipanni liłjuats' liłpinneja, inu'ma anuli.

² Jesús timila':

—Jiñiya lun Galilea li'empola' tołta'a, ¿te imanc' tołcuayi xonca acueca' liłjunac', lił'as xanuc' Galilea a'ij cueca' liłjunac'?

³ Iya' camilhuo': A'i xonca acueca' liłjunac'. Imanc' ja'ni aimołsuej'memmas jouc'a tejac'molhuo', jahuay imanc'.

⁴ 'Lecangenni iñe li'nof'quiya lajut'ł lopa'a Siloé, ima'a'mola' imbamaj paico lan xanuc', uxpats'i'mola'. ¿Te cołcuapa? ¿Te xonca acueca' liłjunac' iñiya lima'mola'? Locuenaye xanuc' nimajmpá Jerusalén, ¿te ailopa'a acueca' quiłjunac'?

⁵ Iya' camilhuo' a'i xonca acueca' liłjunac' iñe lima'a'mola' li'nof'quiya lajut'ł. Imanc' ja'ni aimołsuej'memmas jouc'a tejac'molhuo', jahuay imanc'.

⁶ Imuc'icona'mola', i'onhicopola' anuli al 'ec icux, timila':

—Anuli cal xans petsi lifapa li'uva jouc'a ifapa li'icux. Litine lehuehuo'ma hi'as li'icux ailopa'a qui'as.

⁷ Cal xans ipalaic'o'ma limozo no'epa cuenna hi'uva, timi: “Joupa ixhuaita afane' camats' ca'huanetsomma, cahuay hi'as icux. Ailopa'a qui'as. ¡Tatejla' nulemma! Ma le'a tixhuijma łamats', aimi'atsi.”

⁸ Iñque no'epa cuenna cal 'uva italai'e'e'ma, timi: “Maipoujna, ¡tipajna! Tipanenni ocuena camats'. Capu'ma łamats' luxi al icux, cajuaj'mi'ma łumi'na.

⁹ Locuena camats' tocuaiiconamma toxim'ma ja'ni tipa'a hi'as. Ja'ni aimi'atsi, ne' tetequim'me.”

¹⁰ Anuli litine conxajya tipa'a Jesús anuli lajut'ł pe lafołyomma lan xanuc'. Timuc'iyale.

¹¹ Jiłpe tipa'a anuli łaca'no' litsufaipa conta'a. Iñque łonta'a ixmec'e'epa lixpula'. Aimi'iya mecaxhuaya. Joupa ixhuaita imbamaj paico camats' tołta'a łonta'a titeł'mi łaca'no'.

¹² Lixim'ma łaca'no' Jesús ijoc'i'ma, timi:

—Maca'no', joupa uhuałquenam'mo', ixałconapo'.

¹³ Jesús ixpayaf'ma limane. Aiquicoł'ma, łaca'no' ecaxna'ma hi'c'. Ix'najtsi'i'ma LanDios.

¹⁴ Jesús lixał'mena'ma łaca'no' itine conxajya, lincuxepa jiłpe lajut'ł ixtunni. Timila' lan xanuc':

—Cal xans ti'e'ma canic' acamts'us quitine, ixahuiya. It-siya itine conxajya. Ja'ni ołpic'a tixał'mentsolhuo' tołcuaiyunca ocuena quitine.

¹⁵ ŁałPoujna Jesús italai'e'e'ma, timi:

—Imanc' a'i cunc'ic'a xanuc'. Ma le'a tonl'e'eyołtsi. Ti'ila' litine conxajya, ¿te aimoluhualquila' lołhuacax, lołburro? Linca toluhuałyi, toł'hua'ala' tixnatsa quılja'.

¹⁶ Ica'a łaca'no' a'i quinneja, inięto lołtatahuelo Abraham. Ixhuaita imbamaj paıco camats' lonta'a Satanás ifi'e'. Itsiya itine conxajya, ¿te aimi'ıya cuhuałya?

¹⁷ Linespa tołta'a Jesús i-ch'ixco'mola' ilne no'epá laic'. İniya aikuıltaı'e. Ailopa'a cotalai'ecoyacu. Locuenaye lan xanuc' tixoqui quileta, ixim'me acueca' ac'a juaiconapa lo'epa Jesús.

¹⁸ Timıla':

—Itsiya LanDios cal Cuecaj Rey tijoc'ila' lan xanuc' tihuejcole. ¿Te co'onłcospa ilę lo'ıpa? ¿Te caif'onłcıoya?

¹⁹ Ti'i to li'ıpa anuli łaca'hua fanu'. İque cal fanu' cuf-tine sinapı. Anuli cal xans itai'ma łaca'hua fanu', ifatsi łequeya. İla'ma, i'i'ma acueca' al 'ec. Lacał'hui naiyulpá lema'a tiłcuaispa tunxajyi jılpe, ti'huoxof'cołaiyi łımané jıle al 'ec.

²⁰ Timiconala':

—¿Te caif'onłcıoya lo'ıpa pe LanDios cal Cuecaj Rey tijoc'ila' lan xanuc' tihuejcole?

²¹ Jılpe ti'i'ma to li'ıpa lilai'ıpa łılevadura łaca'no' acueca' łı'harina. İę cal levadura ti'hua tihuantsi cal 'harina. Lijou'ma umfunni jahuay łax'e.

²² Lijou'ma Jesús ti'hua lane, ticuaita łııya' Jerusalén. Tehuengila' łılelołya', lan tsila' jıoc'a lan tsocay. Timuc'ıyale jılpiya łılelołya'.

²³ Anuli cal xans ipalaic'o'ma, icuis'e'ma, timi:

—Maıpoujna, ¿te aga ahuata lan xanuc' tuntul'me?

Jesús ipalaic'o'mola' lan xanuc' noquım'epá timıla':

²⁴ —Tolahuełe te co'ıya mołtsuflaiyacu al tansca al puerta. İya' camılhuo': Axpela' lan xanuc' tehue'me te co'ıya mitsuflaiyacu, tijoułta' aimi'ıya.

²⁵ Titsahuenni łıPoujna cajut'ł tix'nifco'ma lejut'ł. Ja'ni imanc' tołmanemma łuna tołjoc'i'me, tołsa'hue'me, tołmi'me: “MałPoujna, taxi'eła' lopuerta. Ałpic'a ałtsuflaıte.” İque timi'molhuo': “Aıcaıxına' pe conłouyomma. Aıcainımetsaıcolhuo'.”

²⁶ Imanc' tołtalai'e'me, tołmi'me: “İllanc' ałejmalepá, ałtetsopá, ałsnapá anuli ima'. İma' o'hua'ma łápeneya, tomuc'ıyale jılpiya łápiıya'.”

²⁷ ŁaPoujna timi'molhuo': “İya' aıcaıxına' pe conłouyomma. Aıcainımetsaıcolhuo'. İmanc' aımonł'eyi al łıjca. Tonlıpalunca pe laıfpa'a. Tonłęnełe.”

²⁸ İniya łıtiné imanc' tołsinnola' lołtatahueló, İniya Abraham, Isaac y Jacob, jıoc'a jahuay lam profeta. İne itsulfaıpá petsi locuxeyopa LanDios cal Cuecaj Rey. İmanc' a'i. Tołmanecu łuna. İmanc' tołjolıj'me, tołtetola' lonł'ay. Acueca' cunla lołtełcoyacu.

29 Lan xanuc' naihuejcopá ÆanDios tipalcu ni petsi li'a lamats', tipalcu pe laipammaiyomma cal 'ora, jouc'a pe lof'acaicopa cal 'ora, jouc'a pe linu' camats', jouc'a pe lo'huayomma hujfxi cahua'. Iñiya ticuaita al juic. Titsuflaita, ticutsołaita, titetsota pe locuxeyopa ÆanDios, iłque hıCuecaj Rey.

30 'Tołcuec'ełe, locuaicoya quitine tixin-nim'mola' lijoucola' joupa i'ipola' lan tet'ła. Tixin-nim'mola' lan tet'ła joupa i'ipola' lijoucola'.

31 Małe 'hora icuaiyunca hualca lam fariseo. Iñiya timiyi Jesús:

—To'huanła'. Taipanni fa'a. Cal rey Herodes tehuehuo' tima'atso'.

32 Jesús italai'e'e'ma, timila':

—Iłque cal Herodes ti'onłcospa to cal t'łe, ma le'a in-fel'miyale. Tonłenłe. Tulu'itsa: “Jesús timihuo': Itsiya y mouqui quipa'ala' lontahue, caxał'menala' lan xanuc'. Pitsu cajou'ne'ma laipenic'.”

33 Itsiya, mouqui y pitsu ca'huana'ma laipene. Cacuita Jerusalén. Jiłpe liłya' quima'ayompola' lam profeta. Iya' ninprofeta, małpiya Jerusalén ałma'ayonna, a'i ocuena quiliya'.

34 'iMiłya' Jerusalén! iMiłya' Jerusalén! Loxanuc' inma'ahuale tima'annila' lam profeta, tipangila' capic' tima'antsola' lixanuc' ÆanDios, iłne lummepola' jiłpiya.

'Iya' axpe' canesqui: Cafot'łe'mola' jahuay loxanuc' ma to mi'ay cal tsana mefot'łe'mola' laiquipuyu, mipuxc'i'mola' lixala'. Ima' aicocuac'.

35 iMiłya'! iTahuelojnla' locuecaj xoute'! ÆanDios ipo'nopa quituca'. Tocomma to joupa etelquemma. Iya' camilhuo' al linca. Ticuaiti litine ałmiła': “Ima' unC'a. ÆanDios łałPoujna linca ummepo”, iłe litine ałsingona'ma. Ai'a ticuaita iłe litine aimałsingonaya.

14

1 Anuli litine conxajya Jesús i'hua'ma titetsota lejut'ł anuli cal xans fariseo, iłque nocuxepola' lif'as fariseo. Jiłpe lajut'ł tehuelaifyi Jesús, ¿te co'eya?

2-3 Jouc'a ticutstuya anuli łafcuana, ifunapa jahuay licuerpo. Jesús tehuelonge, ipalaic'o'mola' lam fariseo jouc'a lomxiye nomuc'iyalepá locuxepa ÆanDios, iñiya nomana' jiłpiya, icuis'e'mola', timila':

—Litine conxajya, ¿nipajnya tixał'meyale'ma anuli? o ¿aimi'iya? ¿Te tipa'a lane? o ¿ailopa'a?

4 Iłne i-ch'ixco'mola'. Jesús i'noł'ma łafcuana, ixał'mena'ma, ummena'ma ti'huanła' lejut'ł.

5 Ipalaic'o'mola' iłne lam fariseo jouc'a lomxiye nomuc'iyalepá locuxepa ÆanDios, timila':

—Imanc', ja'ni tecajm-maitsi al pu'hua lołburro o lołhuacax, tama itine conxajya, ¿te aimonlipa'ayacu? Añinca tonlipa'a'me.

⁶ Ine aiquiltalai'e ihe limipola' Jesús, ailopa'a quiltaiqui'.

⁷ Jiłpiya timana' lijoc'impola' tehueyi te co'iya micutsołaiyacu pe locutsołaiyacu lan tsilaj xanuc'. Lixim'mola' Jesús i'onhico'mola' lił'ejma', timila':

⁸ —Ja'ni tijoc'intso' anuli al juic lamaná, tocuaitsi lajut'ł aimocutshuai'ma pe li'huáqui xonca al c'a. Aga ticuaita anuli xonca cal cuecaj xans.

⁹ Timi'mo' nijoc'ipolhuo': “Totsahuenni. Iħca'a ticutshuai'ma jiłpe lofcutsuya ima'. Totsahuenni.” Tijouł'a toxim'ma calaic'ata. To'hua'ma, tocutshuai'ma pe li'huáqui a'ijc'a.

¹⁰ Ja'ni tijoc'intso' anuli al juic tocutshuai'ma pe li'huáqui xonca a'ijc'a. Ticuaiyunni nijoc'ipo', iħque timi'mo': “Maip-ima, to'huanni fa'a. Jifa'a tocutshuai'ma xonca al c'a.” Tijouł'a locuenaye lijoc'impola' tixim'mo' ima' uncuecaj xans.

¹¹ 'Iya' camilhuo': Naitsi cal xans no'e'epoxi acueca', iħque ti'oc'em'me. Naitsi cal xans no'e'epoxi a'ojca, iħque tif'ac'em'me.

¹² Jesús ipalaic'o'ma nijoc'ipa, timi:

—Litine lof'eya al juic aimojoc'i'mola' lonłejmalepá ni lop-imate. Ni aimojoc'i'mola' nomana' huejnca lomejut'ł iħne pe ts'il'hueca xonca lił'huexi. Ine ñinca ti'e'econa'mo', tijoc'icona'mo'.

¹³ Ja'ni to'e'ma juic tojoc'itsola' lan xanuc' pe aiquil'hueca. Tojoc'itsola' latumane, lan coxo, lan fohue.

¹⁴ Tołta'a, tama iħniya aimi'ya mi'najtse'eyaco', toyaiconama al c'a. Ticuaihuo litine timaf'ina'me lan liħca xanuc', LanDios ti'najtse'mo' jouc'a.

¹⁵ Licuej'ma lonespa Jesús anuli jiłpe titesma timi:

—LanDios cal Cuecaj Rey ti'eta juic jiłpe pe locuxeyopa. Linca al c'a loyaicoya cal xans notsufaiya jiłpe, titetsota.

¹⁶ Jesús italai'e'e'ma, timi:

—Anuli cal xans ti'e'ma al cuecaj juic. Ijoc'ipola' axpela' lan xanuc'.

¹⁷ Icuai'ma jiłte litine al cuecaj juic, umme'ma ĩmozo, timit-sola' lijoc'impola': “Tonłouyunca. Joupa imacołpá. Tołtetsota.”

¹⁸ 'Jahuay iħniya lijoc'impola' ipango'me ines'me: “Aimi'ya ca'huaya”. Cal te'a timi: “Joupa ai'napa ĩanemats'. Ai'huapa caxinna. Tomitsi łopoujna: Aimi'ya micuaicoya.”

¹⁹ Locuena timi: “Iya' ai'napola' imbamaj laiħuacax. Ai'huapa caxinnola', ja'ni ti'e'me canic' o a'i. Tomitsi łopoujna: Aimi'ya micuaicoya.”

20 Łocuena timi: “Joupa nemanepa. Aimi'iyá ca'huaya.”

21 'Ipainanni cal mozo. U'i'ma lipoujna linespa lijoc'impola'. Lipoujna cajut'ł ixtunni. Ummecona'ma limozo, timi: “Aimicoł'mo'. To'huał'a' łaneyá liłya', lan tsila', lan tsocay caneya. Tolecotsola', tocuai'ecola' fa'a lan xanuc' pe aiquił'hueca jouc'a latumane, lan coxo, lan fohue.”

22 I'huacona'ma cal mozo. Ipaiconamma, ipalaic'ocona'ma lipoujna, timi: “Joupa ai'epa lałcuxe'epa. Tehue'ela' lan xanuc', ticuaiyunca xonca axpela'.”

23 Łapoujna timi limozo: “To'huał'a' liłya'. To'huał'a' lan tsila' caneya, jouc'a łema cati'i. Tojoc'itsola' lejmaica, tiyouyunca fa'a. Aipic'a timantsi nulemma lainejut'ł.

24 Iya' camilhuo': Iłne lan xanuc' laijoc'ipola' al te'a, nij naitsi iłniya notec'oya łajtejua'.”

25 Axpela' lan xanuc' ilihuequi Jesús lane. Lipai'e'moxi ipalaic'o'mola', timila':

26 —Cal xans nocuaiyumma pe laifpa'a, nocuapa: “Quihuej'ma Jesús”, iłque xonca al'e'ma capic'a iya'; qui'ailli', qui'máma', lipeno, linaxque', lipimaye, lipitine, aijtine. Ja'ni a'i tołta'a li'ejma' aimi'iyá malihuejya.

27 Iya' linca catełco'ma. Cal xans noxpic'epa aimetelcoya, nocuapa: “Iya' aicataiya lainencruz”, iłque aimi'iyá malihuejya.

28 'Ja'ni anuli imanc' tixpic'eł'a' tilanc'eł'a' li'nof'quiya lajut'ł, ate'a ticutshuai'ma, tixim'ma tojua lipitali lolajncoya. Tixim'ma ja'ni ti'ommaicota litomí o a'i.

29 Ja'ni aimi'ay tołta'a aga aimi'ommaicoya litomí. Tipu'ma tifa'mola' lopic', tijouł'a' aimi'iyá mijou'neya lejut'ł, ailopa'a quitomí. Lan xanuc' tixim'me li'ipa, jahuay iłniya tixoco'me,

30 ticua'me: “Iłque cal xans ipangopa tilanc'e'ma lejut'ł. Aiquijou'ne. Aiqui'ic'.”

31 'O lan rey, cal nuli ja'ni timana' anuxans mil lisoldado, łocuenaj timana' le'a imbamaj mil, tifule'me. Iłque ts'ahuata quisoldado ticutshuai'ma, tixpic'e'ma lo'eya, ja'ni nipajnya ti'i'ma tulij'ma hi'as rey o aimi'iyá.

32 Ti'ila' quixina' aimi'iyá mulijya, mipa'a aculi' hi'as rey, tumme'mola' lixanuc', ticuis'eta, timita: “Łałpoujna ticua: Lu'ila', łte ts'opic'a? łTe capi'iyaco'? łTe caif'eya?” Tołta'a aimifuleyacu.

33 Iya' camilhuo': Imanc' ticuicomma tolatets'iłe jahuay łoł'hueca, tołta'a lihuej'ma. Ja'ni anuli aimicua, iłque aimi'iyá malihuejya.

34 'Ło'hue ipenic'. Ja'ni ło'hue joupa iminscopa, łte co'iyá? Aimi'iyá milajn-naya to al te'a.

³⁵ Itque lo'hue himinscopa aimi'iya mi'eya canic', ni jilpe lamats' ni pe lafot'leyompa lumi'na. Aimi'iya mixhuiconyacu. Le'a teca'nim'me.

'Naitsi nocuejpa, alquimf'ela' iya' laitaiqui'.

15

¹ Jahuay lin'najtsi'iyale jouc'a locuenaye lan xanuc' pe aimihuejcoyi locuxepa LanDios titoc'olaiyi pe lopa'a Jesús, tiquimf'e'me.

² Lan xanuc' fariseo jouc'a lomxiye nomuc'iyalepá locuxepa LanDios ixtulencia. Ticuayi:

—Itque cal xans tepenufila' lan xanuc' pe aimihuejcoyi locuxepa LanDios. Titetsoyi anuli.

³ Jesús italai'e'e'mola', i'onhico'moxi li'ejma' to lo'epa cal xans lejac'pa himoł. Icuis'e'mola', timila':

⁴ —Anuli imanc' amaxnu limot'ł, ja'ni tejac'la' anuli, ¿te co'eya? Tipo'no'mola' locuenaye lam malpuj nuxans quimbamaj pella, timanecu limuc'o', tehueta lejac'pa, aga tixinnata.

⁵ Tixinnatsi himoł tipulaf'nata, tipo'nof'inna lixaya, tixoj'ma queta tipaino.

⁶ Ticuaitsi lejut'ł tijoc'i'mola' lipimaye jouc'a nomana' huejnca, timi'mola': “Tixoquinghua neta juaiconapa. Aixinhuona'ma łaimoł lejac'pa. Tonłouyunca. Ma' anuli tixoj'ma calata.”

⁷ 'Iya' camilhuo': Linca, ja'ni axpela' lan xanuc' aimicuicomma mixhuej'meyacu, nomana' lema'a tixoj'ma quileta. Ti'ila' ma le'a anuli cal xans pe aimihuejma, ja'ni tixhuej'menanni itque, xonca acueca' tixoj'ma quileta itniya nomana' lema'a.

⁸ Jouc'a anuli łaca'no' i'hueca imbamaj litomí aplata, ja'ni anuli ejac'pa, ¿te aimehueya? Linca tehue'ma. Tunai'i'ma lipepalc'o', titaf'u'ma lejut'ł, aga tixinna'ma litomí lejac'pa.

⁹ Tixinnata' litomí tijoc'i'mola' liyejmalepa lacał'no' jouc'a nomana' huejnca lejut'ł, timi'mola': “Juaiconapa tixoquinghua neta, aixinnapa laitomí lejac'pa. Tunłouyunca. Ma' anuli tixoj'ma calata.”

¹⁰ 'Iya' camilhuo': Anuli cal xans pe aimihuejma ja'ni tixhuej'menanni, nomana' pu'hua pe lomana' lapaluc' quema'a tixoj'ma quileta.

¹¹ Ti'hua timuc'iyale, timila':

—Anuli cal xans timana' oquexi' linaxque'.

¹² Li'hua łapepo timi qui'ailli': “Mai'ailli', litine timantso' capenuf'ma łai'huexi. Cacia: Lapi'ila' itsiya.” Qui'ailli' epi'it'li'mola' loquexi' linaxque' lił'huexi.

¹³ 'Uyai'ma oque' fane' quitine li'hua łapepo icuj'ma li'huexi lepi'impá, ulij'ma litomí. I'hua'ma aculi', ocuenaj camats'.

Ĥpe ipajntsi. Ipajnhuo'ma tixoj'ma queta ma mi'ay nixpiya. Ejac'ehuona'ma litomí.

¹⁴ Ijoutsaf'huana'ma, ipanenni ma le'a limane. JiĤpe Ĥamats' i'i'ma cumemma. Ĥamijcano juaiconapa unle'enni.

¹⁵ Ehue'ma quipoujna. Ixim'ma anuli cal xans jiĤpe Ĥamats', i'e'ma quipoujna. Ĥapoujna tipa'a Ĥamats', umme'ma Ĥamijcano ti'etsola' cuenna lijná.

¹⁶ Ĥamijcano tunle'e juaiconapa, tijanaca titela' Ĥotecopa lijná. Aiquepi'inni, ni toĤta'a.

¹⁷ 'Lijou'ma ixhuej'menanni juaiconapa, timiyoxi: "Cai'ailli' timana' axpela' limozó. Jahuay titetsoyi, tijouĤa' tipanemma Ĥotecopa. Iya' capa'a fa'a aĤma cumemma.

¹⁸ Itsiya capainahuo, ca'huana'ma pe lopa'a cai'ailli'. Camita: Mai'ailli', aixina' acueca' lai'epa. Netets'ipa ĤanDios, netets'ipo' ima'.

¹⁹ Itsiya aimal'onlico'ma to co'hua. Ĥapenufla' to comozo."

²⁰ 'Ipainanni, ti'hua lane ticuainata lejut'Ĥ qui'ailli'. Qui'ailli' tehuelonge, ixim'ma Ĥi'hua icuaicona'ma aculi'. Ixinna'ma cuanuc'. Inu'ma tepenufnatsi. LitalecuĤtsi ipulc'o'ma, ituc'o'ma.

²¹ Ĥi'hua timi: "Mai'ailli', aixina' acueca' lai'epa. Netets'ipa ĤanDios. Netets'ipo' ima'. Itsiya aimal'onlico'ma to co'hua."

²² 'Qui'ailli' ijoc'i'mola' limozó, timila': "ToĤtaitsa xonca al c'a lijahua', toĤpo'no'ite. ToĤpo'no'ite anuli cal anillo limane. ToĤc'uaic'ite Ĥic'ejí.

²³ ToĤĤecotsa Ĥa'hua huacax Ĥifujmpa, toĤma'ale. AĤ'e'me juic. AĤtetso'me tixoj'ma calata.

²⁴ Ĥca'a Ĥai'hua, iya' cacua: Joupa imanapa. Itsiya imaf'inapa. Iya' cacua: Joupa ejac'pa. Itsiya imaxcainata." Ipango'ma al juic, tixoqui quileta.

²⁵ 'Cal te'a qui'hua ti'ay canic' pu'hua Ĥamats' qui'ailli'. Icuaicona'ma lejut'Ĥ. Ĥicuaitsi icuej'ma tunanni, tixahuinni.

²⁶ Ijoc'i'ma anuli cal mozo, icuis'e'ma, timi: "¿Te conĤ'epa?"

²⁷ Cal mozo italai'e'ma timi: "Icuaina'ma Ĥopima. Co'ailli' iximpa ailopa'a qui'ipa, aimextafque, toĤiya epenufpa tixoqui queta. Icuxepa ticua: ToĤma'ale Ĥa'hua huacax Ĥifujmpa."

²⁸ Cal te'a qui'hua ixtunni. Aiquitsufaic' lajut'Ĥ. Aimicua. Qui'ailli' ipanni. Tixa'hue titsufainala' lajut'Ĥ.

²⁹ Ĥi'hua italai'e'e'ma, timi: "¡ToxinĤa! Axpe' camats' iya' ca'ay lopenic'. Quihuejcohuo' jahuay laĤcuxe'epa. Ima' aicalapi'i ni toĤta'a. CoĤa' aĤmi'ma: TolecoĤa' iĤca'a Ĥaca'hua chivo, tonĤ'ele juic anuli lonĤejmalepa. Aicalmic' toĤta'a.

³⁰ Itsiya icuaina'ma Ĥo'hua. Ĥquiya inonc'ohuo'mola' lacaĤ'no' notepá Ĥicuerpo. Ĥo'huexi Ĥomepi'ipa joupa ijou'nehuo'ma. Ima', ¿te co'epa? ¡Oma'apa Ĥa'hua huacax Ĥifujmpa, titela' Ĥquiya!"

31 Qui'ailli' timi: "Mai'hua, itine itine ałmana' anuli. Jahuay łai'huexi ima' o'huexi.

32 Itsiya tetenłcocola' tixoj'ma calata. Hque łopima iya' cacua: Joupa imanapa. Imaf'ınapa. Iya' cacua: Joupa ejac'pa. Itsiya imaxcainata."

16

1 Jesús ipalaic'ocona'mola' ts'ilihuequi, timila':

—Anuli cal xans ts'i'hueca acueca', tipa'a limozo icueya limane, ti'ej cuenna hi'huexi lipoujna. Lan xanuc' tinesc'eyi cataiqui' cal mozo, ticuayi: "Hque, a'ijc'a mi'ay cuenna hi'huexi lipoujna".

2 Cal xans ijoc'i'ma limozo. Licuaiyunni timi: "¿Te copalaic'ocopo' tołta'a ihnu'hua lan xanuc'? ¿Te co'epa? Totaitsi loje'e. Aipic'a caxınła' te co'epa łai'huexi. Aimi'hua mo'eya cuenna łai'huexi."

3 Cal mozo timiyoxi: "¿Te caif'eya? Łaipoujna liłonc'e'e'ma laipenic'. Aimi'ya capuya łamats'. Ailopa'a caipujfxi. Aimi'ya caxahue'eya al tomı. Catay calaic'ata."

4 Timiconayoxi: "Joupa aixpic'epa laif'eya. Tijouła', ticuaitsi litine ailopa'a caipenic' lan xanuc' lapenuf'ma hilejut'hi."

5 'Ijoc'i'mola' jahuay ihne lan xanuc' ts'iltaiyinc'e lipoujna. Anuli anuli ipalaic'o'mola'. Cal te'a icuis'e'ma, timi: "¿Tojua otaiyinc'e łaipoujna?"

6 Hque italai'e'e'ma: "Amaxnu lam tambojlaceite". Cal mozo timi: "Ja'a ıłta'a loje'e. Tocutshuaila', topai'ıla' lotaiyinge, ti'ıla' oquej nuxans quimbama'. Nuya nuya tainııla'."

7 Locuena icuis'e'ma, timi: "İma', ¿tojua otaiyinge?" Hque italai'e'e'ma: "Anuli maxnu cal cuxtał trigo". Cal mozo timi: "Ja'a ıłta'a loje'e. Topai'ıla' lotaiyinge, ti'ıla' amalpuj nuxans."

8 Hque cal mozo tama infel'miyale, lipoujna imetsaico'ma acueca' lipicuejma'. Lan xanuc' naihuejpa' quıtuca' liłpicuejma' xonca ıłsina' te co'ya muyalaicoyacu al c'a. Lan xanuc' joupa lepalc'o'impola' liłpicuejma' aijtine.

9 'Iya' camilhuo': Ja'ni tipa'a lołtomı lolulijpa fa'a li'a łamats', tołtoc'ıtsola' lołf'as xanuc'. Tołta'a tonłejmale'me. Tijouła' tijounala' lołtomı tepenufınnatolhuo' pe lołmanc'eyacu nulemma.

10 Cal xans ts'ixina' tixhuico'ma hi'hueca tama ahuata, ja'ni tixpeła' łoxhuicoya, jouc'a tixim'ma tixhuico'ma. Cal xans pe aikuixina' mixhuicoya hi'hueca, tama ahuata, ja'ni tixpeła' łoxhuicoya jouc'a aimi'ya quixina' mixhuicoya.

11 Imanc' ja'ni aicołsina' mołxhuicoyi al tomı lolulijpa fa'a li'a łamats', ¿te aga tepi'im'molhuo' al c'a xonca?

12 Ja'ni aicołsina' cołxhuijma łocuena'j 'huexi, ¿te aga tepi'im'molhuo' cołtuca' coł'huexi?

13 'Cal mozo ticuicomma ma le'a anuli hipoujna. Ja'ni oquexi' tixtuc'o'ma anuli, locuena ti'e'ma capic'a. O tixinc'ne'ma anuli, tetets'i'ma locuena. Imanc' jouc'a ticuicomma ma le'a anuli lohpoujna, iŋque ŁanDios. Aimi'ya molihuejcoyacu al tomí jouc'a.

14 Lan xanuc' fariseo, iŋne ts'iŋpic'a juaiconapa al tomí, tiquimf'eyi lonespa Jesús, ixoco'me.

15 Jesús timila':

—Loŋ'as xanuc' mixinnilhuo' lonŋ'epa ticuayi: “Ac'a xanuc' lam fariseo”. ŁanDios imetsaicolhuo' te ts'i'ic' lohpiciejma'. Tipa'a latenŋcocopola' lan xanuc', iŋe linca aimetenŋcocojma ŁanDios. Iŋque tixina ixcay.

16 'Luyaipa quitine uya'ampá locuxepa ŁanDios jouc'a uya'ampá lonespa lam profeta. Icuaitsi Juan Bautista ipango'ma uya'a'ma te co'ya mitsuflaiyacu pe lopa'a ŁanDios cal Cuecaj Rey. Itsiya ti'hua tuya'anni iŋe lataiŋqui'. Lan xanuc' tipa'ayi liŋpujfxi titsufilaiŋe jilpiya pe locuxeyopa ŁanDios.

17 Linca, tama tipaiconni lema'a jouc'a li'a lamats' aimi'ya mipai'inyacu locuxepa ŁanDios, ni lainila' aca'hua xonca.

18 'Cal xans tecanaŋla' hipeno, ja'ni tilecoŋa' ocuena caca'no', iŋque cal xans joupa i'epa quixcay, tipa'a lijunac'. Ma' anuli cal xans ja'ni tilecoŋa' ŋaca'no' ŋecanaiyimpa, iŋque cal xans jouc'a i'epa quixcay, tipa'a lijunac'.

19 'Anuli cal xans ts'i'hueca acueca' tipo'nohuo ac'a juaiconapa lipijahua', umanc'ecompa amorada, xonca acueca' lipitali. Itine itine titeja quitejua' xonca cal c'a.

20 Jouc'a tipa'a anuli cal xans pe ailopa'a qui'hueca, cuftine aLázaro. Tunouya liju' lipuerta lejut'ŋ cal xans ts'i'hueca. Licuerpo titeja lahui.

21 Tunle'e. Ticua: “Iŋque ts'i'hueca coŋa' cateŋa' ŋacangemma limesa loŋecopa”. Lan tsilŋqui tiŋcuaispa tipeŋc'e'eyi lehui.

22 Lijou'ma imana'ma Lázaro, iŋque aiqui'hueca. Lapaluc' quema'a ileconanca, icuai'etsa pe lopa'a Abraham, mane liju' iŋque.

'Cal xans ts'i'hueca acueca', jouc'a imana'ma. Eminghuo'me.

23 Icuaitsi pe loteŋcoyopa locuenaye limanapola', jouc'a iteŋco'ma juaiconapa. Ehuelojm'ma al toncay. Aculi' ixim'mola' Abraham jouc'a Lázaro. Iŋque Lázaro ac'a mipa'a, mane liju' Abraham.

24 Ijoc'i'ma Abraham, timi: “Mai'ailli' Abraham, aŋsinta' nincuanuc'. Tommeŋa' Lázaro, ti'huanni fa'a. Ti'nij'mita laja' lidedo, aŋjac'e'e'ma ŋaipaf. Toŋta'a titinu'ma ŋumla cateŋma jifa'a ŋunga aŋpi'e.”

25 Abraham italai'e'e'ma, timi: “Mai'hua, to'nujuaitsi lomuyaicopa mopa'a jilpe li'a lamats'. Ima' o'hueca jahuary al c'a, itca'a Lázaro aiqui'hueca, ma' itelcopa. Itsiya itca'a tixo-quinhua queta, ima' totehma.

26 Jouc'a cami'mo': Tipa'a al cueca' lina latehnufinna. Nomana' fa'a, tama itpic'a tualaiite, ticuaitsa pe loimana', aimi'iya muyalaiyacu. Jouc'a imanc' aimi'iya mołcuaiyacu fa'a pe laimana'.”

27 Italai'e'e'ma, timi: “Mai'ailli', caxahue'ehuo' tommeła' Lázaro ti'huała' lejut'ł cai'ailli'.

28 Jilpiya timana' amajxi laipimaye. Timitsola' te ts'i'ic' laifnuyaicopa. Aimicuaicu jouc'a fa'a pe laiftelcoyopa.”

29 Abraham italai'e'e'ma, timi: “Tipa'a lije'e linilijmpa Moisés jouc'a lilje'e linilijmpa lam profeta. Tiquimf'etsa lataiqui' jilpe linilingiya.”

30 Timi: “Ai, mai'ailli' Abraham. Ti'huała' anuli licuai'ma fa'a pe laimana' illanc' lałmanaponga', tołta'a laipimaye tixhuej'mecu.”

31 Abraham timi: “Ja'ni aimihuejyi litaiqui' Moisés jouc'a lam profeta, tama anuli himanapa timaf'iconła', ti'huała' tipalaic'otsola', ihniya aimihuejyacu.”

17

1 Jesús timila' ts'ilihuequi:

—Micoli li'a lamats' timajm'me lan xanuc' naimenac'iyalepa. A'ijc'a loyalaicoyacu ihniya no'epá tołta'a.

2 Cal xans naimenac'iyacola', tama ma le'a anuli ihna'a laica'uhuary, coła' ifinc'im'me lejoc' anuli cal cuecaj capic molino, coła' ecajm'mintsa laja, tunxalac'la' nulemma, timatsi.

3 Imanc' toł'etsotsi cuenna. Tołspic'ete tonł'ete ma le'a al c'a.

Ja'ni a'ijca li'epo' łopima, ima' tomila': “Tołta'a la'epa aimaf'econa'ma”. Tijouła', ja'ni tixhuej'menanni taimenc'e'ecoła' ile li'epo'.

4 Ja'ni ti'hua ti'ehuo', tama anuli litine tixhuaitsi acaitsi, ja'ni jouc'a ti'hua tixa'huehuo' acaitsi, timihuo': “Linca aixhuej'menamma ile lai'epo', limenc'e'ecoła'”, ima' taimenc'e'ecoła'.

5 Ts'ilihuequi Jesús timiyi liłPoujna:

—Altoc'itsonga', xonca al'huaiyijnle.

6 Timila':

—Imanc' ja'ni aimi'iya moł'huaiyijnyacu acueca', tama ile loł'huaiyijmpa tocomma ahuata, ti'onłcospa to cal fanu' xonca aca'hua cuftine sinapí, ti'i'ma toł'e'me acueca'. Tołcuxe'e'me ita'a al 'ec sicómoro, tołmi'me: “Toyax-xoxi, tofaxoxi pu'hua laja”. Tijouła' ile al 'ec tihuejco'molhuo'.

7 'Imanc', ticuainanni lajut'ł lołmozo, joupa i'ehuo'ma canic', epahuo'ma łamats', i'ehuo'ma cuenna lan huacax jilpe łolamats', ¿te colmiyacu cal mozo? ¿Te tołmi'me: "Ne', tocutshuaila', totetsoła'?"

8 A'i tołta'a mołmiyacu. Xonca tołmi'me: "Tomac'ela' łaišteja. Toc'ejmot'łila' cal pime. Catetso'ma, caxna'ma. Tijouco'ma ima' totetso'ma, toxna'ma."

9 ¿Te tołs'najtsi'i'me lołmozo li'epa lołcuxe'epa? Iya' cacua: Amołs'najtsi'iyacu.

10 Imanc' ti'onłcospolhuo' to lam mozó. Tolihuejco'me jahuay locuxe'epolhuo' ŁanDios. Tijouła' tołmi'me: "Iya' le'a ninmozo. Ai'epa ma le'a lałcuxe'epa."

11 Jesús ti'hua lane ticuaita Jerusalén. Tuyaijma pe loniquecomma al distrito Galilea jouc'a łilemats' lun Samaria.

12 Ma micuaispa anuli liłya' italecuf'mola' imbamaj lan xanuc' textafquila', łıcuana ahui cuftine lepra.

13 Ecxoł'me aculi', tija'ayi, timiyi:

—CumJesús, momxi, ałsintsonga' ninc'icuanuc'la.

14 Jesús timila':

—Tonłente. Tołmujtsoltsi jipu'hua pe lomana' la'aillí.

Miyenayi lane ixałcona'mola'. I'ina'mola' limpio.

15 Anuli iłniya lixim'moxi ixałconapa ipaiconanni, tija'e', tipalay ujfxi, tix'najtsi'i ŁanDios, timi:

—ManDios, ał'epa acueca'.

16 Icuaiti pe lopa'a Jesús, ixpats'huai'ma li'mitsi', timi:

—X'najtseco'.

Iłque cal xans łas Samaria.

17 Jesús ticua:

—¿Te aiqixałcola' imbamaj lan xanuc'? Ma le'a anuli fa'a icuaicona'ma. ¿Pe comana' locuenaye lam pelła?

18 ¿Ma le'a iłca'a cal xans ipaiconamma tix'najtsi'i ŁanDios? Iłque ocuena quipiłya', łas Samaria.

19 Timi cal xans:

—Totsahuenni, to'huanła'. Ał'huaiyijmpa, tołta'a joupa ixałconapo'.

20 Lijou'ma lan xanuc' fariseo icuis'e'me, timiyi Jesús:

—¿Te 'hora ałsim'me ŁanDios cal cuecaj Rey ticuxe'mola' lixanuc'?

Jesús italai'e'e'mola', timila':

—Tama imanc' aimołsinyi, itsiya łınca ŁanDios ticuxela' lixanuc'.

21 Aimi'iya molu'iyacola' lan xanuc': "ıTolahuelojnle! Jifa'a ŁanDios ticuxela' lixanuc'." Jouc'a aimi'iya molu'iyacola': "ıTolahuelojnle! Łu'hua ticuxela' ŁanDios lixanuc'." Jifa'a pe lołmana' ŁanDios ti'hua ticuxela' lixanuc'.

22 Timila' ts'ilihuequi:

—Iya' itque cal Xans Liximpa cal profeta pu'hua lema'a. Ticuaihuo litine imanc' tołjanaj'me juaiconapa alsinta'. Tołnes'me: “Tama anuli litine almajnle anuli”. Aimalsinya.

²³ Lan xanuc' timi'molhuo': “Fa'a copa'a”, o “Pu'hua copa'a”. Tołmanenca. Aimalahue'ma. A'ij linca ita'a lominyacolhuo'.

²⁴ Mixcuaf'ma tepalc'o'i a'i ma le'a jilpe lo'huayomma. He lepalc'o' tixinyi ni petsi li'a łamats'. Tołta'a ti'i'ma cacuaiconuananni iya'. Iya' itque cal Xans Liximpa cal profeta pu'hua lema'a. He litine alsim'ma jahuay lan xanuc'.

²⁵ 'Ate'a catełco'ma juaiconapa. Lan xanuc' nomana' itsiya litine latets'i'ma.

²⁶ 'Ma to li'ipa ihniya litiné lipajmpa Noé jifa'a li'a łamats', ma tołta'a ti'i'ma litine cacuaiconanni iya'. Iya' itque cal Xans Liximpa cal profeta pu'hua lema'a.

²⁷ Milanc'e Noé al cuecaj barco lan xanuc' tuyalaicoyi lapajnya, titetsoyi, tixnayi, temalliyi, ticuyi linaxque' temallite. Litine litsufai'ma Noé al cuecaj barco ma' anuli mi'eyi. Aiquicol'ma. Icu'i'ma łaxpaiqui' cacui, ijou'ne'mola' jahuay lan xanuc', ima'mola'.

²⁸ 'Mipa'a Lot jifa'a li'a łamats' LanDios iteł'mi'mola' lan xanuc'. Ihniya tuyalaicoyi lapajnya, titetsoyi, tixnayi, ti'naji, ticuji, tifayi, tilanc'eyi quilejut'hi.

²⁹ Litine Lot lipanni jilpe liłya' Sodoma, małe litine, icui'ma cunga, icui'ma azufre. Ima'a'mola' jahuay, acueca' caxpaiqui' i'i'ma.

³⁰ 'Tołta'a ti'onłcospa to lo'iya litine cacuaiconanni jifa'a li'a łamats'. Alsım'ma naitsi iya', iya' itque cal Xans Liximpa cal profeta pu'hua lema'a.

³¹ He litine ja'ni anuli if'ajnapa al toncay lejut'ł, aimines'ma: “Quimuhananni, quipa'ahuatsi łai'huexi”. Aimicol'ma. Tinuła'. Jouc'a ja'ni anuli i'huapa ti'eta canic' łimuc'o', aimipaihuo, aimines'ma: “Capulaf'nata laipo'nopa łu'hua”.

³² Toł'nujuaisle li'ipa lipeno Lot.

³³ 'Cal xans no'epoxi cuenna, nocuapa: “Cuyaicoła' al c'a lapajnya”, itque tejac'e'moxi. Cal xans nocupoxi latełcoya, tama a'ijc'a loyaicopa lapajnya, itque tunłu'ma.

³⁴ 'Iya' camilhuo': He lipuqui' ja'ni tunahuolanna oquexi', tixmaiyyi anuli al hualfa, tileconam'me anuli, łocuena tipanehuo.

³⁵ Jouc'a lacał'no', ja'ni oquexi' anuli mutsiyyi, anuli tileconam'me, łocuena tipanehuo.

³⁶ Ja'ni oquexi' lan xanuc' tilmana' łimuc'o' anuli tileconam'me, łocuena tipanehuo.

³⁷ Ts'ilihuequi icuis'e'me Jesús, timiyyi:

—Małpoujna, łpe co'iya tołta'a?

Italai'e'e'mola', timila':

—Pe łopa'a ĩmac', jilpiya lapote tefoľyomma.

18

¹ Jesús ti'hua timuc'ila' ts'ilihuequi, tu'ila':

—Ti'hua toľjoc'ile ŁanDios, toľta'a aimitafqueyacolhuo'.

I'onhicopa li'ejma' anuli łaca'no' apotsate.

² Timila':

—Anuli liŷya' tipa'a anuli cal juez aimixpaic'e ŁanDios ni aimixpaic'ela' lan xanuc'.

³ Maľpe liŷya' tipa'a anuli łaca'no' apotsate. Itine itine ticuaiyumma pe lopa'a cal juez. Tixa'hue, timi: “Altoc'ila'. Totel'mila' łalixtuc'opa.”

⁴ 'Muyaipa axpe' quitine cal juez aimicua mitoc'iya. Lijou'ma timiyoxi: “Tama aicaxpaic'e ŁanDios ni aicaxpaic'ela' lonspa lan xanuc',

⁵ catoc'i'ma ilca'a cal potsate caca'no' nocuaiyumma itine itine. Cateľ'mi'ma ilque łaixtuc'opa. Ja'ni a'i, ti'hua ticuaihuo, aicaxnet'ŷa.”

⁶ ŁaľPoujna Jesús timila' ts'ilihuequi:

—Joupa oľcuejpá ĩte litaiqui' locuapa cal juez. Ilque tama a'ij ĩjca li'ejma' itsiya ticua: “Catoc'i'ma ilca'a łaca'no”.

⁷⁻⁸ Jouc'a ŁanDios, ¿te aimitoc'iyacola' lixanuc', li'huij'epola'? İniya tijoc'iyi itine ipuqui' tixa'hueyi titoc'itsola'. Linca ŁanDios aimixtuc'oyacola', ti'hua tixnet'ľqui. Iya' camilhuo': Aimicoľya, titoc'i'mola'. Titel'mi'mola' laixtuc'opá lixanuc'.

'Tama alinca ilta'a laimipolhuo', cacuaicohuananni li'a łamats', ¿te ti'i'mola' axpela' lan xanuc' nepenufpá ĩte litaiqui' laifnu'ipolhuo' itsiya? Iya' ilque cal Xans Liximpa cal profeta pu'hua lema'a.

⁹ Jesús ti'hua timuc'iyale. I'onlico'mola' lan xanuc' nocuapá: “İllanc' ma ninc'ic'a xanuc”.

¹⁰ Timila':

—Oquexi' lan xanuc' iye'me al cuecaj xoute', tipalaic'ota ŁanDios. Anuli afariseo, łocuena in'najtsi'iyale.

¹¹ Cal fariseo tecaxuya tu'i ŁanDios jahuay lo'epa, timi: “ManDios, iya' cax'najtsi'ihuo' iya' aica'ay to lo'epa locuenaye lan xanuc'. İniya tinantseyi, ti'eyi a'ij ĩjca, texic'e'eyi liľ'as xanuc' liľpenoye. Iya' a'i to İniya ni to ilca'a lin'najtsi'iyale.

¹² Iya' oque' quitine al xamano caxnet'ľqui, aicatesma. Laifnulijpa amaxnu capequi, capi'ihuo' imbama'.”

¹³ 'Lin'najtsi'iyale tixina calaic'ata, tecaxu lico al xoute'. Ni aiquehuelonge lema'a, tixhueľma juaiconapa, tuntafque łunxajma'. Timi ŁanDios: “MainenDios, tama tipa'a acueca' laijunac', amalixtuc'o'ma. Aľsinľaj cuanuc'.”

14 'Iya' camilhuo': Lipalnamma al cuecaj xoute' ihniya lo-quexi' lan xanuc', liyenapá hilejut'hi, LanDios joupa iximpa lin'najtsi'iyale to ailopa'a quijunac', epenufpa. Locuena a'i.

'Cal xans no'e'epoxi acueca', ti'oc'enam'me. Ja'ni ti'oc'exoxi, titof'em'me.

15 Lan xanuc' titcuai'emma litanxque' pe lopa'a Jesús. Ipic'a tixpayaf'tsola'. Liximpa tohta'a ts'ilihuequi Jesús aiqutenkoco'mola' lo'epa ihne lan xanuc'. Italem'mola'.

16 Jesús ijoc'i'mola' ticuaiyunca la'uhuy. Timila' ts'ilihuequi:

—Tolapi'itsola' lane la'uhuy, tiyouyunca pe laifpa'a. Aimocuanac'e'mola'. Lan xanuc' lo'onkospola' to ima'a la'uhuy mañiya titsuflai'me pe locuxeyopa LanDios cal Cuecaj Rey.

17 Iya' camilhuo' al linca: Lan xanuc' notsulfoñaiyacu pe locuxeyopa LanDios cal Cuecaj Rey, ticuicomma ti'onkotsola' to la'uhuy. Ja'ni a'i aimi'iya mitsuflaiyacu.

18 Anuli hincuxepa ipalaic'o'ma Jesus, icuis'e'ma, timi:

—Momxi, ima' unc'a xans, lu'ila', ¿te caif'eya culijla' laipitine aimijouya?

19 Jesús italai'e'e'ma timi:

—Ima', ¿te calmicuapa: “Unc'a xans”? Le'a anuli copa'a cal C'a, itque LanDios.

20 Ima' oxina' loya'apa locuxepa LanDios, ticua: “Aimox-huico'ma hipeno lof'as xans. Aimoma'ahuale'ma. Aimonantse'ma. Aimonescoyale'ma. Taihuejco'mola' co'ailli', comáma'. Totoc'i'mola'.”

21 Cal xans timi:

—Lañtojyomma ite lataiqui' canant'hi. Itsiya ixpic' ca'ay tohta'a.

22 Licuej'ma limi'ma cal xans, Jesús timi:

—Tehue'ehuo' huata. Jahuay lo'hueca tocujsi. Al tomí lofmulijya tapi'itsola' lan xanuc' pe aiqul'hueca. Tohta'a ti'i'ma acueca' co'huexi pu'hua lema'a. To'etsi to laifmipo', tijoula' tocaiconamma lihuejna'ma.

23 Licuej'ma jñiya lataiqui' cal xans ihuotsonni juaiconapa. I'hueca acueca' qui'huexi.

24 Liximpa cal xans ihuotsonni, Jesús ticua:

—Lan xanuc' ts'ih'hueca acueca' quih'huexi tixim'me ipime, afule mitsuflaiyacu pe locuxeyopa LanDios.

25 Ticuanni: “Anuli cal camello, itque linneja juaiconapa acueca', aimi'iya muyaicoya laquipihuo lacuxa”. Cal xans ts'ih'hueca acueca', ti'i'ma xonca ipime, afule mitsufaiya pe locuxeyopa LanDios.

26 Licuej'me ihña lataiqui' ihniya timiyotsti:

—Ja'ni tohta'a, ailopa'a conluya.

27 Jesús italai'e'e'mola', timila':

—Tama lan xanuc' aimi'iya mi'eyacu, LanDios linca nipajnya ti'i'ma ti'e'ma.

28 Pedro timi:

—¡Toxinla'! Illanc' joupa aŕpo'nonapá jahuay la'huexi. Lihuejnahuo'.

29-30 Jesús timila':

—Iya' camilhuo' al linca: Cal xans naihuejcopa LanDios ja'ni tipo'noŕa' lejut' o hipeno, o tipo'no'mola' lipimaye, qui'ailli', qui'máma' o linaxque', mipa'a fa'a li'a lamats' tepi'im'me acuecaj xonca. Tijouŕa', ticuaitsi locuena quitine tulij'ma lipitine aimijouya.

31 Lijou'ma Jesús ileco'mola' quiltuca' limbamaj coquexi' ts'ilihuequi, timila':

—Iya' itque cal Xans Liximpa cal profeta pu'hua lema'a. Luyaipa quitine lam profeta inilpá la'iya. Itsiya al'ajliyi, alcuaitsa liŕya' Jerusalén, pu'hua jahuay ite lataiqui' tenanŕa.

32 Alcunna, ticuaita quilmane lan xanuc' ocuena nación. Lilotsocota, almilojta cataiqui', altsucota lai'a,

33 luntafta f'ix'ec, alma'ata. Al fane' quitine camaf'inna.

34 Ts'ilihuequi aiquilcueca ite lataiqui' limi'mola'. Aimuhuaŕyi, aimi'iya.

35 Jesús joupa ticuaispa huejnca liŕya' Jericó. Jilpe tipa'a anuli cal fo' ticutsu lema cane, tixa'hue tepi'inŕe caquitomí.

36 Icuej'ma tuyalaiyi axpela' lan xanuc', icuis'e'mola', timila':

—¿Te co'ipa?

37 Italai'e'e'me, timiyi:

—Icuai'ma Jesús las Nazaret, joupa tuyaipa.

38 Cal fo' ija'a'ma, timi:

—Jesús, ima' lacui'impo' i'Hua David, ¡Asinŕa' nincuanuc'!

39 Lan xanuc' liŕej'me timiyi:

—¡Ti-ch'ixcotso'!

Xonca tija'e', timi:

—Mi'Hua David, ¡asinŕa' nincuanuc'!

40 Jesús ecaxhuenni, icuxe'ma, timila':

—Allec'metsi.

Icuai'etsa pe lopa'a Jesús. Itque icuis'e'ma, timi:

41 —¿Te caif'e'eyaco'? ¿Te ts'opic'a?

Timi:

—Maipoujna, cahuetŕaleŕa'.

42 Jesús timi:

—¡Tahuetsaleŕa'! Al'huaiyijmpa, joupa ixalconapo'.

43 Aiquicol'ma, ehuetŕalena'ma. Ipango'ma ihuej'ma Jesús. Tix'najtsi'i LanDios. Jahuay nomana' jilpiya, liximpa toŕta'a jouc'a ix'najtsi'i me LanDios. Ticuayi: "Acueca' lo'epa LanDios".

19

¹ Jesús itsufai'ma liŷya' Jericó, uyaicohuo'ma.

² Jiŷpe liŷya' tipa'a anuli cal xans cuftine aZaqueo. Iŷque cal xans nocuxepola' lif'as xanuc' quin'najtsi'iyalepá. Acueca' qui'huexi i'hueca.

³ Tehuay te co'iya mixinya Jesús. Ipic'a timetsaicoŷa'. Jesús ti'hua nolojmay axpela' lan xanuc', Zaqueo aca'hua xans. Tixina aimi'iya mixinya.

⁴ Inu'ma, i'huaj'me'ma. If'aj'ma anuli al 'ec sicómoro. Jiŷpiya tuyaico'ma Jesús. Tixim'ma.

⁵ Jesús icuaitsi jiŷpiya, ehuelojm'ma al toncay al 'ec. Ipalaic'o'ma, timi:

—CumZaqueo, nuya taimunni. Itsiya ai'huapa lomejut'ŷ, cunxac'eta.

⁶ Zaqueo aiqicoŷ'ma, imunni. Ixoj'ma queta juaiconapa. Jiŷpe lejut'ŷ epenuf'ma Jesús.

⁷ Lan xanuc' lixim'me toŷta'a li'i'ma ixtulencia jahuay, tipalaicoyi lo'epa Jesús, tinesyi:

—Iŷque cal xans Zaqueo aimihuejma locuxepa LanDios, Jesús itsufaipa lejut'ŷ.

⁸ Zaqueo ecax'ma, ipalaic'o'ma laŷPoujna Jesús, timi:

—Toxinŷa', maipoujna, itsiya onŷca lai'hueca capi'ina'mola' lan xanuc' pe aiqil'hueca. Naitsi cal xans laifel'mipa, nexic'epa litomí, capi'icona'ma amalpemma.

⁹ Jesús mehuelonge Zaqueo ticua:

—Itsiya jifa'a lajut'ŷ unŷupa anuli cal xans, iŷque jouc'a i'hua toŷtatahuelo Abraham.

¹⁰ Iya' iŷque cal Xans Liximpa cal profeta pu'hua lema'a. Aicuaicoco'ma fa'a li'a lamats' cahue'mola', cunŷu'e'mola' lan xanuc' lejac'pola'.

¹¹ Miquimf'eyi lan xanuc', Jesús ti'hua timuc'iyale. Iŷniya lan xanuc' ticuayi: “Liŷya' Jerusalén a'ij culi'. Ticuaitsi jiŷpiya Jesús tulijtola' laŷ'eponga' laic'. Tijouŷa' illanc' y LanDios aŷcux'e'me anuli.” Jesús ipic'a ti'ŷta' quiŷsina' a'ij linca iŷe lonespa. I'onŷico'moxi lo'iya,

¹² timila':

—Anuli cal xans iŷque i'hua lincuxepa i'huapa aculi', ocue-naj nación. Jiŷpiya tepi'inna lipenic'. Tijouŷa' tipaino, ticux-ena'mola' lixanuc'.

¹³ Ai'a tipahuo ijoc'i'mola' limbamaj limozó. Anuli anuli epi'i'mola' quiŷtomí, lipitali to cal xans lolijpa no'eya canic' afanej mut'ŷa. Timila': “Iya' aicapajnya, ma cai'huayaic' aculi' imanc' toŷsuicole iŷta'a al tomí”.

¹⁴ Liŷpiya' xanuc' ixtuc'o'me cal xans. Ummem'mola' lan xanuc' tijeŷe pe litsepa, tuya'ata: “Iŷque cal xans aimalapenufyacu. Aimaŷcuxeyacongá' illanc'.”

15 'Cal xans, epi'impa lipenic' ticuxetsola' lixanuc', ipaiconnanni. Licuaitsi lemats' icuxe'ma tijoc'intsole' limozó, ihne nepenupá al tomí. Tixim'ma lulijsa.

16 'Icuaiyunni cal te'a. Timi hipoujna: "Maipoujna, lotomí lalapi'ipa jousa ulijsa imbama".

17 Timi: "Ima' unc'a mozo. Ac'a lo'epa. Ahuata lainepi'ipo'. Oxhuicopa ac'a. Itsiya capi'i'mo' imbamaj hitelotya', tocuxetola' lan xanuc' nomana' jilpe hitelotya'."

18 'Icuaiyunni locuena, timi hipoujna: "Maipoujna, lotomí lalapi'ipa jousa ulijsa amaque".

19 Jouc'a epi'i'ma lipenic'. Timi: "Ima' jouc'a capi'i'mo' copitelotya'. Tocuxetola' lan xanuc' nomana' jilpe lam maquej hitelotya'."

20 'Lijou'ma icuaiyunni locuena. Timi hipoujna: "Toxinla', maipoujna, jilta'a lotomí. Ai'huejsa. Aifi'ecopa jahua'.

21 Cai'ecopa caxpaic'ehuo'. Aixina' ima' unxans maftsile. Ni tohta'a aimocu, ma le'a tapenuf'ma. Aimofa, ma le'a tafot'le'ma."

22 Timi: "Ima' mixcay mozo. Mahta'a lonespa jousa mecane'epoxi. ¿Te ima' oxina' iya' ninxans naftsile? ¿Te al linca iya capenufi tama aicacu? Jouc'a, ¿te cafot'le tama aicafa?"

23 Jousa oxina' tohta'a. Itsiya itta'a laitomí, ¿te aicomecana al banco? Tohta'a cola' capenufna'ma laitomí jouc'a lulijsa."

24 Timila' lixanuc' nacaxhuolanna jilpiya: "Tolaxic'ete al tomí, tonlapi'ite itque ts'i'hueca limbama".

25 Ihne italai'e'e'me, timiyi: "Maipoujna, jousa i'hueca imbama".

26 Italai'e'e'mola', timila': "Iya' camilhuo': Jahuay ihne nulijpá, tepi'im'mola' xonca. Lan xanuc' pe aiqululiqui, texic'ena'mola' li'hueca.

27 Itsiya, to'hua'ancola' fa'a pe laifpa'a lan xanuc' nalixtuc'opa ihniya nocuapá: Itque cal xans aimalapenuffyacu, aimalcuxeyacongá. Tolma'atsola'."

28 Lijousa limipola' jite lataiqui', ti'hua tuyaipa. Tif'aqui lane Jerusalén.

29 Icuaitsi hijuala cuftine Lijuala Olivo, ahuejnca hitelotya' Betfagé jouc'a Betania. Jilpiya umme'mola' oquexi' ts'ilihuequi,

30 timila':

—Tonlete jilpe liya' lehuoc'ocojma. Jilpiya loftsulfiayacu tolsinna tifijnaya anuli laca'huaj burro. Nij naitsi xans lenafcaipa. Toluhuaitsa, tolcuai'ecu fa'a.

31 Ja'ni ticuis'etsolhuo', timitsolhuo': "¿Te cunluhuaitcopá la'huaj burro?", tolmitsa: "Lipoujna tixhuicota".

32 Iye'me ihne loquexi' lummem'mola', ixintsa laca'huaj burro ma to limipola' Jesús.

33 Muhuaiyi łaca'huaj burro lipoujnalá ipalaic'om'mola', timinnila':

—¿Te cunluhuaiłcopá łala'huaj burro?

34 Italai'e'e'me, timiyi:

—Łipoujna ipicuicoya tixhuicota.

35 Icuai'etsa łaca'huaj burro pe lopa'a Jesús. Ixpefi'me liłpuquiya lixpula' ła'huaj burro. Jesús enafcai'ma.

36 Pe loyaicoya, lan xanuc' ixpou'me liłpuquiya.

37 Icuaitsa huejnca jilpe laimuc' hijuala Olivo, lanxpela' ts'ilihuequi Jesús iłejmale ixoj'ma quileta. Jahuay ipango'me ija'a'me, tix'najtsi'iyi ŁanDios. Joupa iximpá al cueca' li'ipa.

38 Ticuayi:

—ıłtsiya ocuai'ma ima' ałRey! Joupa lu'imponga' tocuai-huo, ałminga' ŁanDios łalPoujna tumme'mo'. ıłtsiya ocuai'ma! ıAs'najtsi'ihuo' juaiconapa! ıŁanDios Nopa'a lema'a aimalix-tuc'oconayaconga', ałpaxnenga'! ıNomana' lema'a xonca al toncay timiłe: "Ima' xonca umCueca"!"

39 Jilpe pe lomana' lan xanuc' jouc'a timana' lam fariseo. Hniya timiyi Jesús:

—Momxi, to-ch'ixc'etsola' iłne ts'ihuejhuo'.

40 Jesús italai'e'e'mola', timila':

—Iya' camilhuo': Ja'ni ti-ch'ixcotsola' lalihuequi', lapiç' tija'a'me, tix'najtsi'i'me ŁanDios.

41 Hoc'olai'me xonca Jerusalén. Lixim'ma liłya' Jesús ijoj'ma,

42 timi:

—Iya' caxhuełcocojma iłe lo'iyaco', miłya' Jerusalén. It-siya ŁanDios ipic'a tipaxnetsola' loxanuc'. Ipic'a titoc'itsola', tuyalaııe al c'a. ıCoła' ticuec'ełe! Aimi'iyi micuec'eyacu.

43 Ticuaita litine ticuaicu laixtuc'opo'. Tejuajmi'me camats' lixpula' łomitał. Tilanc'e'me lof'ajcoyacu. Tipa'nem'me canu-micay, loxanuc' ailopa'a caipalcoyacu.

44 Laixtuc'opo' tif'ajli'me łomitał, teca'not'h'i'me łomitalot'ł, jouc'a loxanuc'. Laixtuc'opo' tijou'ne'mo' nulemma. Ni anuli łapic mipo'nof'queya łocuena capiç. ŁanDios joupa icuai'ma coła' tipaxnetso'. Ima' aicoxingufi tołta'a lo'eya, aicocuac'. Tołiya titeł'mi'mo' to laifmipo'.

45 Lijou'ma Jesús itsufai'ma al cuecaj xoute' lopa'a Jerusalén. Jilpe ipa'a'mola' nocucalepá.

46 Timila':

—El Paxi Linilingiya tuya'e': "Lainejut'ł lecu'i'impa: La-jut'ł petsi lan xanuc' tipalaic'oyo'me ŁanDios." Itsiya imanc' tonł'onlicoyi iłta'a lajut'ł to łunts'eja' lafołyomma lan namats'.

47 Itine itine Jesús ti'hua al cuecaj xoute'. Timuc'ila' lan xanuc'. Lixanuc' cal cuecaj ca'ailli', lomxiye nomuc'iyalepá locuxepa ŁanDios jouc'a lan tsilaj xanuc' noxpijpá lataiqui', tehueyi te co'iyá mima'ayacu Jesús.

⁴⁸ Aiquilsina' te co'eyacu. Jahuay lan xanuc' icuaitsi quĩpic'a litaiqui' Jesús, tipo'noyi cuenna lomuc'iyalepa.

20

¹ Anuli litine mipa'a Jesús al cuecaj xoute' timuc'ila' lan xanuc', tu'ila' Lataiqui' loya'apa ite al c'a loxpíc'epa LanDios. Jĩpiya icuaiyunca lixanuc' cal cuecaj ca'ailli' jouc'a lomxiye nomuc'iyalepá locuxepa LanDios, jouc'a lan tsilaj xanuc' noxpijpá lataiqui'. Icuaitsa pe lopa'a Jesús,

² icuis'e'me, timiyi:

—¿Naitsi nepi'ipo' lomane tołta'a to'e'ma? ¿Naitsi nummepo'?

³ Jesús italai'e'e'mola', timila':

—Iya' jouc'a tipa'a laifnicuis'eyacolhuo'. Ałtalai'eł'a'.

⁴ ¿Naitsi nummepa Juan? ¿Naitsi nicuxe'epa tepo'itsola' lan xanuc'? ¿Ja'ni LanDios? o ¿anuli cal xans?

⁵ Ihe ipalaic'o'mołtsi quĩtuca', timiyołtsi:

—¿Te calmiyacu? Ja'ni ałmiłe: “LanDios ummepa”, alicuis'e'monga', ałmi'monga': “Imanc', ¿te aicolapenufi Juan?”

⁶ Ja'ni ałmiłe: “Anuli cal xans nummepa”, lan xanuc' ałma'aco'monga' apic'. Ihe ticuayi Juan aprofeta. Ticuayi LanDios ummepa.

⁷ Italai'e'e'me, timiyi:

—Illanc' aicałsina' naitsi nummepa.

⁸ Italai'e'e'mola' Jesús, timila':

—Iya' jouc'a aicu'iyacolhuo' naitsi nalapi'ipa laimane ca'eł'a' tołta'a.

⁹ Ipango'ma ipalaic'ocona'mola' lan xanuc'. I'onłicopola' iłniya ts'iłpenic' lan judío, timila':

—Anuli cal xans ifapaj 'uva łemats'. Hualca lan xanuc' epi'i'mola' lane ti'ełe canic'. Tijouł'a' lanic', tijouł'a' tefot'lele, tepi'ina'me onłca łipammaita.

'Łapoujna camats' i'hua'ma aculi'. Jĩpe icołhuo'ma.

¹⁰ Icuaitsi litine tefot'lele umme'ma anuli łimozo, ti'huał'a' titaita łi'as 'uva, iłque łocuaiya quimane. Lin'epá canic' ailopa'a quilepi'i', ni tołta'a. Untaf'me cal mozo, icuxe'e'me ti'huanł'a'.

¹¹ 'Ummecona'ma ocuenaj mozo. Iłque jouc'a untaf'me, i'e'me lixcay, etets'i'me. Ailopa'a quilepi'i', ni tołta'a. Icxuxe'e'me ti'huanł'a'.

¹² Ummecona'ma ocuenaj mozo, iłque ło'icoya afantsi. Iłque ixcai'e'me, exałcuf'me, ipa'apá łamats' pe lifayiya cal 'uva.

¹³ 'Lijou'ma łapoujna camats' pe lifayiya cal 'uva ticua: “¿Te caif'eya?” Ixpíc'e'ma, ticua: “Cumme'ma łai'hua, łai'epa capic'a juaiconapa. Aga aimetets'iyacu iłque. Tepenufta.”

14 Lin'epá canic' lixim'me icuaico'ma li'hua hípoujna timiyoltsi: “Ílque tepenuf'ma li'huexi qui'ailli'. Ałma'a'me. Tołta'a alulijna'me cal'huexi.”

15 Exałcuf'me, ipa'apá łamats' pe lifayiya cal 'uva, ima'a'me. Jesús icuis'e'mola', timila':

—Imanc', ¿te cołcuapa? Ľipoujna camats' pe lifayiya cal 'uva, ¿te co'eyacola'?

16 Iya' camí'molhuo' lo'eya: Ti'hua'ma, ticuaiti pe lomana' ihniya lin'epá canic', tima'acola'. Lemats' pe lifayiya 'uva, małe łamats' tepi'i'mola' ocuenaye xanuc'.

Licuej'me tołta'a litaiqui' Jesús lan xanuc' noquimf'epá ticuayi:

—ĽanDios aimicu'ma lane mi'i'ma tołta'a!

17 Jesús ehuelonc'e'e'mola' lił'a, timila':

—Al Paxi Linilingiya tuya'e':

Łapic łetets'ipa nolanc'epá lajutł, i'ipa xonca łaicuicoya.

Ílque łapic xonca tilanc'e łaitał aimecangeya lajutł.

Ja'ni a'i mi'iya to itsiya laifnu'ipolhuo', ¿te conescopa tołta'a al Paxi Linilingiya?

18 Cal xans tixc'uałaf'caitsi, tecanafcaitsi cal Cuecaj Capic, ilque tunła'moxi. Ja'ni ilque Łapic tecangenni tetof'caitsi cal xans, ilque cal xans tuxpats'i'i'ma nulemma.

19 Lomxiye nomuc'iyalepá locuxepa ŁanDios jouc'a lixanuc' cal cuecaj ca'ailli' ixtulencia. Íłsina' Jesús tipalaicola' ihniya lił'ejma'. Ehuepá te co'iya mi'nołyacu Jesús. Małpe 'hora ilpic'a ti'nołte. Aiqui'ic'. Tixpaic'eyi lan xanuc'.

20 Ti'hua tehueyi te co'iya mi'nołyacu Jesús. Umme'me liłxanuc' tiyełe pe lopa'a Jesús, tehuelaifta. Ma le'a ti'e'eyołtsi; ihne a'ijc'a xanuc'. Ticuis'eta Jesús. Ticuayi: “Tinesc'eła' cataiqui' cal gobernador. Tijouła' ałcu'me, ticuaita quimane ilque ts'ipenic'.”

21 Icuis'e'me Jesús, timiyi:

—Momxi, ałsina' ac'a lotaiqui', ac'a lofmuc'iyalepa. Ima' toxinnila' lan xanuc' ipacoya. Al łınca tomuc'ila' lipene ŁanDios.

22 Itsiya licuis'e'mo', lu'itsonga': ¿Te ał'najtse'e'me cal cuecaj quincuxepa César? O ¿aimalapi'iyacu? ¿Te ti'i'ma o aimi'iya?

23 Jesús ixina' ma le'a tehueyi tic'aiłquenni. Timila':

—¿Te calahuaicopa?

24 Ałmuc'ila' anuli al tomí. ¿Naiti jilta'a ts'i'a? ¿Naiti ilta'a ts'ipuftine?

Timiyi:

—Li'a César, lipuftine César.

25 Timila':

—Ja'ni i'huexi César, ne', tonlapi'ile César. Ja'ni i'huexi ŁanDios, ne', tonlapi'ile ŁanDios.

26 Toŧta'a iŋniya ailopa'a co'eyacu. Aiquilc'aiŋqui Jesús. Ixim'me acueca' lipicuejma', i-ch'ixco'mola'.

27 Lijou'ma hualca lan xanuc' saduceo icuaitsa pe lopa'a Jesús. Ine tinesyi: Limanapola' aimimaf'iconayacu. Icuis'e'me Jesús,

28 timiyi:

—Momxi, pe liniŋpa Moisés alu'iponga': “Anuli cal xans timanŋa', joupa ilejma ŋaca'no', ja'ni ailopa'a quil'hua ŋamizhua tipa'a lipima tileco'ma li'maxi. Tipajntsi quil'hua tecui'i'me lipuftine lipima limanapa, tepenuf'ma li'huexi.”

29 Li'ipa timana' acaitsi lan xanuc' apimaye. Cal te'a ilecopa anuli ŋaca'no', lijou'ma imana'ma. Ailopa'a quil'hua.

30 Locuena lipima ilecopa li'maxi, imana'ma jouc'a. Ailopa'a quil'hua.

31 Lijou'ma locuena lipima jouc'a ileco'ma li'maxi, imana'ma jouc'a. Ailopa'a quil'hua. Ma' anuli li'i'mola' locuenaye lan malujxi' capimaye. Anuli anuli ileco'me ŋaca'no', imana'mola'. Ailopa'a quil'hua.

32 Lijou'ma imana'ma ŋaca'no' jouc'a.

33 'Tsiya, lu'itsonga': Ticuaitsi jile litine timaf'inaŋe limanapola', ¿te co'iya iŋque ŋaca'no'? Lan caitsi capimaye ilecopá. ¿Naitsi co'iya quipe'ailli'?

34 Jesús timila':

—Mimana' fa'a li'a ŋamats' lan xanuc' temalliysi, liŋ'ailli' ticuyi liŋnaxque'.

35 Locuena Quitine a'i toŧta'a mi'eyacu. Timana' lan xanuc' laca'no' LanDios tixinnila' ti'i'ma titsuflaita jilpe Locuena Capajnya, tixinnila' ti'i'ma timaf'icona'me nulemma. Iŋniya tipo'no'mola' locuenaye limanapola'. Iŋniya aimemalliconayacu.

36 Ti'onŋcotola' to lapaluc' quema'a. Aimimayacola'. Iŋniya linca inaxque' LanDios, timaf'i'ina'mola' nulemma.

37 'Maŋque Moisés tuya'e': LanDios timaf'i'ina'mola' limanapola'. Toŧta'a tuya'e' lije'e. Jilpe tuya'e' li'ipa litine lonajpa lac'ec. He litine LanDios imipa: “Iya' NanDios; ilenDios Abraham, Isaac, Jacob.”

38 Ja'ni nulemma imanapola' iŋniya, LanDios aimimiya: “Iya' ilenDios iŋniya”. LanDios ilenDios ts'iŋmaf'i', a'i limanapola'. LanDios jahuay tixinnila' to ts'iŋmaf'i'.

39 Hualca lomxiye nomuc'iyalepá locuxepa LanDios italai'e'me, timiyi Jesús:

—Momxi, ac'a lonespa.

40 Lijou'ma, ailopa'a quilicuis'ot'ŋecongħua. Tixpailiquila'.

41 Jesús timila':

—¿Te conescompa: “Cal rey David itatahuelo cal Cristo, LanDios Lommeya”?

⁴² Petsi liniñiya al je'e lan Salmo, David tuya'e':

LanDios ipalaic'o'ma ñaiPoujna, timi:

“Tocutshuaila' fa'a al c'a camane.

⁴³ Ima' topajñla' fa'a al c'a camane, ma' iya' ti'hua culiquila' lo'epoj laic'.

Tijouñla' ima' tocuxena'mola'.”

⁴⁴ 'David linesco'ma cal Cristo ticua: “... ñaiPoujna”. ¿Te conescopa “ñaiPoujna”, ja'ni ñque cal Cristo i'hua David?

⁴⁵ Miquimf'eyi lan xanuc', Jesús timila' ts'ilihuequi:

⁴⁶ —Toñ'etsotsi cuenna lomxiye nomuc'iyalepá locuxepa LanDios. Ñpic'a tiyelococo'me tipo'no'me ñipijahua' itoqui. Tetenñcocola' tixinintsola' to lan c'a xanuc', tinonintsola' miyelocoyi la plazá. Ni petsi locuaicoyacu, ja'ni ñajut'ñi pe lafoñyomma lan xanuc', ja'ni anuli al juic, tehueyi te co'iya micutshuolaiyacu pe li'huáqui xonca al c'a.

⁴⁷ Ñniya ma mi'e'eyotñi to lan c'a xanuc' texic'e'eyi ñi'ñuexi lam potsateya. Ticoñi tipalaic'oyi LanDios. Ñinca xonca titeñ'mi'mola'.

21

¹ Lijou'ma Jesús ehuelojm'mola' lan xanuc' ts'it'ñueca acueca' mecajm'miyi ñipimoxna al caxax lopa'a ñiñpiya al cuecaj xoute'.

² Ixim'ma jouc'a anuli ñaca'no' apotsate, ailopa'a qui'ñueca. Ñque ti'ñij'mi oque' al tomí. Ailopa'a quipitali, toco'ma to oque' centavo.

³ Jesús timila' ts'ilihuequi:

—Iya' camilhuo' al ñinca: Xonca acueca' lipimoxna licupa ñaca'no' cal potsate, ailopa'a qui'ñueca.

⁴ Ñne lan xanuc' ts'it'ñueca acueca', ma le'a i'ñij'mipá loyaf'pa. Ñque ñaca'no' tehue'e', i'ñij'mipa jahuay li'ñueca. Ailopa'a co'nacoya loteja.

⁵ Hualca ts'ilihuequi Jesús tehuelojnyi al cuecaj xoute'. Ticuayi juaiconapa i'ñuáqui al c'a. Ñlajncopa lan c'a capic'. Lan xanuc' joupa icupá ñiñtomí, ilanc'empa xonca al c'a. Jesús timila':

⁶ —Itsiya i'ñuáqui juaiconapa al c'a. Aimipaneya toñta'a. Ticuaita litine jahuay teteñquehuo. Ni anuli ñapic mipo'nof'queya ñipima capic. Jahuay tica'ñico'ma.

⁷ Ñne icuis'e'me, timiyi:

—Momxi, ¿te quitine toñta'a ti'i'ma? ¿Te calsinyacu ai'a ti'i'ma toñta'a?

⁸ Timila':

—Toñpo'noñe cuenna. Aimifel'mim'molhuo'. Axpela' ticuaicu, ticua'me: “Iya' ninCristo. LanDios alummepa.” Jouc'a

ticua'me: "Joupa icuaico'ma al Cueca' Quitine". Imanc' aimonlihuej'mola' nocuapá tołta'a.

⁹ Tołcuj'me lan xanuc' tifuleyi o tifuliquemma. Aimix-pailij'molhuo'. Ticuicomma ti'i'ma tołta'a. Li'a łamats' ti'hua ticoł'ma.

¹⁰ Jesús ti'hua tipalaic'ola' ts'ilihuequi, timila':

—Lan xanuc' nomana' anuli al nación tifule'me nomana' locuenaj nación. Lan xanuc' nomana' anuli łilemats' tehuoc'ai'mołtsi nomana' łocuena camats', tifule'me.

¹¹ Ni petsi li'a łamats' tinu'ma acuecaj cunanto, titełco'me lumemma, jouc'a al cuana lolecopola'. Jiłpiya lema'a acueca' lo'iyá. Lan xanuc' tixim'me, tixpailij'mola'.

¹² 'Ai'a ti'i'ma tołta'a imanc' tołtełco'me. Lan xanuc' ti'noł'molhuo', tihuetsoquim'molhuo', ticum'molhuo' ticuaita quılmane lan xanuc' nocuxepá łajut'łi pe lafołyomma lan xanuc', ti'nicom'molhuo' łacarza, tilecom'molhuo' pe lomana' lan rey jouc'a pe lomana' locuenaye quincuxepá. Imanc' al'huaiyjmpa iya', tołiya tołtełco'me tołta'a.

¹³ Ni petsi loleconyacolhuo' tulu'i'mola' lan xanuc': "İllanc' lihuejyi Jesús".

¹⁴ 'İtsiya aimołsuełmot'łe'me, aimołnes'me: "¿Te całcuayacu? ¿Te całtalai'e'ecoyacola' lan xanuc'?" Tołpo'nołe lołpicuejma', tołnesle nulemma: "Aimołsuełmot'łe'me".

¹⁵ Iya' cu'i'molhuo' lołnesyacu. Capi'i'molhuo' cołpicuejma' acueca'. Naixtuc'opolhuo' aimi'iyá mitalai'eyacolhuo'. Ni aimimiyacolhuo': "A'ij łınca lołnespa imanc'". Aimi'iyá minesyacu tołta'a.

¹⁶ 'Lo'ailłi, lołpimaye jouc'a lonłejmalepá ticuıfolhuo', ticuaita quılmane lincuxepá. Tima'am'molhuo' hualca imanc'.

¹⁷ Imanc' ts'alihuequi, tołiya ni petsi lomana' lan xanuc' tixtuc'o'molhuo'.

¹⁸ Imanc' aimejac'yacolhuo', ni anuli lijuac lołjuac aimejac'ya.

¹⁹ Tołsnet'łe jahuay lo'iyacolhuo', tołta'a tulunłul'me.

²⁰ 'Litine mołsinyacu lan soldado canumicay al cuecaj quıłya' Jerusalén ti'ıła' cołsina' aimicołya łıłya', tijouna'ma.

²¹ İe litine ja'ni tołmana' jıłpe al distrito Judea tolinul'me, tonłe'me łıjualay. Ja'ni tołmana' al cuecaj quıłya' tolıpalcu. Ja'ni tołmana' pu'hua łimuc'o', aimołtsuflai'me łıłya'.

²² Jiłniya łitine fa'a al cueca' quıłya' tixim'me latełcoya. Ma to muya'e' al Paxi Linıłingiya ma tołta'a tenanłco'ma jahuay.

²³ Acuanuc'la łacał'no' linnaila', jouc'a łacał'no' notu'ipá liłnaxque'. Titełco'me acueca' juaiconapa jifa'a li'a łamats'. Lan xanuc' nomana' tixim'me al cueca' lipoyac' LanDios.

²⁴ Lin'ehuale laic' tima'acom'mola' a'espada. Jouc'a tifi'em'mola' ts'ıłmaf'i', tilecom'mola' ni petsi li'a łamats'.

Lan xanuc' ocuena quimnación, ihne aimimetsaicoyi LanDios, ticuxe'me fa'a liya' Jerusalén. LanDios tepi'i'mola' lane ti'hua ticuxe'me. Tijoula' texic'e'ena'mola' licueya quimane, aimicuxeconayacu liya'.

25 'Cal 'ora timuj'ma lo'iya. Jouc'a cal mut'la jouc'a lan xamna timuj'me. Lan xanuc' nomana' li'a lamats', jahuay lan nación, tixhueico'me. Aiquisina' te co'eyacu. Laja tife'ne'moxi juaiconapa, titsahuehuo. Tixtu'ma laja, ticuequehuo acueca'.

26 Titafquecola' lan xanuc', ailopa'a co'eyacu. Tixim'me lan xamna tipai'i'me lipene. Tixpailij'mola' juaiconapa, tixhueico'me, tines'me: “¿Te xonca caitecoyacu fa'a li'a lamats'?”

27 'Iya' ilque cal Xans Liximpa cal profeta pu'hua lema'a. Ihne litiné alsim'ma cacuaiconahuo jilpe hummahuay. Alsim'ma acueca' laipepaxi, alsim'ma ma' anuli LanDios.

28 'Tipangoła' ile lo'iya aimixpailij'molhuo'. Tixojla' conlata. Aimicoła' lottecoyacu, tulunul'me.

29 Lijou'ma Jesús ipangopa i'onlicopa lo'ipa al 'icux, jouc'a jahuay cal 'ec'. Timila' ts'ilihuequi:

—Tołpo'note cuenna lo'ipola' al 'icux jouc'a jahuay locue-naye cal 'ec'.

30 Tuxcuaf'caitsi lipela imanc' ołsina' joupa icuaico'ma linu'.

31 Ma' anuli, litine ti'ila' to laimipolhuo', ti'i'ma cołsina' joupa icuaico'ma LanDios cal Cuecaj Rey. Jahuay tihuejco'me.

32 Iya' camilhuo' al linca: Ma to li'ejma' lan xanuc' nomana' itsiya litine, ma tołta'a ti'i'ma li'ejma' lan xanuc' nomajnyacu ile litine lo'iya to laimipolhuo'.

33 Lema'a y li'a lamats' tejac'mola', aimołsingonayacu. Laitaiqui' aimejac'ya, tipanehuo.

34 'Imanc' tołetsołtsi cuenna. Aimoł'e'me nixpiya, aimimeyoj'molhuo', aimołsuełmot'le'me te co'iya moluyalaicoyacu jifa'a lapajnya. Tolihuejcołe LanDios. Ja'ni a'i, timufc'o'molhuo' lołpicuejma', ticuaitsi al Cuecaj Quitine tixpaic'e'molhuo'.

35 Ticuaiyunni al Cuecaj Quitine lan xanuc' ni petsi lomana' li'a lamats' tixingufco'me.

36 ¡Tołmaf'ile! ¡Ti'hua tołjoc'ile LanDios! Joupa nu'ipolhuo' ile al cueca' lo'iya. Tołsa'huele LanDios, tołmi'me: “Altoc'itsonga, lunlu'etsonga”. Tijoula' tixoj'ma cunlata tolacaxingołaita pe laifpa'a. Iya' ilque cal Xans Liximpa cal profeta pu'hua lema'a.

37 Ihne litiné Jesús timuc'ila' lan xanuc' jilpe el cuecaj xoute'. Lipuqui' tipamma liya', ti'hua lijuala Olivo. Ilpe tipajnsa lic'ayca lipuqui'.

38 Mi'i'ma quitine jahuay lan xanuc' tiyeyi al cuecaj xoute', tiquimf'eta litaiqui' Jesús.

22

1 Tehue'e' huata ti'i'ma al juic cuftine al Pascua. Mi'eyi juic titeji ła'i aiqilai'inni levadura.

2 Lixanuc' cal cuecaj ca'ailli' jouc'a lomxiye nomuc'iyalepá locuxepa ƁanDios tehueyi te co'ya mima'anyacu Jesús. Tix-pailiquila', ja'ni tixtulecu lan xanuc'.

3 Ɓonta'a Satanás itsufaipa lipicuejma' anuli iħne limbamaj coquexi' ts'ilihuequi Jesús, iħque cuftine Judas. Locuena lipuftine Iscariote.

4 I'hua'ma pe lomana' lixanuc' cal cuecaj ca'ailli' jouc'a lapaluc' no'epá cuenna al cuecaj xoute'. Ipalaic'o'mola'. Ix-pic'e'ma te co'ya micuya Jesús, ticuaitsi quihmane.

5 Ixoj'ma quileta iħniya. U'i'me tojua mulijya al tomí.

6 Judas icupa cataiqui' ticu'ma Jesús. I'huana'ma, ehuepa te co'ya micuya iħque. Ticua: "Aimicuej'me lan xanuc'".

7 Icuaitsi al juic titem'me ła'i aiqilai'inni levadura. I'huajcopa litine tima'am'mola' laicanaxque' mot'ł, iħne lotejnyacola' jilpe al juic Pascua.

8 Jesús umme'mola' Pedro y Juan, timila':

—Tonłełe. Tolafot'łetsa łałtejacu ałsmocota al juic Pascua.

9 Icuis'e'me, timiyi:

—¿Petsi całsmocoyoyacu? ¿Te cofcuapa?

10 Timila':

—Tonłełe liłya', ma mołtsuflaiyi liłya' tołsinna anuli cal xans itaic' lijuti caja'. Tolihuejtsa. Iħque titsufaita anuli lajut'ł.

11 Tołpalaic'ota łaƁoujna, tołmita: "Ɓałpomxi alummeponga' pe lofpa'a, ticuis'ehuo', timihuo': ¿Pe copa'a lajut'ł pe łałsmocoyoyacu al juic Pascua, iya' jouc'a lalihuequi?"

12 Iħque tilecotolhuo' al toncay lajut'ł. Timuc'itolhuo' anuli al cuecaj cajut'ł. Jilpe tipa'a jahuay, joupa ixhueya. Małpiya tołpo'nota łałtejacu.

13 Iħne loquexi' ts'ilihuequi iye'me. Ixim'me ma to limipola' Jesús. Jilpe lajut'ł ilanc'e'me calxmocojma'.

14 Ticuaitsi al 'hora tixmocole Jesús jouc'a li'apóstole icut-shuolai'me, titetso'me.

15 Jesús timila':

—Aijanajpa juaiconapa ałsmocole anuli iłca'a hitejua' al Pascua. Aixina' icuaico'ma laiftełcoya. Ate'a ałsmoco'me anuli.

16 Iya' camilhuo': Jifa'a li'a łaamats' aicatetsoconaya iłta'a al juic. Ticuaitsi litine lan xanuc' tihuejcole ƁanDios hiłCuecaj Rey, iħne litine ti'icona'ma iħe al juic, ti'i'ma ituca'. Jilpe linca catetsoconna.

17 Lijou'ma uhuof'ma al taza, ix'najtsi'i'ma ƁanDios, timila' ts'ilihuequi:

—Tuluhuanuf'le iłta'a al taza. Tołsnałe jahuay imanc'.

18 Jifa'a li'a lamats' aicaxnaconaya lija' uva. Ticuaitsi litine tixinte LanDios micuxe, ite litine, linca caxnaconna.

19 Epef'ma anuli la'i. Ix'najtsi'icona'ma LanDios. Ixquenuf'ma, epi'i'mola' ts'ilihuequi, timila':

—Jilca'a aicuerpo laifcuya cunhu'e'molhuo'. Tolihuej'me tofta'a, al'nujuaisco'ma iya' laif'eya.

20 Lijoupa lixmocopa ix'najtsi'icona'ma LanDios, icufi'mola' al taza. Uhuof'ma timila':

—Itta'a aijuats' laifxcuajaiya cunhu'e'molhuo'. Ma mix-cuajaiquemma laijuats' calinc'i'ma al ts'e cataiqui', LanDios lopo'no'ipolhuo' imanc' ixanuc'.

21 Jahuay imanc' a'i ixanuc' LanDios. Jifa'a tipa'a itque lafcuya. Alpo'nof'iyi lahmane al mesa anuli.

22 Iya' itque cal Xans Liximpa cal profeta pu'hua lema'a. Itsiya ca'huana'ma laipene. Ma tofta'a la'iyia. Tijoula' acueca' a'ijc'a juaiconapa tuyaico'ma cal xans lafcuya.

23 Ts'ilihuequi ipango'me icuis'e'mo'tsi, timiyot'si:

—¿Nait'si illanc' ti'e'ma tofta'a?

24 Lijou'ma ipango'me ifuli'i'mo'tsi cataiqui', nait'si xonca cal cueca'.

25 Jesús timila':

—Lan xanuc' pe aimimetsaicoyi LanDios lan tsilaj quincux-epá ti'e'eyot'si quihpoujnalá. Ts'ilpenic' ticuayi: “Illanc' linca altoc'ila' lahxanuc', alcuxela' al c'a”.

26 Imanc' aimont'e'me tofta'a. Toft'e ituca' lo'ejma'. Imanc', itque xonca ts'i'huaj'me ti'e'exoxi ti'onlcotsi to la'hua. Itque nocuxepa xonca, ti'e'exoxi ti'onlcotsi to cal mozo.

27 ¿Nait'si itque xonca cal cuecaj xans? ¿Ja'ni itque locutsuya notetsopa? o ¿ja'ni cal mozo lo'hua'apa al pime? Itque locutsuya linca xonca acuecaj xans. Lahmajmpa anuli iya' al'onlcospa to cal mozo.

28 'Imanc' aixanuc' aicalpo'nohuo caituca'. Capa'a fa'a li'a lamats' altetcopá anuli.

29 Jouc'a alcuxena'me anuli. Cai'Ailli' joupa lapi'ipa laimane cacuxe'ma. Jouc'a iya' capi'ilhuo' lohmane tofcuxe'me.

30 Ticuait'si litine lihuejco'ma jahuay lan xanuc' iya' imanc' alcuto'ai'me anuli, altetso'me, alsna'me. Imanc' tofcuto'ai'me lofcuecaj asiento, tofspijta lataiqui', tofcuxe'mola' lohxanuc', ilne lihxanuc' limbamaj coquexi' linaxque' toftatahuelo Israel.

31 Jesús ipalaic'opa Simón Pedro, timi:

—CumSimón, Satanás ixa'huepa lane tehuai'molhuo' imanc'. Cal xans nofusya litrigo tipa'a'ma lipifuc, tipanehuo pangay c'a. Tofta'a ti'i'molhuo' imanc' lahuaiyinyacolhuo'.

32 Aixahue'epa LanDios titoc'itso' ima' cumSimón. Tofta'a ima' ti'hua al'huaiyinge, aimalpo'nohuo nulemma. Tijoula'

tehuaiyintso' ima' toxhuej'meconahuo, lihuej'cona'ma. Hniya litiné totoc'itsola' lopimaye, tapi'itsola' liɸujfxi jouc'a.

³³ Pedro timi:

—Maipoujna, joupa aipo'nopa laipicuejma'. Ni petsi loft-seya ca'hua'ma jouc'a. Ja'ni ti'nolintso' ti'hua'antso' lacarza, ja'ni tima'antso', jahuay ti'e'entso' iya' cacua: Ma al'e'entsonga' anuli. Aicapo'noyaco' cotuca'.

³⁴ Timi:

—CumPedro, camihuo': Ita'a lipuqui', ai'a tija'a'ma ɸangiti, ima' tones'ma afanemma: “Aicainimetsaijma Jesús”.

³⁵ Icuise'e'mola' ts'ilihuequi, timila':

—Ite litine lainumme'molhuo' aicoɸtai'me coɸponta, ni coɸmorrall, ni coɸe'ejí, ¿te ehue'e'molhuo'?

Timiyi:

—Ailopa'a calahue'ehuo'monga'.

³⁶ Timila':

—Itsiya ituca' lo'iya. Camilhuo': Naitsi ts'i'hueca liponta tomí, titaiɸa'. Naitsi ts'i'hueca ɸimorrall, titaiɸa' jouc'a. Ja'ni ailopa'a qui'espada, ticujla' lipuquiya, ti'nacoɸa'.

³⁷ Al Paxi Linihingiya tuya'e': “Ihque itel'mim'me to loteɸmimpola' ihne no'epá quixcay”. Ite linihya aɸnescopa iya' laɸiya. Camilhuo': Tenanɸma.

³⁸ Timiyi:

—Maɸ'ailli', jifa'a tipa'a oquej lan 'espada.

Timila':

—Ne', tipajna'.

³⁹ Jesús ipanni lajutɸ, ma to mi'ay i'hua'ma lijuaj Olivo. Ts'ilihuequi ihuej'me.

⁴⁰ Icuaicontsa petsi lotsepa. Jiɸiya timila' ts'ilihuequi:

—Toɸjoc'ihé ɸanDios. Toɸsa'hueɸe aimehuaiyim'molhuo'.

⁴¹ Ipo'no'mola' quiɸtuca', i'hua'ma ni huata, iɸojf'e'moxi le'a lipiculi' to taca'niɸa' anuli ɸapic. Exc'onɸhuai'ma, tiɸoc'i ɸanDios, timi:

⁴² —Mai'Ailli' liɸonc'e'eɸa' iɸca'a al cueca' laifteɸcopa, ja'ni toɸta'a oxpic'epa. Tama toɸta'a laifmipo' jouc'a camihuo': To'eɸa' ma to loɸxp'ic'epa a'i to iya' laifxp'ic'epa.

⁴³ Iximpa icuaico'ma anuli ɸapaluc quema'a. Tepi'i' quipu-jfxi, ti'ommaitsi.

⁴⁴ Lijou'ma ipango'ma ihuotsonni xonca, unlejma ɸunxajma'. Xonca ihui'i'ma ixa'hue'ma ɸanDios. Ijaftsi, titats'quemma ɸamats', tocomma ajuats'.

⁴⁵ Lijoupa liɸoc'ipa ɸanDios itsahuenanni, i'hua'ma pe lo-mana' ts'ilihuequi. Ixim'mola' tixmaiya. Lihuotsoqueya ulij'mola', i'noɸ'mola' ɸahuí.

⁴⁶ Timila':

—¿Te colismaicopa? Tołtsolinca, tołjoc'ile ŁanDios. Tołsa'huele titoc'itsolhuo', aimehuaiyim'molhuo'.

⁴⁷ Ma mipalay Jesús icuaitsa axpela' lan xanuc'. Judas, iłque anuli iłniya limbamaj coquexi' ts'ilihuequi Jesús, i'hujaj'me'ela' lan xanuc'. Icuaitsi pe lopa'a Jesús, tituc'o'ma.

⁴⁸ Jesús timi:

—Judas, ¿te ałtuc'o'ma? Iya' iłque cal Xans Łiximpa cal profeta pu'hua lema'a. ¿Te ałtuc'o'ma, tijouł'a' ałcu'ma?

⁴⁹ Niyejmalepá Jesús lixim'me lo'ipa timiyi:

—Mał'ailli', ¿ałfuleco'me a'espada?

⁵⁰ Anuli ts'ilihuequi ixcai'e'ma limozo cal cuecaj ca'ailli'. Etec'e'e'ma lix'mas, al c'a camane.

⁵¹ Jesús timila' lan xanuc':

—Lapi'ıta' lane.

Iıafc'e'e'ma lix'mas iłque cal xans. Ixał'mena'ma.

⁵² İpalaic'o'mola' iłne nicuaitsa ti'noł'me. İłniya ixanuc' cal cuecaj ca'ailli', jouc'a incuxepá lapaluc' no'epá cuenna al cuecaj xoute', jouc'a lan tsilaj xanuc' noxpijpá lataiqui'. Timila':

—İmanc', ¿te colcuaiyoco'me fa'a ołtaic' loł'espada, lonł'ec, ał'nołla'? ¿Te ał'onłcospa to linma'ahuale?

⁵³ İtine itine ałmana' anuli jıłpe al cuecaj xoute'. Aimał'nołi. İtsiya linca tonł'e'me ts'ołpic'a. İtsiya ti'hua limane nocuxepa al muf.

⁵⁴ İ'noł'me Jesús, ileco'me lejut'ł cal cuecaj ca'ailli'. Pedro ihuequi aculi'.

⁵⁵ Jıłpiya lipuna quejut'ł cal cuecaj ca'ailli' icue'empá łunga, icutsingolai'me. Pedro icutsingai'mola'.

⁵⁶ İpał cunga tulif'e' li'a Pedro. Anuli cal mozo aca'no' ehuelojm'ma, timila' lan xanuc' nomana' jıłpiya:

—İłque cal xans jouc'a iłejmale Jesús.

⁵⁷ Pedro icuanajpa, timi:

—Maca'no', aicainimetsaijma.

⁵⁸ Lijou'ma nihuata ocuena cal xans ixim'ma Pedro, timi:

—İma' jouc'a unłejmale Jesús.

Pedro timi:

—Cunxans, a'i iya'.

⁵⁹ Uyai'ma to anulij hora. Ocuenaj cal xans ihui'i'ma, timila' locuenaye nomana' jıłpe:

—Ma' al linca iłca'a cal xans iłejmale Jesús. İca'a jouc'a łas Galilea.

⁶⁰ Pedro timi:

—Cunxans, aicaixina' te cofnespa, ni aicaicueca.

Mipalay Pedro tołta'a ija'a'ma łangiti.

⁶¹ ŁałPoujna Jesús ipai'e'moxi, ehuelojm'ma Pedro. Pedro i'nujaitsi lataiqui' limipa: “İta'a lipuqui' ai'a tija'a'ma łangiti ima' tones'ma afanemma: Aicainimetsaijma Jesús.”

⁶² Ipanni, ijojtsi talay.

⁶³ Lan xanuc' no'epá cuenna Jesús ipango'me ilotsoco'me.

Untaf'me c'ec.

⁶⁴ Ifi'e'e'me li'u', ticuis'eyi, timiyi:

—¡Tocua'ala'! ¿Naitsi nuntafpo'?

⁶⁵ Jouc'a imiløj'me axpe' quixcay cataiqui'.

⁶⁶ Lihic'ejma' ileco'me Jesús pe lefoŷya lan tsilaj xanuc' noxpi-jpá lataiqui' jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa LanDios.

⁶⁷ Timiyi:

—Ja'ni ima' unCristo, ummepo' LanDios, lu'itsonga'.

Timila':

—Ja'ni cu'itsolhuo' imanc' aimoŷ'eyacu linca laitaiqui'.

⁶⁸ Ja'ni quicuis'etsolhuo' aimat'ai'eya.

⁶⁹ Iya' ihque cal Xans Liximpa cal profeta pu'hua lema'a. Tuyaiŷa' itsiya cacutsainata al c'a camane LanDios. Ihque jahuay nipajnya ti'e'ma.

⁷⁰ Licuejpá iŷe linespa Jesús jahuay ihniya lan xanuc' timiyi:

—¿Te ima' i'Hua LanDios?

Timila':

—Ma to imanc' moŷnesyi, ma' iya'.

⁷¹ Ticuayi:

—Itsiya' linca aimalahueyacola' nocufyacu xonca. Iŷca'a quituca' ecani'epoxi. Joupa alcuejpá.

23

¹ Jiŷpe lefoŷya jahuay ihniya itsolinamma, i'hua'a'me Jesús pe lopa'a Pilato, ihque cal gobernador.

² Ipango'me icuf'me, timiyi Pilato:

—Alquimf'epá ituca' lomuc'iyalepa ihque cal xans. Tipai'ila' liŷpicuejma' laŷxanuc'. Tu'ila' aimi'najtse'eyacu loxahue'epola' cal cuecaj quincuxepa César. Ticua: “Iya' ninCristo, ninRey”.

³ Pilato icuis'e'ma, timi:

—¿Te ima' ihrey lan xanuc' judío?

Italai'e'ma timi:

—Al linca lofcuapa.

⁴ Pilato ipalaic'o'mola' lixanuc' cal cuecaj ca'ailli' jouc'a locuenaye liyejmalepá, timila':

—Ihque cal xans iya' aiximpa ailopa'a qui'epa. Ailopa'a quijunac'.

⁵ Ihui'i'me, timiyi:

—Tipai'ila' liŷpicuejma' laŷf'as xanuc' judío. Ni petsi timuc'iyale. Ipangocopa imuc'iyalepa jiŷpe al distrito Galilea, itsiya icuai'ma fa'a liŷya' Jerusalén.

⁶ Pilato licuej'ma tinesyi al distrito Galilea, icuis'e'ma ja'ni Jesús qui'huayomma Galilea.

⁷ Ticuayi: “Linca, qui'huayomma Galilea”. Jilpe Galilea ticuxe cal rey Herodes, itsiya copa'a Jerusalén. Pilato aiquicoŀ'ma, umme'ma Jesús jilpe pe lopa'a Herodes.

⁸ Lixim'ma Jesús, Herodes ixoconni queta. Axpe' mut'la tijanaca tixinla' Jesús. Joupa icuejpa acueca' lo'epa. Ticua: “Iya' jouc'a aŀmuc'i'ma al cueca”.

⁹ Licuaitsi Jesús juaiconapa icuis'mot'ŀe'ma. Itque aiquita-lai'e.

¹⁰ Jilpe jouc'a tecaxoŀanna lixanuc' cal cuecaj ca'ailli' jouc'a lomxiye nomuc'iyalepá locuxepa LanDios. Ticufyi juaiconapa Jesús.

¹¹ Herodes jouc'a lisoldado etets'i'me Jesús, ilotsoco'me. Itats'mi'me al c'a lijahua', to lopo'noyacu lan rey. Ipai'econanca pe lopa'a Pilato.

¹² Li'ipa Herodes y Pilato ti'eyoŀtsi laic'. Ihiya litine ipalaic'ona'moŀtsi.

¹³ Pilato efot'ŀe'mola' lixanuc' cal cuecaj ca'ailli' jouc'a ts'ihpenic' lan xanuc' judío, jouc'a ocuenaye xanuc',

¹⁴ timila':

—Imanc' aŀcuai'e'ma itca'a cal xans. Aŀmi: “Tipai'ila' liŀpicuejma' lan xanuc'”. Imanc' joupa oŀcuejpa lainicuis'epa itque. Iya' cacua: Ailopa'a toŀta'a quijunac'.

¹⁵ Ma' anuli ticua Herodes. Itque ipai'enamma, umme-conapa jifa'a pe laŀmana'. Ailopa'a qui'epa Jesús. Aimi'iya canesya: Tima'anŀe.

¹⁶ Cacuxe'ma tipalojle, tijouŀa' cux'masna'ma.

¹⁷ He al juic Pascua ticuicomma Pilato tux'mas'ma anuli hitats'iya.

¹⁸ Jahuay ija'a'me, timiyi:

—Itque cal xans, ¡Tocula'! ¡Tileconŀe! ¡Tima'antsa! Illanc' aŀpic'a Barrabás. Tox'masla' itque.

¹⁹ Itque Barrabás ehuc'aipola' lan xanuc' nomana' liŀya' Jerusalén. Inma'ahuale. Totiya itats'iya.

²⁰ Pilato ipic'a tux'masnaŀa' Jesús. Ipalaic'ocona'mola', timila':

—Cux'masna'ma Jesús.

²¹ Italai'e'e'me, ija'a'me timiyi:

—¡Tapaŀts'ijnla' lancruz! ¡Tapaŀts'ijnla' lancruz!

²² Ipalaic'ocona'mola'. I'ipa afanemma mipalaic'ola'. Timiconala':

—¿Te caifnepaŀts'ijncoya lancruz? ¿Te quixcay qui'epa? Ailopa'a qui'epa. Aimi'iya mima'anyacu. Cacuxe'ma tipalojle, tijouŀa' cux'masna'ma.

²³ Ija'a'me juaiconapa. Ihui'i'me, timiyi:

—¡Tapaŀts'ijnla' lancruz!

Lijou'ma ulij'me ihniya lan xanuc'.

24 Pilato icuxe'ma ti'ila' ma to ts'ilpic'a.

25 Ux'masna'ma litats'iya loxahue'epa, itque Barrabás, hehuoc'aipola' lan xanuc', inma'ahuale xans. Icu'ma Jesús, ti'e'ele ma to lan xanuc' lonespa ti'ila'.

26 Ileco'me Jesús. Miyeyi lane italecuf'me anuli cal xans i'ehuo'ma canic' himuc'o', ipainamma cotsenapa liya'. Itque cal xans cuftine Simón, las Cirene. I'not'me, ipo'nof'i'me lixpula' lencruz Jesús, titaila', ti'huanc'olela'.

27 Henc'e axpela' lan xanuc' jouc'a laca'no', tijolijyi tihuot-soyi lo'e'enyacu Jesús.

28 Jesús ipai'e'moxi, ipalaic'o'mola', timila':

—Imanc' cunc'aca'no' Jerusalén, aimajojcumle'ma iya' la'ia. Tojjojcumletsofisi lo'iyacolhuo' imanc', lo'iyacola' lo'naxque'.

29 Ticuaihuo hitiné tu'i'mofisi: “Laca'no' lijuiqui xonca tixoqui quileta ihniya, aimixhue'lot'leyi. Ine pe aiqiu'sina' qui'hua, aiqiu'tu'i, jouc'a tixoqui quileta, aimixhue'lot'leyi.”

30 'Ihniya hitiné lan xanuc' tixim'me acuecaj caxpaiqui'. Tipalaic'o'me cal tsilaj quijualay, timi'me: “Tacangenni laca'na'caitsonga”. Lan tsocay quijualay timi'me: “Lamit-songa”.

31 Iya' al'on'cospa to lic'axhui c'ec. Ja'ni to'ta'a la'ipa iya', ¿te ts'i'ic' lo'iyacola' ihniya lo'on'cospola' to al 'ec joup'a iju'pa? Acueca' xonca lotel'coyacu ihniya.

32 Jouc'a ilecom'mola' oquexi' lan xanuc', ihne i'epá quixcay. Tepa'ts'ingintsa Jesús jouc'a tepa'ts'inginnola' ihniya.

33 Icuaitsa jilpe cuftine Lecoye. Jilpiya epa'ts'ingintsa Jesús lencruz. Jouc'a epa'ts'ingim'mola' jilne loquexi' ni'epá quixcay. Anuli epa'ts'ingim'me al c'a camane Jesús, locuena loxa camane.

34 Jesús tixa'hue qui'Ailli', timi:

—Mai'Ailli', taimenc'e'ecotsola' lo'epa. Aiqiu'sina' lo'epa.

Lan soldado tif'ilcoyi lipijahua' Jesús, naitsi nolijya.

35 Lan xanuc' tecaxolanna jilpiya tehuelojnyi. Lincuxepá tipalaicoyi Jesús, tetets'iyi, ticuayi:

—Ocuenaye xanuc' unlu'e'mola'. Ja'ni ma'que aCristo, hummepa LanDios, hi'Huij'epa LanDios, itsiya tunlu'exoxi.

36 Ma' anuli lan soldado imiloj'me quixcay cataiqui'. Icuaitsa icufi'me al cuxac vino,

37 timiyi:

—Ima', ja'ni ima' ihrey lan xanuc' judío, tonlu'exoxi.

38 Al toncay hijuac Jesús epa'ts'ijnya lancruz anuli laca'hua caxma, jilpe inihniya ticua: “Ica'a ihrey lan xanuc' judío”.

39 Anuli ni'epa lixcay, jouc'a ilpe tepa'ts'ijnya lencruz, timil-
oqui quixcay cataiqui', timi:

—Ima', ja'ni umCristo, tonlu'exoxi jouc'a lunlu'etsonga' il-lanc'.

⁴⁰ Łocuena itale'ma lif'as quixcay xans, timi:

—¿Te aimoxpaic'e ŁanDios? Ima' jouc'a ecani'empo', alma'a'monga'.

⁴¹ Illanc' lapi'imponga' al hijca. Ał'epa quixcay, ałtel'minninga'. Hca'a cal xans ailopa'a qui'epa.

⁴² Timi Jesús:

—Maipoujna, ticuaitsi litine tocuxetsola' lan xanuc', jał'nujuaisla' iya'!

⁴³ Jesús timi:

—Iya' camihuo': Itsiya linca ałcuaita anuli jilpe al Paraíso.

⁴⁴ I'ipa to menac'o. Ni petsi jilpe łamats' imufc'o'ma. Al muficoł'ma afane' hora.

⁴⁵ Emi'moxi cal 'ora. Jilpe al cuecaj xoute' tipa'a lijahua' lojujnya ts'ipa'ne lajut'ł xonca al Paxi. Lixhuaita al fanej hora iłe lijahua' its'ałquenni tejmay łamats', i'i'ma oque'.

⁴⁶ Jesús ija'a'ma ujfxi, timi qui'Ailli':

—Mai'Ailli', capi'inahuo' łai'espíritu, tapenufnał'.

Tołta'a licua'ma exnalif'ma, imana'ma.

⁴⁷ Nocuxepola' lan soldado lixim'ma li'i'ma imetsaico'ma acueca' ŁanDios. Ipalaicopa Jesús, ticua:

—Iłque cal xans linca ailopa'a qui'epa, ałijca xans.

⁴⁸ Jilpiya timana' lan xanuc' icuaicoco'me tixinłe lo'iya. Lehuelojmpá tołta'a li'ipa, iłniya ixpailij'mola'. Tuntafyi lilunxajma', iyena'me tixhuelcoyi.

⁴⁹ Liłejmale Jesús jouc'a lacał'no' iłne quiyoyomma Galilea ilihuequi, jahuay iłniya tecaxołanna aculi'. Tehuelojnyi lo'iya.

⁵⁰ Jilpe liłya' Jerusalén tipa'a anuli cal xans cuftine José. Iłque anuli lan tsilaj xanuc' noxpijpá lataiqui'. Ac'a xans, ti'ay ma le'a al hijca.

⁵¹ Iłque aiquetenłcocojma quilspic'e lif'as xanuc' noxpijpá. Iłne ixpic'epá tima'anłe Jesús, ima'apá. Lipiłya' José cuftine Arimatea, lopa'a al distrito Judea. I'huaijma ticuaitsi litine tihuejcołe ŁanDios hłRey jahuay lan xanuc'.

⁵² José i'hua'ma pe lopa'a Pilato. Ixahue'e'ma tepi'inłe lane tipułnata licuerpo Jesús, titaina'ma teminna.

⁵³ José ipułhuona'ma licuerpo Jesús, iju'eco'ma anuli al cuecaj quijahua' lilanc'ecompa alino, i'nicotsi anuli al pu'hua cunts'eja' lipupa łapic. Ailopa'a quemimpa jilpe lipu'hua capic.

⁵⁴ Iłe litine aviernes, ai'a litine conxajya. Ni huata tehue'e' ticuaitsi litine conxajya.

⁵⁵ Lacał'no', iłne quiyoyomma Galilea liyejmalepá Jesús, iłenc'ot'łe ilihuequi José. Ixim'me al pu'hua. Ixim'me jouc'a pe li'nicompa licuerpo Jesús.

⁵⁶ Lijou'ma iyena'me liŷya' Jerusalén. Tefot'leta litamqui, tipo'no'i'me licuerpo Jesús. Jouc'a tilanc'eta laceite lojuepa c'a, ti'ot'hi'me licuerpo.

Licuaisi litine conxajya tunxajyi ma to loya'apa locuxepa ËanDios.

24

¹ Lihuequi litine, al te'a litine al xamano, iŷe al domingo, ai'a ti'i'ma quitine, ipalunca lacaŷ'no', iye'me al pu'hua. Itai'me litamqui ŷefot'ŷepa.

² Licuaisa jilpiya ixim'me cal cuecaj capic leti'icompa lico cunts'eja' joupa iŷonc'empa, imelfai'empa, tipo'noya liju'.

³ Itsuflai'me. Aiquixim'me licuerpo ŷaŷPoujna Jesús.

⁴ Aiquiŷcueca li'ipa. Aiquiŷsina' te co'eyacu. Aiquicoŷ'ma ixim'me oquexi' lan xanuc', maŷpiya lileju' tecaxoŷanna. Liŷpijahua' tunts'ifi to lepalc'o'.

⁵ Lacaŷ'no' ixpailij'mola' juaiconapa. Ic'ommoŷaipá uhuenacopá ŷamats'. Iŷniya lan xanuc' timinnila' lacaŷ'no':

—Fa'a tipo'nom'mola' lomanapola', ¿te colahuecopa iŷque limaf'i cal xans?

⁶ Iŷque ŷolahuepa fa'a ailopa'a. Imaf'inapa, itsahuenamma. Toŷ'nujuaitsa limipolhuo' ma moŷmana' anuli al distrito Galilea.

⁷ Imi'molhuo': “Iya' iŷque cal Xans Liximpa cal profeta pu'hua lema'a. Aŷcu'ma lan xanuc', iŷne pe aimihuejcoyi locuxepa ËanDios. Alapaŷts'inginna lancruz. Afane' litine camaf'ina'ma, catsahueno.”

⁸ Licuej'me toŷta'a, lacaŷ'no' i'nujuaitsa limipola' Jesús.

⁹ Ipailinamma. Icuaitsa liŷya' uya'a'me li'ipa. U'intsola' limbamaj nuli lan apóŷtole jouc'a locuenaye liyejmalepá Jesús.

¹⁰ Iŷne lacaŷ'no' anuli aMaría ŷas Magdala, ŷocuena aJuana, ŷocuena María iŷque qui'máma' Jacobo. Jouc'a tiŷmana' locuenaye lacaŷ'no' liyejmalepá. Iŷniya nuya'apá timinnila' lan apóŷtole.

¹¹ Lan apóŷtole aimi'eyi ŷinca iŷe liŷtaiqui' lacaŷ'no' luya'apa. Imi'moŷtsi: “Ma le'a ticuayi”.

¹² Pedro itsahuemma, inu'ma ticuaita pe lopa'a al pu'hua. Licuaisi jilpiya ehuelojmhuo'ma al c'a. Ixim'ma ma le'a lijahua' liju'ecompa licuerpo Jesús. Ipainanni, i'huana'ma liŷya'. Timiyoxi: “¿Te qui'ipa?”

¹³ Maŷe litine oquexi' liŷejmale Jesús tiyeyi lane ticuaita liŷya' cuftine Emaús. Lipiculi' Jerusalén to imbamaj nuli kilómetro.

¹⁴ Iŷne tipalaic'oyoŷtsi, ti'nujuaisyi jahuay li'ipa.

¹⁵ Mipalaic'oyoŷtsi, micuis'eyoŷtsi, mu'iyoyoŷtsi icuaita Jesús. Iyejmale'me anuli.

¹⁶ Iŷne aimimetsaicoyi Jesús. ËanDios aiquepi'ila' lane.

¹⁷ Jesús timila':

—Imanc' monleyi lane, ¿te cołmipołtsi?

Ecaxołenca. Ixhuelconca. I'i' ma cafcuana liłxans.

¹⁸ Anuli iłniya, iłque lipuține Cleofas, italai'e'e'ma, timi:

—Lan xanuc' nomana' Jerusalén, jahuay iłniya iłsina' li'ipa jilpiya iłna'a litiné. Ja'ni ma lun Jerusalén, ja'ni locuenaye xanuc', jahuay iłsina'. ¿Te ma le'a ima' aicoxina'?

¹⁹ Timila':

—¿Te qui'ipa?

Iłne timiyi:

—Al'nujuaisyi li'ipa Jesús łas Nazaret. Iłque aprofeta, acueca' litaiqui', li'epa acueca' jouc'a. ŁanDios jouc'a lan xanuc' imet-saicopá.

²⁰ Lixanuc' cal cuecaj ca'ailli' jouc'a lałxanuc', iłne lan tsilaj xanuc' noxpipá lataiqui', icupá tima'anłe, epałts'ingimpá lan-cruz.

²¹ Illanc' alcuapá iłque alunłu'e'monga' illanc' ixanuc' Israel, tulij'mola' lał'eponga' laic'.

'Tsiya ixhuaita afane' quitine quima'anni, joupa imanapa.

²² Hualca lacał'no' iłne lałejmalepá alspaic'ehuo'monga'. Ai'a ti'i' ma quitine iłniya itsehuc' me pe lopa'a al pu'hua.

²³ Licuaitsa jilpiya aiqulsi'na' licuerpo Jesús. Ipailinamma. Alu'iponga': "Alsimpola' oquexi' lapaluc' quema'a. Iłniya almpiponga' Jesús imaf'i'."

²⁴ 'Lijou'ma hualca lałejmale itsehuc' me al pu'hua. Ix-inghuc' me ailopa'a licuerpo ma to luya'apa lacał'no'. Małque Jesús aiqulsi'na'.

²⁵ Iłque timila':

—Imanc' tocomma ailopa'a cołpicuejma'. ¿Te aimi'ya mo-lapenufyacu linespa lam profeta?

²⁶ ¿Ja'ni aicołsina' joupa ixpic'empá titelcoła' cal Cristo y tijouła' tepenuf'ma limane ticuxe'ma jahuay?

²⁷ Jesús ipango'ma uhual'ma lataiqui' liniłpa Moisés, li-jou'ma uhual'ma linespa lam profeta, ti'hua tuhualque jahuay loya'apa al Paxi Linilingiya petsi lopalaicopa małque Jesús.

²⁸ Icuaitsa liłya' pe loyepá, Jesús tocomma to tuyai'ma.

²⁹ Loquexi' timiyi:

—Aimoyai'ma. Topanenni. Joupa if'acolaipa cal 'ora. Almanenca.

Jesús itsuflaipá lajut'ł anuli iłne. Imanenca.

³⁰ Icutsołai'me titetso'me. Jesús epef'ma la'i, ix'najtsi'i'ma ŁanDios, ixquenuf'ma, epi'i'mola'.

³¹ Tocomma to exi'enni lił'u'. Imetsaico'me Jesús. Aiquicol'ma, aits'ixim'me, tocomma to joupa i'huanapa.

³² I'nujuaitsa li'ipola' miyeyi lane, imi'mołtsi:

—Małeyi lane anuli, małpalaic'onga' iłque, muhualque al Paxi Linilingiya, linca alsingufcopá acuecaj mafca łalunxajma'.

33 Małpe 'hora itsolinca, iye'me Jerusalén. Licuaitsa ix-inim'mola' limbamaj nuli lan apóstole, jouc'a locuenaye liyej-malepá Jesús efołya,

34 ticuayi:

—Al linca imaf'inapa Cal'ailli', joupa itsahuenamma, Simón iximpa.

35 Loquexi' uya'a'me li'ipola' miyeyi lane. Timiyi:

—Lixquenuf'ma la'i, jiłpe limetsaicopá Jesús.

36 Mipalaic'oyołtsi tołta'a icuaitsi Jesús. Ecax'ma nolojmay. Timila':

—Aimołsuelmot'le'me.

37 Ihniya ixpailij'mola' juaiconapa. Aiquiłsingufi ja'ni Jesús. Ticuayi:

—Acue quinxpaic'ale.

38 Jesús timila':

—¿Te cołsuelmot'łecopa? Jiłpe lołpicuejma' tołcuayi: “¿Ja'ni Jesús o a'i?” ¿Te cołnescocopa tołta'a?

39 Tołsinłe laimane', lai'mitsi'. Ma' iya'. Al—lafla', tołta'a ti'i'ma cołsina' ma' al linca capa'a iya'. Lahuelojnla', tipa'a laipixic', laipecał. Linxpaic'ale ailopa'a quipixic' quipecał.

40 Lijoupa limipola' tołta'a imuc'i'mola' limane', li'mitsi'.

41 Ihne ixoj'ma quileta juaiconapa. Afule micuec'eyi tipa'a Jesús. Ixim'me juaiconapa acueca' li'ipa.

Jesús timila':

—¿Te tipa'a laifteja?

42 Epi'i'me laj hualca łamixqui' catu.

43 Epenuf'ma, mehuelojnyi ihniya, ite'ma.

44 Timila':

—Ma małmana' anuli iya' nu'ipolhuo' lał'iya. Nu'ipolhuo': “Jiłpe litaiqui' Moisés, jouc'a liłtaiqui' lam profeta, jouc'a jiłpe lan Salmo uya'a'me lał'iya iya'. Ticuicomma tenanłta' jahuay.” Itsiya enanłpa.

45 Lijou'ma, epalc'o'i'mola' liłpicuejma', ticuec'ełe al Paxi Linilingiya.

46 Timila':

—Al Paxi Linilingiya tuya'e': “Cal Cristo titełco'ma, tima'am'me. Afane' litine titsahueno, timaf'ina'ma, tipano pe lomana' limanapola'.”

47 Jouc'a ticua: “Ni petsi li'a łamats' tuya'am'me: Tołsuej'menca, tołapenufle cal Cristo, tołta'a ŁanDios timenc'e'eco'molhuo' loł'epa lixcay'.”

'Jifa'a liłya' Jerusalén tipangołta' iłe loluya'ayacu.

48 Imanc' joupa ołsimpá jahuay lał'ipa, toluya'a'me.

49 Cai'Ailli' joupa icupa cataiqui', icuapa te ts'i'ic' lapi'iyacolhuo'. Tołta'a iya' cumme'etolhuo'. Cai'Ailli' Nopa'a

lema'a tepi'i'molhuo' cołmane. Tołmanenca fa'a Jerusalén,
toł'huaicołe ti'ila' tołta'a.

⁵⁰ Lijou'ma, Jesús ileco'mola', ipalyonca liya' Jerusalén.
Icuaitsa liya' Betania. Jiłpiya i'nof'e'ma limane, ipaxne'mola'.

⁵¹ Mipaxnela' enaj'moxi, ilecom'me al toncay.

⁵² Ts'ilihuequi exc'onłcolinca.

Lijou'ma ipailinamma juaiconapa ixoj'ma quileta,
iyena'me Jerusalén.

⁵³ Itine itine tiyeyi al cuecaj xoute'. Jiłpe tix'najtsi'iyi LanDios.

Amén. Tołta'a li'ipa.

LATAIQUI' LINIĒPA SAN JUAN LOYA'APA IĒE AL C'A LIXPIC'EPA ĒANDIOS

¹ Al te'a ai'a tipango'ma jahuay, tipa'a anuli ĩecui'impá Lataiqui'. ĩque ĩecui'impá Lataiqui' copa'a pe lopa'a ĒanDios. ĩque ma' anDios.

² Ai'a tipango'ma jahuay, ĩne ĒanDios y Lataiqui', anuli tiĩmana'.

³ Jiĩquiya Lataiqui' ilanc'epa jahuay. Jahuay lopa'a lilanc'epa ĩquiya. Ailopa'a cocuena nilanc'epa. Maĩquiya ilanc'epa jahuay.

⁴ Jiĩquiya tipa'a lipitine. Nij naitsi lepi'ipa, ma ĩquiya quituca' i'hueca lipitine. ĩque tepi'ila' liĩpitine lan xanuc', tepalc'o'ila' liĩpicuejma'.

⁵ Jiĩ'a li'a ĩamats' lan xanuc' juaiconapa amuf liĩpicuejma'. Jiĩquiya ti'hua tepalc'o'ila'. Jiĩiya al cuecaj muf aimi'iya mipijya jiĩque lipepalc'o'.

⁶ Tipa'a anuli cal xans cuftine Juan. ĒanDios epi'i'ma lipenic', ti'eĩa' ma to limipa.

⁷ Icuxe'epa tu'itsola' lan xanuc' naitsi ĩque Ēapalc'o'iyacola'. Jahuay ti'huaiyijnle jiĩquiya Lepalc'o'.

⁸ Jiĩque Juan a'i jiĩquiya Lepalc'o'. Aimi'iya mepalc'o'iyacola' lan xanuc'. Le'a tipalaico'ma Ēapalc'o'iyalepa.

⁹ Jiĩquiya ĩpalaicopa Juan, ĩque ĩnca Epalc'o'. Icuai'ma fa'a li'a ĩamats', tepalc'o'ila' lan xanuc' ni petsi lomana'.

¹⁰ ĩlanc'epa li'a ĩamats' icuai'ma fa'a, lan xanuc' aiĩuilimet-saijma.

¹¹ Petsi lomana' lipiĩya' xanuc' maĩpiya icuaiyunni. ĩniya aiĩuilepenufi.

¹² Lan xanuc' nepenufpá, ĩne no'huaiyijmpá, jiĩquiya epi'i'mola' liĩmane timetsaicontsola' inaxque' ĒanDios.

¹³ ĩne, ĩte ts'i'ic' li'ipola' inaxque' ĒanDios? ĩTe quiĩ'ailli' acueca' xans? A'i. O, ĩte ĩniya quiĩtuca' liĩpicuejma' ixpic'e'me ti'itsoĩsi inaxque' ĒanDios? A'i. O, ĩte anuli cal cuecaj quincuxepa ixpic'epa, imipola': "Iya' cacua: Ti'itsola' inaxque' ĒanDios"? A'i. Ma ĒanDios ixpic'epa, toĩta'a li'ipola' ĩniya inaxque' ĒanDios.

¹⁴ ĩque ĩecui'impá Lataiqui' maĩque anDios, i'epoxi xans, icuaiyunni ma fa'a li'a ĩamats'. Ipajmpa pe laĩmana', aĩsimpá te ts'i'ic' lipicuejma' jiĩquiya, maĩque cal Nuli qui'Hua ĒanDios. Aĩsimpá ituca', ailopa'a xonca toĩquiya. ĩque ma le'a ac'a lixpic'ejma'. Aimifellaique. Aĩtoc'inga'. Lu'inga' al ĩnca.

15 Juan Bautista tu'ila' lan xanuc':

—Ticuaihuo hi'Hua LanDios.

Ujfxi ipalaic'o'mola', timila':

—Fa'a tipa'a ilque laipalaicopa, aimipolhuo': "Iya' aicuai'ma ate'a. Tijoula' ticuaihuo ocuena xonca cal cueca'. Jilque linca cal te'a. Iya' ma ailai'fpa'a, jilquiya tipa'a." Itsiya tolsinte, joupai icuai'ma. Ma fa'a tipa'a.

16 Ilquiya ixhuaiya lipicuejma'. Illanc' a'i quixhuaiya laipicuejma', lahue'enga' axpe'. Ilquiya linca ixhuaiya lipicuejma'. Ahanc'e'enga' laipicuejma', ti'ila' al c'a. LanDios joupai altoc'iponga'. Itsiya' xonca altoc'inga'.

17 Lummepa Moisés, altoc'iponga'. Ilque uya'a'ma locuxepa LanDios. Itsiya xonca altoc'inga', ummepa Jesucristo. Ma'que altoc'inga', ahmuc'inga' jahuay al linca.

18 Nij naitsi niximpa LanDios. Cal Nuli qui'Hua LanDios tilmana' anuli, ma' ilque ahmuc'iponga' li'ejma' LanDios.

19 Lan xanuc' judío, ma'niya nomana' li'ya' Jerusalén, ummem'mola' la'aillí, jouc'a notoc'iyalepá la'aillí. Icuaiyunca pe lopa'a Juan Bautista, icuis'e'me, timiyi:

—¿Naitsi ima'?

20 Juan u'i'mola' al linca, aiquem'e'mola', timila':

—Iya' a'i ninCristo.

21 Icuis'econa'me, timiyi:

—Lu'itsonga', ¿naitsi ima'? ¿Te ima' unElías?

Timila':

—Iya' a'i.

Icuis'econa'me, timiyi:

—LanDios icuapa: "Cumme'e'molhuo' anuli laiprofeta". Itsiya illanc' licuis'ehuo', ¿te ima' ilque cal profeta?

Italai'e'e'mola', timila':

—Iya' a'i.

22 Icuis'econa'me, timiyi:

—Lu'itsonga', ¿naitsi ima'? Ticuicomma lu'itola' lalummeponga'. ¿Te cofnescoyacoxi? ¿Te ts'i'ic' lopenic'?

23 Juan italai'e'e'mola', ipalaico'moxi. U'i'mola' litaiqui' cal profeta Isaías, tuya'e':

Petsi ailopa'a qui'ya' tuya'e' anuli cal xans, tu'ila' lan xanuc': "Tohanc'e'ete lipene la'Poujna".

Tohta'a ipalaico'moxi Juan Bautista.

24 Ihniya lummempola' nopalaic'opá Juan afariseo.

25 Ti'hua tipalaic'oyi Juan, timiyi:

—Ima' tocu: "Ihniya cal Cristo, cal Elías, cal profeta lommeya LanDios, ilne ocuene, a'i iya'". Ne'. Itsiya ¿te cofmepo'icopola' lan xanuc'?

26-27 Juan italai'e'e'mola', timila':

—Iya' capo'icola' aja'. Itsiya fa'a pe lołmana' tipa'a ocuena. Imanc' aicolimetsaijma. Jiłquiya xonca acueca' xans. Iya' ni aimi'ya cuhuał'e'eya lic'eJi'. Tijoula' cajou'neła' iya' laipenic' iłque tipango'ma lipenic'.

²⁸ Tołta'a li'ipa jiłpe cuftine Betábara, lu'huaj quiyay al pana' Jordán, małpiya Juan tepo'iyale.

²⁹ Lihuequi litine Juan ixim'ma Jesús icuaico'ma. Timila' lan xanuc':

—iTołsinle! Iłque hiMoł ŁanDios. Tiłonc'e'e'mola' liłjunac' lan xanuc' nomana' fa'a li'a łamats'.

³⁰ Iya' jounpa aipalaicopa iłquiya. Jounpa nu'ipolhuo': "Cajou'neła' laipenic' iłque tipango'ma lipenic'. Iłque xonca acueca'. Iya' ma' ailaiłpa'a jiłque tipa'a."

³¹ Iya' aicainimetsaijma. Iya' aicuaicoco'ma capo'itsolhuo' imanc' ixanuc' Israel, tolimetsaicołe jiłquiya.

³²⁻³⁴ Juan ma ti'hua tipalaijma Jesús. Tuya'e' li'ipa, ticua:

—Iya' aicainimetsaijma Jesús. Aicaixina' naitsi jiłquiya. Aiximpa cal Espíritu Santo ti'onłcospa to anuli cal paloma, imumma ehuoxaf'caipa lijuac Jesús. Małque ŁanDios łalummepa capo'iyaleła' aja', ałmipa: "Toxim'ma timuyohuo lema'a cal Espíritu Santo. Tehuoxaf'cai'ma lijuac anuli cal xans. Jiłquiya aimepo'icoyacolhuo' aja'. Tepo'ico'molhuo' cal Espíritu Santo." Tołta'a lałmipa ŁanDios. Itsiya camilhuo' jiłquiya Jesús i'Hua ŁanDios.

³⁵ Lihuequi litine tecaxhuołanna Juan jouc'a oquexi' ts'ilihuequi.

³⁶ Juan ixim'ma Jesús ti'hua lane. Timila' ts'ilihuequi:

—iTołahuelojnle! Jiłquiya iMoł ŁanDios.

³⁷ Ihniya loquexi' ts'ilihuequi Juan icuej'me lonespa. Ihuejna'me Jesús.

³⁸ Jesús ipai'e'moxi, ixim'mola' loquexi' iłenc'e, timila':

—¿Te colahuepá?

Ihniya italai'e'e'me Jesús, timiyi:

—Rabí, ¿pe copanc'epa?

(Lataiqui' "Rabí", iłe ahebreo, ticuajmaispa: Omxi.)

³⁹ Jesús timila':

—Tonłouyunca. Łepá. Tołsinna.

Iye'me, ixintsa jiłpe pe lipanc'epa Jesús. Jounpa uyaipa nolojmay cummuhuijma'. Imanequenca jiłe litine.

⁴⁰ Lijounpa licuejpá linesma Juan iłne loquexi' ihuejna'me Jesús, anuli cuftine Andrés, iłque ipima Simón Pedro.

⁴¹ Andrés ehueti lipima, iłque Simón, timi:

—Ilanc' ałsimpá cal Mesías.

Iłe lataiqui' "Mesías" ticuajmaispa: Cal Cristo, iłque łommeja ŁanDios.

⁴² Andrés ilecohuona'ma Simón, icuaitsa pe lopa'a Jesús. Jesús ehuelojm'ma Simón, timi:

—Ima' unSimón, mi'hua Jonás. Ima' tecui'im'mo' unCefas. “Cefas” ataiqui' hebreo. Maŧe lataiqui' griego “aPedro”, ticuajmaispá: Acueca' capic.

⁴³ Lihuequi litine Jesús ixpic'e'ma ti'hua'ma al distrito Galilea. Mi'hua lane italecuf'ma anuli cal xans cuftine Felipe. Timi:

—Lihuejnaŧa'.

⁴⁴ Jiŧquiya Felipe qui'huayomma Betsaida, liŧpiya' Andrés y Pedro.

⁴⁵ Felipe ehuenta'ma anuli cal xans cuftine Natanael, timi: —Moisés jouc'a lam profeta ipalaicopá anuli cal xans. Joupá aŧsimpá iŧque. Maŧque Jesús las Nazaret, i'hua José.

⁴⁶ Natanael timi:

—Liŧya' Nazaret, ¿jiŧpiya tipa'a al c'a?

Felipe timi:

—Łepá. Toxinna.

⁴⁷ Jesús lixim'ma icuaico'ma Natanael. Inesco'ma, ticua: —Jifa'a tipa'a anuli cal c'a xans. Ma' al linca i'hua Israel. Aimifellaique.

⁴⁸ Natanael icuis'e'ma, timi:

—¿Te li'ipa lalimetsaicopa? ¿Pe caŧsinyopoŧsi?

Jesús timi:

—Ai'a tijoc'i'mo' Felipe, aiximpo'. Cofpa'a lipunxahua la'icux.

⁴⁹ Natanael timi:

—Rabí, ima' i'Hua ŁanDios. Ima' maŧRey illanc' ixanuc' Israel.

⁵⁰ Jesús timi:

—Ma le'a aimipo': “Aiximpo' cofpa'a lipunxahua la'icux”, toŧta'a aŧ'huaiijm'ma. Toxim'ma xonca' al cueca'.

⁵¹ Imiconam'ma:

—Iya' camilhuo': Toŧsim'me lema'a exiya. Aŧsim'ma aŧ'onŧcospa to al hualijm'ma petsi tif'ajliyi, tilimulumma lepaluc' ŁanDios. Iya' iŧque cal Xans Łiximpa cal profeta pu'hua lema'a.

2

¹ Uyaipa oquej quitine, lihuequi quitine i'i'ma juic camana jiŧpiya liŧya' Caná, al distrito Galilea. Jiŧpiya i'hua'ma qui'máma' Jesús.

² Ijoc'impola' Jesús jouc'a ts'ilihuequi. Jiŧpiya icuaitsa al juic.

³ Ijouna'ma al vino. Qui'máma' Jesús u'i'ma, timi:

—Joupa ijounapa al vino. Ailopa'a.

⁴ Jesús italai'e'e'ma qui'máma', timi:

—Momá, ¿te caŧmicopa toŧta'a? A'i quixhuaiya lai'hora.

⁵ Qui'máma' timila' notoc'iyalepá:

—Tonl'eŧe lomiyacolhuo' jilquiya.

⁶ Jilpiya timana' acamts'us lan tsila' capixú lilanc'ecompola' apic. Anuli anuli timangospa amalpu' nuxans o amaxnu litro laja'. Lan xanuc' ixhuico'me laja' epajco'me lihpime o lihmane' o lih'mitsi', ma to lih'ejma'.

⁷ Jesús timila' notoc'iyalepá:

—Tołma'niŧe caja' ihne łapixú.

⁸ Timiconala':

—Itsiya tonlipa'aŧe tutani, tołmuc'itsa tixnac'otsi cal mayor-domo.

Itai'me.

⁹ Notoc'iyalepá, ihniya nipa'apá al vino, ihšina' petsi quipa'apa. Cal mayordomo aikuixina'. Ixnac'o'ma laja' joupa ipai'ipa, i'ipa avino. Ijoc'i'ma łamanepa,

¹⁰ timi:

—Ima', itsiya quite' luhua'inga' al c'a vino. Ai tołta'a mi'enni. Ate'a ticunni al c'a vino. Tijouła' tixnaŧe axpe' vino lijoc'impola', tuhua'i'mola' a'ijc'a vino.

¹¹ Mipa'a Jesús liłya' Caná al distrito Galilea tołta'a ipango'ma imujpa lo'epa acueca'. Ts'ilihuequi imetsaico'me jilquiya ituca', xonca acueca', a'i to locuenaye lan xanuc'. I'huaiyijm'me.

¹² Imu'ma al 'ocay, icuaitsi liłya' Capernaum. Qui'máma' jouc'a lipimaye jouc'a ts'ilihuequi iyejmalena'me. Jilpe imanenca oque' afane' quitine.

¹³ Joupa icuaico'ma liłjuic lan xanuc' judío. Jiliya al juic cuftine al Pascua. Jesús if'aj'ma al cueca' quiliya' Jerusalén.

¹⁴ Jilpe linujnca al cuecaj xoute' ixim'mola' lincucale ticujji huacax, mot'ł jouc'a paloma. Lan xanuc' ti'naji titsufco'me ŁanDios jilpe al cuecaj xoute'. Jouc'a ixim'mola' nopai'ipá tomí ticutsołanna jilpe liłmesá.

¹⁵ Uxcui'ma lixmi, ihuetsai'mola' lan mot'ł jouc'a lan huacax. Ihniya nopai'ipá tomí eca'ni'i'mola' liłtomí, ecanait'hi'mola' liłmesá.

¹⁶ Timila' nocujpá paloma:

—Tunlipa'antsola'. Jifa'a ejut'ł cai'Ailli'. Aimonl'e'e'me to laplaza.

¹⁷ Ts'ilihuequi licuej'me lines'ma Jesús i'nujuaitsa loya'apa al Paxi Linilngiya, tuya'e':

Juaiconapa aipic'a lomejut'ł, aicaxnet'łya latets'icopa lan xanuc'.

Juaiconapa acueca' laipixhuejma', tocomma ałma'a'ma.

¹⁸ Lan xanuc' judío icuis'e'me Jesús, timiyi:

—¿Te cof'ecopa tołiya? Ałmuc'itsonga' al cueca' lof'eya. Tołta'a ałcua'me al linca epi'impo' lomane.

¹⁹ Jesús italai'e'e'mola', timila':

—Ne'. Tolatełaf'le iłca'a lejut'ł ŁanDios. Ti'ila' afane' quitine, iya' joupa aitsahue'enammas.

²⁰ Lan xanuc' judío italai'e'e'me, timiyi:

—Lilanc'empa jilta'a lejut'ł ŁanDios icołpa oquej nuxans camts'us camats'. Itsiya ima' tocu: “Ti'ila' afane' quitine joupa aitsahue'enammas”. Aimi'iya.

²¹ Jesús aimipalaijma al cuecaj xoute'. Lines'ma: “... iłca'a lejut'ł ŁanDios”, tinescoyoxi licuerpo.

²² Ts'ilihuequi Jesús lixim'me limaf'inapa, lipanamma pe lomana' limanapola', iłniya i'nujuaisnatsa iłiya litaiqui' Jesús. Icuapá: “Al linca linilingiya al Paxi Cataiqui'. Al linca linespa Jesús.”

²³ Jiłpe al cuecaj quiłya' Jerusalén ti'eyi al juic Pascua. Małpiya tipa'a Jesús. Ti'ay al cueca'. Imuc'i'mola' lan xanuc' acueca' lipaxi. Lixim'me acueca' lo'epa, axpela' lan xanuc' ticuayi: “Lihuejna'me Jesús”.

²⁴ Jesús aimi'huaiyingila' iłniya. Ixinguf'mola' jahuay lan xanuc'.

²⁵ Aiquicuis'ela', ¿te ts'i'ic' cu'hua cal xans lipicuejma? Imetsaicola' lan xanuc' te ts'i'ic' liłpicuejma', ja'ni ac'a o ja'ni a'ijc'a.

3

¹⁻² Anuli cal xans cuftine Nicodemo icuai'ma pe lopa'a Jesús. Iłque Nicodemo afariseo, ipenic' pe lomana' lif'as xanuc' fariseo. Icuaitsi joupa imufc'opa. Timi:

—Momxi, ałsina' ima' xonca tomuc'iyale, ŁanDios ummepo'. Ima' to'ay al cueca'. ŁanDios epi'ipo' lomane, ja'ni a'i aimi'iya mo'eya tołta'a.

³ Jesús italai'e'e'ma, timi Nicodemo:

—Iya' camihuo' al linca: Lan xanuc' ticuicomma timajnllicontsa, ja'ni a'i aimi'iya mitsufłaiyacu pe locuxeyopa ŁanDios.

⁴ Nicodemo timi:

—Cal xans liłtołpa, ¿te co'iya mipajñconaya? ¿Te nipajnya titsufai'ma licu'u qui'máma', tijouła' tipajñconna?

⁵ Jesús italai'e'e'ma, timi:

—Iya' camihuo' al linca: Ticuicomma tuyaicoła' laja' jouc'a tepenufla' cal Espíritu Santo. Iłque cal xans linca ipajñconna. Ja'ni a'i, aimi'iya mitsufaiya pe locuxeyopa ŁanDios.

⁶ Lan xanuc' liłnaxque' lailepá ti'onłcospola' to iłniya, mane axanuc'. ŁanDios linaxque' ti'onłcospa to iłque. Ine linaxque' ŁanDios tipa'a al ts'e liłpitine, joupa lepi'ipola' cal Espíritu Santo.

⁷ Aimoxhuełmot'le'ma laimipo': “Imanc' unc'ixanuc' ticuicomma tołmajñlicontsa”.

⁸ Łahua' ni petsi ti'hua. Tocueca lona'apa, aicoxina' pe lo'huayomma, ni petsi lotsepa. Ma tohiya aimi'iya mocuejya li'ipa cal xans pe cal Espiritu Santo i'e'epa i'hua ŁanDios. Itque cal xans joupa ipajnconna. Ituca' li'ejma'.

⁹ Nicodemo italai'e'e'ma Jesús, timi:

—¿Te co'iya ita'a lałmipa?

¹⁰ Jesús italai'e'e'ma, timi:

—Ima', lof'as xanuc' Israel imetsaicohuo' uncueca' momxi. jAimocueca' laifmipo'!

¹¹ Iya' camihuo' al linca: Illanc' ałpalaicoyi ite lałsina', luya'ayi lałsimpa. Imanc' aimolapenufyi laluya'apa.

¹² Nu'ipolhuo' lo'ipola' lan xanuc' mimana' fa'a li'a lałmats', aimalčuec'e. Ja'ni cu'itsolhuo' loxpıc'epa ŁanDios itque Nopa'a lema'a, ¿te co'iya małcuec'eya?

¹³ 'Nij naitsi nif'ajpa lema'a. Ma le'a cal Xans li'ipa Łiximpa cal profeta pu'hua lema'a, itque linca imuyomma lema'a.

¹⁴ 'Limajmpá petsi ailopa'a quiłya' Moisés y lixanuc', lainofatł ticala' lan xanuc', tima'annila'. Moisés ilanc'e'ma anuli łainofat catejma', ipo'nopa al 'ec, i'nof'e'ma. Lan xanuc' lehuelojm'me itque łainofat unłul'me. Ma tołta'a tıcuicomma ti'nof'em'me cal Xans, itque li'ipa Łiximpa cal profeta.

¹⁵ Lan xanuc' no'huaiyijmpá itque, jahuay itniya, tepi'im'mola' al ts'e liłpitine aimijouya.

¹⁶ 'ŁanDios i'nujuais'mola' lan xanuc' nomana' li'a lałmats', ixim'mola' acuanuc'la. Tipa'a ma le'a anuli li'Hua. Icupa itque, aimejac'mola' itniya no'huaiyijmpá li'Hua ŁanDios, tepi'im'mola' al ts'e liłpitine aimijouya.

¹⁷ ŁanDios lummepa itque li'Hua li'a lałmats' a'i mecani'eyacola' lan xanuc'. Ummecopa tunłu'e'mola'.

¹⁸ Cal xans no'huaiyijmpa li'Hua ŁanDios a'i mecani'eya. Ja'ni aimi'huaiyinge, joupa ecanipa. Aiqui'huaiyinge cal Nuli qui'Hua ŁanDios.

¹⁹ 'Lepalc'o' icuai'ma fa'a li'a lałmats'. Lan xanuc' ti'eyi lixcay, tohiya xonca itpic'a al muf.

²⁰ Mi'eyi lixcay jahuay itniya, ti'eyi laic' lepalc'o'. Aimiłoc'olaiyummma. Tıcuayi: "Aimałsim'monga' illanc' lał'epa".

²¹ Itniya no'epá al c'a tehueyi lepalc'o'. Tıcuayi: "Lan xanuc' ti'itá' quiłsina' lihuejcoyi ŁanDios. Małque ałcuxenga'."

²² Jesús ipamma, i'hua'ma al distrito Judea. Ts'ilihuequi jouc'a iye'me. Icuaitsa imanequencia jilpiya. Itne ts'ilihuequi Jesús epo'iyale'me.

²³⁻²⁴ Itniya litiné Juan Bautista jouc'a tepo'iyale. Aiqui-tats'enni, ma ti'hua ti'ay lipenic'. Juan tipa'a petsi cuftine

Enón, huejnca Salim. Jilpiya tipa'a axpe' caja'. Tihcuaiyumma lan xanuc' tepo'ila'.

²⁵ Ts'ilihuequi Juan ipalaic'o'mołtsi lan judío, ifuli'i'mołtsi cataiqui', tipalaicoyi lo'eyacu ja'ni LanDios tixintsola' alimpio, tepenuftola'.

²⁶ Ts'ilihuequi Juan icuaitsa pe lopa'a ilque, timiyi:

—Momxi, tipa'a ocuena comxi tepo'iyale. Mołmana' hu'hua al panaj Jordán, imanc' onłejmale. Ima' lopalaic'opola' lan xanuc' onesco'ma ilque. Itsiya jahuay lan xanuc' tiyeyi pe lopa'a.

²⁷ Juan italai'e'e'mola', timila':

—Ma LanDios tixpic'e te ts'i'ic' lałpenic' lał'epa. Ja'ni a'i, ailopa'a całpenic'.

²⁸ Imanc' joupa ołcuejpá laimipolhuo': Iya' a'i ninCristo. LanDios alummepa cacuaiyunnı ate'a, cu'itsola' lan xanuc' ticuaihuo cal Cristo.

²⁹ Temaneła' łamijcano tipa'a ilıejmale. Ma le'a łamijcano łamaneya tileco'ma lipeno. Lııejmale titoc'i'ma tiquimf'e, tixoqui queta ticueca lonespa. Itsiya iya' ał'onłiconno ilque ilıejmale. Iya' tixoqui neta nulemma.

³⁰ Itsiya ca'oc'ena'moxi. Tołta'a lan xanuc' tixim'me ilque cal Cristo acuecaj xans.

³¹ Illanc' ninc'ixanuc' małmana' fa'a li'a łamats' ma le'a ałsina' te ts'i'ic' mipa'a fa'a łamats'. Małe całnescopa. Ilque limuyomma lema'a, ilque linca xonca ixina'.

³² Ilque tuya'e' lıximpa licuejpa mipa'a pu'hua. Itsiya aime-tenłcocola', aimepenufyi.

³³ Naitsi napenufpa litaiqui' loya'apa nimuyomma lema'a, ilque cal xans timuqui te ts'i'ic' LanDios lipicuejma'. LanDios aimifellaique.

³⁴ Ilque limuyomma lema'a LanDios ummepa, tuya'e' ma lonespa LanDios. LanDios epi'ipa cal Espıritu Santo ticuxeła' jahuay lipicuejma'.

³⁵ LanDios qui'Ailli' Jesucristo ti'ay capic'a li'Hua. Epi'ipa limane ticuxeła' jahuay.

³⁶ Cal xans nepenufpa li'Hua LanDios ma tipa'a al ts'e lipitine aimijouya. Naitsi natets'ipa li'Hua LanDios ailopa'a al ts'e lipitine. Ma mi'hua metets'i li'Hua LanDios, małque LanDios tixtu'hua, titel'mi'ma.

4

¹ Lam fariseo icuej'me lonespa lan xanuc', ilne tinesconni: "Jesús tepo'ila' axpela' lan xanuc'. Tixpela' ts'ilihuequi. Itsiya Juan Bautista tepo'ila' ahuata."

² Jesús aiquepo'ila' lan xanuc'. Ma ts'ilihuequi tepo'iyaleyi.

³ Jesús li'ipa quixina' tołta'a tinescoyi ipayonni al distrito Judea. Jouc'a ts'ilihuequi iye'me al distrito Galilea.

⁴ Tuyaicota łamats' Samaria.

⁵ Icuaitsa anuli liłpiłya' lun samaritano. Liłya' cuftine Sicar. He liłya' tipa'a huejnca anuli łamats' li'ipa i'huexi cal xans Jacob. Iłque epi'ipa li'hua José.

⁶ Małpiya tipa'a al pu'hua caja' lipupa Jacob. Jesús i'huacopa cane joupa ixocaita, icutsafcai'ma lico al pu'hua caja', tunxaj'ma. I'ipa to menac'o.

⁷ Anuli łaca'no' asamaritana icuai'ma al pu'hua caja', tipa'a'ma quiija'. Jesús timi:

—Luhui'ıta' caija', caxna'ma.

⁸ Ts'ilihuequi Jesús ailomana'. Iyepá liłya' ti'nata łotejacu.

⁹ Łaca'no' italai'e'e'ma Jesús, timi:

—Ima' umjudío, iya' naca'no' ninsamaritana. Ima', ¿te calpalaic'ocopa? ¿Te calsahue'ecopa caja'?

(Lun judío aimiyejmaleyı lun samaritano.)

¹⁰ Jesús timi:

—Ima' aicoxina' naitsi iya'. Jouc'a aicoxina' te ts'i'ic' iłe lapi'iyacola' ŁanDios lan xanuc'. Ja'ni cola' oxina', ałsahue'e'ma iya' cuhui'itso' coja'. Iya' cuhui'i'mo' al c'a caja' lainupa.

¹¹ Łaca'no' timi:

—Mai'ailli', ıta'a laja' a'ojca, ailopa'a cofmipa'acoya. ¿Petsi cofxi'ne'eya jiliya al c'a caja' lainupa?

¹² İta'a al pu'hua ałpo'no'eponga' łatahuelo Jacob. Małque Jacob jifa'a ixnapa ıta'a laja'. Jouc'a linaxque', lipinneja ixnapá.

¹³ Jesús italai'e'e'ma, timi:

—Cal xans noxnaya jıta'a laja' tıcuiconahuo quiija'.

¹⁴ Cal xans noxnaya laja' laıfcupa aimıcuiconaya quiija'. He laja' laıfcupa tipanehuo łunxajma', ti'onłcospa to luxi caja', ti'hua tinu, tıcu al ts'e lipıtine aimıjouya.

¹⁵ Łaca'no' timi:

—Mai'ailli', jiliya laja' lofnescopa, luhui'ıta'. Tijoułta' aimıcuiconaya caija', ni aıcuyaıconaya liłya' quipa'aconaya caija'.

¹⁶ Jesús timi:

—To'huala', tojoc'itsi łope'ailli'. Tołcuaiyunca fa'a.

¹⁷ Łaca'no' timi:

—Ailopa'a caipe'ailli'.

Jesús timi:

—Al łınca lofnespa: “Ailopa'a caipe'ailli”.

¹⁸ Joupa ołaitsufcopołtsi amajxi loxanuc'. İtsiya ołaitsufcoyołtsi anuli cal xans ma a'i cope'ailli'. Al łınca lofnespa.

¹⁹ Łaca'no' timi:

—Mai'aill', iya' cacua ima' umprofeta.

²⁰ İllanc' lałtatahueló jıłca'a łıjuala exc'onłngołai'me ipalaic'o'me ŁanDios. Ma' anuli illanc' laxc'onłngołaiyi fa'a.

Imanc' unc'ijudío ałminga': "Imanc' jouc'a jahuay lan xanuc' tonle'me Jerusalén". Totcuayi, ma le'a jilpiya al cuecaj xoute' laxc'onlıngolaita, ałpalaic'ota LanDios.

²¹ Jesús timi:

—Maca'no', camihuo' al linca. Icuaiico'ma litine imanc' aimołnesyacu: "Jifa'a hijuala laxc'onlıngolai'me LanDios". Ni lan xanuc' judío minesyacu: "Łepá Jerusalén. Jilpe laxc'onlıngolaita LanDios."

²² Imanc' mołnesyi: "Laxc'onlıngolaiyi LanDios", aicolimet-saijma LanDios. Illanc' ninc'ijudío limetsaicoyi LanDios. Ałınca laxc'onlıngolaiyi, ałpalaic'oyi. Petsi lan xanuc' judío ti'huayohuo jilquiya Nonłu'eyacola' lan xanuc'.

²³ Tıcuaiti litine locuaicoya, iya' cacua joupa icuai'ma, lan xanuc' aımehueyacu anuli al lugar texc'onlıngolaiıe LanDios. Ma jilpe liłpicuejma' ti'nujuaisnata LanDios, tıhuejco'me locuxe'epola', timetsaico'me. Latentıcocopa LanDios texc'onlıngolaiıe tołta'a.

²⁴ LanDios a'Espıritu, ailopa'a quicuerpo, ma le'a ipicuejma'. Lan xanuc' tama ticuayi: "Laxc'onlıngolaiyi LanDios", ja'ni jilpe liłpicuejma' aımi'nujuaisyi ilıque, ja'ni aımihuejcoyi locuxe'epola', LanDios aımetentıcocoya laxc'onlıngolaiıa ilıne lan xanuc'.

²⁵ Łaca'no' timi:

—Aixina' ticuaihuo cal Mesías, jilquiya łecui'impá "cal Cristo", łommeya LanDios. Itsiya tehue'e' lałpicuejma' aıcałcueca. Ma ticuaiyunni jilquiya lu'ina'monga' jahuay.

²⁶ Jesús timi:

—Małque tipalaic'ohuo' itsiya. Iya' ninCristo.

²⁷ Małpe mipalaic'oyołtsi icuainanca ts'ilıhuequi Jesús. Ilıne aıquılıcuis'e: "¿Te cofpalaic'ocopa jilquiya łaca'no'? ¿Te cahue'epo'?" Mane liłpicuejma' ticuayi: "Xinłta', Jesús tipalaic'o anuli łaca'no'".

²⁸ Łaca'no' ipo'no'ma liıuti, ipainanni, i'hua'ma liıııya'. Timila' lan xanuc' jilpiya:

²⁹ —Tonłouyunca. Camuc'itolhuo' anuli cal xans nalu'ıpa jahuay lai'epa. ¿Te ma jilquiya cal Cristo?

³⁰ Lan xanuc' ipalunca jilpe liıııya', iye'me pe lopa'a Jesús.

³¹ Ai'a ticuaıcu lan xanuc', ts'ilıhuequi Jesús ihui'i'me, timiyi:

—Momxi, totetsołta'.

³² Jesús timila':

—Imanc' aıcołsina'. Tıpa'a łaiıfteja.

³³ Małne ts'ilıhuequi Jesús ticuis'eyołtsi, timıyołtsi:

—¿Naiısi nepi'ıpa łoteja?

³⁴ Jesús timila':

—A'i. Aicalapi'inno. Iya' ca'ay lipenic' ËanDios, ìhe lixic'epa Ëalummepa, cajou'ne'ma. Ma ca'ay lipenic' ËanDios tocomma catesma, ti'hua ti'i caipujfxi.

³⁵ 'Imanc' tołcuayi: “Tehue'e' amalpuj mut'ła, tijouła' tetequim'me lan trigo”. Iya' camilhuo': Tołsinle jipu'hua pe lifaiya. Tocomma joupa unta'anamma, itojpa. I'huájta afujca. Iya' cacua joupa i'huajcopa litine tetequim'me.

³⁶ Ti'najtsem'me latejpa trigo. ËanDios jouc'a ti'najtse'ma ìlque łafot'łepola' lan xanuc', ìhne nolijyacu al ts'e liłpitine aimijouya. Anuli łifapa, łocuena tetequi, tefot'le, tijouła' loquexi' tixojna'ma quileta.

³⁷ Tołta'a ti'i'ma al linca lataiqui' loya'apa: “Tipa'a anuli nofapa, łocuena nafot'leya”.

³⁸ Iya' nummepolhuo' imanc' tonlafot'leta petsi aicołfac'. Locuenaye ifapá, imanc' tonlafot'leta małpiya li'eyopa canic' ìhniya.

³⁹ Jiłpe liłya' Sicar łaca'no' joupa uya'ahuo'ma: “Ìlque ałminapa jahuay lai'epa”. Licuej'me ìhe licuapa łaca'no' axpela' ìhniya lun samaritano i'huaiyijmpá Jesús.

⁴⁰ Icuaiyunca pe lopa'a ìlque, timiyi:

—Łepá lałpiya'. Jiłpiya topajnta.

Jesús i'hua'ma liłpiya'. Ipajnhuo'ma oquej quitine.

⁴¹ Jiłpe liłya' lan xanuc' tiquimf'eyi Jesús lines'ma. Xonca axpela' i'huaiyijm'me.

⁴² Ìhne timiyi łaca'no':

—Ate'a ima' opalaico'ma Jesús. Ìllanc' ałcuayi ma' al linca ima' lofnespa. Itsiya ìllanc' całtuca' ałcuejnapá linespa jiłquiya, tołta'a ałsina' ałinca ìlque lunłu'e'monga' jouc'a tunłu'e'mola' lan xanuc' ni petsi lomana' li'a łamats'.

⁴³ Luyaipa oquej quitine Jesús ipanni jiłpe liłya', i'hua'ma al distrito Galilea.

⁴⁴ Aiqui'huacona'ma al distrito Judea. Małquiya ines'ma: “Cal xans, tama aprofeta łummepa ËanDios, mipa'a małpe lipiłya' aimipalaicoyacu c'a lan xanuc', tetets'iyacu”.

⁴⁵ Ma licuaitsi Galilea lan xanuc' jiłpiya linca epenuf'me. Ìhniya iyehuo'me al juic Jerusalén, joupa ixinghuo'me lo'epa jiłpiya.

⁴⁶ Mipa'a Jesús al distrito Galilea i'huacona'ma Caná, jiłpiya petsi lipai'ihuo'ma laja', i'ipa vino. Jiłpe Caná tipa'a anuli cal xans, ts'ipenic' cal rey, ì'hua textafque. Ìlque łafcuana tipa'a liłya' Capernaum, małpe al distrito Galilea.

⁴⁷ Ts'ipenic' icuejpa Jesús ailopa'a Judea, joupa icuaiconata Galilea, i'hua'ma, i'huajcotsi Jesús, ixahue'etsi ti'huala' liłya' Capernaum, tixał'meta ì'hua, ìlque tima'ma.

⁴⁸ Jesús timi:

—Imanc' tołcuayi: “İque Jesús ałmuc'itsonga' al cueca’”. Ja'ni aicamuc'ilhuo' tołta'a aimal'huaiyijnya.

⁴⁹ Ts'ipenic' cal rey timi:

—Mai'ailli', aimicol'mo'. Lepá lajut'ł. Ja'ni a'i, timana'ma lai'hua.

⁵⁰ Jesús timi:

—To'huanła'. Ło'hua imaf'i'. Aimimaya.

Cal xans i'huaiyijmpa Jesús limipa, i'huana'ma.

⁵¹ Ma mi'huanghua lane Capernaum, iłniya notoc'ipá itale-cufunca, timiyi:

—Joupa ixałconapa ło'hua.

⁵² Icuıs'e'mola', timila':

—¿Tej hora lixałconapa?

Timiyi:

—Tsumjma lixhuaita anulij hora luyaipa menac'o iłojn-na'ma lipinu'.

⁵³ Cal xans i'nujuaitsi li'ipa. Tsumjma małpe 'hora Jesús limipa: “Ło'hua imaf'i'. Aimimaya.” Cal xans jouc'a lixanuc' nomana' lejut'ł, i'huaiyijmpá Jesús.

⁵⁴ Itsiya i'ipa oquemma li'epa al cueca' Jesús jilpe al distrito Galilea. İque joupa itsehuc'oma Judea, icuaiconata Galilea.

5

¹ Lijou'ma jiliya i'huajcopa liłjuic lan xanuc' judío. Efołunni pu'hua Jerusalén. Jesús i'hua'ma, icuaitsi jilpe liłya'.

² Ahuejnca pe lotsuflaicoyacu lam mot'ł jilpe liłya' Jerusalén ipa'nempá laja' acueca' quin'nuhua' i'empa. Lipuftine ataiqui' hebreo aBetesda. Jilpe lin'nuhua' canumicay tipa'a amaque' linujnca.

³ Małpe linujnca timana' axpela' lafcualłay tunahuołanna. Timana' lan fohue, lan coxo, jouc'a luhuałqueya. Jahuay iłniya ił'huaijma tifentsi laja'.

⁴ Camna camna anuli łapaluc quema'a timuyomma, tife'ne jiliya laja'. Tijouła' tife'nela' laja' cal te'a ło'nijmaispa tixałma. Ni naitsi cuana tuyainapa.

⁵ Ma jilpiya tipa'a anuli cal xans ixhuaita anuxans quimbamaj paico camats' mextaf'ma.

⁶ Jesús ixim'ma ilque cal xans tunouya. Joupa ixina' axpe' camats' i'ipa licuana. Timi:

—¿Opic'a tixałcontso'?

⁷ Łafcuaana italai'enni, timi:

—Mai'ailli', mifenna laja' ailopa'a nał'nij'miya. Ma ca'hua'ma ocuena ti'nij'miyoxi ate'a. İque tixałconghua, iya' capanemma.

⁸ Jesús timi:

—¡Tacaxla'! ¡Tonif'la' łohuijm-ma'! ¡To'huanła'!

⁹ Ixałcona'ma nulemma itque cal xans, inif'na'ma hihuijm-ma'. I'huana'ma. He litine lixałcona'ma male itine conxajya.

¹⁰ Lan judío timiyi cal xans hixałcona'ma:

—Itsiya litine conxajya. Aimi'iya motaiya łohuijm-ma'.

¹¹ Cal xans timila':

—Itque łalsal'menapa almpa: “Tonif'la' łohuijm-ma', to'huanła”.

¹² Iłniya icuis'e'me, timiyi:

—¿Naitsi itque limipo': “Tonif'la' łohuijm-ma', to'huanła”?”

¹³ Cal xans hixałcona'ma aikuixina' naitsi itque limipa tołiya. Axpela' lan xanuc' jilpiya timana'. Jesús jounpa itsufainapa pe lomana'. Cal xans aikuixina' petsi lo'huapa.

¹⁴ Lijou'ma italecufcona'moltsi pu'hua al cueca' xoute'. Jesús timi:

—¡Toxinxoxi! Jounpa ixałconapo'. Aimo'econa'ma quixcay. Ja'ni to'econghua quixcay, ti'i'ma xonca acueca' loftelcoya.

¹⁵ Cal xans i'hua'ma, u'ihuo'mola' lan judío, timila':

—Łalsal'menapa małque Jesús.

¹⁶ Lan judío ilsina' Jesús tixał'mela' lafcualłay litine conxajya, ixtulencia, tihuetsojyi.

¹⁷ Jesús timila':

—Cai'Ailli' ti'hua ti'ay canic', iya' jouc'a ca'ay canic'.

¹⁸ Lan judío xonca ixtulencia tołta'a linesma Jesús. Icu'a'me: “Itque Jesús ti'ay quixcay, ti'ay canic' litine conxajya. Ti'ay xonca lixcay, tinesqui: LanDios ai'Ailli'. Ma' ti'onłiyoxi LanDios.”

Xonca tehueyi te co'iya mima'ayacu.

¹⁹ Jesús timila':

—Iya' i'Hua LanDios, camilhuo' al linca: Iya' caituca' ailopa'a caif'eya. Aimi'iya. Iya' i'Hua LanDios, ate'a cahuelojm'ma lo'epa cai'Ailli', tijoułta' ca'e'ma to lo'epa itque.

²⁰ Iya' i'Hua LanDios, itque cai'Ailli' al'ay capic'a, almpuc'i jahuay lo'epa. Tijoułta' almpuc'i'ma xonca acueca', iya' ca'e'ma. Imanc' tołsim'me, tixpailij'molhuo'.

²¹ 'Cai'Ailli' ixina' timaf'i'ina'mola' limanapola'. Tepi'ina'mola' liłpitine. Iya' i'Hua LanDios jouc'a aixina' camaf'i'ina'mola' limanapola'. Caxpic'e ja'ni capi'ina'mola' liłpitine, jouc'a caxpic'e ja'ni aicapi'iyacola'.

²² 'Ticuaiyunni Lijoujma Quitine cai'Ailli' aimimu'iyacola' lan xanuc' te ts'i'ic' loyalaicoyacu ni'epá lixcay. Jounpa lapi'inapa laimane, iya' cu'itsola' te ts'i'ic' loyalaicoyacu iłniya. Iya' ninjuez.

²³ Cai'Ailli' ixpic'epa lihuejcolá' lan xanuc' ma to mihuejcoyi jilque cai'Ailli'. Cal xans pe aimalihuejma iya' i'Hua LanDios jouc'a aimalihuejcongá' cai'Ailli'.

24 'Iya' camilhuo' al linca: Cal xans ja'ni ticueca laitaiqui', ja'ni ti'huaiyinge cai'Ailli', iŋque Łalummepe fa'a li'a łamats', iŋque cal xans joupa ulijpa al ts'e lipitine aimijouya, aimecaniya. Iŋque, ai'a ticuej'ma laitaiqui', ŁanDios tecani'e'ma, itsiya a'i. Aimijouya lipitine iŋque cal xans.

25 Iya' camilhuo' al linca: Iya' i'Hua ŁanDios cajoc'i'mola' limanapola'. Ihiya nocuejyacu laitaiqui' timaf'ina'me. Litine ca'e'ma tołta'a ti'hua ticuaihuo. Iya' cacua: Joupa icuai'ma.

26 Cai'Ailli' i'hueca lipitine, nij naitsi nepi'ipa. Jouc'a iya' ai'hueca laipitine, iya' i'Hua, tołta'a lixpicepa cai'Ailli'.

27 'Iya' iŋque cal Xans Łiximpa cal profeta pu'hua lema'a. Tołta'a cai'Ailli' alfajpa ninJuez, lapi'ipa laimane cu'i'mola' lan xanuc' ja'ni ac'a o ja'ni a'ijc'a li'epa. Cu'i'mola' te ts'i'ic' loyalaicoyacu.

28 Aimixpailij'molhuo' iŋe laimipolhuo'. Aimolnes'me: "¿Te co'iya tołta'a? Aimi'iya." Iya' camilhuo': Limanapola' nomana' liŋpu'hua, jahuay ihiya ticuej'me cajoc'itsola' iya'. Iya' iŋque cal Xans Łiximpa cal profeta pu'hua lema'a. Ticuaihuo litine ti'i'ma tołta'a.

29 Jahuay limanapola' tipalcu liŋpu'hua. Ja'ni li'epa al c'a timaf'ina'me nulemma, tualaina'me al c'a. Ja'ni ixcay li'epa jouc'a timaf'ina'me, iŋne titelco'me, nulemma titai'me liŋjunac'.

30 'Iya' caituca' ailopa'a caif'eya. Aimi'iya. Cai'Ailli' ałcuxe'e laifmiyacola' lan xanuc'. Iya' caituca' aicu'iya cal xans ja'ni ti'ay al c'a o ja'ni ti'ay lixcay. To małcuxe'e cai'Ailli' tołe laifmiya. Ma le'a ałjca laitaiqui'. Iya' aicahuay te co'iya ca'eya laifpic'epa. Ma to loxpicepa cai'Ailli', iŋque Łalummepe, tołta'a caxpic'e.

31 'Ja'ni iya' caituca' canescoyoxi, aimi'ommaicoya iŋe laitaiqui'.

32 Linca tipa'a anuli noya'apa naitsi iya'. Iya' aixina' iŋque tuya'e al linca.

33 'Imanc' olummepola' lołxanuc' tiyełe pe lopa'a Juan Bautista. Jiŋnu'hua icuis'e'me naitsi iya'. Juan imi'mola' al linca.

34 Iya' aicahuay canescoya tołta'a anuli cal xans. Le'a aipic'a tunłu'entsolhuo' imanc', tołta'a ca'nujuaitsi'ilhuo' linespa Juan.

35 Juan Bautista ti'onłcospa to anuli lepalc'o'. Tepalc'o'ila' lan xanuc'. Micołi iŋque lipenic' imanc' tolihuejyi tixoqui conlata. Iŋque epalc'o'ipolhuo'.

36 Iŋque u'i'mola' lan xanuc' naitsi iya'. Itsiya imanc' tołsinyi laif'epa. Iŋe xonca tuya'e naitsi iya', ma' anuli tuya'e naitsi Łalummepe, iŋque cai'Ailli'. Iŋe laif'epa, cai'Ailli' joupa ałcuxe'epa ca'eła'. Lapi'ipa laipenic' cajou'neła'.

37 'Cai'Ailli' Łalummepe jouc'a u'ipolhuo' naitsi iya'. Iŋque lopalaipa aicołcueca ni aicołsina' te ts'i'ic' iŋque.

38 ÆanDios cai'Ailli' lummepa, imanc' aimalapenufi. Litaiqui' aimipanemma jilpe lołpicuejma', tołta'a imanc' aimalapenufi.

39 Tołsuele al c'a al Paxi Linihingiya. Tołcuayi: "Ihe al Paxi Linihingiya lapi'inga' lałpitine aimijouya". Małiya lataiqui' ałpalajma iya'.

40 Imanc' tama tołsueyi ile lataiqui' aimalihuejma. Aicołcuac'. ¿Te co'ia molulijyacu lołpitine? A'i, aimi'ia.

41 'Aicahuela' lan xanuc' całmiya: "Ima' uncuecaj xans". A'i. Ita'a aicapenufi.

42 Iya' aixinnilhuo' imanc' te ts'i'ic' lołpicuejma'. Aixina' aimoł'nujuaisyi ÆanDios.

43 Iya' ma cai'Ailli' lapi'ipa laipenic'. Tołta'a aicuai'ma fa'a li'a lamats'. Imanc' aimalapenufi. Anuli cal xans nocuxepoxi quituca', ja'ni ticuaiyunni, imanc' linca tolapenuf'me.

44 Imanc', ¿te co'ia malapenufya? Tolahuela' loł'as xanuc' timetsaicontsolhuo'. Aimolahueyi te co'ia mimetsaicoyacolhuo' cal Nuli ÆanDios.

45 Aimołnes'me: "Iłque Jesús ałcuftonga'. Timita ÆanDios a'ijc'a la'epa." Ocuena tipa'a loçufyacolhuo'. Iłquiya aMoisés. Imanc' tołcuayi: "Moisés ałtoc'i'monga', ałtalai'ecotonga'". Iya' cacua: Aimitoc'iyacolhuo'. Małque Moisés loçufyacolhuo'.

46 Imanc' tołcuayi: "Lihuejcoyi licuapa Moisés". A'i molihuejcoyi Moisés. Ja'ni tolihuejcoyi Moisés jouc'a iya' lihuejco'ma. Ma' iya' ałpalaicopa Moisés jilpe liniłpa.

47 Imanc' aimolihuejcoyi liniłpa Moisés. Tołta'a, ¿te co'ia molihuejyacu laifmipolhuo'? Imanc' aimi'ia.

6

1 Jesús iquie'ma al cuecaj quin'nuhua'. Ihe lin'nuhua' tipa'a oque' lipuftine, aGalilea jouc'a aTiberias.

2 Axpela' lan xanuc' ehuelojm'me axpe' al cueca' lo'epa Jesús, ehuelojm'me mixał'menala' lafcuałłay. Ihe nehuelojmpá tołta'a tihuejnayi.

3 Jesús jouc'a ts'ilihuequi if'ajli'me hįjuala, icutsołai'me jilpiya.

4 Tehue'e' oque' afane' quitine ti'i'ma liłjuic lan xanuc' judío. Ihiya al juic cuftine al Pascua.

5 Jesús ehuelojm'ma, ixim'mola' ticuaico'me axpela' lan xanuc'. Timi Felipe:

—¿Pe cał'na'eyacu axpe' la'i titele iłniya?

6 Jesús joupa ixina' lo'eya. Icuis'e'ma Felipe titalai'eła' iłque, timujxoxi te ts'i'ic' lipicuejma'.

7 Felipe italai'e'ma, timi:

—Ja'ni ał'natsa axpe' ła'i lipitali lolijya no'eya canic' oquej maxnu quitine, ni tołta'a aimi'ommaicoyacola', ni aimitec'oyacu anuli anuli ihniya.

⁸ Łocuena ts'ihuequi ipalaic'o'ma Jesús. Itque Andrés, lipima Simón Pedro, timi:

⁹ —Toxinła', jifa'a tipa'a anuli łamijcano, itaic' amaque' la'í lilajncopa acebada, jouc'a oquexi' laicatuye. ¿Ja'ni ihe litaic' ti'ommaico'mola'? A'i. Aimi'iya. Timana' axpela'.

¹⁰ Jesús timila' ts'ilihuequi:

—Tołcuxe'etsola' lan xanuc' ticutsołaike łamats'.

Jilpiya tipa'a axpe' cal pajac. Lan xanuc' icutsołai'me. Timana' to amaquej mil lan xanuc', jouc'a timana' lacał'no', la'uhuay.

¹¹ Jesús epef'ma ła'i, ix'najtsi'i'ma ŁanDios, epi'i'mola' nocutshuolanna jilpiya. Ma tołta'a i'e'ma jouc'a latuye. Aiquixpij'ma ihe łotejacu.

¹² Lan xanuc' itetso'me ixhuitsola'. Jesús timila' ts'ilihuequi:

—Tołafot'lele lan hualcay lipanecomma, aimica'nico'ma.

¹³ Ts'ilihuequi Jesús efot'lena'me lan hualcay ca'i lilajncopa acebada lipanecomma, imane'me imbamaj coque' lan tsiquihuit'ł.

¹⁴ Lan xanuc' ixim'me acueca' lipepaxi Jesús, acueca' li'epa, ticuayi:

—Itca'a cal xans aprofeta. Itca'a ma' itque Łommeya ŁanDios, joupa icuai'ma.

¹⁵ Ipic'a ti'nohe Jesús, ti'e'e'me quirey. Jesús ixina' tołta'a lo'eyacu lan xanuc', enaj'moxi, i'hua'ma quituca' hijualay.

¹⁶ Lummuhuijma' ts'ilihuequi Jesús imulna'me, icuai'me al cuecaj quin'nuhua'.

¹⁷ Itsuflai'me al barco, ipango'me uyalaico'me laja'. Ticuaitsa locuena quiju' lin'nuhua' jilpe liłya' Capernaum. Imufaj'mola'. Ts'ilihuequi imanenca quituca'. Jesús ailopa'a.

¹⁸ Juaiconapa ti'hua' łahua'. Ihiya laja' tiyuf'comma acueca'.

¹⁹ I'hua'a'me al barco. Tixhuaispa to amaque' o acamts'us kilómetro li'hua'apa, ts'ilihuequi Jesús ixim'me itque icuaico'ma, ti'hua' ti'huaf'que laja', tixpailiquila'.

²⁰ Jesús timila':

—Aimixpailij'molhuo'. Ma' iya'.

²¹ Licuej'me tołta'a linespa Jesús tixoquei quileta tepenuf'me tif'ajla' al barco. Aiquicoli, icuainatsa łamats' pe lotsepa.

²² Lihuequi litine timana' lan xanuc' lefot'lepołtsi tecaxolanna liju' al cuecaj quin'nuhua'. Ihe ticuayi: “¿Te qui'ipa? Tsumjma tipa'a le'a anuli al barco. Ihiya al barco

i'hua'a'me ts'ilihuequi Jesús, ihniya quiltuca'. Itsiya, ¿pe copa'a Jesús?"

²³ Ixim'me icuai'me lam barco quiyouyumma liya' Tiberias, timanemma huejnca jilpe lamats' petsi lan xanuc' itepá la'i lepi'ipola' Jesús lijoupa lix'najtsi'ipa LanDios.

²⁴ Lijoupa li'ipa quilsina' ailopa'a Jesús, ailomana' ts'ilihuequi, ihne lan xanuc' if'ajli'me lam barco, iye'me Capernaum, tehueta Jesús.

²⁵ Icuaitsa locuenaj liju' lin'nuhua' ixinna'me Jesús, timiyi:

—Momxi, ¿tej hora locuai'ma fa'a?

²⁶ Jesús timila':

—Iya' camilhuo' al linca: Tama lašimpa ma ca'ay al cueca', aimuc'ipolhuo' laipepaxi, imanc' aicołcueca. Joupa ołtepá la'i, inajncotolhuo', tołta'a lahuay.

²⁷ Tonlipa'acoyi lołpujfxi tonlulijcołe lołtejacu, ile łominscoya. Iya' camilhuo': Tonlipa'acole lołpujfxi, tonlulijcołe łocuena catetsoya, ile aimiminscoya, ti'hua ticołi, tepi'i'mola' lan xanuc' liłpitine aimijouya, tites'mi'ma ile liłpitine. Iłque cal teju'a iya' nipajnya capi'i'mola' lan xanuc'. Iya' iłque cal Xans Łiximpa cal profeta pu'hua lema'a. LanDios cai'Ailli' joupa lacuej'micopa, lapi'ipa laimane ca'eła' tołta'a.

²⁸ Lan xanuc' timiyi:

—Ja'ni ał'e'me latenłcocoya LanDios, ¿te cał'eyacu?

²⁹ Italai'e'e'mola' timila':

—Imanc' toł'huaiyijnle iłque łummepa LanDios. Ja'ni tonł'e'me tołta'a ma tonł'eyi latenłcocopa LanDios.

³⁰ Timiyi:

—To'eła' al cueca', tijouła' ał'huaiyijm'mo'. Ne'. Itsiya ałmuc'itsonga' tołta'a loł'eya.

³¹ Lałtatahueló mimana' petsi ailopa'a quilya' iximpá al cueca' li'ipa. Ihniya ite'me ile cuftine “al maná”. Tołta'a loya'apa al Paxi Liniłingiya, ticua: “Iłque epi'i'mola' la'i qui'huayomma lema'a titełe”.

³² Jesús timila':

—Iya' camilhuo' al linca: Ła'i qui'huayomma lema'a aiquepi'ilhuo' Moisés. Ma cai'Ailli' nicupa la'i qui'huayomma lema'a. Iłque linca la'i.

³³ Ła'i qui'huayomma lema'a iłque łe'i LanDios. Fa'a li'a lamats', ni petsi lomana' lan xanuc' iłque la'i tepi'i'mola' liłpitine aimijouya.

³⁴ Lan xanuc' timiyi:

—Mał'ailli', itsiya lapi'itsonga' iłque la'i, ti'hua lapi'i'monga'.

³⁵ Timila':

—Iya' ma Na'i. Naitsi łalapenufpa tulijta lipitine aimijouya. Naitsi lał'huaiyijmpa aimi'hua micui quija'.

36 'Iya' joupa nu'ipolhuo' te ts'i'ic' lo'ejma'. Tama joupa ałsimpa, aimai'huaiyinge.

37 Timana' laixanuc', iłniya lalapi'ipa cai'Ailli'. Iłne linca ałejmale'me. Iłniya lałejmalepá ałmajm'me anuli, aicatets'iyacola'.

38 'Iya' nimuyomma lema'a aicuaicoco'ma fa'a li'a łamats' ca'eł'a' lixic'epa ŁanDios, iłque Łalummepe. A'i caxpic'e caituca' laif'eya.

39 Iłque Łalummepe lapi'inapa laixanuc'. Małque ŁanDios joupa ixic'epa iya' ca'etsola' cuenna, jahuay iłniya. Ni anuli mejac'ya. Ticuaiyunni Lijoujma Quitine iya' camaf'i'ina'mola'.

40 Tołta'a lixic'epa cai'Ailli'. Ixic'epa te ts'i'ic' loyaicoya cal xans łalimetsaicopa iya' i'Hua ŁanDios. Iłque cal xans łal'huaiyijmpa tulij'ma al ts'e lipitine aimijouya. Ticuaiyunni Lijoujma Quitine iya' camaf'i'ina'ma.

41 Lan xanuc' judío aiquicuaicocotsi quiłpic'a iłe linespa Jesús licuapa: "Iya' Na'i nimuyomma lema'a".

42 Tinesyi:

—Iłque cal xans Jesús i'hua José, o ¿ja'ni ocuena? Limetsaicola' illanc' qui'ailli', qui'máma'. ¿Te całmicoponga', ticua: "Iya' nimuyomma lema'a"?

43 Jesús italai'e'mola', timila':

—Imanc' ¿te colixtulecomma? ¿Te cołpalaicopa tołta'a?

44 Cai'Ailli' jilque Łalummepe, ja'ni tijoc'ıla' anuli cal xans, iłque tiłoc'huainahuo pe laifpa'a, ałejmalena'me. Ticuaitsi Lijoujma Quitine camaf'i'ina'ma. Ja'ni cai'Ailli' aimijoc'i aimi'ya miłoc'huaiya.

45 Lam profeta ninilpá tuya'ayi: "ŁanDios timuc'ina'mola' jahuay iłniya". Al linca iłta'a lataiqui'. Lan xanuc' no-quinm'epá locuapa cai'Ailli', iłne tihuic'iyi lomuc'ipola', iłniya linca tiłoc'olainacu pe laifpa'a, ałejmalena'me.

46 'Nij naitsi niximpa cai'Ailli'. Ma' iya' cai'huayomma ŁanDios. Iya' linca aiximpa cai'Ailli'.

47 Iya' camilhuo' ma' al linca: Cal xans łal'huaiyijmpa joupa ulijpa al ts'e lipitine aimijouya.

48 'Ma' iya' Na'i. Naitsi łalapenufpa tulijta lipitine aimijouya.

49 Imanc' lołtatahueló mimana' pe ailopa'a quiłya', tama itepá ł'a' cuftine "al maná", iłniya imanapola'.

50 Jifa'a tipa'a ituca' ca'i. Iłque imuyomma lema'a. Ja'ni lan xanuc' titełe aimimayacola' nulemma.

51 Ła'i iłtepa lołtatahueló, iłque ł'a' a'i quimaf'i'. Iya' aimaf'i', iya' Na'i nimuyomma lema'a. Iya' cacu'moxi laicuerpo. Tołta'a lan xanuc' ni petsi nomajnyacu li'a łamats', ja'ni

lapenufla' aimimayacola' nulemma, aimijouya liḥpitine. Iḥca'a laicuerpo linca ḥa'i.

52 Lan xanuc' judío ipango'me ifuli'i'moltsi cataiqui'. Timiyoltsi:

—Iḥque cal xans, ¿te co'iya micuya licuerpo? ¿Maḥiya licuerpo alte'me?

53 Jesús timila':

—Iya' camilhuo' al linca: Ja'ni imanc' aimolteji laicuerpo, ja'ni aimolḥnayi laijuats', ailopa'a coḥpitine. Iya' iḥque cal Xans Liximpa cal profeta pu'hua lema'a.

54 Naitsi notepa laicuerpo, noxnapa laijuats', iḥque linca tipa'a lipitine aimijouya. Ticuaiyunní Lijoujma Quitine iya' camaf'i'ina'ma.

55 Laicuerpo linca atejua', laijuats' linca loxnayacu lan xanuc'.

56 Naitsi notepa laicuerpo, noxnapa laijuats', ma lapenufi iya', iya' capenufi iḥquiya.

57 'Iya' ca'huaiyinge iḥque Łalummepa, maḥque cai'Ailli' ŁanDios Łimaḥi'. Toḥta'a aimijouya laipitine. Ma' anuli aimijouya lipitine cal xans ḥaltepa iya', iḥque ḥaḥ'huaiyijmpa.

58 Capalajma ḥa'i ḥimuyomma lema'a, ca'onḥicojma laicuerpo. ḥa'i ḥite'me loḥtatahueló aimi'onḥspa laicuerpo, ituca' ca'i. Tama iḥniya itepá iḥe ḥile'i, imanapola'. Naitsi ḥaltepa iya' laicuerpo, iḥca'a ḥa'i, iḥque tepenufi al ts'e lipitine aimijouya.

59 Toḥta'a licuapa Jesús mipa'a liḥya' Capernaum, mimuc'iyale jiḥpe lajut'ḥ pe lafoḥyomma lan xanuc'.

60 Iḥe lines'ma Jesús aiqúetenḥcocola' axpela' ts'ilihuequi. Liquimf'e'me iḥniya ticuayi:

—Ipime iḥiya lataiqui'. ¿Naitsi nocuejya? Illanc' aimi'iya malapenufyacu.

61 Jesús ixina' iḥniya ts'ilihuequi aiqúetenḥcocola' linespa. Timila':

—Ja'ni imanc' aiqúetenḥcocolhuo' iḥe lainespa,

62 ¿te coḥcuayacu ja'ni aḥsinḥa' caḥ'aquinghua, cacuaita pu'hua, petsi lai'huayomma? Iya' iḥque cal Xans Liximpa cal profeta pu'hua lema'a.

63 Laipalaic'opolhuo' a'i canescojma laipixic'. Lixic' ailopa'a co'eya. Al cuerpo ticuicomma ḥi'espíritu. Łaitaiquí ti'onḥcospa to cal espíritu. Ja'ni tolapenuf'me iḥniya ḥaitaiquí, toluḥij'me loḥpitine aimijouya.

64 Linca hualca imanc' aimaḥ'huaiyinge.

Jesús tixinnila' naitsi iḥniya aimi'huaiyijnyi. Jouc'a imetsaijma naitsi iḥque cal xans ḥocuya. Toḥta'a ixina' al te'a.

65 Timila' ts'ilihuequi:

—A'i jahuay imanc' ma'huaiyinge. Iya' joupa aimipolhuo': Ja'ni cai'Ailli' a'i mijoc'i anuli cal xans, iŋque aimi'iya miŋoc'huaiya pe laifpa'a.

⁶⁶ Ts'ilihuequi licuej'me iŋe licuapa Jesús, axpela' iŋniya ipailinanca. Aiquilihuejcongħua.

⁶⁷ Jesús timila' limbamaj coquexi' ts'ilihuequi:

—Imanc', ¿te con'eyacu? ¿Jouc'a imanc' aŋpo'no'ma caituca'?

⁶⁸ Simón Pedro italai'e'ma, timi:

—Mai'ailli', ¿pe caŋseyacu? Ocuena comxi to ima' ailopa'a. Ailopa'a co'on'iyaco'. Ima' ma'palaic'onga' lapenufyi laŋpitine aimijouya.

⁶⁹ Illanc' joupa aŋ'huaiyijmpo'. Joupa i'ipa caŋsina', ima' un-Cristo, ima' i'Hua LanDios Limaf'i.

⁷⁰ Jesús timila':

—Unc'imbamaj coquexi' iŋca ai'huij'epolhuo'. Tipa'a anuli imanc' onta'a.

⁷¹ Jesús ipalaicopa Judas, h'hua Simón Iscariote. Iŋque anuli iŋniya limbamaj coquexi' ts'ilihuequi Jesús, ticuna'ma.

7

¹ Jesús ipanenni jilpiya al distrito Galilea. Aimicua mi'huaya al distrito Judea. Joupa icuejpa lixp'ic'epa lan judío nomana' jilpiya. Iŋniya tehueyi te co'iya mima'ayacu.

² Tehue'e' oque' afane' quitine ti'i'ma liŋjuic lan xanuc' judío. Mi'i'ma iŋe liŋjuic lan xanuc' tilanc'eyi liŋpunxahuaŋqui, timajm'me jilpe.

³ Lipimaye Jesús timiyi:

—Taipanni, to'huaŋa' al distrito Judea petsi lo'iyoya al juic. Pu'hua to'etsi al cueca'. Toŋta'a tixinno' lof'eya iŋniya ts'ihuejhuo' nomana' jilpiya.

⁴ Anuli cal xans, ja'ni ipic'a timetsaicoŋe lan xanuc', iŋque ti'e'ma al cueca' petsi lahuetsaleyompa, aimemiyacoxi. Ima', ¿te cofpanecoya fa'a petsi lan xanuc' aimixinyaco', aime-huelojnyaco' lof'epa al cueca'? Tomujtoxi jipu'hua pe lomana' axpela' lan xanuc'.

⁵ Toŋta'a lonespa lipimaye Jesús, aimi'huaiyijnyi.

⁶ Jesús timila':

—Itsiya aica'eya to laŋmipa. Aimi'iya. Iya' aiquicuaiya lai'hora. Imanc' iŋca jahuay iŋtiné ti'i'ma tonŋ'e'me ma coŋtuca' loŋpic'eyacu.

⁷ Loŋ'as xanuc' nomana' fa'a li'a ŋamats' aimi'iya mi'eyacolhuo' laic'. Iya' iŋca aŋ'e'e laic'. Aiquiŋpic'a laifnu'ipola', camila': "Tonŋ'eyi lixcay".

⁸ Imanc', ne', toŋ'ajliŋe al juic. Itsiya aica'huaya. Capanehuo. Aiquicuaiya lai'hora.

⁹ Lijoupa linespa toŋta'a Jesús ipanenni Galilea.

10 Lipimaye iye'me al juic lo'iya Jerusalén. Lijou'ma Jesús i'hua'ma quituca' Jerusalén. Aicuya'e'.

11 Jilpiya al juic lan xanuc' judío ehue'me Jesús. Icuís'e'moltsi:

—Ihque cal xans, ¿pe copa'a?

12 Lan xanuc' nomana' jilpe al juic ixoulołai'me. Timana' nonespá ticuayi: “Ihque ac'a xans”. Locuenaye ticuayi: “A'ijc'a xans. Ma tifel'miyale.”

13 Le'a tixoulołaiyi. Aiminesyi ujfxi. Tixpaic'ennila' ts'ilpenic' judío.

14 Li'ipa nolojmay juic Jesús if'aj'ma al cuecaj xoute'. Jilpe ipango'ma imuc'i'mola' lan xanuc'.

15 Licuej'me lan xanuc' judío ticuayi:

—¡Xinla! Ihque cal xans aiqumuxejma. ¿Petsi qui-huic'iyohuo'ma ile litaiqui' lomuc'iyalepa?

16 Jesús italai'e'mola', timila':

—Laifmuc'ipolhuo' a'i caituca' laipicuejma'. Ite lalupa LanDios, ihque Lalummepa, male laifmuc'ipolhuo'.

17 Cal xans nixpic'epa ti'eł'a' latentcocolpa LanDios, ihque cal xans timetsaico'ma laifmuc'ipolhuo'. Ihque ti'i'ma quixina' ja'ni LanDios ałmuc'i o ja'ni quipa'e' iya' caituca' laipicuejma'.

18 Cal xans nahuepa te co'iya mimetsaiconyacu ja'ni ac'a xans, ihque timuc'iyale'ma ma le'a lonespa quituca' lipicuejma'. A'i tołta'a li'ejma' cal xans loya'apa al linca, ahijca lipicuejma'. Ihque aimehuay latentcocolyocola' lan xanuc'. Tehuay te co'iya mimetsaiconyacu ac'a ihque lummepe. Tołta'a lai'ejma' iya'.

19 'Litaiqui' Moisés tu'ilhuo' locuxe'epolhuo' LanDios. Tołcuayi: “Linca Moisés lapi'iponga' illanc' litaiqui' LanDios. Ma ile lataiqui' lałcuxeponga'.” Ma molnesyi tołta'a imanc' aimolanant'iyi locuxe'epolhuo' LanDios. Imanc' ailopa'a colanant'ipa. Itsiya, ¿te colahuecocolpa te co'iya malma'aya?

20 Lan xanuc' judío lefot'lepoltsi jilpiya timiyi:

—¿Naitsi noma'ayaco'? Ima' itsufaipo' conta'a. Ailopa'a noma'ayaco'.

21 Jesús italai'e'mola', timila':

—Le'a anuli cal xans aixal'menapa litine conxajya, imanc' olsełcopá, tołcuayi: “¡Xinla! ¡Jesús ti'ay canic' litine conxajya!”

22 Imanc' tołcuayi: “Moisés ałcuxe'eponga' a'ele circuncidar lałmaxque' camijcanó. Tama ti'ila' litine conxajya tołta'a a'le'me.” Linca Moisés a'i ihque copa'a cal te'a nicuxepa tołta'a. Ai'a tipajnta Moisés tołta'a lo'epa lan tatahueló.

23 Imanc' tixoqui cunlata tonłeyi circuncidar lołmaxque', tama ti'ila' litine conxajya. Tołcuayi: “Ma' a'le'eyi lałcuxe'eponga' Moisés”. Imanc' tetencocolhuo' tetec'ente lipixic' lamijcano.

Tołsinyi ilajmpa al c'a laqueca. Itsiya camilhuo': ¿Te calix-tuc'ocopa imanc' iya' lai'epa litine conxajya? Aixal'menapa anuli cal xans. Ac'a ilajn-napa jahuay licuerpo.

²⁴ Imanc' aicołcueca, ma le'a tołcuayi. Ate'a tołspic'ete lołnesyacu, tijoula' tołpalaite al linca.

²⁵⁻²⁶ Lan xanuc' lun Jerusalén ixim'me Jesús timuc'iyale. Ticuayi:

—¡Xinla! Ticuanni: “Alma'a'me itque Jesús”. Itsiya małque timuc'iyale. Jahuay tehuelojnyi, ailopa'a co'empa. ¿Te cocuapa lan tsila' quılpenic'? ¿Te ticuayi małque Jesús copa'a cal Cristo?

²⁷ Illanc' alcuayi: A'i itque cal Cristo. Alsina' lipiłya' li'huayomma. Ticuaiyunni cal Cristo aimi'iya calsina' tołta'a.

²⁸ Jesús mimuc'iyale jilpe al cuecaj xoute', tipalay ujfxi, tiquimf'ete jahuay, timila':

—Imanc' tołcuayi: “Limetsaicoyi Jesús”. Tołcuayi: “Alsina' lipiłya' li'huayomma”. A'i. Aicołsina' pe cai'huayomma. Iya' a'i caituca' caixpic'e cacuaihuo fa'a li'a lamats'. Tipa'a Lalummepa. Itque aimifellaique. Imanc' aicolimetsaijma.

²⁹ Iya' linca nimetsaijma. Iya' małque cai'huayomma. Itque alummepa.

³⁰ Lan judío ixtulencia licuapa Jesús. Ehue'me te co'iya mi'nołyacu. Aiquil'nołi. Aiquicuaiya li'hora, aimi'iya mima'ayacu.

³¹ Axpela' lan xanuc' i'huaiyijm'me Jesús. Tinesyi:

—Ticuaiyunni cal Cristo, ¿ja'ni xonca lo'eya? Acueca' lo'epa Jesús.

³² Lam fariseo iquimf'e'me ihniya lan xanuc' mixoulołaiyi, tipalaicoyi Jesús. Lixanuc' cal cuecaj ca'ailli' jouc'a ihniya lam fariseo umme'me lapaluc' xoute' tiyele, ti'nołsa Jesús.

³³ Jesús ti'hua timuc'iyale, timila' lan xanuc':

—Ahuata capajncona'ma jifa'a pe lołmana'. Tijoula' ca'huana'ma pe lopa'a Lalummepa.

³⁴ Imanc' lahue'ma, aimalsingonaya. Pe laifpa'a imanc' aimi'iya mołcuaiyacu jilpiya.

³⁵ Lan judío tipalaic'oyołtsi, tinesyi:

—Ja'ni aimalsingonayacu itque cal xans, ¿pe cotseya? ¿Te ti'hua'ma hilemats' lan xanuc' griego pe lomana' lałpimaye? ¿Te timuc'itola' jilne lan xanuc' griego?

³⁶ Jilque Jesús alminga': “Imanc' lahue'ma, aimalsingonaya. Pe laifpa'a jilpiya imanc' aimi'iya mołcuaiyacu.” ¿Te cohualquemma ihniya? ¿Te conescopa itquiya? Aicalcueca.

³⁷⁻³⁸ Icuai'ma lijoujma quitine al juic. Ihniya litine xonca al cueca'. Ecax'ma Jesús. Tipalay ujfxi, tiquimf'ete jahuay, timila':

—Cal xans laicuipa quiija' tiloc'huaiyunni pe laifpa'a. Tixnaŀa' ita'a laja' laifcupa. Itque la'huaiyijmpa.

'To muya'e' al Paxi Linilingiya toŀta'a ti'i'ma. Tuya'e': "Jilpe lunxajma' tipahuo axpe' caja'. Iiya laja' ti'hua tipahuo. Aimix-najya."

³⁹ Lines'ma toŀta'a Jesús ipalaico'ma cal Espíritu Santo, itque lapenufyacu ihniya no'huaiyijmpá Jesús. Mipa'a Jesús li'a lamats' aicummaic' itque cal Espíritu Santo. Ticuainatsi lema'a tumme'etola'.

⁴⁰ Liquimf'epá ihiya licuapa Jesús timana' nonespá:

—Linca LanDios alumme'eponga' hiprofeta, maŀque Jesús.

⁴¹ Timana' nonespá:

—Jilque linca cal Cristo.

Locuenaye tinesyi:

—Cal Cristo aimi'huayoya Galilea.

⁴² Tuya'e' al Paxi Linilingiya: "Cal rey David itatahuelo cal Cristo". Jouc'a tuya'e': "Cal Cristo co'huayoya liŀya' Belén. Maŀpe lipiŀya' cal rey David."

⁴³ Toŀta'a ihniya lan xanuc' aiqui'ic' anuli lipicuejma'. Timana' nocuapá: "Maŀque cal Cristo".

⁴⁴ Timana nocuapá: "Al'noŀta". Ailopa'a no'noŀya.

⁴⁵ Lepaluc' al cuecaj xoute' ipailinamma. Icuaitsa pe lomana' lixanuc' cal cuecaj ca'ailli' jouc'a lam fariseo. Ihniya icuis'e'me, timinnila' lilepaluc':

—¿Te qui'ipolhuo'? Aicolihuaic' cal xans.

⁴⁶ Italai'e'me:

—Illanc' atcuayi ac'a tipalay itque. Ocuena aimipalay to itque lopalaipa.

⁴⁷ Lan fariseo italai'e'me:

—¿Te ifel'mipolhuo' imanc' jouc'a?

⁴⁸ ¿Te ti'huaiyinge anuli naŀcuxeponga'? O anuli laŀ'as fariseo, ¿te ti'huaiyinge? A'i. Le'a lan xanuc' aiquilmuxejma, ma' ihniya ti'huaiyijnyi.

⁴⁹ Hne ni aiquiŀsina' lataiqui' locuxepa LanDios. Joupa eca-nipola'.

⁵⁰ Jilpiya tipa'a anuli hil'as fariseo cuftine Nicodemo. Maŀque Nicodemo i'huahuo'ma anuli lipuqui', ipalaic'otsi Jesús. It-siya timila':

⁵¹ —Litaiqui' LanDios laŀcuxe'eponga', lu'inga': "Anuli cal xans titalai'e'ecotsi. Toŀquimf'ete locuaya. Ja'ni aicoŀquimf'e aimi'iya molacani'eyacu."

⁵² Timiyi Nicodemo:

—¿Te ima' unGalilea jouc'a? Toxhueŀa' xonca al Paxi Linilingiya. Jilpe toxim'ma ailopa'a profeta co'huayoya Galilea.

⁵³ Jahuay iyena'me hilejut'hi.

8

¹ Jesús i'hua'ma lijuala cuftine Lijuala Olivo.

² Li'ipa quitine ipaiconanni, i'huacona'ma al cuecaj xoute'. Jilpiya jahuay lan xanuc' tefot'leyołtsi. Jesús icutshuai'ma timuc'iyale'ma.

³ Mimuc'iyale Jesús icuaita jilpiya lomxiye nomuc'iyalepá locuxepa LanDios jouc'a lam fariseo. Ihejma anuli łaca'no'. Iximpá łaca'no' tunahuołanna cal xans, ilque a'i quipe'ailli'. Ecaxu'me łaca'no' nolojmay lan xanuc' noquimf'epá mimuc'iyale Jesús.

⁴ Timiyi Jesús:

—Momxi, joupa alsimpola' tunahuołanna. Cal xans a'i quipe'ailli'.

⁵ Litaiqui' Moisés, ilē loya'apa locuxepa LanDios, male lataiqui' alcuxe'enga' alma'acotsola' apic lacał'no' no'epá tołta'a. Ima', łte cofcuaya? łTe cal'e'eyacu ilca'a łaca'no'?

⁶ Ilne tehuaiyi Jesús. Ilpic'a tinesla': "Aimoni'e'me ilē locuxepa Moisés". Tijoułta' ticuxeco'me.

Jesús ic'omai'ma. Inilco'ma lidedo łamats'.

⁷ Ilniya ihui'i'me, icuis'mot'le'me. Jesús ecaxna'ma hijca, timila':

—Anuli imanc' ja'ni ailopa'a quijunac', ne', ate'a teca'niłta' łapic.

⁸ Lijou'ma ic'omaicona'ma, inilcona'ma łamats'.

⁹ Lan xanuc', ilne ts'ihējma łaca'no', imetsaico'mołtsi jouc'a iltaic' liljunac'. Anuli anuli iyena'me. Ate'a i'hua'na'ma xonca litojpa xans, lijou'ma ipalnanca anuli anuli, ijouco'ma ts'atesca quemats'. Jesús łaca'no' imanenca quiltuca'. Łaca'no' ti'hua tecaxu jilpiya.

¹⁰ Jesús ecaxcona'ma hijca, ehuelojm'ma łaca'no' tecaxu quituca'. Timi:

—Maca'no', łte qui'ipola' ilne lan xanuc'? Joupa iye-napá. łNij naitsi nitac'uiipo' cajunac'? łNij naitsi nicufpo' tima'antso'?

¹¹ Ilque timi:

—Mai'ailli', nij naitsi.

Jesús timi:

—Iya' jouc'a aicatac'uiyaco' cajunac'. Iya' aicacua: Tima'antso'. To'huanłta'. Aimo'eonna quixcay.

¹² Jesús imuc'icona'mola' lan xanuc', timila':

—Fa'a li'a łamats' iya' Nepalc'o'. Capalc'o'ila' ilniya nal-ihuejpa, ilne tipa'a lilpitine aimijouya. Ilniya lilpicuejma' aimi'iconaya muf, ticuec'e'me, ti'e'me al c'a.

¹³ Lam fariseo timiyi:

—Ima' tonescoyoxi cotuca'. A'ij linca lofnespa.

¹⁴ Timila':

—Tama canescoyoxi ma canesqui al finca. Iya' aixina' pe lai'huayomma, aixina' pe laiftseya. Imanc' aicołsina' pe lai'huayomma, aicołsina' pe laiftseya.

15 Imanc' ma cołtuca' tołtac'uila' lajunac' lołf'as xanuc', tołspic'eyi ja'ni ac'a ja'ni a'ijc'a lo'epa. Iya' aicatac'uila' cajunac'.

16 Ja'ni catac'uila' lajunac' ma ahijca ike laif'eya. Iya' a'i caituca' caxpic'e. Illanc' ma' anuli ałspic'eyi iya' cai'Ailli', iłque Łalummepa.

17 'Litaiqui' ŁanDios locuxepa ticua: "Oquexi' lan xanuc', ja'ni ma' anuli lonespa, ne', tapenufla' ike locuapa".

18 Iya' canescoyoxi. Jouc'a cai'Ailli' iłque Łalummepa, ma' anuli ałnesma.

19 Timiyi:

—¿Pe copa'a co'ailli'?

Timila':

—Imanc' aicalimetsaijma naitsi iya'. Jouc'a aicolimetsaijma cai'Ailli'. Ja'ni limetsaijma iya', jouc'a cai'Ailli' tolimetsaico'me.

20 Tołiya licuapa Jesús mipa'a al cuecaj xoute', mimuc'iyale. Ticutsuya liju' al caxax pe latoj'mimpá al tomí. Nij naitsi ni'nołpa Jesús. Aiquicuaiya li'hora.

21 U'icona'mola', timila':

—Ca'hua'na'ma. Imanc' lahue'ma. Timaco'molhuo' cołtaic' lołjunac'. Iya' caituca' ca'hua'ma, aimi'iya małeyacu anuli.

22 Lan xanuc' judío ticuayi:

—¿Te conescopa: "Iya' caituca' ca'hua'ma, aimi'iya małeyacu anuli"? ¿Ja'ni tima'a'moxi?

23 Jesús ti'hua tipalaic'ola', timila':

—Iya' cai'huayomma al toncay. Imanc' conłouyomma al 'ocay. Lołpitine, fa'a li'a łamats' ipangoyopa. Iya' a'i.

24 Joupa aimipolhuo': Timaco'molhuo' cołtaic' lołjunac'. Joupa aimipolhuo' naitsi iya'. Aimolapenufi ike laifnescopoxi. Ma' aimolapenufi ike laifpalaicopoxi, ołtaic' lołjunac', tołta'a timaco'molhuo'.

25 Icuis'e'me, timiyi:

—¿Naitsi ima'?

Jesús timila':

—Joupa aimipolhuo'. Joupa ołsina'.

26 Tipa'a axpe' laifpalaicoyacolhuo' imanc'. Aiximpolhuo' a'ijc'a lonł'epa. Cai'Ailli', iłque Łalummepa, aimifellaique, tinesqui mane al finca. Ike lalulu'ipa iya' cu'iyale fa'a li'a łamats'.

27 Ihniya aiquiłcueca Jesús lipalaicopa ŁanDios qui'Ailli'.

28 Jesús timila':

—Iya' itque cal Xans Łiximpa cal profeta pu'hua lema'a. Tijoula' ał'nof'enał'a imanc' limetsaico'ma naitsi iya'. Limetsaico'ma ma to joupa ainescopoxi iya'. Ti'i'ma cołsina' te ts'i'ic' laipicuejma'. Iya' caituca' aicaxpic'e laif'eya. JiŁe lałmuc'ipa cai'Ailli', maŁe cu'ilhuo'.

²⁹ AŁejmale anuli iya' y Łałummepa. Iya' ti'hua ca'ay latentłocopa itque. Tołta'a aicalpo'nohuo caituca'.

³⁰ Miquimf'eyi lan judıo, axpela' ihniya ticuayi:

—Al linca locuapa itque. ¡Lihuej'me!

³¹ Jesús ipalaic'o'mola' ilne lan xanuc' judıo no'huaiyimpá, timila':

—Ja'ni laitaiqui' tipanenni lołpicuejma' imanc' lihuejna'ma al c'a.

³² Tołsim'me al linca laitaiqui', tolihuejco'me. Tołta'a imanc' cołtuca' tołcuxe'mołtsi al c'a.

³³ Ihniya timiyi:

—Ilanc' inaxque' lałtatahuelo Abraham. Aimi'iya małcuxeyaconga'. Ailopa'a calpoujna. Ima', Łte calmicoponga': "Imanc' cołtuca' tołcuxe'mołtsi al c'a"?

³⁴ Jesús italai'e'mola':

—Iya' camilhuo' al linca: Cal xans ja'ni ixcay lo'epa ilŁe lixcay ticuxe. Itque cal xans ti'onłcospa to cal mozo.

³⁵ Cal mozo aimipaneya lejut'ł lipoujna. Li'hua łapoujna, itque linca tipanehuo.

³⁶ 'Iya' i'Hua ŁanDios, ja'ni iya' cuhuałnatsolhuo' imanc' linca tołcuxena'mołtsi al c'a nulemma.

³⁷ Imanc' tołcuayi: "Ilanc' inaxque' lałtatahuelo Abraham". Ma' aixina' tołta'a. Itsiya tama imanc' inaxque' Abraham tolahueyi te co'iya małma'aya. Aimalapenufi iya' laitaiqui'.

³⁸ Iya' ma to lałmuc'ipa cai'Ailli', tołta'a cu'ilhuo'. Cu'ilhuo' ma laiximpa pu'hua pe lopa'a cai'Ailli'. Imanc' ocuena coł'ailli'. Tonł'eyi lomuc'ipolhuo' itque.

³⁹ Ihniya timiyi:

—Abraham ał'ailli'.

Jesús timila':

—Imanc' ja'ni inaxque' Abraham, tonł'e'me anuli to li'epa Abraham.

⁴⁰ Ituca' loł'ejma' imanc'. Tołspic'eyi ałma'ala', iya' ninxans cu'ilhuo' ma le'a al linca, ilŁe lałmuc'ipa cai'Ailli'. ToŁe a'i qui'aic' Abraham.

⁴¹ Lonł'epa imanc' ti'onłcospa to lo'epa coł'ailli'.

Ihniya timiyi:

—Ilanc' a'i ninc'ahuac'la. ŁanDios ał'ailli'.

⁴² Timila':

—Ja'ni ŁanDios oł'Ailli' imanc' ał'e'ma capic'a. Iya' cai'huayomma ŁanDios, aicuai'ma fa'a li'a łamats'. A'i iya' caxpic'e caituca' cacuaiyunni. Cai'Ailli' lummepa.

43 Imanc' aimi'iya małquimf'eya iya' laitaiqui', tołta'a aicołcueca iłe laifpalaic'opolhuo'.

44 Łonta'a oł'ailli'. Imanc' inaxque'. Iłque imanc' ma' anuli lołjanajpa. Lipangopa li'a łamats' iłque inma'ahuale, aiquepenufi al linca. Ma to micua lipicuejma' tipalay pangay mifel'miyale. Ate'a iłque ifel'miyalepa. Lijou'ma lan xanuc' tihuejyi li'ejma', jouc'a ti'hua tifel'miyaleyi.

45 'Iya' cu'ilhuo' al linca. Xonca ticuaispa cołpic'a lafelłaiqueya cataiqui'. Aimalapenufi iya' laitaiqui'.

46 Imanc', łte anuli ti'i'ma ałtac'ui'ma cajunac'? A'i. Aimi'iya małmiya: "Ima' ałfel'minga". Ja'ni ołsina' camilhuo' al linca, łte aimalapenufi iya' laitaiqui'?

47 'Cal xans ja'ni i'hua CanDios, iłque tepenufi lonespa ŁanDios. Imanc' a'i quinaxque' ŁanDios, tołta'a aimi'iya mo-lapenufyacu lonespa.

48 Lan judío timiyi:

—Iłlanc' joupa ałnespá ima' unsamaritano. Itsufaipo' conta'a. Al linca iłe lałnescopo'.

49 Timila':

—Iya' a'i całtsufaic' conta'a. Iya' quihuejma cai'Ailli'. Imanc' latets'i'.

50 Iya', łte aga cahuay te co'iya małnescoya al c'a? A'i tołta'a lai'ejma'. Linca tipa'a anuli tehuay te co'iya malimetsaicoya lan xanuc'. Iłque ma cal Cuecaj Juez.

51 'Iya' camilhuo' al linca: Cal xans nalihuejcopa iya' laitaiqui' iłque aimimaya nulemma.

52 Lan judío timiyi:

—Itsiya linca ałsina' itsufaipo' conta'a. Joupa imanapa łatatahuelo Abraham jouc'a imanapola' lam profeta. Ima' tonesqui: "Cal xans nalihuejcopa iya' laitaiqui', iłque aimimaya nulemma".

53 Linca joupa imanapa Abraham. Ima', łja'ni xonca un-cueca? Lam profeta imanapola' jouc'a. ŁNaitsi cof'onłicopoxi?

54 Timila':

—Iya' ja'ni caituca' canescoyoxi nincueca', iłe laifnescopoxi ailopa'a co'eya. Cai'Ailli' ałnescojma al c'a. Małque cai'Ailli' imanc' tołpalaicoyi tołcuayi: "Iłque łalanDios".

55 Imanc' aicolimetsaijma. Iya' linca nimetsaijma. Aiacua aicainimetsaijma. Ja'ni canesla' tołta'a iya' ca'e'moxi acueca' ninfeloye, ca'onłico'moxi to imanc' unc'ifeloye. Iya' linca nimetsaijma, quihuejma litaiqui'.

56 Łotatahuelo Abraham ijanajpa juaiconapa ałsintsołtsi fa'a li'a łamats'. Joupa ałsimpoltsi, ixojma queta Abraham.

57 Lan xanuc' judío timiyi:

—Ima' aiquixhuaiya oquej nuxans quimbama' łomemats'. ŁTe qui'ipa loximpa Abraham?

58 Jesús timila':

—Iya' camilhuo' al linca: Ai'a tipajnta Abraham, iya' capa'a.

59 Lan judío ipef'me lopic'. Tipa'me capic, tima'a'me Jesús. Jesús temiyoxi. Ipanni al cuecaj xoute'. Ihiya aiqixim'me pe quitsecopa.

9

1 Jesús ti'hua lane, ixim'ma anuli cal fo'. Cal xans ma lipajnta afo'.

2 Ts'ilihuequi Jesús icuis'e'me, timiyi:

—Momxi, ¿te qui'ipa lipajnta afo'? ¿Naitsi ilque ts'ijunac'? ¿Te małque cal fo' o qui'ailli', qui'máma'?

3 Jesús italai'e'mola', timila':

—Nij naitsi ts'ijunac', ni cal fo' ni qui'ailli' qui'máma'. Ipa-jnta afo' cal xans, tołta'a LanDios timuc'i'mola' lan xanuc' al cueca' lipexaxi. Jilpe licuerpo cal fo' ti'i'ma al cueca'.

4 Micołi litine al'e'me loxpicepa LanDios, ilque Lalummepa. Tijouła' timufc'olá' aimi'iya małeyacu lanic'.

5 Ma capa'a fa'a li'a lamats' iya' Nepalco'.

6 Lijoupa licuapa tołta'a Jesús, itsułof'ipa lamats', ilanc'eco'ma łitsulu' laquixitsqui. Ilque łixitsqui imet'hi'ipa li'u' cal fo'.

7 Timi cal fo':

—To'huala' jipu'hua lin'nuhua' cuftine Siloé. Iłpiya tapajtsi lo'u'.

Iłe lipuftine Siloé tuhualquemma: Ummempa.

Cal fo' i'hua'ma, epajtsi li'u'. Lipainamma, tehuet-salenghua.

8 Nomana' lan huejnca jouc'a locuenaye xanuc', ilne li'ipa iximpá mixa'hue quitomí, ilne tipalaic'oyołtsi, ticuayi:

—¿Te małca'a cal xans nocutshuaipa, noxa'huepa? ¿Te qui'ipa?

9 Hualca ticuayi:

—Małca'a cal xans.

Locuenaye ticuayi:

—A'i. A'i ilque, ma le'a ti'onłcospa.

Cal xans timila':

—Ma' iya'.

10 Timiyi:

—¿Te qui'e'empo'? ¡Ma' ixalconapo' lo'u'!

11 Timila':

—Cal xans cuftine Jesús, i'epa łixitsqui. Ilque łixitsqui almet'hi'ipa lai'u'. Alummpa lin'nuhua' Siloé. Almipa: “Jilpiya tapajtsi lo'u'”. Ai'hua'ma, nepajtsi lai'u', itsiya exilinamma lai'u', cahuetsalenghua.

12 Icuise'me, timiyi:

—¿Pe copa'a ilque cal xans?

Timila':

—Aicaixina'.

¹³ Itque cal fo' joupa ixatconapa ileco'me petsi lomana' lan xanuc' fariseo.

¹⁴ Litine Jesús li'e'ma lixitsqui, lixa'mena'ma li'u' cal fo', ite litine conxajya.

¹⁵ Lam fariseo aiqusetenlocola' ite li'epa Jesús litine conxajya. Icuis'e'me cal xans, timiyi:

—¿Te qui'ipo'? Itsiya tahuetsalenghua. ¿Te qui'e'empo' lo'u'?

Cal xans timila':

—Itque almet'li'ipa lixitsqui lai'u', ai'hua'ma nepajtsi lai'u', itsiya cahuetsalenghua, exilinamma lai'u'.

¹⁶ Hualca lam fariseo nomana' jilnu'hua ines'me:

—EanDios a'i cummaic' itque cal xans Jesús. Ihiya litine conxajya tetets'i, ti'ay canic'.

Locuenaye tinesyi:

—Ja'ni a'ijc'a xans, ¿te co'iya mi'eya tohta'a al cueca'?

Enaj'mohtsi onlca, aiqul'i'ma anuli lipicuejma'. Timana' pe aiqusetenlocola' lo'epa Jesús, timana' locuenaye icuaiti quitpic'a lo'epa.

¹⁷ Icuis'e'cona'me cal xans lixaconapa li'u'. Timiyi:

—Itque lixa'menapo' lo'u', ima', ¿te cofnesya itque?

Cal xans timila':

—Iya' cacua aprofeta.

¹⁸ Lan xanuc' judío ticuayi:

—A'ij linca locuapa itque cal xans lonespa: “Laipajnta ninfo’”. Lipajnta ailopa'a quicuana, ac'a li'u', tohta'a tehuetsalenghua itsiya.

Ijoc'i'me ticuaiyunca qui'ailli' qui'máma' cal xans lixaconapa li'u'.

¹⁹ Icuis'em'mola', timila':

—¿Te ma' al linca itque ot'hua? ¿Ma ipajnta afo'? Itsiya tehuetsale. ¿Te qui'ipa?

²⁰ Qui'ailli' qui'máma' italai'enca, timinnila':

—Aksina' itque al'hua. Aksina' ipajnta afo'.

²¹ Itsiya tehuetsalenghua. A'i calsina' te qui'ipa. Ni aicalsina' naitsi nixa'menapa li'u'. Itque joupa itojpa. Titalai'eta' itque quituca'.

²² Tohta'a linespa qui'ailli' qui'máma' cal xans. Timiyotsti: “¿Te ca'eyaconga' lan xanuc' judío?” Ihiya joupa inefopá, ixpic'epá, icuapá: “Cal xans, ja'ni tinesla': Jesús itque aCristo, itque cal xans lihuescuf'me petsi lalafot'leyopohtsi. Tijoula' aimalapi'iconayacu lane mitsufaiconaya. Aimalmajnconayacu anuli.”

²³ Totiya ticuayi: “Itque joupa itojpa. Titalai'eta' quituca'.”

24 Lan xanuc' judío ijoc'icona'me cal xans lixaŋconapa li'u'.
Timiyi:

—ŁanDios tiquimf'ehuo'. Lu'itsonga' al linca. Illanc' limetsai-
jma cal xans Jesús. Ałsina' titay cajunac'.

25 Timila':

—Iya' aicaixina' ja'ni titay cajunac'. Aixina' iya' li'ipa ninfo',
itsiya cahuetsalenghua. Ihiya linca aixina'.

26 Ihe icuis'e'me, timiyi:

—¿Te qui'e'epo'? ¿Te qui'ipa lixaŋ'menapo' lo'u'?

27 Cal xans italai'e'mola', timila':

—Joupa nu'ipolhuo', aicołcueca. ¿Te ts'ołpic'a cu'itsolhuo'?
¿Te aga imanc' ołpic'a tunlihuej'me?

28 Ixtulencia. Imilojpá cataiqui'. Timiyi:

—Ima' linca mihuequi iłque cal xans Jesús. Illanc' a'i. Illanc'
lihuejyi Moisés.

29 Ałsina' ŁanDios ipalaic'opa Moisés. Iłque cal xans Jesús
aicałsina' pe qui'huayomma.

30 Italai'e'mola' cal xans timila':

—¡Xinła! Iłque cal xans ałsaŋ'menapa lai'u'. Itsiya imanc'
tołcuayi: “Aicałsina' pe qui'huayomma”.

31 Ałsina' ŁanDios aimiquimf'ela' petsi ixcay lo'epa. Aim-
itoc'iyacola'. Cal xans noxpaićepa ŁanDios, ja'ni ti'eła' lox-
pic'epa, iłque cal xans linca ŁanDios tiquimf'e, titoc'i.

32 Jifa'a li'a łamats' anuli cal xans ja'ni lipajnta afo', ni
anulemma aicałsina' quixaŋ'menni li'u'.

33 Iya' cacua: ŁanDios ummepa iłque Jesús. Ja'ni a'i, ailopa'a
co'eya.

34 Ihiya italai'e'me, timiyi cal xans:

—Litine lopajncota ima' otaic' lojunac'. ¡Itsiya opic'a
ałmuc'itsonga' illanc'!

Ihuescufna'me pe lefot'leyołtsi. Timiyi:

—To'huanła'. Aimotsufaiconno jifa'a lajutł.

35 Jesús icuej'ma ihuescufimpa pe lefot'leyołtsi. Ehuepa,
ixinnapa, timi:

—Ima', ¿te ma to'huaiyinge iłque cal Xans Łiximpa cal pro-
feta?

36 Cal xans timi:

—Mai'ailli', lu'ıla' naitsi iłque. Tijouła' ca'huaiyijm'ma.

37 Jesús timi:

—Joupa oximpa. Tipalaic'ohuo'. Ma' iya'. Iya' iłque cal Xans
Łiximpa cal profeta.

38 Cal xans timi:

—Mai'ailli', ca'huaiyijnhuo'.

Exc'onłingai'ma.

39 Jesús timi:

—Aicuaicoco'ma fa'a li'a lamats' ti'i'ma tenaj'mołtsi lan xanuc'. Lan fohue tehuetsalena'me. Ihe nahuetsalepá ti'e'e'mola' afohue.

⁴⁰ Lam fariseo nomana' jilpe pe lopa'a Jesús icuej'me lines'ma. Iñiya icuis'e'me, timiyi:

—¿Te ma illanc' jouc'a ninc'ifohue?

⁴¹ Timila':

—Ja'ni unc'ifohue aimitac'uim'molhuo' cajunac'. Ma mołcuayi: "Ałsinyi", aimilonc'enyacolhuo' lołjunac'.

10

¹ 'Iya' camilhuo' al linca: Cal xans notsufaiya petsi leti'ila' lam mot'ł, ja'ni ocuena lotsufaicoya, a'i pe lotsuflaicopa lam mot'ł, ilque cal xans innantsepa, inma'ahuale.

² Notsufaicoya ma al puerta, linca ti'e'mola' cuenna lam mot'ł. Iłque ilpoujna, nohuic'iyacola'.

³ Ma ticuaiyunni nohuic'iyacola' lam mot'ł, no'epa cuenna al puerta texi'e'ma. Nohuic'iyacola' lam mot'ł titsufai'ma, tijoc'i'mola' lam mot'ł. Tijoc'i'mola' anuli anuli liłpuftine. Tipa'a'mola'. Ihe lam mot'ł tiquimf'eyi litaiqui' nohuic'iyacola', ticuec'eyi.

⁴ Nohuic'iyacola' tipa'atsola' limot'ł ti'huaj'me'e'mola' iñiya. Limot'ł tihuejnayi, ilimetsaijma litaiqui'.

⁵ Ja'ni tijoc'itsola' ocuena, lam mot'ł aimihuejyacu. Tinul'me, tipo'no'me quituca'. Aimimetsaicoyacu liłtaiqui' locuena ye xanuc'.

⁶ Tołta'a litaiqui' Jesús u'iyalepa. Ihe lan xanuc' aiquilcueca, aimi'iya muhuałyacu lataiqui'.

⁷ Jesús ipalaic'oconamola', timila':

—Iya' camilhuo' al linca: Iya' ipuerta hileti'i' lam mot'ł.

⁸ Ocuenaye icuai'me ai'a cacuaihuo, ijoc'im'mola' lam mot'ł. Iñiya ma innantsepá, inma'ahuale. Lam mot'ł aiquilquimf'e liłtaiqui', aiquilcueca locuapa.

⁹ Iya' linca ipuerta hileti'i' lam mot'ł. Naitsi ts'alimetsaijma iya' ipuerta hileti'i' lam mot'ł, ja'ni titsufaila' tołta'a, ilque tunłu'ma. Titsufai'ma, tipahuo, tehueta quiltejua' lam mot'ł, tixinna.

¹⁰ Cal namas joupa ipo'nopa lipicuejma' tinantsetola', tilecotola' lam mot'ł, tima'atola', tejac'ematola'. Toliya itsehuo'ma jilpe hileti'i' lam mot'ł. Iya' a'i. Aicuaicoco'ma cunłu'e'mola' laimot'ł, capi'i'mola' liłpitine, iłe xonca al c'a.

¹¹ Liłpoujna lam mot'ł, ilque nohuic'iyacola', ja'ni ac'a xans ticu'ma lipitine, tunłu'etsola' limot'ł. Tołta'a lai'ejma'. Iya' ninC'a caPoujna, cunłu'e'mola' laimot'ł.

¹² Cal mozo, ituca' lipicuejma'. Iłque a'i quilpoujna lam mot'ł. Lam mot'ł a'i qui'huexi. Mixim'ma icuaico'ma cal lobo

tinunghua cal mozo. Tipo'no'mola' quiltuca' lam mot'f. Cal lobo tipango'ma ti'no'l'mola', tica'niyołtsi lam mot'f.

¹³ Cal mozo a'i quipoujna lam mot'f, ihe a'i qui'huexi. Tołta'a tinuna'ma, aimixinnila' acuanuc'la.

¹⁴ Iya' linca ilpoujna lam mot'f. Iya' ninC'a caPoujna. Quimet-saicola' laimot'f. Jouc'a laimot'f limetsaijma iya'.

¹⁵ Cai'Ailli' limetsaijma iya', jouc'a iya' quimetsaijma cai'Ailli'. Ma' anuli to ita'a iya' quimetsaicola' laimot'f. Iya' cacu'ma laipitine, cunhu'e'mola' laimot'f.

¹⁶ 'Timana' ocuenaye laimot'f. Ihiya tiyelocoyi, aiquiltsuflaic' hleti'i' lih'as mot'f. Ihiya jouc'a caleconatola', cajoc'itola', alquimf'e'ma iya' laitaiqui', alcuec'e'ma. Tijouła' ti'i'ma le'a anuli łati'i', anuli ihPoujna, ma' iya'.

¹⁷ Iya' cacu'ma laipitine cunhu'e'mola' laimot'f, tołiya cai'Ailli' al'ay capic'a. Tijouła' alma'ala' capenufna'ma laipitine, camaf'ina'ma.

¹⁸ Ailopa'a nalitonc'e'eya laipitine. Ma caituca' cacu'moxi. Tipa'a laimane cacu'ma laipitine. Tipa'a laimane capenufna'ma laipitine. Cai'Ailli' alcuxepa ca'ela' tołta'a.

¹⁹ Lan xanuc' judío noquimf'epá ihe linespa Jesús ti-fuli'iconayi cataiqui'. Hualca etenłcoco'mola' ihe linespa. Locuenaye a'i quetenłcocola'.

²⁰ Axpela' tinesyi:

—Itsufaipa conta'a. Imintse'epa lipicuejma'. ¿Te colquimf'ecopa?

²¹ Locuenaye tinesyi:

—Cal xans litsufaiya conta'a a'i tołe mipalaiya. Lixcay conta'a aimixał'meya cal fo'.

²² Ihe litiné liłya' Jerusalén ti'eyi al juic cuftine "Lipaxneconapa al cueca' xoute". Joupa uyaipa linu'. I'ipa axita quitine.

²³ Jesús ti'hualejma pe lopa'a al cuecaj xoute'. Ti'hua linujnca cuftine "Lipinujnca cal rey Salomón".

²⁴ Lan xanuc' ituf'micołai'me Jesús, timiyi:

—Ima' almitsonga' naitsi ima'. ¿Te ticoł'ma xonca axpe' quitine aimalminga' naitsi ima'? Ja'ni unCristo, lu'itsonga' nulemma.

²⁵ Jesús italai'e'mola', timila':

—Joupa nu'ipolhuo'. Imanc' aicalapenufi iya' laifmipolhuo'. Cai'Ailli' lapi'ipa laimane, tołe ca'ay al cueca'. Ihe al cueca' laif'epa tuya'e' naitsi iya'.

²⁶ Imanc' a'i caimot'f, tołta'a aimalapenufi ihe laifnuya'apa.

²⁷ Laimot'f alquimf'e, timetsaicoyi laitaiqui'. Iya' quimet-saicola' laimot'f. Ihiya lihuequi.

28 Iya' capi'ila' liḗpitine aimijouya. Aimecaniyacola'. Iya' ca'e'mola' cuenna laimot'ḗ. Ailopa'a nalaxic'e'eyoya iya' laimane.

29 'Cai'Ailli' joupa lapi'ipa iḗne laimot'ḗ. Iḗque xonca cal Cueca', ailopa'a co'onḗcoya iḗque. Ailopa'a naipa'ayacola' cai'Ailli' limane, aimi'iya.

30 Iya' cai'Ailli' aḗ'onḗcosponga'. Iḗque iya' ma' anuli.

31 Lan xanuc' judío epef'cona'me lapiç'. Tipaco'me Jesús. Tima'a'me.

32 Iḗque timila':

—Imanc' joupa oḗsimpá axpe' ai'epa al c'a, iḗiya laḗmuc'ipa cai'Ailli'. Itsiya toḗspic'eyi aḗma'a'ma. Lu'iḗa': ¿Jale lai'epa aicoḗpic'a?

33 Lan xanuc' judío italai'e'me, timiyi:

—Aimaḗma'acoyaco' capic lof'epa al c'a. Ima' metets'ipa LanDios, iḗe caḗ'e'ecoyaco'. Ima' unxans, to'onḗcoyoxi LanDios.

34 Jesús timila':

—Loḗje'e pe liniḗiya locuxepa LanDios ticua: “Iya' NanDios cacua: Imanc' unc'andiosla.”

35 Iḗniya lan xanuc' nepenufpá litaiqui' LanDios, iḗque ecui'ipola' “... unc'andiosla”. Iḗe lataiqui' ma' al linca. Aimi'iya moḗpai'iyacu. Joupa inihijmpa.

36 Iya' ma' aḗ'huijḗ'epa LanDios, alummepa fa'a li'a ḗamats'. Iya' laifnescopoxi ja'ni cacua: “Iya' i'Hua LanDios”, ¿te caḗmicopa: “Tatets'i LanDios”?

37 Linca, ja'ni aica'ay to lo'epa LanDios cai'Ailli', aimalapenuf'ma.

38 Ja'ni oḗsina' ca'ay ma to lo'epa LanDios, tama aimalapenufi, tonlimetsaicoḗe laif'epa, iḗe ti'onḗspa to lo'epa cai'Ailli'. Toḗta'a ti'i'ma coḗsina' te ts'i'ic' maḗmana' iya' cai'Ailli'. Aḗmana' anuli. Pe laifpa'a iya' maḗpe tipa'a cai'Ailli'; pe lopa'a cai'Ailli', maḗpe caifpa'a iya'.

39 Iḗniya noquimf'epá toḗta'a linespa Jesús ticuayi: “Aḗ'noḗḗ”. Ailopa'a qui'e'e'me. Iḗque unḗupa.

40 I'huacona'ma locuenaj liju' al panaj Jordán. Ipanenni ma jiḗpiya petsi Juan lepo'iyaleyopa.

41 Axpela' lan xanuc' icuaitsa pe lopa'a Jesús. Tinesyi:

—Li'epa Juan a'ij cueca'. Ma le'a inescopa cal xans Jesús. Itsiya joupa i'ipa caḗsina' ma al linca jahuay iḗe linespa Juan.

42 Miḗmana' jiḗpiya axpela' i'huaiyijm'me Jesús.

11

1 Liḗya' Betania tipa'a anuli ḗafcuana cuftine Lázaro. Iḗque timana' lipimaye cacal'no', liḗpuftine María y Marta. Iḗniya iḗpiya' Betania.

² Ēipima ľafcuana, iľque María, tixcuaf'i'ma laceite lojuepaj c'a li'mitsi' Jesús, tetufco'ma ĩjuac.

³ ĩniya loquexi' lipimaye Lázaro umme'me cataiqui', tu'inna Jesús:

—Maľ'ailli', ľonľejmalepa, iľque Lázaro, textafque.

⁴ Licuej'ma Jesús lataiqui' ticua:

—Īe licuana aimima'aya nulemma Lázaro. Lo'iya iľque timuc'i'mola' lan xanuc' te ts'i'ic' laimane, iya' i'Hua ĽanDios. Tixinľe acueca' ĽanDios.

⁵ Jesús ti'ela' capic'a juaiconapa lapimaye Marta, María jouc'a Lázaro.

⁶ Licuej'ma textafque Lázaro icol'ma, aici'huac'. ĩľpe pe lopa'a ipanemma oquej quitine.

⁷ Lijou'ma timila' ts'ilihuequi:

—Ēepá, aľecona'me al distrito Judea.

⁸ Ts'ilihuequi timiyi:

—Momxi, lan judío nomana' ĩľpiya ma quite' coľa' tipato' capic', tima'ato'. Itsiya, tocuá: “Ca'huacona'ma pu'hua”.

⁹ Jesús timila':

—Anuli litine tipa'a imbamaj coque' hora. Ja'ni to'huaľa' litine aimuc'uiyaco'. Cal 'ora tepalc'o'i'mo'.

¹⁰ Ja'ni to'huaľa' lipuqui', tuc'ui'mo'. Ailopa'a napalc'o'iyaco'. To'hua al muf.

¹¹ Lijou'ma timila':

—Ēaľejmalepa Lázaro tixmay. Ai'huapa ĩľpe, cummef'nata.

¹² Ts'ilihuequi timiyi:

—Maľ'ailli', ja'ni tixmay, tixaľconna.

¹³ Jesús linespa: “Lázaro tixmay”, tuya'e': “Joupa imapa”. Ts'ilihuequi aiciľcueca. Ticuayi: “Lázaro ma le'a tixmay”.

¹⁴ Jesús ipalaic'o'mola' al cuajmaica cataiqui', timila':

—Lázaro joupa imapa.

¹⁵ Itsiya aicacua: “Coľa' pu'hua caifpa'a”. Aicaxhueľcocojma. Aixina' ĩe li'ipa titoc'i'molhuo' imanc'. Xonca aľ'huaiyijm'ma iya'. Itsiya ľepá. Aľcuaita pe lopa'a iľque.

¹⁶ Tomás ľacui'ipa cal Cuatsi, timila' ľiľejmale:

—ĩĒepá! Ja'ni tima'antsa Jesús, illanc' jouc'a aľma'atsonga'. Aľma'monga' anuli.

¹⁷ Licuaitsi Jesús ĩľpe ľiľya' joupa ixhuaita amalpuj quitine queminni Lázaro.

¹⁸ ĩľya' Betania ahuejnca Jerusalén. Laquipiculi' to afane' kilómetro.

¹⁹ Axpela' lan xanuc' judío quiyouyomma Jerusalén, icuaitsa lilejut'ĭ Marta y María, tiľonc'e'entsola' ľiľpixhuejma', joupa imapa ĩľpima Lázaro.

²⁰ Marta icuej'ma icuaico'ma Jesús. Ipanni titalecuftsi. María ipanenni lajut'ł.

²¹ Marta timi Jesús:

—Mai'ailli', coła' topa'a fa'a, aimimaya łaipima. Joupa imanapa.

²² Tama imanapa łaipima, iya' ti'hua ca'huaiyijnhuo'. Aixina' ja'ni toxa'hue'ma ŁanDios iłque tepi'i'mo' lofxahue'eya.

²³ Jesús timi:

—Timaf'ina'ma łopima.

²⁴ Marta timi:

—Ne'. Ticuaitsi Lijoujma Quitine timaf'ina'ma. Tołta'a aixina'.

²⁵ Jesús timi:

—Ma' iya' camaf'i'ina'mola' limanapola'. Capi'ina'mola' liłpitine. Naitsi ła'huaiyijmpa tama timanła' timaf'ina'ma.

²⁶ Ihe na'huaiyijmpa ja'ni ts'ılmaf'i' aimimayacola' nulemma. Ima', ¿te cofcuapa? ¿Ja'ni canesqui al linca?

²⁷ Marta timi:

—Mai'ailli', iya' cacua tonesqui al linca. Aixina' ŁanDios tumme'ma li'Hua, iłque jifa'a ticuaihuo li'a łamats'. Iya' cacua: Ima' i'Hua ŁanDios, joupa ocuai'ma. Ima' unCristo.

²⁸ Lijoupa tołta'a linespa Marta, i'hua'ma ijoc'itsi łipima María. Ipalaic'o'mołtsi caquiltuca'. Marta lipalaic'opa łipima, timi:

—Icuai'ma Łomxi. Tijoc'ihuo'.

²⁹ Licuej'ma iłe lataiqui', María aiquicołi, itsahuenni i'hua'ma titalecuftsi Jesús.

³⁰ Jesús ai'a titsufai'ma liłya' ipanemma małpiya pe litalecufhuo'ma Marta.

³¹ Jiłpe lejut'ł María timana' lan judío, icuaita tiłonc'e'e'me lipixhuejma'. Ihe ixim'me María itsahuenni. Ixim'me aiquicołi, ipanni. Ticuayi:

—I'huapa al pu'hua. Jiłpiya tijołta.

Ihuej'me.

³² María icuaitsi pe lopa'a Jesús. Exc'onłingai'ma li'mitsi', timi:

—Mai'ailli', coła' topa'a fa'a, aimi'iya tołta'a. Łaipima aimi-maya.

³³ Jesús ixim'mola' tijolijyi María jouc'a lan xanuc' judío liłihuequi María, ihuotsonni juaiconapa. Ixnalif'ma acueca'.

³⁴ Icuis'e'mola', timila':

—¿Petsi colamu'ehuo'me?

Italai'e'me, timiyi:

—Mai'ailli', łepá. Ałsinna.

³⁵ Licuaitsa pe lamuya, Jesús ijoj'ma.

³⁶ Lan xanuc' judío tinesyi:

—¡Totsinte! Juaiconapa i'epa capic'a Lázaro.

37 Locuenaye ticuayi:

—Hque ixal'me'e'ma li'u' cal fo'. ¿Te aikuixal'me Lázaro? ¿Te quipo'nocopa quimacopa?

38 Jesús icuaitsi petsi lamuya Lázaro. Ihuotsoconamma juaiconapa. Ixnalifcona'ma. Lamuya Lázaro unts'eja'. Lico cunts'eja' eti'icoya acueca' capic.

39 Jesús icuxe'e'mola' lan xanuc', timila':

—Tonliñonc'ete itque łapic.

Marta ipima łimapa timi Jesús:

—Mai'ailli', itsiya tujuelojma. Ixhuaita amalpuj quitine quimac'.

40 Jesús timi:

—Joupa aimipo': "Ja'ni ima' ał'huaiyinge, toxim'ma acueca' ŁanDios, acueca' lo'eya".

41 Hñonc'em'me łapic.

Jesús ehuelojm'ma al toncay lema'a, timi qui'Ailli':

—Mai'Ailli', cax'najtsi'ihuo' joupa ałquimf'epa.

42 Tama aixina' itine itine ałquimf'e, aimipo': "Cax'najtsi'ihuo' joupa ałquimf'epa". Aipic'a ałcuejla' ite laimipo' lan xanuc' nacaxhuołanna fa'a. Joupa ainu'ipola': "Cai'Ailli' lummepa fa'a li'a łamats'". Itsiya aipic'a ti'ete łınca ite lainuya'apa.

43 Lijoupa tołta'a licuapa Jesús ija'a'ma, timi:

—¡Lázaro! ¡Taipanni!

44 Łimapa ipanni łunts'eja'. Limane' li'mitsi' ifiyicoya ijahua', li'a iju'ecopa apa'yu. Jesús timila' lan xanuc':

—Toluhuaiłe lijahua'. Ti'huanła'.

45 Lan xanuc' judío itne nahuejmpá María, axpela' itniya lixim'me li'epa Jesús, tixpic'eyi tihuejle.

46 Locuenaye iye'me pe lomana' lam fariseo, u'intsula' li'epa Jesús.

47 Lixanuc' cal cuecaj ca'ailli' jouc'a lam fariseo ijoc'im'mola' lan tsilaj xanuc' itne noxpipjá lataiqui'. Efoť'le'mołtsi, timiyołtsi:

—¿Te ca'eyacu? Hque Jesús ti'ay al cueca'.

48 Ticuicomma ałpa'nełe, ja'ni a'i jahuay lan xanuc' ti-huej'me. Tijouła' tixtulecu lan romano, teteł'me lałcuecaj xoute', ałjou'ne'monga' illanc' ninc'ijudío.

49 Małpe lefoť'leyopoltsi tipa'a anuli cal xans cuťtine Caifás. Jiłniya łitine itque Caifás copa'a cal cuecaj ca'ailli'. Hque timila' lif'as xanuc':

—Imanc' ailopa'a cołsina'.

⁵⁰ Aimol̄spic'eyi. Xonca al c'a luyalaico'me ja'ni timała' le'a anuli cal xans, tołta'a tunłtu'e'mola' jahuay lałxanuc'. Aimal̄jouyaconga' illanc' ninc'ixanuc' judío.

⁵¹ Caifás a'i quituca' lipicuejma' tołta'a tipalay. İhniya litiné il̄que copa'a cal cuecaj ca'ailli', ma tuya'e' lixpicepa LanDios. Mal̄que LanDios joup̄a ixpic'epa tima'an̄le Jesús, tołta'a tunłtu'e'mola' lixanuc' LanDios, jil̄niya nomana' jil̄piya lamats'.

⁵² A'i ma le'a lixanuc' LanDios nomana' jil̄piya lamats', tunłtu'e'mola' jouc'a jahuay lixanuc', ni petsi lomana', tefot'lena'mola' anuli.

⁵³ Ma jil̄iya litine il̄niya lan judío ixpic'e'me tima'an̄le Jesús.

⁵⁴ Lijou'ma Jesús aimuyaicocongħua pe lomana' lan xanuc' judío. İpanni jil̄piya al distrito Judea. İcuait̄si anuli liłya' cuftine Efraín. İl̄pe liłya' tipa'a huejnca anuli lamats' petsi ailopa'a quil̄ya'. Jil̄pe imanenca anuli, Jesús y ts'ilihuequi.

⁵⁵ Joup̄a icuaico'ma al juic cuftine al Pascua. Axpela' lan xanuc' ipalunca il̄pifelol̄ya', if'ajli'me al toncay, ticuaita al cuecaj quil̄ya' Jerusalén. Ticuaita ai'a ti'i'ma al juic. Tenant'hi'me lataiqui' loya'apa locuxepa LanDios. Tołta'a la'ailli' timi'mola': "İma' unlimpio. Ti'i'ma tote'ma łotejacu jil̄pe al juic."

⁵⁶ İhne lan xanuc' ehue'me Jesús, ecaxhuol̄ai'me pe lopa'a al cuecaj xoute', timiyol̄tsi:

—¿Te col̄cuapa? ¿Te ticuaihuo Jesús fa'a al juic, o aimicuaiya?

⁵⁷ Lixanuc' cal cuecaj ca'ailli' jouc'a lam fariseo joup̄a icuxepá, timinnila' lan xanuc':

—Anuli imanc' ja'ni ti'ila' quixina' pe lopa'a Jesús, lu'itsonga'.

İhne tehueyi te co'iya mi'nołyacu Jesús.

12

¹ Tehue'e' acamts'us quitine ti'ila' al juic cuftine al Pascua. Jesús ipainanni liłya' Efraín, icuainatsi liłya' Betania, pe lopa'a Lázar̄o, il̄que il̄mapa joup̄a imaf'i'ınapa Jesús.

² Jil̄piya ilanc'e'e'me l̄itejua' tixmoco'ma Jesús. Lázar̄o, Jesús jouc'a lan xanuc' lijoc'impola' icutshuol̄ai'me anuli. Marta ites'mi'mola'.

³ María itaic' onłca litro laceite cuftine nardo. İl̄e laceite tujuej c'a. İc'ef'i'ma laceite li'mitsi' Jesús, etufco'ma il̄juac. İmans̄i lajut'ł̄lojuepaj c'a.

⁴ Anuli l̄ihuequi Jesús cuftine Judas İscariote, il̄que łocuya Jesús, ixtunni, ticua:

⁵ —İl̄e laceite acueca' lipitali, to mulij'ma anuli cal xans no'eya canic' afanej maxnu quitine. ¿Te aiquicuquinni tep̄i'ınatsola' al tomí lan xanuc' pe ailopa'a quil̄tomí?

6 Judas aimixinnila' acuanuc'la iñe lan xanuc' pe aiquil'hueca quiltomí. Iñque innaminnaipa. I'hueca al punta pe lo'nij'mimpa al tomí. Tinantse.

7 Jesús timila':

—Toñe. Aimohuos'mi'ma. Laca'no' joupá ixpic'epa lo'e'eya laceite. Ticua: “Ca'huej'ma. Ai'a temim'me Jesús caxcuaf'íta' laceite.”

(Lan judío ti'hua'f'iyi toñta'a liñcuerpo lomapola'.)

8 Jesús ti'hua timila':

—Petsi loñmana' aimicuaiya litine pe aimehue'eyacola' quiltomí lan xanuc'. Itine itine nipajnya toñtoc'i'mola'. Ticuaihuo litine iya' aicapajñconaya.

9 Axpela' lan xanuc' judío icuej'me tipa'a Jesús lejut'í María. Icuaiyunca jilpiya. Iñpic'a tixinñe Jesús. Xonca iñpic'a tixinñe Lázaro, iñque cal xans ñimaf'i'ina'pa Jesús, itsahue'enammas, ipa'apa pe lomana' limanapola'.

10 Lixanuc' cal cuecaj ca'ailli' aimixoque quileta, ixtulencia. Ticuayi: “Alma'ale Lázaro jouch'a”.

11 Hsina' lo'epa liñ'as xanuc' judío. Iñiya liximpá Lázaro imaf'ina'pa ihuej'me Jesús.

12 Liñya' Jerusalén timana' axpela' lan xanuc' icuaita al juic. Lihuequi litine iñiya icuej'me: “Icuai'co'ma Jesús”.

13 Etej'me limane' xanghue, ipalunca italecuñtsa Jesús. Miyeyi lane iñiya ija'a'me:

—¡Hosana! ¡Tunñu'enatso' LanDios! ¡Tipaxnetso' LanDios iñque Lummepo'! ¡Ima' joupá ocuai'ma! ¡Ima' mañRey, illanc' ixanuc' Israél!

14 Jesús joupá iximpa laca'huaj burro, enafcai'ma. Toñta'a li'ipa ma to loya'apa al Paxi Liniñingiya, ticua:

15 Cunc'ixanuc' loñpiya' Sión: Aimixpailij'molhuo', aimoñsueñmot'ñe'me.

¡Toñsinñe! Icuai'co'ma loñRey ñenafcaic' li'hua cal burro.

16 He litine ts'ilihuequi Jesús aiquil'cueca li'ipa. Lijoupá lepenufina'pa Jesús pu'hua lema'a, i'ñujuaisnatsa linesma iñe liniñiya. I'ipa quilñsina' iñe lataiqui' tinesqui lo'iya Jesús.

17 Lan xanuc' nixinghuo'me Lázaro litine lipananni lipu'hua, iñiya uya'ahuo'me Jerusalén.

18 Lan xanuc' nicuejpá iñe al cueca' li'epa Jesús ipalunca liñpiya' Jerusalén, italecuñhuo'me Jesús.

19 Lam fariseo ipalaic'o'moñtsi, timiyotñsi:

—¡Toñsinñe! ¿Te cañ'eyacu? Jahuay lan xanuc' tihuejñayi Jesús.

20 Timana' hualca lan xanuc' griego jilpiya liñya' Jerusalén. Iñiya jouch'a icula'apá tixinna quilñjuic, texc'onñingotñaita LanDios.

21 Iñiya icuaita pe lopa'a Felipe. Felipe lipiñya' Betsaida lopa'a al distrito Galilea. Timiyi:

—Mañpima, añpic'a añsinñe Jesús.

22 Felipe i'hua'ma u'itsi Andrés. Ihe loquexi' iye'me u'itsa Jesús.

23 Jesús timila':

—Iya' itque cal Xans Liximpa cal profeta pu'hua lema'a. Joupa icuai'ma lai'hora. Ałsim'ma naitsi iya'.

24 'Iya' camilhuo' al linca: Anulij łaj fanu' trigo ja'ni aimifanni, ja'ni aimemunni łamats', itque tipanehuo quituca'. Aimi'asya. Ja'ni tifańte, ja'ni temunńte łamats' itque ti'as'ma, ticuef'ma axpe'.

25 Cal xans noximpoxi cuanuc' lipitine, itque tejac'ma lipitine. Petsi aimixinyoxi cuanuc' lipitine, petsi aimixhueł'mecoyoxi te coyaicoya fa'a li'a łamats', itque linca tulijna'ma lipitine aimijouya.

26 Nai ts'ipic'a ti'ela' laipenic', lihuejla'. Pe laifpa'a iya' jilpiya jouc'a tipajnta itque łaltoc'ipa, ałmajnta anuli. Naitsi no'epa laipenic', cai'Ailli' timetsaiconam'a.

27 'Itsiya caxhuełma juaiconapa. ¿Te caifmiya cai'Ailli'? ¿Te cami'ma: “Mai'Ailli', joupa icuai'ma lai'hora, lunńu'ela'. Tołta'a aicatełcoya”? A'i. Aimi'iya camiya tołta'a. Iya' aicuaicoco'ma fa'a li'a łamats' catełco'ma.

28 Jesús ti'hua tipalay, tipalaic'o' qui'Ailli', timi:

—Mai'Ailli', caxahue'ehuo' tomuc'itsola' lan xanuc' ima' linca unCuecaj CanDios.

Lan xanuc' icuej'me tipalaiyinni jipu'hua lema'a, timi Jesús:

—Iya' joupa aimuc'ipola' lan xanuc' iya' ninCuecaj CanDios. Ma tołta'a camuc'icona'mola'.

29 Lan xanuc' nacaxhuołanna jilpiya iquimf'e'me. Ihe ticuayi:

—Una'apa.

Locuenaye ticuayi:

—A'i cuna'e'. Anuli łapaluc quema'a ipalaic'opa Jesús.

30 Jesús timila':

—Joupa aixina' ile lataiqui' lałmipa. Itque nipalaipa ipic'a imanc' jouc'a tołquimf'ete, tołapenufle.

31 Itsiya LanDios tipango'ma timuc'i'molhuo' te ts'i'ic' lołpicuejma' imanc' nołmana' fa'a li'a łamats'. Timuc'i'molhuo' petsi al c'a, petsi a'ijc'a. Itsiya tuliquinam'me nocuxepola' lan xanuc', ihniya pe aimihuejyi LanDios. LanDios teca'nita.

32 Ałnof'e'ma jifa'a li'a łamats'. Tijoułta' lapi'i'ma laimane, cajoc'i'mola' lan xanuc' ni petsi lomana', ałcuec'e'ma.

33 Locuapa Jesús: “Ałnof'e'ma”, ile linespa timuc'ila' lan xanuc' te ts'i'ic' mimaya.

34 Lan xanuc' timiyi:

—Lałje'e liniliya locuxepa LanDios tuya'e': “Cal Cristo tipajm'ma, aimimaya”. Ja'ni cal Cristo aimimaya, ¿naitsi itque

cal Xans Ìiximpa cal profeta pu'hua lema'a? Ima' tocuá: Ti'nof'em'me.

³⁵ Jesús timila':

—Fa'a tipa'a ñapalc'o'ipolhuo'. Ìñque aimicoña fa'a li'a ñamats'. Ma mipa'a lepalc'o' tonlihuejle ññque. Ticuaitsi lipuqui' timufaj'molhuo'. Naitsi no'huapa al muf aimixina pe cotseya.

³⁶ Mipa'a ññque Lepalc'o' tolapenufle Lepalc'o'. Toña'a ti'onñcotolhuo' to Lepalc'o'. Jouc'a tonlapalc'o'i'mola' loñ'as xanuc'.

Lijoupa limipola' toña'a Jesús aiquipalaic'oconala' ññiya. I'hua'ma petsi lan xanuc' aimixingonayacu.

³⁷ Tama axpe' ixim'me Jesús lo'epa al cueca', ññiya lan xanuc' aimepenufyi. Ticuayi: “A'ij ñinca lonespa”.

³⁸ Toña'a enañcopa ññe lataiqui' linespa cal profeta Isaías, tuya'e':

Mai'Ailli', ailopa'a ñalapenufponga' illanc' lañaiqui'.

Ailopa'a nonesya: Iya' ñinca aiximpa al cueca' lo'epa ñanDios.

³⁹⁻⁴⁰ Isaías inescopola' ññe lan xanuc' pe aimepenufyi Jesús. Ticua ññiya aimi'iya mi'huaiyijnyacu, tuya'e':

I'e'empola' afohue, i'e'empola' ata ññpicuejma'.

Toña'a tama tipa'a ññ'u' aimixinyacu,

tama tipa'a ññpicuejma' aimicuec'eyacu, aimipailiyacu, aimix-huej'meyacu.

Toña'a aimi'iya caxa'meyacola'.

⁴¹ Toña'a linespa Isaías mixina Jesús ññpe lema'a, ai'a ticuaihuo li'a ñamats'. Iximpa te ts'i'ic' ññque lixans. Lijou'ma ipalaico'ma.

⁴² Tama al ñinca ññe licuapa Isaías timana' lan xanuc' i'huaiyijm'me Jesús, hualca ññiya ññenic'. ññe i'e'moñtsi ch'ix. Tixpaic'eyi lo'eyacu lam fariseo. ññiya ticuayi: “Ja'ni lan xanuc' tepenufle Jesús litaiqui' aimalapi'iconayacola' lane mitsuflaiconayacu lajut'ñ pe lalafot'ñeyopoñtsi”.

⁴³ Lan xanuc' no'epoñtsi ch'ix xonca ññpic'a tepenufintsola', ññpic'a tixinintsola' lan c'a xanuc'. Aimehueyi ñanDios latenñcocopa. Toña'a aimuya'ayi ja'ni ti'huaiyijnyi Jesús.

⁴⁴ Jesús uya'a'ma, timila':

—Cal xans ñalapenufpa iya', lapenufinga' illanc', iya' jouc'a ññque ñalummepa, a'i iya' caituca'.

⁴⁵ ññque ñalahuelojmpa iya', ññque ñahuelonginga' illanc', iya' jouc'a ñalummepa.

⁴⁶ Iya' aicuaicoco'ma li'a ñamats' capalc'o'i'mola' lan xanuc'. Cua naitsi ñalapenufpa ññque aimipaneya muf lipicuejma'.

⁴⁷ Cal xans ja'ni aimalihuejma, ja'ni ma le'a añquimf'e iya' laitaiqui', iya' aicacani'e ññque cal xans. Iya' a'i cacani'eyacola' lan xanuc' nomana' fa'a li'a ñamats'. A'i ñiya aicuaicoco'ma. Aicuaicoco'ma cunñu'e'mola'.

48 'Cal xans ja'ni aimalapenufi iya' laitaiqui', latets'ipa, tipa'a lacani'eya. Ticuaitsi Lijoujma Quitine ihe laitaiqui' lainespa, ma ihe lataiqui' tecani'e'ma iŋque.

49 Ihe laitaiqui' aiqipayoya laipicuejma' iya' caituca'. Cai'Ailli', iŋque Łalummepe, maŋquiya ałsc'ai'ipa laifpalaicoya.

50 Iya' joupa nimetsaicopa ac'a ihe laitaiqui' lałsc'ai'ipa cai'Ailli'. Ihe laitaiqui' lapi'ipa cu'itsola' lan xanuc'. Aixina' ja'ni lapenufla' iya' laitaiqui', ihe lan xanuc' tulij'me liłpitine aimijouya. Ma lałmipa cai'Ailli', tołta'a capalaic'ocola' lan xanuc'.

13

1 Icuai'co'ma al juic cuftine al Pascua. Jesús joupa ixina' icuai'ma li'hora. Tipanno fa'a li'a łamats', ti'huana'ma, ticuainata pe lopa'a qui'Ailli'. Jesús ti'ela' capic'a ts'ilihuequi iłniya nomana' li'a łamats'. Itsiya timuc'i'mola' juaiconapa lo'epola' capic'a.

2 Judas li'hua Simón Iscariote, Satanás joupa icuxe'epa te ts'i'ic' lo'eya. Ticu'ma Jesús.

Jesús y ts'ilihuequi tixmocoyi anuli.

3 Ixina' qui'Ailli' epi'ipa limane ticuxe'ma jahuay. Ixina' qui'huayomma pe lopa'a ŁanDios. Ixina' ti'huana'ma, ticuainata małpe pe lopa'a ŁanDios.

4 Mixmocoyi ts'ilihuequi, Jesús itsahuenni, ipa'a'ma lit-samalo, ipo'no'ma jilpe liju', ixpejm'moxi al toalla.

5 Uhuaf'ma al cutse caja'. Ipango'ma epac'e'e'mola' lił'mitsi' ts'ilihuequi, tetufc'e'ecola' al toalla.

6 Ti'hua tepac'e'ela' lił'mitsi' ts'ilihuequi, icuaitsi pe locut-suya Simón Pedro. Pedro timi Jesús:

—Mai'ailli', ima' a'i malapac'e'e'ma lai'mitsi'.

7 Jesús timi:

—Itsiya ima' aicocueca laif'epa. Ticuaihuo litine tocuec'ena'ma.

8 Pedro timi:

—ıIma' aimi'iya malapac'e'eya lai'mitsi'! Aicapi'iyaco' lane. Jesús italai'e'ma, timi:

—Ja'ni aicapac'e'ehuo' lo'mitsi', aimi'iya małmajnyacu anuli.

9 Simón Pedro timi:

—Ne'. Mai'ailli', lapac'e'ełta' lai'mitsi', lulahuiłta' laimane', aljuitsai'ila' łajjuac.

10 Jesús timi:

—Ma le'a capac'e'e'mo' lo'mitsi'. Cal xans joupa łepopa, iŋque alimpio. Ma le'a li'mitsi' tixisma. Imanc' lalihuequi unc'ilimpio. Tama tołta'a laifmipolhuo', a'ij limpio jahuay imanc'.

11 Jesús joupa ixina' naitsi locuya. Toŧta'a ticua: “A'ij limpio jahuay imanc”.

12 Lijoupa lepac'e'epola' liŧ'mitsi' ts'ilihuequi, ipo'nocona'ma litsamalo, icutsaicona'ma. Timila' ts'ilihuequi:

—¿Te oŧcuc'epá iŧe lai'e'epolhuo'?

13 Imanc' aŧmi “Momxi”, “Mapoujna”; ma' al linca iŧta'a loŧnespa. Iya' Nomxi, iya' naPoujna.

14 Iya' Nomxi, naPoujna, joupa nepac'e'epolhuo' loŧ'mitsi', imanc' ts'alihuequi. Itsiya camilhuo': Imanc' tolapac'e'e'moŧsi loŧ'mitsi'.

15 'Iya' aimuc'ipolhuo' lonŧ'eyacu. To iya' lai'epa, imanc' jouc'a tonŧ'e'me.

16 Iya' camilhuo' al linca: Loŧoc'iyalepa aimi'iya mulijya lipoujna. Iŧque linca xonca acueca'. Ma' anuli loŧmempa aimi'iya mulijya loŧmeyalepa, iŧque xonca acueca', locuena ma le'a apaluc.

17 Ja'ni imanc' joupa oŧcueca iŧiya, ma tolihuejle. Toŧta'a tuluyalaico'me al c'a.

18 'A'i capalaicolhuo' toŧta'a jahuay imanc'. Nimetsaicolhuo', aixina' naiŧne lai'huij'epola'. Jouc'a aixina' tenanŧco'ma al Paxi Linilingiya. Iŧe lataiqui' tuya'e': “Petsi ŧaŧtetsumlepa, maŧque ŧaŧtepa ŧala'i anuli, iŧque al'epa laic”.

19 'Itsiya cu'ilhuo' laifnuyaicoya. Ticuaitsi litine ti'iŧa' toŧta'a toŧ'nujuais'me laifmipolhuo'. Toŧcua'me: “Al linca linespa Jesús. Ma to linescopoxi ma toŧta'a iŧque.”

20 Iya' camilhuo' al linca: Cal xans napenuŧpa ŧaifnummepa, lapenuŧinga' iya' jouc'a iŧque. Cal xans ŧalapenuŧpa, lapenuŧinga' iya' jouc'a ŧalummepa.

21 Lijoupa licuapa iŧne ŧataiquí Jesús ixhueŧconanni juaiconapa. Timila' ts'ilihuequi:

—Iya' camilhuo' al linca: Anuli imanc' aŧcu'ma.

22 Ts'ilihuequi ixhueŧconca. Ehuelojm'moŧsi, ticuayi liŧpicuejma': “¿Naitsi copalaicopa Jesús? ¿Naitsi lo'eya toŧta'a?”

23 Maŧpe liju' Jesús ticutsu anuli ts'ihuequi. Jesús ti'ay capic'a juaiconapa iŧque ts'ihuequi.

24 Simón Pedro tife'ne lijuac, i'e'ma ŧeŧna iŧque ts'ihuequi Jesús. Icuxe'e'ma ticuis'eŧa' Jesús: “¿Naitsi iŧque locuyaco'?”

25 Iŧque ts'ihuequi iŧoc'huai'ma xonca ahuejnca Jesús, icuis'e'ma, timi:

—Mai'ailli', ¿naitsi iŧque lo'e'eyaco' toŧta'a?

26 Jesús italai'e'ma, timi:

—Cajac'e'ma iŧca'a ŧahualca ca'i, capi'i'ma anuli ŧaŧejmale titela'. Iŧque linca ŧalcuya.

Jesús ijac'e'ma ŧe'i, epi'i'ma Judas Iscariote ŧi'hua cal xans cuŧtine Simón.

27 Ma miteja ła'i lonta'a titsufay itque cal xans. Jesús timi:

—Ima' oxina' lof'eya. Aimicoł'mo'. Tołe to'ela'.

28 Locuenaye ts'ilihuequi Jesús nocutshuołanna jilpiya aiqiułsina' te quimicopa Jesús tołta'a Judas.

29 Judas hitaic' al ponta pe lo'nij'mimpa al tomí. Oquexi' afantsi ticuayi: “¿Ja'ni tipa'a lalahue'eponga' al juic? ¿Te Jesús ummepa ti'nata? O ¿ja'ni ummepa tepi'itola' quitołmí lan xanuc' pe aiqiuł'hueca?”

30 Lijoupa litepa ła'i Judas aiqicołi, ipanni. Joupa i'ipa quipuqui'.

31 Lijoupa lipanni Judas, Jesús ipalaic'o'mola' ts'ilihuequi, timila':

—Itsiya joupa i'ipa, aimehue'e'. Iya' itque cal Xans Łiximpa cal profeta pu'hua lema'a. ŁanDios timuqui naitsi iya'. Tołta'a iya' jouc'a camuqui te ts'i'ic' lipicuejma' ŁanDios.

32 Ma camuqui te ts'i'ic' lipicuejma' ŁanDios, itque xonca timuj'ma naitsi iya'. Aimicołya. Timuj'ma nulemma naitsi iya'.

33 'Cunc'ainaxque', aimalcołya jifa'a pe lołmana'. Ca'huana'ma. Lahue'ma imanc'. Joupa aimipola' lan xanuc' judío: “Iya' ca'hua'ma caituca'. Aimi'iya małeyacu anuli.” Ma tołta'a camilhuo' imanc'.

34 Itsiya cacuxe'elhuo' lonłeyacu. Ite al ts'e cataiqui'. Cacuxe'elhuo': Tonł'e'etsoltsi capic'a. Ma to iya' ca'elhuo' capic'a, tołe imanc' tonł'e'etsoltsi capic'a.

35 Ja'ni tonł'e'etsoltsi capic'a, jahuay lan xanuc' timet-saico'molhuo' imanc' alihuequi.

36 Simón Pedro timi:

—Mai'ailli', ¿pe cołtseya?

Jesús italai'e'ma, timi:

—Iya' ca'hua'ma laipene. Itsiya aimi'iya małeyacu anuli. Tijouł'a ima' to'hua'ma lopene ti'onłcota to laipene. Tołta'a linca lihuej'ma.

37 Pedro timi:

—Mai'ailli', ja'ni aimi'iya małeyacu anuli itsiya, ¿te co'iyaco'? Tama alma'ala' iya' cacu'ma laipitine cunłu'eco'mo'.

38 Jesús timi:

—¿Te alinca tocu'ma lopitine lunłu'eco'ma? Iya camihuo' al linca: Iłta'a lipuqui' ai'a tija'a'ma łangiti, ima' tones'ma afanemma: “Iya' aicainimetsaijma Jesús”.

14

¹ Jesús ti'hua tipalaic'ola' ts'ilihuequi, timila':

—Itsiya tołsuełcoyi. Iya' camilhuo': Aimol'suełmot'le'me. Imanc' toł'huaiyijnyi ŁanDios. Jouc'a iya' al'huaiyijnla'.

² Cai'Ailli' acueca' lejut'í. Tipa'a axpela' lejut'í petsi lo-manc'eyacu laixanuc'. Ma' al linca ile laifnespa. Ja'ni a'i co'a' aicu'iyacolhuo' to'ta'a. Iya' ca'huana'ma calanc'e'etolhuo' colmanc'eyacu. Ałmajnta anuli.

³ Tijou'a' calanc'etsi lołmanc'eyacu capaiconno. Calaitsuf-conatolhuo'. Ałmajnta anuli.

⁴ Imanc' joupa ołsina' pe laiftseya, joupa ołsina' lane.

⁵ Tomás timi:

—Mai'ailli', aicałsina' pe coftseya. ¿Te co'iya małsinyacu ile lane?

⁶ Jesús timi:

—Cal xans ts'ipic'a ticuaitsi pe lopa'a cai'Ailli' ŁanDios ticuicomma tixin'a' lipene lo'huaya. Jouc'a ticuicomma tixin'a' al linca cataiqui'. Jouc'a ticuicomma tepi'in'e lipitine aimijouya. Imanc' ja'ni joupa lapenufpa, joupa ołsimpá lane, tolihuejyi al linca, tipa'a lołpitine aimijouya. Cal xans pe aimalapenufi iłque aimicuaiya pe lopa'a cai'Ailli'.

⁷ 'Imanc', ja'ni joupa alimetsaicopa, limetsaiconga' illanc', iya' y cai'Ailli'. Itsiya iłque cai'Ailli' tolimetsaicoyi, joupa ołsimpá.

⁸ Felipe timi:

—Mai'ailli', ałmuc'itsonga' ŁanDios, iłque co'Ailli'. Tijou'a' aimałsahue'eyaco' xonca.

⁹ Jesús timi:

—Axpe' mut'la i'ipa małmana' anuli. ¿Te aicalimetsaijma? Naitsi łalahuelojmpa iya', iłque joupa lahuelojmponga' illanc', iya' y cai'Ailli'. ¿Te całmicopa: "Ałmuc'itsonga' co'Ailli'"?

¹⁰ ¿Te ima' aicomenufi ile lainespa? Joupa nuya'apa: Pe lopa'a cai'Ailli' małpe capa'a iya'. Pe laifpa'a iya' małpe tipa'a cai'Ailli'. Ma' ałmana' anuli.

'Laifnu'ipolhuo' iya' aici'huayoya laipicuejma' iya' caituca'. Imanc' ałsimpa lai'epa acueca'. Małpe tołsinyi lo'epa cai'Ailli', illanc' ałmana' anuli.

¹¹ Ton'ele linca laifnespa: Pe lopa'a cai'Ailli' małpe capa'a iya'. Pe laifpa'a iya' małpe tipa'a cai'Ailli'. Ma' ałmana' anuli. O ja'ni aimi'iya mon'eyacu linca ile laifnespa, toł'nujuaitsa lai'epa acueca'. Ie timuc'ilhuo' ałinca laifnespa.

¹² 'Iya' camilhuo' al linca. Cal xans łalapenufpa ti'e'ma to laif'epa. Iya' ca'hua'ma pe lopa'a cai'Ailli'. Tijou'a' ca'huanta' xonca acueca' ti'e'ma iłque łalapenufpa.

¹³ Imanc' ja'ni tołsinyi naitsi iya', ja'ni limetsaijma, nipajnya tołsa'hue'me ŁanDios cai'Ailli' titoc'itsolhuo'. Tijou'a' ca'e'ma to tołsahue'epa, catoc'i'molhuo'. To'ta'a iya' i'Hua ŁanDios camuc'i'mola' lan xanuc' te ts'i'ic' lipicuejma' ŁanDios.

¹⁴ Camilhuo': Ja'ni i'ipa cołsina' naitsi iya', ja'ni limetsaijma, tołsa'hue'e. Tijou'a' iya' ca'e'ma małe to tołsahue'epa.

15 'Imanc', ja'ni a'ay capic'a tolanant'hi'me laitaiqui', tonl'e'me laifcuxe'epolhuo'.

16 Caxahue'e'ma cai'Ailli' tepi'itsolhuo' ocuena Lotoc'iyacolhuo'. Itque ticuaihuo pe lołmana', tołmajm'me anuli. Aimipo'noyacolhuo' cołtuca'.

17 Itque cal Espíritu tuya'a'ma al linca. Lan xanuc' nomana' fa'a li'a lamats' aimehuelojnyi itque, aiquilimetsaijma. Tołta'a aimi'iya mepenufyacu. Imanc' linca olimetsaijma. Itsiya tipa'a pe lołmana'. Ticuaihuo litine titsufai'molhuo' itque.

18 'Iya' aicapo'noyacolhuo' quecaniya. Capaiconno, cacuaiconno pe lołmana'.

19 Aimałcołya fa'a. Lan xanuc' nomana' fa'a, ilne naihuejpa quiltuca' liłpicuejma', ilniya aimalsingonaya. Imanc' linca ti'hua alsinna. Iya' tipa'a laipitine aimijouya. Imanc' jouc'a tołsim'me lołpitine aimijouya.

20 'Ticuaitsi ilne litine ti'i'ma cołsina' iya' y cai'Ailli' ałmana' anuli. Ti'i'ma cołsina' imanc' y iya' ałmana' anuli, iya' y imanc' ałmana' anuli.

21 Cal xans napenufpa laitaiqui' ilne laifcuxepa, itque łalihuequi, linca a'ay capic'a. Itque cal xans łal'epa capic'a cai'Ailli' ti'e'ma capic'a. Iya' jouc'a ca'e'ma capic'a, camuc'i'ma naitsi iya'.

22 Judas, itque locuena Judas, a'i Judas Iscariote, timi Jesús:

—Mai'ailli', ¿te całmuc'icoyaconga' ma le'a illanc'? Aimo-muc'iyacola' naitsi ima' locuenaye lan xanuc' nomana' li'a lamats'. ¿Te co'iya?

23 Jesús italai'e'ma, timi:

—Naitsi łal'epa capic'a, itque naihuejcopa laitaiqui', cai'Ailli' ti'ena'ma capic'a jouc'a. Ałcuainacu pe lopa'a. Ałmajn-na'me anuli.

24 Naitsi aimał'ay capic'a, itque aimihuequi laitaiqui'. Ihe ałtaiqui' illanc', iya' y cai'Ailli', itque Łalummepa.

25 'Ma małmana' anuli fa'a li'a lamats' iya' cu'ilhuo' laitaiqui'.

26 Tijouła' ticuaiyunni Notoc'iyacolhuo', itque cal Espíritu Santo, itque timuc'i'molhuo' jahuay. Ti'nujuaitsi'ina'molhuo' laifmipolhuo'. Iya' joupa aixahue'epa cai'Ailli' tummeła'. Itque tumme'e'molhuo'.

27 'Tolunxac'e'etsołtsi łolunxajma', ailopa'a tintsí. Tołta'a laitaiqui' laifpaxnepolhuo', laifnepi'ipolhuo'. Linca jifa'a li'a lamats' lan xanuc' naihuejpa quiltuca' liłpicuejma' ilne jouc'a timi'molhuo': "Ailopa'a tintsí". Ilne liłtaiqui' aimi'onłspa iya' laitaiqui' laifnu'ipolhuo' itsiya.

28 Joupa ołcuejpa laimipolhuo'. Joupa nu'ipolhuo': "Ca'huana'ma. Tijouła' ca'huanta' capaiconno,

cacuaicoconno.” Ja'ni a'ay capic'a ti'i'ma lołpinoxjma cata. Ca'huana'ma pe lopa'a cai'Ailli'. Itque cai'Ailli' xonca acueca'.

²⁹ Itsiya nu'ipolhuo' lo'iya. Tijoula' ti'ila' tołta'a toł'nujuaista ihiya laimipolhuo', tołnes'me: “Linespa Jesús ma' al linca”.

³⁰ 'Itsiya huata capalaic'o'molhuo'. Ticuaihuo itque nocux-epola' lan xanuc' nomana' fa'a li'a łamats', iłne naihuejpa' quilituca' liłpicuejma'. Itque aimalçuxe iya'.

³¹ Ma to lałçuxe'epa cai'Ailli' ma tołta'a ca'ay, ca'e'ma. Ti'ila' quilsina' lan xanuc' iya' ca'ay capic'a cai'Ailli'.

'Tołtsolina. ¡Łepá!

15

¹ 'Iya' a'lonłcospa to lujxi al 'ec 'uva. Ite al 'ec tipa'a łimané. Iya' ałinca capa'a iłe lujxi al 'ec. Cai'Ailli' łal'eponga' cuenna, iya' jouc'a łaimané.

² Iłne łaimané, ja'ni anuli ailopa'a qui'as, cai'Ailli' tetejna'ma. Pe lo'aspa ti'huij'ma. Tołta'a ti'ila' limpio. Ti'asla' xonca.

³ Itsiya joupá olapenufpá laitaiqui', iłe lainu'ipolhuo'. Tołta'a ŁanDios iximpolhuo' unc'ilimpio.

⁴ Aimolanaj'mołtsi iya'. Iya' jouc'a aicanajyacoxi imanc'. Anuli limane al 'ec ja'ni tenajxoxi petsi liłujxi c'ec, iłe limane tipanehuo' quituca', aimi'asya. Tołta'a imanc' ja'ni tolanajt-sołtsi, ti'onłcotołhuo' to limane al 'ec pe lipanemma quituca', aimi'asyacolhuo'. Ticuicomma małmajm'me anuli. Ja'ni a'i ailopa'a conł'eyacu al c'a.

⁵ 'Iya' Nujxi C'ec. Imanc' aimané. Ja'ni aimolanajyołtsi iya' jouc'a aicanajyacoxi, małmajm'me anuli. Tołta'a ti'onłcotołhuo' to łimané al 'ec no'aspa juaiconapa.

⁶ Ja'ni tolanajtsołtsi imanc' ti'onłcotołhuo' to łimané al 'ec leca'nimpa aculi'. Tijul'mola'. Tijoula' tijułtsola' tefot'lena'me jouc'a lif'as quijułpa, tihuoxc'ona'me lonajpa łunga, tipi'em'me.

⁷ Ja'ni aimolanajyacołtsi, ja'ni aimolimenc'ecoyi laitaiqui', nipajnya tołsa'hue'me, tepi'im'molhuo' iłe lołsahue'epa.

⁸ Ja'ni ti'onłcospolhuo' to łimané al 'ec no'aspa juaiconapa, anuli anuli ti'atsi, imanc' linca alihuequi. Tołta'a lan xanuc' tixim'me acueca' cai'Ailli'.

⁹ 'Ma to cai'Ailli' a'ay capic'a, tołta'a iya' ca'elhuo' capic'a. Aimolanaj'mołtsi. Małmajm'me anuli, tołta'a ti'hua ca'elhuo' capic'a.

¹⁰ Imanc' ja'ni tolıhuejcoyi laifçuxe'epolhuo', itine itine tołsim'me ca'elhuo' capic'a. Tołta'a iya' lai'ejma'. Iya' quihuejma lałçuxe'epa cai'Ailli', itine itine aixina' a'ay capic'a itque.

¹¹ 'Tolapenufle laitaiqui' laifnu'ipolhuo'. Tołta'a ti'i'ma acueca' lołpinoxjma cata. Ma to iya' tixoqui neta, tołta'a imanc' tixoj'ma cunlata. Aimi'iya mołsuełmot'łeyacu.

¹² Itsiya cacuxe'elhuo' lonf'eyacu. Camilhuo': Tonf'etsotsti capic'a. Ma to iya' ca'elhuo' capic'a, tofe imanc' tonf'etsotsti capic'a.

¹³ Cal xans, ja'ni acueca' ti'ela' capic'a nonanc'opotsti ticu'ma lipitine tunlu'e'mola' ihniya. Ailopa'a xonca acueca' co'eya.

¹⁴ Imanc' aḥnanc'oyoḥtsi ja'ni tonf'eyi laifcuxe'epolhuo'.

¹⁵ 'Itsiya capalaic'olhuo' a'i lopalaic'onyacola' lam mozó. Cal mozo aikuixina' lo'eya hipoujna. Iḥque hipoujna aimu'iya. Illanc' aḥejmaleyi. Camilhuo': Iya' aḥnanc'oyoḥtsi. Ailopa'a cainemi'epolhuo'. Jahuay lalupa cai'Ailli' joupa nu'ipolhuo' imanc'.

¹⁶ Iya' ai'huijf'epolhuo'. Imanc' a'i caḥ'huijf'e iya'. Camilhuo': Nimetsaicopolhuo' aixanuc'. Caxpic'e tonḥeḥe. To al c'a c'ec tipammaispa toḥta'a tipammaitolhuo' imanc'. He al c'a lonf'eyacu tipanehuo. Imanc' aixanuc'. Limetsaijma naitsi iya'. Toḥta'a cai'Ailli' tepi'i'molhuo' loḥsahue'eyacu.

¹⁷ Tonf'etsotsti capic'a. Toḥta'a laifcuxe'epolhuo' imanc'.

¹⁸ 'Lan xanuc' naihuejpa' quituca' liḥpicuejma', ja'ni ti'elhuo' laic', aḥ'nujuaisla' iya' laḥ'epa. Ate'a aḥ'epa laic' iya'.

¹⁹ Imanc' ja'ni coḥa' tolihuejyi coḥtuca' loḥpicuejma' ihniya lan xanuc' ti'e'molhuo' capic'a. Timi'molhuo': "Ninc'apimaye". Imanc' aimolihuejyi coḥtuca' loḥpicuejma'. Iya' ai'huijf'epolhuo'. Toḥta'a ocuena loḥ'ejma'. Toḥiya ihniya ti'e'molhuo' laic'.

²⁰ 'Aḥ'nujuaisla' iya' laitaiqui'. Joupa aimipolhuo': "Notoc'iyalepa aimi'iya mulijya hipoujna. Iḥque hipoujna linca xonca acueca'." Ma to li'e'empa hipoujna, toḥta'a lo'e'enyacu cal mozo. Iya' joupa lihuetsoquimpa jouc'a tihuetsuquim'molhuo'. Ihniya ja'ni coḥa' ihuej'me laitaiqui', jouc'a tihuej'me loḥtaiqui'.

²¹ Imanc' aixanuc', toḥta'a iḥne lan xanuc' ti'e'molhuo' laic', tihuetsuquim'molhuo'. Ihniya aikuilimetsaijma iḥque Lalummepa.

²² 'Iya' ja'ni coḥa' aicaicuaiyunni fa'a li'a ḥamats', ja'ni coḥa' aicaipalaic'o'mola', ihniya ti'i'ma tines'me: "Ailopa'a caḥjunac'". Iya' aicuai'ma, aipalaic'o'mola'. Itsiya aimi'iya minesyacu: "Ailopa'a caḥjunac'". Iḥne ailopa'a cotalai'ecoyacu.

²³ Iḥque ḥalixtuc'opa jouc'a tixtuc'o cai'Ailli'.

²⁴ Iya' pe lomana' lan xanuc' joupa ai'epa acueca'. Ailopa'a no'eya to iḥta'a lai'epa iya'. Ja'ni coḥa' aicai'aic' toḥta'a ihniya ti'i'ma tines'me: "Ailopa'a caḥjunac'". Itsiya aimi'iya minesyacu toḥta'a. Joupa aḥsimpa acueca' lai'epa. Joupa aḥ'eponga' laic', iya' y cai'Ailli'.

²⁵ 'He laḥ'epa ma tenant'hi al Paxi Linilingiya loya'apa: "Tama ailopa'a caif'e'epola' ihniya aḥ'epa laic'".

26 'Pe lopa'a cai'Ailli' jipe tipa'a Notoc'iyacolhuo', ique cal Espíritu Santo nonespa al linca. Ique co'huayoya ma le'a LanDios. Iya' cumme'e'molhuo' pe lołmana'. Ticuaiyunni fa'a li'a łamats' ique ałnesco'ma iya'.

27 Imanc' jouc'a ałnesco'ma. Lipangopa laipenic' fa'a li'a łamats' ałejmalepá, iya' y imanc'. Imanc' ałsimpa acueca' lai'epa, limetsaicopa laipicuejma'. Tołta'a ałnesco'ma, tolu'i'mola' lan xanuc'.

16

1 'Joupa nu'ipolhuo' te ts'i'ic' moluyalaicoyacu. Tolapenufle ihe laimipolhuo'. Tołta'a aimolanajyacotłsi.

2 Itsiya camiconam'olhuo' te ts'i'ic' moluyalaicoyacu: Tipa'am'molhuo' łajut'li pe lafot'leyopotłsi. Ticuaihuo litine ihniya noma'ayacolhuo' tines'me: "Joupa aima'apa ique lihuejpa Jesús. Ihe lai'epa etentłcocopa LanDios."

3 Ihniya pe noma'ayacolhuo' aicalimetsaiconga' iya' ni cai'Ailli'.

4 Tołta'a laifnu'ipolhuo'. Ticuaitłi litine tołtełcole toł'nujuaisnata laimipolhuo'. Ma małmana' anuli aicainu'ilhuo' tołta'a.

5 Itsiya ai'huanapa, cacuainata pe lopa'a ique Łalummepa. Imanc' aimalicuis'e: "¿Pe cołtseya?" Nij anuli nalicuis'epa tołta'a.

6 'Ihe laimipolhuo' epi'ipolhuo' acueca' quixhuejma'.

7 Iya' camilhuo' al linca: Ticuicomma ca'huana'ma. Ja'ni a'i, Notoc'iyacolhuo' aimicuaiya pe lołmana'. Ja'ni ca'huanłta' linca ticuaihuo. Iya' cumme'etolhuo' pe lołmana'. Tołta'a xonca al c'a loluyalaicoyacu.

8 'Ique cal Espíritu Santo ticuaiyunni li'a łamats' timuj'ma ailopa'a cotalai'e'ecoyacu LanDios ihe lan xanuc' naihuejpa quıłtuca' liłpicuejma'. Timuj'ma te ts'i'ic' lajunac', timuj'ma te ts'i'ic' al c'a, timuj'ma ałınca LanDios titeł'mi'mola' ihe ts'ıłtaic' quıłjunac'.

9 'Ihe aical'huaiyinge, tołta'a cal Espíritu Santo timuj'ma ıłtaic' liłjunac'.

10 Iya' ca'huana'ma pe lopa'a cai'Ailli', imanc' aimalahuelo-jnconaya aicapajnconaya fa'a li'a łamats', cai'Ailli' lapenufnata pu'huanni. Tołta'a cal Espíritu Santo timuj'ma ac'a lai'epa iya'.

11 'Ticuaiyunni cal Espíritu Santo LanDios joupa ulijpa Satanás, iteł'mipa ique nocuxepola' lan xanuc', ihe naihuejpa quıłtuca' liłpicuejma'. Tołta'a cal Espíritu Santo timuj'ma ałınca LanDios titeł'mi'mola' lan xanuc', ihe ts'ıłtaic' quıłjunac'.

12 'Tipa'a xonca laifnu'iyacolhuo'. Itsiya aimi'ya cu'iyacolhuo'. Imanc' tołsim'me ipime ihe laitaiqui'.

13 Ticuaiyunni cal Espíritu Santo iłque noya'apa al linca, panca panca timuc'i'molhuo'. Tołta'a ti'i'ma cołsina' jahuay al linca cataiqui'. Cal Espíritu aimuya'aya quituca' lipicuejma'. Tu'i'molhuo' ma loquimf'epa, iłiya lataiqui' lu'ipa ĒanDios. Tu'i'molhuo' lo'iya.

14 Iłque limetsaijma, ałnesco'ma. Aiminescoyacoxi. Ma le'a ałnesco'ma iya' lai'ejma', laipicuejma', laimane.

15 Ma to li'ejma', lipicuejma', limane cai'Ailli', ma' anuli iya' lai'ejma', laipicuejma', laimane. Tołiya joupa aimipolhuo': "Iłque cal Espíritu aiminescoyacoxi. Ma le'a ałnesco'ma iya' lai'ejma', laipicuejma', laimane."

16 'Tuyaiła' nihuata aimalsingonaya. Tuyaiconła' nihuata alsingona'ma.

17 Hualca ts'ilihuequi ipalaic'opołtsi, timiyolołtsi:

—¿Te calmicoponga' tołta'a? Ticua: "Tuyaiła' nihuata aimalsingonaya. Tuyaiconła' nihuata alsingona'ma." Jouc'a ticua: "Ai'huanapa pe lopa'a cai'Ailli'".

18 Ti'hua tipalaic'oyołtsi, ticuayi:

—¿Te cocuajmaispa licuapa: "Tuyaiła' nihuata"? Aicalcueca iłe litaiqui'.

19 Jesús ixina' iłpic'a ticuis'ełe te cocuapa iłiya lataiqui'. Tim-ila':

—¿Te colicuis'ecopołtsi te cocuapa iłiya laitaiqui': "Tuyaiła' nihuata aimalsingonaya, tijouła' tuyaiconła' nihuata alsingona'ma"?

20 Iya' camilhuo' al linca. Imanc' tołhuotso'me, tołjolij'me. Lan xanuc' nomana' fa'a li'a łamats', iłne naihuejpa' quilituca' liłpicuejma', iłniya tixoj'ma quileta. Imanc' tołhuotso'me juaiconapa. Tijouła' aimołhuotsoconayacu. Tiłonc'e'em'molhuo' lołpixhuejma', tixoj'ma cunlata.

21 Łaca'no' titełco'ma tipajntsi ki'hua. Tixhuełma, ticua: "Joupa ixhuaita litine. Joupa ał'huajcopa łaipunla." Tijouła' tipajntsi ki'hua, timence'co'ma łipunla. Tixoqui queta. Ticua: "Łacapími' joupa ipajnta, icuai'ma fa'a li'a łamats'".

22 'Tołta'a loluyalaicoyacu imanc'. Itsiya tołhuotsoyi, tołsuelcoyi. Caxingona'molhuo'. Jiłpe litine tixoj'ma cunlata. Ailopa'a naiłonc'e'eyacolhuo' iłe lołpixojma cata.

23 'Jiłpiya litine aimalicuis'econaya. Iya' camilhuo' al linca: Imanc' ołsina' naitsi iya', limetsaijma, jahuay lołsahue'eyacu cai'Ailli' tepi'itsolhuo', iłque tepi'i'molhuo'.

24 Aicołsahue'e tołta'a cai'Ailli'. Itsiya camilhuo': Imanc' ołsina' naitsi iya', limetsaijma, tołmife tołta'a cai'Ailli', tołsahue'e'me. Tołta'a linca tepi'i'molhuo'. Tijouła' ti'i'ma xonca juaiconapa acueca' lołpixojma cata.

²⁵ 'Iya' laipalaic'opolhuo' a'ij cuajmaica cataiqui', ma le'a ai'onhicopa. Ticuaihuo litine aica'onhicoya. Cu'ina'molhuo' al cuajmaica. Cami'molhuo' te ts'i'ic' cai'Ailli'.

²⁶ Imanc' ołsina' naitsi iya', limetsaijma. Ticuaiyunni jilpe litine imanc' tołmile tołta'a cai'Ailli', tołsa'hue'me.

'Iya' a'i camilhuo': "Caxahue'e'ma cai'Ailli' tepi'itsolhuo'". A'i. Aicamiya tołta'a. Małque cai'Ailli' ti'elhuo' capic'a. Małque tepi'i'molhuo' lołsahue'epa.

²⁷ Imanc' ał'epa capic'a, lapenufpa iya' lainespa, joupa nu'ipolhuo': "Iłque ŁanDios Łalummepa". Tołiya małque ŁanDios ti'elhuo' capic'a.

²⁸ Iya' cai'huayomma cai'Ailli', aicuai'ma fa'a li'a łamats'. Itsiya ca'huana'ma, quipanahuo li'a łamats', cacuainata pe lopa'a cai'Ailli'.

²⁹ Ts'ilihuequi timiyi:

—Itsiya ałpalaic'onga' al cuajmaica, aimal'onhiconga' cataiqui'.

³⁰ Itsiya ałsina' ima' jahuay oxina', aimalicuis'econayaco'. Itsiya joupa i'ipa całsina' alinca o'huayomma ŁanDios.

³¹ Jesús timila':

—Itsiya, łte alinca limetsaijma naitsi iya'?

³² Ticuaihuo al 'hora, itsiya icuai'ma, imanc' tolinul'me. Tonłeyołna'me lołajut'łi, tołaca'ne'mołtsi. Ałpo'no'ma caituca'. Tama tołta'a lał'e'eya aicapajnya caituca'. Cai'Ailli' tipa'a.

³³ Iya' cacua: Aimołsuełmot'łe'me. Tołiya joupa nu'ipolhuo' lo'iya. Ma mołmana' fa'a li'a łamats' linca tołtełco'me. Aimix-pailij'molhuo'. Tixojla' cunlata. Iya' joupa nulijpa.

17

¹ Tołe limipola' Jesús ts'ilihuequi. Lijou'ma ehuelojm'ma lema'a. Ipango'ma ipalaic'o'ma qui'Ailli', timi:

—Mai'Ailli', joupa icuai'ma lai'hora. Caxahue'ehuo' to-muc'itsola' laixanuc' naitsi iya'. Iya' o'Hua. Tołta'a camuc'i'mola' naitsi ima', ima' ai'Ailli'.

² Ima' joupa lapi'ipa laimane cacuxena'mola' jahuay lan xanuc'. Tołta'a capi'i'mola' laixanuc' liłpitine aimijouya. Iłniya laixanuc' ima' lapi'ipa.

³ Iłne pe lepi'impola' liłpitine aimijouya, ma' iłniya timet-saicohuo' ima' manDios. Jouc'a limetsaijma iya' ninJesu-cristo, ima' alummepa.

⁴ 'Fa'a li'a łamats' aimuc'ipola' naitsi ima'. Iłe laipenic' lalapi'ipa ima', joupa aijou'nepa.

⁵ Ai'a tilajm'ma li'a łamats' ałmana' anuli. Ailopa'a cal'onłcosponga'. Itsiya' mai'Ailli', lapenufnata' jilpiya pe lołpa'a. Jilpiya ałmajnta anuli. Ti'ıłta' ma to li'ipa ai'a tilajm'ma li'a łamats'.

6 'Ima' joupá lapi'ipa iñe laixanuc'. Iya' aimuc'ipola' naitsi ima'. Iñiya laixanuc' aimi'onłspola' locuenaye lan xanuc' nomana' li'a łamats' pe naihuejpa' quiltuca' liłpicuejma'. Ima' joupá o'huij'epola'. Iñiya ihuejcopá lotaiqui'.

7 Jahuay lapi'ipa ima'. Laixanuc' joupá iłsina' pe qui'huayomma iñe lalapi'ipa. Jahuay iñe lalapi'ipa o'huexi ima'.

8 Lataiqui' ima' lalu'ipa iya' nu'ipola' loxanuc'. Iñiya epenufpá iñiya lotaiqui'. Iłsina' cai'huayomma ma' ima'. Joupá i'huaiyijmpá li'ipa, ima' alummepa.

9 'Iya' caxahue'ehuo' totoc'itsola' iñe loxanuc'. A'i camihuo' motoc'iyacola' locuenaye xanuc' nomana' li'a łamats'. Caxahue'ehuo' totoc'itsola' laixanuc', iñiya lalapi'ipa. Jiñe o'huexi.

10 Jahuay łai'huexi jouc'a o'huexi. Jahuay ło'huexi jouc'a ai'huexi. Iñiya laixanuc', iñe al'huexi, joupá alimetsaicopa, imuj'me naitsi iya'.

11 'Itsiya aicapajñconaya fa'a li'a łamats'. Laixanuc' iñca timajm'me fa'a. Iya' joupá ca'huana'ma, cacuainata pe lofpa'a. Mai'Ailli', ima' umPaxi. Caxahue'ehuo' totoc'itsola' iñe laixanuc', to'etsola' cuenna. Ti'hua lihuejla' iñiya. Ima' lopuftine ma laipuftine jouc'a, tołta'a lacui'ipa ima'. Laixanuc' ja'ni lihuejla' al c'a, iñe ti'i'ma anuli ma to anuli iya' y ima'.

12 Ai'epola' cuenna laixanuc' małmana' fa'a li'a łamats'. Iñe aiquicuanaj'me lopuftine, ima' iłenDios. Le'a anuli łejac'pa, iłque łejac'eyoxi, tołe lipicuejma'. Tołta'a enanłcopa al Paxi Iñiñingya.

13 'Itsiya aicuaiconna pe lofpa'a. Ma capa'a fa'a li'a łamats' caxahue'ehuo' totoc'itsola' laixanuc'. To iya' tixoqui neta, aipic'a tixojla' quileta jouc'a laixanuc'.

14 Nu'ipola' lotaiqui'. Iñiya epenufpá. Locuenaye lan xanuc' nomana' fa'a li'a łamats' pe naihuejpa' quiltuca' liłpicuejma', iñiya ti'eyi laic' laixanuc'. Tixinyi ituca' li'ejma' ma to tixinyi ituca' lai'ejma'.

15 A'i caxa'huehuo' maipa'ayacola' laixanuc' fa'a li'a łamats'. Ma caxahue'ehuo' to'etsola' cuenna. Tołta'a ailopa'a co'eyacola' lixcay xans.

16 Iñiya ituca' li'ejma' ma to iya' ituca' lai'ejma'. Aimał'onłsponga' to lan xanuc' naihuejpa' quiltuca' liłpicuejma'.

17 'Mai'Ailli', totoc'itsola' iñiya laixanuc', ti'ila' o'huexi ima', ti'hua tihuejle al iñca. Iñe lotaiqui' al iñca.

18 Ima' alummepa fa'a li'a łamats'. Tołiya iya' nummepola' laixanuc' tiyełe ni petsi li'a łamats'.

19 Iya' ma' o'huexi. Cacu'moxi cunłu'etsola' laixanuc', ti'e'etsola' o'huexi jouc'a. Tihuejle al iñca.

20 'Iya' caxahue'ehuo' totoc'itsola' jahuay laixanuc'. A'i camihuo': Totoc'itsola' ma le'a laixanuc' petsi joupa lapenufpa iya'. Ihe tuya'a'me laitaiqui', tijoula' lih'as xanuc' jouc'a lapenuf'ma, lihuej'ma. Caxahue'ehuo' totoc'itsola' ihniya jouc'a.

21 Aipic'a ti'e'etsola' anuli ihe laixanuc'. Mai'Ailli' illanc' ałmana' anuli. Ima' iya' anuli, iya' ima' anuli. Tołta'a ał'e'etsonga' anuli, ihniya y illanc'. Ja'ni ti'ila' tołta'a locuenaye lan xanuc' nomana' li'a łamats' tines'me: "Ałınca ma ŁanDios ummepa Jesús".

22 'Ima' joupa ałpaxnepa, limetsaicopa iya' o'Hua. Tołta'a iya' aipaxnepola' ihniya laixanuc', nimetsaicopola' onaxque'. Ma to illanc' ałmana' anuli, iya' y ima', tołta'a ti'e'etsola' ihniya.

23 Iya' y ihniya ałmajm'me anuli. Ima' y iya' ałmana' anuli. Tołta'a ti'e'etsola' ma' anuli ihniya. Locuenaye lan xanuc' nomana' li'a łamats' ti'i'ma quıksina' naitsi iłque Łalummepa, ma' ima' mai'Ailli'. Jouc'a ti'i'ma quıksina' lof'epola' capic'a ihe laixanuc'. Ma to ima' ał'ay capic'a tołta'a to'ela' capic'a ihniya.

24 'Mai'Ailli', aı'a tilajm'ma li'a łamats', ima' ał'ay capic'a, ałpaxnepa, alimetsaicopa. Itsiya caxahue'ehuo' totoc'itsola' laixanuc', ihe lalapi'ipa. Camihuo': Aipic'a ticuaitsa jıłpiya, timajnta pe laifpa'a. Ałsınla' ma to li'ipa. Ałsintsonga' anuli iya' cai'Ailli'.

25 'Mai'Ailli', ima' cotuca' ałjca lopicuejma'. Locuenaye lan xanuc' nomana' li'a łamats', ihe aıquimetsaicohuo'. Iya' łınca nimetsaicohuo'. Laixanuc' jouc'a timetsaicohuo'. Iłsina' ima' alummepa.

26 Aimuc'ipola' laixanuc' naitsi ima'. Ti'hua camuc'i'mola', timetsaicotso' xonca, ti'etsołtsi capic'a ma to ima' ał'ay capic'a. Tołta'a ał'e'etsonga' anuli iya' y laixanuc'.

18

1 Jesús lijoupa lipalaic'opa qui'Ailli' ipanni, ileco'mola' ts'ilihuequi. Iye'me laca'hua pana' cuftine Cedrón. Uyalaico'me locuena liju'. Jıłpiya tipa'a anuli łaqueya. Itsuflai'me.

2 Judas, iłque pe joupa icupa cataiqui' ticu'ma Jesús, imetsaijma jıłpiya łaqueya. Itsenaihuo'me jıłpe Jesús jouc'a ts'ilihuequi.

3 Małpiya icuaiconca Judas ilecola' lan soldado romano jouc'a lapaluc' lummempola' lixanuc' cal cuecaj ca'ailli', jouc'a lummempola' lam fariseo. Ihniya iłtaic' lolif'ecopołtsi, jouc'a liłpepalc'o', jouc'a locuanajcoyacołtsi lofulecoyacu.

4 Jesús joupa ixina' jahuay lo'iya. Ipanni, timila':

—Imanc', ¿naitsi conlahuepa?

5 Timiyi:

—Lahueyi Jesús, las Nazaret.

Jesús timila':

—Ma' iya'.

Malpe tipa'a Judas, itque pe joupa icupa cataiqui' ticu'ma Jesús. Jilpe jouc'a tecaxhuolanna lan soldado jouc'a lapaluc'.

⁶ Licuej'me lines'ma Jesús: “Ma' iya'”, ihniya ipailiconca quikspula', enghuolaitsa lamats'. Ixpailij'mola' juaiconapa.

⁷ Jesús icuis'econa'mola', timila':

—Imanc', ¿naitsi conlahuepa?

Ihniya italai'e'econa'me, timiyi:

—Lahueyi Jesús, las Nazaret.

⁸ Jesús timila':

—Joupa aimipolhuo': Ma' iya'. Ja'ni ma le'a iya' lahuay, tolapi'itsola' lane tiyente ihna'a ts'alihuequi.

⁹ Tohta'a enantcopa limipa Jesús qui'Ailli', locuapa: “Iya' ai'epola' cuenna laixanuc', ihne lalapi'ipa ima'. Ailopa'a quejac'pa.”

¹⁰ Simón Pedro itaic' li'espada. Ipa'a'ma, ixcai'e'ma limozo cal cuecaj ca'ailli'. Nulemma etec'e'e'ma lix'mas al c'a camane. Itque cal mozo cuftine Malco.

¹¹ Jesús icuxe'e'ma Pedro, timi:

—To'huejnaña' lo'espada. Cai'Ailli' joupa ixpic'epa tohta'a laifnuyaicoya. ¿Te ma iya' catets'i'ma itque lixplic'ejma'? Ma catefco'ma.

¹² Lan soldado romano jouc'a nocuxepola', jouc'a lapaluc' lummempola' lan tsilaj judío, ihniya i'noh'me Jesús, ifi'e'me.

¹³ Ileco'me pe lopa'a Anás. Itque a'hua cunas cuftine aCaifás. Jihniya hitiné mañque Caifás cal cuecaj ca'ailli'.

¹⁴ Joupa inespa: “Tima'anle le'a anuli cal xans, tunhu'etsola' jahuay laixanuc'”.

¹⁵ Milecoyi Jesús iyenc'e'me oquexi' ts'ilihuequi. Ihniya Simón Pedro jouc'a hiejmale. Pedro hiejmale imetsaijma cal cuecaj ca'ailli'. Icuaitsa lejut'f cal cuecaj ca'ailli'. Litsufai'e'me Jesús, Pedro hiejmale jouc'a itsufai'ma hipuna quejut'f la'ailli'.

¹⁶ Pedro aiquitsufaic'. Ipanenni tecaxu lixpula' al puerta. Ts'ihuequi Jesús, itque pe himetsaijma cal cuecaj ca'ailli', ipaiconnanni icuaitsi pe lopa'a lahuats' no'epa cuenna al puerta. Ipalaic'opa. Lijou'ma itsufai'e'ma Pedro.

¹⁷ Lahuats' no'epa cuenna al puerta icuis'e'ma Pedro, timi:

—¿Te ma ima' jouc'a omihuequi cal xans Jesús?

Pedro timi:

—A'i iya'.

¹⁸ I'i'ma juaiconapa caxita. Jilpe lam mozó jouc'a lapaluc' icue'epá quikpunga. Jihniya ecaxolingolai'me, epat'le'mohtsi. Pedro jouc'a ecaxingai'ma jilpiya, epat'le'moxi.

19 Cal cuecaj ca'ailli' Anás ticuis'e Jesús, timi:

—¿Naitsi ihniya ts'ihuejhuo'? ¿Te cofmuc'ipola'?

20 Jesús italai'e'e'ma, timi:

—Iya' aipalaipa petsi jahuay atsimpa, atquimf'epa. Camuc'ila' lan xanuc' mimana' jilpiya ilejut'li pe lafoiyomma, jouc'a pe lopa'a al cuecaj xoute'. Camuc'ila' malpiya pe lafoiyomma lan xanuc' judío. Ailopa'a caimuc'ipola' quemiya.

21 Itsiya, ¿te calicuis'ecopa te caifmuc'ipola'? Taicuis'etsola' natquimf'epa. Ihe isina' te ts'i'ic' laimipola'.

22 Licuejpa tohta'a linespa Jesús, una'ma camane li'a anuli lapaluc nacaxuya huejnca. Timi:

—Ima', ¿te coftalai'ot'lecopa tohta'a cal cuecaj ca'ailli'?

23 Jesús timi:

—Ja'ni a'i canesqui al hijca, lu'ila'. Ja'ni ainespa al hijca, ¿te caluntafcopa camane?

24 Ma to quifi'ia Jesús, Anás ummepa pe lopa'a cal cuecaj ca'ailli' Caifás.

25 Pedro ipanenni lipuna la'ailli', ma mecaxu tepat'leyoxi. Icus'e'me, timiyi:

—¿Te ma ima' jouc'a omihuequi itque?

Pedro icuanajpa, timi:

—A'i iya'.

26 Anuli himozo cal cuecaj ca'ailli' ipalaic'o'ma Pedro. Itque ma lipima letec'epa quix'mas Pedro. Timi:

—Iya' cacua joupa aiximpolhuo' jilpiya laqueya, ima' jouc'a Jesús.

27 Icuanaicon'a'ma Pedro, timi:

—Iya' a'i.

Aiquicoli. Ija'a'ma langiti.

28 Ipa'a'me Jesús lejut'l' Caifás. Ileo'me pe lopa'a cal gobernador romano, itque cuftine Pilato. Joupa i'ipa quiti. Lan judío aiquitsufiaic' lejut'l' Pilato. Imanenca luna. Timiyot'si: "Aimi'ia maitsuflaiyacu. Alpic'a LanDios atsintsonga' ninc'ilimpio. Tohta'a nipajnya ateta lixic' lotejnyacu al juic Pascua."

29 Pilato ipanni pe lomana' ihniya, timila':

—¿Te ts'i'ic' lo'cuxecocopa cal xans?

30 Italai'e'e'me, timiyi:

—I'epa quixcay. Ja'ni ailopa'a qui'aic', ¿te ca'cuai'ecoyacu fa'a ima'?

31 Pilato timila':

—Imanc' toheconfe. Tifinc'ita lo'juez. Tixanuta ita'a lataiqui'. Tonl'e'ete to minesqui lataiqui', ihe locuxe'epolhuo'.

Lan judío italai'e'e'me, timiyi:

—Illanc' aimi'hua la'mane, aimi'ia malacani'eyacu. Aimi'ia ma'pic'eyacu tima'anfe.

³² Jesús joupá uya'apa te co'iya mima'ayacu. Itsiya ten-aní'ma linespa.

³³ Pilato ipainanni, itsufaicona'ma lejut'í. Ijoc'i'ma Jesús ti'huanni. Icuís'e'ma, timi:

—¿Te ima' írey lan xanuc' judío?

³⁴ Jesús timi:

—¿Te ima' toíta'a topalay cotuca', o lan xanuc' ańescopa toíta'a?

³⁵ Pilato italai'e'e'ma, timi:

—Iya', ¿te ninjudío? Loxanuc', íhniya ixanuc' cal cuecaj ca'ailli', icupo'. ¿Jale co'epa?

³⁶ Jesús italai'e'e'ma, timi:

—Iya' aicacuxela' lan xanuc' to micuxeyi lan rey nomana' fa'a li'a łamats'. Ituca' laifcuxepola' iya'. Ja'ni coła' cacuxe to micuxeyi lan rey nomana' li'a łamats', íhniya ts'alihuequi joupá ifulepá, ałcuanajco'ma aimałcuya ticuaita quiłmane lan xanuc' judío. Itsiya aicacuxe fa'a li'a łamats'.

³⁷ Pilato timi:

—¿Te ima' unrey?

Jesús timi:

—Ma to lofnescopa iya' ninrey. Iya' aipajncota aicuaico'ma li'a łamats' cu'itsola' lan xanuc' al linca. Pe naihuejpá al linca cataiqui', íhniya ałcuc'e.

³⁸ Pilato timi:

—¿Te jale al linca?

Lijoupa linespa toíta'a Pilato ipaconanni pe lomana' lan xanuc' judío, timila':

—Iya' cacua, íłque cal xans ailopa'a quijunac'.

³⁹ Ajuic ajuic Pascua tołcuaiyumma, ałsahue'e cux'mas'ma anuli hitats'iya, tołe moł'eyi. Itsiya, ¿jale ts'ołpic'a cux'masla'? ¿Ja'ni cux'masla' íłca'a tołrey imanc' unc'ijudío?

⁴⁰ Lan judío ija'acona'me, timiyi:

—Aimox'mas'ma íłque. Tox'masla' Barrabás.

Íłque Barrabás innantsepa, inma'ahuale.

19

¹ Pilato icuxe'ma tileconłe Jesús tipatsa.

² Lijou'ma lan soldado ipuf'me anuli al corona quitac. Ipo'nof'i'me lijuac Jesús. Itats'mi'me lijahua' unxali cumi.

³ If'íltsaico'me. Tiłcuaiyumma pe lacaxu to mi'e'enni cal cuecaj xans. Inom'me, timiyi:

—Ańom'mo' ima' írey lan xanuc' judío.

Ti'hua ti'econayi. Lijou'ma tuntafc'e'eyi li'a.

⁴ Pilato ipaconanni łuna. Timila' lan judío:

—Tołsinłe. Quipa'a'ma łuna íłca'a Jesús. Ti'íla' cołsina' joupá aiximpa ailopa'a quijunac'.

⁵ Ipa'a'ma łuna. Łijuac itaic' licorona quitac. Titatsma lijahua' unxali cumi. Pilato timila' lan judío:

—Tołsinle. Jifa'a copa'a cal xans.

⁶ Lixim'me Jesús lixanuc' cal cuecaj ca'ailli' jouc'a lilepaluc', iłniya ija'a'me ujfxi, timiyi Pilato:

—¡Tapałts'ijnla' lancruz! ¡Tapałts'ijnla' lancruz!

Pilato timila':

—Tołłecole imanc' coltuca'. Tolapałts'ijntsa lancruz. Iya' aiximpa ailopa'a quijunac'.

⁷ Lan judío timiyi:

—Iłque ticua: “Iya' i'Hua ŁanDios”. Tipa'a lataiqui' lałcuxeponga' illanc'. Iłe lataiqui' ticua: “Tima'antsola' iłne nocuapá tołta'a”.

⁸ Licuej'ma iłe lonespa, Pilato xonca ixpaij'ma.

⁹ Itsufaiconama lejut'ł, icuis'econa'ma Jesús, timi:

—Ima', ¿pe co'huayomma?

Jesús aiquitalai'e.

¹⁰ Pilato timi:

—¿Te aimalalai'e? ¿Te aicoxina' ti'hua laimane? Nipajnya cux'masna'mo', nipajnya capałts'ijm'mo'.

¹¹ Jesús italai'e'ma, timi:

—Tipa'a anuli xonca acueca'. Iłque łepi'ipo' comane. Ima' cotuca' ailopa'a cał'e'eya. Naitsi cal xans nałcupa, iłque xonca tipa'a lijunac'.

¹² Licuej'ma iłiya lataiqui' Pilato xonca ehue'ma te co'iya mux'masya Jesús.

Lan xanuc' judío ti'hua tija'ayi, timiyi:

—Cal xans nonespa: “Iya' ninRey”, iłque ti'ay quipilaic' César cal cuecaj rey. Ja'Ni tox'masqui Jesús, jouc'a to'ay laic' łopoujna César.

¹³ Licuej'ma Pilato lonespa lan judío i'hua'a'ma Jesús łuna petsi cuftine “Łitat'łuyiya”. Liłtaiqui' lan judío cuftine Gabata. Jiłpe icutshuai'ma to cal juez.

¹⁴ Iłe litine avispera al juic cuftine al Pascua. Joupa ti'i'ma to menac'o. Pilato timila' lan xanuc' judío:

—Tołsinle. Jifa'a copa'a łolrey.

¹⁵ Iłne ija'a'me ujfxi, timiyi:

—¡Tolecoła', tolecoła', tapałts'ijntsi lancruz!

Pilato timila':

—¿Te caifnepałts'ijncoya łolrey?

Lixanuc' cal cuecaj ca'ailli' italai'e'e'me, timiyi:

—Ma le'a César alrey. Ailopa'a cocuena.

¹⁶ Lijou'ma Pilato icu'ma Jesús teapałts'ijntsa lancruz. Lan soldado ileco'me.

¹⁷ Jesús itai'ma lencruz. I'hua'ma lane ticuaita Łamats' Quecoye. Liłtaiqui' lan xanuc' judío cuftine Gólgota.

18 Jilpiya epaŋts'ingim'me lencruz Jesús. Jouc'a epaŋts'ingim'mola' oquexi' lan xanuc', anuli al c'a camane Jesús, locuena loxa camane. Jesús epaŋts'ingimpa nolojmay ihniya.

19 Pilato joupa inihjmpa anuli lacaxma. Epaŋts'ijm'me laquitoncay hijuac Jesús. He linihya tinesqui: "Hca'a Jesús łas Nazaret, ihrey lan xanuc' judío".

20 Jilpe pe lapaŋts'ijnya Jesús ahuejnca liŋya' Jerusalén. Axpela' lan xanuc' judío uyalaico'me jilpiya. Ixhue'me lainilá linihingiya lacaxma. Inihingiya afane' łataiquí, liłtaiqui' lan judío, liłtaiqui' lan romano, liłtaiqui' lan xanuc' griego.

21 Lixanuc' cal cuecaj ca'ailli' aiqicuaicotsi quiłpic'a linihpa Pilato, timiyi:

—¿Te cominiłcopa: "Hca'a ihrey lan xanuc' judío"? Topai'inła'. Tuya'ala': "Hca'a Jesús, małque timiyoxi: Iya' ihrey lan xanuc' judío."

22 Pilato italai'e'e'mola', timila':

—Joupa aininiłpa. Tipanenni tołta'a.

23 Lam malujxi lan soldado, ihne lepaŋts'ijm'me lancruz Jesús, tumma'me lipijahua'. Anuli anuli tumma'me lipijahua'. Ipanenni anuli litoqui lipijahua'. Ihiya lipijahua' aiquenanc'iya. Apufi ipangocopa łejoc xejmay li'mitsi'.

24 Lan soldado timiyoltsi:

—Aimaŋts'alyacu. Alł'ilcole alsim'me naitsi nolijya.

Tołta'a enanłcopa al Paxi Linihingiya tuya'e': "Anuli anuli ummana'me laipijahua'. If'ilco'me naitsi tulijla' litoqui laipijahua'."

Tołta'a li'epa lan soldado.

25 Tecaxu María qui'máma' Jesús huejnca pe lepaŋts'ijnyompa lencruz. Jouc'a tecaxhuołanna hipima qui'máma' cuftine María, ihque ipeno Cleofas, jouc'a María łas Magdala.

26 Jesús ehuelojm'ma qui'máma' tecaxu jilpiya. Jouc'a ixim'ma anuli ts'ihuequi tecaxu liju' qui'máma'. Ihque ts'ihuequi, Jesús xonca ti'ay capic'a juaiconapa. Jesús timi qui'máma':

—Momá, jilpe tipa'a ło'hua.

27 Timi ts'ihuequi:

—Toxinła', jilquiya o'máma'.

Ihe litine ts'ihuequi Jesús epenuf'ma qui'máma' Jesús. Ilait-sufcotsi.

28 Lijou'ma Jesús ipalaicona'ma. Joupa ixina' ixhuaita jahuay litełcopa. Ticua:

—Ticui caija'.

Tołta'a loya'apa al Paxi Linihingiya. Itsiya ihiya łataiqui' tenanłi.

29 Jilpe tipa'a anuli al catsitu imanna al cuxac vino. Ijac'ecom'me al vino anuli al esponja. Ifinc'i'me lupa limane c'ec cuftine hisopo, i'nof'e'me ti'huaico'a' lico Jesús.

30 Jesús lijoupa lixnapa ticua:

—Joupa ixhuaicota.

Ic'ommai'ma lijuac, ummena'ma li'espíritu ti'huanla'.

31 He litine avíspera. Lihuequi litine itine conxajya. He acuecaj quitine.

Lan judío ilpic'a tilonc'en-natsola' li'licuerpo ilne lepa'ls'ingimpola', aimico'f'mola' jilpiya lilencruz. Ticuayi: "Icuaico'ma al cuecaj quitine. Jilne li'licuerpo aimi'ya mimajnyacu jilpe lam fane' lancruz." Ixahue'e'me Pilato tummetsola' lan soldado tepatsuf'entsola' li'mitsi' napa'ls'ingolanna. Tijoula' tepatsuf'entsola' li'mitsi' ilne, tilonc'enatsola' lilencruz.

32 Lan soldado icuaitsa petsi cal te'a lepa'ls'ingiya lencruz. Epatsuf'e'me li'mitsi', jouc'a epatsuf'e'me li'mitsi' locuena.

33 Ipailiconanca, icuaitsa pe lopa'a Jesús. Ixim'me joupa imapa. Aiquepatsuf'e'me li'mitsi'.

34 Anuli cal soldado i'nif'ma lilarza, ena'ma lanza liju' Jesús. Aiquico'i, ipanni lajuats', ipanni laja'.

35 Ilque nainilpa ille lataiqui' iximpa to'la'a li'ipa. Ma' alinca ille linilijmpa. Tu'ilhuo' imanc' nolsueyacu. Ipic'a imanc' jouc'a tonlapenufle ita'a lataiqui'.

36 He li'ipa enancopa al Paxi Linilingiya lonespa: "Aimepat-sufiya ni anuli lipeca'".

37 Al Paxi Linilingiya jouc'a tinesqui: "Tehuelojncona'me ilque lenampa liju'".

38 Lijou'ma anuli cal xans cuftine José las Arimatea i'huapa pe lopa'a Pilato. Ilque José joupa epenufpa litaiqui' Jesús. A'i cuya'e'. Tixpaic'ela' lan judío. Ixa'huehuona'ma Pilato tepi'ila' lane tileconna licuerpo Jesús. Pilato epi'i'ma lane. I'hua'ma itainatsi licuerpo Jesús.

39 Jouc'a icuaiyunni Nicodemo, ilque nehuejnhuo'ma lipuqui' ixinghuo'ma Jesús. Nicodemo itaic' cal pomada ilanc'ecompa itamqui lojuepaj c'a. Ita'a litamqui cuftine amirra, ihuomptsi a'áloes. Ilque cal pomada lipicumta to oquej nuxans quimbamaj kilo.

40 Loquexi' i'e'epá licuerpo Jesús ma to mi'eyi ilne lan xanuc' judío ai'a teminnola' limanapola'. Iju'eco'me licuerpo ijahua' jouc'a cal pomada.

41 Pe lepa'ls'ijnyompa Jesús jilpiya tipa'a huejnca anuli laqueya. Jilpe laqueya tipa'a anuli hunts'aja' capic, ilanc'empa ti'huejyom'me lomaya. Jilpe hunts'aja' ailopa'a quemimpa.

⁴²Joupa avíspera litine conxajya. Jilpe litine aimi'iya miyeyacu aculi'. Lan xanuc' judío aimicuyi lane. Jilta'a hunts'eja' ma' ahuejnca pe lepats'ijnyompa Jesús. Jilpiya i'huequintsa licuerpo Jesús.

20

¹Icuaitsi al te'a quitine al xamano, ite al domingo, aquipuqui' María las Magdala i'hua'ma hunts'eja' pe li'nico'enghuo'me Jesús. Icuaitsi ixim'ma joupa ilonc'empá cal cuecaj capic letemf'ecompa.

²María ipainanni hunts'eja', tinu. Icuaitsi pe lomana' Simón Pedro y locuena lihuejpa Jesús. Jilque Jesús hi'epa capic'a. María timila':

—Joupa ipa'anapá Cañ'ailli'. Jilpe hunts'eja' ailopa'a. Aicañsina' pe quipo'no'empa.

³Pedro jouc'a hilejmale ipalunca, iye'me pe li'nico'enghuo'me Jesús.

⁴Loquexi' inul'me. Lilejmale Pedro ulij'ma. Icuaitsi ate'a.

⁵Ehuenac'o'ma licu'u hunts'eja'. Ixim'ma lijahuali tummac'o. Aiquitsufaic'.

⁶Simón Pedro i'huanc'e'ma ilque hilejmale. Icuaitsi hunts'eja' itsufai'ma. Jouc'a ixim'ma lijahuali tummac'o.

⁷Ixim'ma lijahua' lifi'ecompa li'a, hijuac Jesús. Ite lijahua' iximpa ijuisquiya, a'i mipa'a anuli jilpe locuena lijahuali.

⁸Lijoupa litsufaipa Pedro, itsufai'ma locuena ts'ihuequi Jesús, ilque licuaita ate'a, ixim'ma li'ipa. Ticua: “Jesús ma' imaf'inapa”.

⁹Ihniya aiquilcueca al Paxi Liniñingiya loya'apa ticua: “Timaf'ina'ma tipayonno pe lomana' lamizhua”.

¹⁰Loquexi' ts'ilihuequi Jesús iyena'me hilejut'hi.

¹¹María las Magdala icuaiyocontsi pe lopa'a hunts'eja'. Tecaxu luna, tijoqui. Mijoqui tehuenac'o licu'u hunts'eja'.

¹²Ixim'mola' oquexi' lapaluc' quema'a, afujca lijpijahua'. Ticutsoñanna pe lunahuai'epa licuerpo Jesús. Anuli ticutsu hijuac, locuena ticutsu li'mitsi'.

¹³Ihniya timiyi María:

—Maca'no', ¿te cofjojcopa?

María timila':

—Ileconapá Cai'ailli' Jesús. Aicaixina' petsi quipo'no'empá.

¹⁴Lijoupa linespa toñta'a ipai'e'ma li'a. Iximpa Jesús tecaxu jilpiya. Aiquimetsaico'ma Jesús.

¹⁵Jesús timi:

—Maca'no', ¿te cofjojcopa? ¿Naitsi cofmehuepa?

María ticua lipicuejma': “Iñca'a no'epa cuenna ñaqueya”.
Timi:

—Mai'ailli', ja'ni ima' olecopa, lu'ila' pe copo'no'ehuo'ma. Iya' ai'huapa caleconna.

¹⁶ Jesús timi:

—¡María!

María ipai'e'moxi, ipalaic'o'ma litaiqui' hebreo, timi:

—¡Raboni!

He lataiqui' tuhuaquemma “Momxi”.

¹⁷ Jesús timi:

—Aimañ'noñ'ma. Aicaicuaiya pe lopa'a cai'Ailli', itque jouc'a oñ'Ailli'. Itque ainenDios, imanc' jouc'a olanDios.

¹⁸ María las Magdala i'hua'ma pe lomana' ts'ilihuequi Jesús, timila':

—Aiximpa Cañ'ailli'.

U'i'mola' licuapa Jesús.

¹⁹ Joupá ummuhuaita ite litine, al te'a quitine al xamano. Itne ts'ilihuequi Jesús tefot'leyoñtsi anuli, ix'nif'miya lajut'ñ. Tixpaic'ennila' lan judío. Jitpe icuaiti Jesús. Ecax'ma malpe pe lomana', timila':

—Aimoñhuotso'me. Toluyalaite al c'a.

²⁰ Imuc'i'mola' limane, liju'. Lixim'me cañ'Ailli' itniya ts'ilihuequi ixojna'ma quileta.

²¹ Jesús timiconala':

—Aimoñhuotso'me. Ma to cai'Ailli' alummepe, toñta'a iya' cummelhuo'.

²² Lijoupa limipola' toñta'a, ifusco'mola', timila':

—Capi'ilhuo' cal Espiritu Santo. Tolapenufle.

²³ Ja'ni toñmite anuli cal xans: “Lojunac' itojn-napa”, linca joupá itojn-napa lijunac'. Ja'ni toñmite: “Aiquitlonge lojunac’”, linca aiquitlonge lijunac' cal xans.

²⁴ He lipuqui' licuai'ma Jesús, anuli itniya limbamaj coquexi' ts'ilihuequi ailopa'a jitpiya. Itque cuftine Tomás, itacui'impá cal Cuatsi.

²⁵ Locuenaye ts'ilihuequi Jesús timiyi:

—Atsinnapá Cañ'ailli'.

Tomás timila':

—Ja'ni caxinñta' limane petsi lepats'ijncompa lan clavo, ja'ni cacaj'miñta' laidedo pe lecajm'micompa cal clavo, ja'ni cacanc'oñta' laimane pe lixcai'empa liju', canes'ma: “Ma' imaf'inapa Jesús”. Ja'ni aicaxina toñta'a ti'hua canes'ma: “Aiquimaf'inghua Jesús. A'i itque ficuai'ma.”

²⁶ Lijoupa luyaipa apaico quitine, efot'itecona'moñtsi ts'ilihuequi Jesús. Ix'nif'miya lajut'ñ. Tomás jouc'a tipa'a. Icuaiti Jesús. Ecaxingai'mola'. Timila':

—Aimoñhuotso'me.

²⁷ Timi Tomás:

—Tacajm'miła' lodedo iłna'a laimane'. To'nijla' lomane tacanc'ola' lainiju'. Aimonescona'ma: “Jesús aiquimaf'inghua”. Ał'huaiyijnla'. Joupā aimaf'inapa.

²⁸ Tomás italai'e'e'ma, timi:

—Ima' maiPoujna. Ima' mainenDios.

²⁹ Jesús timi:

—Ima' lahuelonge, tołta'a ał'huaiyijmpa. Naitsi lał'huaiyijnya tama aicalahuelonge, iłque linca xonca lipaxnepa ŁanDios.

³⁰ Mipa'a fa'a li'a łamats' Jesús imuc'i'mola' ts'ilihuequi al cueca' li'epa. Tołta'a imuc'i'mola' ma ŁanDios łummepa. Jifa'a aiquinihi jahuay iłta'a li'epa Jesús, ma le'a huata.

³¹ Łataiquí liniliya fa'a timuc'ilhuo' naitsi Jesús, iłque cal Cristo, ma' i'Hua ŁanDios. Tolapenufle iłta'a łataiqui', toł'huaiyijm'me iłque Jesús. Tołta'a tepi'im'molhuo' lołpitine aimijouya.

21

¹ Lijou'ma imujcona'moxi Jesús. Icuaiyocontsi pe lomana' ts'ilihuequi. Iłniya joupā iyepá al cuecaj quin'nuhua' cuftine Tiberias. (Jouc'a tecui'inni Galilea.) Fa'a cuya'e' li'ipa.

² Jiłpe efot'le'mołtsi hualca ts'ilihuequi Jesús. Iłniya Simón Pedro, Tomás iłque cal Cuatsi, Natanael iłque lipiłya' Caná lopa'a al distrito Galilea. Jouc'a timana' loquexi' linaxque Zebedeo, jouc'a ocuenaye loquexi' ts'ilihuequi Jesús.

³ Simón Pedro timila':

—Ai'huapa ca'nołta catú.

Locuenaye timiyi:

—Ne'. Jouc'a łepá illanc'.

Ipalunca, if'ajli'me al barco. He lipuqui' aiqui'noł'me ni' anuli łatu.

⁴ Li'ipa quitine tipa'a Jesús tecaxu łema caja. Ts'ilihuequi aiquilimetsaijma ja'ni Jesús.

⁵ Jesús ijoc'i'mola', timila':

—Imanc' cunc'ainaxque', łte oł'nołpá o a'i?

Italai'e'e'me, timiyi:

—A'i. Ni tołca'a anuli aical'nołi.

⁶ Timila':

—Tolacajm'micontsa cal xami. Tolacajm'mitsa al c'a camane al barco. Jiłpiya linca tululijtola' latuye.

Ecajm'mihuo'me iłxami. Lijou'ma ixim'me acumta i'ipa cal xami, aimi'iya mexałcufyacu, mif'ac'eyacu, minij'miyacu al barco. Imanna catuye.

⁷ Anuli ts'ihuequi Jesús, iłque li'epa capic'a juaiconapa, ipalaic'o'ma Pedro, timi:

—Iłque ał'Ailli' Jesús.

Simón Pedro joupa ipa'apa litsamalo. Licuej'ma icuai'ma Jesús aiquicohi, ijojcocona'ma litsamalo, ecajm'mi'moxi laja', ti'hua'ma lamats'.

⁸ Locuenaye ts'ilihuequi Jesús if'ajli'me al barco. A'ij culi' lema caja, tocommama amaxnu metro. Ihuej'me Pedro, equif'me cal xami imanna catuye.

⁹ Icuaitsa lema caja, ixim'me imac'o lunsuac'. Jilpiya tipa'a anuli latu, joupa tixanuya. Ixim'me tipa'a la'i jouc'a.

¹⁰ Jesús timila':

—Toł'hua'anca hualca latuye loł'nołpa.

¹¹ Pedro if'aj'ma al barco, exal'ma cal xami lijuł camats'. Iłca'a cal xami imanna catuye. Iłne latuye ixhuej'me'mola' ixhuaitsi anulij maxnu oquej nuxans quimbama' fane'. Axpe' catuye cal xami aiquits'atquenni.

¹² Jesús timila':

—Tonłouyunca. Atetso'me.

Ts'ilihuequi Jesús aiquilicuis'e: “¿Naitsi ima'?” Tixinyi calaic'ata. Iłsina' małque ił'Ailli' Jesús.

¹³ Jesús iłoc'huai'ma, epef'ma la'i, epi'i'mola'. Epi'i'mola' jouc'a latu.

¹⁴ Joupa i'ipa afanemma mimujyoxi Jesús. Ts'ilihuequi iximpá joupa imaf'inapa, ipanamma pe lomana' lamizhua.

¹⁵ Lijou'ma litetso'me Jesús timi Simón Pedro:

—Simón, ima' i'hua Jonás, lopimaye al'ay capic'a. ¿Te ima' xonca al'ay capic'a?

Pedro timi:

—Mai'ailli', ima' oxina' ałejmalepá.

Jesús timi:

—Tohuic'itsola' lan tsocay laimot'ł.

¹⁶ Jesús icuis'econa'ma, timi:

—Simón, ima' i'hua Jonás, ¿te al'ay capic'a?

Pedro italai'e'e'ma, timi:

—Mai'ailli', ima' oxina' ałejmalepá.

Timi:

—To'etsola' cuenna laimot'ł.

¹⁷ Jesús icuis'econa'ma, timi:

—Simón, ima' i'hua Jonás, ¿te ma ałejmalepá?

Pedro ixhuełco'ma juaiconapa petsi limipa iłta'a. Ticua: “¿Te calicuis'ecocopa: Te ma' ałınca ałejmalepá. Joupa afanemma ałmipa tołta'a.” Timi:

—Mai'ailli', ima' oxina' jahuay. Oxina' ałınca ałejmalepá.

Jesús timi:

—Tohuic'itsola' laimot'ł.

¹⁸ Iya' camihuo' al linca: Ima' li'ipa mamijcano, ima' cotuca' tofi'e' lopijahua', o'hualecopa ni petsi lołjanajpa lołtseya.

Titojnatso' ti'i'ma ituca' lofmuyaicoya. Ima' to'nij'ma lomane, ocuena tifi'e'mo', tileco'mo' petsi aimeten cocoyaco'.

¹⁹ Lines'ma tołta'a Jesús u'i'ma te ts'i'ic' mimaya Pedro. Ma mima'ayi Pedro, lan xanuc' tixim'me acueca' LanDios, acueca' titoc'ila' lixanuc'.

Lijou'ma timi:

—Lihuejla'.

²⁰ Pedro ehuelojm'ma lixpula', ixim'ma łocuena ts'ihuequi Jesús i'huanc'e. Itque ts'ihuequi Jesús li'epa capic'a juaiconapa. He lipuqui' lixmoco'me itque ihoc'huaipa Jesús, icuis'epa: “Mai'ailli', ¿naitsi nocuyaco'?”

²¹ Pedro lixim'ma itque ihuequi Jesús icuis'e'ma Jesús, timi:

—Mai'ailli', ¿te coyaicoya itque?

²² Jesús timi:

—Ja'ni iya' aipic'a tipanenni, ja'ni cacuaiconanni caxim'ma tipa'a, ¿te cofcuaya ima'? Ma' iya' caxpic'e te loyaicoya itque. Ima' lihuejla'.

²³ Lijou'ma lapimaye, itne naihuejpá Jesús, tinesyi: “Łapima pe Jesús ł'epa capic'a juaiconapa, itque aimimaya”. Jesús a'i tołta'a limipa Pedro. Imipa: “Ja'ni iya' aipic'a tipanenni itque, ja'ni cacuaiconanni caxim'ma tipa'a, ¿te cofcuaya ima'? Ma' iya' caxpic'e te loyaicoya itque.”

²⁴ Ts'ihuequi Jesús, itque pe Jesús li'epa capic'a juaiconapa, ma' itque tu'ilhuo' te ts'i'ic' li'ipa, inilpa fa'a. Inilpa al linca, tołta'a alsina' illanc'.

²⁵ Jesús axpe' i'epa acueca'. Fa'a aikuiniłingiya jahuay. Ja'ni tiniłle anuli anuli jahuay li'epa Jesús, axpe' je'e tilajm'ma. Fa'a li'a łamats' aimi'ommaicoya.

LI'EPA LAPIMAYE LAN APÓSTOLE

¹ Ima' Teófilo, quiniñ'ehuo' coje'e. Joupa niniñ'epo' anuli loje'e. Jiñe loje'e nu'ipo' acuajmaica te ts'i'ic' lipangopa li'epa Jesús, te ts'i'ic' limuc'iyalepa jouc'a te ts'i'ic' luyaicopa lipepajnya mipa'a li'a lamats'.

² Mipa'a Jesús fa'a li'a lamats', ai'a tepenufinnata al toncay lema'a, mañe litine iñque ixc'ai'ipola' li'apóstole, iñe li'huijñ'epola'. He litaiqui' lixc'ai'ipola' ma' itaiqui' cal Espíritu Santo.

³ Lixc'ai'ipola' toñta'a Jesús joupa itelcopa, imapa, imaf'ina'ma, imuj'moxi pe lomana' jiñe li'apóstole. Imuc'i'mola' ma' imaf'i'. Micoñi oquej nuxans quitine, li'apóstole tixinyi Jesús ti'hua timujyoxi. Típalaic'ola', tu'ila' te ts'i'ic' locuxeyalepa ÑanDios cal Cuecaj Rey.

⁴ Mimana' anuli icuxe'e'mola' timanenca al cuecaj quíñya' Jerusalén. Aimiye'me. Ti'huaicoñe ti'ila' to linespa ÑanDios. Timila':

—Joupa aimipolhuo' lo'iya.

⁵ Juan epo'iyalecopa aja'. Aimicoñya, tepo'icom'molhuo' cal Espíritu Santo.

⁶ Mefoñumma icuis'e'me Jesus, timiyi:

—MañPoujna, illanc' ixanuc' Israel, iñna'a litiné, ¿te ima' añtoc'i'monga', aimañcuxeconayaconga' locuenaye lan xanuc'?

⁷ Timila':

—Imanc' aimi'iya coñsina' lo'iya. ÑanDios tixpic'e'ma te quitine lo'iya toñta'a. Iñque ts'ixina' ja'ni ticoñ'ma o aimicoñya.

⁸ Iya' camilhuo': Cal Espíritu Santo timuyohuo lema'a. Tipaxne'molhuo' imanc'. Tepi'i'molhuo' loñmane añpalaico'ma iya'. Añpalaico'ma jifa'a liñya' Jerusalén, jouc'a añpalaicota jahuay al distrito Judea, jouc'a lamats' Samaria, jouc'a ni petsi li'a lamats', xonca al culi'.

⁹ Lijoupa limipola' toñta'a, mehuelojnyi li'apóstole, Jesús if'ajna'ma. Ilecona'ma anuli ñummahuay. Aiquixingona'me.

¹⁰ Mif'aquinghua Jesús, tehuenaf'yi lema'a li'apóstole, icuaitsa oquexi' lan xanuc', afujca liñpíjähua'. Ecaxoñai'me huejnca.

¹¹ Timiyi:

—Imanc' ixanuc' Galilea, ¿te colahuenaf'copa lema'a? Joupa iñonc'e'enapolhuo' Jesús, ileconapa lema'a. To jiñta'a moñsinyi lif'ajnapa lema'a, ma toñta'a ticuaiyoconno mañque Jesús.

¹² Toñta'a li'ipa mimana' jiñpiya hijuala Olivo. Iñque hijuala ahuejnca Jerusalén, to anuli kilómetro. Tama litine conxajya

ticunni lane to'hua'ma ihe lipiculi'. Lan apóstole ipailinanca, iye'me Jerusalén.

¹³ Icuaitsa Jerusalén itsuflai'me lajut'l. If'ajli'me al toncay. Jihe lajut'l ixa'huepá, imajmpá ihe lan apóstole, Pedro, Juan, Jacobo, Andrés, Felipe, Tomás, Bartolomé, Mateo, Jacobo i'hua Alfeo, Simón jouc'a Judas, i'hua Jacobo. Iheque Simón ai'a tihuej'ma Jesús anuli lihpicejma' lan xanuc' nocuapá: "Lunhu'e'me lamats'".

¹⁴ I'i'ma anuli lihpicejma' lan apóstole, itine itine ti'hua tijoc'iyi LanDios. Jouc'a efot'leyoitsi laca'l'no', ihe liyejmalepá Jesús, jouc'a María qui'máma' Jesús, jouc'a lipimaye Jesús.

¹⁵ Ihe litiné Pedro ecax'ma, ipalaic'o'mola' lipimaye. Timana' to amaxnuj nuxans lefot'leyoitsi. Timila':

¹⁶—Imanc' cunc'aipimaye, al Paxi Linilingiya tuya'e' linespa David, ihe itaiqui' cal Espíritu Santo. David uya'a'ma lo'eya Judas, iheque hi'huaj'me'mola' lan xanuc' li'no'l'me Jesús. Jounpa enanpa ihe loya'apa al Paxi Linilingiya, tohta'a ticuicomma.

¹⁷ Iheque Judas anuli illanc' ninc'apóstole, anuli la'penic'.

¹⁸ Judas li'epa ihe lixcay i'najtsempa, epenuf'ma al tomí, i'naco'ma anuli lamats'. Jihe ihequiya ecanghuaitsi, untaf'ma licu'u, ipanni lipucuiyale.

¹⁹ Jahuay nomana' Jerusalén icuej'me li'ipa. Iheque lamats' hi'napa Judas ecui'im'me Aceldama. Ihe lataiqui' i'ltaiqui' ihe lan xanuc', tuhualquemma cuftine: Lamats' cajuats'.

²⁰ Pedro ti'hua tipalaic'ola' lihejmale, timila':

—Tuya'e' ihe al je'e lan Salmo linilingiya:

Tipanenni quituca' lejut'l iheque cal xans.

Nij naitsi nopajncanaya.

Jouc'a tuya'e':

Iheque, ihe lipenic', ti'ela' ocuena.

²¹ 'Fa'a timana' lahpimaye, ihe lahejmale malihuejyi lahpoujna Jesús jifa'a li'a lamats'.

²² Mepo'iyale Juan, ahejmalepá ihe anuli. Litine lileconnapa lema'a lahpoujna Jesús, lahp'oponga' caluca', ti'hua ahejmale. Itsiya al'huijfe'me anuli ihe. Ma' anuli luya'a'me: Imaf'ina' Jesús, alsimpá.

²³ Ifaquim'mola' oquexi' lan xanuc' naitsi lolijya ihe lanic'. Ihe loquexi' anuli cuftine José Barsabás, locuena cuftine Matías. Iheque José lacui'impá Justo.

²⁴ Ijoc'i'me lahpoujna Jesús, timiyi:

—Ma'hpoujna, ima' mimetsaicola' te ts'i'ic' lihpicejma' jahuay lan xanuc'. Oxina' te ts'i'ic' lahpicejma'. Jifa'a timana' oquexi' lahejmalepá. Ima' jounpa o'huijfe'pa anuli. Almuc'itsonga' naitsi iheque.

²⁵ Añe anuli lañenic' ninc'apóstole. Toñta'a lipenic' Judas. Ipo'nopa i'huapa pe lotsepá lif'as quixcay xanuc'.

²⁶ I'e'me naitsi coc'añmaiya. Ec'añmaita Matías. Limbamaj nuli lan apóstole penuf'me.

2

¹ Icuaitsi litine al juic Pentecostés. Mañe litine lan apóstole jouc'a liñemale efot'ñe'moñtsi anuli.

² Icuej'me tuna'e' lema'a, to mi'hua'ma ujfxi cahua'. Jiñpe lajut'ñ tocomma imanna ñona'apa.

³ Ixim'me to ñipañ cunga ixc'if'moxi, ipanenni anuli anuli liñjuac ññiya.

⁴ Cal Espíritu Santo icuxe'e'mola' liñpicuejma'. Tu'ila' te ts'i'ic' minesyacu. Ipango'me ipalai'me ituca' cataiqui'.

⁵ ñne litiné liñya' Jerusalén timana' axpela' lan xanuc' judío tixantseyi quijuc. ñne quiyoyomma ni petsi li'a ñamats', tihuejcoyi ñanDios.

⁶ Icuej'me tuna'e'. Icuaiyunca pe lomana' lan apóstole jouc'a liñemale. Aiquiñsina' te qui'ipa. Tama ocuena ocuena liñtaiqui' jahuay ññiya icuec'e'me lonespa lan apóstole.

⁷ Tocomma tipailo liñpicuejma', ixpailij'mola'. Ticuayi:

—ñne nopalaipá quiyoyomma Galilea.

⁸ Illanc' añmajñliyota ituca' ituca' ñalamats', ocuena ocuena lañtaiqui'. Itsiya, ¿te qui'ipa? Jahuay illanc' añcuc'ela' ññiya lonespa.

⁹ Fa'a ja'ni ninc'iPartia, ninc'iMedia, ninc'Elam, ja'ni cañuyomma ñamats' Mesopotamia, o Judea, o Capadocia, o Ponto, o Asia,

¹⁰ o Frigia, Panfilia, Egipto, jouc'a ñamats' Libia, ñe ahuejnca liñya' Cirene, ja'ni Roma añpiñya' añcuai'me al juic, ja'ni añmana' ma ninc'ijudío, o ja'ni ocuena lañraza, liñuejcoyi ñlenDios lan judío,

¹¹ ja'ni añmana' ninc'iCreta, o añmana' ninc'Arabia, tama ituca' ituca' cañuyomma, ocuena ocuena lañtaiqui', itsiya jahuay añcuc'eyi ñne lopalaipa. Añcuejyi tipalaiyi lañtaiqui'. Tuya'ayi al cueca' lo'epa ñanDios.

¹² ñne lan xanuc' miquimf'eyi tocomma tipailo liñpicuejma'. Tixhuejcoyi juaiconapa. Ticuayi:

—¿Te qui'icopa toñta'a liñtaiqui' ññiya?

¹³ Ocuenaye ixoco'me, ticuayi:

—ñne nopalaipá jounpa imeyojpola'. Ixnapá juaiconapa al ts'ej vino.

¹⁴ Limbamaj nuli lan apóstole jouc'a Pedro enaj'moñtsi locuenaye lapimaye nomana' jiñpe, ecaxoñai'me. Pedro ipalai'ma ujfxi, ipalaic'o'mola' lefoñya, timila':

—Capalaic'olhuo' jahuay imanc' olafot'leyołtsi fa'a Jerusalén. Hualca imanc' nołmana' fa'a olamats' Judea, locuenaye imanc' ocuena colamats'. Itsiya cami'molhuo', cuhuałc'e'e'molhuo' ihe li'ipa. ¡Ałquimf'eta'!

15 'Imanc' tołcuayi: İnu'hua lan xanuc' joupa imeyojpola'. A'ij linca lołnespa. Itsiya apuqui'iya. Le'a apella 'hora.

16 Itsiya i'ipa to luya'apa Joel cal profeta. İque uya'apa tołta'a ti'i'ma, inespa:

17 LanDios tuya'e':

İna'a litiné, ai'a tijou'ma li'a łamats', iya' cumme'ma łai'Espíritu. Lan xanuc' ni petsi lomana' li'a łamats' tepenuf'me.

Lołnaxque' camijcanó jouc'a lołnaxque' cahuats'la, tuya'a'me laifnu'iyacola'.

Litine lolamijcanó tixim'me laifmuc'iyacola', lipuqui' litojpola' xanuc' tipaiyo'me, iya' capi'i'mola' quipaiyo.

18 Lan xanuc' jouc'a lacał'no', pe nalimetsaicopa iya' iłPoujna, iłniya tepenuf'me łai'Espíritu, tuya'a'me laifmiyacola'.

Ma' iya' cumme'ma łai'Espíritu, ticuaita pe lomana' iłniya.

19 Lan xanuc' tixim'me acueca' laifmuc'iyacola' fa'a li'a łamats'. Tehuenaf'le al toncay lema'a tixim'me al cueca'.

Tixim'me to lajuats', jouc'a łunga, jouc'a juaiconapa quicuxis.

20 Łalapalai'enga' timuřc'o'ma. Cal mut'ła ti'i'ma to lajuats'.

Tijouł'a ti'ila' tołta'a ticuaihuo jııe Litine LanDios.

Jahuay tixim'me acueca' Litine ihe; acueca' juaiconapa lo'eya LanDios.

21 Naitsi nojoc'iya LanDios, naitsi noxa'hueya titoc'ila', iłque linca tunlu'ma.

22 'Imanc' ixanuc' Israel, ałquimf'eta' laifnu'iyacolhuo': Cal xans Jesús łas Nazaret ma LanDios epi'ipa limane, tołta'a imuj'moxi ma' anDios. İque Jesús li'huamma icuaitsi pe lołmana', i'e'ma al cueca', i'e'ma ma to lo'eya LanDios. Tołta'a imuc'ipolhuo' naitsi łummepa. Joupa ołsina' ihe li'ipa.

23 Lijou'ma i'i'ma ma to quixina' LanDios lo'iya, ma to lixpıe'ma. İque cal xans Jesús LanDios icupa, epi'ipolhuo' imanc'. Imanc' ołcu'me icuaitsi quılmane ts'ıłpenic'. Tołmila' lan xanuc', iłne pe aimihuejcoyi LanDios: “Tonlapałts'ijntsa lancruz”. Tołta'a qui'ic' imanc' ołma'apá.

24 Lijou'ma LanDios imaf'i'ina'ma. Aiquipo'nohuo quimac'. Unlu'e'ma. Lamaya aiqui'ic' culiqui nulemma.

25 Li'ipa to linespa David mipalaicojma Jesús, tuya'e':

Iya' aiximpa lo'iya, łalPoujna aimalpo'noya caituca'.

İtine itine ałmajm'me anuli, iłque tipa'a al c'a camane, ałtoc'i.

Ailopa'a całspaic'eya.

26 Tołta'a caxina amaf'ca łainunxajma'.

Cuya'a'ma: Iya' tixoqui neta juaiconapa.

Aixina' cuyaico'ma al c'a jouc'a laicuerpo.

Tijoula' laipitine fa'a li'a lamats' cunxaj'ma tixoj'ma neta.

²⁷ Iya' lai'alma aimapo'noya pe lomana' lamizhua.

Iya' o'huexi, ima' aiPoujna, ahtoc'i'ma, laicuerpo aimihuet'lya.

²⁸ Iya' aixina' laif'eya, joupa ahmuc'ipa, culij'ma laipitine.

Capajn-na'ma pe lofpa'a, ima' toxhuai'ni'ma laixojcoya neta.

²⁹ 'Cunc'aipimaye, lapi'ila' lane capalaic'o'molhuo' al cua-jmaica cataiqui'. Imanc' joupa ohsina' li'ipa latatahuelo David. Hque imanapa, temuya. Lipu'hua tipanenni fa'a liya' Jerusalén.

³⁰⁻³¹ Hque David aprofeta. LanDios u'i'ma lo'iya. Joupa epi'ipa cataiqui' imipa:

Ima' lofcuxeya aimijouya.

Ima' ti'i'ma itatahuelo cal Cristo hque laifnummeya ticuxeta'.

David aiqumenc'ejma ile litaiqui' LanDios limipa.

Ixina' lo'eya LanDios, ipalaico'ma lo'iya cal Cristo, ticua timaf'ina'ma. Tohta'a li'ipa. Hque cal Cristo h'alma LanDios aiqipo'nohuo nulemma pe lomana' lamizhua, licuerpo aiqihuet'iqui.

³² Hque cal Cristo maque Jesús, LanDios imaf'i'ina'ma, it-sahue'enanni. Jahuay illanc' alsimpá imaf'inapa.

³³ LanDios qui'Ailli' cal Cristo imi'ma: "Capi'i'mo' cal Espíritu Santo. Tommeta pe lomana' laixanuc'." Tohta'a li'ipa. LanDios if'ac'enapa lema'a, epi'ipa tohta'a limane. Hque Cristo joupa ummepa cal Espíritu Santo. Imanc' aqumf'enga' lahpalaipa, lahuelonginga' la'ejma'. Tohta'a ma'cuxenga' cal Espíritu.

³⁴ David a'i quif'aqui lema'a. Ma'que tuya'e':

LanDios tipalaic'o laiPoujna, timi: "Tocutshuai'ma jifa'a al c'a camane.

³⁵ Topanehuo fa'a, iya' mi'hua culiquila' lo'epo' laic'.

Tijoula' ima' tocuxena'mola'."

³⁶ 'Imanc' ixanuc' Israel; itsiya jahuay imanc' to'cuc'ete ile li'ipa. Hque Jesús imanc' olapahts'ijmpá lancruz, LanDios imetsaicopa ahpoujna, imetsaicopa cal Cristo.

³⁷ Licuej'me ile lataiqui' ecajm-maitsi lataiqui' lipicuejma', icuaitsi hilunxajma'. Ixhuelconca juaiconapa. Icuise'me, timinila' Pedro jouc'a locuenaye apóstole:

—¿Te ca'eyacu? Imanc' cunc'aipimaye lu'itsonga'.

³⁸ Pedro timila':

—Tosuej'menca. Tohtesle: "Al linca hque Jesús aCristo". Tepo'intsolhuo' anuli anuli imanc'. LanDios tilonc'e'e'molhuo' lo'junac'. Tepi'im'molhuo' cal Espíritu Santo. Joupa inespa tohta'a LanDios.

³⁹ Itsiya tohta'a timila' jahuay nojoc'ipola'. Timilhuo' imanc', timila' lohnaxque', jouc'a timila' ihniya nomana' aculi'.

⁴⁰ Lijoupa limipola' tohta'a, Pedro ti'hua tipalaic'ola' xonca. Ti'hua tixc'ai'ila', tixa'huela', timila':

—Aimolihuej'mola' lan xanuc' nomana' itsiya. Iñe aimihuejyi al hijca lipene ÑanDios.

41 Iñe litine lan apóstole jouc'a liñejmale epenufim'mola' to afanej mil lan ts'e capimaye, iñe epenufpá litaiqui' Pedro epo'im'mola'.

42 Jahuay lapimaye tihuejyi lomuc'iyalepa lan apóstole. Tiyejmaleyi, titoc'iyotshi. Ti'eyi to Jesús lixc'ai'ipola' li'apóstole. Tefot'leyotshi, tixquec'iyotshi ña'i, titeji. Tijoc'iyi ÑanDios.

43 Iñiya litiné jahuay lan xanuc' tixpaic'eyi ÑanDios. Ailopa'a natets'ipa ÑanDios. Lan apóstole ti'eyi al cueca'. Timuc'innila' lan xanuc' lipepaxi ÑanDios.

44 Jahuay iñe naihuejcopá Jesús i'e'e'motshi anuli. Timiyotshi:

—Maipima, ña'huexi iya' ima' o'huexi jouc'a.

45 Ja'ni ñamats', ja'ni ocuena quiñ'huexi, pe ts'il'hueca ticujiyi. El tomí lolijpa teca'nennila' lapimaye pe ailopa'a quiñ'hueca.

46 Itine itine tiyeyi al cuecaj xoute', tefot'leyotshi. I'ipa anuli liñpicuejma'. Jouc'a tefot'leyotshi hilejut'ñi. Jiñpe titeji ña'i lixquet-sufiya. Ñinca tixoqui quileta titetsoyi anuli.

47 Tix'najtsi'iyi ÑanDios. Locuenaye xanuc' tetentococola' liñ'ejma'. Itine itine ña'Poujna Jesucristo tunñu'ela' lan xanuc'. Toña'a ixpepola' lapimaye, tefot'leyotshi anuli.

3

1 Anuli litine iye'me al cuecaj xoute' Pedro jouc'a Juan. I'ipa al fanej hora. Mañpe lan xanuc' tijoc'iyi ÑanDios.

2 Jiñpe ticutsu anuli cal coxo. Toña'a lipajnta. Itine itine tiñcuai'emman ñunaj xoute', pe lopa'a al puerta lacui'impá: Xonca Lilange. Jiñpe cal coxo tixahue'ela' tepi'inni quitomí iñe lan xanuc' mitsuflaiyi al xoute'.

3 Ixim'mola' Pedro jouc'a Juan mitsuflaiyi al xoute', ixahue'e'mola' tepi'ñe quitomí.

4 Pedro jouc'a Juan ehuelonc'e'e'me li'a. Pedro timi:

—Ima' alahuelojntsonga'.

5 Cal xans i'e'ma to limi'ma. Ticua: “Lapi'i'ma caitomí”.

6 Pedro timi:

—Iya' ailopa'a caitomí, ni huata ni axpe'. Ñinca catoc'i'mo'. Cajoc'i'ma Jesús ñas Nazaret, iñque tixal'metso'. Ima', ¡tot-sahuenni! ¡To'huaña'!

7 Pedro i'noñ'e'e'ma al c'a quimane. Eaxu'ma. Aiquicoñ'ma i'ina'ma quiñpufxi li'mitsi', jouc'a licoxac' qui'mitsi'.

8 Iyuf'conni, eacax'ma, ipango'ma i'hua'ma. Itsuflai'me al xoute' iñque jouc'a Pedro y Juan. Ti'hua iyuf'conni, tix'najtsi'i ÑanDios.

9 Jahuay lan xanuc' nomana' jiñpiya ixim'me ti'hua, icuej'me tix'najtsi'i ÑanDios.

¹⁰ Imetsaico'me, ticuayi: "Hca'a cal xans micutsu hunaj xoute' jilpe al puerta lacui'impá: Xonca Lilange, tixa'hue quitomí. Itsiya, ¿te qui'ipa? Itsiya ti'huanghua."

¹¹ Jilpe al cuecaj xoute' lipinujnca Salomón efot'te'moltsi lan xanuc'. Iximpá cal coxo joupa ixal'conapa, tecaxc'o nolojmay Pedro y Juan, i'nohila' ihniya. Ticuayi: "¿Te qui'ipa lixal'copa?"

¹² Pedro lixim'mola' lan xanuc' lefo'ya timila':

—Imanc' cunc'ixanuc', ohtatahuelo Israel, ¿te aico'cucua li'ipa? ¿Te calahuelo'jncoponga' illanc'? ¿Te aga illanc' cactuca' al'e'epa ti'huala' ilque cal xans? ¿Te aga illanc' xonca lihuejcoyi LanDios, tohta'a lapi'iponga' lahmane alsal'mete jilca'a cal xans? Ai.

¹³ Ma LanDios i'epa ilta'a al cueca' itsiya. Hque ilen-Dios lahtatahueló Abraham, Isaac y Jacob jouc'a ilenDios la'aillí, itsiya imuc'ipolhuo' joupa imetsaicopa Jesús i'Hua. Imuc'ipolhuo' joupa imetsaicopa ixhuai'nipa lipenic', ile lanic' lepi'ipa ti'e'la'. Ma'que Jesús imanc' olcupá icuaitsi limane lincuxepa Pilato. Pilato ipic'a tux'masna'la', imanc' aico'cuac', olcuanac'epá.

¹⁴ Imanc' ol'sa'hue'me Pilato tux'masna'la' locuena cal xans, ilque cal cuej quinma'ahuale. Jesús, cal Paxi Xans, cal Lijca Xans, imanc' aico'cuac', aicolapenufi.

¹⁵ Imanc' ol'ma'a'me Jesús, ma'que lalapi'iponga' lahpitine. LanDios imaf'i'inapa, ipa'apa pe lomana' lamizhua. Jahuay illanc' lalejmalepá alsimpá imaf'inapa.

¹⁶ Al'huaiyijnyi Jesús. Alsina' ja'ni ahnesco'me lipuftine Jesús, LanDios tixa' me'ma cal coxo. Tohta'a li'ipa. Ma'que Jesús altoc'iponga' al'huaiyijnle tohta'a, tohiya imanc' tohsinyi ilca'a cal xans joupa ixal'conapa, ailopa'a quicuana.

¹⁷ 'Cunc'aipimaye, aixina' li'ipa. Litine lohma'apa Jesús imanc' aico'sina' naitsi ilque. Jouc'a aiquilsina' ilne nicuxepolhuo'.

¹⁸ Ma LanDios enant'hipa litaiqui', ile loya'apa lam profeta. Jahuay ihniya uya'a'me titelco'ma cal Cristo.

¹⁹ 'Itsiya tohsuej'menca ile lo'epa. To'pai'ile lo'picuejma'. Tohta'a LanDios tilonc'e'ena'molhuo' lo'junac', tunxac'i'molhuo', tipaxne'molhuo'.

²⁰ LanDios joupa u'ipolhuo' tumme'e'molhuo' cal Cristo. Ja'ni tohsuej'menanca, linca tumme'e'cona'molhuo' Jesús, ma'que cal Cristo.

²¹ Hque copa'a pu'hua lema'a, i'huaijma ticuaitsi litine jahuay tilajnla' al c'a, ti'ila' al ts'e lema'a, al ts'e li'a lamats'. Tohta'a linespa LanDios. Li'ipa lipaxi profeta uya'a'me ile litaiqui' LanDios.

²² Moisés inesco'ma cal Cristo locuaicoya fa'a li'a lamats'. U'ipola lahtatahueló lo'iya, timila':

ŁanDios łoŁPoujna tepi'i'molhuo' anuli cal profeta.

İhque ał'onłcota to iya', ti'i'ma anuli łoŁpiya' xans.

İhque toŁquimf'e'me, tolihuejco'me jahuay lomiyacolhuo'.

23 Naitsi aimihuejma, ihque tenaj'ma nulemma, aimi'econayacola' anuli lixanuc' ŁanDios.

24 'İpangocopa Samuel jahuay lam profeta uya'a'me ma' anuli lo'iya. Itsiya enanłpa luya'apa.

25 Imanc' inaxque' lam profeta, ti'i'ma tolapenuf'me ile al c'a lonescopa ihniya. ŁanDios litine lipalaic'opa Abraham timi: "Tipajnta anuli nopaxneyacola' lan xanuc' ni petsi lomana' li'a łamats'. İma' ti'i'ma itatahuelo ihquiya." Małe lataiqui' ŁanDios epi'ipola' loŁtatahueló jouc'a epi'ipolhuo' imanc' tolapenufle.

26 ŁanDios lijoupa lepi'ipa hi'Hua lipenic', umme'ma ate'a pe lołmana'. Umme'ma tipai'itsolhuo' loŁpicuejma' anuli anuli imanc', tołta'a aimoł'econa'me lixcay, ŁanDios tipaxne'molhuo'.

4

1 Mipalaic'ola' lan xanuc' Pedro y Juan jilpe icuaitsa lixanuc' cal cuecaj ca'ailli', jouc'a lincuxepa capaluc' xoute', jouc'a lan xanuc' saduceo.

2 İxinim'mola' Pedro y Juan timuc'iyaleyi, icuej'me ilne micuayi: "Al linca timaf'ina'me lamizhua; joupa imaf'inapa Jesús." Aiquetenłcocola' ile lonespa Pedro y Juan.

3 İ'nołim'mola', i'nicontsola' lacarza, timajntsa jilpe ile lipuqui'. Joupa if'acołaipā. Ticuayi: "Mouqui lipa'a'mola'. Ałcuxecotola'."

4 Axpela' lan xanuc' noquimf'epá linespa Pedro y Juan i'huaiyijmpá Jesús. İxpe'mola' lapimaye. Joupa i'i'ma to amaquej mil, ma le'a axanuc'. Timana' jouc'a lacał'no'.

5 Li'ipa quitine efot'le'mołtsi jilpe Jerusalén ilne lincuxepá lan xanuc' jouc'a lan tsilaj xanuc' noxpijpá lataiqui', jouc'a lomxiye nomuc'iyalepá locuxepa ŁanDios.

6 Jilpe icuaitsa cal cuecaj ca'ailli' Anás, jouc'a Caifás, Juan, Alejandro y locuenaye lixanuc' cal cuecaj ca'ailli'.

7 İcuxem'mola' lilepaluc' tilecontsola' Pedro y Juan. İcuai'entsola', ecaxum'mola' petsi lefot'leyołtsi. Timinnila':

—İmanc' ołsał'mepá cal coxo. ¿Naitsi lepi'ipolhuo' cołmane? ¿Te cuftine ihque?

8 Pedro ixim'ma cal Espíritu Santo ticuxe lipicuejma'. Timilla':

—İmanc' cunc'incuxepá jouc'a imanc' nołspijpá lataiqui',

9 itsiya licuis'enga', ałminga': ¿Te cołtoc'icopa cal coxo? ¿Te qui'ipa joupa ixalconapa?

10 Cu'i'molhuo' li'ipa. Ti'ıla' cołsina' jahuay imanc' jouc'a jahuay lał'as xanuc' İsrail. İllanc' ałjoc'i'me Jesucristo, łas

Nazaret, ma' itque Jesús imanc' olapałts'ijmpá lancruz, ŁanDios imaf'i'inapa ipa'anapa pe lomana' lamizhua. Cacua: Ałjoc'ipá itque. Tołta'a ixalconapa itca'a cal xans fa'a tecaxu. Tolahuelo-jnyi, ailopa'a quicuana.

¹¹ Małque Jesús copa'a "... łapic łetets'impa nolanc'epá lajut'ł". Imanc' mołłanc'eyi lajut'ł aicołshuico'me. Itsiya "... joupa i'ipa xonca łaicucoya, itque łapic xonca tilanc'e łaitał, aimecangeya lajut'ł".

¹² Ailopa'a cocuena łalunłu'eyaconga'. Jifa'a li'a łamats'ni petsi lomana' lan xanuc', ja'ni tijoc'ite Jesús, tinescołe lipuftine, tunłul'me. Ocuena aimi'iya munłu'eyacola'.

¹³ Itne noquimf'epá lonespa Pedro y Juan ixinim'mola' aim-ixpailiquila', ticuayi: "Itne ni naitsi xanuc'. Aiquiłsuec'. Itšina' ałtalai'e'enga'. ¿Te qui'ipola'?" Ticuayi: "Itne iyejmalepá Jesús".

¹⁴ Ailopa'a quimiconam'mola'. Ixim'me cal coxo jouc'a Pedro y Juan tecaxołanna. Itque joupa ixalconapa.

¹⁵ Ummem'mola' łuna. Ipalaic'o'mołtsi ts'itpenic'.

¹⁶ Ticuayi:

—¿Te cał'eyacu? ¿Te całmiyacola' itne lan xanuc'? Jahuay nomana' fa'a liłya' Jerusalén joupa itšina' juaiconapa acueca' li'epa. Aimi'iya małnesyacu: A'ij łinca.

¹⁷ Ma le'a ałcuxe'e'mola', ałmi'mola': "Aimołpalaicocona'me Jesús. Aimołnesco'me lipuftine." Tołta'a lan xanuc' nomana' ocuenaye quiłelołya' aimicuejyacu li'epa itniya.

¹⁸ Itjoc'im'mola' Pedro y Juan titsuflaiconanca. Timinnila':

—Aimołpalaicocona'me Jesús. Aimołmuc'iconayale'me łitaiqui'. Aimołnescona'me lipuftine.

¹⁹ Pedro y Juan italai'e'me, timinnila':

—¿Te cołcuayacu imanc'? ¿Te ts'ipic'a ŁanDios? ¿Ja'ni lihuejco'molhuo' imanc' o lihuejco'me ŁanDios?

²⁰ Itłanc' aimi'iya małtałi'eyacołtsi lałco. Ite lałsimpa, lałcuejpa, aluya'a'me, alu'i'mola' lan xanuc'.

²¹ Itcuxe'econam'mola' Pedro y Juan. Timinnila':

—Ja'ni ti'hua tołpalaicoyi Jesús ałteł'mi'molhuo'. Tonłente.

Aimi'iya miteł'minyacola'. Jahuay lan xanuc' iximpá acueca' ite li'ipa, tix'najtsi'iyi ŁanDios.

²² Cal xans lixałconapa a'ij camijcano, joupa ixhuaita oquej nuxans y xonca łemats'.

²³ Joupa ux'masquinampola' Pedro y Juan ipailinanca, icuaitsa pe lomana' liłpimaye. Uya'a'me linespa lixanuc' cal cuecaj ca'ailli' jouc'a lan tsilaj xanuc' noxpıjpa' łataiqui'.

²⁴ Licuej'me tołta'a jahuay itniya lapimaye ipango'me itjoc'i'me ŁanDios, timiyi:

—MałPoujna, illanc' oxanuc'. Ima' olanc'epa lema'a, olanc'epa li'a łamats', olanc'epa łaja, olanc'epola' jahuay lomana'.

²⁵ Łaťatahuelo David joupa lu'iponga' lofnespa ima' man-Dios. Micuxe cal Espíritu Santo lipicuejma' David, iłque ticua: Lan xanuc', iłne pe aimimetsaicoyi ŁanDios, ixtuc'o'mołtsi, ixpic'epa ti'e'me nixpiya.

²⁶ Lan rey, iłne nocuxepá jifa'a li'a łamats', joupa itsolinamma, tixtuleyi.

Nocuxepola' lan xanuc' efot'łepołtsi anuli, tifuli'i'me ŁanDios, tifuli'i'me cal Cristo, iłque łummepa ŁanDios.

²⁷ 'Ma' ałınca tołta'a li'ipa jifa'a liłya'. Efot'łepołtsi cal rey Herodes, jouc'a Poncio Pilato jouc'a lipiłya' xanuc', jouc'a lałxanuc' iłne ixanuc' Israel. Iłniya jahuay ixtuc'o'me cal Paxi ło'Hua Jesús, iłque no'epa lopenic' lomepi'ipa, iłque ło'Huij'epa ima'.

²⁸ Iłniya naixtulepá tocomma to quıłtuca' tixpic'eyi lo'eyacu. A'i quıłtuca' mixpic'eyi, ma' ima' ocuxe'e'mola' lo'epa, ima' joupa oxpic'epa lo'iya.

²⁹ 'Ima' małPoujna, itsiya ałsa'huehuo' ałtoc'itsonga'. To-quimf'etsola' nalixtuc'oponga', iłne ałminga' cataiqui', illanc' oxanuc', ima' malanDios. MałPoujna, lapi'itsonga' calpıjfxi aimalšpailij'monga', ti'hua luya'a'me lotaiqui'.

³⁰ Illanc' ałnescocona'me Jesús lipuťtine, iłque cal Paxi ło'Hua ni'epa lopenic' lomepi'ipa. Ma' ałnescołe iłque lipuťtine, ima' ti'huał' lomane, toxał'metsola' lafcuałłay, tomuc'itsola' lan xanuc' al cueca' lof'epa, to'eł' to aimi'iya mi'eyacu lan xanuc'.

³¹ Lijoupa lijoc'ipa ŁanDios ixim'me tifenna lajut'ł pe lafołyomma. Lapimaye nomana' jıłpe cal Espíritu Santo icuxe'mola' liłpicuejma' jahuay iłniya. Lijou'ma aiquiłsina' caxpaiqui'. Ti'hua tu'iyaleyi litaiqui' ŁanDios.

³² Jahuay iłniya no'huaiyijmpá Jesús ti'e'eyołtsi capic'a. Ailopa'a nonesya: "Iłe ai'huexi ma' iya' caituca". Jahuay ticuayi: "Maipima iłta'a łai'huexi jouc'a o'huexi".

³³ Lan apóstole ti'hua tuya'ayi: "Ałsimpá łalPoujna Jesús joupa imaf'inapa, ipanamma pe lomana' lamizhua". A'i ma le'a micuayi, jouc'a ti'eyi al cueca'. ŁanDios juaiconapa itoc'i'mola' jahuay iłniya lapimaye.

³⁴ Iłne no'huaiyijmpá Jesús aimehue'ela', ni' anuli. Lapi-maye ts'ił'hueca, ja'ni amats' o' ajut'ł, ticujyi. Al tomı' lolijpa ti'hua'ayi pe lomana' lan apóstole.

³⁵ Teto'ennila' jıłpe lił'mitsi' iłniya. Iłe al tomı' teca'nennila' lapimaye pe aiquił'hueca.

³⁶ Tipa'a jıłpe anuli łapima cuťtine José. Lan apóstole ecui'i'me Bernabé. Iłe laťtine tuhuałquemma: Łaixoc'ipola'

quileta lipimaye. Ique qui'huayomma lamats' Chipre. Cal te'a qui'ahuelo aLeví.

³⁷ Bernabé icuj'ma anuli lamats', itaic' al tomí lulijpa. Eto'e'mola' li'l'mitsi' lan apóstole.

5

¹ Jilpe pe lomana' lapimaye tipa'a anuli cal xans cuftine Ananías. Jouc'a lipeno Safira icuj'me lamats'.

² Al tomí lulijpa Ananías ipa'a'ma, lipanenni i'hua'a'ma, eto'etsola' li'l'mitsi' lan apóstole. Ticuanle jahuay itaipa al tomí, a'ij linca. Lipeno ixina' li'epa hipe'ailli'.

³ Pedro timí:

—CumAnanías, ¿te comepi'icopa lane lonta'a Satanás? Ique icuxepo' jilpe lopicuejma'. Oxpíc'epa tofel'mi'ma cal Espíritu Santo. Omilonc'epa lomulijpa al tomí.

⁴ Ique lomemats' ai'a tocuj'ma, ¿ja'ni ima' cotuca' aimoxpic'e te lof'e'eya? Lijoupa locujpa, al tomí lomulijpa, ¿te aico'huexi? Ima' cotuca' oxpic'epa afel'mitsonga'. Metets'ipa LanDios, a'i malatets'inga' illanc' ninc'ixanuc'.

⁵ Licuej'ma ile lataiqui' Ananías ecangenni lamats', ima'ma. Licuej'me lan xanuc' tolta'a li'ipa jahuay ixpailij'mola' juaiconapa.

⁶ Lamijcanó itsolinca, iju'eco'me asábana licuerpo Ananías, itai'me emitsa.

⁷ Uyai'ma afanej hora. Icuaiyunní lipeno lamizhua Ananías. Ique aikuixina' ile li'ipa hipe'ailli'.

⁸ Pedro icuis'e'ma, timí:

—Alu'ila'. ¿Te ahinca tolta'a i'najtse'empolhuo' lołcujpa lolamats'?

Timí:

—Tolta'a a'najtse'emponga'.

⁹ Pedro timí:

—Imanc' loquexi' oñefopá olahuaipá cal Espíritu Santo. Toquimf'ela'. Icuaicona'me lamijcanó nemihuo'me lope'ailli'. Tisolof'que li'l'mitsi'. Joupa icuai'me lunaj puerta. Tileco'mo' ima'.

¹⁰ Aiquicol'ma. Laca'no' ecanghuaitsi imac' jilpe li'l'mitsi' Pedro. Itsuflai'me lamijcanó ixim'me joupa imanapa. Itai'me emitsa jilpiya lemi'e'huo'me hipe'ailli'.

¹¹ Lapimaye, ilne lefot'lepola' LanDios, jouc'a jahuay lan xanuc', licuej'me ile li'ipa ixpailij'mola' juaiconapa.

¹² Lan xanuc' nomana' jilpiya ixim'me axpe' acueca' lo'epa lan apóstole, ixinim'mola' mi'eyi to lo'eya LanDios. Jahuay ilne lan apóstole tefot'leyołtsi pe lopa'a al cuecaj xoute', jilpe linujnca cuftine Lipinujnca Salomón.

13 Locuenaye aici'ontila' to ihniya lan apóstole, tixpailiquila'. Lan xanuc' ticuayi: "Acueca' lo'epa, acueca' ac'a lihpucuejma' ihniya".

14 Toŧta'a xonca axpela' i'huaiyijm'me laŧPoujna. Ixpe'mola' axanuc' aca'no'.

15 Ipa'a'me lilefcualŧay lonaf'coŧanna liŧhualfa o liŧhuijm-ma'. Ipo'nom'mola' lema cane, i'huaijma tuyaiŧa' Pedro. Ja'ni tixingufcoŧe ma le'a lipunxahua tixaŧcona'mola'.

16 Juaiconapa axpela' lan xanuc' quiyoyomma liŧeloŧya' lomana' huejnca Jerusalén tiŧcuai'em'mola' lilefcualŧay. Jouc'a tiŧcuai'em'mola' locuenaye laxtafpola', tipa'antsola' lontahue litsufŧaipá. Jahuay ixaŧcona'mola'.

17 Ixtulencia cal cuecaj ca'ailli' jouc'a liŧejmale, iŧne lan saduceo. Juaiconapa ti'eyi laic'.

18 Umme'me lilepaluc'. Iŧne i'noŧ'me lan apóstole, I'nico'me lacarza.

19 Iŧe lipuqui' icuaiyunni lacarza anuli laŧpaluc quema'a hummepa laŧPoujna. Exi'e'ma lipuertá lacarza, ipa'ana'mola'.

20 Timila':

—Tonŧeŧe al cuecaj xoute'. Tolacaxoŧsa jiŧpiya. Toŧpalaic'otola' lan xanuc'. Tolu'itola' te ts'i'ic' al ts'e capajnya, te ts'i'ic' mepenufyacu.

21 Lijoupa licuej'me toŧta'a, iye'me. Icuaitsa al cuecaj xoute'. Joupa tiŧic'e itsufŧai'me jiŧpe. Ipango'me imuc'iyalecona'me lan xanuc'.

Cal cuecaj ca'ailli' jouc'a liŧejmale icuaitsa pe loxpijyopa cataiqui'. Ijoc'im'mola' jahuay lan tsilaj xanuc' Israel, iŧne noxpijpa lataiqui', tefot'ŧeŧoŧsi. Lijou'ma ummem'mola' laŧpaluc' tiyeŧe lacarza. Timinnila':

—Toŧŧecotsola' ticuaiyunca fa'a pe laŧmana' iŧne lan xanuc'.

22 Laŧpaluc' icuaitsa lacarza. Ailomana' jiŧpiya lan apóstole. Ipailinanca, uya'atsa.

23 Timiyi:

—Laŧcuaita illanc' lacarza eti'iya al c'a. No'epá cuenna tecaxoŧanna hunaj puerta. Alaxi'epá cal puertá nij naitsi nopa'a.

24 Lincuxepa capaluc' al cuecaj xoute', jouc'a cal cuecaj ca'ailli', jouc'a lixanuc' cal cuecaj ca'ailli' iquimf'e'me lonespa laŧpaluc', icua'me:

—Itsiya iŧe li'ipa, ¿te cocula'aya? ¿Te xonca co'iya?

25 Minesyi toŧta'a icuaitsi anuli cal xans, timila':

—¿Toŧsinŧe! Iŧne lan xanuc' imanc' loŧ'nicopola' lacarza, jipu'hua al xoute' tecaxoŧanna, timuc'iyaleyí.

26 Lincuxepa laŧpaluc' al cuecaj xoute' jouc'a lepaluc' iye'me tilecontsola' lan apóstole. Mane ilecontsola', ailopa'a qui'e'empola'. Iŧne lin-naihuehualé tixpailiquila'. Ticuayi:

“¿Te ca'e'eyacongá' lan xanuc'? Ja'ni lixtuc'o'monga', ałma'aco'monga' apic.”

²⁷ Icuaiyocontsa pe lefołya petsi loxpijyopa cataiqui'. Ecaxum'mola' jįpiya. Cal cuecaj ca'ailli' ipango'ma icuis'e'mola'.

²⁸ Timila':

—İllanc' joupa ałsc'ai'ipolhuo', ałcuxe'epolhuo', ałmipolhuo': “Aimołpalaicocona'me Jesús. Aimołnescocona'me lipuftine.” İt-siya, ¿te con'epa? Joupa ol'nicopá lołtaiqui' liłpicuejma' jahuay lan xanuc' nomana' fa'a Jerusalén. İmanc' ałtac'huinga' ca-junac'. Tołcuayi illanc' ałma'apá iłque cal xans Jesús.

²⁹ Pedro jouc'a locuenaye lan apóstole italai'e'e'me, timin- nila':

—Ja'ni ŁanDios jouc'a lan xanuc' ałcuxenga', tıcuicomma li- huejcołe ŁanDios, a'i lan xanuc'.

³⁰ ŁanDios, łilenDios lałtatahueló, imaf'i'inapa Jesús, ipa'anapa pe lomana' lamizhua. Małque Jesús imanc' olapałts'įjmpá al 'ec, olma'apá.

³¹ İmanc' ixanuc' İsrail, małque ŁanDios ipic'a tepi'itsolhuo' lołpicuejma' tołsuej'menanca, ipic'a timenc'e'eco'molhuo' lołjunac'. Tołiya i'epa al cueca'. İmaf'i'inapa Jesús, if'ac'enapa, i'e'epa lałPincuxepa, Łalunlu'eponga'.

³² İllanc' ałsina' al łınca iłe lałmipolhuo'. Tołiya luya'ayi, lu'ilhuo'. Ma' anuli loya'apa cal Espíritu Santo. İłque cal Espíritu ŁanDios tepi'ila' jahuay naihuejcopá.

³³ İhne lan xanuc' noquimf'epá ixtulenca juaiconapa. Coła' tima'antsola' lan apóstole.

³⁴ Jįpiya lefołya tipa'a anuli cal xans fariseo cuftine Gamaliel. İłque cal xans omxi, timuc'iyale locuxepa ŁanDios. Jahuay lan xanuc' ixim'me ac'a xans, ticuec'eyi. İłque ecax'ma, timila':

—Tolipa'atsola' iłne lan xanuc'. İllanc' ałpalaic'o'mołtsi całtuca'.

³⁵ (İpa'am'mola' lan apóstole.) Gamaliel ipalaic'o'mola' iłne lan xanuc' lefołya, timila':

—Cunc'aipimaye, cunc'aif'as xanuc' İsrail, ton'ıełe cuenna. Tołspic'ıełe al c'a lon'ı'e'eyacola' iłne lan xanuc'.

³⁶ Li'ipa cal xans Teudas ehuoc'huai'mola' lincuxepá. Ticua: “İya' nincuecaj xans. Lihuejla'.” To amalpuj maxnu lan xanuc' ihuej'me. Lijou'ma ima'am'me. Ts'ilihuequi inulai'me nulemma.

³⁷ 'Lijou'ma, iłniya łitiné minilıngaispola' liłpuftine lan xanuc', ocuenaj cal xans ehuoc'huaiconamola' lincuxepá. İłque cuftine Judas łas Galilea. İłque jouc'a efot'ıe'mola' axpela' lan xanuc'. İfule'me. Judas jouc'a ima'am'me. Ts'ilihuequi inulai'me.

38 'Itsiya camilhuo': Tolanajtsołtsi iłne lan xanuc'. Tolux'masnatsola' tiyente. İhniya locuapa, lo'epa, ja'ni tipa'acoyi quıltauca' liłpicuejma', aimi'ıya, tejac'mola'.

39 Ja'ni ŁanDios ticuxela', imanc' aimi'ıya munlulijyacola', mane tolıxtuc'o'me ŁanDios.

40 İhuejco'me limipola' Gamaliel. İjoc'iconam'mola' lan apóstole titsuflaiconanca. İtsimaf'quim'mola' liłspula'. Timinila':

—Aimołnescona'me: “Jesús alapi'iponga' lałmane lu'i'molhuo' iłe li'ıpa”.

Ux'masquinam'mola'.

41 Lan apóstole ipalunca jıłpe lefoıya. Tixoqui quileta. Ticuayi: “ŁanDios tetenłcocojma małnesco'me Jesús. Toııya ałtełcoyi.”

42 İtine itine ti'hua timuc'ıyaleyi jıłpe al cuecaj xoute' jouc'a lajut'lı. Ti'hua tuya'ayi: “İłque Jesús aCristo, İ'Huij'epa ŁanDios”. Aıquixoquila'.

6

1 İhne İtiné mixpela' ts'ılıhuequi Jesús timana' lapimaye İxtuc'o'mołtsi. İhne nopalai pá liłtaiqui' griego İxtuc'om'mola' locuenaye lapimaye ahebreo, iłne ocuena liłtaiqui' lopalaipa. Ticuayi:

—İmanc' lołpotsateya itine itine tepi'innila' łotejacu. İllanc' nałpalaicopá griego aımepe'i'innila' lałpotsateya.

2 Limbamaj coquexi' lan apóstole İjoc'im'mola' tefot'łetsołtsi jahuay ts'ılıhuequi Jesús. Timinnila':

—İllanc' ałmuc'ıyaleyi, lu'ıyaleyi liłtaiqui' ŁanDios. ¿Te ałpo'no'me iłta'a lałpenic'? ¿Ałtes'mi'mola' lan xanuc'? Aı. Aimi'ıya.

3 İmanc' illanc' ninc'apimaye. Ticuicomma acaitsi lapimaye, timetsaicontsola' lan c'a xanuc', ticuxetsola' cal Espıritu Santo liłpicuejma', ts'ılsina' tixpic'e'me al c'a. Małniya toł'huij'etsola' imanc'.

4 İllanc' ti'hua ał'econa'me ma to mał'eyi. Aıjoc'i'me ŁanDios, ałmuc'ıyale'me liłtaiqui' ŁanDios.

5 Jahuay lefoıya jıłpe etenłcoco'mola' iłe lataiqui'. İ'huij'em'mola' Esteban, Felipe, Prócoro, Nicanor, Timón, Parmenas jouc'a Nicolás. İłque Esteban jahuay ĩunxajma' ti'huaiyinge Jesús. Ma le'a cal Espıritu Santo ticuxe lipicuejma'. Nicolás agriego, las Antioquía, ihuejpa lılıhuequi lan xanuc' judío. İtsiya ti'huaiyinge Jesús.

6 İhne lan caitsi ilecom'mola' pe lomana' lan apóstole. Lan apóstole İjoc'i'me ŁanDios, İpo'nof'i'me liłmane liłjuac lan caitsi capimaye.

7 Lijou'ma xonca aculi' i'hua'ma litaiqui' ÑanDios. Liya' Jerusalén xonca tixpela' juaiconapa iñe ts'ilihuequi Jesús. Jiñpe axpela' la'ailli' tihuejcoyi litaiqui' Jesús.

8 ÑanDios juaiconapa titoc'i Esteban, ipaxnepa, epi'ipa li mane ti'eña' al cueca' to aimi'ya mi'eyacu lan xanuc'. I'e'ma to lo'eya ÑanDios. Toña'a timuc'iyale.

9 Lan xanuc' judío, iñe pe lafoiyomma lajut'l' cuftine Lilejut'l' Lo'nampola' joupá Ux'masquinnapola', ixtuc'o'me Esteban. Iñe naixtulepá quiyoyomma liya' Cirene jouc'a liya' Alejandría, jouc'a lamats' Cilicia jouc'a lamats' Asia. Iñe ipango'me ifuli'i'moñsi cataiqui' Esteban.

10 Esteban imuj'moxi acueca' lipicuejma'. Tipalay ma le'a lomipa cal Espíritu Santo. Ulij'mola'. Iñe ailopa'a cotalai'ecoyacu.

11 Ixtulencia xonca. I'najtsem'mola' lan xanuc' ticufle Esteban. Tuya'atsa: “Iñca'a cal xans tetets'i' Moisés, jouc'a tetets'i' ÑanDios. Alcuejpá lonespa.”

12 Toña'a tu'innila' lan xanuc' jouc'a lan tsilaj xanuc' noxpíjpá lataiqui', jouc'a lomxiye nomuc'iyalepá locuxepa ÑanDios. Jahuay iñiya ixtuc'o'me Esteban. Icuaitsa pe lopa'a, i'noñ'me, i'hua'a'me pe lafoiyomma lan tsilaj xanuc' noxpíjpá lataiqui'.

13 Jiñpiya lefoya icuai'entsola' nofelñaiquepá, iñiya icuf'me Esteban. Ticuayi:

—Iñca'a cal xans ti'hua tetets'i' iñe al Paxi Cajut'l', jouc'a tetets'i' locuxepa ÑanDios.

14 Illanc' alcuejpá lonespa. Ticua: “Jesús ñas Nazaret teteñ'ma iñe al xoute”. Jouc'a ticua: “Jesús tipai'i'ma lañ'ejma', aimañ'econa'me to mañ'eyi”. Alcuaayi: Illanc' aimi'ya malapenufyacu toña'a. Itsiya lihuejyi litaiqui' Moisés, iñque alcuxenga'.

15 Lan xanuc' nocutsoñanna jiñpiya lefoya juaiconapa tehuelojnyi Esteban. Tixinyi li'a ti'onñcospa to li'a anuli ñapaluc quema'a.

7

1 Cal cuecaj ca'ailli' icuis'e'ma, timi Esteban:

—¿Te al linca locuapa iñiya?

2 Esteban timila':

—Cunc'aipimaye, imanc' ałtatá lañcuxenga', ałquimf'eña' laifmiyacolhuo'.

'Mipa'a ñatatahuelo Abraham lamats' Mesopotamia, ai'a ti'huaana'ma lamats' Harán, cal Cuecaj CanDios, iñque Nopa'a lema'a, imuj'moxi.

3 Timi: “Topo'noña' ñomemats', topo'notsola' loxanuc'. To'huanni. Camuc'ito' ocuena camats', jiñpe topajnta.”

4 Abraham ipanni łamats' Mesopotamia pe lomana' lan xanuc' cuftine lan caldeo. I'huana'ma ipajntsi łamats' cuf-tine Harán. Quimaf'i' qui'ailli' jilpe imanenca. Lijou'ma limana'ma qui'ailli' ŁanDios ummepa i'huanni jifa'a łamats' pe lałmana' itsiya.

5 'Fa'a ŁanDios aiquepi'i' quemats', qui'huexi ni mixpiqueya anuli li'mis. Icupa cataiqui', timi: "Capi'i'mo' ilca'a łamats'. Ti'i'mo' co'huexi. Tijouła' ti'i'ma qui'huexi lo'hua." He litine Abraham ailopa'a qui'hua.

6 Jouc'a ŁanDios timi: "Timajnlita lonietó. Ihe loxanuc' tiye'me ocuena camats' a'i quilemats'. Jilpiya timajnta. Lan xanuc' ti'e'mołtsi quilpoujnalá. Ticuxem'mola' juaiconapa. Ti'e'em'mola' quixcay. Amalpuj maxnu camats' ti'e'em'mola' tołta'a.

7 Tijouła' lan malpuj maxnu camats' iya' cateł'mi'mola' lan xanuc', ihe li'epołtsi ilpoujnalá loxanuc'. Ilniya loxanuc' tipal-nacu jilpiya. Tipailinacu fa'a. Ma fa'a alaxc'onłingaina'ma."

8 Lijou'ma ŁanDios ipo'no'ipa cataiqui' Abraham. IcuXe'ma ti'exoxi circuncidar. Lijoupa li'epoxi circuncidar Abraham ilpepa qui'hua Isaac. Ipajntsi Isaac, lixhuaitsi apaico quitine, Abraham i'e'ma circuncidar. Isaac i'i'ma qui'ailli' Jacob. Jacob i'i'ma qui'ailli' ihe limbamaj coquexi' lałtatahueló.

9 'Ihe lałtatahueló i'e'me laic' laquilpepo cuftine José. IcuX'im'mola' José lan xanuc' cotsepa łamats' Egipto. Ihe ileco'me José. ŁanDios aiqueca'nicojma.

10 Unłu'e'ma jahuay latełcoya. Titoc'i, epi'ipa acuecaj quipicuejma'. Tołta'a Faraón, ilque incuxepa jilpe łamats' Egipto, tetenłcocojma li'ejma' José. Ifac'e'ma, epi'ipa lipenic' ticuxetsola' lan xanuc' nomana' łamats' Egipto. Jouc'a ticux-ela' jahuay nomana' lejutł Faraón.

11 'Lijou'ma i'i'ma cumemma. Lan xanuc' ni petsi łamats' Egipto ixingufco'me lumemma. Jouc'a lan xanuc' nomana' łamats' Canaán itełco'me juaiconapa. Lałtatahueló nomana' łamats' Canaán aiqixim'me cotejacu.

12 Jacob, ilque qui'ailli' lałtatahueló, icuej'ma tipa'a cal trigo łamats' Egipto. Ihe lałtatahueló ni anulemma aiquiltsec' Egipto. Qui'ailli' ummepola' tiyełe.

13 Iyehuo'me, ipailinanca. Lijou'ma iyecona'me. Licuaiy-ocontsa łamats' Egipto José imuj'moxi lipimaye. Timila': "Iya' łacolpepo. Iya' ninJosé." Timi cal rey Faraón: "Ilniya aipimaye".

14 Timila' lipimaye: "Tonłełe Canaán. Tołłecotsola' cai'ailli' Jacob jouc'a lałxanuc'." Tixhuaispola' afanej nuxans quimbamaj maque' ihe lan xanuc'.

15 'Jacob jouc'a linaxque', ihe lałtatahueló, imul'me łamats' Egipto. Jilpe imanenca. Jilpe imayo'mola'.

16 Lijou'ma ħipécał icuai'e'me łamats' Siquem. Emunatsa al pu'hua li'napa Abraham. Ĥe al pu'hua lopa'a ħilemats' lixanuc' cal xans Hamor. Abraham i'najtse'e'mola' atomí, i'napa.

17 'Ti'hua tixhuaispola' ħitiné ĤanDios ti'e'ma ma to limipa Abraham, tepi'i'mola' laħtatahueló quilemats'. Mimana' ħniya łamats' Egipto ti'hua ticuef'quila'.

18 Jiħpiya anuli cal ts'e quincuxepa ipango'ma icuxe'ma. Ĥque aiqumetsaijma José.

19 Ehuepa te co'iya mijou'neyacola' laħxanuc'. Icuxe-nai'mola' juaiconapa. Icuxe'e'mola' teca'nicole liħnaxque' camijcanó, timatsola'.

20 'Ĥne ħitiné ipajntsi Moisés. ĤanDios icuaicotsi quipic'a łacapími', etenłcoco'ma. Afanej mut'la itoc'empá lejut'ł qui'ailli'.

21 Lijou'ma eca'nicom'me. Li'hua cahuats' cal rey Faraón ixim'ma, ipulaf'ma, i'hua'a'ma lejut'ł. Itoc'e'ma to qui'hua.

22 Jiħpe łamats' Egipto timana' lan xanuc' acueca' quĩsina'. Jahuay liħsina' ħniya imuc'i'me Moisés. Tołta'a Moisés jouc'a imuj'moxi acueca' lipicuejma', ac'a lopalaipa, lo'epa.

23 'Lixhuaitsi oquej nuxans łemats' ipic'a tixintsola' lipimaye, ħne ixanuc' Israel.

24 I'hua'ma pe lomana' lipimaye. Jiħpe ixim'ma anuli titełma. Anuli cal xans egipcio titełmi. Moisés i'hua'ma titoc'itsi. Icuanaįco'ma ħipima. Ima'a'ma cal xans egipcio.

25 Ticua lipicuejma': "Cunłu'e'mola' laipimaye. Ĥne alimetsaico'ma tołta'a laipenic' lalapi'ipa ĤanDios." Lipimaye aiqulłcueca.

26 'Lihuequi litine tifuleyi oquexi' lipimaye. Icuaitsi Moisés, ticua: "Cananc'otola' ħne laipimaye. Ti'inła' liħpicuejma'. Canajna'mola'." Timila': "Cunc'ixanuc', imanc' unc'apimaye. Aimolłfulecona'me."

27 Ĥque noxcái'epa ħipima ixtuc'opa Moisés. Ummetsai'ma. Timi: "¿Naitsi ima'? ¿Naitsi nifajpo'? ¿Naitsi nepi'ipo' lopenic'? ¿Te ima' ałcuxe'monga'? ¿Te ima' ałjuez?"

28 Tsumjma oma'a'ma cal xans egipcio. ¿Te itsiya ałma'a'ma iya' jouc'a?"

29 Licuej'ma ħe lataiqui' Moisés inuna'ma, i'hua'ma łamats' Madián. Ipajntsi. Jiħpe limajnlitsa oquexi' linaxque'.

30 'Uyai'ma oquej nuxans camats'. Anuli litine tipa'a Moisés ħimuc'o' ahuejnca ħjwala cuftine Sinaí, petsi ailopa'a quĩya' ni xanuc'. Jiħpe tunaqui anuli luxi quitac. Małpiya ħpał cunga imaxcaitsi anuli łapaluc quema'a.

31 Moisés ixim'ma acueca' ħe li'ipa. I'hua'ma ehuelojntsi xonca ahuejnca. Icuej'ma lałPoujna ĤanDios tıpalay.

32 Timi: “Iya' NanDios, ilenDios lotatahueló. Iya' ilenDios Abraham, Isaac, Jacob.” Licuej'ma toŧta'a Moisés ixpaiconni. Ipango'ma iyu'ma licuerpo. Aimi'ia mehuelojnconaya.

33 ŁaŁPoujna ŁanDios timi: “Pe lofmeçaxu, jilpe apaxi camats'. Taipa'ala' łoc'ejí.

34 Cahuelongila' laixanuc', ilne nomana' Egipto. Aixim-pola' titełcoyi. Aiquimf'epola' tija'ayi. Iya' nimumma lema'a. Cunłu'e'mola' laixanuc'. ¡Totsahuenni! ¡Łepá! Cumme'mo', topaiconno, to'huacona'ma łamats' Egipto.”

35 'Małque Moisés joupa etets'impá, imimpá: “¿Naitsi ima'? ¿Naitsi nifajpo'? ¿Naitsi nepi'ipo' lopenic'? ¿Te ima' alçuxe'monga'? ¿Te ima' aljuez?” Ilne litine limaxcaitsi łapaluc quema'a jilpe munaqui luxi quitac, ŁanDios ifajpa Moisés, epi'ipa lipenic' ticuxetsola', tunłu'etsola' lixanuc'.

36 Małque Moisés i'e'ma to aimi'ia mi'eyacu lan xanuc'. Tix-inłe lan xanuc' al cueca' lo'epa ŁanDios. Lijou'ma ipa'ana'mola' lixanuc' łamats' Egipto. Licuaitsa Łunxali Caja jouc'a i'e'ma acueca', jouc'a pe ailopa'a quilya'. Łałtatahueló icol'mola' oquej nuxans camats' muyalaicoyi jilpiya.

37 Moisés u'i'mola' lixanuc', ilne lixanuc' Israel, timila': “ŁanDios łalPoujna tepi'i'molhuo' anuli cal profeta al'onłcota to iya'. Ilque olpiłya' xans. Ilque tołquimf'e'me.”

38 Małque Moisés efot'le'mola' lałtatahueló mimana' pe ailopa'a quilya'. Jilpe hijuala Sinaí łapaluc quema'a ipalaic'opa Moisés. Moisés ipalaic'opola' lałtatahueló. Moisés epenufpa limaf'i cataiqui', ilne litaiqui' ŁanDios. Inilpa lapenufle illanc'.

39 'Lałtatahueló etets'ipá Moisés. Aiquilihuejma limipola'. Tił'nujuaispá lilendiosla' lun egipicio.

40 Timiyi Aarón: “Ałanc'e'etsonga' calandiosla'. Ilne al'huaj'me'e'monga'. Ilque Moisés łalipa'ahuo'monga' łamats' Egipto itsiya ailopa'a. Aicałsina' pe quitsepa. Aicałsina' te qui'ipa.”

41 Ilne litiné ilanc'e'me anuli la'hua huacax ilanc'eco'me a'oro. Ima'a'me linneja, itsufco'me cal ídolo. Tixoqui quileta. Etenłcoco'mola' ilne lilendios, ilque ilanc'epa, i'e'ecopa quilțuca' lilmane'.

42 ŁanDios eca'nico'mola'. Ticua: “Najmay texc'onłingotaile lopa'a lema'a, ilniya lan xamna, cal mut'ła, cal 'ora”. Tołta'a tuya'e' al je'e linilpa lam profeta. Jilpiya ŁanDios ticua:

Imanc' ixanuc' Israel, loquej nuxans camats' mołmana' jilpe łamats' petsi ailopa'a quilya', mołtsufcola' linneja lołma'am'mola' y locuenaye lołtsufco'me, łte ma al linca alłtsufcopa iya'?

43 Ai. Ołtaic' anuli łolandios cułtine Moloc, jouc'a ołtaic' lixamna łocuena łolandios cułtine Renfán. Ilniya łolandiosla' cołłanc'ecopola' tołaxc'onłingaitsola'.

Iya' cate!mi'molhuo' to!ta'a lo!epa, quipa'a'molhuo' !olamats', ca'hua'a'molhuo' !amats' Babilonia.

44 'Mimana' !amats' pe ailopa'a quiya' !a!tatahueló i!h'ueca lejut'! LanDios lilanc'ecompa ijahua'. Ji!pe lajut'! tipa'a oquej lapi'c' li!taic' lini!iya loya'apa locuxepa LanDios. Ma to!ta'a LanDios icuxe'epa Moisés, timi: "Joupa aimuc'ipo' te ts'i'ic' lajut'!, to!ta'a tolanc'e'ma".

45 Li!naxque' !a!tatahueló epenuf'me lajut'!, i!taic' icuaiyunca jifa'a !alamats', itsuf!ai'enca. I!niya i!tiné micuxela' Josué uli-cale'me lan xanuc' limajmpá fa'a, i!ne pe aiqulimetsaijma LanDios.

'Icuaitsi litine cal rey David epenuf'ma lipenic' ma tipa'a i!e lajut'!.

46 LanDios eten!coco'ma li'ejma' David. I!que ixa'hue'ma LanDios, enDios Jacob. Timi: "Calanc'e'etso' ocuena come- jut'!".

47 David aiqulanc'e lajut'!. Salomón, i!que i'hua David, ilanc'epa lejut'! LanDios.

48 'Tama tipa'a lejut'!, LanDios Nopa'a lema'a aimipanga anuli lajut'! lilanc'epa cal xans. To!ta'a licuapa cal profeta muya'e' lu'ipa LanDios, ticua:

49 Lema'a ti'on!cospa to laicuecaj asiento, ji!pe cacutsuya.

Li'a !amats' ti'on!cospa to !ainitas, ji!pe lunxajyopa lai'mitsi'.

Ticua LanDios !a!Poujna:

¿Te ca!anc'e'ecoya anuli lajut'!? ¿Te ailopa'a caifnunxac'eya?

50 ¿Te ma' iya' a'i cailanc'e jahuay?

To!ta'a timila' Esteban i!ne naixtuc'opá. Lijou'ma timiconala':

51 —Linca imanc' aimac'uec'e. Lo!picuejma' ti'on!cospa to li!picuejma' lan xanuc' pe aiqulimetsaijma LanDios. Imanc' aimolihuejcoyi cal Espíritu Santo, tecaxaispolhuo'. Ma to mi'eyi lo!tatahueló to!ta'a lon!epa imanc'.

52 I!niya lo!tatahueló, ¿ja'ni tipa'a anuli cal profeta pe aiqul- ihuetsoqui? A'i. Ailopa'a. Lo!tatahueló ima'a'me i!ne nuya'apá locuaicoya cal Lijca Xans. Imanc' xonca ixcay on!epá. Li'hamma cal Lijca Xans imanc' o!cupá, o!ma'apá.

53 Lataiqui' loya'apa locuxepa LanDios, ma!e lataiqui' luya'apa lapaluc' quema'a, imanc' olapenufpá, tijou!a' aicolihuequi.

54 Lan xanuc' noquimf'epá litaiqui' Esteban ixtulencia juaiconapa. Ticuayi: "I!que a!cufquinga!". I'!lc'ma li!ay.

55 Cal Espíritu Santo icuxe'ma lipicuejma' Esteban. I!que ehuelojm'ma lema'a. Ixim'ma te ts'i'ic' ji!pe pe lopa'a LanDios. Ji!pe tipa'a Jesús tecaxu al c'a camane LanDios.

56 Esteban ticua:

—¡Tolsinte! Caxina exiya lema'a. Jilpe tipa'a cal Xans Liximpa cal profeta pu'hua lema'a. Itsiya aiximpa tecaxu al c'a camane LanDios.

⁵⁷ Lan xanuc' ija'a'me ujfxi, um'mit'le'me lihmane' lihs'mats'i'. Ihuo'me, umentsu'me Esteban.

⁵⁸ I'no!me, i'hua'a'me lema quilya'. Ipango'me ecanijm'me capic' tima'ate. Linfel'miyale nicufpá Esteban ipa'apá lihsamalo, ipo'no'e'epá li'mitsi' anuli lamijcano cuftine Saulo.

⁵⁹ Mipayi capic' Esteban tijoc'i LanDios, timi:

—MaiPoujna Jesús, tapenufla' lai'espíritu.

⁶⁰ Exc'on!quenni, ipalai'ma ujfxi timi:

—MaiPoujna, tama al'e'e quixcay, aimotac'ui'i'mola' lajunac'.

Lijou'ma lines'ma to!ta'a imana'ma.

8

¹⁻² Saulo tipa'a tecaxu jilpiya, ticua: “Ne', tima'ante Esteban”.

Hualca lan xanuc' pe naihuejcopá locuxepa LanDios itaina'me licuerpo Esteban, emunatsa. Acueca' juaiconapa li!pihuotsoqueya.

Ihne litiné ihuetsoquim'mola' juaiconapa lapimaye nomana' Jerusalén, ihne lefot'lepola' LanDios. Jahuay ica'ne'mo!tsi, iye'me ni petsi al distrito Judea jouc'a lamats' Samaria. Ma le'a lan apóstole imanenca Jerusalén.

³ Saulo tixtuc'ola' juaiconapa lapimaye. Ti'no!ila', tequifila' lan xanuc' jouc'a laca!no', ti'nicola' lacarza.

⁴ Ni petsi litsepa ihne lapimaye nica'nepo!tsi uya'a'me Lataiqui' loya'apa ile al c'a lixpice'epa LanDios.

⁵ Felipe ipanni jilpe Jerusalén, i'hua'ma anuli li!ya' lamats' Samaria. Jilpe uya'a'ma: “Jesús copa'a cal Cristo, LanDios li'Huij!epa”.

⁶ Lan xanuc' efot'lepote!tsi iquimf'e'me locuapa Felipe. Ixim'me Felipe mi'ay al cueca' to lo'epa LanDios. Jahuay ihniya ipo'no'me cuenna juaiconapa litaiqui' Felipe.

⁷ Jilpe li!ya' ixat!cona'mola' axpela' lafcual!ay, ihne litsufai'ila' contahue. Mipalcu lontahue tija'ayi ujfxi. Axpela' luhualqueya lan xanuc' jouc'a lan coxo ixat!cona'mola'.

⁸ To!ta'a juaiconapa ixoj'ma quileta lan xanuc' nomana' jilpiya.

⁹ Malpe li!ya' tipa'a anuli cal brujo cuftine Simón. I'epa al cueca'. Tifel'mila' jahuay lan xanuc' nomana' lamats' Samaria. Timila':

—Iya' a'i ni naitsi xans. Iya' ninCueca'.

¹⁰ Jahuay iquimf'e'me, lan xanuc' ts'ih'hueca jouc'a lan xanuc' pe aiquil'hueca. Ticuayi:

—Ma LanDios, iŋque cal Cuecaĵ Candios, linca ummepa iŋca'a cal xans. Toŋta'a ti'ay al cueca'.

¹¹ Jounpa ixhuaita axpe' mut'la cal brujo ti'hua ti'ay lipixcay xans. Lan xanuc' ixinc'nepá, jounpa ifel'mipola', tihuejyi.

¹² Ine nepenufpá litaiqui' Felipe epo'im'mola', lan xanuc' jouc'a laca'no'. Felipe uya'a'ma Lataiqui' loya'apa iŋe al c'a lixp-pic'epa LanDios. Tu'ila' te co'iya mitsufliayacu pe locuxeyopa LanDios. Tu'ila' naitsi Jesús, iŋque cal Cristo.

¹³ Simón jouc'a epenufpa litaiqui' Felipe, epo'im'me. Li-jounpa lepo'impa iyejmale'me Felipe. Iximpa al cueca' lo'epa Felipe, to lo'epa LanDios. Liximpa toŋta'a, tocomma tipailo lipicuejma'.

¹⁴ Lan apóstole nomana' Jerusalén icuej'me: “Lan xanuc' nomana' lamats' Samaria epenufpá litaiqui' LanDios”. Um-mem'mola' liŋ'as apóstole Pedro y Juan tiyele jilpiya.

¹⁵ Iye'me, icuaitsa pe lomana' lapimaye nepenufpá litaiqui' LanDios. Jilpe ijoc'i'me LanDios, ixahue'e'me tepi'itsola' cal Espíritu Santo.

¹⁶ Ine lun Samaria jounpa inespá: “Jesús aŋPoujna”. Jounpa epo'impola'. Aiquilepenufi cal Espíritu Santo. Iŋque aiquimuya pe lomana'.

¹⁷ Lan apóstole lijounpa lijoc'ipa LanDios ipo'nof'i'me liŋmane liŋjuac iŋniya lun Samaria. Ine epenuf'me cal Espíritu Santo.

¹⁸ Simón iximpola' li'epa lan apóstole, iximpola' lipo'nof'ipa liŋmane liŋjuac iŋniya lapimaye, iximpola' epenufpá cal Espíritu Santo. Liximpa toŋta'a li'ipa, icufi'mola' quilitomí lan apóstole,

¹⁹ timila':

—Capi'i'molhuo' coltomí. Aipic'a ca'eŋa' ma to lonŋ'epa imanc'. Lapi'ila' caimane. Tijouŋa' ja'ni capo'nof'ila' laimane anuli cal xans, iŋque tepi'im'me cal Espíritu Santo.

²⁰ Pedro timi:

—Ima' tecanitso' jouc'a lotomí. Tocua to'naco'ma iŋe locupa LanDios.

²¹ Ima' aimi'iya motsufaiya laŋpenic'. Ailopa'a capi'iyaco' LanDios. Iŋque timetsaicohuo' a'ij liŋca lopicuejma'. Aime-tenŋma.

²² Ima' mixcay xans. Toxhuej'menanni. Tojoc'ila' LanDios. Toxa'hueŋa' ja'ni ti'i'ma tiŋonc'e'e'mo' lojunac', timenc'e'ecotso' lofcuapa jilpe lopicuejma'.

²³ Iya' quimetsaicohuo' lo'ejma'. Ima' pangay to'ehuale laic'. Lixcay lopicuejma' jounpa ifi'epo'. Aimi'iya mo'eya al c'a.

²⁴ Simón italai'e'ma, timi:

—Imanc' toŋjoc'ile laŋPoujna, toŋsahue'e'le aimaf'i'ma to laŋmipa.

²⁵ Jilpe liŋya' lan apóstole uya'a'me te ts'i'ic' liximpa, te ts'i'ic' licuejpa mipa'a Jesús fa'a li'a lamats'. Uya'a'me litaiqui' laŋPoujna. Lijou'ma ipailinamma, tiyeyi lane Jerusalén. Miyeyi

lane titsulfolaiyi axpela' h̄ipitelol̄ya' lun samaritano, tuya'ayi Lataiqui', īe loya'apa al c'a lixp̄ic'epa ÑanDios.

²⁶ Pe lopa'a Felipe imaxcaitsi anuli ñepaluc h̄aPoujna, timi:

—Totsahuenni. To'huafa' al sur, īe lane co'huayomma Jerusalén lotsepa Gaza. Lane pangay quimuc'o'. Ailopa'a qūiya'.

²⁷ Felipe itsahuenni, ipanni. I'hua'ma ma to limipa ñepaluc quema'a. Mañe lane ti'hua anuli cal xans ñas Etiopía. Īque ts'ipenic', ticuxe jahuary hi'huexi h̄ipoujna. Īque h̄ipoujna h̄incuxepa aca'no' cuftine Candace, ticuxe ñamats' Etiopía. Cal xans joupa itsehuo'ma al cueca' xoute' lopa'a Jerusalén, h̄īpe exc'on̄tingaihuo'ma ÑanDios. Itsiya ipainamma cotsenapa, i'huanapa Etiopía.

²⁸ Ticusco licarro, tixhue linīpa lije'e cal profeta Isaías.

²⁹ Cal Esp̄iritu Santo ipalaic'o'ma Felipe, timi:

—To'huafa' pe lo'huapa al carro. Aimanaj'moxi.

³⁰ Felipe inu'ma, i'huajcotsi al carro. Icuej'ma cal xans tixhue linīpa cal profeta Isaías. Timi:

—Īe al je'e lofxhuepa, ¿te tocuec'e?

³¹ Timi:

—¿Te co'ya cacuec'eya? Ailopa'a nañmuc'iya.

Ixa'hue'ma Felipe tif'ajla' al carro, ticutsoñaīe huejnca.

³² Al Paxi Liniñingiya loxhuepa ticua:

Ma to milecom'me anuli ña'hua moñ tima'anna, ma toñta'a ilecom'me īque cal xans.

Metec'em'me h̄ipimi cal moñ, īque aimija'e', īque cal xans jouc'a aiq̄ija'e'.

Ailopa'a quimipola' īne lilel'mi'me.

³³ Etets'i'me, ailopa'a notoc'iya.

¿Ja'ni jifa'a li'a ñamats' tipa'a anuli qui'hua?

A'i, ailopa'a.

Nulemma etec'oyenni lipitine.

³⁴ Ts'ipenic' icuis'e'ma Felipe, timi:

—Alu'ila'. ¿Naitsi conescopa cal profeta? ¿Te tipalaicoyoxi quituca' o tipalajma ocuena?

³⁵ Felipe italai'e'ma, uhuañ'ma īe lataiqui'. Lijou'ma xonca u'i'ma Lataiqui' loya'apa īe al c'a lixp̄ic'epa ÑanDios. Inesco'ma Jesús.

³⁶ Mipalaiyi ti'hua tinu al carro. Icuaitsa pe lopa'a laja'. Ts'ipenic' timi Felipe:

—Toxinla'. Jifa'a tipa'a laja'. Aipic'a ima' lapo'ila'. ¿Te ti'i'ma?

³⁷ Felipe timi:

—Ja'ni jahuary ñomunxajma' to'huaiyinge Jesús, ti'i'ma.

Ts'ipenic' italai'e'ma, timi:

—Iya' linca ca'huaiyinge Jesucristo. Īque i'Hua ÑanDios.

³⁸ Icuxe'ma ecaxu'ma al carro. Imulunca loquexi'. Itsuflai'me laja'. Felipe epo'i'ma ts'ipenic'.

³⁹ Ipalnanca laja', if'ajlina'me lamats', cal Espíritu Santo ileco'ma Felipe. Ts'ipenic' aiqixingona'ma. Uyaina'ma tixoqui queta.

⁴⁰ Felipe iximpoxi icuaita jilpe liya' cuftine Azoto. I'hua'ma lane lotsepa liya' Cesarea. Jahuay hileloya' pe loyaicopa tuya'e' Lataiqui' loya'apa ile al c'a lixpíc'epa LanDios. Icuaiti Cesarea.

9

¹ Saulo ti'hua tixtu'hua. Itine ipuqui' tehue te co'ya mima'ayacola' ts'ilihuequi Jesús. I'hua'ma ipalaic'otsi cal cuecaj ca'ailli'.

² Ixahue'e'ma quije'e. Ti'hua'ma liya' Damasco, jilpiya lajut'li pe lafoiyomma lan xanuc' judío timuc'itola' ts'ilpenic' ile lije'e. Timi cal cuecaj ca'ailli':

—Lapi'ila' caimane. Liya' Damasco timana' ihniya naihuejpa al ts'e cane. Ja'ni caxintsola', axanuc' o acañ'no', ca'noñtola', cafijntola', ca'hua'acola' fa'a liya' Jerusalén.

(Cal cuecaj ca'ailli' epi'i'ma Saulo al je'e lixahue'epa.)

³ Mi'hua lane joupa ticuaita liya' Damasco epalc'o'i'ma anuli lepalc'o'. Ite lepalc'o' qui'huayomma lema'a.

⁴ Ecangenni ixc'uat'huaiti lamats'. Icuej'ma tipalaic'o, timi:

—Ima' cunSaulo, ¿te calihuetsocopa? ¿Te cañeñ'micopa?

⁵ Timi:

—Maipoujna, ¿naitsi ima'?

LañPoujna timi:

—Iya' ninJesús. Ima' añeñ'mi. Cal huacax ja'ni aimicuec'e lanacompa al puya ti'hua titeñma, ma toña'a toñeñma ima', aimocuec'e.

⁶ Saulo tiyu tixpaiqui. Timi:

—Maipoujna, ¿te ts'opic'a ca'eña'?

LañPoujna timi:

—Totsahuenni, to'huaña' totsufaiti liya'. Jilpe tu'inno' lof'eya.

⁷ Lan xanuc' lilecola' Saulo ecaxoñ'me jilpe. Ailopa'a conesyacu. Tixpailiquila'. Icuej'me tipalay. Aiquixim'me.

⁸ Saulo itsahuenni. Lexi'e'ma li'u' joupa i'ipa afo'. Lilecola' exañ'me limane. Icuai'etsa liya' Damasco.

⁹ Icol'ma afane' quitine aimehuetsale. Aimitesma, aimixnay.

¹⁰ Jilpe liya' Damasco tipa'a anuli cal xans lipuftine Ananías, ihuequi Jesús. Ma' imaf'i' tocomma tipaima. Iximpa lañPoujna Jesús, tijoc'i, timi:

—¡CunAnanías!

Ananías timi:

—MaiPoujna, ma capa'a fa'a.

¹¹ ŁaŁPoujna timi:

—Totsahuenni, to'huała' lane cuftine al Łijca Cane, tocuaita lejut'ı Judas. JıŁpe taicuitsufta ja'ni tipa'a Saulo łas Tarso. JıŁpe toxinna, tijoc'ı ŁanDios.

¹² ŁanDios joupa imuc'ipa lo'iya. Joupa iximpo' ocuaita ima', cunAnanías. Iximpo' otsufaipa lajut'ı, iximpo' topo'nof'ı lomane ĩjuac, iximpa joupa ixałconapa li'u'.

¹³ Ananías italai'e'ma, timi:

—MaiPoujna, axpela' lan xanuc' tipalaicoyi ĩque cal xans. Ticuayi mipa'a Jerusalén juaiconapa ti'e'ela' quixcay loxanuc', ĩne lo'huijf'epola'.

¹⁴ Lipamma pu'hua itaic' lije'e lini'ipa cal cuecaj ca'ailli'. Joupa epi'impa limane ał'nołtsonga' jahuay illanc'. Ał'noł'monga' illanc' nałjoc'ipo' ima' maŁPoujna Jesús.

¹⁵ ŁaŁPoujna timi:

—To'huała'. Iya' ai'huijf'epa ĩque cal xans. Joupa aixpic'epa lo'eya. Tu'itola' lan xanuc' naitsi iya', iya' ninJesús. Tu'itola' lan xanuc' pe aimimetsaicoyi ŁanDios, tu'itola' ĩniya ĩłrey. Jouc'a tu'itola' lopimaye, ĩne ixanuc' Israel.

¹⁶ ĩque ĩnca titelco'ma acueca' ma mu'ila' lan xanuc' naitsi iya'. Tołta'a camuc'i'ma, iya' ninJesús.

¹⁷ Ananías i'hua'ma. Icuaitsi lajut'ı pe lopa'a Saulo. Itsu-fai'ma, ipo'nof'ipa limane ĩjuac, timi:

—CunSaulo maipima, ima' mo'hua lane fa'a oximpa łaŁPoujna Jesús. ĩque imujpoxi. Małque Jesús alummepa fa'a. İpic'a toxinalenła', ticuxetso' lopicuejma' cal Espıritu Santo.

¹⁸ Aıquicol'ma. Saulo ixim'ma tecangemma tocommma to lipic'ala catú jıŁpe li'u'. Ixałcona'ma li'u', ehuetsalena'ma. Itsahuenni, epo'im'me.

¹⁹ İtetso'ma, icuainanni lipujfxi. Imajm'me anuli ts'ilihuequi Jesús jıŁpe ĩłya' Damasco, icol'ma.

²⁰ İniya ĩtiné itsehuo'ma łajut'ı pe lafołyomma lan xanuc' judío, tu'iyale naitsi Jesús. Timila':

—İque i'Hua ŁanDios.

²¹ İne noquimf'epá ticuayi:

—¿Te qui'ipa? ĩque cal xans mipa'a Jerusalén tijou'nela' lan xanuc' nojoc'ipá Jesús. Icuai'ma fa'a ti'nołtsola' ĩniya, tifi'etsola', ti'hua'a'mola' Jerusalén, ticuai'etola' pe lomana' lixanuc' cal cuecaj ca'ailli'. İtsiya, ĩtołsinle lo'epa!

²² Saulo i'ipa xonca acueca' lipicuejma'. Timuqui ałnca Jesús copa'a cal Cristo, ĩummepa ŁanDios. Ti-ch'ixc'ela' lan xanuc' judío nomana' jıŁpe ĩłya' Damasco. İne ma tiquimf'eyi, ailopa'a cotalai'ecoyacu.

23 Jounpa uyaipa axpe' quitine lan xanuc' judío ixpic'e'me, ticuayi:

—Añma'a'me Saulo.

24 Ipuqui' itine ti'huejyi cal puertá canumicay eti'icoya aitał jilpe liłya'. Saulo i'ipa quixina' lo'eyacu iñe lan xanuc'.

25 Lijou'ma ts'ilihuequi Saulo unñu'e'me. Lipuqui' icus'mi'me anuli al cueca' tsiquihuił, panca panca ecajm'me lixpula caitał, ixehuaisi al tsiquihuił jilpe łamats'.

26 Saulo i'hua'ma, icuaisi Jerusalén. Ipic'a tiłejmaletsa ts'ilihuequi Jesús. Iñe aiquilcuac'. Tixpaic'eyi. Ticuayi:

—Iłque Saulo a'i mihuequi Jesús, ma le'a ticua.

27 Bernabé i'e'ma linca limi'ma Saulo. Ileo'ma pe lomana' lan apóstole. U'i'mola' te ts'i'ic' li'ipa Saulo. Timila':

—Mi'hua lane Saulo ixim'ma łalPoujna Jesús. Iłque ipalaic'o'ma. Mipa'a Damasco aimitay calaic'ata. Imuj'moxi ummepa Jesús, tuya'e' litaiqui'.

28 Saulo imajmpá anuli lan apóstole. Ti'hualejma ni petsi Jerusalén. Ailopa'a tintsi.

29 Tipalaic'ola' lan xanuc' judío, iñe nopalaiपा liłtaiqui' griego. Timila':

—Imanc' timenaquilhuo'.

Iñe ixtulencia. Ehue'me te co'iya mima'ayacu.

30 Lapimaye i'ipa quilsina' lo'eyacu iñe lan xanuc' judío. Ileo'me Saulo liłya' Cesarea. Jilpiya ummepa ti'huała' lipiłya' Tarso.

31 Iñe litiné ailopa'a tintsi. Ti'hua efot'le'mołtsi lapimaye, iñe nomana' al distrito Judea jouc'a nomana' al distrito Galilea, jouc'a nomana' łamats' Samaria. Ifa'epola' liłpicuejma'. Xonca tixpaic'eyi łalPoujna, ti'eyi latentłcocopa. Cal Espiritu Santo ixoc'i'mola' quileta. Tołta'a ixpe'mola' lapimaye.

32 Pedro ti'hua iłya' iłya', icuaisi liłya' Lida. I'hua'ma ehuejntsola' lapimaye nomana' jilpe, iñe i'huexi łanDios.

33 Jilpe liłya' ixim'ma anuli cal xans cuftine Eneas. Ixhuaita apaico camats' tunouya. Uhuaquemma.

34 Pedro timi:

—CumEneas, Jesucristo ixał'menapo'. Totsahuenni. Tonif'nała' lohualfa.

Aiquicoł'ma, itsahuenanni.

35 Jahuay lan xanuc' nomana' jilpe liłya' Lida, jouc'a nomana' łamats' Sarón, icuej'me ixałconapa Eneas. Ixhuj'menca, ipai'i'me liłpicuejma'. Ipango'me ihuej'me łalPoujna Jesucristo.

36 Liłya' Jope timana' ts'ilihuequi Jesús. Anuli iñiya aca'no' cuftine Tabita. Ie laftine ja'ni tonesla' ataiqui' griego ticua: Dorcas. Iłque łaca'no' linca ti'ay al c'a. Aimixospa. Itine itine titoc'ila' pe ailopa'a quil'hueca.

37 Hne litiné Dorcas extaf'ma, imana'ma. Epo'im'me licuerpo. Ipo'nom'me anuli lajut'ł lopa'a al toncay.

38 Ts'ilihuequi Jesús nomana' liŷya' Jope icuej'me a'ij culi' Pedro, tipa'a liŷya' Lida. Ummem'mola' oquexi' lan xanuc' tixahue'etsa, timitsa:

—To'huanni pe lałmana' liŷya' Jope. Aimicol'mo'.

39 Pedro jouc'a iye'me. Licuaitsa lajut'ł jiłpe Jope, ileco'me Pedro al toncay pe lipo'no'empa łaca'no' łimanapa. Icuaiyunca lapimaye cacal'no' apotsateya. Ecaxingołai'me Pedro. Tijolijyi. Timuc'iyi lan tsamalo jouc'a hijahuałi łilanc'epa Dorcas miłmana' anuli iłniya.

40 Pedro ipa'a'mola'. Exc'onłhuai'ma, ijoc'i'ma ŁanDios. Lijou'ma ecaxna'ma, ipai'e'moxi, ehuelojm'ma łimanapa, timi:

—ConTabita, totsahuenanni.

Tabita exi'e'ma li'u'. Ixim'ma Pedro, icutsai'ma.

41 Pedro i'noł'e'e'ma limane, ecaxu'ma. Ijoc'i'mola' titsulfołaiconanca lapimaye, ihne i'huexi ŁanDios, jouc'a lacal'no' lam potsateya. Timila':

—Jifa'a łołpima Dorcas, joupa imaf'inapa.

42 Ni petsi jiłpe liŷya' Jope icuej'me li'ipa. Axpela' i'huaiyijm'me łalPoujna Jesús.

43 Pedro ipanenni axpe' quitine liŷya' Jope. Ipajm'ma lejut'ł anuli cal xans nacof'ejpa quixmi, cuftine Simón.

10

1 Jiłpe liŷya' Cesarea tipa'a anuli cal xans aromano cuftine Cornelio. Iłque incuxepa. Locuxepola' amaxnu lisoldado. Hne lan soldado, jouc'a liłf'as soldado, tecui'innila' Lan Italiano.

2 Iłque Cornelio tenanłi locuxepa ŁanDios. Acueca' titoc'ila' lan xanuc' judío pe aiquil'hueca. Itine itine tijoc'i ŁanDios. Jahuay nomana' lejut'ł jouc'a tixpaic'eyi ŁanDios.

3 Anuli litine, joupa uyaipa menac'o, icuaita to al fanej hora, ŁanDios imuc'i'ma lo'iya. Ixim'ma anuli łapaluc quema'a itsufai'ma lejut'ł. Łapaluc timi:

—iCunCornelio!

4 Lehuelojm'ma łapaluc quema'a Cornelio ixpaij'ma juaiconapa. Timi:

—Maipoujna, łte ts'opic'a?

Timi:

—Lofxa'huepa if'ajpa lema'a pe lopa'a ŁanDios. Iłque iximpo' totoc'ila' lan xanuc'. Ti'nujuaishuo' ima'.

5 Timihuo': Tommetsola' loxanuc' tiyełe Jope. Tiyeye pe lopa'a anuli cal xans cuftine Simón, tecui'inni Pedro. Timitsa ti'huanni lomejut'ł.

6 Iḥque Pedro ipanc'ale lejut'ḥ anuli cal xans ḥacof'ejpa quixmi, cuftine Simón. Simón lejut'ḥ copa'a lema quitya', ḥema caja. Pedro tu'i'mo' lof'eya.

7 Ḥapaluc quema'a nopalaic'opa Cornelio i'huana'ma. Cornelio ijoc'i'mola' oquexi' limozó. Jouc'a ijoc'i'ma anuli cal soldado notoc'ipa. Iḥque cal soldado tenanḥi locuxepa LanDios.

8 U'i'mola' iximpa anuli ḥapaluc quema'a. Jouc'a u'i'mola' linespa. Imi'mola' tiyeḥe liḥya' Jope. Iyepá.

9 Lihuequi litine lummepola' Cornelio joupa ticuaita liḥya' Jope. I'ipa to menac'o. Maḥe al 'hora Pedro if'ajma al toncay lajut'ḥ. Tipalaic'ota LanDios.

10 Mijoc'i LanDios unle'enni, ticui coteja. Tilanc'enni ḥoteja. Mi'huaijma titetso'ma i'huapa lipicuejma'.

11 Ixim'ma exiya lema'a, iximpa to anuli al cuecaj cutse timumma. Iḥe al cuecaj cutse ilanc'ecompa ijahua', ifi'iya lam malpu' ḥupahuay.

12 Jiḥpe ti'nicoḥanna tocmma to tiḥmana' jahuay linneja no-mana' li'a ḥamats'. Timana' iḥne noyecopá amalpu' liḥ'mitsi', jouc'a tiyeyi laquifpoḥtsi ḥamats', jouc'a naiyulpá lema'a.

13 Pedro icuej'ma tipalaic'onni, timinni:

—CumPedro, toma'aḥa' anuli iḥne linneja, toḥeḥa'.

14 Pedro timi:

—A'i maiPoujna, aimi'iya cateja iḥna'a linneja. Caxinnila' axujc'a. Iya' aicaitec'o cal xujc'a.

15 Ti'hua tipalaic'onni, timinni:

—Pe LanDios liximpa alimpio, ima' aimocua'ma: “Axujc'a”.

16 Afanemma i'i'ma toḥta'a. Lijou'ma iḥe al cuecaj cutse if'ajna'ma lema'a.

17 Pedro timiyoxi: “¿Te caḥmuc'icompa iḥe laiximpa?”

Toḥta'a minesqui icuaitsa lam fantsi xanuc' lummepola' Cornelio. Iḥne joupa icuitsufpá, imuc'impola' lejut'ḥ Simón. Itsiya tecaxoḥanna al puerta.

18 Ticuitsufyi, tijoc'iyi:

—¿Ja'ni fa'a copa'a Simón ipanc'ale, iḥque ḥacui'impá Pedro?

19 Micoḥi Pedro al toncay lajut'ḥ ti'hua timiyoxi: “Iḥe laiximpa, ¿te cocuajmaispa?” Cal Espíritu Santo timi:

—Timana' afantsi lan xanuc' tehuehuo'.

20 Totsahuenni, taimuḥa'. Taihuej'mola'. Tonḥeḥe. Aimox-hueḥmot'ḥe'ma. Iya' nummepola'.

21 Pedro imunni. Ipalaic'o'mola' lam fantsi lan xanuc' lummepola' Cornelio. Timila':

—Iya' ninSimón. Imanc' lahuay. ¿Te coḥcuaiyoco'me? ¿Te ts'oḥpic'a?

22 Timiyi:

—Cornelio, itque incuxepa, locuxepola' amaxnu lan soldado, maŕque alummeponga'. Itque atijca xans, tixpaic'e LanDios. Jahuay lan xanuc' judío ticuayi: "Itque ac'a xans". Anuli cal paxi capaluc quema'a ixc'ai'ipa timi: "Tojoc'itsi Pedro ticuaiyunni lomejut'ŕ. Toquimf'e'ma litaiqui' lu'iyaco'."

²³ Pedro itsufai'e'mola'. Epi'i'mola' pe loxmai'eyacu ile lipuqui'. Lihuequi litine itsahuenni, iyejmale'me. Hualca lapimaye lun Jope jouc'a iye'me.

²⁴ Lihuequi litine icuaitsa liŕya' Cesarea. Tipa'a Cornelio jŕpe lejut'ŕ, i'huaicola'. Jouc'a tiŕmana' lijoc'impola', itne lipimaye jouc'a liyejmalepá xonca limetsaicola'.

²⁵ Licuaita Pedro, Cornelio italecufhuo'ma, exc'onŕingai'ma li'mitsi'.

²⁶ Pedro i'noŕ'e'e'ma limane, timi:

—Totsahuenni. Iya' jouc'a ninxans.

²⁷ Mipalaic'oyotŕsi itsulfoŕai'me lajut'ŕ. Pedro ixim'mola' axpela' lan xanuc' efoŕya jŕpiya.

²⁸ Timila':

—Illanc' ninc'ixanuc' judío, imanc' oŕsina' laŕ'ejma'. Aimaŕejmaleyi imanc' unc'ocuenaye xanuc'. Aimaŕsulfoŕaiyi loŕajut'ŕi. Aŕcuayi: "LanDios aimepenufilhuo'". Lacui'ilhuo': "Unc'ixujc'a xanuc'". LanDios jounpa aŕmuc'ipa alimenajpa. Aicanesconaya toŕta'a.

²⁹ Toŕta'a iya' aicaŕcoŕi. Nihuejcopa laŕmipa itna'a lummepola' Cornelio. Aicainesqui: "Aimi'iya ca'huaya". Aicuai'ma fa'a. Itsiya lu'ita': ¿Te caŕjoc'icopa?

³⁰ Cornelio timi:

—Ixhuaita amalpu' quitine, maŕta'a al fanej hora, capa'a fa'a lainejut'ŕ caxnet'ŕqui, cajoc'i LanDios, aixim'ma imaxcaita anuli cal xans, tunts'ifi lipijahua'. LacaxinGai'ma.

³¹ Aŕmi: "CunCornelio, loŕxa'huepa if'ajpa lema'a pe lopa'a LanDios. Itque iximpo' totoc'ila' lan xanuc'. Ti'nuhuaishuo' ima'.

³² Timihuo': Tommetsola' loxanuc' liŕya' Jope. Tiyete pe lopa'a anuli cal xans cuŕtine Simón, tecui'inni Pedro. Timitsa ti'huanni lomejut'ŕ. Itque ipanc'ale lejut'ŕ anuli cal xans ŕacof'ejpa quixmi, cuŕtine jouc'a Simón. Itque Simón lejut'ŕ copa'a lema quiŕya', ŕema caja. Itque tu'i'mo' lof'eya."

³³ Aicaŕcoŕi. Nummepola' laixanuc' tiyete pe loŕpa'a. Ima' o'epa al c'a, ocuai'ma lainejut'ŕ. Itsiya, lu'itsonga' te quimipo' LanDios. Jahuay ile lixc'ai'ipo' lu'itsonga'. Totiya laŕot'ŕeyotŕsi, fa'a lahuelonginga' LanDios. Aŕquimf'e'mo'.

³⁴ Pedro ipango'ma ipalaic'o'mola', timila':

—Itsiya xonca aixina' te ts'i'ic' lipicuejma' LanDios. Ailopa'a catets'ipa.

³⁵ Anuli cal xans, ni petsi li'huayomma, ni petsi linación, ja'ni tixpaic'e ÑanDios, ja'ni atijca lo'epa, itque cal xans ÑanDios tepenufi.

³⁶ 'Illanc' ixanuc' Israel, tohta'a alu'iponga' ÑanDios, lumme'eponga' Jesucristo. Itque ih'Poujna jahuay lan xanuc', uya'a'ma: "ÑanDios ipic'a tiyejmalete lan xanuc'".

³⁷⁻³⁸ Ate'a Juan Bautista u'i'mola' lan xanuc' tepolite. Lijou'ma Jesús i'hualeco'ma lamats' illanc' ninc'ijudío. Jitpe al distrito Galilea ipango'ma uya'a'ma. ÑanDios jounpa ipaxnepa, jounpa epi'ipa cal Espíritu Santo, epi'ipa limane ti'eta' al cueca'. Ni petsi lo'huapa i'e'ma al c'a. Jahuay lan xanuc' lotel'mipola' Satanás, Jesús íxa'l'me'mola'. Itque itejmale ÑanDios, tohiya i'e'ma tohta'a.

³⁹ Illanc' alsimpá li'e'ma mi'hualejma lamats' Judea, jouc'a mipa'a liya' Jerusalén. Mañque Jesús epalts'ijmpá anuli al 'ec. Ima'a'me.

⁴⁰ Licuaitsi al fane' quitine ÑanDios imaf'i'ina'ma, epi'ipa lane timujxoxi. Imuj'moxi.

⁴¹ Aimimujyoxi pe lomana' jahuay lan xanuc'. ÑanDios jounpa ixpic'epa naitsi noxinyacu. Ihniya tuya'a'me: "Imaf'inapa Jesús, jounpa alsimpá". Tohiya illanc' ah'huif'eponga' alsinnapá jounpa imaf'inapa. Lijounpa limaf'inapa altetsoconapá anuli, alsnaconapá anuli.

⁴² Atcuxe'eponga' luya'ate, lu'itsola' lan xanuc': "ÑanDios epi'ipa limane Jesús. Itque cal Cuecaj Juez. Quitmaf'i' lan xanuc' jouc'a petsi limanapola', mañque Jesús ih'Juez."

⁴³ Jahuay lam profeta inescopá Jesús, uya'a'me: "Cal xans lo'huaiyijmpa Jesús, ÑanDios timenc'e'eco'ma li'epa lixcay. Ma' itque Naluntu'eponga'."

⁴⁴ Mipalay Pedro icuaiyunni cal Espíritu Santo. Jahuay lan xanuc' noquimf'epá iximpá cal Espíritu limunni lema'a, epenuf'me.

⁴⁵ Jitpe timana' lapimaye judío no'huaiyijmpá Jesús, itne itejmale Pedro. Ticuayi:

—¿Te qui'ipa? Itne ocuenaye lan xanuc', a'i judío. Xinla', ÑanDios tepi'ila' cal Espíritu Santo. Aimicuanac'ela'.

⁴⁶ Itne locuenaye lan xanuc' mix'natsi'iyi ÑanDios tipalaiyi ituca', a'i quitaiqui'. Tohta'a itejmale Pedro ixim'me jounpa epi'ipola' ÑanDios cal Espíritu Santo.

⁴⁷ Pedro timila' itejmale:

—¿Ja'ni tipa'a nonesya: "Ihniya aimi'iyia mepoliyacu aja"? ¿Ja'ni aimalapi'iyacola' lane? Ma to lalapenufpa illanc' cal Espíritu Santo, ihniya jouc'a epenufpá. Aimacuanac'eyacola'. ¡Tepolite!

⁴⁸ Pedro icuxe'e'mola' tepo'intsole', timetsaicom'mola' ilihuequi Jesucristo. Lijou'ma ihniya timiyi Pedro:

—Topanenni oquej fanej quitine, ałmajnle fa'a anuli.

11

¹ Lan apóstole jouc'a lapimaye nomana' al distrito Judea icuej'me: “Locuenaye lan xanuc', iłne a'ij judío, jouc'a epen-ufpá litaiqui' LanDios”.

² Icuaitsi Pedro Jerusalén. Jiłpe lapimaye, iłne axanuc' judío, tixtuc'oyi Pedro.

³ Ipalaic'o'me, timiyi:

—Ima' otsufaipa pe lomana' lan xanuc' a'ij judío. Ołtetsopá anuli.

⁴ Pedro ipango'ma u'i'mola' te ts'i'ic' li'ipa. Ate'a u'i'mola' li'ipa mipa'a liłya' Jope, lijou'ma u'i'mola' li'ipa liłya' Cesarea. Timila':

⁵ —Iya' capa'a liłya' Jope, cajoc'i LanDios, i'huapa laipicuejma'. Aiximpa to jipu'hua al paiyo. Aixim'ma timumma lema'a to anuli al cutse ilanc'ecompa ijahua', ifiyiya lam malpu' łupahuay. Icuaiyunni pe laifpa'a.

⁶ Nehuelojm'ma lo'nicolanna. Jiłpe aixim'mola' linneja pe noyecopá amalpu' liłmitsi', lam manxu jouc'a lan ximalo. Aixim'mola' noyecopá laquifpołtsi łamats', jouc'a aixim'mola' iłne naiyulpá lema'a.

⁷ Aicuej'ma tipalay, ałpalaic'o, ałmi: “CumPedro, totsahuenni, toma'ala' anuli iłne linneja, totela”.

⁸ Iya' cami: “A'i maiPoujna, aimi'iya cateja iłna'a linneja. Aiximpa axujc'a. Iłque cal xujc'a aicai'nico laico ni anulemma.”

⁹ Aicuejcona'ma tipalay lema'a, ałtalai'e, ałmi: “Pe LanDios liximpa alimpio, ima' aimocua'ma: Axujc'a.”

¹⁰ Afanemma tołta'a i'ipa. Lijou'ma al cuecaj cutse jouc'a lipinneja if'ajna'ma lema'a.

¹¹ 'Małej hora icuaitsa afantsi lan xanuc'. Ecaxoł'me łuna lajut'ł. Iłne lan xanuc' quiyoyomma Cesarea. Ummempola' pe laifpa'a.

¹² Cal Espíritu Santo ałmipa: “To'hua'ma tunłejmale'me. Aimoxhuełmot'le'ma.” Ałtsehuc' me jouc'a iłna'a lan camts'us lałpimaye. Ałcuaitsa liłya' Cesarea. Ałsulfołaipá lejut'ł cal xans nałjoc'ipa.

¹³ Iłque alu'iponga' liximpa. Ałmiponga': “Iya' aiximpa anuli łapaluc quema'a tecaxu lainejut'ł. Ałmipa: Tommetsola' lox-anuc' tiyełe Jope. Tiyeye pe lopa'a anuli cal xans cuftine Simón, tecui'inni Pedro. Timitsa ti'huanni lomejut'ł.

¹⁴ Iłque Pedro tipalaic'o'molhuo', tuya'a'ma. Tołta'a tonłu'ma ima', jouc'a tunłul'me jahuay nomana' lomejut'ł.”

¹⁵ Jiłpe lejut'ł cal xans nałjoc'ipa aipango'ma aipalaic'o'mola'. Ma capalay, aiquicoł'ma, icuaiyunni cal

Espíritu Santo imunni lema'a. Ma to licuaiyunni al te'a pe lałmana', ma tołta'a icuaiyunni pe lomana' iłniya.

16 Iya' ai'nujuaitsi litaiqui' lałPoujna Jesús. Iłque ałmpionga': "Juan lepo'ipola' lan xanuc' epo'icopola' aja'. ŁanDios tepo'ico'molhuo' cal Espiritu Santo."

17 Ma to lalapi'iponga' ŁanDios cal Espiritu Santo, illanc' pe nał'huaiyimpá lałPoujna Jesucristo, ma tołta'a epi'ipola' jouc'a iłniya. Iya' ma le'a ninxans. ¿Ja'ni ti'i'ma capa'ne'ma ŁanDios? A'i. Aimi'iya.

18 Licuej'me tołta'a lan apóstole, ailopa'a quiltaleconghua Pedro. Ixim pá acueca' lo'epa ŁanDios. Timiyi ŁanDios:

—Ałs'najtsi'ihuo' joupa mepi'ipola' lane locuenaye xanuc', iłne a'ij judío, tepenufyi al ts'e liłpitine aimijouya. Iłne jouc'a ixhuej'menammas.

19 Lijoupa lima'ampá Esteban tiłmana' lapimaye niyepá aculi'. Iłniya ipalyomma Jerusalén iłne litiné lileł'mimpola'. Ni petsi liyepá uya'a'me litaiqui' Jesús. Icuaita łamats' Fenicia, łamats' Chipre, jouc'a liłya' Antioquía. Litaiqui' Jesús aicu'innila' locuenaye xanuc', uya'apá ma le'a pe lomana' lił'as xanuc' judío.

20 Hualca iłniya lapimaye quiyoyomma łamats' Chipre y liłya' Cirene. Iłne lipalunca Jerusalén icuaitsa liłya' Antioquía, jiłpe ipalaic'o'me jahuay lan xanuc', a'i ma le'a lan judío. Ipalaic'o'me jouc'a lan griego, tu'innila' litaiqui' Jesucristo.

21 Mipalaiyi iłniya, lałPoujna i'e'ma acueca'. Juaiconapa axpela' lan xanuc' epenuf'me lataiqui' loya'apa iłniya. Ipaiconni liłpicuejma'. Ipango'me ihuej'me lałPoujna Jesucristo.

22 Lapimaye lafot'leyopołtsi Jerusalén icuej'me li'ipa Antioquía. Iłne umme'me Bernabé ti'huala' jiłpiya.

23 Bernabé icuaitsi jiłpe liłya'. Ixim'ma ŁanDios titoc'ila' lan xanuc' nomana' jiłpiya. Tixoqui queta. Ixc'ai'i'mola' jahuay iłne lapimaye tipo'nołe liłpicuejma' tihuejle liłPoujna Jesús. Aimenaj'mołtsi.

24 Iłque Bernabé ma' ac'a xans. Cal Espiritu Santo ticuxe lipicuejma'. Jahuay łunxajma' ti'huaiyinge Jesús. Jiłpe Antioquía juaiconapa ixpepola' iłne ts'ilihuequi Jesús.

25 Lijou'ma Bernabé itsehuo'ma liłya' Tarso, ehuetsi Saulo.

26 Licuaitsi ixim'ma, ilecotsi i'hua'a'ma liłya' Antioquía. Jiłpe imajntsa anuli camats'. Efoł'le'mołtsi anuli lapimaye. Imuc'i'mola' axpela' lan xanuc'. Liłya' Antioquía ipangocopa ecui'impola' ts'ilihuequi Jesús: "Imanc' unc'icristiano".

27 Iłne litiné liłya' Antioquía icuaiyunca lam profeta quiyoyomma Jerusalén.

28 Anuli iłniya cuftine Agabo. Ecax'ma pe lafołyomma lapimaye. Timila' lonespa cal Espiritu Santo. Timila':

—Ticuaihuc litine cumemma. Ni petsi lomanc'eyacu lan xanuc' tixim'me lumemma.

Litiné micuxe cal cueca' quincuxepa cuftine Claudio tołta'a lo'ya.

²⁹ Ts'ilihuequi Jesús jilpe Antioquía ixpic'e'me titoc'intsole' lipimaye nomana' łamats' Judea. Anuli anuli, ma to ts'i'hueca, tixpij'ma tojua tumme'e'mola' lipimaye.

³⁰ Tołta'a i'e'me. Bernabé jouc'a Saulo itai'me al tomí. Epi'intsole' lan tsilaj capimaye noxpipá lataiqui'. Ine teca'nem'mola' lapimaye.

12

¹ Ina'a litiné cal rey Herodes i'noł'mola' hualca lapimaye pe lafołyomma Jerusalén. Ipic'a titeł'mitsola'.

² Icuxe'ma tetec'entsa łejoc' Jacobo, ilque ipimaj Juan. Etec'em'me.

³ Herodes ixim'ma ille li'epa icuaitsi quilpic'a lan xanuc' judío. Lijou'ma umme'mola' lixanuc' ti'nołtsa Pedro. Tołta'a i'i'ma ilniya litiné mi'eyi liljuic lan xanuc' judío. Małe al juic titeji ł'a'i petsi aiqilai'inni levadura.

⁴ I'nołim'me Pedro. Herodes icuxe'ma i'nicontsa lacarza. Icuxe'e'mola' imbamaj camts'us lisoldado, timila':

—Toł'etsa cuenna ilque Pedro.

Mi'eyi cuenna tipai'yołtsi amalujxi, amalujxi. Ticua Herodes: “Tijouł'a al juic Pascua quipa'anata lacarza. Cacufta jilpiya pe lafołyomma lan xanuc'.”

⁵ Ma mipa'a lacarza Pedro, mi'eyi cuenna, lapimaye lafołyomma jilpe Jerusalén itine itine tijoc'iyi ŁanDios, tixa'hueyi titoc'ila' Pedro.

⁶ Cal Herodes joupa ixpic'epa, ticua: “Mouqui quipa'anata Pedro. Cacuf'ma.” Ille lipuqui' Pedro tipa'a jilpe lacarza, tixmay nolojmay oquexi' lan soldado. Ifi'empa limane' uhuahuinc'impola' loquexi' lan soldado. Lixpula' al puerta timana' ocuenaye lan soldado ti'eyi cuenna lacarza.

⁷ Jilpe lacarza icuai'ma anuli łepaluc łalPoujna. Epalc'o'i'ma juaiconapa. Untaf'ma huata liju' Pedro, umef'ma, timi:

—¡Aimicoł'mo', totsahuenni!

Lan cadena lifiyicoyi limane' Pedro uhuailquenanni.

⁸ Łepaluc quema'a ipalaic'ocona'ma, timi:

—Tofi'exoxi, toc'uaicoł'a' łoc'ejí.

Lijoupa li'epa tołta'a ipalaic'ocona'ma, timi:

—Topoxla' lopuquiya. Alihuejla'.

⁹ Ipango'me ipalunca. Pedro ihuej'ma łepaluc quema'a. Ticua: “A'ij linca ille łal'ipa, ma' apaiyo”.

¹⁰ Uyalaico'me petsi lacaxuya cal te'a soldado no'epa cuenna lacarza. Lijou'ma uyalaico'me łocuena. Icuaitsa al

cuecaj puerta catejma', ite lopa'a ma lane quiŷya'. Al puerta exinni quituca'. Ipalunca. Iyejmale'me lane. Lijou'ma ejac'na'ma lapaluc quema'a.

¹¹ Licuainanni lipicuejma' Pedro ticua: "Itsiya linca aixina' haiPoujna ummepa lepaluc. Lunŷu'epa limane Herodes. Tama lan xanuc' judío it'huaijma te co'ia maŷma'aya, itsiya ailopa'a caŷe'eya. Aimi'ia."

¹² Micua toŷta'a icuaiti lejut'ŷ María, itque i'máma' Juan lecu'impá Marcos. Jiŷpe axpela' lapimaye efoŷya. Tijoc'iyi LanDios.

¹³ Pedro umf'ax'ma luna puerta. Anuli cal criada cuftine Rode i'huapa tixinna naiti itque. Ipanni jiŷpe lajut'ŷ.

¹⁴ Imetsaico'ma litaiqui' Pedro. Juaiconapa ixoj'ma queta aikuexi'e al puerta. Aiquicoŷ'ma, ipaiconanni. Itsufaicona'ma lajut'ŷ, u'itsola' lapimaye, timila':

—Icuaina'ma Pedro. Tecaxu lixpula' al puerta.

¹⁵ Ihe timiyi:

—¡Ima' mamac'ta!

Tihui'i, timiconala':

—Aŷinca icuaina'ma Pedro.

Lapimaye ticuayi:

—A'ij linca laŷmiponga'. A'i maŷque Pedro. Icuai'ma lepaluc quema'a.

¹⁶ Pedro ti'hua tumf'axqui. Exi'e'me al puerta, ixim'me. Ticuayi:

—¡Xinŷa'! Maŷca'a Pedro. ¿Te qui'ipa?

¹⁷ Pedro i-ch'ixc'eco'mola' limane. U'i'mola' li'ipa, timila':

—LaŷPoujna lipa'ahuona'ma lacarza. Tonlu'itsola' Jacobo jouc'a locuenaye lapimaye toŷta'a laŷ'ipa.

I'huana'ma, ijuc'e'moxi.

¹⁸ Liŷic'e'ma lan soldado nomana' lacarza ixhuelco'me juaiconapa. Ticuayi:

—¿Pe copa'a Pedro? Ailopa'a fa'a. ¿Te qui'ipa lipamma? ¿Pe quitsepa?

¹⁹ Cal rey Herodes umme'mola' lixanuc' tehuetsa Pedro. Ehuehuo'me, aikuŷsina'. Herodes icuis'e'mola' lan soldado. Ihui'i'ma, timila':

—Lu'itá', ¿te qui'ipa?

Lijou'ma icuxe'ma tima'antsola'. Ipanni al distrito Judea, i'hua'ma liŷya' Cesarea. Jiŷpe ipajntsi.

²⁰ Herodes juaiconapa tixtuc'ola' lan xanuc' nomana' hiŷeloŷya' Tiro y Sidón. Ihe lan xanuc' inefo'me quituca'. Icuaitsa pe lopa'a Herodes. Ate'a ipalaic'opa nocuxepa hi'huexi Herodes, itque cal xans lipuftine Blasto. Timiyi tixahue'eŷa' Herodes aimixtuc'ocona'mola', tixanghuaiti, tipaneconni toŷta'a. Ihe lan xanuc' tetentococla' aimixtuc'ocona'mola'

cal rey. Jilpe hilemats' tehue'e' lotejacu. Hpic'a Herodes tumme'econatsola'.

²¹ Herodes ixpic'e'ma litine. U'i'mola':

—Jilpe litine capalaic'o'molhuo'.

Licuaitsi ihe litine Herodes etej'moxi, ipo'no'ma lipijahua' ajrey, icutsai'ma al cuecaj li'asiento li'nof'quiya. Ipaiaic'o'mola', imuxi'ale'ma.

²² Lan xanuc' jilpe lefot'leyołtsi ija'a'me, ticuayi:

—Itque łatquimf'epa, a'i xans. Itque andios.

²³ Aiquicol'ma. Iteł'mi'ma anuli łepaluc łatPoujna ŁanDios. Lapimí ipango'ma ite'me. Lijou'ma ima'ma. Herodes i'e'e'moxi xonca cal cueca', etets'ipa ŁanDios, tołiya li'ipa tołta'a.

²⁴ Litaiqui' ŁanDios ti'hua ti'huajcola' xonca lan xanuc'. Ixpepola' juaiconapa ts'ilihuequi Jesús.

²⁵ Bernabé y Saulo joupa ecanghuo'me al tomí, epi'inghuo'mola'. Lapimaye nomana' Jerusalén. Lijou'ma ipailinanca icuaitsa liłya' Antioquía. Ileo'me Juan łecui'impa Marcos.

13

¹ Jilpe liłya' Antioquía petsi lafot'lepołtsi lapimaye timana' lam profeta jouc'a lomxiye nomuc'iyalepá litaiqui' Jesucristo. Hniya liłpuftine Bernabé, Simón łacui'impa Łumi, Lucio łas Cirene, Manaén litojyohuo'ma lejut'ł Herodes. Itque Herodes łacui'impa cal tetrarca. Jouc'a tipa'a Saulo.

² Hniya mixnet'łyi, aimitetsoyi, mix'najtsi'iyi ŁanDios, cal Espíritu Santo timila':

—Tolimetsaicotsola' Bernabé jouc'a Saulo. Iya' aijoc'icopola' ti'ełe lanic' laifnepi'iyacola'.

³ Lijou'ma ixnet'łcona'me, ijoc'icona'me ŁanDios, ipo'nof'i'me liłmane liłjuac ihe Bernabé jouc'a Saulo. Ixc'ai'inam'mola', timinnila':

—Tonłente, toł'etsa lanic' lepi'ipolhuo' łatPoujna.

⁴ Lijou'ma cal Espíritu Santo icuxe'mola' tiyełe ihe loquexi'. Iye'me liłya' Seleucia. Jilpiya itsulfołai'me anuli al barco lotseya łamats' Chipre.

⁵ Jilpe łamats' Chipre ipalunca al barco, icuaitsa liłya' Salamina. Łajut'li pe lafołyomma lan xanuc' judío uya'a'me litaiqui' ŁanDios. Tilecoyi Juan Marcos, iyejmale'me. Itque titoc'ıla'.

⁶ Uyalaicotsa jahuay łamats' Chipre, icuaitsa liłya' Pafos. Jilpiya ixim'me anuli cal xans judío cuftine Barjesús. Itque abrujo. Tifel'mila' lan xanuc', timila':

—Iya' ninprofeta. Cuya'e' lonespa ŁanDios.

Ihe lonespa a'ij linca.

⁷ Barjesús lipoujna cuftine Sergio Paulo. Itque incuxepa jilpe Chipre, ac'a lipicuejma'. Ijoc'i'mola' Bernabé jouc'a Saulo ticuaiyunca lejut'í. Ipic'a tiquimf'ela' litaiqui' LanDios.

⁸ Barjesús jouc'a cuftine Elimas. (Itte laftine tuhuałquemma “abrujo”.) I'e'mola' quipilaic' Bernabé y Saulo. Ticua: “Łincuxepa aimihuejco'ma litaiqui' LanDios”. Ehue'ma te co'eya.

⁹ Cal Espíritu Santo icuxe'ma lipicuejma' Saulo. (Itque jouc'a cuftine aPablo.) Ehuelojm'ma juaiconapa Elimas.

¹⁰ Timi:

—Ima' ma le'a tofel'miyale. Aimi'iya monesya al linca. To'ay ma le'a lixcay. Ima' i'hua lonta'a Satanás. Itne no'epá al c'a ima' taixtuc'ola'. To'ay capilaic' lipene łalPoujna LanDios, ite al lijca cane. Tomuc'iyale ituca' cataiqui'. ¿Te quitine tatec'o'ma ite lof'epa?

¹¹ Alquimf'ela': ŁalPoujna titeł'mihuo'. Aimi'iya mahuetsaleconaya. Micoli ite loteł'miyaco' ni aimoxinya lipepalc'o' cal'ora.

Aiquicoł'ma. Elimas ixim'ma tocomma to ummahuay, imufc'o'ma li'u'. Ipango'ma ixpailo'ma limane. Tehuay naitsi naxała.

¹² Lixim'ma tołta'a li'i'ma łincuxepa epenufpa lataiqui' limipa Pablo. Ticua:

—¡Acueca' litaiqui' łalPoujna Jesús! ¡Acueca' lo'epa!

¹³ Jilpe liła' Pafos Pablo y liłejmale itsulfołai'me ocuena barco. Licuaitsa liła' Perge lopa'a łamats' Panfilia, Juan, itque notoc'ipola', ipo'no'mola' quilituca'. Ipainanni, i'hua'na'ma lipiła' Jerusalén.

¹⁴ Pablo y Bernabé ipalunca Perge, iye'me liła' Antioquía lopa'a łamats' Pisidia. Litine conxajya itsulfołai'me lajut'í pe lafołyomma lan xanuc' judío, icutsołai'me.

¹⁵ Iquimf'e'me loxhuecofimpa al je'e liniliya locuxepa LanDios, jouc'a al je'e iniliya loya'apa lam profeta. Lijou'ma nocuxepá jilpiya lajut'í umme'me anuli łapaluc pe locutsołanna Pablo y liłejmale. Timila':

—Cunc'atpimaye, anuli imanc' ja'ni ipic'a tixc'ai'i'mola' lan xanuc' nomana' fa'a, ne', tipalaic'otsola'.

¹⁶ Pablo ecax'ma. I'nof'e'ma limane, ipango'ma ipalaic'o'mola', timila':

—Imanc' cunc'ixanuc' ołtatahuelo Israel, jouc'a imanc' nołspaic'epá LanDios, alquimf'ela'.

¹⁷ LanDios, łalanDios illanc' ixanuc' Israel, joupa i'huijf'epola' lałtatahuelő. Miłmana' itne lałxanuc' łamats' Egipto LanDios i'e'e'mola' axpela'. Lijou'ma itoc'i'mola' juaiconapa, ipa'a'mola' jilpe łamats'.

18 Muyalaicoyi lamats' pe ailopa'a quilya' to oquej nuxans camats' LanDios ixnet'i'ma li'ejma', itoc'i'mola'.

19 Maŕque LanDios ecani'e'mola' lan xanuc' acaitsi lan nación lamats' Canaán. Maŕpe lamats' Canaán epi'i'mola' laŕxanuc' quilemats'.

20 Lijou'ma LanDios ifaj'mola' iŕne lecu'i'impola' lan Juez. To amalpu maxnu oquej nuxans quimbama' camats' lan Juez icuxe'me. Lijou'ma cal profeta cuftine Samuel icuxe'mola' laŕxanuc'.

21 'Iŕne litiné laŕxanuc' ixahue'e'me LanDios tepi'itsola' anuli cal rey, ticuxetsola'. Epi'i'mola' liŕrey cuftine Saul, i'hua Cis. Iŕque Saul litatahuelo cuftine Benjamín.

22 Lijou'ma LanDios iŕonc'e'ena'ma Saul lipenic', epi'i'ma David. Ti'ila' iŕque liŕrey laŕxanuc'. Maŕque cal rey David LanDios inescopa ticua:

David i'hua Isaí, ainimetsaijma te ts'i'ic' li'ejma'.

Iŕque lipicuejma' ti'onŕcospa to iya' laipicuejma'.

Aŕinca ti'e'ma jahuay laifxpica'epa.

23 'Maŕque David LanDios i'e'epa itatahuelo Jesús, iŕque Lalunŕu'eponga'. Toŕta'a li'epa LanDios enanŕ'ma litaiqui' li'ipa linespa. Ummepa Jesús pe laŕmana' illanc' ixanuc' Israel.

24 Ate'a icuai'ma Juan Bautista. Uya'a'ma, timila' lan xanuc': "Imanc' cunc'ixanuc', oŕtatahuelo Israel, toŕsuej'menca, tolapoliŕe".

25 Juan joupa tijou'ne'ma lipenic' ticuis'ela' lan xanuc', timila': "Imanc', ¿te coŕcuapa? ¿Naitsi iya'? Iya' a'i to laŕnescopa. Aicuai'ma ate'a, tijouŕa' ticuaihuo iŕque pe ts'oŕ'huaijma ŕocuaicoya. Iŕque xonca acueca' xans. Iya' aimi'iya cuhuaŕc'e'eya lic'eji'."

26 'Cunc'aipimaye, imanc' noŕspaic'epá LanDios, ja'ni Abraham oŕtatahuelo o ja'ni ituca' loŕnación, itsiya LanDios tipalaic'olhuo', tu'ilhuo' naitsi iŕque Lonŕu'eyacolhuo'.

27 Lan xanuc' nomana' Jerusalén jouc'a liŕpincuxepá aiŕquilimetsaijma iŕque Lalunŕu'eponga'. Iŕniya icuxecopa Jesús. Toŕta'a enanŕ'lipá loya'apa lam profeta jiŕpe liŕje'e, iŕe al je'e tixhuenni itine itine conxajya.

28 Tama aiŕquiŕi'ne quijunac' ixa'hue'me Pilato ticuxeŕa' tima'anŕe.

29 Lenanŕ'lipá jahuay lo'iya Jesús, iŕe luya'apa lam profeta, ipuŕquinna'me petsi lepats'ingiya jiŕe al 'ec, ipo'nontsa ŕunts'eja'.

30 Lijou'ma LanDios imaf'i'inapa iŕque Jesús, ipa'apa pe lomana' lamizhua.

31 Ts'ilihuequi Jesús, pe nipalyomma Galilea, iyejmale'me icuaitsa anuli Jerusalén, iŕniya ixingona'me Jesús, tu'iyaleyí iŕe liximpa.

³² 'Linca, mimana' laŕtatahueló ÑanDios imipola' iŕe al c'a lo'ia. Imi'mola': "Toŕe, toŕe ca'e'ma". Itsiya lu'ilhuo': Joupa i'ipa.

³³ ÑanDios joupa imaf'i'ina pa Jesús. Enant'lipa iŕe litaiqui' limipola' laŕtatahueló. Toŕta'a aŕmuc'iponga' illanc' iŕnietó iŕne laŕtatahueló. Ma toŕta'a loya'apa al salmo lacui'impaloque', tuya'e' lonespa ÑanDios, ticua:

Ima' ai'Hua,

Itsiya aimuc'ipola' lan xanuc' aŕinca iya' o'Ailli'.

³⁴ 'Jouc'a tuya'e' timaf'i'ina'ma Jesús, tipa'anata pe lomana' lamizhua. Tuya'e' aimimaconaya, aimihuet'ya licuerpo. ÑanDios timila' lixanuc':

Joupa aipo'nopalataiqui', nepi'ipa David.

Iŕe litaiqui' apaxi, canant'hi'ma.

Toŕta'a toŕsim'me imanc'.

³⁵ Ocuena al salmo jouc'a tuya'e':

To'e'ma cuenna lo'Hua, iŕque o'Huexi.

Titoc'i'ma, aimihuet'ya licuerpo.

³⁶ 'Iŕe lataiqui' aiminescoyoxi David. Iŕque mipa'a fa'a li'a lamats' i'e'ma lixpica'epa ÑanDios, ticuxeyale. Imanapa, eminc'ina'me pe lomana' liŕcuerpo litatahueló. Lijou'ma ihuet'ina'ma licuerpo.

³⁷ Iŕe lataiqui' tinescojma Jesús. Ma' iŕque ÑanDios imaf'i'ina'ma. Licuerpo a'i quihuet'i'ma.

³⁸ 'Cunc'aipimaye, aŕquim'eta'. Iya' cu'ilhuo': Ja'ni toŕ'huaiyijnle Jesús ÑanDios timenc'e'eco'molhuo' loŕ'epa lixcay.

³⁹ Tama tolihuejcoyi locuxepa Moisés aimimenc'e'ecoyacolhuo' nulemma jahuay loŕ'epa lixcay. Ti'hua toŕtai'me lajunac'. Ja'ni toŕ'huaiyijnle Jesús, aimitac'uinyacolhuo' cajunac', ni toŕta'a.

⁴⁰ Iya' camilhuo' imanc' naŕquim'epa: Toŕpo'note cuenna. Ja'ni a'i ti'i'molhuo' to loya'apa ÑanDios jiŕpe litaiqui' linilingiya liŕje'e lam profeta, ticua:

⁴¹ Imanc' tolixocoyi, tolahuelojnle laif'epa, toŕ'huijle loŕpicuejma'.

Itsiya, ma moŕmana' imanc', ca'e'ma al cueca'.

Ja'ni tu'intsolhuo': Toŕe, toŕe lo'epa ÑanDios,

imanc' toŕtalai'e'me: "A'ij linca iŕe lalul'iponga'."

⁴² Mipalumma lan xanuc' lafoŕyomma jiŕpe lajut'i'ixa'hue'me Pablo y Bernabé, timinnila':

—Locuena xamano, ticuaitsi litine conxajya, aŕpalaic'ocona'monga', lu'i'monga' xonca iŕne lataiqui'.

⁴³ Lijoupa lipalunca jahuay lefoŕya, axpela' lan xanuc' judío jouc'a locuenaye xanuc' petsi ilihuequi liŕ'ejma' lan judío, iyejmale'me Pablo y Bernabé. Iŕniya ixc'ai'im'mola' lan xanuc', timinnila':

—ŁanDios titoc'i'molhuo'. Aimolanaj'mołtsi iłque.

44 Icuaiyocontsi litine conxajya tehue'ela' ma le'a anuli oquexi' lan xanuc'. Jahuay locuenaye nomana' jilpe liya' efołunni tiquimf'e'me litaiqui' ŁanDios.

45 Lan xanuc' judío, lixim'me joupa efołumma axpela' lan xanuc' i'em'mola' laic' Pablo y Bernabé. Timinnila' lan xanuc':

—Iłniya ma le'a tifel'milhuo' imanc'. A'ij linca lonespa.

46 Pablo y Bernabé aimixpailiquila'. Timinnila' ilne lan xanuc' naixtulepá:

—Ate'a alu'ipolhuo' imanc' litaiqui' ŁanDios. Tołta'a lixpice'pa. Imanc' aimetenłcocolhuo', aimolapenufyacu al ts'e lołpitine, tolacani'eyołtsi cołtuca'. Itsiya ałpo'no'molhuo'. Ałe'me pe lomana' locuenaye xanuc' pe aimimetsaicoyi ŁanDios. Ałpalaic'otola' ilniya.

47 Ma ŁanDios ałcuxe'eponga' ilne lał'eyacu. Al Paxi Linilingiya tuya'e' tołta'a lonespa ŁanDios, ticua:

Iya' nepi'ipo' lopenic', tapalc'o'itola' liłpicuejma' pe aimimet-saicoyi ŁanDios.

Ti'i'ma quilsina' cunłu'e'mola' iya'.

Iłne nomana' xonca aculi' to'itola' ilta'a laitaiqui'.

48 Licuej'me lonespa Pablo y Bernabé locuenaye lan xanuc' pe a'ij judío, ilniya ixojma quileta. Ticuayi:

—Ac'a litaiqui' lonespa lałPoujna.

ŁanDios joupa ixpic'epa naitsi ilne lapenufyacu al ts'e liłpitine aimijouya. Ma' ilniya i'huaiyijmpá Jesús.

49 Ni petsi jilpe łamats' lan xanuc' icuej'me litaiqui' ŁanDios.

50 Lijou'ma lan xanuc' judío pe aimi'huaiyijnyi lałPoujna Jesús ipalaic'om'mola' lacał'no' pe ts'il'hueca, ilniya naihue-jcopá locuxepa ŁanDios. Ipalaic'om'mola' jouc'a lan tsilaj xanuc'. Tołta'a ixtuc'om'mola' Pablo y Bernabé, ipa'am'mola' jilpe hilemats'.

51 Pablo y Bernabé unaf'me lił'mitsi'. Ipa'a'me łepi camats' litaijmpa lił'ejí. Tołta'a ilne lan apóstole imuc'im'mola' lan xanuc' ja'ni tejac'e'mołtsi ilne quiltuca' iljunac'. Ipalunca liłpiya' ilniya lan xanuc', iyepá lane lotsepa liya' Iconio.

52 Le'a cal Espíritu Santo ticuxela' liłpicuejma', tołta'a tixoqui quileta tiyeyi ilniya.

14

1 Mimana' liya' Iconio Pablo y Bernabé itsehuc'me lajut'łpe lafołyomma lan xanuc' judío. Jilpe uya'a'me Lataiqui' loya'apa ilne al c'a lixpice'pa ŁanDios. Axpela' noquimf'epá epenuf'me luya'a'me Pablo y Bernabé. Ilne nepenuf'pá ajudío jouc'a agriego.

² Lijou'ma lan xanuc' judío pe aikuilepenufi ñe litaiqui' Jesús ipalaic'o'me locuenaye xanuc' agriego. Eteñ'e'e'me liñpicuejma'. Toñta'a ñne lan xanuc' ti'eyi laic' lapimaye.

³ Pablo y Bernabé icol'mola', imanenca jñpe liña'. Aimixpailiquila'. Mi'huaiyijnyi ÑanDios ti'hua tuya'ayi litaiqui'. Tu'innila':

—Toñ'huaiyijñe ÑanDios. Toñta'a tipaxne'molhuo', titoc'i'molhuo'.

Mañque ÑanDios imujpa al linca lonespa Pablo y Bernabé. Epi'i'mola' liñmane ti'ete al cueca'. Toñta'a lan xanuc' iximpá te ts'i'ic' lo'epa ÑanDios.

⁴ Lan xanuc' jñpe liña' i'e'molñsi onñca. Hualca ihuej'me lan xanuc' judío pe aikuilepenufi Jesús. Locuenaye ihuej'me Pablo y Bernabé.

⁵ Lan xanuc' griego jouc'a lan xanuc' judío pe aikuilihuequi Pablo ipalaic'om'mola' ts'iñpenic' jñpe liña'. Inefo'me, ticuayi: “Añteñ'mi'mola' Pablo y Bernabé. Añma'aco'mola' apic'.”

⁶⁻⁷ Pablo y Bernabé i'ipa quñsina' lo'e'enyacola'. Inul'me, iye'me ñamats' cuñtine Licaonia. Jñpiya uya'atsa Lataiqui' loya'apa ñe al c'a liñpic'epa ÑanDios. U'im'mola' lan xanuc' nomana' ñileloña' Lистра y Derbe, jouc'a nomana' ñilemats' ahuejñca.

⁸ Jñpe liña' Lистра tipa'a anuli cal coxo. Itine itine ticutsu. Li'mitsi' ailopa'a quñpujxi. Ma toñe ipajñcota. Ni anulemma qui'huac'. Aimi'i.

⁹ Anuli litine cal coxo tiquimf'e mipalay Pablo. Pablo ehuelojm'ma. Ixim'ma cal xans ticua liñpicuejma': “Linca añañcona'ma”.

¹⁰ Pablo ipalaic'o'ma ujñxi, timi:

—ñTopo'notsola' ñamats' lo'mitsi', tacaxla' ñic!

Cal coxo iyuf'conni, ecañ'ma ñjca, ipango'ma i'hua'ma.

¹¹ Lan xanuc' nomana' jñpiya ehuelojm'me cal coxo joupá ixañconapa, ipango'me ija'a'me. Tipalañyi liñtaiqui', ñe lopalaipa lan xanuc' jñpe ñamats' Licaonia. Ticuayi:

—ñLandiosla' i'epolñsi xanuc', imulumma pe lañmana'!

¹² Ipalaicom'mola' Pablo y Bernabé, ticuayi:

—Bernabé ññque andios Zeus. Locuena andios Hermes.

Pablo xonca tipalay, toñya ecui'im'me Hermes. (Ñne lan xanuc' ticuayi xonca tipalay Hermes. ññque ilepaluc liñ'as candiosla'.)

¹³ ñne lan xanuc' nomana' ñamats' Licaonia ñilendios cuñtine “Zeus nopa'a pe lotsufaicompa liña'”. Ñe'ailli' Zeus icuañtsi al puerta ñipuna cajut'ñ pe lomana' Pablo y Bernabé. ñlecola' lan huacax, itaic' lan arco liñanc'ecompa ipa'. Tima'a'mola' lihuacax, titsufco'mola' Pablo y Bernabé. Ma' anuli ññpic'a lan xanuc'.

14 Loquexi' lan apóstole, iñe Pablo y Bernabé, ixim'me lo'eyacu iñe la'ailli' y lan xanuc'. Aiquicoł'mola'. Ipalunca la-jut'ł, itsulfołai'me nolojmay xanuc'. Tits'ałyi liłpijahuá', timuji a'ij c'a iñe lo'eyacu lan xanuc'. Tija'ayi,

15 timinnila':

—Cunc'ixanuc', ¿te con'eyacu? Illanc' jouc'a ninc'ixanuc'. Jifa'a aluya'ayi Lataiqui' loya'apa iñe al c'a lixpicepa ÑanDios. Mañe Lataiqui' tu'ilhuo': “Tołpo'notsola' iñna'a lolandiosla', aimolihuejcona'me”. Lolandiosla' ailopa'a co'epa, aimi'ya mitoc'iyacolhuo'. Tolihuejle ÑanDios Ñimafi. Iñque Nilanc'epa lema'a, li'a łamats', łaja jouc'a jahuay lopa'a.

16 'Luyaipa quitine, imanc' jouc'a locuenaye lan xanuc' pe a'ij judío toluyalaicoyi lapajnya tolihuejyi ma to moł'eyi. ÑanDios ixnet'łpa iñe loł'ejma'.

17 Tama a'ij cuajmaica cu'ilhuo' te ts'i'ic' lipicuejma', ÑanDios imuc'ipolhuo' li'ejma'. Imuc'ipolhuo' ac'a lo'epa. Ma' iñque ticuxe ticuila', ałcuic'inga' łacui ło'huayomma lema'a. Jouc'a ticuxe ti'ila' litiné cafot'leya. Tołta'a ałsinyi łatepa. Juaiconapa alixoc'inga' calata.

18 Tama tołta'a limipola' Pablo lan xanuc' afule mihuejcoyi. Juaiconapa iłpic'a titsufcołe.

19 Mañej hora icuaitsa lan judío naixtulepá, iñe quiy-ouyomma liłelołya' Iconio y Antioquía. Ipalaic'om'mola' lan xanuc' jilpe lefołya. Inesc'em'mola' Pablo y Bernabé. Lan xanuc' ihuejco'me iñe lan xanuc' judío, ipaf'me capic' Pablo. Lijou'ma ticuayi: “Joupa imapa”. Ipa'a'me jilpe liłya'. Ipo'no'me lema quiliya'.

20 Ts'ilihuequi Pablo y Bernabé iłoc'olai'me canumicay Pablo. Iñque itsahuenanni, itsufaiconama liłya'.

Lihuequi litine ipalunca Pablo y Bernabé, icuaitsa liłya' cuftine Derbe.

21 Jilpe uya'acona'me Lataiqui', iñe loya'apa lixpicepa ÑanDios. Axpela' lan xanuc' epenuf'me lataiqui', ihuej'me. Lijou'ma Pablo y Bernabé ipailiconanca, iyecona'me liłelołya' Liſtra, Iconio y Antioquía.

22 Imuc'iyalecontsa ts'ilihuequi Lataiqui', ifa'empola' liłpicuejma', ixc'ai'im'mola', timinnila':

—Ticuicomma ałtełcołe, tijouła' ałtsuflainata pe locuxeyopa ÑanDios.

23 Iya' iłya' ni petsi lafołyomma lapimaye Pablo y Bernabé ifaj'me lan tsilaj xanuc' noxpiceyacu lataiqui'. Tixnet'lyi, aimitetsoyi, tijoc'iyi łalPoujna, timiyi:

—MałPoujna, iñna'a lan xanuc' ti'huaiyijnhuo'. Totoc'itsola'.

24 Ipalunca liłya' Antioquía. Uyalaico'me jahuay łamats' Pisidia. Icuaiyocontsa łamats' Panfilia.

²⁵ Iyecona'me liŷya' Perge. Jiŷpe uya'a'me Lataiqui'. Lijou'ma ipalunca, imul'me al 'ocay, icuaitsa liŷya' Atalia.

²⁶ Jiŷpiya itsulfoaicona'me anuli al barco lotseya locuena quilya' cuftine Antioquía.

Pablo y Bernabé limajmpá jiŷpe Antioquía lapimaye um-mempola' tiyente, ti'etsa lanic' lapi'ipola' ÑanDios. Ixa'huepá titoc'itsola'. Itsiya joupa ixhuai'nipá lanic'. Ticuaiconata.

²⁷ Icuaitsa Antioquía. Ijoc'im'mola' lapimaye iŷne nefot'lepoŷtsi jiŷpe liŷya'. U'im'mola' jahuay li'ipola' lan xanuc' pe a'ij judío. ÑanDios joupa iŷonc'epa lipa'nepola'. Iŷniya jouc'a titsuflaiyi lane, ti'huaiyijnyi Jesucristo.

²⁸ Jiŷpiya liŷya' Antioquía icol'mola'. Imanenca anuli ts'ilihuequi Jesús.

15

¹ Icuaitsa liŷya' Antioquía hualca lapimaye ts'ilihuequi Jesús quiyouyomma al distrito Judea, ipango'me imuc'iyale'me. Tu'innila' lapimaye nomana' jiŷpe liŷya':

—Tolanant'ŷiŷe locuxepa Moisés, ton'etsotŷi circuncidar. Ja'ni a'i, aimi'iya molunŷulyacu.

² Pablo y Bernabé ifuli'moŷtsi cataiqui' iŷne lapimaye, aiquentenŷococola' lomuc'iyalepa. Lijou'ma lapimaye ixpic'e'me tiyete Jerusalén Pablo y Bernabé jouc'a hualca lapimaye nomana' jiŷpe Antioquía. Pu'hua Jerusalén tipalaic'onnola' lan apóstole y lapimaye noxpijpá lataiqui'. Ticuis'ennola': “Imanc', ¿te coŷcuapa? Laŷpimaye pe a'ij judío, ¿ja'ni ti'e'moŷtsi circuncidar o a'i?”

³ Ipalunca Pablo, Bernabé y liŷejmale lun Antioquía. Locuenaye lapimaye lafoŷyomma jiŷpe Antioquía ecanumf'entsacane. Uyalaico'me ŷamats' Fenicia jouc'a ŷamats' Samaria. Jiŷpe kiŷeloŷya' ipalaicom'mola' lapimaye, uya'a'me iŷe li'ipola' lan xanuc' a'ij judío, ticuayi: “Ipai'ipá liŷpicuejma', tihuejyi Jesús”. Licuej'me toŷta'a li'ipa jahuay lapimaye ixoconni quileta juaiconapa.

⁴ Pablo, Bernabé y liŷejmale icuaitsa liŷya' Jerusalén. Lapi-maye lafoŷyomma jiŷpe, lan apóstole jouc'a lapimaye noxpijpá lataiqui', epenufim'mola'. Pablo y Bernabé uya'a'me jahuay li'ipa, uya'a'me acueca' litoc'ipola' ÑanDios.

⁵ Jiŷpe Jerusalén timana' hualca lan xanuc' fariseo no'huaiyijmpá laŷPoujna Jesucristo. Iŷne ecaxol'me, ticuayi:

—Lapimaye pe a'ij judío tenant'ŷiŷe locuxepa Moisés. Ti'etŷotŷi circuncidar.

⁶ Efoŷt'e'moŷtsi lan apóstole jouc'a lapimaye noxpijpá lataiqui'. Icuais'e'moŷtsi: “¿Te caŷpic'eyacu?”

⁷ Ipalaic'o'moŷtsi juaiconapa. Lijouco'ma ecax'ma Pedro. Timila':

—Cunc'aipimaye, joupa ołsina' li'ipa. ŁanDios ałmuc'iponga' naitsi no'huaya pe lomana' locuenaye lan xanuc', iħne a'ij judío. Ał'huij'epa ca'huał'a' iya', cuya'atsi Lataiqui' loya'apa iħe al c'a lixpice'epa ŁanDios, ti'huaiyijnle Jesucristo.

⁸ Li'huaiyijm'me Jesucristo ŁanDios ipaxne'mola' to lałpaxneponga' illanc'. Epi'ipola' cal Espířitu Santo. Tołta'a imujpa ałınca ti'huaiyijnle Jesucristo. ŁanDios aimimenajya, timetsaicola' jahuay lan xanuc', te ts'i'ic' liłpicuejma'.

⁹ Ĩniya, illanc', ma' anuli lapenufponga'. Lał'huaiyijmpá Jesucristo latufc'e'eponga' lałpicuejma'.

¹⁰ 'Itsiya, ¿te colahuaicopá ŁanDios? Imanc' tołcuayi: "Ałcuxe'e'mola' lałpimaye tihuejcole jahuay locuxepa Moisés". Iya' cacua: Lałtatahueló aiquilenant'ħi iħe lataiqui', ni illanc' aicalanant'ħi, aimi'iya.

¹¹ Joupa i'ipa całsina' ma le'a Jesucristo ałtoc'i'monga'. Ĩque ałsimponga' ninc'icuanuc'la, lunħu'e'monga'. Ma' anuli tunħu'e'mola' iħniya.

¹² Lapimaye lafołyomma jilpiya ailopa'a cotalai'ecoyacu. Iquimf'e'me loya'apa Pablo y Bernabé muya'ayi al cueca' li'epa ŁanDios pe lomana' locuenaye lan xanuc', iħne a'ij judío. Uya'a'me li'ipa ma mi'eyi lipenic' ŁanDios. Ĩque joupa epi'ipola' liłmane, tołta'a i'e'me to aimi'iya mi'eyacu lan xanuc'.

¹³ Lijoupa luya'apa tołta'a Jacobo ipalaic'o'mola' lapimaye lefot'lepoltsi, timila':

—Cunc'aipimaye, ałquimf'eł'a'.

¹⁴ Simón Pedro alu'iponga' li'ipa litine ŁanDios imuj'moxi pe lomana' locuenaye lan xanuc', iħne a'ij judío. Ĩe litine ipango'ma ijoc'i'mola' tihuejcole, ti'ħla' quixanuc'.

¹⁵ Lam profeta joupa uya'apá tołta'a lo'eya ŁanDios. Jilpe liłje'e inihijmpá lonespa ŁanDios, ticua:

¹⁶ Tijouł'a' catoc'icona'mola' laixanuc'.

Iya' capi'i'mola' laixanuc' iħrey, cal rey David itatahuelo.

¹⁷ Tołta'a locuenaye lan xanuc' tehuena'me liłPoujna, iħne a'ij judío pe joupa nimetsaicopola' aixanuc', małniya lahuena'ma.

¹⁸ Tołta'a linespa ŁanDios No'epa jahuay iħna'a.

Joupa imuc'ipola' lan xanuc' nomana' luyaipa quitine.

¹⁹ Jacobo ti'hua tipalaic'ola' lipimaye, timiconala':

—Iya' cacua: Ĩne lałpimaye a'ij judío pe joupa ixhuej'menamma, tihuecoyi ŁanDios, aimalpa'ne'mola'.

²⁰ Alumme'e'mola' quilje'e, lu'i'mola': "Imanc' aimolte'me lixic' litsufcompola' landiosla'. Ĩque cal tejua' joupa i'ipa quixcay. Toł'etsoltsi cuenna. Aimoltsuico'mola' ocuenaye cacal'no', ma' le'a lołpenoye. Aimolte'me liłpixic' linneja lixnajmpola' cajuats', jouc'a aimolte'me lajuats'."

21 '¿Te caɽcuxe'ecoyacola' xonca? Jiɽpiya ɽajut'li pe lafoɽyomma laɽ'as xanuc' judío, itine itine conxajya tixhuef'yi locuxepa Moisés. Ixhuaita axpe' camats' toɽta'a mi'eyi jahuay liɽeloyá'.

22 Lan apóstole jouc'a lapimaye noxpijpá lataiqui', jouc'a jahuay lapimaye lafoɽyomma jiɽpe Jerusalén i'e'e'moɽtsi anuli liɽpicuejma'. Ticuayi:

—Aɽ'huij'f'e'mola' laɽpimaye. Alumme'mola' tiyeɽe Antioquía. Tiyejmalete Pablo y Bernabé.

I'huij'f'em'mola' Judas ɽacui'impa Barsabás jouc'a Silas. Iɽne liɽpimaye tixininnila' ac'a liɽpicuejma'.

23 Ini'impola' al je'e, tini'innola' lapimaye a'ij judío. Iɽe al je'e tuya'e':

“Illanc' ninc'apóstole, ninc'atsila' capimaye naɽpic'epá lataiqui', aɽnonilhuo' imanc' a'ij judío, noɽmana' liɽya' Antioquía, jouc'a noɽmana' ni petsi ɽamats' Siria, jouc'a noɽmana' ɽamats' Cilicia. Imanc' illanc' ninc'apimaye.

24 'Joupa aɽmimponga' iɽe luya'apa hualca lapimaye lipalyomma fa'a. Iɽne imipolhuo': 'Imanc' tolanant'iɽe locuxepa Moisés. Tonɽ'etsoɽtsi circuncidar.' Toɽta'a ixhueɽ'mipolhuo'. Toɽcuayi: ¿Te caɽ'eyacu?

'Itsiya lu'ilhuo': Illanc' aicalummela' iɽniya. Aicaɽmila': Toɽta'a toɽmitsola'.

25 Illanc' naɽmana' fa'a joupa aɽ'e'epoɽtsi anuli laɽpicuejma'. Aɽpic'epá alumme'elhuo' iɽna'a laɽ'huij'f'epola', tiyejmalete laicaɽpimaye Pablo y Bernabé.

26 Iɽne coɽa' tima'mola' mi'eyi lipenic' ɽaɽPoujna Jesucristo, tocomma to aimunɽuyacu.

27 Loquexi' laɽpimaye lalummepola', iɽne Judas y Silas tu'itolhuo' laɽpic'ejma', iɽe laliniɽpa iɽta'a al je'e.

28 Illanc' y cal Espíritu Santo aɽpic'eyi a'ij cueca' laɽcuxe'eyacolhuo'. Fa'a lu'ilhuo' ma le'a oquej fane' loɽ'eyacu petsi xonca latenɽcocopa LanDios.

29 Lu'ilhuo':

'Aimoɽte'me lixic' litsufcompola' landiosla'. Aimoɽte'me lajuats'. Aimoɽte'me liɽpoxic' linneja lixnajmpola' cajuats'. Tonɽ'e'etsoɽtsi cuenna. Aimoɽsuico'mola' ocuenaye cacat'no', ma le'a loɽpenoye.

'Ja'ni toluyalaico'me toɽta'a tonɽ'e'me al c'a. Itsiya icula'apa iɽe laɽsc'ai'ipolhuo'.”

30 Lapimaye nomana' Jerusalén ixc'ai'im'mola' Pablo, Bernabé y liɽejmale. Iɽne iye'me. Icuaicontsa Antioquía. Jiɽpiya ijoc'im'mola' lapimaye tefoɽunca. Ini'im'mola' al je'e.

31 Lapimaye ininuf'me ixhue'me. Iɽe loxc'ai'impola' ixoc'i'mola' quileta.

³² Ihe Judas y Silas aprofeta. Juaiconapa ixc'ai'im'mola' lapimaye, ifa'em'mola' li'picuejma'.

³³ Ji'piya imanenca, icol'mola'. Icuaitsi litine tiyenle lapimaye ixc'aitsona'me, timinnila':

—Tonlenle al c'a. To'pailinanca, tonlenle pe lomana' ihe nummepolhuo'. To'mitsola': “Ailopa'a tintsi”.

³⁴ Silas ixpic'epa tipanehuo Antioquía.

³⁵ Pablo y Bernabé imanenca ji'pe li'ya' tuya'ayi, timuc'iyaleyi Lataiqui'. He litaiqui' la'Poujna. Ma' anuli lo'epa axpela' lapimaye.

³⁶ Ti'hua tuyaipa litiné. Lijou'ma Pablo ipalaic'o'ma Bernabé, timi:

—E'pá, leconapá jahuay li'lelo'ya' petsi joupa laluya'apa litaiqui' la'Poujna. A'sinna te ts'i'ic' mimana'.

³⁷ Bernabé ticua:

—A'hecocona'me Juan Marcos, a'ejmalecona'me.

³⁸ Pablo timi:

—A'i. La'cuaitsa lamats' Panfilia i'que al'po'no'ponga' ca'luca'. Aiqui'e'ma canic' anuli illanc'. Aima'hecocona'me.

³⁹ Ipalaic'o'mo'ltsi juaiconapa. Ifuli'i'mo'ltsi cataiqui'. Lijouco'ma anuli anuli i'hua'ma lipene. Bernabé ileco'ma Marcos, itsulfo'la'i'me anuli al barco, iye'me Chipre.

⁴⁰ Pablo i'huij'f'e'ma Silas. Pablo y Silas y lapimaye efot'le'mo'ltsi. Ijoc'i'me LanDios. Ixa'hue'me titoc'itsola' Pablo y Silas. Lijou'ma ipalunca i'niya.

⁴¹ Iye'me lamats' Siria jouc'a lamats' Cilicia. Pablo ipalaic'o'mola' lapimaye ni petsi la'fo'lyomma. Ifa'e'mola' li'picuejma'.

16

¹ Pablo y Silas icuaitsa li'ya' Derbe, uyalaico'me, icuaitsa Listra. Ji'pe li'ya' tipa'a anuli lamijcano cuftine Timoteo. Qui'máma' ajudía, ti'huaiyinge Jesucristo. Qui'ailli' agriego. Timoteo tihuequi Jesús.

² Lapimaye, ihe nomana' Listra, jouc'a nomana' Iconio ticuayi: “Ac'a xans Timoteo”.

³ Pablo ixpic'epa tiyejmale'me. Ai'a tileco'ma i'e'ma circuncidar. Ticua: “To'hta'a aimixtulecu lan xanuc' judío nomana' fa'a lamats'”. Jahuay i'niya i'sina' qui'ailli' Timoteo agriego. To'hiya Timoteo aiqui'aic' circuncidar.

⁴ Lijou'ma Pablo, Silas y Timoteo iyehuo'me i'ya' i'ya', ehuengintsola' lapimaye nomana'. Imuc'im'mola' al je'e loya'apa locuxepa lan apóstole y lapimaye noxpijpá lataiqui', ihe nomana' Jerusalén. Tixc'ai'innila', tu'innila' tenant'li'e i'le lataiqui'.

5 Toſta'a lapimaye lafoſyomma iſniya liſeloſya' xonca ti'huaiyijnyi. Itine itine tixpela' lapimaye.

6 Lijou'ma, ehuengintsola' lapimaye nomana' ni petſi lamats' Frigia y lamats' Galacia. Aiquiſtuſlaic' lamats' Asia. Cal Espíritu Santo aiquepi'ila' lane muya'ayacu Lataiqui' jilpe lamats'.

7 Icuaitſa lema lamats' Misiá ixpic'epa títuſfoſaitſa lamats' Bitinia. Cal Espíritu, iſque h'Espíritu Jeſús, aiquepi'ila' lane.

8 Ti'hua tiyeyi lema lamats' Misiá. Imul'me liſya' Troas.

9 Lipuqui' Pablo ixim'ma al paiyo. LanDios timuc'i lo'eya. Ixim'ma tecaxu anuli cal xans las Macedonia. Tixa'hue, timi: "To'huanni fa'a lainemats' Macedonia. Fa'a altoc'i'monga'."

10 He liximpa Pablo alu'iponga' illanc' laſejmale. Aſpic'epá le'me lamats' Macedonia. Aſcuayi: Ma LanDios aſjoc'iponga', alu'itſonga' lan xanuc' nomana' jilpe lamats' Lataiqui' loya'apa iſe al c'a lixic'epa LanDios.

11 Jilpe Troas aſtuſfoſaipá anuli al barco. Aſepá hijca lamats' cuftine Samotracia. Lihuequi litine aſcuaitſa liſya' Neápolis.

12 Lipalyonca al barco aſepá Filipos. He liſya' xonca imetſaicoquiya jilpe lamats' Macedonia, i'huexi cal cuecaj quincux-epa romano. Jilpe aſcoſponga'.

13 Litine conxajya lipalunca liſya', aſepá petſi tefot'leyoſtsi lan xanuc' mijoc'i'me LanDios, jilpe al pana'. Aſcutſoſanna, aſpalaic'opola' lacaſ'no' licuai'me.

14 Anuli jilne lacaſ'no' lipuſtine aLidia. Tihuequi locux-epa LanDios. Lipiſya' cuftine Tiatira. Ticuqui quijahua' lumanc'ecompa amorada. LaſPoujna epi'ipa lipicuejma' icuej'ma lonespa Pablo.

15 Laca'no' Lidia jouc'a jahuary nomana' lejut'ſ epo'im'mola'. Lijou'ma Lidia aſa'hueponga', aſminga':

—Ja'ni imanc' aſſimpa iya' nepenuſpa laſPoujna lepa' lainejut'ſ. Jilpe aſmanc'aleta.

Ihui'i'ma. Aſehuo'me lejut'ſ.

16 Anuli litine maſeyi petſi aſjoc'ita LanDios aſtalecuf'me anuli lahuats'. Lipoujnalá joupa i'napá, ticuxeyi. Lahuats' ticua'e, ticuxe lipicuejma' anuli liponta'a Satanás. Timila' lan xanuc' lo'iyacola'. Toſta'a tuluiqui juaiconapa acueca' tomí. Tepi'ila' lipoujnalá.

17 Illanc' aſejmaleyi Pablo. Lahuats' alihuequinga'. Tija'e', ticua:

—Toſſintsola' iſna'a lan xanuc'. Cal Cueca' CanDios iſPoujna iſna'a. Tu'ilhuo' te co'iya molunſulyacu.

18 Tuyaipa axpe' quitine mi'ay toſta'a lahuats'. Pablo aiquetenſcocojma lo'epa. Tixhueſmot'le juaiconapa. Lijouco'ma ipai'e'moxi, ehuelojm'ma lahuats', ipalaic'o'ma ſonta'a, timi:

—Cajoc'i łaiPoujna, canesma lipuftine Jesucristo. Tołta'a cacuxe'ehuo': Taiapananni lipicuejma' iłca'a łahuats'.

Aiquicol'ma. Ipananni łonta'a.

¹⁹ Lipoujnalá łahuats' iximpá ixałconapa, ixtulencia. İhsina' aimi'ıya mulijconayacu quıłtomı. I'nołim'mola' Pablo y Silas, exałim'mola' jıłpiya pe lomana' ts'ıłpenic'.

²⁰ I'hua'am'mola' pe lomana' lan juez romano. Timinnila':

—İhne lan xanuc' ajudıo, fa'a lałpiıya' tehueyi cataiqui'.

²¹ Ałmuc'inga' ałpai'inga' lał'ejma'. İllanc' ma lihuejcoyi cal cuecaj quincuxepa romano. Ma' iłque ałcuxenga'. Aimi'ıya malapenufyacu ocuena cataiqui'.

²² Jahuay lefoıya jıłpiya ixtuc'om'mola' Pablo y Silas. Lan juez icuxe'me textisoquintsola' Pablo y Silas, titsimafquintsola' liłspula'.

²³ İtsimafquim'mola' juaiconapa. Ecanc'ontsola' lacarza. İcuxe'e'me cal xans no'epa cuenna lacarza, timiyi:

—To'etsola' cuenna iłna'a lan xanuc'. Aimipalcu.

²⁴ Licuejpa tołta'a no'epa cuenna lacarza i'nicotsola' xonca licu'u cacarza. İcansc'om'mola' lił'mitsi' laxma. Aimipalyacu, aimi'ıya.

²⁵ Li'i'ma to nolojmay quipuqui' Pablo y Silas tijoc'ıyi ŁanDios, tunac'lıyi timiyi: “ManDios, ima' unCueca”. Locue-naye litats'ıla' tiquimf'eyi.

²⁶ İnu'ma łunanto. Tifenna łamats' petsi lifayıya łaitał lacarza. Aiquicol'ma, exinni jahuay lam puerta. Jahuay litats'ıla' ixim'mołtsi uhuaiłquem'mola' latejmaj cadena.

²⁷ Cal xans no'epa cuenna lacarza tixmay. İmaf'i'ma ixim'ma lam puerta exıya. Ticua: “İtsıya, ¿te caif'eya? Joupa ipalnamma litats'ıla'”. İpa'a'ma li'espada. Ticua: “Cama'a'moxi”.

²⁸ Pablo ixim'ma lo'eya. İja'a'ma ujfxi, timi:

—Aimo'e'e'moxi. Ma fa'a ałmana' jahuay illanc'.

²⁹ No'epa cuenna lacarza icuxe'e'ma tulif'enıe. Aiquicol'ma, itsufai'ma pe lomana' litats'empola'. Eca'ni'moxi jıłpe lił'mitsi' Pablo y Silas. Tıyu tıxpaiqui.

³⁰ Tıpa'ala' łuna. Ticuis'ela', timila':

—Cunc'ixanuc', ¿te co'ıya cunıı'eyacoxi? ¿Te caif'eya?

³¹ İhne timiyi:

—İma' to'huaiyijnla' lałPoujna Jesucristo, iłque tunıı'e'mo'. Tołta'a ti'eıe iłne nomana' lomejut'ı. Jouc'a tunıı'e'mola' jahuay iłniya.

³² U'i'me litaiqui' lałPoujna. U'im'mola' jouc'a nomana' lejut'ı.

³³ Małpe 'hora lipuqui' no'epa cuenna lacarza ileco'mola' Pablo y Silas, epac'e'etsola' fılehui. Aiquicol'mola', epo'im'mola' iłque y jahuay liıxanuc'.

³⁴ Lijou'ma ileco'mola' lejut'ł Pablo y Silas. Ites'mitsola'. Juaiconapa tixoqui queta ti'huaiyinge LanDios. A'i ma le'a itque jouc'a jahuary lixanuc' ti'huaiyijnyi.

³⁵ Iic'e'ma. Lan juez umme'me lilepaluc' tiyele lacarza. Licuaitsa ipalaic'o'me no'epa cuenna lacarza, timiyi:

—Tox'masnatsola' itne lan xanuc'. Tipalnanca, tiyente.

³⁶ No'epa cuenna lacarza u'i'ma Pablo, timi:

—Lan juez ummepá lilepaluc'. Itne ałmi: “Tox'masnatsola' itne lan xanuc', tipalnanca”. Itsiya tolipalnanca. Tonente al c'a. Ailopa'a tintsi.

³⁷ Pablo ipalaic'o'mola' lapaluc', timila':

—A'i. Aimi'iya małeyacu. Illanc' alimetsaiconinga' ixanuc' cal cuecaj quincuxepa romano. Imanc' lołjuez ni aiqiułsina' ja'ni ałınca o a'ij linca lataiqui' lałcufponga'. Ma malahue-longinga' lan xanuc' ałtsimałquimponga'. Itsiya ałminga' ałente a-ch'ixca. A'i. Aimi'iya. Ticuaiyunca lan juez. Alipa'atsonga' itniya.

³⁸ Lapaluc' ipailinanca, iye'me pe lomana' lan juez. U'im'mola' limipola' Pablo. Licuej'me lan juez cal cuecaj quincuxepa romano imetsaicola' Pablo y Silas, tixpailiquila' juaiconapa.

³⁹ Iye'me lacarza. Ixa'hue'me aimixtulecu Pablo y Silas. Ipa'am'mola'. Timinnila':

—Tonente, tolipalnanca fa'a lałpiya'.

⁴⁰ Lipalunca lacarza Pablo y Silas iye'me lejut'ł Lidia. Jiłpe efot'le'mołtsi anuli lapimaye. Ixc'ai'im'mola', ixpai'im'mola' quileta. Lijou'ma iyena'me.

17

¹ Pablo y liłejmale ipalunca liłya' Filipos, iye'me lane loy-aicopa liłelołya' Anfıpolis y Apolonia. Icuaitsa liłya' Tesalónica. Jiłpe tipa'a anuli lajut'ł pe lafołyomma lan xanuc' judıo.

² Licuaitsi litine conxajya Pablo, ma to mi'ay, i'hua'ma jiłpe lajut'ł. Afane' quitine conxajya i'e'ma tołta'a. Ipalaic'o'mola' lan xanuc' jiłpiya. Tu'ila' loya'apa al Paxi Linilıngiya.

³ Tuhualqui ite lataiqui', tu'ila':

—Małe al Paxi Linilıngiya tipalaıjma cal Cristo. Tuya'e': “Titełco'ma, timana'ma. Tijouła' timaf'ina'ma, tipano pe lomana' lamizhua.” Jesús, itque laıfpalaic'ocopolhuo', małque aCristo.

⁴ Hualca lan xanuc' judıo lafot'lepołtsi jiłpiya ticuayi: “Ma' al linca locuapa”. I'e'mołtsi anuli Pablo y Silas. Jouc'a juaiconapa axpela' lan xanuc' griego naihuejpa locuxepa LanDios, jouc'a axpela' lan tsila' cacał'no', epenuf'me lonespa Pablo.

⁵ Lan xanuc' judıo pe aimihuejyi Jesús ixtulencia, i'em'mola' laic' Pablo y Silas jouc'a ts'ilihuequi. Ipalaic'om'mola' hualca

lixcay xanuc'. Iñe nohuinajpola', aimi'eyi canic', ma le'a tecaxolanna jilpe locucaleyompa. Efoť'em'mola' axpela' lan xanuc', ixahuali'int sola' Pablo y Silas. Jahuay lan xanuc' jilpe liťya' ic'of'ma liťjuats'. Ixtulencia juaiconapa. Aits'icoť'mola', iye'me, icuaitsa lejut'ť anuli cal xans cuťtine Jasón. Tehuen- nila' Pablo y Silas. Timiyi Jasón:

—Laxat'hitsonga' Pablo y Silas. Ať'hua'a'mola' jilpiya lafoťyomma lan xanuc'.

⁶ Aiquixinim'mola'. Exaťim'mola' Jasón y hualca lapimaye. I'hua'ampola' pe lomana' lan juez. Tija'ayi coyac', ticuayi:

—Iñiya lan xanuc' natelc'eyalepá liťpicuejma' lan xanuc' ni petsi li'a łamats' joupa icuai'me fa'a lałpiťya'.

⁷ Ica'a Jasón epenuťpola' jilpe lejut'ť. Jahuay iñiya aimihue- jcoyi locuxepa cal cuecaj quincuxepa César. Ticuayi tipa'a ocuenaj rey ticuxela', cuťtine Jesús.

⁸ Licuej'me toťta'a lan xanuc' y ts'itpenic' xonca ixtulencia.

⁹ Jasón y lapimaye i'najtse'me ts'itpenic', i'najcufi'me Pablo y Silas. Toťta'a ts'itpenic' ux'masquina'me iñe Jasón y lapimaye.

¹⁰ Maľe lipuqui' lapimaye itoc'im'mola' Pablo y Silas tipal- nancia jilpe liťya' Tesalónica. Iye'me liťya' Berea. Icuaitsa jilpe liťya' itsulfoťai'me lajut'ť pe lafoťyomma lan xanuc' judío.

¹¹ Ac'a xanuc' iñiya lan judío nomana' ite liťya' Berea, a'i to lan xanuc' nomana' Tesalónica. Ixojco'ma quileta epenuť'me litaiqui' Jesús. Itine itine tixhueyi al Paxi Liniťingiya. Ticuayi: "Aťsim'me ja'ni al linca o a'ij linca lonespa Pablo".

¹² Axpela' lan xanuc' judío, jouc'a hualca lacať'no' griego pe ts'it'hueca, jouc'a axpela' lan xanuc' griego epenuť'me.

¹³ Lan xanuc' judío nomana' liťya' Tesalónica icuej'me: "Pablo tipa'a liťya' Berea, tuya'e' litaiqui' ŁanDios". Iye'me Berea. Jilpiya ipalaic'om'mola' lan xanuc', i'e'em'mola' tix- tuc'ote Pablo.

¹⁴ Lapimaye itoc'i'me Pablo tipanni liťya' Berea, ti'huaťa' ľema caja. Silas jouc'a Timoteo imanencia Berea.

¹⁵ Lapimaye pe li'i'moťtsi anuli Pablo ileco'me liťya' Atenas. Pablo timila':

—Toťmitsola' Silas y Timoteo aimicoť'mola', ticuaiyunca fa'a. Lijou'ma lapimaye ipailinancia, iye'me Berea.

¹⁶ Pablo ipanenni liťya' Atenas. I'huaijma ticuaiyunca Silas y Timoteo. Ixim'ma ite liťya' imanna candiosla'. Ixhueťco'ma juaiconapa.

¹⁷ Litine conxajya itsehuc'oma lajut'ť pe lafoťyomma lan xanuc' judío. Jilpe lajut'ť tipalaic'ola' lan xanuc', iñe lan xanuc' judío jouc'a lan xanuc' griego pe naihuejpa ŁanDios. Itine itine itsehuc'oma laplaza, tipalaic'ola' lotalecufpola' jilpe.

18 Jilpe laplaza tefot'leyołtsi hualca lan xanuc' naihuejpa liltaiqui' lan xanuc' lacui'impola' lan epicúreo. Jouc'a tefot'leyołtsi pe naihuejpa liltaiqui' lan xanuc' lacui'impola' lan estoico. Ihe ipango'me ifuli'i'mołtsi cataiqui' Pablo. Hualca ticuis'eyołtsi:

—Iłque łapalgo, ¿te cohuałquemma lonespa?

Ocuenaye ticuayi:

—Tocomma to tinescola' ocuenaye candiosla'.

Icuejpa Pablo lipalaicopa Jesús, jouc'a lipalaicopa limaf'inapa, ipayomma pe lomana' lamizhua. Tołta'a ticuayi: "Ihe oquexi' landiosla".

19 Timiyi Pablo:

—Łepá.

Ileco'me pe lafołyomma ts'ilpenic'. Jilpe lacui'impá al Areópago. Icuaitsa jilpe icuis'e'me, timiyi Pablo:

—Ima' lofmuc'iyalepa ats'e cataiqui'. Aluhuałc'e'etsonga'. Ałcuejle te cocuajmaispa ile lataiqui'.

20 Ałcuejyi ima' tomuc'iyale ituca' cataiqui'. Ti'ila' całsina' te cohuałquemma ile lofnespa.

21 Lan xanuc' limajmpá liłya' Atenas, ja'ni ma' Atenas ilpiłya', o ja'ni quiyouyomma ocuena quiłya', jahuay ilniya aimi'eyi canic'. Muica litine tipalaic'oyołtsi. Tu'iyolołtsi, tiquimf'eyołtsi ituca' ituca' cataiqui'.

22 Pablo ecax'ma jilpe al Areópago. Tipalaic'ola' lefołya, timila':

—Cunc'ixanuc', Atenas olpiłya, caxinnilhuo' tołspaic'ela' jahuay landiosla'. Aimolatets'iyi ni' anuli.

23 Cuyaijma łaneya fa'a lołpiłya' cahuelongila' loł'altar. Jouc'a cahuelonge anuli al altar inihingiya tuya'e': "Iłta'a i'altar anuli landios. Aicalimetsaijma naitsi ilque, aicalsina' te quipuftine." Tama imanc' tołcuayi: "Iłque anuli łalandios", imanc' aicolimet-saijma. Itsiya iya' cu'i'molhuo' naitsi ilque.

24 'Małque ŁanDios ilanc'epa li'a łamats' jouc'a jahuay lopa'a. Aimipanga al xoute' lilanc'epa lan xanuc'. Iłque iPoujna lema'a jouc'a li'a łamats'.

25 Illanc' ninc'ixanuc' aimi'iya małnesyacu: "ŁanDios tehue'e', alapi'i'me". Iłque aimehue'e'. Jahuay ts'ilmaf'i fa'a li'a łamats' ŁanDios tepi'ila' liłpitine, liłpehua', jouc'a jahuay liłpicuicoya.

26 'Lan xanuc' ni petsi quiyouyomma ma' anuli liłjuats'. Tołta'a lilanc'epola' ŁanDios. Małque ŁanDios ixpicufpa filemats' anuli anuli lan nación. Ixplic'epa tojua ticoł'mola', te quitine tijou'ne'mola'.

27 Lixpic'epa tołta'a ŁanDios ticua: "Lahuełta' lan xanuc'. Aga tinesle: ¿Pe copa'a? Ałsinna'ma."

Iłque linca a'ij culi', ma' ahuejnca anuli anuli illanc'.

²⁸ Małque aHanc'eponga', lapi'iponga' lałpitine. Maluyalaicoyi lapajnya altoc'inga'. Ja'ni tijuc'ixoxi aimi'iya maluyalaicoy-acu, jahuay tijouna'ma. Imanc' lołxanuc' ts'iłpicuejma' jouc'a ipalaico'me ŁanDios, inilpá: "İllanc' ninc'ixanuc' inaxque' ŁanDios".

²⁹ İhque ŁanDios al'Ailli'. Toliya aimi'iya mał'onlicoyacu to ilne landiosla' lilanc'empola' a'oro o aplata o apic. İhna'a ipa'acopa lijuac cal xans, ilanc'ecopola' limane'.

³⁰ Luyaipa quitine lan xanuc' aiquilsina' te ts'i'ic' lipicuejma' ŁanDios. Aiquilimetsaijma. İhniya litiné ŁanDios aiquimila', aiquitalela' ni tołta'a. Itsiya ituca' li'ejma'. Ticuxe'ela' jahuay lan xanuc' ni petsi lomana', timila': "İmanc' tołsuej'menanca".

³¹ ŁanDios joupa i'huijf'epa, ifaquimpa cal Juez no'eya al lijca lipenic'. Ixplic'epa litine timujxoxi ilque ilJuez jahuay lan xanuc' ni petsi lomana'. İhque cal xans ŁanDios joupa imaf'i'inapa, ipa'anapa pe lomana' lamizhua. Ti'ila' quilsina' lan xanuc' alinca tołta'a lo'iya.

³² Licuej'me linespa Pablo: "ŁanDios imaf'i'inapa, ipa'anapa pe lomana' lamizhua", hualca ixoco'me. Ocuenaye timiyi:

—Alquimf'econa'mo'. Alu'itsonga' xonca ilē lataiqui'.

³³ Pablo ipanni jilpe lefołya.

³⁴ Hualca lan xanuc' ihuej'me Pablo. Ti'huaiyijnyi. Anuli ihniya cuftine Dionisio, ilque tilai'iyoxi jilpe al Areópago. Ocuena no'huaiyijmpa ilque aca'no', cuftine Dámaris. Jouc'a timana' ocuenaye ihuej'me.

18

¹ Pablo ipanni liłya' Atenas icuaitsi liłya' Corinto.

² Jilpe liłya' italecuf'ma anuli cal xans judío cuftine Aquila. İhque ipajnyota łamats' cuftine Ponto. Lipeno cuftine Priscila, imajmpá łamats' Italia, liłya' Roma. Micuxe cal cuecaj quincuxepa romano cuftine Claudio ilque icuxe'e'mola' lan xanuc' judío tipalunca ilē liłya'. Priscila y Aquila ajudío. İpalunca liłya' Roma, quite' miłcuaispá Corinto. Pablo i'hua'ma ixintsola' lilejut'ł.

³ Jilpe ipanenni. Pablo y Aquila in-natsolpá quixmi. Ti'eyi canic' anuli.

⁴ Litine conxajya Pablo ti'hua lajut'ł pe lafołyomma lan xanuc' judío. Tipalaic'ola' lan xanuc' nomana' jilpe, ilne ajudío jouc'a agriego. Tehue te co'iya micuejyacu, ti'huaiyijnle Jesucristo.

⁵ Silas y Timoteo ipalunca łamats' Macedonia. Licuaitsa liłya' Corinto Silas y Timoteo, Pablo joupa etec'opa lanic' lanatsolya, ma le'a tuya'e' Lataiqui'. Tu'ila' lan xanuc' judío: "Jesús ma' aCristo".

⁶ Lan judío aikuilepenufi loya'apa Pablo, timilojyi quixcay cataiqui'. Pablo unaf'ma lipijahua'. Tixinte ñe lo'epa aiqutenñcocojma ñanDios. Timila':

—Imanc' coñuca' toñtai'me lajunac'. Toñsim'me lo'iyacolhuo'. Iya' aicataiya cajunac'. Ca'hua'ma pe lomana' locuenaye lan xanuc' pe aimimetsaicoyi ñanDios.

⁷ Ipanni jilpe lajut'ñ pe lafoñyomma lan xanuc' judío. I'huapa anuli lajut'ñ aquiñu', ejut'ñ anuli cal xans agriego, cuñtine Tito Justo. Ñque tihuequi locuxepa ñanDios.

⁸ Lajut'ñ pe lafoñyomma lan xanuc' judío ñincuxepa cuñtine Crispo. Ñque Crispo jouc'a jahuary nomana' lejut'ñ i'huaiyijmpá Jesucristo. Axpela' lun Corinto noquimf'epá i'huaiyijmpá, epo'im'mola'.

⁹ Anuli lipuqui' mixmay Pablo, ixim'ma to apaiyo, icuaitsi ñañPoujna Jesús, timi:

—Aimixpaij'mo'. Aimi-ch'ixco'mo'. Ti'hua topalaic'ocontsola' lan xanuc'.

¹⁰ Iya' añejmale. Fa'a liña' aimi'ya mixcai'enyaco'. Ma fa'a timana' axpela' laixanuc'.

¹¹ Pablo ipanenni liña' Corinto. Icoñ'ma anuli camats' y onñca. Timuc'iyale litaiqui' ñanDios.

¹² Liña' Corinto copa'a jilpe ñamats' Acaya. Micuxe Galión ñe ñamats' lan xanuc' judío tixtuleyi. I'noñ'me Pablo, i'hua'a'me pe lo'eyopa canic' lan juez.

¹³ Timiyi Galión:

—Ñca'a cal xans tu'ila' lan xanuc', timila': “Aimolanant'ñi'me locuxepa Moisés. Toñpai'ñe loñ'ejma'. Ti'ñña' ituca' molihuejyacu ñanDios.”

¹⁴ Pablo coña' jounpa titalai'e'ma. Galión ipalaic'o'mola' lan xanuc' judío, timila':

—Ñca'a cal xans, ja'ni aiñuenant'ñi locuxepa ñañcucay quin-cuxepa romano, o ja'ni i'epa quixcay, ñinca ca'ommaita loñnespa, caquimf'e'molhuo' imanc' unc'ijudío.

¹⁵ Ñque aiciñ'aic' toña'a. Aiqutenñcolhuo' lonespa, ja'ni ataiqui' o añtine o lopalaicopa lataiqui' locuxepolhuo'. Ma le'a toña'a toñixtuc'oyi. Ma' imanc' toñxanghuai'itsoñsi. Iya' aicaxpic'eya.

¹⁶ Lijounpa limipola' toña'a Galión icuxe'ma tihuescuñtsola', tipalunca jilpe lejut'ñ pe lo'eyopa laniñ' lan juez.

¹⁷ Lan griego ixtuc'o'me anuli cal xans judío nacaxuya jilpe, cuñtine Sóstenes, incuxepa lajut'ñ pe lafoñyomma. I'noñ'me, untañ'me. Galión ma le'a ticutsu tehuelongila'. Ailopa'a quitaiqui'. Ni tintsu quimi'mola'.

¹⁸ Pablo ti'hua ticoli Corinto. Lijou'ma ixc'ai'i'mola' lapi-maye, ti'hua'ma ñamats' Siria. I'hua'ma al puerto cuñtine

Cencrea. Icuaitsi jilpe isuaf'moxi hjuac. Tołta'a imuj'ma joupá epi'ipa cataiqui' ĽanDios. Lijou'ma Pablo, Priscila y Aquila itsulfotai'me anuli al barco, iye'me.

¹⁹ Icuaitsa liłya' Efeso. Jilpiya liłya' ipo'no'mola' Priscila y Aquila. Pablo i'hua'ma lema quiłya', itsufai'ma lajut'ł pe lafołyomma lan xanuc' judío. Jilpe ipalaic'o'mola' lan xanuc', ipalaic'o'mołtsi.

²⁰ Ixa'hue'me, timiyi:

—Topanenni.

Pablo timila':

—A'i. Aimi'iya małcołconaya fa'a.

²¹ Ja'ni ipic'a ĽanDios cacuaiyoconno, cahuejnconacolhuo'.

Ixc'ai'ina'mola'. Itsufai'ma anuli al barco. Ipamma Efeso.

²² Icuaitsa Cesarea. Jilpiya ipayonni al barco, if'aj'ma liłya' Jerusalén tehuejntola' lapimaye lafołyomma jilpiya. Inom'mola'. Lijou'ma i'hua'ma liłya' Antioquía.

²³ Jilpe icolhuo'ma. Lijou'ma ipaiconanni ehuejnconatsola' lapimaye nomana' łamats' Galacia y łamats' Frigia. Ifa'e'mola' liłpicuejma' jahuay lapimaye.

²⁴ Mi'hualejma Pablo imajm'me Efeso Priscila y Aquila. Jilpe liłya' icuaitsi anuli cal xans judío cuftine Apolos, lipiłya' Alejandría. Tipalay al c'a juaiconapa. Ixina' loya'apa al Paxi Linilingiya.

²⁵ Joupá imuc'impá litaiqui' łłPoujna, ixina' te ts'i'ic' lipene ilque. Al c'a timuc'iyale, aimixospa. Tu'iyale li'epa Jesús. Epo'icompá lipuftine Juan Bautista a'i lipuftine Jesucristo.

²⁶ Aimixpaiqui. Itsehuo'ma lajut'ł pe lafołyomma lan xanuc' judío, jilpe tipalaic'ola' lan xanuc'. Priscila y Aquila icuej'me lonespa, ijoc'i'me timiyi:

—Łepá lajut'ł.

Jilpe u'i'me xonca te tsi'ic' mihuejya ĽanDios.

²⁷ Lijou'ma Apolos ipic'a ti'huała' łamats' Acaya. Lapimaye nomana' jilpe liłya' Efeso inil'e'me liłpimaye nomana' łamats' Acaya, ilne jouc'a ts'ilihuequi Jesús. Timinnila': "Tolapenufle ilque Apolos". Icuaitsi jilpe łamats' Apolos acueca itoc'i'mola' lapimaye. Ilne joupá ipaxnepola' ĽanDios tołta'a ti'huaijinyi Jesús.

²⁸ Jilpe lefot'łepołtsi lan xanuc' judío Apolos italai'e'epola', ulij'mola'. Imuc'ipola' loya'apa al Paxi Linilingiya, tuya'e': "Jesús copa'a cal Cristo".

19

¹ Mipa'a Apolos łamats' Acaya, liłya' Corinto, Pablo ti'hualejma xonca al toncay łamats' icuaitsi liłya' Efeso. Jilpe liłya' italecuf'mola' hualca ts'ilihuequi Jesús.

² Icuis'e'mola', timila':

—Imanc' litine loł'huaiyijmpa Jesucristo, ¿te olapenufpá cal Espíritu Santo?

İhne timiyi:

—A'i. Aicalpalaic'oconinga' cal Espíritu Santo. Aicalmuc'inga' naitsi ilque, ja'ni tipa'a o a'i.

³ Icuis'e'mola':

—Litine lepo'impolhuo', ¿naitsi colihuejcoyacu? ¿Te quipuftine?

Timiyi:

—Lipuftine Juan Bautista. Lihuejcoyi litaiqui' ilque, tołta'a lapo'imponga'.

⁴ Pablo timila':

—Lan xanuc' pe lixhuej'memma, Juan epo'i'mola', tu'ila': “Aimal'huaiyijm'ma iya'. Toł'huaiyijnle nocuaicoya.” İhque łacui'impa “Nocuaicoya”, małque copa'a Jesús.

⁵ Licuej'me ilē limipola' Pablo, ilne lan xanuc' epo'iconam'mola'. Tołta'a i'ipola' ilihuequi Jesús.

⁶ Pablo ipo'nof'i'mola' limane' ilıjuac. Imunni lema'a cal Espíritu Santo, epenuf'me. Ipango'me ipalai'me ituca' ituca' cataiqui', jouc'a tuya'ayi lu'ipola' ŁanDios.

⁷ Tixhuaispola' to imbama' coquexi' lan xanuc'.

⁸ Litine conxajya Pablo itsehuo'ma lajut'ı pe lafołyomma lan xanuc' judío. Aimixpaiqui. İpalaic'o'mola', ipalaic'o'mołtsi. Tu'ila' te co'iya mitsulfołaiyacu pe locuxeyopa ŁanDios. Afane' mut'la ti'ay tołta'a.

⁹ Hualca aiquil'cueca, aiquilihuequi. İpalaic'om'mola' locue-naye xanuc', u'im'mola':

—A'ijc'a lane lomuc'ipolhuo' Pablo.

Licuej'ma Pablo lonespa ilniya aiqui'huacon-na'ma ilē lajut'ı pe lafołyomma lan xanuc' judío. İpa'a'mola' ilıpiya no'huaiyijmpá Jesús. İye'me, tefot'leyołtsi lejut'ı anuli łomxi cuftine Tirano. İtine itine Pablo ti'hua tipalaic'ola' lan xanuc' lafołyomma lajut'ı.

¹⁰ Muyaipa oque' camats' Pablo ti'hua timuc'ila', tołta'a jahuay lan xanuc' nomana' ilıpe łamats' Asia icuej'me loya'apa Pablo, lan xanuc' judío jouc'a lan xanuc' griego. İcuej'me litaiqui' łalPoujna Jesús.

¹¹ ŁanDios timuc'ila' lan xanuc' al cueca' lo'epa. Epi'ipa limane Pablo ti'ełá' tołta'a al cueca', to aimi'iya mi'eyacu lan xanuc'.

¹² Lam pa'yu y iljahuali lihuengaicota Pablo itai'em'mola' lafcualłay. İhne ixalçona'mola'. İlipontahue Satanás pe litsulflaipá ilıcuerpo lan xanuc', ipalnanca.

¹³ Hualca lan xanuc' judío tiyec'olaiyi ilya' ilya', timinnila' lipontahue Satanás:

—Iya' canesqui lipuftine Jesús, małque Jesús łopalaicopa Pablo. Cacuxe'ehuo': ¡Taipanni!

¹⁴ Tołta'a lo'epa lan caitsi linaxque' anuli cal xans judío cuftine a'Esceva, iłque anuli pe lixanuc' cal cuecaj ca'ailli'.

¹⁵ Łiponta'a Satanás italai'e'ma, timila':

—Jesús nimetsaijma. Aixina' naitsi iłque Pablo. ¿Naitsi imanc'? Aicainimetsaicolhuo'.

¹⁶ Cal xans pe łitsufaipa łiponta'a Satanás iyuc'o'mola', ulij'mola', ixcai'e'mola'. Aiquicol'mola'. Ipalunca lajutł, aimilłe inulna'me.

¹⁷ Jahuay nomana' Efeso, lan xanuc' judío jouc'a lan xanuc' griego, ilsina' li'ipa, ixpailij'mola'. Imetsaico'me apaxi lipuftine łatPoujna.

¹⁸ Axpela' no'huaiyijmpá łatPoujna Jesús icuaiyunca pe lomana' lapimaye, uya'a'me al xujc'a li'epa.

¹⁹ Jouc'a axpela' lam brujo efotłe'me liłlibro, itai'me, ipo'no'intsola' petsi lan xanuc' tixim'me lo'epa. Jiłpe ipi'em'mola'. Lijou'ma ixhuej'me'me tojua lipitali ilne lan libro. Tixhuaispa oquej nuxans quimbamaj mil lan tomí aplata.

²⁰ Tołta'a lan xanuc' ixim'me acueca' lo'epa litaiqui' łatPoujna. Ixim pá a'i ni naitsi cataiqui'. I'i'mola' xonca axpela' no'epá finca.

²¹ Lijoupa li'ipa tołta'a Pablo ixpic'e'ma, ticua: “Ca'hua'ma Jerusalén. Ate'a cahuejntola' lapimaye nomana' łamats' Macedonia, jouc'a nomana' łamats' Acaya. Catseta Jerusalén, tijouł'a ca'hua'ma quimetsaicota Roma.”

²² Umme'mola' oquexi' notoc'ipá, ilne Timoteo y Erasto, tijełe łamats' Macedonia. Pablo icol'ma łamats' Asia, liłya' Efeso.

²³ Ilniya łitiné lan xanuc' nomana' jiłpe liłya' epatłtsi liłpicuejma'. Ixtuc'om'mola' naihuejpa lipene łatPoujna.

²⁴ Tipa'a anuli cal xans cuftine Demetrio, aplatero. Tilanc'ela' lan tsocay xoułte. Anuli anuli al xoute' tipa'a li'imagen Artemisa, iłque lilendios. Iłque Demetrio ilpoujna axpela' lan xanuc' no'epá ilta'a lanic'. Tulijyi acuecaj tomí.

²⁵ Małque Demetrio ixtunni, tijoc'ila' tefotłetsotłsi lixanuc' jouc'a locuenaye no'epá canic' tołniya. Timila':

—Cunc'ixanuc', ołsina' ma mał'eyi ilta'a lanic' alulijyi caltomí.

²⁶ Tołsinyi, tołcuejyi li'ipa fa'a łatpiłya'. Linca a'i ma le'a fa'a, tocomma to jahuay łamats' Asia iłque Pablo imints'e'e'mola' liłpicuejma' axpela' lan xanuc'. Ticua: “Ilne ilanc'ecompola' amane a'i candiosla”.

²⁷ Ilne lonespa Pablo aicaltoc'inga' illanc'. Aga lan xanuc' latets'i'monga' jouc'a łatpenic'. Tijouł'a xonca acueca' ti'i'ma,

tetets'i'me Artemisa cal cuecaj cał'máma'. Łamats' Asia, jouc'a ni petsi li'a łamats', texc'onńingotałayi Artemisa. Ja'ni tihuejle lonespa Pablo aimexc'onńingotałaconayacu.

28 Lan xanuc' noquimf'epá ĩe lataiqui' ixtulencia juaiconapa. Ija'a'me, ticuayi:

—ĭAcueca' ĩłque cał'máma' Artemisa illanc' ixanuc' Efeso!

29 Jahuay lan xanuc' nomana' ĩe liłya' epat'łtsi liłpicuejma'. Jahuay inul'me, ticuaitsa pe lafołyomma lan xanuc'. Minulyi i'nołim'mola' Gayo y Aristarco noyejmalepá Pablo. ĩne quiy-ouyomma Macedonia.

30 Pablo coła' titsufai'ma jouc'a, ts'ĩlihuequi Jesús aiquepi'i'me lane.

31 Hualca ts'ĩłpenic' jĩłpe łamats' Asia pe nimetsaicopola' Pablo ummem'mola' liłxanuc', timiyi Pablo:

—Aimotsufai'ma pe lefołya lan xanuc'. Aga tima'ato'.

32 Jĩłpe lefołya nica tummulecola'. Anuli anuli ocuena ocuena litaiqui' loja'apa. Axpela' ni aiquĩsina' te quicuaic-oco'me jĩłpe. Aiquĩsina' te qui'ipa.

33 Hualca lan xanuc' judío ummetsai'me anuli cal xans cuftine Alejandro. Timiyi:

—Tacaxhuaitsi pe li'huáqui. Topalaic'otsola' lan xanuc'.

Ecax'ma jĩłpiya. Lan xanuc' ti'hua tija'ayi, tuya'ayi li'ipa. Alejandro ti-ch'ixc'eco'mola' limane. Titalai'e'mola'.

34 Aiquihuejco'me. Imetsaico'me ajudío. Ipango'me ija'a'me, jahuay ticuayi ma' anuli:

—ĭillanc' ixanuc' liłya' Efeso, acueca' cał'máma' Artemisa!

Lija'apa tołta'a icoł'ma to oquej hora.

35 Lijouco'ma, ts'ĩpenic' ĩimpa'ńingotałpa jĩłpe liłya' i-ch'ixc'e'mola' lan xanuc', timila':

—Imanc' cunc'aif'as xanuc' Efeso, jahuay lan xanuc' nomana' fa'a li'a łamats' ĩsina' ałfaquimponga' illanc' ixanuc' liłya' Efeso, ał'ete cuenna lixoute' cal cuecaj cał'máma' Artemisa. Jĩłpe al xoute' tipa'a ĩ'imagen lecangaiyomma lema'a.

36 ¿Naitsi nonesya a'ij ĩnca? Ailopa'a nonesya tołta'a. Ti-ch'ixcotsolhuo'. Tołspic'ete al c'a loł'eyacu.

37 ĩna'a lan xanuc' lołcuai'e'mola' fa'a, ¿te qui'epa? ĩne aiquĩnesc'e cataiqui' cał'máma' Artemisa. Aiquĩnantseca lixoute'.

38 'Demetrio jouc'a loyejmalepá, ja'ni ticuxecom'mola' ĩne lan xanuc', ne', timana' lan juez. Tipa'a ĩtiné mi'e'me canic'. Jĩłpe tołcuxecotsola', titalai'e'ecotsoltsi.

39 Ja'ni tipa'a ocuena o ituca' lolicuitsufyacu, ne', tipa'a ĩtiné lafot'le'mołtsi, ałspic'eta cataiqui'. Jĩłpe tolicuitsufta.

40 ĩtsiya a'ij c'a lafot'łepołtsi juaiconapa ninc'xpela'. Ticuaiyunca lan tsilaj ts'ĩpenic' romano, licuis'e'monga':

“Imanc', ¿te conl'epa? ¿Te conlafot'lecopoltsi?"; illanc', ¿te cañtalai'ecoyacola'? Ailopa'a cañmiyacola'. Ilne lixtuc'o'monga'.

⁴¹ Limpa'ningoñpa lijou'ma limi'mola' toñta'a, icuxe'e'mola' tiyente.

20

¹ Lijoupa i-ch'ixcopola' lan xanuc' Pablo ijoc'i'mola' ts'ilihuequi ticuaiyunca. Ixc'ai'i'mola' tihuejle litaiqui' Jesús. Ipanni, i'hua'ma lamats' Macedonia.

² Jiñpe licuaitsi ehuejntsole' lapimaye ni petsi lomana'. Acueca' ixc'ai'i'mola'. Lijou'ma i'huana'ma, icuaitsi lamats' Grecia.

³ Jiñpe ipanenni afane' mut'la. Lijou'ma ticua: “Ai'huapa lamats' Siria”. Coñla' titsufaila' anuli al barco. Icuej'ma jiñpe temiyoltsi lan xanuc' judío, tima'a'me. Ixhuej'meconanni, ticua: “Aica'huacoya abarco. Capaino, ca'huacona'ma lamats' Macedonia.”

⁴ Tiyeyi jouc'a liñejmale, ilne liñpuftine: Sopater las Berea, Aristarco jouc'a Segundo lun Tesalónica, Gayo jouc'a Timoteo lun Derbe, Tíquico jouc'a Trófimo lun Asia.

⁵ Iniya iyej'me'me. Icuaitsa liñya' Troas. Jiñpiya añ'huaicotonga' añcuaitsa.

⁶ Illanc' joupa añcuaitsa lamats' Macedonia, liñya' Filipos. Jiñpe añmanemma tuyaila' al juic Pascua. Lijou'ma añsulfoñai'me anuli al barco lotsepa liñya' Troas. Añcopá amaque' quitine añcuaitsa Troas. Lahuepola' lañejmalepá, ilne liyej'me'me. Jiñpe liñya' añcoñponga' acaitsi quitine.

⁷ Al te'a quitine al xamano lafot'lepolsi anuli lapimaye. Añsquenuf'me la'i, añte'me to licuxepa lañPoujna Jesús. Pablo imuc'i'mola' lapimaye. Joupa ixpic'epa lo'eya, liñhuequi litine ti'huana'ma, toñiya ticoñ mimuc'iyale. Icuaicotsi nolojmay quipuqui' ti'hua tipalay.

⁸ Jiñpiya lajut'ñ petsi lefot'leyoltsi tipa'a axpe' candil tepalc'o'ila'.

⁹ Mañpe al ventana ticutsafya anuli lamijcano cuftine Eutico. Pablo ticoñ mipalay, lamijcano ticui quehuí, aiqixnet'lqui, i'noñ'ma acueca' cahuí, tixmay. Pe locutsafya al fane' quixpef'a lajut'ñi, imefcaiyonni al toncay, icuaitsi lamats'. Ipuñlaf'me, ticuayi: “Joupa imanapa”.

¹⁰ Pablo aiqicoñ'ma, imunni, ixpatsaf'caipa lamijcano, ipuñlaf'ma, timila' lipimaye:

—Aimixpailij'molhuo'. Aimolñsuelmot'le'me. Ma' imaf'i'.

¹¹ If'ajcona'ma lajut'ñ. Itetso'me, ixquenuf'me la'i jouc'a lapimaye. Pablo ti'hua timuc'ila' jahuy lipuqui'. Li'i'ma quitine i'huana'ma.

12 Lapimaye ilecona'me łamijcano, imaf'i'. Acueca' ixoc'i'mola' quileta jahuay iłniya.

13 Pablo i'huapa li'mis cocuaiya liya' Asón. Illanc' ałej'mepá, ałecopá abarco ałcuaitsa liya' Asón. Jiłpe ał'huaicota ticuaitsi Pablo.

14 Iłque icuaitsi. Ałtsulfotaipá anuli al barco, ałepá ałcuaitsa liya' Mitilene.

15-16 Lihuequi litine ałeconapá, ałcuaitsa łamats' lehuoc'ocojma łamats' Quío. Lihuequi litine ałcuaitsa łamats' Samos. Lihuequi litine luyalaicopá pe lopa'a liya' Efeso. Ałcuaitsa liya' Mileto. Pablo joupa ixpic'epa aimi'huaya liya' Efeso. Ipic'a ticuaitsi liya' Jerusalén. Jiłpe tixinna al juic Pentecostés.

17 Mipa'a Mileto Pablo umme'mola' lixanuc' tiyełe Efeso tipalaic'ontsola' lapimaye noxpipjá lataiqui', tiyoyunca.

18 Icuaitsa. Pablo ipalaic'o'mola', timila':

—Iya' laicuaitsi łamats' Asia ałcołpa lołpiya'. Imanc' joupa ołsimpá te ts'i'ic' laipepajnya ma capa'a jiłpe.

19 'Iya' aicai'e'e'moxi to cal cuecaj xans. Camna aix-huełco'ma juaiconapa, cajoqui, camna aitelco'ma. Lan xanuc' judío ehue'me te lał'e'eya. Tołta'a lainuyaicopa ma ca'ay lipenic' lałPoujna Jesús.

20 Imanc' ołsina' aicainemi'elhuo' ni aicaicuanac'elhuo' Lataiqui' loya'apa iłe al c'a lixic'epa ŁanDios. Nuhuałc'e'e'molhuo' Lataiqui', nu'i'molhuo' jahuay lotoc'iyacolhuo'. Aimuc'i'molhuo' jiłpiya pe lafołyomma lołpimaye, jouc'a aimuc'i'molhuo' łolajut'li.

21 Iya' aipalaic'o'mola' jahuay lan xanuc' nomana' lołpiya', lan xanuc' judío jouc'a lan xanuc' griego. Nu'i'mola': “Tołsuej'menanca, tolihuejcołe ŁanDios, toł'huaiyijnle lałPoujna Jesús”.

22 'Itsiya ca'huana'ma Jerusalén. Łinca aimixoqui neta. Caxhuełma. Aicaixina' lał'iya pu'hua.

23 Ni petsi laiftseya, iłya' iłya' cal Espíritu Santo ałmi: “Jipu'hua Jerusalén titats'enno'. Totelcota.”

24 Itsiya, ¿te caif'eya? LałPoujna Jesús alapi'ipa laipenic'. Ałmipa: “Toya'ala' Lataiqui' loya'apa iłe al c'a lixic'epa ŁanDios. To'itsola' lan xanuc' ŁanDios titoc'i'mola', ipic'a.” Aicaxhuełcoojma laipitine, aicaxinyoxi cuanuc'. Xonca aipic'a caxhuai'nila' lanic' lalapi'ipa lałPoujna.

25 'Małmana' anuli nuya'a'ma te co'iya mołtsulfotaıyacu pe locuxeyopa ŁanDios, iłque cal Rey. Itsiya camilhuo': Joupa aixina' aimalsingonayacołtsi. Aicaxingonayacolhuo' ni anuli imanc'.

26-27 Ja'ni imanc' o lołpimaye aimolunłulyacu, iya' aicataıya lajunac'. Imanc' cołtuca' tołtel'mi'mołtsi. Iya' nu'i'molhuo'

acuajmaica te ts'i'ic' lixic'ejma' LanDios. Aicainemi'elhuo' ni aicaicuanac'elhuo' Lataiqui' loya'apa ile al c'a lixic'epa LanDios. Nu'i'mola' jahuay nomana' lo'pitya'.

²⁸ 'Imanc' to'sinte lo'eyacu. Cal Espíritu Santo joupa ifajpolhuo', epi'ipolhuo' lo'penic'. Imanc' ti'on'cospolhuo' to li'poujnalá lam mot'í, ilne lam mot'í ma'niya lo'pimaye lefot'lepola' LanDios. To'etsola' cuenna, ilne i'huexi LanDios. I'que joupa i'najcufpola' li'junac', ixcuajaipa lijuats', to'ta'a i'napola'.

²⁹ Iya' ca'huana'ma. Imanc' jouc'a lo'pimaye to'lanecu co'tuca'. Aixina' lo'iyacolhuo' jil'pe. Ticuaicu lan xanuc' ti'on'cospola' to lan lobo. Ilne oyac'la quinnejá aimixinnila' acuanuc'la lam mot'í. Tixcai'ennila', tijou'nem'mola'. To'ta'a li'ejma' ilne lan xanuc'.

³⁰ Jouc'a hualca lo'pimaye tipai'i'me Lataiqui' loya'apa ile al c'a lixic'epa LanDios. Tifel'miyale'me. Lapimaye tihuej-cona'me.

³¹ ¡To'po'note cuenna! A'co'tpa afane' camats' jil'piya lo'pitya'. Ma capa'a itine ipuqui' cajoqui, anuli anuli aixc'ai'i'molhuo'. Afane' camats' to'ta'a lai'ejma'. Aimolimenc'eco'me.

³² 'Cunc'aipimaye, itsiya capo'no'i'molhuo' limane LanDios. Caxa'hue ti'etsolhuo' cuenna. Joupa nu'ipolhuo' te ts'i'ic' lipicuejma' LanDios. I'que titoc'ilhuo', tipaxnelhuo'. Aimolimenc'eco'me ile lainu'ipolhuo'. I'que tepi'i'molhuo' co'pufjxi tolihuejle, to'ta'a tolapenufta lapi'iyacolhuo' LanDios. Ma' anuli la'iyaconga' jahuay illanc' i'huexi i'que.

³³ 'Iya' ma capa'a jil'pe lo'pitya' ailopa'a cai'epa. Aicaijanaca nij naitsi li'oro ni liplata ni lipijahua'.

³⁴ Imanc' joupa o'sina' ai'ecopa canic' ilna'a laimane'. To'ta'a nulijcopa la'pepajnya, iya' y laipimaye la'ejmalepa.

³⁵ Aimuc'i'molhuo' imanc' tont'ele canic' jouc'a. To'toc'itsola' lo'pimaye petsi aimi'iya mulijyacu l'otejacu. Aimuc'i'molhuo' to'nujuaisle litaiqui' la'poujna Jesús, ticua: "Ja'ni tepi'intso', linca tixoc'i'mo' meta. Xonca tixoj'ma meta ja'ni to'cu'a!"

³⁶ To'ta'a lipalaic'opola' Pablo. Lijou'ma exc'on'huo'fai'me anuli lapimaye. Ijoc'i'ma LanDios.

³⁷ Lapimaye ijolij'me juaiconapa. Ipulc'o'me Pablo, ituc'o'me.

³⁸ Ixhue'co'me juaiconapa ile limipola': "Aima'singonayaco'tsi". Ecanumf'etsa cane quicuaitsa al barco.

21

¹ A'po'nopola' qu'ituca' la'pimaye, a'tsulfo'fai'conapá al barco, a'lepá hijca lamats' Cos. Lihuequi litine a'lepá lamats' Rodas, ti'hua a'eyi, a'cuaitsa li'ya' Pátara.

² Jilpiya tipa'a anuli al barco cotseya lamats' Fenicia. Illanc' ałtsulfolaipá jile al barco, ałepá.

³ Lijou'ma alahuelojm'me loxa camane copa'a lamats' Chipre. Ma ti'hua aleyi. Ałcuaitsa lamats' Siria, liya' Tiro. Jilpe tipo'nota łaitay łitaic' al barco. Illanc' ałepá lamats'.

⁴ Alahuela' lapimaye ilne ts'ilihuequi Jesús, ałsim'mola'. Ilne imi'me Pablo limipola' cal Espiritu Santo. Timiyi:

—Aimo'hua'ma liya' Jerusalén.

Jilpe Tiro ałcolponga' acaitsi quitine.

⁵ Lijoupa lan caitsi quitine ałenapá, ałtsulfolaiconapá al barco. Lapimaye jouc'a liłpenoye jouc'a liłnaxque' alacanumf'ehuo'monga' cane. Lałcuaitsa lema quilya', lema caja, alaxc'onłhuolaipá, ałjoc'iyi LanDios.

⁶ Lijoupa ałsc'aitsonapá, ałtsulfolaiconapá al barco. Lałpimaye ipailinanca, iyena'me illejut'li.

⁷ Alipalunca liya' Tiro ałcuaitsa liya' Tolemada. Ałpo'nonapá al barco. Jilpe Tolemada ałnontsola' lapimaye. Anuli litine ałmanenca pe lomana'.

⁸ Lihuequi litine alipalconanca, ałcuaitsa liya' Cesarea. Ałtsehuo'me lejut'ł Felipe. Jilpe ałmanc'aletsa. Ilque Felipe anuli lan caitsi quintoc'iyalepá lan apóstole mimana' ilniya Jerusalén. Itsiya, jilpe Cesarea, tuya'e' Lataiqui' loya'apa ille al c'a lixpíc'epa LanDios.

⁹ Timana' amalujxi linaxque' cahuats'la a'i quilemane. Ilne aprofeta. Tuya'ayi loxpíc'epa LanDios.

¹⁰ Jilpiya ałmajm'me axpe' quitine. Anuli litine icuaitsi anuli cal profeta qui'huayomma lamats' Judea. Ilque cuftine Agabo.

¹¹ Ilhoc'huaiyumma pe lałmana'. Ilonc'e'epa Pablo lifi'ecoyoxi. Ifi'eco'moxi quituca' li'mitsi' limane', ticua:

—Cal Espiritu Santo tuya'e' lo'e'enyacu lipoujna ilta'a xinidoł. Ticua: “Lan xanuc' judío nomana' liya' Jerusalén pe aimi'huaiyijnyi lałPoujna Jesús ti'nołta, tifi'eta, titats'eta. Ticufta ticuaita liłmane locuenaye xanuc' ilne a'ij judío.”

¹² Lałcuejpá lonespa Agabo ałsa'huepá Pablo, ałmiyi:

—¿Te cof'huacoya Jerusalén? Aimo'hua'ma.

¹³ Pablo ałtalai'eponga', ałminga':

—Imanc', ¿te coljolicopa? Tonl'e'eyi aca'hua łainunxajma'. Ałcuanac'e cajou'neya laipenic'. Al'nołintsi, ałfi'entsi, ałtats'entsi, o ałma'antsi, iya' joupa aixpic'epa laif'eya. Canant'li'ma laipenic' lalapi'ipa lałPoujna Jesucristo.

¹⁴ Tama lihui'iyi, ałpalaic'oyi Pablo, ilque aimicua. Aiquipai'i lipicuejma'. Lijoupa ał-ch'ixconaponga'. Ałmiyi:

—Ne', ti'ila' ma to lixpíc'epa lałPoujna.

¹⁵ Lijoupa lałmajmpa jilpiya ałcaj'menapá łalitay, alipalunca, ałe'me lane Jerusalén.

16 Ałejmale'me hualca lapimaye ts'ilihuequi Jesús, iłne lun Cesarea. Ałheco'monga' lejut'i anuli łapima, jilpe ałmanc'aleta. Iłque łapima cuftine Mnasón, łas Chipre. Litine lan xanuc' ipango'me ihuej'me Jesús, iłque Mnasón jouc'a tihuequi.

17 Łałcuaitsa Jerusalén tixoqui quileta lapenuf'monga' lapimaye.

18 Lihuequi litine illanc' jouc'a Pablo ałe'me alahuejntsa łapima Jacobo. Jilpiya efołya locuenaye lapimaye iłne noxpjipá łataiqui'.

19 Pablo inom'mola'. Ipalaic'o'mola', u'i'mola' li'epa jilpe pe lomana' locuenaye xanuc' a'ij judío. Anuli anuli li'ipa u'i'mola'. U'i'mola' li'epa ŁanDios mipa'a Pablo pe lomana' iłne lan xanuc', muya'e' Łataiqui' loya'apa iłe al c'a lixpicepa ŁanDios.

20 Iquimf'e'me limipola' Pablo. Ix'najtsi'i'me ŁanDios, timiyi: —Ima' oxina' timana' axpej mil łał'as xanuc' judío ti'huaiyijnyi łałPoujna Jesucristo. Jahuay iłniya ti'hua tenant'łiyi licuxepa Moisés.

21 Iłne icuejpá łonescopo' ima'. Ticuanni: Ima' tahuengila' łał'as xanuc' judío nomana' łilemats' locuenaye xanuc', tomuc'ila' tipai'ıte liłpicuejma', aimihuejcona'me Moisés, aimi'econa'me circuncidar liłnaxque', aimihuejcona'me iłniya łałtatahueló lił'ejma'.

22 'İtsiya, ¿te cał'eyacu? Lan xanuc' ticuej'me ocuai'ma fa'a. Tixtulecu.

23 Lu'i'mo' lof'eya. Tołta'a to'e'ma.

'Jifa'a pe łałmana' timana' amalujxi lan xanuc' joupa epi'ipá cataiqui' ŁanDios.

24 Toleco'mola'. Iłniya tenant'łita licuxepa Moisés, tixintsola' alimpio ŁanDios. Ima' jouc'a tanant'łita. To'najtse'etola' lot-sufcoyacu, iłe lotsufcoyacu ai'a tisuf'im'mola' liłjuac. Tołta'a lan xanuc' ti'i'ma quıłsina' a'ij łınca iłe łataiqui' łonescopo'. Timetsaico'mo' ima' tanant'łi licuxepa Moisés.

25 'Łapimaye a'ij judío joupa iłsina' lo'eyacu. Joupa alumme'epola' quıłje'e, ałmipola':

“Imanc' aimołte'me lixic' litsufcompola' landiosla'. Aimołte'me lajuats'. Aimołte'me liłpixic' iłne linneja lixnajmpola' cajuats'. Toł'etsołtsi cuenna, aimołsuico'mola' ocuenaye cacal'no', ma le'a lołpenoye.”

26 Icuaitsi lihuequi litine Pablo ileco'mola' lan malujxi lan xanuc'. Enant'łi'me to licuxepa Moisés, i'ipola' limpio. Li-jou'ma Pablo itsufai'ma al cuecaj xoute', u'i'ma ła'ailli' te quitine tixhuaita łataiqui' licupa. Tijouła' tixhuaitsi, anuli anuli iłniya titsufcota ŁanDios.

27 Tehue'e' ahuata tixhuaita lan caitsi quitine, Pablo i'hua'ma al xoute'. Hualca lan xanuc' judío quiyouyomma

lamats' Asia ixim'me jilpiya. Ixtulencia. Ipalaic'om'mola' lan xanuc' nomana' jilpe al xoute'. Ine jouc'a epat'itsi lihpicejma'. Lun Asia i'noh'me Pablo.

²⁸ Tija'ayi, timinnila' lan xanuc' nomana' al xoute':

—Cunc'alpimaye, cunc'ixanuc' Israel oltatahuelo, jaltoc'itsonga! Itca'a cal xans latets'inga' illanc' ninc'ijudío, tetets'i locuxepa Moisés, tetets'i itta'a al cueca' xoute'. Ni petsi lotsepa tohta'a lomuc'iyalepa. Itsiya xonca acueca' li'epa. Fa'a al xoute' itsufai'e'mola' lan xanuc' griego, inpe pe aimimetsaicoyi LanDios. Tohta'a ixis'mepa itta'a al paxi cajut'.

²⁹ Ine nocuapá tohta'a joupá ixinimpola' tiyelocoyi jilpe liya' Pablo y Trófimo. Itque Trófimo agriego, qui'huayomma liya' Efeso. Tohya lan xanuc' ticuayi inpe itsehuo'me al cuecaj xoute'. Ticuayi: “Pablo itsufai'ehuo'ma Trófimo”. Aij linca itta'a lonespa.

³⁰ Lan xanuc' ni petsi lomana' liya' epat'itsi lihpicejma'. Aits'icoh'mola', efot'le'mohtsi, i'noh'me Pablo, exat'me, ipa'a'me luna xoute'. Eti'ina'me lipuerta al xoute'.

³¹ Lan xanuc' judío tehueyi te co'iya mima'ayacu Pablo. Jilpe tipa'a anuli hincuxepa aromano, ticuxela' imbamaj maxnu lisoldado. U'i'me, timiyi:

—Jahuay liya' Jerusalén tummule lihpicejma'.

³² Lincuxepa aiqicoh'ma. Efoth'e'mola' lan soldado jouc'a lilitcapitán, ileco'mola' pe lopa'a Pablo. Lixim'me icuaitsa hincuxepa jouc'a lisoldado, inpe nontafpá Pablo etec'o'me ile lo'epa, aimuntafconayacu.

³³ Lincuxepa itoc'huai'ma pe lopa'a Pablo, i'noh'ma. Icuxe'e'mola' lisoldado tifi'ecole limane' acadena catejma', anuli anuli limane. Lijou'ma icuis'e'mola' lan xanuc' timila':

—¿Naitsi itca'a cal xans? ¿Te qui'epa?

³⁴ Lan xanuc' jilpe lefohya ipango'me ija'a'me. Ocuena ocuena locuapa. Juaiconapa tija'ayi. Lincuxepa aimicueca li'epa Pablo. Icuxe'e'mola' lisoldado tilecole al cuecaj cajut', ite lilejut' lan soldado pe locuanajyoyacohtsi.

³⁵⁻³⁶ Icuaitsa jilpe lof'ajyompa lajut' lan soldado ipul'me Pablo, ipo'nof'i'me lihsaye. Tohta'a i'hua'a'me al toncay, unhu'e'me petsi inpe lanxpela' xanuc' lihuej'me, inpe naixtulepá tija'ayi, ticuayi:

—¡Tima'ante! ¡Tima'ante!

³⁷ Icuaitsa al toncay. Titsufai'e'me Pablo jilpe lajut'. Pablo ipalaic'o'ma hincuxepa, timi:

—¿Lapi'i'ma lane capalaic'o'mo'?

Lincuxepa italai'e'ma, timi:

—¿Te topalaijma agriego?

38 Ima', ¿ja'ni a'i unEgipto? Jounpa ixhuaita axpe' qui-tine, ¿ja'ni ima' otsahue'e'mola' lan xanuc' aľfuli'itsonga' il-lanc' ninc'iromano? İhne amalpuj mil inma'ahuale, ¿te ima' oleco'mola' pu'hua pe ailopa'a quiľya'?

39 Pablo timi:

—Iya' a'i. Iya' ninxans judío. Aipajnyota liľya' Tarso jilpe ľamats' Cilicia. A'i ni naitsi quiľya' iľe laipiliya'. Itsiya caxa'huehuo' lapi'ila' lane capalaic'o'mola' lan xanuc' fa'a.

40 Lincuxepa epi'ipa lane. Pablo ecax'ma al toncay al huajm'ma' lof'ajyompa lajut'ľ. I-ch'ixc'eco'mola' limane lan xanuc' tiquimf'e'le. Ipango'ma ipalaic'o'mola' liľtaiqui' iľne lan xanuc', iľe a'hebreo. Timila':

22

1 —Cunc'ixanuc', cunc'aipimaye, jouc'a cunc'aitatá, aľquimf'e'la'. Cacuanajco'moxi, catalai'e'ma iľe laľcufcompa.

2 Licuej'me Pablo mipalaic'ola' liľtaiqui' lan xanuc' xonca i-ch'ixco'mola', xonca iquimf'e'me. Timila':

3 —Iya' ninxans judío. Aipajnyota liľya' Tarso, ľamats' Cilicia. Jifa'a liľya' Jerusalén altojyopa. Gamaliel aipomxi, aľmuc'ipa licuxepa Moisés, iľe lataiqui' laiľhuejpá laľtatahueló. Iya' ai'e'mola' laic' iľne petsi naiľhuejpá ituca', ma to imanc' ton'ela' laic' itsiya.

4 Aitel'mi'mola' iľne ts'iliľhuequi lipene Jesús. İhniya liťiné cahuay te caif'eya mima'anyacola'. Ja'ni axanuc', ja'ni acal'no', ai'noľ'mola', aiatats'e'mola'.

5 Cal cuecaj ca'ailli' jouc'a lan tsilaj xanuc' noxpıjpá lataiqui' iľsina' aľınca iľta'a laifmıpolhuo'. İhniya aľni'ipa caije'e loya'apa alimetsaicocola' laľpimaye judío nomana' liľya' Damasco. Ti'ila' quıľsina' jounpa alapi'ipa laimane ca'noľtsola' naiľhuejpá lipene Jesús, iľne nomana' jilpe liľya'. Cafı'etsola', ca'hua'ancola' titeľ'mintsola' fa'a Jerusalén. Toľta'a nipamma Jerusalén, ai'huapa lane Damasco.

6 'Ma ca'hua lane to menac'o jounpa cacuaita liľya' Damasco, aixim'ma acueca' lepalc'o' qui'huayomma lema'a. Unts'if'ma jahuay jilpe laifnecaxu.

7 Laixim'ma iľe lepalc'o' necangenni, aixc'uat'ľhuaitsi ľamats', aicuej'ma aľpalaic'o, aľmi: “İma' cunSaulo, ¿te caľteľ'micopa?”

8 Aitalai'e'ma, cami: “Maıpoujna, ¿naitsi ima?” Aľmi: “İya' ninJesús nas Nazaret. İma' aľteľ'mi.”

9 Laľejmale lixim'me jouc'a lepalc'o' ixpailıj'mola', aıquıľcueca iľque laľpalaic'opa.

10 Nicuis'e'ma, cami: “Maıpoujna, lu'ila', ¿te caif'eya?” LaľPoujna aľmi: “Totsahuenni, totsufaıla' liľya' Damasco. Jounpa ixpic'empa lof'eya. Jilpe liľya' tu'inno' jahuay iľta'a.”

11 He laxpaiqui' quepalc'o' a'e'epa ninfo'. Latejmale alaxatpa. Ahtsufai'e'ma liya' Damasco.

12 'Jilpe liya' tipa'a anuli cal xans cuftine Ananías. Hque tihuequi al c'a LanDios, tenant'hi licuxepa Moisés. Jahuay lan xanuc' judío nomana' jilpiya ticuayi ac'a xans.

13 Hque Ananías icuaiyunni jilpe laifpa'a, ałmi: "Maip-ima Saulo, tahuetsalenta'". Aiquicol'ma, nehuetsalena'ma. Aixim'ma itque.

14 Ałmi: "LanDios, ilenDios lahtatahueló, i'huijf'epo' ti'ila' coxina' te ts'i'ic' lixic'epa LanDios. Tołiya oximpa itque lacui'impa cal Eijca, ocuejpa lipalaic'opo'.

15 Ima' topalaic'otola' lan xanuc' nomana' fa'a li'a łamats', cua naitsi lihación topalaicota itque, to'itola' ite loximpa locuejpa.

16 Itsiya aimicołcona'mo'. ¡Totsahuenni! Tojoc'ila' łatPoujna Jesús. Tepo'intso'. Tołta'a ti'itso' limpio. Tetufqueno lojunac'."

17 'Aicuaiconama' fa'a Jerusalén. Capa'a al cuecaj xoute', ma cajoc'i' LanDios i'huapa laipicuejma',

18 aiximpa łatPoujna, ałpalaic'o, ałmi: "Aimicoł'mo'. Taipanni fa'a liya' Jerusalén. Jifa'a aimepenufnyaco'. Aimiquimf'eyaco' łanescoya."

19 Aitalai'e'ma, cami: "MaiPoujna, łte calatets'icoya? Lan xanuc' nomana' fa'a alimetsaijma. Hsina' iya' aitsehuo'ma łajut'hi pe lafołyomma łatpimaye judío. Ai'noł'mola' itne ts'ihuejhuo', aitats'e'mola', nuntafej'mola'.

20 Jilpe litine mima'anni Esteban, itque łoya'apa lotaiqui', iya' cacaxu jilpe, cahuelonge, ca'ay cuenna łitpijahuali itne noma'apá. Ma' anuli łatpicuejma' iya' y laif'as xanuc', itne noma'apá Esteban."

21 Hque łatpalaic'opa ałmi: "Taipanni fa'a. Cummehuo' to'huała' aculi'. To'hua'ma pe lomana' locuenaye lan xanuc', itne a'ij judío."

22 Lan xanuc' liquimf'e'me Pablo linespa: "Ałmi: To'hua'ma pe lomana' locuenaye xanuc', itne a'ij judío", ixtulenca nulemma. Ipango'me ija'a'me ułfxi, ticuayi:

—¡Tima'anle! ¡Tima'anle! Juaiconapa ixcaj itque cal xans. Aimipajncona'ma jifa'a li'a łamats'.

23 Ti'hua tija'ayi, teca'niyi łitpuquiya, tejuaf'yi łepi' camats', teca'naf'iyi al toncaj.

24 Lincuxepa icuxe'e'mola' lisoldado titsuflai'ete Pablo jilpe łajut'ł al fortín. Icuxe'ma titsimafquinłe, ticuis'ete, timiłe: "łTe co'epa?" Ja'ni aimitalai'e' titsimafconłe. Ticua: "łTe qui'epa itque cal xans? Lan xanuc', łte caixtuc'ocopa?"

25 Ifi'e'me titsimafquinłe. Pablo ipalaic'o'ma anuli cal capitán tecaxijnya jilpe liju', timi:

—Imanc' aicołsina' ja'ni tipa'a laijunac' o a'i. ¿Te ti'hua lołmane ałtsimaf'ma iya'? Iya' ninciudadano romano.

²⁶ Licuej'ma iłta'a linespa Pablo cal capitán i'hua'ma u'itsi łincuxepa, timi:

—İque cal xans aciudadano romano. ¿Te ma ałtsimaf'me?

²⁷ Łincuxepa icuaitsi pe lopa'a Pablo, timi:

—Lu'ıłta', ¿te ima' unciudadano romano?

Timi:

—Iya' ninciudadano romano.

²⁸ Timi:

—Iya' ai'najtsepa acueca', tołta'a lapi'impacaije'e loya'apa: “İca'a aciudadano romano”.

Pablo timi:

—Iya' aipajncota ninciudadano romano.

²⁹ İne notsimafyacu Pablo iłolijm'me pe lopa'a. Łincuxepa ixpaijma, ticua: “İque cal xans aciudadano romano. Iya' aifi'ecopa acadena catejma'. ¿Te ałcufta o aimałcufya?”

³⁰ Lihuequi litine umme'mola' lapaluc' tipalaic'ontsola' lix-anuc' cal cuecaj ca'ailli', jouc'a lan tsilaj xanuc' noxpıjpa lataiqui', timintsola' tefołunca. Uhuac'e'ena'ma Pablo licadena catejma'. İleco'ma pe lefołya İne lan xanuc'. Ticua: “Pablo tu'itola' İniya te ts'i'ic' li'epa. Tołta'a ti'i'ma caixina' nulemma te caixtuc'ocopa lif'as xanuc' judío, te cocufcopa.”

23

¹ Pablo ehuelojm'mola' al c'a İne lan tsilaj xanuc' nocutshuołanna jıłpe lefołya, timila':

—Cunc'aipimaye, jahuay laipepajnya cacua: ¿Te ts'ipic'a ŁanDios ca'ełta'? Li'ipa tołta'a ai'ejma', itsiya ti'hua ca'ay.

² Cal cuecaj ca'ailli' Ananías icuxe'e'mola' nacaxołanna jıłpe pe lacaxu Pablo, timila':

—ıToluntaf'e'ete lico!

³ Pablo timi:

—İma' titeł'mi'mo' ŁanDios. A'ijc'a lopicuejma'. Ti'onıłcospo' to ni naitsi caitał ilanc'ecompa le'a amats', ma li'e'empa afujca. Jıłpe tocutsu to cal juez. İma' tipa'a lopenic' lu'ıłta' ja'ni nenant'łipa licuxepa Moisés o ai'epa quixcay. İtsiya İma' aımanant'lı licuxepa Moisés, tocuxe aluntaf'e'enıta'. A'i tołta'a licuxepa Moisés.

⁴ Jıłpe nacaxołanna timiyi:

—İque cal cuecaj ca'ailli'. ¿Te cofmicopa quixcay cataiqui'?

⁵ Pablo timila':

—Cunc'aipimaye, İya' aıcaixina' ja'ni İque cal cuecaj ca'ailli'. İncacaxina' al Paxi Linıłingıya alu'ınga: “Aimopalaıco'ma quixcay nocuxepołhuo”.

⁶ Pablo imetsaico'mola' iñe lan xanuc', ixina' te ts'i'ic' liñpicuejma'. Ixina' hualca asaduceo, locuenaye afariseo. Ipalaic'o'mola' ujfxi, ticuejle jahuary nomana' jiñpe, timila':

—Cunc'aipimaye, iya' ninxans fariseo. Cai'ailli' jouc'a afariseo. Iya' laifnespa ma' anuli to lonespa laif'as fariseo. Iya' cacua: Timaf'ina'me limanapola'. Toñiya laif'huaiyijncopa ałcuxecopa.

⁷ Licuej'me tołta'a licuapa Pablo, lan xanuc' fariseo jouc'a lan xanuc' saduceo ipango'me ifuli'i'moltsi cataiqui'. Ixtuc'o'moltsi. I'e'e'moltsi onłca jiñpe lefołya.

⁸ Linca iñe lan xanuc' a'ij nuli liñpicuejma'. Ticuayi lan xanuc' saduceo: “A'i. Aimimaf'iconayacu limanapola', aimitsoliconayacu. Ailopa'a capaluc quema'a, jouc'a ailopa'a espıritu.” Lan xanuc' fariseo ticuayi: “Timaf'ina'me limanapola'”. Jouc'a ticuayi: “Timana' lapaluc' quema'a jouc'a timana' lan espıritu”.

⁹ Lan xanuc' jiñpe lefołya tummulecola'. Tija'ayi, tiñjaic'oyołtsi. Itsolinca hualca lomxiye nomuc'iyalepá licuxepa Moisés, iñe axanuc' fariseo. Ehuaico'moltsi cataiqui' lan xanuc' saduceo, timinnila':

—Illanc' ałcuayi iñque cal xans ailopa'a qui'epa. Te ja'ni anuli cal 'espıritu, o anuli lapaluc quema'a ipalaic'opa.

¹⁰ Epat'łcontsi xonca liñpicuejma' iñe lan xanuc'. Tixtuleyi juaiconapa. Ixpaij'ma hincuxepa. Ticua: “Ja'ni ti'noñe Pablo, tits'aletsuf'me”. Umme'ma anuli lapaluc pe lomana' lisoldado, timitsola' ticuaiyunca pe lopa'a Pablo, tipa'ale liñpujfxi texał'me Pablo, tiñonc'e'e'me pe lomana' iñe lan xanuc', tileco'me al fortın. Tołta'a i'epá.

¹¹ He lipuqui' lañPoujna Jesús icuaiyunni, ecaxingai'ma Pablo, timi':

—Aimixpaij'mo'. Aimoxhuełmot'le'ma. Jifa'a Jerusalén omipola' lan xanuc' naitsi iya'. Ma' anuli tołta'a tonesta tocuaitsi al cuecaj quiñya' Roma.

¹² Liñic'ejma hualca lan xanuc' judıo efołunni. Inefo'me. Ticuayi:

—Ałma'a'me Pablo. Ma quimaf'i' iñque, aimaltetsoyacu, aimalñayacu. Alanant'ñe iłta'a lañtaiqui'. Ja'ni a'i, jañma'atsonga' ÑanDios!

¹³ Timana' to oquej nuxans lan xanuc' linefo'me tołta'a.

¹⁴ Iye'me tipalaic'onñola' lixanuc' cal cuecaj ca'ailli', jouc'a lan tsilaj xanuc' noxpıjpa lataiqui'. Timinnila':

—Illanc' joupa añ'epaj jurar ałma'a'me Pablo. Ma quimaf'i' iñque illanc' aimaltetsoyacu, aimalñayacu. Acueca' cataiqui' iñe lañnespa. Ałcuayi alanant'ñe iłta'a lañtaiqui'. Ja'ni a'i, jañma'atsonga' ÑanDios!

15 'Imanc' tolafot'letsotsi jouc'a locuenaye lonlejmale. Toṭpalaic'otsa hincuxepa, toṭmitsa: "Aṭpic'a licuis'econa'me Pablo. Mouqui tolecota fa'a."

'Illanc' alami'moṭsi jiṭpe lane. Aṭma'ata. Aimicuaiya pe imanc' lolafot'leyoyacoṭsi. Joupa aṭspic'epá laṭ'eyacu.

16 Li'hua ḥipima caca'no' Pablo icuej'ma lo'eyacu iṭne lan xanuc'. I'hua'ma al fortín, itsufai'ma pe lopa'a Pablo, u'i'ma lo'e'enyacu.

17 Pablo ijoc'i'ma anuli cal capitán, timi:

—Tolecoṭa' iṭca'a ḥamijcano pe lopa'a hincuxepa. Tipa'a lomiyá.

18 Cal capitán ileco'ma ḥamijcano, itsufai'e'ma pe lopa'a hincuxepa, timi:

—Pablo hitats'iya fa'a, aṭjoc'ipa, aṭsahue'epa, aṭmipa: "Tolecoṭa' iṭca'a ḥamijcano pe lopa'a hincuxepa. Tipa'a lomiyá."

19 Hincuxepa exat'le'epa limane ḥamijcano, ijuc'i'moṭsi ipalaitsa quiṭuca', timi:

—¿Te caḥmiya?

20 Ḥamijcano timi:

—Lan xanuc' judío inefopá. Ticuaicu, tixahue'e'mo', timi'mo': "Mouqui toleco'ma Pablo ti'huanni jiṭpe lafot'leyoyacoṭsi. Aṭpic'a licuis'econa'me."

21 Ima' aimoquimf'e'ma lomiyaco'. Aimaihuejco'ma loxahue'eyaco'. Hualca iṭniya tipa'necota Pablo jiṭpe lane. Iṭne tixhuaispola' to oquej nuxans lan xanuc' y xonca. Joupa inefopá timiyotṭsi: "Aṭma'ata Pablo. Ma quimaf'i' aimattetsoyacu, aimatṭsnayacu. Alanant'ḥiṭe laṭtaiqui'. Ja'ni a'i aṭma'atsonga' ḤanDios." Iṭne ma le'a iṭ'huaijma ima' tomitsola': "Ne', caleco'ma".

22 Hincuxepa ixc'ai'i'ma ḥamijcano, timi:

—Iṭe lotaiqui' aimo'ita. Nij naitsi nocuejya.

23 Ijoc'i'mola' oquexi' licapitán, timila':

—Imanc' tolafot'le'mola' loṭsoldado tonṭente liṭya' Cesarea. Tonḥeco'mola' oquej maxnu noyeyacu liṭ'mis, oquej maxnu noniyacu liṭhanza, afanej nuxans quimbama' nocutsafcaiyacu laihuale. Tolipalcu al peṭṭa 'hora lipuqui'.

24 Tonḥecotsola' ocuenaye laihuale, jouc'a Pablo tenafcaita laihuale. Tonḥ'etsa cuenna, nij tintsi lo'e'enyacu. Ticuaitsi al c'a pe lopa'a cal gobernador Félix.

25 Hincuxepa iniṭ'e'e'ma quije'e cal gobernador, timi:

26 "Iya' ninClaudio Lisias, quiniṭ'ehuo' ima' cun gobernador Félix, ima' umcuecaj xans. Canonhuo'.

27 'Cumme'ehuo' iṭca'a cal xans ḥi'noṭpa lan xanuc' judío. Iṭne coṭa' tima'a'me. Laicuejpa iya' iṭque aciudadano romano aṭe'me iya' laisoldado, aṭcuaitsa pe lopa'a. Iya' nexat'ḥupa, nunṭu'epa.

28 Aipic'a cacuec'ela' te caixtuc'ocopa, te ts'i'ic' locuxe-copa. Toŧta'a aileco'ma petsi lif'as xanuc' judío, iŧne noxpijpá lataiqui'.

29 Jiŧpe aiximpa iŧque Pablo ailopa'a qui'epa, aimi'iya maŧma'ayacu, ni maŧtats'iconayacu. Lan xanuc' nocuxecopá ticuayi aiŧquenat'hi lataiqui' laiŧhuejpa iŧne.

30 'Lijou'ma alu'i'ma, aŧmi: Lan xanuc' judío tipa'necota Pablo jiŧpe lane, tima'ata. Laicuejpa toŧta'a aicaŧcoŧi, numme'epo'. Iŧne nocuxecopá jounpa nu'ipola' tu'itso' te caixtuc'ocopa iŧca'a cal xans. Iŧne tu'ito'.

'Toŧta'a laiŧfmipo'. Icula'apa."

31 Lan soldado i'e'me ma to limipola' lincuxepa. Lipuqui' ileco'me Pablo. Icuaitsa liŧya' cuŧtine Antípatris.

32 Icuaitsi lihuequi litine lan soldado noyepá liŧ'mis ipailinanca icuainatsa liŧfortín lopa'a Jerusalén. Ts'iŧŧenafcaic' caihuale ileco'me Pablo.

33 Icuaitsa liŧya' Cesarea. Ini'i'me lije'e cal gobernador. Jouc'a Pablo icupá, icuaitsi limane cal gobernador.

34 Cal gobernador ixhue'ma al je'e. Lijou'ma icuis'e'ma, timi Pablo:

—¿Pe co'huayomma? ¿Te cuŧtine ŧomemats'?

Pablo timi:

—Cai'huayomma ŧamats' Cilicia.

35 Timi:

—Ne', ticuaiyunca lan xanuc' nocuxecopo' caquimf'e'ma laŧmiya.

Icuxe'ma tileconŧe jiŧpe al cueca' cajut'ŧ lilanc'epa cal rey Herodes. Jiŧpe tipajntsi, ti'eŧe cuenna.

24

1 Uyai'ma amaque' quitine. Iye'me al toncay cal cuecaj ca'ailli' Ananías y lan tsilaj xanuc' noxpijpá lataiqui'. Icuaitsa liŧya' Cesarea. Ileo'me anuli cal xans nopalaipa nomuxeyalepa, cuŧtine Tértulo. Iŧne ipalaic'o'me cal gobernador Félix, icuf'me Pablo.

2 Cal gobernador ijoc'i'ma titsufaiyunni Pablo. Tértulo ipango'ma icuf'ma Pablo. Timi cal gobernador:

—Ima' conFélix, uncuecaj xans. Aŧcuxenga' juaiconapa al c'a. Tixoqui calata luyalaiyi litine ac'a, ailopa'a tintsi.

3 Ni petsi lomana' laŧf'as xanuc' judío timetsaicohuo', ticuayi ima' to'ay al c'a. Tix'najtsi'ihuo' iŧe lof'epa.

4 'Itsiya aicapalaiyoŧcoyaco'. Caxa'huehuo' aŧquimf'ela'. Capalaic'o'mo' oquej fane' lataiqui'.

5 Aŧcuai'me aŧpalaic'oco'mo' te ts'i'ic' iŧca'a cal xans Pablo. Iŧque acuej quixcay xans. Timenac'ila' lan xanuc'. Ni petsi li'a ŧamats' pe lomana' laŧf'as xanuc' judío, iŧque tenaquila', ti'e'ela'

tixtuc'otsołtsi, tifuli'itsołtsi. Iłque iłpincuxepa lan xanuc' naihuejpá ocuena quiireligión. Iłne lacui'impola': Lan Nazareno.

⁶ Jouc'a tetets'i al cuecaj xoute'. Ipic'a ti'e'ela' to ni naitsi cajut'ł. Illanc' ał'nołpá, coła' ałtel'mi'me, ał'e'e'me ma to licuxepa Moisés.

⁷ Małpe 'hora icuaitsi iłque lincuxepa Lisias. Iłcola' lisolado. Iłne acueca' iłpujfxi, alaxic'eponga'.

⁸ Lijou'ma ticua: "Iłne nocuxecopá Pablo tiyełe pe lopa'a cal gobernador. Jiłpe tu'ita te qui'epa." Ima' ja'ni taicuis'e'ma Pablo toxim'ma ma' ałınca iłta'a lalu'ipo'.

⁹ Lan xanuc' judío nomana' jiłpe jouc'a ticuxecoyi Pablo, ticuayi ałınca lonespa Tértulo.

¹⁰ Cal gobernador ijoc'ico'ma limane Pablo tipalaıta'. Pablo ipango'ma italai'e'ma, timi:

—Aixina' ima' ixhuaita axpega camats' uncuecaj juez jifa'a łalamats'. Tołta'a tixoqui neta catalai'e'ma, cacuanajco'moxi.

¹¹ Iya' cu'ihuo' al łınca. Iłe laifmiyaco' ima' cotuca' ti'i'ma toxim'ma ja'ni tołta'a li'ıpa o a'i.

'Joupa ixhuaita ma le'a imbamaj coque' quitine aicuaitsi liıya' Jerusalén. Ainexc'onłingaitsi LanDios.

¹² Iłne lałcufpá, ¿te ja'ni ałsimpa cafulejma cataiqui'? O, ¿ałsimpa cafuli'icola' lan xanuc' nomana' jiłpe al cuecaj xoute'? O, ¿jiłpiya łajut'lı pe lafołyomma laif'as xanuc' judío, o małpiya liıya'? ¿Ja'ni ałsimpa capalaic'ola' lan xanuc', capat'lıla' iłpicuejma'? A'ı. Aica'ay tołta'a.

¹³ 'Iıya lataiqui' lałcufcopa aımi'iya miłinc'ıya.

¹⁴ Iłniya ticuayi iya' quihuequi ituca' cataiqui'. Aımentecocola'. Ałınca iya' quihuequi al ts'e cane. Tołta'a laifnihuejcopa LanDios, łilenDios lałtatahueló. Iya' ca'ay łınca jahuay loya'apa al Paxi Linııngıya, iłe loya'apa lıtaiqui' Moisés jouc'a loya'apa lam profeta.

¹⁵ Iya' ma' anuli iłne lałcuxecopa ał'huaiyijnyi LanDios, ał'huaicoyi ticuaitsi litine timaf'ına'me limanapola', iłne li'epa al c'a jouc'a li'epa a'ıjc'a.

¹⁶ Tołta'a iya' cahuay te caif'eya latenłcocoya LanDios. Aica'eyacola' lixcay laif'as xanuc'.

¹⁷⁻¹⁸ 'Litine lałsimpa capa'a al cuecaj xoute', iłe litine quite' aicuaıta jiłpe Jerusalén. Joupa axpe' camats' aıcaıtsec' jiłpe. Iya' aıtsehuona'ma aıtaic' lotoc'ıyacola' laif'as xanuc' judío pe aıquił'hueca, catsufcota LanDios. Tołta'a laif'epa jiłpe al cuecaj xoute', aınenant'lıpa licuxepa Moisés, aı'epoxi limpio. Małe 'hora ałsimpa iłne lan judío quıyouyomma łamats' Asia. Iya' nił tıntsi caif'epa. Aılopa'a cai'ejma'. Aıcafot'ıela' lan xanuc'. Nił naitsi naixtupa.

19 'Ihne lun Asia nonespá a'ijc'a laif'epa cola' icuai'me fa'a. Ihne quiltuca' ałcuf'ma.

20 Ja'ni aiquilcuac' ihne, ałcufła' lan judío nomana' fa'a itsiya. Tu'itso' te jale lixcay lai'epa. Ihne joupá ałcujpa, ihsina' te ts'i'ic' lailalai'e'epola' jilpe pe lafołyomma lan tsilaj xanuc' noxpjipá lataiqui'.

21 Linca tipa'a anuli lataiqui' lainespa aiquetenłcocola' ihniya. Ma capa'a cacaxu jilpe lefołya aipalaipa ujfxi, caxa'e': "Iya' aixina' LanDios timaf'i'ina'mola' limanapola', toliya ałcuxecopa imanc', ałcufque itsiya".

22 Cal gobernador Félix ixina' te ts'i'ic' ihe lataiqui' lacui'impá He Lane. Timila' ihniya lan xanuc' judío:

—Tipajnlá'. Tonłente. Ticuaiyunni hincuxepa soldado, iłque Lisias, caquimf'econa'molhuo'. Caxpic'e'ma laif'eya.

23 IcuXe'e'ma nocuxepola' soldado, timi:

—To'ełá' cuenna Pablo. Tipajntsi lajutł. Topalaic'ola'. Aimaixtuc'o'ma. Tapi'itsola' lane ihe limetsaicola' titoc'ihē, ja'ni ti'ila' lahue'epa tepi'inłe.

24 Uyaipá litiné, icuaicona'me Félix jouc'a lipeno cuftine Drusila. Iłque łaca'no' ajudía. Félix icuxe'ma ti'hua'anca Pablo. Icuaitsi. Félix iquimf'e'ma lonespa. Iłque u'i'ma te ts'i'ic' litaiqui' Jesucristo. Timi: "To'huaiyijnla".

25 Jouc'a timi te ts'i'ic' lo'eyacu lan xanuc' ja'ni LanDios tetenłcoco'ma lo'epa. Ixc'ai'i'ma, timi:

—Tocuxexoxi al c'a. Aimo'econa'ma nixpiya. Ticuaihuo al Cuecaj Quitine. He litine LanDios titeł'mi'mola' lan xanuc' ni'epá lixcay.

Félix ixpaij'ma juaiconapa, timi Pablo:

—Tołe ti'ila'. To'huanłá'. Ticuaitsi ocuena quitine, ja'ni ailopa'a caif'eya, cajoc'iconno'. Tocuaiyoconno fa'a.

26 Félix tipa'a oquej lipicuejma'. Ticua: "Iłque Pablo aga ałmi'ma: Lux'masna'ma, capi'i'mo' cotomí." Toliya ti'hua ti-joc'i', ti'hua tipalaic'o.

27 Uyai'ma oquej camats'. Joupá titsufai'ma ocuena cal gobernador cuftine Porcio Festo. Félix aicux'masqui' Pablo. Ticua: "Ca'e'ma latenłcocoayacola' lan xanuc' judío. Ałnescołá' ihniya, tinesle: Iłque Félix ac'a xans."

25

1 Festo epenuf'ma lipenic', i'i'ma gobernador. Icol'ma afane' quitine liłya' Cesarea. Lijou'ma i'hua'ma Jerusalén.

2 Mipa'a Festo jilpe Jerusalén lixanuc' cal cuecaj ca'ailli' jouc'a lan tsilaj xanuc' judío noxpjipá lataiqui' ipalaic'o'me. Ipalaico'me Pablo li'epa, u'i'me te ts'i'ic' locuxecopa. Ix-ahue'e'me ti'ełá' latenłcocola' ihniya.

³ Ipic'a tejac'entsa nulemma Pablo. Timiyi:

—Tocuxetsi Cesarea ticuaiyunni Pablo fa'a Jerusalén.

Ihniya joupa ixpic'epa lo'eyacu. Hualca lan xanuc' temi'mołtsi jilpe lane, tuyaiconni Pablo tima'a'me.

⁴ Festo italai'e'e'mola', timila':

—A'i cacuxeya. Tipanenni Pablo Cesarea. Iya' aimatcołya fa'a. Capaino.

⁵ Hualca imanc' ts'ołpenic' ałe'me. Ja'ni ilque cal xans i'epa quixcay tołcuxecota pu'hua Cesarea.

⁶ Jilpe Jerusalén Festo icol'ma apaico o imbama' quitine. Lijou'ma i'hua'ma. Icuaitsi liłya' Cesarea. Lihuequi litine ti'ay canic' to cal juez. Icuxe'ma tilecontsa Pablo.

⁷ Icuaitsi Pablo iloc'olai'me lan xanuc' judío quiyouyomma Jerusalén, ilne y Festo icuai'me anuli. Icuł'me juaiconapa. Ticuayi:

—Iłca'a i'epa axpe' quixcay. Acueca' li'epa.

Aiqui'ic' quilinc'i' ilē locuapa. A'ij linca liłtaiqui'.

⁸ Pablo italai'e'e'mola', timila':

—Aicai'aic' quixcay. Aicainetets'i' lataiqui' lałcuxeponga' illanc' ninc'ijudío. Aicainetets'i' al cuecaj xoute'. Jouc'a aicainetets'i' locuxepa cal cuecaj quincuxepa César. Ailopa'a cai'epa.

⁹ Jilpe lipicuejma' Festo ticua: “Ca'e'ma latentłcocoayacola' lan xanuc' judío”. Timi Pablo:

—Ja'ni ima' opic'a łepá Jerusalén. Jilpe caxpic'eta ja'ni o'epa quixcay o a'i.

¹⁰ Pablo timi:

—A'i. Aica'huaya Jerusalén. Iya' ailopa'a cai'e'epola' lan xanuc' judío. Ima' oxina' ihıya. Jifa'a ima' to'ay lopenic' lepi'ipo' cal cuecaj quincuxepa César. Ima' umjuez. Ma fa'a ticuicomma ałcuxeco'ma. Jilpe Jerusalén a'i.

¹¹ Linca ja'ni nixpiya lai'epa, ja'ni joupa nulijpa lamaya, lapi'i'ma cajunac', aicacuanajyacoxi ałma'ala'. Ja'ni mane lafelłaiqueya cataiqui' lonespa ilne nałcuxecopa, ailopa'a cal'e'eya ihıniya. Cacua: ¡Cal cuecaj quincuxepa César tixanutsi lataiqui' lałcuxecopa lan xanuc' judío!

¹² Festo ipalaic'o'mola' lixanuc', ihıniya noxpıjpa lataiqui'. Lijou'ma timi Pablo:

—Ne'. Joupa ocuapa: “Cal cuecaj quincuxepa César tixanutsi lataiqui' lałcuxecopa”. Ne'. Cumme'mo', to'huała' pe lopa'a César.

¹³ Uyai'ma hualca liné icuaiyunca liłya' Cesarea cal rey Agripa jouc'a lipima caca'no' cuftine Berenice. Ihıniya ajudío. Ehuejntsa Festo lincuxepa romano.

¹⁴ Icol'mola' jilpiya Cesarea.

Anuli litine Festo ipalaic'o'ma Agripa, ipalaico'ma Pablo, timi:

—Fa'a tipa'a anuli cal xans itats'iya lipo'nopa Félix.

¹⁵ Iya' laitsehuo'ma Jerusalén alpalaic'ohuo'ma lixanuc' cal cuecaj ca'ailli' jouc'a lan tsilaj xanuc' judío pe noxpijpa lataiqui'. Ihe lu'ipa te ts'i'ic li'epa itque Pablo. Amipa iya' cacani'ela', cacuxela' tima'anle.

¹⁶ Iya' aitalai'e'e'mola' aimi'mola': “Illanc' ninc'iromano aima'eyi tohta'a. Illanc' atcuayi: Itque litats'iya jouc'a nocuxecopá ticuaiyunca. Iya' ninjuez. Iya' caxpic'e'ma ja'ni litats'iya i'epa quixcay o a'i, ja'ni tima'anle o lux'masna'me.”

¹⁷ Ihe lan judío icuaiyunca fa'a. Aicaicuejloj'mola'. Lihuequi litine ai'e'ma canic', iya' ninjuez. Aicuxe'e'mola' laisol-dado tilecotsa itque cal xans.

¹⁸ Cacia: “Pablo i'epa acueca' quixcay”. A'i tohta'a li'epa. Ihe nocuxecopá ituca' micufcoyi, a'i to laifcuapa iya'.

¹⁹ Tixtuleyi, ticuayi: “Itque aiquihuequi la'religión”. Ticuayi joupá imanapa cal xans Jesús, Pablo ticua imaf'i'.

²⁰ Ihe lofulecopa lataiqui' aicaicueca. Aicaixina' te quixcay li'epa Pablo. Tohta'a cami: “Ja'ni ima' opic'a lepá Jerusalén. Jilpiya caxpic'eta ja'ni o'epa quixcay o a'i.”

²¹ Pablo aiquicuac'. Ticua: “Cal cuecaj quincuxepa César tixanutsi ihe la'cuxecopa”. Totiya aicuxe'ma tipanenni fa'a. Tijoula' cumme'ma, ti'huala' pe lopa'a César.

²² Agripa timi Festo:

—Iya' aipic'a caquimf'ela' lonespa itque cal xans.

Festo timi:

—Mouqui toquimf'e'ma.

²³ Lihuequi litine Agripa jouc'a Berenice etej'moltsi juaiconapa al c'a. Icuaiyunca pe locutsuya Festo, ti'ay lipenic' ajuez. Iyejmale'me lincuxepá soldado romano jouc'a lan tsilaj xanuc' jilpe li'ya' Cesarea. Festo icuxe'ma tilecontsa Pablo.

²⁴ Lijou'ma, Festo ipalaic'o'mola' ihniya lefo'ya jilpiya, timila':

—Ima' conrey Agripa, jouc'a jahuay imanc' cunc'ixanuc' no'mana' fa'a, camilhuo' li'ipa.

'Jahuay lan xanuc' judío nomana' fa'a jouc'a nomana' li'ya' Jerusalén alsahue'epa cacani'ela' itca'a cal xans Pablo. Ma'ca'a lolahuelojmpa itsiya. Ihe lan judío mihui'iyi tija'ayi, ami: “Ima' tocuxela' tima'anle.”

²⁵ Iya' aiximpa ailopa'a qui'epa. Aimi'iya ma'ma'ayacu. Ma'que quituca' ticua: “Cal cuecaj quincuxepa César tixanutsi la'cuxecopa”. Tohta'a aixpic'epa cumme'ma, ti'huala' pe lopa'a César.

²⁶ Ticuicomma quini'e'ma quije'e César, titai'ma Pablo. ¡Cola' ti'ila' caixina' iya' te ts'i'ic' laifnini'e'ya laipoujna César!

Itsiya aicuxepa tilecontsa fa'a. Aipic'a tołquimf'ete jahuay imanc'. Xonca' aipic'a toquimf'ela' ima' conrey Agripa. Ima' lu'i'ma te li'epa Pablo. Tołta'a ti'i'ma caixina' te ts'i'ic' laifnu'ia César, ti'i'ma quinił'e'ma quije'e.

⁷ 'Iya' cacua: Ja'ni cumme'ma pu'hua itca'a litats'ia tucuicomma cu'itla' te ts'i'ic' li'epa. Ja'ni a'i, aimi'ia cummeya. Ahnesco'ma iya' namac'ta xans.

26

¹ Agripa ipalaic'o'ma Pablo, timi:

—Capi'i'mo' lane. Ima' ałtalai'e'ma.

Pablo inij'ma limane. Ipango'ma italai'e'ma Agripa, timi:

² —Conrey Agripa, cax'najtsi'ihuo' juaiconapa ima' lapi'ipa lane catalai'e'mo'. Itsiya cacuanajco'moxi jahuay itne lałcufpa lan xanuc' judío.

³ Tixoqui neta catalai'e'mo'. Aixina' ima' limetsaiconga' lał'ejma' illanc' ninc'ixanuc' judío, jouc'a taimetsaijma lałnespa. Itsiya caxa'huehuo' ałquimf'ela'.

⁴ 'Iya' ma namijcano anuli laif'as xanuc' judío aluyalaicopá lapajnya liya' Jerusalén. Jiłpe lai'ejma' joupa itcina' jahuay itniya lan judío.

⁵ Itne axpe' camats' alimetsaijma. Ti'i'ma tuya'a'me te ts'i'ic' lai'ejma', ja'ni itpic'a tuya'ałe. Alimetsaijma iya' ninfariseo, nihuequila' itne lan fariseo nocuapá: “İllanc' xonca lanant'hiyi locuxepa Moisés”.

⁶ 'Lałtatahueló i'huaico'me ŁanDios ti'e'ma ma to limipola'. Iya' jouc'a ca'ay linca ite lataiqui' lałmiponga' ŁanDios. Tołiya cacaxu fa'a ałcuxecompá.

⁷ Lał'as xanuc' judío, itniya ixanuc' limbamaj coquexi' lałtatahueló, itine ipuqui' mix'najtsi'iyi jahuay itlunxajma', mexc'onłingolaiyi ŁanDios, jahuay itniya ti'huaicoyi tenant'itla' ite lataiqui'.

'Conrey Agripa, iya' jouc'a ca'ay linca linespa ŁanDios. Cacua: Joupa enant'łipa ite lataiqui'.

⁸ Camilhuo': ¿Te cołcuacoyacu ŁanDios aimi'ia mimaf'i'inayacola' limanapola'?

⁹ 'Li'ipa iya' jouc'a cacua tucuicomma cateł'mitsola' juaiconapa itne ts'ilihuequi Jesús łas Nazaret.

¹⁰ Tołta'a lai'epa capa'a liya' Jerusalén. Lixanuc' cal cuecaj ca'ailli' lapi'ipa laimane. Axpela' itne li'huexi ŁanDios ai'nico'mola' lacarza. Iya' jouc'a laif'as judío ałcuf'mola' itne ts'ilihuequi Jesús. Lałpic'epá te lał'e'eyacola' iya' cacua: “Ne', ne', tima'antsola”.

¹¹ Iya' laitsehuo'ma jiłpe łajut'łi pe lafołyomma laif'as xanuc' judío ja'ni aixim'mola' itniya ts'ilihuequi Jesús aiteł'mi'mola'.

Ma canaic'mila' camila': "Ne', tonesc'ela' cataiqui' ihque Jesús". Ihe lapi'ipa acueca' coyac'. Quihuetsoquila' ni petsi lomana'. Ca'hua aculi' hileloya'.

12 'Icuaitsi litine ca'hua'ma liya' Damasco. Cahuetola' ts'ilihuequi Jesús. Lixanuc' cal cuecaj ca'ailli' joupá lapi'ipa laimane, ahi'ipa laiye'e. Lapi'ipa lane iya' caxpic'e'ma laif'eyacola' ihniya.

13 Conrey, atquim'ela' ma cu'ilhuo' la'ipa. Iya' ca'hua lane. To menac'o aixim'ma anuli lepalc'o' qui'huayomma lema'a. Nulemma alulif'epa. Tocomma to cal 'ora, xonca tunts'ifi. Jouc'a ulif'e'mola' laejmale.

14 'Jahuay lacangolenca lamats'. Iya' aicuej'ma alpalaic'o. Tipalay lahtaiqui' illanc' ninc'ijudío. Ahi: "ConSaulo, ¿te caite'micopa, calihuetsocopa? Ima' cotuca' tote'miyoxi. To mite'mi'moxi cal huacax ja'ni aimicueca lanacompa al puya, ma tohta'a tote'miyoxi ima', aimacueca."

15 Iya' cami: "Maipoujna, ¿naitsi ima'?" Ihe ahi: "Iya' ninJesús. Ima' alte'mi.

16 Itsiya totsahuenni, tacaxla'. Iya' aicuaicoco'ma pe lofpa'a capi'itso' copenic'. Ima' to'e'ma laipenic'. To'itola' lan xanuc' itsiya alsimpa. Tijoula' alsingona'ma, xonca camuc'i'mo'. Ihiya jouc'a to'itola' lan xanuc'.

17 Iya' ca'e'mo' cuenna. Cunhu'e'mo' lo'e'eyaco' lof'as xanuc' judío. Cumme'mo' to'huala' pe lomana' locuenaye lan xanuc', ihe a'i judío. Jiipe jouc'a cunhu'eto' lo'e'eyaco'.

18 Itsiya ihniya tocomma afohue, aiquisina' al c'a cane. Ima' taxi'etola' li'u'. Itsiya tocomma amuf lihpicejma'. Ima' tapalc'o'itola'. Tohta'a tipai'i'me lihpicejma', aimicuxeconayacola' Satanás, ma LanDios ticuxe'mola'. Al'huaiyijm'ma iya'. Tohta'a LanDios timenc'e'eco'mola' li'epa a'ijc'a, tilaitsufcotola' anuli jahuay lixanuc', ihe pe limetsaicopola' i'huexi."

19 'Conrey Agripa, ihe laixim'ma lamuc'ipa LanDios, iya' ni-huejco'ma lamhi'ma.

20 Ate'a jiipe liya' Damasco nu'i'mola' tixhujmenanca, tipai'he lihpicejma' tihuejcofe LanDios, timujle ja'ni joupá ixhujmemma. Lijou'ma ma' anuli lainu'iyalepa liya' Jerusalén jouc'a locuenaye hileloya' pe lomana' laf'as xanuc' judío.

'Lijou'ma nu'i'mola' locuenaye xanuc', ihe a'ij judío.

21 Ihe laif'epa aiqueten'cocola' laif'as xanuc' judío. Alix-tuc'opa. Capa'a jiipe al cuecaj xoute' al'noh'ma, ehue'me te co'iya mahma'aya.

22 LanDios altoc'ipa, alcuanajcopa. Tohta'a ti'hua cu'iyale litaiqui'. Ja'ni lan tsilaj xanuc' o a'ij tsila', ma' anuli cu'ila' ihe laiximpa. Laifnespa ma' itaiqui' Moisés y lam profeta.

Ocuena o ituca' cataiqui' aicanesma. Mañiya Moisés y lam profeta uya'apá lo'iya, ticuayi:

²³ “Cal Cristo titełco'ma, tima'am'me. Tijouła' timaf'ina'ma, ti'ila' cal te'a pe aimimaconaya. Tołta'a tu'i'mola' lałf'as xanuc' judío, jouc'a tu'i'mola' locuenaye xanuc' a'ij judío, timi'mola': ŁanDios tepalc'o'i'molhuo' lołpicuejma'.”

²⁴ Pablo tołta'a ticuanajcoyoxi. Festo icuej'ma litaiqui'. Ipalaic'o'ma ujfxi, timi:

—Pablo, tocomma to mamac'ta. ¿Te copalaicopa tołta'a? Ima' acueca' oxhuepa, iminscopa lołpicuejma'.

²⁵ Pablo timi:

—ConFesto, ima' maigobernador, iya' a'i namac'ta. Jouc'a laifnespa a'i camac'ta cataiqui'. Laifnuya'apa ma le'a al linca.

²⁶ Cal rey Agripa ixina' te ts'i'ic' ile lataiqui', małe laifnespa, tixoqui neta capalaic'o ilque. Ixina' jahuay li'ipa. Acujmaica li'ipa ile laifnescopa, a'ij ch'ixca.

²⁷ 'Conrey Agripa, ¿te ima' to'ay linca liłtaiqui' lam profeta? Iya' aixina' ima' to'ay linca ile lataiqui'.

²⁸ Agripa timi:

—¿Te cofcuapa? ¿Te tocua: “Nihuata, Agripa jouc'a ti-huej'ma Jesús to illanc' ninc'icristiano”? Ima' tocua aiquipime iłiya.

²⁹ Pablo timi:

—Ja'ni ipime o aiquipime aicaixina'. Cacua: A'i ma le'a iya' ima' conrey Agripa ti'ila' tołta'a anuli lałpicuejma', ¡ŁanDios titoc'itsolhuo' jahuay imanc' nałquimf'epa, ti'ila' anuli lałpicuejma', al'onłsonga'! Linca ilta'a lałfiyiya al cadena catejma' aimal'onłspa tołta'a.

³⁰ Itsolinca cal rey jouc'a cal gobernador, jouc'a Berenice, jouc'a iłniya nocutsingolanna jilpe.

³¹ Ipalnanca. Tipalaic'oyoltsi, ticuayi:

—Iłque cal xans aiqui'aic' quixcay. Aimi'iya malacani'eyacu, aimi'iya małtats'econayacu. ¿Te cal'eyacu?

³² Agripa ipalaic'o'ma Festo, timi:

—Aimi'iya malux'masyacu ilque cal xans, joupa icuapa: “Ile lataiqui' lałcufpa tixanutsi cal cuecaj quincuxepa, ilque César”. Ja'ni a'i tołta'a linespa, lux'masna'me.

27

¹ Lijou'ma ixpic'em'me tumme'me Pablo ti'huała' lamats' Italia. (Jilpe liłya' Roma tipa'a cal cuecaj quincuxepa César.) Ixplic'em'me ałeco'me abarco. Icuxem'me ti'huała' anuli cal capitán lipuftine Julio, ti'etsola' cuenna Pablo y locuenaye litats'ila'. Iłque Julio łocuxepola' lan soldado lacui'impola': Lisoldado cal cuecaj quincuxepa César.

² Ałtsulfołai'me anuli al barco qui'huayomma liłya' Adramitio. He al barco ipainamma ticuaita jilpe lipiłya'. Tuyaicota liłelołya' łamats' Asia, iłniya lomana' łema caja. Ałejmale anuli łapima cuftine Aristarco. Iłque łas Macedonia, lipiłya' Tesalónica. Ałepá.

³ Lihuequi litine ałcuaitsa liłya' Sidón. Cal capitán Julio ac'a lipicuejma'. Ixim'ma cuanuc' Pablo, epi'i'ma lane, timi:

—To'hua'ma tahuejntola' lopimaye. Ja'ni tehue'ehuo' iłne tep'i'to'.

⁴ Lipanni al barco jilpe Sidón, łahua' ałtalecufponga'. Luyalaicopá liju' camats', jilpe loxa camane copa'a al isla łamats' Chipre. Jilpe aimalpa'nenga' łahua'.

⁵ Ałeyi łaja łema camats' Cilicia, jouc'a łema camats' Panflia. Ałcuaitsa liłya' cuftine Mira jilpe łamats' Licia.

⁶ Jilpiya cal capitán ixim'ma anuli al barco qui'huayomma liłya' Alejandría, ti'hua'ma łamats' Italia. Cal capitán ałtsufai'eponga'.

⁷ He łalbarco ti'hua panca panca. Uyai'ma axpe' quitine. Afule małcuaiyacu huejnca liłya' Gnido. Lijou'ma łalbarco aimi'hua łijca lipene. Aimi'iya. Juaiconapa ujfxi ti'hua łahua'. Aluyalaicopá huejnca łamats' isla Salmón. Jilpe liju' Creta aimi'hua ujfxi cahua'.

⁸ Ti'hua ałeyi huejnca łamats'. Afule małcuaiyacu pe lacui'impal lan C'a Puerto. Jilpe al puerto a'ij culi' liłya' Lasea.

⁹ Juaiconapa ałcołponga' al puerto. Joupa uyaipa al cuecaj quitine. He litine lan judío tixnet'łyi, aimitetsoyi. Ałsina' ticuaihuo łoyac' cahua', al barco aimi'huaya al c'a. Pablo ipalaic'o'mola' nocuxepá al barco,

¹⁰ timila':

—Cunc'ixanuc', aimi'iya maluyalaiyacu. Łaja tejac'e'ma łalbarco jouc'a łitay tejac'ma. Aga illanc' ninc'ixanuc' jouc'a ałma'monga'.

¹¹ Cal capitán aiquiquimf'e locuapa Pablo. Iquimf'e'mola' xonca locuapa cal piloto jouc'a lipoujna al barco.

¹² Axpela' locuenaye xanuc' noyepá jilpe al barco ticuayi:

—jAłena'me!

Ticuayi aimi'iya muyalaicoyacu łaxita quitine jilpe al puerto. Xonca iłpic'a tiyente, ticuaitsa liłya' Fenice, jilpe timajnta mi'i'ma łaxita. He Fenice apuerto, jilpe łamats' isla Creta. Jilpe aimi'hua łoyac' cahua'. Ti'hua łahua' qui'huayomma loque' liju' lopo'nof'caispa cal 'ora.

¹³ Lixim'me ti'hua panca panca łahuaj sur, iłne ts'iłpic'a tiyente ticuayi: "Itsiya łınca aılopa'a tintsı. Ałcuaita liłya' Fenice." If'ac'ena'me al cumta catejma' ancla. Ałepá. I'hua'a'me al barco huejnca łema caja, jilpe al isla Creta.

14 Aiquicoli icuaiyunni hujfxi cahua'. Hque lahua' cuftine: Li'huayomma liju' laipammaiyomma cal 'ora. Ujfxi, ujfxi luntafquina'. Ti'hua tocommma ucuilna.

15 Hque lahua' ummetsai'ma al barco. Aimi'i mi'hua hja. Lašim'me aimi'ya maluyalaiconayacu, ałcuayi:

—He al barco tixinla' pe cotseya. Lahua' tummetsay.

16 Luyalaico'me lema caja jilpe anuli lamats' isla cuftine Clauda. Jilpe aimi'hua cujfxi cahua'. Al barco exati anuli laca'huaj canoa. (Ti'ila' lo'ya al cuecaj barco altsulfolai'me al canoa, lunt'u'e'moltsi.) He laca'huaj canoa afule mal'nołyi.

17 Exalał'me, itsufai'enapá al cuecaj barco. Lijou'ma ifi'e'me al cuecaj barco. Ifi'eco'me ujfxi cocuis licu'u lixpula, xonca tixnet'łqui. Tixpailiquila', ticuayi: “Ti'hua ujfxi lahua', aga tummetsai'ma al barco, ałcuaitsa jilpe lintuhuale cuixa cuftine Al Sirte”. Exalna'me ijuisna'me al cuecaj lixał ilanc'ecompa jahua'. Al barco ti'hua mummetsay lahua'.

18 Lihuequi litine lahua' laja ujfxi titeł'minni lałbarco. Ticuayi: “Ałscua'ate al barco, ał'e'efe huata lipicumta”. Ipango'me eca'ni'me litaic' al barco.

19 Joupa uyaipa oque' quitine, ilne no'epá canic' jilpe al barco eca'ni'me li'huexi al barco.

20 Joupa ixhuaita axpe' quitine aiqui'huáqui cal 'ora, ni lipuqui' aiqui'huáquila' lan xamna. Ti'hua ujfxi lahua'. Ałcuayi: “Aicałsina' ja'ni luntul'me o a'i.”

21 Ixhuaita axpe' quitine aimitetsoyi lam marinero. Pablo ecaxingaitsola', timila':

—Cunc'ixanuc', małmana' lamats' Creta joupa aimipolhuo': “Aimolipa'a'me al barco fa'a”. Aimipolhuo': “Ałmanenca”. Imanc' aicałcuc'e. Joupa ałtełcopá, joupa lajac'epá acueca'.

22 'Itsiya iya' cu'i'molhuo': Aimołsuełmot'le'me. Nij naitsi najac'ya lipitine. Al barco linca tejac'na'ma.

23 Lipuqui' i'huamma pe laifpa'a anuli lepaluc LanDios. Hque LanDios aiPoujna, ainihuequi. Lepaluc quema'a lacaxingaipa lainiju'.

24 Ałmipa: “CumPablo, aimixpaij'mo'. Linca tocuaita petsi cal cuecaj quincuxepa César. LanDios epi'ipo' loxahue'epa. Tunt'u'e'mo'. Jouc'a tunt'u'e'mola' jahuay lonłejmale nomana' al barco.”

25 'Camilhuo': Aimołsuełmot'le'me. Iya' ca'huaiyinge LanDios. Ma to lałmipa tołta'a ti'i'ma.

26 Linca laja alaca'ni'monga' anuli lamats' isla.

27 Joupa ixhuaita imbamaj malpu' quitine ma luyalaiyi laja Adria. Lipujfxi cahua' lummetsaiyinga'. Li'i'ma to nolojmay quipuqui' lam marinero ticuayi:

—Tipa'a lamats' ahuejnca.

²⁸ Ixpícu'f'me lipitoquí łaja. Ixpícu'f'ma anuxans quimbama' acamts'us metro. Iyecona'me nihuata, ixpícu'f'cona'me. Lipitoquí łaja ixpícu'f'ma anuxans caitsi metro.

²⁹ Ixpailij'mola', ticuayi:

—Ja'ni ałcuai'me pe lopa'a lan tsilaj capic' iłne lopic' teteł'me al barco.

Ecajm'mi'me amalpuj lan cumta catehuaijma' ancla ijungila' lixpulaj barco emuyi'mola' cuixa. Ipanenni jilpe al barco. Ticuayi: “Aimicoł'ma tiłic'ela”.

³⁰ Lijou'ma lam marinero ehue'me te co'iya mipalyacu al barco. Ticuayi: “Alunđu'e'mołtsi illanc' całtuca'. Ałcuaita łamats'.” Tocomma tecajm'mi'me locuenaye lan cumta catehuaijma' ancla jilpe lopa'a lijuac al barco. Ma le'a tifel'miyi. Tecajm'miyi łaja laca'huaj canoa.

³¹ Pablo tixina lo'epa. Timila' cal capitán jouc'a lisoldado:

—Timanenca iłniya pe łamana', jifa'a al cuecaj barco. Ja'ni tijełe iłniya imanc' aimolunđuycu.

³² Lan soldado etej'me łocuits' pe lifiyicoya laca'huaj canoa. Itai'ma łaja.

³³ Ma liłic'ejma Pablo ipalaic'o'mola' jahuay nomana' jilpe al barco. Tixa'huela', timila':

—Joupa ixhuaita imbamaj malpuj quitine imanc' oł'huaijma, tołcuayi: “¿Te cał'iyaconga'?” Aicołtesma.

³⁴ Itsiya caxa'huelhuo' tołtetsołe. Ja'ni a'i tima'molhuo'. Aimołsuełmot'le'me. Aimejac'ya ni anuli lijuac tołjuac.

³⁵ Lijou'ma lines'ma tołta'a Pablo epef'ma łai. Miquimf'eyi jahuay lan xanuc' tix'najtsi'i LanDios. Ixquej'ma łai, ipango'ma ite'ma.

³⁶ Lan xanuc' aimixhuelmot'lecona'me, itetso'me.

³⁷ Jahuay illanc' łamana' al barco ałsuaisponga' oquej maxnu afanej nuxans quimbama' camts'us.

³⁸ Lijou'ma linajntsola' lam marinero ecajm'mi'me łaja łaitaj trigo. I'i'ma xonca axnoica al barco.

³⁹ Joupa i'ipa quitine. Ixim'me huejnca łamats'. Aiquilimet-sajma te jale camats' jilpiya. Jilpe łema caja iximpá anuli lotsufaicompa. Ixpícu'e'me lo'eyacu, ticuayi:

—Ałsulfołai'me jilpe lotsufaicompa. Tipa'a pangay cuixa. Ailopa'a capic.

⁴⁰ Ux'mas'me lan cumta catehuaijma' ancla. Iłne imanenca al 'ocay łaja. Lixala' iłne a'ec lopa'a loquej liju' al barco etec'e'me lifi'icoya, ti'ełe canic', ti'hua'ma al łajca al barco. I'nof'e'me laca'hua quixał quijahua', iłe lopa'a lijuac al barco. Tołta'a xonca ac'a ti'hua'ma. Ti'hua'ayi al barco jilpe lotsufaicompa, ticuaitsi łema caja.

⁴¹ Icuaitsi pe lopa'a oquej cal panay. Jiłpe tipa'a axpe' cuixa. Al barco ipanenni. Ipa'ne'ma cal cuixa. Italıjm'ma lijuac. Łitsilo łaja tuntafqui lixpula' al barco. Ipango'ma ixquetsuf'ma.

⁴² Lan soldado ticuayi:

—ıAłma'a'mola' nulemma lan xanuc' litats'ıla! Ja'ni a'i tiqıe'me łaja', ticuaitsa łamats' tinulnata.

⁴³ Cal capitán aimicua. Ipic'a tunłula' Pablo. Timila' lisoldado:

—A'i. Aimołma'a'mola'.

Ałcuxe'eponga' lał'eyacu. Ałminga' jahuay lałmana' al barco:

—Ja'ni ołsina' mołcafcołaiyi, imanc' ate'a tolacajm'mitsotłsi łaja, tonłecole łaja, tołcuaitsa łamats'.

⁴⁴ Ja'ni aicołsina' mołcafcołaiyi, tonłe'me ma to lo'iya. Tołnile łaxmale' o ni naitsi hualca caxma lopa'a al barco, tonłecole łaja, tołcuaitsa łamats'.

Tołta'a lał'epa. Jahuay alunłulpá. Ałcuaitsa łamats'.

28

¹ Lałcuaitsa łamats' i'i'ma całsina' ile a'isla cuftine Malta.

² Lan xanuc' nomana' jiłpe imuj'mołłsi ac'a xanuc'. Lapenufponga'. Uncue'e'me łunga, ałminga':

—Jifa'a tolapat'łetsotłsi.

Ticui łacui, ti'i caxita juaiconapa.

³ Pablo efot'le'ma laiquijule c'ec', ixanaf'i'mola' łunga. Jiłpe lan 'ec' tipa'a anuli łainofał. Ixim'ma quinu' ipanni, icayai'e'e'ma limane Pablo.

⁴ Lixim'me łainofał tıjıjnya limane Pablo, lun Malta ticuayi:

—ıłque acuecaj inma'ahuale xans. Tama unłupa łaja itsiya tima'ma. Tipa'a anuli No'eya al łıjca. ıłque ummepa łainofał tima'ala' cal xans.

⁵ Pablo unaf'ma limane. Łainofał ecanc'aitsi łunga. Pablo ailopa'a qui'i'ma.

⁶ Lun Malta tehuelojnyi Pablo. ıł'huaijma te co'iya. Ticuayi:

—ıłque łica'apa łainofał tıfu'ma o aimicołya tima'ma, tecangehuo.

Ti'hua tehuelojnyi. Lixim'me ailopa'a qui'i'ma, ipai'i'me liłpicuejma', ticuayi:

—ıłque a'ij xans, ma' andios!

⁷ Petsi lałcuaitsa jiłpe emats' cal xans łocuxepa al isla. ıłque cal xans aromano, cuftine Publio. Alapenufponga' lejut'ł. Jiłpe ałmanenca afane' quitine.

⁸ Qui'ailli' Publio textafque. Tepi'i quinu', i'huajcopa oyaic' cajuats'. Pablo itsufai'ma jiłpe łonouya łafcuana. Mıjoc'ı' LanDios ipo'nof'i'ma limane łafcuana, ıxał'mena'ma.

⁹ Lıjou'ma icuaitsa ocuenaye lałcuallay nomana' jiłpe al isla. Pablo ıxał'mena'mola' jouc'a.

10-11 Hne ats'najtsi'inga'. Acueca' alapi'iponga'. Afane' mut'la ixhuaitsi małmana' jilpe. Małpe ipanenni anuli al barco qui'huayomma liłya' Alejandría. He al barco tipa'a laquiseña lilendiosla' lam marinero. Hne landiosla' lan cuatsi, tecui'innila' Cástor y Pólux. Ipanenni al barco mi'i łaxita quitine. I'huaijma ti'ila' ac'a quitine. Litine li'huana'ma illanc' atsulfolaipá. Lan xanuc' Malta alapi'iponga' lałtaiyacu lałtejacu lane. Ałepá.

12 Ałcuaitsa al puerto Siracusa. Jilpe ałcołponga' afane' quitine.

13 Lijou'ma lipalconanca. Ałepá huejnca łema camats'. Ałcuaitsa liłya' Regio. Jilpe ałcołponga' anuli quitine. Lihuequi litine ti'hua lahua' sur. Ałeconapá. Lihuequi litine ałcuaitsa liłya' Puteoli.

14 Jilpiya ałsimpola' lałpimaye. Hniya ałmiponga' ałmanenca anuli al xamano małpe pe lomana'. Ixhuaitsi lan caitsi quitine lipalunca, ałepá lane lotsepa Roma.

15 Lapimaye nomana' liłya' Roma icuej'me ałeyi lane. Ipalunca jilpiya Roma ałtalecuftsonga'. Hualca ałtalecufponga' liłya' cuftine Foro Apio. Locuenaye ał'huaiconga' jilpe pe lacui'impa Lam Fane' Cajut'li Lainunc'empa. Jilpe ałtalecufpołtsi. Lixim'mola' lipimaye Pablo i'ina'ma xonca acueca' łunxajma', ix'najtsi'i'ma ŁanDios.

16 Lałcuaitsa al cuecaj quilya' Roma cal capitán ileco'mola' litats'ila' jilpe pe lopa'a nocuxepola' lan guardia. Ipe epenuf'mola'. Epi'i'me lane Pablo tipajnlá' quituca' anuli lajut'. Anuli cal soldado ti'e'ma cuenna.

17 Lixhuaitsi afane' quitine Pablo ijoc'i'mola' lan tsilaj xanuc' judío nomana' jilpe Roma, ticuaiyunca pe lopa'a. Icuaitsa. Timila':

—Cunc'aipimaye, ailopa'a cai'e'epola' laif'as xanuc' judío, aicainetets'ila' lałtatahueló lił'ejma'. Tama tołta'a lai'ejma' lan judío ał'nołpa jilpe Jerusalén. Ałcupa icuaitsi liłmane lan xanuc' romano. Ałtats'iya.

18 Hniya lan romano alicuis'mot'łepa te quixcay cai'epa. Icuej'me ailopa'a cai'epa. Ipic'a lux'masnał'. Aimi'iya małma'aya.

19 Lan xanuc' judío ticuayi aimalux'masquim'ma. Tołta'a aicua'ma: “Caxahue'eta cal cuecaj quincuxepa César ałsanu'etsonga' lataiqui’”. Linca ailopa'a caifcufyacola' laipimaye judío, ma le'a aipic'a ałsanu'etsonga'.

20 Tołiya aijoc'i'molhuo' imanc' unc'aipimaye judío tołcuaiyunca fa'a. Cacua: Limetsaicotsoltsi, ałpalaic'o'moltsi. Linca illanc' ixanuc' Israel ma' anuli ał'huaiyijnyi ŁanDios ti'e'ma ma to licuapa. Ma tołta'a ca'huaiyinge, tołiya ał'nołimpa, itsiya capa'a ałfiyiyá ilta'a al cadena catejma'.

21 **Ihne** lan xanuc' judío timiyi:

—Lałpimaye judío nomana' lamats' Judea aicalinil'enga' calje'e, aicalu'inga' ja'ni ixcay lof'epa. Ni lałpimaye licuai'me fa'a aiqicufluho'. Acalu'inninga' ja'ni ima' o'epa quixcay o a'i.

22 **Illanc'** alpic'a alcuejtso' lofnesya. Lan xanuc' ni petsi nomana' tipalaicoyi ihiya lomihuequi. Ticuayi ihe ixcay.

23 **Ihne** ixpic'epá te quitine ticuaiconacu. Tiquimf'econa'me lonesya Pablo.

Lixhuaitsi ihe litine icuaiyoconanca pe lopa'a Pablo axpela' lan xanuc' judío. Muica litine imanenca jilpiya. Icuaitsa al puqui'ya, iyena'me lummuhuijma'. Pablo tu'ila' te ts'i'ic' licuxejma LanDios, iłque cal Cuecaj Rey. Ti'nujuaitsi'ila' te ts'i'ic' litaiqui' Moisés, jouc'a ti'nujuaitsi'ila' te ts'i'ic' litaiqui' lam profeta. Imuc'i'mola', ipalaico'ma Jesús.

24 **Hualca** epenuf'me limi'mola' Pablo. Locuenaye aiquirepenufi.

25 **Tifuli'iyot**tsi cataiqui'. Hualca ticuayi:

—A'i, a'ij linca.

Ipango'me ipalnanca. Pablo u'icona'mola' anuli lataiqui'. Timila':

—Al linca ihe lonespa cal Espíritu Santo, ihe limipa cal profeta Isaías. Iłque imi'mola' lałtatahueló, timila':

26 **To'huala'** pe lomana' ihne lan xanuc', tomitsola':

Tołquimf'e'me, ti'hua tołquimf'eyi, aimołcuejyacu.

Tolahuelojm'me, ti'hua tolahuelojnyi, aimołsinyacu.

27 **Ihne** lan xanuc' liłpicuejma' i'ipaj ta.

Tama tipa'a liłs'mats'i', afule micuejyi.

Ixpoh'mipa lił'u'.

Ja'ni cola' aimi'e'me tołta'a tixingo'me lił'u', tiquimf'eco'me liłs'mats'i',

lataiqui' titsufai'ma liłpicuejma', alcuec'e'ma.

Tipailinacu, titsulfołaina'me al c'a cane,

tijoula' caxał'mena'mola', quilonc'e'ena'mola' liłjunac'.

Tołta'a lołejma' imanc', aicołcuec'e.

28 **Itsiya** ti'ila' colcina' lo'ipa. Lataiqui' loya'apa te ts'i'ic' aluntu'e'monga' LanDios, małe lataiqui' joupá ummempa pe lomana' locuenaye xanuc', ihne a'ij judío. Ihniya linca tihuejco'me.

29 **Pablo** ijou'ne'ma ihe limipola' lan xanuc' judío. Iyena'me ihniya. Juaiconapa tifuli'icoyot'si cataiqui'.

30 **Pablo** ipajm'ma oquej camats' jilpe lajut'ł lo'najcufpa. Axpela' lan xanuc' tiłcuaispá tehuejnyi. Epenuf'mola' jahuay.

31 **Tu'ila'** te ts'i'ic' licuxejma LanDios, iłque cal Cuecaj Rey. Aimixpaiqui. Tipalaijma lałPoujna Jesucristo. Timuc'ila' lan xanuc' litaiqui'. Ailopa'a nocuanac'eya.

LIJE'E SAN PABLO LINIĒ'EPOLA' LAPIMAYE LEFOT'ĒPOĒTSI LIĒYA' ROMA

¹ Iya' ninPablo ca'ay lipenic' ħaPoujna Jesucristo. LanDios aĵoc'ipa, aĵmi: “To'huafa' toya'atsi Lataiqui' loya'apa ĩte al c'a lixpíc'epa LanDios”. Toĥta'a iya' nin'apótol. Maĥe laipenic' lalapi'ipa LanDios.

² Luyaipa quitiné lam profeta uya'a'me ĩte laifnuya'apa iya'. Jiĥpe al Paxi Linihingiya joupa inihijmpa linespa ĩniya.

³ Lataiqui' loya'apa ĩte al c'a lixpíc'epa LanDios tipalaijma ĩ'Hua LanDios. Maĥque ħaPoujna Jesucristo, ĩque i'epoxi xans. Lipajnta fa'a li'a ĥamats' cal rey David itatahuelo.

⁴ Jouc'a imujpoxi i'Hua LanDios. Imujpoxi ituca' lipicuejma', ailopa'a quixcay. Toĥta'a LanDios imetsaicopa i'Hua. Lijoupa limapa, LanDios i'epa al cueca', imaf'i'ina.

⁵ Ma' ĩque ħaPoujna aĥpaxneponga', alapi'iponga' laĥpenic', illanc' ninc'apóstole, epaluc' Jesucristo. Ni petsi lomana' lan xanuc' pe aimimetsaicoyi LanDios illanc' aĥpalaic'ocola' Jesucristo, lu'ila': “Tolapenufle Lataiqui' loya'apa ĩte al c'a lixpíc'epa LanDios, tolihuejcole”.

⁶ Jouc'a imanc' li'ipa aicolimetsaijma LanDios. Itsiya joupa olimetsaijma, Jesucristo joupa ijoc'ipolhuo'.

⁷ Iya' ninPablo quini'elhuo' imanc' noĥmana' jiĥpe al cuecaj quiĥya' Roma. Imanc' ĥinca LanDios ti'elhuo' capic'a, ijoc'impolhuo' ti'itsolhuo' ma' i'huexi. LanDios caĥ'Ailli', y ħaPoujna Jesucristo, titoc'itsolhuo', tipaxnetsolhuo', tipac'e'etsolhuo' loĥpicuejma'.

⁸ Ate'a' cax'najtsi'i LanDios, ĩque ĥainenDios. Ma ca'nujuaitsilhuo' jahuary imanc' cax'najtsi'i li'e'epolhuo' Jesucristo, imanc' joupa oĥ'huaiyijmpá. Cax'najtsi'i ni petsi li'a ĥamats' tuya'anni, tipalaicolhuo' imanc' loĥ'huaiyijmpa.

⁹ Itine itine ca'nujuaitsilhuo' imanc'. Ma capalaic'o LanDios cami: “Totoc'itsola' ĩne laipimaye nomana' Roma”. LanDios ixina' ma' al ĥinca ĩte laifmipolhuo'. Maĥque LanDios aiPoujna. Jahuary laipicuejma' ca'ay ĥanic' lalapi'ipa. Cuya'e' Lataiqui', loya'apa ĩte al c'a lixpíc'epa LanDios. Maĥe Lataiqui' tipalaijma ĩ'Hua LanDios.

¹⁰ Ma capalaic'o LanDios caxahue'e, cami: “Lapi'ila' lane cahuenjntsola' lapimaye nomana' Roma. Ja'ni mouqui, ja'ni mouqui pitsu, ma lapi'ila' lane, ca'huafa'. Aĥtoc'ila' cacuaitsi.”

¹¹ Acueca' cajanaca caxintsolhuo', catoc'itsolhuo'. Aipic'a tolapenufle xonca lołpujfxi, ihe lalapi'iponga' cal Espiritu Santo. Tifa'e'etsolhuo' nulemma lołpicuejma'.

¹² Iya' cacua: Imanc' y iya' ał'huaijnyi Jesucristo. Cacuaitsi jilpe almajnta anuli. Ałtoc'itsoltsi, ałsc'ai'itsoltsi, lixpi'itołtsi calata.

¹³ Cunc'aipimaye, ti'ila' cołsina' aipic'a ca'huała' jilpe pe lołmana', cahuejntsolhuo'. Axpe' cacuanc'e, aimi'i. Ocuenaye quılelołya' pe lomana' lan xanuc' a'ij judío joupa nu'ipola' Lataiqui' loya'apa ihe al c'a lixpicepa ŁanDios. Aitoc'ipola'. Itsiya aipic'a catoc'itsolhuo' imanc' jouc'a.

¹⁴ Iya' aixina' ŁanDios lummepa cu'itsola' Lataiqui' jahuay lan xanuc', ihniya a'ij judío. Ja'ni lun griego, ihe noxhuepá acueca' o ja'ni ocuenaye lan xanuc' pe aimixhueyi; petsi acueca' quılpicuejma', petsi a'ij cueca' quılpicuejma', jahuay cu'itola'.

¹⁵ Tołiya, juaiconapa cajanaca ca'huała' jilpe Roma, cu'itsolhuo' jouc'a imanc' ihe Lataiqui'.

¹⁶ Iya' aicatay calaic'ata. Ni petsi lomana' lan xanuc' cu'itola' ihe Lataiqui' loya'apa ihe al c'a lixpicepa ŁanDios. Petsi no'huaijympá Lataiqui' jahuay ihniya tixim'me acueca' lo'epa ŁanDios, ilque tunłu'e'mola'. Tołta'a iximpá ate'a lan xanuc' judío, itsiya jouc'a tixinyi lan xanuc' a'ij judío, ihe lun griego.

¹⁷ Jilpe Lataiqui' ałsinyi te ts'ih'ic' ihe petsi lapenufpola' ŁanDios, tixinnila' to ailopa'a quıljunac'. ŁanDios tepenufila' ihniya no'epá linca linespa ŁanDios, ihe pe ti'hua ti'huaijnyi, ma to micua al Paxi Linihingiya loya'apa, ticua:

Cal xans no'huaijympa tulijta lipitine,

ŁanDios iximpa to ailopa'a quıljunac', tepenufi.

¹⁸ ŁanDios Nopa'a lema'a joupa almuc'iponga' tixtuc'ola' lixcay xanuc', ihe pe aimixpaic'eyi. Ihniya jilpe liłpicuejma' ilsina' te ts'ih'ic' al linca, ilsina' naitsi ilque ŁanDios. Tijouła' xonca ilpic'a ti'ele lixcay. Tołta'a tetets'iyi al linca, ti'eyołtsi to aiquilsina'.

¹⁹⁻²⁰ Ihe lan xanuc' ti'i'ma timetsaico'me ŁanDios te ts'ih'ic' li'ejma'. Fa'a li'a łamats' i'huáqui tipa'a ŁanDios. Małque timujyoxi. Tołiya ihniya no'epá quıxcay aimi'iya minesyacu: "Aicaltaic' cajunac'. Aicalsina' naitsi ŁanDios." Linca aimi'iya malahuelojnyacu ŁanDios. Lahuelojnyi lilanc'epa lopa'a li'a łamats'. Tołta'a limetsaicoyi ilque ma' anDios. Ma' ilque ticuxe, aimijouya licuxejma'.

²¹ Ihe lan xanuc' lijoupa li'ipa quılsina' naitsi ŁanDios aiquilimetsaijma anDios, aiquılcuac'. Aiquıłs'najtsi'i. I'ipa muf liłpicuejma', tihuejyi ituca' cataiqui', ihe a'ij linca.

²² Ticuayi: "İllanc' acueca' lałpicuejma'". A'ij linca ihe lonespa. I'e'epołtsi camac'ta.

²³ Ipa'i'moltsi li'picuejma', ipo'no'me ÆanDios. Itque ma' anDios, itque ti'hua imaf'i', aimimaya. Ine tilanc'eyi lilendiosla', inna'a lo'on'cospola' to lihf'as xanuc' pe nomayacola'. Jouc'a tilanc'eyi lilendiosla' lo'on'cospola' to laca'hui naiyulpá lema'a, jouc'a lo'on'cospola' to linneja, jouc'a lo'on'cospola' to lainofat'.

²⁴ Li'ipa to'ta'a ÆanDios enajpoxi pe lomana' inhe lan xanuc'. Ipo'no'mola' quituca'. Ma tihuejle lojanajpa. Ti'ele nixpiya, tixhuicotsoltsi, tetets'itsoltsi.

²⁵ Ine tifel'miyoltsi. Aimihuejyi ÆanDios, ma' itque cal Nuli CanDios. Tihuejyi ocuenaye candiosla'. Texc'on'gingolaiyi pe lilanc'empa, ticuayi: "Ine linca alandiosla'". Aimihuejyi itque Lilanc'epa jahuay. Ma' itque laxc'on'gingolai'me. Ocuena ailopa'a. Ni itsiya ni Locuena Quitine mi'iya. Ma to'ta'a ti'ila'. Amén.

²⁶ Ine ipo'nopá quituca' ÆanDios. Lijou'ma itque jouc'a enajpoxi, ipo'nopola' quituca', tenant'hite li'xujc'a. Laca'no' ipai'i'moltsi li'ejma'. Aimi'eyi to joupa lixp'ic'epa ÆanDios.

²⁷ Jouc'a lan xanuc' ipai'i'moltsi li'ejma', aimixhuicocona'me laca'no'. Juaiconapa ijanaj'moltsi, ixhuico'moltsi lihf'as xanuc'. Pangay nixpiya i'e'me. Ine linca timenaquila'. Lijou'ma itel'mi'mola' al cuana. Ixingufco'me te ts'i'ic' late'coya petsi no'epá to'ta'a.

²⁸ Ine ixpic'epá timenc'ecole ÆanDios, to'hiya etel'quemma li'picuejma'. ÆanDios enajpoxi pe lomana' inhe lan xanuc'. Ipo'nopola' quituca', ti'ele lixcay, ti'ele nixpiya.

²⁹ Li'picuejma' i'ipa ma le'a a'ijc'a. Tixpic'eyi ti'ele al xujc'a. Lan xanuc' tehueyi quileca'no', jouc'a laca'no' tehueyi quixanuc'. Aimeten'cocola' li'hueca, ti'hua tehueyi xonca. Tixpic'eyi ti'ele lixcay. Ti'ehualeyeyi laic'. Tima'ahualeyeyi. Tifulecoyi cataiqui'. Tifellaiqueyeyi. Tehueyi lo'e'eñyacola' lihf'as xanuc', ti'entsola' quixcay. Tixahualeyeyi.

³⁰ Tivalaicoyi quixcay cataiqui' lihf'as xanuc'. ÆanDios tetets'ila' lo'epa inna'a. Titalai'e'ecoyi quixcay lihf'as xanuc'. Ti'e'eyoltsi tsila'. Tivalaiyi atsila' cataiqui'. Tehueyi te xonca co'eyacu, ti'ele quixcay xonca. Aimicuec'eyi quif'ailli', quif'máma'.

³¹ Aiquilsina' mixhuicoyi li'picuejma'. Aimentant'hiyi li'htaiqui' licupa. Aimi'nujuaisyi li'pimaye. Aimixinnila' acuanuc'la.

³² Ine ilsina' te ts'i'ic' al hijca lixp'ic'epa ÆanDios. Ilsina' itque tecani'e'mola' inniya no'epá to'ta'a. Tama ilsina' aimixpaic'eyi. Ma ti'hua ti'eyi nixpiya. Jouc'a tixojma quileta ja'ni locuenaye tihuej'me lixcay lo'epa.

2

¹ Ima' conxans nomecani'epola' lof'as xanuc', linca ima'

jouc'a tipa'a lojunac'. Aimi'iya mocuanajcoyacoxi. Ma macani'ela' locuenaye jouc'a ima' ma' anuli to'ay quixcay. Tocua: "Linca LanDios tite'l'mi'mola' iñe no'epá quixcay", jilpe topalaicoyoxi ima' cotuca'.

² Joupá alsina' LanDios aijca tite'l'mi'mola' lan xanuc' no'epá ita'a lixcay, tecani'e'mola'.

³ Ima' tacani'ela' lof'as xanuc' ma mo'ay quixcay. ¿Te cofcuapa? ¿Ja'ni tocua: "LanDios aimalte'l'miya"?

⁴ O ¿ja'ni tatets'i LanDios mipalaic'ohuo'? Iñque aimix-tuc'ohuo', tixnet'lqui ñe lo'ejma'. ¿Te aicocueca ñe li'ejma' LanDios? Iñque ipic'a toxhuej'menni, aimo'econa'ma quixcay. Toliya aimixtuc'ohuo'.

⁵ Linca, ima' aicocueca. Axna lopicuejma'. Aimox-huej'memma. Ma mi'hua tuyaf'que lof'epa quixcay, jouc'a tuyaf'que xonca lipoyac' LanDios. Ticuaitsi al Cuecaj Quitine toxim'ma acueca' lipoyac' LanDios. Imanc' no'epá quixcay to'ta'a to'tsim'me. Iñque cal Cuecaj Juez ti'e'ma al hijca.

⁶ Ma to li'epa lan xanuc' ma to'ta'a ti'i'ma ñe lapi'iyacola' LanDios.

⁷ Timana' iñniya nonespá: "Tilajnlá la'picuejma', ti'ila' to lipicuejma' LanDios. Alimetsaicotsonga' to ixanuc'. Lapenuft-songa', almajntsa anuli pu'hua, aimalmaconnonga'." Petsi to'ta'a nonespá ti'eyi al c'a, aimixospola'. LanDios tepi'i'mola' al ts'e li'pitine, ñe aimijouya.

⁸ Ituca' lapenufyacu ñe naihuejpa' quiltuca' lojanajpa, ñe aimihuejyi al Linca Cataiqui'. LanDios tixtuc'o'mola', tite'l'mi'mola'. Acueca' lipoyac' LanDios tixim'me iñniya.

⁹ Jahuay iñniya no'epá lixcay tite'lco'me acueca', acuecaj quix-huejma' tixinguf'me. Linca to'ta'a lo'enyacola' lan xanuc' judío jouc'a locuenaye xanuc'.

¹⁰ Petsi no'epá al c'a, LanDios timetsaicotola' joupá ilajmpa li'picuejma'. I'ipa to lipicuejma' LanDios. Timetsaicotola' ix-anuc'. Aimixhue'lcoconayacu. To'ta'a linca lo'iyacola' lan xanuc' judío jouc'a locuenaye xanuc'.

¹¹ LanDios tixinnila' anuli jahuay lan xanuc'. Ja'ni ajudío, ja'ni locuenaye xanuc' LanDios tixinnila' anuli.

¹² Timana' lan xanuc' ailopa'a quilje'e loya'apa locuxepa LanDios. Iñe tama aiquilsina' te loya'apa ñe al je'e, ja'ni ti'eyi quixcay LanDios tecani'e'mola'. Pe ts'isina' ñe al je'e, ja'ni ti'eyi quixcay LanDios timi'mola': "¿Te aicolihuejcojma ñe liniñiya loya'apa laifcuxe'epolhuo'?" Iñniya jouc'a tecani'e'mola'.

¹³ LanDios aimepenufyacola' ñe petsi ma le'a tiquimf'eyi Litaiqui' locuxepa. Tepenuf'mola' ñe no'epá locuxepa. Iñe aimicuxecoyacola', tixim'mola' to lan c'a xanuc'.

14 Lan xanuc' pe a'ij judío, iñe petsi ailopa'a quijje'e loya'apa locuxepa ÑanDios, ja'ni ti'eyi locuxepa ÑanDios timujyołtsi joupa iñsina' te ts'i'ic' al c'a.

15 Timujyołtsi iñsina' te ts'i'ic' locuxepa ÑanDios, jilpe liłpicuejma' inihingiya. Quiltuca' ticuxeco'mołtsi o ticuanajco'mołtsi. Iñe quiltuca' iñsina' ja'ni a'ijc'a o ac'a lo'epa.

16 Itsiya lan xanuc' temiyi lixcay lo'epa. ÑanDios joupa epi'ipa limane Jesucristo, iłque cal Juez. Ticuaitsi al Cuecaj Quitine iłque ti'huac'ina'ma jahuay, ti'huájta. Tołta'a tuya'e' Lataiqui' loya'apa iñe al c'a lixplic'epa ÑanDios, mañe lataiqui' laifmuc'iyalepa iya'.

17 Itsiya capalaic'o'mo' ima' lofcuapa: “Iya' ninjudío. ÑanDios lapenuf'ma. Iya' linca aixina' locuxepa ÑanDios. Iya' linca quihuequi cal Linca CanDios.”

18 Tocua: “Aixina' lixplic'epa ÑanDios. Aixina' te ts'i'ic' al c'a xonca. Añmuc'impa locuxepa ÑanDios, joupa cacuec'e.

19 Ma' iya' nipajnya caxał'mola' lan fohue, iñe pe aiquiñsina'. Ał'onłcospa to anuli lepalc'o', nipajnya culif'e'mola' iñiya petsi amuf liłpicuejma'.

20 Nipajnya camuc'i'mola' lamac'ta xanuc'. Iya' linca nomxi. Nipajnya camuc'i'mola' la'úhuay. ÑanDios joupa lu'ipa te ts'i'ic' locuxepa. Tołta'a acueca' laipicuejma'. Ma' iya' aixina' al Linca Cataiqui'.”

21 Ima' nofcuapa tołta'a, iya' quicuis'ehuo', camihuo': Ima' tomuc'ila' lof'as xanuc', ¿te ima tomuc'iyoxi cotuca'? ¿Te taihuic'i jouc'a iñe lofmuc'iyalepa? Ima' toya'e', tocua: “Aimnantse'ma”. Ima', ¿ja'ni tonantse?

22 Ima' tocuxeyale, tocua: “Aimoxhuico'ma lipeno ocuena cal xans”. ¿Ja'ni ima' toxhuijma lipeno ocuena cal xans? Ima' taixtuc'ola' landiosla'. ¿Ja'ni taxic'e'ela' jilpe liłxoute'?

23 Ima' tocua: “ÑanDios, linca alu'iponga' locuxepa illanc' ninc'ijudío”. ¿Ja'ni ima' taihuequi locuxepa ÑanDios? O ¿tatets'i ÑanDios, aimaihuequi iñe Litaiqui'?

24 Al Paxi Linihingiya tuya'e':
Imanc' unc'ijudío: Lan xanuc' petsi a'ij judío tixinnilhuo'
ixcay lonł'epa,
tołta'a aimixpaic'eyi łolanDios, tipalaicoyi quixcay.

25 Ima' unjudío i'e'empo' circuncidar. Lopixic' itaic' liseña loya'apa ima' i'huexi ÑanDios. Ne', ja'ni ima' to'ay locuxe'epo' ÑanDios, iñe loseña tuya'e' al linca, ima' ma' i'huexi ÑanDios. Ja'ni aimo'ay locuxepa ÑanDios, iłque tixim'mo' ma' anuli to locuenaye xanuc', iñe petsi liłpoxic' aiquiltaic' quilseña.

26 Cal xans pe ailopa'a quiseña jilpe lipixic', ja'ni iłque no'epa al c'a to locuxepa ÑanDios, ¿te aimimetsaicoya? Linca, tama ailopa'a quiseña ÑanDios timetsaico'ma.

27 Petsi aiquitaic' quiseña jilpe lipixic', itque linca tulij'mo' ima'. Xonca ihuequi locuxepa LanDios. Ima' tixoqui meta otaic' loseña jilpe lopixic', LanDios joupa u'ipo' te ts'i'ic' locuxepa. Oxina' petsi liniliya, tijoula' aimaihuejma. Itque pe aiquitaic' quiseña tocomma tecani'e'mo' ima'.

28 Lan xanuc' ja'ni ma le'a i'huáquila' ajudío itniya a'i quixanuc' LanDios. Jouc'a tama i'empola' circuncidar, ja'ni ma le'a jilpe lipixic' itaic' quitseña, LanDios aimimetsaicola'.

29 Petsi ainca ixanuc' LanDios itniya itaic' litseña ma jipu'hua hilunxajma', ituca' li'ejma'. Ine a'i ma le'a tenant'hiyi ile lataiqui' loya'apa: "To'l'e'etsotsi circuncidar". A'i. Jahuay hilunxajma' tihuejcoyi jahuay locuxepa LanDios. Lan xanuc' no'epá to'ta'a, tama aimimetsaiconnila', LanDios timetsaicola'. Iniya ainca ixanuc' LanDios.

3

1 Itsiya aga altalai'e'ma, ałmi'ma: "Ja'ni LanDios tepenufila' itne lan xanuc' petsi aiquitaic' quitseña jilpe lipixic', illanc' ninc'itudío ¿te quipenic' ile lalseña? ¿Te xonca lapi'inga' LanDios?"

2 Iya' camihuo': LanDios acueca' lapi'iponga' illanc' ninc'itudío, xonca acueca' lapaxneponga'. Ate'a ummenc'ipola' litaiqui' laltatahueló ti'ete cuenna.

3 Linca hualca itniya ipai'i'motsi lipicuejma', aiquilihuequi. ¿Te co'iya? ¿Te ja'ni LanDios linespa: "Ine aiquilihuequi, iya' jouc'a capai'i'ma ile litaiqui' laicupa"?

4 A'i. To'ta'a aimi'iya mi'iya. Tama jahuay tipai'itsotsi lipicuejma', tifellaiquele, LanDios a'i to'ta'a li'ejma'. Itque aimpai'iya litaiqui' licupa. To'ta'a loya'apa al Paxi Linilingiya tuya'e':

Tixinintso' ma ac'a lofcuapa.

Lan xanuc' nonespá: "A'ij hijca lo'epa LanDios",
tomuc'i'mola' itniya a'ij hijca lo'epa, tolij'mola'.

5 O, ¿te ałmi'ma: "Illanc' ma ma'eyi al xujc'a, ja'ni to'ta'a xonca i'huáqui ac'a li'ejma' LanDios, ¿te calixtuc'ocoyaconga' itque? ¿Te całtel'micoyaconga'? A'ijc'a lipicuejma' LanDios. Aimi'ay al hijca"?

(Laifnespa to'ta'a capalay ma to anuli naihuejpa quituca' lipicuejma'.)

6 A'i. To'ta'a aimi'iya małnesyacu. Ja'ni co'la' a'ij hijca lo'epa LanDios co'la' aimi'iya mu'iyacola' lan xanuc' ja'ni ac'a o a'ijc'a lo'epa itniya. Co'la' aimi'iya mitel'miyacola'.

7 O ima' tocuá: "Iya' laifellaiqueya ti'ay canic'. Ma cafellaique tixim'me a'ij to'ta'a lipicuejma' LanDios. Tixim'me ituca' itque

lipicuejma'. Itque aimifellaique, tinesqui ma' al linca. Ti-joula', ¿te co'icopa aimetentma ite laif'epa quixcay? ¿Te cala-cani'ecoya?"

⁸ Ja'ni tofta'a lahespa najmay jouc'a ahesle: "A!ete nixpiya, tofta'a tipammaispa al c'a". Linca hualca ahesconga' ticuayi: "Pablo y lifejmale tole tole lonespa". A'i tofta'a lahuapa. Pe lahesconga' tofta'a ilne quituca' tecani'eyoftsí.

⁹ Itsiya, ¿te co'iya? ¿Te illanc' ninc'ijudío LanDios xonca limetsaiconga' to ninc'ic'a xanuc'? A'i. Joupa alcuapá: Ja'ni ninc'ijudío, ja'ni a'ij judío, jahuay ma' anuli al'epá quixcay. Aimi'iya malunhu'eyacoftsí.

¹⁰ Tofta'a ticua al Paxi Linilingiya loya'apa: ¿Te tipa'a anuli cal xans ahjca lipicuejma'? A'i, ailopa'a ni' anuli.

¹¹ Ma' anuli aimicuec'eyi, ma' anuli aimehueyi LanDios.

¹² Jahuay enajpoftsí, aimihuejyi LanDios, ma' anuli ejac'pola'. Ma' anuli ailopa'a cal c'a quipicuejma'.

¹³ Liico ti'onlcospa to lihu'hua camizhua lexiya, jilpe tipamma ma le'a al xujc'a.

Tofta'a lihtaiqui' lopalaipa ihniya.

Lilpat tinescoyi lixcay lihf'as xanuc', tifellaiqueyi.

Malpe liico tocomma to emiya lipummaya lainofal.

¹⁴ Juaiconapa cumla lihtaiqui' lopalaipa, ticuajyi lihf'as xanuc', tecanitsola'.

¹⁵ Aimixnet'iyi, tixtuc'oyi lihf'as xanuc', ihpic'a tima'ahualele.

¹⁶ Ni petsi lotseyacu titef'miyi lihf'as xanuc', tipo'noyi cuanuc'la, ti'onlcospola' to lecaniya.

¹⁷ Ilne ma le'a tixtuleyi, tifuleyi, aiquilsina' ocuena cane, ite al c'a.

¹⁸ Aimixpaic'eyi LanDios ni tofta'a.

¹⁹ Tofta'a loya'apa litaiqui' LanDios inilingiya al je'e pe linitiya locuxepa LanDios. Joupa alsina' naitsi itne lopalaicopola' LanDios, jilpe al je'e. Tipalaicola' ma ihniya pe lepi'ipola' ita'a quijje'e. (Cacua: Illanc' ninc'ijudío alpalaiconga'.)

Ailopa'a notalai'e'eya LanDios. Aimi'iya micuanajcoyacoftsí, ni' anuli. Aimi'iya malcuajcoyacoftsí illanc' ninc'ijudío, jouc'a aimi'iya micuanajcoyacoftsí imanc' unc'ocuenaye xanuc'. Jahuay nalmana' jifa'a li'a lamats' tipa'a lahjunac'.

²⁰ Aimi'iya malnesyacu: "Nenant'itpa locuxepa LanDios. Itque alsim'ma ninc'a xans, lapenuf'ma." A'i. Ailopa'a nonesya tofta'a. Ite lataiqui' loya'apa locuxepa LanDios almuc'inga' te ts'i'ic' al c'a lah'eyacu. Limetsaicote tofta'a te ts'i'ic' lah'epa, ite aimi'onlspa to loya'apa locuxepa LanDios.

²¹ Itsiya, ja'ni aimi'iya malanant'iyacu locuxepa LanDios, ¿te co'iya? Ja'ni lapenuftsonga' LanDios to ailopa'a lahjunac',

¿te ca'eyacu? He la'eyacu joupa uya'apa lataiqui' loya'apa locuxepa ÆanDios. Jouc'a uya'a'me lam profeta. Itsiya ÆanDios joupa imujpa xonca al cuajmaica cataiqui'.

²² Petsi no'huaiyimpá Jesucristo iñiya liximpola' ÆanDios to ailopa'a quijunac', tepenufla' jahuay iñiya. Ja'ni ajudío, ja'ni a'ij judío, ma' anuli tucuicomma ti'huaiyijnle Jesucristo.

²³ Jahuay a'epá quixcay. Ailopa'a cal xans le'a ac'a lipicuejma'. La'lipicuejma' aimi'on'õspa to lipicuejma' ÆanDios, iñque pangay ac'a lipicuejma'. Jahuay illanc' lahue'enga'. Toñiya cacua: Tucuicomma jahuay ma' anuli a'huaiyijnle Jesucristo.

²⁴ Illanc' ca'luca' ailopa'a ca'eyacu. Aimi'iya malun'u'eyaco'õsi, cola' lacani'e'monga' ÆanDios. Ma'que ÆanDios acueca' altoc'iponga' jahuay illanc' na'huaiyimpá Jesucristo. Lapenufponga' to ailopa'a ca'junac', lun'u'eponga'.

²⁵ Iñque Jesucristo ma' ÆanDios ummepa li'a lamats' titsufcoxoxi. Ixcuajaipa lijuats' tipac'eta' lipoyac' ÆanDios. To'õta'a iñne no'huaiyinyacu Jesucristo ÆanDios tixim'mola liñejmale. He litine lixcuajaipa Cristo lijuats' ÆanDios imuj'ma tite'li'mi'mola' no'epá al xujc'a. Luyaipa quitine ÆanDios ixnet'li'mola' lan xanuc' no'epá lixcay. Jiñpe lancruz i'epa al hijca, iñic'mipa lajunac'. Jahuay liñjunac' lan xanuc' i'najtsepa Cristo.

²⁶ Iya' cacua: He li'ipa jiñpe lancruz a'ñmuc'inga' a'ijca lo'epa ÆanDios. Iñque imuj'moxi to cal Juez nanaic'mipola' no'epá lixcay. Jouc'a imuj'moxi tepenuf'mola' jahuay no'huaiyimpá Jesucristo. Tepenufla' to ailopa'a quijunac'. Cristo joupa i'najtsepa.

²⁷ Itsiya, ¿te co'iya? ¿Te ja'ni xonca a'ñsinyo'õsi ninc'ic'a xanuc'? A'i. Aimi'iya. ¿Te ja'ni ate'a a'epá al c'a, lijou'ma ÆanDios lapenufponga'? A'i. Ma le'a a'huaiyimpá Jesucristo, to'õta'a lapenufinga' ÆanDios.

²⁸ Itsiya a'ñsina' te ts'i'ic' lo'epa ÆanDios. Iñque aimepenufyacola' lan xanuc' pe nanant'hipá locuxepa. Lan xanuc' aimi'iya menant'hiyacu. Tepenuf'mola' petsi no'huaiyimpá Jesucristo.

²⁹ O ¿ja'ni ÆanDios ma le'a iñenDios lan judío? Iñne iñsina' te ts'i'ic' locuxepa. ¿Ja'ni a'i quilenDios locuenaye lan xanuc'? Iñne aiquisina' te ts'i'ic' iñe lataiqui'. A'ñinca, ÆanDios iñenDios locuenaye xanuc' jouc'a.

³⁰ Tipa'a ma le'a anuli ÆanDios. Lan judío, iñne iñtaic' liñseña jiñpe liñpixic', ja'ni ti'huaiyijnle Jesucristo, ÆanDios tepenuf'mola'. Ma' anuli locuenaye lan xanuc' pe ailopa'a quijseña, iñne ja'ni ti'huaiyijnle Jesucristo, ÆanDios tepenuf'mola' jouc'a.

³¹ La'cuapa to'õta'a, ¿ja'ni latets'iyi locuxepa ÆanDios? A'i. Aimi'iya malatets'iyacu iñe lataiqui'. He itaiqui' ÆanDios. Illanc'

ma'i'huaiyijnyi Jesucristo xonca alimetsaicoyi ac'a locuxepa ÑanDios, xonca lanant'fiyi.

4

1-3 ¿Te qui'ipa łaltatahuelo Abraham? ¿Te quicuec'epa? ¿Te iłque quituca' i'epa al c'a, lijou'ma ÑanDios epenufpa to ailopa'a quijunac'? Ja'ni coła' tołta'a li'ipa Abraham, iłque tines'ma: "Iya' joupa ai'epa al c'a, tołiya lapenuf'ma ÑanDios, ałsim'ma to ailopa'a caijunac'". ÑanDios ixina' Abraham aimi'iya minescoyacoxi tołta'a. Al Paxi Linilingiya ¿te aga tuya'e': "ÑanDios iximpa ac'a li'epa Abraham, tołiya epenuf'ma to ailopa'a quijunac'"? A'i. Aimuya'e' tołta'a. Ma tuya'e': "Abraham i'huaiyijmpa ÑanDios, tołta'a ÑanDios iximpa to ailopa'a quijunac', epenuf'ma".

4 Cal xans no'epa canic' tulij'ma lo'najtse'enyacu. Ja'ni ailopa'a qui'epa aiquitaiyinc'enni. Ja'ni iłpic'a titoc'ile, ti'najtse'enle, ti'najtse'e'me. Ja'ni a'i ailopa'a tintsi.

5 Tołta'a lo'iya cal xans nocuapa: "Tama ca'ela' acueca' canic' aimi'iya canant'liya locuxepa ÑanDios. ¿Te caif'eya? Le'a ca'huaiyijm'ma ÑanDios." Lan xanuc' nocuapá tołta'a, iłne no'huaiyijmpá, ÑanDios titoc'ila', tepenufila' to ailopa'a quijunac'.

6 Ma tołta'a lonespa cal rey David mipalaijma al c'a loy-aicopa cal xans petsi ÑanDios titoc'i, tepenufi to ailopa'a quijunac'.

7 Ticua:

Tuyalaicoyi al c'a iłne petsi ÑanDios iłonc'e'epola' liłjunac', petsi letamu'epola' li'epa lixcay.

8 Ac'a loy-aicopa cal xans petsi ÑanDios aimicuxecoya, aimi'iya: "Tołe, tołe lixcay lo'epa".

9 Ninc'ixanuc' judío, illanc' altaic' lałseña jilpe lałpixic', ¿te ja'ni ma le'a illanc' tołta'a luyalaicoyi al c'a? ¿Te aimi'iya muyalaicoyacu al c'a locuenaye xanuc' jouc'a? Toł'nujuaisle te ts'i'ic' li'ipa Abraham. Joupa ałnespá: "Abraham i'huaiyijmpa ÑanDios, tołta'a ÑanDios iximpa to ailopa'a quijunac', epenuf'ma".

10 Litine ÑanDios lepenufpa Abraham, ¿te ts'i'ic' iłque? ¿Ja'ni itaic' liseña jilpe lipixic'? O, ¿aiquitaic'? Litine ÑanDios lepenufpa Abraham iłque aiquitaic' liseña. Aiquetec'enni lipixic'.

11 Ate'a i'huaiyijmpa ÑanDios, lijou'ma ÑanDios icuxe'e'ma, timi: "To'exoxi circuncidar". Iłque letec'e'em'me lipixic' imuj'moxi ti'huaiyinge ÑanDios. Iłque joupa epenufpa Abraham to ailopa'a quijunac'. Tołta'a ÑanDios imetsaico'ma Abraham to ił'ailli' lan xanuc' no'huaiyijmpá, tama aiquiltaic'

quitseña jilpe lihpixic'. Ja'ni ti'huaiyijnyi to li'huaiyijmpa Abraham, LanDios timetsaicoyi inaxque' Abraham, tepenufila' to ailopa'a quitjunac'.

¹² Jouc'a ihniya lo'empola' circuncidar ti'i'ma ti'itsola' inaxque' Abraham. Itque ai'a ti'e'moxi circuncidar i'huaiyijmpa LanDios. Ja'ni ti'huaiyijnyi ma LanDios, ja'ni a'i mi'huaiyijm'me li'epo'tsi circuncidar, ihniya jouc'a inaxque' la'tatahuelo Abraham.

¹³ ¿Te ja'ni LanDios joupa iximpa Abraham lenant'tipa locuxe'epa? ¿Te tohiya limipa te ts'i'ic' loyalaicoyacu ihniya, itque y lixanuc'? Ai. Abraham le'a i'huaiyijmpa LanDios, i'epa linca limipa. To'ta'a LanDios epenuf'ma to ailopa'a quijunac', u'ipa: "Ima' ti'i'mo' to qui'ailli' ihne nocuxeyaleyacu fa'a li'a lamats'. To'ta'a tonf'e'me imanc', ima' y loxanuc'."

¹⁴ ¿Naitsi ihne nocuxeyaleyacu jifa'a li'a lamats'? ¿Te ja'ni LanDios tipalaicola' naihuejpá lataiqui' loya'apa locuxepa? Ai. Ja'ni LanDios tipalaicola' ihniya, Abraham co'ta' ailopa'a colijya tama i'huaiyijmpa LanDios. Litaiqui' LanDios lepi'ipa Abraham co'ta' aimentant'hiya, co'ta' ihniya infel'miyale lataiqui'.

¹⁵ Linca aimi'iyá mañesyacu: "Lanant'hi'me locuxepa LanDios. To'ta'a lapi'i'monga' ma to limipa Abraham." Ja'ni to'ta'a lañesyacu ailopa'a calapi'iyaconga'. Litaiqui' locuxepa LanDios añmuc'inga' a'ijc'a laf'epa, tipa'a lañjunac'. Ja'ni ailopa'a ihne Lataiqui' LanDios aimi'iyá mañcuxecoyaconga'.

¹⁶ Cacia: LanDios icupa cataiqui' tipaxne'mola' ihne no'huaiyijmpá. Ai quicuac': "Ihniya i'epá al c'a ca'najtse'e'mola'". Ma ticua: "Ihniya a'huaiyijmpa, catoc'i'mola'". To'ta'a jahuay lixanuc' Abraham ti'i'ma tepenuf'me ihne lopaxneyacola'. Ai ma le'a ihne petsi lepi'ipola' lataiqui' loya'apa te ts'i'ic' licuxepa LanDios, jouc'a tepenuf'me locuenaye xanuc' ja'ni ti'huaiyijnyi LanDios to li'huaiyijmpa Abraham. Mañque Abraham a'ailli' jahuay illanc' na'huaiyijmpá LanDios.

¹⁷ To'ta'a loya'apa al Paxi Linilingiya, tuya'e':

Ima', axpela' lan xanuc' timetsaico'mo' ih'ailli', ih'ahuelo; ihne ituca' ituca' lihñación.

Ihne litine tama quituca' Abraham, ailopa'a qui'hua, LanDios liximpa ih'ailli' axpela' lan xanuc'. Linca LanDios ti'i'ma timaf'i'ina'mola' limanapola'. Itque tipalaicola' lan xanuc' ai'a timajnlita, tinescola' to jipu'hua timana'. Ma to'ta'a li'ejma' LanDios li'huaiyijmpa Abraham.

¹⁸ Litine LanDios lipvalaic'opa, Abraham tixinyoxi aimi'iyá muyaicoya to limipa LanDios. Tama to'ta'a lixina' ma' i'huaiyijmpa LanDios, ticua: "Ma ca'huaico'ma. LanDios ni-pajnya ti'e'ma to lañmipa." To'ta'a li'ipa. Ixpe'mola' lixanuc'

Abraham, ma to limipa ÆanDios. I'ipola' axpela' lixanuc' Abraham, ituca' ituca' liñnación; iñque iñ'ailli'.

¹⁹ Abraham imetsaicoyoxi te ts'i'ic'. Iñque joupá ixhuaita to amaxnu ñemats'. Ti'onñcospa to cal xans joupá imapa. Jouc'a imetsaijma Sara te ts'i'ic'. Iñque ñipeno ijuiqui caca'no'. Tama ixina' jahuyá iñta'a Abraham ti'hua ti'huaiyinge ÆanDios.

²⁰ Aiquinesqui: “Aga a'ij ñinca ÆanDios lañmipa. Aica'huaiyijnconaya.” Xonca ti'huaiyinge ÆanDios. Imetsaicopa acueca'.

²¹ Ixina' añinca ÆanDios nipajnya ti'e'ma to limipa. Toñta'a ti'hua ti'huaiyinge.

²² ÆanDios liximpa li'huaiyijmpa epenuf'ma to ailopa'a qui-junac'.

²³ He lataiqui': “ÆanDios epenuf'ma to ailopa'a quijunac'”, tipalaicola' axpela', a'i ma le'a Abraham.

²⁴ Añpalaiconga' jouc'a illanc' nañ'huaiyijmpá ÆanDios. Illanc' añcuayi: “Añinca ÆanDios imaf'i'inaña ñañPoujna Jesús, ipa'anapa pe lomana' lamizhua”. Ja'ni toñta'a añ'huaiyijnyi ÆanDios, iñque lapenufinga' jouc'a. Añsinninga' to ailopa'a caljunac'.

²⁵ Illanc' ñinca aicañ'aic' locuxepa ÆanDios. ÆanDios icupa ñañPoujna Jesús tima'anñe, ti'najtse'ma lañjunac'. Jesús lijoupa li'najtsepa, imapa, ÆanDios imaf'i'inaña. Toñiya ÆanDios ti'i'ma lapenuf'monga' illanc', lapenuf'monga' to ailopa'a caljunac'.

5

¹ Itsiya añ'huaiyijnyi Jesucristo, iñque ñañPoujna. Toñta'a ÆanDios lapenufinga' to ailopa'a caljunac', aimalixtuc'oconayaconga'.

² Ma' iñque Jesús i'najtsepa lañjunac'. Toñiya ÆanDios añtoc'inga', lapenufinga', aimalacani'eyaconga'. Tixoqui calata añcuayi: “Aññaisufcotonga' jipu'hua, añpai'itonga', añ'itonga' pangay c'a lañpicuejma', ma to ÆanDios lipicuejma'”.

³ A'i ma le'a tixoqui calata añ'huaicoyi aññaisufcotonga' jipu'hua, ma mañmana' fa'a li'a ñemats' ja'ni aññecoyi añ'ñajtsi'iyi ÆanDios, añcuayi: “Ac'a luyalaicoyi”. Añsinyi ma maññecoyi lihuic'i'me aññet'i'me.

⁴ Ja'ni aññet'iyi tetentococojma ÆanDios iñe lañ'ejma'. Ja'ni añsina' joupá etentocopa ÆanDios iñe lañ'ejma' xonca añ'huaiyijm'me ÆanDios, añcua'me: “Ñinca aññaisufcotonga' jipu'hua”.

⁵ Añinca ti'i'ma añ'huaiyijm'me toñta'a. ÆanDios aimalañfel'miyaconga', aññaisufcotonga'. Iñque joupá añmuc'iponga' añ'enga' capic'a. Toñta'a lu'inga' jilpe ñalunxajma' cal Espiritu Santo ñalapi'iponga' ÆanDios.

⁶ Illanc' aicalihuejma ÆanDios. Litine lixpicepa ÆanDios tima'anñe Cristo, ti'najtseta' iñe lañjunac', ma toñta'a li'ipa. Cristo aicañ'huaiconga' malunñu'eyacoñtsi illanc' caltuca'. Iñque ixina' aimi'iya malunñu'eyacoñtsi.

⁷ Ja'ni lunŧu'e'me anuli laŧf'as xans, iŧque aŧijca lipicuejma', ¿te aŧcu'me laŧpitine lunŧu'ele iŧquiya? Linca tama juaiconapa ac'a lipicuejma' laŧf'as xans, afule maŧcuyacu laŧpitine.

⁸ LanDios ituca' li'ejma', aimal'onŧiyaconga' to illanc'. Il-lanc' ma maŧ'eyi quixcay Cristo icupoxi tima'anŧe, i'najtsepa laŧjunac'. Toŧta'a LanDios aŧmuc'inga' aŧinca aŧ'enga' capic'a.

⁹ Jiŧpe lancruz, lixcuajaiyopa lijuats' Cristo i'najtsepa laŧjunac'. Toŧta'a LanDios lapenufinga' to ailopa'a caŧjunac'. Tijouŧa', ¿te co'ia? ¿Te lapi'icona'monga' laŧjunac' anuli locuenaye no'epá quixcay, iŧne petŧi aimi'huaiyijnyi Jesucristo? A'i. Lunŧu'e'monga' nulemma.

¹⁰ Illanc' aŧfuli'ipá LanDios, iŧque jouc'a aŧfuli'iponga'. Mi'i toŧta'a li'Hua icupoxi tima'anŧe, aŧ'etsonga' aŧejmaleŧe LanDios. Itsiya ma toŧta'a i'ipa, illanc' aŧejmale LanDios. Tijouŧa', ¿te co'ia? ¿Te aimalunŧu'eyaconga'? Cristo joupa imaf'inapa, joupa lapi'iponga' al ts'e laŧpitine, linca lunŧu'e'monga'.

¹¹ A'i ma le'a aŧ'huaicoyi Locuenaj Quitine lunŧu'etsonga'. Ma' itsiya tixoqui calata aŧ'huaiyijnyi LanDios. LaŧPoujna Jesucristo joupa ipac'epa lipoyac', ma' itsiya aŧejmale anuli.

¹² Al xujc'a lopa'a li'a ŧamats' icuai'e'ma fa'a anuli cal xans. Icuaitŧi al xujc'a ipango'ma i'i'ma lamaya. Jahuay lan xanuc' i'e'me al xujc'a, toŧta'a jahuay tixinyi lamaya.

¹³ Linca, iŧniya ŧitiné LanDios tama iximpola' lixcay lo'epa lan xanuc' aimicuxecola'. Aimi'ia. Iŧniya ŧitiné aicu'ila' litaiqui' locuxe'epola' lo'eyacu. Toŧta'a aimi'ia micuxecoyacola' petŧi aimenant'ŧiyi.

¹⁴ Litiné ai'a tepenuf'ma Moisés litaiqui' locuxepa LanDios, jahuay iŧne ŧitiné ti'hua lamaya. Ti'hua limane tiŧel'mi'mola' lan xanuc'. Toŧta'a li'ipola', tama lixcay li'epa a'ij nuli to li'epa Adán, iŧque aiquihuejma lixc'ai'ipa LanDios. Li'epa Adán acueca' li'e'epola' lan xanuc'. Toŧta'a iŧque Adán ti'onŧocŧpa to locuena cal xans locuaicoya. Iŧque acueca' al c'a lo'e'eyacola'.

¹⁵ Linca, tama acueca' a'ijc'a li'epa Adán aimi'ia mi'onŧiyacu iŧe laŧpaxneponga' LanDios. Li'ipa, anuli cal xans, iŧque Adán, aiquihuejma LanDios. Toŧta'a acueca' li'ipola' lan xanuc'. Ax-pela' timanala'. Lijou'ma xonca acueca' iŧe al c'a li'epa LanDios. Iŧque ixpic'epa tipaxnetsola' lanxpela'. Ma' anuli lixic'epa Jesucristo. Toŧta'a iŧque aŧtoci'iponga' ninc'xpela'.

¹⁶ Iya' cacua: Laŧpaxneponga' LanDios tipammaispa al c'a juaiconapa. Lixcay li'epa Adán ipammaitŧi jouc'a, iŧe a'ijc'a. Toŧta'a aimi'onŧŧpola'. Adán anulemma aiquihuejma LanDios. Lijou'ma LanDios imetsaico'ma a'ijc'a li'epa Adán, ecani'epa, jouc'a ecani'epola' jahuay lan xanuc'. Illanc' axpe' aicalihuejma LanDios, iŧque aicalacani'enga', lapenufinga' to ailopa'a caŧjunac'.

17 Li'ipa, anuli cal xans i'epa lixcay, lijou'ma epi'impa quimane lamaya, i'hujco'mola' jahuay. Itsiya acueca' juaiconapa altoc'iponga' ÆanDios, a'eponga' al cueca' al c'a, lapenufponga'. Tijoula', ¿te cal'iyaconga'? ¿Te ja'ni lamaya lulij'monga' jouc'a? A'i. Aimalulijyaconga' lamaya. Locuena cal xans, ique Jesucristo, joupa lapi'iponga' al ts'e laɣpitine.

18 Anulemma ne'a Adán aiquihuejma lixc'ai'ipa ÆanDios, lijou'ma lan xanuc', jahuay iñiya, ecanipola'. Locuena cal xans ixhuai'nipa nulemma locuxepa ÆanDios, tohta'a jahuay nipajnya tepi'im'mola' al ts'e liɣpitine. ÆanDios nipajnya tepenuf'mola' to ailopa'a quijjunac'.

19 Anuli cal xans aiquihuejma lataiqui' lixc'ai'ipa ÆanDios, lijou'ma i'ipa ixcay liɣpicuejma' axpela' lan xanuc'. Locuena cal xans ihuejcopa jahuay licuxe'epa ÆanDios, tohya axpela' ti'i'mola' ac'a xanuc'.

20 Ma mi'eyi lixcay lan xanuc' ÆanDios u'ipa Moisés te ts'i'ic' litaiqui' locuxepa. Tohta'a ti'e'e xonca al cueca', xonca tihuejle lixcay. Lijou'ma petsi lan xanuc' xonca aimihuejcoyi, xonca itoc'i'mola' ÆanDios, xonca acueca' al c'a li'epola' ique.

21 Tohya tama lixcay ti'hua tuliquila' lan xanuc', timala' joupa ecanipola', xonca acueca' altoc'inga' ÆanDios. Jesucristo, ique pangay ac'a li'epa, pangay ac'a lipicuejma', lapi'inga' laɣpitine aimijouya. Tohta'a aimalulijyaconga' nulemma lamaya.

6

1 Itsiya, ¿te calnesyacu? ¿Te aga ahes'me: "ÆanDios altoc'iponga', joupa lapenufponga'. Najmay ti'hua a'e'e lixcay. Tohta'a ti'hua altoc'iconatsonga', ti'ila' xonca acueca' lahtoc'iyaconga'?"

2 A'i. To'e aimi'ya mañesyacu. Li'ipa, ma ma'eyi lixcay, ¿te lulijyi laɣpitine o a'i? La'e'epa lixcay ma lacani'eponga'. ¿Ja'ni ma' anuli a'e'e'ona'me? A'i. Aimi'ya.

3 Illanc' na'huaiyimpá, ja'ni joupa lapo'imponga' joupa a'e'epo'tsi anuli Cristo, ique limayopa jipe lancruz. O ¿ja'ni aico'sina' te ts'i'ic' i'e li'ipolhuo'?

4 Limapa Cristo emumpa. Jiɣpiya laja' tocomma lamumponga' jouc'a, aɣmaponga'. I'e la'i'iponga' ti'on'cospa to li'ipa Cristo. Ique lijoupa limapa imaf'i'ina' qui'Ailli', ique cal Cuecaj CanDios. Illanc' jouc'a lapi'iponga' al ts'e laɣpitine, ti'ila' ituca' la'e'jma'.

5 Ja'ni a'lnca aɣmaponga' anuli Cristo, anuli mipa'a laɣpitine. Cristo aimijouya lipitine. Illanc' laɣpitine jouc'a aimijouya, i'e al ts'e laɣpitine lalapi'iponga' ÆanDios.

6 Joupa a'sina' te ts'i'ic' la'i'iponga'. Li'ipa, lihuejyi ca'tuca' laɣpicuejma'. Ma to ma'mana' iñiya litiné, ma'taiyi laɣjunac',

lapalts'ingimponga' anuli Cristo jilpe lancruz. Tołta'a aimi'iya małcuxeconyaconga', aimałminyaconga': "Tołe, tołe lo'epa lixcay, tecani'em'mo".

⁷ Anuli himanapa aimicufquinyacu li'epa lixcay. Aimi'iya.

⁸ Ja'ni ałcuayi: "Ne', ałmaponga' anuli Cristo", jouc'a ałnes'me: "Łınca ałmaf'i'inaponga' anuli Cristo". Cristo joupa imaf'inapa, aimimaconaya. Illanc' jouc'a tipa'a al ts'e lałpitine, iłe aimi-jouya. Lamaya ailopa'a cał'e'econayaconga'.

⁹ Cristo lijoupa limapa, imaf'inapa, ipayonamma pe lomana' lamizhua. Aimimaconaya. Lamaya aimulijya. Ailopa'a co'e'econaya. Tołta'a ałsina'.

¹⁰ Cristo limapa jilpe lancruz ał'najcufponga' lałjunac'. Tołta'a ŁanDios ecani'epa. Aimi'e'econaya tołta'a. Itsiya ma' imaf'i'. Małque ŁanDios imaf'i'ina'ma.

¹¹ Imanc' jouc'a tolimetsaicotsołtsi to joupa ima'ampolhuo' ma' anuli Cristo. Iłe loł'epa lixcay ecani'epolhuo'. Jouc'a tolimetsaicotsołtsi ołmaf'i' ma' anuli Jesucristo. Toł'nujuaisle lepi'ipolhuo' al ts'e lołpitine ŁanDios.

¹² Itsiya lołcuerpo aimicuxecona'molhuo'. Iłe łınca tijanaca tixa'huelhuo' toł'ełe nixpiya. Toł'nujuaisle, iłe lołcuerpo aimijucoya, ti'hua tijaf'quinghua.

¹³ Toł'etsołtsi cuenna. Aimolapi'i'me lane lołmane', loł'mitsi', loł'u', jahuay lopa'a lołcuerpo, aimi'e'me nixpiya. Tołnesle: "Lai'epa lixcay joupa lacani'epa. ŁanDios ałmaf'i'ina. Itsiya cacu'moxi ŁanDios, cami'ma: ManDios, ma' ima' ałcuxe'ma. Iłne laimane', lai'mitsi', lai'u', jahuay laicuerpo, toxhuico'ma ima'. Tołta'a canant'hi'ma lotaiqui' lołcuxepa."

¹⁴ Iya' camilhuo': Aimulijyacolhuo' lixcay. Litaiqui' locuxepa ŁanDios aimi'iya micuxecoyacolhuo'. ŁanDios joupa itoc'ipolhuo', joupa epenufpolhuo'.

¹⁵ Itsiya, łte co'iya? Illanc' joupa ałsina' aimi'iya malanant'hiyacu locuxepa ŁanDios. Ałsina' aimi'iya malunłu'eyacołtsi illanc' całtuca'. Tijoułta', łte całnescoyacu? ŁJa'ni ałnes'me: "Ma ŁanDios ałtoc'ipa, iłque lunłu'e'ma. Itsiya ailopa'a tinsi. Ca'e'ma nixpiya"? A'i. Aimi'iya małnesyacu tołta'a.

¹⁶ Jifa'a li'a łamats' ja'ni tolahuełe cołpoujna, łte aicołsina' lo'iyacolhuo'? Tijoułta' ti'ila' ołpoujna iłque ticuxe'molhuo'. Imanc' tolihuejco'me to quimozó. Ja'ni lixcay ołpoujna tolihuej'me locuxe'epolhuo', tijoułta' tecani'em'molhuo'. Ja'ni ŁanDios ołpoujna, tolihuej'me iłque. Iłque tilanc'e'e'molhuo' lołpicuejma', tepenuf'molhuo'.

¹⁷ Li'ipa, imanc' tolihuejyi lixcay. Cax'najtsi'i ŁanDios joupa ołpai'ipołtsi lołpicuejma'. Joupa olapenufpá Lataiqui' limuc'impolhuo', jahuay łolunxajma' tolihuejyi.

18 Itsiya joupá i'ipa ocuena lołPoujna. Lixcay aimi'iya micux-econayacolhuo'. Itsiya al hijca cataiqui' ticuxelhuo'.

19 Iya' mane ca'onđicojma cataiqui'. Aixina' ja'ni ti'ila' xonca ipime cataiqui' imanc' aimi'iya mołhuałyacu. Camilhuo': Luyaipa quitine ołcu' mołtsi. I'ipa ołpoujna lixcay, aimolihuejyi locuxepa ŁanDios, nixpiya tonł'eyi. Itsiya aimoł'econa'me iłe li'ipa loł'epa. Itsiya tołcutsoltsi. Tołmile ŁanDios: "Fa'a tipa'a laicuerpo jahuay hi'huexi. Mane ca'e'ma al c'a. Ałcuxela' al hijca cataiqui', quihuejco'ma."

20 Li'ipa, imanc' tołcuayi: "Illanc' lihuejcoyi caltuca' lałpicuejma'". Iłniya iłtiné iłnca tonł'eyi nixpiya. Aimonł'eyi al c'a to locuxepa ŁanDios. Iłe litaiqui' ŁanDios tocomma to aimicuxelhuo' imanc'.

21 Itsiya tołsinyi alaic'ata iłe lonł'epa. Iłe lixcay lonł'epa, ¿ja'ni i'e'epolhuo' al c'a? Ai. Iłne petsi no'epá tołta'a ma le'a tecani'eyołtsi.

22 Camiconamolhuo': Itsiya joupá i'ipa ocuena lołPoujna. Aimolihuejcoyi lixcay. Itsiya ma ŁanDios ołPoujna. Ti'hua ti'i'molhuo' pangay c'a lołpicuejma'. ŁanDios tilaitsufcotołhuo' jilpiya aimijouya lołpitine.

23 Iłnca lixcay ti'najtsela' ts'ilihuequi. Petsi naihuejpa tecani'em'mola'. Ai tołta'a lalulijyaconga' ja'ni ŁanDios ałPoujna. Iłque ma' ałtoc'inga' illanc' nał'huaıyijmpá Jesucristo lałPoujna. Lapi'inga' al ts'e lałpitine, iłe litine aimijouya.

7

1 Cunc'aipimaye, lataiqui' loya'apa locuxepa ŁanDios aimi'iya małcuxecoyaconga'. Imanc' joupá ołsina' te ts'i'ic' lał'iponga' ninc'ixanuc' ma małmana' fa'a li'a łamats'. Ma całmaf'i' tipa'a lataiqui' lałcuxeponga'. Ja'ni joupá ałmanaponga' iłe lataiqui' aimi'iya małcuxecoyaconga'.

2 Tołta'a lo'ipola' lacał'no' iłniya namalłipá. Ma quimaf'i' iłpe'ailli' łaca'no' aimi'iya mihuejya ocuenaj xans. Ja'ni timanła' cal xans, tuhuałquenno łaca'no'.

3 Ma quimaf'i' iłpe'ailli', ja'ni iłpeno tihuejla' ocuenaj xans, iłque łaca'no tecani'em'me, tinescom'me ixcay li'epa. Tołta'a loya'apa lataiqui' lałcuxeponga'. Iłnca ja'ni joupá imanapa iłpe'ailli', łaca'no' nipajnya tihuej'ma ocuenaj xans. Ailopa'a conesconyacu.

4 Cunc'aipimaye, iłe litine lima'ampa Cristo, lepałts'ingimpa licuerpo jilpe lancruz imanc', ja'ni i'ipolhuo' anuli iłque, jouc'a ima'ampolhuo'. Tołta'a tama tolıhuejle al ts'e cataiqui', aimi'iya micuxecoyacolhuo' lataiqui' locuxepa ŁanDios. Tonlıhuejyi Cristo, iłque joupá imaf'ınapa. Małque ołPoujna o ti'onłcospa to cołpe'Ailli'. Ma monlıhuejyi iłque tipammaispa lołpitine, tonł'e'me latenłcocopa ŁanDios.

⁵ Iñiya hitiné ai'a lapenuf'me al ts'e lałpitine, aiqui'ic' calihuequi locuxepa ŁanDios. Mał'nujuaisyi loya'apa iŕe lataiqui', ałspic'eyi ał'ele nixpiya. Tołta'a lacani'eyołtsi.

⁶ Iñiya hitiné coła' ti'i'ma ałcuxecom'monga', aicalanant'hi locuxepa ŁanDios. Itsiya aimi'iya małcuxeconyaconga'. To-comma to joupa ałmanaponga'. Itsiya tipa'a al ts'e lałpitine. Tołta'a ti'i'ma lihuejco'me ŁanDios lałPoujna. Li'ipa ituca' lał'ejma', ałcuayi: "Iya' caituca' quihuejco'ma iŕe lataiqui' locuxepa ŁanDios". Itsiya ałsina', ja'ni całtuca' aimi'iya.

⁷ Itsiya, ¿te całnesyacu? ¿Ja'ni ixcay cataiqui' iŕe locuxepa ŁanDios? A'i. Aimi'iya małnesyacu tołta'a. Al cołta aicainimetsaijma lixcay laif'epa. Tołta'a ałmuc'ipa lataiqui' loya'apa locuxepa ŁanDios. Iŕe lataiqui' ticua: "Aimojanaj'ma li'hueca łof'as xans". Ja'ni coła' aicaixina' iŕe lataiqui', coła' aimi'iya quimetsaicoya a'ijc'a laif'epa ma cajanaca.

⁸ Laicuejpa iŕe lataiqui', linca aiximpa ixcay laif'epa ma cajanaca. Lijou'ma lixcay lopa'a laipicuejma' xonca tijanaca. Xonca aipic'a coła' ca'huejla' li'hueca laif'as xans. Ja'ni coła' ailopa'a iŕe lataiqui' lałcuxeponga' iŕe lixcay coła' aiquicueya quimane, aimi'iya malacani'eyaconga'.

⁹ Iñiya hitiné ma aicaicueca locuxepa ŁanDios tixoqui neta cuyaijma lapajnya. Icuaitsi litine laicuej'ma nulemma iŕe lataiqui' loya'apa: "Aimojanaj'ma li'hueca łof'as xans". Iŕe litine linca aiximpa imaf'i' iŕe lixcay lopa'a laipicuejma'. Aix-impxi ma lacani'e.

¹⁰ Lataiqui' loya'apa: "Aimojanaj'ma li'hueca łof'as xans", ac'a cataiqui' iliya. Ja'ni lanant'iŕe, xonca al c'a luyalaico'me lapajnya. Iya' aiximpa ituca' lał'ipa. Aimi'iya canant'hiya. Ma le'a lacani'e.

¹¹ Ma cacueca iŕe lataiqui', lixcay caipicuejma' i'ipa xonca imaf'i', ałfel'mipa. Lijou'ma xonca aijanaj'ma. Tołta'a iŕe lataiqui' ma lacani'epa.

¹² Iya' cacua: A'i quixcay cataiqui' iŕe locuxepa ŁanDios. Jahuay locuxepa ŁanDios ma' apaxi, ma' i'huexi ŁanDios. Lataiqui' loya'apa: "Aimojanaj'ma li'hueca łof'as xans", iŕe apaxi cataiqui'. Ałsc'ai'inga' ał'ele al hijca, ał'ele ma le'a al c'a.

¹³ Lijou'ma, ¿te qui'ipa? Ma cainihuequi iŕe al c'a cataiqui', ¿ja'ni tołta'a cacani'eyoxi? A'i. Aimi'iya canescoyacoxi tołta'a. Iŕe al c'a cataiqui' ma' ałmuc'ipa te ts'i'ic' laipicuejma'. Iŕe acueca lixcay. Ma iŕe laif'epa lixcay lacani'epa. Iŕe al c'a cataiqui' ałmuc'ipa juaiconapa acueca' ixcay iŕe lai'epa.

¹⁴ Ałsina' pe qui'huayomma iŕe lataiqui' locuxepa ŁanDios. I'huayomma mane al toncay, jilpe lipicuejma' ŁanDios. Iya' ituca' laipicuejma'. Iya' ma ninxans. Iŕe lixcay i'ipa to laipoujna, ałcuxe.

15 Iya' aicaxpic'e tołta'a lai'ejma'. Caxhuełma. Petsi lalatenłcocopa, iłe aica'ay. Laif'epa capilaic', iłe linca ca'ay.

16 Ja'ni ca'ełta' lixcay, linca iłe laif'epa aimalatenłma. Quimet-sajma ac'a litaiqui' ŁanDios locuxepa, tołta'a xonca aipic'a quihuejla' ŁanDios.

17 Toliya cacua: A'i caituca' ca'ay iłiya pe aimalatenłma. Iłe lixcay caipicuejma' ałcuxe ca'ełta'.

18 Linca aixina' iya' caituca' aimi'iya ca'eya al c'a. Ti'i'ma caxpic'e'ma ca'ełta' al c'a, tijoułta', ¿ja'ni canant'hi'ma iłe laifxpic'epa? A'i, aimi'iya.

19 Iłe al c'a laifxpic'epa ca'ełta', aica'ay. Lixcay, iłe pe aimalatenłma, linca ca'ay.

20 Iya' cacua: Ja'ni aimalatenłma iłe lixcay laif'epa tocomma to a'i iya' caituca' ca'ay iłiya. Iłe lixcay caipicuejma' ałcuxe ca'ełta'.

21 Linca, lataiqui' loya'apa locuxepa ŁanDios ałcuxe. Ałsc'ai'i ca'ełta' al c'a. Iłe aipic'a. Cacua: Ca'e'ma. Tijoułta' aimi'i. Tipa'a lałpa'nepa. Ałpa'ne iłe lixcay caipicuejma'.

22 Cacua: Juaiconapa ac'a lataiqui' loya'apa locuxepa ŁanDios.

23 Ituca' lałsahue'epa laicuerpo. Tama cacua: "Quihuejco'ma locuxepa ŁanDios, iłe al c'a", laicuerpo aimicua. Tipa'a lipujfxi lulijla', ca'ełta' lałcuxe'epa nixpiya.

24 Iya' cacua: Acueca' caxhuełma. ¿Naitsi lałcuanajcoya? Iłe laicuerpo ma le'a ipic'a lacani'e'ma. ¿Naitsi lalunłu'eya?

25 Cax'najtsi'i ŁanDios. LałPoujna Jesucristo, iłque linca alunłu'e'ma. Iya' caituca' aimi'iya culijya. Caxpic'e ca'ełta' al c'a. Ja'ni tołta'a quihuejla' linca quihuejco'ma locuxepa ŁanDios. Ituca' loxahue'epa iłe laicuerpo. Ja'ni tołta'a quihuejla' ca'e'ma nixpiya.

8

1 Itsiya ŁanDios aimalacani'eyaconga' illanc' nał'huaiyijmpá Jesucristo, iłque joupá lapenufponga'. Illanc' aimalihuejyi lałsahue'eponga' lałcuerpo, lihuejcoyi lałcuxe'eponga' cal Espíritu Santo.

2 Iya' joupá aiximpa aimi'iya canant'hiya locuxepa ŁanDios. Aimi'iya cunłu'eyacoxi. Lixcay laipicuejma' ma małcuxe lacani'e'ma. Itsiya ituca' laifnuyaicopa lapajnya. Ca'huaiyinge Jesucristo, tipa'a al ts'e laipitine, ałcuxe cal Espíritu Santo.

3 Iłe lataiqui' loya'apa locuxepa ŁanDios ailopa'a quipujfxi mulijya lixcay lałpicuejma'. ŁanDios linca ti'i'ma, joupá i'epa. Ummepa hi'Hua. Iłquiya i'epoxi xans, ał'onłcosponga' to illanc' ninc'ixanuc'. Ma le'a ailopa'a quixcay lipicuejma'. I'huamma fa'a li'a łamats' itsufcopoxi, ał'najcufponga' lałjunac', ecani'epa lixcay lałpicuejma'.

4 Tohiya itsiya ti'i'ma lanant'li'me iŕe al c'a laŕcuxe'eponga' LanDios. Illanc' lihuejcopá cal Espíritu Santo a'i laŕsahue'eponga' laŕcuerpo.

5 Lan xanuc' naihuejpa' quítuca' liŕpicuejma' tixpic'eyi latenŕcocoyacola' iŕne quítuca'. Lan xanuc' naihuejpa' cal Espíritu Santo, tixpic'eyi latenŕcocoya cal Espíritu Santo.

6 Petsi naihuejpa' quítuca' liŕpicuejma' tecani'em'mola'. Petsi naihuejpa' cal Espíritu Santo tipa'a al ts'e liŕpitine, tuyalaicoyi al c'a. Aimixhueŕcoyi, ailopa'a tintsi.

7 Petsi naihuejpa' quítuca' liŕpicuejma', iŕne tecaxaispola', mane tifuli'iyi LanDios. Aimihuejyi locuxepa iŕque. Aimi'iya mihuejyacu.

8 Cal xans, ja'ni ailopa'a al ts'e lipitine locupa cal Espíritu Santo, iŕque cal xans aimi'iya metenŕcocoya LanDios.

9 Imanc' aimi'onŕcotohúo' to iŕniya. Ja'ni joupa olapenufpá cal Espíritu Santo, ja'ni toŕmana' anuli iŕque, ma tipa'a al ts'e loŕpitine. Linca cal xans, ja'ni aiquepenufi hi'Espíritu Cristo, iŕque cal xans a'i qui'huexi Cristo.

10 Ja'ni joupa olapenufpá Cristo LanDios epenufpolhúo' to ailopa'a coŕjunac'. Toŕta'a tipa'a al ts'e loŕpitine, aimimaya-colhúo' nulemma. Linca lonŕ'epa lixcay joupa ecani'epolhúo' loŕcuerpo, iŕe tima.

11 Ja'ni joupa olapenufpá cal Espíritu Santo, ja'ni joupa oŕhaisufma, ni loŕcuerpo mimaya nulemma. Lijoupa limapa Cristo, LanDios imaf'i'ina. Imanc' ma' anuli timaf'i'ina'molhúo'. Toŕta'a lo'eyacolhúo' cal Espíritu Santo, iŕque hi'Espíritu LanDios, imanc' oŕhaisufma.

12 Itsiya cunc'aipimaye, ¿naitsi cal'najtse'econayacu? ¿Naitsi calihuejcoyacu? ¿Laŕcuerpo aŕtaiyinc'e? ¿Ja'ni iŕe aŕpoujna? A'i.

13 Ja'ni tolihuejcoyi loxahue'epolhúo' loŕcuerpo mane tecani'em'molhúo'. Ja'ni tolihuejcoyi cal Espíritu Santo tolatec'cona'me lonŕ'epa lixcay, iŕe loxahue'epolhúo' loŕcuerpo. Aimonŕ'econayacu iŕta'a. Tijouŕa' timaf'i'ina'molhúo' LanDios.

14 Petsi naihuejpa' hi'Espíritu LanDios, iŕniya inaxque' LanDios.

15 Luyaipa quitine micuxelhuo' lixcay, iŕe lataiqui' loya'apa locuxepa LanDios ticuxecolhúo'. Toŕsueŕcoyi, toŕcuayi: "Aŕteŕ'mi'monga' LanDios". Itsiya joupa olapenufpá cal Espíritu Santo. Iŕque aimepi'iyacolhúo' toŕta'a loŕpixhujma'. Lolapenufpa iŕque cal Espíritu LanDios epenufpolhúo' to quinaxque'. Maŕque cal Espíritu aŕmuc'inga' te ts'i'ic' lacui'i'me LanDios. Aŕmiyi: "Ima' mai'Ailli'".

16 Maŕpe laŕunxajma' aŕsingufyoŕtsi inaxque' LanDios. Ma' anuli lu'inga' cal Espíritu Santo.

17 Maŕmana' fa'a li'a lamats' ja'ni illanc' inaxque' LanDios linca pu'hua LanDios lapi'itonga' iŕe lapi'iyacola' linaxque'. LanDios

joupa imetsaicopa hi'Hua, iŋque Cristo. Illanc' jouc'a limetsaico-tonga'. Fa'a ja'ni laŋtelcopa ti'onŋcospa to liteŋcopa Cristo, pu'hua jouc'a aŋ'onŋcotonga' to Cristo, aŋaŋsufcotonga' LanDios.

18 Itsiya litine aicaŋsina' te ts'i'ic' al c'a lalapi'iyaconga' LanDios. Linca, acueca' juaiconapa iŋe laŋ'iyaconga' pu'huanni. Ita'a laŋtelcopa itsiya litine aimi'iya maŋ'onŋcoyacu al cueca' al c'a lalapi'inyaconga'.

19 Fa'a li'a lamats' jahuay lilanc'epa LanDios tocomma to ticuitsufyi, tinesyi: “¿Te quitine aŋsim'mola' iŋniya linaxque' LanDios lolaitsufcoyacula'? ¿Te quitine aŋsim'mola' te ts'i'ic' iŋniya?”

20 Linca, itsiya jahuay lilanc'epa LanDios i'huáqui eteŋquenamma. Iŋe litine LanDios liteŋ'mipa cal xans ni'epa quixcay jouc'a iteŋ'mipa jahuay lilanc'epa. Tama ailopa'a qui'epa, eteŋquenamma. A'i nulemma queteŋqueya. Aimipaneya toŋta'a.

21 Itsiya linca lamaya ti'huajcola' jahuay. Ailopa'a cunŋuya. Juaiconapa acueca' al c'a lo'e'eyacula' linaxque' LanDios. Tunŋu'e'mola'. Lamaya aimi'huajcoconayacula'. Lilanc'epa LanDios jouc'a tulij'ma lamaya, aimiminscoconaya.

22 Aŋsina' aiqui'ic' toŋta'a. Itsiya jahuay lilanc'epa LanDios tocomma to titeŋma acueca' cumla. Lo'ipa ti'onŋcospa to loteŋcopa laca'no' nocuaiya hi'hua. Iŋque acueca' cumla titeŋco'ma.

23 Illanc' jouc'a lumlequina'. Aŋteŋcoyi jilpe laŋunxajma' ma cal'huaijma LanDios lapenuŋtsonga' to inaxque', aŋaŋsufcotonga'. Iŋiya litine aŋsim'moŋtsi joupa lunŋu'eponga' jouc'a laŋcuerpo. LanDios joupa lapi'iponga' cal Espiritu Santo, toliya aŋsina' laŋ'iyaconga' toŋta'a.

24 Linca, aimi'iya maŋesyacu: “Joupa i'ipa. Joupa lunŋu'eponga' jouc'a laŋcuerpo.” Tehue'e'. Ja'ni lunŋu'etsonga' ticuicomma aŋ'huaicote, aŋesle: “Al linca toŋta'a lo'iya”. Coŋa' joupa aŋsimpá li'ipa, ¿te cal'huaicocoyacu? A'i. Ailopa'a cal'huaicoyacu.

25 Ja'ni aŋsina' tehue'e', aŋsina' aiqui'ic', ma' aŋsnet'i'me, aŋ'huaico'me lo'iya.

26 Illanc' a'i caŋtuca' aŋsnet'i'yi. Cal Espiritu Santo aŋtoc'inga'. Illanc' caŋtuca' ailopa'a cal'eyacu. Aicaŋsina' te caŋsahue'eyacu LanDios. Aimi'iya maŋsa'hueyacu. Aŋsingufcoyi aŋteŋcoyi jilpe laŋunxajma'. Ailopa'a caŋtaiqui'. Cal Espiritu Santo aŋtoc'inga'. Iŋque linca tixa'hue'ma LanDios titoc'itsola' lixanuc', iŋniya ma' i'huexi LanDios.

27 LanDios lahuelonginga' xonca lemiya jilpe laŋpicuejma'. Iŋque ixina' te loxahue'epa cal Espiritu Santo. Imetsaijma ac'a lipicuejma'. Iŋque cal Espiritu tixahue'e'ma latentcocoaya LanDios.

28 Illanc' nał'epá capic'a ŁanDios, iłque ałjoc'iponga'. Ma' iłque ŁanDios joupá ixpic'epa te ts'i'ic' al c'a lał'iyaconga'. Itsiya ałsina' jahuay ałtoc'inga'. Ja'ni ac'a o ja'ni a'ijc'a laluyalaicoyacu, ma le'a al c'a ał'e'monga'. Ailopa'a cał'eyaconga' lixcay.

29 Ai'a ałmajnlita ŁanDios alimetsaicoponga'. Joupá ixpic'epa te ts'i'ic' lał'iyaconga'. Ixplic'epa ałłanc'e'etsonga' lałpicuejma'. Ti'ila' to lipicuejma' hi'Hua, ał'onłcotonga'. Ti'ila' cal Cristo ałpima; iłque cal Te'a, illanc' ipepohue. Tołta'a ti'i'mola' axpela' lipimaye.

30 Ai' ma le'a ixpic'epa te ts'i'ic' iłe lał'iyaconga', jouc'a ałjoc'iponga' lihuejle. Ai' ma le'a ałjoc'iponga', jouc'a lapenufponga' to ailopa'a całjunac'. Ai' ma le'a lapenufponga' to ailopa'a całjunac', jouc'a limetsaicoponga' inaxque', ałłaitsufcotonga'. Jiłpe litine linca ałłanc'e'etonga' lałpicuejma', ti'ila' ma to lipicuejma' ŁanDios, pangay c'a.

31 Itsiya ¿te całnesyacu? Ja'ni tołta'a ał'nujuaitsinga' ŁanDios, iłne petsi nał'eponga' laic', ¿te cał'e'eyaconga'?

32 ŁanDios ni hi'Hua quixina' cuanuc'. Icupa tima'anłe, ti'najtsełá' lixcay lał'epa jahuay illanc'. Ja'ni tołta'a lapi'iponga' iłque Łalunlu'eyaconga', ¿te aimalapi'iyaconga' jahuay lalahue'eponga'?

33 Illanc' nał'huijf'eponga' ŁanDios, ¿naitsi nałcufyaconga'? ¿Ja'ni ŁanDios? Ai'. Ma ŁanDios alapenufponga' to ailopa'a całjunac'.

34 ¿Naitsi nalacani'eyaconga'? ¿Ja'ni Jesucristo iłque nimapa? Ai'. Iłque imaf'inapa. Itsiya tipa'a pu'hua al c'a camane ŁanDios. Jiłpe tixa'hue ŁanDios ałtoc'itsonga'.

35 Cristo ał'enga' capic'a. ¿Ja'ni ti'i'ma lanaj'monga'? Ai', aimi'iya. Ni lał'iyaconga' o lał'iponga' mi'iya. Ja'ni ałtełcole, ja'ni lapajnya ałsinte ipime, ja'ni ałteł'mintsonga', ja'ni lumlejma, ja'ni lahue'etsonga' całpijahua', ja'ni ti'ila' caxpaiqui', ja'ni ałma'antsonga', ailopa'a calanajyaconga' Cristo.

36 To loya'apa al Paxi Linilingiya ma tołta'a luyalaicoyi. Iłe lataiqui' ticua:

Illanc' lalihuejhuo' ima', ałsinninga' to lam mot'ł, iłne li'huijf'empola' tima'am'mola'.

37 Ma al linca iłiya lataiqui'. ¿Te co'iya? Ałsina' Cristo ał'enga' capic'a. Iłque ałtoc'inga'. Tołta'a jahuay lał'iyaconga' lulij'me. Ailopa'a cał'eyaconga'.

38 Iya' cacua: Joupá aixina' aimi'iya malanajyaconga' Jesucristo, ni lamaya, ni lapajnya, ni lapaluc' quema'a, ni lontanhue iłpujfxi acueca', ni lo'ipa itsiya, ni lo'iya locuaicoya,

39 ni lopa'a al toncay lema'a, ni lopa'a al 'ocay łamats'. Petsi lilanc'epa ŁanDios ailopa'a calanajyaconga' Jesucristo lałPoujna, iłque nałmuc'iponga' te ts'i'ic' mał'enga' capic'a ŁanDios.

9

1-3 Iya' camilhuo' caxhuełmot'le juaiconapa. Itine itine tocomma to lumlequi jilpe łainunxajma'. Iya' ca'nujuaitsila' laipimaye, ilne laif'as xanuc' judío. Tołta'a laifnespa aicafellaique. Tołe ixina' Cristo, ilque łainihuequi. Jouc'a cal Espıritu Santo alpalaic'o jilpe laipicuejma', almi: "Ma' al łınca ille lofcuapa". Iya' cacua: Coła' alcuanaç'eta' Cristo ja'ni tołta'a tunłul'me ilne laipimaye.

4 Ilne lun Israel acueca' lipaxnepola' ŁanDios. Imetsaicopola' inaxque'. Małque ŁanDios imuj'moxi pe lomana' ilniya. Imaneconca litaiqui', epi'i'mola' litaiqui' loya'apa locuxepa. Imuc'i'mola' te lo'eyacu jilpe lejut'ł ŁanDios. U'i'mola' litaiqui' licupa, ticua: "Tołe, tołe catoc'i'molhuo'".

5 Ilne lixanuc' Israel alłatahueló illanc' ninc'ijudío. Jouc'a itatahueló Cristo lipajnta fa'a li'a łamats'. Ilque Cristo ma' anDios, jahuay ticuxe. Ma' ilque laxc'onłingołaiłe. Ocuena aimi'iya malaxc'onłingołaiyacu. Ni itsiya ni Locuena Quitine. Tołta'a ti'ila'. Amén.

6 Itsiya, łte qui'ipa? Tocomma to ŁanDios aiquenant'li limipola' ilniya lun Israel. A'i. Ma tenant'li. Petsi alınca ixanuc' Israel ilniya tepenufyi litaiqui' ŁanDios. Locuenaye pe aiquilepenufi, tama anuli łıłtatahuelo, ilne a'i quixanuc' Israel, a'i quixanuc' ŁanDios.

7 Ma tołta'a li'ipola' linaxque' Abraham. Ilne tama le'a anuli quił'ailli', ilque Abraham, ŁanDios aiquimetsaicola' jahuay ilniya. Timi Abraham: "Quimetsaico'ma Isaac. Ilque ma' o'hua."

8 Ille łataiqui' almuç'inga' naitsi ilne alınca inaxque' ŁanDios. Lan xanuc' nomajnlispa fa'a li'a łamats' ŁanDios aiquimet-saicola' jahuay to quinaxque'. Ma le'a ilniya nomajnliconspá, ilne tipa'a al ts'e liłpitine, małne inaxque' ŁanDios. Ti'onłcospa to Isaac. Abraham a'i quituca' mixpic'e ti'ila' ilque qui'hua. Ma ŁanDios icupa cataiqui' ti'ila'.

9 Tołta'a litaiqui' ŁanDios limipa Abraham lu'ipa lo'iya, ticua: "Litine laixpic'epa iya' cacuaiyoconno, łopeno Sara tipo'no'ma li'hua".

10-12 Ma' anuli li'ipola' linaxque' Rebeca. Ilniya loquexi', lan cuatsi, anuli quił'ailli'. Ilque łalłatahuelo Isaac. Ilniya mimana' licu'u Rebeca, ai'a timajnlita, aiquił'aic' ni al c'a ni lixcay, ilniya łitiné ŁanDios timi Rebeca: "Łapepo, ilque łopajnya lijoujma, ticuxe'ma lipima".

Jilpe ŁanDios timuqui te ts'i'ic' lo'epa. Ilque quituca' tixpic'e naitsi ilne ti'itsola' lixanuc'. Tołta'a aimi'iya minesyacu: "Iya' ac'a lai'ejma', tołiya al'huijł'epa ŁanDios". A'i. ŁanDios quituca' ti'huijł'e'mola' lixanuc'. Ilque aiquipai'i lipicuejma'. Ma' anuli ti'hua ti'ay.

13 Al Paxi Linilingiya tuya'e' tołta'a li'ejma' ŁanDios, ticua: "Jacob ai'epa capic'a, Esaú ai'epa caipilaic".

14 Itsiya, ¿te cañesyacu? ¿Ja'ni a'ij łijca lo'epa ŁanDios? A'i. Aimi'iya mañescoyacu tołta'a.

15 ŁanDios timi Moisés: "Iya' catoc'i'ma petsi aipic'a catoc'ıla'. Caxim'ma cuanuc' petsi aipic'a caxinła' cuanuc'."

16 Tołta'a ałsinyi aimi'iya małspic'eyacu te ts'i'ic' cał'e'eyacongala' ŁanDios. Aimi'iya malipa'ayacu cafxi malulijyacu tołta'a małpaxneyacongala' ŁanDios. Ma ŁanDios quituca' tixpic'e naiłne loxinyacola' acuanuc'la.

17 Ma' anuli loya'apa al Paxi Linilingiya locuapa limipa ŁanDios cal rey Faraón. Timi:

Iya' camuc'i'mola' lan xanuc' acueca' laif'epa.

Ni petsi lomana' li'a łamats' ti'ıla' quiłsina' ma' iya' NanDios.

Tołta'a aifajpo' ima', nepi'ipo' lopenic', aixpic'epa te ts'i'ic' lof'eya.

18 Jiłpe ałsinyi li'ejma' ŁanDios. Iłque petsi ipic'a titoc'ıla' ma titoc'i'ma. Petsi ipic'a ti'ıla' axna lipicuejma' ma ti'i'ma axna.

19 Itsiya, ¿te aga ałmi'ma: "Ja'ni tołta'a li'ejma' ŁanDios, ¿te co'icopa aimalatenłcocongala' illanc' lał'ejma'? ¿Te illanc' całtuca' ałspic'e'me te ts'i'ic' lał'iyaconga'? A'i. Aimi'iya."?

20 Aimonos'ma tołta'a. ¿Te totalai'ot'le'ma ŁanDios ima' ma' unxans? ¿Te ja'ni łilanc'empa ti'i'ma titalai'e'ma iłque łilanc'epa? A'i. Aimi'iya.

21 Łintałpa capixú małque quituca' tixpic'e te ts'i'ic' mix-huicoya lipixitsqui. Małque lipixitsqui tilanc'eco'ma oque' łapixú. Anuli acueca' lipitali, locuena ni naiłsi capixu.

22 Ima' totalai'ot'le'ma ŁanDios, aimetenłcocohuo' iłque li'ejma', iya' camihuo': Ima' aimocueca lo'epa ŁanDios. Iłque joupa ixpic'epa titeł'mitsola' iłne laixtuc'opola'. Joupa ixpic'epa timuj'moxi ma' anDios. Tama joupa ixhuaita acueca' li'epa lixcay, ŁanDios ti'hua ticołi. Aiquecani'ela' nulemma. Tixnet'łqui.

23 Linca aimocueca iłe lo'epa ŁanDios. Iłque jouc'a tipa'a lo-muc'iyacola' lan xanuc'. Iłne lixanuc' loximpola' acuanuc'la. Joupa ixpic'epa titoc'itsola', tilanc'e'e'mola' liłpicuejma', tilait-sufcotsola'. Joupa ixpic'epa timetsaicołe juaiconapa acueca' CanDios.

24 Iłe laifnespa: "... lixanuc' ŁanDios", canescola' jahuay iłne petsi łijoc'ipola' ŁanDios. Ja'ni ninc'ijudío, ja'ni unc'ocuenaye xanuc', ma' anuli ŁanDios ałjoc'iponga'.

25 Jiłpe lije'e cal profeta Oseas, ŁanDios tipalaicola' locuenaye xanuc', iłne a'ij judío, ticua:

Ticuaihuo litine cami'mola' locuenaye xanuc': "Imanc' aix-anuc'".

Itsiya litine a'i caixanuc' iłne.

Itsiya iñe lan nación aimalatenłma aicapenufila' liłxanuc'.
Ticuaihuo litine camì'mola' iñe locuenaye nación:
“Ca'elhuo' capic'a, capenuf'mola' lołxanuc”.

²⁶ Jouc'a ticua:

Petsi timila': “Imanc' a'i quixanuc' ŁanDios”,
małpiya tecui'im'mola': “Iñe inaxque' ŁanDios Łimaf'i”.

²⁷ Cal profeta Isaías tuya'e' lo'iyacola' lan xanuc' Israel,
ticua:

Tama axpela' lan xanuc' Israel,
tama ti'onłcospola' to cal cuixa łopa'a łema caja,
ma le'a ahuata lonłulyacu.

²⁸ ŁanDios łalPoujna joupá ixpic'epa ti'e'ma al cueca' fa'a li'a
łamats'.

Ma to licuapa, tołta'a ti'e'ma, ti'e'ma nulemma.

Tixhuai'ni'ma iñe litaiqui' licuapa.

²⁹ Jiłpe lije'e Isaías ai'a tuya'a'ma tołta'a lo'iya, ticua:

ŁanDios, iłque jahuy ticuxe, aiquijou'ne nulemma lañnación.

Timanemma to oquexi' afantsi lañmaxque'.

Ja'ni a'i, coła' lał'iyaconga' ti'onłcota to li'ipola' liłelotya' Sodoma
y Gomorra.

Iñiya liłelotya' ejac'mola' nulemma jouc'a liłxanuc'.

³⁰ Itsiya, ¿te cañescoyacu xonca? ¿Te qui'ipola' lan xanuc'
a'ij judío? Luyaipa quitiné iñe lan xanuc' aiquiłsina' locuxepa
ŁanDios. Aimehueyi te co'iya mixinyacola' ŁanDios to lan c'a
xanuc'. Aimecuis'eyołtsi: “¿Te cał'eyacu ałsintsonga' tołta'a?”
Itsiya petsi no'huaiyimpá Jesucristo, ŁanDios tepenufila' to
ailopa'a quiliłjunac'.

³¹ Lan xanuc' judío, iñe lixanuc' Israel, ¿te qui'ipola' iñiya?
Iñe iłsina' al c'a locuxe'epola' ŁanDios. Tixhueyi iñe litaiqui'.
Tehueyi te co'iya ŁanDios mixinyacola' to ailopa'a quiliłjunac',
tepenuftsola'. ŁanDios aiquixinnila' tołta'a. Aiquepenufile'.

³² ¿Te qui'icopola' tołta'a? Iñe aimi'huaiyijnyi ŁanDios.
Małpe liłpicuejma' ticuayi: “Iñanc' ninc'ic'a xanuc'.
Lanant'li'me całtuca' iñe lałcuxe'eponga' ŁanDios. Tołta'a ailopa'a
całjunac'. Lapenuf'monga'.”

Iñe imenaj'mola'. Jiłpe litaiqui' ŁanDios, tuya'e' tipa'a “...
anuli łapic łoc'uilitsufcopola' lan xanuc”. Iñe lan judío liñca
uc'ui'e'mola'.

³³ Tołta'a loya'apa al Paxi Liniliñgiya, ticua:

¡Tołsinte!

Jiłpe liłya' Sión capo'no'e anuli łapic petsi tuc'uilitsufco'mola'
lan xanuc'.

Jiłpe cal cueca' capic liñca tixcai'e'mola'.

Cal xans no'huaiyijmpa iłque, liñca ailopa'a co'iya, aimix-
huełcoconaya.

10

1 Cunc'aipimaye, jahuay łainunxajma' cacua: “Tuntul—le lun Israel”. Tołta'a laifxa'huepa ŁanDios.

2 Ihe tama tixoqui quileta tihuejyi ŁanDios, aiquilšina' te ts'i'ic' latentłocoya ŁanDios.

3 Aiquilcueca lu'ipola' ŁanDios. Iłque joupa uya'apa, u'ipola' naitsi ihe lan xanuc' loxinyacola' to ailopa'a quiljunac', tepenuf'mola'. Ituca' lonespa lun Israel. Ticuayi: “Łanant'hi'me locuxepa ŁanDios. Tołta'a ałsim'monga' ninc'ic'a xanuc', lapenuf'monga'.” Toliya aimihuejcoyi ŁanDios. Iłque joupa icuapa lo'eyacu lan xanuc' ja'ni tepenuftola' to ailopa'a quiljunac'.

4 Ma le'a Jesucristo enant'lipa lataiqui' loya'apa locuxepa ŁanDios. Lan xanuc' aimi'ya menant'hiyacu. Toliya petsi no'huaiyijmpá Cristo ma' iłniya ŁanDios tepenufla' to ailopa'a quiljunac'.

5 Jiłpe litaiqui' liniliya Moisés titalai'e cal xans nocuapa: “Canant'hi'ma locuxepa ŁanDios, tołta'a ałsintł' ninc'a xans, lapenuf'ma”. Moisés timi: “Ne', tanant'łiła' locuxepa ŁanDios, tołta'a toyaico'ma al c'a”.

6 Cal xans nonespa: “Aimi'ya canant'liya, le'a ca'huaiyijm'ma ŁanDios”, ituca' lotalai'e'epa Moisés. Timi: “Aimones'ma: ¿Naitsi nof'ajya ticuaita lema'a?” ¿Te ja'ni tolecota Cristo timunni? A'i. Joupa i'huamma fa'a li'a łamats'.

7 Jouc'a timi Moisés: “Ni aimones'ma, ¿Naitsi naimuya, ticuaita pe lomana' lamizhua?” ¿Te ja'ni taipa'ata Cristo jiłpiya? A'i. Joupa imaf'inapa, ipanamma.

8 Ja'ni to'huaiyinge ŁanDios, Moisés timihuo': “A'ij culi' iłe lataiqui' lofmihuejya. Jiłpe łomunxajma' to'ay łınca. Tonesqui.” Ma iłe lataiqui' illanc' laluya'apa. Lu'iyaleyi: “iToł'huaiyijnle!”

9 Lu'iyaleyi: Ja'ni tonesla': “Jesús ma' anDios”, ja'ni jiłpe łomunxajma' tocuca: “Łınca ŁanDios imaf'i'inapa, ipa'anapa pe lomana' lamizhua”, ŁanDios tunłu'e'mo'.

10 Ticuicomma jahuay łomunxajma' to'huaiyijnla' ŁanDios. Tołta'a ŁanDios tepenuf'mo', tixim'mo' to ailopa'a cojunac'. Jouc'a ticuicomma tonesla': “Jesús ma' anDios”, tijoułta' ŁanDios tunłu'e'mo'.

11 Al Paxi Linilijya ticua:
Petsi no'huaiyijmpá, iłniya aimixinyacu calaic'ata,
aiminesyacu: “ŁanDios ałfel'mipa”.

12 ŁanDios tixinnila' ma' anuli lan xanuc'. Ja'ni ajudío, ja'ni a'ij judío, ma' iłque iłPoujna jahuay. Acueca' titoc'ila' iłne petsi nojoc'ipá. Aimecuanajyoxi.

13 Al łınca loya'apa lataiqui' locuapa:
Lan xanuc' nojoc'ipá, nomipá: “MaiPoujna, ałtoc'ila'”,

jahuay ihniya tuntul'me.

¹⁴ Ja'ni aiquil'huaiyinge Cristo, ¿nai cojoc'iyacu? Ja'ni aiquilsina' naitsi ilque, ¿nai co'huaijnyacu? Ticuicomma tuya'ate. Ja'ni a'i, ¿te co'ya mi'ya quilsina'?

¹⁵ Ja'ni ailopa'a commenyacola', ¿nai notseyacu, noya'ayacu? Al Paxi Linilingiya tinescola' noya'apá, ticua:

Tixoj'ma calata lapenuf'mola' noya'apá Lataiqui'.

Ihe Lataiqui' tuya'e' ile al c'a loxpíc'epa ÑanDios.

¹⁶ Linca, petsi noquimf'epá Lataiqui' a'i jahuay mihuejcoyi.

Tofta'a cal profeta Isaías timi ÑanDios, ticua:

MaiPoujna, ¿naitsi lepenufpa laluya'apa?

Tocomma to ailopa'a quilepenufi.

¹⁷ Cagua: Ticuicomma ate'a tiquimf'ete Lataiqui', tijoula' ti'huaiyijnle Jesucristo. Petsi timetsaicoyi Lataiqui' ma' itaiqui' Cristo, ihniya ti'huaiyijm'me.

¹⁸ Itsiya, ¿te qui'ipola' lun Israel? ¿Ja'ni aicu'innila' ihe? Linca u'im'mola'. Toftiya loya'apa al Paxi Linilingiya, ticua:

Ni petsi li'a lamats' uya'apa Lataiqui'.

Ihe noya'apá, liltaiqui' icuaita xonca aculi' li'a lamats'.

¹⁹ Cagua: Ihe lun Israel, ¿te aiquilsina' tofta'a lo'ya? Linca ilsina'. Moisés uya'apa lo'ya, tuya'e' lonespa ÑanDios, ticua:

Itsiya imanc' aicolimetsaicola' locuenaye xanuc'.

Toftnescola', toftcuayi: "Ihniya amac'ta, aiquil'cueca".

Pe loñescompola' tofta'a iya' ca'e'e'mola' al c'a,

tijoula' imanc' aimetencoyacolhuo' laif'eya, tolix tulecu.

²⁰ Isaías xonca al cuajmaica cataiqui' tuya'e' lonespa ÑanDios, ticua:

Lan xanuc' petsi aimalahuay, ihe alsinnapa.

Petsi aiquilicuitsufi: "¿Pe copa'a ÑanDios?",

jilpiya aimuj'moxi, mañiya alsinnapa, limetsaiconapa.

²¹ ÑanDios ituca' lonescopola' lan xanuc' Israel, ticua:

Jahuay litine cajoc'ila' ihniya lan xanuc'.

Ca'niquila' laimane', camila': "¡Tonfouyunca!"

Ihniya aiquilcuac', aimalihuejma'.

11

¹ Cagua: ¿Te qui'ipola' lun israelita, ihe lixanuc' ÑanDios? ¿Te ja'ni ecani'epola' nulemma? A'i, tofta'a aimi'ya. Iya' jouc'a nin'israelita, aixinyoxi i'hua Abraham, lixanuc' Benjamín aitatahueló.

² Ihe petsi alinca ixanuc' ÑanDios imetsaicopola' ai'a timanjnilita. Aimi'ya mecani'eyacola'. ¿Ja'ni aicoñsina' loya'apa al Paxi Linilingiya? ¿Aicoñsina' jilpe lonescopa li'ipa cal profeta Elías micufquila' lixanuc', ihe ixanuc' Israel? Tijoc'i' ÑanDios, tixa'hue titoc'ila', timi:

3 “MainenDios, maiPoujna, ¡Toxinla' lo'epa iñe lan xanuc'! Ima'apá lo'profeta, ummetsaipá lo'altar. Iya' caituca' aimaf'i, iya' lahuenno aña'a'ma.”

4 LanDios, ¿te quitalai'e'eco'ma Elías? Timi: “A'i, aimopa'a cotuca'. Iñmaf'i' tixhuaispola' ocuenaye acaitsi mil lan xanuc'. Ainaquila', iñe ai'huexi, a'i quilexc'ontingoñaic' cal ídolo Baal.”

5 Ma itsiya toñe ti'i. Itsiya pe lomana' lan xanuc' Israel tñmana' hualca iñniya añinca ixanuc' LanDios. LanDios itoc'ipola', i'huijf'epola'.

6 LanDios quituca' tixpic'e nai lotoc'iyacola', nai lo'huijf'eyacola'. Iñe notoc'iyacola' aimicuicomma ate'a mi'e'me al c'a, tijouña' ti'huijf'e'mola'. A'i. Ja'ni toña'a lo'epa LanDios coña' aimitoc'iyacola' lixanuc', ma' le'a ti'najtse'mola' lo'epa al c'a.

7 Itsiya, ¿te qui'ipa? Lixanuc' Israel tama tehueyi te co'ya mepenufyacola' LanDios, aiqixim'me. Hualca ñinca ixim'me. Pe niximpá iñe li'huijf'epola' LanDios. Locuenaye i'ipa axna lilunxajma'.

8 Li'ipola' ma to loya'apa al Paxi Lininigiya, tuya'e': LanDios i'e'epola' muf liñpicuejma', i'e'epola' afohue, atañpe. Ma toña'a tuyalaicoyi itsiya litine.

9 Cal rey David jouc'a tinescola' iñniya, ticua: Lan xanuc' ni'epá lixcay, iñe notel'mipá liñ'as xanuc', ma toña'a ti'e'em'mola' iñniya. Ma mitetsoyi ticuaitsa no'epá laic', ti'noñintsola'.

10 Timufc'otsola' liñ'u', aimixim'me, tuliquintsola' no'epá laic', ti'hua ticuxenaisola'.

11 ¿Te ja'ni cacua: Iñniya lixanuc' Israel joupa imenajpola'? ¿Te LanDios ecani'epola' nulemma? A'i toña'a laifcuapa. Ñinca iñe aiqilñueca, aiqilihuequi loxc'ai'ipola' LanDios. Toñiya LanDios epi'ipola' lane locuenaye xanuc' tihuejle, tuntul—le. Tijouña' iñe lixanuc' Israel tixim'me al c'a li'ipola' locuenaye xanuc', ticua'me: “Iñanc' jouc'a añ'e'entsonga' iñe al c'a”.

12 Lixanuc' Israel aiqilihuequi LanDios, toñiya LanDios acueca' tipaxnela' lan xanuc' ni petsi lomana' li'a ñamats'. Itsiya iñe lixanuc' Israel tehue'ela', toñiya acueca' al c'a lulijpa locuenaye lan xanuc'. Tijouña', ticuaitsi litine LanDios tipaxneconatsola' iñe lun Israel, tepenufconatsola', ¿te co'ya? Ñinca xonca al c'a lo'iya.

13 Itsiya capalaic'olhuo' imanc' unc'ocuenaye xanuc'. Toñe ca'ay ñanic' lalapi'ipa LanDios. Iya' oñ'apóstol. LanDios lum-mepa cu'itsolhuo' Lataiqui'. Cu'itsolhuo' jahuay imanc' a'i cunc'ijudío. Toña'a laif'epa.

14 Cacua: Laif'as xanuc' judío ti'ila' quilsina' te ts'i'ic' li'ipolhuo' imanc', aga tinesle: "Illanc' jouc'a lapenufle ite al c'a", tijoula' aimecani'eyacola'.

15 LanDios lecanaipola' itne lan xanuc' Israel, locuenaye lan xanuc', ni petsi lomana' li'a lamats', epi'ipola' lane tiye-jmalele LanDios. Itsiya litine itne lun Israel tocomma to lomanapola'. Ticuaiti litine tepenufconatsola' LanDios, linca timaf'i'ina'mola'.

16 Linca LanDios tepenufcona'mola'. La'i lolanc'ecoyacu cal ts'e trigo ja'ni titsufconle LanDios tutani tax'e, a'i ma le'a ite tax'e i'huexi LanDios, hipanemma tax'e jouc'a i'huexi. Anuli al 'ec, ja'ni lime i'huexi LanDios himané ite al 'ec jouc'a i'huexi LanDios.

17 Itne lixanuc' Israel, LanDios ti'onhicola' to lifapa al 'ec, ite al c'a al 'ec olivo jouc'a himané. Imanc' unc'ocuenaye xanuc' ti'onhospolhuo' to himané al ximalo olivo. LanDios ihonc'e'epola' hualca himané ite li'olivo, ma jilpiya ifinc'ipolhuo' imanc'. Tenef'molhuo' petsi ite al c'a olivo. Itsiya, imanc' jouc'a i'e'epolhuo' imané al c'a olivo. Ite al c'a lime lujay titoc'elhuo'.

18 Aimocua'me: "Iya' xonca ninc'a. Itne himané olivo lihonc'e'epola' LanDios, itne a'ijc'a." Ja'ni tohta'a tohnesyi tocomma to imanc' tohtoc'eyi lime. A'i. Lime titoc'elhuo' imanc'.

19 Aga tolcua'me: "LanDios lihonc'epola' himané olivo ipic'a afinc'ita', lanef'la' jilpe".

20 Ne'. LanDios ihonc'epola' ihniya petsi aimi'huaiyijnyi. Imanc' ifinc'ipolhuo'. Ma' mol'huaiyijnyi tohmanecu jilpiya. Itsiya aimol—lof'e'moltsi. Tol'etsoltsi cuenna.

21 LanDios itel'mi'mola' itne ma himané olivo, itne tenef'pá lime. Aiquixinnila' acuanuc'la. Imanc' ja'ni aimi'hua mol'huaiyijnyi, ¿te aimitel'miyacolhuo'? Linca titeh'mi'molhuo' jouc'a.

22 Ite lo'epa LanDios timuqui te ts'i'ic' lipicuejma'. Itque tixina cuanuc', jouc'a ti'i'ma tixtu'hua. Petsi lenajpołtsi, aimihuejconayi, ihniya ixtuc'o'mola'. Imanc' a'i. Iximpolhuo' unc'icuanuc'la, itoc'i'molhuo'. Ja'ni ti'hua tolihuejcoyi LanDios, itque pe joupá iximpolhuo' unc'icuanuc'la, małque LanDios ti'hua titoc'i'molhuo'. Ja'ni aimolihuejconayi tetec'e'e'molhuo'.

23 Ihniya lihonc'epola', ja'ni aimihuejcona'me lixcay cane, ja'ni tehuejcona'me LanDios, itque tifinc'icona'mola', tenef'cona'mola'. LanDios linca nipajnya ti'e'ma tohta'a.

24 Itne loquej lan olivo ituca' ituca' lihsans. Anuli aximalo, locuena al c'a olivo. Imanc' ma mi'onhospolhuo' to himané al ximalo olivo LanDios etec'e'ena'molhuo', ipa'apolhuo', enef'polhuo' jilpe al c'a olivo. Ja'ni ite lipime joupá i'epa LanDios, ¿te aimi'ya mi'eya ja'ni a'i quipime? Linca, ti'i'ma. Ti'i'ma tifinc'icona'mola' jilpe lih'ec ihniya ma himané al c'a olivo.

25 Cunc'aipimaye, ma caŧuca' laŧpicuejma' aimi'ya maluhuaŧyacu iŧe lataiqui' lonescopa li'ipola' lixanuc' Israel. LanDios linca aŧmuc'inga'. Aipic'a ti'ila' coŧsina' te ts'i'ic' li'ipola' iŧne lan xanuc'. Ja'ni a'i, aga toŧcua'me: "Illanc' xonca ac'a laŧpicuejma', xonca aŧsina'".

Itsiya lixanuc' Israel le'a huata iŧniya iŧsina' te ts'i'ic' lo'eyacu ja'ni tetenŧcocoŧa' LanDios lo'epa. Locuenaye li'ipola' axna liŧpicuejma'. Ticuaiyunni litine tixhuai'nitsola' iŧne a'ij judío pe no'huaiyimpá Jesucristo, iŧne lun Israel jouc'a tilanc'e'e'mola' ac'a liŧpicuejma', ti'huaiyijm'me.

26 Toŧta'a tunŧul'me jahuay lixanuc' Israel. Toŧta'a loya'apa al Paxi Lininŧingiya, tuya'e' lonespa LanDios, ticua:

Lonŧu'eyacola' lixanuc' Jacob tipaiyohuo laipitya' Sión.

Tipai'i'mola' iŧniya liŧpicuejma', alihuejcona'ma.

27 Toŧta'a tenanŧ'ma laitaiqui' aŧmaneconca.

Iya' quiŧonc'e'ena'mola' liŧjunac'.

28 Iŧne, ma' aimihuejyi Lataiqui' loya'apa iŧe al c'a lixpicepa LanDios, iŧque aimepenufila'. Xonca tepenufilhuo' imanc'. Linca aiquecanai'ila' nulemma. LanDios ti'hua ti'nujuaitsila' iŧne lixanuc', joupa i'huif'epola' liŧtatahueló.

29 LanDios aimipai'i lipicuejma'. Ja'ni joupa icupa cataiqui', iŧe lepi'ipa aimixic'eya. Iŧque petsi lijoc'ipa aimetets'iya.

30 Imanc', luyaipa quitine aimolihuejyi LanDios. Itsiya tolihuejyi. Iŧne lixanuc' Israel aiqulihuequi. Toŧiya LanDios xonca iximpolhuo' unc'icuanuc'la, epenufpolhuo'.

31 Linca, itsiya litine iŧne lixanuc' Israel aimihuejyi, toŧiya LanDios iximpolhuo' unc'icuanuc'la imanc'. Tijouŧa' jouc'a iŧniya tixim'mola' acuanuc'la.

32 Ja'ni lixanuc' Israel, ja'ni locuenaye lan xanuc', jahuay ma' anuli aiqulihuequi LanDios, iŧque joupa iximpola' jahuay axpennaiqui. Toŧta'a ja'ni lixanuc' Israel, ja'ni locuenaye lan xanuc', ma' anuli nipajnya ti'i'ma tixim'mola' acuanuc'la LanDios.

33 Cagua: ¡Acueca' juaiconapa LanDios! ¡Acueca' juaiconapa lipicuejma'! ¡Acueca' juaiconapa lixina'! Aimi'ya mixinyacu te ts'i'ic' loxpicepa, ni minesyacu: Toŧe, toŧe lo'eya.

34 ¿Te anuli cal xans ixina' te ts'i'ic' lipicuejma' LanDios? ¿Te anuli cal xans i'epoxi lipomxi LanDios? ¿Te timuc'inni LanDios?

35 O ¿te ti'i'ma lapi'i'me LanDios, tijouŧa' aŧ'najtse'e'monga'? A'i aimi'ya.

36 Jahuay lopa'a LanDios ixpic'epa ti'ila', timajnle, jahuay ma' i'huexi, iŧque aPoujna. Ma' iŧque tix'najtsi'inŧe, timetsaconŧe cal Cueva'.

Toŧta'a ti'ila' itsiya litine, Locuena Quitine jouc'a. Amén.

12

1 Cunc'aipimaye, toł'nujuaisle ŁanDios liximpolhuo' unc'icuanuc'la, itoc'ipolhuo' acueca'. Tołta'a caxa'huelhuo' tołtsufco'mołtsi ŁanDios. Itine itine ma colmafi'i tołsim'mołtsi i'huexi ŁanDios, tolihuejco'me. Loł'ejma' tetenłcocola' ŁanDios. Tołmuj'me tolihuejyi jahuay łolunxajma'. Tołta'a, ŁanDios tepenuf'molhuo' molaxc'onłingolaiyi.

2 Camilhuo': Aimolihuej'me lił'ejma' lan xanuc' naihuejpa' quiltuca' liłpicuejma'. Tołspic'ete tonł'ete ituca'. Tołta'a ti'i'ma colcina' te ts'ipic'a ŁanDios. Iłque tixpic'e'ma ma le'a al c'a, tixpic'e latenłcocoya. Iłque aimimenajya.

3 Iya' a'i caituca' laipicuejma' caxc'ai'ilhuo'. Ma ŁanDios lapi'ipa iłe laipenic'. Itsiya camilhuo': Anuli anuli timet-saicoxoxi lipicuejma' li'ejma' te ts'i'ic' mopa'a. Nij nuli imanc' micua'ma: "Iya' xonca nincueca'". Moł'huaiyijnyi ŁanDios tolimetsaicotsołtsi te ts'i'ic' iłe lołpicuejma' lepi'ipolhuo' ŁanDios.

4 Tama ma' anuli lałcuerpo axpe' mipa'a. Anuli anuli tipa'a liłpenic'.

5 Tołta'a illanc'. Tama ninc'xpela', ma' almana' anuli. Illanc' icuerpo Cristo. Aimi'iya malanajyacołtsi anuli anuli. Anuli linca locuenaye ił'huexi. Locuenaye linca i'huexi cal nuli.

6 ŁanDios lapi'iponga' anuli anuli lał'eyacu, ituca' ituca'.

Ja'ni epi'icopo' lopticuejma' to'itsola' lan xanuc' loxic'epa ŁanDios, ne' to'i'mola'. Mo'huaiyinge ŁanDios iłque tu'i'mo' te ts'i'ic' lofmuc'iyacola' lopimaye. Tołta'a to'itsola'.

7 Ja'ni epi'icopo' lopticuejma' totoc'itsola' lof'as xanuc', ne', totoc'itola'. Ja'ni epi'icopo' lopticuejma' tomuc'iyalełta', ne', tomuc'i'mola'.

8 Ja'ni epi'icopo' lopticuejma' toxc'ai'itsola', ne', toxc'ai'i'mola'. Ja'ni tapi'i'ma pe lahue'epa, ne', jahuay łomunxajma' tapi'i'ma. Ja'ni ifajpo', epi'ipo' copenic' tocuxela', aimo'e'moxi mahui, ma to'ełta'. Ja'ni epi'ipo' lopticuejma' toxinłta' cuanuc', ne', tixojla' meta to'ełta'.

9 Imanc' aimoł'e'e'mołtsi le'a. Alinca tonł'e'etsoltsi capic'a. Tolanałtsoltsi jahuay lixcay, tolihuejle al c'a.

10 Imanc' unc'apimaye tołta'a tonł'e'mołtsi capic'a. Toł'nujuaitsołtsi, tołtoc'itsołtsi. Aimolnes'me: "Iya' xonca ninc'a xans". Tołnesle: "Iłque laipima xonca ac'a xans".

11 Iłe lanic' lepi'ipolhuo' ŁanDios lałPoujna, tołpo'note lołpicuejma', tonł'ete. Aimixojtolhuo'.

12 Toł'nujuaisle iłe al c'a lapi'iyacolhuo' ŁanDios. Tołta'a aimi-jouya lołpixojma cata. Ja'ni tołtelcoyi, tołsnet'Iłe. Ti'hua tołjoc'ile ŁanDios. Tołsa'huełe titoc'itsolhuo'.

13 Tołtoc'itsola' lołpimaye petsi lahue'epola'. Iłne jouc'a i'huexi ŁanDios. Tolapenułtsola' łolajut'li.

14 Pe naihuetsojpolhuo' tołpaxnetsola'. Aimołnesc'e'mola' quixcay cataiqui'. Tołpaxne'mola'.

15 Petsi naixojpá quileta, imanc' jouc'a tixojla' cumlata. Petsi nohuotsopá tijolijyi, imanc' jouc'a tołjolijle.

16 Aimolatets'i'mołtsi. Tonł'ełe anuli lołpicuejma'. Aimoł'e'e'mołtsi. Aimołnes'me: "Illanc' ninc'itsila' xanuc'": Tonłejmalele lołpimaye petsi aiqul'hueca. Aimołnes'me: "Iya' xonca aixina'".

17 Aimoł'econa'mola' lixcay petsi li'epolhuo' lixcay. Jahuay loł'eyacu ti'ila' ma' al c'a. Tixinle tołta'a ilne nahuelojmpolhuo'.

18 Ni petsi lołtseyacu, ja'ni ti'i'ma, tołmajnle ac'a. Ja'ni ilpic'a tifuli'i'molhuo', imanc' aimołfuli'icona'mola'.

19 Maicunc'aipimaye, iya' camilhuo': Ja'ni ixcay li'epolhuo' imanc', aimołpai'icona'me. Toł'huaicole titeł'miła' ŁanDios. Tołta'a loya'apa al Paxi Linilingiya, ticua:

Ma le'a iya' ti'hua laimane capai'icona'ma.

Petsi no'epá lixcay ma' iya' ca'najtse'e'mola', cateł'mi'mola'.

Tołta'a locuapa ŁanDios tołPoujna.

20 Imanc' tołihuejcole lataiqui' loya'apa:

Ja'ni tumle'e no'epo' laic', ima' totes'miła'.

Ja'ni ticui quija', ima' tohui'ila' quija'.

Ima' tołta'a toteł'mi'ma ni'epo' laic'.

21 Tołpo'note lołpicuejma', tołnesle: "Ile lixcay lał'e'epa aimalulijya. Iya' ca'e'e'ma al c'a, tołta'a culij'ma lixcay."

13

1 Jahuay imanc' tonł'ełe locuxe'epolhuo' ts'ilpenic'. Cal xans no'huapa limane ticuxela', ma ŁanDios epi'ipa ilque limane. Iłniya ts'ilpenic' pe nocuxepolhuo' itsiya, ma ŁanDios ifajpola'.

2 Tołta'a ja'ni aimolihuejcola' ts'ilpenic' locuxe'epolhuo' ma' anuli aimolihuejcoyi ŁanDios ipo'nopola' ilniya. Cal xans aimihuejma, ŁanDios tepi'i'ma lijunac'.

3 Ilne ts'ilpenic' ipo'nompola' tilič'mintsola' no'epá lixcay. A'i miłic'minyacola' no'epá al c'a. Ima' ja'ni aimocua miłic'minyaco', ne' to'eła' al c'a. Tijouła' timi'mo': "Ac'a ima' loł'epa".

4 Ilque ts'ipenic' ma ŁanDios epi'ipa lipenic', ixpic'epa titoc'itso'. Tołpaic'etsi. Aimo'e'ma lixcay. Li'espada a'i ma le'a quitaic'. Ti'hua limane titeł'mitso'.

5 Linca ts'ilpenic' nipajnya ti'i'ma titeł'mi'molhuo'. A'i ma le'a tohiya tołihuejco'mola'. Jouc'a toł'nujuaitsa naitsi nipo'nopola'. Małque ŁanDios ipo'nopola' ilniya. Tołhiya tołihuejco'mola'.

6 Ma' anuli toł'najtseyi ile lo'najtsi'ipolhuo'. Ts'ilpenic' ti'eyi lanic' lepi'ipola' ŁanDios. Itine itine tuyalaicoyi ti'eyi tołta'a.

7 Jahuay ts'ilpenic' petsi lo'najtsi'ipolhuo' toł'najtse'e'mola'. Ja'ni ti'najtsi'ilhuo' łolamats', łolajut'li o ts'oltaic' lane, ne' toł'najtse'ełe. Tołspaic'etsola', tołimetsaicotsola'.

⁸ Aimoltaiyinc'e'me, ni anuli. Toł'najtse'e'mola' nulemma jahuay. Linca tipa'a ile petsi aimi'iya moł'najtse'eyacola' nulemma. Aimi'iya mołnesyacu: "Joupa ai'epa capic'a ilque laipima. Aica'econaya capic'a." Linca ticuicomma ti'hua toł'nujuaitsola' lołpimaye, ti'hua tonł'etsola' capic'a. Ja'ni to'ay capic'a lołpima, alinca menant'lipa locuxepa LanDios.

⁹ LanDios alcxue'eponga', lu'inga': "Aimoxhuico'ma lipeno loł'as xans. Aimoma'ahuale'ma. Aimonantse'ma. Ja'ni topalaicotsola' loł'as xanuc' tonesla' al linca, aimofel'miyale'ma. Aimojanaj'ma li'hueca loł'as xans." Ihiya lataiqui' jouc'a jahuay locuxepa LanDios ti'i'ma alafot'leco'me, ti'ila' ma le'a anuli lataiqui' loya'apa: "Ima' to'eyoxi capic'a, ma tołta'a to'eł'a' capic'a loł'as xans, naitsi loftalecufya".

¹⁰ Ja'ni to'eł'a' capic'a lołpima aimi'iya mo'e'eya quixcay. Tołta'a tanant'hi'ma locuxepa LanDios.

¹¹ Toł'nujuaitsa lo'iyaya, tołta'a tonł'e'me to ile laifxc'ai'ipolhuo'. Joupa icuai'ma al 'hora almaf'ile, altsolinanca. Litine lipan-gopa lał'huaiyijmpa Jesucristo Lalunlu'eyaconga' tehue'e' ticuaicoconno ilque. Itsiya xonca ahuata tehue'e'.

¹² Joupa tuyaipa lipuqui'. Joupa tilic'e'ma. Aimal'econa'me lixcay, ile lo'epa ilne noyelocopa lipuqui'. Lihuejle lepalc'o'. Tołta'a alpa'neco'mołtsi lałpicuejma', aimitsufaiya lixcay.

¹³ Petsi amuf liłpicuejma' tixoqui quileta ti'eyi lixcay juic, timeyoc'iyoltsi, ti'nołyi lacał'no', ti'eyi nixpiya, tifuleyi, ti'eyoltsi laic'. Illanc' aimaluyalaico'me tołta'a, epalc'o' lałpicuejma'. Ticuicomma ti'ila' ituca' lał'ejma'.

¹⁴ Aimolcua'me: "¿Te ts'i'ic' latentłococoya laicuerpo? Capi'i'ma lojanajpa." Tonł'ełe ma le'a al c'a ma to li'epa Jesucristo. Ie lonł'eyacu tetentłocola' Jesucristo, ilque ticuanajco'molhuo'.

14

¹ Petsi aiquilcueca litaiqui' Jesucristo, ja'ni ti'huaiyijnyi to-lapenuf'mola'. Tijoula' aimolnesco'mola' ilniya lił'ejma'. Nij naitsi nocuaya: "Aicaipic'a li'ejma' laipima".

² Anuli xonca ti'huaiyinge, jahuay tite'ma. Locuena aimicueca, titeja ma le'a itamqui, aimiteja lixic'.

³ Ilque notepa jahuay aimetets'i'ma petsi notepa pangay quitamqui. Notepa pangay quitamqui aiminesco'ma notepa jahuay. Aimines'ma: "Ilque tecani'em'me". Ai. LanDios joupa epenufpa.

⁴ Ima' nofnescopa lołpima, ¿naitsi ima? Ima' a'i quipoujna lołpima. Ma liPoujna tixpic'e ja'ni ti'hua timetsaicoł'a o tecani'e'ma. Linca timetsaico'ma. LiPoujna ti'hua limane titoc'i'ma, aimecani'eyacoxi.

5 Anuli łapima ticua: “Acueca' litine ilta'a, iya' aica'eya canic'”. Łocuena ticua: “A'i, ma' anuli jahuay litiné”. Iłque ti'e'ma canic'. Iya' cacua: Anuli anuli, quituca' quituca', tixpic'eł'a' lipicuejma' lo'eya. Tijouł'a' ti'eł'a'.

6 Łapima nocuapa: “Acueca' litine ilta'a, aica'eya canic'”, iłque ipic'a tetenłcocoł'a' ŁanDios. Łocuena nocuapa: “Ma' anuli jahuay litiné, ca'eta canic'”, iłque jouc'a ipic'a tetenłcocoł'a' ŁanDios. Łapima notepa jahuay ipic'a tetenłcocoł'a' ŁanDios, tołta'a joupa ix'najtsi'ipa ŁanDios. Łocuena notepa pangay quitamqui jouc'a ipic'a tetenłcocoł'a' ŁanDios, jouc'a ix'najtsi'ipa ŁanDios.

7 Małmana' fa'a li'a łamats' aimalčuxeyołtsi całtuca'. Aimalšpic'eyi ja'ni ti'hua ałmaf'i'me o ja'ni ałma'monga'.

8 Ja'ni ts'ałmaf'i' łalPoujna lapi'inga' łalpitine. Ja'ni ałmatsonga' ma' anuli łalPoujna tixpic'e iłe łal'iyaconga'. Ma' anuli małmana' i'huexi łalPoujna.

9 Tołta'a ałmuc'iponga' iłe li'ipa Cristo. Iłque imapa, imaf'inapa, tołta'a i'ipa iłPoujna limanapola' jouc'a ts'iłmaf'i'. Jahuay ticuxela'.

10 Ima', łte cofnescocopa łopima? Tocua: “Tecani'em'me”. Ima', łte cofmetets'icopa łopima? Anuli tołcuaita pu'hua pe łopa'a ŁanDios cal Cuecaj Juez. Jiłpiya jahuay lacaxhuołaita.

11 Tołta'a tuya'e' al Paxi Linilingiya. Ticua ŁanDios: Ma' alinca iya' NanDios, aimaf'i'.

Iya' cacua:

Laxc'onłingołai'ma jahuay lan xanuc'.

Jahuay ałmi'ma: “Ma' ima' manDios”.

12 Iłe łataiqui' ałmuc'inga' te ts'i'ic' łal'iyaconga' anuli anuli illanc'. Ima' cotuca', iya' caituca' ałtalai'eta ŁanDios.

13 Itsiya aimalnescocołona'mola' łalłpimaye. Aimalahueloijn-cona'mola' te ts'i'ic' lił'ejma'. Najmay tolahueloijtsołtsi cołtuca' loł'ejma'. Tołšpic'ełe nulemma tołtoc'itsola' lołpimaye. Aimol'e'mola' muc'uiyacola'.

14 Aixina' jahuay ti'i'ma alte'me ja'ni Jesús ałPoujna, ja'ni iłque joupa alapenufponga'. Łapima petsi aimicueca ilta'a, iłque nocuapa: “Iłe ixcay. ŁanDios aimalapi'i lane. Aimi'iya cateja”, ne', aimite'ma.

15 Ima' toteja jahuay, tijouł'a' łopima tixhuełco'ma, ticua: “Iłe ixcay, łte cotecopa iłque?” Ja'ni tołta'a lo'iya ima' linca aimo'ay capic'a łopima. Cristo icupoxi, imacopa tunłu'etsi łopima jouc'a. Tijouł'a', łte ima' tatets'i'ma? Tote'ma, tijouł'a' iłque łopima to'e'e'ma coyac'. Aimihuejconaya, tecani'e'moxi. A'i. Aimol'e'ma tołta'a.

16 Linca ima' xonca to'huaiyinge ŁanDios, tołta'a jahuay toteja. Ma le'a camihuo': Ja'ni łopima tixim'mo' a'ijca lo'ejma'

moteja jahuay, najmay aimote'ma ñe petsi aimetenłcocojma łopima.

17 ŁanDios cal Rey aimicuis'eyacola' lixanuc' te ts'i'ic' łitepa, lixnapa. Iłque timetsaicola' ñne ixanuc' petsi no'epá al c'a, petsi aimifuleyi, petsi cal Espíritu Santo tixoc'ila' quileta.

18 Ja'ni tołta'a comihuequi łoPoujna Cristo, linca ŁanDios tetenłcocojma lo'ejma'. Lan xanuc' jouc'a tixim'mo' ac'a lof'epa.

19 Tołiya, alpo'note lałpicuejma' aimal'e'eyacola' coyac' lałpimaye. Alłoc'i'mola' tihuejle Jesucristo.

20 Ima' ts'opic'a tołeta' jahuay, to'nujuaitsola' łopimaye. ŁanDios jounpa ifa'epola' ñne liłpicuejma', ¿te ima' tomints'e'mola'? Ailopa'a quixcay lałtepa. Jahuay ti'i'ma alte'me. Ja'ni lołtepa aimetenłcocojma łopima, ja'ni toc'uilitsuf'e'ma iłque, jilpe linca ŁanDios tixina ixcay iłquiya lołtepa.

21 Lołtepa lixic' o lołfxnapa vino, o lof'epa, ja'ni tołta'a toc'uilitsuf'e'ma łopima, najmay aimoxna'ma ñe al vino ni aimote'ma ñe lixic' ni aimo'e'ma to mo'ay.

22 Ima' oxina' lof'eya, ja'ni ti'i'ma tote'ma, ja'ni aimi'iya. To'nujuaitsi ŁanDios jouc'a ixina'. Tixoqui meta ima' ja'ni taimetsaicoyoxi ac'a lof'epa, ja'ni oxina' tetenłcocojma ŁanDios.

23 Łapima nonesya: "Aicaixina' ja'ni ti'i'ma o aimi'iya", tijouła' tite'ma, linca a'ijc'a ñe lo'epa. Titai'ma lajunac'.

Ticuicomma ti'ila' calsina' ja'ni tetenłcocojma ŁanDios o a'i. Ja'ni aicalsina' najmay aimal'e'me.

15

1 Illanc', ja'ni alłueca litaiqui' Jesucristo, ja'ni jounpa alłina' ti'i'ma alte'me ja'huay, ja'ni alłina' ailopa'a tintsí, iya' cacua: Aimal'e'me lalatenłcocoyaconga' illanc' calłuca'. Xonca' lahuefe te co'iya malłoc'iyacola' lałpimaye, ñne petsi aiquılłueca. Malł al'ete.

2 Al'ete le'a latenłcocoyacola' lałpimaye. Licuis'e'molłtsi: "¿Te caif'eya catoc'ila' lałpima? Aipic'a xonca tihuejla' Jesucristo."

3 Al'nujuaisle li'ejma' Jesucristo. Iłque aiquetenłcocoyoxi quituca'. Al Paxi Linilíngiya tuya'e' lo'iya Cristo. Iłque li-palaic'opa ŁanDios timi: "Ima' iya' alłecopá anuli. Lan xanuc' netets'ipo' ima', malłniya alłnescopa jouc'a".

4 Iłe lataiqui', jouc'a jahuay loya'apa al Paxi Linilíngiya linilíjmpa luyaipa quitine, alłoc'inga' illanc' nalłmana' itsiya, alłmuc'inga'. ŁanDios aimicua malłafqueyaconga' jilpe lałpicuejma'. Ipic'a ti'hua al'huaicote ñe lalapi'iyaconga'. Tołiya lapi'iponga' litaiqui', iłiya al Paxi Linilíngiya. Lapi'iponga' alłuefe. Tołta'a liłpi'i'monga' calata, alłnet'ł'me lał'iyaconga'.

⁵ Linca małque ŁanDios ałtoc'inga' ałsnet'He lał'iyaconga'. Lixoc'inga' calata. Iłque ŁanDios ti'e'etsolhuo' anuli lołpicuejma', ti'ila' loł'ejma' to li'ejma' Jesucristo.

⁶ Tołta'a ti'i'ma anuli lołpicuejma', jahuary anuli tołs'najtsi'i'me ŁanDios, iłque enDios, i'Ailli' lałPoujna Jesucristo.

⁷ Cristo joupa epenufpolhuo'. Toliya imanc' unc'apimaye. Tolapenuftsołtsi. Tołta'a tixinim'me te ts'i'ic' łolanDios. Tixinim'me ac'a lipicuejma'.

⁸ Jesucristo i'huamma fa'a li'a łamats', i'epoxi to całmozo illanc' ninc'ijudío. Tołta'a ilinc'ipa linespa ŁanDios. Enant'łipa lataiqui' ŁanDios lepi'ipola' lałtatahueló.

⁹ Jouc'a i'huacomma li'a łamats' tołs'najtsi'ile ŁanDios imanc' a'i cunc'ijudío. Licuai'ma Cristo iłque imuc'i'molhuo' te ts'i'ic' ŁanDios lipicuejma'. Iłque ŁanDios tixinnilhuo' unc'icuanuc'la. Al Paxi Linilngiya tuya'e' tołta'a lo'iya ticua:

Pe lomana' lan xanuc' a'ij judío cax'najtsi'ito', camito':
 “iAcueca' ilta'a lo'epa!”

Małpiya cunac'ta, camito': “iMa' ima' manDios!”

¹⁰ Jouc'a tuya'e':

Unc'ocuenaye xanuc', jouc'a lixanuc' ŁanDios, tixojla' cunlata anuli.

¹¹ Jouc'a tuya'e':

Unc'ocuenaye xanuc', tołs'najtsi'ile ŁanDios.

Imanc' ni petsi lołmana', tołnesle: “iAcueca' łalanDios!”

¹² Jouc'a pe linilngiya linespa Isaías tuya'e':

Tama joupa imanapa Isaí, (iłque i'ailli' cal rey David),

ti'i'ma anuli łanef'eya, ticuxe'mola' locuenaye lan xanuc', ilne a'ij judío.

Iłniya ti'huaiyijm'me iłque.

¹³ Ałsa'hueyi ŁanDios tepi'itsolhuo' cołpicuejma' toł'huaicołe al c'a lapi'iyacolhuo', tixoc'itsolhuo' cunlata. Tołta'a tołsim'me acueca' lotoc'ipolhuo' cal Espíritu Santo. Aimixojyacolhuo', ti'hua toł'huaico'me.

¹⁴ Cunc'aipimaye, joupa aixinnilhuo' te ts'i'ic' loł'ejma'. Aixinnilhuo' juaiconapa ac'a lołpicuejma'. Aixina' joupa ołsina', tołsc'ai'iyotłtsi.

¹⁵ Tama aixinnilhuo' tołta'a ninil'epolhuo' ilta'a cołje'e. Petsi petsi tocomma to ułfxi lałtaiqui'. Aipic'a toł'nujuaitsa, aimolimenc'eco'me ilne al c'a lołsina'. ŁanDios joupa lapi'ipa laimane catoc'itsolhuo' tołta'a.

¹⁶ ŁanDios lummepa ni petsi lomana' lan xanuc' a'ij judío. Lummecopa capalaicota Jesucristo. Tołta'a ca'ay lipenic' lałPoujna. Cuya'e' litaiqui' ŁanDios, Lataiqui' loya'apa ilne al c'a lołpic'epa ŁanDios. Cami ŁanDios: “Ja'a, toxintsola' ilne

locuenaye xanuc' a'ij judío. Ine jouc'a o'huexi, joupá epen-
upá cal Espíritu Santo. Joupá aitoc'ipola'. Tetentococotso' ima'.
Tapenuftsola'."

17 Iya' tixoqui neta quihuequi Jesucristo. Tofta'a ca'ay lanic'
lalapi'ipa LanDios. Ma' itque Jesucristo altoc'i.

18 Aicapalajma lanic' ite li'epa ocuena calpima. Aicacua:
"Ite laif'epa iya'". Ma le'a capalaico'ma li'epa Cristo jilpiya
laitsehuo'ma iya'. Jilpe petsi lan xanuc' a'ij judío atquimf'epa
iya' lainuya'apa. Atsimpa lai'epa, lijou'ma ihuejco'me LanDios.

19 Lainipamma jilpe al cuecaj quitya' Jerusalén aitsehuo'ma
aculi' cacuaita lamats' Ilríco, ca'hua cuya'e' Litaiqui' Jesu-
cristo. Ni petsi lomana' lan xanuc' nu'iyalepa Lataiqui'
loya'apa ite al c'a loxpice'epa LanDios. Lan xanuc' ixim'me
acueca' lo'epa LanDios. Ixim'me acueca' lipepaxi cal Espíritu
Santo.

20 Iya' cahuela' lan xanuc' petsi aimimetsaicoyi Jesucristo.
Pe lomana' ihniya jilpe cuya'e' Lataiqui' loya'apa ite al c'a lix-
pic'epa LanDios. Aica'eya canic' petsi ocuena joupá ipangopa.

21 Cagua: Ti'itá' ma to micua al Paxi Linilingiya loya'apa:
Lan xanuc' petsi aiquitsina' naitsi itque, petsi aicu'innila', ihniya
timetsaico'me.

Petsi aiquitcuesa, ma' ihniya ti'i'ma quitsina'.

22 Joupá aimipolhuo', aixpic'epa ca'hua'ma pe lomana' lan
xanuc' petsi aimimetsaicoyi Jesucristo. Capalaic'otsola' ihniya.
Tolija aicaitsec' pe lomana' imanc'.

23 Ixhuaita axpe' camats' aipic'a ca'hua'a'. Aipic'a cacuaitsi
jilpiya pe lomana'. Itsiya cacua: Fa'a pe laifpa'a joupá ijoupá
laipenic'. Linca ca'hua'ma.

24 Litine ca'hua'a' España, ihniya litiné cuyaicota pe lomana'
imanc', cahuejntolhuo'. Oque' afane' quitine almajnta anuli,
tixoj'ma calata. Tijoula' imanc' altoc'ita cuyaita.

25 Ate'a ca'hua'ma Jerusalén. Capi'itola' quiltomí lapimaye
nomana' jilpe. Ine i'huexi LanDios.

26 Lapimaye nomana' lamats' Macedonia, jouc'a nomana'
lamats' Acaya, ite ixpic'e'me tefot'le'me liltomí, titoc'iconnola'
lilpimaye petsi aiquit'hueca, ite i'huexi LanDios nomana'
Jerusalén.

27 Cagua: Ixpice'epá titoc'ite lilpimaye ihniya ajudío nomana'
Jerusalén. Tofta'a tix'najtsi'im'mola'. Ine lilpimaye ajudío
joupá itoc'impola'. Aiquicuanac'ennila' Lataiqui' loya'apa ite
al c'a lixpice'epa LanDios. Ticuayi: "Tuyalaicotsa al c'a Locuena
Quitine". Itsiya ite lapimaye a'ij judío tix'najtsi'im'mola'
lilpimaye. Tumme'ennila' quiltomí. Tuyalaicotsa al c'a itsiya
litine.

28 Toliya ca'hua'ma Jerusalén. Ma' iya' capi'itsola' lapimaye quiltomí; íle lefot'lepa lapimaye a'ij judío, ílne nomana' Macedonia y Acaya. Tijoula' cuyaitsi pu'hua España catsa'aitolhuo' imanc' nołmana' Roma.

29 Jesucristo altoc'ipa. Alpaxnepa juaiconapa. Cacuaitsi iya' pu'hua pe lołmana' ma' anuli altoc'i'monga', alpaxne'monga'.

30 Cunc'aipimaye, imanc' illanc' anuli łapPoujna, ílque Jesucristo. Ílque altoc'inga'. Jouc'a ma' anuli cal Espíritu łalapi'iponga' łalpicuejma' ał'etsotłsi capic'a. Ílque cal Espíritu Santo. Toliya caxa'huelhuo' tołjoc'íle ŁanDios altoc'íla'. Ti'hua tołjoc'i'me.

31 Tołta'a ŁanDios ał'eta cuenna. Lan xanuc' nał'epa laic', ílniya nomana' łamats' Judea aimi'iya mał'e'eya to micuayi. Jouc'a tołsa'huele ŁanDios altoc'itsi jilpe Jerusalén. Tetentłocotsola' laif'eya lapimaye nomana' jilpiya, lapenufta al c'a.

32 Tołsa'huele ŁanDios altoc'íla' tixojla' neta cacuaitsi pe lołmana'. Ma' anuli lunxajta. Lixpi'itołłsi calata.

33 ŁanDios nipajnya ti'i'ma tipac'e'e'molhuo' lołpicuejma'. Imanc', ílque, tołmajnle anuli. Tołta'a ti'íla'. Amén.

16

1 Fa'a tipa'a Febe łalpima caca'no'. Ílque ti'ay lanic' lepi'ipa ŁanDios, titoc'íla' lapimaye nomana' liłya' Cencrea, ílne lafołyomma jilpiya. Iya' nimetsaijma ac'a caca'no'.

2 Imanc' i'huexi ŁanDios jouc'a tolimetsaicotsa łalpima, tolapenufle. Ma' anuli łapPoujna. Ja'ni tehue'e' tołapi'íle, tołłoc'íle. Ílque itoc'ipola' axpela' lapimaye, iya' jouc'a altoc'ipa.

3 Tolu'itsola' Aquila y lipeno Priscila: "Pablo tinonilhuo'". Ma' anuli illanc' ał'eyi lanic' łalapi'iponga' Jesucristo.

4 Linca iya' jouc'a jahuay lapimaye a'ij judío, ni petsi lafołyomma, ał's'najtsi'íla' ílne Aquila y Priscila. Ílne alcuanajcopa iya'. Tocomma to aimunłu'eyacołłsi ílniya.

5 Lapimaye lafołyomma lilejut'ł Aquila y Priscila, jouc'a cal c'a łai'amigo Epeneto, tolu'itsola': "Pablo tinonilhuo'". Jilpe łamats' Asia Epeneto i'ipa cal te'a lihuejpa Jesucristo.

6 Jouc'a tolu'itsa María: "Pablo tinonhuo'". Ílque María acueca' itełcopa itoc'ipolhuo'.

7 Ma' anuli tolu'itsola' Andrónico y Junias, ílne aipilya' xanuc'. Iya' ílniya alłats'emponga' anuli. Ílne alulijpa iya'. Ate'a i'huaiyijmpá Jesucristo. Ílne jouc'a a'apóstole, lummepola' ŁanDios. Ti'eyi acueca' canic'.

8 Jouc'a tołta'a tolu'itsa Ampliato. Ílque linca ca'ay capic'a. Tołta'a lapi'ipa laipicuejma' łapPoujna.

9 Jouc'a tolu'itsa Urbano. Illanc' alłejmale. Al'eyi lanic' łalapi'iponga' Jesucristo.

Jouc'a tolu'itsa Estaquio, łacaipima.

¹⁰ Jouc'a tolu'itsa Apeles. Jique linca imuj'moxi cal c'a ts'ihuequi Jesucristo. Aiquenajyoxi.

Jouc'a tolu'itsola' ihniya nomana' lejut'ł Aristóbulo.

¹¹ Jouc'a tolu'itsa Herodión. Ique aipiłya' xans.

Jouc'a tolu'itsola' ihniya nomana' lejut'ł Narciso, ihne ti'huaiyijnyi łPoujna Jesucristo, joupa lepenufpola'.

¹² Jouc'a tolu'itsola' Trifena y Trifosa. Ihne ti'eyi lanic' lepi'ipola' łPoujna Jesucristo.

Jouc'a tolu'itsa ł'amiga Pérsida. Ique juaiconapa i'epa lanic' lepi'ipa łPoujna.

¹³ Jouc'a tolu'itsa Rufo. Ique linca timujyoxi i'huijf'epa łPoujna, ac'a tihuequi. Jouc'a tolu'itsa qui'máma' Rufo. Iya' jouc'a cami: "Ai'máma".

¹⁴ Jouc'a tolu'itsola' ihne Asíncrito, Flegonte, Hermes, Patrobas, Hermas, y jilpiya nomana' locuenaye capimaye.

¹⁵ Jouc'a tolu'itsola' ihne Filólogo, Julia, Nereo, lipima caca'no' Nereo, Olimpás y jahuay lapimaye i'huexi ŁanDios lafołyomma ihniya.

¹⁶ Jahuay imanc' tołnontsołtsi. Tołtuc'otsołtsi lołpeque to tituc'otsołtsi lapimaye i'huexi ŁanDios.

Tinonilhuo' imanc' jahuay lapimaye i'huexi Cristo ni petsi lafołyomma.

¹⁷ Cunc'aipimaye, jilpiya pe lołmana' timana' lan xanuc' nacui'ipoltsi apimaye. Ihne ocuenaj li'ejma'. Ihne mane tifuli'ilhuo', ti'e'e'molhuo' onłca. Tołta'a anuli anuli ti'hua lipene. Ai' tołta'a limuc'ipolhuo' lataiqui' lolihuic'ipa. Imanc' ti'ila' colłsina' naitsi ihne, tołanajtsołtsi.

¹⁸ Ihne aimihuejyi locuxepa łPoujna Jesucristo, le'a tehueyi te co'iya muliyacu quiltomí, titetsołe al c'a. Tipalaiyi tocomma ac'a cataiqui', tetentłcocola' lapimaye. Tifel'minnila' ihne lapimaye petsi noximpá jahuay lataiqui' tocomma ma' anuli. Ihne lapimaye aimimetsaicoyi petsi a'ijc'a capicuejma'.

¹⁹ Iya' jouc'a jahuay lapimaye ni petsi lomana' alłsina' imanc' linca tolıhuejcoyi. Ihe loł'ejma' lixoc'i neta iya'. Iya' aipic'a ti'ila' colłsina' te ts'i'ic' al c'a. Tołihuejle y toł'ele tołiya. Ja'ni a'ijc'a, cacua: Ni aimi'i'ma colłsina' te ts'i'ic', amolihuejyacu.

²⁰ ŁanDios lipac'e'eponga' lałpicuejma' aimicołya timuj'moxi acueca' ipujfxi. Tołsim'me joupa i'oc'enapa Satanás, toł'huailtsuf'me. Tijouł'a ailopa'a co'e'econayacolhuo'.

ŁałPoujna Jesucristo titoc'itsolhuo' itine itine.

²¹ Tinonilhuo' Timoteo. Ique anuli ał'epá lanic' lalapi'iponga' Jesucristo. Lucio, Jasón, Sosípater jouc'a tinonilhuo'. Ihne aipiłya' xanuc'.

²² Iya' ninTercio quinihi ita'a al je'e. Iya' jouc'a nihuequi Jesucristo. Canonilhuo' imanc' unc'aipimaye.

²³ Iya' ninPablo aipanc'ale fa'a lejut'i Gayo. Itque tinonilhuo' jouc'a. Jifa'a lejut'i tefolyomma lapimaye.

Erasto, itque ipenic' ti'huejla' al tomí fa'a liya', jouc'a latpima Cuarto, tinonilhuo'.

²⁴ Itine itine latPoujna Jesucristo titoc'itsolhuo' jahuay imanc'. Tohta'a ti'ila'. Amén.

²⁵⁻²⁷ Iya' cacua: ¡As'najtsi'ile LanDios! Itque ti'i'ma titoc'i'molhuo'. Tohta'a aimolanajyacoltsi al c'a cane. Mahta'a loya'apa Lataiqui' laifnuya'apa iya'. He Lataiqui' tuya'e' te ts'i'ic' al c'a loxpíc'epa LanDios, tipalaijma Jesucristo. Iya' cuya'e' naitsi itque.

Iha'a litiné LanDios ahmuc'iponga' al cuajmaica te ts'i'ic' lixpíc'epa. He lixpíc'epa uya'a'me lam profeta, inil'me. Li'ipa tipanemma to lemiya cataiqui'. Ailopa'a nicuejpa. LanDios, itque aimijouya lipitine, joupá icuxepa ticuejle jahuay lan xanuc' ni petsi lomana', tihuejcole, ti'huaiyijnle. Cacua: Ti'huaiyijnle Jesucristo. Tohta'a timetsaico'me acueca' LanDios. Ma' itque anDios, acueca' lipicuejma'. Timetsaiconle itsiya litine, Locuena Quitine jouc'a. Tohta'a ti'ila'. Amén.

LIJE'E SAN PABLO AL TE'A LINIĒ'EPOLA' LAPIMAYE LEFOT'LEPOŁTSI LIĒYA' CORINTO

¹ Iya' ninPablo, Jesucristo aĵoc'ipa ca'eĵa' lanic' lalapi'ipa. Toĵta' iya' nin'apóstol, epaluc Jesucristo. Toĵta'a lixpíc'epa ĒanDios.

² Iya' jouc'a ĵaipima Sóstenes liniĒ'elhuo', aĵnonilhuo' imanc' lefot'ĵepolhuo' ĒanDios ĵilpe liĵya' Corinto. Imanc' joupa epenufpolhuo' Jesucristo. Toĵiya i'ipolhuo' ixanuc' ĒanDios. Īque joupa imetsaicopolhuo' i'huexi. Jahuay ĵapimaye noĵoc'ipá Jesucristo, ni petsi lomana', aĵnonila' jouc'a. Maĵque Jesucristo aĵPoujna, illanc' iĵniya.

³ ĵCa' Ailli' ĒanDios jouc'a ĵaĵPoujna Jesucristo titoc'itsolhuo', tipac'e'etsolhuo' loĵpicuejma'!

⁴ Itine itine cax'najtsi'i ĵainenDios acueca' itoc'ipolhuo', ipaxnepolhuo' imanc' lepenufpolhuo' Jesucristo.

⁵ Cax'najtsi'i xonca ac'a loluyalaicopa imanc' lepenufpolhuo' Cristo. Juaiconapa ac'a loluya'apa litaiqui'. Ac'a olapenuf'me iĵe litaiqui', oĵcuejpa.

⁶ Toĵta'a li'ipolhuo' lijoupa lolapenufpa ĵaĵtaiqui' ĵaĵpalaicopa Cristo.

⁷ ĒanDios ipaxnepolhuo' acueca'. Jahuay lapi'ipola' lixanuc' joupa epi'ipolhuo' imanc'. Itsiya oĵ'huaijma ticuaiconanni ĵaĵPoujna Jesucristo.

⁸ Īque ti'hua titoc'i'molhuo' aimolanajyacoltsi al c'a cane. Ticuaiconanni ĵaĵPoujna Jesucristo aimitac'uinyacolhuo' cajunac'.

⁹ Toĵta'a ti'e'ma ĒanDios. Īque tenant'hi litaiqui', aimifellaique. Joupa ijoc'ipolhuo' tonĵejmale'me hi'Hua, ĵaĵPoujna Jesucristo.

¹⁰ Unc'aipimaye, caxahue'elhuo' toĵspic'ete ti'ĵa' ac'a loĵejma', tetenĵcocola' Jesucristo. Camilhuo': Aimolĵfuli'i'moltsi cataiqui', aimolixtuc'o'moltsi. Toĵ'etsoltsi anuli loĵpicuejma', anuli loĵtaiqui'. Aimolanajcona'moltsi ocuena ocuena lipicuejma'.

¹¹ Unc'aipimaye, lapimaye nomana' lejut'ĵ Cloé tinescolhuo' imanc', ticuayi toĵfuli'iyoltsi cataiqui'.

¹² Joupa aicuejpa loĵejma'. Hualca imanc' toĵcuayi: "Īllanc' aĵcuxenga' Pablo, ĵque lihuejyi". Ocuenaye ticuayi: "Lihuejyi Apolos". Ocuenaye ticuayi: "Lihuejyi Cefas". (Īque aPedro.) Locuenaye ticuayi: "Īllanc' lihuejyi Cristo".

¹³ Itsiya quicuis'elhuo', camilhuo': ĵTe tipa'a axpela' lan Cristo? ĵTe iya' ninPablo ĵapaĵts'ingimpa lancruz? ĵTe iya'

naiñonc'e'epolhuo' loñjunac' imanc'? ¿Te ma mañ'huaiyinge iya' ninPablo epo'icompolhuo'?

14 Cax'najtsi'i ËanDios iya' nij naitsi imanc' ñainepo'ipa. Ma le'a nepo'ipola' Crispo y Gayo. Locuenaye imanc' aicainepo'ila' iya'.

15 Toñta'a aimi'iya moñnesyacu imanc': "Iya' nihuequi Pablo, ñique lapo'ipa". A'i. Nij naitsi nonesya toñta'a.

16 Linca nepo'ipola' lapimaye nomana' lejut'ñ Estéfanas. Aicaixina', aica'nujuaitsi ja'ni nepo'ipola' ocuenaye o a'i.

17 Cristo lummecopa cuya'atsi Lataiqui', ñe loya'apa al c'a lixpíc'epa ËanDios. Aicalu'ic': "Tapo'iyaletsi". Iya' a'i nincueca' comxi cataiqui'. Cristo aicañ'e'e toñta'a. Ipic'a ti'ñta' quíñsina' te ts'i'ic' al cuecaj li'ipa jñpe lancruz, tixingufcoñe jñpe ñilunxajma'.

18 Lan xanuc' ts'ñtaic' liñjunac' aiquíñcueca li'ipa jñpe lancruz. Ticuayi: "Amac'ta cataiqui' ñiya". Illanc' a'i. ËanDios alunñ'enga', toñta'a añsinyi acueca' cataiqui' ñiya, añsingufcoyi al cueca' lañ'eponga' ËanDios.

19 Al Paxi Liníñingiya tuya'e' lo'iya, ticua:

Timana' lan xanuc' nocuapá: "Acueca' laipicuejma', iya' ñinca aixina'".

ËanDios ticua: "Iya' camuc'i'mola' te ts'i'ic' liñpicuejma', aiquíñsina'".

Jouc'a timana' nocuapá: "Iya' ñinca cacueca".

ËanDios ticua: "Ñiya aiquíñcueca, camuc'i'mola' toñta'a".

20 Itsiya, ¿te qui'ipola' nocuapá: "Acueca' lañpicuejma'"? ¿Te qui'ipola' ñiya ñipa'acopá liñjuac lan tsilaj cataiqui', ñne lomxiye cataiqui'? ËanDios joupa imujpa ñne aiquíñsina'. ññtaiquí tipa'acoyi mañpe liñpicuejma' pangay camac'ta cataiqui'.

21 Jifa'a li'a ñamats' lan xanuc' ñaihuejpá quíñtuca' liñpicuejma' tama tocomma acueca' liñpicuejma' ñña aiquíñmetsaijma ËanDios. ñque ñinca acueca' liñpicuejma', toñta'a ixpic'epa tunñ'etsola' lan xanuc' nepenufpá lataiqui' laluya'apa. ñe tocomma to lamac'ta cataiqui', tinescojma li'ipa jñpe lancruz.

22 Lan judío ticuayi: "Ti'ñta' al cueca' ËanDios, aññte illanc', tijouñta' añ'huaiyijm'me". Lan griego ticuayi: "Aññte, añquimf'ñe anuli ts'acueca' liñpicuejma', acueca' quitaiqui' loya'apa, tijouñta' añ'huaiyijm'me".

23 Illanc' ma' añnescoyi Cristo, ñque ñummepa ËanDios. Luya'ayi: "Ñque ñepañts'ingimpa lancruz". Licuejpá toñta'a lan xanuc' judío ixtulencia. Ticuayi: "Ja'ni ñepañts'ingimpa lancruz aicummaic' ËanDios". Petsi a'ij judío, ñne lan griego, tetets'iyi laluya'apa, ticuayi: "Amac'ta cataiqui' ñiya".

24 Pesti lojoc'ipola' ÆanDios, ja'ni ajudío, ja'ni agriego, ihne linca timetsaicoyi Cristo lummepe ÆanDios. Jiŕpe iximpá al cueca' lo'epa ÆanDios, iximpá acueca' lipicuejma'.

25 Liximpá li'ipa Cristo jiŕpe lancruz, lan xanuc' ticuayi: "ÆanDios ailopa'a quipicuejma', ailopa'a co'eya". A'ij linca ilta'a locuapa. Xonca acueca' lipicuejma' ÆanDios, xonca acueca' lo'epa.

26 Unc'aipimaye, imanc' lojoc'ipolhuo' ÆanDios, tolimet-saicoyoltsi te ts'i'ic' molmana'. Imanc' a'i cunc'itsila' xanuc'. Ma le'a oquexi' afantsi imanc' acueca' loŕpicuejma'. Ma le'a oquexi' afantsi ti'hua loŕmane, toŕcuxeyi. Ma le'a oquexi' afantsi loŕaillí ts'it'huca, acueca' quiŕhuexi.

27 ÆanDios ixpic'epa tulijtsola' ihniya nocuapá: "Iya' aixina', acueca' laipicuejma'". Toŕiya i'huij'epolhuo' imanc' petsi a'ij cueca' coŕpicuejma', epi'ipolhuo' loŕpicuejma' ti'ila' acueca' coŕsina'. Ma' anuli ixpic'epa tulijtsola' nocuapá: "Acueca' ti'hua laimane, acueca' laif'eya". I'huij'epolhuo' imanc' petsi aimi'hua coŕmane, ailopa'a al cueca' loŕeyacu.

28 Ixplic'epa tulijtsola' lan tsilaj xanuc', ihne limetsaiconnila' fa'a li'a lamats'. Imanc' joupá ti'onŕcospolhuo' to ninaitsi xanuc', etets'impolhuo', tocomma aimolmana' fa'a li'a lamats', ÆanDios i'huij'epolhuo', timetsaico'molhuo'. Ihne lan tsilaj xanuc' aimimetsaiconyacola' toŕta'a. Tejac'e'mola'.

29 Aimi'iya maŕnesyacu: "ÆanDios aŕsimpa nincuecaj xans, toŕiya lapenuŕpa". A'i. Nij naitsi nonesya toŕta'a.

30 Imanc' coŕtuca' aicoŕpic'e. Ma ÆanDios ixpic'epa tepenuŕtsolhuo' Jesucristo. Maŕque ÆanDios ipo'nopa Cristo aŕmuc'itsonga' te ts'i'ic' al cueca' lipicuejma' ÆanDios. Ja'ni aŕhuaiyjnyi Cristo ÆanDios lapenuŕfinga' to ailopa'a caŕjunac'. Iŕque Cristo aŕ'e'eponga' i'huexi ÆanDios. Joupá i'najtsepa laŕjunac'.

31 Toŕta'a tenant'hi loya'apa al Paxi Linilingiya, ticua: "Ja'ni topalaila' al c'a li'ipo', ne', toya'ala' al cueca' li'epa laŕPoujna".

2

1 Unc'aipimaye, li'ipa maŕmana' anuli iya' aicai'e'e'moxi. A'i nomxi cataiqui'. Aicai'aic' to tocomma acueca' laipicuejma', le'a nu'i'molhuo' Lataiqui' loya'apa lo'epa ÆanDios.

2 Joupá aixpic'epa te ts'i'ic' lo'iya lai'ejma'. Cagua: Ma capa'a liŕya' Corinto ca'nujuais'ma ma le'a Jesucristo, iŕque lepaŕts'ingimpa lancruz. Capalaico'ma iŕque.

3 Laicuaitsi jiŕpe loŕpiŕya' tocomma aŕmajaiquemma. Laipicuejma' cacua: ¿Te caŕ'iya? Tiyu caxpaiqui' laicuerpo.

⁴ Imanc' ałsimpa a'ij cueca' laipicuejma', a'ij cueca' laitaiqui', laifpalaipa. Ołsimpá ma le'a al cueca' lo'epa cal Espíritu Santo. Ihe linca ołsimpá.

⁵ Tołta'a aical'huaiyinge iya'. Aicołnesqui: “Acueca' lipicuejma' Pablo”. Imanc' ma' oł'huaiyijmpá ŁanDios, tołcuayi: “Acueca' lo'epa itque”.

⁶ Linca tipa'a lataiqui' xonca acueca', ipime. Ihe lataiqui' camuc'ila' lapimaye ts'itpicuejma', ihe ticuec'eyi, aimi'onłcospola' to la'uhuay.

Ihe laifnuya'apa ituca' cataiqui', a'i to liłtaiqui' lopalaipa ihe naihuejpa' quituca' liłpicuejma'. Ihe laifnuya'apa jouc'a a'i to liłtaiqui' lan tsilaj quincuxepá, iłniya petsi ŁanDios ti-jou'ne'mola'.

⁷ Lataiqui' laifnu'iyalepa tuya'e' al cueca' lixic'epa ŁanDios, tocomma emiya cataiqui'.

Lipangopa li'a łamats' ŁanDios joupa ixina' lo'eya, joupa ixpic'epa lo'iya. Ał'e'e'monga' pangay c'a lałpicuejma', ti'ila' to lipicuejma' ŁanDios, ałłaitsufcotonga'.

⁸ Lincuxepá nomana' fa'a li'a łamats' aiqiułsina', aiqiułcueca tołta'a lixic'epa ŁanDios. Ja'ni coła' iłsina' aimepałts'ijnyacu łalPoujna, itque ma' anDios.

⁹ Ma' al linca loya'apa al Paxi Linilingiya, ticua:
Lan xanuc' aiqiułhuelojm'ma lił'u', aiqiułquimf'ejma
liłs'mats'i'.
Jiłpe liłpicuejma' aiqiułsina' te ts'i'ic' li'hueca ŁanDios.
ŁanDios joupa ilanc'epa, tepi'i'mola' lixanuc', ihe no'epá
capić'a ilenDios.

¹⁰ Illanc' linca ałsina'. ŁanDios joupa ałmuc'iponga'. Cal Espíritu Santo alu'iponga'. Itque cal Espíritu ixina' lipicuejma' ŁanDios, ixina' jahuay xonca lipime, ixina' xonca lemiya.

¹¹ Anuli cal xans, łte ja'ni ixina' te ts'i'ic' lipicuejma' hi'as xans? A'i. Ma le'a ixina' te ts'i'ic' mixpic'e quituca' lipicuejma'. Jouc'a ŁanDios, ma le'a li'Espíritu, itque cal Espíritu Santo, ixina' te ts'i'ic' lipicuejma' ŁanDios.

¹² Illanc' lapenufpá cal Espíritu Santo, łalapi'iponga' ŁanDios. A'i calapenufi łocuenaj espíritu, itque nocuxepola' lan xanuc' naihuejpa' liłpicuejma'. ŁanDios ipic'a ti'ila' całsina' te ts'i'ic' łalapi'iponga', tołiya lapi'iponga' cal Espíritu Santo. Itque ałmuc'inga'.

¹³ Lalu'ipola' lapimaye, ihe lałtaiqui', aimalipa'acoyi całtuca' lałpicuejma'. Małque cal Espíritu Santo ałmuc'inga' te ts'i'ic' lałpalaicoyacu. Ihe lonespa cal Espíritu Santo ałmuc'ila' lapimaye, ihe pe joupa nepenufpá itque cal Espíritu, tihuejcoyi.

¹⁴ Anuli cal xans ja'ni aiqepenufi cal Espíritu Santo aimecueca te ts'i'ic' malapi'inga' cal Espíritu. Jahuay iłiya tixina

to amac'ta cataiqui'. Aimi'ya mihuic'ya. Ma le'a cal Espiritu Santo ti'i'ma timuc'i'ma.

¹⁵ Ja'ni joupa mepenufpa cal Espiritu Santo jahuay ihiya tocueca. Cal Espiritu timuc'ihuo'. Linca, lan xanuc' tixinghuo' ocuena lopicuejma', aimicuec'ehuo', aimixingufhuo'.

¹⁶ Aimi'ya mixingufyaco'. El Paxi Linilingiya ticua:
 ¿Te ja'ni tipa'a naitsi niximpa te ts'i'ic' lopicuejma' LanDios?
 ¿Te ja'ni ti'i'ma timuc'i'ma LanDios?

A'i aimi'ya.

Illanc' laɓpicuejma' i'ipa anuli lopicuejma' Cristo. Toɓta'a aimac'uec'enyaconga'.

3

¹ Unc'aipimaye, laɓmajmpá anuli jilpiya aicaimuc'ilhuo' lipime cataiqui'. Aiqui'ic'. Tocomma afule molihuejyi Cristo. Aimolihuejyi cal Espiritu Santo. Xonca tolihuejyi coɓtuca' loɓpicuejma'. Aiximpolhuo' ti'onɓcospolhuo' to la'uhuy.

² Toɓiya iya' laites'mipolhuo' ti'onɓcospa to aleche a'i quixic'. Cagua: Laimuc'ipolhuo' a'i quipime cataiqui', pangay aiquipime.

Ihniya litiné aiqui'ic' colihuic'i lipime cataiqui', itsiya jouc'a aimi'ya.

³ Ma' itsiya tolihuejcoyi coɓtuca' loɓpicuejma'. Toɓ'ejcoyoɓtsi laic'. Toɓfuli'icoyoɓtsi. Tolanajyoɓtsi, anuli anuli ti'hua lipene. ¿Te ja'ni toɓta'a tolihuejcoyi cal Espiritu Santo? Toɓta'a lii'ejma' ihniya pe aiquilepenufi cal Espiritu Santo.

⁴ Hualca imanc' toɓcuayi: "Illanc' lihuejyi Pablo". Hualca toɓcuayi: "Illanc' lihuejyi Apolos". Mi'i toɓta'a loɓ'ejma' linca tolihuejcoyi coɓtuca' loɓpicuejma'.

⁵ Iya' ninPablo, ¿naitsi iya'? Apolos, ¿naitsi itque? Illanc' ma le'a ninc'ixanuc', aɓ'eyi lanic' lalapi'iponga' LanDios. Aluya'ayi litaiqui' LanDios. Imanc' oɓ'huaijijmpá itque. Anuli anuli tipa'a laɓpenic' lalapi'iponga' LanDios.

⁶ Iya' aifapa, Apolos ic'ejpa, LanDios itoc'epa.

⁷ Illanc' aɓfapá, aɓ'ejpá, a'ij cueca' ite lanic'. Al cueca' xonca lo'epa LanDios Notoc'epa.

⁸ Ja'ni aɓfayi, ja'ni aɓ'ejyi, ma' anuli aɓ'eyi lanic' lalapi'iponga' LanDios. Tijouɓa' anuli anuli lulij'me lalapi'iyaconga' LanDios. Ituca' ituca' lalapi'iyaconga' ma to laɓpenic' laɓ'epa.

⁹ Aɓ'eyi canic' anuli LanDios. Imanc' ti'onɓcospolhuo' to quequeya LanDios. Ti'onɓcospolhuo' to lajut'ɓ lolanc'epa LanDios.

¹⁰ LanDios lapi'ipa laipenic', cuya'atsi litaiqui' Jesucristo. Toɓta'a jilpe lai'epa ti'onɓcospa to lo'epa lomxi canic' ts'ixina' lo'eya tilanc'eɓa' al c'a cajut'ɓ. Tocomma to aipupa camats', aipo'nopa lopo'nof'inyacu ɓaitaɓ. Itsiya ocuenaye tuyai'eyi ɓaitaɓ. Camila' ihniya: "Toɓpo'noɓe cuenna te ts'i'ic' lonɓ'eyacu.

11 Ne', toluyai'etsa ñaita. Aimol'po'nocona'me lopo'nof'inyacu ñaita. Iya' joupa aipo'nopa, ñque Jesucristo. Ailopa'a cocuena."

12-13 Ticuaitsi al Cuecaj Quitine ti'huájta acujmaica te jale lanic' li'epa ñne nolanc'epá ñaita. Jilpe litine tilic'eyo'ma cunga. Ñunga tuyaico'ma jahuay, hualca tipi'e'ma nulemma, hualca tipanehuo. Toñta'a ti'huájta te lilanc'ecompa ñipitañ, ja'ni a'oro, aplata, apic' juaiconapa ñipitali, o ja'ni a'ec, ajaxa, apajac.

14 Cal xans ja'ni tipanehuo ñaitañ ñipo'nof'ipa, ñque tulij'ma lalapi'ya ÑanDios.

15 Ja'ni tipita' nulemma ailopa'a capenufya. Tope tope tipanehuo. Jahuay li'epa tejac'ma. Ma to afule munñu'enyacola' lan xanuc' mipila' ñilejut'ñi, toñiya afule munñuya ñque.

16 Imanc' nolafot'ñepoñtsi jilpe, ¿ja'ni aicoñsina' ti'onñcospolhuo' to ejut'ñ ÑanDios? Jilpe tipanga cal Espiritu Santo.

17 Cal xans najac'eya lejut'ñ ÑanDios, mañque ÑanDios tejac'e'ma ñque cal xans. Ñe lajut'ñ apaxi, ma i'huexi ÑanDios. Imanc' noñmana' ejut'ñ ÑanDios, imanc' i'huexi ñque.

18 Imanc' aimoñfel'mi'moñtsi. Aimol'onñico'moñtsi to lan xanuc' naihuejpa' quilituca' ñilpicuejma'. Aimoñnes'me: "Joupa aixina'. Acueca' laipicuejma'." Ja'ni tonesqui toñta'a najmay taimet-saico'moxi mamac'ta. Toñta'a tapenuf'ma copicuejma'.

19 Ñne naihuejpa' quilituca' ñilpicuejma' tama tocomma acueca' quilsina', ÑanDios tixinnila' amac'ta. Toñta'a loya'apa al Paxi Linñingiya, ticua:

Ñne petsi acueca' ñilpicuejma' ñinca ññsina' lixcay.

Ma mi'eyi ñe lixpica'epa, ÑanDios tic'aññ'mola'.

20 Jouc'a tuya'e':

ÑanDios ixina' te ts'i'ic' ñilpicuejma' ñne nocuapá: "Iya' aixina'". Tixinnila' ailopa'a al c'a lo'eyacu.

21 Itsiya imanc' aimoñnescona'me: "Ñque cal xans tipa'a xonca acueca' lipicuejma', ñque nañcuxepa, quihuejma'". Ññiya loñpomxiye lepi'icopolhuo' ÑanDios titoc'itsolhuo'.

22 Iya' camilhuo': Imanc' ja'ni añpalañjma iya' ninPablo, o toñpalaicoyi Apolos, o Cefas (ñque aPedro), o toñpalaicoyi li'a ñamats', o lapajnya, o lamaya, o lopa'a itsiya, o lo'iya locuaicoya quitine, toñnujuaitsa ÑanDios epi'icopolhuo' jahuay ñña'a titoc'itsolhuo', a'i micuxeyacolhuo'.

23 Ñinca tipa'a Nocuxepolhuo', ñque Cristo. Mañque Cristo tipa'a nicuxepa, ñque ÑanDios.

4

1 Ma Cristo lummeponga' añtoc'itsolhuo' imanc'. Ñe lañpenic'. Camilhuo': Limetsaicotsonga'. ÑanDios lapi'iponga'

lałmane lu'itsola' lan xanuc' litaiqui', iŕe xonca lemiya, luhuatl'e'e'mola'.

² Ja'ni tepi'inŕe cal xans lipenic' ticuicomma tenant'ŕiŕa' iŕe lanic' lapi'impa.

³ Itsiya, ¿te co'iya? ¿Te ja'ni imanc' ti'i'ma ałmi'ma te ts'i'ic' laif'epa iŕe laipenic', ja'ni ac'a o a'ij c'a? O ¿tipa'a anuli cal juez fa'a li'a łamats' ti'i'ma ałmi'ma tołta'a? A'i, aimi'iya. Ni iya' caituca' canescoyacoxi ac'a laif'epa.

⁴ Tama iya' caituca' caxina ac'a laif'epa laipenic', aicaixina'. Le'a ŁanDios ixina' iłta'a. Ma' iłque lu'i'ma.

⁵ Aimołnescona'mola' lołpimaye, ja'ni ac'a o a'ijc'a lo'epa. Toł'huaicoŕe ticuaicoconno łalPoujna. Fa'a li'a łamats' ti'onłcospa to lipuqui'. Axpe' aiŕui'huáqui. Iłque łalPoujna tepalc'o'i'ma jahuay. Aimi'iya memiconaya, jahuay tixinim'me. Jahuay lixpic'epa lan xanuc' jilpe łilunxajma' tixinim'me. Ja'ni ac'a al'epá łalpenic' ma ŁanDios lu'i'monga'. Anuli anuli ałmi'monga'.

⁶ Unc'aipimaye, ja'ni iya' camilhuo': "Tołe tołe lał'ejma' iya' y Apolos", ma le'a aipic'a tołta'a camuc'itsolhuo' aimołcuxecona'mołtsi cołtuca', aimołmiconam'oltsi: "Nij naitsi nałcuxeyaconga' illanc'", aimołfuli'icona'mołtsi. Aimolahuecona'me te co'iya molulijcoyacołtsi.

⁷ Ima', ¿te aimi'onłcospo' lopimaye? ¿Te xonca ts'o'hueca? Ja'ni o'hueca, ¿naitsi lepi'ipo'? Ja'ni ŁanDios Nepi'ipo', ¿te cołof'ecopoxi? Tocomma cotuca' ima' mepi'ipoxi.

⁸ Imanc' tocomma ixhuaita lołpicuejma'. Ailopa'a cahue'epolhuo'. Ti'i'ma tołcuxe'mołtsi cołtuca' imanc', latets'inga' illanc'. ¿Te tołcuayi: "Joupa lulijpá. Aimałtoc'icona'monga'"? Iya' cacua: ¡Coła' olulij'me! Tołta'a illanc' jouc'a lunxaj'me.

⁹ Illanc' ninc'apóstole tocomma ŁanDios ałpo'noponga' fa'a li'a łamats' to ninaitsi xanuc'. Fa'a latets'ininga' to latets'impola' lan xanuc' no'epá acueca' lixcay, iŕe ma le'a ił'huaijma titeł'mintsola', tima'am'mola'. Ma le'a lixoconga' illanc'. La-paluc' nomana' lema'a jouc'a lan xanuc' nomana' fa'a li'a lamats' lahuelonginga' lał'iyaconga'.

¹⁰ Imanc' moł'huaijnyi Cristo tołsinyołtsi acueca', ac'a lołpicuejma'. Illanc' aimałnescoyacołtsi tołta'a. Mał'eyi lanic' lalapi'iponga' Cristo, lan xanuc' ałnescoponga', ticuayi: "Iŕe amacta". Imanc' nipajnya toł'e'me al cueca', illanc' a'i. Nij tintsu mi'iya mał'eyacu. Imanc' timetsaicolhuo' lan xanuc', tixpaic'elhuo'. Illanc' a'i. Latets'ininga'.

¹¹ Illanc' ti'hua ałtelcoyi, lunle'eyi, lahue'enga' calsnayacu, lahue'enga' calpijahuá', luntafquina', ailopa'a calajut'ł, ma le'a ałelocoyi.

¹² Al'ecoyi canic' lałmane', acueca' quixoqui.

Ja'ni ałmiloquinga' cataiqui', ałpaxnela'. Ja'ni lihuetsouquinga', ałsnet'i'yi.

¹³ Ja'ni ałnesconga' quixcay, ałtalai'e'mola' al c'a. Illanc' ał'onlicoponga' to cal cueca' lifuc, ilpic'a ma liłonc'etsonga' nulemma. Tołta'a ał'e'enga'.

¹⁴ Laifpalaic'opolhuo' tołta'a aicatalelhuo'. Caxinnilhuo' to cainaxque', ma le'a caxc'ai'ilhuo'.

¹⁵ Imanc' tama ti'ila' axpela' lołpomxiye, tixhuaispola' to imbamaj mil, a'ijxpela' loł'aillí. Ma le'a iya' col'ailli'. Iya' ma' ca'ay lanic' lalapi'ipa Cristo, nu'ipolhuo' Lataiqui' loya'apa ile al c'a lixpicepa ŁanDios. Imanc' olapenufpá, i'ipolhuo' ainaxque'.

¹⁶ Iya' to ol'ailli' caxa'huelhuo', camilhuo': Lihuejla' iya' lai'ejma'.

¹⁷ Tołta'a tu'itolhuo' Timoteo. Ilque ai'hua, aipic'a. Linca tihuequi łalPoujna. Cumme'ma ti'huala' pu'huanni tixintsolhuo', ti'nujuaitsi'itsolhuo' te ts'i'ic' cainihuequi Cristo, te ts'i'ic' lataiqui' laifmuc'ipola' lapimaye ni petsi lafolyomma.

¹⁸ Jiłpe hualca ti'e'eyołtsi, ticuayi: "Ilque Pablo aimicuaiya fa'a. Illanc' ałsina' lał'epa."

¹⁹ Iya' ja'ni ipic'a łaiPoujna Jesucristo aimalcolya, ca'hua'ma jiłpiya. Cacuaitsi caxinnola' te ts'i'ic' lo'epa ilniya no'e'epołtsi. Ilne linca acueca' locuapa. Caxinnola' ja'ni acueca' ac'a lo'epa.

²⁰ Petsi ŁanDios ticuxe a'i ma le'a mipalolaiyi, jouc'a ti'i'ma acueca' ac'a lo'epa.

²¹ Itsiya, ¿te ts'olpic'a? ¿Cacuaitsi quixtu'hua cataletolhuo'? O ¿cacuaitsi tixoqui neta, cahuejntolhuo', capalaic'otolhuo' al c'a? Imanc' coltuca' tołsim'me.

5

¹ Iya' aicuejpa lopalaicompolhuo' imanc'. Pe lołmana' tipa'a anuli ixcay lo'epa. Lan xanuc' pe aimimetsaicoyi ŁanDios aimi'eyi to lo'epa ilque. Joupa ilecopa lihuomi'máma'.

² Imanc' aimołsuelmot'leyi, ti'hua tołnescoyołtsi: "Illanc' xonca ac'a lihuejyi". Colá' olipa'a'me ilque ni'epa lixcay.

³ Iya' tama jifa'a capa'a, tocomma ma' anuli to jipu'hua ałmana'. Iya' joupa aixpic'epa lał'e'eyacu ilque cal xans ni'epa ile lixcay.

⁴ Tolafot'letsołtsi toł'etsa ma to lałcuxe'eponga' łalPoujna. Imanc' jiłpiya lołmana'. Iya' tama capa'a fa'a, laipicuejma' ti'hua'ma pu'huanni, tołta'a ti'i'ma to lafot'leyołtsi anuli. Jiłpe ti'hua'ma acueca' limane łalPoujna Jesucristo.

⁵ Tołiya laca'nico'me ilque cal xans, ałcu'me ticuaitsi limane Satanás, titeł'miła'. Titełcolá' licuerpo aimixahue'econa'ma lixcay. Tunłula' li' alma litine ticuaiyunni łalPoujna Jesús.

6 Imanc' ti'hua tixoqui cunlata, tocomma coła' ailopa'a tintsí. A'ijc'a iŕe loł'ejma'. ¿Ja'ni aicołsina' lo'eya tułcanni cal levadura łohuants'impa łax'e? Tama tucanni titoj'ma jahuay łax'e.

7 Iŕe lixcay lonł'ejma' ti'onłcospa to cal levadura, tonlaca'nile. Ti'itsolhuo' to cal ts'e harina łax'e pe ailopa'a qui'ic'. Ła'i łolanc'ecompa cal ts'e harina łax'e titejn-ni al juic Pascua. Jiłpe al juic ti'nujuaitsinni li'epa ŁanDios litine lunłu'epola' lixanuc', iłniya lijoupa ima'apá łaca'huaj moł. Illanc' al'nujuaisyi hiMoł ŁanDios, joupa lima'ampa, iłque Cristo.

8 Al'nujuaitsa iłque, tołta'a al'e'me juic. Jiłpe al juic aimixinim'me iłque cal levadura. Laifnescopa "cal levadura", canescojma lixcay. Cagua: Aimał'e'me lixcay. Aimałnescocona'mola' quixcay lałpimaye. A'i ma le'a mał'e'e'mołtsi to lan c'a xanuc', al linca al'itsonga' ac'a lałpicuejma'.

9 Laininił'epolhuo' aimipolhuo': "Tolanajtsołtsi iłne no'epá al xujc'a. Aimołhejmale'me iłne pe noxhuicopá ocuenaye cacał'no' a'i quiłpenoye."

10 Laimipolhuo' tołta'a aicapalaicocola' lan xanuc' pe aimimetsaicoyi ŁanDios. Linca iłniya tixhuicoyi lacał'no', tijanajyi lił'huexi lił'as xanuc', tifel'miyaleyi, texc'eyaleyi lił'as xanuc', texc'onłingolaiyi landiosla'. A'i camiyacolhuo' tolanajtsołtsi iłniya. Ja'ni tołta'a lonł'eyacu tolipalcu nulemma jifa'a li'a łamats'.

11 Iya' canescola' lił'ejma' lapimaye. Camilhuo' lonł'eyacu ja'ni anuli łolpima tixhuijma ocuena cacał'no' a'i quipeno, ja'ni tijanaca ocuenaj 'huexi, ja'ni texc'onłingai'ila' landiosla', ja'ni tinesc'ela' cataiqui' lapimaye, ja'ni isna, ja'ni tifel'mila' lipimaye mexic'e'ela' liłtomí. Camilhuo': Ja'ni tołta'a li'ejma' anuli łolpima tolanajtsołtsi, ni aimołtetso'me anuli iłque.

12-13 Iłniya pe a'i calpimaye, ¿ja'ni iya' iłjuez? ¿Ja'ni cateł'mi'mola' iłniya? A'i. Ma ŁanDios iłjuez iłne. Lołpimaye nomana' jiłpiya, imanc' ti'hua lołmane ti'i'ma tołteł'mi'mola'. Iłque ni'epa lixcay, tolipa'ale.

6

1-2 Imanc', ja'ni ticuicomma tixanutsi lataiqui', ¿te colpalaic'ocopola' ts'iłpenic', iłne pe aimimetsaicoyi ŁanDios? ¿Te ja'ni aimołsinyi calaic'ata? Aimoł'econa'me tołta'a. Imanc' i'huexi ŁanDios. Małpiya pe lomana' lołpimaye tołxanu'etsoltsi lołtaiqui'. Imanc' illanc' i'huexi ŁanDios. ¿Ja'ni aicołsina' te ts'i'ic' laluyalaicoyacu? ŁanDios lapi'i'monga' lałmane, al'i'monga' iłjuez lan xanuc', iłne pe aimimetsaicoyi ŁanDios. Locuaicoya quitine, ja'ni tołta'a acueca' ti'i'ma loł'eyacu, itsiya litine, ¿te aimi'ya monł'eyacu iłe a'ij cueca'?

3 ¿Te aicolsina' lo'iya Locuena Quitine? ÑanDios ałpo'no'monga' ijuez lapaluc' quema'a. Itsiya litine, ¿te aimi'iya mołsanuyacu iñe lo'ipolhuo' jifa'a li'a łamats'?

4 Ma muluyalaicoyi lapajnya ja'ni tipa'a lo'ipa jıłpiya pe lolafot'leyopoltsi, najmay tołnanc'otsola' ma lołpimaye, iñe tix-anuñe lataiqui', tama tocomma nij naitsi xanuc' iñiya.

5 Camilhuo' tołta'a aipic'a tołsintsołtsi te ts'i'ic' loł'ejma', tołsinñe calaic'ata. Jıłpe, ¿ja'ni ailopa'a ni' anuli łapima ts'ixina'? ¿Ja'ni ailopa'a ni' anuli ti'i'ma ti'e'ma tixanu'e'mola' liłtaiqui' lipimaye?

6 Tocomma to ailopa'a. Tołiya lapimaye ticuxecoyoltsi, tiyeyi pe lomana' lan juez, iñe pe aimimetsaicoyi ÑanDios.

7 Linca ma mołfuli'iyoltsi, mołcuxecoyoltsi timenaquilhuo' juaiconapa. Xonca ac'a lonł'eyacu ja'ni tołsnet'l'me lo'ipolhuo'. Ja'ni a'ijc'a lo'epolhuo', ja'ni ifel'mipolhuo', aimolixtuc'o'moltsi.

8 Imanc' ituca' loł'ejma'. A'ijc'a lonł'epola' lołpimaye, ofel'mipola'. Tama ołpimaye tołta'a lonł'epa.

9 ¿Te aicolsina' lo'iyacola' iñe no'epá al xujc'a? Aimitsuflaiyacu pe locuxeyopa ÑanDios. Imanc' aimołfel'mi'moltsi. Aimołcua'me: “Tama tołiya laif'epa catsufaita”. Iñe nahuepá cacal'no', jouc'a naxc'onłingolaipá landiosla', jouc'a noxhuicopá ocuenaye cacal'no', a'i quılpenoye, jouc'a lan xanuc' no'e'epołtsi to lacał'no', jouc'a nonangolaipoltsi liłf'as xanuc', ma to li'epa lan xanuc' jıłpe liłya' Sodoma,

10 jouc'a nonantsepá, jouc'a nojanajpá łocuenaj 'huexi, jouc'a noxnatsaipá, jouc'a nopalaicopá quixcay, jouc'a nofel'miyalepá mulijyi acueca' quıltomí, jahuay iñiya ÑanDios aimepi'iyacola' lane, aimitsuflaiyacu pe locuxeyopa.

11 Linca, li'ipa tołta'a lonł'epa hualca imanc'. Itsiya a'i. Joupa ołnespá: “Ca'huaiyinge Jesús, iłque aiPoujna”, joupa epo'impolhuo', i'e'epolhuo' limpio, olapenufpá cal Espíritu Santo. Tołta'a i'ipolhuo' i'huexi ÑanDios. Iłque tepenufilhuo' to ailopa'a cołjunac'.

12 ¿Te ja'ni anuli ticua: “Tipa'a lane. Jahuay ti'i'ma ca'e'ma.”? Linca jahuay ti'i'ma ał'e'me. A'i jahuay metenłcocoya. Cagua: Ja'ni ti'i'ma lulij'ma, iñe aica'eya.

13 Tinesyi: “ÑanDios ilanc'epa lałcu'u ti'nijmaispa lałtejacu. Jouc'a ilanc'epa lałtejacu ti'nijmaitsi lałcu'u.” Linca ma małmana' fa'a li'a łamats' ti'hua ti'nijmaita lałcu'u lałtejacu. Ticuaitsi Locuena Quitine iñiya lałcu'u ailopa'a, jouc'a lałtejacu ailopa'a. Tołta'a lixpıc'epa ÑanDios. ¿Te ÑanDios lapi'iponga' lałcuerpo lahuecotsola' lacał'no'? A'i. Lapi'iponga' ał'ełe lanic', iñe lalapi'iponga' lałPoujna. Iłque iPoujna lałcuerpo jouc'a.

14 ÑanDios joupá imaf'i'ina pa ñaPoujna Jesucristo. Toñta'a añsim'me al cueca' lo'eya ÑanDios. Añmaf'i'ina'monga' jouc'a ñaÑuerpo.

15 ÑaÑuerpo joupá i'ipa i'huexi Cristo, tocomma to li-mane', li'mitsi' ñque. ¿Te aicoñsina' ñña'a? ¿Te liñonc'e'e'me li'huexi ñaPoujna Jesucristo? ¿Te lapi'i'me anuli ñaca'no' notepa licuerpo? ñque tixhuico'ma ma to mijanaca. A'i, aimi'ya.

16 Ñan xanuc' lacañ'no' ja'ni joupá ejonñipolñsi i'epolñsi anuli. Jouc'a ma' anuli cal xans tejonñixoxi ñaca'no' notepa licuerpo, ti'i'mola' anuli ññiya. ÑanDios ticua: “Loquexi' tejonñi'molñsi, ti'i'ma anuli liÑuerpo”. ¿Te aicoñsina' ñña'a?

17 Jouc'a cal xans ñejmale ñaPoujna Jesucristo, ñque y ñaPoujna i'ipolñsi anuli, anuli liÑpicuejma' ññiya.

18 Toñpo'nole loÑpicuejma', aimol'noñ'mola' lacañ'no'. Tolinuc'etsola' ññiya. Ticuanni: “Ja'ni a'ijc'a ña'epá ailopa'a co'ya ñaÑuerpo, toñe añmanecu”. Iya' camilhuo': A'i. Naitsi no'noñpa ocuena caca'no' tixis'mecoyoxi, titeñ'miyoxi quituca', tecani'e licuerpo.

19 ¿Te aicoñsina' loÑuerpo ti'onñcospa lajut'i pe lopa'a ÑanDios? Jiñpe tipa'a cal Espíritu Santo, ñque ñumme'epolhuo' ÑanDios. Itsiya aimi'ya moñcuxeyacolñsi colñuca'.

20 Acueca' li'ñajtsecopa ÑanDios, toñta'a i'epolhuo' i'huexi. Jiñpiya loÑuerpo toññajtsi'ñe ÑanDios. Tonñ'ete ma le'a latencocoya.

7

1-2 Itsiya quiniñ'elhuo', catalai'e'elhuo' lalicuis'epa jiñpe loñje'e. Licuis'epa, añmi ja'ni ac'a loÑpic'epa anuli cal xans nonespa: “Iya' capajm'ma caituca'. Aicahueya caipeno.” Ne'. Tama ac'a loÑpic'epa ñque cal xans, najmay ñan xanuc' anuli anuli temaññe. Jouc'a lacañ'no' anuli anuli temaññe. Toñta'a aimi'eyacu niñpiya.

3 Cal xans aimicuanaj'moxi, ti'e'exoxi anuli ñipeno. Jouc'a ñaca'no' aimicuanaj'moxi, ti'e'exoxi anuli ñipe'ailli'.

4 Aimines'ma ñaca'no': “Laicuerpo ai'huexi. Ja'ni aipic'a ca'e'e'moxi cuenna.” A'i. Licuerpo ñaca'no' i'huexi ñipe'ailli'. Jouc'a cal xans aimines'ma: “Laicuerpo ai'huexi. Ja'ni aipic'a ca'e'e'moxi cuenna.” A'i. Licuerpo cal xans i'huexi ñipeno.

5 Imanc', aimolñcuanac'e'molñsi. Ma le'a toñcuanac'e'molñsi ja'ni toñpic'ete loquexi' imanc'. Ja'ni toñnesle: “Alanajle oquej afane' quitine, añsnet'ñe, añpalaic'o'me ÑanDios. Muyaipá ññe liñiné añ'e'e'molñsi cuenna.” Ja'ni toñta'a oñpic'epá, ne', toñ'e'etsolñsi cuenna. Tuyañña' ññe oquej afane' quitine tonñ'e'econatsoñsi anuli. Ja'ni a'i aimolñsnet'ñyacu. Tijouña' ñonta'a Satanás tehuai'molhuo'.

6 He laitaiqui' laifmipolhuo': "Anuli anuli cal xans temañta'", aicacuxe'elhuo' tołta'a. Ma le'a camilhuo': Tipa'a lane ti'ila' tołta'a lonf'eyacu.

7 Iya' xonca aipic'a timajnle quiltuca' lan xanuc', al'onłcota to iya'. Iya' capa'a caituca'. Tama tołta'a laifcuapa hualca aimi'iya mi'eyacu. Ituca' ituca' lapi'iponga' lał'ejma' LanDios. Anuli ti'i'ma tixnet'f'ma, łocuena aimi'iya mixnet'f'ya.

8 Imanc' pe aiconlamalliyi, jouc'a ja'ni apotsateya cacal'no', iya' camilhuo': Tołmajnle coltuca', ma to iya' capa'a caituca'. Tołta'a xonca al c'a tuluyalaico'me.

9 Ja'ni tołjanajyołtsi juaiconapa, tocomma tołpi'eyołtsi, najmay tonlamallife.

10 Imanc' unc'apimaye joupa nolamallipá camilhuo' lonf'eyacu. Iya' a'i caituca' iłta'a laifcuxe'epolhuo'. Camilhuo' ma lałcuxe'eponga' lałPoujna.

Imanc' unc'acal'no' camilhuo': Aimainuc'e'ma łope'ailli'.

11 Ja'ni ominuc'epa aimahueta ocuenaj xans. Topajnla' cotuca'. O ja'ni aimi'iya, taihuejnała' łope'ailli', tołxanunatsołtsi lataiqui', tolimenc'e'ecotsołtsi loł'epa.

Jouc'a cunc'apimaye xanuc' camilhuo': Aimaihuescuf'ma łopeno.

12 Locuenaye imanc' nolamallipá petsi le'a anuli imanc' naihuejcopa Jesucristo, camilhuo' lonf'eyacu. Iłta'a laifmipolhuo' aicalmic' lałPoujna. Iłque aiquipo'nohuo cataiqui' lonf'eyacu. Ma' iya' caituca' caxc'ai'ilhuo', camilhuo': Unc'apimaye, ja'ni anuli imanc' łipeno, tama aimihuejma Jesucristo, tixpic'e tipajnla', ne', timajnle anuli, aimihuescuf'ma.

13 Jouc'a unc'apimaye cacal'no', ja'ni anuli imanc' łipe'ailli', tama aimihuejma Jesucristo, tixpic'e tipajnla', ne', timajnle anuli, aiminuc'e'ma.

14 Ima' taihuequi Jesucristo, tama łope'ailli' aimihuequi, LanDios joupa imetsaicopa iłque to cope'ailli'. Ma' anuli maipima, ima' taihuequi Jesucristo, tama łopeno aimihuequi, LanDios joupa imetsaicopa iłque to copeno. Ja'ni a'i tołta'a LanDios cola' aiquimetsaicola' lołmaxque' iłne i'huexi. Itsiya linca timetsaicola' iłniya.

15 Iłne pe aimihuejyi loquexi' Jesucristo, axans o aca'no', petsi aiquihuequi ja'ni ipic'a tenaj'moxi, ima' petsi mihuequi tapi'ila' lane. Aimonos'ma: "Joupa alłfi'inga'. Aimi'iya malux'masyacołtsi." LanDios alłjoc'iponga' alłmajnle al c'a, aimalfulołque'me.

16 Ima' maipima caca'no', ja'ni łope'ailli' aimihuequi Jesucristo, mipa'a iłque ima' aicoxina' ja'ni ti'i'ma to'e'e'ma tixhuej'menanni, tunłu'ma. Jouc'a ima' maipima, ja'ni łopeno

aimihuequi, mipa'a ilque ima' aicoxina' ja'ni ti'i'ma to'e'e'ma tixhuej'menanni, tunlu'ma.

17 Iya' cacua: Ma to la'ejma' lalapi'iponga' laPoujna, to'ta'a al'ele. Jouc'a ma to qui'ic' la'po'no'ponga' LanDios to'ta'a luyalaico'me lapajnya. To'ta'a laifmuc'ipola' lapimaye ni petsi lafo'yomma.

18 He litine lijoc'ipo' LanDios ja'ni joupa etec'empo' lopixic', i'ipa loseña, tipanenni to'ta'a. Aimon'es'ma: "¿Te caif'eya? Qui'onc'e'e'moxi ile laiseña." O ja'ni aiqetec'enghuo' lopixic', topanenni to'ta'a. Amon'es'ma: "Alatec'e'enla' laipixic'".

19 Ailopa'a tintsi. Ja'ni etec'empo' lopixic' o a'i, ma' anuli ile. Taihuejla' locuxepa LanDios. To'ta'a linca teten'cocojma LanDios.

20 Jahuay imanc', ma to mipa'a lo'pepajnya litine LanDios lijoc'ipolhuo', ma to'ta'a to'majnle.

21 Ima' joupa ijoc'ipo' LanDios, ja'ni ummozo, i'huexi lo'poujna, aimoxhue'lot'le'ma. Ja'ni tixpic'enle tux'masnatso' ima' tones'ma: "A'i. Najmay capanehuo. Fa'a quihuejco'ma Cristo."

22 Litine lijoc'ipolhuo' LanDios, ile litine Cristo ilonc'epolhuo' limane lonta'a. Itsiya, ja'ni ima' ummozo, ima' i'huexi lo'poujna fa'a li'a lamats', o ja'ni ailopa'a copoujna fa'a, ma' ilque Cristo ol'Poujna loquexi' imanc'.

23 To'l'nujuaitsa, LanDios i'najtsepa acueca' ti'etsolhuo' i'huexi Cristo. Aimolihuej'mola' lan xanuc', tunlihuejle Jesucristo. Ilque linca ol'Poujna.

24 Unc'aipimaye, ma to mipa'a lo'pepajnya ile litine LanDios lijoc'ipolhuo', ma to'ta'a to'majnle. To qui'ic' ton'le'le latent'cocoya LanDios.

25 Lapimaye cahuats'la jouc'a lamijcanó, laPoujna Jesucristo aicalu'ic' lo'eyacu ihniya. Iya' cu'i'molhuo' laifxp'ic'epa iya' caituca' laipicuejma'. Linca LanDios joupa alsanu'epa laipicuejma', aicafel'miyale.

26 Camilhuo': Itsiya ipime lapajnya, afule maluyalaicoyi. Ilne lahuats'la o lamijcanó xonca al c'a tuyalaico'me ja'ni timajnle to mimana'.

27 Ima' maipima, ¿te fi'ilhuo' lo'peno? Aimoxhue'lot'le'ma. Aimahue'ma tolux'mas'moltsi. O ima', ¿te ailopa'a copeno? Ne', aimahue'ma copeno. Topajnla' to'le.

28 O ja'ni tamane'ma, nipajnya, tamane'la', ailopa'a tintsi. Jouc'a anuli lahuats', ja'ni temane'ma ailopa'a tintsi. Ma' alinca ilne namallipá xonca ipime li'pepajnya. Iya' aipic'a aimolte'l'mi'moltsi. Toliya cu'ilhuo': Xonca al c'a tuluyalaico'me ilne pe aimemalliya.

29 Itsiya LanDios ipic'a ti'ila' ituca' laluyalaicopa lapajnya. Etec'opa hitiné, aimico'ya li'a lamats'. Toliya ilne nemallipá

ti'onłcotola' li'e'jma' to iłne pe aikuilemalki. Tixojma quileta ti'e'me lanic' lapi'ipola' ŁanDios.

³⁰ Jouc'a nohuotsopá, ticuicomma ti'e'ma ma to ailopa'a quipihuotsoqueya. Jouc'a noyalaicopá al c'a, aimi'e'me ma le'a liłpinoxjma cata iłne quilituca', ti'nujuaisle liłpimaye. Jouc'a no'najualepá, tama tipa'a lił'hueca aimi'nujuais'me iłiya.

³¹ Jouc'a nolijpá quilitomí fa'a li'a łamats', aimixhuej'me'me ma le'a iłe lanic'. Li'a łamats', jahuay lałsimpa fa'a itsiya, ti'hua tijaf'que, tijouna'ma.

³² Aipic'a aimołsuełcocoyacu lapajnya fa'a li'a łamats'. Łapima nopa'a quituca' itine itine ti'nujuaitsi Jesucristo. Tehuay tetenłcoco'ma iłque liPoujna.

³³ Łapima nemanepa itine itine ti'nujuaitsi lapajnya fa'a li'a łamats'. Tehuay tetenłcoco'ma lipeno.

³⁴ I'ipa oque' lipicuejma'.

Ma' anuli lo'ipa łapima cahuats'. Itine itine ti'nujuaitsi Jesucristo. Ticua: "Aipic'a ał'ila' i'huexi Cristo, łai'alma jouc'a laicuerpo. Le'a iłque aiPoujna." Łapima caca'no' nemanepa ti'nujuaitsi lapajnya fa'a li'a łamats'. Tehuay tetenłcoco'ma lipe'ailli'.

³⁵ Laixc'ai'ipolhuo' tołta'a aipic'a catoc'itsolhuo'. Aicacux-enai'ilhuo'. Aicamilhuo': "Tołe, tołe ton'lele". Ai. Ma le'a cacua: "Tetencocola' loł'ejma' ŁanDios". Tołta'a itine itine jahuay łolunxajma' tołjoc'i'me lałPoujna. Ja'ni acueca' tołsuełcocoyi xonca toł'nujuais'me lapajnya fa'a li'a łamats', aimi'iya mołjoc'iyacu ŁanDios.

³⁶ Cal xans y anuli łahuats', petsi aquejonłiyoltsi ma le'a tiyejmaleyi mi'eyi lanic' lapi'ipola' lałPoujna Cristo, ja'ni ticuaiti litine aimixnet'łqui cal xans, ipic'a ti'e'e'mołtsi anuli, ne', temallile. Ti'e'ma ma to ts'ipic'a. ŁanDios tixina ac'a lo'eya.

³⁷ Jouc'a ac'a lo'epa cal xans joupa ixpic'epa, ticua: "Ma' ałejmale'me, aimalajonłiyacoltsi iya' łahuats'". Ne', tołta'a tiyejmale'me, ailopa'a tintsı, aimemalli'me.

³⁸ Iya' cacua: Ac'a lo'eya cal xans nolecoya łahuats', łamalliyacu. Xonca ac'a lo'eya iłque petsi aikuilejma, aimemalliyacu.

³⁹ Ma' imaf'i' lipe'ailli' łaca'no' ifiyiya. Ja'ni timanłta' lipe'ailli' łaca'no' ux'masquenamma. Tipa'a lane temanecona'ma. Ma le'a ti'ila' cal xans jouc'a i'huexi lałPoujna Jesucristo.

⁴⁰ Tama ti'i'ma temalli'me, łaca'no' ja'ni tipajnlá' quituca' xonca ac'a tuyaico'ma lapajnya. Tołta'a laifmipolhuo' iya'. Cacua: Jouc'a iya' cal Espíritu Santo ałcuxe laifmipolhuo'.

8

¹ Itsiya ałpalaico'me lotsufcopa landiosla'. Linca jahuay

illanc' ÆanDios lapi'iponga' laþpicuejma'. Ałsina' laþeyacu. Iya' cacua: Tama tipa'a laþpicuejma' ja'ni aimał'nujuaitsila' laþpimaye, ¿te quipenic' laþpicuejma'? Tołta'a ma le'a lunfu'eyołtsi laþpicuejma'. Ja'ni jouc'a ał'nujuaitsila' laþpimaye, ja'ni ałtoc'ila' xonca ałfa'e'moltsi laþpicuejma'.

² Cal xans nocuapa: “Ne', ne', aixina”, iłque aiqixina', ma le'a ticua.

³ Cal xans no'epa capic'a ÆanDios, ÆanDios timetsaijma iłque cal xans.

⁴ Ałpalaico'me łotejnyacu joupa łitsufcopa lilendiosla', ja'ni ti'i'ma ałte'me o aimi'iya. Iya' cacua: Illanc' joupa ałsina' tipa'a anuli ÆanDios. Landiosla' ailopa'a co'eyacu.

⁵ Æinca timana' iłniya lacui'impola' “andiosla” o “apoujnalá”. Ja'ni fa'a li'a łamats' o jilpe lema'a tama ti'ila' axpela' iłne landiosla',

⁶ illanc' tipa'a ma' anuli łalanDios, iłque ał'Ailli'. Jahuay lopa'a iłque ixpic'epa ti'ila', małmana' fa'a li'a łamats' ał'ełe latentłcocoja iłque. Jouc'a tipa'a le'a anuli łałPoujna, iłque Jesucristo. ÆanDios jahuay lixp'epa ti'ila', iłque łałPoujna ilanc'epa, lapi'inga' al ts'e lałpitine.

⁷ Timana' lapimaye aimicuec'eyi. Ticuayi: “Iłniya lan imagen ma' andiosla'. Cal tejua' łitsufcompola' joupa i'ipa ił'huexi iłniya.” Pe nonespá tołta'a ja'ni titełe łitsufcompola' tixhuełco'me, tines'me: “Aijc'a lał'epa”.

⁸ ¿Te aga łałtepa lapenufco'monga' ÆanDios? Ja'ni ałtele łitsufcompola' landiosla', ¿te aga ÆanDios ałsim'monga' xonca acueca' laþpicuejma'? A'i. Ja'ni aimałteji, ¿te aga ałsim'monga' xonca a'ijc'a laþpicuejma'? A'i.

⁹ Tama aixina' tołcuc'eyi iłta'a, itsiya camilhuo': Tołspic'ele al c'a lonł'eyacu. Aimoluc'uilitsuf'e'mola' lapimaye petsi aiqilcueca.

¹⁰ Ima' tocuca, oxina' nipajnya tote'ma łitsufcompola' landiosla'. To'hua'ma al juic lo'epa jilpe lixoute' iłque lilendios, tote'ma łitsufcompa. Jilpe muyaipa łopima, iłque aimicueca, aimicua miteja, ticua: “Aimi'iya”. Tixintso' ima' toteja, tipai'i'moxi lipicuejma', ticua'ma: “Ailopa'a tintsı. Iya' jouc'a cate'ma łitsufcompa lilendios.” Ima' ¿ja'ni tołoc'i łopima? A'i.

¹¹ Ima' tocuca, ti'i'ma tote'ma. Łopima aimicueca tołta'a. Ja'ni titeła' tixhuełco'ma, tecani'e'moxi. Małque łopima i'huexi Cristo, iłque Cristo itelcopa lamaya tunłu'eła'.

¹² Tołta'a lonł'epa tolatets'ila' lołpimaye, tołscai'ela' liłpicuejma'. Tołatets'ila' a'i ma le'a lołpimaye, jouc'a tolatets'iyi Cristo.

¹³ Iya' cacua: Ja'ni łaftepa tuc'uilitsuf'e'ma łaipima, aicateconaya iłiya.

9

1-3 Jilpe timana' nocuapá: “Iique Pablo, ¿naitsi iique?” Iya' catalai'e: ¿Te anuli cal xans aipoujna? ¿Te iya' a'i nin'apóstol? ¿Te aicalummaic' Jesucristo? ¿Te aicaixina' iya' iique laPoujna? Imanc' nol'huaiyimpá Jesucristo, ¿naitsi nu'ipolhuo' Lataiqui'? ¿Naitsi cummepa Jesucristo ti'etsi lanic' jilpiya? ¿Te a'i iya'? Tama tinesyi ocuenaye: “Pablo a'i apóstol, aimi'hua li-mane”, imanc' aimi'iya moñesyacu toliya. Imanc' olapenufpá laitaiqui', ol'huaiyimpá Jesucristo, tohta'a LanDios imuj'ma iya' ainca nin'apóstol.

4 Illanc', ¿te aicalapi'inga' lane malapenufyacu lahtejacu, lahsnayacu lalapi'iyaconga' lapimaye?

5 ¿Te aimi'iya ma'eyacu anuli to lo'epa locuenaye lan apóstole, jouc'a lipimaye laPoujna, jouc'a Pedro? Ine ihejma lihpene apimaye.

6 Ihiya linca tipa'a lane aimi'e'me canic', ma le'a ti'e'me ile lanic' lepi'ipola' ca'Ailli' Jesucristo. Iya' y Bernabé, ¿te illanc' le'a ailopa'a lane ma'eyacu tohta'a?

7 Cal soldado, ¿te ti'najtse'ma quituca' loteja? Linfapa 'uva, ¿te aimiteja hi'uva? O no'epola' cuenna lihuacax, ¿te aimixnaya liheche?

8 Ihiya lainespa, ¿te ma' iya' caituca' quipa'e laipicuejma'? Lataiqui' locuxepa LanDios, ¿te aimuya'e' toliya?

9-10 Tohta'a loya'apa licuxepa Moisés, ticua: “Mi'huailsetsufyi lan huacax cal trigo, aimof'i'e'mola' lilepu'na”. He lataiqui', ¿te LanDios ma ti'nujuaitsila' lan huacax? o ¿al'nujuaitsinga' illanc' na'epá lanic', ile lalapi'iponga'? Linca, al'nujuaitsinga' illanc'. Al'onkosponga' to cal xans mepa'ma lemats' petsi lofaya cal trigo, o to cal xans mifusma trigo. Ine tixoc'iyoltsi quileta ti'eyi canic', ihsina' tite'me quiltrigo.

11 Illanc' jilpiya aifapá Lataiqui', toliya ac'a loluyalaicoyacu imanc' Locuena Quitine. Itsiya litine, illanc' mañmana' fa'a li'a lamats', ¿te ailopa'a calafot'leyacu? ¿Ja'ni aimalapi'iyaconga' ni caltejacu? ¿Te tohsinyi ipime ihiya?

12 Iya' cacua: Ja'ni tolimetsaicola' locuenaye ti'hua tohta'a liñmane, tohtes'mila', ¿te aimalimetsaicoyaconga' xonca illanc'? Linca mañmana' jilpe illanc' luyalaicoyi lapajnya to aimi'hua lañmane. Ailopa'a cahsahue'epolhuo' imanc'. Xonca aipic'a tolihuejle Lataiqui'. Aimolixtule'me.

13 ¿Te aicoisina' te ts'i'ic' loyalaicopá lihpapajnya ihiya no'epá canic' al xoute'? Ine titeji notsufcopá jilpe al xoute'. Ine petsi lotsufcompola' linneja jilpe al altar, mañniya titeji ile lixic'.

14 LaPoujna illanc' ixpic'epa ma' anuli tuyalaico'me ine noya'apá Lataiqui'. Ixplic'epa aimi'e'me ocuena canic'. Muya'ayi Lataiqui' ihiya, lihpimaye tepi'intsola' lotejacu.

15 Iya' linca aicainuyaijma toŧta'a. Ni itsiya aicamilhuo': "Imanc' altoc'ila". A'i. Iya' tixoqui neta culij'ma laiftepa. Ja'ni coŧa' ti'ila' ituca' lai'ejma' caxhueŧco'ma juaiconapa. ¡Najmay aŧmala'! Iya' caituca' caxpic'e toŧta'a lai'ejma'.

16 Linca a'i caituca' laipicuejma' caxpic'e cuya'a'ma Lataiqui'. He lanic' joupa lapi'ipa ŦanDios. Ja'ni aica'ay caxhueŧco'ma juaiconapa. Toŧta'a a'ijc'a laifnuyaicoya.

17 Ja'ni coŧa' iya' caituca' aixpic'epa cuya'aŧa' Lataiqui', aga aŧ'najtse'ma. Iya' caituca' aicaxpic'e, ma le'a quihuejcocojma iŧe laŧcuxe'empa. ¿Te caŧ'najtsecoya?

18 Iya' linca aica'najtsi'iyale, ma le'a cuya'e' Lataiqui'. Tama ti'hua laimane, tama nipajnya caxahue'eŧa', aicaxa'hue. Ti-jouŧa', ¿te tipa'a laifnulijya?

19 Culij'mola' lan xanuc'.

Ailopa'a caipoujna axans. Tama ailopa'a naŧcuxeya aicaiŧof'eyoxi. Aixpic'epa ca'njuaitsola' jahuay. Toŧta'a ti'i'ma xonca axpela' laifnulijyacola', iŧne napenufyacu Lataiqui'.

20 Iya' ninjudío ai'onŧicopoxi to laif'as judío, tetenŧcocotsola' iŧniya lai'ejma'. Aŧquimf'eŧa', tepenufle Lataiqui'. Itsiya tama aixina' aimalunŧu'eya litaiqui' Moisés, iya' ai'onŧicopoxi to iŧniya naihuejpá iŧe lataiqui'. Cacia: Toŧiya lapenuf'ma iya' laifnuya'apa Lataiqui'.

21 Jouc'a aipic'a tepenufle laifnuya'apa petsi aimimetsaicoyi locuxepa ŦanDios, iŧne naihuejcopá quituca' liŧpicuejma'. Toŧiya ai'onŧicopoxi to iŧniya. Iya' linca aicainihuequi caituca' laipicuejma', quihuejma Cristo. Toŧiya canant'ŧi locuxepa ŦanDios.

22 Jouc'a ai'onŧicopoxi to lapimaye pe aimicuec'eyi litaiqui' Jesucristo. Cahuay te co'iya metenŧcocoyacola' lan xanuc' ni petsi lomana', ocuena ocuena liŧraza, liŧ'ejma'. Cacia: Toŧta'a cunŧu'e'mola' hualca iŧniya.

23 Toŧta'a laif'epa laipenic', iŧe lalapi'ipa ŦanDios. Jahuay ŧainunxajma' cuya'e' Lataiqui'. Cacia: He Lataiqui' tuya'e' te ts'i'ic' lalapi'iyaconga'. Iya' jouc'a lapimaye lulijle iŧe al c'a.

24 ¿Te aicoŧsina' lo'ipola' lan xanuc' lalahuaiyacoŧsi cainuya? Axpela' nainulpá, anuli nolijya, tepi'inni quipremio. Imanc' tolihuejle Cristo, tepi'itsolhuo' lolulijyacu.

25 Iŧne pe notsuflaiyacu lofit'ŧyacu ti'e'moŧsi cuenna, ti'ila' acueca' quiŧpujfxi, tulijle lafit'ŧya. Petsi nolijya tepi'im'me licorona lilanc'empa ipela c'ec. He al corona aimixnet'ŧqui, tetelquemma. Illanc' ja'ni lulijle, lalapi'inyaconga' aimijouya, ti'hua ticoli tijauhuamlaicota.

26-27 Cal xans nonespa: "Culij'ma lalahuaiyacoŧsi cainuya", iŧque ac'a tinu'ma, tehuelonge pe locuaicoya. Toŧta'a iya' cainihuequi Jesucristo. Iya' cacuxeyoxi. Lai'ejma' a'i to li'ejma'

cal xans notsufaipa lafit'lya tuntafco'moŧsi liŧmane, tijouŧa' ma tuntafque ŧahua'. Iŧque ŧinca aimulijya. Iya' cateŧ'miyoxi. Cacula: Iŧta'a laicuerpo ti'ŧŧa' quixina' iŧe a'i caipoujna. Ma' iya' caituca' cacuxe'moxi al c'a. Ja'ni a'i, ŧte co'iya? Iya' cola' ailopa'a calapi'inya tama nuya'a'ma Lataiqui'. Tope tope capanehuo.

10

1 Unc'aipimaye, camilhuo' aimolimenc'eco'me li'ipola' laŧtatahueló. Jahuay iŧniya unxamu'ela' ŧummahuay lipo'nopa ŧanDios lema'a. Jahuay uyalaico'me ŧaja, ŧanDios ilanc'e'epola' liŧpene.

2 Iŧniya lunxamu'epola' ŧummahuay, nuyalaicopá ŧaja, toŧta'a i'ipola' lixanuc' Moisés. Jahuay ilihuequi iŧque.

3 Jahuay iŧne ma' anuli nitepá ŧa'i, iŧque li'huayomma lema'a.

4 Jahuay ma' anuli noxnapá ŧaja' lepi'ipola' ŧanDios. Iŧe ŧaja' tipayomma ŧapic lipo'nopa ŧanDios. Ni petŧi loyepa lan xanuc' jouc'a ti'hua'ma ŧapic, tiyeyi anuli. ŧapic ma' iŧque Cristo.

5 Jahuay iŧniya ŧanDios itoc'i'mola' ma' anuli. A'i jahuay letenŧcocopa ŧanDios li'ejma'. Imanapola' jiŧpe lijuŧ camats'. Toŧta'a liŧeŧ'mipola' ŧanDios.

6 Iŧe li'ipola' laŧtatahueló ŧanDios aŧ'onŧiconga' to illanc' laŧ'iyaconga' ja'ni a'ij c'a la'ejma'. Lu'inga': "Toŧpo'note loŧpicuejma' aimoŧjanaj'me molihuej'me lixcay to lihuejpa iŧniya".

7 Imanc' aimolaxc'onŧingolai'mola' landiosla'. Toŧta'a li'epa hualca iŧne lan xanuc'. Tuya'e' al Paxi Liniŧingiya ticua: I'epá liŧjuic landiosla', icuŧŧolai'me, itetso'me, ixna'me. Lijou'ma itsolinanca quixojma cata, i'e'me niŧpiya.

8 Jouc'a aimoŧ'noŧ'mola' lacaŧ'no'. Hualca iŧne lan xanuc' toŧta'a li'epa. ŧanDios iteŧ'mi'mola'. Anuli litine imana'mola' anuxans fane' mil lan xanuc'.

9 Jouc'a aimolahuai'me laŧ'poujna. Toŧta'a li'epa hualca iŧniya. ŧanDios umme'mola' lainofat'ŧ. Iŧne ima'a'me lan xanuc'.

10 Jouc'a aimoŧtac'ui'me cajunac' ŧanDios. Hualca toŧta'a li'epa. ŧanDios umme'ma ŧepaluc quema'a, ima'a'mola'.

11 Jahuay iŧiya li'ipola' laŧtatahueló, ŧanDios aŧ'onŧiconga' to illanc' laŧ'iyaconga' ja'ni a'ij c'a la'ejma'. Jiŧpe al Paxi Liniŧingiya ŧanDios aŧsc'ai'inga' illanc' laŧmana' iŧna'a liŧiné ma mi'hua mi-jou'ma li'a ŧamats'. Lu'inga' aimat'e'me to iŧniya.

12 Toŧ'nujuaitŧa li'ipola' laŧtatahueló. Ja'ni tocu: "Iya' ma quihuequi. Ailopa'a caŧ'iya", iya' camihuo': Ne', topo'noŧa' cuenna. Aimixcaimo'.

13 Itsiya toŧteŧcoyi ma le'a to laŧteŧcopa maŧmana' fa'a li'a ŧamats'. ŧanDios joupa lu'ipolhuo': "Iya' catoc'i'molhuo'". Toŧta'a lo'eya. Iŧque aimipaiya lipicuejma'. Ja'ni toŧŧinyi

acueca' ile loŧteŧcopa, ja'ni toŧnesle: “Aimi'iya caixnet'ŧconaya”, LanDios timuc'i'molhuo' lonŧ'eyacu. Timuc'i'molhuo' te co'iya moluliyacu. Toŧta'a ti'hua toŧsnet'ŧme.

14 Maicunc'aipimaye, aimolihuej'me landiosla'. Tolanajt-solŧsi nulemma.

15 Imanc' a'i cunc'amac'ta. Tipa'a loŧpicuejma'. Itsiya aŧquim'ela' iŧta'a laifmiyacolhuo'. Tijoula' toŧspic'ele al c'a lonŧ'eyacu.

16 Illanc' ninc'apimaye tipa'a laŧvaso, jiŧpe maŧsnayi aŧ'nujuaisyi li'epa Cristo. Aŧs'naŧsi'i'me LanDios, aŧsna'me al vino lopa'a jiŧpe al vaso. Maŧsnayi al vino jahuay anuli aŧ'nujuaisyi lijuats' Cristo. Maŧteji ŧa'i ŧaŧsquejpa jahuay anuli aŧ'nujuaisyi licuerpo Cristo.

17 ŧa'i ŧaŧsquejpa ti'onŧcospa to licuerpo Cristo. Iŧque ŧa'i ma le'a anuli. Toŧta'a timuŧqui tama ninc'xpela' illanc' ma le'a anuli. Iŧque anuli ŧa'i ahualca ahualca aŧteji jahuay.

18 Lan xanuc' Israel miteji lixic' litsufcompa jiŧpe al cuecaj xoute', ti'nujuaisyi ile al altar pe laipa'ayompa lixic' i'altar LanDios.

19 Linca aica'onŧicola' ŧalanDios to lilendiosla'. Jouc'a aica'onŧicola' lotsufcompola' lilendiosla' to lotsufcopa LanDios.

20 Mane cacua: Lan xanuc' pe aimimetsaicoyi LanDios aim-itsufcoyi LanDios, titsufcoyi lontahue. Cacua: Amoŧtetso'me anuli lontahue, aimoŧtejmale'me anuli iŧniya.

21 Imanc' ja'ni toŧsnayi livaso ŧaŧPoujna Cristo aimi'iya moŧsnayacu jouc'a liŧvaso iŧne lontahue. Ja'ni toŧtetsoyi jiŧpe lacui'impa “limesa ŧaŧPoujna”, toŧtetsoyi anuli iŧque. Aimi'iya moŧtetsoyacu anuli lontahue jiŧpe liŧmesa.

22 O, ¿ja'ni lahuaife ŧaŧPoujna? ¿Ja'ni xonca ti'hua laŧmane?

23 Linca tama jahuay nipajnya aŧ'e'me, tipa'a latentŧcocoya jouc'a tipa'a pe aimetenŧcocojma. Tama jahuay nipajnya aŧ'e'me a'i jahuay mitoc'iyacola' lapimaye.

24 Imanc', aimoŧ'e'me loŧpic'a coŧtuca'. Toŧ'e'me ile lo-toc'iyacola' loŧpimaye.

25 Locuquimpa laplaza ti'i'ma toŧ'nata, toŧte'me. Aimoŧsueŧmot'ŧe'me, aimolicuitsuf'me: “¿Te ile litsufcompola' landiosla'?” Ma le'a toŧ'nata.

26 Toŧ'nujuaitsa: “Li'a ŧamats' jouc'a jahuay lopa'a i'huexi ŧaŧPoujna”.

27 Lan xanuc' pe aimimetsaicoyi LanDios, ja'ni tijoc'itsolhuo' toŧtetsota, ja'ni oŧpic'a tonŧete, ne', tonŧe'me. Toŧtetsa ŧapi'inyacolhuo'. Aimoŧsueŧmot'ŧeta, aimolicuitsufol'me: “¿Te iŧta'a itsufcompola' landiosla'?” Ma le'a toŧtetsa.

28 Ja'ni anuli loŧpima timitsolhuo': “Iŧta'a itsufcompola' landiosla', aimi'iya moŧtejacu”, aimoŧte'me. Toŧ'nujuaitsa loŧpima limipolhuo' toŧta'a. Aimoŧscai'e'me iŧque hunxajma'.

29-30 Imanc' linca aimoſueſcoyacu, ma' iſque loſpima tix-hueſco'ma.

Iya' cacua: Linca nipajnya toſte'me. Tijouſa', ¿te co'iya? Loſpima aga tixim'ma a'ijc'a loſ'epa, tihuotſo'ma. Joupa oſ'najtsi'ipá LanDios, toſteji moſ'nujuaisyi LanDios, loſpima aiquixoqui queta, ixtuc'opo'. ¿Ja'ni ac'a iſe li'ipa? A'i.

31 Cacua: Ja'ni toſte'me, ja'ni toſſna'me, jahuay lonſ'eyacu, tonſ'eſe ma le'a latentſcocoya LanDios. Toſta'a lan xanuc'tines'me: “LilenDios iſniya ma' ac'a lipicuejma”.

32 Ja'ni ajudío o ja'ni a'ij judío, o ja'ni loſpimaye ſefot'ſepola' LanDios, imanc' aimoluc'uilitſuf'e'mola'.

33 Toſta'a laif'epa iya'. Ca'nujuaitsila' jahuay laif'as xanuc'. Aicacua: “¿Te caif'eya? Aipic'a cuyaiſa' al c'a iya'.” Ma caxpic'e, camiyoxi: “Iſe laif'eya, ¿te tetenſcocojma ſaipima?” Aipic'a tuyalaiſe al c'a laipimaye, tunſul—le iſniya.

11

1 Toſta'a cainihuequi Cristo. Imanc' lihuejla' iya'.

2 Unc'aipimaye, tixoqui neta iya' aixina' aicalimenc'ecojma. Ti'hua aſ'nujuaitsi, ma to laſcuxe'epolhuo' toſta'a lonſ'epa. Tonli-huejyi laimuc'ipolhuo'.

3 Jouc'a aipic'a ti'iſa' coſſina' Cristo copa'a Nocuxepa cal xans. Cal xans ti'hua limane ticuxe'ma ſaca'no', iſque ſipeno. LanDios ti'hua limane ticuxe Cristo.

4 Cal xans mipalaic'o LanDios o mu'iyale lonespa LanDios, texijla' hjuac. Ja'ni tetemica hjuac tetets'i Cristo, iſque Nocuxepa.

5 Laca'no' mipalaic'o LanDios o mu'iyale lonespa LanDios, tetemijla' hjuac. Ja'ni texijla' hjuac tetets'i hipe'ailli', iſque nocuxepa. Ja'ni texijla' hjuac tocomma to iſuaſ'pa.

6 Ja'ni ſaca'no' aimetemijya hjuac, ne', tetec'eſa' hjuac. Ja'ni ticua: “A'i, aimalatec'e'ma ſaijuac, aimaliſuaſ'ma, catai'ma lalaic'ata”, ne' tetemijla' hjuac.

7 Cal xans mipalaic'o LanDios aimetemij'ma hjuac. Cal xans ti'onſcospa to LanDios. Timuqui te ts'i'ic' iſque Lilanſ'epa. Laca'no' ituca', iſque tixhuaicoſpa hipe'ailli'.

8 LanDios lolanc'eyacola' lan xanuc' ate'a ilanc'epa cal xans, a'i ſaca'no'. Iſque ſaca'no' aiquipa'e anuli lipecaſ lolanc'ecoya cal xans. Ipa'epa lipecaſ cal xans ilanc'ecopa ſaca'no'.

9 ¿Ja'ni ſaca'no' ehue'epa quipe'ailli' lijoupa LanDios ilanc'epa cal xans? A'i. Cal xans ehue'epa quipeno. Lijoupa LanDios ilanc'epa ſaca'no'.

10 Toſiya ticuicomma tetemijla' hjuac ſaca'no'. Timuj'ma a'i micuxeyoxi iſque quituca'. Timuj'ma hipe'ailli' xonca ti'hua limane. Toſta'a tetenſcoco'mola' lapaluc' quema'a jouc'a. Iſne nahuelojmpá lapimaye laſot'ſepoſſi.

11 Iya' aicatets'ila' laca'no'. Cacula: Ticuicomma loquexi', cal xans jouc'a laca'no'. Cal xans ticuicomma quipeno, laca'no' ticuicomma quipe'ailli'. Toŧta'a lapajnya molihuejyi laŧPoujna.

12 Toŧta'a aŧmuc'iponga' LanDios: Al te'a ipa'apa laca'no' licuerpo cal xans. Lijoupa limajnlita lan xanuc' iŧne caipalyomma liŧcuerpo laca'no'. Jahuay, ma' anuli LanDios tepi'ila' liŧpitine, axanuc', aca'no'.

13 Imanc' coŧtuca', ¿te coŧcuapa? ¿Te ja'ni ac'a lo'epa laca'no' mipalaic'o LanDios exiqueya hijuac? ¿Te ja'ni latentŧcocoya toŧiya?

14 Joupa oŧsina' a'ij nuli liŧsans laca'no' y cal xans. Cal xans ja'ni itoqui juaiconapa hijuac, aiqutenŧma, alaic'ata.

15 Laca'no', ja'ni itoqui juaiconapa hijuac, ma' etenŧma, i'huáqui ac'a juaiconapa. Iŧque hitoqui hijuac LanDios epi'icopa laca'no' tipoxc'ixoxi.

16 Toŧta'a iya' laicuapa, lainu'ipolhuo'. Ja'ni anuli aimicueca, ja'ni tinesla': "Laca'no' mipalaic'oyi LanDios aimetemij'me liŧjuac", cam'i ma iŧque: "Illanc' a'i toŧta'a ma'eyi. Jouc'a aimi'eyi lapimaye lefot'lepola' LanDios ni petŧi lomana'."

17 Itsiya capalaico'molhuo' lonŧ'epa pe aicalatenŧcocojma. Aicamilhuo': "Ac'a iŧe lo'ejma". Munlafot'leyoŧŧi aimoŧtoc'iyoyŧŧi, aimoŧfa'eyoyŧŧi loŧpicuejma'. Lijou'ma xonca a'ijc'a loluyalaicopa.

18 Ate'a cu'i'molhuo' iŧe lonescompolhuo', aŧmimpa: "Lapimaye nomana' liŧya' Corinto mefot'leyoyŧŧi a'ij nuli liŧpicuejma', a'ij nuli lonespa". Iya' cacua: Aga al ŧinca iŧe lataiqui' lonescompolhuo'.

19 Linca aimi'iya moŧmajnyacu ma le'a anuli capicuejma'. Ticuicomma tolanajŧoyŧŧi. Toŧiya ti'huájtola' naitŧi iŧniya latentŧcocoya LanDios.

20 Imanc' lonlafot'lepoyŧŧi anuli aicoŧpic'e moŧtetsoyacu Lixmocojma' laŧPoujna.

21 Imanc' aimoŧ'huaicoyi anuli anuli, ma toŧteji loŧtaic'. Tijouŧa' anuli lapima tipanehuo tunle'e, locuena timeyoqui.

22 Imanc', ¿te ailopa'a colajut'hi? Jiŧpiya ti'i'ma toŧtetsota, toŧsnata. Xonca oŧpic'a tolatets'itsola' loŧpimaye, iŧniya jouc'a lefot'lepola' LanDios. Imanc' tolahuelongila' to ninaitŧi xanuc', tijouŧa' iŧniya tixinyi calaic'ata juaiconapa.

¿Te caifmiyacolhuo'? ¿Te cam'i'molhuo': "Ac'a lonŧ'epa"? Ai, aicamiyacolhuo' toŧta'a.

23 Iya' joupa aimuc'ipolhuo' iŧe laŧmipa laŧPoujna. Nu'ipolhuo': Lipuqui' licum'me laŧPoujna Jesús iŧque epef'ma anuli la'i.

24 Ix'najŧŧi'i'ma LanDios, ixquej'ma la'i, timila' ts'ilihuequi': "Iŧta'a aicuerpo. Cacu'moxi, cunŧu'e'molhuo'. Ma toŧta'a tonŧ'e'me imanc'. Toŧsquej'me la'i, toŧte'me, aŧ'nujuaisco'ma iya'."

25 Lijoupa lixmocopa łaPoujna timila' ts'ilihuequi: “Ita'a al vaso, al vino lonango, ıe aijuats' laifxcuajaiya. Tohiya calinc'i'ma al ts'e cataiqui' lopo'no'ipolhuo' ƆanDios, imanc' ixanuc'. Tołsnae. Ti'hua tonı'e'me tołta'a. Ma mołsnayi al'nujuaisco'ma.”

26 Mał'eyi tołta'a, małteji ła'i łałsquejpa, małsnayi al vaso, luya'ayi limayopa łaPoujna jıłpe lancruz. Ma tołta'a mał'eyi al'huaijma ticuaiyoconno.

27 Tohiya aimi'ıya małtejacu ła'i to nij tintsı ca'i, aimi'ıya małsnayacu al vino to nij tintsı vino. Ja'ni tołta'a li'ejma' cal xans, ıłque tetets'ıla' licuerpo jouc'a lijuats' łaPoujna.

28 Ai'a tołte'me ła'i, ai'a tołsna'me al vino tolimetsaicotsoltsı, te ts'i'ic' loł'ejma', te ts'i'ic' lołpicuejma'. Tijouła' tołteıe ła'i, tołsnae al vino.

29 Naitsı notepa ła'i, noxnapa al vino, ja'ni aimimetsaijma jıłpe licuerpo Cristo, litepa ła'i, lixnapa al vino aimitoc'ıya. Titełco'ma loteł'miya ƆanDios.

30 Tohiya, jıłpe pe lołmana' timana' axpela' lapimaye titafquemmola', axpela' textafquila' o joupa imanapola'.

31 Limetsaicotsoltsı, ałsintsoltsı te ts'i'ic' lał'ejma'. Ja'ni a'ıjc'a lał'ejma' ałsuej'menanca. Tijouła' aimalteł'miyaconga' ƆanDios.

32 Ja'ni alteł'minga' ƆanDios ałmuc'inga' aımetenłma lał'ejma', ipic'a ałsuej'menca. Tołta'a aımalacani'eyaconga' to locuenaye naihuejpa' quıtuca' liłpicuejma'.

33 Unc'aipimaye toł'nujuaitsa ıe laifnu'ipolhuo'. Litine molafot'ıeyacołtsı, tołtetso'me anuli, tołcuaitsa petsi lolafot'ıeyacołtsı, toł'huaicota ticuaiyunca lołpimaye, tijouła' tołtetso'me.

34 Ɔapıma łonle'epa juaiconapa, titetsoła' jıłpe lejutł. Tołta'a ac'a tolyalaıco'me jıłpe lolafot'ıepołtsı. ƆanDios aımiteł'miyacolhuo'.

Litine cacuaitsı jıłpiya ałpalaıc'otołtsı xonca. Catalai'etolhuo' jahuay lalicuis'epa.

12

1 Unc'aipimaye aıpic'a ti'ıla' cołsına' te ts'i'ic' lał'eyacu ja'ni cal Espıritu ałcuxenga', lapi'iponga' lałpicuejma'.

2 Imanc' toł'nujuaisıyı te ts'i'ic' loł'ejma' ııne litiné ma' aımolimetsaicoyı ƆanDios. Icuxe'molhuo' landiosla' pe aımıpalaiyı. Unlıhuejco'me ııniya.

3 ııne litiné aıcołsına' litaiquı' cal Espıritu Santo. Itsıya camilhuo': Cal xans nonespa: “Tecanıła' Jesús”, aımınesquı locuapa cal Espıritu Santo. Jouc'a camilhuo': Ma le'a cal xans pe joupa epenufpa cal Espıritu Santo ti'ı'ma tuya'a'ma: “Jesús aıPoujna. Małque anDios.” Ja'ni aıquepenufı cal Espıritu Santo aımi'ıya muya'aya tołta'a.

4 Tama ituca' ituca' la'eyacu ma to malapi'inga' cal Espíritu, ailopa'a oquexi' afantsi lan Espíritu Santo, ma' anuli le'a.

5 Tama ituca' ituca' la'penic', i'e la'toc'iyacola' la'pimaye, ma le'a anuli la'Poujna.

6 Tama a'ij nuli calapi'inga' la'mane, i'que LanDios ma le'a anuli. Ma' i'que lapi'inga' jahuay iliya. To'ta'a a'paxnenga' jahuay illanc'.

7 Cal Espíritu Santo a'muc'inga' la'eyacu anuli anuli illanc'. To'ta'a illanc' ninc'apimaye ti'i'ma a'toc'i'mo'tsi.

8 Anuli la'pima, cal Espíritu Santo tepi'i'ma tuhual'ma litaiqui' LanDios. Locuena capima, ma'que cal Espíritu Santo tepi'i'ma tuya'a'ma al cueca' ts'ixina'.

9 Locuena capima, ma'que cal Espíritu Santo tepi'i'ma ti'huaiyijnla' juaiconapa la'Poujna Jesucristo. Locuena capima, ma'que cal Espíritu tepi'i'ma limane tixa' me'mola' lafcualtay.

10 Locuena capima, tepi'i'ma ti'e'la' al cueca' ma to mi'ay LanDios. Locuena capima, tepi'i'ma ti'ila' quixina' loxpicepa LanDios, tu'itsola' lapimaye. Locuena, tepi'i'ma timetsaico'la' ja'ni ma' a'linca cal Espíritu Santo ticuxe anuli la'pima o ja'ni ticuxe ocuena 'espíritu, i'que lixcay. Locuena capima, tepi'i'ma tipalaila' ipaijma litaiqui' pe aiqixina'. Locuena capima, tepi'i'ma ticuejla' i'e lataiqui' linespa lipima, tu'itsola' locuenaye capimaye.

11 Jahuay iliya ti'ay cal Espíritu Santo. Ituca' ituca', ma to lixpicepa, lapi'inga' la'picuejma' jouc'a la'eyacu.

12 Anuli al cuerpo linca axpe' mipa'a. Tama axpe' mipa'a licuerpo cal xans a'i oquej fanej licuerpo, anuli le'a. To'ta'a Cristo. Illanc' icuerpo i'que.

13 Illanc' ja'ni ninc'ijudío, ja'ni ninc'ocuenaye xanuc', ja'ni fa'a li'a lamats' tipa'a la'poujna o ailopa'a ca'poujna, illanc' nalapolipá a'on'cosponga' to anuli al cuerpo, i'e icuerpo Cristo. Ma' anuli joupa a'snapá al c'a caja', i'que cal Espíritu Santo la'lapenufpa.

14 Linca, anuli al cuerpo mipa'a axpe', a'i anuli ne'a.

15 Cal xans ja'ni li'mis timixoxi: "Iya' a'i namane, to'ta'a iya' a'i qui'huexi i'e al cuerpo", ¿te i'e li'mis a'i qui'huexi al cuerpo?

16 Jouc'a ja'ni lix'mas timixoxi: "Iya' a'i na'u, to'ta'a iya' a'i qui'huexi i'e al cuerpo", ¿te i'e lix'mas a'i qui'huexi al cuerpo?

17 Ja'ni la'cuerpo pangay ca'u', ¿te co'iya ma'cuejyacu? Ja'ni la'cuerpo pangay cax'mats'i', ¿te co'iya malujuenufyacu?

18 A'i to'ta'a la'cuerpo. LanDios joupa ixpic'epa lo'eya, ipo'no'ipola' anuli anuli pe lopanc'eya.

19 Ja'ni a'i co'la' to'ta'a qui'e'e LanDios, ¿pe copa'a al cuerpo? Ailopa'a.

20 Linca axpe' tipa'a lipo'no'ipola' ÆanDios, tama anuli le'a laŕcuerpo.

21 Toliya la'u' aimi'iya mimiya laŕmane': "Aicaxhuicolhuo'. Tonŕeŕe'. Iya' caituca' ca'e'ma lanic'." Jouc'a laŕjuac aimi'iya mimiya'cola' laŕmitsi': "Aicaxhuiyacolhuo'. Tonŕeŕe'. Iya' caituca' ca'e'ma lanic'."

22 Jiŕpe laŕcuerpo ticuicomma jahuay lipo'no'ipola' ÆanDios. Iŕniya pe tocomma ailopa'a quiŕpujfxi, iŕne xonca ticuicomma.

23 Jiŕpe laŕcuerpo tipa'a pe aimalimetsaicoyi xonca, jiŕna'a xonca aŕ'eyi cuenna. Jouc'a iŕna'a petsi ticuicomma temiyaquenni aimalixocoyi iŕniya.

24 Petsi xonca latentŕcoconga' aimalŕsinyi cuanuc', aimalamiyi.

ÆanDios lilanc'epa laŕcuerpo ixpic'epa petsi lopo'no'iyacola' anuli anuli. Ja'ni ipic'a temiyaquenni, ti'eŕe cuenna, ipo'nopa maŕpe petsi aŕ'e'me cuenna.

25 Toŕta'a, jiŕpe laŕcuerpo anuli aimi'iya miŕof'eyacoxi, locuena mi'oc'eyacoxi. Jahuay tixinyoŕtsi cuanuc', jahuay ti'eyoŕtsi cuenna.

26 Ja'ni laŕcuerpo tipa'a anuli titeŕma, jahuay titeŕcoyi jouc'a. Ja'ni anuli tixoquei queta, jahuay tixojma quileta.

27 Toŕta'a imanc', icuerpo Cristo. Anuli anuli imanc' i'huexi iŕe licuerpo.

28 Jahuay nalafot'ŕeponga' ÆanDios lapi'iponga' anuli anuli laŕpicuejma', ituca' ituca' laŕpenic'.

Ate'a ipo'nopola' lan apóŕtote, iŕne lummepola' Cristo tuya'aŕe Lataiqui'. Lijoupa ipo'nopola' lam profeta, iŕne tuya'ayi lataiqui' lomipola' ÆanDios. Lijoupa ipo'nopola' lomxiye, iŕne tuhuaŕyi Lataiqui', timuc'iyaleyí. Lijoupa ipo'nopola' iŕne petsi lepi'ipola' liŕmane, ti'e'me ma to lo'epa ÆanDios. Lijoupa ipo'nopola' iŕne petsi lepi'ipola' liŕmane tixaŕ'meŕe laŕcualŕay. Lijoupa ipo'nopola' iŕne pe lepi'ipola' liŕpicuejma' titoc'iŕe liŕpimaye. Jouc'a ipo'nopola' iŕne pe lepi'ipola' liŕpicuejma' ticuxe'me liŕpimaye, tu'i'mola' te co'iya mi'eyacu lanic' lepi'ipola' ÆanDios. Jouc'a ipo'nopola' iŕne pe lepi'ipola' liŕpicuejma' tipalaŕe ipaijma liŕtaiqui'.

29 ¿Te jahuay illanc' ninc'apóŕtote? ¿Te jahuay ninc'iprofeta? ¿Te jahuay ninc'omxiye? ¿Te jahuay aŕ'eyi al cueca' ma to lo'epa ÆanDios?

30 ¿Te jahuay aŕsaŕ'mela' laŕcualŕay? ¿Te jahuay aŕpalaiyi ipaijma laŕtaiqui'? ¿Te jahuay nipajnya aŕcuj'me loya'apa lapi-maye nopalaijá ipaijma lataiqui'? A'i. Ituca' ituca' mi'hua laŕmane, ituca' ituca' laŕpicuejma' lalapi'iponga'.

31 Imanc' toŕpo'noŕe loŕpicuejma', toŕsahue'eŕe ÆanDios tepi'itsolhuo' al c'a juaiconapa.

Itsiya camuc'i'molhuo' te ts'i'ic' aŕ'ejma' xonca al c'a.

13

1 Iya cacua: Tama ałpalai'me liłtaiqui' lan xanuc' jouc'a liłtaiqui' lapaluc' quema'a, tijoula', ja'ni aimal'ehualeyı capic'a, ihe lałpalaipa ailopa'a quipenic'. Tocomma ma le'a luna'anga' to latengolıyı latejma' o latsajnyı loquej latehuaijma'.

2 Ja'ni ninc'iprofeta, lu'iyaleyı lałmiponga' LanDios, ja'ni ałcueca' xonca lipime litaiqui' LanDios, ja'ni joupı acueca' i'ipa calsina', ailopa'a calahue'eponga', ja'ni acueca' al'huaiyijnyı LanDios, tołta'a ałcuxe'mola' hijualay, iłniya tiye'me lu'hua, tijoula', ja'ni aimal'ehualeyı capic'a, ¿te quipenic' iłiya? İllanc' al'onłcotonga' to nij naitsi xanuc'.

3 Ja'ni jahuay lał'huexi lapi'i'mola' titetsole iłne petsi aiquil'hueca, ja'ni ałcu'mołtsi ałte'mitsonga' acueca', ałma'atsonga', ałpi'etsonga' nulemma, tijoula' ja'ni aimal'ehualeyı capic'a, ¿te quipenic' iłiya? LanDios aimetenłcocoya lał'epa. Ailopa'a calapi'inyacongı.

4 ¿Te cal'eyacu lał'ejma' ja'ni al'ehualele capic'a? Mał'ehualeyı capic'a ałsnet'l'me juaiconapa jahuay lał'e'eyacongı, ałpalaic'o'mola' al c'a, aimal'eyacola' laic', aimal'nescoyacołtsi al c'a, aimal—lof'eyacołtsi.

5 Aimal'eyacu nixpiya, aimal'eyacu lalatenłcocoyacongı il-lanc' calıuca'. Aimalixıtulecoyacu, aimal'nujuaisyacu ja'ni a'ijc'a lał'eponga'.

6 Aimixojya calata ja'ni timenaquila' lapimaye, linca tixoj'ma calata ja'ni lałpimaye tihuejcoyi al linca cataiqui'.

7 Ti'hua al'ela' capic'a, aimalxojyacongı. Al'huaiyijm'mola'. Al'huaicotola' ma ti'ełe al c'a. Jahuay lał'eyacongı ti'hua ałsnet'l'me.

8 Ja'ni al'ela' capic'a, tama itsiya litine o Locuena Quitine ti'hua al'e'mola' capic'a. İhe lał'ejma' aimijouya. Tijauhuam-laicota quitine tołta'a al'e'me.

İtsiya litine lam profeta tu'iyaleyı lu'ipola' LanDios, Locuena Quitine a'i, aimuya'aconayacu tołta'a. İtsiya litine lapi-maye tipalaıyi ipaijma liłtaiqui', Locuena Quitine a'i, aimi-palaiconayacu tołta'a. İtsiya tocomma tipa'a lałsina', Locuena Quitine a'i. Aimal'nujuaisyacu iłiya.

9 İtsiya ma le'a a'onłca lałcueca, ma' a'onłca lalı'iponga' LanDios, tołta'a lu'iyaleyı.

10 Locuena Quitine a'i. Jahuay ałsim'me, jahuay lu'i'monga' LanDios. Petsi joupı lixhuaita hualca ailopa'a.

11 Ti'i'ma ma to iya' lał'ipa. İya' maj na'hua, iłne litiné ma to tixpic'eyı laif'as ca'uhuay ma' anuli caxpic'e iya'. Tołta'a laipicuejma', laitaiqui'. Lijoupa lałtojpa aicainihuequi ihe lai'ejma' ma na'hua.

¹² Itsiya afule małcuejyi. Tocomma to lahuelojnyi anuli lahuejma' catejma', iŕe lalahuelojmpa tocomma to cua naitsi ipunxahua. Afule qui'huáqui. Locuena Quitine a'i. Ałsim'me acuajmaica. Itsiya ma' a'onłca ałsina', ma' a'onłca ałcuc'eyi. Locuena Quitine a'i. Ma to LanDios limetsaiconga' itsiya, ma tołta'a limetsaico'me LanDios.

¹³ Linca itsiya y tijauhuamlaicota litine, ti'hua ał'huaiyjm'me LanDios, ti'hua ał'huaico'me al c'a, ti'hua ał'ela' capic'a lałpimaye jouc'a LanDios. Tama jahuay iŕe lał'ejma' aimijouya, tetenłcocojma LanDios, iŕe mał'ehualeyi capic'a xonca tetenłcocojma, LanDios tixina iŕe xonca al c'a.

14

¹ Tolpo'nole lołpicuejma' tonł'etsola' capic'a lołpimaye. Jouc'a tołsahue'ete cal Espíritu Santo tepi'itsolhuo' colmane colpicuejma'. Xonca tołjanajle, tołsahue'ete ti'etsolhuo' profeta, tepi'itsolhuo' lołpicuejma' tolu'itsola' lapimaye lataiqui' lomiyacolhuo' LanDios.

² Łapima nopalaiŕa ipaijma litaiqui', iŕe lapi'ipa cal Espíritu Santo a'i ma quitaiqui', iłque tipalaic'o'ma LanDios. Lan xanuc' aimicuec'e'me. Cal Espíritu Santo ticuxe lipicuejma', iŕne pe noquimf'epá aimi'iya muhualqueyacu lonespa, aimuhualqueyacu loya'apa.

³ Łapima ja'ni aprofeta, iłque tipalaic'ola' lan xanuc', xonca tifa'ela' liłpicuejma', tixc'ai'ila', tixoc'ila' quileta.

⁴ Łapima nopalaiŕa ipaijma litaiqui' xonca tifa'eyoxi quituca' lipicuejma'. Cal profeta lopalaŕa xonca tifa'ela' liłpicuejma' lipimaye, jahuay iłniya nafolumma.

⁵ Camilhuo': Ja'ni jahuay imanc' ipaijma ipaijma lołtaiqui' tołpalai'me, linca tixoj'ma neta iya'. Xonca tixoj'ma neta ja'ni colá' jahuay unc'iprofeta. Łapima nopalaiŕa ipaijma litaiqui', iŕe lepi'ipa cal Espíritu Santo, ja'ni timuc'ila' lapimaye te ts'i'ic' linespa, acueca' al c'a lo'epa, acueca' titoc'ila' lipimaye, tifa'ela' liłpicuejma'. Ja'ni aimi'iya mimuc'iyacola' loya'apa iŕe linespa, litaiqui' aimitoc'ila' lipimaye. Xonca acueca' al c'a ti'e'ma cal profeta, lapimaye ticuec'eyi iłque.

⁶ Unc'aipimaye, cacuaitsi jilpiya, ja'ni capalay pangay ipaijma litaiqui', łte ja'ni catoc'i'molhuo'? A'i. Ticuicomma cu'itsolhuo' lałmuc'ipa LanDios, o cu'itolhuo' laixina', o cu'itolhuo' lałmipa LanDios, o camuc'itolhuo'. Ja'ni tołe ca'etsi, linca catoc'itolhuo'.

⁷ Iiŕa al pito o al 'arpa, tama aiquilmaf'i', ja'ni tifus'minte al pito o tunanłe al 'arpa tocomma to tivalaiyi. Ticuicomma tifus'minte o tunanłe al c'a. Ja'ni a'i, aimi'iya micuejyacu te loya'apa.

8 Tijoc'intsola' lan soldado ticuaiyunca tifuleta, ja'ni a'i munanni al c'a al trompeta, ¿te ticuec'e'me lan soldado? A'i. Aimicuec'eyacu.

9 Jouc'a imanc', ja'ni tołpalaiyi ipaijma lołtaiqui' iłne noquimf'epolhuo' aimi'iya quilsina' te ts'i'ic' loluya'apa. To-comma to tołpalaic'oyoltsi cołtuca', to tołpalaic'oyi łahua' le'a.

10 Linca, fa'a li'a łamats' tipa'a axpe' quıltaiqui' lan xanuc'. Anuli anuli tipa'a loya'apa.

11 Małpalaic'o'moltsi ja'ni aicalcuc'eyoltsi, ¿te iya' latentłcoco'ma iłque linespa? O iłque, ¿te tetentłcoco'ma iya' lainespa? A'i, aimsınc'neyacoltsi. Caxim'ma iłque to aine, iłque ałsim'ma to naine.

12 Imanc' ma tołta'a lo'ipolhuo' jılpe.

Ja'ni juaiconapa tołjanajyi łocupa cal Espıritu Santo tołsahue'ele tepi'itsolhuo' cołmane, cołpicuejma' tołtoc'itsola' lołpimaye, tołfa'etsola' liłpicuejma'.

13 Łapima nopalaic'opa ŁanDios, ja'ni tipalay ipaijma litaiqui' jouc'a tixahue'ela' cal Espıritu Santo tepi'ıla' lipicuejma' tu'itsola' lapimaye loya'apa iłe lonespa.

14 Iya' ma capalaic'o ŁanDios ipaijma laitaiqui' lalapi'ipa cal Espıritu Santo, linca tama jılpe łainunxajma' aixina' capalaic'o ŁanDios aicaixina' loya'apa laifnespa, tołta'a aicatoc'ıla' laipimaye.

15 ¿Te caif'eya? Capalaic'o'ma ŁanDios ipaijma laitaiqui', ma to małcuxe cal Espıritu Santo, jouc'a cu'i'mola' laipimaye loya'apa iłe laipalaic'opa ŁanDios. Cunac'co'ma ŁanDios ipaijma laitaiqui', ma to małcuxe cal Espıritu Santo, jouc'a cu'i'mola' laipimaye loya'apa iłe lainunac'copa ŁanDios.

16 Ima', mox'najtsi'i ŁanDios ja'ni ma le'a ipaijma lotaiqui', ¿te co'eya cal xans noquimf'epa, iłque pe aimihuequi? Aimicuec'eya lofnespa. ¿Te co'iya minesya: "Amén, tołe ti'ıla'"? A'i, aimi'iya.

17 Ima' linca juaiconapa ac'a ox'najtsi'ipa ŁanDios. Łopima ipanemma ma to mipa'a. Aicofa'e lipicuejma'.

18 Cax'najtsi'i ŁanDios iya' culiquilhuo' imanc'. Capalay xonca ipaijma laitaiqui'.

19 ¿Te co'iya? ¿Te ja'ni capalai'ma pangay ipaijma laitaiqui' jılpe lalafot'leyopoltsi anuli laipimaye? A'i. Tama nipajnya capalaıla' imbamaj mil łataiquı, iłe ipaijma łataiquı, xonca aipic'a capalaıla' ma le'a amaquej łataiquı ma le'a lałtaiqui'. Tołta'a ałcuc'e'ma lapimaye, camuc'ıla'.

20 Unc'aipimaye, aimonlihuej'me lił'ejma' la'uhuy. Iłne aiquicuaiya quılpicuejma'. Linca ma to mi'eyi lan tsoyay, iłne pe aimihuejyi lixcay, imanc' jouc'a ti'ıla' tołta'a loł'ejma'. Toł'nujuaitsa tipa'a lołpicuejma', tołspic'ele al c'a.

21 Petsi liniñijmpa loya'apa locuxepa ÑanDios ticua:
ÑanDios tuya'e': "Ñne petsi aimepenufyi laifmuc'ipola',
cumme'e'mola' lan xanuc' ocuena quítraza, ituca' quíltaiqui',
íñiya tu'innola' laifnuya'apa.

Tijoula', tama tiquimf'e'me ma' anuli tuyalaico'me, aimihue-
jyacu."

22 ÑanDios ipic'a timujla' nulemma naitsi ñne aimi'huaiyijnyi.
Tołta'a ummepola' nopalaipá ipaijma lítaiqui'. Lummepola'
a'i mimujyacu naitsi ñne no'huaiyijmpá. Lam profeta, ñne
linca timuc'iyaleyi no'huaiyijmpá, a'i petsi aimi'huaiyijnyi.

23 Itsiya, ¿te co'iya? Cacia: Petsi lolafot'lepotsi anuli, jahuay
tołpalaiyi ipaijma ipaijma lołtaiqui', ñle lepi'ipolhuo' cal Espíritu
Santo, tijoula' titsufaiñe ñne petsi aimicuec'eyi ñle loł'ejma' o
petsi aimihuejcoyi ÑanDios, ¿te cocuayacu? Tines'me: "Ñne
ma' amac'ta".

24 Ituca' lo'iya ja'ni jahuay imanc' toluya'ayi ñle lu'ipolhuo'
ÑanDios. Titsufaiñla' anuli pe aimihuejma ÑanDios, o aimi-
huequilhuo' imanc' lonł'ejma', ññque tiquimf'e'molhuo' anuli
anuli imanc' loñnespa. Lołtaiqui' titsufai'ma lipicuejma' ññque
cal xans. Tołta'a tixhuej'menahuo, ti'i'ma quixina' te ts'ic'
li'ejma'.

25 Lemiya jilpe lunxajma' ti'huájta. Tijoula' text'onłquehuo
tixpats'huaita lamats', tix'najtsi'i'ma ÑanDios, tuya'e': "Ñinca ma
fa'a tipa'a ÑanDios".

26 Itsiya, cunc'aipimaye, ¿te co'iya? Jilpe molafot'leyołtsi,
jahuay imanc' anuli anuli tipa'a lołpalaiyacu. Anuli
tunac'co'ma ÑanDios, locuena tipa'a lomuc'iyacola' lapimaye,
locuena tu'i'mola' lapimaye te ts'ic' ñle lu'ipa ÑanDios, locuena
tipalai'ma ipaijma litaiqui', ñle lepi'ipa cal Espíritu Santo,
locuena tipa'a lipicuejma' tuhual'ma ñle lipaijma lataiqui',
tuya'a'ma te loya'apa. Ne', jahuay ñna'a ti'i'ma tonł'e'me
ja'ni tołta'a tołtoc'i'mola' lołpimaye, ja'ni tołfa'e'mola' ññiya
lilpicuejma'.

27 Ja'ni tołpalai'me ipaijma lołtaiqui', ñle lepi'ipolhuo' cal
Espíritu Santo, tołpalaiñe oquexi' afantsi le'a, xonca a'i. Anuli
anuli tołpalai'me. Tijoula' anuli lapima tu'i'mola' lapimaye te
loya'apa ñle lipaijma lataiqui'.

28 Jilpe, ja'ni ailopa'a anuli no'iyalepa tołta'a, aimołpalaiyacu
ipaijma lołtaiqui'. Ma jilpe lołpicuejma' tołpalaic'o'me ÑanDios.

29 Jouc'a lam profeta, tipalai'me oquexi' afantsi le'a,
xonca a'i. Locuena lapimaye noquimf'epá tixpif'me, ti'ila'
quísina' ja'ni itaiqui' ÑanDios o a'i.

30 Mipalaic'olhuo' lapima ja'ni aprofeta, ja'ni ÑanDios
tu'ila' o timuc'ila' locuena capima nocutsuya jilpe, ññque

nopalaic'opolhuo' ti-ch'ixco'ma. Tipalaic'otsolhuo' locuena capima, tu'itsolhuo' lu'ipa LanDios.

³¹ Toŧta'a jahuay lapimaye tolihuic'i'me, jahuay tixpai'i'mola' cunlata.

Imanc' unc'iprofeta nipajnya tolcuxe'moŧsi al c'a, toŧpalai'me anuli anuli. A'i jahuay toŧpalolai'me.

³² Lapima ja'ni aprofeta ti'hua limane ticuxe'moxi. Ti'i'ma tixpic'e'ma ja'ni tipalaifa' o ja'ni aimipalaiya.

³³ LalanDios aimal'eyaconga' lahuoc'aitsoŧsi. Iŧque aŧpac'e'enga' laŧpicuejma'. Ja'ni imanc', ja'ni ocuenaye lapimaye, ni petŧi lolafot'ŧepoŧsi toŧta'a li'ejma' LanDios.

³⁴ Molafot'ŧeyoŧsi anuli aimipalai'me lacaŧ'no'. Aimi'onŧico'moŧsi to lan xanuc'. Tihuejcoŧe. Pe linihiya locuxepa LanDios toŧta'a tuya'e'.

³⁵ Iŧne laŧpimaye cacal'no', ja'ni jiŧpe hilejut'hi maŧpiya ti'i'ma ticuis'eta liŧpe'ailli'. Pe lolafot'ŧepoŧsi aimipalai'me lacaŧ'no'. Iŧe a'ijc'a, aimetenŧma.

³⁶ Imanc' unc'iCorinto, aimolihuejcola' locuenaye laŧpimaye liŧ'ejma'. ¿Te ma imanc' coŧtuca' tolcuxe'moŧsi? ¿Te imanc' unc'apoujnalá litaiqui' LanDios? ¿Te jiŧpe quipangoyopa? ¿Te ma le'a imanc' olapenufpá iŧe lataiqui'? ¿Te ma le'a icuaita jiŧpiya?

³⁷ Lapima nonespa: “Iya' ninprofeta”, o “Iya' linca acueca' lalapi'ipa cal Espiritu Santo”, timetsaicoŧa' naitŧi lalapi'ipa iya' iŧe laitaiqui' laininiŧ'epolhuo' jifa'a. Iŧe a'i caitaiqui', ma litaiqui' laŧPoujna Cristo, toŧta'a ticuxe iŧque.

³⁸ Ja'ni aimimetsaicojma toŧta'a iŧque jouc'a aimimet-saicom'me.

³⁹ Unc'aipimaye, camiconalhuo' lonŧ'eyacu. Toŧjanajle juaiconapa ti'itsolhuo' to lam profeta. Lapimaye nopalaipá ipaijma liŧtaiqui', ne', tipalaife, aimoŧcuanac'e'mola'.

⁴⁰ Jiŧpiya lonlafot'ŧeyoŧsi tonŧ'ete ma latentococoya LanDios, tolcuxetsoŧsi al c'a.

15

¹ Unc'aipimaye, itsiya cu'iconamolhuo' te ts'i'ic' loya'apa Lataiqui', maŧe Lataiqui' lainu'ipolhuo'. Iŧe Lataiqui' joupa lolapenufpa, maŧe lonlihuequi.

² Ja'ni tolihuejle Lataiqui' lainu'ipolhuo' maŧe Lataiqui' tuntu'elhuo'. Ja'ni aimuntu'eyacolhuo' coŧa' aicolapenufi Lataiqui'.

³ Laipangopa lainuya'apa jiŧpe, ate'a nu'ipolhuo' Lataiqui' lainepenufpa, lu'ipa laŧPoujna. Aimipolhuo': “Cristo icupoxi tima'anŧe, toŧta'a liŧonc'e'eponga' laŧjunac'. Al Paxi Liniŧingiya joupa uya'apa toŧta'a lo'iya.

⁴ Lijoupa limanapa, eminnapá. Al fane' quitine imaf'inapa. Al Paxi Liniñingiya jouc'a tuya'e' tołta'a.

⁵ Imuj'moxi imaf'i'. Pedro ixim'ma. Lijou'ma ixim'me locuenaye liyejmalepá Cristo.

⁶ Lijou'ma mefot'leyołtsi to amaquej maxnu lapimaye ilne jouc'a ixim'me. Hualca ihniya itsiya ailomana' fa'a li'a łamats', joupa imanapola'. Axpela' ti'hua ts'ihmaf'i'.

⁷ Lijou'ma Jacobo ixim'ma. Lijou'ma ixim'me jahuary lan apóstole."

⁸⁻⁹ Ijouco'ma iya' aixim'ma, imuj'moxi pe laifpa'a. Litine lixim'me locuenaye ailopa'a al ts'e laipitine iya'. Tocomma afule caipajnconna. Iya' aica'onlicoyacoxi to locuenaye lan apóstole. Ihniya xonca ac'a xanuc'. Iya' caxinyoxi xonca ninaitsi xans. Iya' caituca' aicainepi'iyoxi ilta'a laipenic'. Caxinyoxi a'ijc'a laipicuejma', nihuetsopola' lixanuc' ŁanDios lefot'lepola'.

¹⁰ Linca, itsiya ituca' lai'ejma'. Tołta'a li'epa ŁanDios, ilque ałpai'ipa iya' laipicuejma', ałtoc'ipa juaiconapa. Tołiya nuli-jpola' locuenaye lan apóstole. Xonca ai'epa canic'. Cax'najtsi'i ŁanDios, ilque ałtoc'ipa. Linca a'i iya' caituca' ai'epa tołta'a, acueca' ałtoc'ipa ŁanDios. Tołiya ille lanic' lai'epa tocomma to ma li'epa ŁanDios.

¹¹ Ja'ni iya', ja'ni locuenaye lan apóstole, ma' anuli Lataiqui' laluya'apa. Małe Lataiqui' lolapenufpa imanc'.

¹² Illanc', ja'ni luya'ayi: "Cristo imaf'inapa, ipayomma pe lomana' limanapola'", hualca imanc' ¿te cołnescopa: "Aimimaf'inayacu limanapola'?"

¹³ Iya' camilhuo': Ja'ni limanapola' aimimaf'inayacu jouc'a Cristo aikuimaf'inghua.

¹⁴ Ja'ni Cristo aikuimaf'inghua, illanc' coła' ma le'a ałpalaiyi, Lataiqui' laluya'apa ailopa'a quipenic'. Ma' anuli, tama oł'huaiyijmpá Jesucristo, ilque ja'ni coła' timanghua aimi'iya mitoc'iyacolhuo'.

¹⁵ Joupa lu'ipolhuo': "Tołe, tołe li'epa ŁanDios, ilque imaf'i'inapa Cristo". Ja'ni coła' ŁanDios aimimaf'i'iyacola' limanapola' jouc'a Cristo aikuimaf'i'inghua. Illanc' nałnespa li'epa ŁanDios coła' a'ij linca. Ma le'a ałfel'mipolhuo'.

¹⁶ Linca ja'ni limanapola' aimimaf'i'inyacola', Cristo a'i quimaf'i'inghua.

¹⁷ Ja'ni Cristo aikuimaf'i'inghua lołjunac' aikuilonge. Tama oł'huaiyijmpá Cristo, ja'ni timanghua, ilque aimi'iya mitoc'iyacolhuo'.

¹⁸ Jouc'a lałpimaye limanapola', tama i'huaiyijmpá Cristo ilne joupa ejac'pola'. Tołta'a li'ipola' ja'ni aikuimaf'inghua Cristo.

19 Jouc'a illanc', itsiya ma'huaiyijnyi Cristo atelcoyi. Ticuaiti Locuena Quitine, ja'ni aimaluyalaico'me xonca al c'a, ¿te cal'huaiyijncoya Cristo? Linca ja'ni aimaf'iyacu xonca ninc'icuanuc'la.

20 Linca, joupa imaf'inapa Cristo. Ticuaihuo litine LanDios tefot'le'mola' limanapola', timaf'i'ina'mola' ihniya. Cristo i'ipa cal te'a ihniya.

21 Li'ipa anuli cal xans aiquihuejma LanDios, tofta'a lamaya i'huajcopa. Toliya ma' anuli i'huajcopola' lamaya jahuay lan xanuc'. Locuena cal xans ihuejcopa LanDios, toliya tama alma'monga' almaf'i'ina'monga'.

22 Ique cal xans Adán ixingufcopa lamaya, ma' anuli jahuay lan xanuc' tixingufcoyi tofta'a. Cristo, ique jouc'a i'epoxi xans, imaf'i'inapa LanDios, ma' anuli timaf'i'ina'mola' jahuay.

23 Linca, a'ij nuli lo'iyacola' ihne nomaf'i'inyacola'. Cristo joupa imaf'i'inapa, ique cal te'a peti ihne lafot'leyacola' LanDios. Tijoula' ticuaicocono Cristo timaf'ina'me lixanuc'.

24 Tijoula' tixhuaiti jahuay, Cristo ticu'moxi limane, timi'ma LanDios qui'Ailli': "Ma' ima' tocuxela'".

Ate'a tilonc'ena'mola' lihmane jahuay lan rey, jahuay lincuxepá, jahuay no'huapá lihmane ni peti lomana'.

25 Cristo ti'hua ticuxe'ma ma mif'eyoitsi no'epaj laic'. Jahuay ihniya ti'oc'enam'mola'.

26 Tijoula' tilonc'e'enatsola' lihmane jahuay ihne no'epaj laic', ma le'a tipanehuo lamaya. Ie jouc'a tilonc'e'ena'ma limane.

27 Tofta'a tuya'e' al Paxi Linilingiya, ticua: "T'oc'enapola' jahuay no'epaj laic'". Ie lataiqui' loya'apa "... jahuay i'oc'enapola'", linca aiminescojma LanDios. Ma'que LanDios ixpic'epa ti'ila' tofta'a, ti'oc'em'me jahuay, tihuejco'me Cristo.

28 Ticuaiti litine ti'oc'ente jahuay, tihuejco'me Cristo, ma'que Cristo li'Hua LanDios ti'oc'ena'moxi. Qui'Ailli' LanDios joupa ixpic'epa jahuay tihuejco'le Cristo. Ti'oc'ena'moxi Cristo, ma LanDios ticuxe'ma, jahuay tihuejco'me.

29 Iya' cacua: Ja'ni aimimaf'iyacu limanapola', ¿te quepo'icompola' ihne napo'impola' muya'ayi lihpuffine lihpimaye limanapola'? Ja'ni ihne imanapola' nulemma, ¿te quipenic' ihne lo'epa lihpimaye ts'ihmaf'i'? ¿Te quepo'icompola' muya'ayi lihpuffine ihne lihpimaye limanapola'? ¿Te quitalai'ecopa tofta'a LanDios?

30 Iya' jouc'a lalejmale itine itine atelcoyi, alcuayi: ¿Te xonca cal'iyaconga'? Ja'ni aimaf'iyacu, ¿te cal'snet'lcopa tofta'a?

31 Itine itine tocomma to alma'ma, alma'a'ma. Cacua: Ma' al linca ihne laifnespa. Iya' tixoquei neta capalaicolhuo' imanc' unc'aipimaye lo'huaiyijmpa Jesucristo. Tofta'a aimi'ya cafel'miyacolhuo'.

32 Ja'ni aimimaf'iyacu limanapola', ¿te capanehuo fa'a liya' Efeso mafulecoyołtsi ilne ti'onłcospola' to oyac'la quinnejá? Ai. Najmay cuyacoła' lapajnya to ihniya nonespá: “Aga mouqui ałmana'monga'. Itsiya, ma małmana', ałtetsołe, ałsnałe al c'a.”

33 Imanc' aimołfel'mi'mołtsi. Tolanajtsołtsi ilne nonespá: “Limanapola' aimimaf'iyacu”. Al linca lataiqui' lonespa: “Lan c'a xanuc' ja'ni tiyejmalełe lixcay xanuc', jouc'a ti'i'mola' ixcay xanuc’”.

34 Tołsuej'menca. Tołpai'ile loł'ejma'. Aimoł'econa'me ilne pe aimetenłma LanDios. Jiłpe timana' ihniya pe aimimetsaicoyi LanDios. ¿Te aimołtaiyi calaic'ata mimana' tołniya?

35 Aga tipa'a anuli nonesya: “¿Te co'iya mimaf'inayacu limanapola'? ¿Te co'iya micuaiconayacu? ¿Te co'iya liłcuerpo? Joupa ihuet'łpa.”

36 Catalai'e'ma, cami'ma: “Ima' ailopa'a copicuejma’”. Cal fanu' lifampa ate'a tihuet'łqui, tijouła' tilamma imaf'i'.

37 Iłque cal fanu' lifampa aimi'onłspa to laifa' lolapa. Ma le'a afanu', ja'ni atrigo o ocuena fanu'. Lolapa ituca' lixans.

38 Ma LanDios ti'e'e tilala' cal fanu', jouc'a tixpic'e te ts'i'ic' lixans. Anuli anuli cal fanu' tilala' ituca' ituca' lixans laifa' lolapa. Tołta'a lo'iyacola' limanapola' nomaf'inayacu.

39 Fa'a li'a łamats' liłpixic' lan xanuc', liłpixic' linneja, liłpixic' lacał'hui, liłpixic' latuye, ituca' ituca' ilna'a.

40 Małmana' fa'a li'a łamats' tipa'a lałcuerpo. Pu'hua locuenaj quitine jouc'a ti'ita ałcuerpo. Lałcuerpo mipa'a fa'a li'a łamats' aimi'onłya pu'hua locuenaj quitine.

41 Cal 'ora, cal mut'ła, lan xamna, aimi'onłspola'. Ituca' ituca' liłsans, liłpepalc'o'. Lan xamna aimi'onłspola'. Axamna axamna ituca' ituca'.

42 Tołta'a lo'iyacola' limanapola'. Litine leminni jiłpe łamats' iłque limanapa ti'hua tihuet'łqui. Litine timaf'i'inla' ti'i'ma ituca'. Aimiłhuet'łconaya.

43 Litine leminni tocomma to ninaitsi cuerpo. Litine timaf'inała' tipai'im'me, ti'huájta ac'a juaiconapa. Litine leminni ailopa'a co'eya. Aimi'iya. Litine timaf'i'inale ti'i'ma acueca' ipujfxi, acueca' ti'e'ma.

44 Teminni iłque licuerpo lepi'łpa qui'ailli', iłque jouc'a axans. Ituca' licuerpo timaf'i'ina'ma, ilne lapi'iya LanDios. Tipa'a lałcuerpo lalapi'iponga' lał'ailli', tipa'a lałcuerpo lalapi'iyaconga' LanDios.

45 Al Paxi Linilngiya tipalaijma Adán, iłque copa'a cal te'a cal xans. Ticua: LanDios epi'łpa lipitine, “... tołta'a i'łpa imaf'i’”. Ituca' li'łpa iłque łecui'łmpa Lijoujma Adán. Iłque ai'a tipajnta ailopa'a quicuerpo, ma tipa'a lipitine. Małque lapi'inga' lałpitine.

46 Jifa'a li'a lamats', ¿naitsi licuai'ma cal te'a? ¿Ihque nalapi'iponga' laipitine? A'i. Ate'a tipa'a fa'a ihque lepi'ipa lipitine LanDios, lijou'ma icuai'ma ihque nalapi'iponga' laipitine.

47 Ihque Adán copa'a cal xans cal te'a, LanDios ilanc'epa fa'a li'a lamats'. Ma' amats' ilanc'ecopa. Locuenaj cal xans, ihque alPoujna, qui'huayomma lema'a.

48 Małmana' fa'a li'a lamats' al'onłcosponga' to Adán, ihque cal te'a lałtatahuelo, lilanc'ecompa amats'. Locuenaj quitine, illanc' ja'ni ixanuc' ihque Li'huayomma lema'a, ma' anuli al'onłcotonga'.

49 Małmana' fa'a li'a lamats' lałsans ma' anuli Adán, ihque lilanc'ecompa amats'. Locuenaj quitine lałsans ti'i'ma ma' anuli to lixans ihque Li'huayomma lema'a.

50 Unc'aipimaye, iya' camilhuo': Alcuaitsa locuenaj quitine tucuicomma ti'itsi ituca' lałcuerpo. Ma to małmana' aimi'ya małsufłaiyacu pe locuxeyopa LanDios. Ihta'a lałcuerpo tijaf'quinghua, tihuet'łma'ma. ¿Te małta'a alłsufłaicota petsi ailopa'a mijouya, ailopa'a quihuet'łqui? A'i. Aimi'ya.

51 Cu'i'molhuo' lo'iya. Ihta'a lataiqui' laifnu'iyacolhuo' lan xanuc' quıłtuca' aimi'ya quıłsina'.

Ai'a ticuaiyoconno Cristo, tama hualca illanc' almana'monga', hualca almanecu. Jahuay alpai'im'monga' lałsans.

52 Ihe lał'iyaconga', lałpai'iyaconga' aimicołya. Ma le'a to małspot'łmi'me lał'u', mał'huiłf'i'me, joupa alpai'imponga'. Tołta'a lał'iyaconga' munanni al trompeta, ihe lijoujma luna'apa. Linca tunam'me al trompeta, limanapola' timaf'i'inam'mola', aimihuet'łconayacola' liłcuerpo. Illanc' ja'ni almana' alpai'im'monga' lałsans.

53 Ihta'a laicuerpo tijaf'quinghua, tihuet'łma, tucuicomma lapi'intsi ocuena caicuerpo, alpo'no'entsi ihe pe aimijouya, aimihuet'łconaya. Ihta'a laicuerpo tucuicomma tima'ma. Ipic'a alpo'no'entsi locuena pe aimimaconaya.

54 Tijouła' ti'ıła' tołta'a, ihe litine linca ti'i'ma ituca' lałcuerpo, aimihuet'łconaya, aimimaconaya. Tołta'a tenant'łma lataiqui' linilingiya, ticua:

¡Joupa lulijpá!

Lamaya joupa ejac'pa, aimalmaconayaconga'.

55 Ma' al linca loya'apa lataiqui' lonespa:

Catalai'e'ma lamaya, cami:

“Limanapola', ¿ja'ni ma tołta'a tiłmanemma? A'i.

Ima', ¿ja'ni ti'hua toma'ahualecona'ma? A'i.”

56 Linca, mipa'a ihta'a lałcuerpo lixingufcopa lixcay lał'epa, ma ti'hua limane lamaya, alteł'minga', alma'a'monga'. Aimi'ya małnesyacu: “A'i, aical'aic' quixcay”. Litaiqui' LanDios loya'apa locuxepa, ihe lataiqui' alıufquina'.

57 X'najtse'eya ŁanDios, łatPoujna Jesucristo joupa ulijpa, lamaya aimululijyaconga' nulemma. Illanc' nał'huaiyijmpá ŁanDios jouc'a lulijna'me. Tołta'a lixpicepa ŁanDios, tołta'a ti'i'ma.

58 Unc'aicapimaye, ja'ni tołta'a lał'iyaconga', ¿te ts'i'ic' lał'eyacu itsiya? Cu'i'molhuo': Aimolpai'i'me lołpicuejma'. Tolihuejle litaiqui' Jesucristo. Aimolcuanac'e'moltsi. Itine itine tonł'e'me lanic', ile lepi'ipolhuo' łatPoujna, a'ujfxi tonł'e'me tołta'a.

Imanc' noł'huaiyijmpá łatPoujna Jesucristo, monł'eyi ile lanic' tonł'nujuaitsa lo'iyacolhuo' locuenaj quitine. Tołta'a tixojma cunlata tonł'e'me lanic'.

16

1 Itsiya capalaico'ma al tomí lolafot'leyacu lolumme'eyacola' lołpimaye, ilne jouc'a i'huexi ŁanDios. Ilne nomana' liłya' Jerusalén tehue'ela'. Lapimaye lafołyomma łamats' Galacia joupa ainu'ipola' lo'eyacu. Imanc' ma' anuli tonł'ełe.

2 Axamano axamano ticuaitsi al te'a quitine, anuli anuli imanc' tolanajle lołtomí. Ja'ni ululijpá acueca' tolanajle acueca'. Ja'ni ululijpá huata, tolanajle huata. Cacuaitsi jilpiya joupa olafot'łepá al tomí. Aimolafot'łe'me aquite'.

3 Cacuaitsi, imanc' toł'huif'etola' lapimaye titaile ile lolapi'iyacola' ilne lołtoc'icoyacola' jilpe Jerusalén. Iya' capi'itola' quiłje'e. Cummetola'.

4 Ja'ni ticuicomma ca'huała' jouc'a ałejmaleta anuli lapimaye.

5 Joupa aixpic'epa cahuejntola' lapimaye nomana' łamats' Macedonia. Tijouła' cacuaita pe lołmana' imanc'.

6 Aicaixina' tojua quitine ałcołta pe lołmana'. Aga capanehuo jilpiya cuyaicota łaxita quitine. Tijouła' cuyaita ni petsi. Imanc' lacanumf'eta cane, ałtoc'ita ca'huanła' al c'a.

7 Cacia: Ate'a cuyaicota łamats' Macedonia. Tijouła' cacuaita jilpe pe lołmana' imanc' unc'iCorinto. Jilpe a'i ma le'a cuyaicoya. Ja'ni tixpic'ela' ŁanDios ałcołta.

8 Jifa'a liłya' Efeso capanehuo tuyaiła' al juic Pentecostés. Tijouła' ca'huata pe lołmana'.

9 Jifa'a ŁanDios lapi'ipa acueca' canic'. Axpela' ti'huaiyijnyi łatPoujna. Jouc'a timana' axpela' nał'epa laic'.

10 Ja'ni jilpiya ticuaitsi Timoteo, tolapenufle. Aimolhuos'mi'me. Ma to ca'ay lanic' lalapi'ipa łatPoujna, ilque Timoteo jouc'a ti'ay.

11 Aimolatets'i'me, ni anuli imanc'. Tipanni ti'huanła' tolacanumf'entsa cane, ti'huananni pe laifpa'a. Iya' ai'huaijma ticuaiyunca anuli lapimaye.

12 Apolos aimi'huaya itsiya pe lołmana'. Iya' caxc'ai'i juaiconapa, cami: "To'huala' Corinto. Tonłete anuli lapi-maye." Aimicua mi'huaya. Tipa'a litine mi'hua'ma.

13 Aimołsmi' me jilpe lołpicuejma'. Ti'hua tolihuejle Lataiqui'. Aimołpai'i' me lołpicuejma'. Tonł'e'ete acueca' łolunxajma'.

14 Jahuay lonł'eyacu toł'nujuaitsola' lołpimaye, ja'ni tołta'a tołtoc'i'mola' o a'i.

15-16 Imanc' olimetsaicola' Estėfanas jouc'a lapimaye no-mana' lejut'ł. Jilpe łamats' Acaya ilne ate'a i'huaiyijmpá Jesucristo. Ilne quiltuca' ixpic'epá titoc'i' me lapimaye, ilniya jouc'a i'huexi ŁanDios. Ticuicomma imanc' tolihuejco'mola' ilniya, jouc'a tolihuejco'mola' jahuay lapimaye no'epá lanic' juaiconapa, ilne lanic' lalapi'iponga' łalPoujna. Tołta'a cax-ahue'elhuo' tonł'ete, caxc'ai'ilhuo'.

17 Iya' aixhuełcopolhuo' juaiconapa. Itsiya tixoqui neta. Licuaina' me fa'a Estėfanas, Fortunato y Acaico, tocomma to ołcuai' me imanc'.

18 Ilne liłonc'e' enapa laipixhuejma'. Itsiya aimalsueł' meconayacu iya' imanc'. Imanc' tolimetsaicotsola' ilniya no'epá tołna'a.

19 Lapimaye lafołyomma jifa'a łamats' Asia tinonilhuo'.

Aquila y Priscila jouc'a lapimaye lafołyomma lilejut'ł tixoqui quileta tinonilhuo'. Ticuayi: "Łan xanuc' nomana' Corinto alpimaye, al'huaiyijnyi anuli łalPoujna Jesucristo".

20 Jahuay lapimaye nomana' fa'a tinonilhuo'. Jahuay imanc' tołnontsołtsi. Tołtuc'otsoltsi lołpeque ma to mituc'o'moltsi lapimaye, ilne i'huexi ŁanDios.

21 Iya' ninPablo canonilhuo'. Ilta'a caituca' niniłcopa laimane.

22 Jilpe ja'ni tipa'a anuli pe aimi'ay capic'a łalPoujna Jesucristo, tejac'enle ilque cal xans. ¡Maranatha! Ilta'a lo-hualquemma: ¡Ima' małPoujna, tohue', to'huanni!

23 Ti'hua titoc'itsolhuo' jahuay imanc' łalPoujna Jesucristo.

24 Ti'ila' cołsina' ca'elhuo' capic'a imanc' unc'aipimaye, ma' anuli al'huaiyijnyi Jesucristo. Amėn. Tołta'a ti'ila'.

LIJE'E SAN PABLO LOCUENA LINIĒ'EPOLA' LAPIMAYE LEFOT'ĒPOĽTSI LIĒYA' CORINTO

¹ Iya' ninPablo. Iya' jouc'a laɓpima Timoteo liniĒ'elhuo' imanc' lefot'Ēpolhuo' ĒanDios jiɓpe liĒya' Corinto. Jouc'a tixhueɓe iɓta'a al je'e laɓpimaye nomana' locuenaye quileloɓya' lamats' Acaya, iĒne jouc'a i'huexi ĒanDios. Iya' ninPablo, nin'apóſtol, alumepa Jesucristo. Toɓta'a lixpic'epa ĒanDios.

² ĒanDios caɓ'Ailli', Jesucristo laɓPoujna titoc'itsolhuo', tipac'e'etsolhuo' loɓpicuejma'.

³ ¡Aɓs'najtsi'ile ĒanDios! Iɓque enDios laɓPoujna Jesucristo, jouc'a i'Ailli'. Aɓ'Ailli' jouc'a. Itine itine aɓ'nujuaitsinga'. Iɓque alanDios, alixoc'inga' calata.

⁴ Ma maɓteɓcoyi alixoc'inga' calata. Toɓta'a lapi'inga' laɓpicuejma' lixoc'itsola' quileta laɓpimaye miteɓcoyi jouc'a.

⁵ Ma calihuequi Cristo aɓteɓcoyi, aɓteɓcoyi to Cristo lileɓcopa. Ja'ni juaiconapa acueca' ile laɓteɓcopa jouc'a juaiconapa acueca' alixoc'inga' calata Cristo.

⁶ Jahuay laɓ'iponga' illanc' ma titoc'i'molhuo' imanc'. Ja'ni aɓteɓcoyi ĒanDios alixoc'i'monga' calata. Toɓta'a illanc' lixoc'i'molhuo' imanc', jouc'a tolunɓul'me. Ja'ni ĒanDios joupa lixoc'iponga' calata, imanc' jouc'a tolixoc'i'moɓtsi, tolunɓul'me. Toɓta'a titoc'i'molhuo' ĒanDios ma moɓsnet'ɓyi lateɓcoya, ile laɓteɓcopa illanc'.

⁷ Illanc' a'i ma le'a aɓcuayi: Jouc'a imanc' toɓsnet'ɓme. Aɓsina' toɓsnet'ɓme. Ja'ni toɓteɓco'me to illanc' maɓteɓcoyi, ĒanDios tixoc'i'molhuo' cunlata ma to lalixoc'iponga' calata.

⁸ Unc'aipimaye, aipic'a ti'ila' coɓsina' te ts'i'ic' laluyalaicopa illanc' maɓmana' lamats' Asia. Jiɓpe linca aɓteɓcopá. Aɓsimpá juaiconapa ipime laɓpepajnya. Afule maɓ'ommoɓaɓpá. Aɓcuayi: "Ailopa'a caɓpujfxi. Ma' aɓmana'monga'."

⁹ Laɓcuerpo linca ailopa'a quipujfxi. Laluyalaicopá toɓta'a ixpic'epa ĒanDios. Aɓmuc'inga' aimaɓ'huaiyijm'moɓtsi illanc' caɓtuca', aɓ'huaiyijnle ĒanDios. Iɓque nipajnya timaf'i'ina'mola' limanapola'.

¹⁰ Alunɓu'eponga' ile al cueca' laɓteɓcopa, a'i caɓmanga'. Ja'ni aɓteɓcoconale ocuena'ya alunɓu'econa'monga'.

¹¹ Imanc' jouc'a locuenaye lapimaye toɓsa'hueɓe ĒanDios, toɓmiɓe: "Totoc'itsola' Pablo jouc'a lipimaye". Tijouɓa' aɓtoc'itsonga' ti'i'ma axpela' lapimaye tix'najtsi'i'me ĒanDios. Toɓta'a lo'iya ja'ni imanc' unc'xpela' toɓsa'hue'ɓme.

12 Illanc' tixoqui calata atcuayi: Jilpe laɬpicuejma' aɬsina' ac'a laɬ'ejma'. A'i oque' laɬpicuejma', a'i ma le'a maɬ'e'eyoɬtsi ixanuc' LanDios, aɬinca lihuejcoyi. Maɬ'eyi lanic' lalapi'iponga' LanDios aimalihuejyi caɬtuca' laɬpicuejma'. Toɬta'a laɬ'ejma' ni petsi laɬmana' jouc'a pe loɬmana' imanc'. Jilpe loɬmana' xonca aɬ'epá toɬta'a.

13 Illanc' laliniɬ'epolhuo' aimifel'micolhuo'. Jilpe lu'ilhuo' al linca, toɬta'a laɬnespa. A'i quipime lataiqui', ti'i'ma tolihuej'me.

14 Linca hualca imanc' limetsaicoponga'. Cagua: Limetsaicotsonga' jahuay ma' anuli. Toɬta'a, litine ticuaiconanni laɬPoujna Jesucristo tixoj'ma cunlata alimetsaico'monga' illanc' oɬpimaye, jouc'a illanc' alimetsaico'molhuo' imanc' aɬpimaye.

15-16 Iya' ainespa: “Linca lapenufta lapimaye nomana' liɬya' Corinto”. Toɬta'a aixpic'epa ate'a cahuejntolhuo', tijouɬa' ca'huaɬa' lamats' Macedonia. Capainanni lamats' Macedonia cahuejnconatolhuo'. Tijouɬa' cahuejntsolhuo' imanc' la-canumf'enna cane lotsepa lamats' Judea. Toɬta'a oquemma aɬsim'moɬtsi, iya' imanc' noɬmana' jilpe Corinto.

17 He lainespa: “Cahuejntolhuo’”, ¿te ma le'a canesqui? ¿Ja'ni iya' aicaxa'hue LanDios? ¿Ja'ni aicainicuis'e: “¿Te caif'eya?”? ¿Ja'ni iya' caituca' cacuxeyoxi laipicuejma'? ¿Te caxpic'e ca'huaɬa' jouc'a caxpic'e aica'huaya?

18 LanDios linca tenanti. Illanc' jouc'a aimafel'miyaleyi. Litaiqui' laluya'apa iɬe a'i cafelɬaiqueya cataiqui'.

19 He litaiqui' LanDios tipalaijma Jesucristo, iɬque i'Hua LanDios. Ja'ni iya' ninPablo, ja'ni Silvano, ja'ni Timoteo, ma' anuli laluya'apa. ¿Te anuli litine luya'ayi: “Cristo i'Hua LanDios”, y ocuena quitine atcuayi: “Cristo a'i qui'hua LanDios”? A'i. Aimi'iya mipai'iyacoxi Cristo. Maɬque LanDios joupá imujpa Cristo ma' i'Hua.

20 LanDios joupá lu'iponga': “Toɬe, toɬe lapi'iyacolhuo’”, iɬque Cristo aɬmuc'inga' aɬinca iɬe lataiqui'. Maɬ'huaiyjnyi Cristo iɬque lapi'i'monga'. Toɬta'a tolimetsaico'me acueca' ac'a LanDios, iɬque laɬpalaicopa illanc' maɬ'eyi lanic' jilpiya.

21 Illanc' imanc' ma LanDios aɬfa'eponga' laɬpicuejma' maɬ'huaiyjnyi Cristo. Toɬta'a aimafpai'iyacoɬtsi. Maɬque LanDios aɬpaxneponga'.

22 Nulemma limetsaicoponga' ixanuc'. Lapi'iponga' cal Espíritu Santo, toliya i'ipa caɬsina' illanc' i'huexi LanDios.

23 Tama aixpic'epa ca'huaɬa' cahuejntsolhuo', aicai'huac'. Aicaifel'milhuo'. Toɬta'a ixina' LanDios, ixina' li'ipa. Iya' aix-impolhuo' cuanuc'. Aines'ma: “Ca'huaico'ma tuyaiɬa' oque' afane' quitine. Ja'ni a'i, cacuaitsi cataletola' iɬne laipimaye.”

24 Illanc' a'i cołpoujnalá. Aimalu'ilhuo': "Tołe, tołe, tolihuejle Jesucristo". Ma le'a ałtoc'ilhuo' tuluyalaicołe tixojla' cunlata. Ałsina' toł'huaiyijnyi Cristo, ma ti'hua tolihuejle.

2

1 Iya' aixpic'epa, camiyoxi: "Aica'huaconaya liłya' Corinto. Tołta'a aiqixtuc'oyacola' laipimaye."

2 Cacia: "Iya', ja'ni cahuos'mitolhuo', ¿naitsi nalixoc'iya neta? Ailopa'a. Ja'ni joupa aihuos'mipolhuo', imanc' aimi'iya malixoc'iconaya neta."

3 Tołta'a ninił'epolhuo' iłe al je'e lainumme'epolhuo'. Cacia: "Tixanu'itsołtsi, tijoula' ca'hua'ma. Tołta'a lixoc'i'ma caineta, aimalapi'iya quixhuejma'." Cacia: "Ja'ni iya' quixoqui neta, laipimaye jilpe Corinto jouc'a tixoj'ma quileta". Tołta'a laif'huaiyijncopolhuo' imanc'.

4 Iya' ma quinili iłe cołje'e cajoqui juaiconapa, tic'equi axpe' cainujuay. Li'ipolhuo' imanc' ałhuos'mipa acueca'. Unlejpa łainunxajma'. Laininił'epolhuo' aicaipic'a cahuos'miyacolhuo'. Ma' aipic'a ti'ila' cołsina' ca'elhuo' capic'a juaiconapa, tołta'a laininił'epolhuo'.

5 Iłque ni'epa aijc'a aicałscai'e iya'. Ixc'ai'epolhuo' imanc'. Tama tołta'a laifcuapa jouc'a cacia: Iłque aimixingufco'ma ujfxi iłe laitaiqui', iya' aicateł'miconaya.

6 Lanxpela' imanc' joupa ołspic'epá loł'eyacu. Joupa oł'epá tołta'a, ołteł'mipá. Małpe tipanenni.

7 Itsiya aimołteł'miconame. Tolimenc'e'ecołe lijunac'. Tolixoc'iłe queta. Ja'ni a'i, aga xonca tihuotso'ma, tetelquehuo lipicuejma' nulemma, tenaj'moxi xonca.

8 Caxc'ai'ilhuo' tołpalaic'ole al c'a, ti'ila' quixina' tonł'eyi capic'a.

9 Iya' laininił'epolhuo' iłe lołje'e aipic'a lihuejcoła' iya' laicuxe'epolhuo'. Tołta'a lonł'epa. Joupa ołteł'mipá tołpima. Itsiya aixina' imanc' ałcuc'e' iya' laifcuxe'epolhuo'.

10 Camilhuo': Anuli łapima ja'ni tolimenc'e'ecoyi lijunac', iya' jouc'a quimenc'e'eco'ma lijunac'. Iya' cacia: Petsi łaicuicomma quimenc'e'ecoła' lijunac' ma quimenc'e'eco'ma, joupa nimenc'e'ecopa. Tołta'a cai'ecopa ca'nujuaitsilhuo' imanc', ma' anuli li'epa Cristo.

11 Ticuicomma limenc'e'ecołe lijunac' łapima. Ja'ni a'i łonta'a Satanás lulił'monga'. Joupa limetsajma te ts'i'ic' lipicuejma' iłque. Tehuay te co'iya małc'aiłcołeyacu.

12 Litine lai'huapa liłya' Troas joupa aixpic'epa cuya'ata jilpe litaiqui' Cristo, iłe loya'apa al c'a lixp'epa ŁanDios. Laicuaitsi jilpe łamats' linca tipa'a lane ca'etsi łanic', iłe łalapi'ipa łalPoujna Jesucristo.

13 Iya' a'i quixoqui neta. Jilpe Troas ailopa'a laipima Tito. Itque latejmalepa, anuli al'eyi lanic'. Aiquicuaiya. Iya' cax-huehmo't'le. Aicalcohi. Aixc'ai'ina'mola' lapimaye. Nipanni jilpiya ai'hua'ma lamats' Macedonia.

14 ¡X'najtse'eya LanDios! Illanc' pe Cristo lapenufponga', LanDios joupa alulijponga', i'ipa al'Poujna, lihuejcoyi itque. Itine itine latejmaleyi. Ni petsi lateyacu lan xanuc' alsinguf'monga' ixanuc' Cristo. Ti'i'ma quilsina' te ts'i'ic' lipicuejma' itque. Tohta'a tixpic'e LanDios.

15 Ma LanDios ahanc'e'ena'ponga' la'picuejma', ti'ita' quilsina' lan xanuc' te ts'i'ic' lipicuejma' Cristo. Ja'ni itne nonhu'eyacola', ja'ni nacaniyacola', ma' anuli alsingufinga' ixanuc' Cristo.

16 Linca itne nacaniyacola' aimepenufyi lataiqui' loya'apa: "Cristo imaf'inapa". Ticuayi: "Imanapa nulemma". Itne aimepi'inyacola' al ts'e quilpitine. Petsi nonhu'enyacola' itne linca itsina' Cristo imaf'inapa, tipa'a al ts'e liltipine.

Anuli cal xans, ¿ja'ni quituca' nipajnya ti'e'ma itta'a lanic' la'epa illanc'? A'i, aimi'iya.

17 Illanc' aimaf'eyi to itne pe a'ij hijca loya'apa litaiqui' LanDios. Itne tihuants'iyi Lataiqui' y ocuena cataiqui'. Illanc' a'i oque' la'picuejma'. Alsina' joupa lapenufponga' Cristo, LanDios alquimf'enga'. Al'nujuaisyi LanDios lummeponga' luya'ate litaiqui'.

3

1 Itsiya, illanc' ¿ja'ni alpalaicocona'mo'tsi al c'a? Linca timana' lapimaye notaipa lilje'e timuc'itsolhuo', tolapenuftsola'. O ilpic'a tolapi'itsola' quilje'e tepenufintsola' lapimaye nomana' ocuena quilya'. ¿Te ticuicomma to'sinte jouc'a illanc' calje'e? ¿Te tohta'a limetsaico'monga'?

2 A'i. Ma' imanc' ti'on'cospolhuo' to alje'e. Li'ipolhuo' imanc' tocomma to joupa inihingaita lalunxajma'. Ite lateje'e jahuay tixhueyi, ti'i quilsina' li'ipolhuo' imanc'.

3 Ja'ni alcuaitsa pe lomana' lapimaye aimalmuc'iyacola' calje'e linilcompa atinta, ite ailopa'a, aicaltaic'. Ma' imanc' ti'on'cospolhuo' to ite ije'e Cristo lalapi'iponga' illanc', almuc'itsola' lapimaye.

Luyaipa quitine LanDios inilpa jilpe loque' lopic' litaiqui' locuxepa. Itsiya cal Espíritu Santo, itque hi'Espíritu Limafi' CanDios, inilpa litaiqui' lolunxajma' imanc'.

4 Illanc' alsina' ma le'a Cristo lapi'iponga' la'picuejma', tohta'a al'eyi lanic', ite lalapi'iponga' LanDios.

5 Illanc' caltuca', ¿ja'ni acueca' ti'hua lalmene? ¿Acueca' la'eyacu? A'i. Illanc' caltuca' ailopa'a cal'eyacu, ma' itque LanDios lapi'iponga' lalmene, la'picuejma'.

⁶ Toŧta'a nipajnya aŧ'e'me lanic', luya'ayi Lataiqui', iŧe al Ts'e Cataiqui' ÑanDios lipo'no'ipola' lixanuc'. Illanc' a'i maluya'ayacu lataiqui' loya'apa locuxepa ÑanDios. A'i toŧta'a laŧpenic'. Iŧe lataiqui' aimi'iya malunŧu'eyacongá', le'a la-cani'e'monga'. Illanc' tipa'a laŧpenic' luya'aŧe lo'epa cal Espíritu Santo. Iŧque lapi'inga' al ts'e laŧpitine.

⁷ Moisés uya'a'ma lataiquí liníiya jíŧpe lapi'. Tama iŧe loya'apa Moisés tecani'e'mola' lan xanuc', ÑanDios imuc'ipola' acueca' ac'a juaiconapa lanic' lepi'ipa Moisés. I'e'epa tunts'ifqui li'a. Iŧe lunts'ifpa, tama aimicoŧya, juaiconapa acueca' tunts'ifqui. Lan xanuc' Israel aimi'iya mi'hua mehuelojnyacu, tunlequi liŧ'u'.

⁸ Illanc' luya'ayi lo'epa cal Espíritu Santo, iŧe aŧpenic'. ¿Te ja'ni ÑanDios aiquimetsaijma xonca acueca', xonca ac'a iŧe lanic'?

⁹ ÑanDios imetsaicopa acueca' ac'a juaiconapa iŧe lipenic' Moisés, iŧque luya'apa lataiqui' lacani'eyacola' lan xanuc', imuc'i'mola' tipa'a liŧjunac'. Itsiya ÑanDios, ¿te aimimetsaijma xonca acueca' ac'a lanic' laŧ'epa illanc'? Lataiqui' laluya'apa illanc' ticua: “Ja'ni tolihuejcoŧe, ÑanDios tepenuf'molhuo' to ailopa'a coŧjunac”.

¹⁰ ÑanDios limetsaicopa acueca' lipenic' Moisés, limetsaicopa juaiconapa ac'a lataiqui' loya'apa, unts'if'ma li'a Moisés. Itsiya illanc' luliŧpá Moisés. Xonca acueca' juaiconapa laŧpenic', xonca ac'a lataiqui' luya'ayi, xonca limetsaico'monga' ÑanDios.

¹¹ Iŧe lipenic' Moisés, tama aimicoŧya, ÑanDios imetsaicopa, imujpa acueca', ac'a. Lanic' laŧ'epa illanc' jouc'a lataiqui' laluya'apa, ticoŧ'ma, aimijouya. Ocuena cataiqui' xonca al c'a, ailopa'a. Tijouŧa', ¿te ÑanDios aimalimetsaicoyaconga' illanc' laŧpenic'? Ñinca xonca limetsaico'monga', timuj'ma xonca acueca' ac'a lanic' aŧ'eyi.

¹² Aŧsina' ma toŧta'a ti'e'ma ÑanDios. Toŧiya, ja'ni aŧpalaic'otsolhuo' o lu'itsolhuo', aŧpalai'me acuajmaica cataiqui'.

¹³ Illanc' laŧ'ejma' aimi'onŧspa to li'ejma' Moisés. Iŧque tiju'e lijahua' jíŧpe hijuac. Emi'ma li'a. Ticua: “Laipimaye, lixanuc' Israel, aimalahuelonc'e'e'ma lai'a miŧonginghua lonts'ifpa”. Il-lanc' ailopa'a calamiyacu. Aimijouya illanc' laŧpenic'.

¹⁴ Iŧne lan xanuc' niŧuimf'epá Moisés aiquiŧcueca lataiqui' loya'apa iŧque. Joupa i'ipa ata liŧpicuejma'. Ma toŧta'a itsiya. Tama tixhuef'innila' iŧe lataiqui' liníŧpa Moisés, iŧne lixanuc' Is-rael aimicuec'eyi, tocomma afohue, tocomma iŧfi'ejma ijahua' jíŧpe liŧ'u'. Aiquiŧsina' li'epa Cristo. Iŧque enant'lipa iŧe litaiqui' Moisés, lapi'iponga' al Ts'e Lataiqui'.

15 Tołta'a li'ipola' iñe lan xanuc', ma' anuli itsiya aiquiñonc'e'ennila' iñe lijahua' lopa'a jĩpe li'ũ'. To afohue, aiquĩsina'. Miquimf'eyi litaiqui' Moisés aimicuec'eyi.

16 Lataiqui', iñe loya'apa li'ejma' Moisés, ticua: "Lipalaic'ohuo'ma łatPoujna, exijpa li'a, joupa iñonc'epa lijahua' jĩpe li'a". Lan xanuc' Israel jouc'a ti'i'ma tiłojm'ma iñe lijahua'. Cua naitsi iñiya ja'ni tipai'ila' lipicuejma' timetsaico'ma łatPoujna, tipalaic'o'ma iñque.

17 Lataiqui' locuapa "... łatPoujna", iñe tinescojma cal Espĩritu Santo. Ja'ni ałejmaleyi iñque cal Espĩritu Santo ailopa'a calpa'neyacongá', tipa'a lane ałpalaic'o'me cal'Ailli' ŁanDios.

18 Małpalaic'oyi łatPoujna tocomma lahuelojnyi iñque, joupa laxi'emponga' lałpicuejma'. Ailopa'a calpa'neyacongá' la'ũ'. Lał'as xanuc' lahuelojntsonga' illanc', tixim'me te ts'i'ic' iñque łatPoujna. Itine itine lał'ejma' ti'hua ti'onłcospa to li'ejma' Cristo. Tołta'a lo'epa łatPoujna cal Espĩritu Santo, iñque ti'hua ałpai'inga' illanc' lałpicuejma'.

4

1 Illanc' aimalsinyi quixoqui maluya'ayi Lataiqui'. Il-lanc' caltuca' aicalfajyołtsi, ma ŁanDios ixpic'epa, ałfajponga', ałpaxneponga', lapi'iponga' lałmane, lałpenic'.

2 Illanc' ałpo'nopá lałpicuejma' a'ete ma le'a al c'a. Aimał'eyacu to lo'epa iñe noximpá calaic'ata. Iñe aimuya'ayi te ts'i'ic' lo'epa. Iłsina' aimetenłma. Illanc' aimafel'miyaleyi, ni aimathuants'iyi Lataiqui' y ocuena cataiqui'. Luya'ayi ma litaiqui' ŁanDios. Tołta'a ni petsi lałtseyacu lan xanuc' limetsaicotsonga' ał'eyi ma le'a lanić' lalapi'iponga' ŁanDios.

3 Illanc' ałpalaiyi al cuajmaica cataiqui'. Petsi aimunłu'enyacola' le'a iñiya aimicuec'eyacu.

4 Iñiya afohue, tołta'a li'e'epola' Satanás. Iñque iłpincuxepa petsi naihuejpá quĩtuca' liłpicuejma'. Tołiya Lataiqui' aimepalc'o'ila' liłpicuejma'. Iñe Lataiqui' tuya'e' te ts'i'ic' Cristo, iñque ma' anuli to qui'i'ic' ŁanDios. Iñe aimi'iya mixinyacu tołta'a.

5 Illanc' aimalpalaicoyołtsi. Ałpalaicoyi Jesucristo, luya'ayi: "Iñque iłPoujna lan xanuc'". Illanc' ał'eyi lanić' lalapi'iponga' Jesús, tołta'a ałtoc'ilhuo' imanc', tocomma illanc' ołmozó.

6 Lipangopa li'a łamats' ŁanDios icuxe'ma icua'ma: "Jĩpe al muf ti'ila' epalc'o'". Małque ŁanDios lapalc'o'iponga' illanc' lałpicuejma', limetsaicoyi te ts'i'ic' ŁanDios. Ipic'a alulif'etsola' lał'as xanuc', ti'ila' quĩsina' iñe te ts'i'ic' ŁanDios. Małque Jesucristo timuc'i'mola' tołta'a.

7 Illanc' łınca ma le'a ninc'ixanuc', acueca' lalapi'iponga' ŁanDios. Lałcuerpo ti'onłcospa to lapixu lilanc'ecompa ixitsqui, liPoujna i'niłmipa acueca' lipitali. Tołta'a ja'ni lan xanuc'

tixinyi acueca' la'epa ti'íta' quilsina' a'i caltuca' ma'eyi, ile al cuecaj lo'epa ÑanDios.

⁸ Illanc' linca altantsinga', aicaluxpats'inga' nulemma. Tama aicalsina' te ca'eyacu, ti'hua a'huaiyinyi ÑanDios.

⁹ Tama lan xanuc' alihuetsoquina', ÑanDios aimalpo'nonga' caltuca'. Tama alscai'enga', aimi'ya malulijaconga' nulemma, ma' a'maf'i'.

¹⁰ To'ta'a laltelcopa illanc'. Mipa'a fa'a li'a lamats' la'Poujna Jesús ixingufcopa late'coya jilpe licuerpo, imapa. Jouc'a illanc', ni petsi laltsepa altelcoyi, to'ta'a jifa'a la'cuerpo i'huáqui al ts'e laltpitine lalapi'iponga' Jesús limaf'inapa.

¹¹ Cacua: Ma'mana' fa'a li'a lamats' illanc' ma'eyi lanic' lalapi'iponga' Jesús, itine itine tocomma a'ama'a'monga', a'ama'monga'. Tama ti'hua tijaf'que la'cuerpo, tama a'ama'monga', ma calmaf'i' i'huáqui al ts'e laltpitine lalapi'iponga' Jesús.

¹² To'ta'a illanc' la'pepajnya. Illanc' alsingufcoyi lamaya, imanc' to'singufcoyi al ts'e lo'pitine.

¹³ Al Paxi Linihingiya tuya'e': "Ai'huaiyijmpa ÑanDios, to'hiya aipalaic'opola' lan xanuc'". To'ta'a illanc' la'ejma'. A'huaiyinyi ÑanDios, a'palaic'ola' lan xanuc'.

¹⁴ Alsina' la'iyaconga' ti'i'ma ma' anuli to li'ipa Jesús. ÑanDios limaf'i'inapa Jesús jouc'a a'maf'i'ina'monga', lapenufnatonga' jilpe. Illanc' imanc' lapenufnatonga'.

¹⁵ ÑanDios lixpica'epa lo'ya i'nujuais'molhuo' imanc'. Ipic'a xonca to'sinte te ts'i'ic' litoc'iyalepa. Tijou'a imanc' unc'xpela' to's'najtsi'i'me ÑanDios. To'ta'a tixinim'me acueca' ÑanDios.

¹⁶ Illanc' ma'huaiyinyi ÑanDios aimal'sosponga'. La'cuerpo linca ti'hua tijaf'que, al ts'e laltpitine lalapi'iponga' Jesucristo aimijaf'que. Ite laltpitine itine itine tepi'im'me quipujfxi.

¹⁷ Laltelcopa fa'a xonca juaiconapa acueca' altoc'inga'. Maltelcoyi fa'a lulijyi lalapi'iyaconga' pu'hua locuena capajnya. Laltelcopa fa'a li'a lamats' aimi'on'lya to lalapi'iyaconga' pu'hua. Fa'a aimico'lya late'coya. Jipu'hua al cueca' al c'a lalapi'iyaconga' ÑanDios aimijouya lojauhuamlaicoya.

¹⁸ To'hiya jahuay li'huáqui fa'a li'a lamats' aimal'nujuaisyi. A'nujuaisyi te ts'i'ic' lopa'a jilpe petsi aici'huáqui. Jahuay pe ts'i'huáqui aimico'lya, ti'hua tijou'ma. Petsi aici'huáqui, ile aimijouya.

5

¹ Ma'mana' fa'a li'a lamats' la'cuerpo ti'on'lcospa to anuli calx'huijma', jilpe lopanc'epa la'espíritu. Ma metelquenahuo i'que lix'huijma' tipa'a lejut'í la'espíritu, ile lalapi'iyaconga' ÑanDios. Ite lajut'í lopa'a pu'hua lema'a, aici'illanc'e lan xanuc'. Aimi'ya metelc'eya.

² Jiłpe lałpicuejma' alsina' alinca tipa'a ile lalajut'ł. Toliya ma małmana' fa'a lałs'huijma', lał'espíritu afule mixnet'łqui, aimicua mi'huaicoya tetelquenni ile lix'huijma', ipic'a ma' itsiya titsufainatsi lejut'ł.

³ Ti'ila' tołta'a, lał'espíritu aimi'hualejma quituca'. Jiłpe lejut'ł titsufainata, tipajnta tijauhuamlaicoya.

⁴ Linca mipa'a lał'espíritu fa'a lałcuerpo afule małsnet'łyi, alsinyi ipime lał'iyaconga'. Alcuayi: “Aimetelquehuo ile laicuerpo. Aimicol'ma quituca' lał'espíritu, titsufaila' nulemma locuena lejut'ł.” Ti'ila' tołta'a aimalmaconayaconga', ti'hua calmaf'i'.

⁵ Ne'. Aixina' almaf'icona'me. LanDios ilanc'e'epa lałpicuejma', lapenuftonga'. Lapi'iponga' cal Espíritu Santo, tołta'a al muc'iponga' alinca almaf'i'inatonga'.

⁶ Tołiya tixoqui calata luyalaicoyi lapajnya. Linca mipa'a lał'espíritu fa'a lix'huijma', ile lałcuerpo, alsina' lahue'enga', aicalhaisufconga' lałPoujna Jesús.

⁷ Małmana' fa'a aimalahuelojnyi te ts'i'ic' mipa'a pu'huanni. Ma' al'eyi linca lataiqui' laluponga'. Tołta'a luyalaicoyi lapajnya.

⁸ Cacia: Al'eyi linca lataiqui' laluponga'. Juaiconapa aljanajyi alpo'nołe lałcuerpo, almajntsa anuli lałPoujna.

⁹ Tołiya alspic'eyi al'ele al c'a. Tetentococola' lałPoujna ile lał'ejma'. Ja'ni almana' fa'a li'a lamats', ja'ni joupa alenapá lu'itsonga' lałPoujna: “Ac'a lo'ejma”.

¹⁰ Jahuay alcuainata pe lopa'a Cristo, ilque alJuez. Jiłpe linca ti'huájta acujmaica te ts'i'ic' lałpicuejma', lał'ejma'. Ti'huájta te ts'i'ic' li'ipa lał'epa anuli anuli małmana' fa'a li'a lamats', mipa'a lał'espíritu fa'a lix'huijma', ile lałcuerpo. Ma to lał'epá, ja'ni ac'a o ja'ni a'ijc'a, tołta'a al'najtse'etonga'.

¹¹ Illanc' lihuejcoyi lałPoujna. Alspic'eyi al'ele al c'a, limetsaicotsonga' lał'as xanuc', ti'ila' quilsina' alinca al'eyi ile lanic' lalapi'iponga' LanDios. Małque LanDios joupa limetsaiconga', ixina' te ts'i'ic' lałpicuejma'. Iya' cacua: Jouc'a imanc' alsininga', limetsaiconga'.

¹² Itsiya, ¿ja'ni ti'hua lu'icona'molhuo': “Illanc' al'eyi lanic' lalapi'iponga' lałPoujna”? A'i. Ma' alpic'a tixoj'ma cunlata tolu'iyale'me: “Pablo jouc'a liłejmale alpomxiye”. Tołta'a tołnes'me ja'ni limetsaico'monga' illanc' lummeponga' LanDios. Jouc'a ti'i'ma tołtalai'e'mola' ilne naihuejpá li'huáquila' xonca tetentococola'. Ilne aimipo'noyi cuenna te ts'i'ic' lunxajma'.

¹³ Tama alnesconga', ticuayi: “Ilque Pablo tipalay to lamac'ta”, o ticuayi: “Pablo tocomma acueca' quipicuejma”'; iya' cacua: ¿Te co'iya? Ja'ni tocomma to ninc'amac'ta illanc', tołta'a

ał'eyi lanić' lalapi'iponga' ŁanDios. Ja'ni tocomma to acueca' lałpicuejma' lalapi'iponga' ŁanDios, tołta'a ałmuc'ilhuo' imanc'.

¹⁴ Ał'nujuaisyi li'epa Cristo. Iłque ałsimponga' ninc'icuanuc'la, icupoxi tima'ante. Mał'nujuaisyi iłta'a aimi'iya mał'eyacu lalatenłcocoyacongá'. Joupa itsufaipa lałpicuejma' te ts'i'ic' li'ipa iłque Cristo. Limanapa Cristo iłque i'najcuf'mola' liłjunac' jahuay lan xanuc'. Tołiya tocomma to jahuay joupa imanap-ola' jouc'a.

¹⁵ I'najcuf'mola' liłjunac' jahuay lan xanuc' tuyalaicołe ituca' lapajnya. Ticuicomma aimicuxeyacołtsi quilituca', aimihuejyacu quilituca' liłpicuejma'. Tihuejcołe iłque limanapa i'najcuf'mola' liłjunac', lijou'ma imaf'ina'ma.

¹⁶ Tołiya illanc' lapenufpola' lan xanuc' a'i to qui'ic' liłsans, liłraza o ja'ni i'hueca o aiqui'hueca. Tołta'a lił'ejma' iłniya pe naihuejcopá quilituca' liłpicuejma'. Ja'ni luyaipa quitine tołta'a lałnescopa Cristo, itsiya a'i.

¹⁷ Itsiya linca ipai'ipa nulemma lałpicuejma'. Cristo lapenufponga', lapi'iponga' al ts'e lałpitine, ipangoconapa lałpepajnya. Al te'a lał'ejma' joupa ijoupa. Jahuay i'ipa ats'e. Ma' anuli lo'ipola' jahuay iłne lepenufpola' Cristo.

¹⁸ Linca jahuay iłiya li'epa ŁanDios. Iłque i'epa lixplic'epa, ałıonc'e'e'ponga' lałjunac', ałejmale anuli. Tołiya umme'ma Jesucristo ticuxoxi, timatsi jıłpe lancruz. Małque ŁanDios lapi'iponga' lałmane lu'itsola' lan xanuc': "ŁanDios aimixtuc'olhuo', tepenuf'molhuo'".

¹⁹ Lu'ila': "Limanapa Cristo jıłpe tipa'a ŁanDios. Jıłpe iłonc'e'epolhuo' jahuay lopa'nepolhuo' imanc' nołmana' fa'a li'a łamats', imanc' pe aimi'iya monłejmaleyacu ŁanDios. Aiquitac'uilhuo' lołjunac', itac'uipa Cristo. Tołta'a epi'i'molhuo' lane tonłejmalete ŁanDios."

Małe lałpenic' lu'itsola' tołta'a. ŁanDios lapi'iponga' lataiqui' laluya'apa. Iłe lataiqui' tuya'e': "ŁanDios aimixtuc'olhuo'. Tepenuf'molhuo'."

²⁰ Illanc' epaluc' Jesucristo. Małpalaiyi illanc' tocomma to ŁanDios tıxc'ai'ila' lan xanuc'. Luya'ayi, lu'ila': "Cristo lummeponga'. Ałsahue'elhuo': Tołejmalete ŁanDios."

²¹ Cristo tama ailopa'a quijunac', ŁanDios iximpa to ix-cay lipicuejma', iteł'mipa. Iłque Cristo i'onłicopoxi to illanc', i'najtsepa lałjunac'. Tołta'a, ja'ni Cristo lapenufponga', ŁanDios ał'onłicoponga' to Cristo, ałsininga' to ailopa'a całjunac'.

6

¹ Illanc' ŁanDios ał'eyi lanić' anuli. Ałsc'ai'iyaleyi, lu'ila': "Ti-joułá' titoc'itsolhuo' ŁanDios aimoluyalaico'me to li'ipa".

² ŁanDios ticua:
Litine laıfıpic'epa catoc'i'mo', iłe litine aicuejpo'.

Litine lainespa: Cuntu'eyale'ma, male litine aitoc'ipo'.

Iya' camilhuo': Litine linescopa LanDios "... ile litine", ma' itsiya. Itsiya ti'hua tuntu'eyale.

³ Ma'eyi canic' anuli LanDios aimal'eyacu lixcay. Atcuayi: "Ja'ni ac'a la'ejma' lan xanuc' aimetets'iyacu la'penic'".

⁴ Itine itine atcuayi: "Ti'ila' quilsina' alinca a'eyi lanic' anuli LanDios". Al'ommo'aispa' jahuay: Ja'ni atelcoyi, ja'ni lahue'enga', ja'ni tocomma altants'inga' lapajnya,

⁵ ja'ni alsinc'ue'eninga', ja'ni altats'eninga', ja'ni alahuoc'huaiyininga', ja'ni a'eyi juaiconapa acueca' canic', ja'ni alhaquina' cahuí, ja'ni alsnet'iyi maljoc'iyi LanDios, jahuay ina'a al'ommo'aispa'.

⁶ Aimalfel'miyaleyi. La'picuejma', la'taiqui', la'ejma' anuli le'a. Limetsaiconayi te loya'apa Lataiqui', alsnet'iyi la'emponga', al'palaic'ola' jahuay lan xanuc', almuji lapenu'fpa' cal Espiritu Santo, al'ela' capic'a la'f'as xanuc', al'nujuaitsila', a'i ma le'a malnesyi: Ima' ca'ehuo' capic'a.

⁷ Luya'ayi ma' al linca cataiqui', almuji al cueca' lo'epa LanDios, a'eyi al c'a, to'ta'a alcuanajcoyo'tsi, aluliquila' lalixtuc'oponga'. To'ta'a almujo'tsi alinca LanDios lapi'iponga' la'penic' la'epa.

⁸ Ja'ni al c'a luyalaicoyi, ja'ni a'ijc'a laluyalaicopa, ja'ni al c'a alnesconga', ja'ni a'ijc'a lahnescoponga', ja'ni alminga' cataiqui', ticuayi: "Imanc' to'fel'miyale", o ja'ni al'palaic'onga', alminga': "To'lcuayi ma' al linca",

⁹ ja'ni aimalimetsaiconga' o ja'ni limetsaiconga', ma' anuli almujo'tsi a'eyi lanic' lalapi'iponga' LanDios.

Tama tocomma ji'hua almana'monga', jal'sintsonga'! ima' almaf'i! Tama altel'minga' a'i calma'anga'.

¹⁰ Tama atelcoyi luyalaicoyi tixoqui calata. Tama ailopa'a cal'tomí, acueca' lalapi'ila' la'pimaye. Lapi'ila' Lataiqui' laluya'apa. Tama ailopa'a cal'hueca, linca jahuay al'huexi.

¹¹ Unc'aipimaye, imanc' no'mana' li'ya' Corinto, capalaic'olhuo', camilhuo' jahuay lopa'a laipicuejma'. Itine itine acueca' al'nujuaitsilhuo'.

¹² Illanc' ailopa'a tintsi. Illanc' jahuay lalunxajma' al'palaic'olhuo', imanc' a'i.

¹³ Iya' camilhuo': Imanc' jouc'a aimalatets'i'monga', lapenu'ftsonga' la'taiqui' la'sc'ai'ipolhuo'. Caxinnilhuo' to ainaxque', to'ta'a capalaic'olhuo'.

¹⁴ Iya' camilhuo': Aimol'e'e'mo'tsi anuli ilne pe aimihuejcoyi LanDios. Iniya aimitoc'iyacolhuo'.

Ima', LanDios joupa ilanc'e'epo' lopicuejma', ¿te comuc'iyaco' ilque pe aimihuequi locuxepa LanDios? Lipuqui' y litine, ¿te tiyejmale'me?

15 Cristo y Satanás, itque lecui'impá Belial, ¿te ihniya anuli lihpiciejma'? Ima' to'huaiyinge ÑanDios, itque aimi'huaiyinge, ¿te anuli loluyalaicoyacu?

16 Lejut' ÑanDios y landiosla', ¿te ti'i'ma tixinc'ne'moltsi? Imanc' ejut' ÑanDios, itque Limaf'i' CanDios. Mañque ticua: Pe lomana' ihniya jilpe capajnta, mañpiya ałsim'ma aimaf'i', camuj'moxi iya' linca ilenDios, ihniya aixanuc'.

17 Tohiya: Tolihuejcole lomipolhuo' ÑanDios. Itque ticua: Tolanajtsoltsi ihne pe aimalihuequi iya', tonlete aculi'. Aimolihoc'olai'me jilpe pe laiflajpa, ile al xujc'a. Tijoula' capenufna'molhuo'.

18 Imanc' alimetsaico'ma iya' ol'Ailli', iya' quimetsaico'molhuo' ainaxque' amijcanó, ahuats'la'. Iya' NanDios, tołta'a laifcuapa. Iya' jahuary cacuxe.

7

1 Maicunc'aipimaye, ac'a juaiconapa ile licuapa ÑanDios, ile laluponga'. ¡Lihuejcole! Al'etsoltsi limpio. Ja'ni lałcuerpo, ja'ni lałpicuejma', aimalxisc'econa'moltsi. Ti'ila' le'a al c'a lałeyacu. Lihuejco'me ÑanDios. Tołta'a itine itine ti'hua tilajm'ma lałpicuejma', xonca tetenłcoco'ma ÑanDios. Lał'ejma', jouc'a ti'hua tilajm'ma, tijoula' ti'onłta to li'ejma' ÑanDios.

2 Unc'aipimaye, aimalatets'i'monga', limetsaicotsonga', il-lanc' olpimaye. Małmana' jilpe nij naitsi cal'najtsecopa a'ijc'a. Al'epá ma le'a al hijca. Nij naitsi calpo'nopa pangay pangay. Nij naitsi calfel'mipa.

3 Laifnespa tołta'a aicatalelhuo'. Joupa aimipolhuo': Itine itine al'nujuaitsilhuo'. Ja'ni olmaf'i' tixoqui calata. Ja'ni joupa imanapolhuo' tocomma jouc'a almanaponga'.

4 Iya' juaiconapa ca'huaiyingilhuo'. Acueca' ac'a lainscopolhuo'. Tama altelcoyi tixoqui neta juaiconapa cuyaijma, joupa lixoc'impa neta.

5 Alcuaitsa fa'a lamats' Macedonia ti'hua altelcoyi, aicalunxaqui. Ni petsi lahuelojnyi timana' lał'eponga' laic', jouc'a jilpe łalunxajma' alselcoyi.

6 Linca ÑanDios lixoc'iponga' calata, ummepa łalpima Tito, alsimpoltsi. Tołta'a li'ejma' ÑanDios, ja'ni alhuotsoyi lixoc'i'monga' calata. Illanc' tixoqui calata alsimpoltsi Tito.

7 Li'ipa calsina' imanc' joupa olixoc'ipa queta Tito, xonca tixoqui calata illanc'. Itque lu'iponga': "Lapimaye nomana' liłya' Corinto juaiconapa tijanajyi tixintso'. Ixhuej'menammas ile li'ipa jilpe, itsiya linca tihuejco'mo'."

8 Iya' lijoupa lainumme'epolhuo' colje'e, ile laininił'epolhuo', caxhuełma. Cacua: He laije'e aga tihuos'mi'mola' juaiconapa

lapimaye. Itsiya aicaxhuełcoonghua. He laije'e tama ihuos'mipolhuo' a'i nulemma quitafc'ihluo'.

⁹ Iya' tixoquei neta. Linca ihe laipixojma' cata aicalapi'i ihe lai-huos'mipolhuo'. Imanc' joupa ołsuej'menammas al xujc'a li'ipa jilpe, tołiya tixoquei neta iya'. He lołsuej'menammas tetentłcocojma ŁanDios. Tołiya aiximpa ailopa'a qui'e'epolhuo' laije'e.

¹⁰ Petsi liłpihuotsoqueya tetentłcocojma ŁanDios linca ixhuej'menammas li'epa. ŁanDios tunłu'e'mola'. Aimipai'iyacu liłpicuejma'. Timana' nohuotsopá petsi ŁanDios aimetentłcocojma lił'ejma'. Ine naihuejpa' quiltuca' liłpicuejma', tejac'em'mola'.

¹¹ Linca i'huáqui joupa ołsuej'menammas. Itsiya tołpo'noyi cuenna te ts'i'ic' loł'epa. Ołspic'epá ołtalai'ecopołtsi, ołixtuc'opá iłque ni'epa lixcay, ołsimpá axpaiqui' lo'iyacolhuo', juaiconapa tołjanajyi ałsintsołtsi, ołspic'epá nulemma tołsanutsołtsi cataiqui', joupa oł'epá lijca, ołtel'mipá ni'epa lixcay. Joupa ałmuc'iponga' aicołtaic' lajunac', ma le'a anuli jilpe i'epa lixcay.

¹² Iya' jilpe laininił'epolhuo' tama quixtu'hua iłque ni'epa lixcay jouc'a aiximpa cuanuc' łocuena hitełcopa, xonca aipic'a tolimetsaicotsołtsi te ts'i'ic' lołpicuejma', aipic'a tołmuc'ile ŁanDios, tołmujtsołtsi ałinca ał'nujuaitsinga' illanc'.

¹³ Ałsimpá tołta'a lixoc'iponga' calata.

Xonca lixoc'iponga' calata ihe lipixojma queta Tito. Imanc' joupa ołixoc'ipá queta.

¹⁴ Iya' joupa aimipa Tito: “Lałpimaye nomana' Corinto ac'a xanuc'. Lihuejco'ma.” Itsiya aicaxina' calaic'ata ihe lainscopolhuo'. Małmana' jilpe ałpalaic'opolhuo' ma le'a al linca. Jouc'a al linca ihe lałnescopolhuo' ałmipá Tito. Itsiya tołta'a i'huáqui, lihuejma.

¹⁵ Itsiya Tito xonca ti'elhuo' capic'a, ti'nujuaitsilhuo' imanc' loł'ejma'. Ti'nujuaitsi ac'a olapenufpá, aicoł—lof'e'mołtsi. Ołspic'epá toł'oc'etsołtsi, tetentłcocołta' loł'ejma'.

¹⁶ Itsiya iya' tixoquei neta juaiconapa. Aixina' ti'i'ma ca'huaiyijm'molhuo'.

8

¹ Unc'aipimaye, itsiya lu'i'molhuo' te ts'i'ic' lił'ejma' lałpimaye nafołyomma łamats' Macedonia. Iniya ŁanDios acueca' li-paxnepola', epi'ipola' liłpicuejma' titoc'ile liłpimaye.

² Ine lałpimaye nomana' łamats' Macedonia tama titełcoyi juaiconapa, tama acueca' tehue'ela', tixoquei quileta efot'łepá acueca' al tomí tumme'me, titoc'ile liłpimaye.

³ Ma to ts'ih'hueca icupa. Lijou'ma, tama tocomma aimi'iya micuconayacu, icuconapá. Aiquixahue'ennila'. Ine quiltuca' liłpicuejma' ixpic'epá ticule.

⁴ Ahsahue'eponga' juaiconapa, aħminga': "Lapi'itsonga' lane jouc'a illanc' aħtoc'itsola' laħpimaye, iħne jouc'a i'ħuexi ĽanDios. Illanc' jouc'a alafot'ħeħe laħtomı́."

⁵ Illanc' aħmila': "Ne'". Aħcuayi laħpicuejma': "Iħne tefot'ħe'me liħtomı́". Ľınca, xonca acueca' i'epá. A'i ma le'a efot'ħepá liħtomı́. Ate'a icu'moħtsi laħPoujna, lijoupa aħmiponga': "Lihuejco'molhuo' imanc'". Toħta'a lixpıc'epa ĽanDios.

⁶ Illanc' laħsimpa li'epa lapimaye nomana' Ľamats' Macedonia aħcuapá: "Laħpimaye nomana' Corinto jouc'a tefot'ħeħe nulemma al tomı́ locuyacu". Tito joupa ehuejnhuo'molhuo' anulemma. Imihuo'molhuo': "Toħpangote tolafot'ħeħe al tomı́, iħe lolapi'iyacola' loħpimaye". Itsiya lumme'econa'molhuo' Tito tipalaic'otolhuo' tolafot'ħeconħe al tomı́. Jouc'a timiconatolhuo': "Imanc' joupa oħpangopá tolafot'ħeyi al tomı́, itsiya toħjou'neħe iħe lonħ'epa".

⁷ Imanc' toluliquila' loħpimaye nomana' ocuenaye quileloħya'. Xonca toħ'huaijinyi ĽanDios, xonca al c'a toħmuc'iyaleyi litaiqui', xonca oħsina', xonca tolihuejcoyi, xonca toħ'nujuaisyi ĽanDios, jouc'a xonca toħ'nujuaitsila' loħ'as xanuc', tonħ'ela' capic'a. Toħta'a olapejpá lataiqui' laħmuc'ipolhuo'. Itsiya camilhuo': "Ne'. Xonca toħtoc'itsola' loħpimaye."

⁸ Aicacuxelhuo'. Aipic'a toħmujtsoħtsi aħınca toħ'nujuaisyi ĽanDios jouc'a tonħ'ela' capic'a loħpimaye, toħiya canescola' ac'a li'epa laħpimaye nomana' Ľamats' Macedonia, cu'ihuo'.

⁹ Imanc' oħsina' li'epa laħPoujna Jesucristo. Mipa'a lema'a jahuay i'hueca, aimehue'e'. Ixpıc'epa titoc'itsolhuo'. Ipic'a imanc' jouc'a aimehue'e'molhuo'. I'epoxi to cal xans pe aiqui'hueca. Ipo'nopa iħe h'ħuexi, toħta'a tolapenuħta acueca' coħ'ħuexi.

¹⁰ Iya' cacua aimicuicomma cacuxeyacolhuo'. Aicamiyacolhuo': "Tolafot'ħetsa al tomı́". Xonca tetenħma caxc'ai'i'molhuo'. Imanc' Ľınca olulijpola' lapimaye nomana' Macedonia. Ixhuaita anuli camats' Ľipangopa lolafot'ħepa al tomı́. Imanc' a'i ma le'a ate'a oħpangopá tolafot'ħeyi al tomı́, jouc'a ate'a oħspic'epá toħ'etsa toħta'a.

¹¹ Itsiya toħsuai'nitsa iħe lolafot'ħepa al tomı́. Toħta'a a'i ma le'a toħnes'me: "Ne', ne', joupa aħspic'epá", jouc'a tolanant'ħi'me iħe loħtaiqui'. Ma to ts'oħ'hueca toħta'a toħcuta.

¹² Petsi ahuata ts'i'hueca ĽanDios aimimiya: "Tapi'ħta' acueca". Ts'i'hueca acueca' tepi'i'ma acueca'. Ts'i'hueca ahuata tepi'i'ma ahuata. Ja'ni ahuata o acueca' locuya cal xans, ja'ni tixoqui queta tıcu'ma, iħque lo'eya tetenħcocojma ĽanDios.

¹³ Iya' laıxc'ai'ipolhuo': "Toħtoc'itsola' loħpimaye", ĸte ja'ni aipic'a ma le'a iħne loħpimaye xonca al c'a tıyalaicotsa, tijouħta' tehue'etsolhuo' imanc'? A'i. Toħta'a aıcaıpic'a.

14 Iya' cacua: Jahuay anuli toluyalaico'me al c'a. Itsiya imanc' aimehue'elhuo'. Lołpimaye aiquil'hueca. Imanc' tołtoc'i'mola'. Tijoula', mouqui o pitsu, ja'ni tehue'etsolhuo' imanc', ihniya titoc'i'molhuo'. Tołta'a toluyalaico'me al c'a jahuay imanc'.

15 Ma to loya'apa al Paxi Linilngiya tołta'a lo'iyacolhuo':
Ihne nefot'łepá xonca axpe' aiquipanenni,
petsi nefot'łepá huata aiquehue'e'mola'.

16 Cax'najtsi'i ŁanDios ipo'no'ipa lipicuejma' Tito titoc'itsolhuo', tixc'ai'itsolhuo'. Tołta'a i'ipa anuli lałpicuejma', iya' y Tito.

17 Iłque linca epenufpa lałmipa: "To'hua'ma, tahuejntola' lałpimaye nomana' liłya' Corinto". Iłque li'huapa a'i ma le'a lihuejco'monga' lałsahue'epa illanc'. Małque quituca' ixpic'epa ti'huałá'.

18 Alummeyi jouc'a ocuena całpima, tiyejmale'me Tito. Ni petsi lafołyomma, lapimaye tipalaicoyi al c'a iłque lałpima. Timetsaicoyi tuya'e' Lataiqui'.

19 Lapimaye nafot'łepołtsi łamats' Macedonia i'huijf'epá iłque lałpima ałejmalete, alacantsa lałtoc'iyacola' lałpimaye pe nahue'epola'. Illanc' całtuca' aimaleıyacu, aimicuicomma. Ałpic'a tixinte acueca' ac'a lałPoujna, jouc'a ałsinintsonga' ac'a la'ejma', ałsinintsonga' ałinca ałtoc'ila' lałpimaye, aimalıpa'ayi al tomı, iıe lał'hua'ayacu. Ja'ni ałpalaicom'monga' a'ıjc'a jouc'a tetets'i'me lałPoujna.

20 Illanc' ałpo'noyi cuenna. Acueca' al tomı, iıe lałtaiyacu, tolıya ałcuayi: "Ałpo'no'me cuenna". Ja'ni a'i ti'i'ma ałcuf'monga', ałmi'monga': "Imanc' ołtepá al tomı".

21 Ni petsi lałtseyacu, jahuay lał'eyacu, ałpo'noyi cuenna, ałcuayi: "Ałsintsonga' lan xanuc', jouc'a ŁanDios ałsintsonga', ał'eyi al c'a".

22 Lummela' afantsi lapimaye, ihniya Tito, jouc'a łocuena capima, jouc'a ocuena'ya lałpima. Iłque lałpima jahuay locux'e'empa tixoqui queta ti'e'ma. Tołta'a ałmuc'iponga' axpe' mi'ay. Itsiya xonca tixoqui queta ti'hua'ma jıłpiya, tipalaic'otolhuo' imanc'. Ti'huaiyılghuo' juaiconapa.

23 Tito ałejmalepá. Ma' anuli ał'eyi lanic' lalapi'iponga' ŁanDios. Iya' ma capanehuo fa'a, iłque ti'hua'ma jıłpe pe lołmana'.

Loquexi' lapimaye ihne ummempola' lapimaye nafołyomma ocuenaye quılelołya', ihne linca timujiıyı acueca' ac'a hıłPoujna Cristo.

24 Tolapenuftsola' lam fantsi lapimaye. Tołmuc'itsola' imanc' ał'nujuaitsinga'. Illanc' joupa ałnescopolhuo' al c'a. Tołmuc'itsola' ałinca lałnespa. Tijoula' tołta'a ti'i'ma quılısina' lapimaye

nafoŷomma locuenaye quiŷeloŷya', tuya'ata iŷniya lummempola'.

9

¹ Toŷe laixc'ai'ipolhuo': "Tolapenuftsola' lapimaye". Aicamiyacolhuo' xonca. Joupa oŷsina'lonŷeyacu, toŷtoc'i'mola'.

² Imanc' tixoqui cunlata toŷtoc'ila' loŷpimaye. Toŷta'a laifpalaicopolhuo'. Joupa nu'ipola' lapimaye nomana' Macedonia, aimipola': "Luyaipa camats' iŷne lapimaye nomana' lamats' Acaya joupa efot'lepá al tomí. Ma le'a tehue'ela' tumetsa." Licuej'me toŷta'a axpela' iŷniya icua'me: "Illanc' jouc'a aŷtoc'i'mola' laŷpimaye".

³ Itsiya cumme'e'molhuo' lam fantsi lapimaye, tixintsolhuo' ja'ni olafot'lepá al tomí. Ja'ni a'i, iŷe lainscopolhuo' al c'a ti'i'ma ma le'a ataiqui'.

⁴ Luyaicotsa jiŷpe iya' jouc'a oquexi' afantsi lapimaye lun Macedonia, aŷcuaitsa ja'ni aicoljou'ne colafot'ŷe al tomí, linca aŷsinna calaic'ata. Illanc' joupa aŷpalaicopolhuo': Joupa olafot'lepá al tomí. Ja'ni aicolafot'ŷe, ŷte imanc' aimoŷsinyacu calaic'ata jouc'a?

⁵ Toŷiya cumme'e'molhuo' lapimaye. Joupa aixc'ai'ipola' lo'eyacu. Iŷne tiye'me jiŷpe pe loŷmana'. Tu'itolhuo' toŷsuai'nite al tomí lolafot'ŷeyacu. Tijouŷa' ca'hua'ma iya'. Imanc' joupa oŷpo'nopá cataiqui', toŷcu'me acueca'. Ne', tolafot'ŷeŷe nulemma. Ja'ni a'i cacuaitsi iya' ticuicomma caxahue'etolhuo'. Toŷta'a aicaipic'a. Aipic'a imanc' coŷtuca' toŷcu'me.

⁶ Toŷnujuaitsa: Nofapa ahuata tefot'ŷe'ma ahuata. Nofapa acueca' tefot'ŷe'ma acueca'.

⁷ Ja'ni afule mocu'ma, o ja'ni to'huaijma ticuxe'entso', iŷe lo'ejma' aimetenŷma LanDios. Cal xans ja'ni tixoqui queta ticu'ma litomí iŷe lo'epa tetenŷcocojma LanDios.

⁸ Maŷque LanDios acueca' nipajnya titoc'i'molhuo'. Jahuay litiné nipajnya tepi'i'molhuo' laicuicomma, xonca tepi'i'molhuo'. Toŷta'a aimi'i'ma cahue'eyacolhuo'. Tijouŷa' ti'ŷta' coŷhuexi, ti'hua tonŷe'me al c'a, ti'hua toŷtoc'i'mola' loŷpimaye.

⁹ Al Paxi Liniŷingiya tipalaijma cal xans no'epa iŷe al c'a, ticua:

Tica'nela' li'hueca, titoc'ila' pe lahue'epola'.

Iŷe al c'a li'ejma' aimimenc'econyacu.

¹⁰ Lam fanu' lofapa lan xanuc', lepi'ipola' LanDios. Ma' anuli ŷa'i loŷtepa, LanDios lepi'ipola'. Maŷque LanDios tepi'i'molhuo' iŷe lolapi'iyacola' loŷpimaye. Tijouŷa' xonca acueca' tepi'i'molhuo'. Ja'ni ac'a lonŷe'epola' loŷpimaye, xonca al c'a tepi'innolhuo'.

11 Imanc' aimehue'eyacolhuo', ti'i'ma toltoc'icona'mola' acueca' lohpimaye.

Lapimaye napenufyacu lahtaiyacu illanc', ihe lolapi'iyacola', tix'najtsi'i'me LanDios, timuj'me acueca' ique.

12 Linca lolapi'iyacola' lapimaye titoc'i'mola', aimehue'econa'mola'. Tijoula' xonca acueca' lo'iya. Ihiya lanxpela' tix'najtsi'i'me LanDios.

13 Lepenuftsa lolapi'iyacola', lapimaye tixim'me acueca' ac'a lo'epa LanDios, tix'najtsi'i'me. Tix'najtsi'i'me, imanc' ołpic'epá toltoc'itsola'. Tix'najtsi'i'me, ałınca tolihuejcoyi Lataiqui', ihe Litaiqui' Cristo. A'i ma le'a ołnespá: "Lihuejco'me". Tix'najtsi'i'me, imanc' a'i cunc'afts'ile, acueca' toltoc'ila' ihniya jouc'a jahuay lapimaye.

14 Tixim'me acueca' lipaxnepolhuo' LanDios, ipo'no'ipolhuo' lohpicuejma' toltoc'itsola'. Tołiya ti'nujuais'molhuo' juaiconapa, tixahue'e'me LanDios titoc'itsolhuo' jouc'a.

15 X'najtse'eya LanDios, joupa lapi'iponga' ique xonca acueca'. Ique łalapi'iponga' LanDios ailopa'a co'olıcoya.

10

1 Iya' ninPablo caxa'huelhuo' lihuejcotsonga'. Toł'nujuaitsa li'ejma' łalPoujna Cristo. Ique amanxu. Aiquilof'eyoxi, i'ommaita li'ejma' lan xanuc'. Timana' jilpe nałnescopa, ticuayi: "Ique Pablo małmana' anuli tocomma to ninaitsi xans. Mipa'a ocuena quıłya' jilpe lixtuc'onga', linił'enga', ałtalenga'. Fa'a a'i."

2 Linca ti'i'ma quixtuc'o'mola' hualca nomana' jilpe, ihe nonespá: "Pablo y lihejmale tihuejyi ma quıłtuca' liłpicuejma'". Caxa'hueconalhuo': Lihuejcotsonga'. Tołta'a aimalixtuc'oyacołtsi.

3 Iya' camilhuo': Tama ninc'ixanuc' aimalihuejyi całtuca' lałpicuejma'. A'i tołta'a małcuanajcoyołtsi.

4 Linca LanDios lapi'iponga' lałpa'necoyacołtsi. A'i tołta'a mepi'iyacola' lan xanuc' naihuejpa' quıłtuca' liłpicuejma'. Illanc' xonca acueca' lałmane lalapi'iponga' LanDios, ał'oc'enatsola' ihe petsi tocomma aimi'iya muliquinyacola'. Ti'i'ma lulij'mola' nopalaiपा, ihniya atsila' hitaiqui,

5 jouc'a pe nołof'epołtsi, nocuapá: "Joupa aixina'". Ihe tetets'iyi LanDios, aiquıłsina' te ts'i'ic' lipicuejma'. Ti'i'ma ałmuc'i'mola' timenaquila' ihniya pe noxpıc'epá lo'eyacu ihe quıłtuca', tihuejcołe Cristo.

6 Tołta'a camilhuo': Lihuejcotsonga' illanc'. Tijoula' ja'ni hualca aimalihuejcoyaconga' ałtel'mitola'. Joupa ałspıc'epá ihe lał'eyacu.

7 Imanc', łte limetsaiconga' le'a to lał'ejma' małmana' anuli jilpe? Aga timana' jilpiya nocuapá: "Illanc' linca lapenufponga'

Cristo". Iya camila' ihniya: "Totspic'econate imanc' coltuca' lohpicuejma'. Tohta'a limetsaico'monga' illanc' jouc'a lapenuf-ponga' Cristo, a'i ma le'a imanc'."

⁸ Iya' joupa aimipolhuo': "ŁanDios lapi'iponga' lałmane". Ja'ni capalaicocona'ma tohta'a ma' al linca laifnuya'aya. Aicaxinya calaic'ata.

Ihe lałmane lapi'iponga' lałPoujna. Itque ixpic'epa ałtoc'itsolhuo', tifayila' xonca' lohpicuejma', aimalajac'eyacolhuo'.

⁹ Cacua: Ihe laininił'epola' laipimaye, ĵja'ni tixpaic'e'mola'? Toliya aimipolhuo': Aimalajac'eyacolhuo'.

¹⁰ Linca jilpiya timana' nocuapá: "Pablo, jilpe lije'e atsila' łataiqui linespa. Minił'ma acueca' ałcuxenga'. Micuaihuo fa'a ałsinyi ni mipalay c'a."

¹¹ Iya' cacua: Ne', ti'ila' quilsina' ihniya joupa imenajpola'. Ma to muya'e' lałje'e laliniłpa fa'a, ma' anuli lał'eyacu jilpe.

¹² Jilpiya timana' nonescopołtsi al c'a, ticuayi: "Illanc' linca ał'eyi lanic' lalapi'iponga' ŁanDios". Ihe tehuelojnyołtsi ma quiltuca'. Toliya tixinyołtsi to lan c'a xanuc'. Illanc' aimi'iya mał'onliyaconga' to ihniya. Tocomma xonca lan tsila' xanuc'. Ne', tipajnla'. Ma le'a cacua: Petsi acueca' lipicuejma' aimi'eya to ihniya.

¹³ Illanc' ja'ni ałpalaico'mołtsi ałspij'me lałtaiqui'. Ałpalaico'me li'ipa mał'eyi lanic', ihe lałpenic' lalapi'iponga' ŁanDios. Ma' itque ŁanDios lu'iponga' petsi lał'eyacu lanic'. Toliya całtsecohuo'me pe lołmana', jilpe ał'etsa lanic'.

¹⁴ Ja'ni coła' aicaltsec' pe lołmana', ja'ni coła' aicai'aic' canic' jilpiya, ĵte ti'i'ma cacuxe'molhuo'? ĵTe ti'i'ma cami'molhuo': "Lihuejco'monga"? A'i, aimi'iya. Illanc' ałinca ninc'itet'la ałtsehuo'me jilpiya. Jilpe joupa luya'ahuo'me Lataiqui'.

¹⁵ Aimalpalaicoyi lo'epa locuenaye. ŁanDios joupa ixpicufpa łamats' lał'eyoyacu lanic' illanc'. Jilpe ał'epá lanic'. Ałpalaicoyi li'ipa małpiya.

Ałcuayi: Lałpimaye nomana' Corinto ti'hua ti'huaiyijnyi Je-sucristo. Ti'ila' xonca acueca' li'huaiyijmpa, xonca limet-saico'monga'. Tohta'a xonca ał'eta lanic' petsi ŁanDios lix-picufpa ał'etsa. Aimaltsuflaiyacu locuenaye liłpenic'.

¹⁶ Tijoula', le'me xonca aculi', a'i ma le'a pe lołmana' imanc'. Le'me petsi ŁanDios lalumme'eyaconga'. Pu'huanni ał'eta canic'. Tijoula' ałpalaico'me ihe lanic' lał'epa illanc', a'i lanic' li'epa locuenaye.

¹⁷ Iya' cacua: Cal xans ts'ipic'a tipalaicoła' al cueca', ne', tipalaicoła' lałPoujna.

18 Cal xans nopalaicopoxi quituca', ja'ni tinesla': "ŁanDios alummepa", iłque aimi'ya mepenufynyacu. Ja'ni ŁanDios timujla' łummepa, łınca ti'i'ma tepenufim'me.

11

1 Aga capalay to łamac'ta. Imanc' toł'ommołaitsa laifmipolhuo'. Ałquimf'eta'. Aixina' toł'ommołaita. Ne', ti'hua toł'ommołaitsa.

2 Łınca ca'elhuo' capic'a juaiconapa, iłe laipicuejma' joupa lapi'ipa ŁanDios. Litine imanc' loł'hua iyijmpa Jesucristo aimipa iłque: "Ti'itso' to quilpe'Ailli' iłniya. Tołta'a litine tocuaic-oconanni cacutsola', toxim'mola' to anuli cal c'a cahuats'. Tapenuf'mola' tołta'a."

3 Itsiya caxhuełma. Ca'nujuaiti li'ipa Eva, ifel'mipa łainofał, acueca' a'ijc'a lipicuejma' iłque. Cacia: Laipimaye nomana' Corinto aga tifel'mim'mola' jouc'a. Tijoułta' tihuej'me ocuena, a'i le'a Cristo.

4 Joupa aiximpolhuo' imanc' loł'ejma'. Ja'ni ticuaita jilpe iłne nopalaicopá tocomma ocuenaj Jesús, a'i to lałpalaicopa illanc', o ja'ni mepi'innilhuo' ocuena' espíritu, a'i to joupa łolapenufpa, o ja'ni ocuena cataiqui' loya'apa, a'i to joupa lolapejpa, imanc' tixoqui cunlata tołquimf'eyi, toł'ommołaispá.

5 Iłne nomuc'ipolhuo', imanc' tołsinnila' to xonca lan tsila' apóstole. Iłne, ¿ja'ni luliqui iya'? Cacia: A'i.

6 Iya' tama a'i nomxi cataiqui', łınca ŁanDios lapi'ipa laipicuejma'. Jouc'a tipa'a laixina'. Aixina' cuhuałma Lataiqui'. Małmana' jilpe tołta'a ałmuc'iyaleyi.

7 Iya' capa'a jilpe ca'e'eyoxi to ninaiti xans. Ailopa'a cainepenufpa. Ma cuya'e' Lataiqui' aica'najtsi'ilhuo'. ¿Te a'ijc'a iłe laif'epa? ¿Te toliya latets'ipa imanc'?

8 Lai'epa łanic' jilpe pe lołmana' imanc', lume'e caitomí lapimaye lafołyomma ocuenaye quilelołya'. Tocomma to ca'najtsi'ila' iłne lapimaye, tijoułta' catoc'ilhuo' imanc'.

9 Capa'a pe lołmana' tama lahue'epa aicaixa'hue'molhuo' imanc'. Aimi'moxi: "Aicaxoc'iyacola' laipimaye nomana' liłya' Corinto". Ma' anuli itsiya, tołta'a laifnespa.

10 Iłe lai'ejma' caxina ac'a. Jahuay łamats' Acaya ailopa'a nałpai'ya laipicuejma'. Laifcuapa tołta'a aicafel'milhuo', iya' quihuequi Cristo.

11 ¿Te caifcuacopa tołta'a? ¿Te ja'ni aica'elhuo' capic'a? ¿Te catets'ilhuo'? A'i. ŁanDios ixina' ca'elhuo' capic'a.

12 Tama ca'elhuo' capic'a ti'hua ca'e'ma to ca'ay. Tołta'a ałcuanajco'mołtsi iya' y lałejmale. Tołta'a ti'i'ma lałtalai'e'eyacola' iłne pe no'e'epołtsi to lan tsila' apóstole, iłne ti'e'eyołtsi anuli illanc'. Ałmuj'me a'ij łınca lonespa.

13 Ine a'i apóstole, pangay infel'miyale. He lanic' lo'epa aiquepi'ila' LanDios. Ma le'a ti'e'eyo'tsi. Cristo aicummela'.

14 ¿Te co'cuapa: "A'i to'ta'a mi'i"? Camilhuo': Ti'i. Lonta'a Satanás, qui'huayomma al muf, itque ti'e'eyoxi to lapaluc quema'a. Ti'e'eyoxi to qui'huayomma pe lopa'a pangay quepalc'o'.

15 Ja'ni lonta'a ti'e'eyoxi to quepaluc LanDios, itque lo'epa le'a al c'a, linca ma' anuli ti'e'e'mo'tsi in'e lummepola' lonta'a. Itsiya to'ta'a lo'epa, tijou'la' ti'najtsi'im'mola' ite li'epa lixcay.

16 Camiconalhuo': Al'ommais. Aimol'nes'me: "Amac'ta itque Pablo". O ja'ni to'nesle to'ta'a, ne', to'nesle. Le'a alquimf'ela' laifmiyacolhuo'. Tama acuej namac'ta, capalaico'moxi huata, cu'i'molhuo' te ts'i'ic' lainuyaicopa.

17 He laifmiyacolhuo' capalaic'o'molhuo' a'i to anuli ts'ihuequi Cristo. Ma le'a laipemac'ta capalaico'moxi.

18 Linca axpela' tipalaicoyo'tsi in'e quituca'. Iya' jouc'a ca'e'ma to in'iya, capalaico'moxi.

19 Ja'ni capalajma laipemac'ta aixina' alquimf'e'ma. Imanc' acueca' juaiconapa co'picuejma', to'hiya tixoqui cunlata to'ommo'aispola' lan mac'ta.

20 Ja'ni ti'e'etsot'si co'poujnalá, ja'ni texic'e'etsolhuo' lo'l'huexi, ja'ni tifel'mitsolhuo', ja'ni ti'e'etsot'si to lan tsila' xanuc', tetets'ilhuo', ja'ni titaletsolhuo', tuntaf'e'etsolhuo' lo'l'a, linca jahuay in'a'a to'ommo'aispá.

21 Illanc' ma'mana' jilpe linca ailopa'a to'ta'a acueca' ca'pufjxi. To'hiya, ¿te alsim'me calaic'ata?

Imanc', ¿te o'pic'a in'e pe nopalaicopo'tsi quituca'? Ne'. Jouc'a iya' capalaico'moxi caituca'. Itsiya linca capalay to lamac'ta.

22 Ine ticuayi: "Illanc' linca xonca ixanuc' LanDios. Illanc' ninc'hebreo, illanc' ixanuc' Israel, Abraham altatahuelo." Ne'. Iya' jouc'a ti'i'ma canesco'moxi to'ta'a.

23 ¿Te ticuayi: "Illanc' al'eyi lanic' lalapi'iponga' Cristo, itque alummeponga'"? ¡Ne'! Iya' jouc'a ca'ay lanic' lalapi'ipa Cristo. (Itsiya capalay to lejac'pa quipicuejma'.) Cacia: Iya' joupá nulijpola' jahuay in'iya. Xonca acueca' canic' iya' lai'epa, xonca altats'empa, xonca alsinc'ue'empa. Axpej al'ipa tocomma alma'a'ma, afule nun'upa.

24 Ma to mi'eyi lan xanuc' judío alsinc'ue'e'ma anuxans quimbamaj pel'a. Amaquemma al'e'empa to'ta'a.

25 Afanemma lan xanuc' romano alsinc'ue'ecom'ma af'ix'ec. Anulemma lipaf'quim'ma capic, ilpic'a alma'an'la'. Afanemma ma caque laja if'acai'ma al barco. Anulemma aipanenni anuli quipuqui', anuli quitine jilpe laja, lijou'ma lipa'ana'ma, lun'u'enapa.

²⁶ Axpe' ca'hua lane, ma cuya'e' Lataiqui', aitelcopa. Ja'ni lan tsilaj panay, ja'ni lan namats', ja'ni laif'as xanuc' judío, ja'ni locuenaye xanuc' pe aimimetsaicoyi LanDios, ja'ni capa'a liya', ja'ni capa'a cal'ec, ja'ni caquie taja, ja'ni capa'a pe lomana' ihe nonescopoltsi "apimaye", y a'i capimaye, ma' anuli catehma.

²⁷ Juaiconapa ca'ay canic', caxina ixoqui, juaiconapa aħacoli cahuí, axpej ma'i cunle'e, ticuimma caija', juaiconapa caxnet'iqui, aicatesma, juaiconapa aħaiqui, caxina caxita, lahue'e' caipijahua', ailopa'a caifpoxya.

²⁸ Jahuay iliya catehma. Jouc'a itine itine caxhuehma jilpe laipicuejma', aicunxaqui. Ca'nujuaitsila' laipimaye ni petsi lafoiyomma.

²⁹ Anuli łapima ja'ni a'ij cueca' łunxajma', ¿te aicaxhuehma? Linca caxhuehma. Tocomma to ma' anuli a'ij cueca' łalunxajma'. Locuena łapima, ja'ni ic'uilitsuf'empá, ¿ja'ni iya' aiqixtuya? Linca quixtu'hua juaiconapa.

³⁰ Ja'ni ticuicomma capalaicoconaxoxi, ne', capalaicoconamoxi. Aicanesya al cueca' lai'epa iya'. Cuya'a'ma laħ'ipa, iħe al'e'e to ninaitsi xans, tocomma to ailopa'a caif'eya.

³¹ LanDios ixina' al linca laifnescoyacoxti, ixina' aicafel'miyacolhuo'. Maħque LanDios enDios y i'Ailli' laħPoujna Jesús. ¡Jahuay łitiné tijauhuamlaicota aħs'naħtsi'ihel!

³² Luyaipa quitine capa'a liya' Damasco tocomma to aicunħuya. Jilpe ts'ipenic', iħque lifajpa cal rey Aretas, ixpic'e'ma cola' al'noħ'ma. Eaxu'mola' no'epá cuenna ħpuerta liya'. Toħta'a aimi'iya quipaya iya'.

³³ Lapimaye aħcus'mi'ma anuli al tsiquihuiħ. Alipa'acom'ma al ventana, lacangim'ma lixpula caitaħ liya'. Toħta'a lunħu'empa limane cal rey.

12

¹ Tama latets'i'ma ti'hua capalaico'moxi laħ'ipa iya'. Capalaico'ma iħe laifximpa jilpe laipicuejma', iħe laħmuc'ipa laħPoujna.

² Ma capalaicoyoxi cacua: Toħta'a liximpa anuli cal xans ħpenufpa Cristo. Ixhuaita imbamaj malpu' camats' iħque cal xans if'ajpa lema'a xonca al toncay. (Ja'ni if'ajpa jouc'a licuerpo, o ja'ni ipanemma licuerpo fa'a li'a łamats', ma le'a lipicuejma' if'ajpa al toncay, aicaixina'. LanDios ixina'.)

³⁻⁴ Aixina' if'ajpa iħque cal xans, icuaita pu'hua al toncay pe lacui'impa al Paraíso. (Ja'ni if'ajpa jouc'a licuerpo, o ja'ni ipanemma licuerpo fa'a li'a łamats', ma le'a lipicuejma' if'ajpa al toncay, aicaixina'. LanDios ixina'.) Jipu'hua al toncay, jilpe al Paraíso, icuej'ma tiralquinni. Iħe licuej'ma aimi'iya

mu'inyacu. LanDios ai quepi'ila' lan xanuc' to'ta'a li'mane, aimuya'ayacu.

⁵ Linca capalaico'ma al cueca' li'ipa it'que cal xans. Aicuya'e': Acueca' lai'epa iya'. Cuya'a'ma laite'copa, a'on'cota to ninaitsi xans.

⁶ Ja'ni aipic'a capalaicoxoxi, ma ti'i'ma, a'i mi'iya camac'ta cataiqui'. Aicafel'miyale'ma. Linca aicapalaicoyaxoxi. Aicaipic'a. Cacia: Limetsaico'la' ma to ma'sina'. Lahuelojnla' te ts'i'ic' laif'epa, a'quimf'ela' laitaiqui'.

⁷ Linca, tama a'muc'ipa ite al cueca' juaiconapa, LanDios ipic'a aicalof'e'moxi. To'ta'a lapi'ipa laite'copa. Jifa'a laicuerpo ixinguc'copa to lanaispa litac. Epi'ipa Satanás limane, it'que lume'epa anuli hiponta'a luntaf'la', ti'hua luntaf'qui.

⁸ Afanemma caxa'hue la'Poujna, cami: "Ti'huanta' it'que, aimalunfaf'cona'ma".

⁹ La'Poujna a'mipa nulemma: "A'i. Ma to'le tipajnla'. Iya' catoc'i'mo' to'ommaitsi, linca to'ommaita. Ine pe ailopa'a co'eyacu, xonca timujyi acueca' laimane, acueca' laif'epa."

To'ta'a aicaxa'hueconghua LanDios. Itsiya tixoqui neta capenufi ite laite'copa. Aicatets'i. Ma capalaicoyoxi cacua: Ac'a laifnuyaicopa. Ma cate'ma caxina acueca' a'toc'i Cristo, caxingufi al cueca' lo'epa it'que.

¹⁰ Cacua: Teten'cocola' Cristo lai'ejma'. To'ta'a tixoqui neta capenufi jahuay. Ja'ni a'tafquemma, ja'ni a'miloqui cataiqui', ja'ni lahue'e', ja'ni lihuetsuquinno, ja'ni tocomma atansca laipene, laifnuyaicopa, jahuay capenufi, aicahuos'miyaxoxi. Ja'ni ailopa'a caipujfxi, ja'ni aimi'iya ca'eya, Cristo a'toc'i, ca'e'ma acueca'.

¹¹ To'ta'a laipalaicopoxi. Tocomma nintonno. Imanc' to'taiyi lajunac'. Nipajnya a'palaico'ma ac'a, aico'cuac'. Ine no'e'epo'tsi to lan tsila' apóstole, licuaita pe lo'mana', ¿te xonca canic' qui'epa it'niya? Linca aicaluliqui tama iya' ninaitsi xans.

¹² Ma'mana' anuli jil'pe aimas'ospa, itine itine ca'enghua lanic' lalapi'ipa LanDios. It'que imuc'ipolhuo' a'linca iya' nin'apóstol. It'niya itiné ma'que LanDios imuj'moxi, i'e'ma al cueca' juaiconapa. Acueca' juaiconapa ipaxnepolhuo'.

¹³ Laitsehuo'ma locuenaye qui'elolya', ¿te xonca ac'a lai'ejma' petsi lafo'lyomma locuenaye lapimaye? Linca ituca' lai'ejma' pu'huanni, capenufi al tomí lalapi'ipa it'ne. Ma'mana' anuli imanc' ailopa'a cainepenufpa. Caxa'huelhuo': ¡Limenc'e'ecola' ite lalimenajpa!

¹⁴ Joupa aixpic'epa cahuejnconatolhuo'. Caciaicontsi jil'pe ti'i'ma afanemma. A'majnta anuli aicaxa'hueyacolhuo', aicamiyacolhuo': "A'toc'it'a'". ¿Te aipic'a lo't'huexi? A'i. Imanc' linca ca'elhuo' capic'a. ¿Te la'uhuay ti'huej'me li'h'huexi titoc'ite

quif'ailli'? A'i. Quif'ailli' linca ti'huej'ma hi'huexi titoc'itsola' linaxque'.

¹⁵ Iya' to co'ailli' tixoquij neta cacu'ma jahuary lai'hueca catoc'icotsolhuo'. Cacumoxi jouc'a. Cacia: Tijoutsu laipujfxi, tunhul—le laipimaye.

Cacia: ¿Ja'ni ca'elhuo' capic'a juaiconapa, tofiya imanc' ahuata le'a al'ay capic'a?

¹⁶ Ne', tofe tipajnla'. Jilpe timana' nahnescopa, ticuayi: “Acueca' lipicuejma' Pablo. Mipa'a fa'a tama aiquepenufi tomí ixina' tifel'miyale. Lijou'ma linca epenuf'ma.”

¹⁷ A'ij linca ife liñtaiqui' ifne nonespá toñta'a. Lainummepola' pu'huanni, ¿te anuli ifniya ifel'mipolhuo'? A'i.

¹⁸ Aixa'huepa Tito ti'huañla' tehuejntsolhuo'. Jouc'a numepa lapima tiyejmalefe Tito. ¿Ja'ni Tito ifel'mipolhuo'? A'i. Imanc' joupa alsimponga' ma' anuli lañpicuejma', lañ'epa.

¹⁹ Aga toñcuayi: “Toñta'a añtalai'e'enga' Pablo y liñejmale, ticuanajcoyoñtsi”. A'i. Aimañcuanajcoyoñtsi. Añsinyi ÑanDios añjuez. Mañpalaiyi añnujuaisyi Cristo joupa lapenufponga'. Añpic'a añtoc'itsolhuo' imanc' laicañpimaye. Añpic'a añfa'etsolhuo' xonca loñpicuejma', toñta'a liniñ'elhuo'.

²⁰ Cacuaitsi jilpiya aipic'a latentcocoñtsi loñ'ejma', jouc'a imanc' tetentcocoñsolhuo' iya' lai'ejma', aimalixtuc'otoñtsi.

Itsiya caxhueñma. Cacia: Laipimaye nomana' liñya' Corinto, ¿te ts'i'ic' muyalaicoyi? ¿Te tifuleyi, o ti'eyoñtsi laic', o tixtulemma, o a'ij nuli liñpicuejma', o timiyoyñtsi cataiqui', o tinescoyoñtsi, o tiñof'eyoñtsi?

²¹ O cacuaitsi aga tiñmana' ifne petsi ti'econayi al xujc'a, tixhuicoyi lacañ'no', ti'econayi loxahue'epola' liñcuerpo. Ja'ni toñta'a miñmana', linca ÑanDios añ'oc'eta, ti'i'ma acueca' laipihuotsoqueya. Cajojcumletola' ifne lanxpela' no'econapa al xujc'a. Aiquiñsuej'meya nulemma li'epa lixcay.

13

¹ Cacuaitsi jilpiya pe loñmana' ti'ico'ma afanemma cahuejn-nilhuo'. Cacuaitsi ja'ni tipa'a li'ipolhuo' ticuicomma afantsi, o ja'ni aimi'iya afantsi le'a oquexi', ti'ila' anuli lonesyacu. Tijouñla' añsanuta ifiya.

² Cacuaicontsi jilpe ca'eta ma to joupa laimipolhuo' mañmana' anuli. Al te'a laitsehuo'ma aicainu'ilhuo' toñta'a. Lihuequi laitsecohuona'ma linca nu'ipolhuo'. Itsiya ma capa'a fa'a cu'iconalhuo'. Cu'ila' ifne ni'epá quixcay, ifne petsi aiquiñsuej'meya, jouc'a locuenaye pe aimalihuejma, camila': Cacuaiconatsi ja'ni ti'hua ti'econayi nixpiya aiquimenc'e'econayacola'. Cateñmitola'.

³ Imanc', ¿te of'huaijma Cristo timuc'itsolhuo' alummepa, ałcuxe'e laitaiqui' laifpalaipa? Ne'. Tołsim'me te ts'i'ic' iłque Cristo. Iłque a'i ninaitsi xans, acueca' limane iłque.

⁴ Lepałts'ingimpa Cristo lancruz tocomma to ninaitsi xans. Limaf'i'inapa ŁanDios epi'ipa acueca' limane. Illanc' ts'alihuequi iłque Cristo tocomma to ninaitsi xanuc'. Ałcuaitsa jilpe ałsinnonga' linca ałmaf'i'. Ałmuc'itolhuo' acueca' lałmane alapi'iponga' ŁanDios.

⁵ Imanc' tołsintsołtsi cołtuca' te ts'i'ic' lołpicuejma'. Tolicuis'etsołtsi imanc' cołtuca', ¿ja'ni toł'huaiyjnyi Cristo o a'i? ¿Ja'ni aicołsina' jilpe tipa'a Jesucristo, anuli lołmana'? O, ¿aga ailopa'a, aimoł'huaiyjnyi?

⁶ Iya' cacua: Ałsintsonga' illanc' ałinca ał'huaiyjnyi, aimalfel'miyaleyi.

⁷ Jifa'a ałsahue'eyi ŁanDios titoc'itsolhuo', aimoł'econa'me quixcay. Małsahue'eyi tołta'a aimalnesyi: "Lałpimaye tihuejcołe laitaiqui' lalupola' illanc', tołta'a lan xanuc' limetsaico'monga', tines'me: Ałinca Cristo lummebola' ihniya." Tama aimalimetsaiconyaconga' illanc', ałpic'a tonł'ete al c'a imanc'.

⁸ ŁanDios lapi'iponga' lałmane ałtoc'itsolhuo' tolihuejle Lataiqui'. Ja'ni tolihuejcoyi aimi'iya malixtuc'oyacolhuo'.

⁹ Linca tixoqui calata luyalaico'me ja'ni imanc' acueca' lołpujfxi, ja'ni ałinca tolihuejyi Cristo. Tama illanc' tocomma to ninaitsi xanuc' aimaluelmot'leyacu. Ałsahue'eyi ŁanDios ti'ila' tołta'a loł'ejma'.

¹⁰ Tołsanutsołtsi nulemma. Ja'ni aimołsanuyacotłtsi cacuaiconsi jilpe cataletolhuo'. Cacua: Aimi'i'ma tołta'a. Tołiya ma capa'a fa'a quinił'elhuo' iłta'a lołje'e. ŁanDios alapi'ipa laimane cafa'etsolhuo' xonca lołpicuejma', a'i catełc'eyacolhuo'.

¹¹ Cunc'aipimaye, ti'hua tijou'ma laifninił'epolhuo'. Itsiya cu'ilhuo': Tołsanutsołtsi cataiqui'. Aimołhuotso'me. Ti'ila' ma' anuli lołpicuejma'. Aimołfuli'i'mołtsi. Ja'ni ti'ila' tołta'a loł'ejma' ma ŁanDios titoc'i'molhuo', tołmajnta anuli. Małque ŁanDios lapi'inga' lałpicuejma' ał'etsołtsi capic'a, ałejmalełe al c'a.

¹² Tolu'itsola' lapimaye: "Pablo tinonilhuo'". Tołtuc'otsołtsi lołpeque ma to mituc'o'mołtsi lapimaye, ihne i'huexi ŁanDios.

¹³ Lapimaye nomana' fa'a, ihne jouc'a i'huexi ŁanDios, jahuay ihniya tinonilhuo'.

¹⁴ Jahuay imanc' ti'ila' cołsina': LałPoujna Jesucristo titoc'ilhuo', cal'Ailli' ŁanDios ti'nujuaitsilhuo', cal Espiritu Santo efot'lepolhuo', tołejmaleyi anuli iłque.

LIJE'E SAN PABLO LINIŁ'EPOLA' LAPIMAYE LEFOT'LEPOŁTSI ŁAMATS' GALACIA

1 Iya' ninPablo, nin'apóstol, epaluc Jesucristo. Iya' laif'as xanuc' a'i cařaqui ilta'a laipenic'. A'i ihniya calumme'e. Maře laipenic' lapi'ipa Jesucristo y ŁanDios cař'Ailli'. Itque ŁanDios imaf'i'inapa Jesús, ipa'anapa pe lomana' limanapola'.

2 Iya' jouc'a lapimaye nařmana' fa'a ařnonilhuo'. Liniř'elhuo' imanc' unc'ařpimaye nolafot'lepołtsi ni petsi łamats' Galacia. Imanc' ŁanDios efot'lepolhuo'.

3 Ihniya, ŁanDios cař'Ailli' y lařPoujna Jesucristo titoc'itsolhuo', tipac'e'etsolhuo' lořpicuejma'.

4 Itque Jesús icupoxi tima'ante. I'najtsepa lař'epa quixcay. Tořta'a lunřu'eponga'. Aimi'iya malulijyaconga' lixcay lopa'a li'a łamats'. Ite li'epa Jesús ma lixpic'epa ŁanDios, itque ař'Ailli'.

5 ¡Lojauhuamlaicoya quitine timetsaiconře anDios! Amén. Tořta'a ti'ila'.

6 Ite lo'ipolhuo' ařpaic'epa. Afule cacuec'e. Imanc' ma quite' toľihuejyi Lataiqui' loya'apa ite al c'a lořpic'epa ŁanDios. Ořsingufco'me Cristo litoc'ipolhuo', ŁanDios ijoc'ipolhuo'. Itsiya toľpo'noyi ŁanDios, aimořejmaleyi. Tolapejyi ocuena cataiqui'.

7 Ite lolihuejpa itsiya tecui'inni: "Ocuena cataiqui' lonřu'eyacolhuo'". A'ij linca ite lecui'impa. Ite ituca' cataiqui'. Aimi'iya munřu'eyacolhuo'. Ite noya'apá ite "ocuena cataiqui'" ma le'a ilpic'a tepi'itsolhuo' quixhuejma'. Tipai'iyi Lataiqui', ite ma Litaiqui' Cristo.

8 Illanc' joupá lu'ipolhuo' Lataiqui'. Ja'ni lu'iconatsolhuo' ipaijma cataiqui', a'i to lijoupa lalu'ipolhuo', iya' cacua: "Lacani'etsonga' ŁanDios". Tama apaluc quema'a lu'itsolhuo' tořta'a, ma' anuli cacua: "Tecani'etsi ŁanDios".

9 Illanc' li'ipa lu'ipolhuo' tořta'a. Itsiya camiconalhuo'. Imanc' joupá olapenuřpá maře Lataiqui'. Ja'ni cua naitsi tu'iconatsolhuo' ipaijma cataiqui': Tecaniřa' nulemma.

10 Imanc', řte cořcuayacu? řTe cahuela' lan xanuc' limetsaicořa' ca'ay lipenic' ŁanDios? O řte cahuay limetsaicořa' tořta'a ŁanDios? řTe cahuay latentřcocoyacola' lan xanuc'? Cacua: Ja'ni cahuay tetentřcotsola' lan xanuc', cořa' aica'eya lipenic' Cristo.

11 Unc'ařpimaye, ite Lataiqui' lainuya'apa jilpe, a'i quilitaiqui' lan xanuc'. Ma tořta'a ořsina'. Itsiya cu'iconalhuo'.

12 Ite lataiqui' aicalu'ic' cal xans. Ni aicařmuc'inno. Mařque Jesucristo imujpoxi, alu'ipa.

13 Imanc' olcuejpá te ts'i'ic' li'ipa lai'ejma' ma cainihuequi li'ejma' laif'as xanuc' judío. Jiñe litiné juaiconapa catel'mila' lapimaye tefot'lepola' LanDios. Cagua: Tijoutsola' nulemma.

14 Iya' culiquila' axpela' iñe laif'as xanuc' judío nomana' iñiya litiné, xonca nihuejcopa lataiqui' lañmuc'iponga'. Iñe linca tihuejyi to mi'eyi lañtatahueló. Iya' xonca nihuejcopa to mi'eyi lañtatahueló.

15 Linca, ma capa'a licu'u cai'máma', LanDios añ'huij'epa. Lijou'ma, tama a'ijc'a laif'epa, añpaxnepa, añjoc'ipa.

16 LanDios joupa ixina' litine mañmuc'iya te ts'i'ic' li'Hua. Ti'ila' caixina' te ts'i'ic' lipicuejma' iñque, cuya'atsi Litaiqui' pe lomana' lan xanuc' a'ij judío. Ixhuaitsi iñe litine, añmuc'ipa li'Hua. Lijoupa aicaipalaic'ola' lan xanuc'. A'ij naitsi cainicuis'epa. Joupa aixina' laif'eya.

17 Aicai'huac' liña' Jerusalén pe lomana' lapimaye, iñe ate'a i'ipola' apóstole. Ai'huapa lamats' Arabia. Lijou'ma aipainanni, aicuaiyoconsi liña' Damasco.

18 Lixhuaitsi afane' camats' aif'aj'ma liña' Jerusalén, cahuejnta Pedro. Aixintsi. Imbamaj maque' quitine añmajntsa anuli.

19 Locuenaye lan apóstole aicaixim'mola'. Aiximpa ma le'a Jacobo, iñque lipima lañPoujna.

20 Iñe laininiñ'epolhuo' ma' al linca. Aicafellaique. Toña'a ixina' LanDios.

21 Lijou'ma ai'hua'ma lamats' Siria, jouc'a lamats' Cilicia.

22 Jiñpe lamats' Judea lapimaye tefot'lepola' LanDios, iñe lepen-ufpola' Cristo, aicalimetsaijma.

23 Ma le'a icuej'me añnescopa iya'. Tuya'anni: "Iñque Pablo li'ipa lihuetsuquinga', añtel'minga', ipic'a tejac'la' nulemma Lataiqui', iñe lataiqui' loya'apa: Toñ'huaiyijnle Jesucristo. Itsiya mañque Pablo tuya'e' Lataiqui'."

24 Iñe li'nujuaitsa la'ipa iya', ix'najtsi'i'me LanDios. Iximpá acueca' lo'epa iñque.

2

1 Lixhuaitsi imbamaj malpu' camats' aitsehuona'ma Jerusalén. Alepá iya', Bernabé y Tito, iñque añtoc'iponga'.

2 Nij naitsi xans nañcuxe'epa. Ma LanDios añmipa: "To'huala'". Toña'a aitsecohuona'ma. Jiñpiya Jerusalén aixinhua'mola' lapimaye naimetsaicompola' xonca lan tsila'. Nu'i'mola' te ts'i'ic' Lataiqui' laifnuya'apa pe lomana' lan xanuc' a'ij judío, iñe pe aimimetsaicoyi LanDios. Cagua: Lan tsila' lapimaye limetsaicoła' iya', jouc'a timetsaicołe laifnuya'apa. Ja'ni a'i locuenaye lapimaye aga tixim'me to ninaitsi cataiqui' iñe laifnuya'apa, tetets'i'me. Tijoula' aimipammaiya laipenic'.

3-4 Linca jiñpe Jerusalén imajm'me hualca pe no'e'epoltsi capimaye. Iñe itsuflaipá a-ch'ixc'a. Ma le'a tehueyi te

co'iya mixinyacu te ts'i'ic' la'ejma'. Illanc' joupa alsinyoxtsi luhualquem'monga'. Aimałcuxeconayaconga' lataiqui' loya'apa: "Toł'etsołtsi circuncidar, tijoula' tepenuf'molhuo' ŁanDios". Ihe pe nalahue'ecoponga', ihpic'a ałcuxe'etsonga' lihuejconafe ihe lataiqui'. Ihpic'a ti'ełe circuncidar łalejmale Tito, ihque agriego. Illanc' ałcuayi: "A'i. Tołe tipanenni."

⁵ Aicalapenufela' liłtaiqui'. Aicalihuejcola' ihniya ni tołta'a.

⁶ Lan tsila' lapimaye nomana' Jerusalén ailopa'a całmipa. (Łınca, tama atsila' xanuc' aicaixina' caxpaiqui'. ŁanDios ałsinninga' ma' anuli.) Cacua: Ihniya lan tsila' lapimaye nij tintsı całmic'.

⁷ Limetsaicopa. Ixim'me ma ŁanDios alapi'ipa laipenic', ma to lepi'ipa Pedro lipenic'. Iya' pe lomana' lan xanuc' a'ij judío cuya'e' Lataiqui' loya'apa ihe al c'a lixpıc'epa ŁanDios. Cu'ila' lan xanuc' pe aiqui'eyołtsi circuncidar. Pedro tu'ila' lał'as judío, ihe petsi joupa i'epołtsi circuncidar.

⁸ ŁanDios epi'ipa Pedro limane, ummepa tu'itsola' lan xanuc' judío. Jouc'a alapi'ipa iya' laimane, lummepa cu'itsola' lan xanuc' pe a'ij judío. Tołta'a ma' anuli ninc'apóstole.

⁹ Jacobo, Pedro y Juan ixim'me tołta'a lałpaxnepa ŁanDios, ałsimpa nin'apóstol, ał'not'le'eponga' al c'a całmane iya' y Bernabé. Ihe lam fantsi ti'onłcospola' to limule' caitał, acueca' titoc'innila' lapimaye, ihe lefot'epola' ŁanDios jilpe liłya' Jerusalén. Małniya ałmiponga': "Ne', imanc' tolu'iyaleta pe lomana' lan xanuc' a'ij judío. Illanc' lu'i'mola' lał'as xanuc' judío, ihe joupa i'epołtsi circuncidar."

¹⁰ Ma le'a ałmiponga', ałsc'ai'iponga': "Toł'nujuaitsola' lan cuanuc'la, ihe pe ailopa'a quıl'hueca". Iya' łınca ma tołta'a lai'ejma'. Tixoqui neta catoc'ila' ihniya.

¹¹ Lijou'ma, małmana' liłya' Antioquía Pedro itsehuo'ma jilpe. Ihniya litiné iya' aitale'ma Pedro. Nu'i'ma lijunac'. Łınca tipa'a lijunac'.

¹² Ma' a'i miłmana' lif'as xanuc' judío, ihe lommeyacola' Jacobo, Pedro titetsoyi anuli lapimaye pe a'ij judío. Licuaitsa lummepola' Jacobo, Pedro enaj'moxi pe lapimaye a'ij judío. Aits'itetsocona'me. Ticua: "Ihe lan judío ticuayi: Aimi'iya małtetsoyacu anuli pe aiquil'eyołtsi circuncidar. ¿Te ałpalaico'ma iya' ja'ni ałtetsote anuli?"

¹³ Pedro ixina' te ts'i'ic' Lataiqui' loya'apa ihe al c'a lixpıc'epa ŁanDios. Ma le'a i'epoxi to aiquixina'. Ma' anuli i'epołtsi locuenaye capimaye judío nomana' jilpe. Bernabé jouc'a. Liximpola' lił'ejma' icupoxi tilecołe, ihuejpola' ihniya.

¹⁴ Iya' aiximpola' aimihuejyi al łijca Lataiqui' loya'apa ihe al c'a lixpıc'epa ŁanDios. A'i tołta'a Lataiqui'. Petsi lalafot'leyopołtsi aipalaic'opa Pedro, cami: "Ima' tama unjudío

aimaihuequi li'ejma' lof'as judío, xonca taihuequi to lapimaye a'i judío. Itsiya, ¿te cofcuxe'ecopola' ihe pe a'ij judío? ¿Te comuc'ico'mola' tihuejle li'ejma' lun judío?

15 'Illanc' ninc'ijudío tofe lahmajnlita. Linca aicalihuequi al xujc'a to ihe pe a'ij judío. Ihe pe aimimetsaicoyi ËanDios aimihuejyi locuxepa.

16 Illanc' tama lihuejyi locuxepa ËanDios, ihe linitijmpa Moisés, alsina' a'i tofta'a malapenufyaconga' ËanDios. Lapenuftonga' ja'ni a'huaiyijnle Jesucristo. Totiya illanc', tama ninc'ijudío, jouc'a a'huaiyijmpá Jesucristo. Itsiya alsina' ËanDios lapenufinga', alsinninga' to ailopa'a caijunac'. Aimahnesconayacu: Iya' quihuequi locuxepa ËanDios, tijoula' alsim'ma to ailopa'a caijunac'. A'i. Tama lihuejyi locuxepa, ËanDios aimahsinyacu tofta'a, ni illanc' ni locuenaye lan xanuc'.

17 'Ma'huaiyijnyi Jesucristo limetsaicoyołtsi ma' anuli to ihniya petsi aimihuejyi locuxepa ËanDios. Limetsaicoyołtsi a'ijc'a lałpicuejma'. Tijoula', ¿te cahesyacu? ¿Te Cristo ahmints'eponga' tofta'a lałpicuejma'? A'i. Aimi'iya mahesyacu ita'a. Li'ipa joupa a'ijc'a lałpicuejma', ma' aicahsina'.

18 Iya' joupa aiximpa aimi'iya calanc'eyacoxi laipicuejma'. Aimi'iya canesconaya: Canant'hi'ma linitpa Moisés, tijoula' ËanDios alsim'ma to ailopa'a caijunac', lapenufta. Itsiya ja'ni capi'ixoxi laipicuejma', ja'ni capangocona'ma quihuejconama to li'ipa, ma le'a camuj'moxi aicainenant'hi ihe linitpa Moisés.

19 Li'ipa coła' canant'hi'ma jahuay lataiqui' linitpa Moisés. Lijou'ma aiximpa aimi'iya canant'hiya. Małe lataiqui' lacani'epa, ałma'apa. Itsiya linca aimaf'i', ËanDios lapi'ipa al ts'e laipitine.

20 Caxinyoxi joupa lapalts'ingimpa lancruz. Iya' y Cristo lapalts'ingimponga' jilpe. Laifnuyaicopa a'i to li'ipa. Itsiya tipa'a al ts'e laipitine ihe lipitine Cristo. Ca'huaiyinge hi'Hua ËanDios. Ique a'nujuaispa, icupoxi tima'anle, i'najtsepa laijunac'.

21 ËanDios joupa ałpaxnepa tofta'a. Aicatets'iya ihe al ts'e laipitine lalapi'ipa. Aicapo'noya anuli liju'. Ja'ni coła' ti'i'ma lanant'hi'me nulemma linitpa Moisés, ja'ni coła' tofta'a ti'i'ma ac'a lałpicuejma', ¿te quicucopoxi Cristo? Coła' aiquicu'moxi."

3

1 Imanc' unc'aipimaye nołmana' łamats' Galacia, ¿te qui'ipolhuo'? Tont'eyi to ailopa'a cołpicuejma'. Lu'ila', ¿naitsi nimints'epolhuo' lołpicuejma'? ¿Naitsi lifel'mipolhuo'? Ihniya łitiné lołquimf'epa Lataiqui', mu'innilhuo' li'ipa Cristo, tocomma to imanc' ołsimpá iłque lepalts'ingimpa jilpe lancruz.

2 Quicuis'e'molhuo' ma le'a anuli lataiqui', lu'ila': Litine lolapenufpa cal Espiritu Santo, ¿te ts'i'ic' conł'epa molapenuf'me

cal Espíritu Santo? ¿Te ja'ni o'l'huaiyijmpá Lataiqui', ile lu'impolhuo'? O ¿te olihuejpa locuxepa Moisés?

³ Loḷpangopa lolihuejpa o'l'huaiyijmpá cal Espíritu. Itsiya, ¿te col'huaiyijncopoḷtsi coltuca' lonḷ'epa? ¿Te colnescopa: “Toḷta'a ti'i'ma ixhueya laḷpicuejma', lapenuftonga' LanDios”? ¿Te qui'icopolhuo' ma toḷta'a to lamac'ta?

⁴ Imanc' lolapenufpa Lataiqui' acueca' oḷtelcopá. Itsiya, ¿te quipenic' iḷta'a li'ipolhuo'? Ja'ni tolihuej'me ocuena cataiqui', cola' aicoltelco'me toḷta'a.

⁵ LanDios lepi'ipolhuo' h'Espíritu o i'epa al cueca' pe loḷmana', ¿te conḷ'epa imanc'? ¿Te tonlihuejcoyi locuxepa Moisés? O ¿toḷ'huaiyijnyi Lataiqui' lu'impolhuo'?

⁶ Linca o'l'huaiyijm'me Lataiqui' lu'impolhuo'. Toḷ'nujuaita li'ipa Abraham. “Iḷque i'huaiyijmpa LanDios limipa. Toḷta'a LanDios iximpa ac'a xans, to ailopa'a quijunac'.”

⁷ Toḷta'a oḷsina' naitsi iḷne limetsaicopola' LanDios to ixanuc' Abraham, naitsi iḷne lepenufpola'. Imetsaicopola' ma le'a iḷniya lo'huaiyijmpa to li'huaiyijmpa Abraham.

⁸ LanDios joupa ixina' lo'iya. Ixina' tepenuf'mola' lan xanuc' a'ij judío. Tepenuf'mola' iḷne lan xanuc' no'huaiyijmpá. Tixim'mola' to ailopa'a quijunac'. Toḷiya ma mehue'e' mi'iya toḷta'a, LanDios u'ipa Abraham ile al c'a lo'iya. Jiḷpe al Paxi Linilíngiya tuya'e' limipa Abraham. Timi:

Lan xanuc' nomana' jahuay lan nación, ja'ni liḷ'ejma' ti'onḷcospa to lo'ejma' ima',
caxim'mola' to loxanuc', capaxne'mola' jouc'a.

⁹ Toḷiya aḷsinyi naitsi iḷne nopaxneyacola' LanDios to lipaxnepa Abraham. Abraham i'huaiyijmpa limipa LanDios, ipaxnepa. Jouc'a iḷniya no'huaiyijmpá tipaxne'mola' toḷta'a.

¹⁰ Ituca' lo'iyacola' iḷne petsi nonespá: “Quihuejma lataiqui' locuxepa Moisés, toḷiya LanDios aḷsim'ma ninc'a xans, lapenuf'ma”. Iḷniya joupa ejac'pola'. Toḷta'a tuya'e' al Paxi Linilíngiya ticua:

Ticuicomma tihuejcole jahuay lataiqui' linilpa jiḷpe lije'e
Moisés,

ni anuli aimehue'e'ma tenant'liḷe.

Naitsi iḷque aimi'ay toḷta'a, tecani'em'me.

¹¹ Acuajmaica aḷsinyi, tama lihuejcoyi locuxepa Moisés, a'i toḷta'a LanDios maḷsinyaconga' to ailopa'a caḷjunac'. Toḷiya tuya'e' al Paxi Linilíngiya, ticua:

Cal xans no'huaiyijmpa tulijta lipitine,

LanDios iximpa to ailopa'a quijunac', tepenufi.

¹² Litaiqui' locuxepa Moisés aimuya'e': “Cal xans no'huaiyijmpa tulijta lipitine”. Xonca ticua: “Iḷne no'epá locuxe'epola', iḷniya linca tulijta lipitine”.

13 He laɽcuxe'eponga' aicalanant'hi. Toɽta'a luliypá lalacani'eyacongá'. Linca aimalacani'eyacongá'. Cristo i'najtsepa laɽjunac'. Maɽque Cristo ecani'empa litine lepaɽts'ingimpá lan-cruz. Toɽta'a loya'apa al Paxi Linilingiya, ticua: “Cal xans lojunginyacu anuli al 'ec, tecani'em'me”.

14 Cristo epi'impá laɽjunac', ecani'empa. Toɽta'a jahuay illanc', ja'ni ninc'ijudío o ja'ni a'i, ti'i'ma lapenuf'me laɽpaxneconyacongá'. He linescopa LanDios mipalaic'o Abraham. Jouc'a jahuay ma' anuli petsi naɽ'huaiyijmpá lapi'inga' cal Espíritu Santo. Toɽta'a joupa icupa cataiqui' lapi'itsonga'.

15 Cunc'aipimaye, itsiya ca'onɽico'mola' lan xanuc' liɽ'ejma'. Ihe ja'ni joupa icupá cataiqui', tama ma le'a axanuc', ihe lataiqui' tihuejco'me, tenant'hi'me. Aimi'iya mipo'noyacu iju'. Aimi'iya metonc'iyacu ocuena cataiqui'.

16 LanDios mipalaic'o Abraham icupa cataiqui'. He lataiqui' tepenuf'me iɽque Abraham y hihuenta loɽuaicoya. Al Paxi Linilingiya aiminescola' axpela' lihuentila'. Tinescojma ma le'a anuli. Mipalaic'o Abraham timi: “Ima' hihuenthuo'...”, jiɽpe tipalaijma Cristo.

17 Linca, lixhuaitsi amalpuj maxnu nuxans quimbama' camats' quipalaic'o Abraham, LanDios u'i'ma Moisés litaiqui' locuxepa. Iya' cacua: Tama toɽta'a li'ipa, lataiqui' linɽpa Moisés aimi'iya mulijya locuena lataiqui'. He litaiqui' LanDios licupa, limipa Abraham, lataiqui' lepi'ipa Abraham aimi-paiya.

18 Linca, ja'ni aɽnesle: “Lanant'hi'me locuxepa Moisés, tijouɽa' LanDios lapi'itonga' caɽ'huexi”, ihe laɽnesyacu ocuena cataiqui', a'i litaiqui' licupa LanDios, ihe limipa Abraham. LanDios mipalaic'o Abraham aikuimic': “Tanant'hiɽa' laɽcuxe'epo', tijouɽa' capi'i'mo' co'huexi”. Ticua: “Joupa aicupa cataiqui', capi'i'mo' co'huexi”.

19 Tijouɽa', LanDios ja'ni joupa toɽta'a icupa cataiqui', epi'ipa Abraham, ¿te comicopa Moisés locuxepa? LanDios ipic'a ti'ɽta' quiɽsina' lan xanuc' te ts'i'ic' lo'epa, ja'ni tetentcoojma LanDios o aimetenɽma. Toliya ipalaic'oconapa Moisés, u'ipa ocuena cataiqui', ihe locuxe'epola' lan xanuc'. U'ipola' te lo'eyacu. Mi'huaicoyi ticuaiyunni hihuenta, maɽque Cristo, ma ihe lataiqui' tihuejco'me.

Maɽe lataiqui' locuxepa LanDios lapaluc' quema'a uya'apá. Moisés u'icona'mola' lan xanuc'. Fa'a li'a lamats' Moisés i'e'ma canic' to epaluc. Epenuf'ma litaiqui' LanDios, u'icona'mola' lan xanuc'.

20 A'i toɽta'a li'epa LanDios litine licupa cataiqui' lepi'ipa Abraham. Jiɽpe litine aicummaic' quepaluc. Maɽque LanDios, iɽque quituca', icupa cataiqui', epi'ipa Abraham.

²¹ Itsiya, ¿te cañesyacu? Lataiqui' locuxepa ÆanDios jouc'a lataiqui' licupa, ìte lepi'ipa Abraham, ¿te ja'ni tifuli'iyotsti jìlña'a lataiqui'? ¡Aimañes'me tołta'a! Lataiqui' locuxepa ÆanDios aimi'iya mepi'iyacola' lan xanuc' liłpitine aimijouya. Ja'ni colá' tihuejconłe jahuay locuxepa ÆanDios, ìłque tixim'mola' to ailopa'a quiłjunac', tepenufna'mola'. Aimi'iya mihuejyacu tołta'a.

²² Toliya al Paxi Linilingiya tuya'e' jahuay anuli i'epá a'ijc'a. Tocomma itats'ila', ìl'huaijma tecanitsola' nulemma. Aimi'iya munłu'eyacołtsi. Tołta'a ma le'a pe no'huaiyijmpá Jesucristo tepi'im'mola' quił'huexi, ma to loya'apa lataiqui' licupa ÆanDios.

²³ Ai'a ticuaihuo Jesucristo fa'a li'a łamats', ìte litaiqui' ÆanDios locuxepa Moisés ti'hua ałcuxecongá'. Tocomma ałtats'eninga'. Al'huaićopá ÆanDios ałmuc'itsonga' nałtsi ìłque Cał'huaiyijnyacu.

²⁴ Itsiya ałsina' te ts'i'ic' lipenic' lataiqui' locuxepa Moisés. ìte lataiqui' ti'onłcospa to no'epola' cuenna la'uhuy. Ticuxela' al c'a. Li'ipa, tołta'a lałcuxeponga' litaiqui' ÆanDios locuxepa. Al'eponga' cuenna ma cał'huaijma ticuaiyunni Cristo, ał'huaiyijnle, ałsintsonga' ÆanDios to ailopa'a całjunac', lapenuftsonga'. Ticuałtsi ìłque ał'huaiyijnle.

²⁵ Itsiya linca ał'huaiyijmpá Jesucristo. Ailopa'a cocuena nał'eponga' cuenna. Aimał'onłcosponga' to la'uhuy.

²⁶ Petsi nał'huaiyijmpá Jesucristo illanc' inaxque' cał'Ailli' ÆanDios joupa ałtsilojponga'.

²⁷ Jahuay imanc' petsi joupa epo'icompolhuo', ma' i'ipolhuo' anuli Cristo. Jìłpe litine, ìte lafane lołpijahuá' ołpo'nonapá anuli liju', ołtatsćopá Cristo.

²⁸ Toliya aimolatets'i'mołtsi. Aimoñes'me: "Iya' ninjudío, ima' ungriego". Ni moñes'me: "Iya' ninmozo, ima' mapoujna". Ni: "Iya' ninxans, ima' ma le'a maca'no'". Tołta'a aimi'iya. Joupa i'ipolhuo' anuli. Epenufpolhuo' ìłque Cristo.

²⁹ Ja'ni Cristo epenufpolhuo' imanc' inaxque' Abraham. Tepi'im'molhuo' col'huexi. Tołta'a linescopa lataiqui' licupa ÆanDios, ìte limipa Abraham.

4

¹ Iya' cacua: Łahuac'hua ai'a titoj'ma aimepi'inyacu li'huexi. Tama ticuxe'ma jahuay li'hueca qui'ailli', łahuac'hua ai'a titoj'ma ti'onłcospa to łajmozo.

² Timana' no'epá cuenna łahuac'hua. ìłne ticuxe'me łahuac'hua, jouc'a ticuxe'me li'huexi. Tołta'a loyaicoya ma mi'huaijma ticuaiyunni litine tepi'im'me quimane ticuxela', tepenuf'ma li'huexi. Qui'ailli' joupa ixpic'epa te quitine mi'iya tołta'a.

³ Ma' anuli toŧta'a li'ipola' lan xanuc' ai'a ticuaihuo Cristo fa'a li'a ŧamats'. Ai'a ticuaihuo Cristo ŧanDios aŧsimponga' to la'uhuay. Aŧcuxenga', aŧsc'ai'inga': "To'etsi iŧta'a", o "To'eŧa' iŧiya". Lanant'liyi ma to mi'enni fa'a li'a ŧamats'.

⁴ Liximpa ŧanDios ixhuaita al 'hora, ummepa hi'Hua, ticuaiyunní fa'a li'a ŧamats'. Ma to mimajnlita la'uhuay toŧta'a lipajnta iŧque. Anuli ŧaca'no' nipo'nopa. Ipajnta ajudío. Li'ailli' tihuejcoyi locuxepa ŧanDios, iŧque jouc'a.

⁵ Toŧta'a li'ipa ti'najcuŧtsola' liŧjunac' jahuy lan xanuc' naihuejpá locuxepa ŧanDios. Tijouŧa' ŧanDios ti'i'ma limet-saico'monga' inaxque', lapi'i'monga' caŧ'huexi.

⁶ Imanc' ma' anuli imetsaicopolhuo' inaxque'. Toŧiya jilpe loŧunxajma' tipa'a cal Espíritu Santo, iŧque hi'Espíritu hi'Hua ŧanDios. Toŧta'a aŧmiyi: "Ima' mai'Ailli".

⁷ Ja'ni jounpa omepenufpa cal Espíritu, ima' a'i cum-mozo. Ima' i'hua CanDios. Ja'ni ima' i'hua tipa'a lo'huexi ŧapi'iyaco'. Toŧta'a lixpic'epa, lo'epa ŧanDios.

⁸ Li'ipa aimolimetsaicoyi ŧanDios. Imanc' tolihuejyi iŧne landiosla'. Toluyalaicoyi to iŧmozó iŧniya. Iŧne tama tecui'innila' "andiosla'", ailopa'a quiŧpitine.

⁹ Itsiya tolimetsaicoyi ŧanDios. Xonca cacua: ŧanDios timet-saicolhuo' imanc'. Itsiya, ¿te colpai'icopa loŧpicuejma'? ¿Te col'econapoŧtsi to lam mozó? ¿Te colfi'ecopoŧtsi lataiqui' locuxepolhuo'? ¿Te colanant'copa to mi'enni fa'a li'a ŧamats'? Jilpe ailopa'a cotoc'iyacolhuo'. Jounpa oŧsina' pe copa'a al C'a Cane.

¹⁰ Tonŧeyi ocuena cane. Tolimetsaicoyi hitiné, lam mut'ŧá, cal juicoŧ jouc'a ŧamáts'. Tonŧ'eyi cuenna iŧna'a, tolanant'liyi.

¹¹ Iya' caxhueŧma. Acueca' canic' ai'epa pe loŧmana'. Itsiya cacua: Aga ailopa'a quipammaic'.

¹²⁻¹³ Unc'aipimaye, caxa'huelhuo', camilhuo': Imanc' toŧe'etsoŧtsi to iya'. Iya' jounpa aipai'ipa lai'ejma'. Itsiya aicainihuequi liŧ'ejma' lan xanuc' judío. Xonca quihuequi loŧ'ejma' imanc'. Imanc' ailopa'a caŧ'e'epa. Jounpa oŧsina' laŧ'ipa jilpe pe loŧmana'. Iŧe al te'a laitsehúo'ma laicuita jilpe iya' laxtafpa. Toŧiya aipanemma, nu'i'molhuo' Lataiqui'.

¹⁴ Linca iŧniya hitiné ŧanDios ehuaipolhuo'. Tama laxtafpa aicalatets'i. Aical'aic' laic'. Ac'a juaiconapa alapenufpa, tocomma napaluc quema'a alummepa ŧanDios. Toŧta'a tolapenuf'me Jesucristo.

¹⁵ Itsiya, ¿te qui'ipolhuo'? Iŧniya hitiné tixoquei cunlata alapenuf'ma. Iya' ti'hua ca'nujuaitsilhuo' imanc' loŧ'ejma'. Juaiconapa aŧsimpa cuanuc'. Tocomma toŧcuayi: "Coŧa' lipa'a'mola' laŧ'u', lapi'i'me Pablo".

¹⁶ Itsiya jounpa oŧpai'ipoŧtsi loŧpicuejma'. Aŧ'e'e laic'. Ma le'a nu'ipolhuo' al linca, lijounpa aŧ'epa laic'.

17 Linca timana' jilpe nehuepá coła' tonlejmalete anuli. Ine a'ijc'a lihpicejma'. Ma le'a iłpic'a tenajtsolhuo'.

18 Iłpic'a tolihuejtsola' ma iłniya. Linca ja'ni al c'a timuc'i'molhuo', iya' cacua: Ne', tolihuejtsola'. Cacua: Coła' timuc'itsolhuo' al c'a. Ti'hua timuc'iconatsolhuo' tołta'a. Coła' a'i ma le'a capa'a iya'.

19 Unc'ainaxque', acueca' aitelco'ma jilpe pe lołmana'. Ma catełma cacua: "Tepenufle iłe al ts'e liłpitine". Ma tołta'a li'ipolhuo'. Itsiya catełcocojma. Caxhuełma, cacua: "Ine laip-imaye lun Galacia joupa epenufpá Cristo. Itsiya tocomma a'ij linca iłe li'ipola'. Coła' ałmuc'iconła' acuajmaica iłne ałinca epenufpá iłque Cristo. Tijouł'a aicaxhuełcoconaya tołta'a."

20 Cacua: Coła' jilpe caifpa'a. Coła' capalaic'ocona'molhuo' ituca', a'i to itsiya. Itsiya linca caxhuełma. Aimi'ya caxingufy-acolhuo' lołpicuejma'.

21 Imanc' nołnespá: "Ałcuxetsonga' lataiqui' liniłpa Moisés. Ałpic'a." Iya' quicuis'e'molhuo' imanc': ¿Te cołcueca iłe lataiqui'? ¿Te ołsina' loya'apa? Tocomma aicołsina'.

22 Iłe liniłpa Moisés tinescojma li'ipa Abraham. Timana' oquexi' linaxque'. Anuli iłne qui'máma' acriada. Tipa'a lipoujna caca'no'. Aimicuxeyoxi' quituca'. Locuena li'hua qui'máma' apoujna, iłque ipeno Abraham.

23 Łapoujna caca'no' ma le'a ŁanDios ixpic'epa titai'ma. Iłque joupa icupa cataiqui' ti'ıla' tołta'a. Locuena, iłque licriada, ŁanDios aiquicuc' cataiqui'. Ma le'a itaipa.

24 Ine loquexi' laca'no' ti'onłcospola' to iłna'a loquej cataiqui' ŁanDios lipo'no'ipola' lixanuc'. Agar, iłque cal criada, ti'onłcospa to anuli iłna'a łataiqui'. Ti'onłcospa to lataiqui' ŁanDios lipo'no'ipola' lixanuc', mimana' iłne jilpe lijuala Sinaí. Iłe lataiqui' liniłpa Moisés. Iłque Agar tocomma to quił'máma' iłne petsi naihuejpá iłe lataiqui'. Iłne aimi'hua liłmane. Aimi'ya micuxeyacołtsi' quituca'. Mane ti'onłcospola' to lam mozó.

25 Iłe lijuala Sinaí jilpe łamats' Arabia tecui'inni "Agar". Agar y Jerusalén, ma to mipa'a itsiya fa'a li'a łamats', ti'onłiyoltsi. Jilpe Jerusalén ts'iłpenic' aimixpic'eyi' quituca' lo'eyacu. Lataiqui' liniłpa Moisés tocomma to quiłpoujna. Iłe lataiqui' ticuxela' jouc'a liłxanuc'.

26 Liłya' Jerusalén lopa'a lema'a ituca' lo'ipa. Jilpe aimicuxe tołta'a lataiqui' liniłpa Moisés. Iłe linca ałpıya'. Tocomma to cał'máma', illanc' inaxque'.

27 Joupa i'ipa ma to loya'apa Linilingiya lonescopa liłya' Jerusalén lopa'a lema'a. Tuya'e':

Ima' mijuiqui' caca'no', ailopa'a co'hua, įtixojla' cometa!

Ima' tama aicoxina' te ts'i'ic' mipajnta łahuac'hua, įtonac'la' acueca'!

Ima' tama toxinyoxi etets'impo', joupa eca'nicompo', ti'i'ma conaxque' xonca axpela'.

Tołta'a tolijna'ma itque łejonhiyołtsi łope'ailli'.

²⁸ Unc'aipimaye, imanc' ti'onłcospolhuo' to li'hua Sara, itque Isaac. Licupa cataiqui' ŁanDios, itque ipajnta. Lataiqui' licupa ŁanDios jouc'a inescopolhuo' imanc'. Tołiya i'ipolhuo' inaxque' Abraham. Itque oł'ailli'.

²⁹ Loquexi' linaxque' Abraham aimiyejmaleyi. Anuli ihniya, cal Espíritu Santo itoc'ipola' qui'ailli' qui'máma'. Tołta'a itaipa qui'máma', ipajnta quıl'hua. Locuena a'i. Ma le'a ipajnta axans. Itque i'epa laic' łipima, ihuetsojma. Itsiya tołta'a lo'ipola' ihniya pe cal Espíritu Santo epi'ipola' al ts'e łilpitine. Lilf'as xanuc', ihne pe ailopa'a tołta'a łilpitine, ti'eyi laic'.

³⁰ ¿Te co'iya? ¿Te cocuapa al Paxi Linilingiya? Ticua:

Taipa'atsola' łocriada jouc'a li'hua, aimapi'iyacola' ło'hueca. Ło'hueca tapi'i'ma łocuena ło'hua, itque li'hua łapoujna.

³¹ Unc'aipimaye, ita'a lataiqui' ałnescponga' illanc'. Illanc' a'i quinaxque' itque cal criada. Ałmana' inaxque' łapoujna caca'no'.

5

¹ Linca, Cristo joupa luhuałnaponga', ipic'a luyalaicole tołta'a. Tołiya tołpo'nołe lołpicuejma'. Aimolfi'econa'mołtsi litaiqui' locuxepa Moisés.

² Ałcuc'ełá'. Iya' ninPablo camilhuo': Ja'ni ti'e'em'molhuo' circuncidar, ja'ni tołcuayi: “Tołta'a lapenuf'monga' ŁanDios”, tocomma to aimol'huaiyijnyi Cristo. Itque aimitoc'iconayacolhuo'.

³ Camiconam'olhuo': Ihne petsi no'em'pola' circuncidar, anuli anuli ihniya ticuxe'ennila' tenant'łife jahuay locuxepa Moisés.

⁴ Imanc' nołnespá: “Ał'e'me locuxepa Moisés, tołta'a lapenuftonga' ŁanDios, ałsim'monga' to ailopa'a całjunac'”, imanc' joupa olanajpołtsi Cristo. Joupa olatets'ipá ŁanDios litoc'ipolhuo', lipaxnepolhuo'. Olatec'e'epołtsi.

⁵ Illanc' a'i tołta'a lahespa. Joupa ał'huaiyijmpá Jesucristo, cal Espíritu Santo ałtoc'inga'. Tołta'a tixoqui calata ał'huaicoyi ŁanDios ałsintsonga' to ailopa'a całjunac', lapenuftonga'.

⁶ Ja'ni joupa lapenufponga' Cristo ticuicomma ałmujtsołtsi ał'huaiyijnyi, ał'etsołtsi capic'a. Ja'ni ał'emponga' circuncidar, o aical'enniga' circuncidar, ailopa'a co'eya.

⁷ Li'ipa olihuejpá al c'a. Itsiya, ¿te qui'ipolhuo'? Aimolihuejonna al Linca Cataiqui'. ¿Naitsi nipa'nepolhuo'?

⁸ He lataiqui' lomuc'impolhuo' a'i quitaiqui' ŁanDios, itque Nijoc'ipolhuo'.

9 Tipa'a lataiqui' loya'apa: "Tohuants'ila' tuca'a licuxqui cax'e, tijoula' tumfumma jahuary lax'e lolanc'enyacu la'i". Al linca ile lataiqui'.

10 Iya' ca'huaiyinge laPoujna tepi'itsolhuo' lo'picuejma' al'cuc'e'la' ile laifmipolhuo'. Ique nopa'nepolhuo', ni cua naitsi no'epa, tepi'im'me lijunac', tite'l'mim'me.

11 Ticuanni: "Pablo tu'ila' lan xanuc' ti'entsola' circuncidar, Ticua to'ta'a LanDios tepenuf'mola'." Aicainuya'e' to'ta'a. Ja'ni to'ta'a laifnespa aimalihuetsojya. Tama cuya'e': "To'l'huaiyijnle Cristo, ilque lepa'ts'ingimpa jilpe lancruz", jouc'a cola' cuya'ala': "To'l'etsoltsi circuncidar", ailopa'a ca' enya. Aimalixtuc'onya.

12 Iya' cacua: Lan xanuc' nate'l'epolhuo' lo'picuejma', ilne quituca' titec'e'etsoltsi, ti'etsoltsi capú.

13 Unc'aipimaye imanc' nijoc'ipolhuo' LanDios, ilque joupa uhuat'epolhuo'. Aimolihuejconayacu li'ejma' locuenaye lan xanuc'. Linca, aimolnesyacu: "Joupa luhualquenamma, ca'e'ma to ts'aipic'a". Xonca to'sintoltsi to unc'imozó. To'ta'a to'l'etsoltsi capic'a, to'l'nujUaitoltsi.

14 Tipa'a lataiqui' loya'apa:

Ima' to'eyoxi capic'a,

ma to'ta'a to'e'la' capic'a lof'as xans, naitsi loftalecufya.

Petsi naihuejcopá ile lataiqui', ilniya linca tenant'iyi jahuary locuxepa LanDios.

15 To'po'note cuenna. Ja'ni ti'hua to'fuli'iyoltsi, ja'ni ti'hua to'scai'eyoltsi, ma le'a to'lajac'e'moltsi nulemma.

16 Iya' cacua: Tolapi'ile lane ticuxetsolhuo' cal Espíritu Santo. To'ta'a aimolihuejyacu lo'janajpa coluca' lo'cuerpo.

17 He la'janajpa ca'tuca' aimi'on'tspa to lojanajpa cal Espíritu Santo. Ituca' ituca' ilna'a, tocomma tifuli'iyoltsi. To'ta'a aimi'iya mon'eyacu lo'spic'eyacu.

18 Jouc'a cacua: Ja'ni cal Espíritu Santo ti'huaj'me'elhuo' aimi'on'tcopolhuo' to ilne pe ma le'a naihuejcopá locuxepa Moisés. He lataiqui' aimi'iya micuxecoyacolhuo'.

19 Petsi naihuejcopá quituca' lojanajpa, ilne acuajmaica timujyoltsi lo'epa. Fa'a cu'ilhuo' te ts'i'ic' ilne lo'epa:

Ilne tehueyi quileca'no', jouc'a laca'no' tehueyi quitxanuc'. Ti'eyi al xujc'a, ti'eyi nixpiya,

20 Tihuejcoyi landiosla', tilotsocoyoltsi, ti'eyoltsi laic', ti-fuli'iyi cataiqui', acueca' tijanajyi lixcay, tijaic'oyoltsi lix-tulepa, tehueyi quituca' ts'ilpic'a, aimi'eyi anuli li'picuejma', tenajyoltsi,

21 ti'ehualeyi laic', tima'ahualeyi, timeyoquila', ti'eyi nix-piya juico'l. Jahuary to'na'a y nixpiya xonca lixcay ti'eyi.

Joupa nu'ipolhuo' lo'iyacola' ihniya petsi tołta'a lo'epa. Itsiya cu'icona'molhuo', camilhuo': Petsi tołta'a lo'epa aimitsuflaiy-acu pe locuxeyopa LanDios, ailopa'a quih'huexi jilpe.

²² Ituca' laipammaiya liłpepajnya ihne petsi naihuejcopá cal Espíritu Santo. Ihne: Ti'eyołtsi capic'a, tixoqui quileta tuyalaicoyi, cal Espíritu Santo ti'hua tipac'e'ela' liłpicuejma', tixnet'h'me, tipalaic'oyi al c'a lił'as xanuc'.

Ihne naihuejcopá cal Espíritu Santo ainca lan c'a xanuc'. Tenant'iyi liłtaiqui' lonespa.

²³ Ihne amanxú, aimi'nof'eyołtsi, ticuxeyołtsi al c'a.

Ja'ni tołta'a lon'epa aimi'ya mecani'eyacolhuo' lataiqui' locuxepa Moisés.

²⁴ Ihne pe li'ipola' i'huexi Cristo, joupa iximpołtsi epałts'ingimpola' anuli Cristo. Tołta'a joupa imapa iłe lafane liłpicuejma', iłe ituca' latenłcocoya, lojanajya.

²⁵ Ja'ni cal Espíritu Santo joupa lapi'iponga' al ts'e lałpitine, itsiya ti'ila' al ts'e laluyalaicoyacu lałpepajnya. Lihuejcołe cal Espíritu Santo.

²⁶ Aimałsim'mołtsi, aimałnesco'mołtsi: Illanc' xonca ninc'ic'a xanuc'. Ja'ni ałsinyołtsi tołta'a ma le'a lapi'i'mołtsi coyac', ał'e'mołtsi laic'.

6

¹ Unc'aipimaye, ja'ni ołsimpá anuli lałpima nixpiya lo'epa, imanc' petsi onlihuejcopá cal Espíritu Santo, tołpalaic'ołe, tołmuc'iconołe al c'a cane. Tołmanc'ołe. Tołpo'nołe cuenna anuli anuli. Aga tehuaiyim'molhuo' jouc'a.

² Maluyalaicoyi lapajnya tocomma ałtaiyi acumta caitay. Camilhuo': Tołtoc'itsołtsi. Tołtac'huetsołtsi lolitay. Tołta'a ainca tonł'e'me locuxe'epolhuo' Cristo.

³ Petsi nonescopoxi: "Iya' xonca limetsaicoła'", ja'ni iłque ninaitsi xans, ma le'a tifel'miyoxi.

⁴ Anuli anuli timetsaicoxoxi te ts'i'ic' lo'epa. Tołta'a ti'i'ma tixoc'i'moxi queta quituca' li'epa. Ti'onli'moxi quituca', aimi'onlıcoyacoxi locuenaye.

⁵ Linca fa'a lapajnya anuli anuli tipa'a litaic'. Iłe quituca' titai'ma. Ocuena aimi'iyia.

⁶ Cua naitsi mimuxejma Lataiqui' titoc'ila' lipomxi. Ja'ni tipa'a al c'a li'hueca tepi'ila' jouc'a.

⁷ Imanc' cołtuca' aimołfel'mi'mołtsi. Iłe lofapa cal xans, małe tefot'le'ma. Aimi'iyia malatets'iyacu LanDios liłpic'epa.

⁸ Petsi no'epá lojanajpa quiltuca' liłcuerpo, tefot'le'me, tulij'me ma le'a lamaya. Tołta'a tipammaispa al cuerpo. Petsi no'epá lojanajpa cal Espíritu Santo, ihne tefot'le'me, tulij'me liłpitine aimijouya.

⁹ Aimałsojtonga'. Ti'hua a'e'le ma le'a al c'a. Ja'ni aimafafquemmonga', ticuaiyunni litine lixpíc'epa EanDios, lafot'le'me, lulij'me al c'a.

¹⁰ Tohiya iya' camilhuo': Itsiya tocomma to litine cafaya. Af'e'le al c'a. Altoc'itsola' jahuay lał'as xanuc'. Xonca altoc'itsola' lałpimaye no'huaiyijmpá Jesucristo.

¹¹ ;Tolsinte laipinila! Eınca atsila' iłna'a quiniłi iya' caituca'.

¹² Iya' aicahuay te co'iya metentocoyacola' lan xanuc'. Ine petsi locuxenai'ipolhuo' toł'etsotłsi circuncidar, ine iłpic'a tetentocotsola' lan xanuc'. Ine noxc'ai'ipolhuo' tołta'a iłpic'a tuyalaico'le al c'a, aimihuetsoquim'mola'. Ja'ni tuya'ale: "Ma le'a toł'huaiyijnle Jesucristo", ine iłsina' tixtuc'om'mola' lił'as xanuc' judío. Tołta'a ti'ninc'iyi lataiqui', tuya'ayi: "Jouc'a tonł'etsotłsi circuncidar".

¹³ Ni ine no'epotłsi circuncidar aimihuejcoyi jahuay locuxepa Moisés. Ine mane iłpic'a tinesle: "¡Tolsinte! Ine joupa lihuejcoponga' illanc' lałcuxe'epola'. Joupa i'empola' circuncidar. I'empola' quılseña jılpe liłpic'ic'." Tołta'a tixoc'i'motłsi quileta.

¹⁴ Iya' aimi'iya quixoc'iyacoxi tohiya. Ma le'a tixoj'ma neta li'epa Cristo jılpe lancruz. Ita'a li'a lamats' jouc'a jahuay lopa'a, caxina jouc'a epałts'ingimpá jılpe lancruz. Ma' anuli iya' lapałts'ingimpa, joupa ałma'ayompa jılpe lancruz. Lopa'a li'a lamats' ailopa'a cał'e'eya, aicajanaca iłiya.

¹⁵ Eınca, ja'ni joupa i'empolhuo' circuncidar o aiqui'ennilhuo' circuncidar, ¿te co'iya? Xonca ticuicomma tepi'intsolhuo' al ts'e colpicuejma'.

¹⁶ Pe naihuejcopá iłe lataiqui', tipac'e'etsola' liłpicuejma' EanDios, tixintsola' acuanuc'la. Ma ine ti'onłcospola' to lun Israel. Iniya al Eınca ixanuc' EanDios.

¹⁷ Lipangopa itsiya aimasueł'miconama. Ma' iya', a'i ine locuenaye xanuc', jifa'a laicuerpo aitaic' łainepelot'ła'. Ina'a tuya'ayi ma Jesús aiPoujna, iłque lummepa.

¹⁸ Cunc'aipimaye, titoc'itsolhuo' lałPoujna Jesucristo. Tołsingufle iłque lopaxnepolhuo' jılpe łolunxajma'. Tołta'a ti'ıla'. Amén.

LIJE'E SAN PABLO LINIŁ'EPOLA' LAPIMAYE LEFOT'ŁEPOŁTSI LIŁYA' ÉFESO

¹ Iya' ninPablo, nin'apóstol, Jesucristo alummepa. Tołta'a ixpic'epa ŁanDios. Iya' quinił'elhuo' imanc', unc'aipimaye nołmana' liłya' Éfeso. Imanc' noł'huaiyimpá ŁanDios, i'huexi iłque. Jesucristo joupa epenufpolhuo'.

² ŁanDios cał'Ailli' y łatPoujna Jesucristo titoc'itsolhuo', tipaxnetsolhuo', tipac'e'etsolhuo' lołpicuejma'.

³ Ałs'najtsi'ile ŁanDios, iłque enDios i'Ailli' łatPoujna Jesucristo. Iłque joupa ałpaxneponga'. Cal Espiritu Santo lapi'inga' jahuay al c'a lopa'a lema'a. Iłe al c'a ŁanDios tixina joupa i'ipa ał'huexi illanc' nał'huaiyimpá Jesucristo.

⁴ Cacua: ŁanDios ałpaxneponga'. Ai'a tilanc'e'ma li'a łamats' ŁanDios ał'huij'eponga', limetsaicoponga' to joupa lapenufponga' Cristo. Ixplic'epa lał'iyaconga'. Ixplic'epa te ts'i'ic' małsinyaconga' litine lacaxhuołaitsa jilpe pe lopa'a. Jilpe litine ałmujtołtsi ałinca i'huexi ŁanDios. Ałmujtołtsi joupa i'ipa pangay c'a lałpicuejma', ailopa'a całjunac', acueca' ał'eta capic'a ŁanDios.

⁵ ŁanDios ał'eponga' capic'a. Toliya ixpic'epa ał'itsonga' inaxque', iłque ti'ila' ał'Ailli'. Ixplic'epa tołta'a lapenuftonga' illanc' nał'huaiyimpá Jesucristo. Iłe lixplic'epa ma letenłcocopa małque quituca'.

⁶ Tołta'a tixinim'me acueca' ŁanDios. Ałsininnonga' acueca' lałpaxneponga', acueca' lałtoc'iponga' illanc' lapenufponga' Cristo, iłque i'Hua ŁanDios lipic'a.

⁷ Iłque li'Hua ŁanDios joupa lapenufponga'. Tołta'a ŁanDios limenc'e'ecoponga' lixcay lał'epa. Ałsimponga' joupa i'najtsempa lałjunac'. Cristo, litine lixcuajaipa lijuats', i'najtsepa. Linca a'i huata iłe lałtoc'iponga' ŁanDios. Acueca' juaiconapa ac'a lał'eponga'.

⁸ Acueca' lipicuejma' ŁanDios. Ixina' lo'eya, lo'epa. Ailopa'a całcuanac'eponga', acueca' lałpaxneponga'.

⁹ Joupa ałmuc'iponga' te ts'i'ic' lixplic'epa. Li'ipa tocomma to emiya lataiqui'. Itsiya a'i. Icuaitsi litine letenłcocopa ŁanDios iłque ałmuc'iponga'.

¹⁰ Ałmuc'iponga' te lo'iya Cristo, iłe joupa ixpic'epa ŁanDios. Ma mi'hua menant'li litine tixhuaitsi jahuay, ti'hua tuya'am'me iłe lataiqui'. Tijoułta' jahuay tihuejco'me Cristo, jahuay lopa'a lema'a, jahuay lopa'a li'a łamats'.

¹¹ Linca, jahuay tihuejco'me Cristo. Małque Cristo nalapenufponga'. Tołta'a ŁanDios ałsinninga' ixanuc', i'huexi. Iłque

joupa ał'huij'f'eponga' ał'itsonga' tołta'a. ŁanDios ja'ni tixpic'eł'a' ti'ila', ma tołta'a ti'i'ma. Iłque tixhuai'ni'ma jahuary lipic'a.

12 Ipic'a timetsaconłe anDios. Tixinninłe acueca' lipicuejma' jouc'a lo'epa. Tix'najtsi'ile. Tołiya ał'huij'f'eponga' illanc' petsi luyaipa quitine ał'huaicoyi ticuaiyunni cal Cristo.

13 Imanc' jouc'a oł'huaiyijmpá Cristo. Ate'a ołquimf'epá al Linca Cataiqui'. Małe Lataiqui' loya'apa ile al c'a lixpice'epa ŁanDios, tuya'e' te ts'i'ic' monł'eyacu ja'ni tolunłul'me. Lijou'ma oł'huaiyijmpá Cristo, ŁanDios epi'ipolhuo' h'Espíritu ma to lijoupa licupa cataiqui' tepi'itsolhuo'. Iłque h'Espíritu łepi'ipolhuo' małque cal Espíritu Santo. Tołta'a i'huáquilhuo' imanc' ma' alinca ixanuc' ŁanDios, i'huexi iłque.

14 Małmana' fa'a li'a lamats' illanc' ma' i'huexi ŁanDios. Tijouł'a lunł'etsonga', lapenuftonga' nulemma. Joupa ałmuc'iponga' alinca tołta'a lał'iyaconga'. Ałmuc'iponga' aimalfel'miyaconga'. Tołiya lapi'iponga' cal Espíritu Santo. Litine lapenuftonga' timetsaicom'me ma' anDios, acueca' lo'epa.

15-16 Tołiya iya' cax'najtsi'i ŁanDios. Ałmimpa: "Iłne lun Éfeso ti'huaiyijnyi łalPoujna Jesús, ti'eyi capic'a liłpimaye, iłne jouc'a i'huexi ŁanDios". Aimalšospa. Ti'hua cax'najtsi'i. Ma capalaic'o ŁanDios caxahue'e titoc'itsolhuo'.

17 Cacia: Caxahue'e ŁanDios titoc'itsolhuo', tipaxnetsołhuo' cal Espíritu Santo. Iłque tepi'itsolhuo' cołpicuejma', ti'ila' cołsina' te ts'i'ic' ŁanDios lipicuejma', xonca tolimetsaico'me iłque. Iłque ŁanDios ma' enDios łalPoujna Jesucristo jouc'a i'Ailli'. Tołta'a iłque Jesús imuj'moxi ituca'. Imuj'moxi ma' anDios.

18 Ja'ni tepi'itsolhuo' tołta'a lołpicuejma' jouc'a tepalc'o'i'molhuo'. Tołta'a a'i ma le'a moł'huaicoyacu tolapenuftsa al c'a, jouc'a ti'i'ma cołsina' te ts'i'ic' lapi'iyacolhuo' ŁanDios. Ti'i'ma cołsina' te ts'i'ic' al cueca' al c'a tolapenufta. Iłe linca acueca' ac'a juaiconapa. Ailopa'a co'onłcoya. Linca imanc' tolapenufta. Jouc'a jahuary iłniya pe ŁanDios i'epola' i'huexi, tepenufta lapi'iyacola' ŁanDios linaxque'.

19 Jouc'a ti'i'ma cołsina' te ts'i'ic' al cueca' lo'epa ŁanDios. Ti'i'ma cołsina' icueya limane. Tołsinguf'me acueca' titoc'i'molhuo', acueca' tipaxne'molhuo' ma moł'huaiyijnyi.

20 Linca, ŁanDios joupa imujpa acueca' juaiconapa lo'epa. Joupa i'epa acueca', imaf'i'ınapa Cristo. Ipa'anapa pe lomana' limanapola'. If'ac'enapa al toncay lema'a. Icutsupa al c'a camané.

21 Ailopa'a co'onłcoya to iłque Cristo. Iłque xonca acueca', xonca acueca' ti'hua limane, xonca acueca' lo'epa, xonca acueca' locuxepa, xonca acueca' lipuftine. Ja'ni itsiya litine o locuaicoya locuena quitine, małque Cristo tuliqui jahuary.

22-23 ÑanDios joupá ixpic'epa jahuay tihuejcoñe Cristo, iñque Incuxepa, ticuxe jahuay. ÑanDios epi'ipa lixanuc', iñne lefot'ñepola'. Iñque copa'a iñjuac, ticuxela' iñne icuerpo. Jiñpe timujyoxi ÑanDios. Linca ÑanDios ni petsi tipa'a, timujyoxi. Jiñpe lixanuc', iñne icuerpo Cristo, xonca timujyoxi.

2

1 Imanc' ai'a tolapenuf'me al ts'e loñpitine joupá ejac'polhuo'. Aimon'ñeyi locuxepa ÑanDios. Tonñ'ñeyi lixcay.

2 Toluyalaicoyi anuli iñne locuenaye xanuc' nomana' fa'a li'a lamats'. Olihuejco'me hiñpincuxepa contahue. Iñne lontahue nomana' jiñpe lema'a xonca a'ojca, a'i pe lopa'a ÑanDios, ticuxeyi liñpicuejma' lan xanuc' petsi aimihuejcoyi ÑanDios.

3 ÑanDios añsimponga' illanc' ma' anuli aicalihuequi. Imanc' illanc', luyaipa quitine luyalaicoyi lapajnya ma'ñeyi lañjanajpa. Lihuejcoyi lojanajpa lañcuerpo. Illanc' cañtuca' añspic'ñeyi lañeyacu. Mañmana' toñta'a ailopa'a al ts'e lañpitine. Ma' anuli locuenaye petsi aimihuejcoyi añteñmi'monga' ÑanDios.

4 Linca, ÑanDios juaiconapa ac'a lipicuejma'. Añsimponga' ninc'icuanuc'la. Acueca' juaiconapa añ'eponga' capic'a.

5 Illanc' ma' aimalihuejcoyi, joupá lajac'epoñtsi. Tama toñta'a lañ'ejma' iñque lapi'iponga' al ts'e lañpitine. Añmañ'i'inañponga' anuli Cristo. Toñta'a lañtoc'iponga' ÑanDios, lañpaxneponga', joupá lunñu'eponga'.

6 Ma' anuli Cristo lacaxunañponga', lipa'añponga' pe lomana' lomanapola'. Ma' anuli iñque añcutsunañponga' jiñpe lema'a. Lapenufponga' Jesucristo, toñiya añ'i'ponga' toñta'a.

7 Ticuañtsi Locuaicoya Quitine ÑanDios timuj'ma acueca' juaiconapa añtoc'iponga', acueca' añpaxneponga' illanc' ixanuc' Cristo, lapenufponga' iñque.

8 Cagua: “ÑanDios joupá itoc'ipolhuo', ipaxnepolhuo', unñu'epolhuo'”. Linca imanc' aimi'iya molunñu'eyacoñtsi. Ma' ÑanDios imetsaicopolhuo' toñ'huaiyijny. Toñta'a ma' iñque unñu'epolhuo'.

9 Linca ailopa'a cal'eyacu, ni illanc' ni imanc'. Aimi'iya mañesyacu: “Joupá ai'epa al c'a, toñiya ÑanDios lunñu'e'ma. Iya' ninc'a.” Ailopa'a conescoyacoxi toñta'a.

10 Cristo joupá lapenufponga'. Toñta'a ÑanDios aññanc'e'eponga' lañpicuejma', lapi'iponga' al ts'e lañpitine. Toñiya ti'i'ma añ'e'me al c'a. Añ'e'me mañe al c'a lixp'ic'epa ÑanDios añ'eñe. Toñta'a ixpic'epa luyalaicoñe.

11 Toñiya aimolimenc'eco'me te ts'i'ic' lipaxnepolhuo' ÑanDios. Toñ'nujuañsle te ts'i'ic' li'ipa li'ipolhuo'. Imanc' a'i cunc'ijudío, ituca' loñnación. Aiquetec'ennilhuo' loñpixic'. Toñta'a lan xanuc' judío tetets'ilhuo', tecui'ilhuo': “Iñne petsi

ailopa'a quitseña, petsi aici'ennila' circuncidar". Ine lan judío joupa i'empola' circuncidar, joupa etec'empola' li'poxic'.

12 Iniya litiné aici'nejmale Cristo. Lan xanuc' Israel imet-saiconnila' ixanuc' LanDios, imanc' a'i, imanc' unc'ocuenaye xanuc'. Ine lun Israel LanDios joupa imanekonca cataiqui'. Nulemma icupa cataiqui' tepi'i'mola' al c'a. Imanc' aicolapenufi ile lataiqui'. Iniya litiné imanc' ailopa'a co'huaicoyacu. Fa'a li'a lamats' ma toluyalaicoyi lapajnya. Aicolimetsaijma LanDios.

13 Itsiya joupa ipaicopa ile lo'pepajnya. Joupa epenufpolhuo' Jesucristo. Li'ipa tocomma to to'mana' aculi', aimi'iya moli—loc'olaiyacu LanDios. Cristo joupa ixcuajaipa lijuats' i'najtsepa lo'junac'. To'ta'a iloc'ai'epolhuo' LanDios.

14 Ma'que Cristo ipac'epa lafuleya. Itsiya illanc' ninc'ijudío jouc'a imanc' a'i cunc'ijudío ma ma'mana' anuli. Ailopa'a tintsi. Li'ipa tipa'a la'pa'neponga'. Iniya litiné aici'nejmale, aici'ic'. Licupoxi Cristo tepa'ts'ijnle licuerpo jilpe lancruz, ilque ete'pa ile la'pa'neponga', ilonc'epa nulemma.

15 He la'pa'neponga' itaiqui' Moisés licuxepa. Jilpe inihijmpa anuli anuli te ts'i'ic' malihuejcoyacu LanDios. Limapa jilpe lancruz Cristo ilonc'epa limane ile lataiqui'. Itsiya aimi'iya ma'pa'neconayaconga'. Imanc' illanc' a'e'e'ponga' to anuli cal ts'e xans. Lapi'iponga' al ts'e la'picuejma'. To'ta'a ipac'epa lafuleya.

16 Itsiya aimal'econayacoltsi laic'. He lixcay la'picuejma' Cristo ima'apa ile litine lepa'ts'ingimpa jilpe lancruz. Ma ma'sinyoltsi ituca' ituca' la'picuejma' aimi'iya ma'ejmaleyacu LanDios. Cristo a'e'e'ponga' anuli. Ma a'mana' icuerpo ilque. To'ta'a a'ejmale LanDios.

17 Li'huamma Cristo uya'apa joupa ipac'epa lafuleya. I'huamma ti'ila' co'sina' imanc' no'mana' aculi', jouc'a ti'ila' quilsina' petsi xonca ahuejnca LanDios, itsiya ailopa'a tintsi. LanDios tepenufila' jahuay lan xanuc' ma' anuli.

18 Ma' ilque Cristo ticu lane a'palaic'ole LanDios ca'Ailli', li—loc'olai'me imanc' y illanc'. Joupa lapenufpá cal Espíritu Santo. To'hiya lapenufinga' LanDios.

19 Itsiya aimi'iya mecui'inyacolhuo' "aine", o "ine ocuenaye xanuc'". Itsiya imanc' illanc', jouc'a jahuay la'pimaye, joupa a'e'e'ponga' i'huexi LanDios. Tipa'a la'pitya' pu'hua lema'a. Ma LanDios a'Ailli'.

20 Ma to lipangopa lo'huaiyijmpa lan apóstole, lam profeta, ma' anuli olpango'me imanc'. Ma'e cataiqui' olapejpá.

To anuli cal cueca' capic lipo'nof'impá laita' cajut'í, ilque la'pic nolanc'epa lajut'í aimecangeya, to'ta'a lo'on'cospa Jesucristo.

²¹ Petsi lepenufpola' ilque laPoujna Cristo, ilne ti'onlcospa to anuli al paxi cajut'l tilanc'econni apic'. Ilna'a lopic' tipo'nof'inni anuli anuli pe lo'eya quipenic'. Małque Cristo, to cal Cueca' Capic, ipulaic' laitał.

²² Jouc'a imanc' lepenufpolhuo' Cristo, tipo'no'innilhuo' pe lonl'eyacu canic'. Tołta'a tilanc'enni lejut'l LanDios. Jiłpe copa'a cal Espıritu Santo, ilque ma' anDios.

3

¹ Itsiya ca'nujuaitsi'ilhuo' ilē al cueca' lipaxnepolhuo', al cueca' li'e'epolhuo' LanDios. Iya' ninPablo aitoc'i'molhuo' imanc' pe a'i cunc'ijudıo. Nu'i'molhuo' naitsi cal Cristo, ilque Jesús. Ilē aipenic'. Tołiya itsiya altats'iya.

² Joupā olšina' tołta'a laipenic'. LanDios alpaxnepa, alapi'ipa laipenic', cuya'ala' Lataiqui' ni petsi lołmana' imanc' pe a'i cunc'ijudıo.

³ Olšina' ma LanDios almuc'ipa Lemiya Cataiqui'. Iłta'a colje'e joupā ninił'epolhuo' oque' afane' lataiqui' lonescopa ilē Lataiqui' lemiya.

⁴ Mołsuef'yi ilē laininił'epolhuo' ti'ila' colšina' alinca cacueca Lemiya Cataiqui', ilē lonescopa Cristo.

⁵ Luyaipa quitine lan xanuc' aiquılšina' ilē lataiqui'. Itsiya LanDios joupā imuc'ipola' li'apostole jouc'a liprofeta, ilne i'huexi. Cal Espıritu Santo almuc'iponga'.

⁶ Almuc'iponga' te ts'i'ic' lo'iyacolhuo' imanc' a'i cunc'ijudıo pe noł'epá linca Lataiqui', joupā epenufpolhuo' Cristo. Imanc' illanc', LanDios limetsaiconga' inaxque'. Alsinninga' joupā al'iponga' to anuli al cuerpo. LanDios joupā icupa cataiqui', almiponga' altoc'i'monga' illanc' ninc'ijudıo. Itsiya małe lataiqui' timilhuo' imanc', ma' anuli altoc'i'monga' illanc' imanc'. Ma' anuli lalapi'iyaconga'.

⁷ Iya', LanDios lapi'ipa laipenic' cuya'ala' Lataiqui' loya'apa ilē al c'a lixpıc'epa LanDios. Alpaxnepa, lapi'ipa laipicuejma'. Lałpaxnepa tołta'a aixinguf'ma acueca' icueya limane LanDios.

⁸ A'i ca'onlıcoyacoxi to laipimaye, ilne jouc'a i'huexi LanDios. Ja'ni anuli iłniya tixinyoxi aca'hua xans iya' cacua: Iya' ajna'hua capima xonca. Ma LanDios alpaxnepa, lapi'ipa laipenic' ca'huala' pe lomana' lan xanuc' a'ij judıo, jiłpe capalaicotsi Cristo, cuya'atsi te ts'i'ic' ilque lipicuejma'. Linca juaiconapa xonca acueca' ac'a lipicuejma', ailopa'a co'onlıcoya. Aimi'iya micuec'eyacu nulemma.

⁹ LanDios lapi'ipa laipenic' camuc'itsola' acuajmaica Lemiya Cataiqui'. Ti'ila' quılšina' lan xanuc' te ts'i'ic' menant'liya Lataiqui' lonescopa. Lipangopa lilanc'epa li'a lamats', Lemiya

Cataiqui' joupa tipa'a jilpe lipicuejma' ÑanDios. Itque joupa ixpic'epa lo'eya. Mañque ÑanDios ilanc'epa jahuay.

¹⁰ Cacia: ÑanDios lapi'ipa laipenic'. Toñta'a tefot'lela' lix-anuc'. Tixintsa lapaluc' quema'a te ts'i'ic' lipicuejma'. Ine lan tsila' capaluc' nomana' lema'a, pe acueca' icueya liñmane, ticuxeyi jilpe, mañniya itsiya tehuelonginnila' lixanuc' ÑanDios lefot'lepola'. Mehuelojnyi ti'i'ma quilsina' te ts'i'ic' litoc'ipola', lipaxnepola' ÑanDios lixanuc'. Ine lixanuc' anuli anuli ocuena ocuena lipicuejma' lepi'ipola' ÑanDios. Toñta'a ma quefoña timuji te ts'i'ic' al cueca' lipicuejma' ÑanDios.

¹¹ ÑanDios al coña ixpic'epa ti'ila' quilsina' toñta'a lapaluc' quema'a, toñiya' lepi'ipa lipenic' Jesucristo, itque añPoujna.

¹² Cristo joupa lapenufponga'. Toñta'a tixoqui calata aliñoc'olaiyi ÑanDios. Ma mañ'huaiyijnyi Cristo aimañsueñmot'leyi, ailopa'a caña'neyaconga'. ÑanDios lapenufinga'.

¹³ Linca acueca' ite lataiqui' laifnuya'apa. Toñiya caxa'huelhuo', camilhuo': Aimoñsueñmot'leco'me. Aimoñnes'me: "Acuanuc' Pablo, acueca' juaiconapa lotecopa". Aimoñpai'i'moñtsi loñpicuejma'. Toñ'nujuaisle: Ja'ni coña' iya' aicateña, coña' ailopa'a mipaxneyacolhuo' ÑanDios.

¹⁴ Ma ca'nujuaitsilhuo' al cueca' lipaxnepolhuo' ÑanDios, iya' caxc'onñingay cañ'Ailli'.

¹⁵ Fa'a li'a lamats' lanaxque' mecui'innila' quiltatá "añ'ailli'", o mecui'iyoltsi toñta'a ine nomana' lema'a, ¿pe qui'huayomma ite lataiqui' o ite liñ'ejma'? ¿Te qui'ipa limetsaicopoñtsi toñta'a? Toñta'a mañque ÑanDios ecui'ipoxi.

¹⁶ Itque linca ma' anDios. Aimehue'e'. Ixhueya lipicuejma', acueca' icueya limane. Toñiya caxahue'e titoc'itsolhuo'. Caxahue'e titoc'itsolhuo' hi'Espíritu, ti'ila' acueca' loñpicuejma', jouc'a tonñ'e'me al cueca'.

¹⁷ Ja'ni toñta'a lotoc'ipolhuo' itine itine toñ'huaiyijm'me cal Cristo, itque tipajm'ma lolunxajma'. Tepi'i'molhuo' coñpicuejma' toñ'etsoltsi capic'a. Tifa'e'molhuo' loñpicuejma'.

¹⁸ Toñta'a aimimajaiqueyacolhuo'. Imanc' jouc'a jahuay lixanuc' ÑanDios, ine i'huexi itque, ti'i'ma coñsina' nulemma te ts'i'ic' litoc'ipolhuo' ÑanDios. Ja'ni to'huala' lexpats'qui o lipitoqui li'a lamats', o taimutsi al 'ocay, o toñ'ajla' al toncay, ni petsi loñtseya aimoxinya Lataiqui' xonca' acueca', ailopa'a.

¹⁹ Caxahue'e tolimetsaicole te ts'i'ic' mi'nujuaitsilhuo' Cristo. Linca, aimi'iya moñcuejyacu nulemma. Juaiconapa acueca' ti'elhuo' capic'a.

Ja'ni toñta'a lotoc'ipolhuo' ÑanDios ti'hua ti'i'ma ixhueya loñpicuejma'. Ti'i'ma to lipicuejma' ÑanDios.

²⁰ Itque ÑanDios ti'ay al cueca'. Aimi'iya mañsinyacu nulemma lo'eya. Ja'ni aña'hueñe o jilpe lañpicuejma' añesle: "Aipic'a

altoc'ila' acueca'", linca xonca acueca' altoc'i'monga'. Tofta'a altoc'inga' cal Espíritu Santo, itque łalapenufpa.

²¹ ¡Małque ŁanDios ałs'najtsi'ile! Cristo timuqui te ts'i'ic' ŁanDios lipicuejma'. Ma' anuli timujyi lixanuc' ŁanDios lefot'łepola'. Amats' amats' ti'i'ma tofta'a. Jouc'a Locuaicoya Quitine ti'hua ti'i'ma, aimijouya. Tofta'a ti'ila'. Amén.

4

¹ Iya', ma ca'ay lanic' lalapi'ipa łaiPoujna, al'notimpa. It-siya capa'a altats'iya. Fa'a caxc'ai'ilhuo' lonł'eyacu. Imanc' joupa ijoc'ipolhuo' ŁanDios, imanc' ixanuc' itque. Camilhuo': Tołmułtsoltsi ixanuc' ŁanDios.

² Aimol'nof'e'moltsi. Aimolłalai'otł'e'me ŁanDios ni molłalai'ot'le'mola' lan xanuc'. Tołsnet'łe lo'e'epolhuo'. Amolixtuc'o'moltsi, toł'etsoltsi capic'a.

³ Cal Espíritu Santo joupa i'e'epolhuo' anuli. Tołpo'note lołpicuejma' ti'hua toł'e'moltsi tofta'a. Ja'ni aimolłfuleyi linca tolyalalaico'me anuli lołpicuejma'.

⁴ Illanc' petsi nał'huaiyijmpá Cristo al'onłcosponga' to licuerpo. Itque licuerpo anuli le'a. Anuli cal Espíritu mipa'a jilpe, itque cal Espíritu Santo.

ŁanDios aljoc'iponga' al'huaicołe ile lalapi'iyaconga'. Ma' anuli lapi'itonga' jahuay illanc'.

⁵ Anuli łalPoujna, ma' anuli lataiqui' lał'huaiyijmpa, anuli lalapocopa.

⁶ Anuli łalanDios, itque il'Ailli' jahuay. Itque xonca cal Cueca', jahuay tixhuai'niyi lixpice'epa, jahuay illanc' almana' pe lipanga.

⁷ Linca tama jahuay illanc' almana' pe lipanga ŁanDios a'ij nuli ile łalpaxneponga'. Ituca' ituca' łalpaxneponga' Cristo. Itque tixpiquei. Anuli anuli lapi'iponga' lałpenic'.

⁸ Tofta'a loya'apa ŁanDios jilpe al Paxi Linilingiya, ticua: If'ajnapa lema'a, mif'aquinghua ilecopola' lixanuc', ilne li'ipa litats'ila' joupa ux'masquem'mola'.

Lijou'ma ica'ne'mola' lixanuc' lapi'iyacola', tepenufle.

⁹ Joupa alcuapá: "If'ajnapa". Ai'a tif'aj'ma imumma, imuyomma jilpe al 'ocay li'a łamats'. Lijou'ma if'ajna'ma, icuaita pe lopa'a al te'a.

¹⁰ Itque nimumma, nif'ajnapa ma' anuli itque. If'ajnapa lema'a xonca al toncay. Tofta'a aimi'iya minesquinyacu: "Fa'a ailopa'a". Ni petsi, ja'ni lema'a, ja'ni li'a łamats', itque tipa'a, ticuxe.

¹¹ Lijoupa lif'ajnapa al toncay lema'a, Cristo epi'ipola' lixanuc' ituca' ituca' liłpenic'. Tofta'a timana' lan apóstole, timana' lam profeta, timana' lan evangelista, ilne noya'apá Lataiqui',

timana' lam pastor, iñe no'epá cuenna liḥpimaye, timana' lomxiye, iñe tuhuatyi Lataiqui', timuc'iyaleyi.

Jahuay iñiya Cristo epi'icopola' lixanuc', titoc'itsola' iñe lefot'lepola' LanDios.

12 Iñe no'epá lanic' ti'hua titoc'innila' liḥpimaye, tifa'ennila' liḥpicuejma'. Tijoula' jahuay lapimaye, iñe i'huexi LanDios, ti'i'ma pangay c'a liḥpicuejma', aimehue'eyacola'.

13 Toḥta'a jahuay illanc' naḥ'huaiyijmpá Lataiqui', aḥcuc'e'me nulemma loya'apa iñe Lataiqui', limetsaico'me nulemma te ts'i'ic' lipicuejma' i'Hua LanDios. Tijoula' aḥnesco'moḥtsi: "Joupa aḥtojpa". Iñe litine laḥpicuejma' ti'i'ma pangay c'a, joupa ilajmpa. Cristo mane ac'a lipicuejma', aimehue'e'. Jouc'a aimalahue'eyacongá'.

14 LanDios joupa lapi'iponga' iñe laḥtoc'iponga', aḥmuc'itsonga' lihuejle. LanDios aimicua maluyalaicoyacu maḥ'onḥcoyacongá' to la'uhuay, iñe liḥpicuejma' tife'ne'mola' ni cua tintsí cataiqui'. Aimicua maḥfel'miyacongá' lan xanuc' petsi acueca' quixcay liḥpicuejma'. Iḥmaf'i' iñiya, iñsina' lo'eyacu tifel'miyale'me. Iñe joupa imenajpola'. Tihuejyi ituca' cataiqui'.

15 LanDios xonca ipic'a lihuejle al Linca Cataiqui'. Maḥ'ela' capic'a laḥpimaye, ma' iñe Lataiqui' luya'a'me. Toḥta'a ti'hua tilajm'ma laḥpicuejma', ti'i'ma pangay c'a, ti'onḥcota to Cristo lipicuejma'. Iñque aḥjuac, illanc' icuerpo.

16 Cristo laḥjuac aḥtoc'enga' illanc' icuerpo. Anuli al cuerpo axpe' mipa'a. Iñe aimitoqui anuli anuli. Jahuay iñiya titojyola' pe lomana'. Litornillo lajontyopola' jahuay. Toḥta'a tites'miyotḥsi, titoc'iyotḥsi. Iñiya aḥ'onḥsponga' illanc' icuerpo Cristo. Maḥ'eyotḥsi capic'a aḥtoc'iyotḥsi, aḥfa'e'moḥtsi laḥpicuejma'.

17 Joupa aixc'ai'ipolhuo', aimipolhuo': "Toḥmujtsoḥtsi ixanuc' LanDios". Illanc' ninc'apimaye, ma' anuli laḥPoujna. Toḥiya caxc'ai'icona'molhuo', camilhuo': Ma monluyalaicoyi lapajnya aimoḥ'e'me to mi'eyi iñe petsi aimimetsaicoyi LanDios, iñe naihuejpa latentḥcocopola' quilituca'. Aimihuejyi latentḥcocopa LanDios.

18 I'ipa muf liḥpicuejma'. Aimicuec'eyi, toḥta'a enaj'moḥtsi LanDios. Joupa ejac'epoḥtsi. Liḥpicuejma' i'ipa to laḥpic.

19 Aimi'iya mixinyacu calaic'ata. Icupoḥtsi ti'eḥe al xujc'a, ti'eḥe nixpiya. Aimicuayi: "Aimaḥ'econa'me toḥta'a". Ma ti'hua tehueyi xonca nixpiya lo'eyacu.

20 A'i toḥta'a lipalaic'ocompolhuo' Cristo. A'i toḥta'a lipicuejma' iñque.

21 ¿Te aicoḥcueca litaiqui'? O ¿aiquepenufilhuo' iñque? Maḥmuc'ilhuo', maḥpalaicoyi iñque Cristo, ¿te aicañesqui al linca?

22 Ai'a ti'i'ma al ts'e loḥpitine tolihuejcayi coḥtuca' loḥpicuejma'. Jiñiya litiné ti'hua tolaḥjac'eyotḥsi, ti'hua toḥfel'miyotḥsi, toḥjanajyi

tonl'ele nixpiya. Tolta'a tolihuejyi. Joupa lu'ipolhuo': "He lonl'epa li'ipa, tołpo'nołe nulemma".

²³ Itsiya tipa'a al ts'e lołpitine. Cal Espíritu Santo tipa'a jilpe lołpicuejma'. Itine itine tolapenufle cołpufxi lapi'ipolhuo' ilque.

²⁴ Tołspic'ele nulemma tolihuejcołe al ts'e lołpicuejma'. He to lipicuejma' LanDios tixpic'e ma le'a al c'a, tihuejco'ma ma le'a LanDios, ilque cal Paxi. Tołta'a ate'a ilanc'empa lipicuejma' cal xans. Ilque lipicuejma' mane ac'a. Ti'onłcospa to lipicuejma' LanDios, ilque aimifel'miyale.

²⁵ Joupa ołspic'epá aimołfel'miyaleconayacu. Ne'. Mołpalaic'oyołtsi tołnesle ma le'a al linca. Anuli anuli tipalaic'ola' tołta'a lipima. Aimołfel'miconayacołtsi. LanDios joupa lafot'leponga' to anuli al cuerpo. Illanc' ninc'apimaye.

²⁶ Ja'ni olixıtulepá aimi'hua molixıtule'me. Ai'a tipo'nof'caita cal 'ora tołpac'ele lołpoyac'. Ja'ni a'i LanDios aimetenłcocoaya ile lonl'epa, tixim'ma a'ijc'a.

²⁷ Ja'ni ti'hua molixıtuleyi ma le'a tołapi'iyi lane łonta'a Satanás.

²⁸ Łapima pe joupa ihuiyipa, ti'hua tinantse, aiminantsec-ona'ma. Ituca' tixhuico'mola' limane', ti'etsi al c'a lanic'. Tołta'a ti'i'ma ti'huej'ma. Ti'i'ma tepi'i'ma petsi aiqui'hueca.

²⁹ Aimołnes'me camac'ta cataiqui', ni anuli. Tołspic'ele al c'a lołnesyacu. Tołmi'mołtsi: "¿Te cahue'epola' laipimaye?" Lijou'ma tołnesle lataiqui' lofa'eyacola' liłpicuejma'. Xonca ticuec'e'me. Jouc'a LanDios tetenłcoco'ma lołnespa. Titoc'i'mola', tipaxne'mola' noquimf'epolhuo'.

³⁰ Ja'ni tołnesle camac'ta cataiqui' tołhuosmi'me cal Espíritu Santo, ilque lipaxi Espíritu LanDios. Aimonł'e'me tołta'a. Imanc' joupa olapenufpá cal Espíritu. LanDios imuc'ipolhuo' imanc' alinca ixanuc'. Tocomma ipo'ninc'e'epolhuo' hisello, ilque ołPoujna. Ticuaiti al Cueca' Quitine tepenuftolhuo' nulemma, tuntu'etolhuo'.

³¹ Ja'ni tipa'a al cuaj jilpe lołpicuejma' tołipa'ale. Aimolixıtuc'ocona'mołtsi. Aimoł'nujuaiscona'me ile li'ipa lolixıtulepa. Aimołjaic'o'mołtsi. Aimołnesco'mołtsi a'ijc'a. Tołspic'ele nulemma aimoł'econa'me tołta'a. Jouc'a jilpe lołpicuejma' aimolatets'icona'mołtsi.

³² Tołpalaic'otsołtsi al c'a, tołtoc'itsołtsi, tolimenc'e'ecotsołtsi. Imanc' lepenufpolhuo' Cristo, LanDios joupa imenc'e'ecopolhuo' lonl'epa. Tołta'a imanc' tolimenc'e'ecotsołtsi lonl'e'epołtsi.

5

1 Camilhuo': Ti'itsolhuo' lołejma' to li'ejma' LanDios. Tołmujtsołtsi to caiquinaxque' ilque.

2 Itine itine toł'nujuaitsołtsi ma to Cristo li'nujuaispolhuo'. Itque icupoxi tima'anle i'najtsepa lałjunac'. Itque litsufcopoxi etenłcocopa ŁanDios. Toliya limenc'e'ecoponga' lał'epa.

3 Imanc' joupa i'huexi ŁanDios, tołmujtsołtsi tołta'a. Aimo-lahue'mola' cacal'no'. Aimonł'e'me nixpiya. Ni monł'e'me to lo'epa iłniya petsi ti'hua tijanajyi. Aiminesyi: "Aimal'econa'me tołta'a". Ma ti'hua tehueyi xonca nixpiya lo'eyacu. Imanc' ni mołpalaico'mola' iłniya lo'epa.

4 Aimonł'e'me ni mołnes'me al xujc'a. Aimolilotsoco'mołtsi. Aimołpalaic'oco'mołtsi lołpemač'ta. Iłna'a aimetenłma. Xonca ticuicomma tołs'najtsi'ile ŁanDios.

5 Iłne petsi nahuepá cacal'no', jouc'a petsi axujc'a liłpicuejma', jouc'a petsi ti'hua tijanajyi xonca, małniya ti'onłcospola' to naxc'onłingolaipá lilendiosla', imanc' joupa ołsina' lo'iyacola'. Nij naitsi iłniya notsufaiya pe locuxeyopa Cristo, jiłpe locuxeyopa ŁanDios.

6 Lan xanuc' no'epá tołta'a tepi'iyi coyac' ŁanDios. Itque titeł'mila' iłne lincuejlocale. Imanc' aimołfel'mi'mołtsi. Aimołquimf'e'mola' nocuapá: "Ailopa'a tintsi. Tonł'ele ma ts'ołpic'a." Iłne mane tipalołaiyi. Aij linca lonespa.

7 Joupa aimipolhuo': Iłne lixcay xanuc' tepi'iyi coyac' ŁanDios. Imanc' aimonł'e'me tołta'a.

8 Li'ipa, imanc' lołpicuejma' mane amuf. Ti'onłcospolhuo' to lipuqui'. Itsiya a'i. ŁalPoujna joupa epenufpolhuo', epalc'o'ipolhuo'. Moluyalaicoyi lapajnya tolapalc'o'itsola' locuenaye.

9 Petsi ŁanDios joupa epalc'o'ipola' liłpicuejma', iłne timuj'mołtsi pangay c'a xanuc'. Ti'eyi ma le'a al lija, tihuejyi al linca.

10 Imanc' tolahuele latenłcocoya ŁanDios, małe tonł'ele.

11 Iłne petsi amuf liłpicuejma', lo'epa iłniya ailopa'a al c'a caipammaispa. To iłniya aimonł'e'me. Tolanał'mołtsi. Xonca tołtale'mola', tołmujle a'ijc'a lo'epa.

12 Iłniya juaiconapa axujc'a ile lo'epa lemiya, ni aimi'iya małnescoyacu.

13 Ja'ni lepalc'o' tepalc'o'ila' lemiya, ile ti'huájta, timuj'moxi te ts'i'ic' mipa'a. Tołta'a lo'iya ja'ni ałtale'mola' iłne no'epá al xujc'a. Iłe lixcay timuj'moxi te ts'i'ic' mipa'a.

14 Mane lepalc'o' tepalc'o'i'ma lemiya. Toliya al Paxi Linliłngiya tuya'e':

Aimi'hua moxmai'ma, tomaf'ila'.

Totsahuenni, taipanni, topo'notsola' lof'as xanuc', iłne no'onłcospola' to limanapola'.

Tijoula' Cristo tepalc'o'i'mo'.

15 Tołpo'nołe cuenna, moluyalaicoyi lapajnya tolihuejle al c'a. Joupā epi'impolhuo' lołpicuejma', aimoł'e'mołtsi to lan mac'ta.

16 Iħna'a litiné ipime. Ja'ni ti'i'ma tonł'e'me al c'a, ne' tonł'ełe. Aimoł'huaico'me.

17 Aimoł'e'mołtsi to lan tonno. Ti'ħa' cołsina' te ts'ipic'a ħałPoujna. Tołta'a tonł'e'me.

18 Aimołsnatsai'me vino. Ja'ni tołsnatsaiyi timeyoj'molhuo'. Tijoułā' tonł'e'me nixpiya. Xonca tołapi'ħe lane cal Espíritu Santo ti'hua micuxelhuo' lołpicuejma'.

19 Tołta'a tołpalaic'o'mołtsi al c'a. Tołnes'me lan salmo, lan himno, lan alabanza. Jiłpe ħolunxajma' tołunac'me, tołunac'co'me ħałPoujna.

20 Itine itine moł'huaiyijnyi Jesucristo ħałPoujna, ma mołmesyi ħłque lipuftine, tołs'najtsi'ħe ĤanDios, ħłque oł'Ailli'. Ja'ni ac'a lo'ipolhuo', ja'ni a'ijc'a, ma' anuli tołs'najtsi'ħe.

21 Imanc' tołcuc'eyi Cristo. Jouc'a tołcuc'etsołtsi.

22 Imanc' unc'apenoye, anuli anuli tolihuejcołe ħołpe'ailli'. Tołta'a tolihuejco'me ħałPoujna.

23 Ĥaca'no' ħipe'ailli' tocomma to ijuac. Tołta'a cal xans ti'onłcospa to Cristo. Illanc' nalafot'ħeponga' ĤanDios, Cristo ałjuac. Ĥque aluntu'eponga' illanc' icuerpo.

24 Tołiya lihuejcoyi, ałcuxenga'. Ma' anuli ħałpimaye cacal'no', ticuicomma anuli anuli tihuejcołā' ħipe'ailli'.

25 Illanc' nalafot'ħeponga' ĤanDios, Cristo ał'eponga' capic'a. Ma' anuli imanc' cunc'ape'ailli', tonł'etsola' capic'a lołpenoye. Cristo mał'enga' capic'a icupoxi tima'anłe, i'najtsepa lałjunac'.

26 Ipic'a ał'e'etsonga' ma' i'huexi ĤanDios. Tołta'a latufc'eponga' lałpicuejma' ħe litine lalapo'icomponga' aja' mał'eyi ħinca litaiqui' ĤanDios.

27 Tołta'a aħanc'e'enga' lałpicuejma'. Ti'ħa' pangay c'a. Ma to anuli cal xans tixoj'ma queta tepenuf'ma quipeno mipa'a ac'a lipicuejma', tołta'a lapenuftonga' Cristo, illanc' nalafot'ħeponga' ĤanDios.

Anuli cal ts'e cahuats', licuerpo jouc'a lipicuejma' ailopa'a qui'ic', aimi'iya minesconyacu. Tołta'a ał'onłcotonga', lapenuftonga'.

28 Imanc' cunc'ape'ailli', ma to tołsinyi acuanuc' lołcuerpo, ma tołta'a tonł'etsola' capic'a lołpenoye. Tołsintsola' acuanuc'la. Cal xans noximpa acuanuc' ħipeno, ma' anuli tixinyoxi acuanuc'.

29 Anuli cal xans, ħte ja'ni ti'e'maj laic' licuerpo? A'i. Aimi'iya. Altes'miyi lałcuerpo, ał'eyi cuenna. Ma tołta'a ał'enga' cuenna Cristo, illanc' nalafot'ħeponga' ĤanDios.

30 Illanc' icuerpo Cristo. Ał'onłcosponga' to limane', li'mitsi', y tojua mipa'a lałcuerpo. Anuli lałpicic', lałpecał.

31 Toliya al Paxi Linifingiya tuya'e':

Cal xans tipo'no'mola' quiŋtuca' qui'ailli' qui'máma',
tejonŋi'moŋtsi anuli ŋipeno.

Ihe loquexi' ti'i'mola' ma' anuli, anuli al cuerpo.

32 Aŋinca acueca' ipime iŋe lataiqui'. A'i ma le'a anuli loya'apa.
Ihe lataiqui' aŋesconga' illanc' petŋi nalafot'ŋeponga' EanDios,
illanc' icuerpo Cristo.

33 Linca iŋta'a laifxc'ai'ipolhuo' a'i quipime cataiqui'. Camil-
huo': Imanc' jouc'a, anuli anuli, tonŋ'etsola' capic'a loŋpenoye.
Ma to tonŋ'eyoŋtsi cuenna imanc' coŋtuca', ma toŋta'a tonŋ'etsola'
cuenna iŋniya. Imanc' cunc'apenoye, tolihuejcsotsola' loŋpe'ailli'.

6

1 Imanc' unc'a'uhuyay, toŋcuc'etsola' loŋ'ailli'. Ihe ac'a cataiqui'.
Ma moŋ'huaiyijnyi ŋaŋPoujna ipic'a tonŋ'ete toŋta'a.

2-3 EanDios ticuxe: "Taihuejco'mola' co'ailli', co'máma'. To-
toc'i'mola'." Jouc'a icupa cataiqui' ticua: "Ja'ni to'eŋa' toŋta'a
toyaico'ma al c'a. Ticoŋ'mo' axpe' camats' topajm'ma fa'a li'a
ŋamats'." Ai'a tines'ma toŋta'a EanDios ailopa'a quicuapa: "Ja'ni
to'eŋa' iŋe laifcuxe'epo' toyaico'ma al c'a". Ihe lataiqui' al te'a
loya'apa toŋta'a.

4 Imanc' unc'a'ailli' aimolapi'i'mola' coyac' loŋmaxque'.
Toŋ'etsola' cuenna, toŋsc'ai'itsola', tolu'itsola' te ts'i'ic' al
c'a lo'eyacu. Ja'ni a'ijc'a lo'epa, toŋtaletsola'. Toŋmi'moŋtsi:
"EaŋPoujna, ¿te co'eya? O ¿te conesya iŋque?" Toŋta'a tonŋ'e'me.

5 Imanc' cunc'imozó, tolihuejcsotsola' loŋpoujnalá. Tama iŋe
oŋ'as xanuc' aimoŋ'nof'e'moŋtsi. Tolahue'me latenŋcoyacola'.
Aimoŋfel'mi'mola', toŋcuc'etsola'. Ma to moŋcuc'eyi Cristo,
ma toŋta'a toŋcuc'e'mola' iŋniya loŋpoujnalá. Toŋmi'moŋtsi: "Ma
cacuec'e iŋque ŋaipoujna tocomma to cacuec'e Cristo".

6-7 Tama tipa'a loŋpoujnalá fa'a li'a ŋamats' imanc' imozó
Cristo, tonŋ'eyi loxpíc'epa EanDios. Toŋiya aimoŋ'onŋico'moŋtsi
to iŋniya lo'eyacu canic' ma le'a mehuelongila' ŋipoujna. Ihe
tifelŋaiqueyi, aimi'eyi latenŋcocopa ŋipoujna. Imanc' jahuay
ŋolunxajma' tixojla' cunlata tonŋ'ete canic', tonŋ'ete latenŋcocoya
ŋaŋPoujna.

8 Imanc' joupa oŋsina' lo'iya. Petŋi no'epá al c'a, ja'ni amozó o
ja'ni apoujnalá, maŋe al c'a, acueca' o ahuata, tepi'icona'mola'
ŋaŋPoujna.

9 Joupa aixc'ai'ipola' lam mozó, ti'ila' liŋ'ejma' to lo'iya
liŋ'ejma' lan c'a mozó. Ma' anuli laifxc'ai'ipolhuo' imanc'
unc'apoujnalá. Camilhuo': Ti'ila' loŋ'ejma' to lo'iya liŋ'ejma' lan
c'a capoujnalá. Aimoŋjaic'ocona'mola', toŋsnet'he. Toŋnujuaitsa
ŋaŋPoujna, iŋque Nopa'a jipe lema'a. Iŋque oŋPoujna imanc' jouc'a
iŋniya. Tixinnilhuo' jahuay anuli, ja'ni amozó ja'ni apoujnalá.

10 Jahuay imanc' camilhuo': Tipangoła' itsiya aimitafqueconayacolhuo'. Joupa epenufpolhuo' łafPoujna, acueca' icueya limane itque, acueca' lo'epa.

11 Toł'onłicotsoltsi to lan soldado, itne lisoldado ŁanDios. Tołpo'notsoltsi lołpa'necoyacoltsi, ite lapi'ipolhuo' ŁanDios. Tołta'a tołcuanajco'moltsi, łonta'a Satanás aimi'iya mulijyacolhuo'. Tama juaiconapa a'ijc'a lipicuejma', tama tehuay te co'e'eyacolhuo', aimi'iya mi'eyacolhuo'.

12 Jiłpe lema'a, xonca al 'ocay, timana' lixcay contahue. Itne icueya liłmane, ticuxeyi. Ticuxennila' lan tsila' quincuxepa nomana' fa'a li'a łamats', itne lincuxepá petsi amuf liłpicuejma'. Ał'onłiyoltsi całxi lontahue, a'i łaf'as xanuc'.

13 Tołiya camilhuo': Tolapenufle jahuay lapi'ipolhuo' ŁanDios, tołpo'no'itsoltsi. Ticuaiti litine xonca ipime tołcuanajco'moltsi. Aimulijconayacolhuo'. Tijouła' lafuleya ti'hua tołcuanajco'moltsi.

14 Camilhuo': Ate'a tołpo'no'itsoltsi jahuay lapi'ipolhuo' ŁanDios. Tolacaxołaite, tołcuanajcotsoltsi. Tołpo'no'itsoltsi jahuay itna'a laicuicomma cal soldado. Itque ipic'a tifi'ecoxoxi. It lohuocopoxi tepi'i lipujłxi. Imanc' lołnespa al linca ti'onłcospa to lołhuocoyoltsi, lapi'ipolhuo' lołpujłxi.

Jouc'a tipa'a licoraza. Ma' anuli imanc' tipa'a lołcoraza. It al liłca lonł'epa, tipa'ne łolunxajma'.

15 Tipa'a łic'ejł, ti'huała' o tecaxla' al c'a. Aimixcaiya, aimipaif'quiya. Jouc'a imanc' tocomma to tipa'a al c'a lołc'ejł. Imanc' Lataiqui' lolapenufpa, ite tuya'e': "Aimołsuel'mecona'me. ŁanDios aimixtuc'oconayacolhuo'." It Lataiqui' joupa ifa'epolhuo' lołpicuejma'. Łonta'a Satanás aimipaif'eyacolhuo'.

16 Jahuay itna'a cal soldado tixhuico'ma. Jouc'a ticuicomma ti'nołła' li'escudo, tipa'neco'moxi al c'a. Imanc' ite loł'huaiyijmpa Jesucristo ti'onłcospa to coł'escudo. Teca'nitsola' łepof' lonajpola' lixcay conta'a Satanás, ite loł'escudo tipic'e'mola'. Tijouła' ailopa'a co'eyacolhuo'.

17 Jouc'a tipa'a liasco, lopa'necopa lijuac. Imanc' moł'nujuaisyi tunłu'e'molhuo' Cristo tocomma to tipa'a lołiasco.

Jouc'a tipa'a loł'espada. It Litaiqui' ŁanDios, lołxhuicopa cal Espłritu Santo.

18 Camilhuo': Tołta'a tolacaxołaite, tołcuanajcotsoltsi, ti'hua tołpalaic'ote ŁanDios. Ti'hua tołsa'huełe titoc'itsolhuo'. Ja'ni tołuyalaicoyi al c'a o a'ijc'a loluyalaicopa, tołpalaic'ote ŁanDios. Tołmiłe lomipolhuo' cal Espłritu Santo. Tołpo'note cuenna. Aimixojtolhuo', ti'hua tołpalaic'ote ŁanDios. Tołsahue'ele titoc'itsola' jahuay lołpimaye, itne jouc'a i'huexi ŁanDios.

19 Mołsa'hueyi tołta'a, tołsa'huele ŁanDios altoc'ila' iya'. Lapi'ila' laifnesya. Tołta'a ma cuya'e' aimalahue'eya lataiqui'. Tixoj'ma neta cuhuałna'ma Lataiqui'. Lan xanuc' ti'ila' quilsina' te ts'i'ic' loya'apa ihe lemiya jilpe Lataiqui'.

20 Iya' epaluc Jesucristo. Alummepa cuya'ala' ihe lataiqui'. Petsi aiquetenłcocola' ihe laifnuya'apa altats'ecopa. Tołiya alfi'ecompa atejma'. Cacia: Tołsahue'ele ŁanDios lapi'ila' laifnesya. Tołta'a aicaxinya calaic'ata. Ma to ts'ipic'a ŁanDios, tołta'a capalaıta'.

21 Cacia: Ti'ila' colısina' jouc'a te ts'i'ic' iya' laifnuyaicopa fa'a. Tołiya ti'hua'ma Tıquico. Iłque łacaipima, ac'a ti'ay lanic' lepi'ipa łalPoujna, tu'itolhuo' jahuay łal'ipa.

22 Cumme'ma tu'itsolhuo' te ts'i'ic' małmana'. Tixpai'itsolhuo' cunlata.

23 ŁanDios cal'Ailli', jouc'a łalPoujna Jesucristo tipac'e'etsola' liłpicuejma' lapimaye nomana' jilpiya. Titoc'itsola' ti'entsołtsi capic'a, ti'hua ti'huaiyijnle.

24 Ihe petsi aimipai'iyoltsi, ti'hua ti'eyi capic'a łalPoujna Jesucristo, ŁanDios tipaxnetsola', titoc'itsola' jahuay ihniya.

LIJE'E SAN PABLO LINIŁ'EPOLA' LAPIMAYE LEFOT'ŁEPOŁTSI LIŁYA' FILIPOS

¹ Illanc', iya' ninPablo y Timoteo, ał'eyi lipenic' łatPoujna Jesucristo. Itsiya linił'elhuo' imanc' unc'atpimaye nołmana' liłya' Filipos. Imanc' i'huexi Jesucristo. Ma' anuli linił'ela' lołpimaye noxpijpá lataiqui' jilpiya, jouc'a lapimaye notoc'impola'.

² ŁanDios cał'Ailli', y Jesucristo łatPoujna, tipaxnetsolhuo', tipac'e'etsolhuo' lołpicuejma'.

³ Ma ca'njuaitsilhuo' iya' ninPablo cax'najtsi'i ŁanDios.

⁴ Ma capalaic'o ŁanDios aicainimenc'ecolhuo'. Tixoqui neta ti'hua caxahue'e titoc'itsolhuo'.

⁵ Tixoqui neta ca'njuaitsilhuo' imanc'. Ma colihuejyi Lataiqui' loya'apa loxplic'epa ŁanDios tołejmaleyi al c'a. Tołta'a ipangopa lonł'epa małe litine lolapenufpa Lataiqui'. Itsiya ma' anuli tonł'eyi.

⁶ ŁanDios joupá ipangopa tilanc'e'elhuo' imanc' lołpicuejma', ti'ila' ac'a. Iya' ca'huaiyinge ilque. Cacia: Ma ti'hua tilanc'e'elhuo' lołpicuejma'. Ticuaiconanni Jesucristo, ilē al Cueca' Quitine, ti'huájta joupá i'ipa nulemma ac'a lołpicuejma'.

⁷ Aixina' alinca titoc'i'molhuo' tołta'a ŁanDios. Aicafel'miyoxi. Itine itine ca'njuaitsilhuo'. Tocomma almana' anuli. Tama alłats'iya ŁanDios alłoc'i, alłoc'i ma catalai'ejma Lataiqui', camuqui ma' al linca ilē Lataiqui'. Alłoc'inga' anuli, iya' imanc'.

⁸ ŁanDios ixina' te ts'i'ic' laipicuejma'. Ixina' ca'njuaitsilhuo' juaiconapa. Ma to Jesucristo ti'elhuo' capic'a, ma tołta'a iya' ca'elhuo' capic'a.

⁹ Ma capalaic'o ŁanDios caxahue'e titoc'itsolhuo', itine itine ti'etsołtsi capic'a xonca, ti'ila' xonca acueca' lołpicuejma', xonca tołcuc'ełe.

¹⁰ Tołta'a aimolapenufyacu jahuay ma' anuli. Ti'i'ma cołsina' petsi al c'a petsi a'ijc'a. Ja'ni tołta'a titoc'i'molhuo' ŁanDios a'i ma le'a monł'e'eyacołtsi, alinca tonł'e'me pangay al c'a. Aimi'iya mitac'uinyacolhuo' cajunac'. Tołta'a tixim'molhuo' litine ticuaicohananni Jesucristo.

¹¹ Jilpe litine tołmuj'mołtsi ac'a lołpicuejma' lilanc'enapa Jesucristo. Tołmuj'mołtsi juaiconapa ac'a lonł'epa mołmana' fa'a li'a lamats'. Tixinim'me juaiconapa ac'a ŁanDios, tix'najtsi'i'me.

¹² Cunc'aipimaye, aipic'a ti'ila' cołsina' te ts'i'ic' li'ipa fa'a. Ma catełma ipammaita al c'a. Xonca axpela' lan xanuc' icuejpa Lataiqui'.

13 Jifa'a jahuay lisoldado cal cuecaj quincuxepa, jouc'a locuenaye xanuc', ilsina' te caffi'ecompa iñe cadena catejma'. Ihsina' iya' cuya'e' litaiqui' Jesucristo.

14 Jouc'a lapimaye nomana' fa'a liña', iñe no'huaiyijmpá laPoujna, lašimpa iya' alfi'ecompa acadena catejma', xonca axpela' iñiya ipo'no'me liñpicuejma', tuya'ayi Lataiqui'. Aiquisina' caxpaiqui'.

15 Linca tiñmana' nalixtuc'opa tuya'ayi Lataiqui'. Iñiya mane a'e'e laic'. Iñpic'a lulijla'. Locuenaye a'i toña'a liñ'ejma'. Iñe tehueyi latenñcocopa. Iñpic'a ałtoc'ila'.

16 Iñe a'ay capic'a. Ihsina' ma ñanDios lapi'ipa laimane cuya'ala' Lataiqui'. Limetsaijma toña'a laipenic'.

17 Lalixtuc'opa ituca' iñe liñ'ejma'. Iñpic'a ti'e'etsoltsi to xonca lan tsila'. Iñe a'ij nuli liñpicuejma'. Aimi'eyi ma le'a lipenic' ñanDios. Ašimpa alfi'ecompa acadena catejma', tehueyi te co'iya mi'eyacu ti'ila' xonca acueca' laifteñcoya.

18 Itsiya, ¿te caifcuaya? Ja'ni ma le'a ti'e'eyoltsi o ja'ni ma ti'eyi lipenic' ñanDios, jahuay iñiya tipalaicoyi Cristo. Toñiya iya' tixoquei neta. Linca aicaxhueñmot'ñeconaya iya'.

19 Imanc' toñsahue'eyi ñanDios ałtoc'ila', toñiya itine itine caxin-gufi li'Espíritu Jesucristo, lapi'i caipujfxi. Toñiya aixina' ñanDios ałpaxne'ma, aluntu'e'ma. Tama ti'i'ma lañ'e'nya ailopa'a cañ'iya.

20 Ma capa'a fa'a li'a ñamats' aipic'a camuj'ma acujajmaica te ts'i'ic' lipicuejma' Cristo. Cacua: Lahuelojnla' iya' lai'ejma', timetsaicole naitsi iñque Cristo. Linca, toña'a li'ipa. Cacua: Ti'hua ti'ila'. Ca'huaiyinge ñanDios, aixina' ti'i'ma toña'a. Ja'ni ti'hua capajnla' o aña'aña', ma' anuli camuj'ma te ts'i'ic' Cristo lipicuejma'. Toña'a aicataiya calaic'ata.

21 Ma caimañ'i' fa'a li'a ñamats' ma le'a Cristo ałcuxe laipepa-jnya. Ja'ni aña'aña', xonca al c'a cuyaico'ma.

22 Linca, ja'ni ti'hua capa'a fa'a li'a ñamats' ca'e'ma al c'a xonca. Itsiya, ¿te caifcuaya?

23 Caxhueña, oque' laipicuejma'. Aipic'a ca'huanña', capaj-nata pe lopa'a Cristo. Jiñpe cuyaicota xonca al c'a.

24 Tama toña'a laipic'a, aixina' xonca ticuicomma capaj-nla' fa'a li'a ñamats'. Ma capa'a ti'i'ma catoc'i'molhuo' xonca imanc'.

25 Ne', aixina' toña'a ticuicomma. Toñiya cacua: Capanenni fa'a li'a ñamats'. Ti'hua añ'e'me canic' anuli. Toña'a xonca tixoj'ma cunlata molihuejyi Lataiqui', xonca toñcuc'e'me.

26 Juaiconapa tixoj'ma cunlata lapenufta cacuaicontsi pe loñmana' imanc'. Toñ'najtsi'i'me Jesucristo.

27 Ma capa'a fa'a ma le'a anuli lataiqui' caxc'ai'i'molhuo', camilhuo': Ti'ila' al c'a loñ'ejma'. Toñ'nujaisle tolihuejyi

Lataiqui', ihe itaiqui' Jesucristo. Tijoula', ja'ni cacuaicon-tsi cahuejnconatsolhuo' jilpe, o ja'ni ti'hua fa'a caifpa'a, ti'i'ma caixina' imanc' aicolpai'i lohpiceujma', cal Espiritu Santo i'epolhuo' anuli, ma' anuli lohpiceujma'. Ti'i'ma caixina' tipa'a lohpufxi, totpa'necoyi Lataiqui', ihe lataiqui' lo'huaiyijmpa.

28 Ja'ni totpa'a lonl'epa, ihe no'epolhuo' laic' aimi'iya mix-paic'eyacolhuo'. Ma mi'elhuo' laic' LanDios timuqui te ts'i'ic' lo'iyacola' ihe. Jouc'a timuc'ilhuo' imanc' te lo'iyacolhuo'. Hniya tecani'em'mola'. Imanc' tunlu'em'molhuo'.

29 Alinca LanDios ipaxnepolhuo'. Totpa'a a'i ma le'a to'lhuaiyijnyi Cristo, jouc'a totpetcoyi ma colihuequi itque. Totpa'a tolsinyi alinca tunlu'e'molhuo'.

30 Imanc' iya' atetcoyi. Capa'a jilpe alsimpa laiftepcopa. Itsiya tama aimalsina totpcuejyi ma ti'hua catepma.

2

1 Cristo joupa lapenufponga', tohiya alsca'ai'inga', alixpi'inga' calata ma'enga' capic'a. Cal Espiritu Santo a'eponga' anuli lahpiceujma', a'nujuaitsila' lahpimaye, alsinnila' acuanuc'la.

2 Itsiya camilhuo': Ja'ni totpa'a lohpiceujma', imanc' aimolix-tuc'o'moitsi, to'etsoitsi capic'a, ti'itsolhuo' anuli lohpiceujma'. Iya' tohiya lixoc'i'ma neta nulemma.

3 Aimolpic'e'me monl'e'me to lohpic'a. Aimolcua'me: "Alsintla' iya' xonca ninc'a xans". To'oc'e'moitsi. Xonca tolcua'me: "Iya' ninaiti, itque laipima xonca ac'a xans".

4 Tolahuele te co'iya moitoc'iyacoitsi. Aimolcua'me: "¿Te co'iya catoc'iyacoxi iya' caituca?"

5 Imanc' lohpiceujma' ti'ila' to lipiceujma' Jesucristo.

6 Ai'a tipango'ma li'a lamats', ma tipa'a Cristo. Itque i'Hua LanDios. LanDios qui'Ailli' ma' anuli lihsans. Itque Cristo aiquinesqui: "Iya' ma NanDios. Ma'pe capanehuo'."

7 Ai' totpa'a licuapa. Itque i'oc'e'moxi, ipai'i'moxi lixans. I'e'e'moxi imozo LanDios, i'onhico'moxi to illanc' ninc'ixanuc'.

8 Limuj'moxi axans, xonca i'oc'e'moxi. Ti'hua tihuejcojma LanDios jahuay locuxe'epa. Aiquicuanajyoxi. Icu'moxi tima'ante jilpe lancruz. Ihe a'i al c'a camaya, totpa'a loma'acompola' lixcay xanuc'.

9 Toliya LanDios if'ac'e'ma xonca al toncay. Epi'i'ma nulemma lipuftine. Acueca' ihe laftine. Xonca acueca' o xonca ac'a laftine ailopa'a.

10 Totpa'a lecu'i'ipa LanDios ticua: "Jahuay timetsaicole naiti itque Jesús. Ihe nomana' lema'a, ihe nomana' li'a lamats', ihe nomana' joupa lemimpola' lamats',

11 jahuay tinesle: Jesucristo alinca alPoujna." Ti'ila' totpa'a tixinim'me acueca' LanDios ca'Ailli', tixinim'me acueca' ac'a lo'epa.

12 Cristo atinca ihuejco'ma ŁanDios. Imanc', cunc'aipimaye, jouc'a tolihuejco'me. Ti'hua tolihuejco'me. Toliya ŁanDios tunlu'e'molhuo'. Tonl'etsoltsi cuenna, acueca' tołspaic'ele ŁanDios. Ti'ila' tołta'a ma małmana' anuli, jouc'a tama ailaifpa'a jilpe, tonl'ele ihiya.

13 Linca, imanc' coltuca' aimi'iya molihuejcoyacu ŁanDios. Małque ŁanDios tilanc'e lołpicuejma', timuc'i'molhuo' te ts'i'ic' latenłcocoaya, tepi'i'molhuo' lołpujfxi tonl'ele tołta'a.

14 Ja'ni ticuxe'entsolhuo', timitsolhuo': "Tonl'ele", tonl'ele nulemma tixojla' cunlata. Aimolixtulecu, aimolfuléco'me cataiqui'. Aimolłalai'ot'le'me. Aimolłcuame: "¿Te caif'ecoaya tołta'a?"

15 Ja'ni tolihuejle iłe laimipolhuo' ti'i'ma ma le'a ac'a lonl'ejma', aimi'iya micufquinyacolhuo'. Tołmuj'mołtsi imanc' inaxque' ŁanDios. Aimi'onłcoyacolhuo' loł'as xanuc', iłne a'ij lija lo'epa, etełquemma liłpicuejma'. Xonca ti'onłcotolhuo' to lan xamna. Mi'i'ma lipuqui' ihiya tulif'eyi pu'hua lema'a.

16 Tołta'a lo'onłcospolhuo' moluya'ayi, molu'iyaleyı Lataiqui'. Iłe Lataiqui' tuya'e' te ts'i'ic' mulijyacu liłpitine aimijouya. Ja'ni ti'ila' tołta'a loł'ejma', tixoj'ma neta capalaico'molhuo' al c'a iłe litine ticuaiconanni Cristo. Jilpe litine caxim'ma atinca ipammaita laipenic', laitełcopa.

17 Fa'a li'a łamats' ma ca'ay lipenic' ŁanDios tipa'a laiftsufcoya. Iłe laiftsufcoya imanc' nolapenufpá Lataiqui' lainuya'apa jilpe. Cami ŁanDios: "Toxinła', iłna'a oxanuc'".

Ja'ni ticuicomma catsufcoxoxi jouc'a, ja'ni ticuicomma alma'anła', ne', tołta'a ti'ila'. Ma mixcuajaiquemma laijuats' cax'najtsi'i'ma ŁanDios, ca'nujuaistolhuo' imanc' lolapenufpa Lataiqui'. Cami'molhuo': Ac'a iłe lonl'epa.

18 Imanc' jouc'a tołs'najtsi'i'me ŁanDios, ma' anuli als'najtsi'i'me.

19 Itsiya ma ca'huaiyinge łalPoujna Jesús, cacua: "Lapi'i'ma lane cumme'ma Timoteo". Aimicol'ma ti'huała' pe lołmana'. Iłque ticuainanni fa'a alu'i'ma te ts'i'ic' mołmana'. Tołta'a aicaxhuełmot'leconaya, tixpi'i'ma neta.

20 Jifa'a ailopa'a cocuena capima lo'onłcoya to Timoteo. Iłque linca ti'njuaitsilhuo'. Ipic'a tuluyalaite al c'a jahuay imanc'.

21 Locuenaye nomana' fa'a, ituca' iłne liłpicuejma'. Xonca ti'njuaisyołtsi iłne quiltuca'. Aimi'njuaisyi Jesucristo lipenic'.

22 Imanc' joupa olimetsaijma Timoteo. Iłque joupa imujpoxi te ts'i'ic' li'ejma'. Iya' ma to i'ailli', iłque to ai'hua, ałejmalepa. Al'epá canic' anuli, aluya'apá Lataiqui'.

23 Toliya cumme'ma Timoteo. Cacua: Ate'a ca'huaico'ma caxim'ma te ts'i'ic' laifnuyaicoya fa'a. Tijouła' ti'hua'ma iłque.

24 Tama camilhuo': "Aimicoŷa cumme'ma Timoteo", ca'huaiyinge ŁanDios lapi'i'ma lane iya' jouc'a ca'hua'ma jilpe pe lołmana'.

25 Itsiya cummena'ma Epafrodito, ti'huanŷa' jilpe. Il-lanc' ałınca ninc'apimaye. Ma' anuli ał'eyi lanic'. Illanc' ał'onłcosponga' to isoldado Cristo. Illanc' ałfuli'iyi lixcay. Iłque Epafrodito łolapaluc, olummepá fa'a ałtoc'ıta', lapi'ıta' lalahue'epa.

26 Iłque juaiconapa ti'nujuaitsilhuo'. Ipic'a tixintsolhuo'. Tixhuełmot'le. Ixina' joupa imimpolhuo': "Extafpa łolpima Epafrodito".

27 Linca extafpa. Coŷa' tima'ma. ŁanDios ixim'ma acuanuc', aikuimac'. A'i ma le'a iłque ixim'ma acuanuc' ŁanDios, jouc'a ał'nujuaitsi iya'. Ałsimpa catełma fa'a, toliya ałtoc'ipa. Ticua: "Aimixhuełmot'lecona'ma Pablo".

28 Epafrodito ticuaiti jilpe tołsinnatsołtsi imanc' tixojnata cunlata. Iya' jouc'a a'ij tine caxhuełmot'leconaya. Tołiya xonca aipic'a cummena'ma. Cacia: Aimicoł'ma. Ti'huanŷa'.

29 Camilhuo': Tolapenufnate ixojma cata. Iłque jouc'a olpima. Ma' anuli toł'huaiyijnyi łalPoujna Cristo. Tolimet-saicole. Jouc'a tolimetsaicotsola' jahuay ilne no'onłcospola' to Epafrodito.

30 Iłque coŷa' tima'ma. Aiquixina' acuanuc' lipitine, ałtoc'ipa. Imanc' lumme'epa caitomi. Imanc' aiqui'ic' cunłouya. Tołiya Epafrodito ticua: "Iya caituca' catoc'i'ma łaipima Pablo".

3

1 Cunc'aipimaye, itsiya ti'hua ticula'a'ma ille cołje'e. Camilhuo': Toł'nujuaisle łalPoujna li'epa. Tołta'a tolixoc'i'mołtsi cunlata. Ma caxc'ai'ilhuo' tołta'a iya' aicaixina' juisquitine. Imanc' ja'ni tolihuejle ille laitaiqui' aimimenajyacolhuo'.

2 Caxc'ai'ilhuo': Tołpo'note cuenna lixcay xanuc', ilne no'onłcospola' to lan xujc'a quinnejá. Ticuxe'enai'ilhuo' tolısuac'etsoltsi. Tu'ilhuo': "Toł'etsoltsi circuncidar, tołta'a tepenuf'molhuo' ŁanDios". Camiconam'olhuo': Tołpo'note cuenna ilniya.

3 Li'Espıritu ŁanDios ałmuc'inga' te ts'i'ic' malihuejyacu. Tixoquei calata ał'nujuaisyi li'epa Cristo. Aimał'nujuaisyi ja'ni latec'emponga' łalpixic' o a'i. ŁanDios joupa lapenufponga', ałsinninga' ixanuc'.

4 Iya' linca nipajnya canesla': "Joupa latec'empa laipixic'. Ał'empa circuncidar." Ilne pe nocuapá tołta'a ti'huaiyijnyi ille li'empola' jilpe liłpixic'. Ne', iya' nipajnya culij'mola'.

5 Iya' laipajntsi lixhuaiti apaico quitine ał'enghuo'ma circuncidar. Laitatahueló ixanuc' Israel. Benjamın i'hua Israel itatahuelo ilniya. Lai'aillı a'hebreo, tipalaiyi liłtaiqui' a'hebreo,

iya' jouc'a nin'hebreo. Ma to quilihuequi licuxepa Moisés iñe lan xanuc' fariseo, iya' jouc'a nihuejpa iñe lataiqui', jouc'a ninfariseo.

⁶ Iya' acueca' aijanaj'ma ca'eła' lipenic' ÑanDios, tohiya aiteł'mi'mola' lan xanuc' lefot'lepola' ÑanDios. Jahuay locuxepa litaiqui' Moisés ainhuequi, jiłpe ailopa'a caijunac'.

⁷ Tołta'a aiximpoxi ninc'a xans. Cacua: "Iya' canant'li. ÑanDios lapenufi." Lijoupa lainimetsaicopa Cristo aiximpa aimatoc'iya ni anuli laif'huaiyijmpa. Aixpic'epa nimenc'ecopa jahuay ihiya.

⁸ Ma' anuli itsiya, ti'hua quimenc'ejma, ti'hua caxina aimatoc'iya ni anuli ihiya. Aimi'iya mi'onlicoya to al cueca' al c'a la'ipa, lainimetsaicopa Cristo. Lainihuejpa iñque nejac'epa jahuay. Iya' cacua: Tejac'la' nulemma. Ihiya li'ipa lalatenłcocopa, itsiya caxina to cal cueca' quifuc. Ma le'a aipic'a ałejmale'me Cristo, iñque aiPoujna.

⁹ Cacua: "Ałsinła' ÑanDios joupa lapenufpa Cristo". Aicanesconaya: "Iya' ninc'a xans, canant'li locuxepa ÑanDios, tołta'a limetsaico'ma". A'i. Xonca cacua: Ałsinła' ÑanDios ca'huaiyinge Cristo, tołta'a limetsaico'ma, lapenuf'ma to ailopa'a caijunac'.

¹⁰ Cacua: Quimetsaicoła' xonca te ts'i'ic' Cristo lipicuejma'. Caxingufcoła' fa'a laicuerpo al cueca' li'ipa iñe litine limaf'i'ina pa ÑanDios, lipa'anapa pe lomana' limanapola'. Jouc'a caxingufcoła' te ts'i'ic' litelcopa Cristo. Ma catełma iya' cacua: Lai'ejma' ti'iła' to li'ejma' Cristo mima jiłpe lancruz.

¹¹ Cacua: Catełcoła'. Litine timaf'inñe, titsolinanca limanapola', lapi'inña' laipitine aimijouya.

¹² Linca, iñe laifpalaicopa aiquenanti. Aicaixingufi jahuay iłta'a. A'i quixhueya nulemma laipicuejma', lahue'e'. Mane ti'hua quipa'e laipujfxi. Cristo joupa ixpic'epa ti'iła' tołta'a laipicuejma'. Tołta'a lahuepa. Icuai'ma pe laifpa'a. Alulijpa. Iya' cacua: "Ne', ti'iła' iñe lixp'ic'epa Cristo".

¹³ Maicunc'aipimaye, iya' aicacua: "Joupa i'ipa". Ma le'a cahuay ti'iła'. Aica'nujuaitsi luyaipa li'ipa. Ma capa'a fa'a li'a lamats' ca'onlicoyoxi to cal xans nainupa lane. Iya' ma quinu ca'nujuaitsi lopa'a jiłpe lema'a. Ca'nujuaitsi la'iya tijouła' laininupa.

¹⁴ Quipa'e laipujfxi, cacua: "Cacula'ala'. Cajou'ne'ma laipenic', iñe lalapi'ipa ÑanDios Nopa'a lema'a." Litine lai'huaiyijmpa Jesucristo, ÑanDios ałjoc'ipa ca'eła' iñe lanic'. Cajou'neña', lapi'ita iñe laifnulijya.

¹⁵ Imanc' iya' ja'ni ÑanDios joupa lapi'iponga' laipicuejma', ja'ni joupa alcuec'epá, ałspic'ete ti'iła' tołta'a laipicuejma', la'ejma', to joupa laimipolhuo'. Imanc' petsi ituca'

lołpicuejma', ma ŁanDios timuc'i'molhuo' te ts'i'ic' al c'a lonl'eyacu, ma to lijoupa lainu'ipolhuo' jilpe laipalaicopoxi iya' lai'ejma'.

¹⁶ Ma le'a cacua: "Ja'ni joupa atcuc'eyi, ma tołta'a ał'ete".

¹⁷ Cunc'aipimaye, jahuay imanc' tołpic'ete nulemma lihuejla' iya'. Iya' quihuequi Cristo. Ołsina' lał'ejma' illanc', iya' y laif'as lin'epá canic'. Tolahuelojntsola' ihe no'epá tołta'a. Tolihuejtsola'.

¹⁸ Joupa axpe' ainu'ipolhuo' timana' petsi ituca' lił'ejma'. Itsiya capalaicocona'mola'. Ma ca'nujuaitsila' ihniya cajoqui. Ihe muyalaicoyi lapajnya aimi'nujuaisyi Cristo litełcopa jilpe lancruz. Tocomma ti'eyi laic' lencruz.

¹⁹ Ihe aimunłulyacu, tecani'mola' nulemma. Aimihuejcoyi ŁanDios, mane tihuejcoyi liłcu'u lojanajpa. Aquilłsina' calaic'ata ihe lił'ejma'. Xonca tixoqui quileta tuyalaicoyi tołta'a. Ma le'a ti'nujuaisyi lopa'a fa'a li'a łamats'.

²⁰ Illanc' ituca' lał'ejma'. Al'nujuaisyi lałpitya' lopa'a lema'a. Jilpe ti'huayohuo Nalunł'eyaconga', ilque Jesucristo. Al'huaicoyi ticuaiyunni.

²¹ Alłpai'i'monga' illanc' lałcuerpo. Małmana' fa'a li'a łamats' ałtełcoyi jouc'a lałcuerpo. Cristo, Nopa'a lema'a, ilque licuerpo i'ipa ituca'. Tołta'a timujyoxi acueca' icueya limane lepi'ipa ŁanDios. Ti'hua limane ticuxela' jahuay. Jahuay tixinguf'me ilta'a limane, tihuejco'me. Tołta'a ti'i'ma alłpai'i'monga', lałcuerpo ti'ila' to licuerpo ilque.

4

¹ Ma ca'nujuaitsi tołta'a lał'iyaconga', caxc'ai'iconalhuo'. Joupa aimipolhuo' te ts'i'ic' monlihuejyacu lałPoujna Jesucristo. Itsiya camilhuo': Tołpo'note lołpicuejma' ti'ila' tołta'a lonlihuejyacu. Ałınca ca'elhuo' capic'a, imanc' illanc' ninc'apimaye. Ca'nujuaitsilhuo' juaiconapa. Litine ticuaicoconanni lałPoujna ałmajnta anuli, łte xonca al c'a lalapi'iya ŁanDios? Ma' imanc' lixoc'i'ma neta.

² Cunc'aipimaye Evodia y Síntique, camilhuo': Imanc' unc'oquexi', ma' anuli lałPoujna. Itsiya caxa'huelhuo': Tonl'ete ma' anuli lołpicuejma'.

³ Jouc'a ima' macaipima, illanc' ałınca ninc'apimaye, ał'epá canic' anuli. Itsiya camilhuo': Totoc'itsola' ihe lałpimaye cacal'no'. Li'ipa capa'a jilpe lołpitya' ihe lacał'no' ma' anuli ał'eyi canic', luya'ayi Lataiqui'. Jouc'a lałpima Clemente y locue-naye lałejmalepá ał'epá canic' jilpe. Ihniya nałtoc'ipa liłpuftine inilingiya jilpiya al je'e. Ihe al je'e inilingiya liłpuftine petsi nolijyacu liłpitine aimijouya.

⁴ Toł'nujuaisle łafPoujna li'epa. Tołta'a tolixoc'i'mołtsi cunlata. Camiconalhuo': Tolixoc'itsołtsi cunlata.

⁵ Tołsintsola' acuanuc'la jahuay loł'as xanuc'. Tołta'a tix-inim'me ac'a lołpicuejma'. ŁafPoujna aimicołconaya, ticuaico-conno.

⁶ Aimołsuełmot'le'me ni anulemma. Ja'ni al c'a, ja'ni a'ijc'a lo'ipolhuo', tołsahue'ełe ŁanDios titoc'itsolhuo'. Tołpalaic'ole, tolu'ile lahue'epolhuo', tołs'najtsi'ile.

⁷ Ja'ni tołta'a loł'ejma' ma moł'huaiyijnyi Jesucristo, ŁanDios tipac'e'e'molhuo' lołpicuejma'. Aimołsuełmot'leconayacu. Tołta'a aimi'iya małpac'eyaconga' łapicuejma' illanc' całtuca'. ŁanDios linca nipajnya.

⁸ Cunc'aipimaye, ai'a ticala'a'ma cołje'e caxc'ai'icona'molhuo', cu'ilhuo' te ts'i'ic' moł'nujuaisyacu: Jiłpe lołpicuejma' toł'nujuaisle lataiqui' ja'ni al linca, ja'ni aimilosma, ja'ni lonescopa al hijca, ja'ni pangay c'a, a'ij xujc'a, ja'ni latenłcocoya, ja'ni lonesconyacu al c'a. Toł'nujuaisle lataiqui' pe lonescopa al c'a lonł'eyacu, jouc'a lataiqui' petsi tixoc'i'molhuo' cunlata. Tołmi'me ŁanDios: "Ałs'najtsi'ihuo' ile lataiqui'". Ma ilniya łataiqui' toł'nujuaitsa.

⁹ Tołta'a aimuc'ipolhuo' małmana' anuli jiłpe. Joupa ołsina' tołta'a lai'ejma'. Ma' anuli ołcuejpá laifnescopa, ałsimpa laif'epa. Imanc' jouc'a tolihuejle tołta'a. Ma tołiya tołmajm'me anuli ŁanDios. Iłque tipac'e'e'molhuo' lołpicuejma'.

¹⁰ Iya' tixoqui neta cax'najtsi'i łafPoujna. Cami: "Laipimaye nomana' liłya' Filipos joupa ałtoc'iconapa". Linca aixina' imanc' li'ipa aicalimenc'ecojma, ma le'a aiqui'ic' całtoc'i.

¹¹ Iya' lainespa: "Ałtoc'iconapa", aicanescoyoxi nincuanuc'. Iya' ja'ni ac'a capa'a o ja'ni a'ijc'a, tixoqui neta cuyaijma lapajnya. Joupa nepenufpa tołta'a laipicuejma'.

¹² Ja'ni latets'i, ja'ni limetsaicojma, tixoqui neta cuyaijma. Joupa ałmuc'impa tixojco'ma neta ma caxnet'łqui jahuay. Ja'ni tuyaf'la' łafteja, ja'ni cunle'ela', ja'ni acueca' ai'hueca, ja'ni aicai'hueca, lahue'e', ma' anuli tixojco'ma neta.

¹³ Ma cainihuequi Nalapenufpa, nipajnya ca'e'ma jahuay. Małque Cristo lapi'i caipujfxi.

¹⁴ Tama tołta'a canescoyoxi, jouc'a camilhuo': Joupa onł'epá al c'a. Iłe lalumme'epa ałmuc'ipa imanc' ał'nujuaitsi iya' laiftelcopa fa'a. Ałsingufcoyi anuli.

¹⁵ Ca'nujuaitsi te ts'i'ic' lonł'e'me li'i'ma, ilne łitiné lipan-gopa lolapenufpa Lataiqui'. Lainipayonni jiłpe lołpiłya' ma capa'a łamats' Macedonia, ca'hua'ma ocuena camats', ma le'a imanc' unc'aipimaye nołmana' jiłpe liłya' Filipos, alapi'ipa. Nepenuf'ma lalumme'epa imanc', ilē ałtoc'ipa. Locuenaye lapimaye nafolyomma łilelołya' aicaltoc'i. Tołta'a ołsina'.

16 Aicuaitsi liya' Tesalónica, ma capa'a jipe, imanc' alumme'epa lahtoc'iya. Tohta'a lonť'epa oquemma, a'i ma le'a anulemma.

17 Linca, ihe laipalaicopolhuo' imanc' lahtoc'ipa aica'nujuaisyoxi iya' caituca'. Ca'nujuaitsilhuo' imanc'. Cacia: Ti'hua tuyaf'la' lo'epa al c'a ihe laipimaye. LanDios tixinnola' i'ipa pangay c'a lipicuejma'.

18 Joupa nepenufpa lalumme'epa imanc'. Epafrodito lapi'ipa. Itsiya aicalahue'e'. Ailopa'a caifx-ahue'econyacolhuo'. Aixina' xonca axpe' lai'hueca. Ihe lonť'epa etenłcocopa LanDios. Toco'ma joupa olťsufcopá al c'a.

19 Linca, imanc' jouc'a aimehue'eyacolhuo'. LanDios tepi'i'molhuo' jahuay. Iłque aimehue'e', ixhueya. Imanc' jouc'a ti'hua tixhuai'ni'molhuo', ti'onłcocolhuo' to Jesucristo.

20 Ałs'najtsi'ite LanDios, iłque al'Ailli'. Ni Locuena Quitine aimijouya illanc' lałs'najtsi'ipa. Ti'hua limetsaico'me acueca' iłque, acueca' ac'a lo'epa. Amén. Tohta'a ti'ila'.

21 Tołmontsola' anuli anuli lałpimaye nomana' jipe. Ihe i'huexi LanDios. Ma' anuli al'huaiyijnyi Jesucristo. Tołmitsola': "Pablo tinonilhuo'".

Lapimaye nomana' fa'a pe laifpa'a tinonilhuo'.

22 Jouc'a tinonilhuo' jahuay lapimaye nomana' fa'a liya' Roma, ihe i'huexi LanDios. Xonca ti'nujuaitsilhuo', tinonilhuo' lapimaye nomana' lejut'ł cal cuecaj quincuxepa César.

23 Jipe łolunxajma' tołsingufle lotoc'ipolhuo' lałPoujna Jesucristo.

LIJE'E SAN PABLO LINIŁ'EPOLA' LAPIMAYE LEFOT'ŁEPOŁTSI LIŁYA' COLOSAS

1-2 Iya' ninPablo, nin'apóstol, alummepa Jesucristo. Tołta'a ixcpic'epa ŁanDios. Illanc', iya' y łapıma Timoteo, alinił'elhuo' imanc' i'huexi Cristo nołmana' liłya' Colosas. Imanc' ałınca unc'apımaye.

ŁanDios cał'Ailli' tipaxnetsolhuo', titoc'itsolhuo', tipac'e'etsolhuo' lołpicuejma'.

3 Ałs'najtsi'iyi ŁanDios, iłque i'Ailli' łapıoujna Jesucristo. Małpalaic'oyi ma' ał'nujuaitsilhuo' imanc'.

4 Tołta'a łapıanc'mecopa lałs'najtsi'ıpa ŁanDios iłe litine lałcuejpá imanc' toł'huaiyijnyi Jesucristo, jouc'a ałcuejpá ton'ela' capic'a jahuay lapımaye, iłne jouc'a i'huexi ŁanDios.

5 Anuli toł'huaicoyi tepi'intsolhuo' iłe al c'a li'hueca ŁanDios jıłpe lema'a. Tołıya toł'eyołtsi capic'a. Imanc' joupa ołsina' tipa'a iłe al c'a lapi'ınyacolhuo'. Illanc' lu'ıpolhuo' mołquım'eyi al Linca Cataıqui', iłe Lataıqui' loya'apa al c'a lixcpic'epa ŁanDios.

6 İe Lataıqui' icuaita pe lołmana'. Ma' itsiya tipa'a jıłpe. Aı ma le'a pe lołmana' imanc', icuaita jouc'a ni petsi li'a łamats'. Ni petsi loya'ampa Lataıqui' ipammaita. Ti'hua tıxpe'ela' lan xanuc' naihuejcopá. Al te'a quitine lołquım'epa Lataıqui' tołta'a li'ıpa, ti'hua ti'ı. Joupa i'ıpa cołsina' te ts'i'ic' loya'apa al Linca Cataıqui'. İe Lataıqui' inescopa ŁanDios te ts'i'ic' mitoc'ıłhuo', mıpaxnelhuo' imanc' noł'huaiyijmpá.

7 Tołta'a limuc'ıpolhuo' łapıma Epafras. İque, illanc' ał'eyi lanic' lalapi'imponga'. Ał'huaiyijnyi Epafras. Litine litsehuo'ma jıłpe illanc' lummepá. Ma' anuli lanic' lo'epa, iłe lalapi'ıponga' Cristo.

8 Małque Epafras lu'ıponga': "Lapımaye nomana' liłya' Colosas, ałınca epenufpá cal Espıritu Santo. Ti'eyi capic'a."

9 Lałcuejpá tołta'a ałpango'me ałsahue'e'me ŁanDios titoc'itsolhuo' xonca. Aıcałsojtonga'. Ti'hua ałsahue'eyi ŁanDios ti'ıła' acueca' lołpicuejma', ton'ıle ma latenłcocoya cal Espıritu Santo. Tołta'a ti'ıma cołsina' te ts'ıpic'a ŁanDios. Aımołnesyacu: "İe laıf'epa, ¿ja'ni ac'a o a'ıjc'a?" Aımi'ıma oque' lołpicuejma'.

10 Loł'ejma' ti'onłcota to li'ejma' łapıoujna mıpa'a fa'a li'a łamats'. Tołta'a tołuyalaıco'me. Ton'ıme ma le'a latenłcocoya ŁanDios. Tołmuj'mołtsi imanc' ixanuc' ŁanDios. Ton'ıme al c'a. Imanc' joupa ołsina' te ts'i'ic' lipicuejma' ŁanDios, ti'hua tonlimetsaicoyi. Ti'hua ti'ıma xonca acueca' iłe lołsina'.

11 Mont'eyi al c'a, LanDios titoc'i'molhuo', tepi'i'molhuo' colpujfxi. Itque cal Cueca' CanDios juaiconapa acueca' lo'epa. Ti'e'e'molhuo' acueca' lolunxajma'. Tofta'a tofsnet'He lo'iyacolhuo'. Aimolixtuleyacu, tixoj'ma cunlata tofsnet't'me.

12 Tofs'najtsi'i'me LanDios, itque i'Ailli' laPoujna Jesucristo. Joupa aHanc'eponga' laPicuejma'. Tofta'a anuli jahuay lapi-maye, ilne i'huexi LanDios, altsuflaita jilpe petsi lopa'a pangay epalc'o'. Alapi'itonga' cal c'a la'huexi.

13 Li'ipa, ma luyalaicoyi to i'niya pe amuf liPicuejma', aiquepalc'o'innila'. Ma' anuli laPincuxepa. Itsiya ituca' aluyalaicoyi. LanDios lunlu'eponga'. Ocuena alCuxenga'. AlCuxenga' hi'Hua LanDios, itque tetentcocopa, ti'ay capic'a.

14 MaItque hi'Hua LanDios al'najcufponga' laJjunac'. Tohya LanDios alimenc'e'ecoponga' la'epa lixcay.

15 LanDios, itque i'Ailli' Jesucristo, aiqui'huáqui. Aimi'iya mix-ininyacu. Li'hua timuqui te ts'i'ic' qui'Ailli'. Ai'a tilanc'e'ma LanDios lema'a, li'a lamats', lan xanuc', ma tipa'a hi'Hua. Tohya ecui'ipa Cal Te'a.

16 Jahuay lixpicepa LanDios tilajnla', hi'Hua ilanc'epa, jahuay lopa'a lema'a, jahuay lopa'a li'a lamats', ja'ni i'huáqui o aiqui'huáqui. Ilne petsi aiqui'huáquila', ja'ni lo'epa to lan rey, o lan tsila' capoujnalá, o lan tsila' quincuxepá, o ti'hua liHmane, ticuxeyi, jahuay i'niya petsi aiqui'huáquila' jouc'a petsi li'huáquila', hilanc'epola' hi'Hua LanDios. MaItque i'Poujna jahuay.

17 Ai'a tilajm'ma jahuay i'na'a itque tipa'a. Ti'hua limane aimeteItqueya lema'a ni li'a lamats' ni lopa'a jilpiya.

18 Itque copa'a aljuac, illanc', nalafot'leponga' LanDios, icuerpo. Itque itsahuenamma, ipanamma pe lomana' limanapola', aimimaconaya. Copa'a Cal Te'a hi'ipa tofta'a. Illanc' licuerpo ma' anuli la'iyaconga', lapi'iponga' laPitine aimijouya. Linca ailopa'a co'onItcospa. Itque xonca cal Cueca', jahuay tuliqi.

19 Ixhueya lipicuejma'. Tofta'a LanDios etentcocopa. Ma' anuli liPicuejma'.

20 Li'ipa, LanDios icuaj'ma lilanc'epa. Tofta'a tocomma tifuli'iyot'si, aimimana' anuli. Ixpicepa tipac'ela' lafuleya tohya ummecopa hi'Hua timayotsi lancruz, tixcuajait'si lijuats'. Tofta'a ixanupa lataiqui', joupa i'ijmpa. Ticuaihuo litine jahuay tetentcoco'ma LanDios. Ja'ni lema'a ja'ni li'a lamats', ma' anuli tetentcoco'ma LanDios.

21 Li'ipa, jouc'a imanc' aimontejmaleyi LanDios. Jilpe loPicuejma' on't'epaj laic' LanDios. AicoItcueca, on't'epá quixcay.

22 Itsiya a'i. Ton'tejmaleyi LanDios. Tofta'a loPicuejma' lepi'ipolhuo' imanc' pe no'huaiyijmpá Jesucristo, itque lima'ampa itelcopa jouc'a licuerpo, jilpe lipixic', lipeca.

ŁanDios ixpic'epa tixinintsolhuo' ma le'a i'huexi itque. Ixpice'epa tixinintsolhuo' joupá i'ipolhuo' pangay c'a lołpicuejma'. Tołta'a aimitac'uinyacolhuo' cajunac', ailopa'a. ŁanDios tepenuftolhuo' jilpe pe lopa'a.

²³ Tołta'a lo'iyacolhuo' ja'ni ti'hua tonl'e'me linca Lataiqui', ile loya'apa lixpice'epa ŁanDios. Ticuicomma tołfale lołpicuejma'. Tołspice'ete tolihuejle. Toł'huaicołe ile al c'a lapi'iyacolhuo' ŁanDios. Lataiqui' lołcuejpa imanc' tinescojma małiya al c'a. Ile Lataiqui' lołcuejpa joupá uya'ampa ni petsi li'a łamats'. Jouc'a iya' ninPablo cuya'e'. Tołta'a laipenic' lainepenufpa.

²⁴ Itsiya tixoqui neta catełma. Ca'nujuaitsilhuo' imanc'. Cacia: İta'a laiftełcopa titoc'itsola' laipimaye xonca ti'huaiyijnle Cristo.

İllanc' nalafot'leponga' ŁanDios icuerpo Cristo. Małtełcoyi jouc'a titełma Cristo. Ma tehue'e' ile latełcoya. Małtełcoyi panca panca ałsuai'niyi ile latełcoya. Tołta'a laif'epa itsiya ma caxingufcojma catełma jifa'a laicuerpo.

²⁵ İya' catoc'ila' lapimaye lefot'lepolá ŁanDios. Tołta'a lixpice'epa itque ŁanDios. Ma' itque lapi'ipa laipenic' cuya'ala' Lataiqui' pe lołmana' imanc' a'i cunc'ijudío. Lummepa cu'itsolhuo' jahuay loya'apa litaiqui' ŁanDios.

²⁶ Cuhualque lipime cataiqui' loya'apa. İle li'ipa luyaipa axpe' camats' emiya lataiqui'. Lan xanuc' muyalaicoyi liłpepajnya aquilsina' lemiya cataiqui'. Itsiya ilsina'. ŁanDios timuc'ila' lixanuc', ilne i'huexi.

²⁷ ŁanDios joupá ixpic'epa ti'ila' quilsina' acueca' juaiconapa ac'a loya'apa, lo'eya, ile lataiqui' li'ipa lemiya. İle Lataiqui' tinescolhuo' imanc' a'i cunc'ijudío. Imanc' li'ipa aicolimetsajma ŁanDios. Itsiya Cristo tipa'a pe lołmana'. İtque epi'ipolhuo' lołpicuejma'. Tołiya toł'huaicoyi tepenuftsolhuo' ŁanDios, tilait-sufcotolhuo'.

²⁸ Maluya'ayi Lataiqui' ałpalaicoyi Cristo. Jahuay lan xanuc' lu'ila' te ts'i'ic' mi'eyacu ja'ni tetentłcocolá ŁanDios lo'epa. ŁanDios ałłanc'e'eponga' lałpicuejma', tołta'a luhualqueyi Lataiqui', ałmuc'ila'. Tijoula' ałmita ŁanDios: "Toxintsola' ilna'a lałpimaye, ilna'a lepenufpola' Cristo. Joupá i'ipa ixhueya liłpicuejma'. Ailopa'a mehue'ela'."

²⁹ Tołiya ca'ay canic' juaiconapa. Joupá aipo'nopa laipicuejma', cacia: Tama catełma catoc'i'mola' laipimaye.

Cristo acueca' ałtoc'i. Lapi'i caipujfxi. Caxingufi acueca' lo'epa itque.

2

¹ İya' cacia: Ti'ila' colšina' iya' acueca' ca'nujuaitsilhuo' imanc'. Ma' anuli ca'nujuaitsila' lapimaye nomana' liłya' Laodicea, jouc'a jahuay locuenaye lapimaye petsi

aicalimetsaijma. Acueca' quihuejnyoxi, caxahue'e LanDios titoc'itsolhuo'.

² Caxa'hue: Tixpi'itsolhuo' cunlata. Tonl'etsoltsi capic'a. Tołta'a ti'i'ma ma' anuli lołpicuejma'. Aimol'sinyacołtsi to ilne lan cuanuc'la pe ailopa'a quił'huexi. Tołsim'moltsi to ilne acueca' ts'il'huca. Tołcuc'ec'e'me litaiqui' LanDios. Tolapejna'me nulemma lipime cataiqui' li'ipa emipa LanDios.

³ Jiłpe ilte lipime cataiqui' al'sinna'me jahuay al c'a juaiconapa. Al'sinna'me to jipu'hua acueca' lipitali. Ja'ni lahueyi ti'ila' xonca acueca' ac'a lałpicuejma', o lahueyi ti'ila' xonca cal'sina', jiłpe lataiqui' al'sinna'me jahuay ilna'a. Tocomma emiya. Lan xanuc' aimicuec'eyi.

⁴ Laifcuapa tołta'a caxhuełcocolhuo' imanc'. Cacua: Aga tifel'mi'molhuo' ilne petsi tocomma to ac'a lopalaipa, ilne il'sina' te ts'i'ic' mifel'miyaleyacu.

⁵ Linca tama aicapa'a jiłpe, tocomma al'mana' nuli. Tocomma cahuelongilhuo'. Tixoqui neta caxinnilhuo' tolihuejcoyołtsi. Tołmuji alinca toł'huaijinyi Jesucristo.

⁶ Joupá imuc'impolhuo' naitsi ilque Jesucristo łalPoujna. Tołta'a olapenufpá. Itsiya camilhuo': Ma' anuli ti'hua tolihuejco'me.

⁷ Imanc' lołpicuejma' joupá ifacaipa Cristo. Itsiya ti'hua toł'nujuaisle ilque. Tołta'a ti'hua tołfa'e'moltsi lołpicuejma'. Xonca tolimetsaico'me ma' alinca lataiqui' limuc'impolhuo', małe lataiqui' lolapenufpa. Aimixojyacolhuo'. Juaiconapa ti'hua tołs'najtsi'i'me LanDios.

⁸ Camilhuo': Tołpo'nołe cuenna. Ja'ni a'i aga tileco'molhuo' ocuenaj comxi. Tifel'mim'molhuo'. Ilne no'epá tołta'a tipalaiyi tocomma atsila' cataiqui', ma le'a tipa'ayi quiłtuca' liłpicuejma'. Tipalaicoyi liłtaiqui' lan xanuc'. Ilpic'a tolihuejle lił'ejma' lan xanuc' nomana' fa'a li'a łamats'. Ilte a'i litaiqui' Cristo.

⁹ Cacua: Cristo aimehue'e'. Ma' anDios i'epoxi xans. LanDios y Cristo ma' anuli liłpicuejma', ixhueya.

¹⁰ Imanc' joupá epenufpolhuo' Cristo, jouc'a aimehue'elhuo'. Ilne locuenaye lomxiye, łte xonca capi'iyacolhuo'? Ailopa'a capi'iyacolhuo'. Lan tsila' capaluc' quema'a tama acueca' icueya liłmane, acueca ticuxeyi, Cristo tuliquila' jahuay. Ticuxela' ilniya.

¹¹ Aimicuicomma mi'enyacolhuo' circuncidar. Cristo joupá epenufpolhuo', tołta'a tocomma joupá i'empolhuo' circuncidar. LanDios tepenuftolhuo'. Linca ailopa'a quetec'elhuo' lan xanuc' lołpoxic'. Imanc' ituca' li'ipolhuo'. Joupá olpo'nopá lołpicuejma', olatec'opá loł'epa a'ijc'a, tołcuanajołtsi loxahue'epolhuo' lołcuerpo, aimolihuejcoyi ilta'a. Jahuay petsi lepenufpola' Cristo, ma' anuli li'ipola'.

12 Lijoupa limapa Cristo emimpa. Imanc' lepo'impolhuo' tocomma emimpolhuo' jouc'a. Lijoupa lemimpa Cristo ipanamma pe lomana' limanapola'. Imanc' lolipalumma laja' tocomma olipalumma jouc'a pe lomana' limanapola'. Imanc' ol'huaiyijmpá ÆanDios, tołcuayi: “Joupa imaf'i'inapa Cristo, ipa'anapa pe lomana' limanapola'”; tołta'a jouc'a olmaf'i', tipa'a al ts'e lołpitine.

13 Li'ipa, imanc' ti'onłcospolhuo' to limanapola'. Joupa ejac'epolhuo' ile lonł'epa lixcay. Iñiya litiné ti'onłcospolhuo' to lan xanuc' pe ailopa'a quikseña. ÆanDios aiqumetsaicolhuo' ix-anuc'. Mołmana' tołta'a ÆanDios imaf'i'inalpolhuo' anuli Cristo. Æinca imanc' y illanc' limenc'e'ecoponga' jahuay lał'epa a'ijc'a.

14 Aicalihuequi locuxepa ÆanDios, ile lataiqui' linihijmpa. Tołiya ile lataiqui' alcuxeconga', alacani'enga'. Itsiya aimalcuxecoconayacongá'. ÆanDios joupa ilonc'epa, epałts'ingimpa jilpe lancruz.

15 Tołta'a acuajmaica imuj'ma xonca acueca' Cristo. Iłque ticuxela' lan tsila' lapaluc' quema'a, ilne no'huapa acueca' liłmane. Li'ipa, iñiya lapaluc' imuc'i'me te ts'i'ic' ÆanDios. Itsiya a'i, tihuejcoyi Cristo.

16 Tołiya aimołsuełmot'le'me iñiya nocuapá: “Aimote'ma ilta'a, aimoxna'ma iñiya”. Ni aimołsuełmot'le'me ilne locuxe'epolhuo'. Ilne ticuxe'elhuo' tonł'ele cuenna litiné, ti'ila' ajuic, ti'ila' cal ts'e mut'la o ti'ila' itine conxajya.

17 Jahuay iłna'a ti'onłcospa to lipunxahua cal xans. A'ij cuajmaica mimuqui te ts'i'ic' ile al c'a lapi'iyacola' ÆanDios lixanuc'. Itsiya joupa al muc'imponga' te ts'i'ic'. Ma' ilque Cristo cal C'a. Iłque a'i cunxahua.

18 Aimolihuejco'mola' pe no'e'epołtsi to ninaitsi xanuc', ilne ti'oc'eyołtsi juaiconapa. Ilne naxc'onłngolai'pá lapaluc' quema'a. Ja'ni tolihuejle, imanc' aimolulijyacu al c'a, ile lapi'iyacola' lixanuc' ÆanDios. Ma tołta'a ilpic'a iñiya. Ilne tihuejyi loximpa to al paiyo. Tixinyołtsi acueca' liłpicuejma', timuc'iyołtsi quilituca'. Lataiqui' lomuc'iyalepa aiqumuc'ila' cal Espiritu Santo.

19 Ilne joupa enajpołtsi Cristo, ilque aljuac, illanc' icuerpo.

Al cuerpo tama tipa'a limef'la licoyuntura tejonłinala' anuli, ticuicomma lijuac. Ja'ni a'i ailopa'a co'eya. Tołe illanc' licuerpo Cristo, ilque aljuac altes'minga' illanc' icuerpo. Licuerpo ti'hua titoqui, ma to ÆanDios tixpic'e titojla'.

20 Imanc' ja'ni joupa imapolhuo' anuli Cristo, ja'ni tipa'a ituca' lołpitine, ¿te qui'icopa loł'ejma' to lił'ejma' locuenaye xanuc' nomana' fa'a li'a lamats'? ¿Te coluyalaicopa tołta'a? Imanc' tocomma ailopa'a ile lołpitine. ¿Te colihuejcocopola' ilne locuxe'epolhuo'?

21 Tixc'ai'ilhuo': "¡Aimoł'noł'me ita'a! ¡Aimołte'me itque! ¡Aimoliłoc'olai'me moł—laf'me jilcu'hua!"

22 Ina'a lonescopa aimicołya. Ti'hua tijaf'quinghua. Locuaicoya quitine ailopa'a. Ina'a łataiquí lan xanuc' tipa'ayi quilituca' liłpicuejma'. Ai tołta'a locuxe'epolhuo' LanDios.

23 Liłtaiquí tocomma juaiconapa mixingufyi. Naihuejcopá ina'a łataiquí ine quilituca' tixpic'eyi texc'onlingolai'me juaiconapa, acueca' ti'oc'eyołtsi, acueca' titeł'miyołtsi liłcuerpo. Tołta'a aimi'eyi lipic'a LanDios. Itque ipic'a ał'e'mołtsi cuenna lałcuerpo, ałcuxe'mołtsi al c'a. Ja'ni tolihuej'me ita'a ituca' cataiqui' ma le'a tonł'e'me lipic'a lołcuerpo, ite ticuxe'molhuo' lonł'eyacu.

3

1 Imanc', ja'ni LanDios joupa imaf'i'inalpolhuo' anuli Cristo tolahuełe lapi'inyacolhuo', ite lopa'a lema'a. Jiłpe tipa'a Cristo ticutsuya al c'a camane LanDios.

2 Toł'nujuaisle lopa'a lema'a, a'i lopa'a fa'a li'a łamats'.

3 Imanc' mołmana' a'i to li'ipa. Joupa imapolhuo', i'ipa ats'e lołpitine. Jiłpe pe lopa'a LanDios tipa'a Cristo imaf'i'. Ma to itque lipitine, tołta'a lołpitine. Linca itsiya aicołsina' nulemma te ts'i'ic' ite lołpitine. Tocomma emiya.

4 Małque Cristo ałpitine. Litine timujxoxi Cristo, imanc' jouc'a jahuay lixanuc' tołmuj'mołtsi. Jiłpe litine atinca tixinim'me acuajmaica te ts'i'ic' ite lałpitine. Ałsim'monga' joupa i'epa pangay c'a lałpicuejma'. Ał'onłcotonga' to Cristo.

5 Tołiya, ma mołmana' fa'a li'a łamats' toł'e'mołtsi cuenna. Ihiya lołcuerpo tołcuxełe. Tihuejcotsolhuo' lołmane', loł'mitsi', jahuay ite lołcuerpo. Camilhuo': Aimolahue'mola' cacal'no', aimoł'e'me al xujc'a, aimolahuelojm'mola' lacał'no' mołsuico'mola', aimołjanaj'me lixcay, aimoł'e'mołtsi to itniya petsi aimicuayacu: "Joupa tipa'a". Ine ma ti'hua tehueyi xonca. Ja'ni tołta'a loł'ejma' LanDios ti'onłicolhuo' to itniya naihuejpa locuenaye candiosla'.

6 Petsi tołta'a lił'ejma' LanDios tixtuc'ola', titeł'mila'.

7 Li'ipa ailopa'a al ts'e lołpitine, imanc' tonł'eyi tołna'a. Tołta'a tonluyalaicoyi lapajnya.

8 Itsiya tołpo'nołe lołpicuejma', aimonł'econa'me to li'ipa, aimolixtutsai'me, aimolixtule'me, aimolahue'me monł'e'mola' quixcay loł'as xanuc', aimołnesco'mola' a'ijc'a, aimołnesc'e'e'mola' cataiqui', aimi'i'ma tołta'a lołnesyacu.

9 Aimołfel'mi'mołtsi. Imanc' aimi'iya moł'onłicoyacołtsi to li'ipa. Joupa ołpo'nopá lafane cołpicuejma'. Ołpo'nopá li'ejma' itiya.

10 Jounpa ol̄spic'epá tolihuejle al ts'e lołpicuejma'. Ihiya lołpicuejma' ti'hua tilajmna'ma. Tijoula' ti'onłcota to lipicuejma' LanDios. Iłque Nolanc'enapa al ts'e lołpicuejma'. Tołta'a ihiya lałpicuejma' aimehue'eya. LanDios lipicuejma' aimehue'e'. Tołta'a ti'i'ma illanc' lałpicuejma' aimalahue'eyaconga'.

11 Ine petsi tipa'a al ts'e liłpicuejma', aiminesyacu: "Iya' ninjudío, iłque a'i. Iłque agriego, ninaitsi xans." Aiminesyacu: "Iya' jounpa al'empa circuncidar, iłque a'i. Iłque LanDios aimepenufya." Aiminesyacu: "Iłque aiqumuxejma"; o "Iłque xonca atonno"; o "Iłque amozo, i'huexi lipoujna"; o "Iłque ailopa'a quipoujna, quituca' ticuxeyoxi". Ine petsi al ts'e liłpicuejma' tixim'mołtsi ma' anuli. Xonca ti'nujuaisyi Cristo, iłque łepenufpola' jahuay ihiya ja'ni ti'huaiyijnyi.

12 Imanc' jounpa i'huif'epolhuo' LanDios. Imanc' i'huexi iłque, ti'elhuo' capic'a. Tołiya tołsintsola' to acuanuc'la lołpimaye, tołpalaic'otsola' al c'a, aimoł'e'e'mołtsi tsila', aimoł'nof'e'e'mołtsi. Tołsnet'He lo'epolhuo'.

13 Aimolixtuc'o'mołtsi. Ja'ni a'ijc'a li'epolhuo', tolimenc'e'eco'mołtsi. LałPoujna jounpa imenc'e'ecopolhuo' lon'epa, ma' anuli tolimenc'e'eco'mołtsi.

14 Mont'eyi jahuay tołna'a jouc'a tonł'etsoltsi capic'a ma to mi'eyi lapimaye. Tołta'a lonł'epa al c'a tetenłcoco'ma LanDios. Ja'ni aimoł'eyacołtsi capic'a tixim'molhuo' to tehue'elhuo'.

15 LanDios ijoc'icopolhuo' tipac'e'etsolhuo' lołpicuejma' Cristo. Camilhuo': Tołmajncote tołta'a. Małta'a lipic'a LanDios. Ijoc'ipolhuo' ti'itsolhuo' to anuli cal xans. Ti'onłcotsolhuo' to anuli al cuerpo. Jouc'a tołs'najtsi'ife LanDios.

16 Anuli anuli toł'nujuaisle litaiqui' Jesucristo. Tolihuejle jahuay. Tołta'a tepi'im'molhuo' lołpicuejma' tołmuc'i'mołtsi. Tołsc'ai'itsołtsi ti'ila' ac'a lonł'eyacu. Tołpalaic'ocotsoltsi lan salmo, lan himno, lan alabanza. Imanc' tolapenufyi lo-toc'ipolhuo' Cristo. Tołiya jilpe łolunxajma' tolunac'co'me LanDios.

17 Ja'ni tołpalaiyi, ja'ni tonł'eyi canic', jahuay lonł'epa, ma mont'eyi toł'nujuaisle lałPoujna Jesús lipuftine. Tołs'najtsi'ife LanDios cał'Ailli'. Iłque tepenufta lołs'najtsi'ipa, toł'huaiyijnyi Jesús.

18 Imanc' unc'apenoye, tolihuejcsotsola' lołpe'aillí. Tołta'a ticuicomma lonł'eyacu imanc' noł'huaiyijmpá lałPoujna.

19 Imanc' unc'ape'aillí, tonł'etsola' capic'a lołpenoye. Aimołcuxenai'mola'.

20 Imanc' unc'a'uhuyay, tolihuejcsotsola' loł'aillí. Tonł'ele jahuay loxc'ai'ipolhuo'. Tołta'a tetenłma, imanc' noł'huaiyijmpá lałPoujna.

21 Imanc' unc'a'aillí, aimołsc'ai'ot'ki'mola' juaiconapa lołnaxque'. Ja'ni tołsc'ai'ot'łitsola' aimixnet'lyacu. Titafquecola'.

22 Imanc' unc'imozó tolihuejcsotsola' jahuay loxc'ai'ipolhuo' lołpoujnalá nomana' fa'a li'a lamats'. Aimoł'onlico'mołtsi to lan xanuc' petsi oque' liłpicuejma'. Ine ti'e'me canic' ma le'a mehuelongila' liłpoujna. Tijouła' aimi'econayi. Tołspaic'ete ŁanDios. Tołta'a aimołfel'miyacola' lołpoujnalá.

23 Jahuay lonł'eyacu tixoj'ma cunlata tonł'ete. Toł'nujuaitsa ma molihuejcola' lołpoujnalá, ine axanuc', xonca tolihuejcoyi lałPoujna.

24 Imanc' joupa ołsina' ti'najtsetolhuo' lałPoujna. Iłque tepi'itolhuo' al liłca, tepi'itolhuo' coł'huexi. Imanc', ma Cristo ołPoujna, tolihuejcole iłque.

25 Toł'nujuaitsa: Ine pe no'epá a'ij liłca jouc'a tipa'a lapi'inyacola'. Ma to li'epa ma tołta'a tepi'innola' quiljunac'. ŁanDios tixinnila' ma' anuli jahuay. Ine lapoujnalá, ja'ni a'ijc'a lo'epa, jouc'a tepi'innola' quiljunac'.

4

1 Imanc' unc'apoujnalá aimolatets'i'mola' lołmozó. Toł'etsołtsi liłca loł'ejma'. Tołmułtsołtsi al c'a lołpicuejma'. Joupa ołsina', a'i ma le'a iniya jouc'a imanc', tipa'a lałPoujna liłpe lema'a.

2 Jahuay imanc' ti'hua tołpalaic'ole ŁanDios, aimixojtolhuo'. Ti'hua tołs'najtsi'ile ŁanDios.

3 Ma mołpalaic'oyi ŁanDios tołsahue'e'me ałtoc'itsonga' illanc'. Lapi'itsonga' lane luya'ałe Lataiqui' ile lopalaicopa Cristo. Linca luyaipa quitine li'ipa emiya, itsiya a'i. Małe lataiqui' caifnuya'apa iya'. Tołiya ał'nolimpa, ałtats'iya fa'a.

4 Ja'ni ŁanDios lapi'itsonga' lane luya'ałe, alinca ca'econa'ma ile laipenic'. Cu'iyale'ma ma' acuajmaica ile lataiqui'.

5 Ma mołmana' petsi ine a'i capimaye, tołspic'ete al c'a te ts'i'ic' lonł'eyacu, lołpalaicoyacu. Itine itine tipa'a al c'a lonł'eyacu. Ne', tonł'ete tołta'a.

6 Ma mołpalaic'oyołtsi toł'nujuaitsa lałPoujna litoc'ipolhuo', li-paxnepolhuo'. Ti'ila' lołtaiqui' ma latenłcocoya lataiqui', a'i ninaitsi cataiqui'. Tołta'a ŁanDios tepi'i'molhuo' lołpicuejma', tołtalai'e'mola' jahuay.

7-8 Cumme'ma Tíquico. Ticuaitsi liłpe pe lołmana' iłque tu'itolhuo' te ts'i'ic' laifnuyaicopa. Iłque Tíquico acaipima. Aiquenajyoxi, ti'hua ti'ay lanic'. Ma' anuli ał'eyi lipenic' lałPoujna.

Cacua: Cumme'ma ti'ila' quixina' te ts'i'ic' mołmana'. Tixpi'itsolhuo' cunlata.

9 Tíquico tiyejmale'me Onésimo. Juaiconapa ał'huaiyijnyi iłque lałapima. Iłque ołpiłya' xans. Ine tu'itolhuo' jahuay lo'ipa fa'a.

10 Tinonilhuo' Aristarco, iya' iłque altats'emponga' anuli. Tinonilhuo' Marcos. Iłque ipepo Bernabé. Ołsina' te ts'i'ic' lołpalaic'ocoyacu Marcos. Joupa u'impolhuo'. Ja'ni ticuaitsi jilpiya tolapenufle.

11 Tinonilhuo' Jesús, iłque łacui'impa Justo. Petsi lan xanuc' judío no'huaiyimpá Cristo, ma le'a ihniya lałejmale. Małejmaleyi al'eyi canic'. Luya'ayi te ts'i'ic' mitsuflaiyacu pe locuxeyopa ŁanDios. Iłne lixpi'ipa neta.

12 Tinonilhuo' Epafras, iłque ołpıya' xans, imozo Cristo. Acueca' ti'nujuaitsilhuo'. Tocomma joupa tipanno łunxajma'. Itine itine tixahue'e ŁanDios titoc'itsolhuo', tixhuai'nitsolhuo' lołpicuejma'. Aimołpai'imołtsi. Itine itine ti'ıla' colšina' te ts'i'ic' lipic'a ŁanDios, ti'hua tonl'e'me tołta'a.

13 Nimetsaijma Epafras li'ejma'. Aixina' acueca' titeł'miyoxi, titoc'itsolhuo' imanc' nołmana' jilpe liłya' Colosas. Ma' anuli ti'nujuaitsila' lapimaye nomana' liłya' Laodicea, jouc'a nomana' liłya' Hierápolis.

14 Tinonilhuo' Lucas łacałpima, iłque łin'ehuale cafxi. Jouc'a Demas tinonilhuo'.

15 Lapimaye nomana' liłya' Laodicea, iłne Ninfa y lapimaye nafot'łepołtsi lejut'ł, ihniya tołmitsola': "Pablo tinonilhuo'".

16 Iłta'a colje'e tołsuef'itsola' lapimaye. Tijouła' toluyai'ełe pu'hua Laodicea. Jouc'a tixhuef'quintsa mefot'łeyołtsi lapimaye. Iłe liłje'e lapimaye nomana' Laodicea, tołahuetsa tołsuef'itsola' lapimaye mefot'łeyołtsi jilpe Colosas.

17 Tołpalaic'otsa Arquipo. Tołsc'ai'itsa, tołmitsa: "ŁałPoujna joupa epi'ipo' lopenic'. Ti'hua to'eła' iłe łanic'. Topo'noła' lołpicuejma' tanant'lıla'."

18 Iya' ninPablo canonilhuo'. Tołta'a ma laimane quiniłi fa'a: "NinPablo". Aimalimenc'eco'ma. Al'nujuaisla' alfi'iya fa'a.

Titoc'itsolhuo', tipaxnetsolhuo' ŁanDios.

LIJE'E SAN PABLO AL TE'A LINIĒ'EPOLA' LAPIMAYE LEFOT'ĒPOĽTSI LIĒYA' TESALÓNICA

1 Illanc' ninPablo, Silvano y Timoteo aliniĒ'elhuo' imanc' unc'apimaye nolafot'ĒpoĽtsi liĒya' Tesalónica. Imanc' iĦxanuc' caĀ'Ailli' ĽanDios y ĽaĽPoujna Jesucristo. IĦniya joupā epenufpolhuo'.

Titoc'itsolhuo' ĽanDios, tipaxnetsolhuo'. Tipac'e'etsolhuo' loĽpicuejma'.

2 Itine itine ma maĽ'nujuaitsilhuo' aĽs'najtsi'iyi ĽanDios. MaĽpalaic'oyi aĽnescolhuo' jahuay imanc'.

3 AĽ'nujuaitsilhuo' te ts'i'ic' loĽ'ejma'. Ma moĽ'huaiyijnyi ĽanDios tonĽ'eyi al c'a. Ma monĽ'ela' capic'a lapimaye toĽtoc'ila'. ToĽsnet'Ľyi jahuay lo'ipolhuo'. ToĽta'a lonĽ'epa ma coĽ'huaijma ticaiaiconanni ĽaĽPoujna Jesucristo.

4 Unc'apimaye, aĽsina' ĽanDios i'huif'epolhuo', ti'elhuo' capic'a. ToĽiya aĽ'nujuaitsilhuo' ma maĽpalaic'oyi ĽanDios.

5 Litine laluya'ahuo'me jĽĽpe Lataiqui', iĽe loya'apa al c'a lixp'ic'epa ĽanDios, imanc' aĽquimf'eponga' a'i ma le'a illanc' laĽtaiqui', jouc'a oĽsingufco'me lipepaxi cal Espíritu Santo. Ma maluya'ayi Lataiqui' acueca' aĽ'huaiyijnyi ĽanDios. ToĽta'a oĽsina'. OĽsina' te ts'i'ic' laĽpicuejma'. OĽsina' ma ĽanDios lapi'iponga' laĽpenic' aĽtoc'itsolhuo' imanc'.

6 Lijoupa lolapenufpa Lataiqui', ma moĽteĽcoyi juaiconapa, ixoc'i'molhuo' cunlata cal Espíritu Santo. Tixoqui cunlata tolihuejyi ĽanDios. ToĽta'a aĽ'onĽcosponga' to illanc', jouc'a ti'onĽcospolhuo' to ĽaĽPoujna Jesucristo.

7 Lapimaye nomana' jĽĽpiya Ľamats' Macedonia, jouc'a nomana' Ľamats' Acaya, jahuay iĦniya ixim'molhuo' ac'a loĽ'ejma'. ToĽta'a oĽmuc'ipola' te ts'i'ic' lo'eyacu lan xanuc' ja'ni ti'huaiyijnyi Jesucristo.

8 Imanc' jĽĽpe liĒya' Tesalónica ate'a olapenufpá Lataiqui', lijou'ma maĽe Lataiqui' icuaitsi locuenaye iĽelolĽya' lopa'a Ľamats' Macedonia jouc'a Ľamats' Acaya. A'i ma le'a Ľamats' Macedonia jouc'a Ľamats' Acaya icuaitsi Lataiqui'. Ni petsi lomana' lan xanuc' i'i'ma quĽsina' imanc' toĽ'huaiyijnyi ĽanDios. Ailopa'a calu'iyacola' toĽta'a.

9 MaĽne lan xanuc' lu'inga' li'ipolhuo' iĦniya Ľitiné laĽtsehuo'me loĽpiĽya' Tesalónica. AĽminga': "Ľan xanuc' nomana' Tesalónica epenufpolhuo'. Ipa'i'i'moĽtsi liĽpicuejma'. Eca'nipá liĽendiosla' tiĽhuejcoyi ĽanDios. Itsiya ti'eyi lipenic' ĽanDios. IĽque ma' aĽinca anDios. IĽque a'i quimac', ma' imaf'i'."

10 Itsiya toľ'huaicoyi ticuaicoconno li'Hua ŁanDios Nopa'a lema'a. ŁanDios joupa imaf'i'ina, ipa'anapa pe lomana' limanapola'. Litine ŁanDios timuc'itsola' lan xanuc' lipoyac' aimateľ'miyaconga'. Li'Hua aľcuanajco'monga'.

2

1 Cunc'aľpimaye, imanc' oľsina' te ts'i'ic' li'ipa maľmana' jilpe. Linca Lataiqui' laluya'apa i'epa canic'.

2 Maľmana' liya' Filipos aľtelcopá juaiconapa, aľmiloquinghuo'monga' cataiqui'. Joupa oľsina' toľta'a laluyalaicopa. Laľcuaitsa loľpiya' aicalsina' caxpaiqui', tama ixtuleconanca jilpe. Ma maluya'ayi litaiqui' ŁanDios aľ'huaiyijnyi. Ite Lataiqui' tuya'e' iľe al c'a lixpice'epa ŁanDios.

3 Illanc' a'i oque' laľpicuejma'. Aľ'eyi ma le'a lipenic' ŁanDios. Lu'ilhuo' Lataiqui'. Aimalu'ilhuo' ocuena cataiqui'. Aimalfel'milhuo'.

4 Ma ŁanDios joupa lapi'iponga' iľe laľpenic'. Aľ'huaiyijmponga' luya'aľe Lataiqui', toľiya luya'ayi Lataiqui'. Lahueyi tetentococola' ŁanDios. Aimalahueyi te co'ia metentococoyacola' lan xanuc'. Maľque ŁanDios tixina te ts'i'ic' laľpicuejma'.

5 Aimalahueyi caltomí coľa' lapi'itsonga'. Toľta'a aicala-pahuilhuo'. ŁanDios ixina' a'i toľta'a laľ'ejma'.

6 Jouc'a aimalesyi: "Nomana' Tesalónica jouc'a locuenaye lan xanuc', limetsaicotsonga', limetsaicotsonga' acueca' lanic' aľ'eyi". Aimalnesyi iľiya, tama ninc'apó stole lummeponga' Jesucristo.

7 Aimalpalaic'olhuo' a'ujfxi. Maľmana' anuli aľpalaic'olhuo' al c'a. Ma to mipalaic'o'mola' ľaca'no' laiquinaxque' mitoc'ela' iľniya, ma toľta'a aľpalaic'olhuo' imanc'.

8 Jahuay ľalunxajma' aľ'epolhuo' capic'a. Toľiya a'i ma le'a lu'ipolhuo' Lataiqui'. Aľpic'epá aľtoc'itsolhuo' xonca. Tixocui calata aľcuayi: "Ne', aľma'atsonga' lalixtuc'o'ponga', le'a tuyalaile al c'a laľpimaye nomana' Tesalónica". Linca acueca' aľ'nujuaitsilhuo' imanc'.

9 Cacia: Acueca' aľ'elhuo' capic'a. Toľta'a aľmuc'ipolhuo' maľmana' jilpe loľpiya'. Imanc' aľpimaye aľ'nujuaitsinga' laľ'epa. Aľ'eyi lanic' juaiconapa, aľsosponga'. Ipuqui' itine aľ'eyi lanic'. Toľta'a lulijyi caltomí. Aľcuayi: "Laľpimaye nomana' liya' Tesalónica aimales'hueyacola' maľtoc'iyaconga'. Aimal'e'mola' quipime liľepajnya." Toľta'a laľ'epa ma malu'ilhuo' litaiqui' ŁanDios, iľe loya'apa al c'a lixpice'epa.

10 Imanc' noľ'huaiyijmpá Jesucristo oľsimpá laľ'ejma' maľmana' jilpe. Aľsimponga' ma' aľinca alihuejyi ŁanDios. Aľsimponga' aľijca laľ'epa. Ailopa'a caltac'uiyaconga' lajunac', aimi'ia maľnesc'eyaconga'. Jouc'a ŁanDios ixina' toľta'a laľ'ejma'.

11 Imanc' ołsina' ałpalaic'opolhuo' to cal xans tipalaic'o'mola' linaxque'. Alu'ipolhuo': "Ti'ila' ac'a lonf'eyacu". Alixpi'ipolhuo' cunlata, ałsc'ai'ipolhuo', ałmipolhuo':

12 "Tetenłcocola' LanDios loł'ejma". Małque LanDios jounpa ijoc'ipolhuo' tołtsulfołaitsa pe locuxeyopa, timetsaicotolhuo' ixanuc'.

13 Itine itine illanc' jouc'a ałs'najtsi'iyi LanDios Lijoc'ipolhuo'. Imanc' a'i ma le'a ałquimf'eponga' ma maluya'ayi litaiqui' LanDios, olapenufpá. He Lataiqui' olimetsaicopá itaiqui' LanDios, a'i całtaiqui' illanc' ninc'ixanuc'. Małe lataiqui' ti'ay canic' jilpe lołpicuejma' imanc' noł'huaiyijmpá LanDios.

14 Tołta'a imanc' oluyalaico'me to ilne lapimaye nafolyomma łamats' Judea luyalaicopa, ilne jouc'a ixanuc' LanDios, łepenufpola' Jesucristo. Ołsnet'f'me lo'epolhuo' lołpiya' xanuc'. Tołta'a ilniya lołpimaye nomana' łamats' Judea ixnet'f'me lo'empola' liłpiya' xanuc', ilne ajudío.

15 Ilniya lan xanuc' judío ima'apá łapoujna Jesucristo, jouc'a ima'a'me lam profeta, jouc'a alihuetsojponga' illanc'. Aimi'eyi lipic'a LanDios, jouc'a tipa'neyi jahuy lił'as xanuc'.

16 Jouc'a aimalapi'inga' lane malu'i'mola' Lataiqui' lan xanuc' pe aimimetsaicoyi LanDios. Ilne lan xanuc' judío xonca tetenłcocola' aimunłul'me ilniya lan xanuc'. Tołta'a ilne tix-huai'niyi lo'epa lixcay. Tijouła' aimi'iya mi'eyacu. LanDios jounpa ixpic'epa titeł'mi'mola' nulemma, tijou'ne'ma lipoyac'.

17 Cunc'ałpimaye, ałınca ał'elhuo' capic'a imanc'. Ti'hua ał'nujuaisilhuo', tama aimalmana' anuli. Li'ipa, al quite' małmana' anuli juaiconapa ał'nujuaispolhuo'. Juaiconapa ałpic'a ałsingonatsołtsi. Lahueyi te co'iya małcuaiconayacu jilpiya.

18 Jounpa ałpic'epá łe'me. Ma' iya' ninPablo, a'i ma le'a anulemma, oquemma aixpic'epa tołta'a. Lijounpa aiqui'ic'. Satanás ałpa'neponga'. Aicałec'.

19 Linca acueca' ałpic'a ałsingonatsołtsi. ¿Te cołcuapa? ¿Te imanc' ołsina' lał'huaijma? ¿Te ołsina' naitsi nalixoc'iyaconga' calata'? ¿Naitsi nomujya ja'ni ipammaita lałpenic'? Linca ma le'a imanc'. Ał'huaicoyi tixininłe tołta'a litine ticuaicoconanni lałPoujna Jesucristo.

20 Imanc' linca tołmuji lipammaita lałpenic'. Imanc' lixoc'inga' calata.

3

1 Juaiconapa acueca' lałsueł'mecopolhuo'. Icuaitsi litine aimi'iya małsnet'łconayacu. Ałpic'epá ałmanenca całtuca' liłya' Atenas.

2 Ałcuxe'epá Timoteo ti'huała' jilpiya lołpiya'. Ałmipá Timoteo: "Tofa'etsola' lapimaye liłpicuejma'. Toxc'ai'itsola' ti'hua

ti'huaiyijnle Jesucristo.” Iŋque Timoteo aŋpima, iŋejmale LanDios. Iŋque lipenic' tuya'ala' Lataiqui'.

³ Aŋcuayi: “Aimoŋsueŋmot'le'me ni anuli imanc', tama toŋteŋcoyi”. Imanc' oŋsina' LanDios joupa ixpic'epa aluyalaico'me toŋta'a.

⁴ Maŋmana' anuli jiŋpe loŋpiŋya' lu'ipolhuo' laŋ'iyaconga'. Aŋmipolhuo': “Aŋteŋco'me”. Ma toŋta'a li'ipa. Joupa oŋsingufpá.

⁵ Laicuejpa lipangopa loŋteŋcopa aicaixina' te ts'i'ic' moluyalaicoyi. Caxhueŋma, cacua: “Aga Satanás ehuaipolhuo' acueca'. Aga iminscopolhuo' loŋpicuejma'. Tijoula', tama acueca' lanic' aŋ'epá jiŋpe tijouna'ma jahuay. Aimipanehuo ni toŋta'a.” Licuai'ma litine aimi'iyacaxnet'ŋconaya laifxueŋ'mepa, nummepa Timoteo titsetsi. Cacua: Tipainanni lu'i'ma ja'ni ti'hua toŋ'huaiyijnly Jesucristo.

⁶ Itsiya icuaina'ma fa'a iŋque Timoteo. Joupa itsehuo'ma loŋpiŋya'. Aŋsimpá ac'a lataiqui' iŋe lalul'iponga'. Aŋminga': “Laŋpimaye nomana' Tesalónica ti'hua ti'huaiyijnly Jesucristo. Ti'hua aŋ'enga' capic'a. Itine itine aŋ'nujuaitsinga'. Juaiconapa iŋpic'a aŋsingonatsonga', ma to illanc' aŋpic'a aŋsingonatsola' iŋe.”

⁷ Laŋcuejpa toŋta'a loluyalaicopa imanc' lixoc'ipoŋtsi calata. Tama lahue'enga', aŋteŋcoyi, tocomma ailopa'a tintsí. Joupa i'ipa caŋsina' imanc' ti'hua toŋ'huaiyijnly Jesucristo.

⁸ Ja'ni aimipaiyumma loŋpicuejma', ja'ni ti'hua toŋ'huaiyijnly Jesucristo, illanc' aimatŋafqueyaconga'. Ti'i'ma caŋpujfxi luyalaico'me lapajnya.

⁹ Maŋ'nujuaitsilhuo' imanc' aŋ'najtsi'iyi LanDios. Aŋinca imanc' lixoc'iponga' calata juaiconapa. Maŋpalaic'oyi LanDios tixoquei calata aŋ'najtsi'iyi toŋta'a. Tocomma aimi'iyamaŋsuai'niyacu iŋe laŋ'najtsi'ipa LanDios. Ailopa'a caŋtaiqui'.

¹⁰ Ipuqui' itine aŋsa'hueyi juaiconapa. Aŋmiyi: “Lapi'itsonga' lane aŋtseconsa lahuejntola' laŋpimaye nomana' Tesalónica”. Aŋnesyi: “Moŋ'huaiyijnly Jesucristo te aga tipa'a petsi aimoŋcuc'eyi. Aŋtoc'itolhuo', aŋmuc'itolhuo'.”

¹¹ Iŋniya, caŋ'Ailli' LanDios y laŋPoujna Jesucristo aŋtoc'itsonga'. Lapi'itsonga' lane aŋcuaiconsa jiŋpiya pe loŋmana'.

¹² Caŋ'Ailli' titoc'itsolhuo' imanc'. Illanc' aŋinca aŋ'elhuo' capic'a juaiconapa. Aŋsa'hueyi LanDios tepi'itsolhuo' loŋpicuejma', toŋ'etsoltsi capic'a juaiconapa. Jouc'a toŋ'etsola' capic'a jahuay loŋ'as xanuc'.

¹³ Ja'ni titoc'itsolhuo' toŋta'a LanDios jouc'a tifa'e'molhuo' loŋpicuejma'. Litine ticuaiconanca laŋPoujna Jesucristo y jahuay iŋe li'huexi, LanDios caŋ'Ailli' aimetac'ui'iyacolhuo' cajunac'. Timetsaico'molhuo' joupa i'ipa pangay c'a loŋpicuejma'.

4

¹ Cunc'ałpimaye, ai'a ticula'ala' ilta'a colje'e tipa'a xonca laifmiyacolhuo'. Joupá alu'ipolhuo' te ts'i'ic' molihuejyacu ŁanDios. Alu'ipolhuo' te ts'i'ic' mont'eyacu ja'ni tetentocola' ŁanDios. Alınca, ma tołta'a tolihuejyi. Illanc' ał'eyi lipenic' lałPoujna Jesús toliya ałsa'huelhuo', ałsc'ai'ilhuo': "Ti'ila' xonca ac'a iłe lolihuejpa".

² Ma to lałcuxe'eponga' lałPoujna Jesús, ma tołta'a lałcuxe'epolhuo'. Joupá ołsina' te ts'i'ic' lałsc'ai'ipolhuo'.

³ Ałcuxe'epolhuo' tonł'ełe ma lixpijma' ŁanDios. Tolanałtsotłsi al xujc'a, ti'itsolhuo' qui'huexi ŁanDios. Aimonł'e'me to iłne lan xanuc' pe nahuepá quilecal'no'.

⁴ Jahuay imanc' tołmuc'itsotłsi tołcuxetsotłsi al c'a. Tejonłi'mołłsi anuli anuli quipeno. Ma le'a iłque lipeno tixhuico'ma. Timetsaicołá' jouc'a i'huexi ŁanDios. Aimetets'i'ma.

⁵ Aimonł'e'me to lo'epa lan xanuc' petłi aimimetsaicoyi ŁanDios. Iłne tihuejcoyi ma le'a lojanajpa liłcuerpo. Iłniya aimixinyi acuanuc'la liłpenoye, tixhuicoyi lonaispa liłpicuejma'.

⁶ Tonł'e'me iłe laıfcuxe'epolhuo'. Ni' anuli imanc' metets'i'ma lipima ni mifel'mi'ma tołta'a. Aimolaxic'e'mołłsi lołpenoye. Tonł'etsotłsi cuenna. ŁanDios ti'e'ma lijca. Ti'najłse'e'mola' iłne pe no'epá tołta'a. Titel'mi'mola'. Joupá alu'ipolhuo' tołta'a. Ałsc'ai'ipolhuo' juaiconapa.

⁷ ŁanDios ałjoc'iponga', a'i mał'e'me al xujc'a. Lałjoc'iponga' joupá ałsimponga' i'huexi.

⁸ Pe aimalihuejcongá' illanc' iłe lałsc'ai'ipolhuo' iłque aimalatets'inga' illanc' ninc'ixanuc', tetets'i ŁanDios iłque tepi'ilhuo' hi'Espıritu Santo.

⁹ Iłta'a colje'e aimalçuxe'eyacolhuo': Tonł'etsotłsi capic'a lapi-maye. Imanc' ŁanDios joupá imuc'ipolhuo' tonł'etsotłsi capic'a.

¹⁰ Linca olihuic'ipá iłe limuc'impolhuo'. Toł'nujuaitsila' lołpimaye ni petłi lomana' lamats' Macedonia. Tołtoc'ila'. Itsiya ałsc'ai'ilhuo', ałmilhuo': Xonca toł'nujuaitsola' lołpimaye. Xonca tołtoc'itsola'.

¹¹ Tolahue'me te co'iya moluyalaicoyacu al c'a. Tonł'e'me canic'. Anuli anuli, quituca' quituca', ti'e'ma ma le'a lipenic'. Tołsuicołe lołmane' tonł'ełe canic'. Tołta'a joupá ałcuxe'epolhuo'.

¹² Tołta'a iłne petłi aimi'huaiyijnyi ŁanDios tixim'molhuo' ac'a lonł'epa. Imanc' jouc'a tołuyalaico'me al c'a. Aime-hue'eyacolhuo'.

¹³ Cunc'ałpimaye, ti'ila' colłsina' te lo'iyacola' iłne lałpimaye li-joupá limanapola', iłne ałnescopola' "tixmaiyi". Ja'ni aicołłsina' lo'iyacola' iłniya, aga imanc' tołhuotso'me ma to mi'eyi locue-naye xanuc', iłne petłi aiqıil'huaijma litine lomaf'i'inyacola'.

14 Joupá ał'epá linca li'ipa Jesús. Iłque imanapa, imaf'inapa, ipanamma pe lomana' limanapola'. Jouc'a ałcuayi: Litine ŁanDios tummeconata Jesús jouc'a ticuaicu iłniya limanapola'. Iłne i'huaiyijmpá Jesús, ałnescopola' "tixmaiyi". Tołta'a lał'huaiyijmpa.

15 Cu'i'molhuo' lo'iya. Iłta'a itaiqui' lałPoujna Jesús. Ticuaiconanni Jesús ja'ni ts'ałmaf'i' o joupá ałsmaipá, cacua ałmanaponga', ma' anuli ałhecona'monga'. Ja'ni ałmaf'i' aimaałcoyacongá ate'a.

16 Ticuequim'me ticuxem'me. Ma mija'e' cal Cuecaj Capaluc Quema'a, muna'e' litrompeta ŁanDios, lałPoujna Nopa'a lema'a timuyohuo. Ticuaiyoconno fa'a li'a łamats'. Limanapola' petsi ni'huaiyijmpá Jesucristo ate'a titsolinacu.

17 Tijoula' illanc', ja'ni ałmana' jifa'a li'a łamats', ał'nof'em'monga', ałtai'monga' łummahuay. Illanc' y lałpimaye ma' anuli ałtalecufta lałPoujna mimumma lema'a. Tołta'a ałmajnta nulemma anuli lałPoujna.

18 Iłe lataiqui' tolu'itsola' lołpimaye. Tolixoc'itsołtsi cunlata.

5

1-2 Cunc'ałpimaye, jifa'a colje'e aimalu'iyacolhuo' al 'hora ticuaiyoconno lałPoujna. Aimi'iya malu'iyacolhuo'. Iłe lixpijma' ŁanDios. Aicalsina' ja'ni ahuata o axpe' lahue'epa ałsinte iłe al Cuecaj Quitine. Imanc' joupá ołsina' aimi'iya małnesyacu: "Mouqui o pitsu o łocuena camats' ti'i'ma". Cal namas no'huapa ipuqui' aimuya'e' te 'hora micuaiya lajut'ł. Tołiya micuaiya iłe al Cuecaj Quitine.

3 Minesyi lan xanuc': "Ailopa'a tintsi. Luyalaico'me al c'a"; ma iłniya litiné tixim'me łumla. Łitaipa łaca'no' joupá li'ipa lipumla aiquixinaic' lo'iya. Ma tołta'a tixim'me locuaicoya iłe al cueca' catełcoya. Titeł'mim'mola' nulemma. Aimi'iya muntulyacu.

4 Imanc' cunc'ałpimaye aimoluyalaicoyi al muf. Tołta'a, litine aimi'iya mixpaic'eyacolhuo' tama ticuaitsi to micuaita cal namas.

5 Jahuay imanc' joupá epalc'o'ipolhuo'. Ti'onłcospolhuo' to litine. Imanc' illanc' a'i muf lałpicuejma', aimaał'onłcosponga' to lipuqui'.

6 Tołiya aimuluyalaico'me lapajnya to iłne noyalaicopá to noxmaipá. Ti'hua ałmaf'iłe. Ałsuicołe al c'a lałpicuejma'.

7 Noxmaipá tixmaiyi lipuqui'. Lisnaye timeyoquila' lipuqui'.

8 Illanc', ja'ni ał'onłcosponga' to litine, ja'ni joupá lapalc'o'iponga', ałsuicołe lałpicuejma'. Ałpa'neco'mołtsi, aimalulij'monga' Satanás. Jahuay łalunxajma' ał'huaiyijnle

Jesucristo, a'ele capic'a. A'po'no'e la'picuejma' a'huaico'e i'que Nocuaicoya, luntu'e'monga'.

9 Ma nipajnya a'huaico'me luntu'e'monga'. LanDios Na'huij'f'eponga' xpic'epa luntu'e'monga' illanc' na'huiyijmpá Jesucristo. To'ta'a aimi'ya mat'e'miyaconga'.

10 Ma'que Jesucristo icupoxi tima'an'e, i'najtsepa la'junac'. To'lya i'e litine ticuaiconanni a'majm'me anuli i'que. Ma to'ta'a la'iyaconga' ja'ni a'ma'f'i', jouc'a ja'ni tocomma to a'smaiya, cacua joupa a'manaponga'.

11 To'nujuaitsa i'ta'a al c'a lo'iyacolhuo'. To'ta'a tolixoc'i'mo'tsi cunlata, to'fa'e'mo'tsi lo'picuejma'. Linca ma ton'eyi to'ta'a. Ti'hua ton'e'e.

12 Cunc'a'pimaye, jil'piya pe lo'mana' timana' lapimaye no'epá lipenic' LanDios. I'niya tixc'ai'ilhuo', tu'ilhuo' te ts'i'ic' molihuejyacu i'que la'Poujna. A'sahue'elhuo': Tolimetsaicotsola' i'niya.

13 Tolimetsaicotsola' lipenic' lo'epa. To'etsola' capic'a juaiconapa. Ton'e'jmale'e al c'a. Aimo'fuli'i'mo'tsi cataiqui'.

14 Cunc'a'pimaye a'sc'ai'iconalhuo': I'ne petsi aimi'eyi canic', to'taletsola'. Ja'ni titafquemmola', to'palaic'otsola' al c'a. Pesti ailopa'a qui'pujfxi, to'toc'itsola'. To'snet'f'me li'ejma' lan xanuc'. Aimolixtuc'o'mola'.

15 To'po'no'e cuenna lo'eyacu. Ja'ni ixay li'epolhuo' aimon'e'cona'me to'ta'a, ni anuli imanc'. Ton'e'me ma le'a al c'a. Ja'ni apimaye, ja'ni ocuenaye lan xanuc', ma' anuli to'toc'itsola'.

16 Aimo'sue'mot'e'me. Itine itine tixojla' cunlata.

17 Moluyalaicoyi lapajnya ti'hua to'palaic'o'me LanDios.

18 Ja'ni al c'a ja'ni a'ijc'a lo'ipolhuo', to's'najtsi'i'e LanDios. To'ta'a lon'e'eyacu imanc' no'huiyijmpá Jesucristo. Joupa ixpic'epa LanDios.

19 Aimo'pa'ne'me cal Espíritu Santo. Tolapi'i'e lane ti'ela' ma lipic'a.

20 Aimolatets'i'mola' lo'profeta lonespa.

21 Aimolapenuf'me jahuyay lataiqui' lo'quim'f'epa. To'spijle. Tolimetsaico'e ja'ni al c'a o a'ijc'a.

22 Tolapenufle al c'a. Ja'ni a'ijc'a tolanajtso'tsi. Aimo-lapenuf'me.

23 LanDios tipaxnetsolhuo'. Ma i'que ti'i'ma tipac'e'e molhuo' lo'picuejma'. Ti'e'etsolhuo' nulemma i'huexi. To'ta'a, ticuaiyunni Jesucristo tixim'molhuo' pangay c'a lo'picuejma', lo'alma, lo'cuerpo. Aimetac'uinyacolhuo' cajunac', ailopa'a.

24 LanDios ijoc'ipolhuo'. I'que aimifel'miyale. Joupa ipo'nopa cataiqui'. Ma ti'e'ma to joupa laimipolhuo'.

25 Cunc'a'pimaye, to'sahue'e'e LanDios a'toc'itsonga' illanc'.

26 Tołmitsola' lałpimaye nomana' jilpiya: “Tinonilhuo' lałpimaye Pablo, Silvano jouc'a Timoteo”. Tołtuc'otsoltsi lołpeque ma to mituc'oyoltsi lapimaye, ilne i'huexi LanDios.

27 Cacuxe'elhuo' tołsuef'le ilta'a colje'e petsi lafołyomma lałpimaye. A'i ma le'a iya' caituca' cacuxe'elhuo' tołta'a. Jouc'a ma' anuli tołiya licuxe'epolhuo' ilque lałPoujna.

28 LałPoujna Jesucristo tipaxnetsolhuo', titoc'itsolhuo' jahuay imanc'.

LIJE'E SAN PABLO LOCUENA LINIĒ'EPOLA' LAPIMAYE LEFOT'ĒPOĽTSI LIĒYA' TESALÓNICA

¹ Illanc' ninPablo, Silvano y Timoteo aliniĒ'elhuo' imanc' unc'aġpimaye olafot'ĒpoĽtsi liĒya' Tesalónica. Imanc' iġxanuc' ĒanDios caġ'Ailli' y ġaġPoujna Jesucristo. Iġniya joupā epenufpolhuo'.

² ĒanDios caġ'Ailli' y ġaġPoujna Jesucristo titoc'itsolhuo', tipac'e'etsolhuo' loġpicuejma'.

³ Aicalimenc'ecolhuo' imanc' loġ'ejma'. Itine itine xonca toġ'huaiyijnyi ĒanDios, itine itine xonca tonġ'eyoġtsi capic'a. Anuli anuli imanc' toġta'a loġ'ejma'. Toġiya aġs'naġtsi'iyi ĒanDios, ticuicomma.

⁴ Maġ'nujuaitsilhuo' toġta'a loġ'ejma' illanc' jouc'a aġpalaicolhuo'. Maġpalaic'ola' locuenaye lapimaye ġefot'Ēepola' ĒanDios, lu'ila': "Laġpimaye nomana' Tesalónica, mihuetsoquinnila' iġne ti'hua tixnet'iyi. Tama titeġcoyi ti'hua ti'huaiyijnyi ĒanDios, aimixospola'."

⁵ Moġsnet'iyi loġteġcopa, ĒanDios tilanc'e'elhuo' loġpicuejma'. Tijouġa' toġtsulfoġaita pe locuxeyopa iġque. Toġta'a timujyoxi ac'a lipicuejma' ĒanDios. Timujyoxi tixpic'e ma le'a al c'a.

⁶ Cacia: ĒanDios tixpic'e al c'a. Ti'ay ma le'a al ġija. Ti'naġtse'e'mola' iġniya noteġ'mipolhuo' itsiya, titeġ'mi'mola'.

⁷ Imanc' ituca' lo'iyacolhuo'. Itsiya toġteġcoyi, tijouġa' tolunxajta. Ma' anuli lunxajta. Toġta'a laġ'iyaconga' litine ticuaiconanni ġaġPoujna Jesús. ġiġpe litine timuj'moxi ġaġPoujna to qui'ic'. Iġque ġinca juaiconapa icueya limane, toġiya ticuxela' lepaluc' quema'a. Iġniya ġaġPoujna y lepaluc' timulcu.

⁸ ġiġpe mimulumma tunaita ġunga. ġiġpe litine ti'e'ma al ġija. Titeġ'mi'mola' nulemma iġniya pe aimimetsaicoyi ĒanDios jouc'a pe aimihuejcoyi Lataiqui', iġe litaiqui' ġaġPoujna Jesucristo.

⁹ Iġne tepenuf'me liġjunac'. Tecani'e'mola' nulemma. Aimitsulfoġaiyacu pe lopa'a ġaġPoujna. ġiġpe lomujyoyacoxi acueca' juaiconapa. Timuj'moxi ma' anDios.

¹⁰ Toġta'a lo'iya litine ticuaiconanni ġaġPoujna. ġiġpe litine timuj'moxi ma' anDios. Jouc'a aġmuj'moġtsi aġinca i'huexi iġquiya. Iġe litine lahueloġntsonga' jahuay illanc' naġ'huaiyijmpā ĒanDios, tines'me: "Iġque Jesús ġinca apaxi. Joupā ipai'ipola' iġne." Lahnespa: "... jahuay illanc' naġ'huaiyijmpā", aġnescopolhuo' jouc'a imanc', joupā olapenufpā Lataiqui' lalū'ipolhuo'.

¹¹ Aġ'nujuaisyi iġe al cueca' al c'a laġ'iyaconga' ġiġpe al Cueca' Quitine locuaicoya. Toġiya itine itine aġsa'hueyi ĒanDios

titoc'itsolhuo', ti'hua tolihuejle LanDios, itque ijoc'ipolhuo'. Ja'ni ti'ila' tofta'a lof'ejma' aimixhueicoya LanDios te quijoc'icopolhuo'. Afsahue'eyi LanDios ti'ila' acueca' lo'eya. Tenant'fifa' jahuay al c'a lof'pic'epa tonf'ele. Tenant'fifa' jahuay ife al c'a lopo'nopa LanDios jifpe lof'picuejma' ma mof'huaiyijnyi itque.

¹² Ja'ni tofta'a lotoc'iyacolhuo' lalanDios y hafPoujna Jesucristo, lan xanuc' tixim'me acueca' hafPoujna Jesús, tipalaico'me al c'a. Imanc' epenufpolhuo' hafPoujna tixim'molhuo' ti'onf'cospolhuo' to itque.

2

¹⁻² Cunc'afpimaye joupa ofina' ticuaicoconno hafPoujna Jesucristo. Ofina' lafot'le'monga', jifpe litine almajnta anuli itque.

Itsiya caxc'ai'ilhuo', camilhuo': Aga tu'i'molhuo': "Joupa icuai'ma al Cueca' Quitine. Icuaicona'ma hafPoujna, cal Espirito Santo alu'iponga'." O tu'itsolhuo': "Linca icuaicona'ma. Ifne Pablo jouc'a liyejmalepa alumme'eponga' cafje'e tuya'e' tofta'a." Ja'ni tu'itsolhuo' tofta'a, imanc' aimimufc'o'molhuo' lof'picuejma', aimonf'e'me linca.

³ Ja'ni tofta'a tehuele tifel'mitsolhuo', o ja'ni ituca' lif'ejma', aimolapenuf'e'mola' lititaiqui'. Tofo'p'nofe lof'picuejma', aimifel'mi'molhuo'. Ifne nonespá tofta'a infel'miyale, a'i tofta'a lo'iya micuaiconaya hafPoujna. Ate'a lan xanuc' titaleco'me lititaiqui' LanDios. Tipai'i'mof'f'f' lof'picuejma'. Tihuejco'me ocuena cataiqui'. Tijoufa' ti'ila' tofta'a timuj'moxi anuli cal xans ma le'a ixcay lo'epa. Tetets'i'ma jahuay locuxepa LanDios. Ifque aimunfuya, tejac'ma.

⁴ Ifque ti'nof'e'moxi. Ti'ay quipilaic' LanDios, jouc'a ti'ela' quipilaic' jahuay lilendiosla' lan xanuc'. Ticua: "Ma le'a iya' laxc'onlingai'ma". Ti'onf'ico'moxi to LanDios. Tofta'a ticutshuai'ma jifpe lixoute' LanDios.

⁵ Imanc', ¿te joupa olimenc'ecopa ife lainu'ipolhuo' mafmana' anuli?

⁶ Imanc' joupa ofina' tipa'a lopa'necopa itque lixcay xans. LanDios joupa ixpic'epa litine timuj'moxi itque.

⁷ Itsiya linca ma tipa'a anuli petsi aimafsinyi. Ifque ma le'a ixcay lo'epa, tetets'i jahuay locuxepa LanDios. Jouc'a tipa'a petsi ti'hua limane tipa'neco'ma itque. Ti'hua tipa'ne, tijoufa' tifojm'ma.

⁸ Tifojnla' itque nopa'nepa, timuj'moxi lixcay xans, itque tetets'i locuxepa LanDios. Ifque aimipaneya tofta'a. Ticuaicoconno hafPoujna tifusco'ma, tima'a'ma. Ifque cal xans aimixnet'fya ticuaicohuananni hafPoujna. Aimi'iya mehuelojnya, tejac'e'ma.

⁹ Ma Satanás lummepa itque lixcay xans. Maŕque Satanás tepi'ima acueca' icueya limane. Toŕta'a ti'e'ma al cueca'. Lo'eya tocommma to lo'eya ma le'a ŁanDios. Itque a'i andios, ma' afellaiqueya litaiqui', afellaiqueya lo'epa.

¹⁰ Itque no'epa lixcay tifel'mi'mola' lan xanuc', itne petsi ti'hua tejac'eyoŕtsi. Itne aiquirepenufi al Linca Cataiqui'. I'e'me capilaic', tohiya aimunhulyacu.

¹¹ ŁanDios ticua: "Tifel'mitsoŕtsi". Pe lomana' joupá ipo'nopa lafellaiqueya cataiqui', tepenufle ita'a.

¹² Toŕta'a titeŕ'mi'mola' nulemma itne petsi aiquire'aic' linca al Linca Cataiqui'. Itne petsi xonca itpic'a lo'epa lixcay, tetets'iyi locuxepa ŁanDios.

¹³ Imanc' aiami'onŕcotoŕhuo' to itniya pe natets'ipá ŁanDios. Tohiya als'najtsi'iyi ŁanDios, ticuicomma. Imanc' unc'aŕpimaye. ŁaŕPoujna ti'elhuo' capic'a. Lipangopa li'a łamats' ŁanDios joupá i'huij'ecopolhuo' tunŕu'etsolhuo'. Linca tunŕu'e'molhuo'. Cal Espíritu Santo ti'hua tilanc'e'e'molhuo' loŕpicuejma', ti'itsolhuo' ma i'huexi ŁanDios. Toŕta'a lo'iyacolhuo' ma molihuejcoyi al Linca Cataiqui'.

¹⁴ Litine loŕquimf'epa Lataiqui' lalupolhuo', ŁanDios ijoc'ipolhuo' toluyalaicoŕe toŕta'a. Tijouŕa' toŕcuxeta anuli laŕPoujna Jesucristo.

¹⁵ Tohiya, cunc'aŕpimaye, toŕpo'noŕe loŕpicuejma', tolihuejcocona'me lataiqui' laŕmuc'ipolhuo'. Ja'ni illanc' cactuca' alu'ipolhuo', ja'ni linit'epolhuo' ita'a coŕje'e, ma' anuli ite lataiqui', tolihuejcoŕe.

¹⁶ Titoc'itsolhuo' itniya laŕPoujna Jesucristo y ŁanDios. ŁanDios, itque caŕ'Ailli', aŕnujuaisponga', ixpic'epa aŕtoc'itsonga'. Tohiya lixpi'iponga' calata nulemma. Itsiya aimatsueŕmot'leyi te ts'i'ic' maŕiyaconga' Locuaicoya Quitine. Alsina' lapenuftonga'.

¹⁷ Ja'ni toŕsueŕmot'leyi, ŁanDios tixpi'itsolhuo' cunlata. Ma monŕ'eyi al c'a o moŕpalaic'oyi al c'a tifa'etsolhuo' loŕpicuejma'.

3

¹ Cunc'aŕpimaye, ai'a ticula'a'ma ita'a coŕje'e, tipa'a laifmiyacolhuo': Toŕsahue'eŕe ŁanDios aŕtoc'itsonga'. Toŕta'a aimipa'necoyacu litaiqui' ŁanDios. Ma to imanc' joupá olapenufpá, olimetsaicopá ma' itaiqui' ŁanDios, toŕta'a tepenuf'me, timetsaico'me lan xanuc' nomana' locuenaye litelolŕya'.

² Toŕsahue'eŕe ŁanDios aŕcuanajcotsonga', amalulij'monga' itne pe liminscopola' liŕpicuejma', itne pe no'epá lixcay. Ai' jahuay mi'huaiyijnyi Jesucristo to laŕ'huaiyijmpa.

3 Itque latPoujna linca aimifel'miyale. Tifa'e'molhuo' lo'picuejma', ticuanajco'molhuo'. Tohiya aimi'i'ma co'eyacolhuo' lixcay conta'a.

4 Illanc' a'huaiyingilhuo'. A'cuayi: "Itne lapimaye nomana' Tesalónica jouc'a ti'huaiyijnyi latPoujna. Tohiya ti'eyi to la'sc'ai'ipola', ti'hua ti'e'me."

5 LatPoujna ti'hua tilanc'e'etsolhuo' lo'picuejma', xonca to'singufle lo'epolhuo' capic'a LanDios. Titoc'itsolhuo' ti'hua to'snet'i'me ma to itque Cristo lixnet'ipa. Aimixojtolhuo'.

6 Cunc'a'lapimaye: Aimontejmalecona'me itne lapimaye pe aimi'eyi canic', petsi nohuinajpola'. Tolanajtsot'si i'niya. To'po'notsola' qui'tuca'. Illanc' epaluc' latPoujna Jesucristo, to'ta'a la'sc'ai'ipolhuo'. Lo'epa itne nohuinajpola' a'i to illanc' jouna a'muc'ipolhuo'.

7 Imanc' jouna o'sina' lon'teyacu. Imanc' a'lon'tsonga' to illanc' la'ejma'. Illanc' ma'mana' jilpiya aimathuinaquina'.

8 Aimat'sa'hueyi ca'tejacu. Ipuqui' itine a'eyi canic', a'tel'miyot'si, a'cuayi: "Ma'mana' li'pitya' lapimaye nomana' Tesalónica, aimixingufco'me i'niya".

9 Linca tipa'a latmane. Nipajnya a'sahue'etsolhuo'. Aica'cuac'. Xonca a'pic'a a'muc'itsolhuo' lon'teyacu, a'lon'tsonga' to illanc' la'ejma'. Ton't'e'me lanic' ma to illanc' la'epa.

10 Ma'mana' jilpe lo'pitya' ma'sc'ai'ilhuo' lu'ilhuo': "Petsi aimicua mi'ay canic', aimitetso'ma".

11 Itsiya a'cuejpa' lonescompolhuo' imanc', ticuayi: "Itne lapimaye nomana' Tesalónica, hualca tihuinaquila'. Aimi'eyi canic'. Ma le'a tiyelocoyi, tehuelojnyi lo'epa locuenaye."

12 Illanc' epaluc' Jesucristo a'cuxe'ela' i'niya no'epa to'ta'a, a'sc'ai'ila': "Aimonteloco'me le'a, ton't'ele canic'. To'ta'a to'na'me col'tuca' cola'i."

13 Cunc'a'lapimaye, ja'ni ton't'eyi canic', ja'ni to'ta'a toluyalaicoyi lapajnya, ton't'eyi al c'a. Aimixojtolhuo'. Aimolpai'i'mot'si lo'picuejma'. Aimolnes'me: "Aimi'iya ca'econaya to'ta'a".

14 Ja'ni anuli lo'pima aimihuejma' la'taiqui' lalini'epolhuo' ita'a co'je'e, tolimetsaicotsa nait'si itque. Aimotejmalecona'me. Tolanajtsot'si. Itque tixinta' calaic'ata, tixhuej'menanni.

15 Linca aimont'e'me capilaic'. Itque o'pima. To'sc'ai'i'me, tolu'i'me: "Aimo'econa'ma to'ta'a".

16 Ma le'a latPoujna ti'i'ma a'pac'e'e'monga' lo'picuejma'. Ma to'ta'a ti'e'etsolhuo' imanc'. Itine itine tipac'e'e'molhuo' lo'picuejma'. To'majnle al c'a, aimot'suelmot'lecona'me. Pe lo'mana', jahuay imanc', to'majnle anuli latPoujna.

17 Iya' ninPablo caituca' laimane quini' fa'a laipuftine. To'ta'a locula'acoya jahuay laije'e laifnumme'epola' lapimaye. Imanc' y locuenaye capimaye ti'ita' co'sina' ma' aije'e.

¹⁸ LaPoujna Jesucristo ti'hua titoc'iconatsolhuo' jahuay imanc'.

LIJE'E SAN PABLO AL TE'A LINIĒ'EPA TIMOTEO

¹ Iya' ninPablo, nin'apóstol, epaluc Jesucristo. LalanDios y laPoujna Jesucristo alfajpa ihiya laipenic'. Małque LanDios Lalunġu'eponga'. Illanc' joupa lapenufpá Jesucristo, tołta'a ałsina' ma' ałınca alunġu'ena'monga' nulemma.

² Quinił'ehuo' cumTimoteo. Ima' ma' ai'hua. Lihuequi iya'. Ma' anuli lihuejyi Jesucristo. LanDios cał'Ailli' y Jesucristo laPoujna titoc'itso'. Ti'nujuaitso', tipac'e'etso' lopicuejma'.

³ Małmana' liłya' Éfeso aimipo': "Ca'huahuanġa' lamats' Macedonia. Ima' topanenni fa'a liłya' Éfeso. Toxc'ai'i'mola' nomuc'ipá lałpimaye. Tomitsola': Aimołmuc'i'mola' ituca' cataiqui'.

⁴ Aimołquimf'e'mola' lan xanuc' loya'apa, iłne mane tipalaicoyi petsi a'ij linca. Aimołquimf'e'mola' iłne nonescopá liłpuftine liłtatahueló." Iłne lonescopa aimijouya. Petsi noquimf'epá ihiya lataiqui', ¿te ti'i'ma quilsina' te ts'i'ic' lixplic'epa LanDios? Ai. Ma le'a ti'hua tixhuelcoyi, ticuayi: "¿Pe copa'a al Linca Cataiqui'? ¿Te ts'i'ic' ihiya?" Ticuicomma ti'huaiyijnle LanDios, ti'ełe linca litaiqui'. Tołta'a timetsaico'me te ts'i'ic' lixplic'epa LanDios.

⁵ Iłne petsi ałınca naihuejcopá locuxepa LanDios ti'eyołtsi capic'a. Iłne joupa i'ipola' ac'a liłpicuejma'. Aimi'nujuaisyołtsi iłne quiltuca', ti'nujuaitsila' liłpimaye. Jiłpe liłpicuejma' iłsina' LanDios joupa imenc'e'ecopola' li'epa. Tołta'a aimi'econayacu al xujc'a. Ma ti'huaiyijnyi LanDios, a'i ma le'a minesyi.

⁶ Petsi aimihuejyi tołta'a iłne joupa ecanujpá al C'a Cane. Mane tipalołaiyi. Iłe loya'apa aimitoc'ila' liłpimaye.

⁷ Ticuayi: "Illanc' linca ninc'omxiye. Ałmuc'iyaleyi ma locuxepa LanDios, iłe lataiqui' linilijmpa Moisés." Iłne ma le'a tipalołaiyi. Ni aiquilsina' te ts'i'ic' locuxepa LanDios.

⁸ Illanc' aicalatets'iyi iłe lataiqui' linilpa Moisés, ałsinyi ac'a cataiqui'. Le'a cacua: Iłne lomxiye ticuicomma ti'ila' quilsina' tuhuałc'ełe iłe lataiqui'. Timuc'iyalełe ma to ts'ipic'a LanDios.

⁹ Ticuicomma ti'ila' quilsina' naitsi iłne nahue'epola' tiquimf'ełe litaiqui' Moisés. Aimehue'ela' iłe lataiqui' iłne petsi LanDios joupa epenufpola', petsi joupa iximpola' to ailopa'a quiljunac'. Iłniya joupa iłsina' te ts'i'ic' locuxepa LanDios. Ticuicomma timuc'intsola' lan xanuc' petsi aimihuejcoyi locuxepa LanDios, iłne lincuejlocale. Timuc'intsola' petsi natets'ipá LanDios, iłne no'epá al xujc'a. Timuc'intsola' petsi lixcay liłpicuejma', iłne tixhuelcoyi ma le'a ihiya lopa'a fa'a li'a

lamats'. Timuc'intsola' petsi noma'apá quiñ'ailli', quiñ'máma'. Timuc'intsola' noma'apá liñ'as xanuc'.

10-11 Timuc'intsola' petsi nahuepá quilecal'no', petsi nox-huicopá liñ'as xanuc' to cacal'no', petsi no'nołpá liñ'as xanuc' ticuj'me, petsi nofelłaiquepá, petsi aimentant'łiyi lataiqui' locupa, petsi no'epá nixpiya. Ticuicomma timuc'intsola' jahuay no'epá lixcay, pe aimihuejcoyi Lataiqui' loya'apa lixpice'epa ŁanDios. He Lataiqui' tixc'ai'iyale ma le'a al c'a, tuya'e' te ts'i'ic' ŁanDios lipicuejma'. Iłque tixoqui queta alunłu'enga'. Małe Lataiqui' lapi'ipa iya', al'huaiyijmpa cuya'ala'.

12 Cax'najtsi'i Jesucristo łalPoujna. Iłque altoc'ipa, alapi'ipa laipicuejma'. Cami: "Cax'najtsi'ihuo' ima' al'huaiyijmpa, lapi'ipa laipenic".

13 Li'ipa, iya ixcay capalaijma iłque Cristo. Cateł'mila' lix-anuc', camiloquila' cataiqui'. Iłniya łitiné aicainihuequi Jesucristo. Tołiya aicainimetsaicola' lixanuc' Jesucristo, aicaixina' ja'ni ixanuc' ŁanDios o a'i. Tołta'a ŁanDios aicalaca'ni'e.

14 Juaiconapa acueca' łalpaxnepa łalPoujna. Lijoupa lainepenufpa Jesucristo jilpe łınca ai'huaiyijmpa ŁanDios, ca'ela' capic'a lapimaye.

15 Tipa'a lataiqui' ma' al łınca loya'apa. Tepenufle jahuay lan xanuc'. He lataiqui' tuya'e': "Jesucristo icuaiyoco'ma jifa'a li'a lamats' tunłu'etsola' no'epá lixcay". Jilpe loya'apa "... tunłu'etsola' iłne no'epá lixcay", jouc'a iya' ałnescojma. Iya' xonca nixcay xans, aıłopa'a nalulijya.

16 Iłne petsi no'huaiyijnyacu, Jesucristo ipic'a timuc'itsola' te ts'i'ic' lipicuejma'. Ti'ıla' quıłsina', tama acueca' juaiconapa liłjunac', Cristo tepenuf'mola'. Tepi'ımola' al ts'e liłpitine aimijouya. Tołta'a ate'a ałsimpa nincuanuc'. Ałsnet'łpa iya' lai'ejma'.

17 jAłs'najtsi'ııe ŁanDios cal Rey! Ałs'najtsi'ııe aimijouya licuxejma', aimimaya, aiqui'huáqui. Ma quituca' anDios. Ma le'a iłquiya nipajnya texc'onłingolai'me. Ma le'a iłque timinłe: "Ima' manDios". Ma tołta'a lo'ıya, aimipaiya. Tołta'a ti'ıla'. Amén.

18 Mai'hua Timoteo, ŁanDios joupa imetsaicopo', epi'ipo' lopenic'. Itsiya caxc'ai'ihuo': Ma to'ela' jıłiya łanic'. To'nujuaitsi linespa lapimaye noya'apá lixpice'epa ŁanDios, łalmponga': "Ti'ela' Timoteo lipenic' ŁanDios". Itsiya taipa'ala' lopujfxi, taihuejla' ŁanDios.

19 Ti'hua to'huaiyinge Jesucristo. To'nujuaitsi imenc'e'ecopo' lo'epa lixcay. Aimo'econa'ma. Petsi aimi'nujuaisyi limenc'e'ecompolá' li'epa, aiquiłcuac', iłne ti'econayi lixcay. Aimi'hua mi'huaiyijnyi Jesucristo. Joupa ejac'epołtsi.

20 Tołta'a li'ipola' Himeneo y Alejandro. Iłne iya' joupa

aicupola'. Nepi'ipa lane Satanás titeł'mitsola'. Tihuic'ile aime-tets'icona'me Jesucristo.

2

¹ Itsiya caxc'ai'i'mo'. Ate'a camihuo': "Toxc'ai'itsola' lapimaye nafolyomma jilpiya, tomitsola': Imanc' mołpalaic'oyi ŁanDios toł'nujuaitsola' loł'as xanuc' ni petsi lomana'. Tołsahue'ele ŁanDios titoc'itsola', tepi'itsola' lahue'epola'. Ja'ni joupá epi'impola' toł's'najtsi'ile ŁanDios.

² Toł'nujuaitsola' lan rey jouc'a jahuay ts'itpenic'. Tołsahue'ele ŁanDios titoc'itsola' ihniya. Tołta'a aimalpa'neyacongá, luyalaico'me al c'a, aimatsuelmot'leyacu, al'e'me ma latenłcocoýa ŁanDios, aimal'eyacu nixpiya.

³ Ja'ni tołta'a tołsa'hueyi ŁanDios linca tonł'eyi al c'a. Ihe lonł'epa tetenłcocojma ŁanDios Łalunł'u'eponga'."

⁴ Ique ipic'a tunłul—le lan xanuc' ni petsi lomana'. Ipic'a ti'ila' quilsina' te ts'i'ic' al Linca Cataiqui' loya'apa.

⁵ Tipa'a ma le'a anuli ŁanDios. Jouc'a tipa'a ma le'a anuli łalaPaluc. Ique ti'i'ma tipalaic'o'ma ŁanDios jipu'hua lema'a. Tixahue'e altoc'itsonga' illanc' ninc'ixanuc'. Jesucristo ala-Paluc, jouc'a axans.

⁶ Ique icupoxi tima'anle. I'najtsepa lałjunac' illanc'. Jouc'a i'najtsepa liłjunac' lał'as xanuc' ni petsi lomana'. ŁanDios joupá ixpic'epa te quitine tuya'atsa ile li'ipa. Joupá icuai'ma al 'hora. Lataiqui' illanc' lalupola' lan xanuc' tuya'e' ile li'epa Cristo.

⁷ Ma tołta'a laipenic' lalapi'ipa ŁanDios. Iya' nin'apóstol cuya'e' ile lataiqui'. Iya' laifnescopoxi al linca. Aicafel'miyale. Alummeýa ca'huala', camuc'itsola' lan xanuc', ilne petsi aimimetsaicoyi ŁanDios.

⁸ Aipic'a tipalaic'ole ŁanDios lan xanuc' ni petsi lafot'leyołtsi lapimaye. Ihniya ja'ni al c'a lo'epa, liłmane' lo'nof'epa tetenłcoco'ma ŁanDios. Mipalaic'oyi ŁanDios, aimixtule'me jilpe liłpicuejma', aimifuleco'me cataiqui'.

⁹ Jouc'a aipic'a ti'ila' ac'a lił'ejma' lapimaye cacal'no'. Ai' metej'mołtsi juaiconapa. Aimicoł'i'mołtsi milanc'e'me juaiconapa liłjuac, ma mipo'noyi jilpe lił'oro, ma mixc'uininc'iyi liłjune' aperla. Aimehue'me juaiconapa lipitali quilpijahuahi. Aimines'me: "Alahuelojntsonga' lan xanuc'". Ti'ila' liłpijahuahi ma latenłcocoýa ŁanDios. Jilpe liłpicuejma' tijanajle ti'ełe al c'a.

¹⁰ Lacał'no' naihuejpa ŁanDios ticuicomma timujtsołtsi mi'eyi al c'a. Aimimuc'iyale'me te ts'i'ic' liłpijahuá, ja'ni ac'a o a'i.

¹¹ Łaca'no' miquimf'e nomuc'iyalepa, ma tiquimf'ełá'. Aimi-talá'e'ma. Tihuejcołá'.

¹² Iya' a'i capi'ila' lane laca'no' mimuc'inyacola' lan xanuc' ni micuxenyacola'. Ma tiquimf'ele.

¹³ LanDios ate'a ilanc'e'ma cal xans, iŕque Adán. Lijou'ma ilanc'epa laca'no' Eva.

¹⁴ Tama loquexi' aiqulihuequi locuxe'epola' LanDios, ma le'a Eva ifel'mimpa. Adán a'i. Totiya camilhuo': Laca'no' aimimuc'i'me lan xanuc', aimicuxe'me.

¹⁵ Iniya laca'no' iŕtaic' liŕjunac'. Ti'hua tixinyi lumla litine mipo'no'me liŕmaxque'. Tama toŕta'a lo'ipola' ti'i'ma tunŕul'me. Ticuicomma ti'hua ti'huaiyijnle LanDios, ti'hua ti'etsola' capic'a lapimaye, ti'hua timetsaicotsolŕsi ma' i'huexi LanDios, tenajtŕolŕsi al xujc'a, ti'hua ti'ele al c'a. Ja'ni toŕta'a li'ejma' tunŕul'me.

3

¹ Ticuayi: "Pe ts'ipic'a ticuxetsola' lipimaye, ac'a lanic' iŕe lojanajpa lo'eya". Iya' cacua: Al linca lataiqui' iŕiya.

² Totiya ticuicomma anuli lapima petsi joupá imetsaicompa ac'a xans, ts'anuli quipeno, ticuxeyoxi ac'a, ac'a lipicuejma', a'i caxpennaiqui, tepenufila' lapimaye jilpe lejut'ŕ, tepi'ila' lomanc'eyacu. Jouc'a ticuicomma ts'ixina' lomuc'iyalepa. Ja'ni toŕta'a li'ejma', iŕque linca ti'i'ma ticuxe'mola' lipimaye.

³ Aimofaj'ma lapima ja'ni tixnatsay o limfule o tixtumma. Tofaj'ma lapima ja'ni tixnet'ŕ'ma, ja'ni tipalaic'ola' al c'a lipimaye. Aimofaj'ma ja'ni ipic'a tulijla' quitomí.

⁴ Ja'ni ticuxela' al c'a nomana' lejut'ŕ, ja'ni linaxque' tihuejcoyi, aimi'eyi nixpiya, iŕque tofaj'ma.

⁵ Lapima petsi aiquxina' micuxeyacola' nomana' lejut'ŕ, ¿te ti'i'ma ti'e'mola' cuenna lipimaye, lefot'ŕepola' LanDios? A'i. Aimi'iya.

⁶ Ticuicomma lofajya i'ipa axpe' camats' quihuequi Jesucristo. Ja'ni quite' mihuequi aga tines'ma: "Iya' xonca nin-cueca". Tijouŕa' ma' anuli Satanás tecani'em'me.

⁷ Ja'ni lan xanuc' petsi aimimetsaicoyi LanDios timetsaicoyi ac'a xans ti'i'ma tofaj'ma. Ja'ni a'i tinesco'me cataiqui', tijouŕa' lapima tic'aiŕquehuo ma to ts'ipic'a Satanás.

⁸ Ma' anuli lapimaye notoc'iyacu liŕpima micuxeyale. Ja'ni aimilotsoyi, ja'ni ma' anuli liŕtaiqui', a'i oque', tofaj'mola' iŕniya. Aimofaj'mola' ja'ni tixnatŕolŕyi ni ja'ni ts'iŕpic'a tulijle quitomí.

⁹ He Lataiqui' lalapenufpa illanc' ticuicomma ticuec'ele lipime xonca jouc'a tihuejle lataiqui'.

¹⁰ Ai'a tofaj'mola' taimetsaicotsola' te ts'i'ic' liŕ'ejma' jouc'a liŕpicuejma'. Ja'ni aŕinca ac'a xanuc' tapi'itsola' quitpenic'. Titoc'iŕe liŕpima ma micuxela' lapimaye.

11 Lacaŋ'no' notoc'iyacu jouc'a tucuicomma petsi ac'a liŋpicuejma', aimixahualeyí, ticuxeyoŋtsi al c'a, tenant'ŋiyi liŋtaiqui', aimifellaŋqueyi.

12 Lan xanuc' notoc'iyacu tucuicomma anuli anuli ti'ŋla' liŋpeno, a'i oquexi' afantsi. Tucuicomma ticuxentsola' al c'a liŋmaxque' y jahuay nomana' lilejut'ŋ.

13 Iŋne notoc'iyacu, acueca' iŋe lanic' lo'eyacu. Ja'ni tix-huai'nile liŋpenic', liŋpimaye timetsaico'me. Iŋne quiŋtuca' timet-saico'moŋtsi alinca ti'huaiyijnyi Jesucristo.

14 Iya' cacua aimalcoŋconaya fa'a. Ca'hua'ma jilpe. Aŋsintoŋtsi. Ma capa'a fa'a quiniŋ'ehuo', cu'ihuo' lof'eya.

15 Tijouŋa', ja'ni alcoŋ'ma fa'a joupa i'ipa coŋsina' te ts'i'ic' lonŋ'eyacu, ima' y lapimaye nomana' jilpiya. Imanc' ixanuc' LanDios, maŋque Limaf'i' CanDios. Ma' iŋque efot'ŋepolhuo', ipo'nocopolhuo' toluya'aŋe al Linca Cataiqui'. Ipo'nocopolhuo' tonŋ'eŋe cuenna iŋe Lataiqui', toŋsinŋe aimipai'im'me, aim-imuc'iyale'me ituca'.

16 Linca acueca' ipime Lataiqui' lalihuejcopa illanc'. Iŋe lataiqui' tipalajma Cristo, tuya'e':

Iŋque i'epoxi xans, icuai'ma fa'a li'a lamats'.

Cal Espíritu Santo imetsaicopa pangay c'a lipicuejma'.

Lapaluc' quema'a ehuelojmpá.

Pe lomana' iŋne petsi aiquilimetsaijma LanDios, jilpiya uya'ampá te ts'i'ic' li'ipa, li'epa iŋque.

Fa'a li'a lamats' i'huaiyijmpá,

pu'hua lema'a epenufinnapa, imetsaicompa anDios.

4

1 Cal Espíritu Santo joupa inespa lo'iya, ticua: “Ticuaiti lijoujma quitine lan xanuc' aimihuejconayacu al Linca Cataiqui'. Tiquimf'e'me locuapa locuenaye lan espíritu, iŋne nofelŋaiquepá. Tihuej'me lomuc'iyalepa lontahue.”

2 Iŋne petsi naihuejpá ituca' cataiqui' ti'e'eyoŋtsi to lan c'a xanuc'. Ticuayi: “Illanc' aŋmuc'iyaleyi al Linca Cataiqui'”. Ma le'a ticuayi toŋta'a, tifel'miyaleyi. Ni aimimetsaicoyoŋtsi ixcay lo'epa. Joupa iminscopa liŋpicuejma', i'ipa capeme, aimixinguf-coyi.

3 Ticuayi: “Timajnle quiŋtuca' lan xanuc'. Jouc'a lacaŋ'no' timajnle toŋta'a. Aimejoni'moŋtsi.” Jouc'a ticuayi: “Iŋta'a o jiluhua aimoŋte'me. LanDios aimepi'ilhuo' lane.” Iŋne nonescopá toŋta'a tinescoyi ma lilanc'epa LanDios. Ja'ni al'huaiyijmpá, alcuac'eyi al Linca Cataiqui', LanDios ipic'a aŋs'najtsi'iŋe, alŋteŋe.

4 Jahuay lilanc'epa LanDios ma ac'a. Ailopa'a calatets'iyacu. Aŋs'najtsi'iŋe LanDios, alŋte'me.

⁵ Litaiqui' ÆanDios joupa lu'iponga' ac'a lilanc'epa ÆanDios. Ja'ni alsahue'ele itque tipaxne'ma lattejacu.

⁶ Ja'ni tołta'a lofxc'ai'iyacola' lapimaye ałınca to'e'ma lipenic' Jesucristo. Tomuj'moxi te ts'i'ic' litoc'empo'. Tomuj'moxi joupa imuc'impo' te ts'i'ic' Lataiqui' lalihuequi', te ts'i'ic' al c'a lomuc'iyalepa. Tomuj'moxi ma ti'hua taihuequi.

⁷ Tipa'a lataiqui' ti'onłcospa to litaiqui' lacał'no' joupa ito-jnapola', ite lataiqui' tipa'ayi quiltuca' litpicuejma'. Aij łınca lataiqui', tuya'e' nixpiya. Aimapenuf'ma ni aimoquimf'e'ma. Xonca taipa'ala' lopujfxi tanant'łta' locuxepa ÆanDios.

⁸ Ja'ni taipa'ala' lopujfxi pe lafil'ya tepi'im'mo' lofmulijya. Ja'ni taipa'ala' lopujfxi tanant'łta' locuxepa ÆanDios xonca acueca' tolij'ma. ÆanDios joupa icupa cataiqui'. Toxim'ma al c'a mopa'a fa'a li'a łamats' jouc'a Locuena Quitine toxinna al c'a.

⁹⁻¹⁰ Ticuayi: "Toliya ał'eyi łanic', lipa'ayi acueca' lałpujfxi, ałtel'miyoltsi. Joupa ał'huaiyijmpá ÆanDios, itque Limaf'i' CanDios. Ma le'a itque ti'i'ma tunłu'e'mola' lan xanuc' ni petsi lomana'. Ałınca lunłu'e'monga' illanc' petsi joupa ał'huaiyijmpá." İte lataiqui' tuya'e' al łınca. Tepenufle jahuay lan xanuc'.

¹¹ İma' toxc'ai'itsola' lapimaye jıłpe nomana'. Tomuc'itsola' laıfmipo', ite łaininił'epo'.

¹² Tama mamijcano aimetets'i'mo', ni'anuli. Topalałta' al c'a, to'ełta' al c'a, to'etsola' capic'a lopimaye, tanant'łta' lopenic' jahuay, tanajxoxi al xujc'a. Ja'ni lapimaye tihuejhuo' tołta'a lo'ejma' itne jouc'a ti'i'ma al c'a lił'ejma'.

¹³ Ca'hua'ma pu'hua, cahuejnto'. Ma mopa'a cotuca' ti'hua toxhuef'itsola' lapimaye litaiqui' ÆanDios, ti'hua toxc'ai'itsola', tomuc'itsola'.

¹⁴ To'nujuaitsola' litaiqui' pe noya'apá lixpicejma' ÆanDios. İniya uya'apá, imi'me lan ts'ilaj capimaye: "Timoteo ti'ełta' lipenic' Jesucristo. Tołpo'nof'ite lołmane' łijuac." Jıłpe litine ÆanDios epi'ipo' lopicuejma', to'ełta' lipenic'. İtsiya aimatets'i'ma lepi'ipo' ÆanDios. To'ełta' łanic'.

¹⁵ Topo'notsi cuenna ite łaininił'epo', aimaimenc'eco'ma. To'etsi ma to laıxc'ai'ipo'. Tołta'a ti'hua ti'i'ma xonca al c'a lopicuejma'. Jahuay lapimaye tixim'mo' ite li'ipo'.

¹⁶ Ti'hua taicuis'exoxi ja'ni ac'a lo'ejma', ja'ni ac'a lofmuc'iyalepa. Tołta'a tonłu'e'moxi jouc'a tunłul'me itne noquimf'epo'.

5

¹ Anuli łitojpa xans aimotale'ma, topalaic'o'ma al c'a, ma le'a tomiłta'. Taimetsaicołta' to co'ailli'. Lof'as camijcanó, taimetsaico'mola' to copimaye.

² Litojpola' cacal'no' taimetsaico'mola' to co'máma'. Lahuats'la taimetsaico'mola' to copimaye cacal'no'. Aimopalaic'o'mola' quixcay cataiqui', aimailotsojnc'o'mola' cataiqui'. Jahuay ihniya, aimotale'mola', le'a tomi'mola'.

³ Tomitsola' lapimaye nomana' jilpiya: “Tohtoc'itsola' lam potsateya cacal'no', ihniya petsi ma' alinca quiltuca”.

⁴ Anuli cal potsate caca'no', ja'ni timana' linaxque' o linietó, titoc'ile ihniya. Ate'a ti'ele al c'a quiltuca' lipimaye. Tihuic'ile titoc'ile quih'ailli', quih'máma'. Tohta'a lipic'a LanDios, tetenma.

⁵ Iya' cacua: Cal potsate caca'no' petsi joupá i'huaiyimpa LanDios, mipa'a quituca' ja'ni ilque ti'hua ti'huaiyinge, ipuqui' itine tipalaic'o'ma LanDios, tixahue'e'ma titoc'ila'. Ja'ni tohta'a li'ejma' ilque alinca apotsate.

⁶ Timana' ocuenaye lam potsateya cacal'no' ituca' li'ejma'. Ihe tehueyi te co'ia muyalaicoyacu al c'a lipitine. Tehueyi lipixojma cata. Tohta'a, tama ihmaf'i', LanDios tixinnila' to limac'la, to nenajpołtsi LanDios.

⁷ To'itsola' lapimaye laifmipo'. Tomitsola': “Tolihuejle ile lahmiponga' lapima Pablo”. Ja'ni ti'ele tohta'a locuenaye lanxanuc' aiminescoyacu a'ijc'a.

⁸ Lapimaye ticuicomma titoc'intsola' lihxanuc'. Lapima xonca titoc'i'mola' nomana' lejut'. Ja'ni aimi'eyi tohta'a, acueca' a'ijc'a li'ejma', aimihuejyi Lataiqui' loya'apa ile al c'a lixpicepa LanDios. Petsi aimimetsaicoyi LanDios ihniya titoc'innila' lihxanuc'.

⁹ To'itsola' lapimaye: “Cal potsate caca'no' petsi aikuixhuaiya afane' nuxans lemats', aimolinihjnc'e'me lipuftine. Tolinihijnc'eta lipuftine ja'ni loxhuaiya afane' nuxans lemats', ja'ni imajmpá ma le'a anuli lipe'ailli', aikuehuaic' ocuenajxans,

¹⁰ ja'ni imetsaicompa' i'epa al c'a, ja'ni ac'a itoc'epola' linaxque', ja'ni epi'ipola' lejut' tuncac'ele noyepá al culi' cane, ja'ni epac'epola' li'mitsi' lipimaye, ihe jouc'a i'huexi LanDios, ja'ni itoc'ipola' notecopá, ja'ni itine itine tehuay te co'ia mi'eya al c'a. Ma le'a tohniya tolinihijnc'etsola' lipuftine.”

¹¹ Lam potsateya cacal'no' petsi aikuixhuaiya afane' nuxans kilemats' aimolinihijnc'e'mola' lipuftine. Ihe tipango'me ti'e'me lipenic' Cristo, tijoula' tixojtola', ticuanaj'mołtsi, tianaj'me temallicona'me.

¹² Ate'a ticuayi: “Ne' ne', linihijnc'ela' laipuftine, ca'e'ma ma le'a lipenic' Cristo”. A'ij hınca locuapa. Aimentant'iyacu. Tjianaj'me temallicona'me, tijoula' titai'me lajunac', tipo'no'me ile lipenic' Cristo.

¹³ Ihe laca'no' lijoupa lolinihijmpola' lipuftine tihuinaj'mola'. Aimi'eyacu canic', ma le'a tehuengaleta ajut' ajut'. Xonca

lixcay ti'e'me, tixahuale'me, tehuelaifyi, tehuejmaleyi lił'as cacal'no', tipalaiyi lataiqui' aimentenłma.

14 Iya' cacua: Temalliconłe lam potsateya cacal'no' petsi aiqitoquila'. Tixingon-na'me quiłnaxque', ti'e'me cuenna hilejut'hi. Ja'ni tołta'a lo'epa naixtulepá aimi'iya minesyacu: "Xinła', ixcay lo'epa iłne lacał'no' petsi nepenuřpá Cristo".

15 Timana' hualca lam potsateya cacal'no' joupa ipo'nopá al C'a Cane, tihuejcoyi łonta'a Satanás. Tołiya laifcuapa: Lapi-maye lam potsateya temalliconłe.

16 Lapimaye cacal'no' ja'ni timana' liłpimaye apotsateya titoc'intsola'. Aimates'me: "Iłne lapimaye titoc'ile łaipima". Linca titoc'im'mola' lam potsateya cacal'no' petsi ma quiltuca'.

17 Lapimaye litojpola', iłne noxpipjá lataiqui', ja'ni al c'a ti'eyi liłpenic', xonca timetsaicontsola', xonca ti'najtse'entsola'. Xonca timetsaicontsola' tołta'a petsi no'epá lanic' tuya'ayi o timuc'iyaleyi Litaiqui' ŁanDios.

18 Tołta'a tuya'e' al Paxi Linilingiya, ticua: "Cal huacax mi'huailiqui cal trigo, titela'. Aimołfi'e'me lipu'nał." Jouc'a tuya'e': "Cal xans no'epa lanic' ticuicomma ti'najtsenłe".

19 Ja'ni anuli ticufla' liłtojpa capima noxpipja cataiqui', ja'ni tuya'ala': "Iłque i'epa quixcay", ima' aimoquimf'e'ma nonespa tołta'a. Ja'ni oquexi' o afantsi lapimaye tu'ihuo': "Illanc' ałsina' ma i'epa lixcay, ałsimpá li'epa", jilpe linca toquimf'e'mola'.

20 Petsi no'epá lixcay toxc'ai'itsola' pe lefołya lapimaye. Tołta'a tixpailiřtsola' lapimaye noquimf'epá, aimi'eyacu lixcay jouc'a.

21 Iya' cacuxe'ehuo': To'ela' ile laifnu'ipo'. To'nujuaitsola' naitsi iłne nahuelojmpo', małhiya ŁanDios, Jesucristo y lapaluc' quema'a li'huiřf'epola' ŁanDios. Aimocua'ma nulemma: "Iłque a'ijc'a li'epa". Ate'a ti'ila' coxina' te qui'ipa. Tijouła' to'ela' ma to laimipo'. Ni aimocua'ma: "Iłque itojpa xans, tixpic'e lataiqui', aimi'iya catel'miya". Ima' to'ela' al lija.

22 Ja'ni topo'nof'i'ma lomane' lijuac anuli łapima, ticuxetsola' lipimaye, ate'a ti'ila' coxina' te ts'i'ic' lipicuejma', li'ejma' łapima, tijouła' topo'nof'i'ma lomane'. Ja'ni a'i, aga ti'e'ma' quixcay łapima pe joupa opo'nof'ipa lomane', tołta'a ima' jouc'a ojunac'. Aimoxisc'e'moxi tołta'a.

23 Aimoxnacona'ma ma le'a caja'. Itine itine textafhuo'. Toxnala' tutani laj vino. Ti'ina'ma locu'u.

24 Iya' camihuo': Timana' petsi aimi'iya memiyacu lixcay lo'epa. Tama iłne quiltuca' aimuya'ayi te ts'i'ic' lo'epa, aimicołya ti'i'ma coxina', taimetsaico'mola' ixcay xanuc'. Ocue-naye xonca iłsina' mifellaiqueyi. Tocomma ac'a xanuc', tijouła' timuj'mołtsi ituca', taimetsaico'mola' a'ijc'a liłpicuejma'.

25 Ma' anuli lo'ipola' no'epá al c'a. Hualca tocomma a'ijc'a xanuc', tijoula' taimetsaico'mola' ac'a lihpicejma'. Ja'ni ac'a lo'epa li'ejma' cal xans, ilque aimi'ya memiconayacoxi li'ejma', ticuaita litine ti'huájnata.

6

1 Lapimaye amozó, petsi lihpoujna i'nampola', tixpaic'ele lihpoujna ticuec'ele. Ja'ni toлта'a ti'e'me lapimaye, lan xanuc' tixim'me ac'a łalanDios, aimetets'iyacu litaiqui' lomuc'iyalepa.

2 Petsi lihpoujnalá apimaye, aimi'onlico'mołtsi, xonca ticuec'entsola'. Timetsaicontsola' lihpoujnalá jouc'a ti'huaiyijnyi ŁanDios, ma' anuli ti'ela' capic'a ilque. Ima', cumTimoteo, tomuc'itsola', toxc'ai'itsola' toлта'a.

3-4 Toлта'a loya'apa litaiqui' łalPoujna Jesucristo, ile ma le'a ac'a Cataiqui'. Ja'ni lihuejcoyi ile lomuc'iyalepa, al'e'me ma latentłocopa ŁanDios. Petsi ituca' lomuc'iyalepa ailopa'a quilsina', joupa i'ipola' amac'ta, ilne quiltuca' i'e'epołtsi to lan tsila' lomxiye. Ma le'a tifulecoyi cataiqui', ilta'a o ile lataiqui' aiquilpic'a, tixtuleyi. Tijoula' petsi naihuejpa toлта'a ihniya ti'eyołtsi laic', tixtuc'oyołtsi, tinescoyołtsi, jilpe lihpicejma' ticufcoyołtsi a'ijc'a.

5 Ti'hua tifuli'iyołtsi, aimi'eyi anuli lihpicejma'. Ilne lan xanuc' lihpicejma' joupa etelquemma, aimi'ya mixpic'eyacu al c'a, tihuejyi lafellaiqueya cataiqui'. Ticuayi: "Lihuejle ŁanDios, toлта'a lulijle acueca' tomí".

6 A'i, tohiya aimi'ya małcuayacu. Ti'ila' lalapi'yaconga' o aicalapi'i'monga', ma' anuli aimalsuelmot'leyacu. Ja'ni ma lihuejcoyi ŁanDios, joupa i'ipa acueca' lalulijnapa.

7 Lałmajnlita fa'a li'a łamats' ni toлта'a aicaltaic'. Alłmatsonga' jouc'a ni toлта'a aimalłaiyacu.

8 Ja'ni tipa'a łaltejacu jouc'a łalpijahuali łalpo'noyacu, linca tixoj'ma calata, aimalłanajyacu xonca, aimalsuelmot'leconayacu.

9 Pe ts'ilpic'a tulijle acueca' al tomí, a'ijc'a muyalaicoyacu lapajnya, tehuiyim'mola' acueca', tic'aiłcołecu, tihuej'me lihpemac'ta, toлта'a tehueyi latełcoya. Petsi naihuejcopá toлта'a li'ejma', ilne aimunłulyacu, tocomma quiltuca' tunxalac'ila', tijoula' tejac'mola'.

10 Al te'a ilpic'a tulijle acueca' tomí, tijoula' ti'e'me lixcay. Toлта'a li'ipola' hualca, ilne nojanajpa quiltomí, enajpołtsi al C'a Cane. Ilne quiltuca' itel'mipołtsi, i'ipa acueca' lihpixhuejma'.

11 Ima', cumTimoteo, to'ay lipenic' ŁanDios, topo'noła' lopticuejma' aimaihuej'ma ile lixcay cane. Toxpiceła' to'econa'ma al c'a, to'econa'ma ma latentłocopa ŁanDios, ti'hua to'huaiyijnla', ti'hua to'etsola' capic'a lapimaye, ti'hua toxnet'ła' jahuay, aimaixtu'ma, aimo'e'moxi moyac'.

12 Ima' joupa mepenufpa Cristo, ti'hua taihuequi litaiqui'. Itsiya taipa'ala' lopujfxi tolijla' al c'a. Toŧta'a tepi'inno' lopitine aimijouya. Ma toŧta'a ijoc'icopo' LanDios, tepi'itso' lopitine. He joupa oximpa litine onespa: "Ne', iya' nihuequi Jesucristo". He litine miquimf'ehuo' axpela', ima' aicoxina' calaic'ata.

13 Itsiya caxc'ai'ihuo', aimehuelojnhuo' lan xanuc', tehuelojnhuo' LanDios, iŧque timaf'i'ila' jahuay. Jouc'a tehuelojnhuo' Jesucristo, iŧque jouc'a aiquitaic' calaic'ata, ac'a litalai'e'epa Poncio Pilato, u'ipa al linca.

14 Caxc'ai'ihuo': Ma ti'hua co'huaijma ticuaiconanni laŧPoujna Jesucristo, taihuejcola' lataiqui' locuxe'epo'. Ja'ni ima' minnaihuejcopa, tixinim'me ma le'a ac'a litaiqui' Jesucristo. Aiminesc'eyacu, aimicuayacu a'ijc'a iŧe litaiqui' Jesucristo.

15 LanDios joupa ixina' jale litine ticuaicoconno Jesucristo. Ma to lixpice'epa LanDios, ma toŧta'a ti'i'ma. Iŧque LanDios jahuay nipajnya ti'e'ma. Iŧque xonca acueca' Incuxepa, ma iŧque ticuxe jahuay. Iŧque linca apaxi, tixoqui queta. Iŧque aRey, ticuxela' jahuay lan rey. Iŧque aPoujna, iŧPoujna jahuay lapoujnalá.

16 Ma le'a iŧque aimimaya. Pe lopa'a tipa'a pangay quepalc'o', acueca' laxpaiqui' iŧe lepalc'o', aimi'iya miŧoc'huaiyacu. Iŧque nij naitsi nahuelojmpa, aimi'iya mehuelojnyacu. Ma toŧta'a lanDios, iŧque xonca cal Cueca', xonca icueya limane. Toŧta'a timetsaicoŧe lan xanuc', ti'hua timetsaicona'me aimijouya litine. Ma toŧta'a ti'ila'. Amén.

17 Toxc'ai'itsola' lan xanuc' pe ts'ih'hueca acueca'. Tomitsola': "Aimon'e'e'moŧsi to lan tsila' xanuc'. Aimolatets'i'mola' loŧpimaye. Aimoc'ua'me: Ai'hueca juaiconapa acueca'. Ita'a linca aŧtoc'i'ma laifnuyaicoya laipitine. Imanc' aicoŧsina' ja'ni ticoŧ'ma loŧ'hueca o ja'ni aimijucuya. Xonca toŧ'huaiyijnle LanDios. Iŧque itine itine lapi'inga' jahuay lalahue'eponga'. Ipic'a tixojla' calata itsiya, aimasueŧmot'le'me."

18 Jouc'a tomitsola' lan xanuc' pe ts'ih'hueca: "Ima' o'hueca juaiconapa. To'eŧa' juaiconapa al c'a. Aimi'i'mo' maŧs'ile. Totoc'itsola' lopimaye pe nahue'epola'.

19 Ja'ni toŧta'a loŧ'eya aimixpaic'eyaco' Locuena' Quitine. Ti'i'mo' coxina' tipa'a lo'hueca jipu'hua, tepi'inno' nulemma al ts'e lopitine."

20 CumTimoteo, joupa epi'impo' lopenic'. To'eŧa' al c'a. Al c'a tomuc'iyaleŧa' Lataiqui', iŧe loya'apa lixpice'epa LanDios. Iŧniya limpalaipá aimo'onŧico'moxi. Topo'no'mola' quituca', aimoquimf'e'mola'. Iŧne ailopa'a quimuc'iyalepa, lonespa ma le'a laipa'apa quituca' liŧpicuejma', ti'hua tifulecoyi cataiqui', ma micuayi: "Iŧlanc' aŧsina'". A'ij linca locuapa, aiquiŧsina'.

²¹ Petai naihuejcopá ihniya joupa imenajpola'. Aimihuej-
conayi Lataiqui' illanc' lah'huaiyijmpa.
ŁanDios titoc'itsolhuo' jahuay imanc'.

LIJE'E SAN PABLO LOCUENA LINIŁ'EPA TIMOTEO

¹ Iya' ninPablo, nin'apóstol, epaluc Jesucristo. Tołta'a lixpíc'epa ŁanDios. Iya' nin'apóstol laifnuya'apa ticua: "Ja'ni toł'huaiyijnle Jesucristo, tepi'im'molhuo' al ts'e lołpitine aimijouya".

² Quinił'ehuo' coje'e, ima' cumTimoteo. Ima' ai'hua aipic'a. ŁanDios cał'Ailli' y Jesucristo łalPoujna, titoc'itso', ti'nujuaitso', tipac'e'etso' lopticuejma'.

³ Iya' cax'najtsi'i ŁanDios, ilenDios cai'ailli' jouc'a lai'ahueló. Iłniya ihuejcopá, ma' anuli iya' quihuequi jahuay laipicuejma'. Cacia: Cax'najtsi'i ŁanDios. Itine ipuqui' ma capalaic'o ca'nujuaishuo' ima', caxa'hue ŁanDios titoc'itso'.

⁴ Ca'nujuaishuo' ojojpa. Tołiya juaiconapa aipic'a caxingontso', tołta' tixoj'ma neta.

⁵ Ca'nujuaishuo' ma' al linca mepenufpa Jesucristo. Tołta'a epenufpa ate'a lo'ahuela Loida jouc'a co'máma' Eunice. Iłne a'i ma le'a mi'e'eyołtsi, al linca ihuej'me Jesucristo. Iya' cacua ima' jouc'a taihuequi.

⁶ Tołiya camihuo': Tomaf'i'ixoxi. Iłe litine laipo'nof'ipo' laimane' lojuac, ŁanDios epi'ipo' lopticuejma' to'ełá' lanič' lepi'ipo'. Itsiya aimixojto'.

⁷ Aimixpaij'mo'. Cal Espíritu Santo, łalapi'iponga' ŁanDios aimal'e'eyacongá' małsinyacu calaic'ata. Cal Espíritu lapi'iponga' łalpicuejma' al'ełe al cueca', al'etsola' capic'a łal'as xanuc', alsc'ai'itsola' al c'a.

⁸ Itsiya camihuo': Ti'hua topalaico'ma łalPoujna Jesucristo, aimotai'ma calaic'ata. Ni aimalatets'i'ma iya'. Jouc'a capalaicojma łalPoujna, tołiya al'nołpa, alłats'iya. Ja'ni toya'a'ma Lataiqui', loya'apa iłe al c'a lixpíc'epa ŁanDios, ma totełco'ma. Toxpíc'ełá' alłełcole anuli. ŁanDios, iłque No'epa al cueca', tepi'i'mo' copujfxi toxnet'łla'.

⁹ Małque ŁanDios lunłu'eponga', aljoc'iponga' lanajtsołtsi lixcay, al'itsonga' i'huexi ŁanDios.

Ai'a tilajm'ma li'a łamats' ŁanDios alpalaicoponga', ticua: "Iłniya Jesucristo tepenuf'mola'. Iya' catoc'i'mola', capaxne'mola'." ŁanDios aiq'ihuaijma mixinya te ts'i'ic' lał'eyacu, ja'ni ti'łla' al c'a o ti'łla' lixcay. Ma quituca' ixpic'epa alłoc'itsonga', alpaxnetsonga'.

¹⁰ Itsiya joupa alłsina' ma' al linca iłiya lixpíc'epa ŁanDios. Iłque joupa alłoc'iponga', alpaxneponga'. Cristo, iłque Łalunłu'eponga', joupa imujpa tołta'a. Licuai'ma fa'a li'a łamats' ulij'ma lamaya,

alpo'no'iponga' litaiqui', ile lataiqui' laluya'apa. Luya'ayi: "Cristo tepi'ilhuo' al ts'e lołpitine aimijouya. Aimimayacolhuo' nulemma."

11 Ma' ile Lataiqui' cuya'e', camuc'ila' lan xanuc', tołta'a laipenic', iya' nin'apóstol.

12 Tama catełma aicaxhuełmot'le. Aicaixina' calaic'ata. Quimetsaijma naitsi ilque łai'huaiyijmpa, ca'huaiyinge łanDios. Joupa aicupoxi ticuaita limane. Aixina' al'e'ma cuenna. Ticuaitsi al Cuecaj Quitine alapenufna'ma.

13 He laimipo' ac'a lataiqui', aimetelquila'. Joupa oxina' tołta'a lataiqui' lainu'ipo'. Al c'a mepenuf'ma iłiya laitaiqui', o'epa capic'a juaiconapa. Tołta'a lopticuejma' lepi'ipo' Jesucristo. Itsiya to'nujuaisla' te ts'i'ic' iłiya lataiqui'.

14 Acueca' al c'a ile lopenic' lepi'ipo' łanDios, ilque ti'huaiyijnhuo' tomuc'iyalełta' al c'a ile Lataiqui'. Ne', tołe to'ełta', aimopai'i'ma. Cal Espíritu Santo łalapenufpa illanc' nał'huaiyijmpá Jesucristo, ilque titoc'i'mo', almana' anuli ilque.

15 Ima' joupa oxina' aicalimetsaicoconghua lapimaye nomana' łamats' Asia. Tołta'a la'e'epa Figelo y Hermógenes.

16 Onesíforo ituca' li'ejma'. Ilque ti'hua lixoc'i neta. Tama alłats'iya, alfijncompa acadena catejma', ma' alėjmalepá. Aiquixina' calaic'ata. Iya' caxa'hue łalPoujna titoc'itsola' lixanuc' Onesíforo.

17 Cagua: Onesíforo aiquixina' calaic'ata. Licuai'ma fa'a liłya' Roma ti'hua lahuay. Aiminesqui: "Aimi'iya cahuejnya Pablo, aicaixina' pe lopa'a".

18 Małmana' lipiłya' Éfeso alłoc'ipa juaiconapa. Tołta'a oxina'. Caxa'hue łalPoujna titoc'ila'. Ticuaitsi al Cuecaj Quitine łalPoujna aimecani'e'ma.

2

1 Mai'hua Timoteo, aimitafqueco'. Ti'hua taihuejcołta' Jesucristo. Tołta'a łanDios ti'hua titoc'i'mo', tepi'i'mo' copujfxi.

2 To'nujuaisla' te ts'i'ic' laimipo' ile litine lolafot'lepoltsi imanc', ima' y lanxpela' lapimaye. He litine nu'ipo' te ts'i'ic' lołmuc'iyaleya. He lataiqui' tomuc'i'mola' lapimaye loł'huif'eyacola'. To'huijf'e'mola' petsi ac'a naihuejpa', petsi joupa epi'impola' lipicuejma' timuc'iyalełe, iłniya timuc'icona'mola' lapimaye.

3 Fa'a catełma. Jiłpe ima' aimi'iya moyaicoya ma le'a al c'a. Totelco'ma jouc'a. Ma to mixnet'łyi lan soldado ima' jouc'a toxnet'łtsi. Cristo ticuxehuo', taihuejcołta'.

4 Mifule cal soldado aiminesya: "¿Te caifnuyaicoya al c'a lapajnya?" A'i. Joupa ipo'nopa lipicuejma' ti'ełta' ma le'a latentłcocopa lipincuxepa.

5 Ma' anuli lo'epa lan xanuc' nocuicalepá laipa'apa cafxi. Ihe ma tihuejcoyi lataiqui' locuxepola'. Ja'ni aimihuejma, aimulijya lap'i'nyacu.

6 Cal xans no'epa canic', tefot'le laipammaispa jilpe lamats', itque ti'i'ma cal te'a tite'ma lafot'lepa.

7 Topo'noła' cuenna laitaiqui' laifmipo'. LałPoujna tepi'i'mo' lopicuejma' tocuec'ela' taihuic'ila' jahuay.

8 To'nujuaisla' li'ipa Jesucristo, itque lipajnta fa'a li'a lamats' ibisnieto cal rey David. Lijoupa limapa, LanDios imaf'i'inapa. Tołta'a loya'apa Lataiqui' ile laifnuya'apa, ile lataiqui' tuya'e' al c'a lixplic'epa LanDios.

9 Timana' petsi aimetenłcocola' ile lataiqui' laifnuya'apa. Toliya catełma itsiya. Al'onhiconno to lixcay xans, altełminno. Tama iya' alfi'empa, litaiqui' LanDios aiquifiyiya. Ihiya lataiqui' tuya'aley, tepenufyi.

10 Iya' ma caxnet'łqui jahuay ca'nujuaitsila' lapimaye ilne lo'huij'epola' LanDios. Cacia: Ma mi'huaiyijnyi Jesucristo ihniya jouc'a ti'ila' quilsina' tunł'ela', ti'ila' quilsina' alinca tilait-sufcotola' LanDios, timetsaicotola' nulemma ixanuc'.

11 Al linca lataiqui' loya'apa:

Ja'ni joupa almanaponga' anuli Cristo, jouc'a almaf'i'im'monga', anuli almajnta pu'hua.

12 Ja'ni alsnet'He to lixnet'łpa Cristo, jouc'a alcuxeta anuli.

Ja'ni aimalimetsaicoyi, jouc'a aimalimetsaicoyaconga'.

13 Ja'ni aimal'eyi linca, LanDios tenant'li'ma litaiqui', aimalfel'miyaconga'.

Ja'ni joupa icupa cataiqui' aiminesya: "Ile lataiqui' a'i caicuac".

14 Laitaiqui' laifmipo' ima' to'icona'mola' lapimaye no-mana' jilpiya. Aimimenc'eco'me laitaiqui'. Tomitsola': "Toł'etsoltsi cuenna. LałPoujna tehuelongilhuo', ixina' te ts'i'ic' lo'ejma'. Aimonł'e'e'moltsi to ihniya petsi ja'ni aiquilpic'a o aimetenłcocola' anuli lataiqui' tixtulecu. Petsi tołta'a li'ejma' aimuyalaicoyacu al c'a. Jouc'a pe noquimf'epá timints'ela' liłpicuejma'."

15 Ima' cumTimoteo, tahuela' latentłcocoya LanDios. Tim-itso': "Iya' nimetsaicohuo' ac'a lo'epa". Al c'a to'ela' lanic' lepi'ipo' LanDios. Toxpijla' al c'a al Linca Cataiqui'. To-muc'iyalela' tołta'a. Ja'ni tołta'a lof'epa, litine tacaxingaitsi LanDios aimoxinya calaic'ata.

16 Aimonłejmale'me petsi juaiconapa nopalai pá. Ihe ailopa'a quilmuc'iyale, lonespa tipa'acoyi quiltuca' liłpicuejma'. Ihe ti'hua ti'e'e'moltsi xonca lixcay xanuc', xonca aimihuejconayacu LanDios.

17 Lomuc'iyalepa ihniya ti'onłcospa to al cuana. Tetetłquiyaleyi, tima'ahualeyi. Tołta'a lomuc'iyalepa Himeneo y Fileto.

18 Ihne joupa imenajpola'. Aimihuejconayi al Linca Cataiqui'. Ticuayi: "Ja'ni joupa lapenufpá al ts'e lałpitine, tocomma to joupa ałmaf'i'iponga'. Tijoułta' ałmatsonga' ailopa'a xonca. LanDios aimaf'af'i'iyaconga'." Ihniya lomuc'iyalepa timenac'ila' lapimaye, hualca aimihuejconayi to li'ipa.

19 Petsi LanDios ifa'epola' liłpicuejma' aimi'iya mimenac'inyacola'. Ihne linca i'huexi LanDios. Tołta'a loya'apa lataiqui', ticua: "LałPoujna timetsaicola' naitsi ihne lixanuc'". Jouc'a tuya'e': "Ihne pe nocuapá: LanDios aiPoujna, aimi'econa'me al xujc'a, tipalunca nulemma lixcay cane."

20 Al cueca' cajut'i tipa'a axpe' capixú, ituca' ituca'. Tipa'a lilanc'ecompa a'oro o aplata. Jouc'a tipa'a lilanc'ecompa a'ec o ixitsqui. Tipa'a lałpixú petsi lo'e'epa cuenna juaiconapa, ma le'a al c'a lo'nicoya. Ocuenaye a'i. Tixhuicoyi nij naitsi lanic'.

21 Tołna'a lapimaye. Lapima ja'ni tenajxoxi lixcay, ti'onłcospa to al c'a capixu, tetenłcoco'ma liPoujna, ihque timetsaico'ma i'huexi. Iximpa joupa ilanc'e'empa lipicuejma'. LaPoujna litine tixpic'ela' ti'ela' al c'a tepi'i'ma lapima lipenic', ihque ti'e'ma tołta'a.

22 Ima' aimaihuej'mola' lof'as camijcanó lił'ejma'. Ihne tihuejco'me lojanajpa ihne quiltuca' liłpicuejma'. Ima' topo'nołta' lopicuejma' taihuejla' al liłca, ti'hua to'huaiyijnla' LanDios, ti'hua to'etsola' capic'a lapimaye. Tonłejmaleke lapimaye nojoc'ipá lałPoujna Cristo, ihne naihuejcopá, aimolixtuc'o'mołtsi.

23 Aimonłejmale'me petsi nofulecopá lamac'ta cataiqui'. Petsi tołta'a lił'ejma' ma le'a tixtuc'o'mołtsi, tifuli'i'mołtsi.

24 Lapima no'epa lipenic' lałPoujna aimifuli'i'mola' lipimaye. Ihque tipalaic'o'mola' al c'a jahuay lapimaye, timuc'i'mola' al c'a. Ja'ni ti'ela' a'ijc'a anuli lipima, ihque pe no'epa lipenic' LanDios aimixtuc'o'ma.

25 Panca panca tixc'ai'i'mola' ihne pe aimihuejcoyi. Aimi-jaic'o'mola'. Aga LanDios titoc'i'mola' tixhuej'menacu. Ti'ila' quilsina' te ts'i'ic' al Linca Cataiqui'.

26 Tołta'a tilanc'e'ena'mola' liłpicuejma'. Aimimanecu petsi lic'aiłpola' łonta'a, tuntul'me. Ihque łonta'a joupa li'e'epola' to liłpic'epa, i'nołpola', itats'epola'.

3

1 To'nujuaisla', tocuac'ela' lo'iya liłjoujma quitine. To'nujuaisla' ti'i'ma ipime lapajnya.

2 Lan xanuc' ti'e'mołtsi capic'a ma le'a quiltuca', tixim'me acuanuc' liłtomí, tipalaico'mołtsi acueca' al c'a, tetets'i'me lił'as xanuc', tinesc'e'me cataiqui'. Aimi-cuec'eyacu lił'aillí,

aimix'najtsi'iyacu ihne pe notoc'ipá. Ti'i'ma ma lixcay lihpicuejma'.

³ La'aillí lihaxque' aimi'eyacołtsi capic'a. Aimi-menc'e'econayacu ja'ni lixcay li'empola', ti'hua tixtuc'oyi. Tixahuale'me, aimicuxeyacołtsi al c'a, timuj'mołtsi oyac'la juaiconapa, tixtuc'o'me petsi no'epá al c'a.

⁴ Ticufquim'mola' loyejmalepá. Aimixpic'eyacu al c'a lo'eyacu, tołta'a ti'e'me pangay nixpiya. Ti'e'e'mołtsi to acueca' lihpicuejma'. Aimicuaispa quihpic'a LanDios, xonca ihpic'a lixojma cata.

⁵ Ihne tama ti'hua texc'onłingolaiyi jounpa etets'ipá LanDios, aimihuejcoyi. Xonca tihuejco'me lojanajyacu jilpe lihpicuejma'.

Aimaihuej'mola' ihne lan xanuc'. Aimontejmale'me, tanajxoxi.

⁶⁻⁷ Lan xanuc' li'ejma' to laifmipo' ihne ma infel'miyale. Tehueyi te co'iya mitsuflaiyacu łajut'hi. Jilpiya tifel'mi'me lacał'no' petsi aimixpic'eyi lihpicuejma'. Ihniya lacał'no' iłtaic' acueca' quihjunac'. Tihuejcoyi ni tintsı cataiqui', ihıya lataiqui' petsi ihniya quihıuca' tıjanajyi, tixinyi tetenłcocola'. Ti'hua tiquimf'eyi jahuay lomuc'impola', aimicuec'eyi. Ni micuec'eyi te ts'i'ic' al Linca Cataiqui'.

⁸ Ihniya lan xanuc' petsi ituca' lomuc'iyalepa ti'onłcospola' to Janes y Jambres. Ihna'a loquexi' ipa'ne'me litaiqui' Moısés. Tołta'a li'ejma' ihniya lomxiye, tipa'neyi litaiqui' LanDios. Ihne iminscola' lihpicuejma'. Jounpa imujpołtsi aimi'huaiyijnyı LanDios, ihque aimimetsaicola'.

⁹ Linca, itsiya tocomma ti'hua tulijyi. Ai. Aimi'ıya mulijconayacu. Ihne Janes y Jambres imetsaicompola' lihpemac'ta. Ma' anuli timetsaicom'mola' ihniya lan xanuc' lainscopola'.

¹⁰⁻¹¹ Ima' a'i tołta'a lof'epa. Jounpa mepenufpa laitaiqui' laifmuc'iyalepa. Tołta'a taihuequi. Ima jounpa ałsimpa lai'ejma', ałsimpa te ts'i'ic' laifxpıc'epa, ałsimpa te ts'i'ic' lai'huaiyijmpa LanDios. Ałsimpa aıquixtumma, ałsimpa ca'ehuale capic'a ma to ca'ay capic'a LanDios. Ałsimpa caxnet'ıqui jahuay ma lahuenno a'enıa' quıxcay. Ałsimpa laıfıtelcopa, ałsimpa te ts'i'ic' lainuyaicopa jilpiya hıfelolıya' Antioquıa, Iconio y Listra. Ałsimpa lahuenno, lihuetsoquımpa. Linca łajPoujna alunıu'epa jahuay ihıya.

¹² Itsiya camihuo': Petsi jounpa nepenufpa Jesucristo, ixpic'epá tihuejco'me LanDios, ihniya linca tehuem'mola', ti'entsola' quıxcay.

¹³ Lıxcay xanuc' jouc'a lınfel'miyale jahuay ihniya ti'e'mołtsi xonca axujc'a xanuc'. Ti'hua tıfel'miyale'me, ti'hua tıfel'mi'mołtsi.

¹⁴ Ima' cumTimoteo jounpa omıhuıc'ıpa Lataiqui', jounpa o'epa linca. Ti'hua taihuejla' tołta'a, aımanaj'moxi. Ima'

oxina' naitsi ihe limuc'ipo' ihe Lataiqui'. Omimetsaicola' ac'a lipicuejma'.

¹⁵ To'nujuaisla' lomuyaicopa. Maj ma'hua omimetsaicopa al Paxi Linilingiya. Ihe linilingiya linca ti'hua tepi'ihuo' lopicuejma', tunlu'e'mo'. Tofta'a ti'i'mo' ja'ni ti'hua to'huaiyinge Jesucristo.

¹⁶ Ihe al Paxi Linilingiya lan xanuc' aquilipa'e quiltuca' lipicuejma'. Ma minilyi, i'Espíritu LanDios timuc'ila' te lainilyacu. Toliya ihe a'i ninaitsi cataiqui', mane itaiqui' LanDios. Ja'ni tomuc'itsola' lapimaye, ja'ni toxca'i'itsola', ja'ni totaletsola', ja'ni to'itsola' te ts'i'ic' al c'a lo'eyacu, jilpe litaiqui' LanDios taipa'a'ma lofmuc'iyacola'.

¹⁷ Toliya ma mo'ey lanic' lepi'ipo' LanDios ti'i'ma to'e'ma al c'a. Ma' o'hueca litaiqui' LanDios ailopa'a quehue'epo'. Ac'a ti'i'ma totoc'i'mola' lapimaye.

4

¹ Itsiya caxc'ai'ihuo', camihuo' lof'eya. To'nujuaitsola' ca'Ailli' LanDios y Jesucristo laPoujna, ihe tehuelojnhuo'. LaPoujna ticuaiyunni ticuxela' timuj'moxi ijuez jahuay lan xanuc'. Ja'ni ts'ihmafi', ja'ni joupa imanapola', jahuay tixim'me tofta'a.

² Camihuo': Ti'hua toya'ala' Lataiqui'. Ti'hua to'ela' lanic' lepi'ipo' LanDios. Aimocua'ma: "Aimi'iya". Toxc'ai'i'mola' lapimaye, topalaic'o'mola', ti'ila' quilsina' ja'ni a'ijc'a lo'epa. Ja'ni oxina' a'ijc'a lo'epa, totale'mola'. To'itsola' te ts'i'ic' al c'a lo'eyacu. Tofta'a taixpi'i'mola' quileta. Topalaic'otsola' al c'a. Panca panca tomuc'itsola'.

³ Iya' camihuo' ti'hua tomuc'itsola'. Ticuaihuo litine lan xanuc' aimicuayacu. Ti'e'me laic' al c'a lomuc'iyalepa. Quiltuca' tehue'me quilpomxiye, ihe latentcocoyacola'. Tefot'lem'mola' axpela' lomxiye. Ipic'a tiquimf'ele ituca' ituca' cataiqui', aimicuaicospa quipic'a nulemma.

⁴ Al Linca Cataiqui' tetets'i'me. Ihe aimiquimf'eyacu, ti'e'moltsi atalpe. Xonca ipic'a tiquimf'ele ni tintsi cataiqui' loya'apa lan xanuc'.

⁵ Ima' aimoxhuelmot'le'ma. To'huijla' lopicuejma'. Toxnet'ha' jahuay latecoya. To'ela' lopenic' ihe lepi'ipo' LanDios. Toya'ala', tomuc'iyalela' Lataiqui'.

⁶ Iya' aixina' aimalcoya fa'a li'a lamats'. Tocomma ma' itsiya tic'equi laijuats', catsufcoyoxi LanDios. Ma le'a lahue'e' alma'anla'.

⁷ Joupa nipa'apa laipujfxi, joupa nulijpa. Aijou'nepa laipenic', ihe lanic' lalapi'ipa LanDios. Lataiqui' lai'epa linca, male Lataiqui' ti'hua ca'ay linca, ti'hua cuya'e'.

⁸ Itsiya, ¿te xonca caif'huaicoya? Linca pu'hua tipa'a lalapi'inya. Ticuaitsi al Cuecaj Quitine al'najtseta laPoujna,

ihque cal Cuecaj Juez, ahijca lo'epa. Ihque alimetsaicota lai'epa al c'a. Ai ma le'a iya'. Limetsaicotonga' jahuay petsi ah'huaicoyi ticaiconanni Cristo. Tixoj'ma calata lapenufta.

⁹ Ima' cumTimoteo, aimicohto' jihpiya. To'huanni, ah'sim'moltsi.

¹⁰ Demas joupa i'huanapa, ahpo'nopa fa'a caituca'. Ihque aiquicuac' mi'hua miteicoconaya. Xonca ipic'a tuyaicohta' al c'a capajnya fa'a li'a lamats'. I'huapa lihya' Tesalónica. Crescens i'huapa lamats' Galacia. Tito i'huapa lamats' Dalmacia.

¹¹ Caltuca' ahmana' fa'a iya' y Lucas. Tahuehta' Marcos. Toleconni fa'a. Ihque ah'toc'i'ma. Ah'e'me lipenic' LanDios.

¹² Tiquico jouc'a ailopa'a. Nummepa lihya' Éfeso.

¹³ Ima' litine to'huanni ah'taic'uenanni laipoxa laipo'nopa lihya' Troas, lejut' Carpo. Ah'taic'ue'enni jouc'a ah'aje'e, ihne lilanc'ecompa ixmi. Ihne xonca ticuicomma.

¹⁴ Alejandro, ihquiya ah'lanc'ot'hepa tixhuijma acobre, ihque ah'e'epa juaiconapa quixcay. Ihne lixcay lah'e'epa, nuli ti'najtsi'ina'ma lah'Poujna.

¹⁵ To'exoxi cuenna ihquiya cal xans. Aimo'huaiyijm'ma. Juaiconapa ah'pa'neponga' ah'llanc' lah'taiqui'. Ah'micuaicospa quipic'a.

¹⁶ Ate'a lah'joc'impa catalai'e'etsola' petsi lah'cufpa, nij naitsi lah'toc'ipa. Lah'ejmale inulna'me, ahpo'nopa caituca'. Caxahue'e LanDios timenc'e'ecotsola' ah'ta'a lah'e'epa.

¹⁷ Tama ah'niya ahpo'nopa caituca' ah'ca'ahpo'nohua ah'Poujna Jesús. Ihque ah'toc'ipa, lah'ipi'ca caipujfxi. Ixp'ic'epa ti'hua cuya'ah'a' Lah'taiqui', caxhuai'nih'a' ihne laipenic'. Ni petsi lomana' lan xanuc' pe ah'mimetsaicoyi LanDios, ti'ih'a' quih'sina' te ts'i'ic' Lah'taiqui'. Tama tocomma joupa ah'no'pa calxmu, ah'ma'a'ma, ah'tejn-na'ma, LanDios lunhu'epa. Ti'hua ca'eh'a' lipenic'.

¹⁸ Lah'e'epa lan xanuc' ah'malulijya. Lah'Poujna Nopa'a lema'a ti'hua lunhu'e'ma. Ah'e'cona'ma cuenna. Ah'majnta anuli ihne litine tixinim'me locuxeya. Ma' ihque timetsaiconte ah'Dios. Tix'najtsi'inh'e' itsiya litine jouc'a Locuena Quitine. Tohta'a ti'ih'a'. Amén.

¹⁹ Tomitsola' Priscila, Aquila, jouc'a lixanuc' Onesíforo: "Pablo tinonghuo".

²⁰ Erasto ipanemma lihya' Corinto. Tróximo textafque. Ah'po'nopa lihya' Mileto.

²¹ Ah'micohto' jihpiya pe loh'pa'a. To'huanni ah'a' ti'i'ma lah'axita quitine. Tinonghuo' Eúbolo, Pudente, Lino, Claudia, jouc'a jahuay lapimaye nomana' fa'a.

²² Ti'ih'a' coxina' lah'Poujna Jesucristo tipa'a pe loh'pa'a. LanDios ah'toc'itso', ah'tipaxnetsolhuo' jahuay ah'manc'.

LIJE'E SAN PABLO LINIĒ'EPA TITO

¹ Iya' ninPablo ca'ey laɬcuxe'epa ĽanDios. Iya' nin'apó stol, epaluc Jesucristo, iɬque lummepa. Lummepa pe lomana' li'huij'epola'. Ĩniya tepenufle. Ti'ila' quiɬsina' te ts'i'ic' al Ľinca Cataiqui'. Tihuejcole ĽanDios.

² Ti'ila' quiɬsina' ĽanDios tepi'i'mola' liɬpitine aimijouya. Ai'a tilanc'e'ma li'a lamats' ĽanDios inespa: “Capi'i'mola' laixanuc' liɬpitine aimijouya”. Ma' alinca toɬta'a lo'epa ĽanDios, iɬque aimi'ia mifellaiqueya.

³ Icuapa: “Ticuaitsi litine laixpic'epa, camuc'i'mola' laixanuc' iɬe laitaiqui' lainespa”. Joupa icuai'ma iɬta'a litine. Iya' cuya'e' lataiqui' linespa ĽanDios. Iɬta'a aipenic'. Iɬque ĽanDios Ľalunɬ'eyacongá' lapi'ipa iɬta'a laipenic', aɬcuxe'epa ca'eɬa'.

⁴ Iya' ninPablo quini'ehuo' ima' cumTito. Illanc' ninc'oquexi' aɬ'huaijnyi Cristo. Toliya ima' ai'hua. ĽanDios ca'Ailli' y Jesucristo Ľalunɬ'eyacongá' tipaxnetso', titoc'itso', tipac'e'etso' lopicuejma'.

⁵ Laipo'no'mo' jilpiya lamats' Creta nu'i'mo' lof'eya. Aimi'mo': “Jifa'a tipa'a lahue'epa. Aiquifaquila' lapimaye litsilojpola' xanuc', iɬne tixpic'e'me lataiqui'. Ima' tofaj'mola'. Iya' iɬya' petsi lafoɬyomma lapimaye, ima' tofajtola' iɬne litsilojpola' xanuc'.” Toɬta'a laimipo'. Itsiya ma to'eɬa'.

⁶ Ima' tofajtola' iɬne limetsaiconnila' ac'a xanuc'. Ĩniya ts'anuli quiɬpeno, iɬne ts'ihaxque' naihuejcopá locuxepa ĽanDios. Toɬta'a aiminesyacu lan xanuc': “Iɬque cal xans linaxque' aimihuejcoyi, ti'eyi nixpiya”.

⁷ Lapimaye litsilojpola' xanuc' ti'e'me cuenna lixanuc' ĽanDios, toɬiya ticuicomma tofajtsola' petsi limetsaiconnila' ac'a xanuc'. Aimofaj'ma petsi ma le'a quituca' tixpic'e lipicuejma'. Jouc'a aimofaj'ma laixtumma, ni loxnatsaipa, ni Ľinfule, ni lonesya: “Culijco'ma caitomí”.

⁸ Tofaj'ma petsi laixojpa queta tepenufila' lipimaye quiy-ouyomma aculi', tepi'ila' quilejut'ɬ tunxajle. Tofaj'ma iɬque petsi letenɬcocopa al c'a a'i lixcay, petsi aimilosma, ti'ay al Ľijca, tenaj'moxi al xujc'a, tihuequi ĽanDios, timuj'moxi ma' i'huexi ĽanDios, ticuxeyoxi al c'a.

⁹ Tofaj'ma petsi ti'hua tihuequi lataiqui' limuc'impa, iɬe lataiqui' aimifellaique. Toɬta'a ti'i'ma tu'i'mola' lapimaye. Timi'mola': “Toɬta'a tuya'e' Lataiqui'. Toɬcuc'eɬe.” Jouc'a titalai'e'mola' lan xanuc' pe aimihuejcoyi ĽanDios. Timuc'i'mola' a'ij Ľinca lonespa.

10 Itsiya timana' axpela' lan xanuc' aimihuejcoyi locuxe'empola'. Ihe tipalaicoyi quiltuca' lihpicuejma'. Tifel'miyaleyí. Ihe linfel'miyale xonca axpela' ihniya axanuc' judío.

11 Ticuicomma ti-ch'ixc'entsola'. Ihe ihpic'a tulijle quiltomí, tohiya timuc'iyaleyí pe aimetenhma. Timana' lajut'hi petsi jahuay lapimaye naihuejcopá LanDios joupa imenac'impola' lihpicuejma'.

12 Anuli cal xans acueca' ts'ixina', lipajnyota jilpe lamats' Creta, icuf'mola' lipiŷya' xanuc', ticua: "Ihna'a laixanuc' nomana' Creta infel'miyale, ailopa'a quihpicuejma', ti'onŷcospola' to linneja, intetsopá, ahuiye".

13 Ma' al linca linespa ilque cal xans. Ma toŷta'a liŷ'ejma' ihniya nomana' Creta. Tohiya tox'c'ai'itsola' a'ujfxi lapimaye nomana' jilpiya. Tomitsola': "Aimolihuej'me iŷe lixcay cane. Tolihuejle al Linca Cataiqui'.

14 Aimolquimf'e'mola' loya'apa iŷe lan xanuc' judío. Aimolihuej'me locuxe'epolhuo' ihniya. Ihiya liŷtaiqui' tipa'acoyi quiltuca' lihpicuejma'. Tetets'iyi al Linca Cataiqui'."

15 Petsi joupa li'ipola' limpio lihpicuejma', iŷe tixinyi ac'a jahuay lipo'nopa LanDios jifa'a li'a lamats'. Ituca' lihpicuejma' lan xanuc' pe aimihuejcoyi Jesucristo. Ihniya a'ij limpio lihpicuejma', tixinyi jahuay axujc'a.

16 Micuayi: "Alimetsaicoyi LanDios", maŷne ti'eyi lixcay, ti'eyi pe aimetenhma LanDios. Ihe ix'cay lihpicuejma', incuejlo-cale, aimi'iyi mi'eyacu al c'a.

2

1 Ima' conTito, aimomuc'iyale'ma to lomuc'iyalepa iŷe lan xanuc'. Pangay c'a litaiqui' Jesucristo. Petsi naihuejpa' iŷe litaiqui' jouc'a ti'eŷe al c'a. Toŷta'a tomuc'itsola'.

2 Momuc'ila' litsilojpola' xanuc' tox'c'ai'itsola', tomitsola': "Imanc' toŷcuxetsoŷsi al c'a. Aimolilotso'me. Toŷcuc'eŷe Lataiqui', tolihuejle. Tonŷ'etsotŷsi capic'a, imanc' unc'apimaye. Aimixojtolhuo', to'ommoŷaitsa jahuay lo'iyacolhuo'."

3 Momuc'ila' litsilojpola' lacaŷ'no' tox'c'ai'itsola', tomitsola': "Imanc' noŷpaic'epá LanDios ti'ila' ac'a loŷ'ejma'. Aimolŷahuale'me. Aimolŷnatŷolai'me vino. Toŷmuc'iyaleŷe al c'a.

4 Toŷc'ai'itsola' anuli anuli loŷ'as cacal'no' petsi ts'atesca quilemats', toŷmitsola': To'eŷa' capic'a lope'ailli', to'etsola' capic'a lonaxque'.

5 Aimailotŷo'ma. Tanajxoxi lixcay. To'e'ma cuenna lomejut'ŷ. Tonanc'otsola' lopimaye. Taihuejcoŷa' lope'ailli'. Ja'ni aimo'ay al c'a lan xanuc' tines'me: Ah, a'ijc'a litaiqui' LanDios."

6 Momuc'ila' lamijcanó, toxc'ai'itsola', tomitsola': "Tołcuxetsotši al c'a".

7 Ima' cumTito jouc'a to'eła' al c'a. Tixintso' tołta'a lof'epa tihuej'mo' to mo'ay. Tomuc'iyaleła' al hijca Lataiqui'. Ihe acueca' cataiqui', tołta'a tomuc'iyaleła', a'i to ninaitši cataiqui'.

8 Momuc'iyale ti'ila' ma le'a ac'a lofpalaiya, tołta'a ihe petsi aimihuejcoyi aimi'iya minesyacu: "Ihe axujc'a cataiqui'". Tama iłpic'a ałnescotsonga', aimi'iya małnescoyaconga'. Tixim'me calaic'ata.

9 Toxc'ai'itsola' lam mozó, ihe li'nampola', tomitsola': "Taihuejcoła' łopoujna. To'eła' jahuay locuxe'epo'. Aimotala'ot'le'ma.

10 Aimaminai'ma ni tołta'a. Tołiya ti'huaiyijm'mo' łopoujna. Ja'ni ima' ac'a lo'ejma', lan xanuc' tixim'me ac'a juaiconapa lataiqui' lofmihuejpa. Ihe litaiqui' ŁanDios Łalunłu'eponga'."

11 ŁanDios joupa ałmuc'iponga' ac'a lipicuejma'. Ni petsi lomana' lan xanuc', ŁanDios ipic'a titoc'itsola', tunłu'etsola'.

12 Illanc' inaxque' cał'Ailli' ałsc'ai'inga', ałtel'minga'. Tołta'a ałmuc'inga' aimalihuej'me lojanajpa lałpicuejma', to mihuejyi ihe pe aimimetsaicoyi ŁanDios. Ałmuc'inga' alihuejle ma latenłcocopa ŁanDios. Małmana' fa'a li'a łamats' ałspic'ełe al c'a, ał'ełe al hijca, lihuejcołe ŁanDios.

13 Ma luyalaicoyi tołta'a ał'nujuaisyi te ts'i'ic' ihe al cueca' al c'a lał'iyaconga'. Ma le'a ał'huaijma timujxoxi Jesucristo Łalunłu'eyaconga'. Jiłpe litine timuj'moxi ma' anDios. Tołta'a ałsim'me te ts'i'ic' iłque cal Cuecaj CanDios.

14 Jesucristo mipa'a fa'a li'a łamats' aiquicuanajyoxi. Icupoxi i'najtsepa jahuay lałjunac' petsi aicalihuequi locuxepa ŁanDios. Tołta'a ał'e'eponga' limpio, ma' i'huexi, ma' ixanuc' Jesucristo. Lapi'iponga' lałpicuejma' tixojla' calata ał'ełe al c'a.

15 Fa'a loje'e nu'ipo' lo'eyacu lapimaye nomana' jiłpiya. Ima' toxc'ai'itsola', tomitsola' tołta'a. Ja'ni cua naitši ocuena qui'ejma', totaleła'. Aimixpaij'mo', tipa'a lomane. Ti'ila' ac'a lofcuapa, lof'epa, aimetets'i'mo' ni' anuli.

3

1 Tomitsola' lapimaye: "Imanc' aimolimenc'eco'me lałmipolhuo'. Tolihuejcotsola' lan tsilaj xanuc' ihe nocuxepolhuo', jouc'a tolihuejcotsola' ts'iłpenic'. Ja'ni ticuxe'ennilhuo' tonł'ełe lanic', ja'ni ac'a lanic', tixoj'ma cunlata tonł'ełe.

2 Nij naitši mołnesc'e'me cataiqui'. Aimołfuli'i'me cataiqui'. Tołsnet'he, aimołtalai'ot'le'me. Ti'ila' tołta'a lonł'eyacu ni petsi lołtseyacu."

³ Al cołta illanc' lał'ejma' ti'onłcospa to lił'ejma' lan xanuc' petsi aimimetsaicoyi ŁanDios. Ailopa'a całpicuejma', aicalihuejma, afel'mimponga', lihuejcoyi lalatenłcocoponga' lałjanajpa. Luyalaicoyi lapajnya ał'e'ela' laic' lał'as xanuc'. Lahueyi te co'iya mał'e'eyacola' lixcay lał'as xanuc'. Lał'as xanuc' ałłaiquina', illanc' jouc'a ałłaiquila' iłniya.

⁴ Tama tołta'a lał'ejma' ŁanDios Łalunł'eyacongá imuj'moxi. Imujpoxi ac'a lipicuejma', ti'nujuaitsila' jahuay lan xanuc'.

⁵ Ałsimponga' ninc'icuanuc'la. Tama aical'aic' al c'a, lunł'eponga'. Lapajponga', lapi'iponga' al ts'e lałpitine. Cal Espíritu Santo ałłanc'e'enaponga' lałpicuejma'.

⁶ Aicalcuanac'enga' cal Espíritu Santo. Lijoupa lixhuai'nipa lipenic' Jesucristo Łalunł'eponga', ŁanDios tixoqui queta lapi'iponga' cal Espíritu.

⁷ ŁanDios ipic'a ałtoc'itsonga', lapenuftsonga' to ailopa'a całjunac', ał'itsonga' inaxque'. Ipic'a ał'huaicote locuenaj capajnya aimijouya petsi ałłaitsufcotonga', toliya lapi'iponga' cal Espíritu Santo.

⁸ He lataiqui' ma' al linca.

Joupa aimipo' lołxc'ai'iyacola' lapimaye nomana' jilpiya. Aipic'a ti'hua toxc'ai'itsola' ilne naihuejcopá ŁanDios. Tołta'a tipo'no'me liłpicuejma' tixpic'e'me ti'e'me ma le'a al c'a. He lainu'ipo' ac'a cataiqui'. Cacia: Lan xanuc' tihuejcole, tijouł'a' jahuay iłniya tuyalaico'me al c'a.

⁹ Timana' lan xanuc' nofulecopá lamac'ta cataiqui'. Tepauyi liłtatahueló, tixhuej'meyi axpela' liłpuftine. Tifulecoyi lataiqui' licuxepa Moisés, tixtuleyi, tifuleyi. Ilne mane tipalołaiyi. Tołta'a aimitoc'iyaleyi. Ima' aimapenuf'ma liłtaiqui', tanajxoxi.

¹⁰ Anuli łapima ja'ni tihuequi ituca' cataiqui' a'ij linca, tomitsi: "Ima' timenajhuo". Ja'ni aimicuec'ehuo' tomicontsi. Tijouł'a' ja'ni aimicuec'ehuo' aimonłejmalecona'me. Aimaimet-saico'ma to copima.

¹¹ Petsi naihuejpá tołta'a joupa iminscopola' liłpicuejma'. Titai'me liłjunac'. Tecani'eyołtsi quilłuca'. Iłniya ima' taimet-saico'mola' te ts'i'ic' liłpicuejma', aimoxim'mola' acuanuc'la.

¹² Cumme'e'mo' Artemas o Tíquico. Anuli iłniya ticuaitsi jilpiya, aimicoł'mo', to'huał'a' liłya' Nicópolis. Jilpiya capajnta iya' cuyaicota łaxita quitine.

¹³ Ima' pe lołpa'a tahueł'a' te co'iya motoc'iyacola' łomxi Zenas y Apolos. Tapi'itsola' laicuicomma. Tiyete al c'a liłpene. Aimehue'e'mola'.

¹⁴ Tomuc'itsola' jilpiya lałxanuc', iłniya nepenufpá Cristo. To'itsola': "Itine itine ton'ete al c'a. Tołtoc'itsola' lołpimaye, ilne

lahue'epola'." Ja'ni tołta'a lo'eyacu aimi'onliyacola' to łamats' petsi aimipammaispa.

¹⁵ Lapimaye jifa'a nomana' tinonghuo'. To'itsola' lapimaye nomana' jilpiya: "Pablo tinonilhuo'". Ihe jouc'a tihuejyi al Linca Cataiqui', tołiya al'enga' capic'a.

ŁanDios titoc'itsolhuo' jahuay imanc'.

LIJE'E SAN PABLO LINIĒ'EPA FILEMÓN

¹ Iya' ninPablo, iya' i'huexi Jesucristo, alfi'ecompa acadena catejma'. Illanc', iya' y łapima Timoteo, alini'ehuo' um-Filemón, ima' ałpima. Ima' jouc'a illanc' ał'eyi lipenic' Jesucristo.

² Jouc'a alini'ehuo' ima' małpima caca'no' Apia. Ma 'anuli alini'ehuo' ima' małpima Arquipo. Illanc' jouc'a ima' um'Arquipo lihuejyi Jesucristo. Iłque ałcuxenga' to całCapitán. Jouc'a lini'ela' lapimaye nafołyomma lomejut'ł umFilemón.

³ ŁanDios cał'Ailli' y łapoujna Jesucristo titoc'itsolhuo', tipac'e'etsolhuo' lołpicuejma'.

⁴⁻⁶ Ałminno: "Filemón ma' al linca ti'huaiyinge łapoujna Jesucristo, ti'ela' capic'a lapimaye, iłne jouc'a i'huexi ŁanDios". Toliya ma capalaic'o ŁanDios, iłque ainenDios, cax'najtsi'i, ca'nujuaishuo' ima' umFilemón. Cami ŁanDios: "Cax'najtsi'ihuo', Filemón timujyoxi ti'huaiyinge Jesucristo. Titoc'ila' lipimaye. Mi'ay tołta'a łapima limetsaico'me xonca acuajmaica jahuay al c'a lalapi'imponga'. Tołta'a tixinim'me acueca' łapoujna Jesucristo, tixinim'me ac'a lo'epa iłque."

⁷ Maipima Filemón, iya' camihuo': Ałcuejpá lof'epa ima'. Toliya illanc' ixocumma calata. Alu'imponga' ima' to'ela' capic'a lixanuc' ŁanDios, micuaita lomejut'ł, tapenufila'. Iłniya tuxac'eyi, tuyalainayi tixoqui quileta.

⁸ Itsiya caxa'huehuo' to'ela' xonca. Linca Cristo lapi'ipa laimane, nipajnya cacuxe'mo', itsiya aicacuxeyaco', ma le'a caxa'huehuo' to'ela' to laifmiyaco'.

⁹ Iya' ninPablo joupa ałtojpa xans, alfi'ecompa acadena catejma', iya' i'huexi Jesucristo. Ja'ni ima' ał'ay capic'a, to'ela' ma to laifxa'huepo'.

¹⁰ Caxa'huehuo' tapenufnala' iłca'a łai'hua Onésimo. Ma calfi'iya fa'a, aipalaic'ocopa łapoujna Jesucristo. Toliya i'ipa ats'e lipepajnya iłca'a Onésimo, cacua: "Iłque ai'hua".

¹¹ Li'ipa, iłca'a aiqui'ic' quitoc'ihuo'. Itsiya linca ipaicopa. Iya' ałtoc'i. Ima' jouc'a titoc'ito' jilpiya.

¹² Itsiya cummengahua, ticuainatsi pe lofpa'a. Iłca'a laifnummenapa ti'onłcospa to łainunxajma'. Tapenufnala'.

¹³ Iya' cuya'e' Lataiqui', iłe loya'apa al c'a lixplic'epa ŁanDios. Toliya ał'nołcompa, alfi'enno. Ima' aimi'iya mocuaiya małtoc'iya. Iya' nipajnya canes'ma: Tipanenni Onésimo, ałtoc'i'ma.

¹⁴ Iya' a'i tołta'a caicuac'. Iya' caituca' aicaxpic'e tołta'a laif'eya. Ma' ima' toxpic'e'ma, aicacuxe'ehuo'. Toxplic'ela' ima'

conFilemón. Iya' aimi'iya cacuxe'eyaco' to'eła' iŕe al c'a. Ima' cotuca' toxpic'e'ma lof'eya.

¹⁵ Tama oque' afane' quitine ima' ejac'yopa lomane Onésimo, iya' cacua tołta'a ixpic'epa LanDios. Itsiya tipainahuo. Ticuainatsi jilpe, ima' tapenufnała' nulemma.

¹⁶ Tapenufnała'. Itsiya a'i ma le'a comozo, iłca'a opima. To'eła' capic'a juaiconapa. Iya' linca ca'ay capic'a. Ima' opoujna, xonca to'eła' capic'a. Imanc' unc'oquexi' itsiya ma' anuli lołPoujna.

¹⁷ Iya' camihuo': Ja'ni ma' ałınca ima' ałejmalepá, ja'ni ima' alimetsajma anuli lałpicuejma', ma to malapenufi iya' tole tapenufnała' Onésimo.

¹⁸ Ja'ni inantsejpo' o itaiyinc'ehuo', tapulijnla', tainiła', tonesla': "Iłta'a, Pablo ałtaiyinc'e".

¹⁹ Iya' caituca' quinili: "Iya' ninPablo ca'najtse'ena'mo". Ima' ałtaiyinc'e lomulijcopa lopitine, iŕe al ts'e lopitine lepi'ipo' LanDios. Aicamiyaco' ał'najtse'eła' iŕe lopitine. Linca aimi'iya ma'najtse'eya. Ma le'a caxa'huehuo': Tapenufnała' Onésimo.

²⁰ Maipima Filemón, aimocuanaj'moxi. Ninc'oquexi' ał'huaiyijnyi Jesucristo. To'nujuaisla' la'e'eponga' lałPoujna. Tołta'a to'e'ma ma to laifxa'huepo'. Tijouła' aicaxhuełconaya.

²¹ Iya' ca'huaiyijnhuo' juaiconapa. Cacua: "Łaipima Filemón lihuejco'ma, ti'e'ma to laimipa. Ti'e'ma xonca." Tołiya iya' quinil'ehuo'.

²² Jouc'a camihuo', caxa'huehuo': Lapi'ita laifpanc'eya. Aixina' imanc' tołsa'hueyi LanDios ałtoc'iła'. Tołiya cacua: LanDios lux'masna'ma. Lapi'i'ma lane cacuaitsi pe lołmana'.

²³ Tinonghuo' Epafras, iłque iya' ałtats'eninga' anuli, lihuejyi anuli Jesucristo.

²⁴ Jouc'a tinonghuo' Marcos, Aristarco, Demas y Lucas. Ał'eyi anuli lipenic' lałPoujna Jesucristo.

²⁵ Jesucristo titoc'itsolhuo', tipaxnetsolhuo' lołpicuejma'.

AL JE'E LINIŁ'EMPOLA' LAPIMAYE LUN HEBREO

¹ Luyaipa quitine, ŁanDios ipalaic'o'mola' lam profeta. Axpe' ipalaic'ocona'mola'. Axpe' li'ejma' timuc'itsola'. Imuc'i'mola' te ts'i'ic' lipicuejma'. Ine lam profeta u'i'me, laťatahueló iqumf'e'me liťtaiqui'.

² Ina'a litiné ma mi'hua mijoujma li'a lamats' ŁanDios joupa ałmuc'iponga' nulemma te ts'i'ic' lipicuejma'. Imujpoxi. Ma li'Hua ŁanDios timuqui te ts'i'ic' lipicuejma' ŁanDios.

ŁanDios joupa ifaquimpa li'Hua ticuxela' jahuay, jahuay ti'ila' i'huexi. Jouc'a epi'ipa limane tilanc'ela' li'a łamats', lema'a, jahuay lopa'a. Ma tołta'a li'epa.

³ Cał'Ailli' ŁanDios temiyoxi jilpiya petsi acueca' juaiconapa epalc'o'. Aimi'iya małsinyacu. Li'Hua acuajmaica ałmuc'inga' te ts'i'ic' ŁanDios. Cał'Ailli' ŁanDios y li'Hua ma' anuli mimana'. Li'hua timuqui ma' al linca ŁanDios i'Ailli' ilque.

Acueca' icueya limane li'Hua ŁanDios. Tixpic'e aimijou'mola' łamats' lema'a jahuay lopa'a. Tołta'a aimijoucola'. Litine tinesla': "¡Ixhuaita!", jahuay tijouna'ma.

Małque li'Hua ŁanDios aliłonc'e'eponga' lałjunac', alatufc'e'eponga'. Lijoupa li'epa tołta'a icutsainapa jilpe al c'a camane cal Cueca' CanDios Nopa'a al toncay lema'a.

⁴ Tołta'a imetsaicom'me acueca'. Ulijpola' łapaluc' quema'a. Ine lecu'i'impola' "łapaluc'", ilque a'i. Xonca acueca', xonca ac'a ilte lecu'i'impa ilque, ma' ipuftine.

⁵ Lipalaic'opa ŁanDios anuli łapaluc' quema'a, łte aga limipa: "Ima' ai'Hua. Itsiya quimetsaicohuo', iya' o'Ailli'?" O lipalaicopa łapaluc', łte luya'apa: "Iya' i'Ailli', ilque ai'Hua"? A'i.

⁶ ŁanDios mipalaic'o' li'Hua, ilque łacui'impa Cal Te'a, ti'nujuaitsi litine tummecona'ma li'a łamats', ticua:

Texc'onłingolaiťe jahuay łapaluc' quema'a.

⁷ Lipalaico'mola' łapaluc' quema'a tuya'e':

ŁanDios ixpic'epa lepaluc' quema'a ti'onłcospola' to łahua'.

Ine epaluc' no'epá lipenic', ixpic'epa ti'onłcospola' to lipat cunga.

⁸ Lipalaico'ma li'Hua ŁanDios tuya'e':

Locuxejma manDios, aimijouya.

Ma al łijca lo'ejma', al łijca tocuxe.

⁹ Ima' mihuequi al łijca, tetenłcoco'huo'.

Petsi aimihuejyi to'ela' laic' li'ejma',

tołiya manDios, xonca ifac'epo' łomenDios, xonca imetsaicopo'.

Joupa mulijpola' lopimaye.

Tołta'a i'e'epo' tixojma meta juaiconapa.

¹⁰ Jouc'a tuya'e':

Lipangopa li'a lamats' ma ima', manDios, opo'nopa ite li'a lamats'.

Ma' ima' olanc'epa lema'a.

¹¹ Linca lema'a tijouna'ma, ima' a'i.

Ima' topa'a tijauhuamlaicota, ti'hua topa'a.

Lema'a ti'hua tijaf'que, ti'i'ma ma to lo'iya lotsamalo.

¹² Ma to cal xans tijuis'ma lipuquiya, tohta'a tojuis'ma lema'a, tipaico'ma.

Ima' a'i mopai'iyacoxi, aimijouya lopitine.

¹³ LanDios, ¿te aga imipa anuli lapaluc quema'a: "Tocutshuai'ma jifa'a al c'a camane. Topanhuo fa'a, iya' mi'hua culiquila' lo'epo' laic'. Tijoula' ima' tocuxena'mola'."? Tohta'a LanDios limipa ma le'a ti'Hua.

¹⁴ Ituca' lapaluc' quema'a. Jahuay ihniya tama ihmafi' ailopa'a quituerpo. Jijpiya lema'a ti'eyi lanic' lepi'ipola' LanDios. Itque tummela' titoc'intsole' lixanuc', ihne nonhu'eyacola'.

2

¹ Linca xonca acueca' Lanlu'eyaconga'. Lapaluc' quema'a aimi'onspola' to itque. Tohiya ticuicomma xonca alpo'no'me cuenna, xonca lihuejco'me lataiqui' laluponga'. Ja'ni a'i lunas'mim'monga' ocuena cane.

² Luyaipa quitine lapaluc' quema'a uya'apá litaiqui' LanDios. Ite Lataiqui' aimi'iya mipai'inyacu. Tohta'a lan xanuc' no'epá nixpiya, pe aimihuejcoyi, epi'im'mola' lihjunac'. Al hijca itel'mim'mola'.

³ Itsiya illanc', LanDios joupa ahmiponga' lunlu'e'monga' nulemma, ja'ni latets'ite, ¿te aimatel'miyaconga'? Linca xonca atel'mi'monga'.

Lataiqui' laluponga' te ts'i'ic' malunhulyacu, ite lataiqui' lahPoujna Jesucristo uya'apa ate'a. Lijou'ma pe niquimf'epá alu'iponga' illanc'. Imuj'me ma' al linca ite lataiqui'.

⁴ Jouc'a LanDios ihinc'i'ma litaiqui'. Imuj'ma a'i itaiqui' lan xanuc'. Ma muya'ayi litaiqui', LanDios imuj'moxi acueca' icueya limane. Jijpe i'e'ma acueca' to aimi'iya mi'eyacu lan xanuc'. Petsi nepenufpá lataiqui' cal Espíritu Santo ipaxnepola', epi'ipola' anuli anuli lihpicuejma' ma to loxpicepa LanDios.

⁵ Joupa ahnespá lo'iya. Tijou'nem'mola' lema'a li'a lamats'. Ti'ila' ats'e jahuay, a'i lapaluc' quema'a micuxeyacu jijpe. Joupa ixpic'epa LanDios.

⁶ Tohiya jijpe al Paxi Linihingiya anuli mipalaic'o LanDios ticua: Ima', ¿te cal'nujuaiscoponga' illanc' ninc'ixanuc'? ¿Te caltoc'icoponga'?

7 Hpe litine łolanc'epa cal xans omepi'ipa acueca' limane, ti'onłcospa to ima', manDios.

Ma le'a lapaluc' quema'a ni huata xonca atsila'.

8 Tomi cal xans: “Tocuxe'ma lailanc'epa, jahuay tihuejco'mo”.

ŁanDios licuapa: “... jahuay tihuejco'mo”, jilpe tuya'e' ailopa'a petsi aimalucuec'eyaconga' illanc' ninc'ixanuc'. Alucuxe'me jahuay. Itsiya a'i tołta'a maluyalaicoyi. A'i jahuay malihuejconga'. Ailopa'a tołta'a calmane.

9 Linca alšinyi Jesús, ilque icueya limane tołta'a. Ilque i'epoxi xans. Mipa'a fa'a li'a łamats' ilne “... lapaluc' quema'a ni huata xonca atsila”. Itsiya ilque ticuxe jahuay. Lijoupa limapa, imaf'inapa, ŁanDios i'najtse'epa nulemma. Imetsaiconapa i'Hua, ma' anDios.

Li'epoxi xans ilque ixingufcopa lamaya, tunłu'etsola' lan xanuc' cua naitsi lıřaza, ni petsi lomanc'eyacu. Tołta'a lixpıc'epa ŁanDios. Ilque al'nujuaisponga', ipic'a alłoc'itsonga'.

10 Malque ŁanDios aPoujna jahuay. Jahuay ticuxe. Pangay c'a lipicuejma' jouc'a ac'a lixpıc'ejma'. Ipic'a timetsaicotsola' axpela' inaxque'. Ipic'a ti'onłcotsola' to hi'Hua, ilque Jesús. Tohiya ticua: “Ate'a titelcolá' ilque Lonłu'eyacola'. Tijoułá' al cuajmaica quimetsaico'ma ilque ai'Hua. Quimetsaico'ma joupa ixhuaita lipenic' li'a łamats'.”

11 Cagua: “ŁanDios timetsaico'mola' to linaxque”. Ti'i'ma timetsaico'mola' tołta'a. Jesús ti'hua tilanc'e'e'mola' lıřpicuejma' ilne lixanuc', tenajtsołtsi nulemma al xujc'a. Jesús y lixanuc' ma' anuli quıl'Ailli', ilque ŁanDios. Tohiya Jesús hi'Hua ŁanDios tinescola “aipimaye”. Aimetets'ila'. Tixoqui queta tinescola' tołta'a.

12 Tołta'a loya'apa al Paxi Linilıngiya. Tuya'e' linespa Cristo lipalaic'opa ŁanDios, ticua:

Pe lomana' laipimaye cuya'a'ma lopuftine.

Petsi lalafot'leyoyacołtsi cunac'co'mo'.

13 Jouc'a tuya'e':

Iya' ca'huaiyijm'ma ŁanDios.

Jouc'a tuya'e':

ıTołsinłe! Ma fa'a alłmana', iya' jouc'a lanaxque', ilne lalapi'ipa ŁanDios.

14 Illanc' inaxque' lan xanuc', tipa'a lałpixic', lałjuats'. Jouc'a Cristo i'epoxi xans, tipa'a lijuats', lipixic'. Tołta'a itsufco'moxi tima'ande. Ilonc'e'epa limane nocuxepa lamaya, ilque Satanás.

15 Ux'masnapola' pe noyalaicopá lapajnya to litats'ila', tixpaic'eyi lamaya.

16 Licuai'ma Cristo aimitoc'ila' lapaluc' quema'a. Joupa alšina' icuaicoco'ma titoc'itsola' lan xanuc', ilne ixanuc' Abraham, ilque iltatahuelo.

17 Toliya ticuicomma ti'exoxi ma' anuli to lipimaye, ti'onłcotsola' to ihniya. Tołta'a tixim'mola' acuanuc'la. Ac'a ti'e'ma ile lanic' lepi'ipa ŁanDios, ile lipenic' cal Cuecaj Ca'Ailli'. İpac'epa lipoyac' ŁanDios, ihonc'e'epola' liłjunac' ihne lixanuc'.

18 Mipa'a fa'a li'a łamats' Jesús mitełma ixingufco'ma lahuaicompā. Toliya ti'i'ma titoc'i'mola' lixanuc', ihne noxingufcopā lahuaicompola'.

3

1 Unc'aipimaye, imanc' jouc'a i'huexi ŁanDios. İhque Nopa'a lema'a ijoc'ipolhuo' tołcuaitsa jilpiya pe lopa'a. İtsiya caxc'ai'ilhuo', camilhuo': Toł'nujuaisle Jesucristo, małque łatCuecaj Ca'Ailli' ŁanDios łummepa. Aimolimenc'eco'me li'ejma' Jesús, ihque Łał'huaiyijmpa.

2 Jesús ac'a li'epa lanic' lepi'ipa ŁanDios. Tołta'a ti'onłcospa to Moisés. İhque jouc'a ac'a li'epa lanic' lepi'ipa ŁanDios jilpe lejut'ł.

3 İnca Jesús tuliqui Moisés, imetsaicompā xonca acueca'. Moisés le'a anuli cal xans nolojmay lixanuc' ŁanDios, ihne lecu'i'impola' "lejut'ł ŁanDios". İtuca' Cristo. İhque nilanc'epa lajut'ł, aPoujna.

4 Łajut'łi, anuli anuli, tipa'a naitsi ticuxe'ma jilpe, ihque tix-pic'e tilanc'ente lajut'ł. Małque ipoujna. Ma ŁanDios aPoujna jahuay, ihque nilanc'epa.

5 Moisés İnca ac'a li'epa lanic' jilpe lejut'ł ŁanDios, ti'onłcospa to cal mozo no'epa lanic' lepi'ipa lipoujna. Jahuay li'epa Moisés imuj'ma te ts'i'ic' lo'iya. İe ŁanDios tuya'a'ma.

6 İtuca' Cristo. İhque i'Hua ŁaPoujna Cajut'ł. Ticuxela' lix-anuc' ŁanDios. Ja'ni aimalpailinamma ni malspailij'monga' illanc' ixanuc' ŁanDios. Ticuicomma tixojla' calata al'huaiyijnle ihque. Ałnesle: Ałnca luntı'ena'monga'.

7 Ticuicomma tonlihuejcołe loya'apa cal Espıritu Santo. İhque tuya'e':

İtsiya ja'ni ŁanDios tipalaic'olhuo' tołquim'ete.

8 Aimi'i'ma ata łolunxajma'.

Tołta'a i'e'me lincuejlocale xanuc' mimana' pe ailopa'a quıłya', ehuaiyoł'me ŁanDios.

9 Mi'hua oquej nuxans camats' ixim'me laif'epa jilpe pe ailopa'a quıłya'.

Iya' ma NanDios, ihne lołtatahueló lahuaiyołpā, ticuayi: "ŁanDios, ¿ja'ni ti'e'ma to lałmiponga'?"

10 Toliya iya' nixtunni, ihne lan xanuc' li'epa aicalatentłcocojma. Cacua: Aiquıłcuc'e laicuxe'epola', timenaquila', aimalihuequi.

11 İhne lan xanuc' lapi'ipa coyac', ai'epa jurar.

Aimipola': "Aimołtsuflaiyacu łamats' lainepi'ipolhuo', aimol-unxajyacu jilpe".

¹² Unc'aipimaye: Tołpo'note cuenna. Tonlihuejle Ľimaf'i' CanDios. Aimi'i'ma a'ijc'a lołpicuejma', ni anuli imanc'. Petsi no'eya tołta'a, aimi'eya linca limipa Ľimaf'i' CanDios, tipaino cane.

¹³ Itine itine tołsc'ai'itsołtsi ma mimilhuo' ĽanDios: "Itsiya ałquimf'eta". Ja'ni a'i, aga hualca imanc' tolihuej'me lixcay cane, tołta'a tołfel'mi'mołtsi, ti'i'ma ata łolunxajma'.

¹⁴ Ja'ni ti'hua ał'huaiyijnyi jahuay lałpitine, ja'ni aimałpai'iyacu lałpicuejma', ałinca joupa lapenufpá Cristo.

¹⁵ Tołiya tuya'e':

Itsiya ja'ni ĽanDios tipalaic'olhuo', tołquimf'ete.

Aimi'i'ma ata łolunxajma' to li'epa ilne lincuejlocale xanuc'.

¹⁶ ¿Naitsi ilne niquimf'epá ĽanDios, lijou'ma i'e'epołtsi lincuejlocale xanuc'? Tołta'a li'ipola' jahuay ilniya lipa'apola' Moisés jilpe łamats' Egipto.

¹⁷ ¿Naitsi ilne nepi'ipá coyac' ĽanDios oquej nuxans camats'? Małniya lan xanuc', ilne ni'epá quixcay. Ilne epi'impola' liłjunac', imapola' jilpe łamats' pe ailopa'a quitya'.

¹⁸ ¿Naitsi ilne lipalaic'opola' ĽanDios ilne litine li'epa jurar, limipola': "Aimołtsuflaiyacu łamats' lainepi'ipolhuo', aimolunxajyacu jilpe"? Tołta'a lu'ipola' lan xanuc' petsi aiquilihuejma'.

¹⁹ Jilpe ałsina' te ts'i'ic' liłpicuejma' ilne lan xanuc'. Ilniya aiquil'aic' linca limipola' ĽanDios, tołiya aiquiltsuflaic' łamats'.

4

¹ Itsiya ĽanDios tuya'e': "Tołtsuflai'me, alunxaj'me anuli". Iya' camilhuo': Ałpo'note cuenna juaiconapa. Ja'ni a'i, aga tixinim'mola' a'ijc'a liłpicuejma' anuli oquexi' imanc'. Tijoułta' aimi'iya mitsuflaiyacu.

² Aimi'i'molhuo' to li'ipola' ilniya lan xanuc', ni anuli imanc'. Illanc' ma' anuli ilniya lu'imponga': "ĽanDios tepi'i'molhuo' al c'a". Ilne lataiqui' lu'impola' ilniya aiquitoc'ila'. Aiquilihuequi limipola' ĽanDios. Ma le'a tiquimf'eyi.

³ Illanc' ja'ni lihuejyi litaiqui' ĽanDios, ilne lataiqui' lałmiponga', linca ałtsuflaita, alunxajta. Ilne lonxajya ĽanDios lonescopa jilpe petsi tuya'e':

Ilne lan xanuc' lapi'ipa coyac', ai'epa jurar.

Aimipola': "Aimołtsuflaiyacu, aimalunxajyacu anuli".

Linca, ĽanDios joupa unxajpa. Ilanc'epa li'a łamats', tołta'a ijou'nepa lanic'.

⁴ Tipa'a liniliya loya'apa li'ipa lixhuaita acamts'us quitine. Inescopa lihuequi litine. Ticua:

Lixhuaita acamts'us quitine, icuaitsi lihuequi litine ĽanDios unxajpa.

Joupa ijou'nepa lo'eya.

⁵ Locuena linñiya ticua:

Aimipola': "Aimołtsuflaiyacu, aimalunxajyacu anuli".

⁶ Tołta'a li'ipa. Lan xanuc' niqumf'epá ate'a aiqulihuequi limipola' LanDios. Aiquiłtsuflaic'. Tijoułta', ¿te co'iya? Litaiqui' LanDios aimipaicoya. Itque tipalaic'o'mola' locuena, timi'mola': "Tołtsuflaike".

⁷ Tołe li'ipa. Luyaiconapa axpe' camats', LanDios inescoconapa "itsiya". Tuya'e': "Ma mi'i itsiya litine lan xanuc' nipajnya ałquimf'e'ma, lihuejco'ma". Jiłpe lije'e David LanDios tuya'e':

Itsiya, ja'ni LanDios tipalaic'olhuo', tołquimf'ele.

Aimi'i'ma ata łolunxajma'.

⁸ Linca Josué itsufai'epola' lixanuc' jiłpe łamats' lepi'ipola' LanDios. Ni iłniya aiqulilunxaqui nulemma. Tołiya LanDios ipalaicoconapa ocuena quitine.

⁹ Tipa'a petsi lixanuc' LanDios titsuflaita tunxajta nulemma. Jiłpe aimijouya litine conxajya.

¹⁰ Linca tipa'a Anuli joupa ulijpa lonxajya. Joupa itsufaipa jiłpe. Joupa ixhuai'nipa lipenic'. Tunxajyi anuli LanDios.

¹¹ Lipa'ate cafxi. Ałnesle: Lulij'me lonxajya. Alunxaj'me anuli LanDios. Ja'ni a'i, aga lihuej'me li'ejma' iłniya petsi aimihuejcoyi limipola' LanDios. Aimal'e'me tołta'a. Ni anuli illanc'.

¹² Aimi'iya malatets'iyacu linespa LanDios, iłe lataiqui' laluponga'. Linespa LanDios imaf'i' cataiqui'. Acueca' lo'epa. Ti'onłcospa to al cutsilo oquej lipix'ay. Iłe litaiqui' LanDios xonca lo'epa. Ailopa'a lopa'neya. Texi'e'mo' lopicuejma', łomunxajma'. Jiłpe lopicuejma', łomunxajma' ti'huájta xonca icu'u. Litaiqui' LanDios timuj'ma te ts'i'ic' lopicuejma', lołjana-jpa.

¹³ Petsi lilanc'epa LanDios ailopa'a quemiyoxi. Mehuelonge LanDios jiłque tixina jahuay acuajmaica. Tocomma ailopa'a quipoxa. Tołta'a li'ejma' łalanDios. Małque Łałtalai'eyacu Lijoujma Quitine.

¹⁴ Illanc' joupa ał'huaiyijmpá Jesús. Aimalpai'i'mołtsi lałpicuejma'. Jesús li'Hua LanDios if'ajnapa lema'a. Itsufaipa pe lopa'a LanDios. Itque Jesús ałCuecaj Ca'Ailli', lihuejco'me.

¹⁵ Aimalnesyacu: "ŁałCuecaj Ca'Ailli' aiquxina' te ts'i'ic' laluyalaicopa illanc' ninc'ixanuc'". Ixina'. I'ipa xans. Tołta'a ehuiyimpa to malahuaiyininga' illanc'. Ma le'a aiq'iaic' quixcay.

¹⁶ Ja'ni tołta'a li'ejma' itque lałCuecaj Ca'Ailli' Nopa'a lema'a, ¿te całspaic'eyaconga' małjoc'iyacu LanDios? A'i. Tipa'a lane. Ałjoc'i'me LanDios. Jiłque lałjuez ac'a lałpalaic'oyaconga', ałsim'monga' ninc'icuanuc'la, ałtoc'i'monga'.

5

¹ Li'ipa, cal cuecaj ca'ailli' lifajpa LanDios ti'onłcospola' to lipimaye. Jouc'a axans. Tepi'inni limane tipalaic'ola' LanDios. Tinescotsola' lipimaye. Tixahue'eła' titoc'itsola'. Ique cal cuecaj ca'ailli' tepi'i'ma LanDios łotsufcoya. Tifonc'e'etsola' liłjunac' lipimaye.

² Ique ł'a'ailli' tixim'mola' acuanuc'la lipimaye, iłniya pe ailopa'a quilsina' o timenaquila'. Timetsaicoyoxi jouc'a axans. Ixina' aikuixhueya lipicuejma', jouc'a ti'i'ma timenaj'ma.

³ Tołiya a'i ma le'a mitsufco'ma LanDios tifonc'e'etsola' lipimaye liłjunac'. Titsufco'ma LanDios tifonc'e'ela' iłque liłjunac' jouc'a.

⁴ Anuli cal xans a'i quituca' mepi'iyacoxi tołta'a quimane. Aiminesya: "Iya' ca'e'moxi cal cuecaj ca'ailli'". A'i. Ma LanDios tepi'i'ma lipenic'. Tołta'a li'ipa Aarón, iłque cal te'a cal cuecaj ca'ailli'.

⁵ Ma' anuli li'ipa Cristo, iłque łacuecaj Ca'Ailli'. Ique a'i quituca' quifajyoxi. Ma LanDios Nifajpa. Małque LanDios imipa:

Ima' ai'Hua, itsiya quimetsaicohuo', iya' o'Ailli'.

⁶ Jouc'a uya'acona'ma, ticua:

Ima' ma'Ailli', ti'onłcospo' to Melquisedec.

Jouc'alemma i'ipo' ma'Ailli'.

⁷ Cristo mipa'a fa'a li'a łamats' titełma. Tijoquei ułfxi. Tinu lujuay li'u'. Tijoc'i LanDios, iłque nipajnya tunłu'e'ma, aimima'ma nulemma. Tixahue'e titoc'ila'. Ihuejcopa LanDios qui'Ailli'. Tołiya LanDios iquimf'epa, icuej'ma.

⁸ Tama i'Hua LanDios ihuic'i'ma te ts'i'ic' mihuejcoya. Ma mitełma ihuic'i'ma tołta'a.

⁹ Lijoupa lixhuaita lihuic'ipa, LanDios epi'ipa limane, tunłu'e'mola' nulemma jahuay pe naihuejcopá.

¹⁰ LanDios imetsaiconapa Acueca' Ca'Ailli'. Timi: "Ima' ma'Ailli' to Melquisedec".

¹¹ Tipa'a axpe' ti'i'ma łapalaicoyacu Melquisedec. Itsiya aimi'iya. Imanc' aimi'iya muluhualqueyacu iłe lataiqui' xonca ipime. Joupa i'ipa ata lołpicuejma'. Aicołcueca.

¹² I'ipa axpe' camats' colapenufi litaiqui' LanDios. Ticuicomma tołmuc'itsola' ocuenaye xanuc'. Aimi'iya. Ołpic'a timuc'icona'molhuo', tu'icona'molhuo' litaiqui' LanDios petsi a'i quipime. Imanc' ti'onłcospolhuo' to lapilmi noxnapá ma le'a aleche. Iłne aimi'iya mitejacu łoteja.

¹³ Pe ts'ipic'a ma le'a aleche aimi'iya mepenufya lataiqui' loya'apa te ts'i'ic' al lija lipicuejma' LanDios, ti'onłcospa to łapími'.

14 Petsi lijoupa litojpola', ihniya linca titeji lotejacu. Ine cohta tixhuicoyi lihpicuejma'. Joupa ihsina' timetsaico'me te ts'i'ic' lataiqui', ja'ni ac'a o ja'ni a'ijc'a.

6

1-3 Lipangopa la'huaiyijmpa Jesucristo al'oncosponga' to la'uhuay. Amuc'iponga' lataiqui' petsi aiqipime. Joupa lapenufpá lataiqui' loya'apa: "Ailopa'a con'eyacu, aimi'iya moluntu'eyacohtsi. Totsej'menca. To'huaiyijnle LanDios." ¿Te aga amuc'icona'monga' tohta'a? Ai. Joupa amuc'imponga' te ts'i'ic' ma'eyacu ja'ni LanDios limetsaico'monga' joupa latufc'e'emponga'. Amuc'imponga' te ts'i'ic' locuajmaispa lo'epa lapimaye, ine mixpayof'me lihmane' hi'juac lihpimaye. Joupa amuc'imponga' lo'iyacola' limanapola'. Ine timaf'ina'me. LanDios cal Juez tu'i'mola' nulemma te ts'i'ic' lo'iyacola'. Jahuay ilta'a alsina'. Joupa amuc'imponga'. Ticuicomma ti'hua altojtsonga', ti'ila' xonca acueca' lahpicuejma'. Alihuic'ile xonca. Ja'ni LanDios altoc'itsonga' ma' alinca al'e'me tohta'a.

4 Cacia alihuic'ile xonca. Lan xanuc' pe LanDios joupa ulif'epola' aimi'iya mimuc'iconayacola' lataqui' limuc'impola'. Ine joupa ixingufpá te ts'i'ic' al c'a lalapi'iponga' LanDios, ma' anuli lapimaye ixingufpá lipaxnepola' cal Espíritu Santo,

5 iximpá ac'a cataiqui' ile linespa LanDios, iximpá al cueca' lo'epa LanDios itsiya litiné. (Li'ipa inescompola' ihna'a litiné, ecul'impá "locuaicoya quitine".)

6 Ihniya ja'ni tipailiconamma, aimi'iya mix-huej'meconayacu, tama timuc'iconatsola'. Ine quituca' tepalts'ijnconayi lencruz hi'Hua LanDios, lan xanuc' titalunts'ele, tetets'inle.

7 Anuli lamats' lixnapa lacui petsi axpe' licui'epa, ja'ni tix'najtsi'i lacui, jilpe tila'ma cal fanu', tipammaita. Tite'me lan xanuc' ni'epá canic'. Ique lamats' linca tetentcocojma LanDios, tipaxne'ma.

8 Ja'ni jilpe lamats' titoqui ma le'a hitac' jouc'a acua quitonqui pe aimitejnyacu, ique lamats' ailopa'a quipenic', timujyoxi a'ijc'a camats'. LanDios ticuaj'ma, tijoula' tipi'em'me nulemma.

9 Unc'aipimaye, tama capalaicola' tohta'a ihniya petsi lajac'yacola', aicapalaicolhuo' tohta'a imanc'. Alcuayi: Lahpimaye, ine a'hebreo, xonca al c'a tuyalaico'me, ine tuntu'em'mola'.

10 LanDios ac'a lipicuejma', alijca lo'epa, aimimenc'ecoya al c'a lonl'epa imanc'. Ixina' tonl'eyi capic'a, tohiya ohtoc'ipola' loh'pimaye, ine jouc'a i'huexi LanDios, ti'hua tohtoc'ila'.

¹¹ Linca tixoqui cunlata tołtoc'ila' lołpimaye, itsiya ałsc'ai'ilhuo', ałmilhuo': Jouc'a tołpo'nołe lołpicuejma' aimolimenc'eco'me te ts'i'ic' loł'huaijma. Imanc' joupá ołsina'. Aimołcuayi: Aga ti'i'ma o aimi'iya. Moł'huaicoyi ticuaicohuananni Jesucristo itine itine ti'hua toł'nujuaisle tołta'a.

¹² Ja'ni tołta'a tołpo'no'me lołpicuejma' aimicuiya colahuí. Tonlihuej'mola' lił'ejma' petsi ti'hua ti'huaijnyyi ŁanDios, tixnet'lyi. Iłne linca titsuflaita petsi ŁanDios tepi'itola' ma to joupá lu'ipola'.

¹³ Litine lepi'ipa cataiqui' Abraham, ŁanDios i'epa jurar, icuaj'mi'moxi. Xonca cal cueca' ailopa'a, tołiya ŁanDios icuaj'mi'ma lipuftine.

¹⁴ Timi Abraham:

Iya' ca'ay jurar, camihuo': Linca capaxne'mo', ca'e'mo' quiltatahuelo axpela' lan xanuc'.

Aimopaneya cotuca' ima', timajnlita coxanuc'.

¹⁵ Abraham lepenufpa litaiqui' ŁanDios limipa, ti'hua tixnet'łqui. Lijou'ma iximpa li'ipa ma to linespa ŁanDios.

¹⁶ Lan xanuc' ti'etsa jurar ticuaj'mi'me lipuftine petsi lox-impá xonca acueca'. Ja'ni joupá i'epá jurar aimi'iya micuanac'eyacu liłtaiqui', tenant'hi'me.

¹⁷ Ma tołta'a li'epa ŁanDios, i'epa jurar. Iximpola' acuanuc'la lixanuc' Abraham, iłne nonescopola' jilpe litaiqui' limipa Abraham. Ipic'a nulemma ti'ila' quilsina' ŁanDios aimipai'i lipicuejma'. To lonespa, ma tołta'a lo'eya.

¹⁸ ŁanDios ja'ni joupá epi'ipa cataiqui', ja'ni joupá i'epa jurar, aimi'iya mipai'iya linespa, aimafel'miyaconga'. Tołta'a li'epa ti'ila' calsina' tenant'hi'ma litaiqui'. Itsiya aimi'iya małnesyacu: ¿Te lapi'i'monga' ma to lalı'iponga' o a'i? Tixoqui calata ti'hua ał'huaicoyi ałłaitsufcotonga' pu'huanni. Joupá li—loc'oláipá ŁanDios, ałsahue'epá lunłu'etsonga'.

¹⁹ Mał'huaijnyyi tołta'a ŁanDios, tocomma to joupá ałłaitsufcoponga'. Tocomma to joupá ałmana' anuli małpe lopa'a ŁanDios. Aimalaca'ni'eyaconga'. Aimi'iya.

²⁰ Jilpiya joupá itsufaipa Jesús. Iłque łal'huaj'meponga'. Illanc' ałenc'eyi, ałcuaita. Jesús i'ipa cal Cuecaj Ca'Ailli'. Ti'onłcospa to Melquisedec, aimexic'e'enyacu lipenic'.

7

¹ Iłque Melquisedec arey Salem, e'ailli' ŁanDios Nopa'a xonca al toncay lema'a. Litine Abraham lulijpola' lan rey pe naixtuc'opá, lipainanni italecuf'mołtsi Melquisedec. Iłque ipaxne'ma Abraham.

² Abraham pe lenajpola' lexic'enapola' lan rey, amaxnu amaxnu ipa'a'ma imbama' epi'i'ma Melquisedec.

Itque Melquisedec lipuftine tuhualquemma ticua “cal Lijca Rey”. Lecui'impá “aRey Salem”. Ite ticuajmaispa: Cal Rey lopac'epa lafuleya.

³ Itque jouc'alemma i'ipa a'ailli'. Ailopa'a qui'máma' ni qui'ailli'. Jouc'a quitatahueló ailopa'a. Aimi'iya minesyacu: “Jilpe litine ipangopa lipitine”. Jouc'a aimi'iya minesyacu: “Jilpe litine ijounapa lipitine”. Ti'onkospa to li'Hua LanDios.

⁴ Linca acueca' xans Melquisedec. Tofta'a liltatahuelo Abraham imetsaicopa. Epi'ipa locuaiya quimane, ite xonca al c'a lexic'enapola' lan rey.

⁵ (Litaiqui' Moisés aimicuxe mepi'inyacola' micuaiya quilmane lan xanuc' ja'ni ocuena quilraza.) Linca linaxque' Leví, ite nepenufpá lipenic' to a'ailli', icuxe'empola' ti'najtsi'i'me lan xanuc' to loya'apa litaiqui' Moisés linilijmpa. Linaxque' Leví y lan xanuc' no'najtsi'impola' apimaye. Anuli liltatahuelo, itque Abraham.

⁶ Melquisedec y linaxque' Leví a'i capimaye. Tama ituca' liraza Melquisedec, Abraham epi'ipa locuaiya quimane. Melquisedec ipaxnepa Abraham, maítque Abraham pe joupá epenufpa lataiqui' licupa LanDios.

⁷ Tofta'a alsinyi Melquisedec xonca acueca' xans. Tohiya ipaxnepa Abraham. Cal xans xonca acueca' tipaxne'ma locuena pe aijcueca'.

⁸ Jifa'a li'a lamats' petsi napenufpá locuaiya quilmane ma' axanuc' nomayacola'. Al Paxi Linilijngiya lonescopa Melquisedec tuya'e': “Itque ti'hua timaf'i”.

⁹ Ai ma le'a Abraham nepi'ipa Melquisedec locuaiya quimane, jouc'a Leví epi'ipa. Maítque Leví lapenufya locuaiya quimane lapi'iyacu lipimaye.

¹⁰ Litine litalecuf'moitsi Abraham y Melquisedec tama aiquipanga Leví tocomma to tipa'a jilpe. Abraham ti'i'ma itatahuelo Leví, itaic' cal fanu'.

¹¹ Aarón y lif'as ca'ailli', ite ixanuc' Leví, acueca' lipenic'. Itne ja'ni tofta'a aimi'eyacu canic', lipimaye aimi'iya mihuejcoyacu litaiqui' Moisés, ite locuxepa LanDios. Tama juaiconapa ac'a lipenic', tofta'a aimi'iya mixhuai'niyacu nulemma jahuay lixic'epa LanDios. Ja'ni ti'i'ma tixhuai'ni'me nulemma, ¿te quipicuicoya ti'íta' ocuena ca'Ailli' lo'onkcoya to Melquisedec a'i to Aarón?

¹² Linca, ja'ni tilonc'e'em'mola' liltmane lixanuc' Leví, ite no'epá canic' a'ailli', lilt'as xanuc' aimi'iya mihuejyacu to li'ipa litaiqui' Moisés locuxepa, ticuicomma tipai'inte.

¹³ Lataiqui' loya'apa: “Ima' ma'Ailli' to Melquisedec”, ite lataiqui' aiminescojma anuli cal xans i'hua Leví. Tinescojma anuli petsi ni anuli quipima qui'aic' canic' a'ailli'.

14 Tinescojma łáPoujna. Hque lipajnta li'a łamats' hitatahuelo Judá, a'i Leví. Tołta'a jahuary łsina'. Moisés aiquicuxe, aimi'eyi łanic' to a'aillí linaxque' Judá.

15 Xonca acuajmaica łsinyi ti'i'ma ituca' lalanant'łiyacu licuxepa Moisés. Itsiya ti'ay łanic' a'ailli' łque ł'onłcospa to Melquisedec, a'i to Aarón.

16 Hque a'Ailli', a'i pe lifajcompa cal xans lihuequi licuxe'empa. Hque ti'hua imaf'i', lipitine aimijouya. Tołiya ifaquimpa a'Ailli'.

17 Ma ŁanDios tuya'e' ti'hua imaf'i', ticua:
Ima' ma'Ailli', ti'onłcospo' to Melquisedec, jouc'alemma i'ipo' a'Ailli'.

18-19 Lataiqui' locuxepa ate'a tuya'e': “Ti'itsola' a'aillí linaxque' Leví”. Petsi naihuejpa łe lataiqui' łne aimi'iya mixhuai'niyacu nulemma lixpíc'epa ŁanDios. Hataiqui' ailopa'a quipujxi, aimi'iya mi'eya canic'. Tołiya łojn-napa. Lijou'ma ŁanDios icupa cataiqui' ticuaihuo ła'Ailli', łque xonca' ac'a łanic' lo'eya. Ja'ni ał'huaiyjnyi łque łınca li—loc'olaiyi ŁanDios.

20 Locuenaye la'aillí, łne ixanuc' Leví, lepenufpa liłpenic' ailopa'a ni'epa jurar. Jesús ituca' i'ipa.

21 Lepenufpa lipenic' ŁanDios i'epa jurar, timi:
Iya' NanDios, aicupa cataiqui', aicapai'iya laipicuejma'. Camihuo': “Ima' ma'Ailli', ti'onłcospo' to Melquisedec, jouc'alemma i'ipo' a'Ailli'”.

22 He li'epa jurar ŁanDios timuqui xonca ac'a lataiqui' ŁanDios lopo'no'iyacola' lixanuc'. Ifac'epa Jesús łala'Ailli' ti'łta' calsina' ŁanDios tenant'łi'ma łe litaiqui'.

23 Lifaquimpola' lixanuc' Leví ti'etsa łanic' a'aillí, łne li'ipola' axpela'. Timałta' anuli titsufaitsi łocuena ti'etsi łanic'. Tołiya ticuicomma axpela'.

24 Jesús aimimaya. Ti'hua imaf'i'. Hque lipenic' ocuena aimi'eya. Małque Jesús a'Ailli' jouc'alemma.

25 Tołta'a tunłu'e'mola' nulemma naimetsaicopá łe'Ailli', mi'huaiyjnyi titoc'olaiyi ŁanDios. Hque Jesús łle'Ailli' ti'hua imaf'i', ti'hua tixa'hue ŁanDios titoc'itsola' lixanuc'.

26 Illanc' ninc'ixanuc' ticuicomma tołta'a łáCuecaj ca'Ailli'. Hque łınca łhuejco'ma ŁanDios, aiqui'aic' quixcay, ailopa'a qui-junac'. Itsiya a'i mipa'a petsi lan xanuc' no'epá quixcay, jouna enaquiya. Jouna if'ac'empa xonca al toncay lema'a.

27 Locuenaye lan tsila' ca'aillí ticuicomma ate'a tiłonc'e'entsola' łniya liłjunac'. Tijoułta', tiłonc'e'e'me liłjunac' lan xanuc'. Itine itine titsufcoyi ŁanDios. ŁáCuecaj ca'Ailli' a'i, łque anulemma itsufcopoxi ŁanDios, tołta'a łłonc'e'enapola' nulemma liłjunac' lixanuc'.

²⁸ Litaiqui' Moisés locuxepa ticuxe tific'entsola' lan tsila' ca'aillí ma le'a axanuc' pe naimenajpola', tima'mola'. Toŧta'a li'ipa ate'a. Lijou'ma ÑanDios i'epa jurar, ifajpa ocuena ca'Ailli', iŧque ma li'Hua. Mipa'a fa'a li'a lamats' ixhuai'nipa nulemma lipenic'. Toŧta'a limetsaicopa ÑanDios, ilaitsufconghua nulemma jiŧpe lema'a.

8

¹ He lañespa xonca tipalaijma laŧCueca' ca'Ailli', tuya'e' te ts'i'ic' iŧque. Joupa if'ajnapa lema'a icutshuaipa al c'a camane ÑanDios, iŧque cal Cueca' CanDios Nopa'a lema'a.

² Itsufainapa maŧpe pe lopa'a ÑanDios, jiŧpe xonca al paxi. Jiŧpe ti'ay canic' a'Ailli'. Lejut'ŧ a'i lajut'ŧ lilanc'ecompa ijahua', lipo'nopa anuli cal xans. A'i. Lejut'ŧ jiŧpiya mane ejut'ŧ ÑanDios. Iŧque lipo'nopa.

³ Fa'a li'a lamats' lifaquimpa cal Cueca' ca'Ailli' iŧque titsufco'ma ÑanDios, tima'a'mola' linneja, titsufco'mola'. Toŧta'a lipenic'. Cristo, ja'ni ti'iŧa' cal Cueca' ca'Ailli' ticuicomma coŧa' titsufco'ma jouc'a.

⁴ Linca, ja'ni coŧa' tipa'a fa'a li'a lamats', iŧque a'i ca'ailli'. Fa'a timana' la'aillí titsufcoyi ÑanDios, tihuejcoyi locuxepa Moisés.

⁵ Jiŧpe lo'eyopa canic' iñiya a'i maŧpe copanc'epa ÑanDios. He lilejut'ŧ ma le'a ti'onŧcospa to lopanc'epa ÑanDios. Ti'onŧcospa to lipunxahua lejut'ŧ ÑanDios. Toŧiya, litine lolanc'eya Moisés lajut'ŧ lolanc'ecoya ijahua', ÑanDios timi:

Iya' joupa ai'onŧcopa lainejut'ŧ, aimuc'ipo' jiŧpe hijuala.

Ma toŧta'a tolanc'e'ma, jahuay anuli.

⁶ Illanc' laŧCueca' ca'Ailli' xonca ac'a lipenic'. Iŧque aŧcuai'esponga' lataiqui' xonca ac'a, iŧe al ts'e cataiqui' ÑanDios laŧpo'no'iponga' illanc' ixanuc'. He lataiqui' tipalaijma lalapi'iyaconga' ÑanDios, iŧe xonca al c'a.

⁷ Li'ipa, lixanuc' ÑanDios ihuej'me lataiqui' lipo'no'ipola' ate'a. Ja'ni toŧta'a tixhuai'ni'me jahuay lixplic'epa ÑanDios coŧa' aimapo'no'iyaconga' ocuena cataiqui'.

⁸ Linca, aimixhuai'niyacu toŧta'a. Ma ÑanDios timuqui tehue'e' iŧe al te'a cataiqui', iŧe lipo'no'ipola' lixanuc', toŧiya ticua:

Iya' NanDios, NaPoujna, cacua:

Ticuaihuo litine capo'no'icona'mola' cataiqui' laixanuc', iŧe al ts'e cataiqui'.

Ihne laixanuc' ixanuc' Judá, jouc'a ixanuc' Israel.

⁹ He al ts'e cataiqui' laifpo'no'iyacola' a'i maŧe lataiqui' laipo'no'ipola' liŧatahueló

iŧe litine ainexat'le'epola' liŧmane, ainipa'apola' jiŧpe lamats' Egipto.

Ihne aiqunil' aic' laicuxe'epola' etets'ipá laitaiqui' laipo'no'ipola',
tohiya neca'nicopola'.

10-12 Tijoula' capenufcona'mola', capo'no'icona'mola' cataiqui'
ihniya ixanuc' Israel.

Iya' NanDios, iya' NaPoujna,

jilpe lihpicejma' capo'no'i'mola' laitaiqui' laifcuxe'epola',

quiniil'e'mola' jilpe hilunxajma',

ihniya nulemma limetsaico'ma iya' ilenDios, iya' quimet-
saico'mola' aixanuc'.

Jilpe litine lihpilya' xanuc' o lihpimaye, aimiminyacola': "Ima'
taimetsaicoła' LanDios".

Jahuay ihne limetsaicona'ma.

Ti'ila' xonca aca'hua o ti'ila' xonca acueca', jahuay limet-
saicona'ma.

Tama aiqunihuequi laitaiqui' ile laicuxe'epola', caxim'mola'
acuanuc'la,

aica'nujuaisconaya li'epa quixcay, ni anuli.

Tofta'a laitaiqui' capo'no'i'mola' laixanuc'.

13 He linespa LanDios: "Capo'no'i'mola' al ts'e cataiqui'",
timuqui joupa i'ipa cafane al te'a cataiqui' lipo'no'ipola'. He
li'ipa cafane, aimi'econaya canic', aimipanehuo.

9

1 Al te'a cataiqui' lipo'no'ipola' LanDios lixanuc' ile lataiqui'
icuxe'mola' la'aillí. Tu'ila' lo'eyacu mi'eyi lanic' lepi'ipola'
LanDios. Ihne la'aillí i'e'me lanic' jilpe lajut't ilanc'ecompa
ijahua'.

2 He lajut't lexpats'qui tijujnya licortina. Lehuoc'ocojma
ile al cortina tipa'a lacui'impa "al Paxi Cajut't". Jilpe tipa'a
al candelero acaitsi lipepalc'o'. Jouc'a tipa'a al mesa, jilpe
tipo'nof'ya la'í i'huexi LanDios.

3 Lixpula' al cortina tipa'a ocuena cajut't ile lacui'impa
"Xonca al Paxi Cajut't".

4 Lajut't tipa'a lopi'eyompa incienso, lilanc'ecompa a'oro.
Jouc'a tipa'a licaxax, lilanc'ecompa a'ec ijui'icoya a'oro. He
al caxax lecui'impa "Licaxax litaiqui' LanDios lipo'no'ipola'
lixanuc'". Jilpe al caxax tipa'a lapixu lilanc'ecompa a'oro. Jile
lapixu ti'nico al maná. Jouc'a jilpe al caxax tipa'a lif'ix'ec
Aarón, ile lenef'pa quipela. Jouc'a tilmana' lapic' linilingiya
litaiqui' LanDios lipo'no'ipola' lixanuc'.

5 Al caxax ipo'nof'impa laxma lecui'impa "Petsi LanDios
tixinnila' acuanuc'la lixanuc'". Jilpe, iju' iju', tecaxoľanna
oquexi' lan querubine lilanc'ecompola' a'oro. Ihne liľxala'
tunxahue'eyi laxma. Nolojmay ihniya imuj'moxi LanDios.

Limuj'moxi ti'onłcospa to łummahuay tepalc'o'i juaiconapa. Itsiya aimi'iya małpalaiconayacu ina'a lopa'a jilpe lajut'ł. Ite lajut'ł xonca al Paxi Cajut'ł.

6 Jilpe al Paxi Cajut'ł lijoupa lilajmpa jahuay, itine itine titsulfołayi la'aillí, ti'eyi lanic' lepi'ipola' ŁanDios.

7 Lixpula' al cortina, jilpe lajut'ł xonca al Paxi, titsufai'ma quituca' cal cueca' ca'aillí'. A'i itine itine mitsufaiya jilpe cal cueca' ca'aillí', ma le'a anulemma amats' amats' titsufai'ma. Itaic' liłjuats' quinneja titsufco'ma ŁanDios. Tołta'a ŁanDios timenc'e'eco'ma limenajpa cal cuecaj ca'aillí', jouc'a timenc'e'eco'mola' laimenajpola' lipimaye.

8 Ma mi'ay tołta'a cal Espíritu Santo tuya'e': "Ma mipa'a ite al te'a cajut'ł lopa'a lehuoc'ocojma al cortina, ŁanDios aimu'ila' acuajmaica te ts'i'ic' micuaiyacu jilpe lajut'ł xonca al Paxi, ma pe lopa'a ŁanDios".

9 Ite lo'epa luyaipa quitine ma le'a ti'onłcospa to lo'eya ŁanDios, ite lałsimpa itsiya. Ite notaipá lotsufcoyacu, ja'ni inneja loma'anyacola', ja'ni ocuenaye lotsufconyacu, tijouła' titsufcotsa ti'hua tixhuełcoyi. Ite lotsufcopá aimi'iya mipac'e'eyacola' lipicuejma'.

10 Ite ma le'a tenant'łiyi, ti'eyi cuenna te ts'i'ic' łotejacu, loxnayacu. Tepo'iyoltsi to lu'ipola' ŁanDios, tijouła' ixim'moltsi alimpio ma le'a jilpe liłcuerpo, lipicuejma' a'i. Tołta'a lihuej'me mi'huaicoyi ŁanDios tipo'no'itsola' al Ts'e Cataiqui', tipai'ila' jahuay.

11 Itsiya joupa i'ipa. ŁanDios ipo'no'ipola' lixanuc' al Ts'e Cataiqui'. Cristo joupa imujpoxi lałCuecaj ca'Aillí', itque lapi'i'monga' xonca' al c'a.

La'aillí no'epá lanic' fa'a li'a łamats', li'ipa tipa'a lilejut'ł lilanc'ecompa jahua'. LałCuecaj ca'Aillí xonca ac'a lejut'ł. Xonca ixhueya. Itque lejut'ł aiquiłhanc'e lan xanuc', aimi'onłcospa to lopa'a fa'a li'a łamats'.

12 Litsufcompa itque jouc'a ituca'. Locuenaye lan tsila' ca'aillí, litsufłaiipa lajut'ł xonca al Paxi, itaic' liłjuats' quinneja, ite achivo jouc'a anaxque huacax. LałCuecaj ca'Aillí' a'i. Ituca' litaic' itque. Itaic' ma lijuats', tołta'a itsufainapa nulemma lajut'ł xonca al Paxi, ite lopa'a lema'a. Tołhiya ŁanDios imetsaicopa joupa i'najtsepa lałjunac', aimi'iya malacani'eyacongá'.

13 Luyaipa quitine tijuitsafinnila' liłjuats' lan toro, lan chivo. Jouc'a tijuitsafinnila' laja', ite ilanc'ecompa lepi'la'hua huacax caca'no' lijoupa litsufcompa ŁanDios, lipi'empa. Lijoupa li'empola' tołta'a ite lan xanuc' ixim'mola' alimpio jilpe liłcuerpo.

14 Linca itsiya lijuats' Cristo xonca acueca' lo'epa. Itque aimi'onłcospa to ite linneja litsufcompola'. Cristo aimijaf'que

lipitine, aimi'iya mima'anyacu nulemma. Małque quituca' jilpe lipicuejma' ixpic'epa titsufcoxoxi. Lijoupa itsufcopoxi.

ŁanDios joupa inespa: “Łałtsufcoya ti'ila' ac'a quinneja petsi a'i quicuana, nij tintsí qui'ic’”. Ma tołta'a Cristo. Pangay ac'a lipicuejma'. Lijuats' latufc'enga' lałpicuejma'. Li'ipa ałsuełcoyi, ałcuayi: “¿Te lacani'e'monga' ŁanDios?” Itsiya a'i. Itsiya to e'aillí ŁanDios ał'e'me lanic' lalapi'iponga' ŁanDios, ilque Łimaf'i' CanDios.

¹⁵ Cristo, lijoupa litsufcopoxi ŁanDios, itsufaipa lajut'ł xonca al Paxi, lopa'a lema'a. Tołta'a ilque ałCuecaj ca'Ailli', ałcuai'esponga' ŁanDios, illanc' pe nalapenufpá al Ts'e Cataiqui'. He lataiqui' ałpo'no'iponga' illanc' ixanuc' ŁanDios.

Litsufcopoxi Cristo jouc'a i'najtsepa liłjunac' petsi aiciui'aic' licuxe'epola' ŁanDios. Aiciui'aic' loya'apa jilpe al te'a cataiqui' lipo'no'ipola' lixanuc'.

Tijouł'a jahuay lijoc'ipola' ŁanDios tepi'i'mola' to joupa limipola'. Małque ŁanDios tilaıtsufcotola' nulemma.

¹⁶ Petsi lan xanuc' inefocopá ticuicomma tima'ante linneja titsufcołe ŁanDios.

¹⁷ Ja'ni tima'ante linneja tipanecohuo lataiqui'. Ma quimaf'i' linneja łoma'anyacu nipajnya tipai'i'me lataiqui'. Ja'ni joupa ima'ampá linneja aimi'iya mipai'inyacu lataiqui'. Joupa ifayipa.

¹⁸ Tołta'a mi'enni lepenufim'me al te'a cataiqui' lipo'no'ma ŁanDios. Lan xanuc' ima'a'me linneja, ixcuajaiquenni liłjuats'.

¹⁹ Ate'a Moisés u'i'mola' ataiqui' ataiqui' te lixic'epa ŁanDios lo'eyacu. Lijou'ma i'noł'ma cal orégano, ifi'icoya unxali cocui lana. Liłjuats' lanaxque' huacax y lan chivó lima'ampola' lohuants'ipa aja' ijac'eco'ma cal orégano. Lijou'ma ijuitsijm'ma al je'e lainihjnya litaiqui' ŁanDios lipo'no'ipola' lixanuc'. Ijuitsijm'mola' jouc'a lan xanuc', jahuay ilniya.

²⁰ Mi'ay tołta'a timila': “İta'a lajuats' tifyi'ma litaiqui' ŁanDios lipo'no'ipolhuo”.

²¹ Jouc'a ijuitsijm'ma lajut'ł lilanc'ecompa ijahua' y jahuay lo'nico jilpiya, iliya loxhuicoyacu la'aillí no'epá lipenic' ŁanDios.

²² Jilpe litaiqui' Moisés locuxepa tocomma jahuay tijuit-sijnle cajuats'. Ja'ni a'i, aimi'iya mimenc'e'econyacula' lan xanuc' li'epa.

²³ İma'a'me linneja la'aillí, itsufco'me liłjuats', tołta'a i'i'ma limpio iliya lilanc'epa lan xanuc'. Jahuay ilē lilanc'epa lan xanuc' ma le'a timuqui te ts'i'ic' lopa'a lema'a. Lopa'a jilpe ticuicomma ituca' lotsufcoya, ilē xonca al c'a.

²⁴ Tołiya Cristo aiciutsufaic' al Paxi Cajut'ł lilanc'epa lan xanuc'. Jilpe lajut'ł mipa'a li'a łamats' ma le'a ti'onłcospa to

lajut'i lopa'a lema'a. Cristo itsufaipa ma pe lopa'a LanDios. Jiłpiya tipa'a itsiya. Timujyoxi cal Cuecaj ca'Ailli'. Ti'hua tixa'hue LanDios altoc'itsonga'.

²⁵ Lijoupa litsufaipa jiłpiya Cristo aimitsufcoconyacoxi. Fa'a li'a lamats' cal cuecaj ca'ailli' amats' amats' ti'hua titsufay lajut'i xonca al Paxi. Itaic' liłjuats' quinneja a'i ma quituca' lijuats'.

²⁶ Ja'ni coła' tołta'a li'epa Cristo coła' ti'i'ma axpe' mitsufcoyacoxi. Lipangopa li'a lamats' coła' jouc'a tipangoco'ma ihe lotelcoya Cristo, itsiya coła' ti'hua titełma. A'i tołta'a li'ipa.

Ihna'a lijoucola' quitiné Cristo imuj'moxi fa'a li'a lamats'. Itsufcopoxi LanDios, liłonc'e'eponga' lałjunac'. Tołta'a li'epa anulemma. Aimi'econaya.

²⁷ LanDios joupa ixpic'epa lo'iyacola' lan xanuc'. Ixpice'epa tima'mola' anulemma, tijouła' małque LanDios cal Juez tu'itola' te ts'i'ic' muyalaicoyacu.

²⁸ Jouc'a Cristo imapa anulemma, itsufcopoxi LanDios, itaipa liłjunac' axpela' lan xanuc'. Litine timujcona'xoxi aimitaiconaya lałjunac'. Joupa i'epa tołta'a. Ihe litine tunłu'e'mola' lixanuc', ihe ti'huaicoyi ticuaicoconno.

10

¹ Litaiqui' Moisés locuxepa a'i cuajmaica muya'e' te ts'i'ic' xonca al c'a lapi'iyacola' LanDios lixanuc'. Jiłpe lałsimpa tocomma to ipunxahua. Mihuejcoyi ihe lataiqui' lan xanuc' aimi'ia minesyacu: "Joupa ainenant'lipa lixpice'epa LanDios". Amats' amats' ti'hua titsufcoyi ma' anuli.

² Ihe notsufcopá ja'ni nulemma enant'lipá, ¿te ti'hua titsufco'me? A'i. Ja'ni ixingufcopá joupa iłonc'e'enapola' nulemma liłjunac', ja'ni joupa i'ipola' limpio, aimitsufconayacu.

³ Ihsina' aiquliłonc'e'enila' nulemma liłjunac'. Amats' amats' ti'nujuaisyi li'epa lixcay. Amats' amats' tima'annila' linneja.

⁴ Liłjuats' linneja lima'ampola', ihe lan toro y lan chivo, aimiłonc'e'eyacola' nulemma liłjunac' lan xanuc'. Aimi'ia.

⁵ Tołiya licuai'ma fa'a li'a lamats' Jesucristo timi qui'Ailli': Aicalcuxe'e catsufcoyaco' linneja lima'ampola', ni łocuena caiftsufcoyaco'.

Lapi'ipa iya' laicuerpo catsufco'moxi.

⁶ Ihe petsi noxingufcopá liłjunac', ja'ni titsufcoyi linneja lima'ampola' lopi'empola', o ja'ni titsufcoyi liłjuats' linneja,

ima' aiqutenłcocohuo' nulemma ihna'a lotsufcopo'.

⁷ Iya' lainepenufpa laicuerpo aimipo':

"Ne', fa'a capa'a.

Jiłpe al je'e liniliya ałpalajma iya' laif'eya, tołta'a ca'e'ma.

Aicuaicoco'ma ca'ela' lofxpic'epa ima' manDios.”

⁸ Cristo linespa tołta'a ate'a ticua: “Linneja lima'ampola' o locuena laiftsufcoyaco' a'i tołta'a całcuxe'e. Jouc'a linneja lopi'empola' o liłjuats' linneja lotsufcopa iłne petsi loxinguf-copa liłjunac', a'i tołta'a catsufcoyaco'. Aicałcuxe'e. İna'a lotsufcopo' aiqusetenłcocoħuo' nulemma.”

⁹ Ti'hua tipalaic'o ŁanDios timi: “Aicuaicoco'ma ca'ela' lofxpic'epa”. Cristo minesqui tołta'a ipo'nopa iju' iłe al te'a lataiqui', iłe locuxe'epola' lan xanuc' titsufcołe ŁanDios. Locuena litaiqui' loya'apa: “Aicuaicoco'ma ca'ela' lofxpic'epa”, iłe ĩnca joupa ifayipa.

¹⁰ ŁanDios ixpic'epa al'itsonga' ma i'huexi iłque. Tołta'a al'e'eponga' Cristo litine licupa licuerpo, itsufcopoxi nulemma.

¹¹ Locuenaye ca'aillı itine itine ti'eyi lanic' lepi'ipola' ŁanDios. Titsufcoyi linneja ma to licuxe'epola' titsufcołe. İna'a lotsufcopa aimi'ıya miłonc'e'eyacola' liłjunac' lan xanuc'.

¹² İtuca' li'epa lałCuecaj ca'Aillı'. İque itsufcopoxi ma le'a anulemma. Tołta'a iłojmpa nulemma lałjunac'. Lijou'ma icutsin-gai'ma al c'a camane ŁanDios.

¹³ Micutsu jıłpe al c'a camane ŁanDios i'huaijma ticuaiti litine ticuec'ełe naixtuc'opá. I'huaijma timetsaicole Incuxepa.

¹⁴ Aimitsufconayacoxi. Joupa itsufcopoxi nulemma. Lix-anuc' joupa i'e'epola' i'huexi ŁanDios. Ti'hua tilanc'e'ela' liłpicuejma'.

¹⁵ Cal Espıritu Santo jouc'a lu'inga' tołta'a. Ate'a ticua:

¹⁶ Tijoułta' capenufcona'mola' capo'no'icona'mola' cataiqui'. Jıłpe ĩlunxajma' capo'no'i'mola' laitaiqui' laıfcuxe'epola'. Quinił'e'mola' jıłpe liłpicuejma'.

¹⁷ Lijou'ma ticua:

Lıxcay li'epa petsi aiqulihuequi laitaiqui' laıfcuxe'epola' aica'nujuaisconaya, quimenc'eco'ma nulemma.

¹⁸ Petsi joupa limenc'e'ecopola' lixcay li'epa, iłne aimitsuf-conayacu. Joupa iłojm-napa liłjunac'.

¹⁹ Unc'aipimaye, itsiya aimasuełmot'leconayi. Jesús joupa itsufcopoxi ŁanDios, itsufcopa lijuats'. Toliya tixoqui calata ti'i'ma ałtsuflai'me jıłpe Xonca al Paxi pe lopa'a ŁanDios, ałpalaic'o'me iłque.

²⁰ Lałpene itsiya ituca', imaf'i'. Cristo litsufcopoxi licuerpo, ŁanDios exi'epa nulemma lałtsuflaicoyacu jıłpe Xonca al Paxi. Lijahua' lojujnya joupa iłojm-napa.

²¹ İllanc' ixanuc' ŁanDios juaiconapa acueca' lała'Aillı'.

²² Toliya aimasim'me calaic'ata, tıxoĵma calata laxc'onłngolai'me ŁanDios. Joupa ałjuitsijmponga' illanc' lałpicuejma', aimasuełmot'lecoyacu lałjunac', joupa iłojmpa.

Laſcuerpo lapo'imponga' al c'a caja'. Itsiya a'i oquej laſpicuejma'. Aſſinyoſtsi ma latufnaponga'. Ti'i'ma aliſoc'oſai'me LanDios illanc' caſtuca', aſpalaic'o'me iſque.

²³ Joupa aluya'apá: Aſ'huaiyijnyi LanDios, iſque lunſu'e'monga'. Aimapai'i'moſtsi laſpicuejma'. Ti'hua aſ'huaiyijnle. Iſque joupa icupa cataiqui', aimi'iya mipai'iya. Ma to linespa toſta'a lo'eya.

²⁴ Lahueſe te co'iya maſ'nujuaiſyacola' xonca laſpimaye, ti'iſta' xonca axpe' laſ'epa al c'a.

²⁵ Iſne lapimaye pe aimefot'leconayoſtsi aimalihuej'me liſ'ejma'. Lafot'le'moſtsi alixpi'i'mola' quileta laſpimaye. Toſſinyi ticuaihuo al Cuecaj Quitine, toſiya xonca toſpo'noſe loſpicuejma' tonſ'ele toſta'a.

²⁶ Illanc' petſi joupa aſſina' te ts'i'ic' al Linca Cataiqui', ja'ni xonca aſpic'a al xujc'a cane, ja'ni ti'hua aſ'econa'me lixcay, ticuaiſi al Cuecaj Quitine aſſim'moſtsi joupa lacaſiponga'. Iſe li'epa Criſto liſufcopoxi, aimaliſonc'e'eyacongá' laſjunac'.

²⁷ Ma le'a aſ'huaico'me lapi'intſonga' laſjunac'. Acueca' caxpaiqui' iſe laſteſ'minayacongá'. Aſſingufco'me to lunga lipoyac' LanDios. Ma to lojou'neyacola' naixtulepá, ma' anuli aſjou'ne'monga' illanc' ja'ni aimalihuejcoyacu.

²⁸ Li'ipa, cal xans netets'ipa litaiqui' Moisés, pe aiqui'aic' locuxe'epa, titeſ'mim'me. Ti'iſta' oquexi' aſantsi joupa ixingopá liſ'u' lixcay li'epa, tijouſa' aimixininyacu cuanuc', titeſ'minſe.

²⁹ Itsiya, ¿te aimiteſ'minyacu xonca petſi netets'ipa Criſto, tocomma to i'huaiſeſufpa li'Hua LanDios? Jouc'a lijuats' Criſto etets'ipa, iximpa to ninaiſi cajuats'. Iſe lijuats' Criſto lixcuajaicopa tifayila' nulemma al Ts'e Cataiqui' lipo'no'ipola' LanDios lixanuc'. Maſe lajuats' i'e'epa cal xans ma' i'huexi LanDios. Iſque pe netets'ipa Criſto inesc'epa cataiqui' cal Eſpíritu Santo, iſque Notoc'iyalepa. Linca xonca acueca' lo'iya iſque cal xans.

³⁰ Limetsaicoyi Nocuapa:

Ma' iya' icueya laimane ca'e'ma al hijca.

Iya' ca'najtſe'e'mola' pe no'epá lixcay.

Jouc'a ticua:

LanDios copa'a iſjuez lixanuc'.

³¹ Linca aimaluliyacu iſque Limaf'i' CanDios. Acueca' axpaiqui' iſque. Acueca' lo'eya.

³² Imanc' joupa oſmujpoſtsi toſ'huaiyijnyi Jeſucriſto. Aimolimec'eco'me loluyalaicopa. Ti'hua toſ'nujuaiſle li'ipolhuo'. Iſniya liſtiné ma quite' LanDios epalc'o'ipolhuo'. Jiſne liſtiné oſſnet'ſ'me al cueca' lateſcoya. Aicoſpai'i loſpicuejma'.

³³ Iſniya liſtiné toſteſcoyi mixoconnilhuo' loſ'as xanuc', mi'ennilhuo' lixcay, mimiloquilhuo' cataiqui'. Jouc'a toſteſcoyi ma miteſcoyi toſna'a loſpimaye.

³⁴ O'l'e'e'mołtsi anuli lołpimaye litats'empola', jouc'a tołtelcoyi, tunlequi lołunxajma'. Mexic'elhuo' imanc' loł'huexi, tixoqui cunlata tolihuejyi Jesucristo. Aicolixtuc'ola'. Toł'nujuaisyi tipa'a loł'huexi xonca al c'a. He aimi'iya mexic'enyacolhuo'.

³⁵ Joupa i'ipa cołsina' ŁanDios tepi'i'molhuo' xonca al c'a. Aimolatets'i'me. Ja'ni ti'hua toł'huaiyjnyi acueca' al c'a ti'najtse'e'molhuo'.

³⁶ Ne'. Ti'hua tołsnet'ł—le. Tołta'a tonł'e'me lixpicepa ŁanDios. Tepi'i'molhuo' al c'a. Joupa icupa cataiqui'.

³⁷ Jiłpe al Paxi Linilingiya tuya'e':

Le'a huata tehue'e', ma icuaico'ma Nocuaicoya.

³⁸ Cal xans nał'huaiyjmpa tulijta lipitine aimijouya.

Aiximpa to ailopa'a quijunac', capenufi.

Ja'ni tipai'inla' lipicuejma' aimalatenłcoconaya.

³⁹ Linca, a'i tołta'a lał'ejma'. Aimalpailiconamma. Aimalacani'enyaconga'. Ti'hua ał'huaiyj'm'e ŁanDios. Iłque lunł'u'e'monga'.

11

¹ Ja'ni ał'huaiyjnyi ŁanDios, łte ts'i'ic' lał'ejma'? Mał'huaiyjnyi tixoqui calata ał'huaicoyi ŁanDios lapi'itsonga' pe joupa ałmiponga': "Capi'i'molhuo'". Aimalnesyi: "¿Aga lapi'i'monga' o aimalapi'iyaconga'?" Mał'huaiyjnyi tama axpe' aimi'iya małsinyacu, pe ŁanDios joupa icuapa: "Tipa'a", ałsina' ma tipa'a.

² Tołta'a luyalaicopa lałtatahueló. Tołiya al Paxi Linilingiya tipalaicola', inescopola' al c'a.

³ Mał'huaiyjnyi ŁanDios ałsina' te ts'i'ic' li'ipa lilanc'epa lema'a, li'a łamats', jahuay lopa'a. Ai'a tilanc'e'ma ŁanDios lema'a y li'a łamats' aiqui'huáqui colanc'ecoya, ailopa'a. ŁanDios ma le'a icuxepa ti'ıla'. Lijoupa, ma tołta'a li'ipa.

⁴ Abel mi'huaiyinge ŁanDios, litsufcopa ac'a itsufcopa. Caın, ipima Abel, ŁanDios aiquetenłcocojma litsufcopa. Mi'huaiyinge Abel, ŁanDios iximpa iłque ac'a xans, epenufpa litsufcopa. Mi'huaiyinge ŁanDios, ima'ampa. Tołiya tama joupa imanapa tocomma to ti'hua tipalay.

⁵ Enoc mi'huaiyinge, ŁanDios iłonc'enapa fa'a li'a łamats'. Tołta'a aiquixina' lamaya. ŁanDios ilecona'ma, aiquixingona'me. Ałsina' Enoc i'huaiyjmpa ŁanDios. Al Paxi Linilingiya tuya'e': "Mipa'a li'a łamats' Enoc etenłcocopa ŁanDios".

⁶ Petsi aimi'huaiyjnyi, iłniya lił'ejma' aimetenłcocoja ŁanDios. Cal xans naxc'onłingaiya ŁanDios ticuicomma ti'ıla' quixina' tipa'a ŁanDios. Jouc'a ti'ıla' quixina' ŁanDios tepi'i'ma al c'a ja'ni tehueł'a'.

⁷ Noé mi'huaiyinge LanDios, ilanc'epa al arca. LanDios joupa u'ipa Noé te ts'i'ic' lo'iya. Tama ailopa'a tintsi, Noé aiqetets'i limipa LanDios. Ihuejcopa, ilanc'epa al arca, unlu'epola' lix-anuc'. Noé mi'ay tofta'a imuj'ma a'ijc'a lihpicejma' locuenaye lan xanuc', ilne nomana' li'a lamats' ihniya litiné. LanDios imet-saicopa ti'huaiyinge Noé. Epenufpa to ailopa'a quijunac'.

⁸ Abraham mi'huaiyinge, ihuejcopa licuxe'epa LanDios. Itque ijoc'ipa Abraham tipanni, ti'huanla' locuena camats' tepi'ita. He lamats' Abraham aiqixina'. Ni aiqixina' pe lopa'a. Ma' ipanamma, i'huanapa.

⁹ Icuaitsi jilpe lamats' linescopa LanDios, aiqepenufi nulemma. Mi'huaiyinge ipajmpa jilpe to lin'huaya. Ipajmpa lejut'i ilanc'ecompa ijahua'. Ma' anuli tofiya lipajmpa Isaac, itque i'hua Abraham. Jouc'a ma' anuli lipajmpa Jacob i'hua Isaac. Ihniya i'huaico'me LanDios tepi'itsola' nulemma quilemats', ma to limipa qui'ailli'.

¹⁰ Mipa'a tofta'a Abraham ixnet'i'ma. I'huaijma ticuaitsi anuli li'ya' xonca lifaiya lajut'li. Jilpe li'ya' lajut'li aimi'onlyacola' lajut'li lilanc'ecompa ijahua'. He li'ya' LanDios ixpic'epa te ts'i'c' mi'ya, itque ilanc'epa.

¹¹ Sara mi'huaiyinge LanDios, epenufpa lipujfxi, i'ipa quinay. LanDios joupa icuapa: "Sara tipo'no'ma qui'hua". Ticua Sara: "LanDios aimifel'miyale. Linca ti'i'ma." Tofta'a li'ipa. Tama joupa itojpa caca'no', Sara ipo'nopa hi'hua.

¹² Tofta'a anuli cal xans i'ipa quiltatahuelo axpela' lan xanuc'. Itque tama tocomma to joupa imanapa itepa hi'hua. Ijou'ma i'ipola' axpela' lixanuc'. Aimi'ya mixhuej'meyacola'. Ti'onlcospola' to lan xamna nomana' lema'a, o cal cuixa lopa'a lema caja.

¹³ Jahuay ihniya, litine lima'mola', ma ti'huaiyijnyi LanDios. Ihniya aiqiluliqui linescopa LanDios mimila': "Capi'i'molhuo". Ihniya ma ti'onlcospola' to nahuejlojmpá. Ilne afule mixinyi al c'a lopa'a aculi'. Tixoqui quileta ticuayi: "Linca, ma tipa'a. Juaiconapa ac'a jiliya lalapi'iyaconga'." Ma mi'huaiyijnyi LanDios ticuayi: "Ilanc', ma' aluyalaicoyi fa'a li'a lamats'. Al'onlcosponga' to lin'huaya."

¹⁴ Lonespa tofta'a alinca ti'huaiyijnyi LanDios. Acuajmaica timujyołtsi tijanajyi ticuaitsa jilpiya mane lihpitya'.

¹⁵ Ilne aimi'hua mi'nujuaisyi ite lamats' lipalyonamma. Ja'ni cola' i'nujuais'me, ja'ni ixhuełco'me, LanDios cola' timuc'i'mola' te ts'i'ic' mi'eyacu mipailiyacu.

¹⁶ Ilne a'i tofta'a li'ejma'. Tijanajyi ticuaitsa pu'hua lema'a, petsi xonca al c'a. Tofiya LanDios aiqetets'ila' ilne lixanuc'. Tixoqui queta tecui'yoxi: "Iya' NanDios, ilenDios ihniya laixanuc'". Ma' itque lilanc'e'epola' lihpitya' lopa'a pu'huanni.

17-18 Abraham mi'huaiyinge ŁanDios, ihuejcopa licuxe'epa litine lehuaicopa. Titsufco'ma cal nuli hi'hua, iłque Isaac. Ai'a tipajnta Isaac ŁanDios joupa u'ipa Abraham, timi: "Iłque lo'iya lo'hua Isaac ti'i'ma quilitatahuelo lan xanuc' petsi laimet-saiconyacola' to loxanuc'". Abraham, tama joupa i'epa linca iłe limipa ŁanDios, aiquicuanac'e hi'hua, iłque Isaac. Coła' lotsufcoya.

19 Ticua: "ŁanDios ti'i'ma timaf'i'ina'mola' limanapola'. Timaf'i'ina'ma łai'hua." Ma mima'aya hi'hua, ŁanDios imuc'ipa tipa'a jilpe anuli cal moł. Iłque cal moł Abraham ima'apa, itsufcopa ŁanDios, a'i hi'hua. Tołiya Isaac ti'onłospa to cal moł lima'apa qui'ailli'. Abraham lepenufnapa hi'hua iximpa to ŁanDios joupa imaf'i'inapa. Tocomma i'ipa to linespa Abraham.

20 Isaac mi'huaiyinge ŁanDios, ipaxne'mola' linaxque', iłniya Jacob y Esaú. A'i ma le'a ipaxne'mola', jouc'a u'i'mola' te ts'i'ic' lo'iyacola'.

21 Jacob mi'huaiyinge ŁanDios, mima ipaxne'mola' loquexi' linieto, iłne linaxque' José. Mipaxnela', iłe loya'apa, a'i lonespa quituca' lipicuejma', tuya'e' ma lixic'epa ŁanDios. Mi'huaiyinge ŁanDios, ummejc'oyoxi lipaluc, ic'ommai'ma, tix'najtsi'i ŁanDios.

22 José mi'huaiyinge ŁanDios, tixhuainatsi lipitine, ipalaic'o'mola' lipimaye, iłne jouc'a ixanuc' Israel. U'i'mola' te lo'iyacola'. Tuya'e' tipalnacu jilpe łamats' Egipto. Icuxe'e'mola' lo'e'eyacu lipécal.

23 Qui'ailli', qui'máma' Moisés, mi'huaiyjny i ŁanDios aim-ixpailiquila'. Aiquilihuequi litaiqui' licuxe'eyalepa cal rey nocuxepa Egipto. Lixim'me juaiconapa ac'a łahuac'hua, emi'me afane' mut'ła. Aimima'am'me.

24 Moisés mi'huaiyinge ŁanDios, lijoupa litojpa, aimimet-saicoyoxi to inieto cal rey Faraón. Aimicua, tama itoc'epa hi'hua caca'no' cal rey.

25 Ticua: "Ja'ni aimetenłocoy a ŁanDios laif'eya, tama cuyaico'ma al c'a ma capa'a li'a łamats', iłe laixojcopa neta, aimicołya". Tołiya ixic'epa titelcoła' to lixanuc' ŁanDios mitelcoyi.

26 Tama cal rey Faraón, iłque nocuxepa Egipto, acueca' al c'a lapi'iya Moisés, iłque aiquicuac'. Ixina' xonca ac'a loyaicoya ja'ni lan xanuc' tetets'iłe. Xonca ipic'a ti'huaicoła' ŁanDios ti'najtse'eła'. Mitelcoyi tołta'a lixanuc' ŁanDios ma' anuli Cristo titelcoyi, iłque hi'Huij'epa ŁanDios.

27 Mi'huaiyinge ŁanDios, Moisés ipanni jilpe łamats' Egipto. Aimixpaic'e lipoyac' cal rey. Tama aiqui'huáqui ŁanDios, tocomma to Moisés tehuelonge. Tołiya ixnet'i'ma jahuary.

28 Mi'huaiyinge LanDios, icuxe'epola' lixanuc' tima'anle lam mot'l, tijuitsijnle lajuats' li'puerta. To'ta'a tuyaicola' lapaluc quema'a, noma'ayacola' lan tet'la lanaxque' camijcanó, i'ne lun Egipcio. Ailopa'a co'e'eyacola' lixanuc' Moisés.

29 Moisés jouc'a lixanuc', mi'huaiyijnyi LanDios jilpe Lunxali Caja, ete'nuf'moxi laja i'i'ma lane, uyalaico'me nolojmay. Icuaitsa lan xanuc' egipcio, jouc'a itsulfo'ai'me ilpic'a tuyalaife jilpiya. Aiqui'ic'. Laja inutse'mola', unxalac'mola'.

30 Lan xanuc' Israel mi'huaiyijnyi LanDios, acaitsi quitine ipaiyummi'j'me li'ya' Jericó. Jilpe lixpula' leti'icoya qui'ya' ipaiyummi'j'me. Tijoula' acamts'us quitine, lihuequi litine ecangenni leti'icoya li'ya'.

31 Rahab, laca'no' litepa licuerpo, mi'huaiyinge LanDios epenufpola' loquexi' lan xanuc', i'niya nicuaicota tehuelojm'me lamats'. To'hiya un'u'ma laca'no'. Lun Israel litsufilai'me Jericó ima'a'me lan xanuc' nomana' jilpiya, i'ne petsi aiquilihuequi LanDios. Rahab aiquima'a'me.

32 Itsiya, ¿te xonca caifnesya? Mi'huaiyijnyi LanDios jouc'a i'e'me al cueca' i'ne Gedeón, Barac, Sansón, Jefte, David, Samuel jouc'a lam profeta. Aimi'ommaispa capalaicoyacola' li'epa anuli anuli i'niya. Axpe' alcol'ma.

33 Locuenaye, mi'huaiyijnyi LanDios tulijyi lan tsilaj quincuxepá jouc'a li'xanuc'. Locuenaye ticuxeyaley i'jca. Locuenaye epenuf'me i'le al c'a limipola' LanDios lapi'iyacola'. Locuenaye mimana' nolojmay lanxmuhua ti'huaiyijnyi LanDios, to'ta'a ailopa'a qui'e'e'mola'.

34 Locuenaye, mi'huaiyijnyi LanDios ipac'e'me lipoyac' hunga. Ailopa'a qui'e'e'mola' i'le hunga. Locuenaye un'ul'me, aimima'acom'mola' acutsilo. Locuenaye, joupa itafquemmola' epenufcona'me li'pufxi. Locuenaye, acueca' li'epa mifuleyi naixtulepá. Locuenaye, ihuescufi'me lan xanuc' nofulepá, i'ne ocuena quitraza.

35 Laca'no' mi'huaiyijnyi LanDios, i'ne li'xanuc' limapola', epenufna'me joupa imaf'i'ina'pola'. Locuenaye ixnet'l'me mite'l'minnila' juaiconapa, ima'am'mola'. Aicun'u'eyo'ltsi, aiquilcuac'. Ilpic'a tulijnatsa lapajnya xonca al c'a, timaf'i'inatsola' LanDios Locuaicoya Litine.

36 Locuenaye, itelco'me mitalunts'ennila' o muntafquim'mola' o mifi'econnila' acadena, itats'em'mola'.

37 Locuenaye ima'acom'mola' apic', ehuaiyim'mola'. Ma quimaf'ila' etequim'mola' on'ca li'cuerpo, ima'acom'mola' acutsilo.

Locuenaye, mi'huaiyijnyi LanDios tiyelocoyi i'tatsma lipixmij mo'l o lipixmi chivo. Acueca' lahue'epola', itelcoyi, juaiconapa acuanuc'la.

³⁸ Iñiya xonca lan c'a xanuc'. Tohiya liñ'as xanuc' aimi'iya mimetsaicoyacola', etets'im'mola'. Iñe, ma mi'huaiyijnyi ÑanDios, inulnapá, tiyelocoyi petsi ailopa'a quiña'. Jouc'a tiyelocoyi lijualay. Tiñmana' ñunts'aja' o lipihuo camats'.

³⁹ Jahuay iñiya, tama ÑanDios imetsaico'mola' ti'huaiyijnyi, aiqululiqui linescopa ÑanDios, iñe lapi'iyacola' lixanuc'. Ni aiqulñsina' te ts'i'ic'.

⁴⁰ ÑanDios joupá ixpic'epa luyalaico'me xonca al c'a illanc'. Ixplic'epa ti'ña' calsina' te ts'i'ic' lapi'iyacola' lixanuc'. Li'ipa, iñiya aiqulñsina'. Ti'hua mehue'ela' mi'huaicoyi añ'huaiyijnle illanc'.

12

¹ Iñe lañpimaye joupá imuj'moñtsi ni'huaiyijmpá ÑanDios. Tama joupá iyenapá timana' anujñca, canumicay pe lañmana' illanc', lahuelonginga'. Axpela' iñiya. Itsiya, ¿te co'iya? Ticuicoma añpo'note lañpicuejma' luliñta iñe lalapi'inyaconga'. Añ'itsonga' to iñe lainulpá. Iñe ñic' tinul'me, aimitaiyacuj cumta copa'neyacola'. Jouc'a illanc', laca'ni'me lañpa'neyaconga', aimalihuej'me al xujc'a lopa'a lañpicuejma', añsnet'ñ'me jahuay lañ'iyaconga'.

² Ti'hua añ'nujuaitsa Jesús li'ejma'. Mañque Jesús añmuc'iponga' te ts'i'ic' mañ'huaiyijnyacu ÑanDios. Iñque nulemma i'huaiyijmpa ÑanDios, aiquipai'ñ lipicuejma'. Iñque añtoc'i'monga' ti'hua añ'huaiyijnle, tijouña' ÑanDios alunñu'e'monga'. Jesús i'nujuaitsa lo'iya jilpe lema'a. Tohiya ma iteñcopa lepañts'ingimpa lancruz. Tama iximpá to ñixcay xans aiqixim'moxi acuanuc'. Ticua: “Jipu'hua lema'a tixoj'ma neta cuyaicota”. Itsiya joupá ulijpa. Ticutsuya al c'a camane ÑanDios cal Cuecaj Quincuxepa.

³ Camilhuo': Toñ'nujuaitsa Jesús te ts'i'ic' luyaicopa, liteñcopa. Toñ'nujuaisle liñnet'ña ma mi'e'eyi acueca' quixcay iñiya lan xanuc' pe aimihuejcoyi ÑanDios. Toña'a aimixojyacolhuo', ti'hua toñ'huaiyijm'me.

⁴ Imanc' lolipa'apa caxi tolulijle al xujc'a, ¿te oñscuajaiapa loñjuats'? Añ toña'a qui'ñhuo'.

⁵ Tocomma joupá olimenc'ecopa loya'apa al Paxi Linñingiya. Jilpe ÑanDios tixc'ai'ñhuo'. Toña'a ña'ailli' mixc'ai'i'mola' linaxque'. ÑanDios ticua:

Mai'hua, topo'noña' lopticuejma' tapenufla' laifmuc'ipo' iya' oPoujna.

Ja'ni cu'itso', aimitañqueco'.

⁶ Petsi ñañ'epola' capic'a camuc'i'mola' toña'a iya' iñPoujna. Petsi lainimetsaicopola' ainaxque' cateñ'mila'.

⁷ ÑanDios aimixtuc'olhuo'. Toñsnet'ñe lo'ipolhuo'. Ma to ña'ailli' timuc'ila' linaxque' toña'a timuc'ñhuo' ÑanDios.

8 Jahuay linaxque' ÑanDios timuc'ila', titef'mila'. Ja'ni aimoꝥxingufcoyi toꝥta'a mimuc'ilhuo' ÑanDios, imanc' a'i quinaxque'. Iꝥque aiqumetsaicolhuo', ocuena coꝥ'ailli' imanc'.

9 Li'ipa maꝥmana' ninc'a'uhuy la'ailli' atef'minga'. Aicalixtuc'ola'. Tama le'a axanuc' limetsaicopola' toꝥta'a icueya liꝥmane. Lapajnya fa'a li'a lamats' lapi'iponga' iꝥniya. ÑanDios caꝥ'Ailli' Nopa'a lema'a tepi'ila' jahuay liꝥpitine. Xonca tucuicomma limetsaicote iꝥque. Toꝥta'a lapi'i'monga' laꝥpitine aimijouya.

10 Iꝥne la'ailli' nomana' fa'a li'a lamats', iꝥe licueya quitꝥmane aiꝥuicoꝥi. Tama icueya liꝥmane aimi'hua maꝥcuxeyacongá'. Tijoula' altoꝥtsonga' aimi'hua maꝥtef'miyacongá'. Iꝥne ma to licuapa liꝥpicuejma' toꝥta'a laꝥtef'miponga'. Caꝥ'Ailli' Nopa'a lema'a ituca' li'ejma'. Iꝥpic'a luyalaicote al c'a, a'i ma le'a fa'a li'a lamats', ticua: "Toluyalaicotsa al c'a Locuenaj Quitine jouc'a". Iꝥpic'epa ti'ila' nulemma pangay c'a laꝥpicuejma', ma to lipicuejma' ÑanDios.

11 Linca maꝥtef'minga' a'i mixoqui calata, aꝥsinyi acumta lapajnya. Maꝥteꝥcoyi aꝥsnet'iyi. Tijoula' lihuic'ile ti'i'ma ac'a laꝥpicuejma'. Aꝥpac'em'monga' laꝥpicuejma'.

12 Toꝥiya camilhuo': Ja'ni itafquemmolhuo' aimoluyalaiconame toꝥta'a. Loꝥmane', loꝥ'mitsi' tolapi'itsola' liꝥpujfxi.

13 Ma tolihuejle litaiqui' ÑanDios. Toꝥta'a petsi lo'onꝥcospola' to lan coxo, iꝥne petsi afule miyeyi, iꝥniya jouc'a tihuej'me, aimejac'eyacu al c'a cane.

14 Toꝥpo'note loꝥpicuejma' toꝥejmaleꝥe al c'a loꝥpimaye, jahuay iꝥniya. Tolahueꝥe te coꝥ'iya monꝥ'eyacu ti'ila' pangay c'a loꝥpicuejma'. Ma le'a iꝥniya pe toꝥta'a liꝥpicuejma' tixinna'me caꝥ'Ailli' ÑanDios.

15 ÑanDios ti'hua titoc'ilhuo'. Toꝥ'etsotꝥsi cuenna, ni anuli menaj'moxi. Ni anuli mi'i'moxi to lixcay quitamqui, tixhueꝥ'mi'molhuo'. Iꝥque lipommaya titaꝥ'molhuo', nij naitsi nonꝥtuya.

16 Ni' anuli mi'i'moxi innahuepa cacal'no', ni mi'i'moxi to cal xans Esaú. Iꝥque ehue'ma ma le'a lopa'a fa'a li'a lamats'. Iꝥque Esaú cal te'a timi lipepo: "Lapi'ila' iꝥe loꝥtecopa, cate'ma iya'. Caꝥ'ailli' tipaxne'mo' ima', iya' nin te'a aimalꝥaxne'ma." Toꝥta'a etets'i'ma lopaxnecoya qui'ailli'. Xonca iꝥpic'a titetꝥola', tama ma le'a anulij pime.

17 Joupa oꝥsina' li'ipa. Lijou'ma, Esaú iꝥpic'a qui'ailli' tipaxneꝥa', timetsaicoteꝥa' to cal te'a qui'hua. Aimi'iya. Ixhueꝥmot'le'ma juaiconapa, ijoj'ma. Aimi'iya mipai'iya. Joupa i'ipa.

18 Imanc' moli—loc'otaiyi ÆanDios aimolacaxhuotanna lehuoc'ocojma hijuala ma le'a amats'. Jilpiya tecaxhuotanna lixanuc' Moisés. Ite hijuala tocomma tipi, ixim'me acueca' lipat' cunga. Ixim'me acueca' cummahuay, amuf le'a, juaiconapa ti'hua lahua'.

19 Jilpe icuej'me tifus'minni al trompeta. Icuejpá anuli tipalay, tixc'ai'ila'. Lan xanuc' noquimf'epá iximpá acueca' caxpaiqui', tixahue'eyi aimipalaic'ocona'mola'.

20 Lataiqui' loxc'ai'ipola' iximpá juaiconapa acueca' cataiqui'. Ticua: “Tama anuli linneja ti'huałtsijnla' hijuala tima'acone apic”.

21 Jouc'a Moisés iximpa acueca' caxpaiqui' ite lehuelojmpa jilpe. Ticua: “Tiyu laicuerpo”.

22 Imanc' joupa oli—loc'otaipá hijuala Sión jilpe liya' Jerusalén lopa'a lema'a, lipi'ya' ÆanDios Limaf'i'. Jilpe lefot'leyot'si lapaluc' quema'a tixoqui quileta. Juaiconapa axpela' ihniya, aimi'ya mixhuj'menyacola'.

23 Oli—loc'otaipá pe lomana' jahuay lixanuc' lefot'lepola' ÆanDios jilpe lema'a. Matpiya ihpi'ya'. Ma to cal te'a qui'hua tepenuf'ma li'huexi lapi'ya qui'ailli' ma tołta'a ihniya tepenuf'me ih'huexi lapi'iyacola' ÆanDios.

Oli—loc'otaipá pe lopa'a ÆanDios, itque ihjuez jahuay lan xanuc'. Oli—loc'otaipá pe lomana' li'espíritu lan c'a xanuc' ni'epá al hijca, ihniya nulemma i'ipa pangay c'a lihpicuejma', ailopa'a quehue'epola'.

24 Joupa oli—loc'otaipá pe lopa'a Jesús itque Natcuai'esponga' ÆanDios illanc' nalapenufpá el Ts'e Cataiqui', ite lataiqui' atpo'no'iponga' illanc' ixanuc' ÆanDios. Jilpe loli—loc'otaiyopa tocomma tipalaic'o ÆanDios lijuats' lixcuajaipa Jesús, ite lałjuitsijmponga'. Loy'apa aimi'onłspa to luya'apa lijuats' Abel, itque Caín lima'apa. Xonca ac'a loya'apa lijuats' Jesús.

25 Itsiya tołpo'nołe cuenna. Aimolatets'i'me Nopalaic'opolhuo'. Lipalaipa fa'a li'a łamats' aicunłul'me pe netets'ipá lixc'ai'ipola', iteł'mim'mola'. Itsiya itque tipalay pu'hua lema'a. Ja'ni latets'ite, ja'ni aimalihuejcoyi, łte aga lunłu'e'monga'? Linca xonca acueca' ałteł'mi'monga'.

26 Li'ipa, mipalay ÆanDios tife'ne li'a łamats'. Matque ÆanDios ticua: “Xonca al cueca' ti'i'ma”. Tuya'e':

Cafe'necona'ma łamats', tifenna nulemma.

Tifenna a'i ma le'a li'a łamats', jouc'a tifenna lema'a.

27 Ite lataiqui' “nulemma”, ticuajmaispa lo'eya ÆanDios. Itque tife'nela' lilanc'epa tiłojm'ma. Tijouła' petsi aimi'ya mife'nemyacu, tipanehuo.

28 ÆanDios joupa ixpic'epa atcuxeta anuli. Jilpe aimi'ya mife'nemyacu. Aimalitonc'e'eyaconga' licueya lałmane. Tohiya

als'najtsi'ile ÑanDios, tołta'a tetenłcoco'ma laxc'onłingolai'me. Malaxc'onłingolaiyi al'nujuaitsa te ts'i'ic' ÑanDios. İque apaxi, acueca' axpaiqui'. Lihuejco'me.

²⁹ Aimalimenc'eco'me: ÑalanDios ti'onłcospa to łunga lopi'eya al xisca.

13

¹ Imanc' ti'hua tonł'etsoltsi capic'a to capimaye.

² Aimolimenc'eco'me lonł'e'eyacola' pe noyepá cane locuaiyumma. Tolapenuftsola'. Aimixojtolhuo'. Pe tołta'a no'epá epenuf'me lapaluc' quema'a. Linca, lepenufimpola' aiqui'ic' quilsina' ja'ni apaluc' quema'a.

³ Toł'nujuaitsola' litats'ila'. Tolsingufcole to itats'ennilhuo' jouc'a. Toł'nujuaitsola' lołpimaye notelcopá. Imanc' jouc'a tipa'a lołcuerpo. Anuli İniya tołsingufcole al tilca.

⁴ Ja'ni onlamallipá tonł'e'e ma le'a al c'a. Tonł'etsoltsi cuenna. Aimonł'e'me nixpiya. Pe nahuepá caca'no' o nole-copá ocuena caca'no', İniya titeł'mi'mola' ÑanDios cal Juez.

⁵ Aimonł'e'me to lan xanuc' ts'İpic'a xonca quİtomı. Tetenłcocsolhuo' İle loł'hueca İtsiya. ÑanDios timihuo': "Aicapo'noyaco' cotuca', aicacanujyaco'".

⁶ Tołiya tixoquei calata aİnes'me: "ŁaiPoujna ÑanDios altoc'i'ma. İya' aimałspaiqui. ¿Te cał'e'eya lan xanuc'?"

⁷ Aimolimenc'eco'mola' lołpomxiye, İne nimuc'ipolhuo' litaiqui' ÑanDios. Toł'nujuaisle te ts'i'ic' lijoucopa liłpepajnya fa'a li'a lamats'. İne imaco'mola' mi'huaiyijnyi ÑanDios. Tołta'a ti'İta' imanc' lonł'ejma'. Jouc'a ti'hua toł'huaiyijnle ÑanDios.

⁸ Jesucristo aimipai'iyoxi. Tsumjma, İtsiya, locuaicoya quiti-ne, ma' anuli lipicuejma'.

⁹ Imanc' ti'hua toł'huaiyijnle Jesucristo. Aimolihuej'me ocuena ocuena cataiqui' pe aimi'onłspa to limuc'impolhuo'. Ti'hua tolıhuej'me lataiqui' limuc'impolhuo'. Mał'huaiyijnyi ÑanDios ma İque altoc'inga', alfa'enga' lałpicuejma'. Tołta'a aluyalaico'me al c'a. Ja'ni lihuejle lataiqui' loya'apa te ts'i'ic' lałtejacu, te ts'i'ic' aimałtejacu, a'İ tołta'a małfa'eyacołtsi lałpicuejma'. İne petsi naihuejpa İle lataiqui' ma' anuli mi-manemma, aimi'i'ma xonca al c'a liłpicuejma'.

¹⁰ İllanc' lał'altar İtuca'. Aimi'onłspa to İle al altar li'İpa li-pajmpa jİłpe lajut'ł lilanc'ecompa İjahua'. İne naihuejcopá to li'eyompa jİłpe lajut'ł lilanc'ecompa İjahua', aimi'İya mitejacu lopa'a lał'altar.

¹¹ Li'İpa, mipa'a lajut'ł lilanc'ecompa İjahua', cal cuecaj ca'ailli' İtai'ma liłjuats' quinneja, titsufai'e jİłpe Xonca al Paxi. ÑanDios liximpa İle lajuats' imenc'e'eco'mola' lan xanuc' al xujc'a li'epa. İne linneja aimitejnyacu. Ti'hua'annila' jİłpe limuc'o' pe a'İj pangiya. Jİłpe tipi'enspolá'.

12 Tołta'a jouc'a Cristo i'hua'am'me lema quilya'. Jilpe itelco'ma, itsufco'ma lijuats', al'e'eponga' ixanuc' ŁanDios.

13 ¡Lihuejle Cristo! Aimalihuej'me li'epa jilpe lajut'ł lilanc'ecompa ijahua'. Ałtelcole to Cristo litelcopa. Latets'intsonga' jouc'a.

14 Jifa'a li'a łamats' łalpiya' tijou'ma. Al'huaicoyi, aljanajyi locuaicoya locuena łalpiya'.

15 Mał'huaiyijnyi Jesús jouc'a altsufco'me ŁanDios. Illanc' łaltsufcoyacu a'i quinneja. Altsufco'me łalłaiqui'. Itine itine alš'najtsi'i'me ŁanDios, ilque łalanDios.

16 A'i ma le'a ataiqui' tolihuejle ŁanDios. Tont'ele al c'a. Tołtoc'itsola' lołpimaye. Tolapi'itsola' ja'ni tehue'ela'. Ti'ila' tołta'a lonł'epa tetenłcocojma ŁanDios. Tocomma to tołtsufcoyi.

17 Tolihuejle lomuc'ipolhuo' lołpomxiye. Ilne ti'eyi cuenna loł'alma. Ilšina' ŁanDios ticuis'etola', timitola': "¿Te o'epa al c'a ille łanic' łainepi'ipo'?" Imanc' tołcuc'etsola' ilne lołpomxiye. Tołta'a tixoqui quileta ti'e'me łanic'. Ja'ni aimołcuc'ela' tixhuelmot'le'me ilniya. Tijouł'a imanc' jouc'a aimoluyalaicoyacu al c'a.

18 Tołsa'huele ŁanDios alłoc'itsonga'. Joupa alšpic'epá al'ele ma le'a al c'a, tołta'a aimalšuelmot'leyi. Ailopa'a tintsi.

19 Camiconamolhuo': Tołsa'huele ŁanDios alłoc'ila'. Tołta'a aimalcolconaya fa'a. Cacaiconata jilpe pe lołmana'.

20 Litsufcopoxi łalPoujna Jesucristo, lijuats' lixcuajaipa ilinc'ico'ma łalłaiqui' ŁanDios lipo'no'ipola' lixanuc'. Ille łalłaiqui' joupa liilinc'ipa aimipaiya, ma tipa'a. ŁanDios liximpa Jesús lixcuajaipa lijuats', imaf'i'ınapa if'ac'enapa lema'a. Ilque i'ipa cal Cuecaj łalPoujna, illanc' imot'ł. Małque ŁanDios alłpac'e'enga' łalpicuejma'.

21 Caxa'hue titoc'itsolhuo' tołsuai'nile jahuay al c'a lonł'epa. Tołta'a tołanant'li'me lixplic'epa ŁanDios. Mał'huaiyijnyi Jesucristo ma tołta'a lo'epa ŁanDios. Alłoc'i'monga' al'ele ma le'a latenłcocopa ilque.

¡Jahuay litiné timetsaiconte anDios! ¡Texc'onłingolai'me ma le'a ilque!

Amén. Tołta'a ti'ila'.

22 Cunc'aipimaye, caxa'huelhuo' tołapenufle laifxc'ai'ipolhuo'. A'i axpe' cataiqui' ille łaininił'epolhuo'.

23 Ti'ila' colšina' te ts'i'ic' li'ipa łalłpima Timoteo. Itsiya aiquitats'iya. Joupa ux'masquinnapa. Ja'ni ticuaiyunni ma capa'a fa'a al'e'me, al'ejmale'me, alšinnolhuo'.

24 Lołpomxiye jouc'a lołpimaye jilpiya nomana', tołmitsola' iya' canonnila'. Ilne no'huaiyijmpá Cristo jouc'a i'huexi ŁanDios. Łalłimaye nomana' łamats' Italia jouc'a tinonnilhuo' imanc'.

25 ŁanDios ti'nujuaitsilhuo', titoc'itsolhuo'.

Tołta'a ti'ila'. Amén.

LIJE'E SANTIAGO LINIŁ 'EPOLA' LAPIMAYE

¹ Iya' ninSantiago ca'ay liĥpenic' ŁanDios y łatPoujna Jesu-cristo.

Quinił'elhuo' imanc' unc'aipimaye, imanc' iĥmaxque' łattet'ła xanuc', iĥniya limbamaj coquexi' linaxque' łattatahuelo Israel. Itsiya tołmana' ni petsi lołca'nepołtsi.

² Unc'aipimaye, ja'ni tołsinłe ipime lapajnya iya' camilhuo': Aimołsuełmot'łe'me. ¡Tixojla' cunlata!

³ Imanc' joupa ołsina' lo'epa ŁanDios. Iłque tehuaiyil-huo', ti'ıła' cołsina' ja'ni toł'huaiyijnyi o a'i. Ja'ni toł'huaiyijnyi tołsnet'ł' me lo'ipolhuo'.

⁴ Tijouła' aimixojtolhuo', ti'hua tołsnet'ł'cona'me. Tołta'a ŁanDios tixhuai'ni'ma, ti'e'e'ma pangay c'a lołpicuejma'. Aime-hue'econayacolhuo' lołpicuejma'.

⁵ Anuli imanc' ja'ni tinesla': "Ahuata laipicuejma'", cami'ma iłque: Toxahue'eła' ŁanDios tepi'itso' lołpicuejma'. ŁanDios a'i całtsile. Ma tixoqui queta ticu. Aimixtuc'ola' pe noxa'huepá.

⁶ Jahuay lołpicuejma' toxa'hueła', to'huaiyijnla' ŁanDios. Aimonos'ma: "¿Ja'ni ti'i'ma o aimi'ıya?" Petsi tołta'a li'ejma' ti'onłcospa lipicuejma' to łaja mi'hua'e łahua'. Tummay łahua'. Ti'huała' pu'hua, texa'uhua fa'a. Ma ti'hua tifenna.

⁷ Aimines'ma iłque: "Iłe laifxahue'epa ŁanDios lapi'i'ma". A'i. Aimepi'ıya.

⁸ Cal xans petsi oque' lipicuejma', ma ti'hua tipai'ıyoxi.

⁹ Anuli łapima ja'ni ailopa'a qui'hueca, tixojla' queta tix'najtsi'ıła' ŁanDios. Iłque tixina acueca' ts'i'hueca. Timetsaijma.

¹⁰ Petsi tixoqui queta ti'nujuaitsi al cueca' ĥi'huexi, ŁanDios tixina to aiqui'hueca. Ti'onłcospa to cua naitsi lipa' lopa'a jıpu'hua łimuc'o'. Aimicołıya.

¹¹ Linca iłne lipa' aimixnet'ıyi. I'huáquila' juaiconapa ac'a. Tijouła' tif'ajla' cal 'ora, ĥipinu' tipi'e, tıjułi ĥipela, ĥipipa' tecangemma łamats'. Ate'a i'huáqui ac'a, mijou'ma tejac'a. Tołta'a tuyaico'ma petsi ts'i'hueca acueca'. Muyaicojma lapajnya ma ti'hua tejac'eyoxi.

¹² Cal xans noxnet'ł'pa lahuaipa, iłque linca tuyaijma al c'a. Tijouła' lahuaiyimpa, ŁanDios timetsaicota. Tulijnata nulemma lipitine aimijouya. Tołta'a joupa licupa cataiqui' ŁanDios, tepi'i'mola' pe no'epá capic'a.

13 Anuli imanc' ja'ni tixingufcojma lahuaipa aimines'ma: "Ma ËanDios ummepa ihe lalahuaipa. Ca'ëta' lixcay." ËanDios lipicuejma' ailopa'a quixcay. Ique ailopa'a comiya: "To'ëta' lixcay".

14 Ihe pe jilpe lipicuejma' timiyotsti: "To'ëta' lixcay", ihe ma quiltuca' tijanajyi ti'ële tofta'a. Ihe lixcay lopa'a lipicuejma' tifel'mila', ti'hua'ala' lixcay cane.

15 Titojla' lixcay lopa'a lipicuejma', ti'e'me tofta'a. Tijoula' ja'ni ti'hua ti'eyi lixcay, ma tejac'e'mola'.

16 Maicunc'aipimaye, aimimenaj'molhuo'.

17 Ma jipu'hua lema'a lumme'eninga' jahuay al c'a. Ihe lalapi'iponga', jilpe qui'huayomma juaiconapa ac'a, ailopa'a tintsi. Maque cal'Ailli' ËanDios lumme'enga'. Jilque nilanc'epa lepalalc'o' nomana' lema'a. Ihe lepalalc'o' tipai'iyi lipicalc'o'. Ti'i'ma huata, ti'i'ma acueca' lapalc'o'inga'. Jouc'a tipailoyi. Mif'acai'ma cal 'ora, alpo'nonga' lunxahua, limufc'o'. A'i tofta'a ËanDios. Ique aiquipaiya, ma' anuli tipa'a. Aimipailo, ipuqui', itine alulif'enga'.

18 Maque ËanDios i'epa ma to lixic'epa ique quituca'. Jilpe lapicuejma' ifapa al Ëinca Cataiqui'. Tofta'a lapi'iponga' al ts'e lapitine, al'e'eponga' inaxque', ique cal'Ailli' ËanDios. Al'oncosponga' to ina'a lafot'enyacu ate'a, lotsufcoyacu ËanDios ai'a ticuaihuo litine cafot'ëya. Ticuaiyunni al Cueca' Quitine tixinim'me jahuay lilanc'epa ËanDios i'huexi ique. Illanc' joupa al'e'eponga' tofta'a. Illanc' ma' i'huexi ËanDios.

19 Maicunc'aipimaye, tofta'a joupa ohsina'. Tohiya jahuay imanc', anuli anuli, totpo'note loipicuejma', tolquimf'ële al c'a. Ai'a totpalai'me totpic'e'me te ts'i'ic' motpalaicoyacu. Aimolix-tulecu.

20 Lipoyac' lan xanuc' aimipammaispa. Aimi'iyi mi'eyacu tofta'a al c'a latentcocoya ËanDios.

21 Tohiya, totpo'note loipicuejma' aimont'econa'me al xujc'a. Li'ipa, acueca' olatets'ipotsti, juaiconapa of'epotsti laic'. Itsiya aimont'econa'me tofta'a. Tolanaj'motsti nulemma jahuay ina'a lixcay. Aimot'nof'e'motsti. Tolihuejle lataiqui' lifayipa jilpe loipicuejma'. Tofta'a ihe lataiqui' tunhu'e'molhuo' nulemma.

22 Imanc' tolihuejle lataiqui', tonf'ële to loya'apa. A'i ma le'a motquimf'e'me. Ja'ni ma le'a totpquimf'eyi, ma tofel'miyotsti. A'i tofta'a molunhulyacu.

23 Anuli lapima noquimf'epa lataiqui', ja'ni aimihuequi ti'oncospa to cal xans mehuelonge lahuejma'. Jilpe tehuelonge li'a, te ts'i'ic' lixans.

24 Tijoula' tixinla' li'a, ti'hua'ma, timenc'eco'ma te ts'i'ic' lixans, ihe lijoupa liximpa.

25 Ticuicomma a'i tołta'a mixhue'me litaiqui' ŁanDios. Jiłpe tipa'a lataiqui' lałcuxeponga' illanc' pe joupá luhualquenam'monga' lał'epa a'ijc'a. IŁe Lataiqui' aimehue'e'. Cal xans noxhuepa al c'a iŁe lataiqui' jouc'a tepequi, iłque aimimenc'ecoya loquimf'epa. Mi'ay tołta'a tixoqui queta tuyaico'ma.

26 Ja'ni anuli imanc' timiyoxi: "Iya' linca nihuequi ŁanDios", tijoułá' aimicuxe al c'a lipał, iłque tifel'miyoxi. A'i mihuequi ŁanDios, ma le'a tinesqui.

27 IŁne nahuejmpá lecaniya jouc'a lampotsateya notelcopá acueca', pe no'epołtsi cuenna, aimixis'meco'mola' iŁe lixcay lopa'a fa'a li'a łamats', iłniya ma ti'eyi latentłocopa ŁanDios, iłque cał'Ailli'. Iłque tixim'mola' ac'a lilihuequi.

2

1 Unc'aipimaye, ja'ni tolihuejyi litaiqui' lałPoujna Jesucristo, iłque ma' anDios, aimolatets'i'mola' hualca lołpimaye. Ma' anuli tołpalaic'otsola'.

2 Iya' cacua: Imanc' ma mefot'leyołtsi, ja'ni titsulfolaite oquexi' lan xanuc', anuli lipuf'c'ihue iłtaic' lił'anillo a'oro, juaiconapa ac'a lipijahua'. Łocuena ailopa'a qui'hueca. Ijout-soqui laquipijahua'.

3 ¿Te ts'i'ic' mołpalaic'oyacola'? ¿Te ituca' ituca' lołpalaic'oyacola'? Iłque ts'ipo'nohua ac'a lipijahua', ¿te tołmi'me: "To'huanni fa'a. Tocutshuaila' al c'a"? Tijoułá' łocuena, iłque pe ailopa'a qui'hueca, ¿te tołmi'me: "Ima' tacaxla' jilu'hua, o tocutshuaila' łainitas laifpo'nof'ipa lai'mitsi'?"

4 Linca, ja'ni tołta'a lonł'epa tołmujoyołtsi oquej lołpicuejma'. Tołta'a tonł'eyołtsi to lan juez. Ti'onłcospolhuo' to lan juez petsi aimixpic'eyi al c'a, a'ijc'a iłne liłpicuejma'.

5 Unc'aipimaye, ałquimf'ela' laifmiyacolhuo'. ¿Ja'ni aicołsina' naitsi iłne pe aiquil'hueca? Fa'a li'a łamats', iłne pe aiquil'hueca i'huijf'epola' ŁanDios. Iłque i'huijf'epola' ti'huaiyijnle. Tołta'a alinca tepenufta qui'huexi. Tepi'innola' quilmene ticuxeta. ŁanDios joupá icupa cataiqui' tepi'itola' tołta'a iłne petsi no'epá capic'a.

6 Tołta'a liximpola' ŁanDios iłne pe aiquil'hueca. Imanc' a'i tołta'a mołsinnila'. Jiłpe lafołyom'molhuo' joupá olatets'ipá pe aiquil'hueca.

Iłne pe ts'il'hueca, ¿te aimicuxenai'ilhuo'? ¿A'i małniya texat'łulhuo', lo'hua'apolhuo' jiłpe pe lopa'a cal juez?

7 Imanc' joupá ecui'impolhuo': Ixanuc' Cristo. IŁe Laftine xonca al c'a. ¿Te iłne pe ts'il'hueca aiminescoyi a'ijc'a iŁe Laftine?

⁸ Ima'a litaiquí ËanDios lafcuxe'eponga', ile al cueca' xonca tuya'e': "Ima' to'eyoxi capic'a, ma tofta'a to'ela' capic'a lof'as xans, cua naitsi loftalecufya".

Ja'ni joupa ołspic'epá tolanant'li'me ile lataiqui', ne', joupa ołspic'epá tonl'e'me al c'a.

⁹ Tijoula', ja'ni ituca' ituca' tołpalaic'oco'mola' lapimaye, a'ijc'a ile lonl'eyacu. Aimolihuejyi loya'apa lataiqui' lafcuxeponga'. Małe lataiqui' tecani'elhuo'.

¹⁰ Ëinca ticuicomma lihuejcołe jahuay lataiqui' lafcuxeponga' ËanDios. Ja'ni a'i, tama ma le'a anuli lataiqui' aimalihuejcoyi, tipa'a lałjunac'.

¹¹ ËanDios ticuxe: "Aimoxhuico'ma lipeno lof'as xans". Jouc'a ticuxe: "Aimoma'ahuale'ma". A'i oquexi' candiosla' nocuapá tofta'a. Nonespa ma' anuli ËanDios. Tofta'a, tama aimoxhuijma lipeno lof'as xans, ja'ni toma'ahuale aicomihuequi ËanDios locuxepa. Tipa'a lojunac'.

¹² Illanc' petsi joupa luhualquem'monga' lał'epa a'ijc'a, jilpe Lataiqui' tipa'a lafcuxeponga'. Małe lataiqui' timuj'ma ja'ni ac'a o a'ijc'a lał'ejma'. Tohiya camilhuo': Ja'ni tołpalaite, ja'ni tonl'ete, ti'ila' to locuxe'epolhuo' ile Lataiqui'.

¹³ Ihe pe aimixiñyi cuanuc', acueca' titeł'minnola'. Petsi tixiñyi cuanuc' tuyaicota al c'a.

¹⁴ Cunc'aipimaye, ja'ni cal xans tinesla': "Ca'huaiyinge ËanDios", tijoula' aimihuejma, ¿te quipenic' ile linespa? ¿Te ilque cal xans tunlu'ma ts'i'ejma' tofta'a? Ilque ma le'a ataiqui' ti'huaiyinge.

¹⁵⁻¹⁶ Iya' cacua: Ja'ni anuli imanc' tipalaic'ola' al c'a lapima axans o aca'no' pe ailopa'a quipijahua' ni coteja, ja'ni timila': "Ne', to'huanla', aimoxhuełmot'lecona'ma. Toxmainatsi afunca, totetsotsi al c'a", tijoula' aimepi'i, aimitoc'i muyaijma lapajnya. ¿Te quipenic' ile limipa?

¹⁷ Ma' anuli loł'huaiyijmpa ËanDios. Ja'ni ma le'a tołcuayi: "Ca'huaiyinge", tijoula' aimolihuejyi, ¿te quipenic' ile lołnespa "ca'huaiyinge"? Ile lołnespa tocomma to imac' cataiqui'. Aimi-pammaispa.

¹⁸ Ja'ni tofta'a loł'ejma' ti'i'ma timim'molhuo': "Ima' to'huaiyinge, iya' quihuejma. Ne', tama ailopa'a cof'epa al c'a, ałmuc'ila' loł'huaiyijmpa. Tijoula' iya' camuc'i'mo' laifnihuejcopa. Tofta'a ałsim'ma ca'huaiyinge."

¹⁹ Ima' tonesqui: "Aixina' tipa'a ma' anuli ËanDios, ilque ca'huaiyinge". Ne'. Ma' ac'a ile lołnespa. Jouc'a lontahue ilšina' tofta'a. Ihe tiyula' tixpailiquila'.

²⁰ Ima' conxans, tocomma ailopa'a copicuejma'. Ja'ni ma tocuca: "Ca'huaiyinge", tijoula' aimaihuejma, ile

lof'huaiyijmpa ailopa'a quipenic'. Aimitoc'iyaco'. ¿Te aicoxina' ita'a?

²¹ ¿Te qui'ipa lahtatahuelo Abraham? ¿Ja'ni itque ma le'a ines'ma: “Ca'huaiyinge LanDios”? ¿Toŧta'a LanDios iximpa to ailopa'a quijunac', epenuŧpa? A'i. Abraham jouc'a i'epa al c'a. Ihuejcopa LanDios limipa. Li'hua cuŧtine Isaac, ipo'nof'ipa jilpe al altar, titsufcola' LanDios.

²² Jilpe toxina li'ipa: Ma mi'huaiyinge LanDios, Abraham ihuejcopa. I'epa to limipa. Toŧta'a ihinc'ipa linespa. Imujpa ti'huaiyinge LanDios.

²³ Toŧta'a enanŧpa al Paxi Liniŧgingiya loya'apa: “Abraham i'huaiyijmpa LanDios, toŧta'a iximpa to ailopa'a quijunac', epenuŧpa”.

Toliya Abraham ecui'impá: “Ts'itejmale LanDios”.

²⁴ Toŧta'a toŧsinyi te ts'i'ic' li'ejma' cal xans pe LanDios tixim'ma to ailopa'a quijunac', tepenuŧ'ma. Itque cal xans a'i ma le'a ticua: “Ca'huaiyinge LanDios”. Jouc'a tihuejma, ti'e'ma ma locuxe'empa.

²⁵ Ma' anuli li'ipa laca'no' Rahab, itque titejyoxi licuerpo. Itque jouc'a i'epa al c'a. Epenuŧ'mola' loquexi' lan xanuc', itne icuaitsa tehuelojnle fa'a lalamats'. Lijou'ma ummena'mola' tiyente ocuenaj cane. Aimixim'me itne no'ehualepá laic'. LanDios imetsaicopa ite li'epa Rahab. Iximpa to ailopa'a quijunac', epenuŧpa.

²⁶ Al cuerpo, ja'ni ailopa'a quipitine, joupa imac'. Ailopa'a co'epa. Ma' anuli itne ni'huaiyijmpá pe nonespá: “Ca'huaiyinge LanDios”, tijouŧa' aimihuejcoyi. Ite lonespa tocomma imac' cataiqui'.

3

¹ Unc'aipimaye, jahuay imanc' aimoŧmuc'iyale'me. Ti'ele oquexi' afantsi le'a. Ja'ni ninc'omxiye xonca ipime ite laŧpenic'. Ja'ni limenajtsonga' xonca atel'mi'monga' LanDios.

² Linca itque pe aimimenaca ailopa'a. Axpe' malimenaquinga' jahuay anuli. Pe nopalaipe ma le'a al c'a, ja'ni aimimenaca toŧta'a, itque linca ac'a xans, ixhueya lipicuejma'. Itque ticuxeyoxi al c'a.

³ Laihuale aŧpo'no'ila' liŧco anuli al freno catejma'. Toŧta'a lihuejcongá, aŧpai'e'mola' laihuale jahuay liŧcuerpo.

⁴ Jouc'a lam barco ita'ic' aca'hua catejma' o aca'hua c'ec lipuŧtine atimón. No'hua'apa al barco, ja'ni ipic'a ticuxela' al barco, tife'ne'ma ite al timón. Tijouŧa', tama acuecaj barco o tummetsai hujfxi cahua', tihuejco'ma no'hua'apa. Ti'hua'ma petsi ipic'a itque.

⁵ Jouc'a laŧpaŧ, tama aca'hua ti'i'ma tinesco'moxi acueca', lo'epa. Cacia: Laca'hua cunga acueca' cal 'ec' tunai'i.

⁶ Toŧta'a laŧpaŧ ti'onŧcospa to lunga. Jahuay al xujc'a lopa'a fa'a li'a ŧamats' ti'i'ma tines'ma laŧpaŧ. Toŧta'a tixis'me'ma jahuay laŧcuervo. Lunga nopa'a al muf tunai'i laŧpaŧ. Ti-jouŧa' tunai'i'ma jahuay lopa'a hijuaihua, ti'hua'ma xonca aculi'. Ailopa'a cunŧuya.

⁷ Jahuay linneja nomana' fa'a li'a ŧamats' ocuena ocuena liŧ'ejma' o liŧpicuejma', jouc'a lacaŧ'hui, jouc'a lainofat'ŧ, jouc'a nomana' jiŧpe laja, lan xanuc' jounpa imanxuc'empola', ti'hua timanxuc'eyi.

⁸ Ituca' laŧpaŧ. Aimi'iya mimanxuc'enyacu. Aimihuejma. Ti'hua ti'ay al xujc'a to loxpiceya. Imanna laŧxi camaya.

⁹ Laŧpaŧ a'ij nuli le'a lo'epa. Maŧpalaiyi aŧs'najtsi'iyi LanDios, iŧque caŧ'Ailli', aŧsuicoyi laŧpaŧ. Ma' anuli aŧsuicoyi laŧpaŧ aŧcuajcola' laŧ'as xanuc', iŧne jouc'a hilanc'epola' LanDios, ti'onŧcospá to iŧque.

¹⁰ He laŧs'najtsi'icopa LanDios, ma' anuli laŧcuajcopola', quipalyomma jiŧpe laŧco.

Unc'aipimaye, toŧta'a aimetenŧcocojma.

¹¹ Jiŧpe laipalyomma laja', maŧpe tipayomma ma' anuli caja'. ¿Te tipahuo oque' laja', al ni'i laja' jouc'a al cua caja'? A'i, aimi'iya.

¹² Unc'aipimaye, al 'ec 'icux, ¿te ti'as'ma aceituna? O al 'ec 'uva, ¿te ti'as'ma 'icux? A'i, aimi'iya. Toŧta'a ma' anuli ti'i'ma laja'. Jiŧpe lipayomma al cua caja' aimi'iya mipayoya al ni'i caja'.

¹³ Jiŧpe pe loŧmana', ja'ni tipa'a nonespa: "Iya' xonca ts'aipicuejma'. Linca aixina'." Ne'. Ti'iŧa' iŧque ac'a li'ejma', ti'eŧa' al c'a. Timujxoxi ts'ipicuejma', aimi'e'e'moxi le'a.

¹⁴ Ja'ni acuá loŧpicuejma', ja'ni tonlahueyi tolulijtsoŧsi, aimolixoc'i'moŧsi cunlata. Ja'ni toŧta'a loŧ'ejma', aimolihuejcoyi al Linca Cataiqui', ma le'a toŧfel'miyaley.

¹⁵ Ja'ni toŧta'a loŧpicuejma', a'i LanDios mepi'ilhuo'. He ma' iŧpicuejma' locuenaye lan xanuc' nomana' fa'a li'a ŧamats', iŧne nahuepá quŧituca' lojanajpa. He liŧpicuejma' ti'onŧcospa to lipicuejma' lonta'a Satanás.

¹⁶ Ja'ni ti'eyoŧsi laic', tehueyi tulijtsoŧsi, mijou'ma ti-fuli'i'moŧsi, ti'e'moŧsi nixpiya.

¹⁷ Iŧne pe LanDios lepi'ipola' liŧpicuejma', iŧne ailopa'a quixcay liŧpicuejma'. Toŧiya aimifuli'iyoyŧsi, aimixtuc'oyacoŧsi. Ti-huejcoyoŧsi, ma tixinyoyŧsi acuanuc'la, ti'eyi mane al c'a, titoc'iyoyŧsi, ma' anuli liŧpicuejma', tepenufoyoŧsi, ma' ainca lan c'a xanuc' iŧne, a'i mi'e'eyoyŧsi le'a.

¹⁸ Iŧne pe lo'eya xonca pangay c'a liŧpicuejma', ticuicomma ti'iŧa' ac'a liŧ'ejma' ma' itsiya. Iŧne aimehuoc'aiyoŧsi, ma tipac'eyi lafuleya.

4

¹ Imanc' tolix-tuc'oyoltsi, toľfuli'iyoltsi, ¿naitsi nomuc'ipolhuo' toľta'a? Linca ailopa'a nomuc'ipolhuo' toľta'a. Imanc' coltuca' toľjanajyi xonca toľ'huejle, toľta'a toľfuli'iyoltsi.

² Tama acueca' toľjanajyi, aimolulijyi iľe loľjanajpa. Mijou'ma toľma'ahualeyi, toľ'eyoltsi laic', tolix-tuc'oyoltsi, toľfuli'iyoltsi. Aicoľsahue'e LanDios, toľta'a aimolulijyi iľe loľjanajpa.

³ Imanc' moľsahue'e'me aimepi'ilhuo'. Aimoľsahue'eyi al c'a. LanDios joup'a ixina' loľ'eyacu. Ja'ni tepi'itsolhuo' loľsahue'epa toľsuico'me ma coltuca' ts'oľpic'a.

⁴ Imanc' ti'onľcospolhuo' to lacaľ'no', tama namallipá tihuej-naiyi xanuc'. Imanc' oľpo'nopá loľpe'Ailli', iľque ma LanDios. Ma moľcuayi: "Aľejmaleyi LanDios", toľjanajyi lopa'a fa'a li'a lamats'. Jouc'a toľihuejyi coltuca' loľpicuejma', to iľne pe aimimetsaicoyi LanDios. Ma toľfuli'iyi LanDios. ¿Te aicoľsina' iľta'a? Cal xans ja'ni tixpic'eľa' tihuejla' to iľne pe aimimetsaicoyi LanDios, ja'ni tixpic'eľa' tiyejmalefe iľniya, iľque ti'ej laic' LanDios, aimi'iya miyejmaleyacu.

⁵ Al Paxi Linilĩngiya ticua: "Cal Espíritu Santo ľaľpo'no'iponga' LanDios jilpe ľalunxajma', iľque Espíritu aľ'enga' cuenna juaiconapa, aľsininga' ma i'huexi LanDios".

¿Te colcuapa a'ij linca iľe lataiqui'? O ¿colcuapa ma le'a ataiqui'?

⁶ Linca illanc' caľtuca' aimi'iya malihuejyacu. Ma le'a LanDios xonca altoc'inga', to tuya'e': "Pe no'nof'e'epoltsi, LanDios tipa'nela'. Lam manxu, iľne no'oc'epoltsi, LanDios titoc'ila'."

⁷ Toliya camilhuo': Toľ'oc'etsoľtsi, toľihuejcole LanDios. Toľpa'neľe ľonta'a Satanás, tijouľa' tinuna'ma iľque. Tipo'no'molhuo' coltuca'.

⁸ Toli—loc'oľaľte LanDios, tijouľa' iľque tiľoc'ai'molhuo'. Imanc' nonľ'epá a'ijc'a aimonľ'econa'me toľta'a. ¡Tolapajle loľpicuejma'! Ja'ni oque' loľpicuejma', ja'ni loľpic'epa lixcay jouc'a al ľijca, ton'ete anuli loľpicuejma'. Toľta'a ti'i'ma pangay c'a loľpicuejma'.

⁹ Toľsueľcole juaiconapa, toľsingufcole loľpихuejma'. Toľjolilje. Tolatec'ole iľe loľpixojma cata, toľsingufcole loľpihuotsoqueya. Aimoľsim'me mafca ľolunxajma'. Toľsinľe acueca' calaic'ata.

¹⁰ Tonľ'oc'etsoľtsi LanDios, tijouľa' iľque ti'nof'e'molhuo'.

¹¹ Cunc'aipimaye, aimoľnesco'moľtsi a'ijc'a. Pe nonescopá ľilpimaye o tecani'eyi, iľne tetets'iyi lataiqui' ľaľcuxeponga'. Ima' ja'ni tatets'i iľe lataiqui' ľaľcuxeponga', aimanant'hi lataiqui', joup'a o'epoxi unjuez.

¹² Tipa'a ma' anuli ľaľjuez, iľque ľapi'iponga' lataiqui' ľaľcuxeponga'. Iľque ti'i'ma tunľu'eyale'ma, ti'i'ma

tejac'eyale'ma. Ima' aimi'ya macani'eya łopima. ¿Te ima' unjuez?

¹³ Ałquimf'ela' imanc' nołcuapá: “Itsiya o mouqui le'me ile li'ya'. Jilpiya ałmajnta anuli camats'. Ałcucaleta, ał'najualeta, ał'eta canic'. Tołta'a lulijta caltomí.”

¹⁴ Iya' camilhuo': Imanc' aicołsina' te ts'i'ic' mi'ya mouqui. ¿Te ts'i'ic' lołpitine? Imanc' ti'onłcospolhuo' to łummahuay. Iłque łummahuay ti'huaspa ahuata aimicołi, tejac'inghua.

¹⁵ Ticuicomma tołcuate: “Ja'ni ŁanDios łalPoujna ipic'a ti'hua ałmajnle, ał'e'me ile o ilta'a”.

¹⁶ Itsiya ma le'a toł—lof'e'eyołtsi. Tołiya tuluyalaicoyi lapanya tixoqui cunlata. A'ijc'a ile lonł'ejma'.

¹⁷ Camilhuo': Cal xans ts'ixina' te ts'i'ic' al c'a, tijouł'a' aimi'ay, iłque tipa'a lijunac'.

5

¹ Ałquimf'ela' imanc' ts'ol'hueca juaiconapa. ¡Tołjolijle! ¡Tołja'ale! Juaiconapa al cueca' tołtelco'me.

² Ticuaihuo litine tołsim'me joupa iminscopa łol'hueca. Łacaca joupa enai'ot'lenapá lołpijahua'.

³ Loł'oro, lołplata tołsim'me joupa unxilaipa. Iłque łunxilaic' timuqui lixcay lonł'epa. Ałmana' litiné lecui'impa lijoucola'. Imanc' ti'hua tolafot'leyi coł'oro, cołplata. Linca iłque łunxilaic' titeja latejma', ma tołta'a łunga tite'molhuo' lołpixic'.

⁴ Iłe lołtomí tija'e', ticuxecolhuo'. Iłe ma iłtomí lołmozó, iłne i'e'me canic' litiné lefot'le'me jilpe łolamats'. Imanc' aicoł'natse'ela'. Iłne ni'epá lanic' tija'ayi. Joupa iquimf'epola' ŁanDios, małque ŁanDios ticuxe jahuay.

⁵ Imanc' oluyalaicopá juaiconapa xonca al c'a. Ol'epá nixpiya. Ołfunc'epołtsi, tołsinyi mafca łolunxajma'. Ti'onłcospolhuo' to loma'anyacola' linneja.

⁶ Olacani'e'mola' lan łijca xanuc', ołma'apola'. Iłne aiquicua-najyołtsi.

⁷ Tołta'a lo'ipolhuo' imanc' unc'aipimaye. Camilhuo': Tołsnet'He. Ticuaihuo łalPoujna. Toł'nujuaisle li'ejma' lin'eya nic' jilpiya hilemats'. Ti'huaico'me litine cafot'leya. Iłsina' ja'ni tipammaitsi ticuaicota acueca' quilpic'a. Tołta'a ti'hua mixnet'lyi. Ti'huaico'me ticuił'a', tijouł'a' ti'huaicocona'me ticuiconł'a'.

⁸ Imanc' ticuicomma jouc'a tołsnet'He tołta'a. Tołfa'etsołtsi talay łolunxajma'. Joupa ticuaihuo łalPoujna.

⁹ Unc'aipimaye, aimołtac'ui'mołtsi lajunac'. Tołta'a aimitac'uinyacolhuo' jouc'a. ¡Tołsinłe! Cal Juez joupa icuai'ma, ma tipa'a jilpe al puerta.

¹⁰ Unc'aipimaye, toł'nujuaisa lił'ejma' lam profeta, iłne nuya'apá litaiqui' łalPoujna. Iłne ma mitełcoyi tixnet'lyi.

¹¹ Linca, petsi joupá nixnet'lpá ahescola', atcuayi: "Ac'a li'ejma' ihne. Joupá ulijnapá." Joupá ohsina' te ts'i'ic' li'ejma' Job. Ique ixnet'lpá juaiconapa. Jouc'a ohsina' te ts'i'ic' li'e'epa LanDios lijoupa lehuai'impá. Jilpe tohsinyi a'ij ta hunxajma' laPoujna. Ique juaiconapa tixinyale acuanuc'la.

¹² Unc'aipimaye, xonca to'po'no'le cuenna, aimo'e' me jurar. Aimohes'me: "Mixinnale lema'a". Ni mohes'me: "Mixinnale li'a lamats". Aimohes'me nij tintsí cataiqui' to'na'a. Ja'ni tohes'me: "Ne, to'ta'a", ma le'a tohesle: "Ne', to'ta'a". Ja'ni tohes'me: "A'i", ma le'a tohesle: "A'i". Aimol—lof'i'me cataiqui'. To'ta'a aimecani'enyacolhuo'.

¹³ Pe lo'mana', ja'ni anuli titehma, tixahue'e'la' LanDios titoc'ila'. Ja'ni anuli tixoqui queta, tunac'cola' LanDios, tix'najtsi'ila'.

¹⁴ Ja'ni anuli textafque, tijoc'itsola' litsilojpola' capimaye, ihne noxpijpá lataiqui'. Ticuaitsa ihne pe lonouya lafcuana, ma'piya tijoc'ile LanDios. Ti'huaf'i'me caceite lafcuana ma minescoyi lipuftine laPoujna.

¹⁵ Ihne mijoc'iyi LanDios ti'huaiyijnyi, ticuayi: "Linca tixa'l'mena'ma". To'ta'a tipammaispa ile loxa'huepa. Lafcuana tunhu'ma. LaPoujna tixa'l'mena'ma. Tama joupá i'epa lixcay, LanDios imenc'e'ecopa ile li'epa, tixa'l'mena'ma.

¹⁶ Unc'aipimaye, ja'ni on'epá lixcay tolu'inatso'tsi. To'sahue'ele LanDios titoc'itsolhuo'. To'ta'a tixa'l'mena'molhuo'. Ja'ni cal hijca xans tixa'hue'la' LanDios, acueca' tipammaispa.

¹⁷ Cal profeta Elías al'on'cosponga', i'que jouc'a ma le'a axans. Ique ijoc'i'ma LanDios. Ixa'hue'ma aimicui'ma. Lijou'ma aiquicuic'. Icol'ma afane' camats' y on'ca aiquicuic'.

¹⁸ Lijou'ma ijoc'icona'ma, ixa'hue'cona'ma. Jilpe lema'a i'huayonni laja'. Icu'i'ma jilpe lamats'. Laifa ilapa.

¹⁹⁻²⁰ Unc'aipimaye, petsi anuli imanc' ifel'mimpá joupá ux'maspa al Linca Cataiqui', ja'ni locuena lapima tinanc'on'la', titsufai'econala' al C'a Cane, ti'ila' quixina' joupá i'epa al c'a.

Lapima nonanc'onaiya to'ta'a pe a'ijc'a no'epa, tunhu'e'ma lipima. Ique ni'epa a'ijc'a aimejac'ya, tama acueca' li'epa aimitac'uinyacu lajunac'.

LIJE'E SAN PEDRO AL TE'A LINIĒ'EPOLA' LAPIMAYE

¹ Iya' ninPedro, nin'apóstol, epaluc Jesucristo. Canonilhuo' imanc' ixanuc' ŁanDios, imanc' pe aimoġmana' łolamats', joupa olaca'nepoġtsi. Imanc' noġmana' łamats' Ponto, jouc'a noġmana' łamats' Galacia, jouc'a noġmana' łamats' Capadocia, jouc'a noġmana' łamats' Asia, jouc'a noġmana' łamats' Bitinia, canonilhuo' quiniġ'elhuo'.

² Li'ipa lipangopa ŁanDios caġ'Ailli' joupa ixina' lo'eya, joupa ixpic'epa i'huij'epolhuo' imanc'. I'huij'epolhuo' ti'itsolhuo' mane i'huexi ŁanDios. Toġta'a ti'ay cal Espíritu Santo. ŁanDios i'huij'epolhuo' tolihuejcoġe. I'huij'epolhuo' ti'itsolhuo' limpio. Toġta'a ti'ay lijuats' lixcuajaipa Jesucristo jiġpe lancruz.

Caxa'hue ŁanDios ti'hua titoc'itsolhuo', ti'hua tipac'e'etsolhuo' loġpicuejma'. Caxa'hue toġta'a tipaxnetsolhuo' juaiconapa.

³ Aġs'najtsi'ile ŁanDios, enDios, i'Ailli' łalPoujna Jesucristo. Iġque ŁanDios juaiconapa ac'a lipicuejma', aġsimponga' ninc'icuanuc'la juaiconapa. Toġta'a lapi'iponga' al ts'e łalpitine. Tixoqui calata aġ'huaicoyi Locuena Quitine, jiġpe aimijouya al ts'e łalpitine. ŁanDios joupa imaf'i'inape Jesucristo, ipa'anapa pe lomana' limanapola'. Toġiya aġsina' ma' anuli aġmaf'i'ina'monga'.

⁴ Jiġpe tepi'itolhuo' coġ'huexi pe aimiminscoya, pangay al c'a. Ma to mipa'a aimipaicoya. Iġque łoġ'huexi ma ŁanDios i'hueca pu'hua lema'a.

⁵ Tepi'innolhuo' imanc' noġ'huaiyimpá ŁanDios. Ma moġ'huaiyjnyi ŁanDios ti'elhuo' cuenna, icueya limane ti'eġa' toġta'a. Tunġu'e'molhuo'. ŁanDios joupa ixina' te ts'i'ic' malunġu'eyacongá', joupa ilajmpa jahuay. Ticuaitsi lijoujma quitine aġmuc'i'monga'.

⁶ Ma' moġ'nujuaisyi iġe lo'iyacolhuo' toluyalaicoyi tixoqui cunlata. Aga itsiya ticuicomma toġteġcoġe, toġteġcoyi ma mehuaiyinnilhuo' acueca', iġe loġteġcopa aimicoġya. Ticuaitsi Lijoujma Quitine toġsim'me joupa uyaipa.

⁷ Ja'ni tehuaiyinnilhuo', iġta'a lo'ipolhuo' ti'onġcospa to lo'ipa al 'oro. Iġe al 'oro tixhuicoyi ma le'a fa'a li'a łamats'. Tama aimicoġya nulemma, tehuaiyinni, tuyaijma ġunga, jiġpe tipi'e al xisca, tipanehuo mane al c'a 'oro. Iġe łal'huaiyjmpa, ŁanDios aimi'onġcojma to al 'oro, xonca ipitali, aimijouya ni Locuena Quitine. Tijouġa' lahuaiyintsonga' aġmuj'me ma'

alinca ał'huaijny ŁanDios. Ticuaiyunni Jesucristo ŁanDios ałmi'monga': "On'epá al c'a". Limetsaico'monga' joupa i'epa pangay c'a lałpicuejma', limetsaico'monga' ixanuc', lapen-
uftonga' nulemma.

⁸ Imanc' tama aicolahuelonge Jesucristo, tonl'eyi capic'a. Jouc'a itsiya litine tama aimolahuelojny, toł'huaijny. Tołta'a linca tixojma cunlata, ni aimi'iya moluya'ayacu te ts'i'ic' lołpioxjma cata. He lo'onłcospa to jipu'hua lema'a liłpioxjma cata.

⁹ Tołta'a ma' itsiya tipammaispa loł'huaijympa, ŁanDios tunłu'elhuo'.

¹⁰ Cacia: "ŁanDios tunłu'elhuo'". Lam profeta nomana' luyaipa quitine inesco'me ŁanDios lotoc'iyacolhuo', lopaxney-acolhuo' imanc'. Ipo'no'me cuenna, ehue'me, ti'hua ehue'me,

¹¹ ticuec'ele limipola' hi'Espíritu Cristo nopa'a jilpe liłpicuejma'. Heque cal Espíritu u'i'mola' titełco'ma cal Cristo, tijoułta' acueca' al c'a tuyaicota. He lam profeta ipo'no'me cuenna he lu'ipola', tixhuej'meyi, tehueyi, ticuayi: "¿Te quitine ti'i'ma? ¿Te co'iya mi'iya tołta'a?"

¹² Li'Espíritu Cristo jouc'a imuc'ipola' ti'ila' iłiya linescopa aimimajnyacu iłniya lam profeta. T'ipa quilsina' ma' imanc' tołcuc'e'me acuajmaica he lataiqui', a'i iłniya. He lam profeta lipalaicopa małe lataiqui' loya'apa he al c'a lixpice'epa ŁanDios, he Lataiqui' joupa uya'ampá pe lołmana'. He nu'ipolhuo' tołta'a lepi'ipola' liłmane cal Espíritu Santo hummempa lema'a. Lapaluc' quema'a iłsina' juaiconapa acueca' he lataiqui'. Ticuayi: "Ilanc' jouc'a coła' alcuec'ele".

¹³ Tołiya, imanc' ja'ni joupa olapenufpá Lataiqui', tołpo'note nulemma lołpicuejma' tołcuxetsołtsi al c'a. Itine itine toł'nujuaisle lo'iyacolhuo' litine ticuaicoconno timuj'moxi Jesucristo. He litine linca tołsinguf'me acueca' juaiconapa lipaxnepolhuo' ŁanDios.

¹⁴ Itsiya imanc' tolihuejcoyi coł'Ailli' ŁanDios, tołiya aimi'icona'me loł'ejma' to li'ipa. Iłniya litiné imanc' aimolimetsaicoyi ŁanDios, tolihuejyi ma lołjanajpa coltuca'.

¹⁵ Cal Paxi ŁanDios joupa ijoc'ipolhuo' tolihuejle. Heque pangay c'a lipicuejma', lo'epa. Ti'ila' lon'ejma' to iłque li'ejma'. Tonl'ele ma le'a al c'a.

¹⁶ Al Paxi Linilngiya ticua: "Iya' NanDios, NinPaxi. Ca'ay ma le'a al c'a. Imanc' jouc'a tonl'ele al c'a."

¹⁷ Imanc' mołpalaic'oyi ŁanDios ja'ni tołmiłe: "Mai'Ailli'", tołpo'note cuenna. Heque ma' anuli tixinnila' lan xanuc', ja'ni ts'ih'hueca ja'ni ailopa'a quih'hueca. ŁanDios aJuez. Tixina te ts'i'ic' li'epa lan xanuc', tołta'a titeł'mi'mola' o aimitel'miyacola'. Imanc' tołspaic'ele. Ma mołmana' fa'a li'a łamats' tolihuejcołe.

18 Imanc' joupá ołsina' te li'ipa litine li'najtsempa lołjunac'. Jiłpe litine tont'eyi nixpiya. Toluyalaicoyi lapajnya tont'eyi ma to mi'eyi lont'aillí, tolihuejyi lomuc'impolhuo'. Li'najtsempa lołjunac' licumpa a'i lopa'a fa'a li'a łamats'. Aiquicuc' tomí aplata, ni a'oro.

19 I'najtsecopa ma lijuats' Cristo, iłque to'onłcospa to łaca'hua moł pangay c'a, ailopa'a tintsi. Iłe lajuats' xonca juaiconapa acueca' lipitali.

20 Ai'a tilajm'ma li'a łamats' ŁanDios ixpic'epa tołta'a lo'eya Cristo. Ti'hua ticołi, aiqui'ic'. Icuaitsa iłna'a łitiné lecu'i'impá lijoucola', linca Cristo imujpoxi, icuaicoco'ma fa'a li'a łamats' tipaxnetsolhuo' ŁanDios.

21 Cristo joupá epi'ipolhuo' lołpicuejma', tont'eyi linca li'epa ŁanDios imaf'i'ınapa Cristo, hipa'anapa pe lomana' limanap-ola', limetsaicopa li'epa, epenufnapa nulemma pu'hua lema'a. Tołta'a toł'huaıyijnyi ŁanDios, toł'huaicoyi tepenuftolhuo'.

22 Imanc' itsiya a'i colihuequi al xujc'a capicuejma', tolihuejcoyi al Linca Cataiqui', tołta'a joupá i'ipa ac'a lołpicuejma', alimpio. Ti'i'ma tont'e'mola' capic'a lołpimaye. Itsiya camilhuo': Ne'. Tont'etsotsi capic'a, toł'nujuaitsołtsi talay łolunxajma', a'i ma le'a ataiqui'.

23 Imanc', ŁanDios joupá epi'ipolhuo' al ts'e lołpitine, tocomma to ołmajnliconna. Iłta'a al ts'e lołpitine aımi'onłspa locuena lołpitine. Iłe ti'hua tijou'ma. Iłta'a a'i, aımıjouya. Tołta'a li'e'epolhuo' lolapenufpa litaiqui' ŁanDios. Iłe imaf'i' cataiqui'. Aımi'ıya mıłonc'enyacu.

24 Tołta'a loya'apa al Paxi Linıkingiya, ticua:

Lan xanuc' ti'onłcospola' to łitamqui c'ec.

Tama juaiconapa ac'a i'huáquila', etejyołtsi, jahuay iłta'a ti'onłcospa to lipıpa' łitamqui c'ec.

ıTołsinłe! Joupá ijułpa łitamqui c'ec, lipıpa' ecangemma nulemma.

25 Litaiqui' łıłPoujna a'i tołta'a lo'ıya, iłque litaiqui' aıme-cangemma.

Małe litaiqui' u'impolhuo' imanc', iłe litaiqui' loya'apa al c'a lixpıc'epa ŁanDios.

2

1 Ja'ni tipa'a al ts'e lołpitine jouc'a ti'ıła' al ts'e lołpicuejma'. Aımoł'econa'mołtsi lixcay. Aımołfel'miconna'mołtsi. Tolihuejcołe, aımoł'e'e'mołtsi le'a, aımoł'econa'mołtsi laic', aımołnescona'mołtsi.

2 Imanc' joupá ołmajnliconna, ti'onłcospolhuo' to lan ts'e capıłmi. Toł'ełe colpic'a lołłeche, pangay al c'a leche. Tites'mi'molhuo', ti'ıła' quıpujfxi al ts'e lołpitine. Tołta'a

tuntul'molhuo'. (Iya' laifnescopa "loñeche", canescojma litaiqui' Ñandios.)

³ Ñanca toñta'a tonñ'e'me ja'ni jounpa oñsingufpá te ts'i'ic' ñaPouna, ñque pangay c'a.

⁴ Ti'hua toli—loc'olai'me pe ñecui'impa "Ñimafi' Capic". Lan xanuc' ñanca iximpá to ninaitsi capic, etets'ipá. Ñandios ituca' iximpa. ñque i'huijf'epa, imetsaicopa xonca ac'a.

⁵ Imanc' jouc'a ti'onñcospolhuo' to lapic', ñne ts'ñmaf'i'. Ja'ni toli—loc'olai'me ñaPouna, Ñandios tipo'no'molhuo' anuli anuli pe latenñcocoya, ti'i'molhuo' epic', tixhuico'molhuo' tilanc'eco'ma lejut'ñ, ñe lixoute'. Tixim'molhuo' to e'aillí Ñandios. To e'aillí tipa'a loñsufcoya Ñandios. Toñpo'no'me loñpicuejma' toñcu'moñtsi. Ñandios timetsaicolhuo' toñ'huaiyijnyi Jesucristo, toñta'a tetenñcoco'ma loñsufcopoñtsi, tepenuf'molhuo'.

⁶ Al Paxi Linñingiya tuya'e' Ñandios lonescopa ñque Ñapic, ticua:

ñToñsinte! Ñipe ñiya' Sión cafa'ma anulij cal Cueca' Capic, ñque ñopo'nof'inyacu ñaitañ.

Ñque ñapic ma' iya' ai'huijf'epa, caxina juaiconapa ac'a, xonca acueca' lipitali.

Pe no'huaiyijmpá ñque ñacui'impa Ñapic, mañiya aimixinyacu calaic'ata, aiminesyacu: "Ñandios añfel'mipa".

⁷ Ja'ni toñ'huaiyijnyi Cristo, "... ñque ñacui'impa Ñapic", Ñandios timetsaicotolhuo'. Locuenaye lan xanuc' ituca' lo'iyacola'. ñne pe aimihuejcoyi, tixinyi Cristo to "... ñapic ñetets'ipa nolanc'epá lajut'ñ". Jouc'a tixim'me jounpa i'ipa ñapic xonca ñaicuicoya. ñque "... ñapic xonca tilanc'e ñaitañ, aimecangeya lajut'ñ".

⁸ Jouc'a tixinguf'me to "... ñapic loc'ui'eyacola' lan xanuc'". Ñique cal cueca' capic tixcai'e'mola'. Aimihuejcoyi Lataiqui', toñiya tixcai'e'mola'. Jounpa ixpic'epa Ñandios ñe loyalaicoyacu.

⁹ Imanc' Ñandios jounpa i'huijf'epolhuo', i'epolhuo' e'aillí, anuli toñcuxeta. Tixinnilhuo' to anuli al nación apaxi, ma' i'huexi. I'e'epolhuo' ma' ixanuc'. Toñta'a li'e'ecopolhuo' toñuya'añe, toñmujtsoñtsi te ts'i'ic' al c'a lipicuejma', li'ejma' Ñandios.

Mañque Ñandios ijoc'ipolhuo' mipa'a pangay muñ loñpicuejma'. ñque epalc'o', ulif'epolhuo' loñpicuejma'. Oñsimpá juaiconapa ac'a ñe lepalc'o'.

¹⁰ Li'ipa, imanc' a'i quixanuc' Ñandios, itsiya ma' ixanuc'. Li'ipa, Ñandios ixtuc'opolhuo', itsiya a'i. Jounpa iximpolhuo' unc'icuanuc'la, itoc'ipolhuo', ipaxnepolhuo'.

¹¹ Maicunc'aipimaye, caxa'huelhuo', cu'ilhuo': Aimolihuej'me lafane coñpicuejma'. ñe ma tipa'nelhuo', tijouñ'a'

aimolihuejyacu ÆanDios. Toŧ'nujuaisle: Ma le'a toluyalaicoyi jiŧa'a li'a ŧamats', aimicoŧyacolhuo'.

12 Toŧmana' petŧi lan xanuc' aimimetsaicoyi ÆanDios. Ma molihuejcoyi ÆanDios tinescolhuo' a'ijc'a. Camilhuo': Ti'ŧa' mane ac'a loŧ'ejma', ma latenŧcocoya. Toŧta'a tehuelojm'molhuo' monŧ'eyi al c'a. Tijouŧa' ticuaitŧi litine timujxoxi jŧŧpiya ÆanDios, iŧne timetsaico'me ma' anDios.

13 Ma' moŧ'nujuaisyi ŧaŧPoujna tolihuejcoŧŧola' lincuxepá, iŧne nomana' fa'a li'a ŧamats'. Ja'ni cal rey, iŧque xonca cal cuecaj quincuxepa,

14 ja'ni pe lifajpola' cal rey, tolihuejcoŧŧola'. Iŧniya ŧommepola' titeŧ'mintsola' petŧi no'epá lixcay, jouc'a tixoc'innila' quileta petŧi no'epá al c'a.

15 Camilhuo': Tolihuejcoŧŧola' lincuxepá. Toŧta'a tonŧ'e'me lipic'a ÆanDios, tonŧ'e'me ma le'a al c'a, toŧ-ch'ixc'e'mola' lan tonno petŧi aiquiŧcuesa.

16 Tama imanc' a'i quiŧ'huexi loŧ'as xanuc' nomana' fa'a li'a ŧamats', aimoŧnes'me: "Ailopa'a naŧcuxeya, ca'e'ma nixpiya". A'i. Xonca tolihuejco'me ÆanDios locuxe'epolhuo'. Ma' iŧque oŧPoujna.

17 Jahuay ts'iŧpenic' tolimetsaicoŧŧola'. Nij naitŧi colatets'iyacu. Ti'hua monŧ'e'ela' capic'a lapimaye, ti'hua tulummoc'oŧe ÆanDios, ti'hua tolihuejcoŧe cal rey.

18 Imanc' unc'imozó: Tolihuejco'me locuxe'epolhuo' loŧpoujnalá. Tolihuejcoŧŧola' jahuay iŧniya. Ja'ni lan c'a xanuc' petŧi aimixtuleyacu, ja'ni a'ijc'a liŧpicuejma', ma' anuli tolihuejcoŧŧola'.

19 Ma molihuejcoyi ÆanDios, ja'ni toŧteŧcoyi tama ailopa'a conŧ'epa, ti'ŧa' coŧŧina' ti'najtse'molhuo' maŧque ÆanDios.

20 Ja'ni toŧŧnet'ŧyi lontafpolhuo' ma moŧteŧcoyi coŧtuca' loŧjunac', ŧte ÆanDios tixinnilhuo' xonca ac'a loŧ'ejma'? A'i. Monŧ'eyi al c'a, ja'ni toŧŧnet'ŧyi miteŧ'milhuo', linca ÆanDios tixim'molhuo' xonca ac'a loŧ'ejma', ti'najtse'molhuo'.

21 ÆanDios ijoc'ipolhuo' toŧteŧcoŧe toŧta'a. Ma toŧta'a liteŧcopa Cristo lepi'impa laŧjunac'. Toŧta'a aŧmuc'iponga' te ts'i'ic' al c'a aŧ'e'me. Alihuejle Cristo.

22 Cristo aiqui'aic' quixcay. Aiquinesqui lafelŧaiqueya cataiqui'.

23 Limilojpá cataiqui' aimimiconala' toŧta'a. Miteŧma, aimitalai'e. Epi'ipa quimane ÆanDios, iŧque copa'a cal Juez No'epa al ŧijca.

24 Jiŧpe lancruz lilanc'ecompa a'ec, itaic' laŧjunac'. Ma quituca' licuerpo ixingufcopa liteŧ'mimpa. Toŧta'a lunŧu'eponga' laŧ'epa lixcay, iŧe lixcay lijoupa lacani'eponga'. ÆanDios lapi'iponga' al c'a laŧpicuejma', toŧta'a tipa'a al ts'e laŧpitine.

Li'ipa, imanc' extafpolhuo' cajunac'. Lixcai'empa Cristo, iłque itel'copa lołjunac'. Tołta'a LanDios ixat'menapolhuo'.

²⁵ Li'ipa, imanc' ti'onłcospolhuo' to lam motł, iłne tiyelocoyi ni cua petsi loxpice'pa. Itsiya a'i tołta'a loł'ejma'. Joupa ołpailinamma, olimetsaicopá łatPoujna. Iłque ti'elhuo' cuenna, aimejac'yacolhuo'.

3

¹ Iya' aimipolhuo': Ja'ni unc'imozó tolihuejcotsola' lołpoujnalá. Itsiya cu'ilhuo' unc'acat'no', ma' anuli tolihuejcole lołpe'aillí. Tołta'a, tama iłniya aimihuejcoyi Lataiqui' ti'i'ma tolulij'mola'. Aimol'sc'ai'iyacola', ma le'a loł'ejma' tolulijco'mola'.

² Tixim'molhuo' joupa olanajpołtsi lixcay. Tixim'molhuo' tolihuecoyi iłne lołpe'aillí.

³⁻⁴ Imanc' unc'acat'no', aimolatej'moltsi, aimol'suełmot'le'me te ts'i'ic' lołhualfi'moltsi lołjuac o te colpo'noyacu lołjune' a'oro o te colpo'noyacu xonca al c'a colpijahua'. Jahuay iłe loximpa lan xanuc' ti'hua tijou'ma, aimicołya. Imanc' tipa'a loł'adorno petsi aiqiu'huáqui ni aimijouya, iłe al ts'e lołpitine. Ma moluyalaicoyi amanxu a'i coyac'la, tołmuji al c'a lołpicuejma'.

⁵ Tołta'a lił'adorno lam paxi cacat'no' no'huaiyijmpá LanDios nimajmpá luyaipa quitine, iłne tihuejcoyi liłpe'aillí.

⁶ Tołta'a li'ejma' Sara. Iłque ihuejco'ma Abraham, timi: "Maipoujna". Imanc' jouc'a i'ipolhuo' to inaxque' Sara. Iłque oł'máma' ja'ni tonł'eyi al c'a, ja'ni aimol'sinyi caxpaiqui'.

⁷ Imanc' unc'ape'aillí, aimolimenc'eco'me, iłne lołpenoye ahuata liłpufxi. Toł'nujuaitsola' tołta'a, tołmajm'me al c'a. Joupa aimipolhuo': Ni' anuli molatets'i'me. Jouc'a lołpenoye, aimolatets'i'mola'. Tolimetsaicola', iłne ma' anuli imanc' tipa'a al ts'e lołpitine. LanDios ma' anuli tepi'itolhuo' loł'huexi. Ja'ni toł'nujuaitsila' tołta'a aimi'iya mipa'neyacolhuo', ti'i'ma tołpalaic'o'me LanDios.

⁸ Jahuay imanc' camilhuo': Toł'etsoltsi anuli lołpicuejma'. Ja'ni lołpimaye titel'coyi, imanc' jouc'a tołsintsołtsi to tołtel'coyi. Toł'etsola' capic'a jahuay lapimaye, tołpalaic'otsoltsi al c'a, aimol'e'moltsi acueca' lołpicuejma'.

⁹ Ja'ni a'ijc'a li'empolhuo', aimol'e'cona'mola' jouc'a. Ja'ni timilhuo' cataiqui', aimol'miconamola' tołta'a, xonca tołmi'mola': "LanDios tipaxnetsolhuo'". Imanc' joupa ołsina' LanDios ijoc'icopolhuo' tipaxnetsolhuo'. Tołta'a oł'huexi lapi'iyacolhuo'. Tołiya camilhuo' tołmi'mola': "Tipaxnetsolhuo' LanDios".

¹⁰ Al Paxi Linilngiya tuya'e':

Imanc' ja'ni tetenłcocotsolhuo' lapajnya, ja'ni toluyalaicołe al c'a,

camilhuo': Tołcuxete łłpał, aimołpalai'me quixcay.

Jiłpe lołco aimipahuo lafelłaiqueya cataiqui'.

¹¹ Aimoł'econa'me quixcay, tonł'ete al c'a.

Tolahuełe te co'iya mołpac'eyacu loyac', tijouł'a tołpo'nołe lołpicuejma' tolihuejle tołta'a.

¹² ŁałPoujna tehuelongila' pe no'epá al łijca, tiquimf'ela' mixa'hueyi.

Pe no'epá quixcay, jouc'a tixinnila', tixtuc'ola'.

¹³ Ja'ni tixoquei cunlata monł'eyi al c'a, łnaitsi no'eyacolhuo' quixcay? Aimi'iya.

¹⁴ Ja'ni tołtełcoyi tama alijca lonł'epa, łınca toluyalaicoyi al c'a. ŁanDios tipaxnelhuo'. Aimołsuelmot'le'me. İhne notel'mipolhuo' aimi'iya mixpaic'eyacolhuo'.

¹⁵ Toł'nujuaisle Cristo jiłpe lołpicuejma'. İhque ołPoujna. Tołhanc'e'e'mołtsi lołpicuejma'. Tołta'a tołtalai'e'me naicuis'eyacolhuo'. Tołtalai'e'me nomiyacolhuo': “¿Te capi'inyacolhuo'?” Aimolixtulecu. Aimolatets'i'me naicuis'eyacolhuo'.

¹⁶ Jiłpe lołpicuejma' joupa ołsina' te ts'i'ic' latenłcocopa ŁanDios. Ti'ıla' ma tołta'a lonł'ejma'. Łınca timana' pe nonescopá colihuequi Cristo. Tinescoyi a'ijc'a. Iya' camilhuo': Ma moł'huaiyijnyi Cristo ti'hua tolihuejcole. Tołta'a tixim'me calaic'ata İhne linfel'miyale.

¹⁷ Aimołnes'me: “Ał'ete al c'a, ał'ete a'ijc'a, ma' anuli ałtełco'me”. Cacua: Xonca al c'a luyalaico'me ja'ni ał'eyi al c'a, tama ałtełcoyi, ja'ni tołta'a tixpic'e ŁanDios.

¹⁸ Tołta'a litełcopa Cristo. İhque ailopa'a quijunac'. Ma lałjunac' itaif'pa. İhque cal Łijca Xans. İllanc' a'ij łijca lał'epa. İhque i'najtsepa lałjunac'. Tołta'a aliloc'huai'iponga' ŁanDios. Jiłpe lancruz ima'ayompa, ŁanDios epi'iconapa lipitine.

¹⁹ Ipo'no'ma licuerpo jiłpe al pu'hua. Itsehuo'ma pe lomana' nomanapola', İhne itats'ıla'. Jiłpe uya'atsi Lataiqui'.

²⁰ U'i'mola' İhne pe aimihuejcoyi ŁanDios. Ma milanc'e Noé al arca ŁanDios tixnet'łqui lił'ejma' İhne lincuejlocale. Aiquiteł'mila'. Lijou'ma, ma le'a lam paico lan xanuc' nitsulfołaipá al arca aicunxalaç'ila'. İhne lam paico unłu'e'mola' laja', jiłpe texpef'que al barco.

²¹ Tołta'a ŁanDios ti'onłicojma lalapo'imponga' laja'. Oluyalaico'me jiłpe laja' jouc'a olunłulpá imanc' noł'huaiyijmpá Jesucristo, İhque łimaf'i'ınapa ŁanDios, ipa'anapa pe lomana' nomanapola'. Jiłpe malapo'ininga' a'i ma le'a quepaqueya lałcuerpo. Aljoc'iyi ŁanDios latufc'e'etsonga' lałpicuejma', ti'ıla' calsina' joupa liłonc'e'eponga' lałjunac'.

²² Jesucristo, maŕque aŕ'huaijny, jounpa if'ajnapa lema'a, ticutsu al c'a camane LanDios. Jiŕpe lapaluc' quema'a, tama acueca' ti'hua liŕmane, acueca' micuxeyi, jahuary iŕniya no-mana' pu'hua tihuejcoyi Cristo.

4

¹ Cristo mipa'a fa'a li'a ŕamats' iteŕco'ma. Imanc' jouc'a toŕpo'noŕe loŕpicuejma', ma moŕmana' fa'a li'a ŕamats' toŕteŕco'me. Toŕpic'ete toŕta'a. Tijouŕa' aimi'iya moŕpai'iyacu loŕpicuejma'. Linca, ticuicomma aŕteŕcoŕe, toŕta'a tetec'om'me nulemma laŕ'epa a'ijc'a.

² Ja'ni toŕpo'no'me toŕta'a loŕpicuejma', ma moŕmana' fa'a li'a ŕamats' aimi'iya molihuejyacu lojanajpa locuenaye xanuc'. Ma coŕmaf'i' tolihuej'me LanDios loxpicepa.

³ Iya' cacua: Jounpa ixhuaita lonŕ'epa a'ijc'a. Axpe' camats' tonŕ'eyi ma latenŕcocopola' loŕ'as xanuc', iŕne pe aimimetsaicoyi LanDios. Iŕniya liŕtiné tonŕ'eyi al xujc'a, tolanant'liyi lixcay loŕjanajpa, timeyoquilhuo', tonŕ'eyi cal juicoŕpe juaiconapa a'ijc'a, tonlafot'eyoŕtsi loŕ'as xanuc', toŕsnayi, jouc'a tonlaxc'onŕingotoiyila' landiosla'. Xonca acueca' quixcay iŕe lonŕ'epa.

⁴ Itsiya loŕ'as xanuc' pe aimimetsaicoyi LanDios, aiŕquiŕcueca te co'ipolhuo'. Tixinnilhuo' ituca' loŕ'ejma'. Iŕniya ti'hua tixis'mecoyoŕtsi ma mi'eyi acueca' nixpiya. Imanc' a'i. Toŕiya tinescolhuo' a'ijc'a lonŕ'epa.

⁵ Iŕne titalai'eta cal Cuecaj Juez. Iŕque jounpa ixpic'epa lo'eya. Petsi no'epá a'ijc'a, ja'ni ts'iŕmaf'i', ja'ni jounpa imanapola', ma' anuli titeŕ'mi'mola'.

⁶ Toŕiya u'impola' nomanapola' Lataiqui' loya'apa iŕe al c'a lixpicepa LanDios. Tepenufle al ts'e quilpitine, iŕe locuya LanDios, tama jounpa i'inaŕola' to mi'ila' lan xanuc' ts'iŕtaic' cajunac', imanapola'.

⁷ Jounpa icuaico'me lijoucola' quitiné. Jahuary tijou'ma, aimicoŕya. Toŕiya toŕsuicoŕe loŕpicuejma', toŕcuxe'moŕtsi al c'a, ti'hua toŕjoc'i'me LanDios.

⁸ Aimolimenc'eco'me, ti'hua tonŕ'econa'moŕtsi capic'a. Iŕe xonca al c'a capicuejma'. Petsi lapimaye ti'eyoŕtsi capic'a, tama jiŕpe timenaquila' acueca', aiminescoyacoŕtsi, aimi'nujuaiscoyacu li'epa liŕpimaye, tama a'ijc'a. Timenc'e'eco'moŕtsi.

⁹ Tolapenuftsola' loŕpimaye loŕajut'ŕi. Toŕtes'mitsola'. Aimoŕsim'me acuanuc' lolapi'ipola'.

¹⁰ Jahuary imanc', anuli anuli, ituca' ituca', LanDios epi'ipolhuo' loŕpicuejma' o loŕmane. Epi'icopolhuo' toŕtoc'itsoŕtsi. Itsiya toŕsuicoŕe al c'a lepi'ipolhuo' LanDios, toŕtoc'itsoŕtsi.

11 Ja'ni epi'ipo' lopicuejma' toya'ala' o tomuc'iyalela', ile lofmuya'aya ti'ila' mane litaiqui' LanDios, tohta'a topalaila'. Ja'ni tipa'a lopenic' totoc'itsola' lapimaye, toxahue'ela' LanDios titoc'itso' ima', totoc'itsola' al c'a. Jahuay lonl'epa tonl'ete al c'a. Ja'ni tohta'a tolihuejyi Jesucristo tixinim'me acueca' LanDios.

Ma' ilque anDios. Ilque xonca ti'hua limane. Tohta'a timet-saicole lan xanuc'. Ti'hua timetsaicona'me aimijouya. Ma tohta'a ti'ila'. Amén.

12 Maicunc'aipimaye, ma moluyalaicoyi lahuaicompolhuo', moisingufcoyi umla latefcoya, aimoſsueſmot'le'me, aimoſnes'me: “¿Te caſ'icoponga' tohta'a?” Toſcuc'ele ile lo'ipolhuo'.

13 Xonca tixojla' cunlata. Ma moſtefcoyi tolyualaicoyi to luyaicopa Cristo, to litefcopa ilque. Tohta'a tixoj'ma cunlata juaiconapa jilpe litine ticuaiyunní Cristo, timuj'moxi ma' an-Dios.

14 Imanc' ma molihuejyi Cristo, ja'ni timinnilhuo' cataiqui', linca tolyualaicoyi al c'a. LanDios tipaxnelhuo'. Li'Espíritu titoc'ilhuo', xonca timuc'ilhuo' naitsi ilque Cristo.

15 Linca petsi tima'ahualeyi o tinantseyi, o ti'eyi lixcay, o titsufiyotſi lo'epa locuenaye lan xanuc', ilne jouc'a titefcoyi, titeſ'minnila'. Imanc' a'i tohta'a miteſ'minyacolhuo'.

16 Ja'ni titeſ'milhuo' ma molihuejyi Cristo, aimoſsim'me calaic'ata. Xonca toſmuj'moſtsi aſinca olihuequi Cristo. Tohta'a toſmuj'me acueca' LanDios.

17 Camilhuo': Toſmujle acueca' LanDios. Joupa icuai'ma litine LanDios tipango'ma titeſ'mi'mola' lixanuc'. Ja'ni tipango'ma pe laſmana', ¿te co'iyacola' petsi aimihuejcoyi Lataiqui' loya'apa ile al c'a lixpicepa LanDios?

18 Ja'ni afule malunſul'me illanc', tama aſijca laſ'epa, ¿te co'iyacola' petsi aimihuejcoyi locuxepa LanDios, ilne tetets'iyi? ¿Petsi comanc'eyacu ilniya?

19 Toſiya camilhuo': Imanc' monſ'eyi loxpicepa LanDios, ja'ni toſtefcoyi, toſ'huaiyijnle LanDios. Ilque ti'e'molhuo' cuenna loſpitine. Ilque aſſanc'eponga', aimalatets'iyaconga'. Ma ti'hua tonſ'e'me al c'a.

5

1-2 Tohta'a laifsc'ai'ipolhuo' jouc'a imanc' litsilojpolhuo' xanuc' noſpijpá lataiqui'. Iya' jouc'a nitojpa xans. Miteſma Cristo capa'a, aiximpa. Ticuaitsi litine timuj'moxi ma' anDios, iya' jouc'a capajm'ma, limetsaico'ma.

Camilhuo' imanc' litsilojpolhuo' xanuc': Tonſ'etsola' cuenna loſpimaye nomana' jilpe. Ilne ixanuc' LanDios. To kiſpoujna mot'ſi ti'ela' cuenna limot'ſi, tohta'a tonſ'e'mola' cuenna lapimaye. Tixoj'ma cunlata tonſ'e'me ile loſpenic'. Aimolcua'me: “Ille

aipenic', ticohuala' ca'e'ma". Ni mołcua'me: "Tołta'a culij'ma caitomí". Ma tołpo'nołe lołpicuejma' tołtoc'itsola' lołpimaye.

³ Imanc' epi'impolhuo' lołpimaye tonł'etsola' cuenna, a'i mołcuxenai'mola'. Tołmuc'i'mola' jahuy lapimaye al c'a lonł'ejma'. Tołta'a iłne jouc'a tihuej'me al c'a.

⁴ Ticuaiti litine timuj'moxi cal Cueca' caPoujna motł, iłque timetsaiconnolhuo' ac'a lonł'epa lołpenic'. Tepi'innolhuo' lolulijyacu. Tołmajnta anuli Cristo aimijouya.

⁵ Imanc' cunc'amijcanó, jouc'a tipa'a lonł'eyacu al c'a. Toli-huejcotsola' litsilojpola' xanuc' noxpipá lataiqui'. Linca jahuy imanc' unc'apimaye. Ti'onłcotsolhuo' to lam mozó, tołtoc'itsołtsi.

Petsi no'nof'epołtsi, ŁanDios tipa'nela'.

Lam manxu, iłne no'oc'epołtsi, ŁanDios titoc'i'mola'.

⁶ Itsiya ja'ni tołsingufyi acumta limane ŁanDios, xonca toł'oc'e'mołtsi. Ticuaiti litine lołpic'epa ŁanDios, ma' iłque ti'nof'e'molhuo'.

⁷ Ja'ni tołsingufyi ipime lapajnya, ja'ni tocomma to acueca' ołtaic' lolitay, tołpo'nołe lixaye łalPoujna. Iłque aimimenc'ecoyacolhuo'. Ti'hua ti'nujuaitsilhuo'.

⁸ Tołpic'ełe al c'a lołpicuejma'. Tołcuxe'mołtsi al c'a. Tołpo'nołe cuenna. Ti'hualejma naixtuc'opolhuo', iłque łonta'a Satanás. Ti'onłcospa to calxmu. Tija'e' tumble'e. Tehuay naiti łoma'aya, tite'ma nulemma.

⁹ Tołpa'nełe iłque Satanás. Ma mi'hua molihuejyi Lataiqui', iłe loya'apa lixp'ic'epa ŁanDios, łonta'a aimi'iya mimenac'iyacolhuo'. Toł'nujuaisle lo'ipola' lołpimaye, iłniya jouc'a nomana' fa'a li'a łamats'. Iłne tuyalaicoyi nuli to imanc'. Ma' anuli tołtelcoyi ma mixhuaispa lołtelcopa.

¹⁰ ŁanDios itine itine ałtoc'inga', ałpaxnenga'. Imanc' petsi noł'huaiyijmpá Jesucristo, ŁanDios jouspa ijoc'icopolhuo' tołcuaita pe lopa'a. Ate'a tołtelco'me, tama tocomma to ahuata litiné, tijoułta' tilaitsułcotołhuo', timetsaicotołhuo' nulemma imanc' ixanuc'. Tołmajnta aimijouya.

Małque ŁanDios tilanc'e'e'molhuo' lołpicuejma', ti'ila' ma le'a al c'a. Tepi'i'molhuo' cołpicuejma' tolihuejle, aimolanaj'mołtsi, tepi'i'molhuo' xonca cołpufxi, tifayi'molhuo'.

¹¹ Ma ŁanDios xonca icueya limane, tołta'a timetsaicom'me. Ti'hua timetsaicom'me aimijouya. Ma tołta'a ti'ila'. Amén.

¹² Jifa'a tipa'a łalPima Silvano, tiniłi iłta'a cołje'e. Cumme'ma ti'huala' titai'ma cołje'e, ticuai'etolhuo'. Iłque caxina to cal c'a capima. Ca'huaiyinge.

Iłta'a cołje'e a'i qutoqui, oque' afane' cataiqui' le'a. Jifa'a aixc'ai'ipolhuo', nu'ipolhuo' te ts'i'ic' lałtoc'iponga', lałpaxneponga' ŁanDios. Aimolanaj'mołtsi.

¹³ Łałpima caca'no' nopa'a liłya' Babilonia, tinonilhuo'. Iłque jouc'a imanc' i'huijf'epolhuo' ŁanDios. Ma' anuli tinonilhuo' łai'hua Marcos.

¹⁴ Tołmontsoltsi, tołtuc'o'moltsi lołpeque. Tołta'a tołmuc'i'moltsi tonł'eyoltsi capic'a.

Tipac'e'entsolhuo' lołpicuejma' jahuay imanc' petsi joupa epenufpolhuo' Cristo.

LIJE'E SAN PEDRO LOCUENA LINIĒ'EPOLA' LAPIMAYE

¹ Iya' ninSimón Pedro, imozo Jesucristo. Iya' nin'apóstol, epaluc Jesucristo. Jifa'a quiniĒ'elhuo' colje'e imanc' noĒ'huaiyijmpá ĒanDios caĒ'Ailli' y Jesucristo ĒalunĒu'eponga'. Īne ma' aĒijca liĒ'ejma', toĒta'a epi'ipolhuo' loĒpicuejma' toĒ'huaiyijnle. Imanc', illanc' ma' anuli laĒ'huaiyijmpa. Ma' anuli Lataiqui' lalapi'iponga' illanc' jouc'a imanc'.

² Ma mi'hua molimetsaicola' ĒanDios y Jesús laĒPoujna, ti'Ēta' colĒsina' acueca' titoc'Ēlhuo', tipaxnelhuo'. Xonca ti'Ēta' colĒsina' tipac'e'elhuo' loĒpicuejma'.

³ ĒanDios ĒĒque ma' anDios, acueca' ac'a li'ejma', aĒjoc'icoponga' lihuejle. Īque limane xonca juaiconapa acueca'. Aimi'onĒspa laĒmane illanc' ninc'ixanuc'. Joupa lapi'iponga' jahuay laicuicoya al ts'e laĒpitine. Aimalahue'eyaconga'. Lapi'iponga' laĒpicuejma' aĒ'ete ma le'a latenĒcocoya ĒanDios. Ma molimetsaicoyi ĒanDios toĒsinguf'me Ēta'a.

⁴ Mipa'a toĒta'a lipicuejma', li'ejma' ĒanDios icupa cataiqui'. Īe lataiqui' licupa acueca' cataiqui', juaiconapa ac'a. JiĒpe lu'iponga' te ts'i'ic' lalapi'iponga'. Imanc' nolapenufpá Ēe lataiqui' jouc'a ti'hua tilanc'e'e'molhuo' loĒpicuejma', ti'onĒcota to al c'a lipicuejma' ĒanDios. Jifa'a li'a lamats' lan xanuc' tijana-jyi lixcay. Īe lojanajpa tijou'nela' Ēne liĒpitine, tejac'e'mola'. A'i toĒta'a mi'iyacolhuo', joupa unĒu'empolhuo'.

⁵ Ēinca, ĒanDios acueca' li'epa, acueca' lepi'ipolhuo'. Imanc' jouc'a tipa'a lonĒ'eyacu. AimoĒnes'me: "Ailopa'a caif'econaya". ToĒmaf'Ēe. Ma monĒ'eyi linca litaiqui' ĒanDios jouc'a ti'Ēta' ac'a lonĒ'ejma'; mipa'a ac'a lonĒ'ejma' jouc'a toĒcuc'eĒe;

⁶ ma moĒcuc'e'eyi jouc'a toĒcuxe'moĒtsi al c'a; ma moĒcuxeyoĒtsi al c'a jouc'a toĒsnet'Ē'me lo'ipolhuo'; ma moĒsnet'Ēyi jouc'a tonĒ'ete latenĒcocoya ĒanDios;

⁷ ma monĒ'eyi latenĒcocoya ĒanDios jouc'a tonĒ'etsola' capic'a lapimaye; ma monĒ'ela' capic'a lapimaye toĒ'nujuaitsola' jahuay loĒ'as xanuc'.

⁸ Ja'ni toĒta'a lonĒ'ejma', ja'ni toluyalaicoyi monĒ'eyi toĒta'a, aĒinca ti'hua tolimetsaicoyi xonca Jesucristo, Ēque aĒPoujna. Aimi'onĒyacolhuo' to Ēne nocuapá: "Joupa ai'huaiyijmpa ĒanDios. Ailopa'a caif'econaya."

⁹ Īque petsi aimi'ay to lainu'ipolhuo' ti'onĒcospa to cal fo'. Aimixina al culi'. Luyaipa quitine acueca' ixis'mepoxi li'epa quixcay. Īsiya joupa imenc'ecopa litine lepac'empa. Litine ĒanDios liximpa alimpio imenc'ecopa.

10 Toſiya cunc'aipimaye, toſmaf'ile. ÆanDios joupá ijoc'ipolhuo', joupá i'huij'epolhuo'. Toſ—linc'ile ìle li'epa ÆanDios. Ja'ni tonſ'eyi lainu'ipolhuo' aimejac'yacolhuo'.

11 Toſcuaita petſi aimijouya licuxejma ÆaſPoujna Jeſucristo. Jiſpe tixoſ'ma cunlata toſtsuflaita.

12 Cacia: Ticuicomma tonſ'eſe to lainu'ipolhuo'. Toſiya joupá aixpic'epa ti'hua ca'nujuaits'i'itolhuo' iſiya lataiqui'. Aicacia: Aicoſsina'. Linca, joupá oſsina' lainu'ipolhuo'. Joupá imuc'impolhuo' al c'a al Linca Cataiqui', tolihuejyi.

13 Ma mipa'a Æa'espíritu fa'a laicuerpo, iſca'a Æaix'huijma', iya' cacua ca'e'ma al c'a, camaf'i'i'molhuo'. Ma ca'nujuaits'i'icona'molhuo' lainu'ipolhuo'.

14 Tijouſa' capo'noſa' nulemma laicuerpo aimi'iya ca'nujuaits'i'iconayacolhuo'. Aixina' aimicoſya maſmaya. ÆaſPoujna Jeſucristo joupá lu'ipa.

15 Jouc'a cacua: Tijouſa' aſmaſa' iya', imanc' ti'hua toſ'nujuaitsa laifnu'ipolhuo'. Toſiya capi'i'moxi caipujſxi, cahuay te co'iya catoc'iyacolhuo', toſta'a aimolimenc'ecoyacu.

16 Illanc' joupá lu'ipolhuo' te ts'i'ic li'epa, lo'eya ÆaſPoujna Jeſucristo. Lu'ipolhuo' acueca' ti'hua limane iſque. Lu'ipolhuo' ticuaiyoconno. He Æaſtaiqui' a'i ma le'a caſtaiqui' illanc'. Illanc' joupá aſſimpá limujpoxi cal Cueca'. Ma Æaſ'u' lahuelojmpá.

17 Malahuelojnyi ÆaſPoujna, ÆanDios imetsaicopa, epalc'o'ipa acueca' lipepalc'o'. Jiſpe aſcuj'me tipalay ÆanDios, iſque cal Cueca' juaiconapa. Maſque tuya'e': "Iſca'a ai'Hua, juaiconapa caipic'a, latentſma lipicuejma".

18 He lataiqui' lopalaipa aſcujpá ma co'huayomma lema'a. Laſcujpá toſta'a aſmana' cal paxi quiſuala aſejmale Jeſucristo.

19 ÆanDios jouc'a lapi'iponga' liſtaiqui' lam profeta, toſta'a xonca aſ'huaijynyi Cristo. Iſne liſtaiqui' tocomma to lepalc'o' lolif'epa jiſpe petſi pangay muſ. Ticuicomma toſpo'noſe cuenna ìle lataiqui', tolihuejle. Tijouſa' jiſpe Æolunxajma' toſſinguf'me tiſahuehuo cal Xamna Quiſic'ejma, ìle tuya'e': "Joupá icuaico'ma litine". Toſſinguf'me acueca' epalc'o'ipolhuo' loſpicuejma'.

20 Xonca ticuicomma ti'ila' coſsina' te ts'i'ic' liſtaiqui' lipalaipa lam profeta. Aimipa'acoyi iſne lataiqui' liſpicuejma'.

21 Ni anulemma quiſpic'e quiſtuca' te ts'i'ic' loya'ayacu. Iſne lam paxi profeta uya'a'me ma le'a lu'ipola' ÆanDios. Cal Espíritu Santo ujſxi icuxe'mola' jiſpe liſpicuejma'.

2

1 Li'ipa pe limajmpá lan xanuc' Israel jouc'a imajmpá locue-naye profeta. Iſne a'i cummela' ÆanDios, mane infel'miyale. Pe loſmana' imanc' jouc'a ti'i'ma toſta'a. Ticuaicu lomxiye

ts'ihpic'a tifel'mitsolhuo'. Timuc'i'molhuo' ituca' cataiqui', ihe mane tejac'eyale. Ihe tetets'iyi hihPoujna, ihque joupa i'najtsepa lihjunac'. Tohta'a tejac'eyohtsi. Litine mejac'eyacola' aimicoŷa.

² Linca, axpela' tihuej'me. Ti'e'me nixpiya to lo'epa ihe linfel'miyale. Tohta'a tinesc'em'me al Linca Cane.

³ Ihe lomxiye mane ihpic'a tulijle quiltoŷi. Quiltuca' lihpicuejma' tipa'a'me lataiqui' lopalaiyacu, coŷa' tifel'mitsolhuo'. Linca, axpe' camats' ti'hua ticue ihe loteh'miyacola'. Tama ticoŷi ma ti'huaijma. Tijouŷa' tecani'e'mola' nulemma.

⁴ Cacia: Tecani'e'mola'. Linca ni quimenc'e'econnila' lapaluc' quema'a, ni'epá quixcay. Ecajm'mimpola' al pu'hua al muf. Jiŷpe i'huequimpola' ticuaitsi litine titeh'mim'mola'.

⁵ Jouc'a a'i cunŷu'e li'a ŷamats' li'ipa al te'a. Ni quimenc'e'ecola' li'epa lan xanuc' limajmpá. Ma le'a unŷu'e'mola' apaico lan xanuc'. Anuli Noé jouc'a locuenaye lan caitsi. Ihque Noé uya'a'ma: "ŷanDios ahjca lo'epa". Locuenaye lan xanuc' pe aimihuejcoyi ŷanDios, ihe ima'a'mola' laja', litine licui'ma ŷaxpaiqui' cacui.

⁶ Jouc'a ecani'e'mola' hiheloŷya' Sodoma y Gomorra. Ipi'e'mola' nulemma. Ipanenni ma le'a api'. Jiŷpe tama joupa i'ipa, ma ti'hua timuqui te ts'i'ic' lo'iyacola' ihe petsi aimihuejcoyi ŷanDios.

⁷ Linca, unŷupa Lot. Ihque ac'a xans, iximpa ipime lapajnya jiŷpe liŷya' petsi nixpiya lo'epa lan xanuc' pe aimihuejcoyi locuxepa ŷanDios.

⁸ Lot ahjca xans, mipa'a liŷya' Sodoma itine itine iximpola' lo'epa lan xanuc' pe aimihuejcoyi ŷanDios. Iquimf'e'mola' lonespa. Ihque al c'a lipicuejma' aimetenŷma loximpa, loquimf'epa. Tocomma to quituca' titeh'miyoxi.

⁹ Ihiya li'ipa ahmuc'inga' te ts'i'ic' li'ejma' hahPoujna. Ihque ixina' lo'eya. Pe nohuejcopá, tama tehuaiyingila', tunŷu'e'mola'. Locuenaye pe a'ij hica lo'epa, ituca' lo'iyacola'. Ihiya ti'huequila' miteŷcoyi, ti'huaicoyi ticuaitsi litine timitsola' te ts'i'ic' lo'iyacola'.

¹⁰ Pe a'ij hica lo'epa, ihe no'epá ma lojanajpa lafane capicuejma', tixis'meyohtsi tohta'a, tetets'innila' lincuxepá no-mana' lema'a, xonca titeh'mi'mola'. Ihe lixcay xanuc' aimix-pailiquila', ma quiltuca' tixpic'eyi lihpicuejma'. Tetets'innila' lan tsila' lapaluc' quema'a. Tinescoyi a'ijc'a.

¹¹ Lapaluc' quema'a, ihe xonca lan tsila' juaiconapa, tama xonca acueca' lihpufxi, aimicufquinnila' ihiya no'epá quixcay. Aimija'ayi, aimu'iyi ŷanDios, aimimiyi: "Tohta'a, tohta'a lo'epa ihe lan xanuc'".

¹² Ihe lixcay xanuc' aimicuec'eyi. Ti'onŷcospola' to linneja petsi ailopa'a quilpicuejma'. Imajnlícota ti'notintsola'

tima'antsola'. Ine tama aiquilsina' lonescopa ti'hua tipalaicoyi, tetets'iyi. Ma mi'eyi ita'a lixcay tecani'em'mola' nulemma.

¹³ Toŧta'a lolijyacu. Ti'najtse'em'mola' ine pe a'ij hijca lo'epa.

Ine ma tetenċocoyołtsi quiltuca'. Mane tehueyi lopa'a fa'a li'a łamats', iŧe aimicołya, ti'hua tijou'ma. Aiquilsina' calaic'ata, tama infel'miyale. Tixoqui quileta titsuflai'me pe lołmana'. Tołtetso'me anuli jiłpe lołjuic. Ine ma le'a tixis'meco'molhuo', timints'e'e'molhuo' lołjuic.

¹⁴ Tehuelaiфинnila' lacał'no'. Ja'ni aimetenłma ŁanDios ti'hua ti'eyi tołta'a, aimixospola'. Tifel'minnila' petsi a'i quifayiya liłpicuejma'. Aimicuayi: "Joupa ixhuaita". Ti'hua tijanajconayi. Ihueyipá tołta'a lił'ejma'. ŁanDios joupa icuajpola'.

¹⁵ Ine joupa enajpołtsi al Łijca Cane, ejac'pola'. Tihuejyi li'ejma' Balaam i'hua Beor. Iłque ticua: "Aiquihuejcoya ŁanDios. Tołta'a culij'ma caitomí. Ał'najtse'ma."

¹⁶ Iłque ma' aimihuejma ŁanDios italempa, imuc'im'me a'ijc'a li'ejma'. Liburro, inneja aimi'iya mipalaiya, ipalai'ma to cal xans. Tołta'a etequenni lipemac'ta cal profeta Balaam.

¹⁷ Pe naihuejpa li'ejma' Balaam ti'onłcospola' to al pu'hua caja' joupa ijułpa. Ti'onłcospola' to łummahuay ti'hua tinulyi mi'hua łahua' juaiconapa. Iłque łummahuay aimicui'e. Joupa ilanc'empa petsi locuaiyacu ine lan xanuc'. Jiłpe ailopa'a quepalc'o', pangay muf.

¹⁸ Liłtaiqui' lopałpa iłniya atsila' juaiconapa. Aimi'iya muhualc'enyacu. Tifel'miyaleyi, tu'iyaleyi: "Ailopa'a tintsí. Ihe nixpiya lołjanajpa, ne', tonł'e'me." Tołta'a timinnila' tifel'minnila' ine petsi al quite' enajpołtsi lił'as xanuc' laime-najpola'.

¹⁹ Lomxiye nocuapá: "Tolihuejle lałtaiqui'. Tołta'a aimi'iya micuxenyacolhuo'", a'ij linca iłta'a lonespa. Małniya aimicuxeyołtsi quiltuca'. Mane tihuejcoyi lixcay lopa'a jiłpe liłpicuejma', iłe ticuxela'. Cal xans pe joupa uliquimpa ti'onłcospa to cal mozo. Ihe locuxepa tocomma to ipoujna. Tołta'a cacua: Aimicuxeyołtsi ine.

²⁰ Petsi joupa imetsaicopá lałPoujna Jesucristo Łalunłu'eponga', joupa enajpołtsi lixcay lopa'a fa'a li'a łamats', ticuicomma ti'hua tihuejle al c'a. Ja'ni titsuflaiconale lixcay cane, ja'ni tulijconatsola' nulemma iłta'a lixcay, acueca' a'ijc'a lo'iyacola'. Linca, tama al te'a a'ijc'a lo'iyacola', itsiya xonca acueca' lo'iyacola'.

²¹ Ine colá' aiquilimetsaijma al C'a Cane. Tołta'a aij tine lo'iyacola'. Ine ma' imetsaicopá iłe Lane, lijoupa ipailinamma. Etets'ipá al Paxi Cataiqui' locuxepola', iłe li'ipa lepenufpa.

22 Li'ipola' to minesqui lataiqui', ti'onłcospola' to: "Cal tsiqui joupa icuaicona'ma petsi linajhuo'ma, titeconghua". Jouc'a tuya'e': "Łijna mijou'ma mepo'im'me timelfaiconghua ĩixtsqui". Ma' al ĩinca loya'apa ĩe lataiqui'.

3

1 Maicunc'aipimaye, joupa ninił'epolhuo' anuli lołje'e. It-siya quinił'elhuo' ocuena cołje'e. ĩiya loque' lołje'e ma' anuli cu'ılhuo'. Imanc' joupa i'ipa ac'a lołpicuejma', a'i ma le'a moł'e'eyołtsi. Quinił'econalhuo' caxc'ai'ılhuo' tołsuicołe al c'a ĩe lołpicuejma'.

2 Camilhuo': Toł'nujuaisle ĩıtaiqui' lam paxi profeta, ĩiya lataiqui' linespa luyaipa quitine. Toł'nujuaisle jouc'a lataiqui' licuxepa łatPoujna, ĩłque Łalunłu'eponga'. Małe ĩıtaiqui' łatPoujna joupa lu'ipolhuo' ĩne lan apóstole icuaitsa pe lołmana'.

3 Xonca ticuicomma toł'nujuaisle lo'ıya ĩjoucola' quitiné. ĩniya ĩtiné ticuaicu ĩintaluntseyale. Titaluntse'me ma mi'eyi ĩixcay lojanajpa ĩne quıtuca'.

4 Tines'me: "Joupa icumpa cataiqui' ticuaihuo cal Cristo, timuj'moxi fa'a li'a łamats'. Aiqui'ic' tołta'a. Joupa imanapola' łatatahueló. Ailopa'a qui'ipa. Ma to mipa'a litine ĩilanc'empa li'a łamats', ma' anuli ipanemma."

5 ĩne nonespá tołta'a aiqui'nujuaitsi te li'ipa. Ma quıtuca' i'epá imenc'ecopa. Li'ipa timana' lema'a jouc'a li'a łamats'. ĩıe łamats' ipayonge laja'. Małe laja' titoc'i łamats' aimetełquehuo. ŁanDios ma linespa, tołta'a i'ipa.

6 Małe laja', ĩe lopa'a al 'ocay quema'a jouc'a ĩe al toncay, etelpa li'a łamats'. Łamats' imanna caja'.

7 Lema'a jouc'a li'a łamats' łasimpa ĩtsiya, tiłmana' ĩ'huaijma łocuaicoya ĩunga, tipi'em'mola'. ĩıtaiqui' ĩonespa ŁanDios ti'huej'ela' ticuaitsi al Cueca' Quitine. ĩıe Litine cal Juez titeł'mi'mola' lan xanuc' petsi aimihuejcoyi, tejac'e'mola'.

8 Maicunc'aipimaye, xonca toł'nujuaisle ĩıca'a lataiqui': Ja'ni ti'ıła' ĩmbamaj maxnu camats', ja'ni ti'ıła' ma le'a anuli quiti-ne, łatPoujna tixina'ma ma' anuli.

9 Łınca timana' nocuapá: "Joupa uyaiconapa litine. ŁanDios aimi'eya to ĩicuapa." A'ij ĩınca ĩonespa ĩniya. Ma ticuaitsi litine ĩixpic'epa ŁanDios, łatPoujna tenant'ıi'ma ĩıtaiqui' ĩıjoupa ĩcupa. Aimicołcoconaya. ĩłque tixinnılhuo' unc'ıcuauuc'ła. ĩpic'a jahuy tixhuej'menanca al xujc'a lo'epa. Aimixpic'e mejac'eyacola'. Ticua: "Ni' anuli mejac'ya".

10 Ma' ałınca ticuaihuo ĩe al Cueca' Quitine lecui'impá: Litine łatPoujna. Cal namas no'huapa ĩpuqui' aimuya'e', aimu'iyale'ma: "Mouqui o pitsu cacuaita". Tołta'a ticuaihuo al Cueca' Quitine. ĩe litine ma muna'e' juaiconapa, lema'a

tejac'ma. Lepalałc'o' nomana' lema'a acueca' tepat'lnatola', tijana'mola'. Ma' anuli li'a łamats', łunga tipi'e'ma jouc'a jahuay lilanc'empa lopa'a jilpe.

¹¹ Tołta'a tejac'na'mola' jahuay lałsimpa itsiya.

Ja'ni tołcuc'eyi iłe lo'iya, tołspic'e'me tolimetsaicotsoltsi ma' i'huexi ŁanDios, tolyalaico'me tołta'a. Tonł'e'me ma latentłcocoya ŁanDios.

¹² Tixoqui cunlata toł'huaico'me locuaicoya al Cueca' Quine, timujxoxi ŁanDios. Ja'ni tonł'eyi latentłcocopa ŁanDios, iłe Litine aimicołya locuaicoya. Ticuaitsi jilpe Litine lema'a tunaita, tija'ma. Iłe łunga juaiconapa tepat'lnatola' łepalałc'o', tołta'a tija'mola'.

¹³ Illanc' jouc'a imanc' al'huaicoyi a'i ma le'a tipitsola' lema'a y li'a łamats'. Xonca al'huaicoyi ti'ila' ma to loya'apa litaiqui' ŁanDios licupa. Al'huaicoyi ti'ila' al ts'e lema'a, ti'ila' al ts'e li'a łamats'. Jilpiya ti'e'me ma le'a al łijca.

¹⁴ Cunc'aipimaye, ja'ni toł'huaicoyi tołta'a lo'iya, tołmaf'ile, tołpo'nole lołpicuejma' ti'ila' ac'a loł'ejma'. Tijouł'a ticuaiconanni łalPoujna aimołsuelmot'leyacu. Iłque tixim'molhuo' ailopa'a cołxis'mecoyołtsi.

¹⁵ Toł'nujuaisle te cocołcopa łalPoujna. Iłque ti'hua tixnet'łqui. Aimixtuc'ola' nulemma pe no'epá lixcay. Ticua: "Tunłu'entsola' axpela". Ma tołta'a u'ipolhuo' łacalpima Pablo jilpe lołje'e linil'epolhuo'. Jilpe imuj'moxi acueca' lipicuejma' lepi'ipa ŁanDios.

¹⁶ Pablo jahuay łije'e ma' anuli tinescojma lo'iya. Jilpe łije'e tipa'a łataiqui' acueca' ipime, afule małcuc'eyi. Iłne lan xanuc' pe a'ij cueca' quilpicuejma', aiquilmuxejma, aiquifayiya liłpicuejma', iłne aiquilcueca litaiqui' Pablo, xonca tixnic'eyi. Ma' anuli aimuhuałyi locuenaye łataiqui' linilijmpa jilpe al Paxi Linilingiya. Ma mi'eyi tejac'e'mołtsi.

¹⁷ Imanc' unc'aipimaye, joupa ołsina' iłe lo'iya. Tołpo'nole cuenna. Ja'ni tetentłcolhuo' laimenac'iyale cataiqui', tołpai'i'mołtsi lołpicuejma' tama itsiya joupa ifayipolhuo'. Tileco'molhuo' pe aimihuejcoyi locuxepa ŁanDios.

¹⁸ Imanc' a'i mi'i'molhuo' tołta'a. Xonca ti'hua tolapenuf'me lotoc'ipolhuo', lopaxnepolhuo' łalPoujna Jesucristo, iłque Łalunłu'eponga'. Ti'hua tolimetsaico'me, tołta'a xonca tolihuej'me.

Ma' iłque anDios, itsiya tołta'a mipa'a, tijauhuamlaicota ma anuli mipa'a. Tołta'a ti'ila'. Amén.

AL TE'A LIJE'E SAN JUAN LINIĒ'EPOLA' LAPIMAYE

¹ Lipangopa jahuary, itque tipa'a. Illanc' joupā ałquimf'epā lałpalaic'oponga', joupā ałsingopā la'u', lahuelojmpā, limet-saicopā naitsi itque. Lałmane' joupā ał'noł'e'epā limane'. Il-lanc' maluya'ayi, ałpalaicoyi itque lałcui'impā: Lataiqui'. Itque Lataiqui' imaf'i'. Lipitine aimijouya. Małe litine tepi'iyale.

² Itque imujpoxi. Illanc' joupā ałsimpā, luya'ayi, lu'ilhuo' imanc' te ts'i'ic' lipitine pe aimijouya. Itque petsi aimijouya lipitine tiłmana' anuli qui'Ailli' ŁanDios, imujpoxi, ałsimpā.

³ Itsiya jouc'a lu'ilhuo' imanc' te ts'i'ic' lałsimpa, lałquimf'epa. Ja'ni tołapenuf'me ite lałtaiqui' ałinca ałejmale'me. Illanc' ałejmale ŁanDios cał'Ailli' y Jesucristo, itque h'Hua ŁanDios. Imanc' jouc'a ti'i'ma tonłejmale'me tołta'a.

⁴ Ałcuayi: Tenanłta' laıxojcopa calata. Tołiya alinił'elhuo' itta'a colje'e.

⁵ Jesucristo joupā lu'iponga' laluya'ayacu. Itsiya cu'ilhuo' imanc', ticua: "ŁanDios lipicuejma' pangay epalc'o', ailopa'a quıxcay".

⁶ Tołiya, ma małnesyi: "Illanc' ałejmale ŁanDios", ja'ni ti'hua ał'eyi quıxcay a'ij linca ite lałnespa. Ałfelłaiqueyi.

⁷ Pe lopa'a ŁanDios jilpiya pangay epalc'o', ailopa'a quıxcay. Ja'ni tołta'a lałpepajnya, ałinca ałejmale lałpimaye. Tijoułta', ja'ni a'ijc'a lał'epa aımałmanecu nulemma. Lijuats' lixcuajaipa Jesu-cristo h'Hua ŁanDios ti'hua alapac'enga'.

⁸ Aimi'ıya małnesyacu: "Iya' aıcai'aic' quıxcay. Ailopa'a caijunac'." Ja'ni tołta'a ałnesyi ałfel'miyoltsi. Al Linca Cataıqui' aıquitsufaic' lałpicuejma'.

⁹ Ja'ni ałmiyi ŁanDios: "Linca, tipa'a laıjunac'", itque li-menc'e'eco'monga' itna'a lał'epa. Lapac'e'monga' al xujc'a. Tołta'a li'ejma' ŁanDios. Itque ti'e'ma ma to linespa. Ti'e'ma al hijca.

¹⁰ ŁanDios joupā lu'iponga': "O'epa quıxcay". Ja'ni ałcuayi: "Aıcai'aic' quıxcay", litaiqui' aıquitsufaic' lałpicuejma'. To-comma to ałcuayi: "ŁanDios infel'miyale".

2

¹ Imanc' unc'ainaxque' itta'a caıfninił'ecopolhuo' colje'e aımoł'econa'me lixcay. Ja'ni limenajponga', ja'ni joupā ał'epā lixcay, jilpe pe lopa'a cał'Ailli' ŁanDios tipa'a Jesucristo Nałtalai'ecoponga'. Itque ailopa'a quıjunac', ma' ałijca li'epa.

² Itque i'najtsepa lajunac'. Tołta'a ipac'epa lipoyac' LanDios. I'najtsepa lajunac', jouc'a i'najtsepa lijunac' jahuay lan xanuc' nomana' ni petsi li'a łamats'.

³ Ja'ni ał'eyi lałcuxe'eponga' LanDios, ałsina' ałınca limetsaijma.

⁴ Pe nocuapa: “Nimetsaijma LanDios”, tijoułta' aimi'ay locuxe'epa, itque cal xans tifellaique. Al Linca Cataiqui' aiquit-sufaic' lipicuejma'.

⁵ Ja'ni ał'ete lałcuxe'eponga' LanDios, ałınca ał'eyi capic'a itque. Tołta'a ałsina' LanDios lapenufponga'.

⁶ Pe nocuapa: “Iya', LanDios lapenufpa”, tıcuicomma ti'ıłta' li'ejma' to li'ejma' Cristo.

⁷ Maicunc'aipimaye, ıłta'a laininił'epolhuo', laifxc'ai'ipolhuo' a'ij ts'e cataiqui'. Imanc' joupa olcuejpa lataiqui', olapenufpa jıłpe litine loł'huaiyijmpa Jesucristo. Małe lataiqui' cu'ılhuo', caxc'ai'ılhuo' itsiya.

⁸ He lataiqui' laifxc'ai'ipolhuo' jouc'a canescojma to ats'e cataiqui'. Tołta'a imuj'ma Cristo. Uya'apa mipa'a fa'a li'a łamats'. Ma' anuli tołmujyi imanc'. Li'ipa pangay muf lołpicuejma', itsiya a'i. Fa'a li'a łamats' ti'hua tuyaijma al muf, lepalc'o' joupa ipangopa tepalc'o'iyale. He lataiqui' ałınca epalc'o'.

⁹ Pe nonespa: “Iya', lepalc'o' alulif'e”, tijoułta' ja'ni ti'ay quipilaic' lipima, a'ij linca ıłe linespa. Lipicuejma' tipanemma muf.

¹⁰ Naitsi no'epa quipic'a lipima itque linca aimenajyoxi lepalc'o', ailopa'a cuc'uılıtsufeya.

¹¹ Pe no'epa quipilaic' lipima itque lipicuejma' amuf. Tołta'a tuyaijma lapajnya. Aiquixina' te ts'i'ic' lipene lo'huapa. Aiquixina' pe cotseya. Al muf lopa'a lipicuejma' i'e'epa afo'.

¹² Imanc' unc'ainaxque', LanDios joupa imenc'e'ecopolhuo' loł'epa lixcay, imetsaicopolhuo' olihuequi itque łecui'impa Jesucristo. Tołiya quinił'elhuo' ıłta'a colje'e.

¹³ Imanc' unc'a'aillı, olimetsaijma itque Nopa'a lipangopa li'a łamats'. Tołiya quinił'elhuo' ıłta'a colje'e. Imanc' unc'amijcanó, joupa olulijpa fıxcay xans, itque łonta'a. Tołiya quinił'elhuo' ıłta'a colje'e.

Imanc' inaxque' LanDios, joupa olimetsaicopá col'Aillı'. Tołiya quinił'elhuo' ıłta'a colje'e.

¹⁴ Imanc' unc'a'aillı, olimetsaijma itque Nopa'a lipangopa li'a łamats'. Tołiya quinił'elhuo' ıłta'a colje'e. Imanc' unc'amijcanó tipa'a lołpujfxi. Joupa olapenufpa litaiqui' LanDios. He lataiqui' copa'a lołpicuejma'. Joupa olulijpa fıxcay xans, itque łonta'a. Tołiya quinił'elhuo' ıłta'a colje'e.

¹⁵ Cunc'aipimaye, aimoljanaj'me moluyalaico'me to lan xanuc' nomana' fa'a li'a łamats', ıłne naihuejpa quıłtuca'

liłpicuejma'. Aimoljanaj'me lopa'a fa'a. Naitsi ti'onlıcocyoxi tołniya o tıjanaca tołna'a, iłque aimi'ay capic'a LanDios, xonca ti'ay capic'a lopa'a fa'a li'a łamats'.

¹⁶ Lan xanuc' pe aimimetsaicoyi LanDios iłne ticuxeyołtsi quıtuca'. A'ijc'a lojanajpa iłniya. Tehuelojnyi, tıjanajyi. Tınescoyołtsi xonca ac'a li'huca, xonca' ac'a lo'epa. Iłe li'ejma' aiqı'huayoya LanDios. Iłque aimimuc'iyale tołta'a. Iłe i'ejma' li'as xanuc' nomana' li'a łamats'.

¹⁷ Iłca'a łamats' aimicołya. Ti'hua tuyaipa. Jouc'a tijouna'ma jahuay lojanajpa iłniya pe aimimetsaicoyi LanDios. Petsi no'epá lixpıc'ejma' LanDios, iłniya aimıjouya liłpitine.

¹⁸ Cunc'ainaxque' camilhuo': Joupa icuai'me lijoucola' quitiné. Joupa ołcuejpa limıpolhuo': "Tıcuaihuo cal Antıcrısto. Iłque naıxtuc'opa cal Cristo." Itsiya timana' axpela' lan antıcrısto. Tołniya ałsına' joupa icuai'me lijoujma quitiné.

¹⁹ Iłne lan antıcrısto enajpołtsi, alpo'noponga' całtuca'. Tama li'ıpa ałejmalepá, iłne a'i capımaye. Ja'ni apımaye coła' ałmana' anuli itsiya. Joupa alpo'noponga' całtuca'. Tołta'a ałmuc'ıponga' te ts'i'ic' liłpicuejma' iłniya. Tama anuli lalafot'lepıołtsi timana' petsi ituca' liłpicuejma', a'ij nuli illanc'.

²⁰ Imanc' a'i to iłniya. Cal Paxi li'Hua LanDios joupa ipaxnepolhuo'. Epi'ıpolhuo' cal Espıritu Santo. Tołta'a ti'i'ma tołcuc'e'me jahuay lıtaıqui' LanDios, aimınesyacu: "Aıcaıcuca".

²¹ Itsiya ma quını'elhuo' cołje'e aıcacua: "Iłne laıpımaye aiqılimetsaijma al Linca Cataıqui'". A'i. Joupa ołsına' al Linca Cataıqui' te ts'i'ic'. Ołsına' te ts'i'ic' loya'apa petsi naihuejpa al Linca Cataıqui'. Iłniya aimuya'ayacu lafelłaiqueya cataıqui'. Aımi'ıya.

²² ¿Naitsi iłque noya'apa lafelłaiqueya cataıqui'? Iłque noya'apa tołta'a ticua: "Jesús, iłque a'ij Cristo. A'i iłque munłu'eyale." Petsi nocuapa tołta'a copa'a cal Antıcrısto. Iłque tetets'i cał'Aılli' LanDios, jouc'a tetets'i li'Hua LanDios.

²³ Petsi natets'ıpa li'Hua cał'Aılli' LanDios, nocuapá: "Iłque a'ij Cristo", iłniya aiqılepenufı cał'Aılli' jouc'a. Petsi naimet-saicopá li'Hua, nocuapá: "Iłque linca aCristo", iłniya joupa epenufpá cał'Aılli' LanDios jouc'a.

²⁴ Imanc' aimolıhuj'me ocuena cataıqui'. Lipangopa lołhuaijımpa Jesucristo olapenufpá al Linca Cataıqui', tipanenni iłe lataıqui' jıłpe lołpicuejma'. Mıpa'a iłe lataıqui' jıłpe lołpicuejma' aimolanajyacołtsi li'Hua cał'Aılli' LanDios, ni aimolanajyacołtsi cał'Aılli' LanDios.

²⁵ Cristo joupa icupa cataıqui'. Icuapa: "Capi'i'mola' liłpitine aimıjouya". Iłe lałpitine lapi'i'monga' ja'ni aimalanajyołtsi.

²⁶ Tołta'a lainını'epolhuo'. Capalaıcola' iłniya pe ts'ıłpic'a fıfel'mıyalele.

27 Imanc' ituca' lołpicuejma'. Cristo joupa ipaxnepolhuo', olapenufpá cal Espíritu Santo. Tołta'a aimicuicomma comxi mimuc'iyacolhuo'. Iłque pe łepi'impolhuo', jahuay timuc'ilhuo'. Iłque timuc'iyale al linca. Aimifel'miyale. Cristo joupa imuc'ipolhuo'. Aimolanaj'mołtsi iłque.

28 Cunc'ainaxque', itsiya camilhuo': Aimolanaj'mołtsi Cristo. Tołta'a ticuaiconanni iłque aimalsinyacu calaic'ata. Tixoj'ma calata limetsaico'me.

29 Imanc' ołsina' te ts'i'ic' li'ejma' ŁanDios. Iłque ti'ay ma le'a al hijca. Ja'ni tołta'a ołsina', jouc'a ołsina' te ts'i'ic' li'ejma' petsi alinca inaxque' ŁanDios. Iłne jouc'a ti'eyi al hijca.

3

1 Juaiconapa acueca' ał'eponga' capic'a cal'Ailli' ŁanDios. Alacui'iponga': "Inaxque' ŁanDios". Ma' alinca illanc' inaxque' ŁanDios. Locuenaye lan xanuc' nomana' fa'a li'a łamats' aicalimetsaiconinga' tołta'a. Aimi'iya. Iłne aimimetsaicoyi ŁanDios.

2 Maicunc'aipimaye, itsiya alsina' illanc' inaxque' ŁanDios. Tama tołta'a alsina', aicalsina' te ts'i'ic' mi'iya lałsans, lałpicuejma' tipaicotsi pu'hua. Aicalmuc'inninga'. Linca litine timujxoxi ŁanDios ałsim'me iłque ma to qui'ic'. Iłe lałsina' ałmuc'inga' ałsim'mołtsi pangay c'a lałpicuejma' ma to lipicuejma' iłque. Ja'ni a'i coła' aimalsinyacu to qui'ic'.

3 Iłne petsi jouc'a no'huaiyijmpá tołta'a, jahuay iłniya, tenaj'mołtsi lixcay, ti'i'mołtsi limpio, to ŁanDios pangay limpio lipicuejma'.

4 Ja'ni aimalihuejcoyi ŁanDios locuxepa, iłe lał'epa ma' ixcay. Jahuay lo'epa ja'ni a'i to micuxe ŁanDios, iłe ma le'a ixcay.

5 Imanc' joupa ołsina' te quicuaicoco'ma Jesucristo fa'a li'a łamats'. Icuaicoco'ma liłonc'e'etsonga' lał'epa lixcay. Jouc'a ołsina' iłque linca aiqui'aic' quixcay.

6 Tołtiya petsi aimenajyołtsi Cristo, pe joupa lepenufpola', iłniya aimi'eyi lixcay. Petsi no'epá lixcay iłne aimimetsaicoyi Cristo. Aiquiłsina' te ts'i'ic' lipicuejma'.

7 Imanc' unc'ainaxque', tołpo'nołe cuenna. Tołta'a aimifel'miyacolhuo'. Iłne petsi no'epá al hijca ma le'a iłniya lan hijca xanuc'. Iłne liłpicuejma' alijca to al hijca lipicuejma' ŁanDios.

8 Petsi no'epá lixcay iłniya ixanuc' łonta'a Satanás. Lipan-gopa li'a łamats' iłque Satanás joupa ixcay lo'epa. Li'Hua ŁanDios icuaicoco'ma fa'a li'a łamats' tejac'ela' iłe lo'epa Satanás, aimal'econa'me tołta'a.

9 Petsi alinca inaxque' ŁanDios iłne aimi'eyi lixcay. Jiłpe liłpicuejma' ŁanDios joupa ifapa Litaiqui'. Joupa epi'ipola' al ts'e liłpitine. Tołta'a aimi'iya mi'econayacu lixcay.

10 Toŧta'a ti'i'ma tolimetsaico'mola' lan xanuc' te ts'i'ic' liŧpicuejma'. Iŧniya quiltuca' timuj'moŧtsi ja'ni inaxque' LanDios, ja'ni inaxque' ŧonta'a. Petsi aimi'eyi al liŧca iŧne a'i quinaxque' LanDios. Jouc'a petsi aimi'eyi capic'a liŧpimaye a'i quinaxque' LanDios.

11 Lipangopa loŧ'huaiyijmpa Jesucristo u'impolhuo' toŧta'a. Ixc'ai'impolhuo': "Aŧ'etsoŧtsi capic'a".

12 A'i toŧta'a li'ejma' Caín. Iŧque i'hua ŧonta'a. ŧonta'a lo'epa ma le'a al xujc'a. Caín ima'apa liŧpima. ¿Te quima'acopa? Liŧpima ac'a li'ejma', Caín li'ejma' ixca. Toŧta'a ima'apa liŧpima.

13 Cunc'aipimaye, lan xanuc' petsi aimimetsaicoyi LanDios tama ti'ennilhuo' capilaic', aimoŧsueŧmot'lecona'me.

14 Illanc' aŧ'eyi capic'a laŧpimaye, toŧta'a aŧsinyi lapi'iponga' al ts'e laŧpitine LanDios. Li'ipa, anuli locuenaye lan xanuc' lajac'ponga'. Itsiya a'i. I'ipa ituca' laŧpepajnya. Petsi aimi'eyi capic'a liŧpimaye, iŧne liŧca ailopa'a al ts'e liŧpitine, ejac'pola'.

15 Naitsi no'epa laic' liŧpima, iŧque inma'ahuale. Linma'ahuale ailopa'a al ts'e quiliŧpitine.

16 Illanc' joupa aŧsina' te ts'i'ic' laŧ'eyacu ja'ni aŧinca' aŧ'ela' capic'a laŧpimaye. Cristo maŧ'enga' capic'a icupoxi tima'anŧe. Toŧta'a lunŧu'eponga'. Illanc' jouc'a aŧcutsoŧtsi, aŧcuanajcotsola' laŧpimaye.

17 Cal xans ts'i'hueca, loyaicopa lapajnya ja'ni tixinŧa' liŧpima tehue'e', ¿te co'eya? Ja'ni aimixina acuanuc', aimitoc'i, iŧque cal xans ¿ja'ni toŧta'a ti'ay capic'a LanDios? A'i. Aimi'ay capic'a.

18 Imanc' unc'ainaxque', camilhuo': Iŧe maŧ'ehualeyi capic'a aimi'i'ma le'a ataiqui'. A'i ma le'a aŧnes'me: "Ca'ela' capic'a". Aŧinca aŧ'etsola' capic'a. Aŧtoc'itsola' laŧpimaye.

19 Toŧta'a aŧpac'e'e'moŧtsi laŧpicuejma'. Aimatŧsueŧmot'leconayacu, aimatŧmiconayacoŧtsi: "¿Te iya' i'hua LanDios o a'i?" Ti'i'ma caŧsina' joupa ifapa al Linca Cataiqui' jilpe laŧpicuejma'.

20 Tijouŧa' ja'ni aŧsueŧmot'lecona'me, ja'ni aŧmiconam' moŧtsi: "¿Te iya' i'hua LanDios o a'i?", jouc'a aŧ'nujuaitsa xonca ixina' cal Cueca' CanDios. Iŧque ixina' jahuay laŧ'epa. Ixina' jahuay lopa'a jilpe laŧpicuejma', laŧunxajma'.

21 Maicunc'aipimaye, ja'ni aimatŧsueŧmot'leyi toŧta'a, ja'ni aŧsinyoŧtsi aŧinca illanc' inaxque' LanDios, tixoj'ma calata aŧpalaic'o'me LanDios.

22 Tijouŧa' pe laŧsahue'epa iŧque lapi'i'monga'. Aŧsim'monga' lihuejcoyi laŧcuxe'eponga'. Tetenŧcocojma laŧ'epa.

23 Aŧcuxe'eponga' aŧ'huaiyijnle li'Hua, iŧque Jesucristo. Jouc'a aŧcuxe'eponga' aŧ'etsoŧtsi capic'a. Ma' anuli toŧiya laŧcuxe'eponga' Jesucristo.

24 Ja'ni alihuejcoyi LanDios locuxepa, aimalanajyacoŧtsi LanDios. Jouc'a LanDios aimenajyacoŧsi, luyalaico'me anuli.

Ałsinguf'mołtsi tipa'a cal Espíritu Santo, iłque Łalapi'iponga' ŁanDios. Tołta'a ałsim'me aiqquenajyoxi ŁanDios. Ałsim'me luyalaicoyi anuli.

4

¹ Maicunc'aipimaye, aimonl'e'mola' linca jahuay lam profeta nocuapá: "Iya' cuya'e' lalu'ipa cal Espíritu Santo". Tołpo'nole cuenna. Ti'ila' cołsina' ja'ni umme'epola' ŁanDios o a'i. Itsiya fa'a li'a łamats' timana' axpela' linfel'miyale. Joupá ummem-pola' ti'ele tołta'a.

² Imanc' joupá ołsina' te ts'i'ic' lonespa pe noya'apá lomipola' hi'Espíritu ŁanDios. Ine ticuayi: "Jesús aCristo. I'epoxi xans. Icuai'ma fa'a li'a łamats'."

³ Petsi aimimetsaicoyi tołta'a Jesús, ine aimuya'ayi lonespa hi'Espíritu ŁanDios. Ine tu'iyaleyi loya'apa hi'espíritu cal Anticristo. Imanc' joupá ołcuejpá ticuaihuo iłque cal espíritu. Camilhuo': "Joupá icuai'ma. Tipa'a fa'a li'a łamats'."

⁴ Imanc' unc'ainaxque', joupá olulijpola' iłniya lam profeta. Ine aimi'iya mifel'miyacolhuo'. Imanc' joupá olapenufpá hi'Espíritu ŁanDios. Iłque xonca acueca'. Łonta'a nopa'a li'a łamats' aimi'onłcospa.

⁵ Ine linfel'miyale profeta ti'onłcospá to lif'as xanuc' no-mana' li'a łamats'. Ma' anuli liłpicuejma', lopalaipa. Tołiya lif'as xanuc' tiquimf'eyi, tihuejcoyi.

⁶ Illanc' inaxque' ŁanDios ituca' lałpicuejma'. Petsi ilimetsaijma ŁanDios, ine alquimf'enga'. Petsi a'i quinoxque' ŁanDios, ine aimalquimf'enga'. Tołta'a ałsina' naitsi ine noya'apá al Linca Cataiqui'. Ałsina' naitsi noya'apa a'ij linca.

⁷ Maicunc'aipimaye, al'etsoltsi capic'a. Ma ŁanDios alapi'icoponga' lałpicuejma' al'etsoltsi capic'a. Naitsi no'epa capic'a, iłque linca i'hua ŁanDios, imetsaijma ŁanDios.

⁸ ŁanDios ti'nujuaitsila' jahuay lan xanuc', aimi'elaj laic'. Tołiya ja'ni cal xans aimi'nujuaitsila' lif'as xanuc', ja'ni ti'ela' laic', iłque aiqquimetsaijma ŁanDios.

⁹ ŁanDios ałmuc'iponga' ma' alinca al'nujuaitsinga'. Ummepa hi'Hua, iłque cal Nuli. Ummepa quicuaicoco'ma fa'a li'a łamats', lapi'itsonga' al ts'e lałpitine.

¹⁰ Ja'ni alinca al'e'mola' capic'a lałpimaye, ticuicomma al'nujuaitsola' iłniya, ma to ŁanDios al'nujuaitsinga' illanc'. Li'ipa aimal'nujuaisyi ŁanDios. Małniya litiné iłque al'nujuaisponga', ummepa hi'Hua. Iłque hi'Hua i'najtsepa lałjunac', ipac'epa lipoyac' ŁanDios.

¹¹ Maicunc'aipimaye, ja'ni tołta'a al'nujuaisponga' ŁanDios, illanc' jouc'a al'etsola' capic'a lałpimaye. Ticuicomma al'etsola' capic'a.

¹² LanDios ni naitsi niximpa. Ja'ni a'eyo'tsi capic'a jouc'a a'eyi capic'a LanDios. To'tta'a i'que tipa'a pe la'mana', aicalana-jyo'tsi.

¹³ LanDios joupa lapi'iponga' h'Espíritu. To'tiya a'sina' alapenufponga', a'sina' lapenufpá i'que.

¹⁴ Illanc' joupa a'simpá li'epa ca'Ailli' LanDios. I'que umme-copa h'Hua tunhu'etsola' lan xanuc' nomana' ni petsi fa'a li'a lamats'. To'tta'a luya'ayi.

¹⁵ Petsi nonespá: “Jesús ma' i'Hua LanDios”, i'niya joupa epenufpá LanDios. LanDios epenufpola'.

¹⁶ Joupa i'ipa ca'sina' LanDios a'enga' capic'a. A'sina' a'nujuaitsinga'. LanDios pangay c'a lipicuejma', ti'nujuaitsila' jahuay lan xanuc', aimi'elaj laic'. Petsi no'epá capic'a i'ne aimi'eyi laic'. I'ne linca LanDios epenufpola', aiqenajyoxi. Pe lomana' jilpe tipa'a LanDios, tuyalaicoyi anuli.

¹⁷ Ja'ni a'eyi capic'a aimalpaic'eyacu locuaicoya al Cueva' Quitine. Ma ma'mana' fa'a li'a lamats' a'sinyo'tsi ninc'i'hija, a'on'cosponga' to Cristo, i'que copa'a cal Lijca.

¹⁸ Ja'ni a'eyi capic'a ailopa'a ca'spaic'eyaconga'. Ma ma'eyi capic'a laxpaiqui' aimi'ya mipa'neya la'picuejma'. Ja'ni a'nesyi: “Aga late'l'mi'ma LanDios”, tocomma to LanDios a'tel'minga'. Ma'nesyi to'tta'a a'mujyo'tsi aiqixhueya la'picuejma', lahue'enga'. A'i to'tta'a ma'eyi capic'a.

¹⁹ LanDios a'nujuaisponga', a'eponga' capic'a, to'tiya illanc' jouc'a a'eyi capic'a.

²⁰ Petsi nocuapa: “Iya' ca'ay capic'a LanDios”, ja'ni ti'ay quipilaic' lipima, i'que no'epa i'ta'a infelhiquepa. Ja'ni aimi'ay capic'a lipima petsi lahuelojmpa, i'que jouc'a i'hua LanDios, ¿te ti'i'ma ti'e'ma capic'a LanDios, i'que petsi aimehuelonge? A'i. Aimi'ya.

²¹ Ma'que LanDios joupa a'cuxe'eponga' la'eyacu, a'minga': “Naitsi no'epa capic'a LanDios jouc'a ti'ela' capic'a lipima”.

5

¹ Petsi no'huaiyijmpá Jesús, nonespá: “I'que cal Cristo”, i'ne linca inaxque' LanDios. I'que epi'ipola' al ts'e li'pitine. Petsi lepi'impola' al ts'e li'pitine ti'eyi capic'a LanDios qui'Ailli'. Ma' anuli ti'eyi capic'a li'pimaye, i'ne jouc'a inaxque' LanDios.

² Ja'ni a'eyi capic'a LanDios, ja'ni a'eyi ma to la'cuxe'eponga', to'tta'a a'sina' a'nujuaitsila' la'pimaye, a'eyi capic'a.

³ ¿Te ts'i'ic' ma'eyacu capic'a LanDios? A'ele ma to la'cuxe'eponga', to'tta'a a'e'me capic'a LanDios. A'i quipime i'le la'cuxe'eponga' LanDios.

⁴ Illanc' linca inaxque' LanDios ja'ni i'que lapi'iponga' al ts'e la'pitine. Alulijyi lixcay lopa'a fa'a li'a lamats'. To'tiya a'sinyi

a'i quipime laŋcuxe'eponga'. Illanc' inaxque' LanDios, ¿te ts'i'ic' malulijyacu lixcay lopa'a fa'a li'a lamats'? Ma maŋ'huaiyjny LanDios toŋta'a alulij'me.

⁵ ¿Naitsi iŋque nolijpa lixcay lopa'a fa'a li'a lamats'? Petsi no'huaiyjmpa Jesús, nocuapa: "Jesús ma i'Hua LanDios", iŋque tuliqui.

⁶ Jesús mipa'a fa'a li'a lamats' epo'icom'me aja', ixcuajaipa lijuats'. A'i ma le'a epo'icom'me aja', epo'icom'me aja' jouc'a ixcuajaipa lijuats'. Toŋta'a aŋsina' maŋque Jesús aCristo, hi'Hua LanDios. Ma' anuli loya'apa cal Espíritu Santo. Iŋque tuya'e' ma le'a al linca.

⁷ Jiŋpe lema'a timana' afantsi tuya'ayi: "Jesús i'Hua LanDios, aCristo". Iniya comana' cal'Ailli' LanDios, jouc'a Jesús, iŋque ŋecui'impa "Litaiqui' LanDios", jouc'a cal Espíritu Santo. Ine lam fantsi ma' anuli LanDios.

⁸ Fa'a li'a lamats' timana' afantsi nonescopá Jesús, tuya'ayi naitsi iŋque, ma' anuli loya'apa. Cal Espíritu Santo, iŋque anuli, laja' lepo'icompa Jesús, iŋe i'ipa oque', lijuats' lixcuajaipa, iŋe i'ipa afane'.

⁹ Ja'ni aŋ'huaiyjm'me loya'apa lan xanuc', ¿te aimaf'huaiyjnyacu loya'apa LanDios? Linca iŋque loya'apa xonca acueca'. LanDios joupa inescopa al c'a iŋque hi'Hua. Toŋta'a luya'apa LanDios, aŋ'huaiyjmpá.

¹⁰ Petsi no'huaiyjmpá Jesús joupa epenufpá iŋe luya'apa LanDios. Petsi aimi'eyi linca LanDios iŋe linescopa hi'Hua, iniya joupa etets'ipá licuapa LanDios, iximpá to infel'miyale, aimi'eyi linca LanDios linescopa hi'Hua.

¹¹ Pe naŋ'huaiyjmpá aŋsina' al linca luya'apa LanDios. Aŋsina' lapi'iponga' al ts'e laŋpitine aimijouya, maŋe lipitine Jesús hi'Hua LanDios.

¹² Petsi joupa nepenufpá hi'Hua LanDios, iniya tipa'a al ts'e liŋpitine. Ja'ni aiquirepenufi hi'Hua jouc'a ailopa'a al ts'e liŋpitine.

¹³ Toŋta'a laininiŋ'epolhuo' imanc' noŋ'huaiyjmpá Jesús, iŋque hi'Hua LanDios. Cacia: Ti'ila' coŋsina' joupa olapenufpá loŋpitine aimijouya.

¹⁴ Maŋ'huaiyjny LanDios aŋsina' ti'i'ma aŋsahue'e'me altoc'itsonga' o aŋsahue'e'me lapi'itsonga' lalahue'eponga'. Aŋsa'hue'me aimafŋsinyacu calaic'ata. Ja'ni iŋe laŋsahue'epa tetenŋcocojma aŋsina' alquimf'enga'.

¹⁵ Ma maŋsa'hueyi, ja'ni aŋsina' alquimf'enga' jouc'a aŋsina' joupa aŋtalai'eponga', joupa lapi'iponga' laŋsahue'epa.

¹⁶ Anuli imanc' ja'ni toxim'ma lojima lo'epa aimetenŋma LanDios, ja'ni iŋe lo'epa ti'i'ma timenc'e'ecom'me, toxa'hueŋa' LanDios, toŋta'a tepi'i'ma lipitine. Linca tipa'a lixcay lacani'eyacola' lan xanuc'. Aimi'ya mimenc'e'ecoyacola'

no'epá tołta'a. Ihe ti'hua titai'me liłjunac', tejac'em'mola'. Aicamilhuo': Tołsa'huele timenc'e'ecotsola'. A'i. Aimi'iya.

¹⁷ Lan xanuc' ja'ni aimihuejcoyi LanDios iłque ixim'mola' ixcay lo'epa. Ixim'mola' titaiyi cajunac'. Tipa'a ițe lixcay lo'epa ti'i'ma timenc'e'ecom'mola'. Tipa'a petsi aimi'iya, tejac'em'mola' nulemma.

¹⁸ Ałsina' petsi LanDios lepi'ipola' al ts'e liłpitine ihe aimi'hua mi'econayi lixcay. Ihe tipa'a al ts'e liłpitine lepi'ipola' LanDios. Ihe al ts'e liłpitine ti'ela' cuenna. Tołiya ailopa'a co'e'eyacola' łonta'a. Iłque ma' ixcay lipicuejma'.

¹⁹ Ałsinyołtsi illanc' inaxque' LanDios. Iłque lapi'iponga' lałpitine. Petsi aimimetsaicoyi LanDios, iłque lixcay conta'a ti'hua ticuxela'.

²⁰ Jouc'a ałsina' te ts'i'ic' li'epa li'Hua LanDios. Iłque icuai'ma fa'a li'a łamats'. Lapi'iponga' lałpicuejma'. Tołiya limetsaicoyi LanDios, iłque ma' anDios. Ja'ni lapenufponga' li'Hua LanDios, iłque Jesucristo, ma' anuli lapenufponga' LanDios. Iłque ma' anDios, aimijouya lipitine. Ja'ni limetsaicoyi tołta'a jouc'a lapi'inga' al ts'e lałpitine aimijouya.

²¹ Imanc' caxinnilhuo' to cainaxque', tołta'a camilhuo': Toł'etsołtsi cuenna. Ti'hua tolıhuejco'me iłque petsi ałnca anDios. Tołta'a aimonlıhuejyacu landiosla'.

LOCUENA LIJE'E SAN JUAN LINIŁ'ĒPA ĒIPIMA CACA'NO'

¹ Iya' nitojpa xans. Quinił'elhuo' ima' maipima caca'no' jouc'a lonaxque'. Ima' i'huij'f'epo' ĒanDios. Ma' anuli lihuejcoyi al Linca Cataiqui', toliya ca'elhuo' capic'a. A'i ma le'a iya' ca'elhuo' capic'a. Jahuay lapimaye petsi limetsaicopá al Linca Cataiqui' jouc'a ti'elhuo' capic'a.

² He al Linca Cataiqui' joupa ifayiya lałpicuejma'. Aimi'iya malilonc'e'enyaconga'. Lihuejcoyi Lataiqui' toliya al'elhuo' capic'a.

³ Ma malihuejcoyi al Linca Cataiqui', ma mał'ela' capic'a lałpimaye, ĒanDios cał'Ailli' y Jesucristo li'Hua ĒanDios alłoc'i'monga', al'nujuais'monga', alsim'monga' nin'icuanuc'la. Alłpac'e'e'monga' lałpicuejma'.

⁴ Juaiconapa tixoqui neta aixim'mola' lonaxque' tihuejcoyi al Linca Cataiqui'. Ma to cał'Ailli' ĒanDios lałcuxe'eponga' al'ete, ma tołta'a ti'eyi ihniya.

⁵ Maipima caca'no', itsiya tipa'a laifxahue'eyacolhuo'. He laifxc'ai'iyacolhuo' a'i ituca' cataiqui' ni ts'e cataiqui'. Caxc'ai'i'molhuo' tonł'ete ma to joupa lałcuxe'eponga'. Al cołta alłquimf'epá ilta'a lataiqui'. Itsiya caxa'huelhuo', caxc'ai'ilhuo': Illanc' ninc'apimaye, al'etsoltsi capic'a.

⁶ Ja'ni al'eyi lałcuxe'eponga' ĒanDios, jilpe linca al'eyoltsi capic'a. Joupa olłquimf'epá tołta'a. Al cołta icuxe'empolhuo' te ts'i'ic' loluyalaicoyacu lapajnya. Ixc'ai'impolhuo': "Tonł'etsoltsi capic'a".

⁷ Ja'ni tonł'eyoltsi capic'a ti'hua tolihuejco'me tołta'a al Linca Cataiqui'. Ja'ni tonł'eyoltsi capic'a aimifel'miyacolhuo'. Timana' axpela' linfoł'miyale joupa alpo'noponga' całtuca'. Tiyelocoyi fa'a li'a łamats'. Ilne linfoł'miyale aimi'eyi linca Jesucristo i'huamma fa'a li'a łamats'. Aimi'eyi linca i'epoxi xans, ticuayi: "Aimi'iya mi'eya tołta'a". Ilne nocuapá tołta'a ixanuc' cal cueca' quinfoł'miyale łecui'impá: cal Anticristo.

⁸ Imanc' tonł'etsoltsi cuenna. Ti'hua tolihuejco'me ilne lałmuc'ipolhuo' jilpiya. Aimołpai'i'moltsi. Tołta'a tolulij'me nulemma lapi'iyacolhuo' ĒanDios.

⁹ Petsi no'epoltsi omxiye, ja'ni aimihuejconayi lataiqui' limuc'iyalepa Jesucristo, ilne aimiyeyi anuli ĒanDios. Petsi ti'hua tihuejcoyi limuc'iyalepa Jesucristo, ilne aimenajyołtsi, tiyeyi anuli cał'Ailli' ĒanDios. Jouc'a tiyeyi anuli li'Hua, ilque Jesucristo.

¹⁰ Jiŋpe lolajut'ŋ ja'ni ticuaitsi petsi ituca' lomuc'iyalepa, a'i iŋe limuc'iyalepa Jesucristo, aimolapenuf'me lolajut'ŋ. Aimolnom'me to colpima.

¹¹ Ja'ni tonona to copima ima' to'onhico'moxi to iŋquiya. To-comma to ima' jouc'a ixcay lof'epa.

¹² Ti'hua tehue'e' laifnu'iyacolhuo'. Itsiya aimi'hua quiniŋ'eyacolhuo'. Cacia: Cahuejntolhuo', aŋsinnoŋtsi. Alpalaic'otoŋtsi, iya' imanc'. Toŋta'a tenanŋ'ma laŋpinoxjma cata.

¹³ Tinonghuo' linaxque' loŋpima caca'no'. Iŋque jouc'a i'huij'epa LanDios.

LOCUENA LIJE'E SAN JUAN LINIŁ'ĒPA ĪPIMA GAYO

¹ Iya' nitojpa xans. Quinił'ehuo' ima' unGayo macałpima. Ma' anuli lihuejcoyi al Linca Cataiqui', tołiya ca'ehuo' capic'a.

² Maipima, joupa aixina' ti'hua taihuequi. Iya' caxa'hue LanDios titoc'itso', toyaicoła' al c'a lapajnya fa'a li'a łamats', aimi'i'mo' cocuana.

³ Licuai'me fa'a lałpimaye iłne inesco'mo' al c'a. Ticuayi: Ałınca omihuequi al Linca Cataiqui', tomujyoxi tipa'a iłe Lataiqui' ifayiya jilpe lopicuejma'. Li'ipa caixina' tołta'a tixoqui neta iya'.

⁴ Ja'ni ałminłta': "Ima' lonaxque' tihuejyi al Linca Cataiqui'", iłe lataiqui' lal'impalixoc'i'ma neta juaiconapa. Ailopa'a calminya mixojya neta xonca.

⁵ Macałpima, ima' tomujyoxi ałınca taihuequi Lataiqui'. Totoc'ila' lałpimaye noyepa aculi' lane.

⁶ Malafot'leyołtsi fa'a, iłne lałpimaye nitsehuo'me jilpiya, licuainanca alu'iponga' iłe lof'epa. Alu'iponga' te ts'i'ic' lof'epola' capic'a. Linca to'ay al c'a ma motoc'ila' lapimaye, tapi'ila' lahue'epola'. Tołta'a tetenłcocojma LanDios.

⁷ Iłne ipo'nopá liłpiłya', tiyeyi tuya'ayi naitsi Jesús, iłque łecui'impal cal Cristo. Lan xanuc' petsi aimimetsaicoyi LanDios, ja'ni coła' tepi'intsole' quıltołi iłne aiquirepenufi. Tołe lił'ejma'.

⁸ Illanc' iłpimaye ticuicomma ałtoc'itsola' no'epá tołta'a. Ticuicomma lapi'itsola'. Tołta'a ałtoc'i'mola' ti'hua tuya'atsa al Linca Cataiqui'.

⁹ Joupa ninił'epola' lapimaye lafołyomma jilpiya lopilıya'. Jilpe tipa'a Diótrefes. Iłque aimalapenufinga' lałsc'ai'ipola' lapimaye. Ma' iłque ti'eyoxi cal te'a. Ipic'a ticuxetsola' lapimaye.

¹⁰ Cacuaitsi jilpe capalaic'ocotola' lapimaye lo'epa iłque. Jilpe iłque ałpalaiconga' a'ijc'a. A'i małe le'a co'epa. Xonca acueca' lixcay ti'ay. Aimepenufila' lapimaye nocuaispá jilpiya. Lapimaye nomana' jilpe ticuxela', timila': "Aimolapenuf'mola' iłne nocuaispá". Petsi nocuapá: "Lapenuf'mola'. Ałpic'a", iłque Diótrefes tixtuc'o'mola' acueca', timi'mola': "Tonłente. Aimołtsuflaicona'me pelalafot'leyopołtsi."

¹¹ Macaipima, aimo'onłico'mola' to iłne no'epá lixcay. To'onłicoxoxi petsi ac'a lo'epa. Ja'ni ac'a lo'epa, iłque linca i'hua CanDios, LanDios ummepa. Petsi ixcay lo'epa iłque aiquiremetsaijma LanDios, aiquirexina' te ts'i'ic' li'ejma'.

¹² Minescoyi Demetrio jahuy ticuayi: "Iłque ac'a xans". Ma to loya'apa al Linca Cataiqui' ma tołta'a li'ejma' Demetrio.

Jouc'a illanc' fa'a ałcuayi: “Demetrio ac'a xans”. Illanc' aimafellaiqueyi, ałcuayi ma le'a al finca. Tołta'a oxina'.

¹³ Tehue'e' axpe' laifmiyaco'. Itsiya aiqunil'eyaco'.

¹⁴ Cacia: Aimalcołya fa'a. Ca'hua'ma. Cacuaitsi jilpe ałsinnoltsi. Alpalaic'otołtsi iya' ima'.

¹⁵ Aimoxhuelmot'le'ma.

Lalimetsaicoyołtsi nomana' fa'a tinonghuo'. Ima' tomit-sola' anuli anuli lalimetsaicoyołtsi nomana' jilpiya: “Juan tinonghuo”.

LIJE'E SAN JUDAS LINIŁ'EPOLA' LAPIMAYE

¹ Iya' ninJudas ca'ay lipenic' laiPoujna Jesucristo. Santiago aipima. Quinił'elhuo' imanc' lijoc'ipolhuo' ŁanDios.

Cal'Ailli' ŁanDios ti'elhuo' capic'a, Jesucristo ti'elhuo' cuenna.

² Itine itine xonca tołcuejle ti'nujuaitsilhuo' ŁanDios, xonca tołcuejle tipac'e'elhuo' lołpicuejma', xonca tołcuejle ti'elhuo' capic'a.

³ Unc'aipimaye, iya' joupa aipo'nopa laipicuejma', cacua: Quinił'e'mola' laipimaye. IŁe cołje'e coła' cu'icono'molhuo' te ts'i'ic' munłu'enyacolhuo'. Linca ma' anuli lalunłu'enyaconga' illanc' imanc'.

Itsiya aiximpa ticuicomma quinił'e'molhuo' ituca' cołje'e. Ticuicomma caxc'ai'i'molhuo' tolipa'aŁe cafxi tołcuanajcole litaiqui' ŁanDios. Imanc' joupa olapenufpá iŁe Lataiqui', oł'huaiyijmpá, ołsimpá te ts'i'ic' mipa'a. MaŁe lataiqui' ŁanDios ipo'nopa nulemma tepenufle, ti'eŁe cuenna jahuay iŁne petsi i'huexi ŁanDios.

⁴ Camilhuo': Ticuicomma tonł'eŁe cuenna, tołcuanajcole litaiqui' ŁanDios. Jiłpe pe lołmana' ihuants'ipołtsi lan xanuc' iŁne ituca' liłpicuejma'. Linca ate'a a'i mu'iyacolhuo' tołta'a. Jiłpe al Paxi Linifingiya joupa inescopola' iłniya lan xanuc'. Joupa uya'apa aimunłu'enyacola', tejac'em'mola'. IŁne aimihuejcoyi ŁanDios locuxe'epola'. Iximpołtsi joupa itoc'ipola', ipaxnepola' ŁanDios. Iximpołtsi joupa unłulpá. IŁne ti'hua ti'eyi nixpiya. Ticuayi: "Aimalacani'enyaconga". Tołta'a tetets'iyi cal Cuecaj Quincuxepa, iłque cal Nuli Quincuxepa. Jouc'a tetets'iyi lałPoujna Jesucristo.

⁵ Imanc' joupa ołsina' jahuay li'ipa luyaipa quitine. Itsiya ca'nujuaits'i'i'molhuo' li'epa ŁanDios. Iłque ipa'a'mola' lixanuc' jiłpe łamats' Egipto, unłu'epola', aikuima'annila' lin'ehuale laic'. Lijou'ma iŁne pe lipa'apola' petsi aikuil'huaiyinge, ecani'epola'.

⁶ Jouc'a toł'nujuaitsa li'ipola' lapaluc' quema'a. IŁne incuxepá, ipo'no'me liłpenic' lepi'ipola' ŁanDios. Ipalyonca petsi ŁanDios joupa ixpic'epa timajnle. IŁne lapaluc' quema'a ŁanDios i'huequila' joupa ifingiyicola' acadena catejma', aimi'iya mits'ałqueya. Jiłpe petsi lomana' ja'ni tehuelojnle al toncay tixim'me amuf. Jiłpe ti'huaicoyi ticuaiyunni al Cuecaj Quitine. ŁanDios tepi'i'mola' liłjunac'.

⁷ Jouc'a toł'nujuaitsa li'ipola' liłelołya' Sodoma y Gomorra jouc'a liłelołya' lomana' anujnca. Lan xanuc' nomana' iłniya liłelołya' ixhuico'mołtsi liłcuerpo ma mi'eyi al xujc'a. Jouc'a i'e'me a'i to joupa ixpic'epa ŁanDios. Ihuej'me ocuena 'ejma'.

Toŧta'a ti'onŧcospola' to iŧne lixcay lapaluc' quema'a. Li'ipola' iŧne ŧiŧelotya' aŧmuc'inga' lo'iyacola' iŧne petŧi no'epá lixcay. Iŧne ŧiŧelotya' ŧanDios iŧteŧ'mico'mola' unga. Jiŧe ŧunga aimipijya.

⁸ To li'epa iŧne lixcay xanuc' mimana' jiŧpe ŧiŧelotya' Sodoma y Gomorra, ma toŧta'a ti'eyi iŧna'a lixcay xanuc' iya' laifnescopola' iŧta'a loŧje'e. Iŧne jiŧpe liŧpicuejma' tijaŧajyi ti'ele lixcay. Mijou'ma tixhuicoyoŧŧi liŧcuerpo mi'eyi al xujc'a, tixis'mecoyoŧŧi toŧta'a. Jouc'a tetets'innila' lincuxepá nomana' lema'a. A'ijc'a tinesconnila' lan tsila' lapaluc' quema'a.

⁹ Cal cuecaj ŧapaluc' quema'a, iŧque Miguel, ni toŧta'a mipalaic'o' ŧonta'a Satanás. Iŧque Miguel ixina' lo'iya licuerpo Moisés. Satanás ituca' lipicuejma'. Ipic'a tilecoŧa'. Iŧne tipalaic'oyoŧŧi. Miŧfuli'iyoyŧŧi cataiqui' Miguel ixim'ma caxpaiqui', aiqumiloqui cataiqui' Satanás. Ma le'a timi: "Titaletso' ŧaiPoujna".

¹⁰ Iŧne lixcay xanuc' laifpalaicopola' aimixpailiquila'. Tama aiqumicueca, aiqumisina' te ts'i'ila' iŧne lan tsila' capaluc' quema'a, tetets'iyi, tinescoyi. Iŧne ti'onŧcospola' to linneja petŧi ailopa'a quipicuejma'. Linca tama inneja tipa'a lojanajpa. Toŧta'a iŧniya, ti'hua tixhuai'niyi lojanajpa. Toŧta'a ma quituca' tecani'eyoyŧŧi.

¹¹ Linca, juaiconapa a'ijc'a lo'iyacola' iŧniya. Iŧne tihuejyi Caín lipicuejma'. Imenajpola' to Balaam. Ipo'nopá liŧpicuejma' tulijle quitoŧmí. Toŧta'a aimihuejyi ŧanDios. Ti'onŧcospá to Coré. Li'ipa, iŧque timiloquila' cataiqui' petŧi no'epá liŧpenic' lepi'ipola' ŧanDios. Iŧque Coré eja'c'pa. Iŧniya jouc'a teja'c'mola'.

¹² Iŧne lixcay xanuc' ti'onŧcospá to lix'ay capic quemiya. Jiŧpe tixca'i'e'molhuo'. Imanc' tolafot'leyoyŧŧi, toŧtetsoyi anuli, toŧta'a toŧmujyoyŧŧi apimaye. Mimana' iŧniya loŧpaxi juic tixis'me'me, aimetenŧcocoya ŧanDios. Jiŧpe iŧne xanuc' titetsoyi, tixnayi, aimixpailiquila'. Ma quituca' ti'eyoyŧŧi cuenna. Ti'onŧcospola' to hiŧuŧ cummahuay tummetsai ŧahua'. Ti'onŧcospola' to cal 'ec' micuaita litine caxita tocomma tijulyi, ailopa'a quita's. Tocomma to aiqumaf'ila'. A'i ma le'a tocomma aiqumaf'ila', alinca joupa imapola', joupa iyaxquimpola'.

¹³ Iŧne lixcay xanuc' ti'onŧcospá to loyac' quitsilo caja petŧi pangay quico' to axujc'a quifuc. Aiqumisina' calaic'ata, ti'hua timujyi lo'epa lixcay. Ti'onŧcospola' to lan xamna laipalumma liŧpene, iŧne aimepalc'o'iyaleyi. Tiyeyi petŧi lomanc'eyacu nulemma, iŧpe al muf. Maŧpe copa'a liŧpanga.

¹⁴ Jouc'a Enoc inescopola' iŧne lixcay xanuc'. Tipanc'nicola' Adán, iŧque cal te'a ŧaŧatahuelo, iŧque Enoc ixhuaicota acaitsi. Enoc uya'apa lo'iya, ticua:

¡Aŧquimf'eŧa' laifnuya'aya!

Aiximpa licuai'me łatPoujna y lam paxi quepaluc' quema'a,
iñiya juaiconapa lanxpela'.

15 ŁatPoujna icuai'ma timuj'moxi cal Cuecaj Juez, timuj'moxi
iñJuez jahuay lan xanuc'.

Iñe petsi aimihuejcoyi ticuf'mola'.

Ticuf'mola' jahuay li'epa, jahuay lipalaipa.

Ticuf'mola' li'epa nixpiya, iñe petsi aimihuejcoyi, petsi aim-
ixpailiquila'.

Iñe lixcay xanuc' petsi aimihuejcoyi, jouc'a ticuf'mola' limilo-
jpa ŁanDios lan tsila' cataiquí.

16 Iñe lixcay xanuc' pangay tipalołaicoyi. Ticuayi: "Iñe
a'i caipic'a". Aimimajncoyi quixojma cata. Lojanajpa
iñe quiltuca' ma iñe tihuejyi. Tipalaiyi lan tsila' cataiquí
juaiconapa. Pe latenłcocopola', ma le'a iñiya tipalaic'onnola'
al c'a. Ticuayi: "Iñque atoc'i'ma".

17-18 Unc'aipimaye, imanc' aimolihuej'mola' iñiya.
Toł'nujuaitsa liłtaiqui' lan apóstole, iñe epaluc' łatPoujna
Jesucristo. Iñe imipolhuo' lo'iya. Imipolhuo': "Ti'ila'
lijoucola' quitiné ticuaicu lintaluntseyale xanuc'. Lojanajpa
iñe quiltuca' ma iñe tihuejyi, aimihuejcoyi ŁanDios."

19 Iñe tifel'minnila' lapimaye, tenaquinnila'. Tihuejyi lo-
janajpa ma quiltuca' liłpicuejma'. Aiquilepenufi cal Espíritu
Santo.

20 Imanc', unc'aipimaye, aimonł'onli'mołtsi to iñiya. Imanc'
joupa oł'huaiyijmpá al Paxi Cataiqui'. Ti'hua tołpalaic'ole
ŁanDios to mu'ilhuo' cal Espíritu Santo. Tołiya tifayi'molhuo'
lołpicuejma'.

21 Ma moł'huaicoyi ticuaicohuananni łatPoujna Jesucristo,
ti'hua toł'nujuaitsa lo'epolhuo' capic'a ŁanDios. Tonł'etsołtsi
cuenna aimolanaj'mołtsi. Tołta'a, ticuaicohuananni iñque
łatPoujna tixim'molhuo' unc'icuanuc'la. Iñque lipitine aimi-
jouya, imanc' jouc'a aimijouya lołpitine.

22 Lapimaye petsi oquej liłpicuejma' tołsintsola' acuanuc'la.

23 Iñe petsi to joupa ejac'pola' tołahuetsola', tołunłu'etsola',
aimiye'me łunga. Locuenaye, tama tołsim'mola' acuanuc'la,
jouc'a tołsim'me laxpaiqui'. Aimoli—loc'ai'e'mołtsi. Tołsintsola'
joupa ixis'mecopołtsi jouc'a liłpijahuati.

24 ¡Ałs'najtsi'iñe ŁanDios! Ma' iñque xonca ti'hua limane. Ni-
pajnya ti'e'molhuo' cuenna, tołta'a ma tolihuej'me. Nipajnya
ti'e'molhuo' tołacaxhuołaita pe lopa'a. Tołta'a ti'i'ma iñe litine
timujxoxi te ts'i'ic' mipa'a. Iñe litine tixinim'molhuo' pangay
c'a lołpicuejma', ailopa'a tintsí. Tixoj'ma cunlata juaiconapa.

25 ¡Ałs'najtsi'iñe cal Nuli CanDios, iñque Łalunłu'eponga'! Tołta'a
lipenic' lepi'ipa łatPoujna Jesucristo. Ma' iñque anDios, iñque
xonca cal Cueca', xonca ticuxe, xonca ti'hua limane. Ai'a

tipango'ma tilanc'em'me li'a lamats' tołta'a mipa'a. Ma tołta'a mipa'a itsiya. Ma anuli mipa'a tijauhuamlaicota ticuaitsi Locuenaj Quitine. Tołta'a ti'ila'. Amén.

LIJE'E SAN JUAN LINIŁPA LIMUC'IPA JESUCRISTO

¹ Jifa'a tuya'e' te ts'i'ic' ŁanDios limuc'ipa Jesucristo. Limuc'ipa te lo'iya. Aimicołya ti'ila' tołta'a. ŁanDios quimuc'icopa Jesucristo timuc'itsola' lixanuc'. Małque Jesucristo ummepa łepaluc. Timi: "To'huala' pe lopa'a łaimozo Juan. Iłque ti'ay łanic' łainepi'ipa. To'itsi, tomuc'itsi, iłe łalmuc'ipa ŁanDios."

² Iya' ninJuan aininiłpa jifa'a jahuay laiximpa. Iłe ma' itaiqui' ŁanDios, luya'apa Jesucristo.

³ Łataiqui' łaininiłpa jifa'a tuya'e' te ts'i'ic' lixp'ic'epa ŁanDios. Tixoqui queta łapima noxhuf'iyacola' lipimaye iłta'a al je'e. Jouc'a lapimaye noquimf'eyacu, iłniya naihuejcoyacu, tixoj'ma quileta iłniya. ŁanDios tipaxne'mola'. Aimicołya. Ti'i'ma to łiniłj'j'mpa fa'a.

⁴ Iya' ninJuan quinił'elhuo' imanc' aipimaye nołmana' lan caitsi quilełołya'. Imanc' ixanuc' ŁanDios, iłque efot'łepolhuo'. Tolafot'łeyołtsi jilpe łolp'ilełołya'.

ŁanDios timilhuo': "Capaxne'molhuo', catoc'i'molhuo', capac'e'e'molhuo' łolp'icuejma'". Iłque ŁanDios li'ipa ma tipa'a, itsiya tipa'a, ma' anuli iłque łocuaiya.

Ma' anuli timilhuo' lan caitsi Esp'iritu, łehuoc'ocoyołtsi locut-suya ŁanDios Łalcuxeponga'.

⁵ Jouc'a timilhuo' Jesucristo. Iłque tuya'e' ma le'a al linca. Iłquiya imapa, imaf'inapa, aimimaconaya. Tołta'a i'ipa iłpima iłniya petsi jouc'a timaf'ina'me. Iłque cal Te'a łimaf'inapa tołta'a. Ticuxela' lan tsilaj quincuxepa nomana' fa'a li'a łamats'.

Jesucristo ał'enga' capic'a. Ixcuajai'pa lijuats', i'najtsecopa łaljunac'. Tołta'a aluhua'ailponga' lixcay lał'epa, iłe ałfi'eponga'.

⁶ Ał'eponga' ixanuc' ŁanDios Łalcuxeponga', iłquiya' i'Ailli' Jesucristo. Ał'eponga' e'aill'ı ŁanDios, ał'eyi lipenic'.

Iłque Jesucristo ma' anDios. Ma' iłque ticuxe jahuay. ¡Ma tołta'a ti'ila'! Amén.

⁷ ¡Tolsinle! Iłque icuaico'ma jouc'a łummahuay. Tixim'me iłniya lixc'ai'epa jouc'a jahuay lan xanuc'. Iłne petsi naihuejpa quiltuca' liłp'icuejma' tijolij'me caxpaiqui'. Ticuis'e'mołtsi: ¿Te cal'iyaconga'?

Ne'. Ma tołta'a ti'ila'. Amén.

⁸ Minescoyoxi łalPoujna ŁanDios ticua: "Iya' cacui'iyoxi A, cacui'iyoxi Z. Jahuay iya' aipangopa, jahuay iya' cajou'ne'ma. Iya' capa'a itsiya, li'ipa ma' anuli capa'a, ma' iya' łai'f'cuaiya. Ailopa'a cal'onłcoya, jahuay cacuxe."

⁹ Iya' ninJuan ot̄pima, ma' anuli lihuejyi Jesús. Ma' anuli at̄tēcoyi. Imanc' illanc' ma' anuli ixanuc' Łalcuxeponga', it̄que Jesús. Małmana' fa'a li'a łamats' ma' anuli at̄snet'łyi imanc' illanc'.

Iya capa'a jifa'a al isla Patmos. Alixtuc'opa, alummepa jifa'a al isla. Alixtuc'opa lainuya'apa litaiqui' ŁanDios, lainu'iyalepa nait̄si it̄que Jesucristo.

¹⁰ Fa'a łamats' Patmos icuait̄si al domingo, it̄e litine lacui'imp̄a "Itine łat̄Poujna", cal Esp̄ritu Santo at̄cuxe iya' laipicuejma'. Jit̄pe laixpula' aicuej'ma at̄palaic'o. Ujfxi tipalay. Ti'onłcospa to mifus'mim'me anuli al trompeta.

¹¹ Ałmi: "It̄a'a lofximpa tainiłijnla'. Topu'nijnla' jit̄pe loje'e. Tijouł'a tomme'etsola' lopimaye it̄a'a al je'e. It̄ne nafot'łepołtsi lan caitsi quilełoıya' lomana' łamats' Asia. Tomme'etsola' lapimaye nafot'łepołtsi liıya' Éfeso, jouc'a nafot'łepołtsi liıya' Esmirna, jouc'a nafot'łepołtsi liıya' Pérgamo, jouc'a nafot'łepołtsi liıya' Tiatira, jouc'a nafot'łepołtsi liıya' Sardis, jouc'a nafot'łepołtsi liıya' Filadelfia, jouc'a nafot'łepołtsi liıya' Laodicea."

¹² Cacia: "¿Nait̄si it̄que nałpalaic'opa?" Aipai'e'moxi. Aixim'ma acaitsi lan candelero lilanc'ecompa a'oro.

¹³ Jit̄pe nolojmay lan caitsi candelero tipa'a anuli ti'onłcospa to cal xans. Itoqui lipijahua' ticuaispa mane li'mitsi'. Lofi'ecopa łunxajma' a'oro.

¹⁴ Łijuac afujca, ti'onłcospa to al moł, o ti'onłcospa to cal nieve. Li'u' ti'onłcospa to lipat̄ cunga.

¹⁵ Li'mitsi' tepalc'o'i, ti'onłcospa to mipi'em'me łatejma' it̄e acobre lopi'empa. Lipalaijma cacueca to muna'e', to axpe'panay.

¹⁶ Jit̄pe al c'a quimane ti'nołi acaitsi lan xamna. Lico tipamma litoqui cutsilo oque' lipix'ay juaiconapa ix'aic'ıya. Li'a ti'onłcospa to cal 'ora micuaita menac'o, tepalc'o'i juaiconapa.

¹⁷ Laiximpa tołta'a iya' ninJuan at̄spaijma juaiconapa. Necangenni li'mitsi' to joupa ałmapa. It̄que at̄spayaf'pa al c'a quimane. Ałmi: "Aimixpaij'mo'. Iya' NinTe'a. Iya' NiJoujma. Lipangopa lema'a li'a łamats' ma capa'a. Tijou'mola' ma' anuli capajm'ma.

¹⁸ Ma' iya' NanDios, Nimaf'i'. Iya' linca' ałma'apa, ałmapa. It̄siya at̄sinł'a, ma' aimaf'i'. Aimałmaconaya. Iya' cacuxe lamaya, cacuxe pe lomana' limanapola'.

¹⁹ "Joupa aimuc'ipo' nait̄si iya' capalaic'ohuo'. Tołıya tainiłıa' loximpa, topu'nijnla' loya'apa it̄ıya, jouc'a tainiłıa' lo'ıya.

20 "Iñiya lan caitsi lan xamna loximpola' jilpe al c'a caimane, jouc'a iñiya lan caitsi candelero loximpola' aicoxina' te loya'apa iñe loximpa. Iñe lan caitsi lan xamna ti'onłcospola' to lilepaluc' lapimaye łefot'łepola' ŁanDios, iñe nafot'łepołtsi lan caitsi quilełoŷa'. Lan caitsi candelero ti'onłcospola' to lapimaye nafot'łepołtsi jilpe lan caitsi quilełoŷa'.

2

Itta'a ilje'e lapimaye nomana' liŷa' Éfeso

1 "Ima' taini'łeła' lilepaluc lapimaye nafot'łepołtsi jilpe Éfeso. To'ila': 'Tipalaic'ohuo' iłque ts'i'nołila' lan caitsi lan xamna jilpe al c'a quimane. Iłque no'huapa nolojmay lan caitsi candelero. Iłque timihuo':

2 Quimetsaicohuo' te ts'i'ic' lof'epa. Aixina' to'ay laipenic', toxnet'łqui jahuary lo'ipo'. Toxina ipime lapajnya jilpe pe lomana' lixcay xanuc'. Joupa oxingufpola' pe nonescopołtsi: Illanc' ninc'apóstole. Iñe a'i apóstole. Joupa oximpola' mane infel'miyale.

3 Tama toxina ipime lapajnya, ał'nujuaitsi iya', ti'hua toxnet'łqui, aiqixojhuo'.

4 Linca tipa'a lof'epa aimalatenłma. Al te'a ał'epa capic'a juaiconapa. Itsiya a'i. Xonca aijtine mał'ay capic'a.

5 Camihuo': Tocomma acueca' mecangemma. To'nujuaitsi lo'ejma' al te'a. Toxhuej'menanni. Iñe lo'epa li'ipa to'econła'. Ja'ni aimoxhuej'menamma aimalčoŷa cacuaiconno ma pe lofpa'a. Quilonc'e'e'mo' locandelero. Aimipajnconaya pe lopa'a.

6 Linca tipa'a al c'a lof'epa. Pe lecu'i'impola' lan nicolaita to'ay copilaic' lo'epa iñiya. Iya' jouc'a ca'ay capilaic' lo'epa.

7 Naitsi nocuejpa tiquim'łeła' iñe lataiqui' loya'apa cal Espíritu Santo ma mipalaic'ola' lapimaye iñe ixanuc' ŁanDios, iłque łefot'łepola'. Mañiya lapimaye naloŷomma lan caitsi quilełoŷa'. Naitsi noliŷa capi'i'ma lane titeta hi'as al 'ec lopa'a nolojmay łequeya ŁanDios. Iñe łaqueya łecui'impa al Paraíso. Naitsi noteja iñe hi'as aimimaya nulemma.'

Itta'a ilje'e lapimaye nomana' liŷa' Esmirna

8 "Jouc'a taini'łeła' lilepaluc lapimaye nafot'łepołtsi Esmirna. To'ila': 'Fa'a tipa'a laifnespa iya' ninTe'a, niJoujma. Iya' ałma'apa, ałmapa, aimaf'inapa, itsiya aimaf'i'.

9 Iya' quimetsaicohuo' te ts'i'ic' lof'epa, te ts'i'ic' loftełcopa, te ts'i'ic' lopepajnya. Aixina' ailopa'a co'huexi fa'a li'a łamats'. Tama ailopa'a co'huexi caxinghuo' acueca' o'hueca. Jouc'a aixina' te ts'i'ic' lonesc'epo' lan judío nocuapá: Ma' illanc'

ixanuc' LanDios. Ihe a'i quixanuc' LanDios, mane lefot'lepola' Satanás.

¹⁰ Linca xonca toteicocona'ma. Aimixpaij'mo'. Lonta'a joupa ixpic'epa lo'eya. Hualca lopimaye tummem'mola' lacarza, tehua'im'mola'. Imbama' quitine titelcota. Ima' ti'hua lihuejla'. Tama timitso': Alma'a'mo', aimopai'imoxi lopicuejma'. Tijoula' quimetsaico'mo' i'hua cal Cuecaj Rey. Capi'icona'mo' lopitine aimijouya.

¹¹ Naitsi nocuejpa tiquimf'ela' ile lataiqui' loya'apa cal Espíritu Santo ma mipalaic'ola' lapimaye, ihe ixanuc' LanDios, iñque lefot'lepola'. Mañiya lapimaye nafolyomma lan caitsi quileloña'. Naitsi nolijya aimimaconaya. He al Cueca' Camaya ailopa'a co'e'eya iñque.'

Itta'a ilje'e lapimaye nomana' liña' Pérgamo

¹² "Jouc'a tainil'ela' hilepaluc lapimaye nafot'lepotsi Pérgamo. To'ila': 'Fa'a tipa'a laifmipo' iya' ts'ai'hueca laicutsilo oque' lipix'ay ix'aic'iya.

¹³ Iya' quimetsaicohuo' te ts'i'ic' lof'epa. Nimetsaijma te ts'i'ic' jilpe lofpa'a. Jilpe ma ticuxe Satanás. Aixina' ima' ti'hua lihuequi, ti'hua al'huaiyinge, aicoménajyoxi. Jilpe petsi ticuxe Satanás ima'ampa lojpima Antipas, iñque ma' alinca uya'a'ma laitaiqui', u'iyale'ma naitsi iya'. Jilpe litiné aiquixpaijhuo', aicopai'i lopicuejma'.

¹⁴ Linca tipa'a oque' afane' lof'epa aimalatenlcocojma. Tolafot'leyotsi anuli lan xanuc' ituca' lomuc'iyalepa, li'ejma' ituca'. Ihe lan xanuc' tihuejyi litaiqui' Balaam, iñque imuc'i'ma Balac lo'eya ja'ni tuc'uilitisufe'mola' lan xanuc' Israel. To'ta'a ihe lan xanuc' Israel ite'me lixic' joupa itsufcompola' landiosla', jouc'a ehue'me laca'l'no'.

¹⁵ Ma' anuli tolafot'leyotsi iñiya petsi lecu'i'impola' lan nicolaita.

¹⁶ Camihuo': ¡Toxhuej'menni! Ja'ni a'i aimalcoña, cacuaita pe lofpa'a. Cafuli'icotola' iñiya lan xanuc'. Caxcai'ecotola' itta'a laicutsilo laipayomma laico.

¹⁷ Naitsi nocuejpa tiquimf'ela' ile lataiqui' loya'apa cal Espíritu Santo ma mipalaic'ola' lapimaye, ihe ixanuc' LanDios, iñque lefot'lepola'. Mañiya lapimaye nafolyomma lan caitsi quileloña'. Naitsi nolijya capi'i'ma lane titela' la'i LanDios locupa, lacui'impacal maná. Iñque lemiya ca'i, locuenaye xanuc' aiqulsina' pe lopa'a iñque cal maná. Iñque nolijya capi'i'ma jouc'a cal fujca capic. Iñque lapic tiniñijnya al ts'e caftine. Naitsi lapenufya cal fujca capic iñque linca timetsaico'ma linñiya ile al ts'e caftine, locuenaye aimixinyacu.'

Itta'a ilje'e lapimaye nomana' liña' Tiatira

18 "Tainiñ'etla' hilepaluc lapimaye nafot'lepołtsi liya' Tiatira. To'ila': 'Fa'a tipa'a laifnespa iya' i'Hua LanDios. Iya' lai'u' ti'onłcospa to lipał cunga, lai'mitsi' ti'onłcospa to mipi'em'me latejma' iñe acobre.

19 Iya' quimetsaicohuo' te ts'i'ic' lof'epa. Aixina' to'ehuale capic'a, aixina' loftoc'iyalepa, aixina' toxnet'iqui jahuay lo'ipo'. Aixina' li'ipa o'e'ma al c'a. Itsiya xonca acueca' al c'a lof'epa.

20 Linca tipa'a lof'epa aimalatenłcocojma iya'. Jiłpe tapi'i' lane łaca'no' Jezabel, iłquiya inescopoxi aprofeta. Ticua: Cuya'e' linespa LanDios. Iłque mimuc'ila' laixanuc' tifel'mila', tołta'a iñe tehueyi łacał'no', titeji lixic' joupa itsufcompola' landiosla'.

21 Iya' joupa ai'huaicopa tixhuej'menanni lo'epa nixpiya. Aiquixhuej'meya. Aiquicuac'.

22 ¡Toxinla'! Acueca' cateł'mi'ma łaca'no', ti'i'ma quicuana. Tipanehuo jiłpe lihualfa, aimi'iya mitsahueya. Iłque łaca'no' lo'epa ti'onłcospa to lan xanuc' Israel li'epa. Iñe li'ipa enajpołtsi hilenDios, ihuej'me landiosla'. Jiłpe pe lofpa'a, petsi aimixtuc'oyacu iłque łaca'no' lo'epa, iñiya cateł'mi'mola' acueca'. Tołta'a laif'e'eyacola' iñiya ja'ni aimixhuej'menammas, ja'ni aimimetsaicoyi lixcay lo'epa iłquiya łaca'no'.

23 Linaxque' łaca'no', iñe ts'ilihuequi, cama'a'mola' nulemma. Tołta'a limetsaico'ma iya' jahuay lapimaye ni petsi lafołyomma. Ti'i'ma quilsina' naitsi iya', iya' linca caxina te ts'i'ic' cal xans lipicuejma'. Petsi xonca lemiya iya' caxina. Ma to lonł'epa tołta'a ca'najtse'e'molhuo' anuli anuli.

24 Imanc' unc'ocuenaye nołmana' jiłpe liya' Tiatira, ituca' laifmiyacolhuo'. Imanc' aicolihuequi lomuc'iyalepa łaca'no'. Aicolapenufi lataiqui' lacui'impa: Lataiqui' ipime xom. He ma litaiqui' Satanás. Imanc' joupa ołsina' te ts'i'ic' licuxe'empolhuo', ailopa'a xonca caifcuxeyacolhuo'.

25 Ma le'a camilhuo': Imanc' joupa olapenufpá Lataiqui'. Ma tolihuejle. Aimolanaj'mołtsi. Tama iya' ailai'fpa'a ti'hua lihuejla', cacuaiconno.

26 Naitsi nolijya, naitsi jahuay lipepajnya ti'hua ti'ay lalatenłcocoya iya', iłque capi'i'ma limane ticuxe'mola' locuenaye xanuc', iñe petsi aimimetsaicoyi LanDios.

27 LanDios ujfxi ticuxe'mola' iñiya lan xanuc'. Ti'onłcotola' to lapixu. Tepaco'mola' anuli lapaluc ilanc'ecompa atejma'. Ti'em'mola' epi' epi'. Tołta'a laimane joupa alapi'ipa cai'Ailli', ma tołta'a limane capi'i'ma cal xans nolijya.

28 Jouc'a capi'i'ma cal xamna quili'ejma'.

29 Naitsi nocuejpa, tiquimf'etla' iłta'a lataiqui' loya'apa cal Espiritu Santo ma mipalaic'ola' lapimaye, iñe ixanuc'

ŁanDios łefot'łepola'. Małniya lapimaye nafotłyomma lan caitsi quilełotłya'.

3

Itta'a ilje'e lapimaye nomana' liłya' Sardis

¹ "Tainil'etla' łilepaluc lapimaye nafot'łepotłsi liłya' Sardis. To'ila': 'Fa'a tipa'a laifnespa iya' ts'ai'hueca lan caitsi li'Espıritu ŁanDios, jouc'a ai'nołila' lan caitsi lan xamna. Iya' quimet-saicohuo' te ts'i'ic' lof'epa. Ticuanni ima' omaf'i'. Iya' caxin-gufhuo' joupa imapo'.

² Ima' tomaf'i'ixoxi, topo'noła' cuenna. Tofaxoxi lopticuejma', to'econa'ma al c'a. Ja'ni a'i, aimi'iya mo'econaya. Jahuay lo'epa aixina' ailopa'a quetentłcocojma ŁanDios, ni anuli. Jahuay lo'epa tehue'e'.

³ Camihuo': To'nujuaitsi te ts'i'ic' lataiqui' lomepenufpa, ilē jouspa oquimf'epa. Taihuejla'. Toxhuej'menni. Ja'ni aimopo'nohuo cuenna iya' cacuaihuo to micuaihuo cal namas no'huapa lipuqui'. Toxim'ma łaxpaiqui'.

⁴ Linca jilpe Sardis timana' oquexi' afantsi loxanuc' aiquixis'mecoyotłsi. Ilne mane afujca liłpijahua'. Latentłcocojma. Le'me anuli.

⁵ Naitsi nolijya tipo'no'im'me al fujca lipijahua'. Lipuftine tipanehuo jilpe al je'e petsi linilingila' liłpuftine ilne limaf'ila'. Aicatufc'eya lipuftine. Pe lomana' cai'Ailli' y lepaluc' quema'a iya' cu'itola': Ilque cal xans tołta'a lipuftine, linca lihuequi.

⁶ Naitsi nocuejpa, tiquimf'etla' ilē lataiqui' loya'apa cal Espıritu Santo ma mipalaic'ola' lapimaye ilne ixanuc' ŁanDios, ilque łefot'łepola'. Małniya lapimaye nafotłyomma lan caitsi quilełotłya'.

Itta'a ilje'e lapimaye nomana' liłya' Filadelfia

⁷ "Tainil'etla' łilepaluc lapimaye nafot'łepotłsi Filadelfia. To'ila': 'Fa'a tipa'a laifnespa iya' ninLinca, nimPaxi. Iya' ai'hueca liyahui cal rey David. Iya' ti'hua laimane caxi'e'ma, tijouła' ailopa'a noxnifcoya. Jouc'a ti'hua laimane caxnifco'ma, tijouła' ailopa'a naxi'eya.

⁸ Iya' quimetsaicohuo' te ts'i'ic' lof'epa. Aiximpo' ilē litine, tama a'ij cueca' lopujfxi, ma ti'hua taihuejcojma laitaiqui'. Ima' aicomēnājyoxi, ti'hua lihuequi. Tołta'a jilpe lołiłya' ainexi'epa anuli al puerta. Ilē al puerta ailopa'a noxnifcoya.

⁹ Ałcuejla', cu'ilhuo' laif'eya. Jouspa' aixpic'epa lo'iyacola' ilne łefot'łepola' Satanás, ilniya infel'miyale judıo, ilne lonespa a'ij linca. Tinesyi: Ma le'a illanc' ixanuc' ŁanDios. Ilniya a'i quixanuc' ŁanDios. Ilne ticuaita pe lofpa'a, text'onłingotłai'mo' jilpe lo'mitsi'. Timetsaico'mo' iya' ai'epo' capic'a.

10 Ima' hınca oxnet'łpa, omihuequi laitaiqui' lałpalaicopa iya' laixnet'łpa. Tuya'e' toxnet'łła' jouc'a. Totiya ca'e'mo' cuenna ticuaitsi al cueca' catełcoya locuaicoya. İle latełcoya tixingufco'me lan xanuc' nomana' ni petsi li'a łamats', tehuai'i'mola'.

11 ¡Ałcuejla'! Iya' aimałcołya, cacuaicoconno. Ima' tipa'a ts'o'hueca, ile lainepi'ipo'. To'e'ela' cuenna. Ja'ni a'i aimimet-saiconyaco' ima' i'hua ŁanDios, iłque cal Cuecaj Rey.

12 Naitsi nolijya capo'no'ma nulemma jilpiya lixoute' łainenDios. Jilpe ti'onłcota to limula joupa lifayipa. Małpe al xoute' tipanehuo, aimipaya. İłque cal xans quiniłinc'e'ma afane' laftine. Quiniłinc'e'ma lipuftine łainenDios. Quiniłinc'e'ma lipuftine lipiłya' łainenDios, iłiya liłya' al ts'e quıłya' Jerusalén laimuyoya lema'a pe lopa'a łainenDios. Jouc'a quiniłinc'e'ma al ts'e laipuftine.

13 Naitsi nocuejpa, tiquimf'ela' iłta'a lataiqui' loya'apa cal Espıritu Santo ma mipalaic'ola' lapimaye ilne ixanuc' ŁanDios, iłque łefot'łepola'. Małniya lapimaye nafałyomma lan caitsi quılelołya'.

İtta'a ilje'e lapimaye nomana' liłya' Laodicea

14 "Tainil'ela' hilepaluc lapimaye nafot'lepołtsi liłya' Laodicea. To'ıta': 'Fa'a tipa'a laifnespa iya'. Iya' ninAmén. Całinc'i jahuay loxpıc'epa ŁanDios. Iya' cuya'e' al hınca, aica'eyoxi ma le'a laipicuejma'. Jahuay ŁanDios lixpıc'epa tilanc'ente ma' iya' aipangopa, ailanc'epa.

15 Iya' quimetsaicohuo' te ts'i'ic' lof'epa. Aixina' lo'ejma'. Ma' afule malihuequi. Iya' ca'onłicohuo' to laja' a'i quinu' a'i quitinuhua.

16 Ca'onłicohuo' to laja' huata caquinu'. Tołta'a caxits'ehuo', aicaxnet'łconaya, canajcuf'mo'.

17 Tocua: Iya' ai'hueca. Acueca' ile lainulijpa, ailopa'a calahue'epa. Ima' aicoxina' te ts'i'ihuo'. Ima' a'ijc'a juaiconapa lofmuyaicopa. Ima' uncueca' cuanuc', ailopa'a co'hueca, ima' umfo', tocomma um-mila.

18 Cu'ihuo' lof'eya: To'nała' iya laifcujpa. To'nała' co'oro joupa ipi'empa lipifuc, ma ipa'ampa łunga. Tołta'a ti'i'mo' ts'o'hueca. To'nała' copijahua', ile al fujca lopijahua', topo'noła'. Tołta'a aimi'ıconaya cum-mila. Aimotaiya calaic'ata. To'nała' comełxi, tomet'łıta' lo'u', tijoułta' al c'a tahuetsale'ma.

19 Jahuay laif'epola' capic'a, ja'ni ixcay lo'epa, iya' catale'mola', caxc'ai'i'mola', tipai'itsołtsi lił'ejma'. Ti'ele al c'a. Tołta'a camilhuo' anuli anuli imanc': Toxpıc'ela' lihuejla' al c'a. Toxhuej'menanni li'ipa lo'ejma'.

²⁰ ¡Ałcuejla! Joupá aicuai'ma, caja'e' fa'a al puerta. Cal xans nałquimf'eya iya' laifpalaipa, laxi'ełá' al puerta, iya' cat-sufai'ma jilpe lejut'ı, ałsmoco'me nuli.

²¹ Naitsi nolijya capi'i'ma lane ałcutsolai'me fa'a pe laifcut-suya, ałcuxe'me nuli. İque lo'iya ti'i'ma to iya' lał'ipa. Iya' ate'a ainulijpa, lijoupa aıcutsingaipa pe locutsuya cai'Aılli', ałcuxeyi.

²² Naitsi nocuejpa, tiquimf'ełá' ilta'a lataiqui' loya'apa cal Espıritu Santo ma mipalaic'ola' lapimaye ilne ixanuc' ŁanDios, ilque łefot'łepola'. Małniya lapimaye lafołyomma lan caitsi quılelołya'."'

4

¹ Lijoupa lałmipa tołta'a aiximpa jilpe lema'a tipa'a al puerta exiya. Aıcuejcona'ma ałpalaic'o. İque lopalaipa ti'onłcospa to mifus'mim'me al trompeta. İque ałmi: "Tof'acunni. To'huanni fa'a. Camuc'i'mo' lo'iya. İe laifmuc'iyaco' al linca, ma ti'i'ma."

² Małpe 'hora aixingufcopa cal Espıritu Santo ałcuxe jilpe laıpicuejma'. Jilpe lema'a aiximpa lexpats'qui li'nofquiya. Jilpe tipa'a al 'asiento acueca' to lił'asiento lan rey. İe al 'asiento tipa'a naitsi nocutsafya.

³ İque Nocutsuya li'a tocomma mane epalc'o', to lep-alc'opa lopic' liłpuftine ajaspe y acornalino. Jilpe lexpats'qui li'nofquiya canumicay tipa'a lupaje. İe lupaje tepalc'o'i axhuaica to lepalc'opa łopic' cuftine esmeralda.

⁴ Aixim'mola' anuxans malpu' lan tsilaj asiento. Ticutsaf-cołanna anuxans malujxi' lan tsilaj xanuc' noxpıjpa lataiqui'. Lexpats'qui li'nofquiya lopa'a nolojmay ilniya. İne anuxans malujxi' lan tsilaj xanuc' afujca liłpijagua'. Jilpe liłjuac anuli anuli itaic' licorona ilanc'ecompa a'oro.

⁵ Jilpe lexpats'qui li'nofquiya tıxcafi, tipalołaiyi, tuna'e'. Lihuec'ocojma lexpats'qui li'nofquiya tunaqui acaitsi lep-alalç'o', ilne lan caitsi li'Espıritu ŁanDios.

⁶ Lihuec'ocojma lexpats'qui li'nofquiya tipa'a tocomma to łaja lilanc'ecompa apulu, al c'a vidrio cuftine acristal. İe al vidrio ti'i'ma tixim'ma acajm'maica. Pe lopa'a lexpats'qui li'nofquiya, ilniya lam malpu' qui'esquina, nolojmay jilpe aixim'mola' amalujxi' lam paxi quinneja. İne imanna ca'u'. İne liłspula' jouc'a liłcu'u imanna pangay ca'u'.

⁷ Cal te'a linneja ti'onłcospa to calxmu. Locuena ti'onłcospa to cal toro. Locuena'ya li'a ti'onłcospa to li'a cal xans. Locuena'ya ti'onłcospa to cal cuecaj cui łaiyupa.

⁸ Lam malujxi' quinneja anuli anuli tipa'a acamts'us lixala'. Ihniya lixala' imanna pangay ca'u'. Jiŋpe lixpula' quiŋxala' lijuihuay tipa'a pangay ca'u'. Jouc'a licu'u quiŋxala' tipa'a pangay ca'u'. Ihniya linneja aimixospola'. Itine ipuqui' tuya'ayi:

“Apaxi, apaxi, apaxi laŋPoujna LanDios, ihquiya cal Cuecaj Rey, jahuay ticuxe.

Li'ipa ma tipa'a, itsiya tipa'a, ma' anuli ihque locuaiya.”

⁹ Ihniya lam malujxi' quinneja toŋta'a lopalaicopa LanDios. Timetsaicoyi anDios, timetsaicoyi cal Cueca'. Tix'najtsi'iyi maŋquiya Nocutsuya jiŋpe lexpats'qui li'nofquiya. Ihquiya ti'hua imaf'i', aimimaya.

¹⁰ Mipalaiyi toŋta'a ihniya linneja, lan nuxans malujxi' lan tsilaj xanuc' noxpijpa' lataiqui', texc'onŋingolaiyi lamats' ehuc'oco'me Nocutsuya jiŋpiya lexpats'qui li'nofquiya. Ihquiya imaf'i', aimimaya. Tipa'ayi liŋcorona, tipo'noyi maŋpe huejnca lexpats'qui li'nofquiya. Timiyi Nocutsuya jiŋpe:

¹¹ “Ma' ima' maŋPoujna, ma' ima' malanDios.

Ma' ima' jahuay nipajnya to'e'ma.

Ailopa'a cocuena camescoyacu toŋta'a, aimi'iya.

Ima' olanc'epola' jahuay.

Al te'a ailopa'a, ma' ima' oxpic'epa ti'ila', oxpic'epa tilanc'em'me.”

5

¹ Aixim'ma anuli al je'e ijuisquiya i'noŋ'ma al c'a quimane ihque Nocutsuya jiŋpe lexpats'qui li'nofquiya. He al je'e inihngiya jiŋpe licu'u jouc'a lixpula', acaitsi cal sello enantsi'icoya.

² Aixim'ma anuli cal cuecaj capaluc quema'a, tipalay ujfxi, ticua: “¿Naitsi ti'i'ma tits'al'ma lan sello, tuxpalaif'ma lunts'iquiya al je'e?”

³ Ailopa'a nots'aŋya lan sello, muxpalaif'ya al je'e. Ni jiŋpe lema'a ni li'a lamats' ni al 'ocay camats'.

⁴ Aijoj'ma juaiconapa. Ailopa'a noxpalaif'ya al je'e mixhueya, ni mehuelojnya. Ni anuli mi'iya.

⁵ Anuli ihniya lan tsilaj xanuc' aŋpalaic'opa, aŋmi: “Aimojoj'ma. Toxinla', jifa'a tipa'a ihque lecu'i'impa calXmu. Cal te'a hitatahuelo cuftine Judá. Ihquiya Judá jouc'a itatahuelo David. Ihque lecu'i'impa calXmu joupa ulijpa. Totŋta'a ti'i'ma tits'al'ma lan caitsi sello, tuxpalaif'ma lijuisquiya al je'e.”

⁶ Aixim'ma anuli La'huaj Moŋ tecaxu jiŋpiya. Ihque ti'onŋcospa to la'huaj moŋ hima'ampa, hitsufcompa LanDios. Tecaxu mane ehuc'ocojma lexpats'qui li'nofquiya. Lijuihuay timana' lam malujxi' lam paxi quinneja jouc'a lan nuxans malujxi' lan tsilaj xanuc'. Ihque La'huaj Moŋ tipa'a acaitsi lipecala, acaitsi li'u'.

Ihne li'u' lan caitsi li'Espíritu ŁanDios, joupá ummempola' tiyele ni petsi li'a łamats'.

⁷ Ła'hua Moł i'hua'ma, i'noł'ma lijuisquiya al je'e, ile li'noł'ma al c'a quimane itque Nocutsuya jilpe lexpats'qui li'nofquiya.

⁸ Lijou'ma li'nołpa al je'e Ła'huaj Moł, epatshuołai'me lam malujxi' lam paxi quinneja jouc'a lan nuxans malujxi' lan tsilaj xanuc', tummoc'oyi Ła'hua Moł. Iłniya lan tsilaj xanuc' anuli anuli tipa'a lił'harpa jouc'a itaic' liłtaza lilanc'ecompa a'oro, imanna lipac'ec, ile locuajmaispa loxahue'epa lixanuc' ŁanDios, iłniya i'huexi ŁanDios.

⁹⁻¹⁰ Ihne lan tsilaj xanuc' ats'e lonac'copa. Litaiqui' tuya'e':
 “Ima' joupá ima'ampo', otsufcopa lojuats', o'najtsepa liłjunac'
 lan xanuc' ni petsi liyouyomma.

Ihne lan xanuc' ituca' ituca' liłtaiqui', ituca' ituca' liłpiłya', ituca'
 ituca' liłnación.

O'epola' ixanuc' łalanDios, itque cal Cuecaj Rey.

O'epola' a'aillí, mepi'ipola' liłmane, ticuxeta li'a łamats'.

Tołiya icueya lomane, o'nołpa lijuisquiya al je'e, ti'i'ma
 tots'al'ma liello.”

¹¹ Lijou'ma aixim'mola' axpela' lapaluc' quema'a. Iłniya timana' canumicay lan tsilaj xanuc' petsi al canumicaica lam paxi quinneja, iłniya linneja tecaxhuołanna lam malpu' qui'esquina lexpats'qui li'nofquiya. Tołta'a lexpats'qui li'nofquiya lopa'a nolojmay jahuay iłniya. Axpela' axpela' iłniya lapaluc' quema'a nomana' jilpiya. Aimi'iya moxhuej'meyacola'. Aicuej'ma tipalquinni.

¹² Tipalaiyi ujfxi, ticuayi:

“Ła'hua Moł, itque ima'ampa, itsufcompa, małque ti'i'ma te-
 penuf'ma lał'alabanza.

Iłque nipajnya ti'e'ma jahuay, jahuay i'hueca, ailopa'a
 cahue'epa,

xonca acueca' lipicuejma', ailopa'a nolijya tołta'a.

Iłque xonca ipujfxi, xonca timetsaicom'me,

timetsaicoyi al Cueca' Xonca.

Iłque ma' anDios.

jAłs'najtsi'ile!”

¹³ Lijou'ma aicuej'mola' tipalquinni jahuay ts'itmaf'i' lilanc'epola' ŁanDios. Iłniya nomana' lema'a, nomana' li'a łamats', nomana' al 'ocay łamats', nomana' łaja. Ni petsi ticuayi:
 “Ałs'najtsi'ile itque Nocutsuya lexpats'qui li'nofquiya, alimet-
 saicołe cal Cueca' Xonca.

Iłque ma' anDios, jahuay ticuxe.

Ma' anuli ałs'najtsi'ile Ła'hua Moł.

Tijauhuamlaicota litine tołta'a ti'ila'.”

¹⁴ Lam malujxi' lam paxi quinneja ticuayi: “Tołta'a ti'ila'.
 Amén.”

Lan tsilaj xanuc' exc'onhingołai'me, tummoc'oyi Nocutsuya lexpats'qui li'nofquiya, jouc'a tummoc'oyi Ła'hua Moł.

6

¹ Iya' cahuelonge, aixim'ma Ła'hua Moł lits'ał'ma anuli ihniya lan caitsi sello. Aicuej'ma tipalay anuli ihne lam malujxi' lam paxi quinneja, tocomma to muna'a'ma. Ticua: “iTo'huanni!”

² Lijou'ma aixim'ma joupa icuai'ma anuli cal fujca caihuala. Łocutsafya łaihuala i'nohi lomf'ants'. Epi'im'me licorona, ipanni tulijcale. Linca ti'hua tulijcalecona'ma.

³ Ła'hua Moł lits'ałcona'ma łocuena sello, aicuej'ma tipalay łocuena ihne lam malujxi' lam paxi quinneja. Ticua: “iTo'huanni!”

⁴ Icuai'ma łocuena caihuala. Hque łaihuala ma' unxali. Hque łocutsafya epi'im'me limane ti'e'ma tifulełe lan xanuc' nomana' li'a łamats', tima'a'mołtsi anuli anuli. Epi'im'me juaiconapa itoqui licutsilo.

⁵ Lijou'ma Ła'hua Moł its'ałcona'ma łocuena sello. Tołta'a i'ipa afane' lan sello lits'ałpola'. Aicuej'ma tipalay łocuena ihne lam malujxi' lam paxi quinneja. Ticua: “iTo'huanni!”

Aixim'ma icuai'ma lumi caihuala. Hque łocutsafya łaihuala i'nohi calxpicołma.

⁶ Aicuej'ma tocomma tipalquinni jilpe nolojmay pe lomana' ihne lam malujxi' lam paxi quinneja. Ticuayi: “Linca ti'i'mola' huata cal trigo, lan cebada. Tiłof'ma liłpitali. Anuli kilo cal trigo lipitali lolijpa anuli quitine cal xans. Afane' kilo lan cebada lipitali lolijpa anuli quitine cal xans. Timanecu lan oliva laipamma caceite, jouc'a lan 'uva laipamma al vino. Ihniya aimomints'e'mola'.”

⁷ Lijou'ma Ła'hua Moł its'ałcona'ma łocuena sello. Tołta'a i'ipa amalpu' lan sello lits'ałpola'. Aicuej'ma tipalay łocuena quinneja, ticua: “iTo'huanni!”

⁸ Aixim'ma icuai'ma łefouc'o łaihuala. Tocomma ailopa'a quijuats'. Hque łocutsafya łaihuala lipuftine Lamaya. Ihuequi anuli cuftine Hades. (Tołta'a lecu'i'impá jilpe pe lomana' lamizhua.)

Hque łocutsafya łaihuala epi'im'me limane ticuxe'ma hualca li'a łamats'. Petsi petsi ticuxe'ma hualca. Ni petsi locuxeya ihque tima'a'mola' lan xanuc'. Hualca tima'aco'mola' acutsilo. Hualca tima'aco'mola' cumemma. Hualca tima'aco'mola' al cuana. Locuenaye tima'a'me lan ximalo quinneja.

⁹ Ła'hua Moł its'ałcona'ma łocuenaj sello. Tołta'a i'ipa amaque' lan sello lits'ałpola'. Aixim'mola' lił'alma lapimaye nimanapola'. Ihniya nepenufpá litaiqui' ŁanDios, uya'a'me, ihuej'me ihelataiqui'. Tołiya ixtuc'om'mola', ima'am'mola'. Ihniya lił'alma timana' al 'ocay jilpe al altar. He al altar ti'onłospa to al altar petsi titsufcoyi ŁanDios.

10 Iñiya tija'ayi ujfxi, ticuis'eyi, timiyi ÆanDios: "Ima' maŕPoujna, illanc' omozó. Ima' umPaxi, ima' unÆlinca, aimofel'miyale. ¿Te ti'hua ticol'mo'? ¿Te aimat—linc'iyaconga'? ¿Te aimotel'miyacola' iñe naŕma'aponga'? Iñe jouc'a liŕ'as xanuc' nomana' li'a łamats', ma' anuli liŕ'ejma'."

11 Anuli anuli iñiya nopalaipá toŕta'a, umim'mola' afujca liŕpijahuá'. Timila': "Tehue'e' huata. Ti'hua tulunxajle. Tixhuai'ni'mola' loŕpimaye, iñiya jouc'a imozó ÆanDios liŕPoujna. Iñiya jouc'a tima'am'mola'. Tijouŕa' tima'antsola' linca cateŕ'mi'mola' iñe ninma'ahualepá, jouc'a iñiya nima'apolhuo' imanc'."

12 Aixim'ma Æa'hua Moŕ its'aŕcona'ma łocuena sello. Toŕta'a i'ipa acamts'us lan sello lits'aŕpola'. Iŕe'ne'ma acueca' cunanto. Cal 'ora i'i'ma umi umi, tocomma to lijahua' mipo'noyi nohuotsopá. Eitojpa mut'ła i'i'ma cunxali to lajuats'.

13 Lan xamna nomana' lema'a ecangoŕenca łamats'. Iŕe li'ipola' lan xamna ti'onŕcospa to lo'iya li'as 'icux mi'hua'ma ujfxi cahua', tife'ne ĩmané al 'ec, łaxhuaica qui'as tecangoŕecu.

14 Lema'a ijuis'moxi to anuli al je'e, ijuisquim'me, ejac'e'moxi. Lijualay jouc'a łamats' isla, jahuay iñiya iŕonc'em'me. Ailopa'a quipaneya pe lopa'a al te'a.

15 Li'ipa toŕta'a jahuay lan xanuc' inulna'me. Emi'moŕtsi lunts'ejay, jouc'a emi'moŕtsi lijualay pe lopa'a lan tsilaj capic'. Iñe lan xanuc', ja'ni lan rey nocuxepá fa'a li'a łamats', ja'ni lan tsilaj xanuc', ja'ni lan tsilaj soldado nocuxepá liŕ'as soldado, ja'ni lan xanuc' ts'iŕ'hueca acueca', ja'ni acueca' quiŕpujfxi, ja'ni notahuaicopá tipa'a liŕpoujnalá, ja'ni ailopa'a quiŕpoujna, jahuay ma' anuli emi'moŕtsi.

16 Tipalaic'oyi lijualay jouc'a lan tsilaj capic', timiyi: "Tonlacangoŕenca, alamitsonga'. Aimaŕsim'monga' iŕque Nocutsuya jiŕpe lexpats'qui li'nof'quiya. Aimaŕtel'mi'monga' Æa'hua Moŕ. Iŕque ixtunni.

17 Joupa icuai'ma al Cuecaj Quitine. Iñe nulemma timuj'me liŕpoyac'. ¿Te naitsi noxnet'lya?"

7

1 Lijou'ma aixim'mola' amalujxi' lapaluc' quema'a tecaxoŕanna jiŕpe lam malpu' quiju' łamats'. Iñiya tipa'neyi łahua', aimitsufai'ma ni anuli quiju' łamats'. Aimi'hua'ma cahua' łamats'. Aimi'hua'ma cahua' łaja. Aimi'hua'ma, aimifenna ni anuli al 'ec.

2 Aixim'ma icuaico'ma ocuena capaluc' quema'a. Iŕque tiŕ'aqui pe łaipammaiyomma cal 'ora. Itaic' liŕello Æimaŕ'i' CanDios. Tijoc'ila' lam malujxi' capaluc' quema'a, iñiya petŕsi joupa epenufpá liŕmane timints'eŕe łamats', jouc'a timints'eŕe

lopa'a jilpiya. Timints'ele laja jouc'a lopa'a jilpiya. Tiplalaic'ola' ujfxi,

³ timila': "Toł'huaicołe. Aimolmints'e'me lamats' ni lopa'a jilpiya. Aimolmints'e'me ni anuli al 'ec. Ate'a lunanc'i'mola' cal sello hilepali ihniya no'epá lipenic' LanDios, itque hłPoujna. Tijoula' tołteł'mi'mola' locuenaye xanuc'."

⁴ Lijou'ma aicuej'ma tojua mimana' ihniya nepenufpá cal sello. Ixhuaitsola' amaxnuj oquej nuxans malujxij mil lan xanuc'. Liltatahueló ihniya inaxque' cal xans Israel.

⁵ Ihniya lunanc'impola' quilsello, limbamaj coquej mil ihne hłtatahuelo cuftine Judá. Locuenaye imbamaj coquej mil hłtatahuelo cuftine Rubén. Locuenaye imbamaj coquej mil hłtatahuelo cuftine Gad.

⁶ Locuenaye imbamaj coquej mil hłtatahuelo cuftine Aser. Locuenaye imbamaj coquej mil hłtatahuelo cuftine Neftalí. Locuenaye imbamaj coquej mil hłtatahuelo cuftine Manasés.

⁷ Locuenaye imbamaj coquej mil hłtatahuelo cuftine Simeón. Locuenaye imbamaj coquej mil hłtatahuelo cuftine Leví. Locuenaye imbamaj coquej mil hłtatahuelo cuftine Isacar.

⁸ Locuenaye imbamaj coquej mil hłtatahuelo cuftine Zabulón. Locuenaye imbamaj coquej mil hłtatahuelo cuftine José. Locuenaye imbamaj coquej mil hłtatahuelo cuftine Benjamín.

⁹ Lijou'ma aixim'mola' axpela' lan xanuc' efołya jilpiya. Axpela' juaiconapa, aimi'iya moxhuej'meyacola'. Ihniya quiy-ouyomma jahuay lan nación lomana' li'a lamats', jahuay hłelolıya'. Ituca' ituca' hłtatahueló, ituca' ituca' hłtaiqui'. Ihniya tecaxingolanna tehuelojnyi lexpats'qui li'nofquiya, tehuelojnyi La'huaj Moł. Afujca itoqui hłpijahua', ih'nołi hłxanghue.

¹⁰ Tiplalaiyi ujfxi, ticuayi:

"LanDios, Nocutsuya jilpe lexpats'qui li'nofquiya, jouc'a La'hua Moł, ma' ihniya alunlu'eponga'."

¹¹ Jilpe lexpats'qui li'nofquiya, canumicay, timana' jahuay lapaluc' quema'a jouc'a lan tsilaj xanuc', jouc'a lam malujxi' lam paxi quinnejá. Ihniya ixpats'colenca ilimetsaijma LanDios.

¹² Ticuayi:

"Tołta'a ti'ıla', amén.

Ma' łalanDios limetsaico'me cal Cueca', ma' itque almi'me:

'Ima' oxina' jahuay, ima' malanDios, alš'najtsi'ihuo',

ima' unCueca' Xonca, jahuay ti'i'ma to'e'ma, ima' xonca opu-jfxi, ima' aimopai'iyoxi.

Itsiya litine jouc'a locuaicoya quitine, tołta'a mopa'a.'

Tołta'a ti'ıla', amén."

¹³ Anuli ihne lan tsilaj xanuc' alicuis'epa, almi: "Ihniya lan xanuc' afujca itoqui hłpijahua', łnaitsi ihne? łPetsi quiyouy-omma?"

14 Aitalai'e'e'ma, cami: “Maipoujna, ima' oxina”. Itque ałmi'ma: “Itniya lipalyomma al cueca' catełcoya. Epajcopa liłpijahua' lijuats' lixcuajaipa Ła'huaj Moł. Tołta'a i'ipa afujca liłpijahua', aicunxalaic'.

15 ”Toliya itsiya tecaxingołanna tehuelojnyi lexpats'qui li'nofquiya pe łocutsuya ŁanDios.

Itne itine ipuqui' ti'eyi lipenic' ŁanDios jiłpe lipaxi quejut'ł.

Timanecu anuli ŁanDios, itque Nocutsuya li'nofquiya, itque ti'hua ti'e'mola' cuenna.

16 Aimunle'econayacu, aimicuiconaya quitja'.

Cal 'ora aimipi'econayacola', aimixinyacu ni tołta'a quinu'.

17 Ła'hua Moł, itque Nopa'a nolojmay laquiju' lexpats'qui li'nofquiya,

itque ti'e'mola' cuenna, tixinnola' to imot'ł, itque itPoujna.

Tileco'mola' petsi laipayomma laja', ihiya laja' tepi'ila' liłpitine aimijouya.

ŁanDios tetufc'ena'mola' lilujay itne lixanuc', aimijojconayacu.”

8

1 Ła'huaj Moł its'ałcona'ma hijoujma sello. Joupa its'ałpola' lan caitsi sello. Lijou'ma jiłpiya lema'a i-ch'ixco'mola'. Icoł'ma to nolojmay 'hora.

2 Aixim'mola' acaitsi lapaluc' quema'a. Itniya tecaxołanna tehuelojnyi jiłpe pe lopa'a ŁanDios. Ini'im'mola' acaitsi liłtrompeta. Anuli anuli i'nołi litrompeta.

3 Icuaiyunni ocuena capaluc' quema'a. Ecaxingai'ma jiłpe al altar pe lopi'eyompa łpac'ec. Itne al altar ehuc'ocojma lexpats'qui li'nof'quiya. Łapaluc' quema'a i'nołi lopi'ecompa łpac'ec, lilanc'ecompa a'oro. Epi'im'me acuecaj łpac'ec. Lepi'im'me tipi'ela' ma mixa'hueyi ŁanDios itniya i'huexi. Itne noxa'huepá, itłtaiquí itniya jouc'a łpac'ec łopipa, tif'ajyomma jiłpe al altar lilanc'ecompa a'oro.

4 Łapaluc' quema'a mejuaf'i'ma łpac'ec łicuxis tif'aqui, jouc'a tif'aqui itłtaiquí lixanuc' ŁanDios, itne noxa'huepá.

5 Lijou'ma łapaluc' quema'a i'noł'ma lopi'ecompa łpac'ec, ima'ne'ma cunsuac' lopa'a jiłpe al altar, eca'ni'ma jiłta'a lunsuac', ecangołenca łamats'. Lijou'ma tunalequi, tija'anni, tuxcuafi, ife'ne'ma inu'ma łunanto.

6 Lan caitsi lapaluc' quema'a, itniya petsi anuli anuli tipa'a liłtrompeta, i'noł'me liłtrompeta, tuna'me lan caitsi.

7 Cal te'a łapaluc' quema'a tunay litrompeta. Iyuj'ma li'ay cacui, jouc'a łunga ihuants'i cajuats'. Itque li'ay cacui iteł'mi'ma łamats'. Łamats' jouc'a cal 'ec' etełnufila' afane'. Anuli ipina'ma, tipanemma oque'. Laixhuaica pajac ipina'ma.

⁸ Locuenaj łapaluc quema'a tunay litrompeta. Tocomma to anuli hijuala lonajpa i'niym'maitsi łaja. Tołta'a anuli parte łaja i'i'ma cajuats', oquej parte a'i.

⁹ Jiłpe łaja ts'ihmaf'i' nomana' jiłpe łajuats' caja imana'mola'. Nomana' jiłpe al c'a caja timanemma ihmaf'i'. Ma tołta'a ejac'pola' lan tsilaj barco lomana' łaja.

¹⁰ Locuena łapaluc quema'a tunay litrompeta. Joupa i'ipa afantsi nunapa. Anuli cal cuecaj xamna ecangenni lema'a. Iłque cal xamna tunaqui, tocomma oli, ecangaf'caita cal panay jouc'a petsi laipayomma łajay. Tipa'a petsi licajm'maitsi, petsi a'i. (Tołta'a ja'ni anuli al pana' ixim'ma lonajpa, timanemma oque' cal panay petsi aikuixim'me tołta'a.)

¹¹ Iłque cal xamna cuftine Acuaj Ajenjo. (Ła'hua c'ec ajenjo, iłque acuá juaiconapa.) Ni petsi lecangaf'caita lonajpa cal xamna, łaja' i'ipa acuá to ajenjo. Lan xanuc' lixna'me al cua caja' imana'mola'.

¹² Locuenaj łapaluc quema'a tunay litrompeta. Joupa i'ipa amaluxi' nunapa. Luna'apa litrompeta iminscom'mola' cal 'ora, cal mut'ła, lan xamna. Cal 'ora tocomma etełnufila' afane', anuli aiquepalc'o'. Jouc'a cal mut'ła etełnufila' afane'. Anuli aiquepalc'o', oque' epalc'ola'. Jouc'a lan xamna, ja'ni anuli aiquepalc'o' oque' ti'hua tepalc'ola'. Tołta'a ma micoli litine amalpuj hora i'ipa pangay muf. Ma' anuli lipuqui'. Tipa'a amalpuj hora joupa imufc'opa, aiquepalc'ola' cal mut'ła ni lan xamna.

¹³ Lijou'ma aixim'ma anuli cal cui tiyu lema'a. Tiyu malpe pe lo'iyoya cal 'ora menac'o. Aicuejpa loya'apa, ticua: "Aijc'a lo'iya, aijc'a lo'iya, aijc'a lo'iya. Linca acuanuc'ła lan xanuc' nomana' li'a łamats'. Muna'me litrompeta locuenaye lam fantsi łapaluc' quema'a acueca' juaiconapa lo'eyacola' lan xanuc', acueca' titelco'me."

9

¹ Locuena łapaluc quema'a tunay litrompeta. Joupa i'ipa amajxi nunapá. Aiximpa anuli cal xamna joupa ecangeyomma lema'a icuai'ma li'a łamats'. Iłque cal xamna epi'impá liyahui al cuecaj pu'hua cuftine al Abismo. Jiłpiya timana' lontahue.

² Exi'e'ma al cuecaj pu'hua. Lijoupa lexi'epa tif'aqui łipicuxis ti'onłcospa to łipicuxis al cueca' capa. Iłque łicuxis tipa'ne cal 'ora, imufc'o' li'a łamats'.

³ Malpe łicuxis tipalumma lan xa'mut'ł. Ni petsi li'a łamats' icuaiyunca ihniya lan xa'mut'ł. Epi'impola' liłmane ti'ełe to lo'epa linnaispo lomana' li'a łamats'.

4 U'im'mola': "Ma le'a toŧteŧ'mitsola' lan xanuc' petsi aiŧuŧtaic' hilepali lisello ŁanDios. Al pajac, jouc'a laxhuaica lilapola, jouc'a cal ec', aimoŧteŧ'mi'mola' iŧna'a."

5 Toŧta'a iŧniya lan xa'mut'ŧ epi'impola' liŧmane titeŧ'miŧe lan xanuc' petsi aiŧuŧtaic' hilepali lisello ŁanDios. Lan xa'mut'ŧ aim-ima'a'me, ma titeŧ'mi'me. Amaque' mut'ŧa ti'hua titeŧ'mi'me lan xanuc', tummi'i'me liŧpitac'. Anuli anuli iŧiya lipitac tumlej'ma to lipumla lipitac linnaispo.

6 Iŧniya liŧin  lan xanuc' notelcop  toŧta'a tehue'me te co'iya mimayacola'. Aimixinyacu. Aimi'iya mimayacola'.

7 Iŧniya lan xa'mut'ŧ ti'onŧcospola' to laihuale joupa itats'empola' tiye'me lafuleya. Iŧtaic' liŧjuac tocomma acorona lilanc'ecompa a'oro. Liŧ'a ti'onŧcospa to li'a cal xans.

8 Liŧjuac ti'onŧcospa to liŧjuac lacaŧ'no', liŧ'ay ti'onŧcospa to li'ay calxmu.

9 Iŧtaic' liŧcoraza tocomma to lilanc'ecompa atejma'. Liŧkala' tuna'e' to lona'apa axpej carro minul'me, to mexat'ŧu'me lai- huale tinulyi tifuleta.

10 Tipa'a liŧpo ti'onŧcospa to lipo linnaispo, itaic' lipitac titeŧ'mico'me lan xanuc'. Ti'hua titeŧ'mi'me lan xanuc' amaquej mut'ŧa.

11 Tipa'a liŧrey ticuxela'. Iŧque epaluc al cuecaj pu'hua. Lipuftine ataiqui' hebreo ticua: Abad n. Ataiqui' griego ticua: Apoli n. Iŧe laŧtine lohuaŧquemma tuya'e': Iŧque te- jac'eyale.

12 Toŧta'a liŧelcopa lan xanuc' lunapa litrompeta  paluc quema'a, iŧque cal majxi. Tehue'e' locuenaye oquexi'  paluc' quema'a tunaŧe liŧtrompeta, titeŧcocona'me lan xanuc'.

13 Locuena  paluc quema'a tunay litrompeta. Joupa i'ipa acamts'us nunap . Aicuej'ma tipalquinni. Iŧe lataiqui' qui'huayomma jiŧpe lam malpu' liju' al altar lilanc'ecompa a'oro, iŧiya al altar ehuoc'ocojma pe lopa'a ŁanDios.

14 Tipalaic'o  paluc quema'a ts'i'noŧi litrompeta, iŧque cal camts'us, timi: "Tox'mastsola' lam malujxi' capaluc' quema'a iŧne liŧingohila' jiŧpe al cuecaj pana' cuŧtine  ufrates".

15 ŁanDios joupa ixpic'epa tej hora, te quitine, te mut'ŧa, te camats' tux'mas'mola' iŧniya  paluc' quema'a. Iŧne ti'huaicoyi. Itsiya joupa ixhuaita al hora. Ux'masquim'mola' tima'antsola' lan xanuc'. Aimima'anyacola' jahuay. Petsi tima'a'me anuli timanecu ts'iŧmaf'i' oquexi'.

16 Iŧne  paluc' quema'a timana' liŧsoldado ilenaŧcoŧaic' lai- huale. Uya'am'me tojua mimana', aicuej'ma. Timana' oquej maxnu mill n.

17 Toŧta'a laŧmuc'ipa ŁanDios. Aixim'mola' laihuale jouc'a no- cutsaŧcoŧanna. Iŧniya iŧjojma liŧcoraza. Timana' liŧjojma liŧcoraza unxali to  nnga, jouc'a petsi liŧjojma umi azul, jouc'a liŧjojma

ata'enca to łazufre. Liłjuac laihuale toco'ma to liłjuac lanx-muhua. Liłco tipamma cunga, quicuxis, jouc'a łazufre.

¹⁸ He laipayomma liłco laihuale, ihiya łunga, licuxis jouc'a łazufre ima'a'mola' lan xanuc'. Pe lima'am'me anuli timanecu oquexi' ts'ilmafi'.

¹⁹ Ihiya laihuale liłpo tipa'a liłjuac to hijuac łainofal. He liłjuac tipa'a liłco ticaconnila' lan xanuc'. Tołta'a acueca' lo'epa iłna'a liłco quilpo, titeł'miyaleyi juaiconapa.

²⁰ Lan xanuc' lomanemma ts'ilmafi', ihiya petsi aikuima'ala' łunga ni licuxis ni łazufre, ihiya aikuilšuej'meya li'epa. Aiquilšnesqui: "Al'epa a'ijc'a. Alłanc'epola' lalandiosla'." Ihe lan xanuc' ti'hua tihuejyi lontahue. Ti'hua texc'onłingolaiyi landiosla' lilanc'ecompola' a'oro, aplata, abronce, apic o a'ec. Iłna'a lacui'impola' landiosla' aimi'iya mixinyacu, aimi'iya miquimf'eyacu, aimi'iya miyeyacu.

²¹ Jouc'a ti'hua tima'ahualeyi, ti'hua tilotsocoyołtsi, ti'hua tehueyi quilecal'no', ti'hua tinantseyi. Ihe aikuilšuej'meya li'epa tołta'a.

10

¹ Aixim'ma ocuena capaluc quema'a, xonca ipujfxi, timuyomma lema'a. Iju'icoya cummahuay. Tipo'nof'iya lijuac anuli lupaje. Li'a ti'onłcospa to cal 'ora tunts'ifqui. Li'mitsi' tocomma to lipal cunga to munaj'ma al puc'o c'ec.

² I'nołi limane to la'hua je'e uxmalaił'quiya. Al c'a camane li'mis tecaxc'o łaja, lipoxa camane qui'mis tecaxu łamats'.

³ Ipalai'ma ułfxi tocomma to mija'a'ma calxmu. Lipalai'ma jouc'a una'a'mola' lan caitsi quetumi.

⁴ Luna'apola' lan caitsi quetumi colá' quinił'ma loya'apa iłniya. Aicaininili. Aicuej'ma tipalay anuli nopa'a lema'a. Alłmi: "Aimainiłijm'ma linespa lan caitsi letumi. Aimo'itola' lan xanuc'."

⁵ Lijou'ma łapaluc quema'a, małque łaiximpa tecaxc'o łaja tecaxu łamats', i'nif'ma al toncay al c'a quimane, enas'ma lema'a.

⁶ Icuaj'mi'ma lipuřtine Limafi' CanDios, iłque aimimaya, małque Nilanc'epa lema'a y jahuay lopa'a jilpiya. Jouc'a ilanc'epa li'a łamats', łaja y jahuay lopa'a. Ticua łapaluc quema'a: "Aimicołconaya.

⁷ Ai'a tuna'a'ma litrompeta lijujma capaluc quema'a, iłque cal caitsi, ti'i'ma to loya'apa lemiya cataiqui' iłe lonescopa lixplic'epa LanDios. He lataiqui' LanDios joupa u'ipola' liprofeta, iłniya no'epá lipenic' iłque liłPoujna."

⁸ Iłque tipalay jilpe lema'a joupa aicuej'ma tipalqui. Małque alpalai'conapa, alłmi: "To'huala'. To'nołta al je'e

loxmalaif'quiya jilpe limane lapaluc quema'a, ilque tecaxc'o laja tecaxu lamats'."

⁹ Ai'huahuo'ma. Cacuaitsi pe lopa'a lapaluc quema'a, cami: "Añi'ila' la'hua je'e". Añmi: "To'noña', totela'. Moteja toxim'ma ani'i to al kujua. Ticuaitsi locu'u ti'i'ma acuá."

¹⁰ Ai'no'l'ma la'huaj je'e lopa'a limane lapaluc quema'a. Ai'nico'ma laico, aite'ma. Laico i'i'ma ani'i to al kujua. Lijou'ma lainuc'ma laicu'u i'i'ma acuá.

¹¹ Lijou'ma añmim'ma: "Toya'acona'ma loxpicepa ÆanDios. Tonesco'mola' lan xanuc' ituca' ituca' hileloña', ituca' ituca' liñación, ituca' ituca' liñtaiqui'. Jouc'a topalaico'mola' axpela' lan rey."

11

¹ Añmim'ma al jaxa to al 'ec loxpijcompa. Añmi: "Totsahuenni. Toxpijta lipaxi quejut' ÆanDios. Toxpijta jouc'a jilpe al altar lopi'eyompa lipac'ec. Toxhuej'metola' jilpiya laxc'onñingoñanna.

² Lipuna jilpe lipaxi quejut' ÆanDios aimoxpijta. Luna a'ij paxi, ile il'huexi locuenaye lan xanuc'. Iñiya tetets'i'me al Paxi Quiña', ticuxenai'i'me lixanuc' ile liña' oquej nuxans coquej mut'la.

³ Oquexi' laixanuc' lapalaicopa iya', capi'i'imola' quitmane tuya'a'me laitaiqui'. Tipo'no'me liñpiahua' umi. Imbamaj coquej maxnu afanej nuxans quitiné tuya'a'me al cueca' laixpic'epa ca'e'ma."

⁴ Iñiya ti'onñospola' to loque' lan 'ec' olivo, jouc'a ti'onñospola' to loque' lepalc'o lacaxoñanna pe lopa'a ÆanDios ilque aPoujna jahuay li'a lamats'.

⁵ Ja'ni naitsi tixpic'ela' tixcai'etsola' iñiya loquexi' lan xanuc', tipahuo cunga liñco, ilque ñunga tima'a'ma no'eya lixcay. Toña'a tite'l'mim'mola', tima'am'mola' petsi naixtuc'opá.

⁶ Iñiya loquexi' lan xanuc' epi'impola' liñmane teti'i'me lema'a, aimicuiconaya. Litiné muya'ayi iñiya lixpicepa ÆanDios, muya'ayi lo'eya, jahuay ilne litiné aimicuiconaya. Jouc'a epi'impola' liñmane tipai'ile laja', ti'ila'ajuats'. Jouc'a tite'l'mile lamats', tepi'inñe ni tintsu cuana. Iñiya, litine tixpic'ele ti'ele toña'a, ti'i'ma ti'e'me, tijouña' ti'econa'me.

⁷ Iñiya loquexi' nopalaicopá Jesucristo, tijou'neña' loya'apa ticuaihuo cal Cuecaj Quinneja laipayomma al cuecaj pu'hua lacui'impá al Abismo. Iñe linneja tifule'ma, tulij'mola', tima'a'mola'.

⁸ Liñcuerpo timanecu jilpe ñanya al Cuecaj Quiña'. Jilpe liña' jouc'a tecui'inni liña' Sodoma, o lamats' Egipto. Lixanuc' liñ'ejma' ti'onñospa to liñ'ejma' lan xanuc' nimajmpá liña' Sodoma jouc'a lamats' Egipto. Mañpiya liña' jouc'a ima'a'me lapoujna, epañts'ijmpa lancruz.

⁹ Jilpiya timana' lan xanuc' quiyoyomma ni petsi li'a lamats', ituca' ituca' litatahueló, ituca' ituca' litaiqui', ituca' ituca' línación. Iñiya lan xanuc' afane' quitine y onłca tehuelojnyi iñiya nomapola'. Ticua: "Aimalapi'iyacola' lane meminy-acola".

¹⁰ Lan xanuc' nomana' li'a lamats' tixoc'iyoltsi quileta. Ti'eyi liłjuic, tepi'iyoltsi. Ticuayi: "Joupa imapola' iñiya loquexi' lam profeta. Aimałtel'miconayaconga'. Aimałmiconayaconga': Tołta'a lixpıc'epa LanDios."

¹¹ Tijoutsi lam fane' quitine y onłca LanDios imaf'i'ina'mola' iñe loquexi' nomapola', ecaxołcona'me. Petsi nehuelojmpá ixpailij'mola' juaiconapa.

¹² Iñe loquexi' limaf'i'ina'polo' icuej'me tipalay ujfxi pu'hua lema'a, timila': "Tołf'ajcunca fa'a". Ma mehuelojnyi naixtulepá anuli lumahuay if'ac'e'mola' lema'a.

¹³ Małe 'hora inu'ma acueca' cunanto. Etełnufipa liłya' imbama'. Anuli ecangenni. Iłque łunanto ima'a'mola' acaitsij mil lan xanuc'. Petsi nomanemma ts'ılmafi' iñiya ixpailij'mola' juaiconapa. Imetsaicoco'me ma' acueca' LanDios Nopa'a lema'a.

¹⁴ Tołta'a litełcopa lan xanuc' luna'apa litrompeta łocuena łapaluc quema'a, iłque cal camts'us. Tehue'e' łocuena'ya łapaluc quema'a tuna'ala' litrompeta, titełcocona'me lan xanuc'. Iłe lo'iya aimicołya.

¹⁵ Łocuena łapaluc quema'a tunay litrompeta, iłque cal caitsi. Jilpe lema'a tipalaiyinni ujfxi, ticuayi:

"Itsiya i'ipa, itsiya łalanDios y liCristo ticuxeyi jahuay li'a lamats'.

Cristo ti'hua ticuxe'ma, aimijouya locuxeya."

¹⁶ Lan nuxans malujxi' lan tsilaj xanuc' nomana' lehuoc'ocojma LanDios ticutsołanna. Anuli anuli ticutso lipexpats'qui li'nofquiya, jahuay iñiya ixpats'olai'me, imetsaicoco'me LanDios cal Cueca' Xonca.

¹⁷ Timiyi:

"Ima' manDios, ima' małPoujna, ima' xonca uncueca', tocuxe jahuay.

Ima' ma' itsiya topa'a, topa'a li'ipa.

Itsiya ałs'najtsi'ihuo', ima' ałmuc'iponga' acueca' lomane, tocuxe jahuay.

¹⁸ Lan xanuc' pe aiquimetsaicohuo' tixtuc'ohuo', icuai'ma litine toteł'mi'mola'.

Limanapola' tefot'le'moltsi pe lołpa'a ima' iłJuez, tepi'i'mola' liłjunac'.

Jouc'a lam profeta iñe ni'epá lopenic' ima' iłPoujna, tapi'i'mola' lolijyacu.

Ma' anuli tapi'i'mola' loxanuc' ihne o'huexi ima', mañe petsi naihuejcopo' tapi'i'mola' lolijyacu.

Ja'ni lan tsocay, ja'ni lan tsilaj xanuc', tapi'i'mola' lolijyacu.

Petsi netelpa lamats' totel'mi'mola' tejac'em'mola'."

¹⁹ Exi'em'me al Paxi Lugar pu'hua lema'a pe lopa'a LanDios. I'huáqui jilpiya al caxax. Jilpe al caxax ipo'nompa lapiç' linilingiya lataiqui' lixpici'epa LanDios lo'eyacu lixanuc'. Mañe 'hora ipango'ma tixcaflay, iquimf'em'me tipalquinni, tunalequi. Inu'ma ñananto. Juaiconapa icui'ma qui'ay cacui.

12

¹ Lijou'ma i'huájtsi jilpe lema'a acueca' y axpaiqui'. Jilpe imaxcaita anuli ñaca'no', ijui'icoya lipepañ cal 'ora. Cal mut'ña tipa'a al 'ocay li'mitsi'. Lijuaç tipa'a licorona imbamaj coque' lan xamna.

² Innay ñaca'no'. Joupa tumlec'o, tipo'no'ma li'hua. Tija'e'.

³ Lijou'ma i'huájtsi jilpe lema'a ocuenay'a acueca' caxpaiqui'. Ipiya tipa'a anuli cal cuecaj coyac' quinnejá to cal cuecaj caimu. Tipa'a ñixala'. Linnejá cuftine cal Dragón. Iñque cal dragón unxali to ñunga. Tipa'a acaitsi ñijuac, imbama' lipecala'. Lijuaç tipa'a acaitsi lan tsocay quicorona.

⁴ Lipo texat'ñucola' lan xamna nomana' lema'a. Afantsi lan xamna texat'ñuhua anuli. Teca'nila' lamats'.

Cal dragón ecaxingai'ma ñaca'no' nopo'noya qui'hua. Tipajntsi li'hua tite'ma.

⁵ Ñaca'no' umof'ma. Ipajntsi li'hua amijcano. Iñque ticuxe'mola' lan xanuc' nomana' li'a lamats'. Ipujfxi ticuxe'mola'.

Li'hua ñaca'no' exic'e'empa, ilecom'me al toncay lema'a pe lopa'a LanDios, ilecom'me jilpe pe lopa'a lexpats'qui li'nof'quiya.

⁶ Ñaca'no' inu'ma pe ailopa'a quiñya'. Jilpe LanDios lilanc'epa lopanc'eya. Tipajnta imbamaj coque maxnu afanej nuxans quitine. Jilpe tites'minna.

⁷ Lijou'ma jilpe lema'a aixim'ma lipango'ma al cuecaj cafulaya. Cal cuecaj capaluc quema'a cuftine Miguel y liñ'as capaluc' quema'a jouc'a cal dragón y lipontahue tifuli'iyofñtsi.

⁸ Cal dragón y lipontahue ailopa'a quiñpujfxi, aiculij'me. Ipiya lema'a aimimajñconayacu.

⁹ Ipa'am'me jilpiya cal cuecaj dragón, ñainofañ nopa'a al te'a. Iñque ñecui'impa loque' lipuftine: Ñonta'a, jouc'a Satanás. Tifel'mila' lan xanuc' ni petsi nomana' li'a lamats'. Ihne cal dragón y lipontahue eca'nim'mola', icuaitsa li'a lamats'.

¹⁰ Aicuej'ma tipalquinni ujfxi jilpiya lema'a, ticua:

"Itsiya ñinca imuj'moxi nulemma ñalanDios, mañque Lalunñ'eponga', iñque acueca' lo'epa, ticuxe.

Jouc'a liCristo imuj'moxi icueya limane.

Joupa eca'nimpa lonta'a Satanás, ticufquila' lapimaye.
Ipuqui' itine tipalaic'o LanDios, ticuxecola'.

¹¹ La'huaj Moł joupa ixcuajaipa lijuats', tołta'a lapimaye joupa ulijpá.

LanDios aiqiquimf'e lonescopola' lonta'a.

Joupa ilaitsufcola' ihne nuya'apá litaiqui',
ihne aiqixim'me acuanuc' liłpitine, icu'mołtsi, ima'am'mola'.

¹² Tixojla' cunlata jahuay imanc' nołmana' lema'a, jilpiya ailopa'a lonta'a y lipontahue.

Linca ituca' lo'iyoya łamats' y łaja.

Jilpiya ti'i'ma acueca' latełcoya, lonta'a joupa imumma,
juaiconapa tixtu'hua, ixina' ahuata ticol'ma.

¹³ Cal dragón liximpxi joupa ecangemma, tipa'a li'a łamats',
ipango'ma ihuejtsoj'ma łaca'no', ilque nipo'nopa łamijcano.

¹⁴ Ipo'no'im'me łaca'no' oque' łixala' to łixala' cal cuecaj
cui, tiyuła' pe lopanc'eya, jilpiya pe ailopa'a quilya'. Jilpe
tites'minni afanej y onłca camats'. Łainofał aimixinya.

¹⁵ Lixpula' łaca'no' inacafipa caja' łainofał, tocomma acuecaj
pana', ticua: "Iłiya al pana' nulemma tinus'ma łaca'no'".

¹⁶ Łamats' itoc'i'ma łaca'no'. Epanni łamats', inuc'ma łaja'
laipamma lico łainofał.

¹⁷ Cal dragón, ixtuc'o'ma łaca'no'. I'hua'ma ehuetsole' locue-
naye linaxque' łaca'no', ihne nocuec'epá locuxepa LanDios,
tuya'ayi litaiqui' Jesús, ihuej'me ilque.

¹⁸ Cal dragón ecaxhuai'ma łema caja.

13

¹ Aixim'ma anuli cal cuecaj coyac' quinneja ipamma jilpe
łaja. Tipa'a acaitsi lijuac, imbama' łipecala'. Łipecala' timana'
imbama' lan tsocay corona. Anuli anuli lijuac inilingsiya anuli
łaftine. Ihne łaftine tetets'iyi LanDios.

² Ilque cal cuecaj coyac' quinneja łaixim'ma ti'onłcospa to cal
tigre. Li'mitsi' ti'onłcospa to li'mitsi' cal oso, lico ti'onłcospa to
lico calxmu. Cal dragón łacaxuya łema caja epi'i'ma acueca'
quimane cal cuecaj coyac' quinneja. Tepi'i' lane ti'i'ma ti'e'ma
al cueca', a'ujfxi ticuxe'ma.

³ Aixim'ma cal cuecaj coyac' quinneja anuli lijuac tocomma
imac', to ima'acompa acutsilo. Lijou'ma lixcaipa ixalconapa,
imaf'inapa iłiya lijuac. Jahuay lan xanuc' nomana' li'a łamats'
ticuayi acueca' li'ipa cal cuecaj coyac' quinneja, tihuejyi.

⁴ Texc'onłngolaiyi cal dragón, ilque łepi'ipa limane cal cuecaj
coyac' quinneja. Jouc'a texc'onłngolaiyi cal cuecaj coyac'
quinneja, ticuayi: "Ailopa'a co'onłcoya cal cuecaj quinneja.
Aimi'iya muliyacu."

5 Cal cuecaj quinnejá epi'im'me lane tipalaila' atsilaj cataiquí, tinesla' latets'icopa ŁanDios. Epi'impá lane ticuxe'ma oquej nuxans coque' mut'la.

6 Ipango'ma inesc'e'ma ŁanDios. Tetets'i lipuftine ŁanDios, tetets'i pe lopa'a ŁanDios, tetets'ila' nomana' jilpe lema'a.

7 Epi'impá lane tifuli'itsola' lixanuc' ŁanDios, ihniya i'huexi ŁanDios, tulij'mola'. Epi'im'me limane ticuxetsola' jahuay locuenaye lan xanuc', ilne ituca' ituca' liłtatahueló, ituca' ituca' liłtaiqui', ituca' ituca' liłnación.

8 Ihniya lan xanuc' nomana' ni petsi li'a łamats' texc'onłingołai'me cal cuecaj quinnejá. Ihniya petsi naxc'onłingołaiyacu liłpuftine aiłquiniligiya lije'e Ła'huaj Moł. Ilque Ła'huaj Moł lilajmpa li'a łamats' tocomma to joupa ima'ampa, itsufcompa.

9 Naitsi nocuejpa tiquimf'ela' lataiqui' loya'apa:

10 “Ja'ni joupa ixpic'empa titats'entso' o tima'acontso' acutsilo, ma titats'enno', tima'aconno' acutsilo”.

Mitelcoyi tołta'a ilne petsi i'huexi ŁanDios, ihniya timujyołtsi ti'huaiyijnyi ŁanDios, tixnet'ime.

11 Aixim'ma ocuena cal cuecaj coyac' quinnejá, tipayomma łamats'. Tipa'a oquej lipecala' to lipecala' la'huaj moł. Tipalay to cal dragón.

12 Tipa'a acueca' limane to limane cal te'a' cal cuecaj coyac' quinnejá. Mehuelonge cal te'a' quinnejá ma' anuli lo'epa locuena. Ticuxela' nomana' li'a łamats' texc'onłingołaihe cal te'a' cal cuecaj coyac' quinnejá, ilque lixałconapa lixcaipa, imaf'inapa.

13 Timuc'ila' lan xanuc' al cueca' lo'epa. Tijoc'i' tecangenni łunga lema'a, ticuaiyunni łamats'.

14 Lijoupa lepi'icompá limane ti'ela' al cueca'. Tołta'a ti'ay ma mehuelonge li'as quinnejá. Tifel'mila' lan xanuc' nomana' li'a łamats'. Timila': “Tołhanc'ele anuli łolandios, ti'onłcota to ilque cal cuecaj coyac' quinnejá. Ilque ima'acompa acutsilo, ijou'ma imaf'ina'ma.”

15 Ilanc'epá liłendios. Lijou'ma epi'impá limane locuenaj cal coyac' quinnejá timaf'i'ila' liłendios, tipalaila', ticuxela'. Ticua: “Petsi aimexc'onłingołaiyi cal cuecaj coyac' quinnejá tima'antsola”.

16 Locuena quinnejá ticuxe'ela' jahuay lan xanuc' tepen-ufle quılseña al c'a quılmane o liłepali. Ticuxe ti'e'entsola' jahuay lan xanuc', lan tsocay jouc'a lan tsila', petsi ts'if'hueca jouc'a petsi aiłquif'hueca, petsi aiłopa'a quılpojna, ti'eyi canic' quıltuca', jouc'a lam mozó ilne tipa'a liłpojna. Ma' anuli ipo'ninc'e'em'mola' quılseña.

17 He liłseña tepi'ila' lane ti'na'me, ticuj'me. Petsi ailopa'a quılseña aimi'iya mi'najacu, aimi'iya micujyacu. He al seña ipuftine cal coyac' quinneja o linúmero.

18 ¡Tołcuc'e!e! Naitsi iłque ts'ipicuejma' tixhuej'meła' linúmero cal cuecaj coyac' quinneja. He al número inúmero xans, a'i quinúmero LanDios. Acamts'us maxnu afanej nuxans camts'us, 666, iłe linúmero cal cuecaj coyac' quinneja.

14

1 Lijou'ma aixim'mola' Ła'hua Moł jouc'a anulij maxnu oquej nuxans malujxij mil lan xanuc' tecaxhuołanna jilpe lijuala cuftine Sión. Iłne lam maxnu oquej nuxans malujxij mil lan xanuc' tiniłijnya hilepali iłtaic' lipuftine Ła'huaj Moł jouc'a lipuftine qui'Ailli'.

2 Aicuej'ma jilpe lema'a petsi lonapa lił'harpa. Aicuej'ma tuna'e' juaiconapa to mipahuo laja' axpe' cal panay o to muna'a'ma łetumi.

3 Iłne petsi nonapá lił'harpa timana' jilpe lehuoc'ocojma' lexpats'qui li'nof'quiya, lehuoc'ocojma' pe lomana' lam malujxi' lam paxi quinneja, lehuoc'ocojma' pe lomana' lan tsilaj xanuc'. Jilpe tunac'yi al ts'e canción, ituca'. A'i jahuay lan xanuc' mihuic'iyacu iłiya al ts'e canción. Tihuic'i'me ma le'a lam maxnu oquej nuxans malujxij mil lan xanuc', iłne li'napola' LanDios, i'epola' ixanuc'.

4 Iłne aiqulixis'mecoyołtsi, aiqulihuequi lacał'no'. Ti'onłcospola' to lamijcanó, ma tihuejyi Ła'huaj Moł ni petsi lotseya. I'napola', joupa ixanuc' LanDios. Aimi'onłspola' to locuenaye lan xanuc' nomana' li'a łamats'. LanDios jouc'a Ła'huaj Moł epenuf'mola' to cal te'a lipammaita litsufcompa.

5 Iłniya aimifel'miyaleyi. Tinesyi ma le'a al linca. Ailopa'a quıljunac'.

6 Aixim'ma anuli łapaluc quema'a tiyu małpe locuaiya cal 'ora ti'ıla' menac'o. Iłque tuya'e' Lataiqui' loya'apa iłe al c'a lixpicepa LanDios. Małe Lataiqui' aimipaicoya. Tuya'e' ticuejle jahuay lan xanuc' nomana' ni petsi li'a łamats'. Iłne lan xanuc' ituca' ituca' liłnación, ituca' ituca' liłtatahueló, tipalaiyi ituca' ituca' liłtaiqui', ituca' ituca' liłpifelotya'.

7 Łapaluc quema'a tipalay ujfxi, timila': "Imanc', tolimet-saicołe LanDios. Tołmiłe: Ma' ima' cotuca' manDios. Joupa icuai'ma litine, tipango'ma lipenic' cal Cuecaj Juez. Iłque ilanc'epa lema'a, li'a łamats', laja, jouc'a ilanc'epa laipayomma łajay. ¡Tolaxc'onłingotai!e!"

8 Iłhuequi łocuena capaluc quema'a ticua: "Al cuecaj quılta' Babilonia joupa ecangemma nulemma etełquemma. Liłta' ti'onłcospa to lixcay caca'no', tifel'mila' lan xanuc' ni petsi

linación. Ine lan xanuc' tihuejyi to lamac'ta quisnaye. Linca LanDios joupa itel'mipa liya'."

9-10 Tihuequi locuena capaluc quema'a, lo'icoya afantsi. Tupalay ujfxi, ticua: "Lan xanuc' joupa exc'onlingo'laipá cal cuecaj coyac' quinneja jouc'a cal imagen lilanc'epa lan xanuc'. Ique cal imagen lo'onlcospa to ilque linneja. Mañiya lan xanuc' nexc'onlingo'laipá to'ta'a itaic' hilepali o linmane quitseña. Iniya a'i muntu'enyacola'. Tixim'me ma tixtuc'ola' cal Cuecaj CanDios. Aimixinyacola' acuanuc'la. Titel'mico'mola' ipa' cunga y azufre. Lam paxi capaluc' quema'a jouc'a La'huaj Mo' tixinin'mola' mite'coyi. Aimitoc'inyacola'.

11 Ipiya lotel'coyopa ile lunga hipicuxis ti'hua tif'aqui, aimipica lunga. Petsi notel'copá jilpiya aimunxajyi, ipuqui' itine ti'hua titel'coyi. To'ta'a titel'co'me petsi naxc'onlingo'laipá cal cuecaj coyac' quinneja, jouc'a naxc'onlingo'laipá cal imagen, ilque lo'onlcospa to ilque linneja. Mañiya lan xanuc' epenufpá litseña, ile linúmero cal cuecaj coyac' quinneja."

12 Linca lixanuc' LanDios, ine hi'huexi, ituca' lo'eyacu. Ine tihuejcoyi locuxepa LanDios, ti'hua ti'huaiyijnyi Jesús.

13 Aicuej'ma anuli tupalay jipu'hua lema'a, ałmi: "Taini'la' laifmipo': Itsiya ipangocopa tixoj'ma quileta jilne limanapola' mi'huaiyijnyi la'Poujna Jesús." Cal Espiritu Santo ticua: "Al linca locuapa. Ine aimi'econayacu canic'. Tunxajyi. LanDios ti'nujuaitsila' al c'a li'epa mimana' li'a lamats'."

14 Ma cahuelonge aixim'ma anuli cal fujca cummahuay. Jilpe hummahuay ticutsafya anuli ti'onlcospa to cal xans. Ipe hijuac itaic' licorona ilanc'ecompa a'oro. Limane inic' li'hoz juaiconapa ix'ay.

15 Locuenaj capaluc quema'a quipayonni al paxi quejut'ł LanDios. Tupalay ujfxi. Tivalaic'o locutsafya hummahuay, timi: "Ipe lamats' tacanc'ola' lo'hoz. Tatejla' cal trigo. Cal trigo lopa'a li'a lamats' joupa unta'amma, ixhuaita litine cafot'leya, tatejla'."

16 Locutsafya hummahuay tecanc'o' li'hoz, tetequi cal trigo lopa'a jilpiya li'a lamats'.

17 Ipanni locuena capaluc quema'a qui'huayomma al paxi quejut'ł LanDios, ile lajut'ł lopa'a lema'a. Jouc'a inic' li'hoz juaiconapa ix'ay.

18 Locuena capaluc quema'a ipanni jilpe pe lopa'a al altar. Ique lapaluc quema'a ticuxe lunga. Tupalay ujfxi, tivalaic'o hif'as capaluc quema'a, ilque inic' li'hoz. Timi: "Tacanc'ola' lo'hoz, ile ix'ay. Tatejla' hixcala' uva lopa'a jilpe li'a lamats'. Joupa imajpa."

19 Lapaluc quema'a tecanc'o' li'hoz jilpe li'a lamats'. Tetequi ine hixcala' uva, tefot'le lan uva, ti'nij'mi jilpiya al cueca' lox-

ojyoya, tipa'am'me lijya'. Jilpiya loxojoya timuj'ma lipoyac' ÆanDios.

²⁰ Tipa'a lema quilya' petsi loxojoya lan uva. Ipe i'huailejyompa. Ipanni lajuats' to al cuecaj pana'. Lipitoqui linu'ma ihiya lajuats' tixhuaispa anulij mil acamts'us maxnu estadio. (Ihiya al estadio loxpijcopa lan xanuc' mimana' ihiya litiné. Anulij mil acamts'us maxnu lan estadio tixhuaispa to oquej maxnu malpuj nuxans paico lan kilómetro.) Lipiculhuo ipe lajuats' tuntsac'aispa liico laihuale.

15

¹ Aixingona'ma ipe al cueca' caxpaiqui' jilpe lema'a. Timana' acaitsi lapaluc' quema'a itaic' lan caitsi cateicoya. Ine lijoucola' lateicoya. Tijoutsola' ina'a lateicoya, ÆanDios joupa ixhuai'nipa lipoyac'.

² Aixim'ma tocomma to laja ilanc'ecompa apulu ihuants'i' cunga. Ipe laja lilanc'ecompa apulu tecaxolanna lan xanuc' nulijpá cal cuecaj coyac' quinnejá. Ine aikuexc'onlingolai'me cal imagen lilanc'epa lan xanuc', ilque ti'onlicospa to finneja. Ine aikuilitaic' quikseña. Ipe al seña inúmero cal cuecaj coyac' quinnejá. Tuya'e' te ts'i'ic' lipuftine. Itaic' li'harpa lepi'ipola' ÆanDios.

³ Tunac'yi ihiya lunac'pa Moisés, ilque i'epa lipenic' hiPoujna ÆanDios. Ipe al canción ma' anuli licanción Æa'huaj Moł. Timiyi ÆanDios:

“Acuecaj y axpaiqui' lof'epa ima' malanDios.

Ima' małPoujna, ima' unCuecaj, tocuxela' jahuay lan xanuc'.

Ima' to'ay ma le'a al c'a, ma le'a al hijca.

⁴ ¿Ja'ni tipa'a petsi aimixpaic'eyaco'?

¿Ja'ni tipa'a petsi aimixinyaco' unCuecaj, ima' manDios?

Ailopa'a.

Linca ma' ima' cotuca' umPaxi, omujpxoxi ac'a, alijca lofxpic'epa.

Jahuay timetsaicoco'mo', texc'onlingai'mo'.”

⁵ Lijou'ma aixim'ma jilpe lema'a exiya al Paxi Lugar pe lopa'a ÆanDios. Jilpe ti'onlicospa to li'huec'empa lan tsilaj capic' linilingimpola' hataiquí loya'apa locuxepa ÆanDios.

⁶ Jilpe al Paxi Lugar ipalunca acaitsi lapaluc' quema'a. Ine lan caitsi lapaluc' quema'a epi'impola' liłmane titeł'mim'mola' lan xanuc'. Liłpijhua' lilanc'ecompa alino afujca, aicunxalaic'. Tipa'a ts'ifli'ejma hilunxajma', ilanc'ecompa a'oro.

⁷ Anuli lam malujxi' lam paxi quinnejá tepi'ila' lan caitsi capaluc' quema'a quilitaza lilanc'ecompa a'oro. Ine lan taza imanna lipoyac' ÆanDios. Ique Limaf'i' CanDios, aimimaya. (Tixcua'ale anuli anuli lan taza lan xanuc' tixim'me lipoyac' ÆanDios.)

⁸ Lipalumma lapaluc' quema'a jilpe al Paxi Lugar, LanDios imuj'moxi ma' anDios, imuj'moxi acueca' lo'epa. Totiya al Paxi Lugar imantsi quicuxis. Ma mitei'minnila' lan xanuc' lan caitsi lapaluc' quema'a, aimi'iya mitsulfaiconayacu jilpe.

16

¹ Aicuej'ma tipalquinni ujfxi jilpe al Paxi Lugar. Timila' lan caitsi capaluc' quema'a: "Tonlele. Toluhuate lohtazá ihne imanna lipoyac' LanDios. Tołscujajitsa jilpe li'a lamats'."

² Cal te'a capaluc' quema'a ipanni, ixcuajajitsi ilpe lamats'. Lan xanuc' ts'iltaic' liseña cal cuecaj coyac' quinnejá, małniya nexc'onlingolaipá cal imagen, ilque ti'onłcospa to linnejá, ihniya i'i'mola' quilehui, etefcai'itsola' quixcay cahui acueca' cumla.

³ Łocuena capaluc' quema'a tixcuajay ixcua'fipa łaja. Łaja i'i'ma cajuats', tocomma to łimac' xans lijuats'. Jahuay nomana' jilpe łaja ima'mola'.

⁴ Łocuena capaluc' quema'a ixcua'mipa cal panay jouc'a laipayomma łajay. Jilpiya cal panay y łajay i'i'ma cajuats'.

⁵ Aicuej'ma tipalay łapaluc' quema'a nocuxepa łajay, timi:

"Ima' manDios, ima' topa'a itsiya, topa'a li'ipa.

Ima' alijca lof'epa, alijca toteł'mila' lan xanuc'.

⁶ Ihne nima'apá loxanuc' o'huexi.

Ima'a'me loprofeta nuya'apá lofxcpic'epa.

Ixcái'e'me loxanuc', ic'ejai'epa lijuats'.

Ima' o'epa łijca, łaja' joupá ipaicopa, i'ipa cajuats'.

Ihniya tixnate ihniya lajuats'."

⁷ Aicuej'ma tipalquinni jilpiya al altar. Timiyi LanDios:

"Ima' manDios, ima' alPoujna.

Mane ac'a lof'epa, mane alijca toteł'miyale."

⁸ Łocuena capaluc' quema'a ixcua'fipa cal 'ora. Tołta'a cal 'ora tipi'e'mola' lan xanuc' to mipi'ennila' łunga.

⁹ I'i'ma quinu' juaiconapa, ipi'e'mola' lan xanuc', emix'mola'. Lan xanuc' inesc'e'me quixcay cataiqui' LanDios. Timetsaicoyi ma' ilque ticuxe'e titeł'mintsola' tołta'a. Aimisuej'memma, ni mimiya LanDios: "Al'epá quixcay. Ima' manDios, ima' unCueca'."

¹⁰ Łocuena capaluc' quema'a, ilque cal majxi, ixcua'fipa pe lopa'a cal cueca' coyac' quinnejá micutsuya ticuxe. Petsi locuxeyopa imufc'o'ma, i'ipa muf juaiconapa. Lan xanuc' jilpe nomana' titełcoyi juaiconapa. Aimixnet'łyi. Titeji łilpal.

¹¹ Tixinyi acueca' cumla, acueca' titeł'mila' lilehui. Totiya tinesc'eyi quixcay cataiqui' LanDios. Aimisuej'memma, ti'hua ti'eyi quixcay.

12 Łocuena capaluc quema'a, iłque cal camts'us, ixcua'fipa iłpe al cuecaj pana' cuftine Éufrates. Ixnaj'ma laja'. I'i'ma to lane. Iłpiya tiye'me lan tsilaj rey naipalyomma liyuf'ma 'ora.

13 Lijou'ma aixim'mola' afantsi lan tałcue. Iłniya ontahue. Anuli cal tacue ipanni lico cal dragón. Łocuena ipanni lico cal cuecaj coyac' quinneja. Łocuena ipanni lico cal profeta nofelłaiquepa. (Iłque cal profeta copa'a łocuena cal cuecaj coyac' quinneja.)

14 Iłne lontałcue ontahue. Epi'impola' liłmane ti'ełe al cueca'. Tıpalumma, tiyeyi ni petsi li'a łamats', tefot'łela' lan rey. Ticuaitsi al Cuecaj Quitine iłne lan rey tıfuli'i'me ŁanDios. Ma' iłque cal Cuecaj Ts'ipenic'.

15 “ıTołcuejle! Litine aimal'huaijma lan xanuc' iya' cacuaihuo. Ma to micuaihuo lin-nantsepa tołta'a iya' cacuaiya. Al c'a lo'iya cal xans ja'ni ti'hua timaf'i', ja'ni aimipa'e łıpijahuati. Cacuaitsi iya' tıxoj'ma queta iłque. Ja'ni a'i, ja'ni tıxmay, tıxim'ma calaic'ata, tıxinguf'moxi to amila.”

16 Lontahue efot'łem'mola' lan rey petsi cuftine Armagedón. Tołta'a lipuftine ataiqui' hebreo.

17 Łocuenaj capaluc quema'a, iłque cal caitsi, ixcua'fipa łahua'. Lijou'ma tıpalquinni ułfxi jıłpe al Paxi Lugar. Tıpalquinni ma jıłpe lexpats'qui li'nof'quiya, ticua: “Joupa ixhuaita”.

18 Tıxcaflay, tunalequi, tıja'ayi, inu'ma acuecaj cunanto. Lan xanuc' nomana' li'a łamats' aiqııłsina' ni anulemma tołta'a cunanto.

19 Łamats' petsi lilajnyopa al cuecaj quiłya' epanni. I'i'ma afane'. Lan tsilaj quiłelołya' lan nación ecangenni, etełquenni nulemma. Iłe al cuecaj quiłya' cuftine “Al Cuecaj Babilonia”, ŁanDios i'nujuaitsi lixcay li'epa jıłpiya. Aiquimenc'ejma. Ticuxe'ela' lan xanuc' tıxnałe lopa'a iłiya litaza, tıxnałe lipoyac' ŁanDios. Tama aimicuayi, ŁanDios tıxnai'i'mola'.

20 Jahuay łamats' isla ejac'pola', aits'ihuájtsola' ni anuli lijuala.

21 Iyuj'ma acueca' qui'ay cacui. Anuli anuli li'ay cacui lipicumta oquej nuxans kilo. Ecangaf'caitsola' lan xanuc'. Iłne iłxingufco'me acueca' juaiconapa iłe latełcoya, tołiya inesc'e'me quıxcay cataiqui' ŁanDios.

17

1 Icuai'ma pe laifpa'a anuli łapaluc quema'a. Iłque anuli iłne lan caitsi liłhuhuaic' liłtaza. Alpalaic'o'ma, ałmi: “Łepá. Camuc'ito' lo'iya łaca'no' xonca cal xujc'a, małque nocutsafya jıłpe łaja. ŁanDios tıteł'mi'ma.

2 Lan tsilaj rey nocuxepá li'a łamats' ihuej'me łaca'no'. Ihuej'me jouc'a lan xanuc' nomana' ni petsi li'a łamats'. Tıjanaj'me juaiconapa, i'ıpola' camac'ta to lisnaye.”

³ Iya' i'huapa laipicuejma'. Łapaluc quema'a al'hua'e petsi ailopa'a quilya'. Iłpiya aiximpa łaca'no' ticutsafya cal cuecaj coyac' quinneja. Iłque linneja unxali. Jahuay licuerpo inilingiya łafiné. Iłne łafiné tetets'iyi ŁanDios. Tipa'a acaitsi łijuac, imbama' łipecala'.

⁴ Lipijahua' łaca'no' unxali cumi jouc'a unxali. Tipa'a lila'acoyoxi ilanc'ecompa a'oro jouc'a apic' acueca' lipitali, jouc'a aperla. Limane i'nołi anuli al taza lilanc'ecompa a'oro. Iłiya al taza imanna jahuay al xujc'a, iłe lo'epa iłque cal xujc'a caca'no', imanna jahuay laxits'epa.

⁵ Łepali inilingiya lipuftine, iłe ticua: "Iya' ninBabilonia. Nincuecaj quilya'. Iya' ił'máma' jahuay łaca'no' no'epá quixcay, ił'máma' jahuay iłniya petsi no'epá laxits'epa ŁanDios." Iłe linilingiya emiya cataiqui'. Ticuicomma tuhuałc'inłe.

⁶ Aixim'ma imeyojpa łaca'no'. Iłque ima'apola' lixanuc' ŁanDios, iłne i'huexi. Ima'apola' ts'ilihuequi Jesús, noya'apá litaiqui'. Ixnapa liłjuats'.

Laixim'ma łaca'no' ałspajma juaiconapa. Aines'ma: "¿Te cocuajmaispa iłe laiximpa?"

⁷ Łapaluc quema'a ałmi: "¿Te coxpajcopo'? Iya' cuhuałc'e'e'mo' iłe lemiya cataiqui'. Cami'mo' te ts'i'ic' lo'onłcospola' łaca'no' y cal cuecaj coyac' quinneja ts'itaic' acaitsi łijuac, imbamaj łipecala'.

⁸ "Joupa oximpa cal cuecaj coyac' quinneja. Małque copa'a luyaipa quitine, itsiya ailopa'a, ticuaiconno, tif'ajyohuo al cuecaj pu'hua lacui'impá al Abismo. Tijouł'a tima'am'me nulemma. Lan xanuc' nomana' li'a łamats' tixim'me linneja łocuaiconaya. Iłque nopa'a luyaipa quitine, itsiya ailopa'a. Tixim'me laxpaiqui'. Tołta'a ti'i'mola' iłne petsi liłpuftine aiquinilingiya al je'e. Iłe al je'e petsi linilingiya liłpuftine pe napenufpá al c'a liłpitine aimijouya. Lilajmpa li'a łamats' iłna'a łafiné joupa inilingiya jiliya al je'e.

⁹ "Pe ts'ac'a liłpicuejma' iłne ticuec'e'me laifmipo'. Lan caitsi łijuac linneja, iłne acaitsi liłjualay. Iłpe ticutsafya łaca'no'. Lan caitsi liłjualay jouc'a ti'onłcospola' acaitsi lan rey.

¹⁰ Iłniya lan rey, amaxxi' joupa iłonc'empola' micuxeyi. Anuli ticuxe itsiya. Łocuena ticuaihuo, ticuxe'ma. Iłque locuxeya aimicołya.

¹¹ "Cal cuecaj coyac' quinneja nopa'a luyaipa quitine, itsiya ailopa'a, ticuaiconno, iłque ocuenaj rey, cal paico. Tijouł'a ticuxele iłne lan caitsij rey, iłque ticuaihuo, ticuxe'ma. Tijouł'a tejac'ma nulemma.

¹² "Limbamaj quecala' loximpa, iłne locuenaye lan rey. Iłniya aiquirepenufi locuxeyacu, tepenuf'me. Iłne y cal cuecaj

coyac' quinneja tepi'im'mola' liñmane. Ticuxe'me to anuli 'hora. Aimicoťyacola'.

¹³ Ìne lan rey, anuli liñpicuejma'. Tixpic'e'me, ticuayi: 'Aimaťcuxeyacu illanc' caťuca'. Toťiya timetsaicom'me cal cuecaj quinneja. Tihuejcom'me iťque'.

¹⁴ "Tijouľa' jahuay iñiya tixtuc'o'me, tifule'me Ła'huaj Moľ. Ìque Ła'huaj Moľ iťPoujna jahuay lapoujnalá, iťRey jahuay lan rey. Toťiya tulij'mola' laixtuc'opá. Petsi noyemalepá, joupa ijoc'ipola', i'huif'epola', iñiya aimenajyacoťsi, ti'hua tiyema-leyi."

¹⁵ Łapaluc quema'a aľpalaic'ocona'ma, aľmi: "Łaja łoximpa pe łocutsafya ľaca'no', iñiya ti'onťcospa to lanxpela' xanuc', ituca' ituca' liñnación, łopalaipa ituca' ituca' liťaiqui'.

¹⁶ Cal cuecaj coyac' quinneja jouc'a limbamaj quecala' łoximpa ìne tixtuc'o'me lixcay caca'no'. Tetets'i'me, texic'e'me limane, tipo'no'me quituca', amila. Tehuaitsoj'me lipixic', tite'me. Tipi'e'me lipecať.

¹⁷ "Ma ŁanDios nicuxepola' liñpicuejma' ìne limbama' lan rey. Toťta'a i'e'me loxpicepa ŁanDios, ihuejco'me cal cuecaj coyac' quinneja. Ìque ticuxela'. Tijouľa' tenanťa' jahuay loya'apa litaiqui' ŁanDios, łoyac' quinneja aimicuxeconaya. (Ma mehue'e' menanťi loya'apa litaiqui' ŁanDios, ti'hua ticuxe iťque łoyac' quinneja. Tijouľa' tenanťa' aimicuxeconaya.)

¹⁸ "Łaca'no' łoximpa ti'onťcospa to al cuecaj quiťya', ìe liťya' incuxepa, ticuxela' lan rey nomana' ni petsi li'a ľamats'."

18

¹ Lijou'ma aixim'ma łocuena capaluc quema'a imuyonni lema'a. Acueca' apaxi iťque. Epalc'o'i'ma jahuay li'a ľamats'.

² Acueca' y axpaiqui' liľala'ima. Iľala'ima ujfxi, tuya'e': "Joupa ecangemma, i'ipa camats' al cuecaj quiťya' Babilonia! Itsiya ailopa'a xanuc' iľpiya, timana' ma le'a lontahue. Iľpiya timana' lan xujc'a contahue, timana' lan xujc'a cacaťhui naiyulpá, iñiya pe lan xanuc' texts'eyi.

³ Luyaipa quitine tixoqui quileta lan xanuc' quiyoyomma lan nación tiyeyi tĩsulfoťaiyi jĩpe al cuecaj quiťya'.

Hiya liťya' ti'onťcospa to quixcay caca'no', i'e'mola' lan xanuc' camac'ta to lisnaye.

Lan rey nomana' li'a ľamats' tihuejyi liťya' to mihuejyi lixcay caca'no'.

Nocucalępá ti'najnufyi locujyacu, ticujconayi ulij'me acuecaj quiť'huexi."

⁴ Aicuej'ma łocuena tipalay pu'hua lema'a, timila' lixanuc' ŁanDios:

"Imanc' aixanuc' tolipalunca jĩľpiya liťya'.

Ja'ni aimolipalumma tonť'e'me lixcay to lo'epa iľpiya.

Tijoula' imanc' jouc'a lan xanuc' nomana' jilpe liya'
titef'mim'molhuo' anuli.

⁵ Axpe' camats' ti'eyi juaiconapa lixcay.

Ile lipixcay i'ipa to anuli cal cuecaj quijuala, icula'apa icuaita
lema'a.

Itsiya linca, LanDios aimilonc'e'eyacola' lijunac'.

⁶ Ihiya liya' ma to li'e'epolhuo' imanc' tof'e'econtsa xonca.

Ile lixcay li'epa, totpai'iconte oquemma.

Ihuants'i lixcay lof'napa, imanc' tofhuants'i'me xonca lixcay
loxnaya.

⁷ Ihiya liya' i'epoxi to acuecaj caca'no', ilque nipajmpa ac'a,
tenant'li jahuary lojanajpa.

Itsiya imanc' tofitef'mile juaiconapa, tixinla' acuecaj cumla,
tixhuefcola', tijojla'.

Luyaipa quitine ticua: 'Jifa'a cacutsu, cacuxe to cal cuecaj
quincuxepa.

Iya' a'i nimpotsate, jouc'a aimaf'iya tof'a'a.

Aicaxhuefcoya ni cajojya, ni anulemma.'

⁸ Ile linespa aiqixpic'e LanDios, tohiya icuaico'ma latefcoya.

Ile litine jilpe liya' lan xanuc' tixim'me lamaya, tixim'me
lumemma, tixhuefmot'le'me, tijojhualque'me.

Lipaf cunga tipi'e'ma nulemma liya', ti'i'ma capi', tejac'e'ma.

Tipa'a acueca' lipujfxi lafPoujna LanDios, ilque Notef'miya ile
liya'."

⁹ Lan rey nomana' li'a lamats' tixim'me tif'aqui licuxis mepi
liya'. Luyaipa quitine ilne lan rey ac'a lomajmpa jilpe al cuecaj
quilya'. To cal xujc'a caca'no' ilque liya' tepi'ila' lojanajpa.
Itsiya ihniya tijolijyi, tija'ayi.

¹⁰ Tecaxofyi aculi'. Tixpailiquila'. Lunga tipi'enni jiliya liya',
timiyyi:

"¡Babilonia, ima' uncuecaj quilya'!

j!ma' mujfxi quilya'!

Joupa ixcaiyofpo', uncuanuc', aiqicoi lotefcopa.

Tijoula' ma le'a to anuli 'hora joupa etefquemmo'."

¹¹ Nocualepa' nomana' li'a lamats' jouc'a tijolijyi, tixhuefcoyi
acueca' quihuotsoqueya. Itsiya, znaitsi no'najá ts'it'it'ic' ihniya?
Ailopa'a no'najá. Joupa etefquemma liya'.

¹² Ihniya nocualepa' it'it'ic' al 'oro, al plata, lopic' acueca'
quipitali, jouc'a lam perla. It'it'ic' al c'a quijahua' al fujca,
jiliya cuftine lino, jouc'a lijahua' ummangaic' unxatcumi jouc'a
unxali. Jouc'a it'it'ic' lijahua' aseda. It'it'ic' al c'a c'ec, tujuej
c'a, it'it'ic' lilajncopa amárfil, it'it'ic' lilajncopa al c'a c'ec acueca'
quipitali, it'it'ic' lilajncopa abronce, lilajncopa atejma', it'it'ic'
lilajncopa lapic cuftine mármol.

¹³ It'it'ic' cal canela, jouca' lupá c'ec lojuepa c'a, jouc'a lipa' c'ec,
jouc'a licat'la al 'ec cuftine mirra, jouc'a al 'ec cuftine olíbano.

Itaic' al vino, laceite, jouc'a cal 'harina trigo, jouc'a lan trigo. Ithecola' lam mot'ł, jouc'a locuenaye quinnejá. Jouc'a ithecola' lai huale, ithecola' lan carro jouc'a li xanuc' joupa i'nampola'. Jouc'a ithecola' locuenaye lan xanuc' ticuj'me.

14 Nocucalépá timiyi liya':

“Te lofjanajpa aimapenufconaya, jahuay al c'a loftepa joupa ailopa'a.

Al c'a lopi jahua', jahuay łola'acoyoxi, joupa ejac'pa nulemma, aimoxingonaya.”

15 Nocucalépá jouc'a no'najualepá itne nolijpá juaiconapa jilpe al cuecaj quilya', itniya tecaxołaiyi aculi'. Tixpailiquila' lungá. Tipi'enni liya'. Tijolijyi, tixhuelcoyi acueca' quihuotsoqueya.

16 Ticuayi:

“Ay, acuanuc' ita'a al cuecaj quilya'.

Li'ipa i'huáqui to łaca'no' łetejyoxi al c'a, lipi jahua' ilajncopa lan c'a quijahuati, to al fujca quijahua' cuftine lino.

Jouc'a ilajncopa lunxalcumí quijahua', jouc'a lunxali quijahua'.

Ipo'no'ma hila'acoyoxi ilajncopa a'oro, ilajncopa apic' acueca' quipitali, jouc'a lam perla.

17 Icoł'ma ma le'a anulij hora liteł'mim'me.

Luyaipa quitine acueca' i' hueca, itsiya joupa ijounapa.”

Tecaxołanna aculi' lan xanuc' nocuxepá liłbarco, jouc'a noyepá lam barco, jouc'a jahuay no'epá canic' jilpe łaja.

18 Lixim'me licuxis pe ilpe lepipa al cuecaj quilya' tija'ayi, ticuayi: “¿Te tipa'a acueca' quilya' lo'onłcospa to itiya al cuecaj quilya'? A'i. Ailopa'a co'onłcoya.”

19 Tija'ayi, tijolijyi, tixhuelcoyi acueca' quihuotsoqueya. Tejuaf'iyoltsi capi' liłjuac'. Ticuayi:

“Ay, acuanuc' juaiconapa jiliya al cuecaj quilya' Babilonia.

Luyaipa quitine acuecaj tomí tipa'a jilpiya.

Liłpoujnalá jilne lam barco loyepá łaja tulijyi juaiconapa.

Jilpe liya' ti'naji hitaic' liłbarco.

Itsiya joupa ejac'pa; ma le'a anuli 'hora icoł'ma liteł'mimpa.

20 ¡Tixojla' cunlata imanc' nołmana' lema'a!

Imanc' ixanuc' ŁanDios, imanc' unlihuequi Jesús,

imanc' unc'iprofeta noluya'apá loxpicepa ŁanDios,

jahuay imanc': ¡Tixojla' cunlata!

Joupa etelquemma al cuecaj quilya', ite liya' itel'mipolhuo',

itsiya ŁanDios itel'miconapa, i'epa łija li'e'epolhuo'.”

21 Anuli cal cuecaj capaluc quema'a ipulaf'ma cal cuecaj caxpehui capic, ecajm'mi'ma łaja, ticua:

“Itque cal cuecaj capic nulemma necajm'mipa łaja, if'acaipa, aimipajnconaya, aimixingonayacu.

Ma tołta'a etełquemma al cuecaj quilya' Babilonia, if'acaipa, aimipajconaya.

²² Luyaipa quitine jilpe liłya' tunayi lił'harpa, tunac'liyi, tifus'miyi liłflauta, tifus'miyi liłtrompeta.

Itsiya a'i, ilpiya aimunaconayacu.

Luyaipa quitine ilpiya timana' lan xanuc' acuecaj liłpicuejma', tilanc'eyi al c'a.

Itsiya a'i, ilpiya aimixingonayacu ni anuli cal xans ts'ipicuejma'.

Luyaipa quitine jilpe ticuequinni hilepic molino, titaijyi lan trigo.

Itsiya a'i, joupá i-ch'ixcopa, aimicuejconayacu.

²³ Luyaipa quitine jilpe ulif'iya epalałc'o' łajut'li.

Itsiya a'i, i'ipa pangay muf, jilpe aimulif'iconaya, ni anuli lepalc'o'.

Luyaipa quitine jilpe tixoqui quileta tipalaic'oyołtsi, temalliyi, ti'eyi liłjuic.

Cal xans tipalaic'o lipeno, łaca'no' tipalaic'o hipe'ailli'.

Itsiya a'i, aimicuejconayacu tołta'a, aimipalaic'oconayołtsi.

Luyaipa quitine ipalunca jahuay li'a łamats', tiłcuaiyumma jilpiya lan tsilaj xanuc' nocucalępá, ticujyi liłtaic'.

Itsiya aimi'econayacu tołta'a.

Ima' cumBabilonia, to cal bruja tofel'mila' jahuay lan xanuc' nomana' li'a łamats'."

²⁴ Ipe al cuecaj quilya' Babilonia ixim'me lixcuajaiquemma liłjuats' ilne lam profeta, lixcuajaiquemma liłjuats' lixanuc' ŁanDios, ilne i'huexi ŁanDios. Ma jilpe liłya' ixim'me jouc'a lixcuajaiquemma liłjuats' jahuay noma'ampola', ilne lan xanuc' naihuejpa ŁanDios. He liłya' itaiyinge łajunac'.

19

¹ Lijou'ma aicuej'ma tipalaiyi ujfxi axpela' lan xanuc' pu'hua lema'a, ticuayi:

"¡Aleluya! ¡X'najtse'eya łalPoujna ŁanDios! İlque joupá ulijpa.

Timetsaiconłe anDios, ma le'a ilque cal Cueca', ilque quituca' nipajnya ti'ay.

² No'epá quixcay a'i munłu'enyacola',

ŁanDios titeł'mi'mola', alijca titeł'mi'mola', aimuyaipa xpijma.

Itsiya joupá iteł'mipa łaca'no' no'epa acuecaj quixcay.

Ni petsi li'a łamats' iyu'iyalepa lipixcay qui'ejma', itac'uiyalepa ti'ete tołta'a.

Ima'apola' lixanuc' ŁanDios pe no'epá lipenic'.

ŁanDios joupá iteł'mipa lixcay caca'no', ipai'iconapa li'e'yalepa."

³ Tinesconayi:

"¡Aleluya! ¡X'najtse'eya łalanDios!

Lilya' ti'hua tipi, aimipica, ti'hua tif'aqui lipicuxis."

⁴ Lan nuxans malujxi' lan tsilaj xanuc' noxpijpá lataiqui', jouc'a lam malujxi' lam paxi quinneja, exc'ontingotai'me LanDios Nocutsuya pe li'nof'quiya. Ticuayi:

"Amén, tołta'a ti'ıta'.

ıAleluya! ıX'najtse'eya LanDios!"

⁵ Tipamma lataiqui' pe lopa'a li'nof'quiya, timila' lan xanuc': "Jahuay imanc' nonł'epá lipenic' LanDios łotPoujna, imanc' nołsimpá acueca' LanDios,

ja'ni unc'atsocay xanuc', ja'ni unc'atsilaj xanuc',

ıtixojla' cunlata, tołs'najtsi'ıte LanDios!"

⁶ Aicuej'mola' tocomma to juaiconapa axpela' lan xanuc' tipalaiyi. Aicuej'ma lopalaipa tocomma to ti'nixma axpe' caja', tocomma tunalequi juaiconapa. Ticuayi:

"ıAleluya, x'najtse'eya LanDios!

ııque ałPoujna, ticuxela' jahuay, ma le'a ııque ałRey, ma le'a ııque ticuxe.

⁷ ıTixojla' calata alunac'lıte!

Ałmıte: 'Ma' ima' manDios'.

ıtsiya ijuic Ła'huaj Moł, ılejma lipeno.

ııque łahuats' joupa imetsaicompa, ailopa'a quehue'e'.

⁸ Joupa epi'ımpa lipijahua' juaiconapa tunts'ıfqui, ıte alino afujca.

Tołta'a ılipijahua' lepi'ımpola' petsi i'huexi LanDios,

ııniya mimana' li'a lamats' i'epá al c'a."

⁹ Łapaluc quema'a ałmi: "Tainiıta': Ti'e'eta' juic Ła'huaj Moł, tilecola' lipeno. Ixojma quileta lan xanuc' lijoc'ımpola' ııiya al juic." Jouc'a ałmi: "Al linca laimipo'. Maııiya itaiqui' LanDios."

¹⁰ Iya' cola' nexc'ontingai'ma łapaluc quema'a. ııque ałmi: "Aı. Aımo'e'me tołta'a. Ma' anuli łalpenic' iya' ima' jouc'a lopimaye noya'apá litaiqui' Jesús. Taxc'onlıngaiıta' ma le'a LanDios. ıllanc' naluya'apá litaiqui' Jesús, jahuay nınc'ıprofeta, ałmuc'ınga' cal Espıritu Santo."

¹¹ Aixıngonapa exiya lema'a. ıııpe tipa'a anuli cal fujca caihuala. ııque łenafcaic' łaihuala cuftine: ııque Aımixospa. ııque Noya'apa al Linca. ııque miteł'mila' lan xanuc' ti'ay al ııjca, jouc'a aııjca tifulicojma.

¹² Li'u' tocomma to ııpał cunga. ııjuac tipa'a axpe' corona. ıııpiya tınııjnya lipuftine. ııque linca ticuec'e ııiya laftine, locue-naye aıımicuec'eyı.

¹³ ııpoxqui unxali lipijahua', ummanc'ecompa ajuats'. ııque ııpuftine: Litaiqui' LanDios.

¹⁴ Axpela' ııejmale, ııne nomana' lema'a, lif'as soldado. ııenafcaic' jouc'a lan fujca caihuale. ııpo'nohua ıılipijahua' ıılanjncopa al c'a quıjahua' cuftine alino. ıııya ııjahua' afujca juaiconapa, tunts'ıfqui.

15 Lico tipamma al cuecaj cutsilo juaiconapa quix'ay, tixcai'eco'mola' lan xanuc' nomana' li'a lamats'. Acueca' ipujfxi ticuxe'mola'. Timuc'i'mola' lan xanuc' lipoyac' LanDios, itque cal Cuecaj Ts'ipenic' Nocuxepola' jahuay, ixtupa. Titehmi'mola', ti'huailsuf'mola' to mi'huaillequi'me lan uva, tipa'anni lijya'.

16 Lipijahua' jouc'a litungu li'mis inilingiya lipuftime ticua: Iya' xonca cacuxela' jahuay lan rey. Iya' itPoujna jahuay lapoujnalá.

17 Aixim'ma anuli lapaluc quema'a tecaxijnnya pe lopa'a cal 'ora. Tipalaic'ola' jahuay lan tsilaj cacal'hui miyulyi nolojmay lema'a. Timila': "Tonlouyunca. Tolafot'etsotsi petsi LanDios lo'eyopa licuecaj juic.

18 Tohte le lipixic' lan rey jouc'a lipixic' lincuxepá soldado, jouc'a lipixic' lan soldado, jouc'a lipixic' laihuale jouc'a lipixic' lilenafcaic'. Tohte lipixic' jahuay lan xanuc'. Ja'ni quituca' nocuxepoitsi, ja'ni lipoujnalá ticuxela', ma' anuli tohte lipixic'. Tohte lipixic' lan tsocay, lan tsila' jouc'a."

19 Aixim'mola' cal cuecaj coyac' quinneja y lan rey nomana' li'a lamats', jouc'a litsoldado. Joupa efohumma tifuli'i'me lenafcaic' cal fujca caihuala, jouc'a tifuli'i'moitsi lisoldado.

20 Inolim'me cal cuecaj coyac' quinneja jouc'a hiprofeta nofel'miyalepa. Itque liprofeta li'ipa epi'impá quimane cal cuecaj coyac' quinneja ti'ela' al cueca'. Tohta'a ifel'mi'mola' pe nepenufpá lisello cal cuecaj coyac' quinneja. Ine lan xanuc' exc'onlingoai'me cal imagen, itque lo'onlcospa to linneja. Ine loquexi', ma quitmaf'i', i'nij'mim'mola' al cuecaj capa imanna cunga, tipi lazufre.

21 Lenafcaic' quipihuala pe lapaiyomma lico al cuecaj cutsilo, tima'ala' locuenaye lixanuc' al cuecaj coyac' quinneja, tima'acola' ihiya al cutsilo. Lan tsilaj cacal'hui naiyulpá lema'a titejn-nila' lipixic'. Ti'hua titeji tixhuaitsola'.

20

1 Aixingo'ma ocuena lapaluc quema'a. Timuyomma lema'a. Inic' liyahui al cuecaj pu'hua. Jouc'a limane inic' al cuecaj cadena catejma'.

2-3 Lapaluc quema'a ti'noli cal dragón, itque lainofal nopa'a al te'a, lacui'impá Lonta'a Satanás. Ifi'e'ma. Inij'mi'ma al cuecaj pu'hua. Tipajnla' imbamaj maxnu camats'. Itatinc'i'ma cal sello. Aimipahuo cal dragón. Aimifel'miconayacola' lan xanuc' nomana' li'a lamats'. Tixhuaitsi limbamaj maxnu camats' tux'masquim'me huata.

4 Aixim'ma axpe' lan tsilaj asiento. Nocutshuołanna jilpiya epi'impola' liłmane ticuxete. Ine aikuexc'onlingoai' cal cuecaj coyac' quinneja, aikuexc'onlingoai' cal imagen

lo'onłcospa hinneja, aiquirepenufi lisello hinneja, aiquireningiya lilepali ni liłmane. Iniya naihuejpá Jesús, noya'apá litaiqui' LanDios, toliya ima'ampola'. Tama ima'ampola', li' alma imaf'i'. Timana' pe lopa'a Cristo. Imbamaj maxnu camats' anuli Cristo ticuxeyi.

⁵ Iniya lan tet'ła ĩmaf'i' inapola'. Tijouła' limbamaj maxnu camats' locuenaye limanapola' timaf'ina'me.

⁶ Tixoqui quileta lan tet'ła ĩmaf'i' inapola'. Ine linca ixanuc' LanDios, i'huexi ilque, aimimaconayacola' oquemma. Lamaya aimima'aconayacola' nulemma. Ine e'aillí LanDios, e'aillí Cristo, ti'eyi lipenic'. Limbamaj maxnu camats' tiyejmale'me Cristo, ticuxe'me anuli.

⁷ Tixhuaitsi limbamaj maxnu camats' tux'masquim'me Satanás. Jiłpe lifingiya tif'ajnahuo, tipahuo.

⁸ Ni petsi li'a łamats' ti'hua tifel'mila' lan xanuc', lan nación, ine pe aimihuejyi LanDios.

Lan xanuc' lacui'impola' Magog, nocuxepola' łacui' impa Gog, Satanás tefot'łela' tifule'me. To axpe' cal cuixa łopa'a łema caja, tołta'a axpela' iniya, aimi'iya mixhuej'menyacola'. Tifule'me.

⁹ Tipalyomma ni petsi li'a łamats'. Icuaiyunca pe lefołya lixanuc' LanDios. Jiłpe al cuecaj quilya' pe ts'ipic'a LanDios, małpe lomanc'epa lixanuc', if'em'mijpá. Aiximpa iłpe ecangemma cunga lema'a, tipi'ela'. Joupa i'ipola' capi' lan xanuc' pe aimicuec'eyi LanDios.

¹⁰ Cal Satanás nifel'miyalepa, i'nij'mim'me al cuecaj capa imanna cunga, tipi łazufre. Małpe lapa ti'nij'minni, joupa i'nij'mimpola' cal cuecaj coyac' quinneja jouc'a ĩprofeta ĩnifel'miyale. Itine ipuqui' tixinłe acuecaj cumla. Aimijouya latełcoya, ti'hua ticoli.

¹¹ Lijou'ma aixim'ma anuli al cueca' quexpats'qui li'nof'quiya afujca. Aixim'ma naitsi jiłpe łocutsuya. Lema'a y łamats' aimi'iya micolayacola' pe łopa'a jiłque, tejac'mola'. Aimixinconayacola'.

¹² Aixim'mola' limanapola', lan tsila' y lan tsoyay. Tecaxolanna jiłpiya. Lan je'e pe linilingiya li'epa joupa uxpalaifquimpa. Iłpe aixim'ma łocuenaj je'e uxpalaifcona'me. Jiłpe inilingiya liłpuftine petsi nepenufpá liłpitine aimijouya. Cal Juez tixhue lan je'e linilingiya li'epa limanapola'. Lijou'ma timila' lo'iyacola'.

¹³ Ine lomanapola' nomana' łaja ipalyonca. Jouc'a ipalunca petsi cuftine Hades, petsi Lamaya ummepola'. Limanapola', ma' anuli to li'epa, ti'i'ma lo'iyacola'. Tołta'a lomipola' cal Juez.

¹⁴ Jiłpiya al cuecaj capa imanna cunga ti'nij'minnila' Lamaya jouc'a iłe al lugar cuftine Hades.

¹⁵ Jilpe al cuecaj capa imanna cunga, ti'nij'minnila' jouc'a jahuay petsi aiqunilingiya liɬpuftine jile al je'e. Iñiya petsi ninilingiya liɬpuftine, pe joupa nepenufpá liɬpitine aimijouya, aiqui'nij'minnila'.

21

¹ Aixim'ma al ts'e quema'a y ats'e łamats'. Ailopa'a caja. Lomana' itsiya lema'a y li'a łamats' joupá ejac'pola'.

² Aixim'ma al Paxi Quiɬya', iɬe al ts'e Jerusalén imuyomma lema'a pe lopa'a ŁanDios. Iñiya al cuecaj quiɬya' etejyoxi juaiconapa al c'a, ma to metej'moxi łahuats' namaneya, litine tilecola' hipe'ailli'.

³ Aicuej'ma anuli tipalay, iɬque łopa'a jilpe lexpats'qui li'nof'quiya. Tipalay ujfxi, ticua:

“¡Toxinla', icuaico'me ŁanDios y lixanuc', itsiya timajm'me anuli!

ŁanDios tines'ma: 'Iñe linca aixanuc', iya' ilenDios'.

Iɬque hilenDios aimecanujyacola' quilituca'.

⁴ ŁanDios tetufc'ena'mola' lilujay lixanuc', aimijolijconayacu.

Iɬpe litine aimi'ya camaya, tijouna'ma nulemma.

Aimixhuełmot'łeconayacu, aimijolijconayacu, aimitełconayacu cumla.

Ti'ila' tołta'a joupá ipaicopa jahuay.”

⁵ Nocutsafya lexpats'qui li'nof'quiya ticua: “¡Toxinla'! Ca'e'econghua ats'e.” Ałpalaic'opa, ałmi: “Tainiłijnla' laifmipo' itsiya. Al linca laitaiqui', aimipaicoya.”

⁶ Ti'hua ałpalaic'o, ałmi: “Joupá enanłpa jahuay laimipo'. Iya' ał'onłcospa to łainila cal A, jouc'a ał'onłcospa to łainila cal Z. Iya' aipangopa jahuay, iya' jouc'a cajou'ne'ma jahuay. Pe łaicuipa quija' iya' cuhui'i'ma quija', tixnał' petsi laipayomma laja', iɬe lapi'ya lipitine aimijouya. Aica'najtsi'ya, ma le'a cuhui'i'ma tixnał'.

⁷ “Cal xans nolijya, tołta'a ti'i'ma, tołta'a tepenuf'ma. Iɬque ai'hua, iya' enDios, aicacanjya.

⁸ Ituca' lo'iyacola' pe notaipá calaic'ata, iñe aimalihuequi. Jouc'a ituca' lo'iyacola' pe aimal'huaiyinge, jouc'a iñiya lan xujc'a xanuc', jouc'a noma'ahualepá, jouc'a nahuepá quilecał'no', jouc'a lam brujo, jouc'a naxc'onłngolaipá lilendiosla', jouc'a linfel'miyalepá. Jahuay iñiya tepenuf'me lapi'iyacola'. Tecajm'mim'mola' al cuecaj capa imanna cunga, tipi łazufre. Tołta'a lo'iyacola' pe nomaconayacola' oquemma.”

⁹ Jilpe lema'a lan caitsi capaluc' quema'a liluhuaic' liłtaza, iñe imanohıla' lan caitsi lijoucola' catełcoya, anuli iñiya lapaluc' quema'a ałpalaic'o, ałmi: “To'huanni. Lepá. Camuc'ito' łahuats' namaneya. Ła'huaj Moł tileco'ma.”

10 Lijou'ma aixim'ma to i'hua'ma laipicuejma', aḥeco'ma al toncay anuli cal cuecaj quijuala itoqui. Aixim'ma al Paxi Quiŷya' Jerusalén timuyomma lema'a pe lopa'a LanDios.

11 Ita'a liŷya' epalc'o'. Lipepalc'o' maḥe lipepalc'o' LanDios. Ma to munts'ifqui lapic acueca' quipitali, ma toḥe tepalc'o'i al Cuecaj Quiŷya', tunts'ifqui to lapic cuftine jaspe, cangufca i'huáqui.

12 Canumicay liŷya' tipa'a cal cuecaj quitoqui caitaḥ. Ihiya laitaḥ tipa'a imbamaj coque' lipuertá. Jiḥpe cal puertá tecaxoḥanna lapaluc' quema'a, anuli anuli al puerta. Iḥpe cal puertá inihingiya liḥpuftine limbamaj coquexi' linaxque' cal xans Israel, iḥne laḥtatahueló. Apuerta apuerta tipa'a lipuftine.

13 Iḥpe laitaḥ lehuoc'ocojma laipammaiyomma cal 'ora tipa'a afane' cal puertá. Lehuoc'ocojma lo'huayomma ḥujfxi cahua' tipa'a afane' cal puertá. Lehuoc'ocojma lo'huayomma ḥahua' quema caja tipa'a afane' cal puertá. Lehuoc'ocojma lof'acaiyopa cal 'ora tipa'a afane' cal puertá.

14 Iḥpe liḥpitaḥ liŷya' itsahuecomma imbamaj coque' lapic'. Anuli anuli lapic tinihiñya anuli laftine. Liḥpuftine iḥne limbamaj coquexi' lan apóstole, iḥne ts'ilihuequi La'huaj Moḥ.

15 Lapaluc quema'a ḥaḥpalaic'o'ma itaic' ḥoxpijcompa. Tocomma al ḥaj-jaxa, ilajncopa a'oro. Tixpijta iḥpe liŷya' jouc'a lipuertá, jouc'a liḥpitaḥ.

16 Liŷya' ma' anuli lipitoqui lipexpats'qui. Lapaluc quema'a tixpicufi liŷya'. Lixpicufpa imbamaj coquej mil estadio. Liŷya' lipitoqui, li'nofquiya, lipexpats'qui ma' anuli lixpicufpa. Iḥne limbamaj coquej mil estadio ixhuitsi to oquej mil, oquej maxnu kilómetro.

17 Tixpicufi laitaḥ ma to mixpicufyi lan xanuc', ma toḥe tixpicufi lapaluc quema'a. Iḥque laitaḥ tixhuaispa anuli maxnu oquej nuxans malpu codo. (Tocomma to afane' nuxans y amaque' metro.)

18 Laitaḥ ilajncopa lapic cuftine ajaspe. Liŷya' ilajncopa a'oro xonca al c'a. Tunts'ifqui to al pulu lepaquiya.

19 Pe lipanc'micopa liḥpitaḥ liŷya' i'huáqui ac'a juaiconapa, ilanc'empa al c'a. Iḥpiya timana' imbamaj coque' lapic', acueca' ipitali iḥniya lapic'. Cal te'a capic ajaspe, lihuequi azafiro, ḥocuena a'ágata, ḥocuena a'esmeralda,

20 ḥocuena asardónica, (iḥque a'onix), ḥocuena acornalina, ḥocuena acrisólito, ḥocuena aberilo, ḥocuena atopacio, ḥocuena acrisoprassa, ḥocuena ajacinto, lijoujma capic a'amatista.

21 Limbamaj coque' lipuertá ilajncopa aperla. Anuli anuli lipuerta ilajncopa anuli cal perla. Al cuecaj cane liŷya' ilajncopa a'oro xonca al c'a. Tunts'ifqui to lepaquiya al pulu.

22 Ipiya aicaixim'ma xoute'. Ailopa'a. Ipiya liya' tipa'a laPoujna LanDios, ticuxe jahuay. Lan xanuc' texc'onlingolaiyi LanDios, texc'onlingolaiyi La'huaj Moł.

23 Ni cal 'ora ni cal mut'la aimepalc'o'i liya'. Aimicuicomma. Ma LanDios lipepalc'o' tepalc'o'i, La'huaj Moł jouc'a epalc'o'.

24 Ihe lipepalc'o' ipe liya' tepalc'o'ila' lan nación, tiyele al c'a lan xanuc'. Ipiya liya' tihcuaispa lan tsila' quincuxepá nomana' li'a lamats'. Ihtaic' cal cueca' quih'huexi tipo'nota jipe.

25 Cal puertá timanemma exiliya. Ipe pangay quitine. Aimimufc'o'. Ailopa'a quipuqui', aimixnif'miya cal puertá.

26 Ipe tihcuaispa lan xanuc' quiyouyomma jahuay lan nación. Tihcuai'espa al cueca' quih'huexi, jahuay al c'a li'hueca.

27 Jipe titsulfaiyi ma le'a lan xanuc' linihingiya lipuftine lije'e La'huaj Moł, ile al je'e petsi linihingiya lipuftine pe nepen-ufpá lipitine aimijouya. Aimitsufaiya jipiya petsi aime-tenma LanDios. Jouc'a aimitsuflaiyacu pe no'epá al xujc'a, ni nofel'miyalepá.

22

1-2 Lapaluc quema'a amuc'i'ma al pana'. Jipe al pana' a'i quije'laja', tunts'ifqui to lepaquiya al pulu. Al pana' tipayomma lexpats'qui li'nof'quiya pe lomana' LanDios y La'huaj Moł. Tinu al cuecaj cane liya'. Jahuay noxnapá jile laja' ti'hua ts'ihmaf'i'. Lema tema al pana' tipa'a al 'ec. Notepá h'as ile al 'ec tepenufyi lipitine aimijouya. Amut'la amut'la al 'ec ti'atsi. Tixhuaitsi anuli camats' joupá i'aspa imbamaj coquemma. Afxi hipela, tixal'mela' lan xanuc' nomana' lan nación.

3 Jipe tipa'a ma le'a letenlcocopa LanDios. Licuajquimpa ailopa'a. Maıpe liya' tipa'a lexpats'qui li'nof'quiya pe lomana' LanDios y La'huaj Moł. Lan xanuc' naimetsaicopá LanDios to quih'Poujna, iipiya ti'eyi lipenic', texc'onlingolaiyi pe lopa'a.

4 Tehuelojnyi li'a La'huaj Moł, lipuftine tinihijnya hilepali.

5 Ipe ailopa'a quipuqui'. Aimicuicomma quepalc'o', ni lepat'ora ni ocuena quepalc'o' to lapalc'o'ipa lamats'. Lip'Poujna, ilque LanDios, tepalc'o'ila'. Lixanuc' ticuxe'me, aimijouya ihcuxejma.

6 Lapaluc quema'a amı: "Al linca jile lataiqui' laifmipo'. Ma tołta'a ti'i'ma. LanDios, ilque ih'Poujna lam profeta, alummepa iya' epaluc. Amuc'ipa lo'ıya. Lixanuc' no'epá lipenic', LanDios ipic'a ti'ila' quih'sina' ile lo'ıya."

7 "ıToxinla! Aimałcoıya. Ma cacuaihuo. Tixoqui queta naitsi nopo'nopa cuenna loya'apa LanDios, ile litaiqui' linihingiya fa'a ita'a al je'e."

8 Iya' ninJuan joupá aicuejpa ihniya lataiquı, joupá aiximpa li'ıpa. Toııya nexc'onlingai'ma li'mitsi' lapaluc quema'a, ilque lamuc'ıpa tołta'a, ile joupá ninıpa fa'a al je'e.

⁹ Łapaluc ałmi: "A'i. Aimo'e'ma tołta'a. Jahuay ał'eyi lipenic' łatPoujna ŁanDios, ima' jouc'a lapimaye lam profeta, jouc'a no'epá cuenna lominiłijmpa fa'a ıłta'a al je'e. Taxc'onłingaiłta' ŁanDios."

¹⁰ Jouc'a ałmi: "ıłta'a al je'e aimoxpats'ijm'ma lisello. Jifa'a tınıłijnya lixpıc'epa ŁanDios. Itsiya aimicołya, ma ti'i'ma.

¹¹ Cal xans latentłocopa lixcay lo'epa, ti'hua ti'econłta' lixcay. Cal xans latentłocopa al xujc'a lo'epa, ti'hua ti'econłta' al xujc'a. Cal xans latentłocopa al c'a lo'epa, ti'hua ti'econłta' al c'a. Cal xans pe i'huexi ŁanDios ti'hua tihuejla' ŁanDios, aimenaj'moxi."

¹² "ıToxinłta'! Aimałcołya. Cacuaicoconno. Lan xanuc' to lo'epa, ma' anuli tepenufconame. Cacuaiyunni, lan c'a xanuc' tepenuf'me al c'a. Lixcay xanuc' tepenuf'me lixcay.

¹³ Iya' ał'onłospa to łainila cal A, jouc'a ał'onłospa to łainila cal Z. Aipangopa jahuay, jouc'a jahuay cajou'ne'ma. Iya' ninTe'a jouc'a niıoujma."

¹⁴ Tixoj'ma quileta petsi jounpa epajpa liłpijahua', ŁanDios tixim'mola' limpio. ıłniya tepi'i'mola' liłmane titełe hi'as al 'ec lapi'iyacola' liłpitine aimijouya. Titsuflai'me cal puertá, timajnta jıłpe al Paxi Liłya'.

¹⁵ Łuna timana' lan xujc'a xanuc' lo'onłospola' to lan tsilqui. Jouc'a timana' lam brujo, jouc'a pe nahuepá quilecal'no', jouc'a noma'ahualepá, jouc'a pe naxc'onłingołaipá lilendiosla', jouc'a pe natets'ipá al łınca, jouc'a linfel'miyale.

¹⁶ "Iya' ninJesús nummepa łainepaluc. ıłe laitaiqui' lomuc'impó' cu'ıla' jahuay lapimaye lolafot'łepołtsi. Iya' lanef'epa cal rey David, ıłque aitatahuelo. Iya' capalc'o'i acueca', tołta'a lacui'impa ninXamna Quiliłc'ejma'."

¹⁷ Cal Espıritu Santo jouc'a Łipeno cal Moł timiyi: "ıTo'huanni!"

Naitsi nocuejpa ıłe lataiqui' jouc'a timiłta': "ıTo'huanni!"

ımanc', ja'ni ticui conłja', toliłoc'olaiyunca. Laja' lapi'iyacolhuo' lołpitine aimijouya, tołsnałe. ıłe laja' tepi'im'molhuo', aimi'najtsi'inyacolhuo'.

¹⁸ Lataiqui' liniliya fa'a al je'e ma' itaiqui' ŁanDios, tuya'e' lixpıc'epa. Iya' camilhuo' jahuay imanc' nołquimf'epá: Aimo-latonc'i'me. Ja'ni tolatonc'i'me ŁanDios xonca' titeł'mi'molhuo'. Titeł'mi'mołhuo' to linilingiya jıłta'a al je'e, ıłe tuya'e' lixpıc'epa ŁanDios.

¹⁹ Jouc'a aimoliłonc'e'me anuli lataiqui'. Ja'ni toliłonc'e'me anuli jıłta'a lataiqui' ŁanDios tiłonc'e'e'molhuo' lapi'ipola' lix-anuc', ıłe loya'apa ıłta'a al je'e. Tołta'a aimepi'inyacolhuo' lane mołtejacu hi'as jıłe al 'ec lapi'ipola' lan xanuc' liłpitine aimijouya. Aimołsulfaiyacu al Paxi Quiliłya'.

²⁰ Lataiqui' liniliya fa'a al je'e itaiqui' Nopalaipa itsiya, ticua: "Łınca cacuaiyoconno. Aimałcołya."

Amén. Toŕta'a ti'ila'. Ima' maiPoujna Jesús: ¡To'huanni!
²¹ LaŕPoujna Jesús mouqui mouqui titoc'itsolhuo' jahuay
imanc'. Amén. Toŕta'a ti'ila'.